

清  
實  
錄



宣宗成皇帝實錄(二)

卷六四至卷一三一  
道光四年至七年

# 清實錄

第三四冊

中華書局影印

清 實 錄

(第 三四 冊)

宣 宗 實 錄 (二)

\*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

\*

787×1092 毫米 1/16·74 5/8 印張

1986 年10月第 1 版 1986 年10月北京第 1 次印刷

印數 0,001——1,500 冊

統一書號: 11018·1355—34 定價: 55.00 元



# 清實錄第三四冊目錄

## 宣宗成皇帝實錄(二)

卷六四	道光四年正月	一	卷七九	道光五年二月	二六七
卷六五	道光四年二月	一六	卷八〇	道光五年三月	二八三
卷六六	道光四年三月	三六	卷八一	道光五年四月	三〇二
卷六七	道光四年四月	五六	卷八二	道光五年五月	三二八
卷六八	道光四年五月	七七	卷八三	道光五年六月上	三三四
卷六九	道光四年六月	九〇	卷八四	道光五年六月下	三四八
卷七〇	道光四年七月	一〇七	卷八五	道光五年七月上	三六二
卷七一	道光四年閏七月	一二五	卷八六	道光五年七月下	三七一
卷七二	道光四年八月	一四六	卷八七	道光五年八月	三八五
卷七三	道光四年九月	一六四	卷八八	道光五年九月上	四〇六
卷七四	道光四年十月	一八二	卷八九	道光五年九月下	四一九
卷七五	道光四年十一月	二〇五	卷九〇	道光五年十月	四三七
卷七六	道光四年十二月上	二二六	卷九一	道光五年十一月	四六一
卷七七	道光四年十二月下	二三七	卷九二	道光五年十二月上	四八四
卷七八	道光五年正月	二五三	卷九三	道光五年十二月下	四九八
			卷九四	道光六年正月	五一〇
			卷九五	道光六年二月	五三一
			卷九六	道光六年三月	五五二
			卷九七	道光六年四月	五七一

宣宗實錄

卷九八	道光六年五月	五八六	卷一一七	道光七年五月	九六四
卷九九	道光六年六月	六〇五	卷一一八	道光七年閏五月上	九八三
卷一〇〇	道光六年七月上	六二六	卷一一九	道光七年閏五月下	九九七
卷一〇一	道光六年七月下	六四三	卷一二〇	道光七年六月	一〇一〇
卷一〇二	道光六年八月上	六七〇	卷一二一	道光七年七月上	一〇三六
卷一〇三	道光六年八月中	六八七	卷一二二	道光七年七月下	一〇四〇
卷一〇四	道光六年八月下	七〇六	卷一二三	道光七年八月上	一〇五六
卷一〇五	道光六年九月上	七二三	卷一二四	道光七年八月下	一〇六六
卷一〇六	道光六年九月下	七四八	卷一二五	道光七年九月上	一〇八三
卷一〇七	道光六年十月上	七六六	卷一二六	道光七年九月下	一〇九九
卷一〇八	道光六年十月下	七八七	卷一二七	道光七年十月上	一一一五
卷一〇九	道光六年十一月上	八〇七	卷一二八	道光七年十月下	一二三九
卷一一〇	道光六年十一月下	八二七	卷一二九	道光七年十一月上	一二四三
卷一一一	道光六年十二月上	八四五	卷一三〇	道光七年十一月下	一二五七
卷一一二	道光六年十二月下	八六七	卷一三一	道光七年十二月	一二六八
卷一一三	道光七年正月	八七九			
卷一一四	道光七年二月	八九八			
卷一一五	道光七年三月	九三〇			
卷一一六	道光七年四月	九四〇			



監修禮典官題定日撰修原法官太子太保禮部尚書大學士文淵閣領閣學吏部尚書戶部尚書禮部侍郎翰林院院學士兼管書院  
天府府尹事務總帶加五級紀錄十八次臣曹振鏞總辦官題定撰修官文淵閣書監修禮漢軍都統管理新臺京城內官詹大臣稽察內  
七倉大臣稽察倉司四庫館事務加一級隨帶加六級章加三次臣弘亮步辦理題撰官文淵閣提舉關防兼南宮學監  
內務府大臣親自標滿洲都統稽察內倉大臣管理京人府銀庫在京內官署監導官司理明等處稽搜官斯高傅唐的桑尼夫  
醫院違牌處事務總帶加十八級臣阿璽阿彰題撰官題定撰修官兵部尚書隨帶加六級紀錄二十次臣周馥恭奉

道光四年甲申春正月乙丑朔。

奉先殿行禮。○誦

堂子行禮○遣官祭

太廟後殿。○率王以下文武大臣詣

壽康宮慶賀

皇太后禮成御太和殿受朝作樂宣表如儀○

譜

大高殿

壽皇殿行禮。○御乾清宮。賜皇子親藩等宴。○

上御重華宮。茶宴廷臣。及內廷翰林。命和

御製民和年豐詩韻○展賑直隸通三河武清

寶坻。薊。香。河。寧。河。霸。保。定。文。安。大。城。固。安。永。

清東安。大興。宛平。清苑。安肅。定興。新城。望都。

雄。高陽。安。新安。河間。獻。任。邱。天津。青。靜海。無。

極。豪城。新樂。趙。隆平。寧晉。定。三十八州縣。上

年被震災民一月。緩徵本年額賦。並緩涿昌。

黎樂亭博野容城蠡祁阜城肅寧交河景故

城東光滄阜平行唐南和平鄉鉅鹿任雞澤

威○清○河○大○名○元○城○南○樂○清○豐○豐○潤○玉○田○冀○南○

宮。新河。武邑。衡水。武強。饒陽。安平。曲陽。深澤。

藥。南皮。正定。良鄉。房山。昌平。順義。懷柔。盧龍。

滿城。唐完。束鹿。吳橋。鹽山。獲鹿。藥城。靈壽。平

山晉邢臺沙河唐山廣宗永年邯鄲曲周開

遵化棗強柏鄉高邑深七十二州縣暨清軍

廳應徵本年額賦有差○給江蘇上元江寧

句容高淳六合江浦江都儀徵吳江震澤常

熟。昭文。崑山。新陽。青浦。太倉。鎮洋。長洲。元和。吳華亭。婁。金山。江陰。銅山。豐。沛。睢寧。二十八州縣。並揚州。徐州。二衛。上年被水。軍民一月口糧。○給安徽懷寧。桐城。宿松。望江。南陵。貴池。銅陵。東流。當塗。蕪湖。繁昌。無為。廬江。巢。和。含山。全椒。十七州縣。及各屯衛。上年被水。軍民一月口糧。○貸河南武陟。濬。安陽。臨漳。內黃。修武。滎澤。湯陰。汲。淇。陽武。汝陽。正陽。十三縣。上年被水。災民籽種口糧倉穀有差。展賑。武陟。濬。兩縣災民一月。○給山東館陶。冠。恩。臨清。武城。五州縣。上年被雹被水。災民一月口糧。緩徵本年額賦。並緩德。聊城。清平。莘。濮。范。朝城。邱。夏津。長山。蘭山。郯城。費。鄒。平。汶上。濟寧。魚。臺。十七州縣。及德州。東昌。臨清。三衛。本年額賦。及漕項。河銀有差。○貸齊齊哈爾。黑龍江。墨爾根。三處。上年被災。旗丁籽種糧石。○丁卯。

高宗純皇帝忌辰遣官祭

裕陵。上詣。奉先殿。壽皇殿行禮。○詣。關帝廟拈香。○戊辰。上以上辛祈穀於上帝。自是日始齋戒三日。○己巳。諭內閣。近來各倉監督。俱不能實力整頓倉務。甚或通同舞弊。致花戶等。玩法營私。益無忌憚。屢經懲辦。尚不悛改。嗣後各衙門保送監督。應如何定立章程。方可得人。著軍機大臣。大學士。會同戶部堂官。悉心妥議具奏。○諭禮部。左侍郎總理太常寺事務。舒英。本年係親詣朝日壇行禮之年。上年朕已親詣行禮。今年明年進本時。著專請遣官。○修江西德化。建昌。南昌。新建。四縣圩隄。從巡撫程含章請也。○給浙江仁和。錢塘。海寧。秀水。嘉善。海鹽。歸安。烏程。長興。德清。武康。諸暨。十二州縣。上年



被水災民及橫浦浦東袁浦青村下砂頭二等場竈丁一月口糧○貸江西德化德安瑞昌湖口彭澤星子都昌建昌南昌新建進賢鄱陽餘干萬年十四縣上年被水災民籽種口糧○貸湖北黃梅廣濟監利三縣及屯坐各衛上年被水軍民籽種口糧○貸湖南澧安鄉武陵龍陽四州縣上年被水災民籽種○貸甘肅皋蘭隴西安定會寧通渭秦武威中衛安西敦煌十州縣上年災民口糧籽種有差○展緩長蘆豐財蘆臺嚴鎮海豐四場上年被水竈丁應繳借領工本銀○給兩淮安豐梁垛東臺何垛丁溪草堰劉莊伍祐新興九場上年被淹竈丁一月口糧○庚午上詣

南郊齋宮齋宿○諭軍機大臣等此次移駐京旗戶口前赴雙城堡已派容照著英小心護送所有該閒散等沿途住宿飯食著順天府府尹直隸總督盛京將軍奉天府府尹吉林

將軍飭令各該地方官妥為支領照料毋令該閒散等滋生事端○添山西塘撥十四處兵十四名馬十四匹從巡撫邱樹棠請也○是日立春順天府進土牛春山寶座○辛未祈穀於

上帝

上親詣行禮○

世祖章皇帝忌辰遣官祭

孝陵○詣

皇太后宮問安○壬申諭內閣朕恭擬三月叩

謁

東陵以伸誠悃但直隸兩年收成歉薄而彼時正值青黃不接之時民力維艱著暫行停止前往再今歲秋獮木蘭允宜遵循

成憲肆武綏藩然不可不審度時事量為展緩所有今歲熱河亦著停止此朕不得已之苦衷非敢耽於安逸也直省文武大吏務當體朕之心以為心懲黜昏墨獎勵賢能凡有益

於民者。盡心講求。廣為撫卹。期吾赤子共免顛沛流離之苦。以佐朕順時休養之至意。毋忽。特諭。○貸浙江回空守凍幫船接濟銀。○癸酉。享。

太廟。命皇長子奕緯。恭代行禮。○遣官祭。

太歲之神。○諭內閣。已革邊門章京呢克通阿。於砍木賊匪。受賄縱放。實屬藐法。著於本處加枷號一箇月。滿日即發往新疆充當苦差。佐領西勒西肯。防禦達桑阿。失察所派馬。

兵受賄縱賊。並奸匪多名。偷砍偷運。實與故縱無異。俱著革職。所得杖徒。照例折枷。防禦恆玉。查見砍倒樹株。不行呈報。著革職。其失察私木率行結報之界官。防禦多凌阿。署界官。驍騎校恩車亨。佐領觀德。城守尉宗室來靈。及失察邊內堆存私木之鑲白旗界官。並該管地方官員。俱著交部分別議處。○頒福建省城新建鳳池書院。

御書扁額曰正學明道。○予江蘇宿遷縣捐建。

鍾吾書院紳士葉峻嶺等旌獎如例。○修湖北荊州府萬城大隄。橫塘以下各工。從總督李鴻賓請也。○甲戌。

上詣

雍和宮行禮。○陝西巡撫盧坤奏。陝省社穀缺額六十餘萬石。關中遼闊。轉運維艱。須以足食為先。乘此年穀順成。諭令各屬捐輸。務期儲備有資。得旨。必應辦之事。貴在詳慎妥實。勉為之。○哈密幫辦大臣西朗阿。因病解任。

賞內閣侍讀學士嵩惠頭等侍衛。為哈密幫辦大臣。○乙亥。

上詣

皇太后宮問安。○御紫光閣。賜王。公。貝勒。蒙古王。公。貝勒。台吉。及呼圖克圖。外藩使臣等宴。並賞賚有差。○丙子。

上詣

大高殿行禮。○幸圓明園。○詣。

安佑宮行禮。○丁丑。諭內閣。孫玉庭等奏遵查。



吳淞運道一摺。吳淞江為漕運經由要道。前因間有淤淺。請將重運改由黃浦泖湖行走。惟挑浚甫經四載。因何復有淺阻。令該督等詳查妥議具奏。茲據查明連年各處河道來源不旺。海潮挾沙而進。清水無力刷滌。以致間段淤淺。並非原挑不實。現在太湖水旺。吳淞積水猶深。第來源弱。旺靡定。難以目前勘測為準。而上海南匯川沙三縣廳糧艘。自改道黃浦泖湖。前後凡經五運。並無風水之虞。其吳淞一帶。歷年行走亦屬穩便。嗣後著該督等令該司道臨時相度。吳淞消長情形。定該三縣廳漕船趨行之路。免致逐年臨時具奏。以歸簡易。○又諭將攸銛奏請借款造船運木。以濟要工一摺。前因奉天省採辦欽工木植。東省船隻難以裝載。降旨令將攸銛循照舊章。由直隸雇船赴岫巖大孤山海口接運。茲據奏稱天津等縣海船與東省船隻短窄情形相同。艙內不能安放大木。至熟諳大

孤山海道之頭舵水手。東省尚有可雇之人。議請令各船戶自備料物。造成寬大海船十隻。天津船戶承造七隻。寧河船戶承造三隻。分起領運。其頭舵水手人等。責成各船戶。協同現在收泊天津之東省船戶。自赴黃縣覓雇。無庸官為經理。惟造船工費甚鉅。各船戶一時未能全數籌備。著准在天津道海稅內撥銀一萬五千兩。借給天津寧河兩縣海船戶承領。趕緊購料排造。迅速竣工。雇定頭舵水手。限四月初出口領運。其借領銀兩。自道光四年起。分作五年。照數完繳歸款。儻有延欠。即將承領之船戶監追治罪。所造各船運竣工木之後。仍責成該船戶隨時修整。聽其裝運客貨。如官有需用之處。仍聽官為雇用。至天津赴岫巖大孤山運木。應得海程水腳。既無報銷例案。其不敷銀兩。著俟工部覈覆。該督再行妥議奏辦。該部知道。○諭軍機大臣等。本日據琦善奏審訊臨清州教匪馬進

忠糾結謀逆重情。有占據臨清、清河、二州縣後。欲於二月起身搶劫北上等供。詰以同教之人。據孫亮亭供稱。聞周振西向述該犯馬進忠。嗣父馬萬良。曾同孫步雲前往天津。傳徒張學恕。張學忠。李朋年。三人。訊之馬萬良。亦承認。曾至天津傳教。當將周振西、孫步雲拏獲。據孫步雲供出張學恕、張學忠等十二人。皆係馬萬良與該犯所傳習教之人。嚴詰各犯。有無勾結情事。則稱多年並未通過信息。臨清距天津較遠。往返提解。恐要犯聞風竄逸。請飭直隸總督飭拏提訊等語。此案馬進忠糾結謀逆。張學恕等既經習教。難保無與知逆謀。轉傳徒眾。及李朋年等是否實已病故。均應徹底根究。蔣攸銛接奉此旨。即派明幹大員。星馳前往。將琦善單開十二犯。按名密速掩捕。解省嚴訊。該犯等有無傳徒惑眾。及勾結情事。務令水落石出。如另有同教夥黨。即行查拏。嚴究。必須淨絕根株。不留餘

孽。毋庸解往山東審訊。以期迅密。所有琦善單開張學恕等姓名住址。並著鈔給閱看。將此諭令知之。○又諭。本日據琦善奏。審訊臨清州教匪糾結謀逆起事重情。並將已未獲各犯開單呈覽。所辦甚好。此案馬進忠學習乾卦教。膽敢謀為不軌。定於上年十二月十五日。先搶臨清州城。且封官製袍。糾人編號。派捐米石。可恨之至。經該署撫先期訪獲。並獲首夥要犯三百餘名。甚屬可嘉。該署撫即督同署臬司訥爾經額。就現獲各犯。詳細嚴鞫。究出同夥未獲各犯人名住址。即密速掩捕。以期淨絕根株。不留餘孽。如無別項情節。即可按律定擬具奏。再該署撫前奏臨清州知州馮春暉。臨清協副將玉貴。督率文武員弁。將該犯馬進忠拏獲。此案被獲之由。是否被人首告。抑係該員等訪聞。著該署撫確查。於定案時一併據實具奏。其孫步雲供出張學恕等十二名。已有旨交蔣攸銛密速查拏。

就近審辦矣。將此諭令知之。○協辦大學士兩江總督孫玉庭奏。江浙各郡水患。實由太湖分洩水道不暢所致。查太湖跨江浙蘇常湖三郡。凡杭嘉湖宣歙諸路之水。無不匯歸太湖。由三江分趨於海。在太湖東北為劉河。即古之婁江。東南由黃浦入海者為東江。其中即為吳淞江。自乾隆二十八年大加疏濬之後。雖經先後興挑。然海潮挾沙。日漸淤墊。旱則水不流通。灌溉難資。潦則諸水匯於太湖。僅藉一線吳淞為去路。勢不能不汎溢為患。但地連數郡。工鉅費繁。必須通盤打算。始可次第興辦。得旨。通省水利。攸關甚鉅。豈有坐令貽誤之理。必當隨時相度。計出萬全。方為克稱職守。然要在得有實效。勿徒費周章也。悉心查勘。妥議具奏。詳慎行之。○浙江巡撫帥承瀛奏。遵議浙省各關收稅事宜。惟海關貨物有稅則未及備載之項。現飭比徵定制。另行造冊咨部。刊入木榜稅則。使眾商咸

知遵守。得旨。所辦是。但須實力奉行。不可徒託空言也。○署山東巡撫琦善奏。謝承襲侯爵恩。得旨。汝之實心任事。才守兼優。早在朕洞鑒之中。即現辦臨清一案。若非汝之率屬嚴明。又不知幻出何等情事矣。思及此。朕自喜得人之慶。汝嗣後當加倍忠勤。以佐治理。以副委任。永沐國恩於無窮也。勉之。○戊寅上御奉三無私殿。賜皇子親藩等宴。○御山高水長。賜王公大臣蒙古王貝勒貝子。額駙。台吉。及外藩使臣等食。至庚辰皆如之。○己卯。上詣安佑宮行禮。○御正大光明殿。賜朝正外藩等宴。作樂賜酒。如除夕儀。○諭內閣。慶惠奏。請頒換司員關防一摺。烏什錢局。自嘉慶年間改由阿克蘇鼓鑄。關防係乾隆年間頒發。尚有錢局字樣。其印房司員辦理回夷事務。祇用木戳。亦於體制未合。著照所請。賞給烏什

印房章京關防一顆。並將糧餉局關防篆文內刪去錢局字樣。即著該大臣擬定字樣。咨部照鑄頒發。以昭信守。○庚辰。

上御正大光明殿。賜大學士尚書等宴。○辛巳。諭內閣。程國仁奏收繳烏槍完竣。分別存銷。及籌款給價一摺。民間私藏烏槍。有干例禁。前經通諭各省。出示立限給價收繳。茲據程國仁查明黔省收繳烏槍內。除尚堪選用者。存貯營庫。不計價值。餘俱變價撥抵外。尚需給銀一千五百五十兩零。若令地方官自行捐辦。恐該員等藉口賠累。著照所請。准其於庫存鉛運八斤。節省銀內。照數動支。發給承領。以清墊款。至存留槍數。為守禦地方之用。現經該撫飭令該管官於槍械上鑿刻姓名。編號立冊存案。仍著督飭實力稽察。不使再有私藏。並嚴禁工匠等私造售賣。以杜弊端。其依限收繳之各地方官。著該撫覈實註冊。量予鼓勵。○壬午。諭內閣。博啟圖等奏。請令各

倉監督。值宿巡查。以資防範。京通十五倉。各設有滿漢監督。公同經理。責任綦重。該監督等向不在倉值宿。未免疏於防範。以致花戶經紀等乘機舞弊。無所畏忌。嗣後各該倉滿漢監督。俱著親身駐倉。分班輪流值宿。飭令晝夜周歷巡查。以冀肅清諸弊。該倉場侍郎等。仍隨時密行稽察。勿任有名無實。儻查有曠誤。立即嚴叅懲辦。毋稍姑息。○又諭。齊克唐阿等奏。奏荊州滿營協領等。匿報銷除旗檔之閒散一摺。閒散與順。平素好酒。不聽教訓。經伊母具呈。將伊發遣黑龍江。後在配所復因飲酒不安本分。銷除旗檔。改發貴州。近逢恩詔。免罪釋回原籍。該管官員等。並未聲報。與順應入民籍。又含混詳請。給予錢糧。甚屬錯誤。著將該佐領薩勒杭阿。防禦齡福驍。騎校貴全。協領喜福。左司協領連升。托恩多。布。該司章京強格等。均照齊克唐阿等所奏。交部分別議處。齊克唐阿等。係自行查出。具

奏。伊等察議之處。著加恩寬免。○廣西巡撫成格奏。奏修理城工草率之知縣謝灃。得旨詳細查訊。如有偷減。即行嚴叅。以為不實心任事者戒。○命前任山西布政使廉敬。以三四品京堂候補。○癸未。

上御山高水長。賜王公大臣蒙古王貝勒台吉及外藩使臣等食。○諭內閣。將攸銛奏請將籌撥奉天省採買銀兩。改撥直隸一摺。前因直隸本年春間展賑之後。尚需接濟。飭令戶部動撥銀兩。發交奉天省在錦縣採買粟米五萬石。以備支放。茲據該督奏稱。此項銀兩輾轉籌解。耽延時日。且由海道裝運天津。復須運赴各州縣。腳價等項。未免多滋浮費。請酌量改撥應用。除降旨盛京將軍等。令其停止採買外。著戶部將籌撥採買粟米銀十三萬兩內。即行撥給直隸銀八萬四千兩。迅速解交該省收貯。該督於青黃不接之時。察看各屬情形。如實在乏食貧民。酌借口糧。即以

折色散給。俾資餬口。秋後照例徵還。毋許侵欺虛冒。○又諭。將攸銛奏遵查關稅章程一摺。直隸天津鈔關海稅。近年並無短絀。惟恐日久弊生。自應認真經理。裁減家人。約束書役。俾稅課日期充裕。如查有橫徵等弊。及奸商偷漏情事。隨時分別嚴叅懲辦。至徵收關稅。月有淡旺之分。即課有多寡之別。設有短絀。僅著落經徵在任之員。按月分覈計賠補。恐遇旺月則有餘貲。值淡月則有賠累。未免偏枯。著照所請。統計一年虧短之數。分十二箇月。照舊均攤著賠。以昭公允。而重權務。該部知道。○又諭。松廷等奏據廓爾喀國王來稟。籲懇恩施一摺。廓爾喀噶箕畢穆興塔巴。在該部落出力辦事。該國王倚賴甚深。茲據來稟。籲乞恩施。情詞懇切。噶箕畢穆興塔巴著加恩賞給二品頂帶花翎。以示獎勵。○諭軍機大臣等。陳若霖奏。擊獲興販婦女之江西人黃定邦。李國太。張長高。黃仕章。四犯。並

搜獲小手摺一箇。書寫人物各項別名。及鄙俚歌詞。荒謬難解。訊據黃仕章供稱。黃定邦並非姓黃。即係江西逃逆朱毛。俚質之張長高。李幗太。供詞含糊。黃定邦亦堅不承認。所獲手摺。該犯等初供。係會遇鄉親歌唱寫存。繼又供係添弟會流傳口號歌句。供詞游移。跡涉疑似。現已派委妥員。解往江西質認。審辦。此案黃定邦。是否逃逆朱毛。俚。既經川省解赴江西。一經查訊。真偽無難立辨。著程令章於各犯解到時。提同眼目族鄰。互相識認。務得確實。不許稍有含混。並嚴究所稱添弟會如何傳播。令其供吐確鑿。如有夥犯。隨即嚴密查拏。毋使漏網。若訊明黃定邦實非朱毛。俚。僅止與販婦女。別無為匪不法情事。即將該犯等應得罪名。按律定擬具奏。將此諭令知之。○又諭。寄諭盛京將軍晉昌。前以直隸省需備接濟賑米。節經降旨。該將軍等。在錦縣海口。採買粟米五萬石。並由部撥解銀

兩。以便發價。本日據將攸銘奏。此項部撥銀兩。誠恐輾轉耽延。將來船運到津。已在麥熟時候。且又須運赴各處。需費益屬不貲。懇恩酌量改撥該省應用等語。業已降旨允行。其所需粟米五萬石之處。自可無庸採買。著該將軍等接奉此旨。迅速飭知該地方官。即行停止。將此諭令知之。○直隸提督武隆阿奏。督飭營汛。查緝教匪馬進忠案內未獲各犯得旨。此等習教之人。甚屬可惡。必須嚴密查拏。毋留餘孽。但兵弁等未免遇事邀功。擾及平民。亦不可不嚴行曉諭。務要周妥。慎勉為之。○以廣東澄海協副將張清亮。為瓊州鎮總兵官。○挑江蘇徐州邳宿運河。從協辦大學士總督孫玉庭請也。○修復四川巫山縣屬大昌營衙署營房。卡房。塘房。演武廳。軍裝庫。火藥局。碓房。倉廩。從總督陳若霖請也。○甲申。諭內閣。黎世序奏患病未愈。請賞假調理一摺。黎世序盡力宣防。不辭勞瘁。現因患



病未能速痊。懇請賞假。著給假兩月。並加恩賞人。漫五兩。俾令安心調理。一俟全愈。即奏明銷假供職。所有江南河道總督著孫玉庭暫行兼署。○諭軍機大臣等。本日據黎世序奏。患病請假調理。已明降諭旨。給假兩月。並賞人。漫五兩。俾得安心調養。河督事務。令孫玉庭暫行兼署矣。朕思河務一切事宜。與地方情形不同。非熟諳修防。實心任事之員。不能得力。總在平日留心察看。儲養人才。方足以資任使。孫玉庭兼轄河務。黎世序職任總河。均已數歷多年。於河務人員自必周知有素。著於兩江及豫東兩省司道各員中。有通曉河務。結實可靠者。即密保一二員。據實具奏。將此各諭令知之。○乙酉。

孝穆皇后忌辰遣官祭

暫安園寢。○諭內閣。戶部奏稱。向來豆石抵通。祇於舊太。海運。萬安。儲濟。四倉存貯。每月劄放豆石。亦於該四倉並劄。該花戶等每於舊

豆未完。新豆已收。致滋勒索攪和。壓陳放新等弊。自應將新豆另行派倉存貯。俾免新舊牽混。現在南新。北新。三倉空廢。足敷收貯。嗣後著於南新。舊太。海運。北新。萬安。儲濟。六倉內。何倉先行放竣。即於何倉收貯新豆。其劄放豆石。按定倉口次序。以兩倉並劄。俟一倉放竣。再按次接放一倉。並令該監督等出具並無顆粒陳豆印結。報部查覈。由倉場侍郎派委妥員。查驗屬實。再貯新豆。以清積弊。至各倉滿漢監督。著遵例一員親坐廩口監察。一員在官廳檢査米檔。如有同坐官廳。但委胥役在廩口收放者。責令該查倉御史指名叅奏。儻該監督等有患病等事。毋得私相兼攝。即申報倉場派員署理。仍輪班值宿。以昭慎重。○諭軍機大臣等。本日據倫圖善等奏。採辦撥運直隸粟米。一面委員馳赴錦州。會同地方官採買。一面委員迎護解撥銀兩發價等語。前據蔣攸銛奏請將籌撥奉天省採

買銀兩。改撥直隸應用。業經降旨允行。令戶部籌款撥給。並諭晉昌。明興。阿。將採買粟米五萬石。即行停止。該將軍等。即遵前旨。迅速飭知該地方官及委員等。停止採買。其戶部撥解銀十三萬兩。著即在盛京戶部存貯。至倫圖善等奏。奉天旗民倉貯粟米。現因市價較昂。未便買補。俟糧價平減。再行籌款採買。並著該將軍等。隨時體察情形。妥為辦理。將此諭令知之。○協辦大學士戶部尚書英和等奏。請將王公藍白布甲。民公侯伯生甲。六季稜粟米石。暫照例價折給。以裕生計。從之。○丙戌。

上詣

大高殿行禮。○還宮。○詣

皇太后宮問安。○幸圓明園。○調福建陸路提督許文謨。為浙江提督。浙江提督馬濟勝。為福建陸路提督。○丁亥。

孝聖憲皇后忌辰。遣官祭

泰東陵。○

上詣

恩慕寺。

恩佑寺行禮。○諭內閣。本日據軍機大臣。大學士。會同戶部議奏。保送倉監督。激勸章程一摺。所議是。各倉花戶。飭法。總由監督約束。不嚴。自應慎加遴選。明示勸懲。不可僅應故事。務從其實。以收得人之效。嗣後各衙門保送監督。欽天監。太常寺。鴻臚寺。鑾儀衛。各衙門司員。俱著毋庸保送。現任各員。不必撤回。仍責成該侍郎等。隨時甄別。未補各員。概予註銷。其餘各衙門。仍照向例。令各該堂官。擇其明白體面。兼有才具者。秉公保送。其結實可靠之員。准其奏留再任三年。儻始終奮勉。隨時奏請。即予升途。至京察之年。並著添保一員。滿漢相間輪保。務擇才守俱優者。列為一等。不得先儘坐糧廳大通橋監督。以昭公允。各倉監督。除舞弊得贓。隨時嚴辦。將原保堂

官。交部議處外。其不實心任事者。著該侍郎隨時叅處。庸懦無能者。咨回原衙門行走。並著停升三年。雖俸滿亦不准保送外任。至花戶舞弊。係監督自行查出者。即專治花戶應得之罪。監督失察處分。概予寬免。向例倉監督。給予養廉。祇領半俸。嗣後並賞給全俸。用資辦公。即自本年春季為始。其萬安海運二倉。事務本繁。著該侍郎於各監督內揀員調補。自此次立定章程之後。務各秉公選擇。實心整頓。以杜積弊。而慎倉儲。○又諭。本年係應行查閱湖北。湖南。雲南。貴州。營伍之期。湖北。湖南。著即派李鴻賓。雲南。貴州。著即派明山。逐一查閱。務各認真簡校。如查有訓練不精。軍實不齊者。即將廢弛之將弁。據實劾叅。毋得視為具文。○戊子。

上幸萬壽山。○諭內閣。額勒經額。奏叅賸借兵糧各員一摺。京口駐防蒙古協領哈爾哈善等。豫向丹徒縣支借官兵俸倉米石一月。經

該署縣王臺折發制錢。出給錢帖。分散赴取。此內佐領濃蔭額。復以折價較少。欲換本色米石。據該副都統查明。均屬違例。令將各佐領下所借之項。一律繳出。因係年節。眾官兵難於全數呈繳。懇恩准作五箇月歸楚。此案著交總督孫玉庭。會同江寧將軍普恭。秉公查辦。據實具奏。○己丑。諭內閣。博啓圖等奏。續查出海運倉泰字。地字。二廠稷米。虧缺二千八百餘石之多。從前該監督等如何接收

交代。其中顯有情弊。著刑部即監提已革監督雅隆阿。曹松齡。並革退花戶紀永祥。李銳等。嚴切根究。按律懲辦。該倉各廠存米尚多。必須逐一盤驗。並著戶部將米數較多之旗分。剴行該倉。按月接放甲米。俾得迅速放結。有無虧短。隨時咨明刑部。歸案辦理。至新任監督。例限兩月。具結接收交代。此時正在查辦米石。自應徹底清釐。以後無從弊混。著准其暫緩結報。以昭覈實。○又諭。繼昌奏請將

疏防外火道之千總外委降革示懲一摺外火道八僊桌子溝地方有無知愚民希圖捉牲延燒荒草弁兵疏於防範又未獲犯黃厓關千總張毓麟著以把總降補仍留該處巡緝赤轄峪外委李國福著降為兵丁其黃也子汛兵頭目並著責革該管遊擊塔克興阿守備蘇兆瑞俱甫經到任著從寬免議繼昌係統轄之員著加恩改為交部察議○又諭嵩孚奏遵旨查明各屬報修倉廩分別酌議應修應緩應停一摺前據左輔將湖南省湘鄉等三十一廳州縣倉廩同時奏請興修當經降旨令嵩孚於到任後派員查看實在情形分別興修停緩據實具奏茲據該撫查明湘鄉寧鄉衡陽黔陽保靖石門臨湘東安八縣倉廩業經悉照原估拆修完固所用銀兩著准其報銷惟該縣等於勘估後並不聽候部覆輒即先行拆修均屬不合所有率行領項拆修之前署湘鄉縣事湘鄉縣丞馮宗

煒前任寧鄉縣知縣張仲墀前任衡陽縣知縣嚴煥前署黔陽縣知縣楊志鷺現任保靖縣知縣邱裕霖石門縣知縣何正機並率行墊項拆修之前任臨湘縣知縣林鳳儀前任東安縣知縣曾鏞俱著交部議處前任藩司錢臻於該縣等請領銀兩先行給發轉詳前任巡撫左輔照詳批飭亦屬不合並著交部察議至湘潭瀏陽江華三縣倉廩現經勘明墊修完好惟均未勘估詳題若仍准領項報銷殊不足以昭覈實而杜浮冒既據各該縣自行捐辦著不准其開銷以示懲罰餘著照所奏辦理該部知道○修直隸果渠村大壩埽工從總督蔣攸銑請也○庚寅朝鮮國王李琮遣使表賀萬壽冬至元旦三大節及歲貢方物賞賚筵宴如例○緬甸國王孟既遣使表貢方物賞賚筵宴如例○以故奉恩將軍霍齊孔武子伊里布襲職○辛卯

上幸靜明園。詣

龍神廟拈香。○以大理寺卿劉彬士為都察

院左副都御史。○修山東東阿縣民堤。從署

巡撫琦善請也。○貸江蘇泰興營兵丁兩月

錢糧。○壬辰。諭內閣。朕於二月二十日。恭奉

皇太后。駐蹕南苑。二十五日。回圓明園。隨扈人

等著俱穿行衣。所有應行豫備之處。交各該

處照例備辦。○鑲紅旗蒙古都統哈迪爾。乞

假回籍。以鑲藍旗蒙古都統奕額。兼署鑲紅

旗蒙古都統。○癸巳。

孝儀純皇后忌辰。遣官祭

裕陵。○諭內閣。恭纂

皇考仁宗睿皇帝實錄。現屆告成。所有皇史宬

盛京尊藏本二分。首頁應列前銜。著查照舊

式。將監修總裁曹振鏞戴均元。英和。汪廷珍

四人銜名。排次繕寫。○又諭。據綿課等奏。恭

修

裕陵

隆恩殿工程完竣。著派原估大臣穆彰阿。前往

敬謹查驗具奏。○甲午。

上還宮。○詣

皇太后宮問安。○以寧夏副都統卓爾琿保署

寧夏將軍。

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十四

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十五

監修總纂官禮部侍郎臣等奉 上諭 著將 宣宗實錄 卷之六十五 著交 禮部 纂修 欽此

天所降 聖訓 著交 禮部 纂修 欽此

七倉大臣 著交 禮部 纂修 欽此

內務府大臣 著交 禮部 纂修 欽此

醫館 著交 禮部 纂修 欽此

教修

道光四年甲申二月乙未朔諭內閣蔣攸銘

奏倉廩逼近河岸請添築柴壩一摺白溝河  
地方萬年倉廩恭貯

陵糴米石據該督勘明逼近河岸亟應建築柴  
壩二道以資保護著准其在司庫水利生息  
銀內撥給新城容城二縣趕緊購料分段承  
修工竣覈實驗銷該部知道○實授繼昌馬  
蘭鎮總兵官兼總管內務府大臣○展緩河  
南安陽湯陰臨漳林內黃汲新鄉輝獲嘉淇  
延津滑濟封邱考城武陟修武原武陽武滎

澤永城杞陳留蘭陽儀封虞城睢寧陵二十  
八廳州縣接徵河工加價銀○

上以祭

社稷壇自是日始齋戒三日○丙申諭內閣朕  
聞京畿近來市集糧價騰貴貧民口食維艱  
亟應量為接濟著於五城分設廠座發給倉  
貯米五萬石平價糶賣俾窮黎均霑實惠該  
城御史務妥為經理並著都察院堂官隨時  
前往各廠嚴密稽查如有奸胥市儈冒領因

積居奇立即嚴拏懲辦其設廠定期並撥用  
何項米石及如何減價之處該部查照向例  
迅速妥議具奏○丁酉祭

先師孔子遣大學士托津行禮○遣官祭  
文昌帝君廟○諭內閣前經戶部奏請將大  
通橋車戶承買豆石永遠停止茲據博咨圖  
等奏稱車戶每歲於新漕未到之先豫雇長  
車小車共二百八十輛向准承買豆石除交  
例價外餘銀雇給車價及臨時添車加價之



需。近因各項價值倍增。辦運已形竭蹶。若再行停止。運務不無阻滯。自係實在情形。著照所請。准該車戶等照舊承買官豆二萬石。於奉天省運通豆內。照數截撥。應交例價銀兩。即按卯坐扣通濟庫歸款。其石土兩壩軍白糧經紀。因腳價不敷。歷經奏准承買奉豆二萬石有案。現在辦運拮据。亦著照車戶等一律准其承買二萬石。俾資津貼。此係朕加恩調劑。該侍郎等務當認真經理。杜絕弊端。不得再有所藉口也。○又諭。本日據軍機大臣會同戶部堂官議覆松筠等奏。遼務章程一摺。所議是。吉林遼務。節經定立章程。而攬頭刨夫。尚形苦累。自應量為調劑。所有綏芬烏蘇里產遼山場。住山過冬刨夫。著准其仍復舊規辦理。並令各攬頭舉熟悉刨夫。令在蘇城蘇子海訥思屯呢滿口等處尋採。按額交上等好遼。挑騰餘遼。方准賞給售賣。如有成色朦混情弊。即著落賠換。重責示懲。其每年

留山刨夫。不得過每票人數之半。如有事故。該攬頭於放遼票前。註冊更換。責成押票章京。隨時稽察。儻潛居透漏。從重究治。稍有疏縱。將該員等分別議處。並著守卡弁兵查驗。勿任黑人夾帶私遼。以昭嚴密。至松筠等奏請在小綏芬雙城子達壩河一帶。屯田墾種。以供刨夫糧食。耕植採遼。本難兼顧。辦給農具。殊形繁費。且道里遼遠。官兵稽查難周。尤恐別滋事端。轉啓奸民窩藏寄頓等弊。著毋庸議。朕因松筠熟悉吉林情形。簡畀將軍重任。乃一赴新任。遇事紛更。種種錯謬。松筠不勝吉林將軍之任。吉林將軍仍著富俊補授。富俊覆奏刨夫攬頭等苦累情形。請援照慶慶初年遼餘銀兩。每兩酌減六七兩。以十三四兩抽收。以裕商力。及屯兵交倉糧石。糶價不敷原奏四錢之數。並著富俊於到任後。察看該處情形。據實詳晰具奏。○又諭。穆彰阿著補授理藩院尚書。松筠即補授左都御史。

此係朕眷念舊臣格外施恩賞給差使松筠務慎守本任舊章毋得仍蹈故轍致干咎戾○諭軍機大臣等現因黎世序出缺已明降諭旨將張文浩補授江南河道總督令其馳驛前赴新任矣惟是直省水利工程上年查勘情形俟春融後次第興修勢難中止著蔣攸銑於直省道府中擇其通曉河務結實可靠者保舉一二員俟奏到時降旨責令專辦河防事宜以資委任將此諭令知之○以署工部左侍郎張文浩為江南河道總督○贈故江南河道總督黎世序尚書銜晉太子太保○修湖北監利縣任家口吳謝垵漫缺隄塍從總督李鴻賓請也○戊戌祭

大社

大稷

上親詣行禮○諭內閣前因京畿市集糧價增昂降旨令五城設廠平糶本日戶部具奏撥米減價各章程著照所議即於北新倉撥給

粳米三萬石秈米二萬石分給五城即速平糶粳米每石著減制錢八百文以一千九百文出糶秈米每石著減制錢一千文以一千五百文出糶仍照向例毋許逾限多買致啓奸胥市儈囤積居奇之弊糶賣錢文照例解部所需車腳等項均查照向例辦理向來各廠平糶時弊端百出並有偷漏米石及辦理不善擠壓傷人等事著即責成各該城御史嚴查妥辦並著都察院堂官隨時前往稽查至各廠存貯米石仍照上年奏定章程即由步軍統領衙門選派員弁會同司坊官員分廠常川住宿嚴密訪查偷漏以昭慎重此係朕軫念窮黎務須認真妥為經理以期實惠及民用副朕有加無已之意○又諭韓文綺奏游揚兩關各情形一摺前因各省關口百弊叢生虧短日甚降旨令各該督撫察看情形詳加覈議茲據韓文綺將該省之游擊關及揚州由關二關體訪利弊列款具奏所有

該關向設委員。並分查家人。每與丁胥通同一氣。分肥舞弊。嗣後委員務擇持正廉明。每關各派兩員。半月一輪更替。在關稽察。各稅口家人。亦著酌定名數。不准濫派。其冗書白役。一併裁汰。以杜影射。至商船貨稅偷漏隱匿。例有賠罰之條。若藉此橫徵。且有以正作罰。累商虧課。莫此為甚。並著嚴行申禁。如有漏稅。照例示罰。毋許增多。應罰商船。立即押令貨主繳款放行。不得勒指扣留。俾便行旅。

又漕船重運回空。例准攜帶土宜。因丁舵等逾額攬裝。往往於例外多帶。致多漏匿。嗣後著責成押運糧道暨運員等。認真查察。儻有違例任意夾帶。一經查出。即將本犯治罪。領運各官。分別議處。再賠補虧短。許關著仍照道光二年新例。各按各任月日。覈算賠繳。揚關經徵月分。衰旺不同。著每年以三四五九十一等月為旺月。定徵六成。以六七八十二正二等月為衰月。定徵四成。遇閏隨正計。

算。旺月額數稍多。衰月額數較少。如任內無虧。前後任不得攤算。設任內有虧。自行彌補。不得諉卸。前後任庶賠款可期著落。不至常形虧絀。該撫仍當隨時督飭管關各員。遵照章程。實力奉行。毋得視為具文。以裨樞務。○以理藩院尚書穆彰阿兼署都察院左都御史。並鑲紅旗漢軍都統。○以前任福建布政使誠端署江蘇布政使。○己亥。以舉行仲春經筵。遣官告祭。

奉先殿

傳心殿

上御文華殿經筵。直講官長齡。廬蔭溥。進講孟子欲為君盡君道。欲為臣盡臣道。講畢。

上宣御論曰。聖人不外乎道。人倫首重君臣。為君者體天立極。敷治綏猷者也。然而分治不能無人。宣猷亦資襄贊。譬之調羹濟川。安得舍鹽梅舟楫。則人臣有賴焉。夫君也者。天道也。臣也者。地道也。人君四海為家。萬民為念。

實惠均霑。虛文不尚。若懷朽索之駟。而措磐石之安。未嘗一息怠安。啓百年因循之漸。不敢一事奢侈。開後世華靡之風。人臣體此。以君心為心。以君事為事。身家之念。輕股肱之力。瘁體國經野之謨。竊恐忽諸夙夜。大法小廉之戒。要期無愧影衾。書曰。后克艱厥后。臣克艱厥臣。君臣一體。上下合德。蓋有厚望焉。直講官那清安。姚文田。進講書經。慎乃儉德。惟懷永圖。講畢。

上宣御論曰。千古帝王。所以肇造開基。奄有四海者。未聞以奢侈示天下。蓋奢侈必由於縱欲。欲既縱。收之實難。而萬姓無由化導。且易開趨慕之風。久則難於圖治。旨哉伊尹之言。誠百世為君之明訓也。夫興工作。尚靡麗。不足以與言儉。固已。即好大喜功者。徒極一時之盛。而流弊隱寓於無窮。亦何可與言儉哉。所謂儉者。宮室必期其卑也。飲食必期其菲也。不欲以一己之奉累天下。以天下之利還

之天下。凡夫粟米力役之征。不能不用民力。而用之必以道。必以時。正所以為之計長久也。計長久。斯深宮之旰食宵衣。兢兢業業。祇以克儉為心。烏敢自以為德。用保我不基於無窮。可不慎乎。禮成。

上幸文淵閣。賜講官及聽講諸臣茶。復賜宴於本仁殿。○詣

皇太后宮問安。○遣官祭

關帝廟。○諭內閣。據松筠奏。籌備雙城堡續

蓋移駐京旗閒散房閒木植。請於一棵松舊地。劃分界址。砍伐木植。運赴雙城堡。備蓋房間應用。並分撥拉林阿勒楚喀壯丁。墾種收租。為兵丁立馬之需。是否於該處官兵。俱有裨益。著交新任將軍富俊到任後。察看情形。據實具奏。○又諭。據松筠奏。請以每年吉林馬廠地租。公用閒款。籌給兵丁馬匹。先行借款買馬。年終收租交庫。遞年如此辦理。並墾閒荒地。畝收租存公。為買補倒斃馬匹等項。

之費。事關整飭武備。總期經久可行。著交新任將軍富俊於到任後。詳察妥議具奏。○以故四川魯密祖卜柏哈土百戶七五錯末孫吹忠策凌襲職。○庚子。

上幸圓明園。○免雲南銅廠民欠無著工本銀。

○辛丑。

孝淑睿皇后忌辰。遣官祭。

昌陵。○諭內閣。禮部將原任河道總督黎世序應得卹典。察例具奏。覽之倍覺惻然。黎世序

宣力河防十餘年來。懋著勤勞。克盡職守。允宜特予恩施。以昭勳績。著加恩賜諡襄勤。入祀賢良祠。並照部議。給與祭葬碑價銀兩。由該衙門撰擬碑祭文。一體頒給。用示朕眷懷蓋臣至意。○前任都察院左都御史史致光。以病乞回籍。允之。○壬寅。諭內閣。本月十四日。大阿哥惠郡王。前往南苑行圍。於三月初二日回圓明園。孟倖著充總諸達。同阿那保輪流跟隨大阿哥等行圍。三月初三日。大阿

哥恭謁

昌陵行禮。所有應行跟隨之大臣侍衛官員兵丁等。著交該處照例派出。○又諭。從前每逢進哨。所有文武大臣侍衛官員等。均看射布靶。明年朕巡幸木蘭。仍照舊例看射布靶。但自嘉慶二十五年以來。此數年間。恐伊等未能勤加演習。著傳諭各處。即為演習步射。明年朕閱看時。務期各臻熟練。儻有生疏平庸者。必從重辦理。斷不輕宥。○又諭。兵部查奏

陣亡官員。請旨補卹。原任廣西都司高黑子。於乾隆年間。在黎城顯南地方打仗未出。業經照例給予減半卹典。茲該部確查該員實係臨陣捐軀。將前議奏請更正。都司高黑子著加恩准其改照陣亡本例。補給卹賞。尋予祭葬。世職如例。○旌表守正捐軀河南偃師縣民周六妻閻氏。○癸卯。諭內閣。那彥寶奏杜爾伯特盟長汗齊旺巴勒楚克。懇請開學習班次之缺。遵員請補一摺。齊旺巴勒楚克

所遺學習班次之缺著扎薩克頭等台吉烏爾固吉庫充補學習行走○旌表守正捐軀河南正陽縣民楊騰瀛妻黃氏○甲辰上奉

皇太后居綺春園○御勤政殿聽政○遣官祭先醫之神○遣官祭黑龍潭

昭靈沛澤龍王之神玉泉山

惠濟慈佑靈渡龍王之神昆明湖

安佑普濟沛澤廣生龍王之神密雲縣白龍潭

潭

昭靈廣濟普澤龍王之神○遣官祭圓明園

惠濟祠

河神廟○以詹事府詹事武忠額正藍旗護軍統領福勒洪阿太常寺卿張鱗為內閣學士兼禮部侍郎銜○以通政使司副使鮑桂星為詹事府詹事○命江西巡撫程含章來京署工部左侍郎辦理直隸水利以江西布政使嵩溥護巡撫○改福建艍舫營遊擊為

水師參將駐噶瑪蘭添設噶瑪蘭營都司一員千總一員外委二員都司駐伍園移伍園守備駐頭園頭園千總駐三貂撥臺灣陸路左營及城守營兵二百名艍舫營兵一百名隸噶瑪蘭營換防臺灣北路及城守營兵四百四十名隸艍舫營均歸參將管轄從總督趙慎畛請也○乙巳

孝康章皇后忌辰遣官祭

孝陵○諭內閣御史王世綏奏請酌撥平糶米

石接濟飯廠一摺前因京畿市集糧價增昂降旨令五城設廠平糶經戶部議定平糶官價較之市價減至大半如該御史所奏次貧者自可餬口有資而極貧之戶及流離覓食之人無錢糶買仍復待哺自係實在情形著加恩於平糶十廠內每廠撥米一千石發交五城御史及順天府尹於京城內外飯廠酌量加米展期散放順天四路飯廠每廠撥米一千五百石其餘米石分撥五城飯廠至平

糴十廠。每廠仍糴米四千石。共糴米四萬石。其糴賣之數。向來每人准買二斗。易啓奸商雇買之弊。此次平糶。著照該御史所請。每人以一斗為限。仍著都察院堂官。及該城御史。遵照前旨。隨時嚴查。務須認真妥為經理。俾窮黎均霑實惠。○又諭。御史劉尹衡奏。請查拏鋪戶雇人代買官米一摺。五城設廠平糶。原期實惠及民。如該御史所奏。向有各鋪戶計誘貧民。雇令代買。以遂其囤積之私。更有無賴棍徒。包庇寄頓。弊端百出。不可不嚴行查究。著步軍統領派幹役。分撥內外城米局碓房左近。不時訪查。遇有此等弊竇。密速嚴拏究辦。儻通同徇隱。即著一併治罪。仍嚴飭該役。毋許藉端滋事。擾累平民。用副朕軫念窮黎至意。○馬蘭鎮總兵官繼昌奏謝實授恩。得旨。喜生事謂之見長。遇事姑容。苟且謂之疲玩。汝其酌中慎勉。以副委任。○丙午上詣綺春園問。

皇太后安。○遣官祭昭忠祠。○諭內閣。理藩院奏。租種長春廳所屬郭爾羅斯扎薩克公旗地之流民。可否仍照前次辦理安插。入於徵租冊內。與蒙古人等納租居住一摺。此項流民。自應照嘉慶五年所降諭旨。一民不准容留。一畝不准開墾。欽遵辦理。乃郭爾羅斯公斡克托克瑚。希圖漁利。私自容留民人。以致新舊流民開墾田地。共至二千七百餘頃。理宜治罪。但斡克托克瑚。已經病故。著加恩寬免。署扎薩克印務之協理台吉巴彥巴圖爾。著照該院所奏。罰五九牲畜。協理台吉托恩多克。罰三九牲畜。未經察出之該通判那麟太。著交部議處。此項流民。若立時驅逐。恐伊等有失生計。著加恩仍照前次辦理。令其按頃與蒙古人等納租。嗣後該將軍稽查民人實數。造冊報院註檔。嗣後一人不准多招。一畝不准添墾。如有私自招民開墾地畝者。該將軍察出。即咨明該院參



奏○賞吉林副都統倭楞奏花翎○丁未諭軍機大臣等本日御史董國華奏兩淮鹽務應行事宜一摺據稱私鹽充斥由於場竈透漏前議官為收買餘鹽無如籌款無多不足抵收鹽之用查商總侵冒案內奏罰銀七十萬兩尚未追清請令照限追繳作為收鹽官項又前議淮北正陽關仿照漢岸添設公店貯鹽平價招販悉聽淮引地面各鹽販至彼發運給與水程到地呈驗行銷並應議行以絕私販而壟官引又淮北久不辦運之商應嚴行裁退另召殷商充補如一時不能得人淮南殷商向有兼辦淮北者請將退出口岸分別著充等語兩淮鹽務疊經清釐款項剔除弊端總期正課商運日有起色該御史所奏是否係現在應辦要務著交孫玉庭會摺逐一詳細確查據實覆奏該御史原摺著鈔給閱看將此諭令知之○又諭本日據趙慎畛奏臺灣鎮總兵觀喜告病一缺已明降諭

旨將留閩補用之總兵明保補授矣前據趙慎畛奏該鎮明保於陸路營伍緝捕事宜尚為明晰惟海洋情形未經諳習經朕降旨將明保撤任仍留閩省遇有陸路總兵相當缺出再行奏補臺灣鎮總兵兼轄水陸營務為全臺重鎮並會同該道辦理一切刑名案件責任甚鉅著該督隨時留心察看儘明保不勝臺灣鎮之任即據實奏聞候朕另行簡放以重海疆毋任貽誤將此諭令知之○以詹事府詹事鮑桂星充日講起居注官○以福建候補總兵官明保為臺灣鎮總兵官○戊申諭內閣富俊奏移駐京旗住房情形一摺雙城堡現修成住房四十所今春移住京旗五十三戶即不敷住前經降旨令該將軍將備料三十六所趕緊修葺以備棲止茲據富俊奏稱吉林地方向無甄灰等窯須招商豫發價銀始能燒造備用自係實在情形著該將軍到任後趕緊再修京旗住房一百所備

來年願往各戶居住。並著嗣後視移住戶口之多寡。豫為蓋房百餘所。令承修工員具結保固十年。每年俱照此辦理。○又諭。松筠等奏。調劑三姓邊務一摺。吉林三姓地方。每年額放邊票。常不足數。該城除燒鍋之外。並藉販買皮張各商。通融津貼。以資接濟。惟該商等應交貂皮稅銀。向在吉林完納。程途較遠。恐滋偷漏。茲松筠等奏請。令就近於三姓副都統衙門納稅。著富俊到任後。體察情形。悉

心籌議。據實具奏。○又諭。嵩溥奏。籌增省城書院經費一摺。粵西省城秀峰宣城兩書院肄業生童。近來就試人數較多。膏火不敷支給。據該署撫查明。庫內膏火項下。歷年盈餘。按道光三年歲底冊報。現存銀三千七百餘兩。又續收銀七百餘兩。共存銀四千四百餘兩。除留備道光四年支用膏火外。尚餘銀三千兩。著准其提出置買田畝。每年所得租穀糶價。即以增添膏火。或於每年甄別之期。

多為錄取。俾單寒之士。藉以專心肄業。用示朕雅化作人至意。○又諭。松筠等奏。雙城堡各項砍伐木植。請由該處協領給發各屯丁照票。令其伐木。並在凉水泉山南迤東。至舒蘭霍倫拉林等河。劃分界址。安設卡倫。其界北空出荒甸。撥給烏拉所屬包衣旗兵墾種。以為補立馬匹之需。俱著富俊到任後。確加查勘。妥議具奏。○又諭。曾燠奏。清查運庫完竣。摺內稱。歷年商捐。有帶繳部飯補平銀十

七萬四千九百三十八兩零。又淮南商捐嘉慶十五年高堰漫口備買柴料銀二萬兩。經前鹽政咨明。未准提用。應請充公等語。此二項銀兩。據該鹽政查明。即在懸墊款內支用。無存。著俟甲申五綱徵齊懸墊後。報部聽撥。自此次清釐之後。該鹽政務將徵收支解各歸各款。毋許再有糾纏。轉不清。並嚴督各商趕緊辦運。年額年銷。俾釐務日有起色。至緝私一事。著各該督撫督飭地方文武員弁。

遵照奏定章程實力巡查毋稍疏縱○己酉上奉

皇太后幸同樂園進膳○諭內閣孫玉庭奏籌撥加賞口糧銀款一摺前因江蘇省上元等處上年被水降旨於今春加賞乏食貧民軍佃一月口糧茲據該督等查明上元等縣衛正賑極次貧民戶口覈計約需銀二十三萬五千餘兩除上年正賑賸銀十二萬九千餘兩抵放外尚有不敷龍江關堪撥銀六萬兩

淮宿關堪撥銀二萬六千兩揚州關堪撥銀二萬兩其吳江長洲等州縣按正賑及次貧戶口除分別歸入捐賑辦理外覈計尚需銀十八萬兩蘇州司庫現存春撥十二萬二千餘兩堪以動用許墅關可撥銀六萬兩著加恩准其按數動撥以資接濟如有餘賸解司還款設有不敷即於司庫正項款內撥給該督等務飭令該管道府州督查戶口覈實開報一俟撥發銀兩親查散放仍隨時嚴密察

訪如有胥役剋扣冒濫情弊即據實嚴參究辦該部知道○又諭舉人侯執璧係包衣漢軍誤由滿洲籍貫考試取中本應斥革惟該舉人從前考試時其年尚幼係伊父誤為報考以致籍貫舛錯今自行據實呈明與被人首告及該管官查出者有間著免其斥革罰停會試一科仍改歸包衣漢軍籍貫其誤行咨送之該旗官著查明交部議處○諭軍機大臣等朕聞雙城堡地方土瘠水少不產樹株柴薪亦無所出此次移駐京旗閒散每戶領墾熟地十五晌荒五晌雇覓人夫種作甚費工本所收糧石即全行變價尚不敷用且現在甫經移駐未經收穫之前每戶給米二石食用頗形支絀雙城堡移駐京旗戶口原因該閒散等生計維艱藉資調劑必當籌畫萬全俾得安居樂業方為妥善著容照著著前往雙城堡履勘悉心諮訪務得實情即多留數日亦可不必急於回京如果該閒散等

在彼居住。實形拮据。松筠督辦此事。身親目覩。何以不據實奏聞。容照著英。與前任吉林將軍。及現任將軍。切不可少有瞻徇。致干咎戾。所有該閒散等墾種地畝。每歲可收穀若干。變價若干。其一切日用之需。是否足敷支用。著即逐一詳查明白。據實具奏。將此諭令知之。○緩徵江蘇上元。江寧。句容。江浦。六合。山陽。阜寧。清河。桃源。安東。鹽城。高郵。泰東。臺江都。甘泉。興化。寶應。海。沭陽。贛榆。銅山。豐。沛。蕭。碭山。邳。宿遷。睢寧。常熟。武進。丹徒。丹陽。金壇。吳江。昭文。崑山。奉賢。上海。南匯。青浦。宜興。荆溪。太倉鎮。洋寶山。川沙。四十七廳州縣。及淮安。大河。徐州。蘇州。太倉鎮。海金山。七衛。上年被水災民額賦有差。○給江蘇銅山縣上年災民一月口糧。○庚戌修直隸保定府南關河開。從總督蔣攸銑請也。○辛亥諭內閣。英惠奏請酌撥糧石。以均積貯一摺。甘肅奇台縣屬之古城地方。設有常平倉。每年額徵

糧石。本屬不敷支放。遇有辦理平糶。及兵民借支口糧。籽種。往往倍形支絀。據該都統查明附近該處之濟木薩地方。倉儲充裕。堪以移貯。自係實在情形。著照所請。准其於濟木薩倉存糧石內。酌撥四萬石。運貯古城倉內。俾資儲備。該部知道。○又諭英惠奏參報墾不實。並扶同加結之員一摺。蘇魯圖試墾地畝。據該都統查明。已革同知德恆。勘報不實。前任鎮迪道現調西寧道德興。派往履勘。未能詳細確查。率據德恆所報之數。扶同加結詳咨。實屬瞻徇捏混。除德恆於另案參革辦理。毋庸置議外。德興著交部嚴加議處。○又諭善雲身係宗室。窩留賊犯。肆竊分贓。較之平人窩贓。情節尤重。著宗人府重責三十板。發往盛京。交該將軍飭令該管官嚴加管束。毋許出外滋事。○諭軍機大臣等。本日都察院奏河南夏邑縣道士張復濱。呈控縣役朱效和等聚眾演武一案。已明降諭旨。交該撫

審辦矣。據張復濱供稱。伊係該縣北門內北極廟住持。有縣役朱效和。綽號重明大王。於上年十二月。同伊兄朱效孟。綽號梁王。伊弟朱毛四。綽號御弟。又有四路總兵馬維新。劉丙戌。陳嘉會。楊振起。並張國和。曹雙等數百人。在廟飲酒。夜聚晝散。每至黎明。向北與朱效孟叩頭。演習大刀長槍鳥槍等器。槍刀器械。共有數百件。又將廟後城牆。拆去數千餘甎。將伊看守。不容進廟。潛逃來京呈訴等語。

著程祖洛即派委妥員。前赴該處嚴密查拏。如果該犯等實有糾聚多人。演習刀槍。及偽編名號情事。此等不法之徒。務須逐名掩捕。提省審訊。根究夥黨。從重懲辦。不可稍有疏縱。將此諭令知之。○壬子。諭內閣。據戶部奏。請先期支放閏月甲米。以裕兵食。而平市價。向例有閏之年。均有恩賞八旗甲米。計十六萬三千餘石。本年閏七月。恩賞該兵丁等米石。著加恩於本年三月豫領。即由戶部定限。

劉倉開放。俾資接濟。若閏月全行坐扣。該兵丁等餬口維艱。本年閏月甲米。仍准屆期支領。其豫領閏月米石。自本年七月起。分作四季扣還。現在豆麥均屬昂貴。除黑豆業於春季分別抵放外。其漕麥一項。俟三月抵通後。即照例於粟米內儘數抵放。如有餘騰。再於稔米內抵放。務令雜糧一律流通。市價不致騰貴。再八旗藍白布甲之米。前經戶部奏請半放折色。著該部仍照舊章。全行放米。毋庸折色搭放。○又諭。哈興阿奏。旗兵招佃地畝。請照舊章納租一摺。喜峰口八旗領催兵二百名。自雍正年間。

恩賞隨缺地共一百六十頃。招佃租種。每年照市斗收糧。俾資養贍。茲據奏稱。自嘉慶十九年。佃戶劉昇等。赴遷安縣。並戶部控訴。地被衝刷。請易倉斗。經該縣令旗兵等。照市斗六升二合五勺。暫行收領。其餘三升七合五勺租糧。存該口巡檢衙門。俟勘丈明確補交。至

道光元年直隸總督委員丈明熟地一百三十六頃餘。彼時未照現丈地數。議定如何納租。該佃戶等前後拖欠十年之久。積至二千餘石。於旗兵生計。大有關係。著交蔣攸銑。即飭該縣照新丈畝數。按市斗交納租糧。以符舊章。並將歷年所存巡檢衙門租糧。如數追出。給該旗兵等收領。毋任宕延。○以廣東龍門協副將林鳴岡為碣石鎮總兵官。○癸丑上詣綺春園問

皇太后安。○諭內閣。前經降旨。令於五城平糶米石內。撥給順天四路飯廠。每廠一千五百石。展期散放。茲據盧蔭溥等籌議。展放糶賑事宜。著照所請。大興縣屬之黃村。采育宛平縣屬之龐各莊。三處飯廠。照舊開設。惟京西盧溝橋一帶。往來通衢。不無外來饑民。著將榆堡村一廠。移至盧溝橋。俾本處及外來流民。均霑實惠。此次所需一切經費。著照嘉慶二十二年成案。於通永霸昌兩道庫內。就近

借撥。由藩司覈實詳查歸款。事竣造冊報銷。現屆青黃不接之時。朕思饑民待哺甚殷。著即於二月內。趕緊開廠散放。俾得早資接濟。該府尹等務認真妥為經理。無使一夫失所。用副朕軫念窮黎有加無已至意。○又諭。直隸連年被水。朕發帑拯濟。至一百數十萬兩之多。並截撥漕糧粟米數十萬石。順天府四路分撥米石。各設飯廠。並兩次平糶。所以撫卹災民者。有加無已。不為不厚。如果地方官

實心經理。俾災黎均霑實惠。何至舍近就遠。四散覓食。近來京城內外饑民甚多。人所共見。且有奪取食物之事。該督等不能督飭各屬妥辦。以致災民流離失所。已可概見。而奔往口外謀生者。更不可以計數。所謂宣力分憂者何居。蔣攸銑。盧蔭溥。申啓賢。均著傳旨嚴行申飭。現在五城分設飯廠。饑民就食者眾。並著步軍統領。順天府。及五城御史。妥為經理。如有向來市井匪徒。藉滋事端。亦即嚴

拏懲創至順天直隸各屬現當展賑之期地方官務各盡心散放毋令出境求食儻再有流民不能得賑輕去其鄉聚集京城則是地方官玩視民瘼朕惟該督及該府尹等是問○諭軍機大臣等原任江南河道總督黎世序夔經降旨優予恩施而追念賢勞彌深軫結特製遣問詩一首著交程祖洛於接奉後俟黎世序靈柩到籍即發交伊家祇領摹泐立石墓前用示朕眷念蓋臣至意將此諭令知之○舉行道光三年大計直隸卓異官十六員不謹官三員浮躁官四員罷輟官二員年老官六員有疾官二員才力不及官五員奉天卓異官二員有疾官一員熱河卓異官一員浮躁官一員江蘇卓異官十一員不謹官三員浮躁官一員年老官二員有疾官一員才力不及官二員南河卓異官一員年老官一員安徽卓異官七員年老官二員才力不及官三員江西卓異官十一員不謹官一

員浮躁官二員罷輟官一員年老官三員有疾官二員才力不及官一員浙江卓異官十一員不謹官七員年老官二員才力不及官一員福建卓異官十員不謹官四員浮躁官二員年老官四員有疾官一員才力不及官一員湖北卓異官十員不謹官二員浮躁官一員年老官三員才力不及官三員湖南卓異官十員不謹官一員浮躁官一員年老官三員有疾官二員才力不及官二員河南卓異官十二員罷輟官一員年老官四員有疾官五員東河卓異官一員才力不及官一員山東卓異官十二員不謹官五員罷輟官一員年老官六員才力不及官四員山西卓異官十二員不謹官二員罷輟官二員年老官二員有疾官三員才力不及官二員陝西卓異官九員不謹官一員浮躁官二員年老官二員有疾官一員才力不及官一員甘肅卓異官七員浮躁官一員罷輟官一員年老官



六員才力不及官一員。四川卓異官十五員。不謹官一員。浮躁官二員。年老官十員。有疾官五員。才力不及官二員。廣東卓異官十二員。不謹官一員。浮躁官三員。罷輟官一員。年老官四員。有疾官一員。才力不及官一員。廣西卓異官七員。不謹官一員。浮躁官三員。罷輟官一員。年老官三員。有疾官一員。才力不及官一員。雲南卓異官十員。不謹官三員。罷輟官一員。年老官四員。有疾官一員。才力不及官三員。貴州卓異官六員。浮躁官一員。年老官二員。有疾官一員。才力不及官一員。分別議敘處分如例。○四川上果洛克車木塘寨土百戶澤楞查什。緣事伏法。以番民讀浪襲職。○以山西歸綏道屬歸化等五廳雁平道屬大同朔平二府。距省寫遠。命嗣後秋審及遣軍流徒人犯。由該管巡道就近審勘。移司覈詳。從巡撫邱樹棠請也。○甲寅春分。朝日於東郊。遣肅親王敬敏恭代行禮。○

上奉  
皇太后啓鑒。幸南苑。○鑄給雲南永昌府騰越廳同知關防。並司獄儒學印信。從總督明山請也。○是日駐蹕新衙門行宮。○乙卯。

上詣

永慕寺行禮。○行圍。○諭內閣。蔣攸銑奏。上年被水州縣。請減價平糶一摺。直隸各州縣展賑。將次放竣。該督體察情形。尚須大加減糶。以平市價。若照歷年成案。以二兩五錢定價。小民仍艱於買食。著照所請。無論稜米粟米。統按市集次粟米價。數在一兩八錢至二兩及二兩一錢者。每石減銀三錢。二兩一錢以上。至二兩四錢者。每石減銀四錢。二兩五錢以上。不必按價遞減。每石總以二兩定價出糶。數在一兩八錢以內。至一兩七錢餘者。俱減至一兩五錢為止。其在一兩六錢及一兩六錢以內者。仍照常例。每石減銀一錢。毋庸再行議減。所需米石。如有本處倉穀。並上年

賑贖米石可動者。即先儘動糶。其存不敷用。及本處無米穀可動者。將上年原撥奉天粟米。除本年展賑撥用外。其餘酌量撥給領糶。該督仍責成妥實之員。嚴查偷漏。禁止囤積。務各認真經理。俾得實惠及民。如辦理不善。即著撤任嚴叅。儻該督不能實力稽查。一經訪聞。定當嚴懲不貸。○又諭哈琅阿奏。參本月二十日鎮國寺守門之正紅旗護軍章京等。並未在門嚴查人之出入。請將該章京等。交部嚴加議處。護軍等重責革退。所奏甚是。但二十日卯刻。朕尚未臨幸南苑。究與駐蹕行宮之時稍異。著加恩將護軍叅領吉明阿。護軍校吉忠阿。交部議處。護軍等著交該營重責。毋庸革退。○是日駐蹕舊衙門行宮。翼日如之。○丙辰。

上詣

元靈宮行禮。○修福建福州。泉州。漳州。三廠戰船。從巡撫孫爾準請也。○撫卹琉球國遭風

難夷如例。○丁巳。

上詣

關帝廟拈香。○行圍。○賞南苑管圍章京。及苑丞。苑副。防禦。馬甲。銀幣有差。○賞看守南苑各行宮園戶等一月錢糧。海戶等銀一牛兩。○是日駐蹕圍河行宮。翼日如之。○己未。

上奉

皇太后還綺春園。問安。○還圓明園。○遣官祭賢良祠。○旌表守正捐軀浙江諸暨縣民方

霄周妻姚氏。○庚申。

孝昭仁皇后忌辰。遣官祭

景陵。○諭內閣。孫玉庭奏。查明河勢坐灣。請取直開挑引渠一摺。邳北廳屬夫七堡。迤下黃河坐灣。直向南趨。至南岸余紀馬程等工。復折而向北。至北岸之七壩工。溜勢提移無定。情形險要。自應取直開挑。俾臻平穩。孫玉庭督飭道將廳營等。詳加履勘。覈計挑挖引渠寬深丈尺。並攔築土壩。共估需土方銀三萬

七千餘兩。著即於歲修銀內動項發辦。該督即派委委員趕緊興挑。勒限大汛前完工。毋許稍有草率偷減。該部知道。○協辦大學士兩江總督孫玉庭奏代繳頒賞故江南河道總督黎世序人蔭得旨。些微草藥。何須繳上。理應飭伊家屬領去。方是。著仍交與齋捐差人帶回賞給伊子。○辛酉。

上詣綺春園問

皇太后安。○諭內閣孫玉庭等奏酌設卡巡一

摺。江蘇淮徐等屬由桃源至邳宿一帶。通京湖路。多係曠野荒郊。自應擇要設卡巡防。以安行旅。著照該督所請。桃源縣里仁集等處。由河右營派撥外委二員。兵二十名。分帶駐巡彈壓。宿遷縣井兒頭等處。邳州青雲橋等處。各設一卡。每卡撥兵三名。役三名。由營各派弁委一員。駐彼督率巡查。俱定以每年十月十五日為始。至三月十五日停撤。所有弁兵薪水等項之用。均准於駱馬湖充公租息。

款內照數動給。該弁等奉委期內。果能督緝認真。盜賊屏息。著該督查明分別記功擢用。儻防範不力。一有報發搶劫重案。除地方文武按限叅處外。並將該弁委及兵役撤叅棍責。以示勸懲。○又諭趙慎畛等奏。請暫停鼓鑄一摺。閩省寶福局鼓鑄錢文。係為搭放兵餉之用。據該督等查明。現在市價銀貴。於錢局鑄成本。折耗甚多。其各州廳縣捐款津貼。需用銅鉛運費。辦理亦多掣肘。且兵丁等領餉。後以錢易銀。費計每兩短錢二百餘文。殊形支絀。自應量為調劑。著照所請。自道光四年夏季起。將局鑄暫行停止。其應搭兵餉。亦自夏季起。停搭餉錢。統以銀兩全支。所有局內現存錢文。並本屆委員所辦及舊存銅鉛。均著存貯局內。該督等察看情形。如錢價稍貴。即行奏明開鑄。各營兵餉。仍照舊例搭放。該部知道。○又諭琦善奏。臨清關章程一摺。前因各關丁胥勒索。奸商偷漏。百弊叢生。虧

短日甚。降旨令各該督撫查明妥議。茲琦善將東省臨清州所設戶工兩關。現在情形酌籌條款具奏。該關居汶衛兩河之中。全賴商船流通。徵收方能足額。近來貨物多係糧船夾帶。客販稀少。稅課屢形短絀。不可不嚴加整飭。嗣後重運糧船北上。於例帶土宜之外。毋許任意攬載客貨。著漕運總督先於過淮時。查明各幫船喫水尺寸。造冊咨會該撫。派委道員前赴東昌一帶。照冊勾水。如喫水逾制。即行懲辦。其糧船尾隨小艇。不過供渡河挽緯之用。近俱設有蓬艙。希圖裝載貨物。勾通漏稅。並著漕運總督於過淮盤驗後。將各幫丁隨帶剝船若干。裝米若干。知會東省。臨時稽察。不准逾限多帶。及有蓬艙船隻。以杜影射。又臨清開內外州縣。每遇重運經臨。無論空重客船。紛紛封雇。以備起剝。致商販聞風裹足。自應量為調劑。著照所請。自本年為始。責成臨清州。先期雇備民剝三百隻。分別

派撥存留。協濟剝船。亦令一手雇覓。分派統歸該州彙總報銷。如差役再有擅封商船。從嚴究辦。各幫帶徵漕糧。剝糧。雇船兌運。著照例由該幫丁自行公平雇備。毋得任令衛所員弁出票封貼。再商船經由開座。應隨漕搭放。以免壅滯。豫省所屬實公河。應聽商民船隻。一律行走。以便行旅。至短收稅額。該關向係各按在任月日。均勻攤賠。著仍照舊辦理。該署撫仍當隨時密訪。並飭令管關之員。盡心經理。嚴禁書役等舞弊橫徵。以重權務。該部知道。○又諭。嵩孚奏營中春造火藥。轟斃兵民一摺。湖南撫標左營製造火藥。因春破石臼。迸出火星。以致守兵羅潮林等五名。及民人彭三等六名。同被轟斃。該管員弁並不慎重防範。實難辭咎。所有統轄官撫標左營參將海福。兼管官代辦左營守備事左營右哨千總王思沛。專管官左營左哨把總周光雄。著一併交部分別議處。轟失火藥。即責令

該管將備等照數賠補。○直隸總督蔣攸銑奏籌濟民食。於通州固安縣兩處添撥米石。續行煮賑。分別平糶出借。並修築永定河開等工。令貧民工作以謀口食。得旨。所奏均悉。已饒已溺之懷。不可忽諸。盡心撫字。以慰朕恫瘝在抱之意。勉之慎之。○壬戌諭內閣。給事中張元模奏。據直隸生員馮晰等繪圖稟稱。趙北口連橋上下皆淤。請於連橋以南七里莊開橋一座。以古趙河作為引河。並挑北盧僧河。以分減白溝之濁流等語。著俟程含章到京後。將原摺並圖帶往直隸。會同蔣攸銑。鈐履勘情形。酌量辦理。該生員等。著即飭令回籍聽候傳問。○又諭。御史趙柄奏。請剔除漕運倉場積弊一摺。各倉額貯米石。由倉場侍郎驗收加封。自不容稍有虧缺。乃海運倉竟有放短米石之事。顯係書攢花戶勾通盜賣。該監督等不能實心防弊所致。著倉場侍郎嚴飭各監督。將整庫米石。慎重支放。不得

再有短缺。如有盈餘。照例報明戶部。至糧艘沿途盜賣米石。於抵通後串通經紀。諸弊叢生。著漕運總督嚴飭文武員弁。認真稽查。禁止旗丁盜賣。其有短交正米耗米者。著落領運官照數補足。不得以丁力回空竭慶。代請展緩帶交。其經紀花戶。定例役滿不准復充。並著倉場侍郎督飭坐糧廳及各監督。查明役滿者。悉行革退。另募充額。毋許該役等盤踞舞弊。以重倉儲。○以服闋署禮部左侍郎康紹鏞。仍署禮部左侍郎。○修山東泇河廳屬滕嶧二汛運河西岸石隄。從河道總督嚴烺請也。○癸亥。諭內閣。博啓圖等奏。經紀承買豆石。所得盈餘銀兩。請賞給作為津貼一摺。現在新漕將次抵壩。該經紀藉此豆價盈餘。稍資津貼。自係實在情形。著照所請。准其援嘉慶二十四年成案。承買官豆二萬石。除應交例價。即在應領腳價坐扣外。其所得市價盈餘銀兩。即賞給該經紀作為津貼。此係



令民人耕種交租著准將該旗三處地畝免其撩荒俾民人咸得安居而該旗窮苦蒙古藉可收租餉口此係朕格外施恩該都統惟當認真稽查嗣後如再有私增戶口除將私墾撩荒民人驅逐外仍將該扎薩克暨該都統從重議處○調廣西巡撫毓岱為江西巡撫以署禮部左侍郎康紹鏞為廣西巡撫○修江蘇上元縣

先農壇華亭縣監獄江浦崇明二縣倉廩從

巡撫韓文綺請也○乙丑以恭修

裕陵

隆恩殿成遣官告祭如儀○諭內閣前據御史余文銓奏閩省臺灣米多價賤請官為採購北運當交戶部議奏茲據奏稱由官採買恐不免勒捐需索諸弊請暫弛海禁於餉船酌量裝載招募殷實商人領取官給販米數目印票運至天津將米票赴口呈驗各自投行按照市價糶濟民食各商免其納稅又可杜

吏胥勒索之累事屬可行惟該處可以運米若干必須親歷其境方得確實情形現在該撫孫爾準於四五月間巡臺即著察看該處地方如果米多價賤應如何招商給照或餉船裝載或另船販運務期餉稅仍無偷漏米運並無留難並覈計該處時價及運津水腳每石應得價銀若干分晰議定章程該撫一面據實奏聞一面即督飭迅速購運並知照直隸總督飭天津海口一體遵辦以平市價

而裕民食○丙寅

上幸靜明園詣

龍神廟拈香○諭內閣御史阿成奏請疏通溝渠一摺京城內外溝渠每年春季開濬原期導滯滌源俾無淤塞如該御史所奏近年以來並不認真淘挖夏秋大雨時行街市每多水潦且年久積淤輒石易致損壞著值年河道溝渠大臣及督理街道衙門嚴飭所屬將各溝淘挖淨盡並著派員分段認真查驗



務使一律通暢毋得視為具文○又諭據御史梁中靖奏山西巡撫邱樹棠覆審民人趙添中京控閻思虎強姦釀命一案仍以和姦定擬情節支離疑竇多端必應徹底認真審辦著該撫派委妥員即將此案人證卷宗解交刑部分別嚴訊務得確情以成信讞○旌表守正捐軀河南葉縣民鄭起發妻吳氏四川灌縣民余應發女長璵○丁卯遣官祭歷代帝王廟○諭內閣現在恭纂

皇考仁宗睿皇帝實錄將次告成恭進時應奏派貝子公以下宗室官員分司齎捧親王郡王貝勒等左右護視以昭虔恪著宗人府會同禮部查照嘉慶年間奏定儀注敬謹具奏○又諭綿清等奏恭防禦一摺

秦陵防禦英順因支放兵米較兌易州官斛大小不符業經綿清等據呈查辦乃復向總管擲遞催呈並負氣自將頂帶摘下實屬任性妄為防禦英順著革職交蔣攸銛提齊人卷

秉公審訊將該處禮部及易州向頒官斛因何互異之處一併確覈定擬具奏○諭軍機大臣等昨據英惠奏已革總兵張拱辰前在巴里坤鎮任內虧缺廠馬經該都統叅奏革審發往伊犁效力贖罪並責令賠繳馬價銀九千四百餘兩正在飭令起程詎該革員於本年正月二十七日在客店內自縊身死查驗並無別故等語張拱辰以總兵大員虧缺廠馬問擬發遣本屬咎所應得其搬住客店

尚未起程前赴配所何至遽爾輕生據英惠訊據伊家人王連陞供稱伊主曾說在任時經理馬廠不善以致獲咎愧悔莫及且賠項又難依限措繳將來如何是好等語該革員是否因此自盡止係伊家人一面之詞保無有凌虐並身懷冤單等事必須確實查明且英惠係原叅之員或張拱辰於此案竟有屈抑該都統意存回護亦未可定著那彥成派委妥員前往該處嚴密查訪務得確情據實

具奏。不可稍有含混。將此諭令知之。○禮部尚書管國子監事汪廷珍等奏。恭請頒發御集。以惠藝林。得旨。著武英殿將養正書屋全集。刷印裝潢三十部。賞給國子監分貯。俾多士得資誦習。○戊辰。

上詣綺春園問

皇太后安。○諭內閣。前據綿課等奏。

裕陵

隆恩殿工程。遵旨督辦完竣。經朕特派穆彰阿

前往驗收。各工一律如式。綿課等敬謹裏事。

辦理妥速。現已恭奉

神牌還御。自應量予恩施。綿課著賞還親王。並

准戴三眼花翎。戴均元著賞還太子太保。蘇

楞額著賞給內務府員外郎。准其回京。監督

郎中慶玉著交部議敘。已革郎中石柱著賞

給內務府筆帖式。○又諭奕亨等奏請酌給

捕蟲夫役飯食錢文一摺。

東陵內務府禮部石門工部各項夫役。現在派

令按拏松蟲。據奕亨等查照成案。請酌給飯食錢文。著照所請。准其每名日給制錢三十文。由永濟庫動用。事竣報銷。奕亨等即遵委妥員嚴飭夫役。逐日實力撿除。務期淨盡。不可有名無實。視為具文。○又諭御史嵩山奏拏獲負米出城之邢六等三名。看米並車夫郝大等三名。又於李六店內拏獲康七等七名。查拏甚屬認真。俱著交刑部嚴訊。據奏稱起獲此項米石。係僅串過粗皮。與細米有間。何以各城未經查出。並著驗明。據實具奏。現在京城糧價騰貴。此等嗜利之徒。輒敢私販出城。恐城外囤戶尚不止此一處。著步軍統領五城一體嚴密訪拏究辦。毋稍徇隱。○又諭阮元等奏請定洋米易貨之例一摺。廣東粵海關向准洋米進口糶賣。免輸船鈔。糶竣回國。不准裝載貨物。近年以來。該夷等因回空時無貨壓艙。難禦風濤。且無多利可圖。是以米船來粵者少。自應將成例量為變通。著

照所請嗣後各國夷船來粵如有專運米石並無夾帶別項貨物者進口時照舊免其丈輸船鈔所運米穀由洋商報明起貯糶賣糶竣准其原船裝載貨物出口與別項夷船一體徵收稅課彙冊報部以示體恤該部知道○又諭前據孫玉庭奏請以秦攀萼升補常州營遊擊當經降旨准行茲兵部查明常州營遊擊一缺例應歸部推補秦攀萼係奏准留省應補升缺人員若占升部推之缺與例不符請將此缺歸部另行推補秦攀萼在江蘇年久熟悉地方情形常州營遊擊著仍准其補授○諭軍機大臣等奕亨等奏請添兵丁閏月米石據稱本年米價增昂窮兵日食貴米力有難支向來遇閏之年並無閏月甲米懇准照在京兵丁之例一體賞給等語京師及各直省額設旗兵分駐已久朕視同一體凡生計所資無不籌其久遠以示體恤奕亨等如欲隨時調劑亦宜體察情形何得率

意妄陳有礙成例從前乾隆年間因京師地居輦轂五方聚集兵丁得米較多或以餘騰出糶藉可潤及閭閻於小民亦有裨益是以定制遇閏俱准賞給甲米此係專指京城而言他處自不得援以為例若含糊妄引則天下旗人皆事同一體況閏月准其支領餉銀已屬養贍有資儻再加賞米石國家經費有常豈能為市好邀恩之舉奕亨等冒昧入奏明知不可姑為此請准則譽有攸歸不准則是思不下逮是誠何心所請著不准行奕亨祿義繼昌俱著傳旨嚴行申飭將此諭令知之○兩廣總督阮元等奏粵東地氣潮溼酌議倉穀分別按年出糶以免黴變而重倉儲得旨依議妥辦實力稽查不可視為具文○調鑲白旗滿洲副都統恩銘為正藍旗滿洲副都統正藍旗滿洲副都統富僧德為鑲白旗滿洲副都統○己巳祭先蠶之神

皇后親詣行禮。○諭內閣魏元煜奏議禁糧船水手滋事章程一摺。近年漕船水手肆惡逞刁。凌虐商民船隻。必應嚴定章程。隨時懲辦。以期各知斂戢。茲據該漕督酌擬具奏。向例各幫船水手。以本軍內諳練者充當。嗣多雇用本地人夫。及外來無籍之徒。往往恃眾不法。著責成頭舵分別雇用。確知姓名籍貫。保結存案。毋任滋事潛逃。至隨幫匪棍勾串水手。互相包庇窩盜。應飭令運弁將頭舵水手年貌籍貫造冊呈送。每名給發腰牌。停泊時按船查驗。如仍虛應故事。即行叅辦。其蘇州常州鎮江揚州各府城河窄狹。每有攔阻商民船隻勒索滋鬧。著各該營員親駐河干。輪流彈壓。又糧船過境。地方文武應帶同兵役分查催趨。著照例實力巡防。毋稍疏懈。該漕督仍督率糧道備弁留心整頓。嚴加禁約。務俾兇悍有所敬畏。以肅漕務而安行旅。○以直隸熱河道屬一府六州縣口北道屬多倫

諾爾一廳距省寫遠。命嗣後遣軍流犯由該管道就近審勘。移司覈詳。從總督蔣攸銛請也。○旌表守正捐軀直隸趙州民權生妻劉氏。○貸甘肅寧夏等縣司庫銀修漢延昌潤惠農渠工。從總督那彥成請也。○庚午清明節。上詣安佑宮行禮。○遣官祭永陵福陵昭陵昭西陵孝陵孝東陵景陵泰陵泰東陵裕陵

昌陵○遣官祭

孝穆皇后暫安園寢○遣官祭

端慧皇太子園寢○諭內閣。戶部奏查明積餘銅本。截至嘉慶十六年底止。所存銀兩。將應抵不應抵各款。分晰開單具奏。著該督撫先行按照單開各款。遴委妥員。迅速清釐。以重帑項。並著嗣後將每年正加六運。所有一切價腳等項銀兩。即照該年實發之數。入冊開除。豫為題報。如各員名下。尚有應行找領追繳之款。俟該部覈定之日。隨時入於各年總運奏銷案內。分別收除。其二十三年以後。應行題銷各案。即遵照此次奏定章程。勒限造報。越符年限。至該省辦存局鑄。及各省採買銅斤。原抵積餘銅本銀四十九萬二千餘兩。應將售獲價銀。按數仍歸原款。該督等屢請免扣。並於道光二年咨部案內。復將歸公養廉廠課餘息等項。牽併計入。並不截清款目。又原抵考成冊造存銀兩。前准其於撥給

銅本時。照數免扣。現查截至道光二年止。實存銀四十六萬五千餘兩。較前次准留之數。已盈餘銀二十二萬餘兩。不得概行免扣。又該省追存金釵廠抵款銀四千二百餘兩。亦應一併扣撥。前項銅本積存各款。先經該部奏准於題撥乙酉年銅本案內。先行酌提銀二十二萬五千餘兩。其餘銀兩。著該督等確實查明。按年勻扣。滇省銅本自乙亥年起。每年除扣銀四萬兩。計按年撥銀九十六萬兩。其七十八十九等年。每年尚撥銀一百萬兩。按照每年餘銀之數。應存銀十二萬餘兩。並著該督等按年覈查。將盈餘實存銀數。一體報部扣撥。以昭覈實。○又諭。孫玉庭奏查勘徐屬減黃河堰情形。酌籌撙節辦理一摺。江蘇徐州府屬減黃河堰。歲需修築。前經該督奏准酌設弁兵。給予經費。駐工防守。惟該處土性鬆浮。每遇盛漲。易致停淤刷塌。該督酌量河形。請順勢抽溝築壩。將前項汛防裁

撤以備工需。現在委員將睢寧銅山蕭縣各處緊要工程確切勘估。共需銀二萬一千四百九十七兩零。著照所議。即將裁撤弁兵項下存贖銀一萬四百二十六兩零。全數動用。其不敷銀兩。准其於運庫應撥道光四年商捐積土銀一萬兩。並安徽水利款內應撥息銀一千二百兩。提解徐州府庫給辦。免其造冊報銷。該督即責成該道府督飭各縣實力疏築。俾資捍禦。如有草率偷減情弊。即據實嚴參。該部知道。○又諭慶僖親王園寢工程。本係官為經理。迄今已逾四年。何以尚未完工。著內務府大臣查明。現在承辦之員。飭令妥速修竣。若再遲延草率。即將原承修之員。故現在堂司各員分別參處。○壬申。

上詣綺春園問

皇太后安。○諭內閣。蔣攸銛奏疏築河道要工。並請截留餉銀一摺。前經該督奏委各道府勘估河道工程。擇其最為緊要者。乘時挑築。

茲據該督摺節估計。或照土方例給價工作。或以工代賑。每土一方。將應給工銀一分米一升。改為築隄者。統給銀三分五釐。挑河者。統給銀四分五釐。俱著照所議辦理。該督務須認真督辦。隨時稽察。俾工歸實用。如有草率偷減情弊。即據實嚴參。至現存銀兩。尚不敷用。著長蘆鹽政。將應撥直隸秋季兵餉之提本銀十萬兩。即撥交天津道府。先行動工。俟廣東撥項十萬兩解到。劃抵其請截留福

建原撥奉天兵餉。改解戶部之十萬兩。備用之處。著交戶部查覈。速議具奏。○癸酉。

上還宮。○除陝西盤屋藍田二縣被水衝坍民

屯地九頃三十畝。有奇。糧賦。○甲戌。

孝賢純皇后忌辰。遣官祭。

裕陵。○諭內閣。永芹等奏。擅換官地。轉買各員。請分別革職議處一摺。喀什噶爾附城官地。種植蔬果。以為分賞官兵之用。乃二等侍衛阿布都爾滿。告假回籍養親。輒敢將自置

小地易換官地並於調升葉爾羌伊什罕伯克時有私賣得價之事實屬漁利阿布都爾滿著先行革去伊什罕伯克勒令回阿克蘇原籍養親仍在二等侍衛上○交部嚴加議處五品伯克玉努斯膽敢私買官地又復散賣與安集延等故違例禁巧圖獲利玉努斯著革職交阿奇木嚴加管束所有換出官地即飭該章京會同阿奇木郡王邁瑪薩依特查明層次回贖照數入官以復舊額仍交城守營經管前任參贊秀莖率准換地於先又失察賣地於後前任參贊武隆阿率行遷就發給執照武隆阿秀莖著交部分別議處尋議上得旨阿布都爾滿著即革職秀莖著降二級留任武隆阿著降一級留任○旌表逼嫁捐軀山東昌樂縣民蔣幅榮妻邱氏守正捐軀陝西大荔縣民魏進才妻王氏○乙亥上耕藉詣先農壇行禮更服至耜田所

躬耕三推復加一推御觀耕臺命鄭親王烏爾恭阿肅親王敬敏惇親王綿愷各五推吏部左侍郎王引之戶部左侍郎恩銘禮部左侍郎辛從益兵部左侍郎常英刑部尚書那清安工部左侍郎敬徵都察院左副都御史韓鼎晉通政使司通政使奎耀大理寺卿福申各九推畢順天府尹率農夫終畝賞賚農夫耆老如例○幸圓明園○詣綺春園問皇太后安○諭內閣蔣攸銑奏請革除屯居旗人總催領催名目一摺直隸省屯居旗戶甚多文安任邱兩縣私設有總催領催名目往往把持勾串不服稽查此次散放賑米據該督查明該二縣屯旗冊報戶口浮開累累皆由總催領催人等從中舞弊包攬侵肥兼以各州縣冊檔散失遂致朦混捏造向來屯居漢軍旗人事件俱歸所隸州縣管理應與民人一律編查自不得任其區分抗拒著照所



請將總催領催名目概行革除並著內務府及八旗滿洲漢軍都統將包衣外旗王包衣各項莊頭屯居旗戶丁口分晰各州縣城鄉住址造冊移交該督轉發各該管官存貯以備查覈毋得視為具文○又諭趙慎畛奏揀員請補參將一摺福建邵武城守營參將係部推之缺自應歸部銓選不得由外請補且留閩補用之參將黃其漢應俟該省陸路參將缺出再行奏補前次所降諭旨甚明該督率請以黃其漢補授邵武城守營參將之處與例不符著不准行○丙子賞前任湖南提督祝廷彪頭等侍衛在大門上行走○丁丑湖廣總督李鴻賓奏楚省行銷引鹽數目並查禁岸商浮費報聞又批鹽道查清阿年逾六十可否勝任留心查看據實密奏如有不妥之處惟卿是問也○修湖北武昌府城外路隄從總督李鴻賓請也○戊寅漕運總督魏元煜奏浙省各幫丁造船公借銀兩請自

道光四年冬運為始分限六年扣繳以紓丁力又奏浙省白糧等幫例支本色米款因災蠲緩請折給價銀均從之○修熱河八旗兵丁營房從總管嘉祿等請也○己卯

上詣綺春園問

皇太后安○諭內閣蔣攸銑奏酌辦新開衛河章程一摺前派大學士戴均元查勘新開衛河漳衛分流實可輕減水患當經降旨令直隸總督長蘆鹽政會同程祖洛確查籌辦俾衛河久遠暢行茲據蔣攸銑奏稱委員會勘新開衛河屬直隸者長八十八里除黃河故道四十一里外餘係行糧民地俱刷成河身分別修築隄埝酌留餘地挑濬淤淺其黃河故道內間有不成河形之處擇要挑挖飭子嘴東岸溝形下通大名縣之龍王廟村遵照原奏建鉗口壩一座壩南迤西築土埝一道隨時相機開閉兩岸分別築埝抽溝修道挑淺至岔河嘴係漳衛匯流之所最關緊要於

漳衛東北兩岸灣角俱各挑直復於西岸合流處所添築挑水壩一道均著照所議辦理該處居民不諳工作須由南運河雇覓人夫一切器具柴草麻斤須於東昌臨清一帶購辦例價不敷經該督倣照河南估定章程共估計工料銀七萬二千七百五十兩零河身所占地畝止豁錢糧毋庸給價兩岸築埝基地應給地價並豁錢糧其埝基內外酌留灘地黃河故道灣曲兩岸仍有行糧民地亦須酌留緯道計占用民地疎薄者約小地五十六頃六十畝零每畝給銀四兩沙薄者約小地十二頃三十畝每畝給銀二兩共需銀二萬五千一百餘兩通計挑費及給與地價共估需銀九萬七千八百餘兩均經蘆商情願捐辦即著阿爾邦阿飭令該商等將需用銀兩如數趕解工次以期及早興工此項挑河工費既係商捐即令該商人自行修辦毋庸官為經理至衛河屬河南省者工段較長必須

同時興工於大汛前一律完竣著程祖洛迅速籌議會同直隸省趕緊妥辦此後無論鹽船民船經由新河行走如有刁民攔阻需索即就近稟明地方官迅即嚴拏懲治其河身所占地畝即著該督查明造冊題請豁免以紓民力該部知道○又諭給事中朱為弼奏海口下游壅塞請擇要修浚一摺上年江浙兩省夏秋雨水較多浙江之杭嘉湖江蘇之蘇松太倉均被水患據該給事中奏稱江蘇省海口壅塞以致浙江上游均受其困現在劉河三泖俱已淤墊蘇松之水橫趨泖澱浙西下流之水口先為江蘇省各水所占遂致潰決四出田廬被淹嘉湖二府受惠尤甚請趁水潦未降之時於劉河吳淞及附近太湖一帶確勘情形大加疏浚為一勞永逸之計事關兩省水道農田前據孫玉庭等奏籌措經費次第興辦經朕飭令查勘妥議具奏迄今未據奏到著孫玉庭韓文綺迅派幹練大

員前往海口下游將何處急宜疏治何處可緩施工分段估計擇要疏挑其應如何籌款妥辦之處據實具奏○又諭御史郎葆辰奏請修太湖漶港一摺浙江湖州七十二漶港引苕溪雲溪諸水入湖下游以達於海浙西三郡民舍田廬藉以常無水患據該御史奏稱漶港在烏程縣者三十八在長興縣者三十四近年以來流通者止十有二三淤塞者已十有七八如果港脈悉皆壅塞自應相度興修為一勞永逸之計著交帥承瀛派委幹練大員勘估情形是否亟宜擇要酌修據實奏明辦理以疏壅滯而衛民生○協辦大學士兩江總督孫玉庭等奏查東境微山湖上年蓄蓄未裕若早為啓壩鋪水消耗必多本年重運酌籌先啓禦黃壩挽渡首進漕船俟行抵邵宿運河東省再為鋪水下注以資浮送而節湖漶得旨所奏均悉相機妥辦○江蘇巡撫韓文綺奏江蘇省徵收漕糧因上年

夏秋各屬水旱不齊未能一律純淨報聞又批去歲夏秋之際水旱不時自是實在情形嗣後斷不許動輒藉口仍應督飭各屬務期一律純潔慎之○賞前任九江鎮總兵官慶熙三等侍衛在大門上行走○庚辰諭內閣明山等奏世職訐控營弊請分別革職解任一摺此案雲南開化鎮雲騎尉世職張起貴因不遵約束經總兵詳請斥革乃不候查辦輒寫奏摺揭告營弊已屬謬妄其所列十款內經該督等查訊都司戴冕等以老弱病廢兵丁濫補名糧不行裁汰二款屬實其餘多難憑信至所控抽稅縱放私鹽設卡收得陋規等情賊多數重兩造各執一詞是否張起貴挾嫌誣陷必須徹底嚴究以成信讞雲騎尉世職張起貴開化鎮中營千總畢良弼左營把總畢良能金尚富中營把總李占連張定國外委曹功近均著革職前署開化鎮中營遊擊臨元鎮左營都司善祥開化鎮右營

都司戴寬中營守備明懋昭前署右營守備千總王履光中營外委張迎祥均著解任效力武舉楊開春著暫革頂帶交明山韓克均提同案內人證按款嚴審確情分別定擬具奏○又諭容照等奏佐領呈控伊兄含冤自縊一摺此案雙城堡佐領舒義因伊兄原任協領舒精額被原任將軍松林參奏均係聽信廢員王履泰之言以致伊兄忿恨自縊等情列款具控案關廢員擅專公事官員忿恨輕生均應徹底根究所奏甚是著即交容照者英會同富俊提集案內人證秉公審訊按律定擬具奏○盛京刑部侍郎同麟因病解任以理藩院左侍郎海齡署盛京刑部侍郎○轉理藩院右侍郎色克精額為左侍郎以都察院左副都御史凱音布為理藩院右侍郎○以署正紅旗蒙古副都統富蘭為鑲黃旗蒙古副都統○追予國初陝西等省殉節陣亡把總潘世濟等十員世職如例○旌表

守正捐軀浙江浦江縣民盛益崇妹胡盛氏○貸熱河圍場兵丁餉銀○辛巳上詣

安佑宮行禮○諭內閣據戶部奏各省關稅銀兩除本省扣充兵餉及部議准其動撥外餘俱解交部庫以供京營兵餉及一切經費請飭各督撫毋得自行指撥等語國家薄賦輕徭各項錢糧從不輕加銖黍歲入歲出俱有定額並非務為封殖各省關稅銀兩解存部庫原以備庶政之需若任聽外省自行指撥在各關監督不過節省運費而庫項漸少歲支各款又將何項應用嗣後各省督撫如有迫不及待之項仍准其聲敘實在情形奏明辦理其非迫不及待之款遇有需用或另籌開款或飭部酌撥毋得率行指撥關稅以符定制○以翰林院侍講沈岐充日講起居注官左春坊左中允易元善署日講起居注官○壬午

上幸萬壽山○以山西交城汾西長子壺關渾源大同靈邱豐鎮鳳臺榮河萬泉榆社河曲解安邑芮城垣曲隰大寧左雲和順二十一廳州縣上年歉收命借糶倉穀並緩買陽曲太原榆次徐溝奇嵐寧武靜樂平陸芮城聞喜霍靈石十二州縣節年借糶倉穀○癸未上詣綺春園問

皇太后安○御合輝樓

上騎射並閱皇子及侍衛等騎射○諭內閣御

史陳澧奏畿輔水利現在情形請分別緩急次第修理並繪圖呈覽著俟程含章到京後將原摺併圖帶往直隸會同蔣攸銛詳加履勘酌量辦理○以順天府府丞卓秉恬為奉天府府丞兼提督學政○旌表守正捐軀甘肅秦安縣民李芳彥女卓女子○加賞江南浙江各幫減歇丁船月糧○展緩浙江省幫丁應繳欠款○甲申

上御勤政殿聽政○諭內閣前據明山等奏請

以金世襄升補文山縣知縣當經降旨准行茲據吏部奏稱金世襄已於本年二月推升湖北武昌縣知縣請飭令該督等將文山縣另行揀員升調金世襄在滇年久熟悉邊情著仍補授文山縣知縣照例送部引見其湖北武昌縣知縣著吏部另行銓選○以光祿寺卿楊懌曾為大理寺卿大理寺少卿桂齡為太常寺卿詹事府少詹事惠端為詹事○裁廣東潮陽營屬門閘礮臺外委一員兵三十名青嶼礮臺把總一員外委一員石井礮臺兵十四名添設普寧縣城千總一員外委一員兵四十四名撥石井礮臺千總駐青嶼礮臺門閘礮臺外委駐石井礮臺從總督阮元請也○乙酉

上幸靜明園○幸靜宜園○刑部議覆署山東巡撫琦善疏稱民人李太清與高李氏通姦毒死本夫一案李氏並不知情可否減等得旨李氏問出伊夫被毒情由到案時據實供

明將姦夫指拏到官。尚有不忍致死。其夫之心。著從寬免死。照例減等發落。○以步軍校舒德。生獲二豹。並兩次緝獲要案。賞協領銜花翎。○是日駐蹕靜宜園。至己丑。皆如之。○丁亥。

上御演武廳。閱健銳營操。賞賚有差。○諭內閣。程祖洛奏。勘明開治衛水新河。估計土埽各工一摺。前派大學士戴均元。查勘新刷衛河。當經降旨。令直隸總督長蘆鹽政會同程祖洛。確查籌辦。業據蔣攸銛。將直隸省應辦工程。奏明辦理。茲據程祖洛奏稱。河南省為新河分流上游。應辦之工。計長七十餘里。自北高隄。以至大晁村。支流錯出。均應估築壩戩。並挑河繞越淺處。以及議給居民房地價值。較直省更為繁重。現在所估各工。惟北高隄東袁村。及各處小支流築壩鑲埽。挑河澇淺。暨土格等工。覈與前奏互有增減。其餘各工。悉照原奏一律籌估。共需土方工料銀十二

萬一千五百二十餘兩。其隄占民地。應給地價一節。凡有隄占。並圈入隄內。以及羊塢以下。毋庸築埝之處。兩岸酌留十餘丈。以作緯道。給與地價。計地一百十三頃九十餘畝。每畝給價四兩。共地價銀四萬五千五百餘兩。此項地畝。與河身所占之地。應納糧賦。著造具項畝細冊。咨部一併豁免。仍俟將來舊衛河涸復之地。試種升科補額。其東袁大杜兩村。應拆應徙民房。大杜村南岸。每瓦房一間。酌給遷費銀三十兩。草房十五間。其兩村北岸。圈入隄內房屋。亦分別瓦草房間。減半給領。共需銀一萬二千六百餘兩。統計工程地價房價。共需銀十七萬九千七百餘兩。均經蘆商情願捐辦。即著阿爾邦阿。飭令該商等照數解赴工次。及早興工。務於大汛前一律完竣。此次挑河工費。既係商捐。即令該商人自行修辦。毋庸官為經理。該撫仍嚴飭該商等。趕緊妥辦。如有草率偷減情弊。即行奏明。

懲治。此後商民船隻由新河行走。如有刁民攔阻需索。即就近稟明地方官。迅即嚴拏懲辦。其稽料土方價值。即查照現辦漳工之例辦理。該部知道。○又諭程祖洛奏請以遊擊升補參將一摺。豫省開封營遊擊張錫九。前因親老呈請停推。該撫轉咨兵部。業經部覆行令該員照豫呈親老之例。取結准其改近。自應遵照部議辦理。該撫率請以張錫九升補參將之處。與例不符。著不准行。所有歸德營參將一缺。仍令兵部照例推選。○工部尚書初彭齡年老休致。賞半俸。以前任四川總督陳若霖為工部尚書。○戊子。諭內閣據容照等奏履勘詳查雙城堡情形。臚款開單呈覽。雙城堡中左右三屯內奉天旗丁羈留就食者二百餘戶。俱習耕種。令此項閒丁幫種地畝。自可免雇人夫。以節糜費。秋成後交該協領等酌量分糧。以期兩有裨益。現經容照等因時值農忙。已飭協領酌撥幫種。著該將

軍即照此辦理。再該處額設協領佐領驍騎校各員。於一切事宜足資辦理。至廢員幫辦。不能深悉旗情。徒事紛更。著該將軍將已委派者撤回。嗣後不得再令此項人員幫辦。以專責成。至所奏每旗屯適中之地建蓋義學。及嚴禁該屯丁冬令過江樵採。俱著富俊妥議具奏。○又諭晉昌等奏會勘大清門內各工情形一摺。盛京飛龍閣。翔鳳閣。後轉角樓。皇倉。據該將軍等詳細查勘。俱有滲漏坍塌之處。自應亟為修理。所有估需工料銀五千二百二十九兩零。著准其在盛京戶部銀庫動支。發交承修各員。趕緊辦理。該將軍等仍隨時查驗。務期工堅料實。無任草率偷減。工竣照例題銷。該部知道。○宗人府刑部會奏審擬宗室全勝等。赴貝勒奕綺府內恃強肆詈一案。得旨。此案全勝身係宗室。不知自愛。平日起有綽號。輕入酒肆沽飲。復因素有綽號之旗人馬五。向其慫恿。輒習為市井遊談。



率人赴貝勒奕綺府內恃強肆詈馬五隨同助勢嚷罵實屬無故擾害厥罪惟均宗室全勝著照成案改發吉林交該將軍嚴行管束儻再滋生事端即行奏明鎖禁馬五著照例發往黑龍江當差該犯前犯賭博尚應補枷三十一日俟枷滿即咨送兵部轉發宗室松本貴玉聽從全勝尋聞據供亦有綽號且此外所犯已未結訛詐等案各有數案之多實屬玩法宗室拴定雖未隨至貝勒奕綺府內滋事惟先經犯賭擬軍復據供素有綽號亦非安分之徒松本貴玉拴定均著發往盛京交該將軍嚴行管束儻再滋生事端即奏明改發吉林以示懲儆○以審辦傳教逆匪馬進忠一案詳慎妥速賞署山東巡撫琦善署按察使訥爾經額花翎餘加銜升補有差並免山東直隸河南江南該管員弁從前失察處分○以西藏故上岡噶嚕族百戶扎什達爾吉子策令結襲職○旌表守正捐軀安徽

六安州民羅泳信妻李氏河南項城縣民張成彩妻馬氏○己丑諭內閣御史程邦憲奏請濬治太湖洩水要道一摺前據給事中朱為弼奏請濬海口下游當經降旨飭孫玉庭等派員擇要疏挑又據御史郎葆辰奏請修太湖漕港亦飭帥承瀛委員勘估酌修茲據該御史奏稱太湖匯全吳之水全賴入水之口與出水之口一律疏暢若致力於海口下游而不去太湖淤塞雨水過多橫決四出蘇松嘉湖諸郡俱受其害若專治湖州漕港又挾天目諸山之水奔注東來吳江一帶要口仍任淤墊入海不能迅速則蘇松之患滋甚是專治上游專治下游均未見有利益惟擇太湖洩水最要處所如吳江隄之垂虹橋愛道亭龐山湖及隄西等處疏剔淤沙剷除蕩田令太湖東注之水源流無滯蘇松嘉湖諸郡可免汎溢吳松劉河諸下游亦得藉源刷沙不致旋濬旋淤事關兩省水道農田自宜

合兩省形勢通盤籌畫為一勞永逸之計著  
孫玉庭韓文綺迅派幹練大員會同浙省確  
實查勘擇要疏挑並嚴立科條禁止栽種芡  
蘆及絕流插蘄壅積泥淤等弊如查有土棍  
勾串吏胥及生監把持包庇將應行剷除蕩  
田刁捐留難串通朦混即行嚴拏懲辦○安  
徽巡撫陶澍奏無為州江壩工程緊要並添  
築月壩挑挖引河請借帑興修從之○以服  
閩總兵官馮聯科為貴州古州鎮總兵官○

庚寅

上還圓明園○詣綺春園問

皇太后安○諭內閣果勒豐阿奏審明客民渠  
士佶等控案並將伊琿等處居民分別逐留  
一摺此案前據庫倫客民渠士佶等呈控章  
京尚安泰同蒙古官員驅逐商民燒燬房屋  
等情降旨交果勒豐阿馳往庫倫查辦茲據  
該將軍查明伊琿地方自雍正年間建立廟  
宇續有種地民人節經該辦事大臣查辦驅

逐又於嘉慶八年經該大臣蘊端多爾濟等  
奏定章程造冊給票不准復增人口每年派  
章京等查驗一次立法本極周密迺該章京  
等年例查驗均係顛預了事僅取並無潛居  
流民甘結以致該民人等盤踞游牧賒給蒙  
古貨物該圖薩拉克齊貢蘇倫因負欠甚多  
起意驅逐該大臣率聽呈報派尚安泰會同  
扎奇魯克齊等前往伊琿等處驅逐民人焚  
燬房屋並將領有執照之民人王萬隆房屋  
誤行焚燒實屬辦理錯誤咎無可辭且自定  
立章程後並未實力稽查復有流民四百餘  
名之多皆該大臣扎薩克官員等因循疲玩  
所致自應嚴辦示懲除已故之伊達木毋庸  
議外現署車凌多爾濟扎薩克印務之圖薩  
拉克齊貢蘇倫指令民人在游牧內建蓋房  
屋實屬玩法本應照例治罪惟伊已年逾七  
十著即革退圖薩拉克齊免其治罪所得貨  
物照追入官渠士佶等七人內地民人在

游牧內建蓋房間並有未經領票之人在彼潛住所有蒙古欠帳即飭清還渠士佶等七人遞解回籍責成該地方官嚴加管束不准復行出外滋事所有被燒房屋著該盟長飭令先經收受白麪之扎薩克商卓特巴所屬之齋桑喇嘛等每間賠銀四兩飭被燒民人承領其設燒之王萬隆房屋七間著賠償銀七十兩令其自行建蓋至嘉慶八年以後歷任扎薩克圖薩拉克齊等不遵奏定章程實力查察又未將撤票民人房間及時拆燬私行容留民人接典居住實屬不合著交部嚴加議處其庫倫章京尚安泰扎奇魯克齊達拉瑪扎布那木扎勒多爾濟辦理草率土謝圖汗盟長車登多爾濟並不認真辦理致該扎薩克等效尤其副盟長索諾木旺楚克旗下於所屬別旗內並未詳細查辦哲布尊丹巴呼圖克圖之門徒商卓特巴棍布扎布俱著交部分別議處辦事大臣蘊端多爾濟駐

劉庫倫四十餘年又兼自行奏定章程並不認真查辦率聽呈報驅逐民人又不及時辦結致該民人赴京呈控辦事大臣廣慶到任已歷三年並未詳細查辦各亦難辭蘊端多爾濟廣慶並嘉慶八年以後歷任庫倫辦事大臣及管理商民事務章京並土謝圖汗部落盟長一併查取職名交部分別議處現任庫倫章京海清阿到任在後著毋庸議至該部落所屬別旗內如有容留民人旗分均照此次新定章程辦理儻不行查辦別經發覺即從重治罪不貸至所請將民人帳目分別定限抵還章程俱著照所議行○辛卯上詣大高殿行禮○還宮○諭內閣陝甘兩省綠營馬兵前經奏准酌減十分之一茲據那彥成奏查明肅州鎮屬之安西沙州靖逆三營及巴里坤鎮原設馬內向有摘缺緩補不足一兵一馬之額若照兵裁馬於各該營巡緝差

操實屬不敷。應請免照兵數統裁等語。著照所請。准其於安西沙州靖遠三營裁馬六十匹。巴里坤各營裁馬七十九匹。所有各該營實存馬匹。該督務隨時點驗。毋許稍有短缺。俾資操防。○命庫倫辦事大臣廣慶回京。賞禮科給事中松長副都統銜。為庫倫辦事大臣。○旌表守正捐軀直隸深州民郭僧妻高氏。○免河南睢州沙壓地畝舊欠額賦。○以孟夏時享。

太廟。自是日始齋戒三日。○壬辰諭內閣。本年四月間。

皇考仁宗睿皇帝實錄

聖訓告成。前一日。總裁等官恭捧全書。送至保和殿陳設。後值日護軍統領會同總管內務府大臣。謹闔殿門。多派官員於殿門外周歷照看。尚不足以昭慎重。是日著於御前侍衛。乾清門侍衛。大門侍衛。不值班各員內。派出二十員。於殿外前後輪流坐更。小心照看。不

准在彼然點煙火。以專責成。其表文著於送書進乾清宮時。監修官一併送進。所有照看歸架事宜。南書房翰林著派英和黃鉞許乃普。由嵩年總管內務府大臣著派穆彰阿恩銘至。

實錄黃綾本。館臣編次。按日呈覽。均經朕詳慎閱定。屆時毋庸再行進呈。○浙江巡撫帥承瀚奏。浙省南糧因災蠲緩。無從徵補。請將截留撥抵之漕米。作正開銷。報聞。○命工部尚

書陳若霽兼管順天府府尹事。吏部尚書盧蔭溥。毋庸兼管。○癸巳諭內閣。

皇考仁宗睿皇帝實錄

聖訓告成。著於四月二十日。受書御殿。各該衙門敬謹豫備。○以西藏噶布倫敏珠爾索諾木班珠爾。在喀喇烏蘇等處查拏夾擊。不避艱險。賞花翎。○以己革貴州安化縣屬覃韓偏刀水土巡檢陸承烈子祖綬。襲職。

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十六

宣宗實錄

卷六十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十七

監修總裁官總纂日講起居注官太子太傅體仁閣大學士文淵閣領事管理戶部事務上書房總辦傳德林院掌院學士兼管閣

天府府尹事務總纂加五載紀錄十八次臣曹振鏞等官總纂管理官吏部尚書保德陳寶箴等管理新學府內官詹大昌等管理

七倉大臣管理倉司四譯館事務加一級隨帶加六級軍功加三級紀錄五次臣龍鈞等管理文淵閣總纂辦事其書房總纂

內務府大臣總辦白旗滿洲都統稽察門七倉大臣管理軍八所銀庫在軍中官學 崇善堂開明國子監捐資學訓各處房加學序太

醫院總辦處事務隨帶加十八級臣阿爾斯圖爾等管理官兵部尚書隨帶加六級紀錄二十次臣周馥等奉

敬修

道光四年甲申夏四月甲午朔享

太廟

上親詣行禮○幸圓明園○詣綺春園問

皇太后安○江西巡撫程含章奏省城新設義

倉每年於鹽務公費內動支採買穀石責成

鹽道經理得旨轉飭毓岱率屬妥為經理不

可有名無實也○兩廣總督阮元奏廣西左

江鎮總兵官李應元請復姓楊氏下部知之

○修江西省城廣潤惠民二門閘座從巡撫

程含章請也○修廣東巡洋遭風師船從總

督阮元請也。○丙申。諭內閣。程祖洛奏。續籌漳河抽溝宣洩漫水情形一摺。漳河北面漫水三股。與田市抽溝南注之水間隔。前據該撫奏明。應於龍家莊節節抽溝。後再由田市一帶勘估築壩。茲據查明。龍家莊東並莊西莊中原估溝工。業經次第興辦。其北面漫水仍未見消。勢難於水中建築壩工。且經該撫體察輿情。委員覆勘。實屬限於地勢。無可籌辦。所有上年原奏於田市築壩之處。著毋庸議。其自辛莊至紀鳳屯以下。水勢平行。若跨河築埝。必將水勢擡高。一遇盛漲。不特埝南村莊全被淹浸。設有衝缺。則建瓴下注。於直隸大名一帶。受害更重。自係實在情形。亦著毋庸興築。至內黃縣馬家窪抽溝工程。現據該撫委員履勘。著即照估興辦。務使漫水掣歸正河。如有占礙地畝。麥禾查明花戶酌量加賞。所需工費。及龍家莊東首溝工方價。均著於現辦漳工案內覈實報銷。該部知道。○

命工部右侍郎敬徵管欽天監事。鄭親王烏爾恭阿。無庸管理。○丁酉。修直隸南北運河隄壩。並清苑。蠡。祁。安。博野。高陽。河間。任邱。獻。蠡。新河。武邑。衡水。定。曲陽。深澤。寶坻。香河。天津。滄薊。涿。二十二州縣橋道隄埝各工。從總督蔣攸銑請也。○戊戌。諭內閣。琦善奏。歲挑四女寺支河工段。請展寬加深。並請嗣後毋庸按年挑辦一摺。東省運河。自臨清開外。與豫省漳衛二水合流。每當伏秋大汛。全賴啓放四女寺支河。藉資宣洩。惟支河去路未能寬深。一經盛漲。仍有捫口潰隄之患。於漕運民生。均有關係。該署撫請於歲挑之外。再行展寬加深。俾得分流暢達。自應趕緊興辦。所有歲挑土方。著仍照歷屆挑辦成例。每方給例價銀八分一釐。幫價銀四分。共土方例幫二價銀六千四百九十七兩零。並修築攔水挑水等壩工料銀一千六百六十六兩零。均循例於支河生息本款動支。其展寬加深土

方。本款既無餘銀可動。且挑挖較深。幫價亦屬不敷。著准其援照成案。每方給例價銀八分一釐。幫價銀六分九釐。用資津貼。此項土方例幫二價銀。一萬五千九百八十二兩零。著先於司庫地丁項下借給趕辦。分年攤徵還款。該署撫仍飭屬認真辦理。工竣覈實驗收。至向來歲挑四女寺支河工段。並修築壩工。係按坐落地界。即由該州縣衛領銀挑辦。歲以為常。易啓偷減草率等弊。且此次加展寬深之後。自無須按年估挑。嗣後著間一二年。由該省巡撫衙門遴委誠實大員查看。如果淤淺太甚。再行確估奏辦。毋庸專交地方官承挑。以節糜費。而杜流弊。該部知道。○署山東巡撫琦善奏。四女寺支河流水壩。從前定誌以河水長至一丈六尺。始行啓壩。請嗣後長一丈三尺。即行啓壩。在上游漲水。既可漸減。而浮送重運。亦無短絀之虞。實於漕運民田。均有裨益。得旨依議。行仍應隨時查看。

母致願此失彼。○旌表守正捐軀廣東東莞縣民楊華。女亞菊。○緩徵山東長清齊河齊東海豐霑化鄒平。應城利津濱。濟寧章邱淄川。濟陽臨邑。陵德平。長山。朝城。館陶。三十州縣及屯坐各衛積歉村莊。新舊額賦。並漕河電課。○加賞大興宛平兩縣飯廠賑米。○乙亥。

上詣綺春園問

皇太后安。○庚子。

上詣

時應宮。

昭顯廟拈香。○還宮。○諭內閣。英惠奏。廢員到戍。將屆三年。請量予恩施等語。朱錫爵前在山東布政使任內。諸事廢弛。著不准釋回。仍留烏魯木齊效力。另候諭旨。○以常雩祀天於

圓丘。自是日始。齋戒三日。○辛丑。諭內閣。趙慎畛等奏。臺灣鹿耳門等處。請毋庸添建礮臺。



一摺臺灣鹿耳門等處從前因海洋未靖經該省議請添建礮臺並建復卡堆堆堞望樓等項原係因時制宜茲據該督等查明鹿耳淡水兩口並無地基堪以建築礮臺其鹿耳門口兩旁沙汕海潮衝漲靡定亦難建築且該處前已添造守港快船由臺灣水師歷年派定中左右三營知字號船十隻每船各配兵五十名俱駕赴鹿耳門常川在港巡防其鹿港北岸地基早已衝成港道亦無餘地可以建復現由該廳捐雇巡船在彼常川哨探俱各周備至淡水海口滬尾地方原有礮臺本屬堅固足資守禦所有前議添建礮臺兵房卡堆堆堞望樓等項著照所請毋庸建造以節糜費○又諭魏元煜奏糧船喫水尺寸請量為加增一摺前因重運糧船任意攬帶客貨偷漏稅課降旨令漕運總督查明各幫船喫水尺寸造冊咨會山東巡撫委員在東昌一帶照冊勾水將逾制者嚴行懲辦茲據

該漕督奏稱江浙江廣各幫船喫水尺寸自乾隆年間定制以來節因灑帶搭運等項喫水逐漸加重若仍照原定尺寸則逾制之船必多自應酌量增加以歸覈實著照所請嗣後江浙船身喫水以三尺八寸為度江廣船身喫水以四尺三寸為度自本年為始該漕督將各省幫船喫水尺寸移咨東省查辦並准俱用漕尺勾水其承辦勾水委員於糧船抵閘隨到隨勾毋許揀留稽緩致誤重運行走至江廣各幫例帶三百石剝船一隻有無蓬艙及幫次丁名著一併於過淮時咨送山東嚴加查察不得任令額外多帶剝船以杜隱混○又諭御史郎葆辰奏請除京城時弊一摺前因京師饑民四集致有奪取食物之事曾經降旨飭禁茲據該御史奏稱竟有市井匪徒冒託饑民肆行搶奪者殊屬大干法紀著步軍統領順天府五城出示禁止並派員密訪嚴拏以懲奸宄至輦轂重地理宜整

肅。如所稱添開戲莊等款。均於風俗人心大有關繫。並著步軍統領衙門一體嚴行查禁。毋得視為具文。○旌表守正捐軀河南鄭州民王全妮妻王氏。○戶部議准前任江西巡撫程含章疏報。德興縣開墾田五畝有奇。照例升科。從之。○壬寅。

上詣

南郊齋宮齋宿。○諭內閣。昨據御史錢儀吉奏。稱。民人遞相傳述。有恩賞流民銀米資送回

籍之語。若給以資斧。易致虛捏。派役護送。又慮滋擾。請於四月中旬停止飯廠。按名給籌。計口授米。於一日內放竣等語。流民押送回籍。難免差役紛擾。且本籍內恐仍不能得食。原係必不可行之事。嘉慶年間。

聖諭煌煌。共聞共見。本年京中饑民就食者多。朕令順天府五城各廠分別土著流民人數。五日具報一次。此係勤求民瘼。不使壅於上聞。給事中許乃濟曾經條奏。朕未明降諭旨。

何致外間遞相傳述。自係許乃濟不自慎密所致。而錢儀吉以外間傳述浮言。形諸奏牘。亦屬冒昧。其所請停止飯廠。於是日查到廠人數。按名給籌。另行定期授米。於一日內全行放竣。殊屬非是。各廠煮賑。流民來往無常。多寡不一。若就一日之人數給籌照驗。勢必不免偏枯。若豫行出示曉諭。則紛至沓來。即難免虛捏冒領等弊。且此等無業遊民。或竟圖一時之利。得米售賣。將來仍復餬口無資。必致轉徙溝壑。是承辦各官可免逐日散放之勞。而貧民轉不能均霑實惠。所奏斷不可行。○諭軍機大臣等。程含章奏請籌款速辦直隸水利一摺。據稱直隸通省工段繁多。不能同時並舉。惟先將各河淀一律挑挖寬深。然後將各州縣支港逐一疏通。俾民間旱潦有備。其承辦工段。必須分段責成。各道府各率所屬州縣佐雜並紳士農民。各治所屬之水。較委員承辦費省工倍。此番工程浩大。除

永定河例係官修外其餘挑河築隄既難概照土方致滋多費而連年災歉惟照以工代賑之例為得事理之平所奏俱屬可行程含章日內即可自京起程著蔣攸銛會同籌議務須和衷共濟於該省水道農田雨有裨益為一勞永逸之計有必應籌款之處據實奏聞候朕降旨又另片奏工程緊要者三處應將各要口河路疏通俾積水消退請飭部速撥銀二十萬兩等語前據蔣攸銛奏疏築河道要工現存銀兩不敷當降旨令長蘆撥銀十萬兩又令戶部籌撥銀十萬兩共撥銀二十萬兩此次程含章所奏三段工程是否即係蔣攸銛所奏河道要工抑係在蔣攸銛所奏要工之外朕陸續撥解直隸銀兩此項三段工程蔣攸銛所籌之款是否敷用著據實覆奏再降諭旨程含章原摺並摺片俱著鈔給閱看將此諭令知之尋蔣攸銛覆奏程含章條陳水利其所請銀二十萬兩並不在臣

籌款之內計程含章不日到省必須熟籌妥商覈實辦理得旨所奏甚明晰奏到時再降諭旨○又諭盧坤奏請停未發鄉勇卹賞銀兩一摺陝西省未發嘉慶八年以前折半卹賞銀兩迄今二十餘年因查辦未能確實歷任巡撫均未奏請補發茲據該撫查明各鄉勇等多係無業遊民事遠年湮是否均在應卹之例實屬難稽若再為補給必致刁民假捏胥吏勾串浸漁弊實叢生訟端滋起而鄉勇家屬無憑給領徒致冒濫著照所請將陝西省未發鄉勇折半卹賞銀十五萬九千九百七十八兩零概行停止其陣亡鄉勇入祀昭忠祠之處著飭令各地方按名入祀無使遺漏將此諭令知之○癸卯常雩祀天於圓丘上親詣行禮○幸圓明園○詣綺春園問皇太后安○修直隸天津西沽壘道從長蘆鹽

政阿爾邦阿請也。○甲辰調陝西西安鎮總兵官珠勒亨為伊犁鎮總兵官。○乙巳嚴飭刑部審理案件。詳慎推鞠。諭內閣刑部審理案件。必須盡心推勘。將真實情形。永落石出。方足以昭執法之平。上年內閣有遺失金葉表文一案。黏桿處有遺失蝦鬚釣魚竿等件一案。近又有內閣遺失硃簽一案。俱經刑部審訊具奏。並未究出被竊緣由。及贓賊確據。刑部為刑名總匯。於各犯到案。固不可一味刑求。致使無辜受累。然果能悉心研究。豈有尋常盜竊之案。轉不能審有端倪。若徒以一奏了結。則正盜漏網。奸猾之徒。益復無所忌憚。其何以明罰敕法耶。嗣後遇有此等案件。該堂官務督飭司員詳慎推鞠。總期人贓並獲。按律定擬。斷不可顛頂了事。致滋寬縱。如案已奏結。或在逃正犯。別經發覺。朕惟該堂司各官是問。恐不能當其咎也。懍之慎之。○又諭李鴻賓等奏。君山移駐官兵格礙難行。

應請停止。並酌籌巡緝事宜。一摺。湖南巴陵縣君山地方。二洲產生蘆葦。前因居民爭占釀命。斷作官荒。每有棍徒聚眾爭割。並因洞庭湖商船往來。恐有盜賊竊劫。據陳若霖等奏。請移駐文武官兵。巡查彈壓。即以君山廟宇。改作文武衙署。由部議准行。茲據李鴻賓等查明。該山地勢甚狹。廟宇窄小。移建衙署。實無隙地。可以擴充。體察情形。種種窒礙難行。不敢因奏定在先。稍存遷就。所有前議岳州府同知。岳州府水師營守備。帶兵五十名。移駐君山之處。著即停止。惟巡防事宜。必須周密。從前原派岳州府同知。岳州營參將。帶同員弁兵役。按月會巡。並派岳州府水師營把總一員。帶兵二十名。常川往來偵緝。近年以來。匪徒稍知斂跡。前項官兵。自應仍循其舊。此外彈壓巡查。更須派委文武大員定期會哨。以昭慎重。著照所請。嗣後責成岳州府知府。暨岳州營參將。按月親歷巡查。並飭該

同知守備隨時前往實力偵緝如能拏獲巨匪多名分別鼓勵僅有疏懈即行分別撤叅以示懲儆○又諭富綸奏印務主事兼管事務過多請另行派員經理並查銷舊用圖記一摺烏什印務主事承辦事件過多據富綸查明恐有顧此失彼之虞自應將各項事務派員分管以專責成著照所請嗣後印務主事祇准兼辦回務其稅務一項仍照成案歸於糧餉局辦理至軍臺收放二處著即委令糧餉局主事職銜桂芬佐領珠陞阿分司經理各委員即各用本任圖記關防所有稅務軍臺收放等處舊用木刻圖記著即查銷該部知道○諭軍機大臣等本日御史陳湮奏永定河開壩減河情形據稱前開河臣張文浩查辦直隸水利議於永定河南岸建設開壩挑挖減河現已興工於南岸修復金門開挑挖減河一道又於開上建灰壩一座挑挖減河一道皆為分減盛漲洩入大清河之用

查金門開久經堵閉乾隆年間孫嘉淦曾於開上開放南岸洩水入中亭河不能容納附近民田受害旋即趕緊堵築今新開減河放水灌入清河與孫嘉淦所為無異況清河壅塞不能容納減水易滋漫溢等語大清河貫串東西兩淀因下游為永定濁水所淤上游頻年潰決畿南十餘州縣被災獨重必須先從下游疏治俾得暢流入海若轉在上游灌輸濁水則壅遏泛濫為患彌甚此事關繫全河大局不可不計出萬全著交程含章將攸銛再加相度通盤籌畫務使隄障田廬兩無妨礙方為至善將此諭令知之尋奏查永定河綿長四百餘里兩岸皆沙不能如江南之土性堅實可以加高培厚自嘉慶六年全河漫口北上汛土山衝刷殆盡此時補偏救弊惟有修復金門開並於南上汛添建灰壩盛漲時出水不過二三尺歷時不過一半日與乾隆五年孫嘉淦奏准將永定河全河入金

門閭引河下注者迥不相同。容親赴永定履勘妥籌。從長計議報聞。○諭御前大臣等。向來阿哥等哈哈珠色。並無告假外出省親之例。今張廣傑告假赴福建伊兄遊擊張廣信任所。着視伊母。殊屬不合。張廣傑毋庸賞假。嗣後除三省旗人。准其告假外。餘俱不准行。○貸湖北荊州城守水師宜都三營駐劄災區兵丁倉穀。○丙午諭內閣。戶部奏江蘇省各屬徵存未解銀兩。自道光元年奏催以來。已及三載。未據該撫專案報解入撥。亦未將報解遲延。及督催不力各職名查取送議。現查各屬交代冊開。應次舊任未解。及新任徵存未解。共銀一百八十三萬三千五百三十三兩零。著該撫勒限嚴提。解司報撥。如再仍前延宕。即行叅辦。示懲。仍將報解遲延。及督催不力各職名查取送部叅議。至安徽省道光元年奏催徵存未解銀兩。據該撫報部應存銀三百四十九萬三百九十餘兩。除已行

撥解支銷。及現在提解。共銀四十六萬九千五百七十餘兩外。報入歷次清查銀三百二萬八百二十餘兩。該省各屬虧缺銀兩。既經歸入清查案內。分限追補。自應按照議定限期。嚴行追繳。乃該省清查之案。辦至六次之多。歷次未完。統歸後案起限。是後次之清查。即為歷次未完。各員延宕地步。追補之議。仍屬有名無實。著該撫按照六次清查追補限期。實力催追。報部撥用。如有新虧。照例叅辦。以後毋許再有清查名目。各屬交代案內。亦不得再有徵存未解款項。以杜影射新虧之漸。○改父母毆子誤殺旁人例。刑部奏。父母毆殺其子。按例罪止擬杖。與凡人之應擬絞抵者不同。若因毆子誤殺旁人。仍照尋常闖毆誤殺旁人致斃例擬絞。殊未平允。應請嗣後父母毆子。誤傷旁人致斃者。於闖殺絞監候律上減為杖一百流三千里。因謀殺子誤殺旁人一命者。於故殺斬監候律上減為近

邊充軍。誤殺旁人一家二命。及三命非一家者。於故殺一家二命斬罪上。減為發新疆酌撥種地當差。誤殺旁人一家二命以上。及三命以上非一家者。於斬罪上減為絞監候。秋審入於緩決。其因毆子及謀殺子。誤殺有服卑幼者。各於毆故殺卑幼本律上減一等問擬。若誤殺有服尊長者。仍依毆故殺尊長。及誤殺尊長各律例問擬從之。○補行道光三年大計。甘肅卓異官九員。罷輟官一員。浮躁官一員。才力不及官一員。年老官六員。分別議敘處分如例。○丁未。諭內閣。師承瀛奏。審擬已革提督。請發往軍臺效力一摺。此案已革提督沈添華。修葺衙署。役使兵丁。經年累月。實屬任性妄為。姑念尚無攤扣俸餉。及曠誤操防情事。業經革職。已足蔽辜。沈添華著加恩飭令回籍。免其發往軍臺。○引見翰林院及各衙門保送御史人員。得旨。汪琳。王丙。陳肇。劉學厚。但明倫。主雲岫。何輝綬。陳鑾。王

鳳翰。楊煒。韓俊杰。尹佩珩。廖敦行。徐養灝。俱著記名。以御史用。○以校閱三旗侍衛等步射。分別賞罰。升降有差。○追旌前明殉難捐軀四川嘉定州知州朱儀妻胡氏。子命錫如例。○戊申。諭內閣。御史蔡學川奏。請嚴禁幕友濫邀議敘一摺。所奏是。朝廷議敘之典。原所以鼓勵人材。至幕友裏理幕務。由本官自行延請。與在官供職者不同。若以有職人員。舍官就幕。遂得濫邀甄敘。既難免大員市恩。瞻徇等弊。且開各項人員規避取巧之端。嗣後各督撫鹽政等。奏請一切議敘。概不准將幕友保列。以杜冒濫。○又諭。富俊奏。勘明閒荒墾地。不敷養馬之需一摺。前據松筠奏。請借吉林每年馬廠地租。公用閒款。給兵丁買馬。並墾閒荒地。收租存公。為買補例斃馬匹等項之需。當即降旨。令富俊妥議具奏。茲據查明。吉爾薩河閒荒。僅可墾地一千八百餘畝。不能多種地畝。實不敷養馬及買補倒斃



之項而所議價值亦不能置買壯馬。又未議給馬乾。該處兵丁各有差使。度日尚不寬裕。若再令拴鞍牧馬。反受養馬之累。自應仍循舊章辦理。所有松筠奏兵丁添立馬匹並咨行各城副都統照辦之處。著毋庸議。○諭軍機大臣等。本日御史周貽徽奏粵西商人李秉禮李秉綬兄弟開設鹽埠。納課販運。在全州柳浦地方開廠。於額引外夾帶私鹽。嘉慶年間經知州劉承志等緝獲私鹽。設法消弭。矜民唐錫等先後告發。地方官祇將原告威嚇。令出不願終訟甘結。承審官並未將被告傳質。該商李秉禮係原任左副都御史李宗瀚之父。李秉綬係其胞叔。地方官關礙情面。不肯究辦。粵省鹽價嘉慶年間因海洋不靖加價。今海靖鹽旺。仍賣制錢三十八九至四十文不等。請飭部將加價概行停止等語。夾帶私鹽。久干例禁。如果該商等藉引行私。地方官消弭開脫。不可不嚴行查辦。至從前

因雨多鹽缺。海洋未靖。暫准加價。今海道無阻。場鹽豐旺。亦應量為減價。著交阮元會同康紹鏞將該御史所奏各情節。秉公確查。毋稍含混。儻該商等實有夾帶私鹽及賄囑消弭情弊。即著據實嚴參治罪。其鹽斤是否應行減價之處。亦著妥議具奏。該御史原摺著鈔給閱看。將此各諭令知之。○己酉。署山東按察使訥爾經額因病賞假。以充沂曹濟道賀長齡署按察使。○濬安徽靈璧縣減黃引河。並培築隄埝。從協辦大學士總督孫玉庭請也。○修築山東臨清州衛河民堰等工。從署巡撫琦善請也。○庚戌。孝端文皇后忌辰。遣官祭昭陵。○上詣綺春園問皇太后安。○陝甘總督那彥成奏遵旨查訪已革總兵張拱辰自縊一案。已密提案冊。並管事營書詳查研詰。得旨辦理。庶政貴得其平。

若情罪失當。豈止人命攸關。又將何以服眾耶。英惠辦理此事。有無失錯。必要細心查覈。斷不可惑於救生不救死之謬論也。○改河南南陽府鄧州為題缺。開封府中牟縣為選缺。從巡撫程祖洛請也。○辛亥。

上奉

皇太后幸同樂園進膳。○命於二十二日。

黑龍潭。

覺生寺設壇祈雨。○壬子。

上還宮。○癸丑恭纂。

仁宗睿皇帝實錄

聖訓告成。監修總裁大學士曹振鏞等奉表恭進。

上詣保和殿陳設

實錄

聖訓案前行禮受書。禮成。

御太和殿作樂宣表。監修總裁等行禮畢。王貝勒貝子公及文武各官等奏言。欽惟

仁宗睿皇帝道法心傳。久安長治。湛恩汪濊。

澤生民。

皇上寅念

先猷。紹庭基命。秉知人安民之

訓。立綏猷建極之規。茲者上儀懋舉。天地為昭。

於萬斯年。勿替敬典。臣等恭逢

昌會。虔仰

洪釐。曷勝慶忭歡欣之至。

上傳制曰。朕惟

皇考仁宗睿皇帝撫辰熙載。週甲提釐。釀化懿

綱。榮鏡宇宙。朕寅承

駿命。祇遵

鴻圖。特命大學士等恭輯

實錄

聖訓。疊懷繼序。勤敷繹思。茲者纂修告成。上儀

懋舉。朕得監於成憲。日就月將。以恭受丕丕

基。亦俾我子孫臣庶。克永觀省。萬世咸休。朕

心欣悅。與卿等同之。王以下文武各官行慶

賀禮○派出奉書之員○子舍及宗人府官由保和殿恭奉

實錄

聖訓至乾清宮安設

上復詣香案前行禮○諭內閣○欽惟我

皇考仁宗睿皇帝茂育庠生紹休

聖緒

臨御二十五年○思艱圖易○惟日孜孜○溯自

授璽初元○躬聆

彝訓○洎乎

親政○飭紀整綱

敬

天

法

祖

勤政愛民

壇

廟大祀致愬盡誠歲謁

橋山陪都再蒞

六聖寶訓○夙夜繹思○治具畢張○洪纖備舉○仰惟

神武布昭○戎兵克詰○川楚豫東○邪匪悉就○蕩平

閩粵海疆○鯨波綏靖○四裔警服○寰寓鏡清○至

於

聖學淵深

大文彪炳

訓誨宗室

箴告在廷

謨明弼諧○百職無曠○蠲除賑貸○則

閭閻阜敷○疏導宣防○則大工屢蒞

欽恤庶獄○明慎用刑

宏業遠猷○幾於史不勝紀○稽諸往牒○罕有比隆

朕以藐躬○渥承

眷顧○伏見

聖德

神功鴻藻○景鑠爰於嗣位之初○命大學士等督

率官員○敬謹纂修

實錄比年紀事一歸簡質。共成書三百七十四卷。又續經恭輯。

聖訓一百十卷。

顯謨承烈實為邃古所未有。茲全書告成。百僚共慶。

功巍

文煥億載為昭。金鑰尊藏。紹庭彌切。館臣等四載以來。悉心編勘。妥速竣功。允宜優加甄敘。以彰鉅典。而獎勤勞。監修總裁官。正副總裁

官暨提調纂校收掌繙譯謄錄等員。與執事人等。作何議敘之處。著該部查照舊例。斟酌妥議具奏。其筵宴賞賚。亦著該部察例具奏。

○又諭本日

皇考仁宗睿皇帝聖訓實錄告成。朕祇肅受書。實深欣慶。除現已降旨。將在館各員及執事人等。一併施恩。交部查照舊例。優敘錫賞外。溯思開館以來。所有在館臣工等。皆能盡心編輯。各矢勤勞。此內監修總裁。正副總裁。在

館四年。始終經理其事。允宜特加優獎。大學

士曹振鏞。著加恩賞戴花翎。長子候選員外

郎曹恩汴。著遇缺即補。次子監生曹恩潑。著

賞給舉人。准其一體會試。大學士戴均元。長

子候補員外郎戴詩亨。著加恩遇缺即補。長

孫監生戴嘉秀。著賞給舉人。准其一體會試。

協辦大學士尚書英和。著加恩賞加太子太

保銜。長孫錫祉。至十八歲。即交吏部帶領引

見。遇缺即補。尚書汪廷珍。次子汪報閔。著加

恩賞給主事。長孫監生汪承佑。著賞給舉人。

准其一體會試。休致大學士伯麟。前已賞食

半俸。著加恩賞食全俸。尚書文孚。著加恩賞

太子少保銜。侍郎王引之。長子候補主事王

壽昌。著加恩遇缺即補。侍郎博啓圖。前在館

三年有餘。著加恩賞戴花翎。以示朕推恩懋

賞嘉獎勤勞至意。○又諭本日

皇考仁宗睿皇帝聖訓實錄告成。朕於卯刻吉

時。御殿受書。祇肅成禮。羣僚畢賀。維時卿雲

布漢瑞霽續紛吉事有祥彌增欣慶仰惟

皇考仁宗睿皇帝體元立極

緯武經文二十五年之

貽謀盛業具載典謨朕志切紹聞常存寅畏幸

皆上邀

聖鑒故當此全書告竣之日欽承

慈賜昭示休嘉實我國家億萬年介福所基嘉

與在廷大小臣工同殷額慶允宜普被恩施

用昭鉅典除降旨將監修總裁以下各員並

在館執事人等分別加恩外所有本日進書

執事之親王郡王均著加恩紀錄四次執事

之員勒以下宗室文武官員及執事之大臣

官員均著加恩紀錄二次其宣讀表文致辭

制答各員並著加恩紀錄二次其餘文武大

小各員均著概行施恩紀錄一次此外八旗

兵丁並著加恩各賞給半月錢糧以示慶成

錫福閭澤覃敷至意○修山東上河廳屬減

水閘並疏濬引渠從河道總督嚴烺請也○

甲寅

上幸圓明園○諭內閣富俊奏籌議散放三姓

獲票一摺吉林三姓地方額定獲票從前因

每年放不足數將額票十三張移撥琿春試

放以致寧古塔放票情形拮据辦理本未平

允嗣經富俊奏准將前票仍歸三姓散放後

復有議給津貼名目第各城票張不少若紛

紛效尤成何政體嗣後著責成承辦獲務之

員將額票全數散放不得藉詞接濟希圖津

貼至該處出產貂皮各商前往承買若在吉

林完納稅銀程途較遠易滋偷漏著准其就

近在三姓副都統衙門納稅領票進關售賣

其稅銀即存貯副都統衙門庫內抵充該處

官兵俸餉該副都統仍嚴加稽察儘收儘解

咨報該將軍查覈俟試放三年再以多收年

分定為稅額如有任意勒捐浮收即著嚴叅

懲辦該部知道○又諭富俊奏圖禁宗室惠

昇保使妄私赴吉林一摺惠昇保係嚴行圈

禁之人。例不准隨帶家屬。其私令莊頭將伊使妾李氏。於上年十月送到吉林。伊家曾否呈報。何以宗人府未經查出。著即查明據實具奏。至吉林管理街道。及兵司巡查看守各員。於李氏前往吉林居住數月之久。並未查出呈報。實屬疏縱。著該將軍查取職名。交部分別議處。○乙卯。

上詣

黑龍潭神祠拈香。○諭內閣。孫玉庭等覆奏

鹽務事宜一摺。前因御史董國華條奏。兩淮鹽務應辦各款。當經降旨交該督等逐一詳查具奏。茲據就實在情形。酌請隨宜辦理。各場產鹽豐旺。必須設立垣座。認真收買餘鹽。循環銷運。既免壅積。兼可杜竈戶透漏之弊。淮南向已辦有定規。惟淮北商力素疲。運銷支絀。應再酌立章程。以專責成。所有前奏南商協濟銀款內撥出之二十五萬兩。著該督等會派殷實妥商二三人。查明場產餘鹽。給

銀儘產儘收。發運出場。在淮所設垣堆貯。掣交淮北需鹽口岸。專商納課領運。將繳價輓轆收買。務使餘鹽儘數歸官。私販自可漸絕。至淮所既設官垣。著即作為公埠。以備常年撥運。各岸濟售。無庸另在正陽關添設公所。又南商現在資本僅數自運。淮北鹽務。著仍督令北商經理。毋得仍前玩誤。該督等務須隨時整飭。俾課食兩裕。以裨疆務。○又諭孫玉庭等奏。地方紳耆。請以原任河督入祀名宦。並建專祠一摺。黎世序前在江南河道總督任內。宣防盡力。遺愛在民。除入祀名宦。循例具題外。著准該紳耆等捐建專祠。以順輿情。而彰勳績。○貸江南徐州鎮標中城守蕭三營駐劄災區兵丁兩月錢糧。○撥江南江寧揚州池州廬州鳳陽五府。並江浦泰興。二縣漕糧九千五百石有奇。協濟江安糧道所屬應放幫丁行月米石。○丙辰。

上詣綺春園問

皇太后安○諭內閣武隆阿奏閱看提標四營演習梅花車礮陣式未能如式整齊請旨裁撤等語所見是梅花車礮陣式前據楊芳奏請添設至今二年之久演習迄無成效總由所配兵械龐雜難行自不如部頒九連連環陣式隊伍分明可省兵力而歸實用著該提督仍嚴飭將弁專習部頒陣式務期技藝嫻熟悉成勁旅所有楊芳奏添之車礮陣式著即裁撤○命兩淮鹽政曾燠留任○貸湖北武昌府屬道士沃營駐劄災區兵丁倉穀○丁巳諭內閣此次恭纂

皇考仁宗睿皇帝聖訓實錄該總裁等盡心編輯盛典告成允宜酬獎勤勞前特降旨將監修總裁官正副總裁官作何議敘交該部查例議奏茲據曹振鏞等以業經渥荷恩施籲請停免議敘情詞懇至自應俯如所請曹振鏞戴均元伯麟英和汪廷珍文孚王引之議敘之處俱著准其停免交部博啓圖已賞花

翎亦著毋庸給予議敘○又諭

皇考仁宗睿皇帝實錄慶成據曹振鏞等將在館出力各員據實保奏該館提調等官盡心編輯妥速藏事均屬奮勉可嘉提調官貴慶著加恩以四五品京堂候補總纂官沈維鏞總校官鍾昌彭邦疇均著加恩給予一等議敘總校官容安著加恩賞給頭等侍衛提調官巴琿阿著加恩賞給副都統銜編修胡達源著遇有中允司業贊善缺出即由吏部奏補禮部蒙古主事裕泰著遇有該部滿洲蒙古員外郎缺出不論題選即行升用並免其試俸理藩院主事音德布著遇有該衙門員外郎缺出不論咨留即行升用並免試俸均毋庸先換頂帶纂修官編修凌泰封邵正笏許乃普均著遇有應升之缺帶領在前引見候旨升用總纂官刑部員外郎阿廉著遇有該部郎中缺出不論題選即行升用工部候補主事黃怡德著遇有該部題選主事缺出



即行補用。兵部蒙古員外郎景善著遇有該部滿洲蒙古郎中缺出。不論題選。即行升用。總校官兵部員外郎宗室法式尚阿著遇有宗人府理事官各部院宗室郎中缺出。即行升選。以上四員。均免試俸。總纂官現任安徽徽州府知府麟慶著賞加道銜。署總纂官戚人鏡著加恩賞給翰林院檢討。其升任離館之侍郎史致儼。內閣學士白鎔俱著給予二等議敘。以示獎勵。○戊午諭內閣。

實錄館人員有因事故離館者。著按在館月日。扣滿二年以上。減半給賞。不足二年。無庸賞給。○又諭阿爾邦阿奏籌議新開衛河挑濬工程。請次第興舉一摺。直隸河南兩省新刷衛河。前經該督撫酌擬開治章程。並估計挑費。及給予地價銀數。奏明蘆商情願捐辦。節經降旨飭令及早興工。於大汛前一律完竣。茲據該鹽政奏稱。長蘆鹽運祇南引經由衛河。該商等引課無多。資本微薄。近年尤加疲

累。雖各商咸願捐輸。而工用較繁。大汛期近。難以剋日辦竣。懇將挑河築壩等工。本年暫緩興舉。至河身所占地畝。及酌留緯道遷徙房間各價。查照原奏先行措解兩省。令房地業戶分別具領。著照所請。將房地價銀八萬餘兩。令商人迅速籌解。該商人現可交銀四萬三千餘兩。其餘銀四萬兩。准將司庫徵存應還賈魯河挑費銀兩先行借墊。如數撥解。俾新衛河大局全定。商民漕運皆得暢行。其

挑河築壩各工。著該鹽政飭令運司籌款。會同該督撫計議妥協。俟來歲春融趕緊興工。務於大汛前一律完竣。至現借賈魯河挑費銀兩。仍飭令該商等速行措交撥解還款。該部知道。○諭軍機大臣等。繼昌奏萬年吉地工程。親往稽察彈壓。惟工程素未諳習。且錢糧一切。經王大臣等奏派專員管理。無須稽覈等語。繼昌經朕特簡馬蘭鎮總兵兼總管內務府大臣。責令辦理萬年吉地工程。一切

工程錢糧皆伊分內應辦之事。何得謂無須稽覈。且綿課戴均元英和不能常川到工。伊駐劄馬蘭鎮地方。正當隨時督辦。認真稽察。何得以查催空談敷衍塞責。伊所奏不能推諉。實已存推諉之意。嗣後務須實心經理。毋得以工程素未諳習為詞。轉思置身事外也。將此諭令知之。○馬蘭鎮總兵官繼昌奏。偷伐樹株。情罪重大。難保無勾結兵丁。併窩藏銷售情事。得旨。此兩層係必有之事。知之匪艱。惟在隨時認真查訪。一有不法之徒。立即懲辦。斷不可稍為疏縱。勉之。○賞前任貴州遵義協副將廷普托善頭等侍衛。在大門上行走。○己未諭內閣。據宗人府覆奏。吉林園禁宗室惠昇保使妾李氏私行出京一案。伊家並未呈報。現訊佟佳氏據供。上年六月有闕東莊頭劉六之父劉三。並李氏之弟李貴來京。將李氏送往。並無惠昇保寄信帶銀之事。與富俊所奏惠昇保原供不符。查驗買契

李氏係熊文璽之妻。因貧交李富等另聘。亦顯有別項情弊。自應徹底根究。著富俊即將李氏及現在吉林之莊頭劉六。逮解來京。並著盛京將軍提訊白旗堡三台子地方之莊頭劉三。查傳熊文璽李富李貴孫連可李俊生等。一併訊取確供。將供詞咨送刑部。會同宗人府定擬具奏。至失察李氏私行出京之前管正白旗第二族族長穆克德布。接管族長和泰學長富寬寬勇俱著交部議處。總族長綿志。端恩俱著交部察議。綿課烏爾恭阿。奕紹綿舉。自請察議之處。俱著加恩寬免。○協辦大學士英和因病賞假。以兵部尚書玉麟兼署步軍統領。工部尚書禧恩管奉宸苑事。頭等侍衛容照為奉宸苑卿。○以大學士長齡兼署鑲黃旗滿洲都統。○修陝西平利略陽石泉寧羌城固五州縣城垣土堡。並挑築石泉縣隄壩各工。從巡撫盧坤請也。○庚申。

上幸萬壽山詣

廣潤祠拈香。○諭內閣容照等奏審擬佐領舒義呈控伊兄含冤自縊一摺。此案廢員王履泰派辦屯務。因原任將軍松霖多病。令伊醫治。膽敢干預公事。種種擅專。於松霖叅辦舒精額案内。圖洩私嫌。迨舒精額自縊復假捏贓款。巧為掩護。其代擬奏摺。舞文欺飾。實屬險詐可惡。若照遣犯復犯。徒罪僅予枷號。不足蔽辜。王履泰著改發伊犁充當苦差。舒義因痛兄情切。列款具控。雖所控不盡屬實。事出有因。且查明所管屯內實無流民。舒義著准其開復。仍交部議處。松筠於佐領呈控時。不即究辦。亦屬不合。著交部議處。○諭軍機大臣等。朕因順天府五城飯廠。饑民就食者眾。令各廠分別土著流民人數。報明軍機處。茲據各廠報到。本月二十三日。廠內人數除土著外。共計流民七千三百八十餘名。朕上年因直隸被水。發帑拯濟各項。至一百八

十萬兩。並截撥漕糧粟米數十萬石。所以撫卹災民者。不為不厚。如果地方官認真妥辦。俾災民均需實惠。何至舍近就遠。輕去其鄉。四散覓食。現查保定府所屬各縣流民。即有三百餘名之多。是該督不能督率地方官妥為經理。已可概見。京中飯廠開放已久。截至五月二十日。即應停止。勢斷不能再展。此等流民。既不可押送回籍。致滋差役紛擾。若令其留滯京城。或填委溝壑。或流為盜匪。尚復成何事體。其應如何籌令各歸原籍。俾無失所之處。著蔣攸銑悉心籌畫。迅速覆奏。將此諭令知之。○辛酉。

上御勤政殿聽政。○定繙譯進士出身之小京官筆帖式。推升漢字堂主事。例吏部奏六部漢字堂主事。例應將科甲出身人員升用。文進士文舉人出身之小京官筆帖式。既准一體論俸升用。則繙譯進士。自應與繙譯舉人一律辦理。應請嗣後繙譯進士出身之小京

官筆帖式准其與繙譯舉人一體推升統俟  
文進士文舉人出身人員升用五缺後將繙  
譯進士舉人出身之員通行論俸升用一人  
如此覈辦庶繙譯進士舉人升用咸歸畫一  
從之○以通政使司參議前任禮部侍郎寶  
興為都察院左副都御史服闋光祿寺卿蔣  
祥墀為光祿寺卿○命科布多參贊大臣那  
彥寶來京賞頭等侍衛巴琿阿副都統銜為  
科布多參贊大臣○壬戌添建山東沂州營  
庫局營房從署巡撫琦善請也

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十七

監作帳簿及履歷自諸部起居官太子之除餘二編大學士之河間府儒學監戶部主事官分給師保翰林院掌書等職  
天啓府尹李傑贈奉直五級臣保十八歲及貴隨朝觀官題署講官又為監察再降革職歸官廷部官居臣臣臣臣臣  
七舍大儒學祭酒同四譯館學士一級隨帶加級加二級三級臣保五歲太子花沙喇阿達謀官湖廣總督南甯王之子南甯王  
內務府大臣錄自滿洲都統將襲內大臣大臣管理宗人府錄原系幼官字 宏泰官滿明開事度特拔官初為應房初應房  
襲位進封奉恩將軍加十八級臣阿勒楚克官署是講官兵部尚書隨帶加級加九次臣周祖培等奉

道光四年甲申五月癸亥朔裁貴州貞豐州

屬羅炎司土外委缺從巡撫程國仁請也○

上詣綺春園問

皇太后安。○諭內閣。刑部奏審訊山西榆次縣民閻思虎強姦釀命大概情形。已據各犯供證確鑿。並閻思虎親供是強非和。毫無疑義。此案該省承審驗訊各員。顯有賄囑徇縱回護刑逼情弊。榆次縣知縣呂錫齡著即革職。太原府知府沈琮忻州知州慶純平定州知

○以左春坊左中允易元善充日講起居注官。○戶部議准福建巡撫孫爾準疏報漳平縣開墾田五畝有奇。照例升科從之。○乙丑。孝誠仁皇后忌辰。遣官祭。

景陵。○諭內閣。蔣攸銑奏籌議遣散在京流民一摺。前因順天府五城飯廠將屆停止。流民就食者眾。未便令其留滯京城。諭令蔣攸銑悉心籌畫。迅速覆奏。茲據奏稱。直隸各屬均已得雨。麥田將熟。在京流民。可期各回鄉里。

耕作傭趁謀生。現在通州開廠煮賑。保定推廣流養局收養。其老病不能力作者。或赴通州賑廠。或歸保定收養。業已咨商順天府。廣為出示曉諭等語。京中飯廠開放已久。截至五月二十日停止。勢不能再行加展。此時已屆麥收。該流民等。各回本籍。尚可力圖生計。著順天府五城。於各廠未停之前。豫期出示。每日放飯時。復面加曉諭。勿任久集京師。游手失業。並著蔣攸銛督飭該地方官。加意查察。妥為安撫。俾窮民不致轉徙流離。以副朕痼瘼在抱至意。○又諭穆彰阿等。奏均查大凌河馬羣一摺。盛京大凌河額設驛騾馬羣一萬三千六百匹。向例每屆三年。由上駟院均查一次。如孳生數目較多。除留原額馬匹外。將餘馬交盛京各屬州縣分別變價。茲自嘉慶二十五年。至道光三年。屆應查驗。經穆彰阿等均齊羣牧。該處現在多餘馬四千四百餘匹。著毋庸照例變價。俟高喀鼎到彼。均

齊羣牧後。即將此項馬匹。加恩分賞盛京。吉林。黑龍江等處兵丁。交將軍晉昌確加查點。遵即行知。該二處將軍。派委妥員。均勻領取。毋致虛冒。而昭實惠。○又諭趙慎畛等。奏閩洋米艇戰船。緝捕不能得力。請全行裁汰一摺。閩洋米艇船隻。前因慶保等。以船身遲笨。駕駛未能得宜。奏請裁汰十五船。當經降旨准行。並令將裁騰船隻。俟應拆修之時。照同安拔船式。一律改造。茲據趙慎畛等查明。現存米艇各船。仍難適用。現屆大修小修。若仍舊修造。未免帑項虛糜。自應全行裁汰。著照所請。除已改造之勝字六號等米艇八隻。堪資得力。毋庸議裁外。所有現在屆修駕廠之勝捷兩字號。同擊碎之捷字六號十二船。俱著即行裁汰。其存營駕駛之勝字一號十號。並甫經修竣之勝字三號等三船。仍俟屆修之時。一律全裁。分別變價報撥。以節糜費。而收實用。該部知道。○以拏獲謀財害命兇犯

予庫爾勒阿奇木伯克海里爾等升賞有差。  
○旌表守正捐軀四川邛州民王添長妻楊氏。○丙寅旌表守正捐軀山西聞喜縣民王起發妻朱氏。○丁卯。

上奉

皇太后幸同樂園進膳。○改雲南安平同知為調缺。麗江縣為選缺。從總督明山請也。○戊辰旌表守正被戕陝西鳳縣民張四保妻鄧氏。守正捐軀四川巴州民陳章妻張氏。○己

巳命再於

黑龍潭

覺生寺設壇祈雨。

上詣

黑龍潭拈香。命慶郡王綿懋詣

覺生寺拈香。皇長子奕緯、惇親王綿懋、瑞親

王綿忻、定親王奕紹分詣

天神壇。

地祇壇。

太歲壇。

宣仁廟祈雨。○山東布政使朱桂楨因疾賞假。以鹽運使王檢署布政使。○庚午諭內閣孫玉庭等奏。勘明三吳水利。酌分先後借項興修一摺。江蘇吳淞江劉河等處。及江震下游一帶。泖湖浦港。因積年久遠。淤墊甚多。據該督等奏稱。此時籌議修濬。工鉅費繁。請於各條水道中。擇要先加疏治。其餘分年興辦。著照所議。除吳淞江劉河白茆均暫緩辦理外。所有太湖下注黃浦一路。為江震二邑下流。上年被水較重。急需宣洩深通。著俟本年冬令水落。先行興工。其估需銀兩。若令民捐民辦。實難先事鳩資。著准其借帑興修。仍於工竣後。按照得沾水利州縣。奏明分年攤徵還款。至該省此次辦理水利。工關緊要。著韓文綺即將前次奏報捐監銀一十五萬三百五十兩。留於該省提歸封貯款內。以備工需。並此後兩藩庫續收捐監銀兩。概行暫緩解



部儘數提還封貯之款。即於該款內陸續墊給水利經費。以便分年挑濬。俟封貯原款補足。仍將監銀解京備撥。餘著照所議行。至另片覆奏。朱為弼所請於水潦未降時。疏濬江蘇海口下游。現在已交夏令。勢難急切施工。並著於冬令水落時。分投挑挖。以期工歸實用。帑不虛糜。該部知道。○以

仁宗睿皇帝實錄告成。賜監修總裁等官宴於禮部。並賞鞍馬銀幣有差。○以安徽鳳陽額

州。泗三府州屬距省窵遠。命嗣後遣軍流徒人犯。由該管道就近審轉。限期處分。照臬司例。從協辦大學士總督孫玉庭請也。○旌表守正捐軀山西安邑縣民裴四幅妻解氏。修江蘇華亭縣戚家墩等處土塘。從協辦大學士總督孫玉庭請也。○辛未。旌表逼嫁捐軀四川合江縣民汪殿杰黎氏。○壬申。

上詣綺春園問

皇太后安。○旌表守正被戕山西介休縣民冀

漢經妹三心則。○修浙江寧波府鎮海縣石塘。從巡撫帥承瀛請也。○癸酉。

上幸靜明園詣

龍神廟拈香。○甲戌。以甘霖渥沛。

上詣

黑龍潭報謝。命慶郡王綿懿詣

覺生寺。皇長子奕緯。惇親王綿懃。瑞親王綿

忻。定親王奕紹。分詣

天神壇。

地祇壇。

太歲壇。

宣仁廟報謝。○增輯祭

堂子典禮。諭內閣。

堂子祭

天。典禮甚重。現在禮部纂輯通禮。著於吉禮中

南郊

北郊大祀之後。謹增致祭

堂子之禮。以昭明備。至

太廟

社稷壇謝福胙之禮。俱仍照舊禮行。○又諭那彥成奏邊遠各省提鎮請酌展入覲年分一摺。各省提鎮大員。每屆三年。奏請陛見。原與督撫無異。朕於召對時。察其才具。兼可詢風土民情。其本任派員署理。不致遽曠職守。該員等三年一次。何致遽形賠累。且該提鎮於奏請陛見時。朕本隨時酌量批示。原非概令其僕僕道途也。所請展限入覲之處。著不准

行。○又諭孫玉庭奏審擬已革副將按查私鹽槍斃人命一摺。此案已革副將滿德坤因回空幫船水手羅克泰等夾帶私鹽。不服盤查。聚眾拒捕。喝令放槍抵禦。致傷斃四命。並帶傷無辜一人。舉動殊屬輕率。自不得以律應勿論。即予開復。若遽行革職。亦覺過重。且該革員曾經出師。著有微勞。滿德坤著加恩降為千總。飭回原籍附近營分當差。以觀後效。千總德魁失於約束。參將吉祥保不能協

力擒捕。阻止放槍。亦屬不合。均著交部議處。○又諭嵩孚奏補扣軍需三成養廉。懇請免扣一摺。湖南省平苗軍需案內。攤捐三成養廉未完銀兩。前經戶部奏准豁免。於奉文准豁之日。停止攤扣。該省於奉文查辦時。即行停扣。仍令查明應扣之數。補行扣繳。茲據該撫奏稱。自嘉慶二十五年十月停扣起。至本年二月奉文准豁之日止。應補扣銀九萬八千六百餘兩。此項銀兩。即在豁免五十二萬

一千七百餘兩之內。同屬無關歸補。前因疊經駁查。稽遲三載。並非各屬積壓拖延。若令接續補繳。則同一准免之項。辦理兩歧。且應扣各員。多有離楚及罷官身故者。勢難紛紛咨追。亦未便就現任各員扣解。致令藉詞賠累。著照所請。除清查續籌彌補未完銀七萬九千五百五十兩零。仍著按數扣繳外。所有未完三成軍需銀九萬八千六百餘兩。加恩一併免其補扣。該部知道。○修直隸河間縣

南八里鋪大橋。從總督蔣攸銑請也。○修江  
寧省城石右寺所沙洲大圩。從協辦大學士  
總督孫玉庭請也。○乙亥。遣官祭

關帝廟。○諭內閣。孫玉庭等奏查明京口協  
領支借官兵俸倉米石情形一摺。此案協領  
哈爾哈善等因官兵拮据。先經稟請副都統  
借支兩月錢糧未准。嗣因官兵歲暮窘迫。自  
行備文移商丹徒縣。借支俸倉米一月折錢  
散放。尚非有心專擅。惟究未經稟明。左翼蒙

古協領哈爾哈善右翼蒙古協領全亮俱著  
交部議處。佐領濃蔭額於各佐領及眾兵皆  
願借支折價後。獨稟索換本色。且於除日催  
迫行文。已屬任性。經孫玉庭等面詢。猶復飾  
非文過。著交部嚴加議處。署丹徒縣知縣王  
臺接准營移。目擊窘迫情形。不能不為借濟。  
又因倉儲不敢擅動。商准照旬報市價。暫於  
附貯捐雜項下借支折色。其未即時詳稟。實  
屬有因。辯理亦與例相符。惟具稟已在副都

統奏參之後。著交部察議。至各佐領下官兵  
共借支一月俸倉米三千一百九十一石零。  
現當青黃不接之時。眾官兵力不能支。著照  
所請。援照江寧旗營之例。於本年正月應領  
俸餉起。分作十箇月扣還。其濃蔭額佐領下  
官兵未領折價。亦一體散給。按月扣還。以歸  
畫一。○修盛京南塔西塔等工。從禮部侍郎  
昇寅請也。○給湖北黃梅廣濟江陵監利。四  
縣及蘄州衛。被水倒塌民房修費。○丙子。諭

內閣。此次考驗世職官員。作為一等之男爵  
春永興保。輕車都尉。鵬壽。扎祿。強阿。著賞給  
三等侍衛。雲騎尉。德順。清安。烏勒欽。保。著賞  
給藍翎侍衛。○丁丑。以故雲南平彝縣屬土  
縣丞海沛元子朝宗襲職。○戊寅。諭內閣。向

例

皇太后萬壽聖節。告祭

奉先殿。並

太廟後殿。典禮恭重。自道光元年以來。欽天監

於祭祀冊內。未將告祭日期。敬謹載入。實屬疏漏。欽天監堂官。著交部議處。禮部於欽天監初次送到祀冊。未能即時詳查。駁正。亦有不合。現經據實檢舉。所有該部堂官。著加恩改為交部察議。嗣後

皇太后萬壽聖節。應行告祭

太廟後殿之處。著欽天監載入祀冊。禮部於通禮中一併增載。永遠遵行。○諭軍機大臣等。本日御史郎葆辰奏請飭查棚民保甲。以重

地方。據稱會典內載乾隆四年。戶部議准江南福建浙江各府州縣內棚民。照保甲例編排戶口。近聞浙江江蘇安徽等省州縣。凡深山窮谷之區。棚民蔓延殆遍。租典山地。墾種山蕒。大半皆溫台一帶沿海之人。其聲氣相通。儻有奸宄藏匿。不可不豫為防範等語。向來各省地方有棚民土著山民往往以種植麻穀煽鐵造紙等項。藉資生計。其外來無業游民。前赴該處工作者。亦一體編入保甲。選

立保長甲長。專司巡察。責成州縣官據冊稽查。誠以該棚民等。良莠不齊。往來靡定。若任其占踞山場。不加約束。勢必愈聚愈多。無從究詰。是以照例編排。立法極為周密。惟行之日久。懈弛相沿。自應亟為整頓。著各該督撫等嚴飭該府州縣將棚民逐細查察。按十戶設立甲長。每年遞換門牌。隨時抽驗。禁止匪類潛匿。勾串滋事。如查有不妥本分。鬪復健訟之徒。立即嚴拏示懲。務當實力奉行。不可

視為具文。並不准書役藉端擾累。以靖地方。將此諭令知之。○修福建福寧鎮左營戰船。從巡撫孫爾準請也。○己卯。

皇后千秋節。宮內行禮如儀。停止筵宴。及在外公主福晉命婦行禮。○予浙江辦災出力知縣楊德恆等捐資助賑紳士馬國棠等升用加銜有差。○修浙江上虞縣呂家埠等處柴土塘隄。從巡撫帥承瀛請也。○戶部議准浙江巡撫帥承瀛疏報仁和石堰鳴鶴等場開

墾地二百九頃三十七畝有奇。照例升科。從之。○免貴州官兵出師四川借支銀。○庚辰上詣綺春園問

皇太后安。○諭內閣博啓圖等奏倉場辦事需員。請將記名倉監督咨取委用等語。倉場為漕糧總匯。所有承辦稿案。稽察催提。俱需員經理。著准其於記名倉監督人員內咨取滿漢各二員。酌量委用。遇有倉監督缺出。仍按次輪補。補用一員。再行咨取一員。俾得習練

當差。於倉務自有裨益。此項人員如遇京察年分。著即與實缺監督比較優劣。分別黜陟。以示勸懲。並著加恩每員歲給養廉銀二百兩。即在坐糧廳茶果項下支給。以資辦公。俟補實缺監督後再行支給三百兩養廉。該部知道。○又諭富俊等奏覆議抽收漕餘銀兩及雙城堡糶賣倉糧時價各情形一摺。吉林漕務近年攬頭創夫均形苦累。前經富俊請援照嘉慶初年漕餘銀兩每兩酌減抽收。降

旨交該將軍於到任後察看該處情形詳晰具奏。茲據該將軍等奏請酌減票張懇免抽銀抵補其抽收漕餘銀兩分別餘漕旺盛短少年分酌量抽收等語著交部覈議具奏。至雙城堡因連年豐收穀賤現在應糶倉穀七千餘石據該將軍等查明阿勒楚喀穀價每倉石合銀四錢五分請照例每石減價銀一錢以三錢五分就近在阿勒楚喀雙城堡一帶出糶合之時價較為輕減著照所議辦理

即責成該副都統收齊糶價歸款報部查覈。○又諭前因松筠等奏雙城堡砍伐木植請在涼水泉迤東一帶劃界安卡作為砍木地。址當經降旨交富俊確勘議奏。茲據該將軍查明涼水泉迤東舒蘭霍倫二河已至拉林河沿饒頭頂子等處均可安設卡倫著照所請涼水泉派伯都訥官一員兵八名安卡倫一處霍林河至拉林河饒頭頂子派阿勒楚喀官二員兵十六名安卡倫二處周圍它立

封堆為界。以界北為雙城堡。砍木地方。並給與屯丁照票。准砍細小木植。不得以票給民人代砍。並不准私砍大木。仍責成該副都統飭令坐卡員弁。隨時稽察。儻有民人偷砍木植。立即嚴拏治罪。至將來砍出空地。著撥給烏拉所屬包衣旗兵墾種。以資津貼。該部知道。○又諭御史程喬采奏。五城停止飯廠。請將賞撥餘米。分給棲流所。以養老弱流民一摺。本年京城內外。赴廠就食流民甚眾。現在

順天府五城飯廠。已屆停止。除年力強壯。力能傭趁耕作者。不准留滯京城外。其實係老弱流民。勢難各回鄉里。若任其在京覓食。餬口無資。情形殊為可憫。據該御史奏稱。各城俱於棲流所籌畫經費。暫為收養。並派覓空房使之居住。請將五城十廠前經賞撥未領餘米一千五百石。分給五城棲流所。每城各領三百石。照放賑之例。大口五合。小口減半。逐日分別散給。著即交各巡撫。科道等飭屬

領米散放。並將該流民等籍貫姓名。詢明註冊。給予戳記籤牌。隨時稽查。妥為經理。務期實惠及民。毋許假手書役吏胥。致有侵漁剋扣之弊。並著都察院堂官。不時前往查察。如有弊端。立即嚴叅懲辦。無稍徇隱。○山西巡撫邱樹棠奏。遵將承審閻思虎案內之府州縣各員解京。並自請交部嚴議。得旨刑部定案時。再降諭旨。此案初結時。未能詳覈。已屬草率。及奉旨交審後。何以又不親提人犯。秉

公昭白。乃一味疲玩。任聽此等不堪之府州縣。昏墨欺朦。喪良回護。幾將貞白之烈女。埋滅九京。凶淫之惡棍。幸免刑章。天理人心。不可問矣。若呂錫齡者。早應罷黜。何得反畀以要缺。思及此。皆因朕無知人之明。用此等不識人之大吏。使下民動輒含冤。實深慙懼。憤懣也。○辛巳。吏部奏。官員為生祖母治喪。請仍照舊例。無論嫡祖母是否現在。概令治喪一年。許其離任。從之。○修山東撫標左右二

營及濟南城守營額設軍械並置買桃源營新設營分教場基地從署巡撫琦善請也○旌表守正被戕廣東新會縣民陳崇洸女亞蘊○壬午諭內閣富綸奏前任辦事大臣私給布魯特等頂帶一摺從前玉德巴哈布並未具奏擅令布魯特額依穆爾伯克等戴用金頂甚屬非是王德業經病故無庸議外巴哈布著交部議處布魯特庫渠桂等幫辦該部落事務尚好今既多年著加恩庫渠桂額依穆爾伯克庫納克拜仍賞戴金頂嗣後遇有此等事必須奏明候朕施恩如再有私給頂帶者一經查出定行交部嚴加議處○癸未諭內閣儀親王前因興修墳園請借王俸六年曾降旨借給王俸六萬兩自道光元年秋季為始按年坐扣一半現已坐扣三年惟念扣數較多日用未免支絀著加恩寬免三年其餘應繳銀三萬兩仍再展限六年按年坐扣俸銀二千兩俾資用益臻寬裕○又

諭刑部奏稱黃泳泰呈控擬流官犯侯際清犯案原供內父母年歲與贖罪呈內不符現訊承辦書吏有得贓情事載均元韓對於侯際清贖罪時曾經畫稿並未詳查犯案原供以致書吏從中舞弊實屬疏忽現據自行檢舉載均元韓對著照例迴避仍先行交部議處至此案承辦書吏既經供認得贓著那清安等提同應訊人證秉公嚴行根究儻承辦司員通同染指及知情弊混立即據實嚴參毋得稍有回護○甲申上詣時應宮昭顯廟拈香○還宮○修山東臨清閘從河道總督嚴烺請也○以夏至祭地於方澤自是日始齋戒三日○乙酉孝恭仁皇后忌辰遣官祭景陵○錦州副都統東明年邁休致以前任哈



密辦事大臣長慶為錦州副都統○添設陝西佛坪撫民同知一員。並所屬巡檢一員。兼管司獄事務。裁郃陽縣丞一員。改整洋縣丞為鎮平縣丞。鎮平巡檢為袁家莊巡檢。從總督那彥成請也。○撫卹琉球國遭風難夷如例。○丙戌諭內閣晉昌等奏宗室覺羅學生不敷應考額數。請展限考試一摺。盛京宗室覺羅學生。現屆五年應行考試之期。據該將軍等查明額數不敷。請展限辦理。著照所

請准其展限五年。俟屆期足數應考額數。再行咨報宗人府奏請考試。○又諭毛式郇奏選拔屆期。請飭禁積弊一摺。各學選拔貢生。為掄才鉅典。前經通諭各直省學政。務選經明行修之士。以副旁求。然欲選拔真才。必先剔除積弊。茲據毛式郇奏稱。訪聞直隸省。每遇選拔之年。各學學書門斗。各府州縣書吏。及學政衙門書吏門丁。均有卷費冊費考費。各項陋規名目。似此藉端需索。殊干例禁。且

選拔試卷。例不糊名。當該學政局門校閱之時。尤難保無不肖之徒。在外招搖撞騙。不可不嚴行申禁。著直隸總督即通飭各府州縣。及充當提調各員。於科試選拔時。認真嚴密察訪。如有匪徒在該地方招搖撞騙。立即嚴拏。按律懲辦。其卷冊考費及一切陋規。著概行禁革。並著該督出示曉諭各屬。應試拔貢生員。儻仍有書斗門丁等需索勒情事。准該生赴提調官衙門稟訴。從重懲治。以肅關防而慎登進。毋得視為具文。○以河南漳河

土埽工竣。予在工出力。降調知府王世臣等。開復即補有差。○添建廣東省垣監獄。分禁軍流遣犯。以河泊所大使為管獄官。從總督阮元等請也。○添築河南田家營西北大柴壩。從巡撫程祖洛請也。○丁亥夏至祭

地於方澤

上親詣行禮。○幸圓明園。○詣綺春園。問

皇太后安。○戊子。以刑部左侍郎成格兼鑲紅旗漢軍副都統。○賞三等侍衛舒爾哈善頭等侍衛。為庫爾喀喇烏蘇領隊大臣。○庚寅。諭內閣。陶澍奏。安徽省續查未賠賠款。遵旨籌議追補一摺。著照所請。原冊開報因公那移項下銀兩。俱係各員本身虧缺。與捐賠有間。該撫即查照各員欠數。按六次清查追補章程。勒限追繳。子孫代賠項下銀米各款。分別各員子孫有無出仕。依限著追。不准另起追限。致滋延宕。代賠民佃等五款銀錢米穀。俟清查正款追完。起限接追。數在一千兩以內者。限一年。一千兩以上至三千兩者。限二年。三千兩以上至五千兩者。限三年。五千兩以上至一萬兩者。限五年。一萬兩以上者。統限八年全完。至追賠勻捐項下銀一十二萬五百七十五兩零錢三百八十一千零。係因飭捐未繳。列款虛欠。無須追補。著即全行豁免。其因公覈減項下銀一萬二百九十一兩

零。實因該州縣等辦公賠累。著即於捐存辦公銀兩。劃數彌補。以省滋擾。該部知道。○又諭陶澍奏。查安徽捐職州同余蟠呈控廩生等阻考。定擬請旨一摺。此案余蟠會祖余漢。功於康熙年間。由定遠縣遷居六安州。至余蟠。余步蟾。子弟出應州試。該州生童。均以余姓家世卑賤。不敢承保。先後遞相攻訐。余蟠復赴禮部呈請歸入寄籍。當經發交陶澍親提查辦。茲據該撫詳加察覈。比例定擬。所有余蟠等入籍捐考。著准其照削籍之樂戶。巧戶。以報官改業之人為始。下逮四世。清白自守。方令報捐應試。惟余蟠余步蟾等。距伊祖余通海改業尚止三世。著仍不准捐考。所捐職員監生。即行一併斥革。其余蟠之子姪。現已年例相符。著准在六安州入籍報捐考。試。毋許該士民再有阻撓。該部知道。○命鑲白旗漢軍副都統百春管圓明園八旗內務府三旗官兵進班。○旌表守正被戕河南光

州民馬城妻熊氏○辛卯諭內閣前據蔣攸  
鈺奏易州每歲截收漕米四萬餘石供支

西陵員弁兵役俸餉請照

東陵兵米章程令弁兵等自赴州倉支領當經  
降旨交果齊斯歡妥議具奏茲據奏稱體察  
現在情形權宜辦理並無妨礙兼可剔除弊  
端事屬可行嗣後

西陵員弁兵役俸餉著由該州豫期填給印票  
令弁兵等自赴州倉支領毋庸運赴各營散

給其向准例銷脚價銀兩即撥歸承辦事務  
衙門發給各營隨時支用報銷又另片奏鎮  
標左右兩營弁兵均係常川駐守汛撥若令  
其一律赴州關領轉致差使曠誤所奏是此  
項餉米歲支五千七百餘石為數無多仍著  
循照舊章由易州運送到營就近支放○命  
太僕寺少卿陳廷桂為奉天府府丞兼提督  
學政○壬辰修浙江東西兩塘並定海縣營  
房墩臺從護巡撫黃鳴傑請也○修福建漳

州廠戰船從總督趙慎畛請也○除直隸豐  
宣縣水衝田二十頃七十八畝有奇額賦○  
以湖南澧安鄉龍陽華容四州縣被水命減  
價平糶倉穀

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十九

聖恩賜官制黃直學士兼左僕射太子少師翰林大學士兼鴻臚寺卿兼吏部尚書理新嘉坡同  
天府府尹事務總督加五級統敘十八次臣賈毓璣職掌總理廣東布政司南甯鎮巡撫漢軍統領管理新嘉坡同百房大臣塔爾巴  
七舍八員傳察會同四譯館事務加一級隨帶加六級功加三次統敘五次生花沙船經提督官文淵閣後舉關辦事處尚書總管  
同格府大臣領自雅滿洲散稅稅務密內七倉大臣管理客人府營庫元氣知官事 當嘉賓頭明園等處將提督御史解居印導君大  
署院院辦處事務總督加十八級臣何景珂辦理廣西理提督官欽州南甯鎮總督加六級統敘二十次及貴州提督等奉

教修

道光四年甲申六月癸巳朔日食○諭內閣

蔣攸銛等奏請將前借水利帑本銀兩分年  
拔本通融交息一摺近年蘆商疲乏前借水  
利帑本銀一百五十萬兩經戶部議准減本  
停利於本年交本銀二十萬兩酌留五十萬  
兩照舊生息其餘銀八十萬兩分作八年提  
繳應交息銀仍令計本完納不准另行立限  
茲據該督等奏稱計本完息則本年交項驟  
增目前甚形竭蹶恐誤課運請照部限拔繳  
本銀將息銀通融勻交俾商力可期寬展加

恩著照所請按拔繳本銀數目輸納息銀統以道光二年十二月起息定期四年交本者完一年息銀五年交本者完兩年息銀六年交本者完三年息銀如此遞年加增扣至八年限滿將本銀息銀一律交清限期既寬自可無虞支絀該督及該鹽政惟當飭令該商等認真辨運行銷以期饒務日有起色毋得藉詞虧短再行延宕該部知道○山東學政何凌漢奏防弊之道苟挈其要領無事煩苛

欲杜槍冒。惟先期責成廩保。欲禁傳遞。惟場中毋用巡役。得旨。能如此辦理甚善。勉力為之。但惜各省情形不同。難於一律倣照也。○予甘肅因公淹斃千總王聰及立功後病故守備李文魁。祭葬卹廕兵丁卜興等三十五名。賞卹如例。○濬直隸任邱雄二縣屬大港引河。並洩新安等處積水。從欽差工部左侍郎程含章等請也。○除山東西由場被淹竈地一十五頃九十五畝有奇額課。○展緩直

隸所屬州縣節年舊欠糧租並緩徵順天府屬通三河武清良鄉房山涿昌平順義懷柔九州縣被水歉收額賦○甲午

上詣綺春園問

皇太后安○諭內閣前據蔣攸銑奏請革除屯居旗人總催領催名目當經降旨令內務府及八旗滿洲漢軍都統將包衣外旗王包衣各項莊頭屯居旗戶丁口分晰各州縣城鄉住址造冊移交該督備查茲據內務府奏稱

現存冊檔俱非現年造報之件與現在丁口數目不符未便據冊移咨若派員分往稽查事涉紛擾自係實在情形所有各項莊頭及屯居旗戶現在戶口數目仍照舊例由該督飭交各州縣按照境內居住之莊頭旗戶等就近隨時一體編查如有不服約束者即著該督照例嚴懲其私設總催領催名目仍遵前旨概行革除○乙未

上御勤政殿聽政○諭內閣給事中郭泰成奏

請旨飭查直省常平等倉一摺所奏是直省設立常平倉並社倉義倉鹽義等倉皆收貯米穀雜糧以備平糶及賑濟之用地方官果能經理得宜積貯足額何至偶遇偏災辦理賑務動形支絀必須奏請帑項截卸漕糧自是各該州縣於常平等倉所存穀石有虧那掩飾之弊著交戶部查明確數行文各督撫據實冊報如有災歉先於此項內放支照例隨時買補還倉以裕民食而重倉儲如將來

查有虧缺惟該督撫等是問不能稍有寬貸也○又諭松廷等奏災壩搶劫報匣尚有鑰匙公文未獲飭員嚴拏懲辦一摺此案阿足地方在察木多迤東為西藏往來大路該災壩等膽敢晝夜搶劫報匣公文實屬目無法紀據松廷等查明僅止尋獲報匣著即嚴飭該處商卓特巴及營員頭人等帶領土兵前往協同該遊擊等一體緝拏務將賊全獲從嚴懲辦至該管營汛官弁等平日並不認

真巡防致有夾壩肆劫之案殊屬急玩該處既係江卡乍丫二處交界地方究由何處疏防著查明地界即將該員弁等奏請交部分別議處○諭軍機大臣等御史熊遇泰奏江西鹽政廢弛一摺據稱江西每歲例銷鹽引歷年總無足額一由奸商借餘鹽名目任意多載發販起運又撫州建昌饒州等府屬私梟充斥又糧艘回空時於天津收買曬鹽連檣滿載查驗已成故事加以各衙門分派鹽規種種糜費以致欺吞正課高擡官價等語著交孫玉庭毓岱確查該省鹽務情形有無似此混弊之處認真稽察明定章程毋許商人影射引商私行偷漏並嚴拏私梟興販禁止糧艘夾帶將相沿陋規一律革除俾官引暢銷以平市價而裕國課熊遇泰原摺並著發給閱看將此各諭令知之○除直隸豐寧縣水衝田七頃三十九畝有奇額賦○丙申諭內閣上年倉場侍郎奏准查驗漕米責成

壩橋倉三處逐加盤驗如有攙雜潮溼之米層層著落曬晾分賠茲據博啓圖等查明橋倉各監督因驗收慎重車船轉運不能迅速以致米石積壓甚多易受潮溼自係實在情形嗣後著仍照舊例驗米之責專歸坐糧廳務令查驗乾潔再行起卸該侍郎等隨時赴壩抽查以防攙混轉運之責專歸大通橋分別天氣陰晴道路遠近以覈其運數之多寡毋任車戶稍有稽壓兌收之責專歸倉監督遵照該侍郎等坐派廩座隨到隨收毋得藉故留難任意高下庶責有攸歸不致互相攙越而轉運亦不至遲滯也○丁酉諭內閣御史程邦憲奏各省京控案件請嚴飭推鞠一摺所奏是外省民人赴京控告之案總由於原審官任心偏斷小民負屈求伸以致遠來呼籲其中雖不無逞刁訐訟之徒為之播弄然以羸老窮殘跋涉飢寒均所不恤揆其情節亦豈盡由誣捏該督撫等經朕特旨發交

或由都察院轉咨審訊。自應親提人證按律平反。方無枉縱。若如該御史所奏。查覈咨結之案。所控得實者。百無二三。是明係妄審各員。瞻徇附和。該上司回護屬吏。顧慮考成。從而彌縫完結。即如山西閻思虎強姦釀命一案。以降旨交審之件。必經刑部提犯研鞫。始得昭雪沈冤。此外之視為具文。是非顛倒者。又豈能以數計。似此案牘繁多。草率從事。含冤莫訴。苦累愚氓。亦安用此督撫大吏為乎。

嗣後著各該督撫將軍都統等。遇有京控事件。務須親為聽斷。冤抑者立予伸理。刁誣者從嚴懲治。其有任意延宕不結者。即將提解逾限之員。先行叅辦。以冀讞獄持平。期於無訟。慎勿仍前玩視也。○又諭御史陶廷杰奏各倉廩板氣筒久成虛設。請旨嚴飭修理一摺。所奏甚是。各倉鋪墊板木。編造氣筒。每歲由糧船解交備用。在倉各員果能遵守成法認真經理。何至收貯米石轉有潮溼陳朽之虞。

如該御史所奏。近來各倉氣筒廩板均屬有名無實。花戶經紀於各幫船帶交竹木往來折價肥己。並每年各倉拔草拘抵工程。復不認真修葺。一遇大雨即多滲漏。殊非慎重倉儲之道。著倉場侍郎嚴飭各倉監督查驗放空之廩。有板木朽壞者即行抽換。務使一律堅固整齊。各廩氣筒編造足數。照例安置。俾令廩氣深通。至秋李拘抵必須工歸實用。毋任稍有虛報。該監督等儻奉行不力。致有前項弊端。著即據實嚴叅懲辦。並著查倉御史嚴密稽察。毋得視為具文。○乙亥

上幸靜明園詣

龍神廟拈香。○除山東單縣沙壓地五百五十二頃八十九畝有奇額賦。○庚子命直隸山東江蘇安徽各督撫查拏侯際清贖罪案內要犯安徽徽州府通判董椿醫人蘇仁壽歸案審訊。○除江蘇寶山縣坍荒田二頃三十四畝有奇。浙江天台縣水衝沙壓田一百



六頃一十五畝有奇額賦○緩徵浙江天台縣水衝墾復田畝新舊額賦○辛丑

上詣綺春園問

皇太后安○諭內閣御史薩斌等奏大通橋車輶短少以致積壓漕糧一摺大通橋額設車戶每歲豫雇長車歸監督點驗足額陸續趕運漕糧入倉如運務緊急隨時添雇不容短缺誤公茲據該御史等奏稱南糧將次告竣車運轉覺遲滯皆由長車不敷載運以致號房堆滿開船停泊該車戶等承買豆石贏餘銀兩私自分肥不惟不添雇車輛且於正額短缺甚多該監督嵩惠托恩多並不認真點驗督催不勝繁缺監督之任著倉場侍郎即將嵩惠托恩多撤回另派廉能之員接辦車戶頭役高永珍等著從重責處趕緊添雇車輛該侍郎等仍不時稽查督催俾漕糧不致積壓以利轉運○又諭程祖洛奏請留熟諳水利道員知府一摺上年因戴均元等奏漳

河要工需人經理曾降旨准令候選道謝學崇赴豫聽候委用降調知府陸楷並准其調赴工次以資差委嗣據該撫奏到漳河情形工程較簡即新開衛河工程亦緩至來春興辦豫省候補道府尚不乏人豈除此二人之外即無人可用耶候選道謝學崇不准留豫補用降調知府陸楷現尚有官可補不准捐復原官留豫委用俱著歸部銓選○諭軍機大臣等本日都察院奏江西雩都縣民人謝象華以歃血立盟肆意搶劫等情具控已明降諭旨交毓岱親提審辦矣該民人供稱該縣屬水頭里地方有謝拒本同縣役孫美老攷強橫不法於道光元年歃血共盟糾集多人創立洪連會名目此外南安府吉安府又有添弟會千刀會名號肆行搶掠又南康縣橫石井地方劫搶數十家又贛縣大家莊地方劫搶布客銀數百兩並經鄉勇拏獲四人搜出印信旗書等物又贛縣社富圩地方搶

店房數家。又本邑大灘面地方。劫搶徐姓幾至萬金。各州縣衙役營兵。俱與賊勢相通。並不認真查拏等語。會匪糾眾搶劫。最為地方之害。若如該民人所供。創立會名。聚眾搶掠。並製有印信旗書等物。必應嚴行懲創。以靖閭閻。該撫接奉此旨。即派委明幹員。分投嚴密稽查。如果屬實。即行迅速掩捕。按律懲辦。務期淨絕根株。毋致養癰貽患。至衙役營兵與匪犯交通。尤屬大干法紀。並著該撫嚴行查究。儻該州縣有諱匿情事。即一併據實嚴叅。毋稍徇隱。將此諭令知之。○河南巡撫程祖洛奏。祥符等縣呈驗雙歧瑞麥。兼有一莖三穗至九穗者。得旨。祇祈一律豐收。天恩廣被。不必計穗之多寡也。○以陝甘督標中軍副將德克登額。為陝西西安鎮總兵官。○命山西巡撫查拏侯際清弟統印。歸案審訊。○除陝西扶風縣被水衝刷田四頃七十六畝有奇額賦。○壬寅諭內閣。當俊奏酌議

雙城堡移駐京旗閒散章程一摺。朕詳加披閱。內出京時日。豫定準期一條。所奏是。嗣後京旗閒散有願赴雙城堡者。著各旗於十月內。報齊戶部具奏。十一月初。即知照順天府尹直隸總督盛京吉林將軍等處。定期於每年正月初五日以後。初十日以前。啓行。該地方官即計程籌備。又治裝銀兩。改俟抵吉林後。發給一條。所奏亦可。現在移駐京旗大都無力覓工。嗣後將戶部應發銀兩。俟抵吉林後。由將軍衙門備用銀兩項下。發給作為覓雇工價之用。俾得全獲地利。其荒地五晌。亦可隨時墾種。又彈壓大臣改派年班一條。所奏可行。嗣後移駐京旗。即於東三省年班入覲之將軍副都統。簡派數員。順帶彈壓。仍令各該地方官備店隨同護送。又給予車輛。分段遞送一條。所奏甚為周詳。該閒散等行李無多。著計口給車。節次遞送。祇給例價。毋庸津貼車戶。旋時可以載貨。不致賠累。務令旗

民無虧地方無累經久可行又修蓋住房豫辦料物一條所奏是明年應修住房百所著於本年冬間備料即領銀豫辦以省運費其道光六年應蓋房木亦著於本年冬間派員照例發給鹽菜銀兩往砍以備明年河運又沿途飯食豫定成規一條所奏周妥嗣後移駐京旗每日尖宿著照現奏章程辦理地方官不致藉口賠累京旗等亦可不滋事端其移駐京旗已滿百戶著每站分三起行走以免擁擠該部旗知道○又諭戶部議覆江蘇省二次清查案內江寧屬之山陽桃源安東三縣抵墊未補及句容縣已故知縣方菁等十一員應追虧缺並書役欠款攤賠暨江寧等十州縣攤捐無著各款共銀八萬七千四百七兩零覈與准免條款相符該省先經咨部請豁迨行查部文到省已在奏明截止之後並非查覆遲延著准其豁免其各屬嘉慶十四年以前墊完民欠銀米等項與前經議

免十五年至二十二年官墊民欠奏准攤賠之款不同又蘇州等屬節省彌補無著補贖未完銀兩係奏明酌提羨餘銀兩彌補之項通共銀四十七萬四百五十兩零米三千六百八十九石零俱著不准豁免至無官可補並前署陽湖縣已故知縣畢開煜等三員未完官欠銀八萬八千九百二十一兩零該撫查明亦貧無追惟結報在恩詔以後著該撫查照常例辦理嗣後請豁案內部文到省在截止之先而該省登覆遲延者仍不准查辦以示限制○甲辰諭內閣昨日正黃旗護軍統領吉勒通阿帶領補放護軍校引見人員內擬正之護軍穆積善委護軍校福德保步射俱屬平常朕將擬陪之護軍常興藍翎長五福補放矣此皆吉勒通阿平素並不妥為訓練於揀選護軍校時又復徇情將平庸者擬定甚屬非是吉勒通阿著嚴行申飭外嗣後前鋒統領護軍統領等揀選官缺務須擇

其騎射優長者擬定。儻仍將平庸者揀選帶領引見。不惟將該員與護軍等懲革。並將護軍統領交部從重治罪。○又諭宗人府奏察議奕亨等失察。

孝陵大紅門內儀樹被竊一案。請各降一級調用。照例按都統職任折罰。職任半俸三年。可否准其抵銷等語。從前嘉慶年間。

西陵海樹被竊。宗人府將永玉等議以降調折罰半俸。尚不准其查級議抵。此次係被竊大。

紅門內儀樹較之海樹被竊。其失察之咎尤重。奕亨等前請交宗人府察議。本屬過輕。奕亨祿義俱著改為按都統職任折罰。職任半俸四年。不准抵銷。○乙巳諭內閣。山西榆次縣民閻思虎強姦趙二姑一案。前經趙添中以該知縣當堂逼認和姦。致趙二姑忿激自盡等情。赴京呈控。降旨交卹樹棠親提嚴審。嗣該撫仍以和姦擬結。御史梁中靖奏。復諭令將人證卷宗提解刑部審訊。始據刑部

審明。據實平反。並將該省承審各員賄囑舞弊各情逐一究出。此案閻思虎強姦釀命實屬淫兇。著照例斬監候。入於本朝審情實辦理。趙二姑猝遭強暴。捐軀明志。洵屬貞烈。可嘉。著禮部照例旌表。已革榆次縣知縣呂錫齡。首先承審。膽敢毆法營私。致釀人命。昏墨欺朦。情殊可惡。著發往伊犁充當苦差。解任太原府知府沈琮。於所屬知縣聽從賄囑各情毫無覺察。及提府親審。又復有心回護。其代慶純等捏敘說單。為消弭刑逼勒結地步。尤屬詭譎。沈琮著革職。發往烏魯木齊效力贖罪。解任忻州知州慶純。平定州知州賈亮采。未能悉心推鞫。率照和姦取供。意存迎合。上司非尋常失出可比。慶純賈亮采俱著革職。發往軍臺效力贖罪。解任太原縣知縣章頌椿。於填寫屍格。跡涉含混。並誤取犯供實屬無能。溺職。章頌椿著即革職。按察使盧元偉督審重案。所訊各情均係輕重倒置。種

種錯謬幾成冤獄。盧元偉著即革職巡撫。卹樹棠以特旨交審之案。不即親提審訊。任聽屬員草率遷就。顛預入奏。實屬辜恩溺職。即將該撫革職。亦係罪所應得。姑著加恩降為按察使。以觀後效。刑部堂官及承審此案司員秉公研鞫。伸雪沈冤。使兇徒不至漏網。辦理尚屬認真。俱著加恩交部議敘。御史梁中靖參奏得實。著加恩賞給四品頂帶。仍交部議敘。以示獎勵。○正黃旗護軍統領吉勒通阿。以不勝任解職。以內閣學士奕經兼正黃旗護軍統領。○以服闋巡撫張師誠為山西巡撫。調福建按察使邱鳴泰為山西按察使。以降調山西巡撫卹樹棠為福建按察使。○丙午諭內閣。嵩孚奏採辦木植。內有未獲柏楠二木。實難購辦一摺。前因恭建

昌陵

聖德神功碑樓需用木植。業經湖南省將桅杉柏楠各木辦解工次。續又報獲柏木楠木等

件。亦即砍伐起運。此外尚有採不足數者。據該撫奏稱。徧加尋訪。與冊開徑丈不符。該省出產柏木本少。楠木亦難得大料。疊次嚴催逾期未獲。勢必徒延時日。致滋遲誤。自屬實在情形。著烏爾恭阿、穆彰阿、果齊斯歡查明碑樓工程所需木料確數。如果現在已獲起運各件足敷應用。即可將該省未獲之柏木楠木停其採辦。儻實係必不可少之件。並著悉心妥議奏明。另行籌辦。濟用務期無誤。要工而該省亦不致艱於撥覓。方為至善。○又諭嵩孚奏省城書院籌增課額膏火一摺。湖南省城南書院自改為通省書院以來。各屬士子咸思肄業。因原定額課較少。經費不敷。於嶽麓書院課額內抽出撥補。但此增彼減。不足以廣教育。現據該撫奏稱。將嶽麓書院撥出之額。仍行撥還。擬於該書院增生監正課二十名。附課十名。應給膏火等項。每歲共需銀六百二十兩。查司庫有從前紳士捐建

貢院號舍餘賸銀兩。及積存無關支用閒款。並鹽道庫節年支賸膏火各項內。共可提銀六千二百兩。發商生息。著將每年所得息銀六百二十兩。責成該鹽道收支。妥為經理。俾生童等共資講習。用副朕廣育人才至意。○改湖北白河廳撫民同知為鄖陽府分防督捕同知。九道梁巡檢。甄磨坪巡檢。仍歸房縣管轄。白河廳訓導。為保康縣訓導。移白河廳豐溪巡檢。駐豐樂河。為鍾祥縣豐樂河巡檢。

改白河廳照磨為穀城縣張家集巡檢。駐張家集。從總督李鴻賓請也。○丁未。以湖北漕船猝遭雷火。命應賠正耗平米分三限交倉。從漕運總督魏元煜請也。○戊申。

上詣綺春園問

皇太后安。○諭內閣。蔣攸銛奏。參稟報飛蝗遲延之知縣一摺。直隸安州等州縣。間有蝻孽萌生。據該督將已未收捕淨盡情形分別具奏。著將未經撲淨各處。委員查勘。趕緊收捕。

勿令傷及田禾。其容城縣知縣何志清。於飛蝗入境。遲至數日。始行含混稟報。又不照例設廠收買。實屬玩延。何志清著先行摘去頂帶。勒限趕緊收買撲捕。毋再遲延干咎。○查馬大臣鑲白旗護軍統領高喀鼐奏。大凌河莊頭應交草束銀兩。請量為覈減。下內務府議。尋議上。關內莊頭給地三十六頃。歲交銀四百三十九兩。遇有革退。令各莊頭分攤。關外給地五十四頃。交銀不過一百八十餘兩。

且現在缺額已將應交銀兩開除。不必再為議減。從之。○以故青海扎薩克貝勒扎木巴勒多爾濟子那木喀旺扎勒襲爵。○己酉。諭內閣。明山等奏。銅廠積年刪減未報。油米炭本等欠。請分別追賠一摺。滇省各廠向係豫發工本。歷年廠欠。疊將有著無著銀兩。分別豁免追賠。茲據奏稱。造報廠欠外。尚有借放油米炭本等欠。自嘉慶二十年。至道光二年。共積至十餘萬兩。雖係循照廠例借放。但不

搏節支發。隨時查扣。致成鉅欠。經手廠員。既屬辦理不善。該管各上司。未能早為督飭。追收亦難卸責。著即查照從前滇省清查積欠四六分賠之案。分別追賠。所有前管湯丹廠員福珠理。經放未完銀七萬二千七百餘兩。前管鳳凰坡廠員李端元。經放鑪欠等款。未完銀二萬六千六百餘兩。均屬年久無可著追。即著該廠員賠銀六成。各上司分賠四成。除各上司應賠四成銀兩。另行查明在任督管年月追賠外。其廠員福珠理。應賠六成銀四萬三千六百餘兩。著予限五年。李端元。應賠六成銀一萬五千九百餘兩。著予限三年。均勒令分年完繳。儻限滿不完。即行分別開叅追辦。至前管湯丹廠員楊鎬。經放未完銀三萬七千七百四十餘兩。前管寧台廠員王斌。經放未完銀三萬七千一百餘兩。內均有道光二年之款。尚屬可追。著再予限二年。令接任各廠員。代為追收。儻限滿有無著之項。

查明實數。亦即按四六分賠。將該廠員應賠六成銀兩。按照多寡。另行分限追繳。該員楊鎬。現補臨安府同知。著先行送部引見。俟回滇限滿。覈其完欠若干。再行分別辦理。王斌。業升刑部員外郎。因銅未運竣。奏明開缺。現在經放銀兩。既令接任代追。銅斤亦將次運清。著運竣後。即飭令赴部候補。如限滿有無著之款。咨部追繳。嗣後各廠按年查辦鑪欠。該督等飭屬認真稽覈。其有實應調劑接濟廠民之項。概令隨時追收。以重帑項。至湯丹等廠。既有歷年積欠。其餘各廠。亦著該督等認真稽查。有無懸欠。另行覈辦。該部知道。○旌表守正捐軀安徽亳州民李安妻江氏。○築山東韓莊閘攔河大壩。從河道總督嚴烺請也。○庚戌諭內閣。戶部奏查出各省未撥未解及覈定各省應撥應解銀兩款目。開單呈覽。著各督撫鹽政。督飭該藩道運司。及管關監督。遵照單開。將報撥銀兩。造入本年秋



季冊內報部聽候撥用解部銀兩於接奉此次部文之日為始勒限兩月速即委員起解部庫交納仍嚴飭所屬府州縣將已徵未解司庫各款銀兩勒限提解到司入撥解部儻有遲延遺漏即著該部嚴叅示懲至各省修理城垣衙署倉廩監獄等工必須權其歲收多寡分別緩急酌量興辦嗣後各督撫嚴飭所屬如遇有必不可緩之工務派妥員查驗確實出具切結方准具指聲明次第請修若稍可緩均著一概停辦俟急工修竣再行酌量興舉所需工料銀兩均照例於本款內動支如本款實有不敷再請動支耗羨儻耗羨或有不敷之處即將該工程停緩總不准擅動地丁正項修理其應動雜項銀兩無論動用何款均照動用耗羨章程銀數在五百兩以上者專案奏明辦理不得題咨請修以歸畫一而昭慎重○福建巡撫孫爾準奏遵旨招募商人販米赴天津糶濟民食得旨辦理

甚好○解張家口監督刑部郎中恩德戶部郎中盛思道任歸侯際清贖罪案內審訊○修建甘肅新設貴德廳照磨循化廳主簿衙署從總督那彥成請也○辛亥調四川松潘鎮總兵官唐文淑為建昌鎮總兵官建昌鎮總兵官德楞額為松潘鎮總兵官○命長蘆鹽政押解侯際清贖罪案內應訊之商人查有圻歸案質審○旌表守正捐軀安徽宿州民丁廣霞妻孫氏○修建四川重慶府浮圖關專汛衙署兵房從署總督戴三錫請也○修浙江太湖各漕港塘閘橋壩從護巡撫黃鳴傑請也○命浙江續碾倉穀一萬餘石平糶餘姚建德兩縣貧民○壬子諭內閣十九日召見軍機大臣問及審訊侯際清一案長齡聲稱張星燁董椿所供刑部司員重喜得贓之事而梁綱堅不承認董椿又非禁於熬審之人言語之間頗露芒角朕於審辦此案豈有成見然既有其事虛實均應徹底根究

以儆官方而成信讞。至每日召見軍機大臣及特派之托津、英和、禧恩、汪廷珍等俱經問及此案。諸臣中從未有稍露輕重之見。無非秉公執法之語。今長齡如此舉動。於審訊此案似非所宜。長齡著毋庸會審。至文孚、朕原可信其無他。然既有應避之人。究屬有礙。亦著毋庸會審。其查有坊本非案內緊要之人曹振鏞著不准迴避。著添派玉麟、穆彰阿會審。其現在承審司員足數。妄用玉麟、穆彰阿亦無庸另派司員。爾諸大臣務當平心靜氣詳慎推鞠。毋論堂司各官暨諸書吏總期無枉無縱。各得其實。是為至要。○又諭富俊奏遵旨籌議雙城堡建蓋義學嚴禁屯丁過江樵採一摺。吉林、雙城堡移駐京旗閒散年限未久。幼丁無多。據富俊查明請於中左右三屯公所各建義學三間。足資課讀。著照所議。除中屯義學前經動項辦理無庸另建外。其左右二屯義學各三間准其於雙城堡封堆

內邊沿閒地官租項下撥給錢四百串。飭令妥為修蓋。並每年撥給三屯束脩膏火等項錢各二百串。於甲兵屯丁閒散內擇其通曉清漢文者作為教習。責成該協佐領等隨時稽查認真董率。務收實效。不可日久廢弛。至雙城堡西北沿江一帶屯丁前往樵採。每易滋生事端。著該將軍嚴行禁止。如有私過江岸樵採者。即照私出邊例治罪。○護浙江巡撫黃鳴傑奏遵旨飭查棚民保甲並嚴禁居民勾串私墾山場得旨。隨時認真稽查。不可日久生懈。致釀事端。○吏部左侍郎鑲白旗蒙古副都統常起因疾賞假。以戶部左侍郎裕恩兼署吏部左侍郎。理藩院右侍郎凱音布署鑲白旗蒙古副都統。○旌表守正捐軀安徽潁上縣民王起順妻周氏。○癸丑諭內閣永芹等奏布魯特愛濟伯克病故所遺五品銅頂可否賞給伊子畢葉克戴用一摺。布魯特愛濟伯克之銅頂原係伊父哈爾噶沙

齊前在烏什軍前奮勉所得後經賞給愛濟伯克戴用。今愛濟伯克已故著加恩將此五品頂帶花翎。即賞給伊子畢葉克戴用。○又諭永芹等轉奏喀什噶爾阿奇木伯克郡王邁瑪薩依特呈懇進獻海青鵬馬一摺。邁瑪薩依特因遵奉諭旨。遇伊年班時再來瞻覲。呈懇將伊所進海青鵬馬。交今歲年班來京之伊姪佐爾霍迪音進獻。尚屬伊之誠悃。即照所請。交商伯克佐爾霍迪音呈進。○甲寅

上幸萬壽山。○旌表守正捐軀四川新繁縣民龍惻彥妻馮氏。○乙卯

上詣綺春園問

皇太后安。○遣官祭

火神廟。諭內閣。前據嵩平奏採辦木植內柏楠二木。湖南省出產本少。當經降旨令烏爾恭阿等查明碑樓工程所需木料確數。妥議具奏。茲據奏稱。湖南四川二省已獲木植各數尚敷應用。俱未運到。著湖南省將現獲

之各項木植迅速起運。其未獲之柏楠二木。即令停其採辦。至四川省所採木植既已全獲。何以尚未報明起運。著即派委妥員趕緊運赴工次。以備應用。毋稍遲逾。○又諭程令章等奏治水大綱請發銀辦理一摺。直隸全省水利經程令章會同蔣攸銑督率各道將緊要處所逐一查勘。奏請先理大綱。興辦大工九處。如疏通天津海口。疏濬東西淀。大清河。及相度永定河下口。疏子牙河積水。復南

運河舊制。估辦北運河修築千里長隄。均著照所議分別估辦。其請先籌撥銀一百二十萬兩。以作工需。並請於八九月間解到四五萬兩。先行擇辦著戶部查明廣東江西浙江等省封貯及新收捐監銀。共有若干萬兩。可先撥若干萬兩。分晰迅速具奏。再降諭旨。至秋汛後或尚有變更。俟辦理時隨估隨奏。妥議章程。責成分辦。此外如三支黑龍港宣惠海沱各舊河沙。洋沽滋凌。唐龍鳳龍泉諸

龍牡牛等河及應修文安大城安州新安等處隄工著分年次第辦理各州縣支港溝渠著飭各地方官俟秋收後勸諭農民按畝出工挑挖以資消洩至該侍郎等奏稱挑河築隄如有占用旗民地畝分別撥補給價其將河身官地朦混升科者豁除錢糧免究俱著照所請行○又諭那彥成奏查明已革總兵虧馬自縊等情一摺前因已革總兵張拱辰虧馬擬遣尚未赴配遽爾輕生恐有凌虐及屈抑情事降旨交那彥成嚴密訪查茲據奏稱查明張拱辰實係自懷愧悔並慮賠繳無資遂爾輕生尚無別故惟查張拱辰到任時已據廠員報明短馬四千三百餘匹英惠並未詳覈卷案切實根訊將舊短新虧分晰聲敘實屬草率至本廠所短馬匹已令張拱辰照數罰賠由杖罪加以遣戍其調撥濟木薩廠馬抵補虧短該都統未予分別仍作虧數一併罰賠辦理殊未平允且各省短少馬匹

例應著落遊擊都司守備總兵各半分賠今派總兵分賠六成上年正屆均齊之年既訊無盜賣侵肥情弊又不歸入均齊案內三廠通融攤補亦覺過當英惠及承審委員鎮迪道昌熾主事鳳鳴著一併交部分別議處其承審之印房行走原任布政使朱錫爵係效力廢員並無職任著改發伊犁效力至張拱辰等應賠馬價仍著該督再行按數覈明另行咨部分別著追○旌表守正捐軀安徽宿州民楊兆妻高氏○丙辰定

太廟

夕月壇

歷代帝王廟謝福祚禮諭內閣嗣後

太廟謝福祚著照

社稷壇之禮王公百官均隨行三跪九拜禮贊

引官奏行三拜禮時即著傳贊王公百官隨

同行禮其

中祀內

夕月壇

歷代帝王廟受福胙時行二跪六拜禮並著傳贊王公百官隨行二跪六拜禮以歸畫一○又諭向例察哈爾八旗總管缺出京城官員祇准將蒙古頭等侍衛及參領等官揀選帶領引見二等侍衛例不入選據兵部奏稱道光元年值年旗揀選京城二等侍衛咨部查覈兵部並未詳查咨駁遽以合例率覆實屬錯誤所有前次承辦司員著交部議處至察哈爾現出有正黃旗總管一缺著該部即行知值年旗遵照定例辦理○丁巳旌表守正捐軀安徽阜陽縣民邢驢妻楊氏○戊午諭內閣戶部奏應解銀米已違奏限請飭取職名嚴議並速催報解一摺各省正雜稅課等項銀兩米石前經戶部於道光二年四月間查明拖欠未解數目具奏當經降旨嚴行催解統以接到部文之日為始予限一年追完解部儻再逾限不解即查取該管追解不

力職名嚴參懲辦迄今兩年之久均逾定限經該部查明除已完外尚未完銀四百七十四萬八千二百一十餘兩錢七千七百八十七千米穀六萬五千二百六十餘石各省內惟四川銀數無多業已依限完解其餘或間有豁免而未豁之項仍未全完或完未過半或完不及十之二三且僅據陝甘總督將該省未完銀兩咨部請展限一年此外各省仍未將逾限不行完解之故查報其追解不力職名亦均未據參辦實屬玩延著戶部即按照單開款目行文各該督撫及各該管衙門先將追解不力各員職名查取送部嚴議其未完銀米並著於文到日迅速催令全完如有他故未能解清亦即將實在情形專摺具奏儻此次嚴催之後仍有抗不報解並置若罔聞者著該部即將該管督撫等奏參懲處以儆玩違○己未

上諭

大高殿行禮

時應宮拈香○還宮○以孟秋時享

太廟自是日始齋戒三日○庚申諭內閣前據御史周貽徽奏經紀領買豆石津貼不均坐在糧廳等衙門互訟數月案懸未結當經降旨將該經紀等交刑部提審茲據博啓圖等奏稱此案經紀高元春等與頭役黃本廉等互相控告業經坐糧廳審結復經該侍郎等提集眾經紀訊問僉稱豆價盈餘銀兩除實

在公虧公抵外餘俱均勻分派毫無偏枯其以公抵公之經紀頭役既無私吞入己情事即無罪名可科而散經紀等冀圖私分錢文懷疑妄稟迨公同清算帳目即俯首無詞聯名具結亦未便科以誣告之條該廳審斷此案並非有意消弭所有該經紀等著毋庸解交刑部以省拖累○安徽巡撫陶澍奏遵旨飭查棚民保甲得旨認真稽查辦理不可有名無實調福建按察使印樹棠為江西按

察使江西按察使魏元煥為福建按察使○以熱河總管達三為上駟院卿○除山西清河廳水衝田四百十三頃八十八畝有奇額賦○辛酉以秦寧鎮總兵官果齊斯歡為廣州將軍賞三等侍衛葉爾羌幫辦大臣慶惠三品頂帶署秦寧鎮總兵官兼總管內務府大臣命西安將軍賽冲阿來京以福建漳州鎮總兵官桓格為西安將軍命江寧將軍普恭來京以湖南鎮軍鎮總兵官官清為江寧將軍江寧城守營副將陳階平為鎮軍鎮總兵官乍浦副都統黃文煜為漳州鎮總兵官調山海關副都統哈興阿為乍浦副都統密雲副都統松福為山海關副都統正白旗蒙古副都統興住為密雲副都統○以內閣學士正黃旗護軍統領奕經兼正白旗蒙古副都統○賞伊犁協領多隆武副都統銜為葉爾羌幫辦大臣





造冊取結彙勘繪圖具題興辦以致輾轉遲滯。貽誤船工。亟宜明定章程。俾無玩視。著照所請。所有應行造補各船。准以奉文日起。再予限六箇月。將被害落水官兵花名履歷。船內軍械件數斤重。並賠造將備銜名。逐細查造冊結。申送該司詳辦。如有遲逾。即指名參奏。交部嚴議。嗣後儻有遭風被劫船隻。統以呈報到案之日起。勒限一年詳辦完結。毋任再有延壓。此事因循已久。能如此整頓辦理。

甚屬認真。至另片奏。廠員興工限期。現在應行造補之三十四船。內除福州泉州漳州三廠。僅止承辦六隻。著仍照原奏。定限四箇月完竣。外。其臺灣道廠。應造船隻較多。著准以該道奉文之日起。查照此次奏明定限。先辦兩船。俟將屆完竣時。再辦兩船。以後俱按兩船一次接續詳辦。似此量為變通。庶免支絀。此外另有造補船隻。不得援以為例。該部知道。○閩浙總督趙慎畛奏。商運臺米請專赴

天津。無庸兼販浙江。停止上年暫弛海禁之案。嚴查各海口。毋許小船私載偷越。並飛飭廈門商船。乘此南風司令之時。趕緊裝運。報聞。○除直隸平泉州水衝地三十三項。二十六畝。有奇額賦。○癸亥。諭內閣。孫爾準奏。約束營兵。不嚴之各將弁。一摺。臺灣安平水師營兵。膽敢糾約同伍。並沿海奸民。搶毀商人李勝興載米船隻。實屬目無法紀。該汛各將弁平時漫無約束。及至兵民滋事。又不上

緊拏獲。案犯怠玩已極。孫爾準查辦甚好。著守備楊士高。許成安。把總趙世傑。許世藩。俱著斥革。交該撫嚴審定擬具奏。署遊擊方朝輝。近在同營。全無覺察。著先摘去頂帶。勒限一箇月。將犯事有名各要犯。拏獲送交地方官。提同現犯。研訊確情。按律懲辦。如限滿無獲。即著革職。副將吳得勳。係統轄之員。亦著勒限一月。督拏。屆限無獲。奏參請旨。臺灣鎮總兵明保。經該撫屢次移催。僅以副將吳得

勳並不拏犯為詞。空文回覆。意存諉卸。著交部議處。該地方文職各員。俱著查取職名。於定案時照例附參。○又諭御史薩斌奏。五閘水脚屯夫。負運漕糧。請援照舊例量加調劑等語。著戶部覈議具奏。尋奏查乾隆八年倉場侍郎奏請酌減之時。連歲修雜項工作在內。該水脚等猶有餘資。立法盡善。迄今無改。從無添給之案。此端斷不可開。所請應毋庸議。從之。○除河南孟津縣河占塌沒地九十

五項九畝有奇額賦。○甲子。諭內閣御史吳恩韶奏。浙江武康縣有徐蔡氏被翁妾徐倪氏等謀害身死一案。檢驗有傷牙齒脫落。仵作輒敢隱匿傷痕。捏報自縊。該府縣亦以自縊完案。現據屍親赴臬司呈控。請飭查辦等語。著交帥承瀛親提人證卷宗。秉公嚴審確情。按律定擬具奏。吳恩韶摺併發。○又諭嚴峴奏。請添撥防險銀兩一摺。豫省河工例撥防險銀三十萬兩。現已全數撥發。該河督請

循例添撥以備工需。著照所請。准其於河南藩庫添撥銀三十萬兩。另款提存司庫。如遇工用緊迫。該河督酌定銀數。咨行撥發。務當認真稽覈。毋任稍有浮靡。俟霜降安瀾後。統將搶險用銀總數。並動撥司庫銀兩。覈明奏報。如所撥之銀。用有餘存。仍撥還司庫原款。以昭覈實。該部知道。○調鑲紅旗蒙古副都統高喀鼐。為正黃旗滿洲副都統。以正黃旗滿洲參領彥德。為鑲紅旗蒙古副都統。○乙

丑。諭內閣哈齊香阿奏。科布多有哈薩克占戴里為首。潛進卡倫。搶奪牲畜。毆打官長等情一案。當經派委領隊扎克桑阿前往查辦。犯無弋獲。竟自會瑪伊拉瑚卡倫回城等語。哈薩克係塔爾巴哈台所屬北卡。並與俄囉斯接壤。巡緝最關緊要。近年每有哈薩克搶奪之案。必當嚴拏懲辦。方足以儆外夷而彰國法。該領隊扎克桑阿奉委緝拏占戴里等匪犯。何以日久未經拏獲一人。怠玩已極。現

在該參贊大臣已另委佐領達朗阿前往嚴密查拏扎克桑阿仍著留於會瑪伊拉瑚地方責令上緊協緝以期案犯全獲儻再稍存諉卸即當從重治罪至占戴里等犯係由何卡竄入著於審明定案時將疏防之守卡章京一併據實奏○諭軍機大臣等據哈齊香阿奏本年二月間接准科布多來咨該處有哈薩克占戴里為首潛進卡倫搶奪牲畜毆打官長等情一案當經派委領隊扎克桑阿前往查辦竟自會瑪伊拉瑚回城復又檄飭該領隊仍株守觀望並於接見時聲言我並未食科布多俸廉不能代他查辦詞色俱厲等語領隊扎克桑阿經哈齊香阿委令緝拏占戴里等匪犯如果該領隊不以公事為重竟於奉委後有意玩延實屬非是著慶祥查明據實嚴叅如哈齊香阿與該領隊平日未能和衷以致臨事齟齬並著該將軍查訪確實俟奏到時再降諭旨將此諭令知之○

命江蘇巡撫查拏侯際清贖罪案內知情之舉人顧翔雲歸案質審○革光祿寺署正韓範百戶蘇仁壽職銜歸侯際清贖罪案審訊

○丙寅

上幸靜明園詣

龍神廟拈香○諭內閣松筠奏現患目疾懇請開缺一摺松筠屢經召見精神甚好茲據奏稱眼目昏花自因天氣炎熱所致松筠著不准開缺○又諭蘇成額奏添派好鐵例價

運腳不敷請動款津貼一摺山西省添派好鐵二十萬斤除例准支銷正價運腳外計不敷銀共一萬二千六百一十四兩零若派令各州縣攤捐分辦恐藉詞賠累致滋科派之弊著照所請准其援照成案即在商捐銅本生息項下動用以資津貼張師誠到任後即委員趕緊辦造解部交納餘著照所奏辦理該部知道○改鑄浙江寧波府石浦廳同知關防並象山縣石浦巡檢司印信從護巡撫

黃鳴傑請也。○除江蘇丹徒縣坍沒洲田十四頃七十三畝有奇額賦。○丁卯

上詣綺春園問

皇太后安。○諭內閣。此次恭送

皇考仁宗睿皇帝實錄

聖訓。前赴盛京。除綠營官兵照舊例派出外。護軍統領。前已派出福勒洪阿。仍著酌派章京。護軍校。帶領護軍二十名。由京城恭送至山海關。再行回京。並派盛京副都統倫善。工

部侍郎齊布森。帶同該處派出官兵。先期起程。迎至山海關。敬謹送至盛京。以昭慎重。晉昌等仍照舊例出郊跪接。不必遠迎。至派出乾清門侍衛。一切應得之項。著照大門侍衛一體給與。護軍營官兵計日應得路費銀兩。馬匹等項。著照行圍官兵之例給與。○又諭御史李逢辰奏。請嚴禁淫祠。邪說一摺。國家祀典。自有常經。邪說誣民。本干例禁。如該御史所奏。蘇州府城西十里楞伽山。土人立五

通祠。前於康熙年間。毀祠踏象。日久禁弛。賽饗如故。及女巫假託神語。按簿還願。陋習相沿。不獨蘇州一府為然。不可不嚴行飭禁。著孫玉庭。韓文綺。即飭所屬州縣。將境內五通等淫祠。概行撤毀。毋任愚民賽饗結會。其女巫等。並著地方官出示曉諭。責令該家長等。嚴加管束。其一切創立邪說。哄誘愚民。燒香斂錢等事。隨時訪拏。嚴加懲治。以維風俗。而正人心。○解福建汀漳龍道張曾靄。江西廣

饒九南道費履升。湖北荊州府知府金宗培。任。歸侯際清贖罪案審訊。○旌表守正捐軀山東益都縣民婦郭苗氏女小藏姐。○以長蘆引地連年災歉。准各商應繳參商各課。再展限一年。○戊辰。命山東巡撫查拏侯際清贖罪案內應訊之刑部尚書韓蔚家人于升。歸案質審。○己巳。庫倫辦事大臣蘊端多爾濟等奏。高例庫倫辦事大臣更換之時。及每屆十年。應查毗連俄羅斯卡倫。均豫行文俄

羅斯固畢爾納托爾。近又奏准照俄羅斯所請。為續給在京之僧俗銀兩。雇恰克圖回民遣送。應將此三件一併咨行。謹將咨文底呈覽。請旨。又每年賞給俄羅斯瑪玉爾官員之項。向無定數。茲自道光二年二月至三年二月。賞過緞匹茶葉等項。折銀三十九兩五錢。三年至四年。賞項相符。應與賞給恰克圖部院章京銀每年定為二百十二兩五錢。均照例調取報聞。○庚午。

上幸萬壽山。詣

廣潤祠拈香。○戶部奏。覈議江蘇巡撫韓文綺清查倉庫虧墊章程。一。墊完民欠。分年勒限催追。一。本省外省官欠。分別立限追補。一。本省外省追賠銀兩。酌展限期完繳。一。領變價銀款。勒限追補。一。攤捐銀款。分別流攤追補。一。書役欠項。分限嚴追歸款。一。無著銀兩。仍提羨餘彌補。一。存倉米穀。勒限買補足額。得旨。戶部議覆。江蘇省清查案內。酌議追補。

及防杜續虧章程八款。俱著依議行。各省倉庫虧缺。總由該州縣那新掩舊。積習相沿。是以每遇清查。名為追補。實開新虧之漸。江蘇省此次查辦。復又虧缺至二百六十二萬餘兩之多。現准其勒限追繳。姑免治罪。嗣後該撫務當實心實力。將各員虧欠銀兩。認真催追彌補。每屆年終。將彌補確數。據實奏報。仍於交代時。徹底盤查。儻有一案新虧。立即指名嚴參懲辦。勿得稍事姑容。亦不許再有清

查名目。以杜流弊。○實授凱音布鑲白旗蒙古副都統。○命鑲白旗蒙古都統和世泰鑲黃旗蒙古副都統富蘭管圓明園八旗內務府三旗官兵。○旌表守正捐軀浙江黃巖縣民婦王金氏女大奴。○辛未。

孝懿仁皇后忌辰。遣官祭。

景陵。○諭內閣。御史佟濟。奏訪聞馬甲冒領養育兵錢糧。請飭查辦。一摺。著派莊親王綿課松筠。帶同御史佟濟。前往鑲黃旗蒙古都統

衙門。確查戶冊內所註馬甲花明阿之子養育兵英麟。是否實有其人。查明據實具奏。尋奏上。得旨。此案花明阿。於伊子英麟已故。隱匿不報。冒領養育兵錢糧。至六年之久。大干法紀。花明阿著革退馬甲。交刑部審訊。所有嘉慶二十三年以後。失察之歷任都統。副都統。參領。佐領等。交兵部查取職名。分別議處。至八旗所挑養育兵。似此者。恐復不少。著各旗都統。副都統。即秉公嚴密確查。如有侵冒

錢糧。據實檢舉。尚可不加深究。儻始終回護。一經發覺。必當懲處不貸。○協辦大學士兩江總督孫玉庭等。覆奏編查棚民保甲章程。得旨。依議妥辦。不可有名無實。更不可任聽書役藉端紛擾。勉慎為之。○以拏獲江蘇海州大夥鹽梟多名。並起獲器械軍火。實參將王慶元。花翎。同知許文。授。知府銜。餘升補有差。○壬申。閩浙總督趙慎畛奏。閩縣境內之琅崎島。從前港道不通。未設專員。僅附轄於

五虎巡檢。館頭汛弁遙制。近年沙塗衝刷。港口寬闊。匪船出入。皆可不由五虎門。閩安鎮各正口。消賊漏稅。諸弊叢生。請移駐都司一員。帶領千總一員。兵二百名。即於閩安本營酌撥。仍統轄於閩安鎮。並於琅崎之右。港道適中處。建設都司衙署。元寶山海嶼之麓。建設千總衙署。海嶼山頂。建築礮臺。望樓各一座。即以訪拏該處私牙入官行屋拆改。至稽查商船稅貨。應咨閩海關覈辦。下部議行。○

旌表守正捐軀山東冠縣民田庭芳女大姐。○除陝西盤屋縣被水衝坍八旗馬廠餘地七頃四畝。有奇。正租雜費。○癸酉。

上詣綺春園問

皇太后安。○諭內閣。直隸省地糧奏銷。著照戶部所議。應放節年銀款。儘數改於節年實存項下動支。此項實存銀內。如有借墊歸還之款。即將墊還各款。敘明原委。另造妥冊。再立限三箇月送部。現屆道光三年奏銷之期。該

督務即上緊清釐以符定限而重帑項其補除銀七十二萬餘兩著准其列入開除俟題覆時該部再行覈議至四柱清冊著該督遵照戶部奏定冊式迅即查造送部以憑覈辦

○調戶部左侍郎裕恩為吏部左侍郎禮部右侍郎明志為戶部左侍郎吏部右侍郎奎照為禮部右侍郎以鑲白旗漢軍副都統百春署吏部右侍郎○甲戌賞故葉爾羌阿奇木伯克貝子邁哈默特鄂散銀二百兩○乙亥諭內閣本日補放正黃旗護軍參領其列名第一之副護軍參領那爾洪阿步箭竟不能射出殊屬不成事體應即革職治罪但那爾洪阿從前曾經出兵姑著加恩降二級以護軍校用奕經初任護軍統領並不留心揀選率行帶領引見甚屬非是奕經著革去護軍統領仍交部議處所遺護軍統領員缺著耆英補授○諭軍機大臣等前派托津等會審侯際清贖罪舞弊一案訊據侯統印供道

光元年行查山西因恆知縣未到託署縣丁姓辦理用銀一千兩係伊兄捐納知州侯孝昌經手又據董椿供元年行查時伊求常英信託恆知縣交與侯統印張星煒回山西辦理彼時恆知縣尚未到任此信並未交付復向侯統印追問此信下落據供係侯孝昌收存等語張師誠接奉此旨即提訊署介休縣丁姓並拏侯孝昌及一切經手人犯訊取供詞解京質訊並向侯孝昌嚴行追出常英書信不得任其狡展以憑究辦將此諭令知之

○大學士托津等奏會審侯際清一案究出官員得贓情形得旨韓蔚著照托津等會奏摺內指出各情節逐條明白回奏那清安恩銘常英俱著各將董椿所供情節明白回奏毋許稍有含混如有片言欺罔自問當得何罪據之○除直隸豐寧縣水衝地十五頃四十二畝有奇額賦○丙子中元節

上詣



安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○刑部尚書韓蔚因案解

任調工部尚書陳若霖為刑部尚書以都察

院左都御史陸以莊為工部尚書兼管順天

府府尹事○丁丑

上御勤政殿聽政○刑部奏遵議江蘇泰州民

人王興然誤傷親父王如詳因風斃命一案

得旨王興然著改為斬立決該犯誤傷伊父

殞命倫紀攸關自應仍照本律問擬凌遲再

援引白鵬鶴之案請旨定奪該撫輒行問擬

斬決殊屬不合韓文綺著傳旨申飭○以戶

部左侍郎姚文田為都察院左都御史調工

部左侍郎周系英為戶部左侍郎仍留江蘇

學政任實授程含章工部左侍郎以禮部右

侍郎辛從益兼署吏部右侍郎○改鑄安徽

潁州府總捕同知關防並鑄給宿州時村巡

檢司印信從巡撫陶澍請也○以承辦

萬年吉地工程出力賞知縣趙珮琳鹽大使宋

泗六品頂帶欽天監挈壺正姚紹基等一級

○封閉直隸宛平縣中興煤窰從前任工部

尚書兼管順天府府尹事陳若霖等請也○

戊寅諭軍機大臣等曾燠奏淮南散商黃濬

泰請仍令充總商等語黃濬泰因上年屢被

訐控眾論不孚革退總商作為散商茲據曾

燠奏現在通河總散各商公同具稟請仍飭令黃濛泰充總一體輪流值月辦公黃濛泰充總多年業經革退何以此時又稱眾情允洽必令復充首總前後甚屬矛盾或其中另有別情豈淮商中除黃濛泰之外竟無可另行充補總商者究竟該商辦理公事是否實於運課有益著孫玉庭確切查明據實具奏將此諭令知之○解戶部右侍郎恩銘兵部左侍郎常英伍革候選道查有折職歸侯際清贖罪案質審○以吏部左侍郎裕恩兼署戶部右侍郎兼管錢法堂事務○戶部議准調任廣西巡撫毓岱疏報天保歸順二州縣開墾水田七埧一什一伍旱田八十二畝有奇照例升科從之○己卯

上詣綺春園問

皇太后安○大學士托津等奏訊明解任侍郎恩銘等請交部嚴議得旨此案解任侍郎恩銘常英與董椿銀錢借貸往還經托津等訊

明覆奏皆由董椿借名影射惟該侍郎等以二品大員不知自愛乃與市井匪人往來交結以致董椿向其囑託公事又不即時舉發均屬有玷官箴至常英於董椿事發投案之前至伊家內該侍郎並不立即奏明送案意存徇隱咎無可辭恩銘常英俱著交部嚴加議處飭令回家聽候部議尚書那清安前在左都御史任內董椿曾以候際清贖罪之事懇其託情當時並不奏請究辦及刑部訊出此案書吏得贓戴均元等請旨迴避時該尚書又不據實陳明迨蘇仁壽到案供出諭令明白回奏始據奏稱董椿曾向託情雖未允許亦有應得之咎那清安著交部議處○禮部奏現纂通禮服制一門酌修六條一八旗官員持服給假之期應請增定祖父母之服比照親伯叔親兄弟之例一月後供職曾高祖父母之服比照伯叔祖之例既殯七日後供職再期服諸條應援照妻喪之例分別二

十一日後十四日後當差。一漢官員於祖父  
母伯叔父母兄弟等喪。應請比照八旗官員  
給假之制。分別一月七日諸條。詳細增載。  
庶子之為人後者。於本生生母之喪。持服應  
請於齊衰不杖期項下。增入一條。仕者解任  
士子輟考。一養母之名。自宋開寶禮始。應以  
原註謂收養遺棄三歲兒為定。原例斬衰三  
年。亦宜改正。應請於斬衰三年條下。刪去養  
母一條。增入為所養之親。斬衰一年。仕者解

任。士子輟考一條。並註明撫同宗及遺棄子  
而不為後者。一為人後者。為本生親屬持服  
應請據儀禮疏。本生餘親悉降一等之文。逐  
條增載。其本生親屬之報服。亦即照本生父  
母及本生伯叔報服之條。逐條編入。一改葬  
之服。今制未及。應請於總麻條內。增子為父  
母妻為夫改葬一條。據子思子所云。註以既  
葬除之四字。得旨大學士九卿會同覈議具  
奏。尋議八旗官員三年之喪。持服百日。祖父

母喪。兩月後供職。曾祖父母喪。一月後供職。  
高祖父母喪。出殯七日後供職。漢官員期功  
之喪。持服日期。請比照旗員給假之例。祖父  
母給假兩月。曾祖父母給假一月。其比照旗  
員之出殯後當差者。定為給假三日。並於各  
部丁憂例內。增慈母一條。於吏部條例內。增  
庶子為本生生母。准終養。貤封兩條。養父母  
之服。定為齊衰一年。其知有本生父母姓名  
者。仍令持本生服。斬衰三年。改葬之服。應增

入孫為祖後一條。凡改葬期功親者。據子思  
子弔服如麻之語。均服總麻。餘悉如該部所  
議。從之。○庚辰諭軍機大臣等。特依順保等  
奏。訪獲代逆裔傳遞信字之回犯。請解交喀  
什噶爾歸案審辦一摺。葉爾羌所屬恰克恰  
克回莊。拏獲喀什噶爾回犯莫洛巴依默特  
及其弟伊布拉克依木。並起獲信字髮辮等物。  
訊明該犯等。實係代逆裔傳遞信字斂錢之人。現  
在喀什噶爾參贊大臣永芹等。已將同案各

犯拏獲審訊著特依順保派委員弁兵役即將該二犯解至喀什噶爾歸案辦理務令該員弁等沿途小心護送毋稍疏虞其餘各犯業已訊取供詞即著無庸解往至葉爾羌沿邊各卡倫著特依順保嚴飭密查如有奸匪涸跡立即拏解訊究固不可稍有懈弛亦毋得過事張皇方為妥善將此諭令知之○又諭本日據特依順保等奏訪獲傳遞逆裔信字回犯解交喀什噶爾審辦一摺喀什噶爾

回子莫洛巴依默特並其弟伊布拉依木前曾潛至邊外與逆裔邁瑪特玉素普服役復持信字向喀什噶爾白帽回子斂錢親交收受上年該逆裔又寫就給邁瑪第敏信字一件髮辮一根交該犯收持該犯添入私寫信字希圖多收錢文因輟轉藏匿逃至葉爾羌居住逗留旋經特依順保等派員在恰克恰克回莊拏獲已有旨飭令將該二犯解往喀什噶爾交永芹等歸案嚴審矣新疆回部地

方往往有代逆裔寄信斂錢之事總由愚回無識妄存繫念漸至勾串煽惑不可不防其漸從前如張格爾蘇蘭奇各案皆係慶祥經手辦理一切情形自所深悉此次莫洛巴依默特兄弟膽敢兩次為邁瑪特玉素普傳遞信件捏詞駭聽以冀可多斂錢種種不法尤應亟加懲創該將軍接奉此旨著與永芹等札商妥議嚴行究辦務須出以鎮靜不可稍示張皇致涉驚擾至於匪回偷越邊境私相

勾結逆裔藉端構煽一有訪聞即當查拏淨盡以絕根株將此諭令知之○又諭據特依順保等奏訪獲代逆裔傳遞信字之回犯莫洛巴依默特及其弟伊布拉依木已諭令派撥弁兵解赴喀什噶爾交永芹等歸案審辦矣此案該回匪等不遵法禁膽敢與逆裔勾通串結代為輟轉營謀實屬可惡永芹等務當提集各犯詳細質證明確從嚴懲辦以期淨絕根株毋稍疏縱至特依順保另片奏稱

二等台吉噶雜納齊伯克邁哈默特鄂對。拏獲回犯二名。實為奮勉等語。邁哈默特鄂對前已升補伊什罕伯克。該伯克屢次緝捕出力。著永芹等遇有回疆各城阿奇木伯克缺出。即行奏請升補。以示鼓勵。將此諭令知之。尋永芹等奏。接據特依順保知會。即將莫洛巴依默特。供出喀什噶爾回子邁瑪第敏。薩木薩克等。按名拏獲。現將葉爾羌解來各犯。質訊。其為逆裔玉素普服役寄信斂錢。及回子薩木薩克。邁瑪第敏。兩次斂錢各情。與葉爾羌所訊供詞。大略相同。至帶來圖書信字。一是逆裔所給。一是該犯盜用逆裔圖書捏寫。再四窮詰。矢口不移。將莫洛巴依默特處斬。伊布拉依木及薩木薩克等。問擬軍遣。如律。下部議從之。○直隸總督蔣攸銑奏。新設遵化州理事通判。請將所管七十九村莊內凡戶婚田土錢債命盜案件。及差徭糧租等事。仍歸遵化州辦理。其尋常事件無關隔境。

傳人者均歸彈壓審理。仍不時親至萬年吉地大工處所稽查巡察。約束夫役。庶各有專司。日久無弊。從之又奏。新建永定河金門閘。灰壩過水情形。險工平穩。雨減河俱極通暢。並未衝刷田廬。下水漸澄清。不致淤塞。白溝正河。與從前孫嘉淦之開隄放水。迥不相同。報聞。○湖廣總督李鴻賓奏。前於衡州府設立總店。試售官鹽。並於衡山縣分設子店。三郡民人。皆得就近買食。減價敵私。著有成效。惟路隔重湖。船戶盜賣。攪和各弊。商人不能約束稽查。致有賠累。查湖北宜昌府亦為淮綱門戶。由該府鹽捕通判。領運分銷。應仿照此例。責成衡州府鹽捕通判。每年領運十萬包。按季接運。毋使間斷。鹽價亦照例。每包減銀一分二釐。按十分銷數。嚴定處分。其衡州耒河總口。係堵緝粵私總隘。應將文職委員裁撤。歸通判就近募役查緝。至衡州以上之永州府。水陸卡巡五處。係鄰私入衡。

門戶嚴飭該通判與駐卡文武及下游州縣認真防堵互相稽查不但該府額銷可足且為全省益固藩籬並令漢商仍留衡店酌帶商夥幫同緝捕庶立法愈臻周密下戶部議尋議官運減價設卡會營均如該督所奏辦理惟查衡州永州寶慶三府額銷鹽八萬餘引與宜昌額止三千餘道者不同茲僅請運十萬包何足以敷民食摺內聲敘未明礙難懸定應令查明覆奏再行覈議又所稱酌留

商夥一節恐在彼影射夾帶借官營私應無庸議從之○又奏遵旨密查鹽道查清阿近日情形該道簡約自持不蹈需索商人惡習年逾六十精力甚健所不足者明察未周其他尚無不妥報聞○以安徽上年水災辦賑勸捐修隄採買米石各員經理妥善知縣常景周等升敘有差○旌表守正捐軀山東平度州民王幅祥母高氏○除江蘇金山縣坍沒田五頃五十九畝有奇額賦○以湖北糧

價增昂貸衛昌德安二營兵丁倉穀○辛巳上幸萬壽山詣

廣潤祠拈香○大學士戴均元以年老願請解職允之賞食全俸○以湖北鄖陽宜昌施南襄陽四府所屬各州縣距省較遠命嗣後秋審及遣軍流徒各犯由該管道就近審勘限期處分照臬司例從總督李鴻賓請也○壬午諭內閣恩銘常英以二品大員與市井匪人往來交結以致董椿向其囑託公事又

不即時舉發常英於董椿投案之前先至伊家該侍郎並不奏明送案均屬有玷官箴恩銘常英俱著照部議革職那清安於董椿託情並不即時奏請究辦即照部議降調亦屬咎所應得姑念尚未允許其咎較輕所有部議降三級調用之處著加恩改為降四級留任○諭軍機大臣等朕前派瑞親王恭詣昌陵於本月二十五日敬謹致祭本日夜雨滂沱刻尚未止沿途河橋道路恐多阻滯朕心

深為軫念。現在瑞親王未知行抵何處。斷不可冒險前進。已另有旨諭綿清。如瑞親王屆期雨阻未至。即著綿清敬謹致祭。瑞親王接奉此旨。察看情形遵行可也。將此諭令知之。

○調工部右侍郎敬徵為戶部右侍郎兼管錢法堂事務。轉兵部右侍郎者英為左侍郎兼國史館清文總校官。調理藩院右侍郎凱音布為兵部右侍郎。以內務府大臣廣泰為工部右侍郎兼管錢法堂事務。都察院左副

都御史那丹珠為理藩院右侍郎。○調正白旗漢軍副都統明志為正藍旗滿洲副都統。以奉宸苑卿容照為正白旗漢軍副都統。刑部右侍郎多福兼正藍旗漢軍副都統。○命禮部左侍郎舒英管光祿寺事。○以察哈爾額魯特兩部牧放駝畜足額臚壯給額魯特領隊大臣碩隆武等紀錄有差。○革前任廣東惠潮嘉道現在刑部行走惠豐職歸候際清贖罪案審訊。○命停止江西湖北湖南三

省製備苫蓋開河糧船筏篷。從倉場侍郎博啓圖等請也。○修山東運河廳屬魚臺汛西岸隄工。從河道總督嚴烺請也。○癸未諭內閣琦善奏廟工交商生息銀兩請勒催完解一摺。山東省捐備工需銀三十萬兩。前經發交兩淮長蘆鹽商生息。為各工修理之需。近年各商所欠息銀自分綱分限以後。至今仍未完繳。以致年久各廟工俱未能隨時修理。茲據該署撫查明。本年夏間曲阜縣梓被大

風。各廟坍塌更甚。勢難延緩。著該鹽政即嚴飭各商將所欠道光三年以前息銀。並本年淮南應完息銀二萬六千兩。東商應完息銀一萬三千兩。迅速追繳。以應工用。儻商人營運維艱。著予限一年追還本銀。解交山東另發當商生息。儻逾限不交。該鹽政即行奏明治罪。毋得藉詞疲乏。再有延宕致干咎戾。○福建巡撫孫爾準奏臺灣商民運米十四萬石前赴天津。請准其半糖半米勻載。目前臺



灣米價並無增長。嗣後應截止招募。為海疆民食留其有餘。報聞。○以捕蝗遲延。革山東署滋陽縣知縣張志彥。臨清衛守備陳莊等頂帶。○緩徵山東日照縣被雹村莊新舊額賦。並臨德等倉民佃鹽課。○甲申。大學士托津等奏。原任刑部尚書韓崱親供與盛思道董椿原供全不相符。大員未便質證。恐其堅不吐實。請暫行革職。以便提同質對。得旨。尚書韓崱著暫行革職。交托津等即提同盛思

道董椿三面質對。○乙酉。諭內閣。御史程德潤奏。請調副直省知府一摺。國家治理之要。總在督撫大吏。於所屬知府。實力稽查。隨時整頓。遇有貪劣及徇庇屬員者。立即奏參。自可收察吏安民之效。茲據該御史奏稱。知府養廉惟山西為優厚。請照山西之例酌量議增。不惟倉庫無虧。即一切命盜案件。亦必隨時清釐等語。近日山西省閭閻思虎一案。該府沈琮即在養廉優厚之列。於屬縣呂錫齡飭

法營私。有心回護。不能據實平反。又將何所藉口。可見知府之賢否。不在養廉之厚薄。況各省官員。自雍正年間。量其缺之繁簡。增設養廉。遵行百有餘年之久。從無以養廉為不敷辦公者。若紛紛議增。成何政體。該御史所奏。斷不可行。著無庸議。○閩浙總督趙慎畛奏。遵查閩省棚民。惟延建等府所屬較多。因向辦聯甲章程。有效。仍照辦理。得旨。所奏均悉。務要實力行之。切勿有名無實也。又奏。臺

灣勻銷內地南靖。長泰兩縣官運鹽額一萬二千石。並照臺地課則。加補五千石。因該府緝私整頓。各販戶情願代銷。繳課彙同原額。經徵之餘課。埋餉抵兌兵餉。其未奉文以前。缺銷六日。仍飭南靖。長泰兩縣自行賠補。下戶部議。尋奏。自此次奏准奉文。日為始。責令按年給照督銷。此後該二縣引數愈輕。整飭自易。務令承辦之員。年清年款。餘均如所奏辦理。從之。○改派工部左侍郎舒明阿。恭送

仁宗睿皇帝實錄

聖訓尊藏盛京○丙戌

仁宗睿皇帝忌辰遣官祭

昌陵○

上詣

安佑宮行禮○諭內閣興京盛京

陵寢宮殿著睿親王端恩侍郎辛從益舒明阿

於祇送

皇考仁宗睿皇帝實錄

聖訓前詣盛京恭奉全書安度後就近將該處

宮殿周歷詳視即敬詣

三陵叩謁並查閱

陵寢宮殿戶牖及繚垣柱樑各工是否一律完

整據實具奏其隨帶之侍衛及執事人等送

書安設事畢即令其先行回京○命睿親王

端恩禮部右侍郎辛從益工部左侍郎舒明

阿於恭送

實錄

聖訓尊藏盛京禮畢就近監收奉天官莊穀石

○命盛京將軍晉昌等敬修

昭陵省牲亭菓房○以直隸北運河新修朱家

馬頭月堤汎水汕漫革原辦委員通判徐鏞

主簿徐敦義項帶勒令賠修○旌表守正捐

軀河南滑縣民王添貴女嬌姐○丁亥

上詣綺春園問

皇太后安○湖南巡撫嵩孚奏查明各屬倉穀

短缺確數共二十九萬餘石已據繳銀穀共

合十二萬餘石仍分別有著無著勒限歸補

得旨戶部議奏又批天良二字以當世而論

甚可寒心設若輩天良俱在亦毋庸費此一

番盤查也○命前任庫車辦事大臣嵩安仍

以內閣侍讀學士候補○旌表守正捐軀直

隸安平縣民王得妻韓氏○戊子諭內閣前

據程合章等奏直隸治水大綱請先籌撥銀

一百二十萬兩當經部議奏准於廣東江西

浙江三省共撥銀四十萬兩餘銀八十萬兩

俟廣東等三省續收捐監銀兩。儘收儘解。以備支用。茲據程含章等奏。工需緊要。現撥銀兩。驟難到齊。實屬緩不濟急。必須另行籌撥。方可及時興辦。自係實在情形。著戶部查明。前撥江西地丁銀二十萬兩。同現撥江西浙江銀二十五萬兩。俱徑行解交直隸。其廣東省十五萬兩。內除捐監銀五萬兩。已准截留解到外。所撥封貯銀十萬兩。著戶部咨催該省。即行起解。至此外不敷銀兩。著戶部於長

蘆鹽課。及山東河南山西三省內。酌撥銀四十萬兩。於今冬解到直隸。迅速妥議具奏。其餘銀二十萬兩。仍催廣東等省。續收捐監銀兩。儘收儘解。以期無誤要工。○浙江巡撫帥承瀛奏。建德縣村莊被水情形。得旨。妥為查勘。據實奏聞。尋奏。山水消退甚速。所有衝刷田畝。無礙秋成。經該縣查明貧戶。捐資酌給。無庸再加撫卹。報聞。○以江南狼山鎮總兵官蕭福祿。為浙江提督。江寧督標副將曹興

邦為狼山鎮總兵官。○予故浙江提督三等伯許文謨祭葬如例。謚壯勇。○修浙江西塘李家汛。翁家汛。間段柴埽各工。從巡撫帥承瀛請也。○己丑。命江蘇巡撫查拏侯際清贖罪案內。應訊之前署介休縣知縣丁垣。歸案質審。○以疏防。察木多三暗巴地方。夾壩搶劫。隨摺物件。遊擊沙保山等。下部議處。○庚寅。裁貴州貞豐州屬樂發亭。者黨亭沙布亭。土外委缺。從巡撫程國仁請也。

大清宣宗效天符運立中體正至文聖武智勇仁慈儉勤孝敏成皇帝實錄卷之七十

[illegible]

道光四年甲申閏七月辛卯朔諭內閣戶部

奏籌撥直隸水利不敷銀兩。著照所請。在撥給直隸兵餉。改解部庫之長蘆鹽課內。撥銀二十萬兩。再撥本年山西地丁銀十萬兩。山東地丁銀五萬兩。河南地丁銀五萬兩。共撥銀四十萬兩。著各該撫鹽政。派委妥員。務於今冬解到直隸藩庫。以備工需。其餘二十萬兩。仍令廣東江西浙江三省。於續收捐監銀內。儘收儘解。俟湊足二十萬兩後。即行歸補封貯。並將撥解銀數。報部查覈。該省辦理水

清實錄  
道光四年閏七月

一一五

蕪采泗州等營俱距總督駐劄地方較近嗣後各營千總應照新定甄別考拔世職人員例由各該協營考察徑送總督考驗不必由提督考轉下兵部議尋奏千總保薦與世職學習僅定去留及恩騎尉照例拔補千總者輕重不同如不由提督考轉是提督有統轄全省營伍之名並無其實揆諸例義體制均有未協該督所奏應毋庸議從之○修江南京口左右高資狼山鎮標右各營戰船從協辦大學士總督孫玉庭請也○貸江寧奇兵溧陽二營駐劄災區兵丁一季銀米○癸巳上詣綺春園問

皇太后安○諭內閣前任和闐辦事大臣文弼辦理遣犯孫爾男重利放帳一案於原告誣控情由未經究辦已屬草率至查抄孫爾男資財輒散給眾回子又復報查寄頓物件株連案外尤屬錯謬文弼著交部議處前任和闐辦事大臣承啓承審此案草率錯謬前後

失察家人在外結交遣犯藉端誣詐毫無覺察咎更難辭承啓著交部嚴加議處○諭軍機大臣等刑部議覆敦良等審擬遣犯孫爾男重利放帳一案已明降諭旨依議辦理矣惟敦良等原奏內稱該犯被抄資財散給眾回房地契紙錢文覈計人數眾多應免追繳取伯克當押物件所欠本銀緩為設措聽其自行清理等語該犯既非例應查抄之犯則被抄資財自應照例追還除散給眾貧回錢

文人數眾多應免其追還外其取回所借錢文及所押房地契紙自當照數追給以昭平允至該伯克等當押物件既經該前任辦事大臣散給原主該伯克等均係職官又非眾回可比所欠銀錢必當急為清理何得以緩措為詞致滋懸宕著敦良等將該伯克及眾回子等所借銀錢及房地契紙等物當押各項一併追出給該犯具領後再行起解毋任該回子等抗不交還該伯克等故為延緩令

該犯稽留該處。再滋事端。將此諭令知之。以故土爾扈特副盟長扎薩克郡王策伯克扎布子三達克多爾濟襲爵。仍授副盟長。甲午。

上幸靜明園詣

龍神廟拈香。○諭內閣。侯際清以擬流官犯。在刑部衙門呈請贖罪。尚書韓對在部最久。於刑名尤為諳練。乃辦理奏稿時。既覈其情節較重。仍以可否准贖雙請。殊屬取巧含混。

現據托津等訊明。韓對實無聽囑受賄情事。惟失察官吏舞弊得贖。及嗣子知情。親戚撞騙。且案內獲咎司員恩德等。皆係保列一等之人。盛思道又係韓對於上年濫行保留。種種昏贖。即照托津等所擬從重發往軍臺。本屬咎所應得。姑念韓對年近七十。著從寬免其發遣。加恩在萬年吉地工程處效力贖罪。已革刑部郎中恩德與董椿等商辦贖罪。收受不枉法贖一百二十兩以上。若僅照例問。

擬絞候。勒限完贖。減等發落。尚屬輕縱。著於完贖後從重發往伊犁效力贖罪。已革郎中盛思道為侯際清商辦贖罪。先後撞騙多贖。到案後復任意狡展誣賴。情殊險詐可惡。著從重發往伊犁效力贖罪。已革通判董椿指官撞騙銀兩。數至盈千。到案後復不據實供吐。狡賴誣扳。情尤譎詐。著加枷號兩箇月。滿日發近邊充軍。已革道員惠豐訊未囑託重喜。惟謊言回復。惠林究有不合。著開復原官。

交吏部照例議處。其漏查紅供。並失察官吏得贖之刑部堂官前任科布多參贊大臣那彥寶及兩次畫稿之盛京刑部侍郎海齡。江蘇巡撫韓文綺。候補主事張映漢。俱著交部嚴加議處。致仕大學士戴均元。陝甘總督那彥成。於八月內雙請奏稿。未能查出弊端。亦屬疏漏。俱著交部議處。原任道員德恩。左江道重倫。河北道鄒錫淳。於吳光斗等藏匿紅供。未經查出。並失察書吏舞弊及同官得贖。

俱著交部嚴加議處。嗣後刑部辦理贖罪案件。著仍照乾隆四十八年原議章程。分別准贖不准贖二項。奏明請旨覈定。不得以可否字樣雙請入奏。以免歧誤。○添派理藩院尚書穆彰阿恭辦

萬年吉地工程。○以都察院左都御史松筠兼正黃旗漢軍都統。○賞故正黃旗漢軍都統三等承恩公孟住銀五百兩治喪。命皇長子奕緯帶領散秩大臣一員侍衛十員前往奠

醑。並命惇親王綿愷於發引日往奠。賜祭葬。謚敬慎。○乙未。諭內閣。京察為三年考績大典。用以整飭吏治。激揚人才。所關甚重。各衙門堂官果能黜華崇實。推賢選能。自可為朝廷收得人之效。若如近日侯際清贖罪舞弊一案。牽涉官吏。實出情理之外。恩德盛思道均係刑部司官。恩德又管理贖罪事務。輒與市井棍徒。朋謀賄囑。撞騙多金。該堂官既不能即時察辦。猶復將恩德登諸薦牘。其餘公

同定稿各員。亦皆該堂官保列一等。或被供指得贓。或以聽情徇隱。並有形同木偶。隨和畫諾。竟置公事於不問者。似此名實混淆。是非倒置。所謂澄敘官方者。安在各部院大臣。為朕素所信任。其薦舉自應公允。一經引見。不能不量為甄錄。何至以登明選公之舉。竟有踰閑敗檢者。謬廁其間。是該大臣於考察一事。惟知奉行具文。苟且塞責。舉非其人。咎將誰屬。且此等不肖人員。服官輦轂。尚敢藐

視法紀。營私黷貨。設令得膺外任。勢必紊撓公事。賸削民膏。益復何所顧忌。向例九卿保舉官員。如貪婪事發。原保舉官。定有濫舉處分。此案既據托津等審明擬奏。所有從前率將恩德等保列一等之刑部堂官。交吏部查取職名照例議處。因思刑部如是。各衙門恐亦不無此弊。明年即屆京察之期。著先行諭知各部院堂官。務當精白乃心。秉公選拔。於所屬內。必平日深知其居心公正。辦事練習



者。公議允協。方准書之上考。以備任使。若不  
加覈實。冒濫充數。甚至瞻顧情面。曲徇己私。  
將來該員等款跡敗露。朕惟原保之堂官是  
問。恐不能當此重戾也。將此通諭知之。○又  
諭據綿課等奏。查正紅旗。鑲紅旗。鑲藍旗。另  
檔人丁內充當親軍者。現共有八名。此項親  
軍。皆係旗人額缺。著即令其開缺。另以正身  
旗人充補。至另檔親軍開缺後。由各該旗詢  
明。有願入民籍者。咨明戶部。順天府。入於大  
興宛平二縣民籍。願入本王公包衣者。由該  
旗撥入包衣當差。其於另檔內查出弓匠八  
名。亦著照另檔親軍一體辦理。○予直隸辦  
賑出力知州蔚音芳等議敘。捐賑紳士姚開  
第等升賞有差。○丙申。諭內閣。陸以莊等奏  
捕蝗遲延之知縣。請先行摘去頂帶等語。順  
天府大興宛平二縣所屬村莊。間有蝗蝻該  
二縣並不上緊撲捕。實屬怠玩。署大興縣知  
縣霍登龍。宛平縣知縣萬鼎洋。俱著先行摘

去頂帶。責令十日內撲捕淨盡。毋致蔓延。如  
再遲逾。即著嚴叅治罪。○丁酉。諭軍機大臣  
等。本日據富綸奏。阿克蘇辦事大臣英桂。於  
所屬報有竊盜案件。皆給予事主印票。令其  
出境自行追捕。以致烏什境內。尋賊捉賊。絡  
繹不絕。請飭禁止等語。地方每遇盜竊等事。  
一經呈報到官。即應派員查緝。或因匪犯脫  
逃。亦可知會鄰境協拏。以期就獲。若官既不  
為緝捕。轉令事主自行四外追尋。辦理錯謬。  
實出情理之外。現據富綸奏稱英桂自抵任  
以來。每月皆有發給事主印票。紛紛前赴烏  
什跟蹤捕賊之事。回疆重地。該管大臣豈容  
謬妄至此。殊屬不成政體。著永芹接奉此旨。  
迅即詳細查明。如果確實。著將英桂嚴行叅  
奏。毋稍徇隱。富綸原摺著鈔給閱看。將此諭  
令知之。○旌表守正捐軀安徽宿州民董馬  
妻郭氏。○戊戌。旌表守正捐軀湖南善化縣  
民蔣庭羔妻子氏。○己亥。

上詣綺春園問

皇太后安。○諭內閣前據耆英奏正黃旗護軍等應領口分米價數目不符。當交軍機大臣查訊。茲據查明此項官兵口分米石。向有前存備用錢文。遇領米遲延月分先期墊發。俟關米變價歸還。該旗將銀米易錢散放。相沿已久。尚無情弊。惟並未立有冊檔。誠恐日久弊生。嗣後著該旗護軍統領查照歷辦章程。將關領銀米易錢支發數目。登記冊檔。蓋用

印信。以備稽覈。如查有弊混。立即嚴參。並著鑲黃正白二旗一體遵照辦理。至內倉於各該旗領米。自應按期給發。並著總管內務府大臣督飭該倉承辦之員。於接到領米印文。即行支放。毋得遲逾。○諭軍機大臣等前派托津等會審侯際清贖罪舞弊一案。因侯統印供出道光元年行查山西時。託署縣丁垣辦理。用銀一千兩。係伊兄捐納知州侯孝昌經手。當經降旨。令張師誠拏侯孝昌及經手

人犯。訊供解京質訊。茲據張師誠奏稱。訊據侯孝昌供。伊與前任勒休知縣陸元鑣之子陸以濟相好。即央陸以濟請託丁知縣許以酬謝。伊將供結寫就。交陸以濟轉交丁知縣辦理詳報。後來謝銀一千兩。交陸以濟轉交丁知縣收受等語。陸以濟係現任江西興國縣知縣。聽從侯孝昌囑託。知縣丁垣過付銀兩。係侯際清贖罪案內要證。毓岱接奉此旨。即將該知縣解任。派委妥員。迅速押解來京。

歸案質訊。毋稍遲延。將此諭令知之。○河東河道總督嚴烺奏。秋後黃河水勢壘次盛漲。各工搶護平穩。得旨勉力巡防。不可稍有疏忽。○命大學士曹振鏞充上書房總師傅。○庚子。予阿巴哈納爾貝勒瑪哈巴拉故福晉祭如例。○旌表守正捐軀山東平原縣民王克謙女顯姐。○貸山海關八旗兵丁一年錢糧修理官房。○辛丑。諭內閣本日吏部將侯際清贖罪案內前任刑部堂司各官分別嚴

議處。那彥寶等於道光元年五月內具奏時並未查出紅供。又於司員書吏得贓毫無覺察。韓對業經革職。在萬年吉地工程處效力贖罪。那彥寶等同為堂官。率行畫諾。厥罪惟均。雖韓對有嗣子知情親戚撞騙情事。然定稿同在一堂。若專恃韓對又安用諸侍郎為耶。著照部議頭等侍衛那彥寶著於職任內降四級用。盛京刑部侍郎海齡。江蘇巡撫韓文綺著降四級調用。候補主事張映漢著於補官日降四級用。戴均元等僅畫八月奏稿一次。惟未能查出弊端。亦屬疏漏。致任大學士戴均元著降頂帶一級。陝甘總督那彥成著加恩改為降二級留任。其失察書吏舞弊之原任直隸口北道德恩著於補官日降三級用。廣西左江道重倫。河南河北道鄒錫淳俱著降三級調用。原任廣東惠潮嘉道惠豐並未聽從囑託。咎止謊言回覆。著降一級留任。均不准其抵銷。○又諭據御史陳湮奏

永定河重開閘壩引河。民間皆受其害。請及早堵閉等語。著陳湮馳驛前赴保定。令程含章帶同該御史前往永定河新建閘壩處。所將有無衝刷民田廬舍。及淤塞清河之處。面為指陳利病。逐細履勘明確。仍著程含章會同蔣攸銛據實具奏。該御史原摺著發給程含章蔣攸銛閱看。○又諭那彥成等奏酌添邊要塘汛一摺。西寧鎮屬千戶莊汛至貴德營相距遙遠。自應添設塘汛。以重邊防。著照所請。自千戶莊至阿什貢著添塘汛一處。撥南川營屬兵丁十名防守。阿什貢至貴德官渡著添塘汛三處。撥貴德營兵三十名巡緝。此次新添墩塘。現據那彥成等奏明。由營捐修。嗣後歲修之需。仍照例歸地方文員辦理。以昭畫一。該部知道。○又諭那彥成等奏蒙古喇嘛出口請酌定章程一摺。青海地方自上年驅逐野番後。恐有漢奸私販糧茶。經該督等奏定章程。沿邊各營卡嚴禁無票之人

不准出口。惟北口各部落蒙古喇嘛十人以下。無票赴藏熬茶者甚多。若概令由原處請票。非所以示體卹。然現當立法嚴禁之時。亦未可令無票之人任意出入。著照所請嗣後凡有北口各部落蒙古喇嘛赴藏熬茶十人以上者。仍留原處請票。十人以下無票出口者。由西寧何處營卡行走。即責令該營卡官弁詳細查驗人畜包物數目。報明青海衙門。覈給執照。一面移咨駐藏大臣查照。將票繳

銷。同時由駐藏大臣發給路票。在青海衙門查銷。以免繁擾而昭慎重。○引見安徽等省保舉孝廉方正人員。得旨鄭通授馮震東原桐方鈴周崑著以知縣用。周大槐胡楷敬承烈張問彤楊煦著以教職用。○改搶奪婦女為從例。刑部奏搶奪婦女為從人犯舊例擬絞監候。不論情節輕重。概入情實殊未明晰。酌改為從人犯。幫同拒捕殺人。或在場助勢者。仍照舊例。擬入情實。如僅止在外瞭望。並

無拒捕助勢情事者。應自本年秋審為始。俱改緩決。從之。○調刑部右侍郎多福為盛京刑部侍郎。未到任前。以盛京戶部侍郎明興阿兼署。調兵部右侍郎凱音布為刑部右侍郎。以都察院左副都御史寶興為兵部右侍郎。○以鑲白旗參領六十五為正藍旗漢軍副都統。○調山西巡撫張師誠為江蘇巡撫。以山東布政使朱桂楨為山西巡撫。廣西按察使費丙章為山東布政使。山東兗沂曹濟

道賀長齡為廣西按察使。○旌表守正捐軀四川灌縣民任汶潮妻楊氏。○除直隸豐寧縣水衝民田四十九頃九十一畝有奇額賦。○壬寅。上幸萬壽山。○諭內閣直省道府廳州縣人員。平日立品居心。官聲輿論。該督撫見聞所及。隨時察看。自必知之最悉。著各於所屬道府廳州縣中有實在潔己愛民。誠心辦公。眾口交稱者。由該督撫出具切實考語。秉公具摺

保奏數員。候朕簡用。該督撫務當各矢公忠。據實保舉。勿許稍有瞻徇冒濫。用副朕求賢佐治之至意。○雲貴總督明山因病賞假。命雲南巡撫韓克均兼署總督。○命江蘇巡撫張師誠來京請訓。再赴新任。以署江蘇布政使誠端護江蘇巡撫。山西布政使蘇成額護山西巡撫。○添設江蘇吳淞營把總一員。駐寶山縣城。協防寶山縣外委一員。駐羅店鎮。協防南翔汛外委一員。駐黃渡鎮。改嘉定寶

山兩縣交界外委一員。協防嘉定縣境。加派羅店鎮防兵十名。黃渡鎮封家濱兩汛防兵各五名。裁駐防礮臺馬兵八名。改二名為戰兵。六名為守兵。從協辦大學士總督孫玉庭請也。○癸卯諭內閣吏部奏議處從前濫保恩德等之刑部堂官。請照例降二級調用。致仕大學士戴均元前經管理刑部事務。著再降頂帶二級。陝甘總督那彥成著加恩改為降三級留任。其業經降調之前任侍郎韓文

綺海齡張映漢俱著加恩於補官日各降三級留任。均不准其抵銷。○禮部奏增改續纂通禮兩條。一奉恩將軍納幣之禮。查原書未載。擬照奉國將軍納幣禮酌減。准用金鈔領一。金簪二。金珥二。緞衣二襲。布衣一襲。緞衾褥一具。初定用牲二。成昏日燕七席。一鎮國將軍以下諭祭之禮。應與親王有別。改照滿漢一品大臣卹典遣官致奠。無庸跪叩。從之。○修直隸天津縣屬閘座隄埝各工。從欽差

工部左侍郎程含章等請也。○戶部議准陝甘總督那彥成疏報吐魯番廳屬開墾地二十頃十二畝有奇。照例升科。從之。○甲辰諭內閣慶祥等議奏新疆運茶請仍循舊章一摺。前因新疆各城茶運該將軍等請酌添行銷引張。經戶部奏令照陝西甘肅之例。添在新疆地方。令商人承領照茶輸課。當即降旨交該將軍會同陝甘總督各處大臣查明妥議。茲據慶祥等確覈情形酌籌具奏。新疆回

夷口食。茶糧最關緊要。自乾隆年間通商以後。歷久相安。未便率更成例。且各城並無土著殷實之戶。遽令承充官商。必至運課兩誤。古城一處。所駐官兵僅止二千。居民數亦無幾。斷不能銷售磚茶至七千餘箱。茶糧既不流通。商貨因而滯塞。殊於夷民日用有礙。著照所請。准令北路運售雜茶之商民。照舊運售。嚴禁私行夾帶附茶。並在北路總口古城地方。設立稅局。由陝甘總督派員前往抽分。

稅課。查驗茶箱。聽其售賣。所收稅銀。責成鎮迪道。於年終解歸甘肅蘭州茶商彙報。以稅抵課。每箱以一百斤為率。俟試行三年。再行定額。其古城納稅若干。著戶部覈定具奏。北商專行雜茶。至附茶仍由甘司茶商照常運銷。以符定制。無庸另於新疆立商增引。致滋紛擾。該部知道。○又諭慶祥奏屬員揭告本管上司。請旨查辦一摺。塔爾巴哈台領隊大臣扎克桑阿著撤回伊犁。佐領巴克坦布著

解任。交慶祥提同該章京等質訊明確。定擬具奏。其扎克桑阿所遺之缺。著碩隆武前往署理。該參贊大臣哈齊香阿被控各款。如果屬實。或別有情節。關繫邊務之處。著慶祥即帶同應訊人證。前赴該處。將哈齊香阿先行解任。秉公查辦。據實奏。毋稍徇隱。○追旌前明殉難捐軀安徽貴池縣副將馬應魁。汪思誠。參將程宗熹。守將曹大鎬。入祀忠義祠。從巡撫陶澍請也。○追旌前明遇寇捐軀安

徽祁門縣生員馬承宣。女胡馬氏。汪景星妻馬氏。○乙巳。以兵部尚書玉麟署步軍統領。

○予

實錄館清文纂修收掌校對詳校漢詳校等官奎亮沈欽霖等分別升補。餘議敘有差。○丙午。

上詣綺春園問

皇太后安。○予告大學士戴均元回籍。

上親書御製詩章賜之。命馳驛由內河水程行。

走經過地方二十里內官員護行○以長蘆鹽政阿爾邦阿為總管內務府大臣署武備院卿福珠隆阿為長蘆鹽政內務府郎中克蒙額為武備院卿○以故四川成縣龍茂道屬凡寺宣慰使索諾木榮宗子索諾木衍傳瓊布色爾查族百戶彭錯汪札弟索朗札巴各襲職○以河南汝寧光二府州所屬各州縣距省寫遠命嗣後遣軍流徒各犯由該管道就近審勘限期處分照臬司例從巡撫程

祖洛請也○旌表守正捐軀江蘇通州民李許達妻劉氏○丁未命協辦大學士兩江總督孫玉庭為大學士直隸總督蔣攸銑協辦大學士均留總督任○以正黃旗漢軍都統松筠鑲白旗蒙古都統和世泰為內大臣○調綏遠城將軍德英阿為成都將軍以鑲藍旗蒙古都統奕顯為綏遠城將軍○以前任西安將軍賽冲阿為鑲藍旗蒙古都統未到任前命正紅旗蒙古都統瑪呢巴達喇署理

以正黃旗漢軍都統松筠署鑲紅旗蒙古都統○贈故成都將軍呢瑪善太子少保賞銀一千兩治喪遣其弟工部員外郎那瑪善前往迎護賜祭葬謚勤襄○戊申諭軍機大臣等本日都察院奏文安縣民人王敏和遣妻王呂氏呈控高扶格強姦幼女一案高扶格將王呂氏之幼女強姦有官媒供單可證不難嚴審定讞該縣何以不將該犯高扶格監禁延至二十餘日轉差傳該民婦等赴縣復

行審驗其中顯有別情著蔣攸銑即提集犯證秉公嚴審務得確情以成信讞如該縣有聽囑受賄及意圖消弭情事即著據實嚴叅毋稍回護將此諭令知之尋奏高扶格強姦王呂氏十一歲幼女未成按律擬發煙瘴充軍知縣何熙績因赴鄉捕蝗並非無故遲延應免置議下部議從之○又諭前據曾燠奏淮南散商黃濛奏請仍令承充總商當交孫玉庭確查據實具奏茲據奏稱黃濛奏於淮



南各商中。本較殷實。因散商訐告革退總商。旋已審明屬虛。今經各商聯名公保復僉。是曾燠所稱取情允協尚係為公起見。現在首總名目業已革除。黃濬泰著准其復充總務。將此諭知孫玉庭並傳諭曾燠知之。○以湖北布政使德奎為都察院左副都御史。浙江按察使伊里布為湖北布政使。浙江鹽運使富呢揚阿為按察使。○以雲南昭通鎮總兵官慶山為荊州將軍。前任廣西右江鎮總兵

官周長安為昭通鎮總兵官。○命總管內務府大臣阿爾邦阿管清漪園等處事。○予故荊州將軍鎮國公綿齡祭葬如例。賞銀三百兩治喪。○己酉。旌表守正捐軀直隸開州民劉秉清童養媳張氏。○以甘肅皋蘭縣糧價增昂。命平糶倉穀。○庚戌。諭內閣御史周貽徽奏請編纂昭忠列傳一摺。所奏是。嘉慶十八年逆匪滋事。案內守土被戕。及臨陣捐軀文武各員。業經入祀昭忠祠。惟各員等列傳

現在尚未裒集成書。自應早為編輯。著翰林院即行查照舊章。派員纂辦。以揚忠節。○又諭御史蔡學川奏。江西銷鹽。私倉私輪積弊。請照兩湖散輪成案辦理。各省行銷引鹽。期於官民兩便。豈可使奸商蠹吏藉以囤積居奇。如該御史所奏。江西商人設立私倉。限輪售賣。以致民有食貴之虞。私梟因而充斥。病民短課。流弊不可勝言。著交孫玉庭會同毓岱體察該省現在情形。應否照湖廣散輪辦

理之處。據實妥議具奏。該御史原摺並著鈔給閱看。○又諭戶部奏湖南省各屬常平倉穀共計短缺二十九萬餘石。據該撫查明致缺之由。並無官侵吏蝕情弊。分別有著無著。勒限追賠。著照所議。其有著項下除本員經放穀價民欠未完。應由現任催追。又因市價昂貴。本員領價未買。並前任短缺倉穀折價移交兩項。均勒限十日內。令各本員將原領原交銀兩解交司庫外。其餘各本員應賠已

身交代盤折及認賠無著民欠並歷任盤折等穀著落各本員完繳數在三千石以下者勒限半年將穀價解交司庫數在三千石以上者展限半年總不得過一年之限自道光四年秋季起至五年夏季底止一律埽數完繳如仍前延玩著即分別撤叅照例究擬監追其無著項下如遠年民欠並歷任盤量折耗以及虛款作抵等項即著落此次盤查以前通融出結各員勒限賠補數在一千石以

下者勒限半年一千石以上至二千石者勒限一年二千石以上至四千石者勒限兩年四千石以上者統限三年自道光四年秋季起至七年夏季底止將穀價按限完解儻延不批解或繳不足數積壓一半年者停其升轉兩年者分別撤叅逾違統限三年者即究擬監追以上限追各員遇有升調及事故離任均勒限完繳清楚再行給咨並將有著民欠佃欠即飭現任人員於秋成後一律追齊

收倉以本年十月內為率如追不足數著落承追之員賠補其巴陵桂陽二縣書役所欠之穀應飭查提監追限半月內完繳如有逾違著即分別治罪至各員應補倉穀從前不通融接收各員與失察之該管各上司本有應得之咎經該撫查明前項缺穀究與侵那不同且自盤查以來合計已繳穀一十二萬三千餘石各員尚知愧奮所有此案歷時既

久人數較多應得處分俱著加恩寬免仍著該撫嚴飭各屬上緊催追如再有逾限不完及完不足數者除將本員嚴叅懲辦外仍將從前失察之該管各上司從重議處並著該撫督飭該道府州將所屬存倉穀石隨時查察如有虧那情弊立即嚴叅究辦毋稍徇隱○鑄給江蘇清河縣澗橋巡檢印信從前任巡撫韓文綺請也○辛亥

上幸萬壽山詣

廣潤祠拈香。○諭內閣琦善奏擊獲鹽犯審辦。並查明無商行運之州縣。請飭會商辦理。一摺。山東武定。沂州。二府濱海鹽鹺。未能歸坨。時有梟匪糾眾搶攤售賣。為害地方。該署撫督飭所屬嚴密訪拏。共獲犯一百八十餘名。查拏甚屬可嘉。著即審明。按律定擬。至濱州高苑等縣商人。均因誤運革退。日久未覓新商。以致私梟闖入。殊於鹺政有礙。著福州隆阿到任後。迅速會派殷實商人前往濱州

等處辦運。以免廢弛。至另片奏。此案現獲各犯多係積年梟匪。並有未經報官及報官後傳審未到。出詳遲延者。又有起獲違禁兇器。失於覺察者。該地方文武均例有處分。惟此時既知認真緝捕。功過似足相抵。請概予寬免等語。從宜辦理。務期有益於事。尚屬可行。所有該地方文武各員。弁應得處分。均著加恩寬免。○又諭阿爾邦阿奏。併引試辦屆滿。懇再展限一摺。前因調劑蘆商。將鹽引併包

裝運。以省繁費。經戶部奏准。令其試辦一二年。再行定議。茲該鹽政奏稱。部限業已屆滿。因連年被水。各口岸暢滯情形。實難遽定。懇恩量為加展。著照所請。准其再行展辦三年。並著福州隆阿到任後。隨時察看口岸情形。覈實定議。以期經久。該部知道。○以直隸布政使福綿為山西巡撫。直隸清河道屠之申。為布政使。○壬子。諭內閣祿明奏操練情形。請量為變通一摺。青州駐防兵丁操練各項

技藝。所有鳥槍甲兵。向在該城河溝沙灘地方演放。該處逼近民田。於施放鉛子未能得力。茲據該副都統奏稱。該營南門外舊設教場。係操練陣式之地。頗屬近便。著照所請。嗣後鳥槍兵丁。即移赴該處演習。該副都統務當按期督操。俾技藝益增。練熟毋得有名無實。以肅營務。○又諭祿成等奏。打牲處捕夫所進貂皮。請照從前齎送一摺。從前打牲處捕夫應進貂皮。如遇臨幸熱河之年。即由驛

站烏拉齋送如遇送京之年打牲處出派官兵七十餘名自備資斧齋送惟捕夫均賴種地捕獵為生若俱令其自備資斧送京不惟一切糜費而往返半年之期於伊等捕獵生計亦甚無益著交祿成等嗣後如遇貂皮齋京之年即照齋送熱河之例派官三員兵十名由驛站烏拉照料齋送無庸紛紛多派官兵○吏部以大學士孫玉庭應授何殿閣請得旨著為體仁閣大學士○革捐納知州侯

孝昌職歸侯際清贖罪案審訊○癸丑

上詣綺春園問

皇太后安○諭內閣據富綸奏阿克蘇回子郡王銜哈迪爾遣護衛來言特尹地方有恩賞地四十餘塔哈爾被烏什阿奇木伯克穆薩令回子占去二三十塔哈爾又有伊家人名色黑一戶穆薩得錢十千文將其撥入納糧回戶冊內哈迪爾已送信穆薩令其妥辦儻有辦理不善即行呈控當經調取哈迪爾原

信譯出覈其所寫情節與該護衛言詞互異現屆阿奇木伯克穆薩年班起程期近請暫行扣除等語著永芹於回疆各城辦事大臣中擇其明白幹練者酌派一員前赴烏什會同富綸確切詳查阿克蘇所轄特尹地方有無哈迪爾遺產烏什回子果否侵占並傳訊家丁戶口及穆薩有無受賄之處秉公據實具奏阿奇木伯克穆薩本年年班著暫行扣除俟此案訊結於明歲班期再行進京其另

摺奏參營員指稱屯工官設農具不堪使用苦累兵丁自行置辦顯有情弊一案參將官海千總妙全把總聶祿經制外委馬英才嚴永祥等俱著先行革職一併交派往之大臣會同富綸提集人證審訊具奏永芹接奉此旨如同疆辦事大臣中無可派往之人即於該處司員內遴委明幹之員前往秉公查辦由永芹覈實具奏務期研究確情勿得稍涉含混所有富綸原摺並譯出哈迪爾原信一

併鈔給閱看。○諭軍機大臣等前經降旨將德英阿調補成都將軍。計起程尚需時日。現在署理將軍之副都統蘇沖阿。已飭令來京另候簡用。川省地方緊要。德英阿接奉此旨。不必前來請訓。著即將綏遠城將軍印務。移交伊星阿暫行兼署。迅速馳赴成都。接任事。將此諭令知之。○前任山西巡撫張師誠奏。藩司為錢糧總匯。收放出入。須巡撫衙門互相稽查。晉省向於一月期內。造冊具報。未免遲延。現飭每逢開庫堂期。將收某州縣何款銀兩若干。收入何款項下。所放銀兩。係在某款存銀若干。內動出。逐一註明。即於次日詳報。至河東道庫。亦飭一體開造細冊。以憑稽覈。得旨所辦甚是。○前任成都將軍呢瑪善奏。成都祇設副都統一員。比他省尤關緊要。現任副都統蘇沖阿。係前任西安將軍德楞泰之子。未歷外任。不諳軍務。請另行簡用。成都只用外省駐防一員。足可勝任。緣駐防

儉約者多。奢華者少。非實有軍功。不能升二三品大員。較之京城侯伯世家。似屬曉事。得旨足見謀國忠誠。不覺倍加悼惜也。○以署四川總督戴三錫。兼署成都將軍。荊州協領伊密揚阿。為成都副都統。○以春夏收養流民較多。加賞五城棲流所銀二千六百兩。○甲寅。旌表守正捐軀直隸雞澤縣民黨才保妻盧氏。貴州威寧州民韓潮明媳陳氏。○乙卯。諭軍機大臣等。據程含章等覆奏。帶同御史陳澧。查勘永定河新建閘壩一摺。據稱新建灰壩。毫無妨礙。新修金門石閘。亦無淹及民房田地之事。其涿州任村坍塌房屋。本係去年衝壞。至下口淤淺處。所係上年永定河衝刷泥沙停積。與新開閘壩無涉。良鄉涿州大道地勢甚高。亦決不致淹衝官道。有礙驛遞。新安安州被淹。係白溝濁流倒灌所致。並不關永定減河之事。所奏情形。瞭如指掌。至程含章所稱束水攻沙。藉清刷濁。與面奏之

言相符。閘壩既修。分減漲勢。保護隄工。即保護百姓田廬。去歲張文浩亦係如此奏對。是新建閘壩有利無害。毫無疑義。該御史陳淳先於四月間具奏降旨令程含章等再加相度。業據該侍郎等先後覆奏。險工得以平安。皆閘壩減水之力。茲該御史又行具奏。因令程含章帶同履勘。面為陳指利病。乃該御史仍固執己見。不以為然。其意何居。儻必申其說。不顧全河大局。噉噉具摺致辯。尚復成何

事體。著程含章將攸銛將該御史履勘閘壩時作何情形。若不諳河務。又復阻撓公事。擅作威福。其風斷不可長。即著據實密奏。並傳旨令該御史即日回京可也。將此諭令知之。○丙辰。諭內閣陶澍奏撲捕蝗蝻情形。據稱在省城率屬虔禱於敕建劉猛驅蝗神廟。並飛飭委員督捕。時宿州等處蝻子最多。該道率同州縣分帶民夫馳往一日全盡。

神既昭然。覽奏實深欽感。朕親書扁額發交該撫敬謹摹泐製扁。在省城神廟懸掛以答

靈佑。尋頒

御書扁額曰神參秉畀。○諭軍機大臣等富俊奏請年班進京一摺。盛京吉林黑龍江將軍例應每年輪替一員進京陛見。上年晉昌年班來京。本年應屆吉林將軍年班。惟該將軍於今春甫經到任。現在備辦明春移駐京旗

閒散。應給牛具砍備房木等事。自應在任督辦。所有本年年班即著祿成前來可也。將此諭知富俊並諭祿成知之。○以故不入八分輔國公敬敦子恆齡降襲鎮國將軍。○調盛京禮部侍郎昇寅為盛京刑部侍郎。正黃旗漢軍副都統善慶為盛京禮部侍郎。○以兵部郎中碩德為正黃旗漢軍副都統。○以故四川建昌道屬瓦述崇喜長官司汪甲子丁津旺須襲職。○免安徽懷寧桐城潛山宿松。

望江宣城南陵貴池青陽銅陵東流當塗蕪湖繁昌無為廬江巢鳳陽盱眙天長全椒來安和含山二十四州縣並宣州建陽安慶廬州鳳陽長淮泗州七衛上年被水被旱災區額賦有差○丁巳諭內閣晉昌等奏賑過災戶口米請准開銷一摺盛京各屬米石昂貴若將散過賑米按照部議每石折銀六錢買補還倉誠恐米價增昂有妨民食所有道光元二兩年盛京屬鳳凰城岫巖牛莊廣寧小

黑山白旗堡巨流河中前所中後所等處被災各項旗戶給過續賑米共十二萬二千七百八十四石著加恩准其照乾隆五十六年六十年成案開銷嗣後遇有辦賑之年仍按銀米各半兼賑之例辦理該部知道○又諭博啓圖等奏查明五閘水腳情形懇請暫行調劑倉場衙門所管五閘水腳專司屯養人夫搬運米石向例每米一石給抗價銀三釐嗣於乾隆八年奏准酌減三毫遵行已久本

年御史薩斌等以役力拮据奏請仍復舊制經戶部議駁茲據該侍郎等奏稱近年漕糧減少腳價不敷辦公兼之起卸間斷人夫閒空屯養工食不免賠累自應量為調劑著照所請五閘水腳抗價准其暫復舊制每石添給銀三毫俟一二年後役力稍舒即行奏明照舊裁減○諭軍機大臣等前據程含章奏江西各縣缺分苦樂不均請於缺分較優之廬陵等三十二縣每年分別酌提羨餘銀兩

津貼大庾等十廳縣以資辦公疊經降旨交毓岱詳查妥議茲據奏稱按之現在情形尚無窒礙事屬可行惟將來或應變通或應停止隨時察看斟酌辦理等語州縣缺分繁簡不同情形亦隨時互異若就目前賠累之缺為權宜補救之方將來又復疊議紛更轉生枝節且地方官除應得養廉之外皆係陋規本非令典今為較量肥瘠挹彼注茲一或辦理不善則地方官皆得藉口賠累必致蝕削



民膏。肆無忌憚。是徒飽貪污之私橐。於吏治民生。兩無裨益。所有程含章奏請津貼之處。著不准行。該撫惟當秉公率屬。獎廉斥貪。則吏治自可肅清。不在瑣屑調劑。徒滋流弊也。將此諭令知之。○又諭御史王世紱奏請清查長蘆商欠。及盤查運庫一摺。據稱近日長蘆情形。統計通綱商引富價。值銀不過六七百萬兩。積欠帑本利息。以及錢糧分數展緩等項。不下一千餘萬兩。至承辦官引無窩價。可抵之江公源。即查有坊本身積欠。已有二百數十萬兩之多。承辦官引無窩價。可抵之王璣。本身積欠。亦有一百數十萬兩之多。又長蘆運庫。近來實存庫項。虧短不下二十餘萬兩。每遇撥解。甚費張羅。盤庫屆期。不免在外那借等語。長蘆鹽商素稱疲乏。經朕屢次降旨展緩。蠲借自應漸有起色。如該御史所奏積欠累累。將來必歸無著。該鹽政定應及早設法清釐。至庫貯錢糧。尤不容絲毫虧缺。

福珠隆阿。係屬新任。無所用其回護。該鹽政接奉此旨。即著通盤籌畫。徹底清查。據實具奏。毋稍瞻徇。務令商欠有著。庫帑不致虛懸。方為不負委任。將此傳諭知之。○江西巡撫毓岱。奏查明棚民情形。均已編入保甲。尚無匪徒滋事。得旨。編查之法。貴在周妥認真。慎勿藉此騷擾也。又奏委臨江府知府經額布。護理九江道。袁州府同知劉體重。署理臨江府。批所派署篆二人。均屬穩當。足見汝留心政務也。○廣東南韶連鎮總兵官章杞。因病解任。以直隸開州協副將蕭文治。為南韶連鎮總兵官。○戊午。諭內閣。前因安徽省請豁官員賠項。經戶部按冊覈對。節次奏准豁免。並將未經聲明年月案據。及冊內員名銀數不符者。行令分晰確查。茲據該部將該撫登覆各項覈議具奏。所有張蕃錫等八十六員。應賠清查流抵無著等款銀一十萬三千七百一兩零穀米麥豆五千八十八石零。准其



查照原案一體豁免。至楊秉中等四十五員。應賠分攤虧短等款。並韓寶鏐那缺庫項。俱著分別咨追。○又諭吉林等處行放濩票上年因缺額短放。降旨飭令年清年額。乃本年濩票據該將軍奏稱除阿勒楚喀足額外。其餘吉林等四城。比較上年。仍短放一分餘至三分餘不等。顯係承辦局員藉有濩餘銀兩。折價充餉。未能實力行放所致。著該將軍嚴飭局員。廣募創夫。實力散放。毋得仍前缺額。

其本年短放濩票之承辦各員。及不行查催之將軍副都統各職名。著即咨送兵部照例議處。○調福建建寧鎮總兵官蔡萬齡為臺灣鎮總兵官。以山東文登協副將慶麟為建寧鎮總兵官。○修浙江筵設伊尹。依時六號塘工。並改建魚鱗石塘。築復隨塘坦水。從巡撫帥承瀛請也。○撫卹琉球國遭風難夷。如例。○己未。

上詣綺春園問

皇太后安。○庚申。諭內閣。定例王等所屬五品以上官員。如有過犯。應行斥革者。該王等奏後。交部查議。兵部歷來辦理。俱照相沿成案。據咨斥革具題。與例不符。茲查明檢舉請旨。著將嘉慶三年以後承辦錯誤之司員。交部議處。嗣後著仍照舊例辦理。以符定制。至惇親王門上二等護衛恆廉。若僅因遺誤膳牌。並無別項情節。遽行革退。似覺過重。著兵部查議具奏。○又諭永定河新建閘壩。先據

御史陳澧。於四月間具奏。開隄放水。恐滋流弊。當經諭令程含章等覆加相度。仍奏明照估修復。本月十一日。復據該御史奏。新開閘壩。民間皆受其害。請及早堵閉。朕以地方河工。關係民生。最為重大。猶恐程含章等有意回護。特降旨。令該御史前往。並令程含章帶同逐細履勘。面為指陳利病。原欲其虛衷商榷。以求一是。乃程含章等將閘壩減水情形。剴切告知。陳澧仍固執己見。嘵嘵論辯。並於

會勘時呵斥道廳。擅作威福。且其前赴保定時。並未召見。陳澧輒捏稱遞摺後。曾經召見。意在挾制以實其言。實屬阻撓國政。謬妄之至。陳澧不勝御史之任。姑念其究係因公。著加恩降為主事候補。以示朕不為已甚之意。○又諭魏元煜奏。部掣押空武舉。請照例掣發一摺。漕標候補備弁。據該漕督查明。現有一百三十三人。計今冬應派各幫押空暨酌委重運。並來春沿途催趲。約須一百五十餘

人。尚不敷二十餘人。著照所請。部掣武舉一項。自本年秋間起。每年照例由該漕督覈明需用人數。咨部籤掣。前赴淮安委用。此次著兵部即掣發武舉三十人。以資派委。該武舉等先到淮安者。即彙同候補各弁一體籤掣押空。如有在後續到者。即暫留淮安學習。俟明年出有空運員缺。再行籤掣。至捐納分發漕標備弁。仍著再停一年。該漕督於來年秋間察看人數。再行奏請。○鑄給四川大昌營

守備條記從署總督戴三錫請也

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十一



私。即因粵省網滯。不能不有融銷。亦酌量引地可融若干。明定限制。以清來源。再於芙蓉門兩岸。飭鹽道親往查勘。移會南贛鎮。選派參遊大員。添帶弁兵。並增設巡船。扼要堵緝。遇有大夥私梟。准放鳥槍。格殺勿論。非大夥拒捕。不得擅放。仍將現在懈巡各員及地方官指叅。分別嚴議議處。毋稍瞻徇。至商鋪擡價病民。亦宜查禁。著將官鹽例價。按照銀錢市價。每斤應折定若干。隨時頒示曉諭。以杜

弊混。至糧船夾帶。大千例禁。嗣後除經過江南江西。按段專派撥查。如不服盤查。將丁舵治罪。押運各員叅處外。並著天津鎮道每屆回空。查禁囤販。毋許偷運。再於經過關津查貨之便。順查有無夾帶私鹽。一經查出。即飭入官。嚴拏帶私之人治罪。餘免深究。催趲開行。其餘商民船隻。並著各關監督諭令查稅人等。並查有無夾帶私鹽。除途中食鹽不計外。如十包以上至五十包者。即將多出包數

入官充賞。船仍放行。僅在五十包以上。鹽包入官。究明起意帶私之人。按律詳辦。船仍放行免究。○又諭明山等奏。滇省叅賠鹽課銀兩。請分限勒追完繳一摺。滇省各井員叅賠課款。因井涸短絀。煎辦不敷所致。與催徵不力者有間。其應賠銀數。復有多寡之殊。勢難依奏定一年之限。全行完繳。自係實在情形。著照所請。准將歷年各員應賠銀兩。及嗣後三叅限滿。不能趲補。應行著賠之項。查照戶

屬賠款之例。數在三百兩以下者。限半年。三百兩至一千兩。限一年。一千兩至五千兩。限四年。五千兩以上。統限五年完繳。現在未經定案者。仍於三叅限滿。接奉部文著賠之日起。限。其已經定案著賠者。即於具奏之日起。限。數其現在未完實數。按限追解。將追出銀兩。照例按年入冊造報。離滇各員。仍咨旗籍著追。務期課款俱歸有著。毋得再行宕延。所有嘉慶二十三年分叅賠未完各員。應議職

名。即著免其開送。該部知道。○大學士兩江總督孫玉庭等奏。會商綜辦江浙水利大員。惟江蘇臬司林則徐器識遠大。處事精詳。曾任杭嘉湖道及淮海道。浙西地方。均為熟悉。水利亦夙所究心。實堪勝任。得旨。即朕特派。非伊而誰。所請甚是。○以陝西布政使常春為都察院左副都御史。河南按察使鄂山為陝西布政使。直隸口北道阿勒清阿為河南按察使。○旌表守正捐軀山東聊城縣民張

庀吐妻李氏。○癸亥。大考翰林院詹事府各官於圓明園正大光明殿。○甲子。上詣綺春園問

皇太后安。○遣官祭

文昌帝君廟。○諭內閣。前據戶部議覆御史條陳採買臺米。降旨令福建巡撫孫爾準察看情形辦理。茲據該撫在臺灣招募商民。運米十四萬石。陸續抵津。本年直隸秋收。一律豐稔。糧價已平。今米石全數運津。市價自必

更減。該商等自備資本。遠涉重洋。若仍照該部原議。令其自行投行。按照市價糶賣。必致賠累。且不能趁秋汛回南。守候尤形苦累。自應照此次戶部籌議。官為收買。以惠遠商。所有應給價值。即照該撫所報米價運費。每石以庫平紋銀三兩六錢為率。除該商等零星銷售米石不計外。著發價先行收買米十萬石。計價銀三十六萬兩。著於部庫撥銀二十萬兩。通濟庫撥銀三萬兩。長蘆運庫。天津道

庫。並天津關稅各項下。通同撥用銀十三萬兩。所動部庫銀兩。即著該撫在福建積存俸餉建曠工程平餘等款銀內。湊足二十萬兩之數。解部歸款。並著蔣攸銓揀派公正明幹大員。前往天津專行督辦。所有該部動撥銀兩。均交該委員一手給發。令該商等當堂領收。仍先行出示曉諭。如有剋扣平色。浮加斗斛。卸重回空時。吏胥留難勒措情弊。許該商指名控告。該督即行嚴辦。示懲。此項米石收

買。即暫行運卸北倉。加謹收貯。由部覈辦。此次運米原船帶回貨物。官給印照。所過關洋。加恩一律免其納稅。其臺灣商人急公應募。遠歷海洋。運米至十四萬石之多。著該撫孫爾準秉公查明。擇其率領辦運資本最多。尤為出力者。分別生監民人。給予頂帶職銜。及酌量獎賞。以示鼓勵。毋許冒濫。○又諭。前因慶祥等議奏新疆運茶事宜。已降旨照慶祥所奏。仍循舊章辦理矣。其古城納稅若干。當

交戶部覈定。茲據奏稱。未經親歷。各該處情形輕重。難以懸斷。著伊犁將軍。陝甘總督。及新疆各城大臣。公同妥議具奏。至甘肅去古城較遠。若由陝甘派員前往收稅。恐多未便。其古城稅務。仍專責鎮迪道就近抽收之處。亦著該將軍等會同一併妥議具奏。○又諭。那彥成奏籌補省會倉糧積貯一摺。甘肅省城。向有專款封貯糧石。嗣經出借籽種口糧。陸續動用。尚未徵還。自當豫籌積貯。以備緩

急之需。著照所請。准其於豫買兵糧項內。按動缺備貯之糧。照數撥還原款。永遠封貯。如遇急需。奏明方准動用。其尋常借糶等事。一概不准擅動。動則勒令賠補。以杜弊混。仍俟出借籽種口糧陸續徵完。即將豫買兵糧之項。照數補還。○又諭。果勒豐阿等奏。該盟長車登多爾濟。將科布多屯田兵丁內應換之人。不行更換一摺。土謝圖汗部落盟長扎薩克親王車登多爾濟之旗。應換屯田兵丁。

自嘉慶二十三年以來。屢次嚴飭催遣更換。乃車登多爾濟竟不以為事。反捏報伊之遊牧被旱。不能更換。甚屬非是。車登多爾濟著革去正盟長。以示儆戒。加恩留伊犁扎薩克親王之爵。以觀後效。其所遣正盟長員缺。著照例揀員具奏。聽候簡放。○又諭。湖北黃州衛班舍軍丁杜奠邦等。違抱告杜啓國等。以不願倉運逼取允結等情。在戶部呈控。經戶部查明。分隸湖北出運之武昌等六衛所。內惟

蘄州一衛之歸船班舍等軍。一律勾僉。其餘五衛班舍等軍。向係津貼。歷未出運。前據黃州衛運丁柯世麟等。赴部呈請一體勾僉。而該衛丁杜奠邦等。疊控多年。總未允服。該衛已未歸船之班舍等軍。自康熙年間。定僉以後。百有餘年。按糧派費。向未出運。原以造運重務。須用諳練之人。餘軍出資津貼。並無偏枯。若將未經領運之丁。遽行概令承辦。易滋貽誤。並恐奸丁蠹吏。賣此就彼。藉可高下其手。且各衛均有歸船班舍等軍。僅運丁等俱各呈請勾僉。勢必訟無底止。亦屬不成事體。著該省督撫及漕運總督。仍照舊章辦理。永遠遵行。以杜紛更。而免擾累。並嚴諭該運丁等各安各業。毋得妄滋訟端。其抱告之杜啓國。史光德等。即著交兵部遞回原籍。交該地方官發放。○刑部等衙門議。覆陝西巡撫盧坤題。民人趙蓮汝強姦伊媳李氏。被李氏用刀拒傷。依律擬斬立決。聲明請旨。得旨。李氏

猝被伊翁強姦。情急拒傷。與無故干犯尊長者迥別。著免其治罪。即行釋放。○乙丑上詣

大高殿行禮。○還宮。○遣官祭

關帝廟。○諭內閣。程祖洛奏。籌議移建省城書院一摺。河南省城大梁書院。地處湫隘。難以棲止。據該撫查明。省城內舊有捐建備用官房一所。堪以改建書院。一切經費。經該撫等捐資辦理。著照所請。准其將此項備用官

房地址。改建書院。俾中州士子。藉資肄業。用副朕教育人材之至意。○又諭。程祖洛奏。勒限清釐攤款。並酌請借項生息一摺。豫省攤捐津貼銀兩。歷年積欠較多。自應亟為清釐。著該撫查明。應攤各州縣懸款若干。即將實數截定。嚴飭各現任。分限完解。以免懸宕。至該省准豁三成。二成軍需案內。共應續攤銀二十一萬三千兩。現已扣存司庫。並非有關歸補。著准其於此項內。借動銀二十萬兩。交

通省各當舖。按月一分生息。每年共得息銀二萬四千兩。以一萬四千兩作為津貼之用。即以一萬兩歸還原本。計十二年可歸原本銀十二萬兩。仍提存本銀八萬兩。全數清還報撥。下餘本銀十二萬兩。永遠生息。責成藩司催收貯庫。按季支發津貼。無庸報部。其舊定各屬攤捐。著即停止。○閩浙總督趙慎畛奏。海洋緝捕。全賴總兵勤明率屬。查定海鎮總兵龔鎮海。温州鎮總兵楊繼勳。捕務營規。

俱為整肅。洋面平靜。惟黃巖鎮所轄仍有劫案。總兵羅光昭。辦事未見認真。經屢次嚴飭。頗知振作。僅日久生懈。定即據實查叅。得旨是。東公查覈。不可稍有瞻徇。○展緩河南杞儀封。汲。安陽。湯陰。內黃。淇。原武。滑。考城。陽武。十一廳縣節年被水。村莊帶徵額賦。緩徵蘭陽。臨漳。二縣新舊額賦。○  
上以祭  
社稷壇。自是日始。齋戒三日。○丁卯。祭。

先師孔子。遣大學士曹振鏞。行禮。○協辦大學士直隸總督蔣攸銑。奏。秋收成熟。合計通省約七分有餘。報聞。又批。回思往歲。兢惕之餘。曷勝慶幸。○以直隸永定河秋汛安瀾。開復永定河道張泰運。上年疏防漫口革職留任處分。○戊辰。祭。

大社  
大稷  
上親詣行禮。○幸圓明園。○詣綺春園。問。

皇太后安。○以。

萬壽節。御同樂園。賜皇子王公大臣及蒙古王。

公等食。○遣官祭黑龍潭。

昭靈沛澤龍王之神。玉泉山。

惠濟慈佑靈瀨龍王之神。昆明湖。

安佑普濟沛澤廣生龍王之神。密雲縣白龍潭。

昭靈廣濟普澤龍王之神。○遣官祭圓明園。

惠濟祠。



河神廟○己巳

太宗文皇帝忌辰遣官祭

昭陵○諭內閣此次考試翰詹各員經閱卷大臣等校閱進呈朕復詳加披覽親定等第一等五員二等五十一員三等六十員四等四員不列等四員其考列一等之侍讀學士朱方增著升補內閣學士遇有缺出著軍機處提奏編修毛樹棠著升授侍讀洗馬郭木順額著升授侍講學士檢討戚人鏡著升授贊

善侍讀潘錫恩著升授侍講學士二等之少詹事鍾昌編修翁心存少詹事龔守正右庶子許邦光修撰戴蘭芬以上五名著各賞大卷緞二匹侍讀德興編修葛天柱徐廣縉龍元任蔡慶勳許乃普韓大信檢討張萬年以上八名著各賞大卷緞一匹該員等並著照例記名遇缺提奏編修吳清鵬李紹昉周之楨陳嘉樹右中允姚元之編修張日景侍讀穆馨阿檢討朱嶠編修曾元海梁萼涵陳兆

熊豫茲文慶以上十三名著各賞小卷緞一件其考列三等之左中允馮芝洗馬丁傑俱著降補贊善侍讀學士謝階樹錢林俱著降補侍講右贊善那蘇左中允德崇左贊善恒安俱著改用主事右庶子景麟著降補主事編修吳敬恒李鈞汪于泗但明倫檢討何輝綬修撰陳沆編修方傳穆劉學厚修撰陳繼昌編修陳官俊以上十名俱著各罰俸半年編修顧蔭陸建瀛張曾以上三名俱著各罰

俸一年編修胡鑑王植二名俱著各罰俸一年半其考列四等之編修許應藻張日章俱著各罰俸二年編修李泰交金光杰俱著各罰俸三年其不列等之編修何桂馨著改用中書檢討李重翰侍讀學士德遐既勤以上三名均著休致餘俱照舊供職該員等其各勤學砥行以副朕崇實黜華儲養人材之至意○庚午  
萬壽節遣官祭

太廟後殿○遣官祭	福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭	孝穆皇后暫安園寢○遣官祭	顯佑宮	東嶽廟	城隍廟○	上詣	安佑宮行禮○詣綺春園	皇太后前行禮○御正大光明殿皇子及王以
----------	----	----	-----	----	-----	----	----	-----	----	--------	--------------	-----	-----	------	----	------------	--------------------

清 實 錄 道光四年八月

下文武大臣官員蒙古王公等行慶賀禮○御同樂園賜皇子王公大臣及蒙古王貝勒等食○續纂通禮書成	御製序曰安上全下莫大乎禮王者端制心制事之原循勿二勿三之軌嚮明出治萬物潔齊以相見胥於禮乎是賴夫禮者理也千古所不易之經通者同也古今所共貫之義歷時久而其間有因者即不能無損與益要之斟酌損益之中正所以善厥因也通禮一書	於乾隆元年	皇祖特命儒臣博採前聞廣摭往冊越二十四年已卯告成	親製序文冠諸卷首全書具而法制詳大典昭而休明備凡夫冠婚喪祭時巡蒐狩柴望軍容莫不理器兼貫經曲畢該洵乎美善必探乎源數錫咸歸於極矣顧行之數十年來或時事異宜或質文異用雖大經大法固已酌古今而定厥中而盡制盡倫有當觀會通以
---	---	-------	-------------------------	---

神其變。是以我

皇考於嘉慶二十四年。允臣工之請。命禮臣重加修輯。予踐阼以來。敬紹

先志。萬幾之暇。親為觀覽。並予指授。俾令分門別類。增入四卷。彙為五十四卷。茲以歲事。禮臣請序於予。予謂禮之時義大矣哉。經緯乎天地。綜貫乎人倫。自天子以至於庶人。未有不由于禮。扶敘所以通幽明。寅清所以肅董勸。範圍之而不過。曲成之而不遺。措之天下

而皆安。施之百世而無弊。豈僅山龍藻火。玉節金和。徒以飾觀瞻哉。若夫六合同風。不肅而成。制治保邦。百族同體。則豈予所敢冀焉。願與天下臣民共勉之。是為序。○諭內閣奉皇太后懿旨。全妃晉封為全貴妃。祥嬪晉封為祥妃。所有應行事宜。著各該衙門察例具奏。○又諭。向來考試翰詹。欽派大臣閱卷。自當按其文字之優劣。定等第之高下。其有違式及平仄不諧。失黏錯誤者。例應定置四等。不

列等。以昭公允。此次考試翰詹各員。閱卷大臣等擬定名次進呈。頗有違式之卷。列入二三等中者。未經簽出。僅將文理荒謬之二卷。列為四等。經朕披閱。始行看出。親加更定。分為四等四員。不列等四員。諸大臣於考校大典。顛倒錯亂。顯係瞻徇情面。不肯指出。純繆為見好地步。設非朕親加釐定。其列在二等者。轉可倖邀遷轉。必啟外邊議論。如殿試朝考試卷二百數十本之多。朕何能一一披覽。

若如此草率從事。尚復成何事體。該大臣等皆係朕特派簡校。隨意率定。殊失委任之意。嗣後諸大臣派出閱卷。務各秉公持正。期於允協。如再有擬定等第前後舛錯者。定當懲處不貸。○辛未。

太祖高皇帝忌辰。遣官祭

福陵。○諭軍機大臣等。此次恭送

皇考仁宗睿皇帝實錄

聖訓。前赴盛京尊藏。敬擇於九月初二日由京

起程前已降旨。派盛京副都統倫圖善等。先期迎至山海關。敬謹接送。所有直隸應行護送之員。無庸派委藩司。著蔣攸銘於道府內。遴委妥員。沿途小心照料。送至山海關。再由倫圖善等接送至盛京。以昭慎重。將此諭令知之。○壬申。

上奉

皇太后幸同樂園。進膳。賜皇子王公大臣及蒙古王貝勒等食。○遣官祭昭忠祠。○癸酉。

上諭

安佑宮行禮。○大學士長齡因病賞假。以兵部尚書玉麟署經筵講官。鑲白旗蒙古都統和世泰。兼署鑲白旗漢軍都統。○修山東如河廳屬滕汛減水閘二座。從河道總督嚴烺請也。○甲戌。諭內閣。前據兵部奏。惇親王門上二等護衛恒康。違誤膳牌。咨部革退。經該部查明舊例。王等所屬五品以上官員。如有過犯。應行斥革者。該王等奏後。交部查議。入

於半月彙題。自嘉慶三年以後。王等從未奏交部。該部亦即據咨斥革。歸入彙題。與例不符。當經降旨。仍照舊例辦理。惟思此項官員。究係王府所屬。遇有過犯。該王等動輒奏聞。未免煩瑣。其應如何變通成例。分別應奏不應奏之處。著兵部妥議具奏。尋奏上。得旨。嗣後王府所屬長史司儀長等官。遇有過犯。應行斥革者。由該王等據實參奏。奉旨交部查議。由兵部專案具題。至護衛五品典儀以

上等官。應行斥革者。毋庸具奏。即由該王等轉咨兵部。覈議彙題。並著兵部於接到該王等咨文時。仍覈其過犯情節。如果輕重懸殊。該部即行據實奏聞。請旨。其六品以下等官。如有過犯。應行斥革者。仍照舊例咨行兵部革退。並著該部纂入則例。○貸河南城守尉修理衙署銀。○丙子。諭內閣。前因御史王贈芳條陳五城吏目歸正指揮統轄。當交吏部都察院會議。茲據吏部議准。而松筠等另摺

奏稱。正指揮專司命案。事已極繁。若再添管吏目所司事務。勢必顧此失彼。吏目本不准理詞訟。其關毆賭博等事。不過詳城敘供。該御史欲以敘供之事。歸正指揮辦理。而命案轉委代驗。未免輕重倒置。且揀發各員。並無印信。書差又非本管。稽察難周。弊端滋甚。至吏目向歸巡城御史考察。今作為正指揮屬員。令其考察。豈能賢於巡城科道。必啓瞻徇之弊。所奏較為明晰。著即照都察院堂官所議。仍循照舊章辦理。惟在該堂官及五城御史破除情面。隨時實力稽查。如有不稱職及貪婪情事。立即嚴參懲辦。不在紛更官制。轉滋流弊也。所有吏部議准該御史所奏。及調刺吏目銓選之處。均無庸議。○丁丑。

上詣

大高殿行禮。○還宮。○以鑲黃旗領侍衛內大臣賽沖阿。為內大臣。工部尚書禧恩。為鑲黃旗領侍衛內大臣。○戊寅。以舉行仲秋經筵。

遣官告祭

奉先殿

傳心殿

上御文華殿經筵。直講官英和。王宗誠。進講論語節用而愛人。講畢。

上宣御論曰。易曰。節以制度。不傷財。不害民。蓋用度既侈。浮靡必多。以天生有用之財。輕棄於無益之地。初未嘗顯然有取於民。而民脂民膏。自必暗受其剝削也。是以愛民之君。必慎修儉德。時防奢侈。量入為出。屏除繁縟。時懔卑宮菲食之戒。常殷己饑己溺之懷。苟能心正意誠。檢身若不及。凡一切縱欲從奢之舉。容悅便佞之人。無從窺伺。則治理日見其。上矣。試思奢侈之厚。總由於驕滿。心志既盈。何所不至。任性揮霍。僅供一時之娛悅。獨不思追呼嗟怨之苦。況耶。矧夫百姓足。君孰與不足。百姓不足。君孰與足。為君之要道。先存不以天下奉一人之心。躬行節儉。民隱周知。

所以緩徵薄斂。多方振恤者。非干百姓之譽。正所以養元氣。固邦本。行愛人之實政也。可無愼乎。直講官穆彰阿。陸以莊進講書經三載。考績三考。黜陟幽明。庶績咸熙。講畢。

上宣御論曰。伊古建官分職。各率其屬。所以宰制萬方。奠安庶姓者。胥在於是。而其人之賢否。不可不察。功過不可不考。故有虞四岳九官十二牧。疇咨誥誡。至再至三。勸其敬事。奏功。各揚其職。然政績之優劣。必得經閱歲時。

方能論定。故三載考績。以覈其功過。歷三考而示以賞罰。則賢能者不致淹棄。庸凡者亦不能濫廁矣。是以周以六計辨羣吏。漢以六條定官常。晉則委任達官。各考所統。魏則三歲一考。考即黜陟。唐之四善二十七最。宋之四課七事。皆所以定其考課。而申黜陟。理明義備。洵萬世之良規也。嗚呼。世道之汙隆不一。而人心之情偽不齊。考覈之文。具在方策。得其實者。十無二三。蓋統察之人。不能公正。

乃心視國事如家事。無非按序就班。奉行故事。或逞一己之愛憎。或沽一時之名譽。甚則夤緣奔競。是非顛倒。考最者竟有昏墨不職之人。如此何以肅官方而清吏治。興言及此。愧恨交加。今而後深願有位之士。各正乃心。各修其職。懔激揚為國政之大典。進賢退不肖。乃用人之通經。慎勿偏存私見。德怨報修。更不可心知其非。曲意依同。佐朝廷務收得人之效。而成庶績咸熙之上治。我君臣當共懍之。懍之禮成。

上幸文淵閣。賜講官及聽講諸臣茶。復賜宴於本仁殿。○幸圓明園。○詣綺春園。問

皇太后安。○諭內閣。慶祥奏查辦塔爾巴哈台領隊大臣扎克桑阿。佐領巴克坦布。先後揭告參贊大臣哈齊香阿各款大概情形一摺。扎克桑阿與參贊大臣。因審訊伊勒東阿控案。不能和衷。究竟承審各員。辦理有無錯謬。自應調齊原卷。徹底根究。現在扎克桑阿是

否。挾嫌揭告。哈齊香阿是否有意撻求。尤當詳悉查辦。以成信讞。哈齊香阿著先行解任。交慶祥提同人證。質訊明確。定擬具奏。所有塔爾巴哈台參贊大臣著碩隆武暫行署理。○諭軍機大臣等。據英桂奏。接據烏什駐防參將官海稟詞。內稱烏什屯田兵丁。因製辦農具。借貸鋪戶錢文。富綸查詢時。鋪戶張步明。說託印房額書周勝英代為求情。詐受銀兩。並餽送富綸家人鴉片煙。富綸不令與家人質對等情。此案前據富綸奏。已降旨將官海等革職。交永芹派委大臣。前往會同富綸審訊。現據官海稟稱。既有富綸家人得受餽送之事。富綸著不必會審。所有案內應訊人證。著專交永芹提至喀什噶爾。秉公研鞫。務得確情。按律定擬具奏。官海稟詞著鈔給閱看。至阿克蘇同子郡王哈迪爾。寄信阿奇木伯克穆薩清釐伊恩賞地畝一案。本日復據哈迪爾具摺陳辯。並著永芹確切查明。據

實具奏。富綸亦不必會同辦理。哈迪爾原摺一併鈔給閱看。將此由四百里諭令知之。○兩淮鹽政曾燠奏。准鹽岸分綱食課有輕重。每遇積滯請融。均經奏明升課。茲查嘉慶十四年全椒句容二岸。借運江西綱岸代銷鹽八千餘引。又嘉慶二十等年上江等岸。借運太平綱岸代銷鹽四萬餘引。其時因各食岸滯銷。暫行借運。閱今多年。案懸不結。應即照融銷成案。勒令升課完案。於各本商名下如數追繳下部知之。○己卯。諭軍機大臣等。哈迪爾奏聲明烏什同子等占伊地畝細故。伊自行寄知烏什阿奇木伯克穆薩緣由一摺。哈迪爾因係伊家地畝。並未報烏什辦事大臣富綸。祇寄彼處阿奇木伯克。尚屬可行。此案曾有旨著交永芹秉公查辦。哈迪爾無論行抵何處。接奉此旨。即妥為照料。霍罕來使及各城年班同子伯克等來京。○庚辰。諭軍機大臣等。本日都察院奏。湖南零陵縣民陳

文隆呈控夥會逼搶一案。已明降諭旨交嵩  
亭審辦矣。此案據稱伊居住大山。有陳一杰  
等夥立大會。立誓鳴神。會黨多係衙役。伊不  
肯入會。誣捏命案。縣差李泰等將伊鎖帶拷  
打。搶劫錢物。復因索銀未允。將伊弟陳文榮  
拏去。並搶劫錢穀衣物。又將伊母私押多日。  
伊恐連累具控。被差役胡三元截拏押縣。到  
家抄搶。價值五千餘兩等語。奸民聚集多人  
倡立社會。滋擾地方。久干例禁。陳一杰等膽  
敢糾約斂錢。肆行搶掠。並勾串差役。私刑阻  
押。勒詐銀兩。情殊不法。不可不徹底根究。著  
嵩亭密切訪查。如果該縣差役實有黨惡結  
會。擾害平民等事。立即嚴行懲辦。毋稍徇縱。  
將此諭令知之。尋覆奏。訊明陳文隆素不務  
正。將伊母何氏養贍山竹砍賣。伊母投知戶  
族陳一杰等理斥。反向頂撞。伊母氣忿。赴縣  
呈請發遣。陳文隆逃避。赴京捏控。希圖拖累。  
審係全誣。應按律發煙瘴充軍。加枷號一箇。

月。下部議從之。○又諭。康紹鑄奏越南阮藩  
現屆例貢。請示進關日期一摺。越南國王阮  
福暎。援照成式。敬備貢物致悃。出於至誠。著  
加恩准其一併呈進。所有該國使臣著於明  
年七月底到京。該撫接奉此旨。按程計算。酌  
定進關日期。照會該國王遵照辦理可也。將  
此諭令知之。○又諭。江蘇臬司林則徐現在  
丁憂。所有江浙兩省水利。正屆勘估緊要之  
時。必須另行委員接辦。著孫玉庭。張師誠。帥  
承瀛。於江浙兩省人員內。會同迅速保舉一  
員具奏。飭委辦理。以專責成。將此各諭令知  
之。○大學士托津等奏。審訊侯際清贖罪案  
內。解任官員。定擬請旨。得旨。費履升。金宗培  
俱著先行開缺。交部嚴加議處。查有折著開  
復原官。交部議處。丁垣著即革職。俟陸以濟  
解到時。提同嚴訊。○刑部奏。正白旗蒙古兵  
部筆帖式崇慶。呈控奎明逼勒伊女與家奴  
伊覽通姦。伊女不甘失身。情急自盡一案。得



旨步軍統領衙門筆帖式奎明著革職。交刑部提同伊覽及王氏等。隔別嚴審。定擬具奏。此案圖博特氏遇門甫經三月。遽爾輕生。其中必有冤抑。奎明如果抑妻邪淫。滅倫壞紀。該部務當嚴切根究。以期水落石出。不可有意消弭。致成冤獄。尋奏。據奎明供認與伊覽難姦情密。起意誘令伊妻同與姦宿。伊妻不允。以致自縊。伊覽亦屬知情。復提僕婦等質訊明確。查例無明文。奎明應比照婦女令姦賣姦。折磨毆逼。致媳情急自盡例。擬絞監候秋後處決。伊覽與家主通姦。致釀主母一命。情節較重。應請發往同城為奴。至圖博特氏被夫壘次逼勒。始終守正不污。捐軀明志。應附請旌表。以慰貞魂。從之。○以兩淮鹽運使葉紹本為江蘇按察使。○調緩長蘆鹽政所屬興國。富國。豐財。蘆臺。嚴鎮。海豐。石埭七場。滄鹽山。南皮。青。交河。衡水。寧河七州縣。上年被水。竈地錢糧有差。○辛巳。諭軍機大臣等。

九月初一日。朕親詣皇史宬行禮。無庸奏擬儀注。著先於皇史宬殿門內設香案。一。香鑪。一。香盒。一。親自拈香行禮。無庸派人遞香。御前大臣。御前侍衛。隨入殿門內。乾清門侍衛。俱在殿門外。至實錄館總裁及禮部各員。均毋庸隨往。○壬午。引見直隸等省保舉孝廉方正人員。得旨。王萱齡。王導庠。汪學源。吳慶鍾。夏淳。韓修桐。著以知縣用。陸耀遠。張繼昌。裴元淳。張文賓。著以教職用。○吏部奏。侯際清案內失察。書吏之原任口北道德恩。應於補官日降三級。可否以府屬知州鹽提舉降補。或以主事內用。得旨。德恩著以府屬知州鹽提舉降補。○癸未。世宗憲皇帝忌辰。遣官祭泰陵。○上詣安佑宮行禮。○御閱武樓。閱侍衛等騎射。○諭。

內閣。蘇成額奏。請將藩庫積貯錢文。發商生息。籌備公用一摺。山西省藩庫。因兵餉概支銀兩。積存制錢至六萬五千六百餘串之多。年久易致黧朽。著照所請。將司庫積存制錢四萬串。均勻分發省城及附近各州縣。交典以一分生息。按年將息錢一半歸還原本。分作十六年清還。其存典生息之錢。可永遠留存地方。以備公用。所收息錢。著存貯司庫。該撫將每年動用若干。報部查覈。其餘制錢二

萬五千六百餘串。及將來歸還原本。俱存藩庫。俟銀價平減。仍搭放兵餉。易銀報撥。再行奏請開鑪鼓鑄。該部知道。○貴州巡撫程國仁。以病解任。以廣東布政使蘇明阿。為貴州巡撫。○甲申。

上詣綺春園問

皇太后安。○遣官祭賢良祠。○諭內閣。御史陳肇泰。請飭禁徵收錢漕積弊一摺。各省漕務積弊相沿。土豪蠹役壟斷把持。遂有以完作

欠之弊。又收漕時。委員以查漕為名。實為調劑候補人員起見。不過勒索陋規。均不可不嚴行飭禁。著各省督撫嚴飭所屬州縣。每季徵收完解時。將實欠花戶名姓。送該管道府用印。仍發回本地張貼。如有以完作欠者。許該花戶指控究辦。其各省查漕委員。概行停止。毋許仍沿積習。至該御史奏按鄉分徵一條。據稱州縣開倉。三五日即封嚴折價。所完者皆包攬之戶。遠鄉窮民。守候苦累。另行折

價完納。轉致拖欠。嗣後州縣收漕時。豫貼告示。計日按鄉分收。並令每日辰開酉封。是否可行。著有漕各省督撫查明妥議具奏。○調山西布政使蘇成額。為廣東布政使。以陝西按察使錢寶甬。為山西布政使。直隸通永道鄧廷楨。為陝西按察使。○予故休致都統穆克登布。祭葬如尚書例。賞銀五百兩治喪。謚勇肅。○乙酉。旌表守正捐軀直隸東明縣民王貫母蘇氏。○丙戌。

上御閱武樓。閱侍衛等騎射。○休致大學士伯麟卒。晉贈太子太保。命皇長子奕緯帶領散秩大臣一員。侍衛十員。往奠茶酒。賞銀五百兩治喪。賜祭葬。謚文慎。○旌表守正捐軀直隸清豐縣民劉邦榮妻白氏。○修浙江李家汛。翁家汛。戴家汛。韓家汛。東西海塘柴埽各工。從巡撫帥承瀛請也。○撫卹琉球國遭風難夷如例。○丁亥。轉刑部右侍郎凱音布。為左侍郎。以都察院左副都御史常文署刑部右侍郎。○以兵部右侍郎寶興兼鑲紅旗漢軍副都統。○江西巡撫毓岱。以疾解任。以刑部左侍郎成格。為江西巡撫。○改直隸故城縣為題缺。順德府同知為選缺。從協辦大學士總督蔣攸銘請也。○添建山東曹州鎮標中右二營軍械火藥庫局房間。從署巡撫琦善請也。○戊子。遣官祭歷代帝王廟。○諭內閣。博學圖等奏萬安倉放米完竣。有盈無絀。除放過糧。核粟米與原

貯數目相符。並放有盈餘米石外。其各廠篩颺七成之糧。撥米尚堪食用。著於下月甲米內均勻搭放。不堪作正之二成土米。著照例發城領糶。以清款項。該倉監督等因查辦。繳變米石。又接辦以放代盤事務較繁。以致未能依限出結。尚非無故遲延。所有滿監督訥蘇鏗。額漢監督江仲。交代遲延之處。俱著免其議處。該部知道。○又諭富俊等將遺誤砍伐修理官房木植。並不照數交納之官員等。參奏一摺。富俊等出派佐領訥恩登。阿。阿勒謹泰等。砍伐修理由京移居雙城堡之間散等所居官房木植。自應依限交納。今訥恩登。阿。阿勒謹泰。短交木植甚多。且屢次行催。仍託故懇請展限。顯係不以公事為事。甚屬不合。訥恩登。阿。阿勒謹泰。即照富俊等所奏先行摘去頂帶。所短木植。俟明年河冰開後。令其照數交齊。屆期若能如數交納。著富俊等奏明聽候施恩。如仍不能交。亦著據實參奏。

○以翰林院侍講學士陳用光編修文慶檢討受慶右春坊右中允姚元之充日講起居注官。○己丑諭內閣嚴烺奏豫籌添購來年備防稽料一摺。本年雨水調勻並無暴漲不至險工疊出。其需用稽料自應較前酌減。可以有盈無絀。此次該河督請仍照成案豫省南北兩岸各工共添備防稽二千垛。東省漕河糧河兩廳添備防稽五百垛。著照所請。即於歲料將次辦完之時。接手購運。勒限完竣。

另廠存貯與歲料一體盤驗。其例幫價銀著分咨河南山東各於司庫籌款撥發趕辦。以備工需。但添備防稽難行之有年。亦不可視為成例。若任聽屬員恣憑逐年照例呈請並不認真節省以致國帑虛糜。年復一年何時可止。嗣後該河督務當破除一切情面不憚煩勞不避嫌怨實力鈎稽可省則省工歸實用以期永慶安瀾方為不負委任也。勉之懍之。○以鑲藍旗漢軍都統綿志著正白旗漢

軍都統。禮部左侍郎舒蔭署正藍旗護軍統領。○以扎薩克郡王溫端多爾濟為喀爾喀土謝圖汗部正盟長。○蠲緩甘肅宜禾縣被旱歉收額賦有差並貸口糧。

大清宣宗效天符運立中體正至文聖武智勇仁慈儉勤孝敏成皇帝實錄卷之七十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十三

仁慈儉勤孝敏成皇帝實錄卷之七十三

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府力事務隨帶加五級記錄十八次臣賈楨總兵官經筵講官吏部尚書鎮遠漢軍都統管理新營廣城內官房大臣稽察內

七、各大臣稽察會同四譯館事務加一級、隨帶加六級、軍功加三級、紀錄五次。臣花沙納、應、羅、鎮、官、入、洞、聞、提、舉、聞、事、其、部、尚、書、總、管

内務府大臣鑲白旗滿洲都統稽察內七倉大臣管理宗人府銀庫左翼幼官學 監壽宮圓明園等處稽校覺例倉庫房產藥庫太

醫院進辦處事務體帶加十八級臣阿靈阿副總裁官經是該官兵部尚書題帶加六級統錄二十次臣周祖培等奉

救修

道光四年甲申九月庚寅朔以尊藏

仁宗睿皇帝實錄

聖訓於皇史宬

上親詣行禮。○還宮。○辛卯。以恭送。

仁宗睿皇帝實錄

聖訓尊藏盛京

上詣東華門外

綵棚前行禮。○幸圓明園。○詣綺春園。問

皇太后安○以湖南永綏協副將馬國用為江

南徐州鎮總兵官。○壬辰。

御閱武樓閱侍衛騎射○諭軍機大臣等據  
恒麟等奏查看熱河應修工程將圍內並南  
北兩路行宮擇其緊要處所開單呈覽請交  
總理工程大臣派員踏勘另行覈估並請將  
麗正門外應行見新之工一併勘辦等語熱  
河應修工程現在無庸派令總理工程處勘  
估著恒麟等候旨再行辦理將此傳諭知之

○癸巳

上御洞明堂勾到新疆雲南貴州廣東廣西情

實罪犯停決新疆斬犯二人絞犯一人雲南

斬犯四人絞犯二人貴州斬犯八人絞犯四

人廣東斬犯十一人絞犯六人廣西斬犯八

人絞犯一人餘七十六人予勾○遣官祭

都城隍之神○諭內閣據戶部奏兩淮清查

運庫銀款不符請飭查以重帑項此項懸摺

銀兩前經戶部查明係九百四十餘萬兩數

算甲申五綱帶徵之數尚不敷銀三百萬兩

現據該鹽政咨覆戶部並不檢查原案辦理

殊屬含混。著即將懸墊款內不敷銀三百萬兩。速飭運使覈定。自某綱起。分綱勻帶歸款。每綱應徵銀數若干。趕緊造報。毋任影射支飾。又准北商人積欠底馬水腳銀一百八十萬兩。該鹽政並不查明。劃扣抵欠原案。輒以北商欠交。南商欠解。兩款合而為一。亦屬錯誤。並著將漏報南商應完扣留未解銀一百八十萬兩。遵照原限。仍自甲申起。分五年照數徵完。以清款目。又另片奏清查案內。癸未

初綱。應徵銀十五萬九千八百餘兩。除奏銷完解外。尚未完銀七萬五百餘兩。此項初限灑帶銀兩。豈容任其宕延。著該鹽政勒限一月。嚴飭各商掃數全完。所有督徵不力之鹽政運司。並著交部照例議處。其癸未綱帶徵銀兩。即隨同本綱題銷。不得造入下屆奏銷冊內。致滋牽混。○又諭。蔣攸銑奏籌議移駐京旗戶口。按戶給車並酌給車價銀兩一摺。雙城堡移駐京旗戶口。必須辦理盡善。以期

經久可行。據該督議定章程具奏。著照所請。嗣後移駐人數。無論二三四五口。及五六口以上者。俱止按戶給予四套大車一輛。聽該旗戶等均勻搭配。通融裝載。即由京雇寬長車。分段遞送錦州交替。不准扣留過站。並交盛京將軍。奉天府尹。飭錦州府查照需用車輛數目。豫為雇備。屆期更換前進。此項京雇長車。著照大興宛平運送部發銀兩車輛之例。每站給價銀二兩。准其作正開銷。無庸官

為捐辦。並照移居宗室章程。所需車價銀兩。由順天府覈定車數。移咨戶部支領。交委員沿途給發。至錦州以東。著奉天府尹。吉林將軍。體察情形。斟酌辦理。○又諭。延隆奏查辦南北商稅偷漏出海之弊。請嚴申禁令一摺。許墅關南北商船。每多偷漏出海。以致內河各關稅課不能足額。且於稽查洋禁。亦形懈弛。現經延隆將沿江鋪戶。裝回北貨。申明章程。嚴禁囤積轉運出海。其南北商船。除冊內

掛號舊商。仍准照常行運外。其有新立字號。呈報海運希圖影射者。概行截留。以清弊源。著即認真經理。如有奸商猾埽。勾串繞漏等弊。即行嚴拏究辦。並著孫玉慶張師誠一體嚴申禁令。出示曉諭。仍飭所屬於偷漏出海之案。隨時嚴訊詳辦。毋得視為具文。○諭軍機大臣等。睿親王端恩侍郎辛從益舒明阿。前往盛京恭送。

皇考仁宗睿皇帝實錄由彼叩謁

永陵往返乘騎自備馬匹。不無疲乏。著交晉昌侯伊等由盛京前赴興京時。睿親王端恩換給馬八匹。辛從益舒明阿。每人換給馬四匹。將伊等自備馬匹。留於盛京餵養。否則俟伊等由興京回至盛京時。再行換給。令其騎回亦可。此項馬匹。或於盛京官馬。或於官兵馬匹內派撥換用。將此諭知晉昌。並諭睿親王端恩等知之。○協辦大學士直隸總督蔣攸銑奏。直隸承德府知府有經手倉庫錢糧事

宜接收交代。應請照直隸州知州及黔省貴陽等府之例。定限兩月結報。從之。○甲午。上御閱武樓。閱火器營操。○諭內閣。程含章等奏估修千里長隄一摺。直隸千里長隄。自高陽縣之劉家溝起。至天津縣之西沽礮臺止。年久殘缺。一遇水潦。田廬被淹。係屬緊要工程。自應先行辦理。據該侍郎等估修隄工。及栽種葦柳防護椿埽。土方工料銀共三十四萬七千一百兩零。著照所請。動項修築。並分

作十段。派熟諳工程之河間府知府徐寅第等十五員承辦。務照估定寬高大尺修築。內文安等處。應俟明春水小。再行補築。仍分段責成。現派各員一手經理。工竣後。即著程含章親往驗收。如有草率偷減遲誤及剋扣等弊。即行據實嚴參。此次築隄挑河。如占用旗民地畝。分別免租撥補。其無地可撥者。酌給地價。畧糧。如本係官地被民間占種升科者。畧除錢糧。毋庸撥補給價。工竣咨部覈辦。其

任邱縣境內新工係知縣淡廷榮於上年領項承修。因大汛衝刷卑薄。應行賠修。該員業經丁憂。著於司庫先行動墊修築。應賠銀兩。仍於該員名下追繳完款。其文安縣境內新工。係同知李國屏於上年領項承修。因大汛停工。未能補築。著仍責令該員照估補足。該二縣此次照原估加高一尺。所加土方。俱著歸入大工案內報銷。該部知道。○河東河道總督嚴烺奏報秋汛安瀾。命嚴烺詣

河神廟祀謝。並下部議敘。出力員弁。升敘有差。○以運米平糶妥速。予江蘇縣丞趙雲漢等升敘有差。○貸江蘇瓜洲營被災兵丁一季銀米。○乙未。

上御洞明堂。勾到四川情實罪犯。停決斬犯三十二人。絞犯十三人。餘八十七人。予勾。○諭內閣。御史賡音保奏。請催修節孝祠宇一摺。前據工部奏。左右兩翼節孝二祠。年久傾頽。急應修葺。降旨交順天府尹。知照直隸總督。

飭屬籌款勘估興修。至今已閱二年之久。何以尚未修理完竣。著順天府尹嚴催承修之員。上緊辦理。俟工竣後。即咨覆工部。將已造牌位重為見新。未造牌位。趕緊成造。分送各祠安奉。毋得再有遲逾。○又諭永芹等奏營兵勾結外夷。合謀外投。事洩。拏獲。審辦一摺。喀什噶爾營兵海常。樣因派往換防。在回城市上。常與安集延回子等講經。輒起意改裝。偷出卡倫。圖謀外向。藐法已極。副將富哈善

等派兵拏獲。並起獲回經二本。安集延衣帽鞍馬各物。永芹等隨飭將同謀出卡之回子等嚴拏到案。審明定擬。查辦甚屬認真。把總張泰係專管該營兵之員。未能先事覺察。其咎甚重。著即革職。副將富哈善遊擊劉發悌係管理綠營大員。均有失察之咎。惟將該犯等即時拏獲。辦理尚屬迅速。著加恩免其議處。永芹。巴彥。巴圖。自請交議之處。亦著加恩寬免。嗣後該大臣等務當嚴飭各卡倫員弁。



隨時留心查察。如有奸宄之徒。改裝遁跡。立即嚴拏究辦。毋稍疏懈。所擬該犯等罪名。著交刑部會同理藩院覈議具奏。其同謀之王努斯在逃未獲。著即飭阿奇不邁瑪薩依特上緊查拏務獲。訊明辦理。翰林院奏遵旨。請將嘉慶十四年以後出洋陣傷淹斃各官兵。並雲南南甸南興永北四川戕邊瞻對陝甘青海仔牙墩等案陣亡弁兵一體辦傳報聞。以拏獲番賊出力。賞甘肅百總三墜千戶頂帶。並藍翎。丙申。

上詣綺春園問

皇太后安。○御含輝樓。閱皇子及侍衛等騎射。

○諭內閣奉

皇太后懿旨。珍貴人晉封為珍嬪。所有應行事宜。著各該衙門察例具奏。○調江蘇按察使葉紹本為廣西按察使。廣西按察使賀長齡為江蘇按察使。○丁酉。

上御閱武樓。閱侍衛騎射。翼日如之。○旌表守

正捐軀河南商城縣民婦袁王氏。童養媳何女。○戊戌。大學士兩江總督孫玉庭。江南河道總督張文浩。奏報秋汛安瀾。命張文浩詣河神廟祀謝。孫玉庭張文浩均下部議敘。出力員弁升敘有差。○除陝西興平武功二縣水衝八旗馬廠地二十九頃五十八畝有奇額賦。○己亥。

上御洞明堂。勾到福建奉天陝甘情實罪犯。停決福建斬犯七人。絞犯二人。奉天斬犯四人。

絞犯一人。陝甘斬犯九人。絞犯七人。餘七十一人予勾。○諭軍機大臣等。本日刑部奏江蘇銅山縣民關都印呈控河南尉氏縣民婦屠王氏等習學邪教一案。已明降諭旨交程祖洛親提人證審訊矣。此案關都印在刑部供出屠王氏等習教傳徒作法迷人情節雖屬支離。惟所供各匪如尉氏縣張氏集故民屠行書之妻王氏及子屠雀清涼寺僧印空段莊故民梁道成之孫梁學易許州南門甕

城三官廟小道高姓新鄭縣大悲寺僧如心均能指出姓名住址案關傳習邪教虛實均應徹底嚴究程祖洛接奉此旨即提集人證與該犯三面質對務得確情毋枉毋縱將此諭令知之尋奏關都印素患痰迷屢次自縊投河經涂雀等解救並無嫌怨應照瘋病鎖錮例交原籍監禁涂雀等均係被誣即行省釋下部議從之○又諭慶祥奏領隊赴哈薩克游牧旋回未能成禮一摺伊犁領隊大臣

樂善赴哈薩克游牧封汗賜奠行抵巴彥烏拉地方愛畢勒達前來迎接離巴彥烏拉七十里被俄囉斯勒索租賦將愛畢勒達截去外夷交易起釁本屬常有疆外之事原可不須過問天朝亦斷無派員再往之理俟其前來請領勅書再行發給至該將軍奏請飭理藩院轉諭薩納特衙門詢問俄囉斯之處竟可不必要惟應嚴飭沿邊卡倫謹守邊界如有哈薩克投誠內附者妥速辦理毋許私入開

齊以安邊徼其樂善另摺自請議處之處著加恩寬免將此諭知慶祥並諭樂善知之○以故葉爾羌阿奇木伯克散秩大臣貝子邁哈默特鄂散子邁哈默特鄂對襲爵○鑄給江蘇通州總捕州同關防從前任巡撫韓文綺請也○庚子諭內閣盧浙奏請就直隸興辦水利之便查丈地畝一摺直隸天津等九州縣馬廠官荒及海退抄產各項荒地疊經降旨令該督查辦上年九月間戶部議覆蔣

攸銛查辦章程將報升及試墾地畝分別辦理其難墾之七萬三百六十餘頃諭令蔣攸銛免其立限俟水涸年豐確實履勘茲復據盧浙奏稱官荒地畝並各項入官地畝積案久懸請逐一查丈召墾升科著蔣攸銛督同藩司屠之申即行詳查據實具奏毋再延宕○又諭繼昌奏代賠欠項無力完繳請將兄弟廉俸坐扣一摺向來分賠代賠之項必須實係無力完繳方准坐扣廉俸原係格外施

恩。繼昌曾任兩司。有應賠伊故父任內運腳銀四萬一千八百八十七兩零。自應勉天。良。設措完繳。該員率請將伊養廉及伊弟鍾昌俸銀坐扣一半。名為扣繳。實則遙遙無期。若紛紛奏請。必致賠項俱歸無著。所有該員請將兄弟廉俸坐扣之處。著不准行。○黑龍江將軍祿成等奏。擊獲越邊俄囉斯一名。並帶來物件。照例送至庫克多博卡倫交回。報聞。○辛丑諭內閣。戶部奏各倉米數參差。請

俟九月後。每月開放甲禾。割倉次第抵放。著依議辦理。至明年南糧抵通。著倉場侍郎將各色米石。並按各倉舊存米色。均勻派貯。毋致稂莠粟三色米石多寡懸殊。有礙搭放。○諭軍機大臣等。據阮元等奏。小西洋啞咻國。吸啜噍噍夷船一隻。載有胡椒檳榔等貨。來至零丁洋面寄碇。該國從前並未來過。詢係夷商各自合夥。並非該國主遣令貿易。暫令停泊候旨等語。該夷遠涉重洋。此次姑照嘉

慶年間成案。暫准貿易。以示體恤。該督等即飭令洋商傳諭該夷商等。此次暫准易貨回國。係天朝特恩。不得援以為例。嗣後斷不准再來通市。將此諭知阮元等。並傳諭七十四知之。○戶部奏。臺商餘米一萬八千餘石。仍請官為收買。報聞。○除直隸灤平縣水衝佃種民典旗地。並另案入官地二十七頃五十八畝有奇。房九十三間。租銀。○壬寅。上詣綺春園。問

皇太后安。○御洞明堂。勾到湖廣安徽情實罪犯。停決湖廣斬犯二十四人。絞犯十二人。安徽斬犯十四人。絞犯二人。餘六十八人予勾。○諭內閣。各倉應修廩座工程。據博啓圖等查勘京通十五倉內。擇其情形最重者。共廩一百二十七座。開單呈覽。著交工部再加查覈。逐一勘明。是否急需興修。奏明辦理。○河南巡撫程祖洛奏。本年收成。異常豐稔。應將歷年動缺倉穀。乘時速籌買補。得旨。依議妥辦。

○以浙江布政使黃鳴傑署巡撫調湖北布政使伊里布為浙江布政使山東布政使費丙章為湖北布政使湖北按察使王維詢為浙江按察使浙江按察使富呢揚阿為湖北按察使以山東按察使訥爾經額署布政使降調前任江蘇巡撫韓文綺為山東按察使○賞廣安門外普濟堂賑賑小米三百石○緩徵山東恩縣被水歉收村莊新舊額賦並展緩館陶冠武城夏津鄒平汶上濟寧魚臺

八州縣上年災歉村莊錢漕銀米○癸卯禮部奏十月初十日

皇太后聖壽節禮儀得旨是照例行禮奉

皇太后懿旨今年停止筵宴福晉命婦進內行禮之處並著停止餘依議○予安徽捕蝗出力縣丞王澄等儘先補用○免安徽南陵銅陵東流當塗蕪湖無為巢鳳陽盱眙天長和十一州縣上年被水被旱學田租銀有差○甲辰諭內閣盧浙續奏查辦官荒地畝一摺

前據盧浙奏請查丈地畝已明降諭旨交蔣攸銛等詳查具奏茲復據盧浙申詳利弊直隸九州縣馬廠荒地民人等具呈認墾升科地方胥吏從中掊索事所必有至各項入官地畝民人向官領種胥吏索詐把持該民人不能遂其所欲輒多散去以致地畝成荒報荒之後猾吏奸民通同隱占私佃私徵遇有查辦多方阻撓不可不嚴行禁革著蔣攸銛督同藩司屠之申嚴飭該管地方官明白曉諭實力稽查如有前項弊端立即嚴拏懲辦至查丈召墾頃畝數目及報升科則該督查明報部固不可過於延宕亦不能悉照准行著該部悉心覈議辦理○又諭嵩孚奏糧道督運酌議委署章程一摺向來湖南糧道督運北上其署內應辦事件係長沙府知府代印代行並不委員署理惟該道出運後該衙門尚有庫貯錢糧收支兵米及催徵考察各事宜均關緊要知府勢難兼顧不足以專責

成著照該撫所請嗣後該糧道督運起程其道署事件著即委鹽法長寶道兼理所有一切文移借用該鹽道印信仍照代印代行之例毋庸查造交代以免輾轉紛更至該鹽道係兼署人員已有本任廉俸其糧道廉俸仍歸糧道全數支領該部知道○諭軍機大臣等綿清等奏

昌陵妃園寢添建石券修理隧道因夯築震動兩幫以致東幫沙石坍塌開擋沙牆輒擊傷人夫等語承辦

陵寢工程倍宜小心從事如式修造方可期堅固完善乃因該處隧道土性較鬆間多沙石暫砌輒牆擋護復以築打震動兩幫竟有輒擊傷人之事該監督等辦理羸率實難辭咎業據該大臣罰懲外嗣後著果齊斯歡隨時前往查勘飭令承辦各員敬謹修理務使工程完固毋許稍有草率遷就至間有沙石處所亦應妥為設法擋擁便於工作不得任其

坍塌再致損傷夫役也將此諭令知之○賞理藩院尚書穆彰阿之父已革右翼總兵廣泰二品職銜○戶部議准陝甘總督那彥成疏報烏魯木齊所屬頭屯所等處安插為民並新增子弟等三十五戶計墾種地十頃五十畝照例升科並貸建房銀兩給農具有差從之○命五城於冬春二季設廠查賑○除直隸灤平縣水衝坍塌民糧旗地五十二頃八十五畝額賦○免安徽滁州常年倉被水淹損變價不敷數二千八百四十九石有奇○乙巳

上御洞明堂勾到江西江蘇情實罪犯停決江西斬犯二十人絞犯二人江蘇斬犯十一人絞犯四人餘六十四人予勾○諭內閣博啟圖等奏卸貯北倉臺米十餘萬石應行撥運舊太倉存貯惟現在漕糧完竣所有剝船非外出行運即各歸水次一時難以聚集且此後天氣漸寒即使剝日齊備誠恐撥運不及

沿途凍阻。所奏自係實在情形。著照該侍郎等所請。將此項米石暫行封貯北倉。飭令該地方官小心看守。不可稍有疏虞。俟來歲春融冰泮。於首進糧幫未到之先。即行籌備船隻。剝運京倉存貯。○丙午。

上御勤政殿聽政。○諭內閣宗室拉爾森。不知自愛。身穿小褂。不繫黃帶。無故赴西城副指揮衙門。推翻公案。臥地喊罵。迨交宗人府刑部會訊。復捏供與坊役賭博。實屬自甘下賤。

有玷宗潢。拉爾森不必圈禁。著革去黃帶子。作為紅帶子。嗣後宗室當以此為戒。此朕明刑弼教。不得已之苦衷也。○丁未。諭內閣朕此次在閱武樓看侍衛騎射。親定優劣。三等侍衛蘇清阿。著賞給小卷五絲緞袍褂料二件。三等侍衛富克精阿。富勒敦泰。存佳順得特克新。藍翎侍衛雙通佛爾恭阿。以上七員。著各賞給小卷五絲緞袍料一件。頭等侍衛雙和。富綸布。保平。二等侍衛烏精額德津泰。

常安班金布。得清富英阿。慶安宗室英隆倭新泰三等侍衛宗室叙浩青山。雙奎。齊木親阿。花連孫布。宗室蘇翻。常祿。雙祿。覺羅慶長達邦阿。團多布。宗室英凱。得勝。保花。連菩薩。保覺羅喜連。特合布。吉慶倭。新泰。藍翎侍衛全慶。強謙泰。特克津得。伊勒東阿。哲斯呼朗。扎克當阿。以上三十七員。著各賞給小卷五絲緞褂料一件。其弓馬平常之頭等侍衛慶保哈芬布。二等侍衛慶音。蘇富常。得以上四

員。俱著罰俸三箇月。以示勸懲。○諭軍機大臣等。前據陳若霖議。覆湖廣行銷准鹽。無須照舊封輪。當降旨。仍行開輪銷售。俟試行一年。再將情形奏明辦理。茲據李鴻賓奏。散輪售賣。跌價搶售之弊。實所難免。現議立公局。僉派妥商經理。無論鹽船到岸先後。將小商之鹽。隨到隨賣。大商之鹽。按各家所到引數。公同合計。逐日均勻派銷。俟試行兩月。再將議定章程具奏等語。湖廣行銷准鹽。封輪

換售小商每致向隅。大商把持壟斷。民有食貴之虞。而散輪售賣。仍恐私跌搶賣。成本虧折。自應熟籌商民兩便之策。著李鴻賓先將近日酌辦漢岸情形。試行兩月。悉心體察。如果鹽引暢銷。價無例外之加。民亦無虞買食之貴。於商民均有裨益。即將議定章程會同孫玉庭曾燠具奏。再降諭旨。將此諭令知之。○以湖北京山縣王家營月隄衝潰缺口。革承修知縣方椿森頂帶。○戊申。

## 上詣綺春園問

皇太后安。○諭內閣前因江浙兩省水利勘估緊要之時。降旨令孫玉庭等於兩省司道內會同保舉一員綜理。茲據該督等會奏。綜理之員。請各分任責成。於兩省交界遠員會勘承辦等語。江浙司道中。既無堪令綜理之員。著孫玉庭等即責成現在勘估工程之蘇松太道龔麗正。杭嘉湖道陳鍾麟。留蘇降調道員沈惇彝等。帶同熟諳估工員弁。前往應辦。

河道確切勘估。公同承辦。事關兩省水道農田。雖係各就各境。分段疏濬。而河道總屬同條共貫。必應合兩省形勢。通盤籌畫。俾上下游一律通暢。不致旋濬旋淤。仍虞汎溢。方為一勞永逸之計。該督等即飭該委員等。務須不分畛域。實心經理。毋得稍存彼此推諉之見。俟工竣時。該督等親往覈實驗收。如在工各員。有草率從事。貽誤要工。及虛糜帑項。辦理不善者。該督等即嚴叅示懲。毋稍寬貸。以副朕冀安黎庶之意。○己酉。諭內閣大興宛平二縣額貯經費銀各一萬兩。係永遠存貯之項。雖經歷任虧空。奏准豁免。仍應查明確數。由該省庫款籌畫歸補。該部既疊經咨查。何以遲至二年之久。該省尚未查覆。著蔣攸銑即將該二縣封貯銀二萬兩內。除大興縣已由藩庫領回銀一千三百六兩零歸補外。此外何員名下虧缺若干。已繳若干。豁免若干。詳晰查明。如實係已豁之項。即將該省庫



款通盤籌畫。應由何項籌補。並歸補以後。應如何嚴定章程。永杜虧缺。一併妥議具奏。以重經費。至承德府並豐寧灤平三縣。每年應徵五行斗稅銀六千餘兩。向係隨徵隨解。入撥報部。乃自嘉慶十一年。至道光二年。該府縣徵存未解。共銀四萬八千餘兩。該藩司並未隨時提解。專案報部。亦屬玩延。並著蔣攸銑嚴飭該藩司。即行掃數提解。司庫報撥。仍取其歷任已徵未解職名。送部察議。儻查有虧那情弊。立即據實嚴參。嗣後應徵稅銀。著該督飭令隨徵隨解。入撥報部。毋任遲延。○免浙江定海縣衝失鹽斤帑本銀。○庚戌。上御洞明堂。勾到浙江山東山西情實罪犯。停決浙江斬犯六人。絞犯一人。山東斬犯七人。絞犯四人。山西斬犯四人。絞犯四人。餘九十人予勾。○辛亥。諭內閣。琦善奏查出從前賁賑案內銀數虛懸。請分別賠補一摺。嘉慶十七年山東登萊二府撥銀賁賑之案。前任

藩司朱錫爵辦理錯誤。據琦善督同署藩司訥爾經額查明。蓬萊等十七州縣賁賑原報穀價米價柴薪經費等銀九萬九百二十三兩零。除柴薪經費自行捐辦。本未開報。及用項較省者。照冊覈算。毋庸另議外。其餘按例覈銷。共應覈准銀四萬三千二百三十六兩零。著於奏明動用節省項下支銷。其刪減不敷銀四萬七千六百八十六兩零。自應按承辦之員。分別賠補。朱錫爵身任藩司。督辦賑

務。前既漫無章程。後又不覈實開報。如此員恩溺職。殊為可惡。朱錫爵著勒令賠繳四成。前任蓬萊縣知縣魏士俊等。並不確查例案。率照藩司批札辦理。雖非冒銷。實屬糜費。魏士俊等著分賠三成。前任登州府知府邵葆醇。前任萊州府知府凝圖。不為駁正。率即請銷。著各賠二成。前任登萊青道陳文駿督辦未能妥善。著分賠一成。該員等現在東省者。就近催追。事故回籍者。行文咨追。統限半年內



完繳歸解山東司庫。責成現任知府。督飭現任州縣。查明檔案。分別領解撥還。以清懸款。其動用倉穀。現任東省人員。飭令措補價銀。遣屬買補還倉。准於追賠銀內扣算。事故回籍者。俟銀兩追到。飭令現任代為領價買補。如敢派累閭閻。嚴叅懲辦。此案共計動用有關奏銷倉穀四萬五千二百六十七石八斗零。前任藩司朱錫爵漏未開報。著即歸於

現辦奏銷案內補行開報。以備稽查。其節省銀兩內支銷賒賑銀兩。並非動用正項錢糧。毋庸造冊報銷。至此項追賠銀兩。人數眾多。如有咨追無著銀兩。著一併於朱錫爵陳文駿邵葆醇擬圖四人名下均勻分賠。以免懸宕。該部知道。○又諭琦善奏勘明湖荒地畝。未便撥補祀田一摺。前因衍聖公孔慶鎔。以祀田缺額咨部。節經戶部奏請。將淤出湖地。勘明撥補。嗣以蜀山湖淤地無多。係留為展

寬引渠。挑翻土山之用。獨山湖荒淤地畝。亦因民人占墾滋事。永遠禁止耕種。均未便籌議補還。東省蜀山獨山等湖。蓄水濟運。攸關緊要。若撥作祀田。任其播種。勢必築隄壅堰。侵占湖身。殊於漕運有礙。且缺額祀田。歷年久遠。冊檔無存。此時零星查補。毫無指實。既不能歸補足額。而辦理徒滋紛擾。必多流弊。所有前議另籌湖地撥補祀田之處。著毋庸議。該部知道。○又諭慶祥奏叅故自傷殘之

佐領請旨革審一摺。佐領達朗阿前經參贊大臣派委查拏哈薩克賊犯。行至中途。具報墜馬。旋回伊犁。顯有規避情事。且承審伊勒東阿控案。應行質訊。慶祥派員迎提到案。輒自用小刀戕傷肚腹。實屬意存狡詐。達朗阿著即革職。交慶祥歸案審訊。至另片奏哈爾香阿患病。不能辦公。頗露捏飾。枝展情狀。塔爾巴哈台參贊大臣。已有旨著彥德補授。彥德未到任以前。仍著碩隆武署理。哈齊香阿

現有被控各款。著俟慶祥提同人證質。訊明確。慎勿稍有疏縱。結案後再行候旨。○又諭慶祥奏獲解哈薩克賊犯。請飭令審辦一摺。科布多哈薩克賊犯占戴里。毆官一案。據扎克桑阿報稱。將占戴里等首夥五名。全行拏獲。僉供在烏梁海地方居住。去歲被逐後。係烏梁海散秩大臣布彥德勒克。令伊等仍進卡倫居住。並無毆官搶奪之事等語。哈薩克潛入開齋。即應嚴行驅逐。如實係搶奪毆官。

自應按律懲辦。今占戴里等供詞俱不承認。或係恃無質證。任意狡展。抑或布彥德勒克捏詞呈報。案關懲治外夷。必應詳加推鞫。以服其心。塔爾巴哈台既將各犯解交科布多。著即交科布多參贊大臣巴圖阿。秉公審辦。無枉無縱。如果布彥德勒克容留哈薩克潛住境內。復挾嫌捏報。著即嚴叅示懲。儆係扎克桑阿。驅逐不力。訊供時意存回護。亦著據實附叅。交慶祥歸案定擬具奏。○又諭慶祥

奏拏獲偷竊馬匹之哈薩克賊犯等。審明分別辦理一摺。哈薩克賊犯拜扎爾等。膽敢起意糾同薩爾喀薩克等。擅入卡倫界內。偷盜馬匹。情殊可惡。慶祥審明即將首賊犯拜扎爾正法。將為從之賊薩爾喀薩克薩第發往烟瘴。仍嚴行扎飭該台吉等。將各哈薩克等通行戒諭。所辦尚是。著即照所奏行。沙布爾套海卡倫之委官巴彥保。雖隨同副總管和特恆額等將賊犯全行拏獲。惟賊之出入

蹤跡。並未先行查出。且回子庫爾班呢雅斯等尋蹤趕至該卡倫地界。亦並未聲報前往尋蹤追趕。實甚懶惰疏忽。巴彥保著革去委官。枷號三箇月。以示儆戒。所有捕盜奮勉之官兵。著分別記名。賊犯所騎連鞍之馬三匹。並著分給。以示鼓勵。○以鑲紅旗蒙古副都統彥德。為塔爾巴哈台參贊大臣。○賞吉林休致回籍副都統金保全俸。○以拏獲山東疊次聚眾搶劫鹽梟。知府恩特亨額等加銜

升敘有差。○旌表守正捐軀安徽桐城縣民黃起萬妻王氏。○壬子添設江南河營蕭下外河南岸安東江防五汛經制效用外委各一員。從河道總督張文浩等請也。○以故湖南澧州屬慈利縣麻寮所攔刀隘土把總覃長乘弟長風貼堂土把總畢松茂孫繼鳳四川建昌道屬瓜別安撫使已先宗子國富各襲職。○旌表守正被戕河南內鄉縣民張有妻程氏守正捐軀直隸清苑縣民路桐妻蔡氏。○癸丑。

氏。○癸丑。上御洞明堂。勾到河南直隸熱河情實罪犯。停決河南斬犯十一人。絞犯六人。直隸斬犯六人。絞犯八人。熱河絞犯一人。餘六十三人予勾。○除陝西西安鎮標水衝馬廠餘地七頃三十一畝額賦。○甲寅。

上詣綺春園問

皇太后安。○諭內閣前據御史王世紱奏請清釐長蘆商欠及運庫銀糧當諭福珠隆阿通

盤籌畫澈底清查據實具奏。茲據奏稱各商積欠歷經奏准展限災緩引課官租加價罰賠等款共銀九百九十九萬九千六百餘兩現在均未到限並非無著著福珠隆阿嚴飭運司認真查辦將到限者依限上緊催繳隨引者按引徵解毋致該商欠款任意宕延至運庫現存銀兩覈之節年徵欠及商欠清冊俱屬相符其因商捐造船經費平飯各款動用銀兩均係實欠在商並無虧短所有前墊未完銀兩著照奏定隨引成案勒限完繳毋任遲延嗣後庫墊銀兩著照該鹽政所議定以限制除水利急需並應解應支款項本款無存准其動墊外餘俱俟徵齊本款解支不得輒行墊發以重帑項。○諭軍機大臣等永芹等奏聞報逆裔前來滋事密派將弁防捕一摺逆裔張格爾由霍罕糾約布魯特多人欲來喀什噶爾滋事該大臣等陸續派員偵探明確隨派官兵同阿奇木邁瑪薩依特派

出之伯克護衛回兵出卡堵截永芹在城調度一切事宜。巴彥巴圖復帶領官兵前往英吉沙爾。與領隊大臣色普徵額定議防守。即馳赴烏魯克等卡倫設法擒拏該大臣等布置悉為妥協。張格爾對野性成。膽敢仗和卓名色。搖惑回眾。殊屬可惡。著永芹等督飭將弁。於各卡倫嚴密防範。將該逆犯張格爾及伊弟巴布頂迅速擒捕務獲。永絕根株。方為萬全。若該逆犯等行蹤靡定。亦不可遽帶兵

役出卡窮追。總在該大臣等相機妥辦。實力防守。勿涉張皇。以靖邊圉。將此由四百里諭令知之。○管奉宸苑事工部尚書禧恩等奏酌改南苑現行章程四條。一。坍塌圍牆改用土坯成砌。一。圍牆內外一律挑挖積沙栽種柳株。栽樹處如礙民地。勘丈給價入官。一。每年羊草除備用外。餘令附近居民交價入苑芟割。留根植三四寸。以資長養。所得價銀。備每年九門馬甲。並聽差人馬乾及餵養鹿隻

之用。有餘分賞本苑達他人等。乾溝西至斜橋沙河橋及大紅門迤東等處莊頭耕種地畝。與圍場御道毗連。將雙橋門內迤南草地一段對換。以備行圍。從之。○修朝陽門內運糧石路。從倉場侍郎博啓圖等請也。○添備直隸永定河工稽料二百五十萬束。從協辦大學士總督蔣攸銑請也。○緩徵直隸隆平。寧晉寶坻。鹽山青靜海。鉅鹿文安。大城。九縣被水被旱村莊新舊糧租倉穀。○乙卯大

學士托津等奏審訊侯際清贖罪案內解任道員張曾霽係主稿司員。於蘇仁壽私往請託。既經拒絕。乃以可否准贖含混雙請。已革知府重喜承審原案。取有犯親年歲親供。乃於查辦贖罪時。茫不記憶。已革千總銜梁綱在京開帳局多年。與官吏交結。委非安分。得旨福建汀漳龍道張曾霽著革職。重喜業經革職。著無庸議。梁綱著遞回山西原籍交地方官嚴加管束。○賞服闋長蘆鹽政福珠隆

阿三品卿銜○丙辰

孝慈高皇后忌辰遣官祭

福陵○展緩廣東省河疲商奏銷上年課餉○

丁巳

上詣

大高殿行禮○還宮○諭內閣前據阿爾邦阿

奏長蘆商力日疲請照嘉慶十四年成案鹽

斤加價二文津貼商人清完積欠經部議交

蔣攸銛程祖洛會查情形具奏嗣據蔣攸銛

等奏請酌加一文復經部議俟本年秋成後

再行察看具奏彼時朕即以鹽斤加價究非

朝廷善政所以屢交部議不肯輒允所奏旋

據御史蔡學川奏請停止長蘆鹽斤加價縷

陳四條所奏甚是茲據蔣攸銛等奏秋成後

察看引地情形仍請酌增鹽價自因秋成豐

稔糧價平減商力疲乏積欠滋多為調劑蘆

商起見朕思直隸節年被災今歲雖獲豐收

而民困未蘇豈可再議加徵且據蔡學川所

奏溯查嘉慶十四年以南河要工加價今長

蘆捐辦衛河袁村等處工需非南河大工可

比若加價取價是使民代商捐亦屬不成事

體蘆商積欠至九百九十餘萬之多屢次加

價以抵完積欠為詞及奏銷之期正課頻年

請緩於帑項仍屬無益况加價之後官鹽愈

貴私鹽充斥必致官引愈滯商人愈困是恤

商而轉以累商也所有蔣攸銛等會議酌增

鹽價之處著毋庸議○裁貴州冊亨州同屬

江邊亭土外委下分亭土把總缺從署巡撫

吳榮光請也○予福建巡洋遭風傷斃外委

葉青山祭葬卹陰兵丁李洪陞等三十三名

賞卹如例○旌表守正捐軀江蘇贛榆縣民

孫三妻榮氏○

上以孟冬時享

太廟自是日始齋戒三日○戊午

孝敬憲皇后忌辰遣官祭

泰陵○諭軍機大臣等魏元煜奏立冬後黃水

尚未消落幫船久阻河北一摺河口黃水高於清水。現在節交冬令。黃水尚未消落。本年回空船數。雖比往年較少。而守候日久。不能挽運入口。關繫甚重。茲據魏元煜奏稱。河督張文浩已查照從前辦法。酌將桃源縣境內之祥符閘。挑挖引河。作減黃蓄清之計。但此時黃水太高。減之仍恐無益。須俟消落。再為相機辦理。著孫玉庭等會同詳勘該處情形。上緊妥籌。務將清水設法擎托。足以敵黃。俾

幫船及早過行。各歸水次。無誤冬兌。冬開之期。是為至要。將此諭令知之。○戶部議准。署浙江巡撫黃鳴傑疏報。開墾江山縣積荒田塘地一頃七畝有奇。遂昌縣積荒水衝田九頃六十八畝有奇。照例升科。從之。○以江南糧價較昂。緩買江安蘇松各幫丁行月等米。○已未諭內閣。中書長貴榮匯恭繕

皇考仁宗睿皇帝

聖德神功碑文清字端楷敬慎長貴榮匯著加

恩每人賞給大緞二匹。筆二匣。墨二匣。硯一塊。仍各賞給紀錄二次。○以江蘇上年被災較重。准蘇松等屬原緩白糧正耗米石分年搭運。○給陝西沔。峽陽。寧羌。西鄉。四州縣被災民兩月口糧。貸安定。雒南。鎮安三縣被水被雹村莊常平倉穀。並緩徵沔。雒南二縣未完本年錢糧倉麥。

大清宣宗敕天符運立中體正至文聖武智勇仁慈儉勤孝敏成皇帝實錄卷之七十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十四

監修樂藏宮殿夏月講苑居法官太子太保體仁閣大學士又瀾蘭領閣事管理戶部事務工書房總辦傅翰林院掌院學士兼管順

天府尹事務隨帶加五級紀錄十八次臣竊想該官經議官吏部尚書奏請漢正都統管理新舊營城內官房大臣稽察內

七倉大臣格奉會同四譯館事務加一級隨帶加六級軍功加三級紀錄五次臣花沙納總巡撫官文淵閣提舉閑事兵部尚書體仁

內務府大臣鑲白旗滿洲都統穆麟七倉大臣管理宗人府銀庫左翼幼官等 監軍宗國明閣等處稽察御史張房卿崇慶太

醫院送解處事務廳奉和十八夜臣阿靈阿副都統官提巡撫官兵部尚書薩寧和六夜紀錄二十次庄周植培等奉

較修

道光四年甲申冬十月庚申朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

秦陵

秦東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○頌道光五年時憲書○

諭內閣。據睿親王端恩等奏。奉命恭送。

仁宗睿皇帝實錄

聖訓前赴盛京尊藏禮成欽惟

皇考仁宗睿皇帝建極綏猷

文謨武烈

實錄

聖訓魏煥彪炳億載為昭茲恭奉

寶帙尊度陪者兼旬周道氣候暄和及尊藏成

禮風恬日麗景象光昌更欣年穀順成普慶

登豐鉅州

在天神佑。懋典垂型。朕披覽奏章。實深敬慰。所有派往護送之王大臣官員等。祇肅隨行。恪

恭排次。允宜特加恩敘。嘉與慶成。睿親王瑞恩侍郎辛從益舒明阿。及乾清門侍衛大門侍衛暨派出隨往之提調纂修收掌執事各官。均著交部議敘。其由京恭送至山海關之護軍統領福勒洪阿直隸道府副將等。自關外迎護之副都統倫善侍郎兼府尹齊布森。在途隨護之副都統松福。長慶富永並關內外承辦棚座橋道各官員。著查明一併交部。分別量予議敘。派出沿途護送滿漢官員兵丁。並著查明。食俸官員各部議敘。食餉兵丁。每人賞給半月錢糧。以示朕錫類推恩有加。無已至意。○除直隸承德府被水衝刷旗地。三項三十畝。有奇糧租。並減衝淤旗地糧租。○除陝西咸寧長安武功藍屋韓城五縣被衝民屯更地。黃河灘地。七十九頃四十二畝。有奇額賦。○辛酉。

上幸圓明園。○詣綺春園問

皇太后安。○壬戌。伊犁將軍慶祥奏准喀什噶

爾參贊大臣咨稱。逆回張格爾與其弟巴布頂。由霍罕逃出。糾約多人。欲由圖木舒克烏魯克卡倫來搶喀什噶爾。永芹已派官兵出卡截堵。但恐該逆奮聲東擊西。其沿邊如圖舒克塔什等諸卡倫。皆嚴飭鎮靜防守。如果尚需兵力。再由鄰近各城調派策應。報聞。○蠲緩兩淮中正場被水竈戶本年錢糧。並緩板浦臨興二場應徵新舊折價口糧。○癸亥。諭內閣禮部查奏揚州府學生員張錫振呈

控姚樹猷補伊故父歲貢遺缺一案。著交江蘇巡撫張師誠提齊人證卷宗。徹底清查。秉公覈辦。原告張錫振交兵部解往備質。向例考貢。定有限期。不准逾限。該省造送歲貢冊籍。遲延遺漏。致滋弊竇。嗣後各省學政。統於每歲考貢後。在封印以前。造冊送部。如逾限一月。不行出咨。著禮部將該學政指參。交部嚴加議處。○又諭那彥成奏酌增青海酬賞銀兩一摺。西寧辦事大臣衙門額設酬賞銀



一千兩。現據該督查明每年辦理蒙古番子事務及巡查兵役並緝拏賊匪均須厚賞鼓勵需費數倍於昔額設之項實屬不敷該管大臣因措辦維艱支用養廉殊非經久之道自應量為增益俾資辦公著照所請於司庫存貯各屬舊草變價款內提出銀二萬兩發交西寧府就近發商生息按年一分可得息銀二千兩以一千兩解繳司庫統限二十年歸還原款以一千兩解交西寧道庫供支青

海酬賞之需仍由青海衙門歸於酬賞案內造冊咨部覈銷該部知道○管三庫事大臣奏查銀庫存銀二百四十餘萬兩應撥盛京俸餉一百三十萬僅存百餘萬兩明春放項亦應豫籌請先撥給三十萬兩就近在盛京庫貯內動用一百萬兩俟充裕時歸款從之○甲子諭內閣福珠隆阿奏山東票引奏銷應參職名請免開送一摺山東鹽務廢弛前據琦善奏明無商行運情形當經降旨令福

珠隆阿迅速會商辦理茲據該鹽政奏稱樂安等十三州縣於八月內始招有新商距奏銷之期僅止一月各商趕運期迫不能依限解繳並非督銷不力自屬實在情形著照所請准將樂安等十三州縣道光三年分督催鹽引免其覈計分數其應議職名俱著加恩免其開報該鹽政仍嚴飭上緊催銷全完毋致貽誤運課○以杭州織造六庫郎中福德為武備院卿武備院卿克蒙額為杭州織造

○戶部議准署浙江巡撫黃鳴傑疏報富陽象山寧海樂清瑞安五縣開墾沙塗田地五十八頃二十二畝有奇照例升科從之○乙丑

上詣

安佑宮行禮○諭內閣蔣攸銛奏購買稽料加增運腳銀兩請照舊辦理一摺永定河上游八汛歲修搶修各工據該督查明近隄一帶村莊產料無多仍須遠處購運需用腳價倍

增。自係實在情形。著准其循照舊案。每束加增運腳銀二釐五毫。共銀八千五百兩。以備購運。仍俟來年體察情形。酌量裁減。毋使工員藉口浮冒。該部知道。○又諭將攸銛。秦祠字工竣。請將續估銀兩動項撥給。一摺。京師大興縣左翼節孝祠。前經降旨准修。原估銀五千八百六十餘兩。先經奏准於地糧項下動撥。嗣因未修之前。復有坍塌。其續估工程適值戶部奏准不許動用地糧銀兩。該省又

無別款可籌。現在飭屬墊辦。一律完竣。該督奏請動項撥給。以免賠累。著照所請。准於司庫地糧銀內。將未領續估工銀一千九百二十七兩零。照數撥給。歸還墊款。與原估銀兩統案報銷。嗣後別項工程。概不得援以為例。該部知道。○諭軍機大臣等。永芹等奏守卡官兵輕敵。致有傷亡。並將弁即時擊賊。紛竄卡外。分路追剿情形一摺。張格爾自阿賴地方。膽敢糾合二百餘人。到烏魯克卡倫。焚搶

滋擾。官兵傷亡三十餘人。之多。經遊擊劉發恒。排隊放槍。連斃數賊。紛竄卡外。現經巴彥巴圖。派人追探賊蹤。將卡倫趕緊整頓。帶兵出卡。色普徵額亦帶兵追賊出卡。張格爾一見官兵。即行遁逃。諒不出喀拉他什山左近。永芹等前派由伊爾古楚卡倫。出去截堵之官兵。當已到齊。趁此雪未封山。即著巴彥巴圖等。上緊追擒。兩路合圍。自可得手。如能擎獲張格爾。及伊弟巴布頂。明正典刑。永絕根

株。實為妥善。儻該逆等。杳無蹤跡。亦不必帶兵深入。總在該大臣等相機妥辦。以靖邊圉。朕亦不為遙制。此次守卡官兵。禦賊被戕。殊堪憫惻。永芹等所奏侍衛一員。是否即係花山布。外委賈貴。格圖被傷。現在是否存亡。查明具奏。其陣亡滿洲兵十三名。漢兵八名。通事同子七名。著該大臣等。咨部。照陣亡例。賜卹。至接運口糧。安汛傳報等事。著酌量道路。派官兵協同同子。於緊要處所。安置。務令聲

氣聯絡所奏自伊爾古楚卡倫迤南至烏魯克卡倫每卡添兵四十五名俱著照所請行其阿奇木伯克郡王邁瑪薩依特傳派部落並伯克等帶領布魯特回兵在伊爾古楚卡外協力堵截豫備接濟烏拉馬匹勇往急公深知大義可嘉之至著永芹等查明該郡王出力之處俟事定後據實奏聞再降諭旨至色普徵額現經出卡追賊英吉沙爾地方緊要即著章京全福協同遊擊周悅勝小心防守並辦理接運口糧其餘各卡倫務飭官弁加意防範毋得稍懈致有疏虞將此由四百里諭令知之○諭總管內務府大臣嗣後內廷主位乘用重頂禮車總以二輛為率不必按位分添造如遇內廷主位乘用時按照位分換安車圓至圓頂車仍按位分照例打造○喀什噶爾參贊大臣永芹等奏喀什噶爾有備貯銀錢糧石此次派出官兵及回兵布魯特等應給口糧並酌賞出力之布魯特等

銀緞查照成案動用俟事竣奏銷得旨如所請行○旌表守正捐軀江蘇邳州民姬其和女郭丫○修河南兩岸十三廳山東曹河糧河二廳及曹考廳曹上汛隄堰從河道總督嚴烺請也○丁卯上奉皇太后幸同樂園進膳賜皇子及內廷王大臣食○以吏部左侍郎裕恩署戶部右侍郎兼管錢法堂事務宗人府右宗正定親王奕紹署管理欽天監事內大臣和世泰署正藍旗蒙古都統○戊辰上御同樂園賜皇子及內廷王大臣食○諭內閣順天學政毛式郅恭遞皇太后萬壽聖節賀摺向來各省學政恭遇聖節例不呈遞賀摺該學政上年即未呈遞此次率行遞摺殊屬冒昧毛式郅著交部議處○以塔爾巴哈台屯田豐收予員弁議敘賞兵丁一月鹽菜銀○己巳

皇太后聖壽節遣官祭

太廟後殿

奉先殿○

上詣

安佑宮行禮詣綺春園率皇子及王公大臣官

員等行慶賀禮奉

皇太后幸同樂園進膳賜皇子及內廷王大臣

食○庚午

上奉

皇太后還宮○詣

大高殿

壽皇殿行禮○以叅革廣西太平府屬上龍司

土巡檢趙純昌子昕襲職○減江蘇阜寧縣

衝廢田地應徵銀糧○辛未

上詣

皇太后宮問安○諭內閣武隆阿奏查勘

東陵後龍風水火道並巡閱營伍情形一摺

東陵青椿內立有石界半多碎石浮壘誠恐石

上書字日久脫落易滋侵墾之弊所奏甚是

著照所議改用石碣深鑿禁地界石字樣以

期經久該提督即會同繼昌認真妥協辦理

至青椿以及官山內民戶雖經清查具結仍

恐日久有假姓涸跡之事著飭令鄉地牌頭

按月出具並無增戶續墾甘結該提督即咨

會直隸總督一體覈實查辦毋稍疏懈○諭

軍機大臣等前據魏元煜奏立冬後黃水未

消糧船守候情形降旨令孫玉庭等會籌減

黃蓄清俾糧船及早歸次續據孫玉庭張文

浩奏到現在籌啓減黃開座以便開放禦黃

壩趙渡回空漕船迄今又閱旬餘未據續奏

黃水消落情形並幫船曾否渡黃朕心實深

廕念本年黃水來源雖較上年稍旺然當此

水落歸槽之後何至黃水高於清水一尺三

寸之多孫玉庭係兼轄河務大員張文浩身

任河督黃運兩河是其專責豈不知此事所

關甚鉅務各激發天良迅速將清水設法擊

托俾回空軍船足資浮送。僅欲守待黃水自行消落。全無把握。生失機宜。貽誤新漕。咨將誰譴。朕惟該督等是問。且糧船守候水次。計一千七百八十隻。此時即上緊催趲。全數渡竣。已不為早。况風高物燥。火燭甚為可慮。旗丁坐食需時。一切費用。保無支絀。水手人眾。龐雜。管束匪易。切勿令滋生事端。一俟河道通暢。即嚴飭河標弁兵。督同漕弁等將回空糧船趕緊催挽。無分晝夜。過一幫即少阻一幫。早一日即少費一日。該督等接奉此旨。即將現在啓開開壩。黃水是否消落。清水是否暢注。糧船是否行走。無阻各情形。由驛奏聞。以慰廑注。將此由四百里諭令知之。○癸酉。諭內閣。前據博啓圖等奏。倉場辦事需員。當經降旨。准其於記名倉監督人員內。咨取滿漢各二員。酌量委用。遇有倉監督缺出。仍挨次輪補。茲據該侍郎等奏。請將咨取委用之員。作為倉場衙門辦事司員。即照倉監督之

例。定以三年期滿。不必令其再補。監督如遇倉監督缺出。仍由戶部於記名人員內。挨次補用等語。倉場衙門向無司員辦理稿案。現准咨取委員承辦。該侍郎等自當遵照前旨。令其挨次充補監督。如恐該委員等甫經赴倉委用。一經補授監督。又須更換。不足以專責成。委用共有四員。未必同時補缺。何至盡易生手。該侍郎等所奏。定以三年期滿不復令補監督。是將添設委員。與實缺監督。分為兩途。與前旨不符。且易啓規避之漸。著不准行。○又諭。理藩院奏。喇固呼圖克圖之呼畢勒罕。可否跟隨章嘉呼圖克圖當差之處。請旨一摺。章嘉呼圖克圖之姪。喇固呼圖克圖之呼畢勒罕。年已十三歲。諸經均已熟習。即照章嘉呼圖克圖呈請。喇固呼圖克圖著留京跟隨章嘉呼圖克圖當差。○又諭。本年各直省辦理秋審人犯。朕將進呈黃冊。詳加披閱。除浙江湖南二省外。其餘各省。俱有原擬

緩決。經刑部改入情實者。內奉天廣東多至六起。江蘇多至九起。朕核其情節。俱係應改情實之犯。部議甚為允協。各該省大員。自係以失出處分。輕於失入。為避重就輕起見。殊非明刑弼教之義。嗣後各直省督撫。督率臬司。衡情定擬。務期明允。不可博寬厚之名。冀邀輕減。亦不得因有此旨。刻意從苛。總須適重適輕。無枉無縱。各當其罪。以副朕刑期無刑之至意。將此通諭知之。○又諭孫玉庭奏

參疏庸不職之知州。縱匪擾累之吏目。請分別休革一摺。署安徽和州事壽州知州龔式穀。於李麻子等疊次搶詐為害地方。不能先事查拏。及經武舉王妙會協同村眾獲犯送官。轉謂其誇大邀功。已屬意存輕縱。且於家丁私燬繳官鐫字之刀。漫無覺察。此等昏庸不職之劣員。甚屬可惡。和州吏目張曰任。緝捕是其專責。乃率准異籍匪徒。朦充勾頭。又不時加約束。致令頻年盤踞。擾害閭閻。殊屬

徇縱。龔式穀張曰任俱著革職。○大學士曹振鏞七十生辰。賞

御書扁額對聯福壽字文綺珍玩。○除浙江錢塘縣義冢地三十三畝有奇額賦。○甲戌諭內閣阮元等奏欠解銀兩未清情形一摺。前據戶部奏。廣東省未完田房稅羨等款銀二十一萬九千九百餘兩。當經降旨飭催。茲據該督等查明。除業經完解候撥及咨追那用變價等款外。實未完銀一十五萬七千二百

二十六兩零。內各屬欠解稅羨米耗等銀一十三萬三千四十四兩零。係嘉慶年間補費那缺奏定期限。按年扣廉勒追之款。歸補尚需時日。又饒平縣承變入官產業估價銀一萬九千一百二十四兩零。因地處偏僻。召變無人。致未解繳。此外通省未完銀五千餘兩。係零星雜款。徵收不齊。現委員飭催。勒限三月內完解。是該省欠解各項均屬有因。尚非各州縣任意延宕。所有各員追解不力職名

著暫免開報。仍著該督等分別按限歸補。召變勒追。以清帑項。該部知道。○又諭瑚松額等奏廢員具呈申訴。請從重懲辦。並自請察議一摺。廢員李景鄴前經降旨再留三年。輒以該都統等具奏廢員期滿。辦理兩歧。遞呈申訴。實屬刁惡。李景鄴著仍遵前旨。再留三年。瑚松額等聲啟該廢員犯事案由。究未盡一。致啓該廢員之疑。殊屬錯誤。瑚松額海昇俱著交部察議。○乙亥諭內閣。戴三錫奏已

革典史。稟計升任知縣。審訊定擬一摺。四川已革灌縣典史鄭守稟計升任灌縣知縣。李桂林派買夫馬軍需倉穀等款。前經降旨將李桂林解任。交該署督提同人證秉公審訊。茲據戴三錫奏稱。鄭守於未經看守之前。即行逃匿。當將現到人證逐一訊明。該縣並無浮派逼勒。侵肥情弊。該革員雖未到案。而眾證確鑿。即同獄成。無煩再行質對。此案已革典史鄭守藉檢舉為名。意存挾制。及奏請審

訊之後。又復先時潛逃。實屬險詐。雖所稟間或有因。均未盡實。著即照該署督所擬杖一百。徒三年。該革員係順天府大興縣人。原籍浙江。著順天府直隸總督浙江巡撫並鄰近各省一體嚴拏。務獲。即由拏獲之處遞籍定地發配。折責充徒。李桂林於里民自捐夫馬軍需錢文。並未經手沾染。其買補平糶倉穀亦無勒派及短發價值情事。但不自行採買。遽准士民所請。按糧攤買。雖係糧民情願。究

屬不合。前任灌縣知縣今升資州直隸州知州李桂林著交部議處。○諭軍機大臣等。孫玉庭等奏遵旨會籌濟送回空幫船一摺。幫船久阻河北。昨因旬餘未據續奏。降旨令孫玉庭等將啓開開壩及清黃雨水各情形。由驛奏聞。本日據孫玉庭等奏稱。黃河水勢自九月下旬。截至十月初七日。共落水六寸。現在清黃雨水較量相等。如再消數寸。即可啓放。禦黃壩挽渡幫船。設水勢仍未消減。即擬

啓放王營減壩使黃水大減清水暢出將各幫船趕緊趨渡等語幫船守候水次至一千七百八十隻之多旗丁水手人眾龐雜該督等乃以船數尚少為辭現在已屆大雪尚無一幫渡黃若再令阻滯過久河水凍結必致糧艘不能歸次貽誤新漕所關甚鉅孫玉庭等自問當得何罪務即會同設法籌辦迅速催令回空軍船全數渡黃並豫籌明春重運暢行無阻勿致臨時周章是為至要將此諭

令知之○又諭本日孫玉庭等會奏濟送回空幫船情形已另有旨諭該督等相機辦理矣本年黃水來源雖旺然節交冬令至今已屆月餘何以竟未消落張文浩身任河督於修防諸務理應先事豫籌妥為勘辦乃漫不經心任令清水微弱勢不敵黃以致漕船阻滯多幫不能挽渡從前黎世序綜理南河歷年以來汎水安瀾往來利涉並未有重空船隻阻水停待之事張文浩甫經接任於一切

河務如果循照舊章何至遽有貽誤朕聞禦黃壩堵遏該河督妄意更改不合機宜辦理錯謬致有此誤豈不大負委任孫玉庭接奉此旨著確加查訪將該河督本年籌辦情形及如何堵遏貽誤之處據實具奏毋得稍有掩飾自干重咎將此諭令知之○大學士托津等奏俄羅斯學官生誦習俄羅斯文字乾隆二十九年以前有在京學習滿文之俄羅斯協同教授迨後僅用本學人員迄今日久

俄羅斯來文頗有支離承繙事件無從考查請仍於駐京學習滿文俄羅斯內挑取一名協同教授以資校正從之○禮部奏順天府經歷辛鵬雲由廕生選授可否照小京官例一體鄉試得旨著准其鄉試○展緩湖北京山鍾祥潛江天門沔陽漢川漢陽荊門江陵黃岡監利江夏孝感應城雲夢十五州縣及屯坐各衛被水被旱新舊額賦有差○丙子



皇太后宮問安○諭內閣。高孚奏鼓鑄缺額請減搭兵餉。並加買滇銅一摺。湖南省寶南錢局。前因缺額過多。奏准減鑄五座。免其補鑄缺卯。並減買滇銅四萬斤。自更定章程以後。委員赴滇採買。既未能剋期運回。本省桂陽州廠銅斤。又因年久砂竭。近復缺鑄六十八卯。恐致支放不敷。經該撫體察情形。議請調劑。該省局錢。除搭放兵餉之外。別無支用。各營領餉。每年例應搭放七成錢三萬一千餘串。現在局錢無多。而市錢價賤。兵餉每錢一千作銀一兩。按照市價。得錢較少。兵情亦不願多搭。著照所請。自道光五年春季起。各營餉錢減為二成。搭放所減五成錢文。即作為六七等年兵餉之用。尚餘錢一萬一千餘串。留為貯備之需。俾兵丁可獲餘資。局錢亦無虞短絀。如將來錢價增長。該撫仍隨時妥籌奏明辦理。至該省前因接署乏人。未經按年委員赴滇採買。嗣後著逐年接續委辦。俾得

源源接濟。本年運回嘉慶二十五年分滇銅。即先行補鑄缺卯。後運之銅。以次接續鼓鑄。按年遞行報銷。惟移後補前。未能年清年額。仍著該撫設法籌辦。其買運滇銅。現既需銅補卯。著自此次委員陳宸書辦運銅斤起。每運加買銅四萬斤。仍符舊額二十萬斤之數。以供鼓鑄。俟補足缺額。再行奏明停止。仍將該省桂陽州廠應辦之銅。責成廠員設法調劑。儘收解局。並廣覓子壠。實力採買。不得再有短少。所有嘉慶二十五年以後。該廠員歷年短解局銅。著該撫嚴飭追解。如有藉詞延宕。即行嚴參。務期銅數充盈。毋致卯額再有短缺。該部知道。○諭軍機大臣等。永芹等奏。官兵勦賊。連獲助逆賊目多名。審明懲辦。並酌量撤兵一摺。張格爾糾合賊匪。到烏魯克卡倫焚搶。旋竄卡外。經巴彥巴圖魯普徵額帶兵追勦。斬獲搶卡布魯特賊匪二十餘名。並拏獲賊目伊斯拉木。經永芹督率郡王邁

瑪薩依特訊出張格爾燒卡與官兵對敵不住率同四五十人盡命奔逃現探明張格爾僅帶二十六人困乏已極奔投喀拉提錦部落苟延殘喘其近卡喀拉提特部落助逆頭人那爾巴他並其弟西爾就獲挖出官鳥槍五桿及侍衛花山布所戴花翎又擒獲為張格爾執旗之頭人阿玉巴什供出巴哈提拜尖胡里圖爾底等經永芹等訊明後將六犯斬梟其雅曼提依特部落頭人西爾噶孜

即係孜牙墩作亂助逆之犯業已傷死並斃賊匪四十餘名甚為妥善至伊斯拉木一犯係奈曼部落布魯特比五品頂翎愛薩胞弟其惡憑張格爾滋事罪不容誅惟竟予正法其兄愛薩必生疑懼著暫交邁瑪薩依特小心看守並諭伊兄愛薩以後如果出力擒逆裔即可免伊弟一死如此剴切曉諭或畏罪不敢助逆張格爾無所糾約必將自斃如敢仍前覬覦即著該大臣等隨機擒拏務

淨逆孽其隨聲附和之賊自不必重勞兵力曠日持久著派可靠之布魯特比拜尼雅爾查拏解該大臣懲辦巴彥巴圖等著即撤兵於可防各卡倫增兵嚴守巡緝加意防範毋稍疏虞所有前此陣亡之侍衛花山布等並此次擒賊接仗陣亡漢兵一名受傷索倫兵一名漢兵一名著該大臣一併咨部照例分別賞卹其隨同出力之布魯特比等各帶所屬布魯特於差探不辭勞瘁著准其援照成

案每小布魯特一名賞銀二兩每回子兵一名除自備口糧馬匹外酌賞鹽菜銀九錢其滿漢官兵隨營所給口糧准其報銷在事出力之布魯特比同子伯克等著永芹會同巴彥巴圖色普徵額詳覈具奏再降諭旨又另片奏派出伊爾古楚卡倫外迎堵逆裔歸路官兵未能截拏應行究問所奏甚是著俟撤兵回城該大臣查問明確據實具奏將此諭知永芹巴彥巴圖並諭色普徵額知之○以

土謝圖汗賽因諾顏兩部落學生駝羣溢額該管王公及官兵等議敘賞賚有差○修直隸承德府倉廩從協辦大學士總督蔣攸銑請也○緩徵黑龍江齊齊哈爾墨爾根打牲等處旗人上年續借口糧銀○展緩湖南澧州被水各境新舊下忙錢糧並本年借給籽種銀○丁丑諭內閣富俊等奏查勘雙城堡三屯種地納糧情形一摺吉林雙城堡地方屯田前經奏准分為中左右三屯挑選閒散旗丁三千名每丁給地三十晌五年後徵糧二十倉石中屯於道光二年起徵左右二屯於道光五年起徵嗣以中屯丁力竭廢復令將實屆六年按照現種晌數納糧茲據該將軍等查勘三屯墾種之地明年均屆交糧之期惟中屯屯丁十名自道光二年起徵至今未納糧五千石明年左右二屯二千丁起徵即須納糧四萬石未免偏枯自應量為調劑著照所請自明年起除已交京旗地畝之丁

不納糧外將三屯屯丁無論現種地畝多寡五六兩年每年每丁納倉石糧十石至道光七年仍照原議章程每丁各納倉石糧二十石以符定議該部知道○又諭前據御史周貽徽奏粵西商人開設鹽埠藉引行私及鹽斤應行減價各款降旨交阮元會同康紹鏞確查妥議茲據阮元等奏查明粵西商人實無夾帶私鹽及賄囑消弭情弊至粵省鹽價節經該省督撫先後奏咨覈定成本辦理除海洋加價久經奏停毋庸再議外所有粵鹽成本係省河潮橋一百八十八埠行銷六省之事年來物力昂貴場鹽出產並未豐旺各商照現定成本發賣尚虞轉運不繼自係實在情形著照阮元等所議仍照向定數目免其議減如該商等於定數之外私自加增該督等一有見聞即著嚴行懲辦毋稍寬縱其柳浦子埠設立已久著免其遷移飭令將堆鹽倉房等酌為裁去數間上廠地方離淮

界較近原歇子店永遠不准再開以杜克賺  
淮引仍由該督等咨明湖南於東安零陵界  
首派委員弁稽查並責成該管鹽道隨時嚴  
察如有奸民轉販出境即行拏究臨桂至柳  
浦一路向來改包運行嗣後著不准其改包  
影射○又諭明山等奏查明鉛廠鑪欠實在  
情形分別有著無著勒限追賠一摺黔省威  
廠額辦鉛斤因近年產廢不旺鑪戶繳鉛濡  
滯又值上年夏間大雨礮硿被淹不能燒辦

遮相積壓共有鑪欠鉛一百八十九萬九千  
五百一十斤覈計銀三萬三千六百七十六  
兩零據該督等查明均係實欠在戶並非廠  
員有意濫放亦無侵那掩飾情弊現在分別  
有著無著勒限追賠該廠員貴西道何金因  
上次大計卓異應行赴部引見所有無著鑪  
欠銀一萬三千九百四十六兩零著准其俟  
何金引見回任分作三年賠繳隨時買鉛運  
供遇有升調及離任亦令按年繳清其有著

鑪欠銀一萬九千七百三十兩零著無論正  
署各員勒限二年將應辦鉛數繳足如追不  
足數並令經放之員賠補以重帑項該部知  
道○山西巡撫福綿奏遵旨查辦丁歸地糧  
攤徵情形陽曲嵐陽高應靈邱絳稷山絳八  
州縣民願將丁銀攤入地糧興縣一半攤入  
一半仍隨丁納苛嵐寧武偏關神池五寨右  
玉平魯壽陽永和遼州縣均不願攤又乾  
隆年間攤併未盡者祁和順黎城長治長子

潞城寧鄉翼城繁峙廣靈永寧沁沁源武鄉  
大寧隰十六州縣今請全攤屯留壺關夏河  
曲保德榆社六州縣仍舊代州民丁全攤衛  
丁攤三成吉州向分七里提出丁多地少之  
同樂等二里丁銀五百五十兩在七里地糧  
內均攤得旨依議妥辦○旌表守正捐軀直  
隸邢臺縣民袁功妻司氏○蠲緩江蘇安東  
沛江浦山陽阜寧清河桃源鹽城高郵泰甘  
泉興化寶應銅山豐蕭碭山邵宿遷睢寧海

沭陽二十二州縣及大河淮安徐州三衛被水被旱新舊額賦有差○戊寅諭內閣曾燠奏請展限奏銷一摺兩淮舊積過重驟難疏通現距來年二月奏銷祇有四月其已請未運之引勢難全竣該鹽政奏請展限以免再滋壅積著照所請准其將兩淮甲申綱奏銷展限六箇月至道光五年八月奏銷該鹽政即嚴督該商等趕請趕運覈實辦理務令舊積漸清俾此後得年歸年額仍循例自乙酉綱起按綱提早一月至庚寅綱二月復歸奏銷原限毋得再有遲逾該部知道○旌表守正捐軀山東壽光縣民魏泳妻胡氏○己卯旌表守正捐軀河南商邱縣民袁六妻王氏廣東順德縣民葉槐庭妹欲潔○庚辰除青海玉舒番上下隆壩族被雪壓斃番人七十人馬貢銀○辛巳

上御懋勤殿勾到朝審情實人犯停決斬犯二人絞犯二人餘十一人予勾○鑄給陝西佛

坪廳撫民同知巡檢鎮坪縣丞袁家莊巡檢各關防印信條記從巡撫盧坤請也○旌表通嫁捐軀安徽靈璧縣民程玉平妻王氏○展緩山東魚臺濟寧汶上三州縣及濟寧衛嘉慶二十二年修築湖河隄埝攤徵銀有差○展緩山東鹽商道光三年引票課銀並舊欠帑利等銀有差○壬午諭內閣萬孚奏查明局銅折耗錢款久懸請分別追賠歸補一摺湖南寶南錢局近因鼓鑄缺額業經降旨准其減搭兵餉並加買滇銅以資補鑄茲復據該撫奏稱從前委員已故知縣陶發源赴滇買運嘉慶十一二年銅斤銅色低潮至折耗十萬三千八百四十餘斤適該員另案叅革回籍無可賠補經前任藩司朱紹曾鹽道圖勒斌轉據管局之長沙縣知縣趙文存以折耗銅數按錢計算應鑄錢一萬三千八百四十五串有零詳准以錢一串折銀一兩定限兩年由各屬捐廉歸齊補鑄嗣因捐項解

交未清。尚未發給補額。歷年報銷亦未據實開造。現在查明鼓鑄錢文。例應銅鉛配搭。前項折耗銅斤。將鉛斤加入併計。除去工料錢文。實應鑄正餉並牌串錢二萬一千二百五十六串有零。前此酌籌歸補時。僅以銅斤扣算。以致計數短少。殊屬錯誤。自應另籌追補。著照所請。准將每年應給鑄匠工料錢五千八百六十四串零。按照市價。每錢一千。折給庫平銀九錢。按年扣回錢文。以歸應鑄正餉。

及牌串錢實數。計共需銀一萬九千一百三十兩零。除前議公捐銀一萬三千八百四十餘兩。並前項應配未用存局鉛九萬五千八百餘斤。按照例定價腳。值銀四千一百四十兩零。俟將來赴滇買鉛。即將此項抵作應買之數。提出價銀。同公捐之項。合計銀一萬七千九百八十餘兩。尚短銀一千一百三十餘兩。即著按數分作五成。在於原議錯誤之局員名下。分賠三成。率行轉詳之藩司鹽道。

名下。分賠二成。均勒限半年完繳歸款。毋任稍延。至前議公捐銀款內。已解存司庫銀九千一百六十餘兩。即按每年鑄匠應支公料陸續發交局員辦理。其未完銀四千六百七十餘兩。業據列入積欠攤捐案內。奏明立限追補。一俟追收齊全。即行按年給發。嗣後錢局報銷。仍飭局員務令據實開造。不得仍前含混。該部知道。○又諭蘊端多爾濟係屬舊臣。昨朕特沛恩施。授伊為土謝圖汗部落盟

長。茲據蘊端多爾濟奏稱。伊年近六旬。且患痔瘡。辦理庫倫辦事大臣兼理盟長事務。恐致貽誤。懇恩免其管理盟長事務。伊與松長相商。由本部落內遴選諳練人員。列名另請補放等語。尚屬實情。著加恩照蘊端多爾濟所請。伊既情願與松長遴選賢能人員辦理盟長事務。著即交蘊端多爾濟等揀選二員。報部具題補放。如所放之人。此後不能辦理。及有舞弊情事。朕惟蘊端多爾濟等是問。慎

之○又諭蘊端多爾濟等奏哲布尊丹巴呼圖克圖之呼畢勒罕。懇請明年瞻覲一摺。哲布尊丹巴呼圖克圖至誠懇請殊屬可嘉。朕甚欣悅。惟念哲布尊丹巴呼圖克圖之呼畢勒罕尚在年幼。正當學習經藝之時。明年暫且不必前往熱河。俟伊應來之時。再行降旨。令其前來瞻覲。賞去黃哈達一方。蘊端多爾濟等接奉時。轉賞哲布尊丹巴呼圖克圖之呼畢勒罕。即將朕旨明白曉諭遵行。○諭軍

機大臣等嵩孚等奏訪獲私雕假印各犯。已明降諭旨。交該撫嚴訊矣。此案營書王枕樺等串同道書謝悃銳。雇倩朱三等私雕各營關防印信。至十三顆之多。冒領糧道庫銀一萬七千餘兩。硝磺二萬一千餘斤。藐法已極。此而不加嚴辦。何以伸國法而儆奸邪。該犯等作奸犯科。已歷十餘年之久。其永州靖州長安綏寧各營關防。既已偽造。斷無未經行用之理。所有冒領銀兩硝磺。及偽造關防均

恐不止此數。其書吏張慎度等於王枕樺等節年假印冒領。何竟毫無見聞。顯有通同分肥情弊。硝磺係營中製備火藥之需。該犯等冒領後。何以各該營均未按年赴司具領。其長安等營空白文領。何又入該犯等之手。且冒領硝磺二萬餘斤。省中爆竹店戶。何至收買如許之多。必有偷漏別情。均應徹底根究。該撫接奉此旨。即親提全案犯證。將指出各情節。嚴密推鞠。務期水落石出。以成信讞。不

可稍有疏縱。至糧道庫大使黃雲翔於該犯王枕樺等偽造印文冒領銀兩。皆該員任內之事。是否漫無覺察。抑竟有知情諱匿情事。亦應徹底究辦。所有從前失察之歷任藩司糧道。俱著俟定案時。附叅將此諭令知之。尋奏審明。王枕樺身充河漢辰州等營差書。輒夥同鎮軍營差書王枕樺糧道書吏謝悃銳。雇令朱三雕刻各營關防。先後向司道庫冒支米折罰俸等銀二萬二百餘兩。硝磺五萬



九千餘斤。覈法已極。王稅遲依律擬斬立決。王稅樺絞立決。謝惻銘業已身死。免議。道書張樂林將冰鑑訊無知情。分肥情事。惟查出假印。畏罪不首。擬杖一百。流三千里。張慎度聽從其父張樂林扶同隱匿。擬杖一百。革役各鋪戶分買硝磺。均係循例呈明。每次不過十斤。並無不合。應毋庸議。庫使黃雲翔於歷年假印冒領。漫無覺察。應照溺職例革職。失察之歷任藩司糧道。請交部議處。冒領庫項

責令分賠。至各營差弁請領款項。俱未親身赴領。輾轉倩託。以致滋生弊端。實屬咎有應得。應與失察假印未能查拏之地方官一併查取職名。咨部分別叢議。下部議從之。○旌表守正捐軀河南蒙陽縣民朱同新妻趙氏。○癸未諭內閣。十一月初三日。冬至大祀。朕已降旨親詣行禮。近因感寒初愈。郊壇典禮重大。若勉強從事。誠恐登降儀節稍愆。轉不足以申誠敬。著瑞親王綿忻敬謹齋

戒。恭代行禮。○又諭。前已降旨於十一月初五日升殿。現在應行謝恩人員無多。著暫停。止。明歲屆期。鴻臚寺再行照例奏請。○甲申諭內閣。嵩溥奏查辦各屬倉穀一摺。江西省各屬額貯常平倉穀。除報部之清查等案未買缺穀外。共應實存穀一百二十萬一百九十八石零。該護撫飭屬查明。南昌等十二府州所屬各廳州縣缺穀自數百石至一萬餘石不等。共計二十四萬石有零。其致缺之由

或出借籽種。民欠未完。或歷任交代盤折微變。作價流交。歷久相沿。官非一任。現在缺數幾及額貯十分之二。若不徹底清查。及早歸補。必致折耗久而愈多。且啓掩飾虧挪之弊。該護撫奏稱。乘本年收成豐稔。嚴勒期限。趕緊採買。所辦是著交新任巡撫成格。即飭各府督率該州縣將歷任缺穀。乘時採買報盤。其由原交價銀。係民欠錢漕作抵者。即同民欠籽種。一律嚴限催徵買補。自本年十月為



始缺穀一萬石以上者勒限三年五千石以上者勒限二年一千石以上至數百石者勒限一年。埽數買補完足。該州縣果能依限買完。其從前徇隱折價之咎。尚可寬免。如再逾限。不能買補足數。即著一併叅辦。自此次查辦之後。儻再有續缺倉穀。即以侵虧例從重治罪。接任之員。徇隱收受者。一體究叅。以稅積習而重倉儲。其現在飭查尚未詳覆之廣信饒州二府。並著嚴催覈實查辦。該部知道。

○諭軍機大臣等。據蔣收鈺奏。前因歸完積欠。議加鹽價。並非因新衛河工需。有此加價之請。前項工程。係蘆商自願捐輸。必豫期解到工銀。方可及時興辦。若蘆商藉端推諉。必致辦理周章等語。直隸交界新衛河工程。前經蘆商呈請捐輸。轉瞬春融。即應興辦。著福珠隆阿轉飭該商。將願捐工需地價銀兩。趕緊如數籌解。俟春融冰泮。迅速集夫開工。勒限大汛以前。一律完竣。將此傳諭知之。○又

諭孫玉庭等。奏趕辦啓放王營減壩情形。一摺。據稱洪湖水勢。現蓄至一丈七尺以外。無可再蓄。啓放祥符五瑞二閘。黃水未能速減。初七日以後。或消或長。十六十七兩日。清水較高。十八日黃水復長七寸。萬分焦灼。惟趕辦王營減壩等語。前因軍船久阻河北。所關甚鉅。屢經降旨。令該督等會同設法籌辦。現已盼望旬餘。本日該督等奏到。朕以為自係軍船。可以趲渡。及閱所奏情形。仍無一幫渡

黃。該督等所司何事。竟毫無把握。遲誤至此。本年漕船歸次。必須冬兌冬開。方可不誤來年新運。朕心實為廕念。此時應如何設法趕辦。朕亦不為遙制。既據該督等請開王營減壩。著即迅速相機妥協辦理。務令剋期啓放。禦黃壩。督趙漕船銜尾前進。不許稍有耽擱。果能悉數渡黃。晝夜兼行。以速補遞。不致貽誤。尚可少贖前愆。萬一坐失機宜。現屆冬至期近。轉瞬河冰凍結。孫玉庭係兼轄之員。張

文浩專管河務。責無旁貸。自問能當此重咎否耶。該督等一俟清水暢注。糧船順行。即著由驛速奏。以慰廛注。將此由四百里諭令知之。○協辦大學士直隸總督蔣攸銛奏。青縣知縣李錫玠。會同營弁。傳令屠戶行刑。誤將絞犯斬決。請解任審辦。得旨。著革職嚴訊。又批。已作屠者。有不愚魯者耶。看來此事。若專在該屠身上吹求。必見其一誤。又誤矣。行刑之際。縣令營員。不知在何所安適也。玩視公

事。以至於此。深辜職守矣。○予告大學士章煦在籍卒。予祭葬。諡文簡。○修山東滕嶧二汛。微山湖石隄。濬上河。捕河運河。加河。四廳塘長各河。淤淺工段。從河道總督嚴烺請也。○乙酉。諭內閣。孫玉庭等奏。啓放禦黃壩口門。漕船現已趲渡。一摺。據稱黃水自十月十九二十等日。消落七寸。清水已高於黃水九寸。經該督等督率工員。將禦黃壩啓拆口門。於清水暢出。回空漕船。挽出中河楊莊口門。於

二十一日渡過大河前泗州後雨幫。後船銜尾。趲渡等語。此次南河黃水盛漲。幫船停待至兩三月之久。朕心深為廛念。屢經降旨。諭令該督等妥為籌辦。設法催挽。各船茲據該督等督率工員。於本月二十日。將禦黃壩啓拆口門。清水暢出。已挽出軍船兩幫。以後均銜尾。趲渡。事機極為順利。看此情形。不過十數日。即可全行渡黃。不致有誤新漕。此皆仰

賴

河神佑護。得以迅速挽運。著發去大藏香十炷。交孫玉庭。張文浩代朕敬謹祀謝。仰答昭貺。其本日魏元煜具奏。籌酌新漕事宜。各條。所有借給旗丁銀四萬六千餘兩。已有旨准其借給。此時幫船雖已挽渡。但旗丁守候日久。著孫玉庭察看情形。如果形支絀。仍行借給。以示體恤。該督等俟幫船全數渡黃。即由驛奏聞。用慰廛注。尋奏。旗丁銀兩。請減半借給。從之。○諭軍機大臣等。魏元煜等奏。豫

籌新漕兌運事宜一摺。本年南河黃水驟長。清水勢不敵黃。以致漕船在河北停阻多幫。昨雖據孫玉庭等奏現已趕辦。王營減壩。惟辦理需時。瞬息冬至。若各幫守凍耽延。必致貽誤新漕。亟應豫為籌議。以期妥善。茲據該漕督酌量情形具奏。所有蘇松浙江兩糧道著即飭令回省。辦理新漕。其停待幫船。責成總押丞倅運弁及地方文武。加意防範。毋致疏虞。至江浙空船。向係歸次後修趁。現因開壩需期。守候已遲。未便再為拘泥。著即將三修銀兩分給各幫。責令購料雇匠。先時修理。以免延誤。又應列首進之鎮常等幫。如減歇在次船隻。業已受兌。著於鎮江開壩空船進口後。飭提來淮盤驗。蘇松太三屬上冬全減幫船。亦令先期開兌。跟接來淮。俱俟渡黃後。停候回空續兌之船。歸併北上。其江廣空船行走。應俟殿後。此次如竟遲至明年正月初旬。及開印間。方趨出瓜洲口。則歸次已在常

年重運出境之後。必須雇剝迎幫受兌。著俟十二月初間。該漕督再行體察情形具奏。俟陽運河歲挑工段。向在十一月初十前後興工。現在幫船進口無期。著緩至十一月二十後察看。照例興挑。再守候日久之幫丁。食用未免支絀。著照成案酌借銀兩接濟。所需銀四萬六千一百六十兩。准其在河庫道動借。按船散放。仍飭各該糧道暫動閒款解還河庫。自明年冬起。在各丁應領新運錢糧內分兩年扣還。以紓丁力。該漕督務當實心經理。俾臻妥協。並嚴飭在運員弁一體奉行。毋許玩視。庶幾未雨綢繆。不致過期貽誤。至雇船迎兌一節。擾累商民。易滋弊竇。種種窒礙之處。非萬不得已。不得妄議及此也。將此諭令知之。○署戶部右侍郎吏部左侍郎裕恩因病賞假。以戶部左侍郎明志暫署右侍郎。兼管錢法堂事務。○戶部議准雲南巡撫韓克均疏報祿勸縣開墾屯田六十八畝。照例升

科從之。○丙戌諭內閣趙慎畛奏臺灣水陸官兵請令該道會同總兵管轄等語。臺灣道例加按察使銜。本有奏事之責。每年大操。著照舊例。會同該鎮秉公閱看。其臺灣營伍亦著責成該道實力查察。毋任武弁通同徇隱。並令臺營官兵勤加訓練。如有官兵懈玩。著會同該鎮嚴行懲究。逐月營伍情形。著該道據實呈報。僮兵丁賭博鬪毆及作奸犯科等事。廳縣移提營弁不即交訊。該道於廳縣具

稟後。即會同該鎮提弁訊究。如係有心徇庇。立即斥革究辦。或僅止任意玩延。即將該弁棍責。飭令交出滋事兵丁。押送廳縣審訊。若怙不悛改。並不嚴加管束。仍縱兵丁滋事。又延不移交廳縣收審者。即非有心庇護。亦著將該弁斥革。押回內地。至犯事兵丁。即屆班滿。不准遽回內營。俟在臺審結後。再行釋回。該道務實力整頓。毋得積習相沿。致弁兵日益藐玩。○又諭趙慎畛奏參防範夷船不嚴

之遊擊。請降補守備一摺。閩洋來有夷船寄稅。必係希圖販售違禁貨物。經該督飭屬巡防內地各洋。業將夷船驅回。惟臺灣寄泊一隻。值該撫孫爾準在臺。飭委署艤舫營遊擊現升臺灣水師中營遊擊張朝發前往驅逐。該夷船藉稱遭風損壞。駛去復回。逗留月餘之久。始行開去。該遊擊張朝發猶以被雨所阻。具稟支吾。實屬玩視。即予以斥革。亦屬咎所應得。姑念其熟諳水務。平日緝捕尚屬勤

奮。著加恩降為守備。留於閩省。俟有相當缺出。酌量補用。以觀後效。仍著該督飭查在洋舟師及守口員弁。如有得規徇縱。並沿海奸民有交通私售禁物情弊。即據實嚴參究辦。○展八旗兵丁應扣借支庫銀限期兩月。○丁亥諭內閣。程含章等奏請擇要估挑河道修築橋壩一摺。直隸辦理水利。節經動撥銀兩。專派工部侍郎程含章會同蔣攸銘妥商籌辦。業已次第興工。茲據該侍郎等奏千里

長隄已築成十分之七。因水深冰凍停候春融接築。其餘應行疏濬各河道。自宜豫為勘定。俾工員先事講求。庶明春興辦。易於集事。據稱塌河。上承六減河。下達七里海。請挑寬冒口河。以洩北運。大清永定。子牙。四河之水入流。再挑西隄引河。添建草壩。洩浚水入七里海。挑邢家坨。洩七里海水入薊運河。達北塘入海。並在冒口北岸。另開一河。及拆造王家務石壩。挑挖八道沽以下減河。均著照所議辦理。南運河減河四道。與山東毗連。交錯著屆時先委大員前往履估。俟明秋知會東省撫臣。同時並辦。其捷地興濟二河。應行挑展寬深。隄身卑薄處所。亦著確估增培。此外東浚。西浚。為全省潯水要區。十二連橋。為南北通途。俱著擇要濬治修築。惟白溝盛漲不減。清河仍無出路。著於明歲秋間。自新城十九堡村。修復盧僧河。以分白溝上游之勢。再開復窯河。十望中亭河。宣洩清濁二水。俾

支流貫輸。不致動遭水患。所有各工。該侍郎等派出委員。著於明年春分後。一律動工。勒限大汛前完竣驗收。並飭令清河。天津通永各道。天津府。分投督率稽查。如有偷減遲誤。即著指名嚴叅。至估計土方。著照通永道成案。分別辦理。毋許工員藉口賠累。○又諭程含章等奏減水引河工費浩繁。請照舊章。聽民自行修守一摺。直隸朱家馬頭決口工程。前經蔣攸銹委員承修。並酌挑下游河身。工甫報竣。因減河水漲。復被衝決。當將該委員等叅奏。責令賠修完竣。茲據程含章詳加履勘。實已堅固高厚。惟是險要隄工。不難於修而難於守。全在水大時防護有人。自可化險為平。該河隄向係民修民守。因連年衝決。民力拮据。經御史王世綬奏請動項官修。不可引為常例。且下游小侯莊一帶。隄皆低平。水一出槽。到處皆可漫決。若官為築隄。則工費愈繁。國家經費有常。焉能處處增加工段。所

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十四

[illegible]

道光四年甲申十一月己丑朔○庚寅諭內

閩那彥成等奏酌派總兵巡哨番地並派兵防河一摺。河北蒙古游牧地方水草茂盛現值冰橋凍結之時野番尤易偷渡雖設有防河千百戶等仍須官兵巡緝據該督等奏除照上年防河章程派撥西寧河州二鎮屬兵丁四百名選派將弁數員分布河干防範外並酌派西寧河州二鎮各帶弁兵百名親赴番地抽查保甲遊巡渡口至冰橋融化後再行撤回辦理甚屬周密著該督等嚴飭該鎮

認真會哨隨時稽查毋任該千百戶等稍有疏懈以杜奸萌而靖偷渡不可有名無實日久視為具文也○辛卯冬至祀

天於

圓丘遣瑞親王綿忻恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○停次日朝賀○諭內閣

孫玉庭等奏疏濬鹽河撥挑工段銀屬商捐懇請照估准銷一摺江蘇海州分司承挑鹽河估需土方工費銀兩前經該督等議請由運庫借項撥修仍由准北商人分網帶捐還款嗣因察看河形與原估深淺互異覆加勘估實需銀四萬九千一百五十二兩零計節省銀七千一百四十八兩零查有歸海尾閘淤淺請於節省項下撥銀三千兩留備挑濬尚有餘銀因東西兩海岸河亟須疏濬即將前項餘銀挑辦所有挑河並築做攔壩共用銀五萬三千三百一兩零造冊題報經該部覈與原奏不符並駁查鹽河工程增減若干丈尺及節省銀兩作為別項工程之用又所築攔壩並未續行奏明行令刪減造冊茲據該督等奏稱此案工程雖與原奏稍有未符而動用錢糧則係節可省之工需挑應疏之河道其築做攔壩以便禦水岸挑亦屬必不可少之工所用工項仍在原奏銀數之內尚

有節者。且係商人借辦之工。仍歸商捐還款。懇請覈准等語。所有此項挑濬工程。既據該督等查明。工歸實用。並無捏飾浮冒情弊。著即照估准銷。嗣後須照定例。將續估增減各工奏明。該部方可覈准。不得援此為例。致滋糜費。該部知道。○予江蘇辦賑出力知州王有慶等升補。加銜優敘有差。○貸江寧八旗兩江督協等標兵丁餉銀。○壬辰諭內閣。戶部奏。滇省請豁銅務軍需案內各官應賠銀

兩前經奏准豁免之外。尚有未免銀七萬九千一百二十九兩零。據該省造冊送部。經部分別准駁。並將各員未完銀兩開單呈覽。此內分賠罰賠。並借支撈費。共銀一萬四千六百七十三兩零。既據戶部查明。均係從前限內造報之款。俱著准其豁免。此外除已豁已繳。並由工部駁查等款。共銀三千二百四十餘兩外。其餘未完銀六萬一千二百餘兩。或係餘銅關稅不在准免之列。或定案報部在

恩詔以後。或報銷案內。本有應找銀兩。可和因將應找之項。豫期給領。以致懸欠未完。仍著該撫照數著追完繳。以重帑項。○癸巳諭內閣。已革門千總雙福。因稽查米石。被門領潘傑等得賄欺壓。輒起意謀殺。洩忿。用腰刀將潘傑成保砍傷。並傷及兵丁王勇明。及潘傑之子松林。雖與圖洩私讎者有間。擬以緩首。固未免情輕法重。然究屬有意擅傷。若因該革弁係屬旗人。照應得軍罪。僅予折枷。亦

未平允。雙福著即發往烏魯木齊當差。以示懲儆。○又諭琦善奏。各州縣墊兌漕米。劃抵作賠名目。請永遠禁止等語。山東省嘉慶二十四年查辦各屬墊解民欠銀兩。在已徵未解銀內。劃抵作賠。以致各州縣交代案內。將墊兌無著漕米。率行援照。劃賠易滋牽混。著照所請。將各州縣墊兌漕米。劃抵作賠名目。永遠禁止。以杜觀望。至嘉慶二年堵築曹汛漫工幫價。在府州縣養廉內。每年提扣三成。



歸款又十八年辦理軍需例外支用各款銀兩在通省道府州縣養廉內每年提扣二成歸款惟是養廉究係州縣應領未經扣解各止遲延與侵那倉庫錢糧者不同一經列入雜款計數定罪於情法未得其平嗣後著將各州縣欠解三成二成養廉銀兩於辦理虧空時列入捐款項下飭追毋庸作為雜款計罪其前任攤扣養廉移交後任虧缺即與虧空庫項無異著仍歸入雜款定罪以杜朦混

該部知道○以服闋總兵官博勒果善為福建福寧鎮總兵官○賞八旗兵丁一月錢糧○濟山東鉅野軍城武定陶曹金鄉魚臺濟寧嘉祥九州縣並臨清濟寧一衛河道從署巡撫琦善請也○甲午遣官祭

先醫之神○諭內閣阮元奏參疏防劫殺商船之武員請分別斥革降補一摺粵洋連年肅清舟師將弁果能認真巡查何致奸匪乘間行劫茲據奏稱文昌縣事主梁照聰等在

洋失事拏獲首夥正法訊係偶同邀結此外並無夥黨惟被殺被淹多命該管將弁漫無防範覺察又未會獲盜犯現尚有餘盜三名未獲若僅照常例開參勒緝實不足以肅水師而示懲儆所有專汛官代防青瀾汛事海口協左營外委吳廷輔協巡官署海口協左營千總事把總李蘭著著一併斥革發該處口岸枷號三箇月示眾其兼轄官都司陳煥著降為守備統轄官署副將事參將李耀揚

著降為都司以為玩視海洋捕務者戒該部知道○乙未戶部議奏嗣後各關徵收稅課仍照舊例統以一年為期無論兩任三任僅有短少按照在任月日勻攤分賠請將道光二年所定各按各任賠補新例更正從之○命葉爾羌辦事大臣特依順保烏嚕木齊領隊大臣玉芳巴里坤領隊大臣多山和聞辦事領隊大臣敦良伊犁領隊大臣樂善來京賞太常寺卿常德副都統銜為葉爾羌辦事

大臣以頭等侍衛富勒渾凝珠為烏魯木齊領隊大臣。正藍旗蒙古副都統霍忠武為巴里坤領隊大臣。賞內閣侍讀學士奕湄頭等侍衛為和闐辦事領隊大臣。二等侍衛恩緒頭等侍衛為伊犁領隊大臣。○命停開本年冰技。仍給半賞。○修直隸天津水師營戰船。從協辦大學士總督蔣攸銑請也。○緩徵安徽宿靈璧鳳陽懷遠泗盱眙鳳臺五河天長壽定遠集無為繁昌和當塗含山潛山桐城

亭寧國旌德太平涇一十四州縣並鳳陽長淮泗州三衛被水被旱新舊額賦有差給宿靈璧一州縣及屯坐各衛災民一月口糧。○丙申諭內閣宗室噶爾薩先經犯罪折圖遇赦釋放不知悔改復以不干己事直入戶部衙門與琦琛喧鬧滋事沿途追趕與本年拉爾森赴指揮衙門喊罵之案情罪相似噶爾薩不必圈禁將伊本身革去黃帶子作為紅帶子以為室室不知自愛者戒至噶爾薩及

拉爾森子孫俱著准其仍為宗室用示朕罰弗及嗣之意。戶部員外郎琦琛既託噶爾薩代為取看伊父典地契紙旋在戶部呈請贖地又不待戶部批准私向原典主找價並不與噶爾薩說明致啟爭端琦琛著交部議處。○以勦捕烏魯克回匪出力擢遊擊劉發恆為副將。予弁兵回子伯克等分別升補並賞翎頂緞匹有差。○以輕信詐告縱首逆張格爾竄逸革委協尉巴克唐阿職枷號發遣遇

赦不赦予傷亡官兵回子等賞卹如例。○予扎賚特扎薩克貝勒瑪錫巴圖故福晉祭如例。○潘直隸通惠河修隄岸開墾從倉場侍郎博啟圖等請也。○丁酉改鑄四川瀘州九姓鄉儒學條記從署總督戴三錫請也。○追予嘉慶二十年喀什噶爾勦辦逆回被戕馬甲海凌阿等十四名入祀昭忠祠從烏魯木齊都統英惠請也。○撥江蘇江寧縣漕糧三千二百二十六石有奇協放江寧協壽一標

災缺兵糧○修江蘇安東縣朱興莊河隄從大學士總督孫玉庭等請也○戊戌

上詣

皇太后宮問安○諭內閣孫玉庭等奏回空漕船全數渡黃一摺本年回空軍船停待日久節經降旨嚴催茲據該督等將束清禦黃兩壩大加折展清水暢順於本月初四日軍船全數渡黃辦理尚屬妥協覽奏欣慰現在節逾冬至漕船歸次已不為早該督等務須節

節催趨俾銜尾前進趁此天氣融和並無冰凍晝夜兼行以速補過及早歸次無誤冬亢冬間日期至來年新運北來尤為緊要河口一帶如有淤淺處所必須及早籌疏著孫玉庭張文浩督率河員趕緊妥辦務令一律通暢勿致臨時再有阻滯致干重咎○諭軍機大臣等本日據御史陳肇奏稱東省廟工生息銀每年三萬六千兩經前任巡撫錢臻於登州水師營修造船隻案內奏請每年動支

銀一萬兩為船工幫貼之用至本年四月間請署撫琦善復請每年提銀一萬二千兩為臨清州例雇添雇剝船工食之用現祇存一萬四千兩恐此後復照前案動支必至蕩無復存請飭令另款存貯專備廟工應用等語此項息銀原專為廟工而設嗣因別項工用不敷屢經奏請於廟工息銀內按年動撥已幾及三分之二本年七月間曾經該署撫奏稱曲阜各廟坍塌更甚請將兩淮長蘆鹽商積欠息銀勒限完繳當經降旨嚴飭該鹽政迅速追解可見各廟應修工程業已不少若因別項需用概由此項動支建廟工亟應修理之時又或奏動正帑或另籌別款虧此那彼於名實亦不相副著該署撫查明現在每年應存息銀一萬四千兩並按限催解積欠銀兩是否足敷廟工之用務期應修工程不致稽延款項無虞支絀嗣後即另款存貯別項工程概不准再請動用至每年提給剝船

工食銀一萬二千兩仍著該署撫遵照前旨一俟臨倉耗羨銀兩歸楚各州縣墊款即將剝船工食仍由耗羨項下動支以期各清各款毋任延宕將此諭令知之尋奏現在淮商東商應解新舊息銀十八萬六千五百兩若全數解齊足敷廟工之用別項工程不得濫支報聞○又諭前據富綸奏違例出卡捕匪不力之卡倫侍衛倭什保於安集延馬匹被搶後聞報帶兵追捕擅自出卡數十餘里實屬孟浪有違例制請將該侍衛嚴議當經交部議奏茲據兵部奏稱出卡捕匪例無明文該大臣既指該侍衛為違例出卡又責以捕匪不力實屬自相矛盾且倭什保已將失物追獲過半亦不得謂之捕匪不加未便因該大臣奏請嚴議致涉枉濫等語此案巴什雅哈瑪卡倫侍衛倭什保如並無捕盜之責則擅出卡倫數十里即當坐以違例不得坐以捕匪之不力如本有捕盜之責則帶兵出

卡追賊乃其職所當為祇當責其不加不能再科以出卡之違例究竟該侍衛應否叅處著永芹查明擬定覆奏再降諭旨再該侍衛追獲失物過半何以富綸奏摺內仍指該員捕匪不力其種種矛盾之處是否富綸有任性妄叅情事並著永芹查明據實奏聞毋稍瞻徇將此諭令知之○以巡查回空漕船出力予江蘇知縣周燾等議敘升補有差○已亥以阿克蘇屯田豐收予員弁議敘賞兵

丁一月鹽菜銀○展緩浙江仁和錢塘海寧富陽餘杭嘉興秀水嘉善海鹽平湖石門桐鄉歸安烏程長興德清武康安吉十八州縣節年帶徵額賦○庚子命於

大高殿設壇祈雪○諭內閣朕於道光元年御製聲色貨利論仿書紳之義以為座右箴銘交內閣軍機處都察院各錄一通科道等身列諫垣自所深悉即應恪遵前旨慎密存記乃本日御史善年奏請將聲色貨利論或每

月宣讀一次或一年宣讀數次無端發此昏繆之語甚屬狂妄善年有心見好不知大體豈復勝御史之任著以員外郎降補歸部銓選○又諭英額等奏失察卡倫官兵縱放賊犯搶竊之扎薩克郡王請交理藩院議處等語四子部落郡王彭楚克桑噶布旗下邊界卡倫官兵於賊犯肆行出入搶竊漫無覺察該扎薩克郡王現係盟長並不隨時嚴查殊屬疏縱彭楚克桑噶布著交理藩院議處

並著該盟長查明縱放賊犯出入之卡倫官兵照例嚴辦以示懲儆○修福建泉州廠水師提標中營遭風擊碎戰船從總督趙慎畛請也○濬河南虞城縣惠民溝夏邑縣巴清河永城縣減水溝從巡撫程祖洛請也○緩徵福建鹽商積欠銀○辛丑

聖祖仁皇帝忌辰遣官祭

景陵○旌表守正捐軀四川涪州民湛仕維妻曹氏○壬寅諭內閣向來漕糧截卸北倉用

楊村官剝船轉運船戶偷竊攪和諸弊叢生本年收買臺灣商米卸貯北倉著該侍郎等責成經紀於年前雇用民剝俟來歲春融一經冰泮即飭迅速轉運惟民剝雇價較之官剝例價需加增銀二千餘兩此項剝價並無款項開銷著照所請准該經紀等承買東豫漕麥二萬石以資津貼除應交例價銀二萬四千兩准其添補挑修通惠河工程外所得贏餘銀二萬餘兩作為該經紀等由北倉轉運過壩雇用民剝等項之費儘有顆粒虧短即著該經紀賠補又另片奏坐糧廳通濟庫內現存銀兩不敷應用著准其援照嘉慶十六年成案先在長蘆鹽運司庫內借支銀三萬兩作為轉運臺米及興修通惠河開壩各工豫期購料之用統俟明春東豫漕糧抵壩經紀承買漕麥後除將贏餘銀二萬兩抵還運費外並於例價內撥銀一萬兩一併解往長蘆運庫歸款該部知道○又諭前據趙慎

吟奏臺灣營弁請照海疆久任之例計俸升補當交兵部議奏茲據奏稱駐臺守備以上久停更調而千把總以下仍係紛紛更換於海疆情形未能周知不足以資約束嗣後臺灣千總把總外委額外外委等弁三年期滿俱著毋庸調回內地其留臺分別保題升補之處均著照所議行至該督奏請千總俸滿先加升銜未免過優且留臺將備等向無此例亦覺兩歧所請著不准行該處營員現雖

更定章程而班兵仍照舊三年更換惟兵丁內亦有由臺招募土著入伍者一經著有勞績不得不加以甄拔若年久拔補漸多則營弁半屬臺地之人易滋流弊殊非杜漸防微之道著該督等遇有千把外委等缺仍按嘉慶九年兵部奏定章程凡由臺募兵丁甄拔並招募臺地土著兵丁均不得過十分之一以符定額○癸卯諭內閣本年南河黃水自交冬令以後因來源甚旺節次長落靡常清

水不能暢注所有回空幫船停阻河北至數月之久張文浩專司河務理應先事豫籌妥為設法乃漫不經心致令各幫不能挽渡設使阻滯至今則貽誤漕運之處該河督自問當得何罪雖前據孫玉庭等奏報本月初四日軍船業已全數渡黃然較之常年歸次受兌之期已屬遲延是其辦理不善咎無可辭張文浩著交部議處孫玉庭兼轄河務未能相機籌辦亦有不合並著交部察議○吏部

議覆協辦大學士直隸總督蔣攸銓等奏改熱河各員調缺條例熱河道承德府三年撤回請揀內地旗員道府對調如不得人請旨簡放撤回之員引見另候簡用承德府屬州縣請揀內地理事撫民同知通判及旗員州縣升調如不得人以揀發旗員揀補若揀發無人由部揀選曾任實缺旗員引見補放三年撤回分別補用其州判縣丞巡檢等仍照舊例揀調亦三年撤回分別補用以上各員

揀調後。如不勝任。隨時撤回。年滿時。或有重大案情未結。暫停更替。從之。○瀋江蘇碭山蕭甯縣減水河道。修碭山縣申公隄。從大學士總督孫玉庭請也。○甲辰。

上詣

大高殿祈雪壇行禮。○撥湖北藩庫銀二千五百兩。協濟荊州駐防兵丁不敷賞項。○乙巳。

上詣

皇太后宮問安。○諭內閣。蔣攸銑奏查明承種

蒙古地畝各戶。特符拖欠。請酌定章程。以懲刁劣等語。所議甚是。直隸口外承德府。併所屬各州縣蒙古地畝。向係外省流民寄居承種。該民人等因年久入籍考試。往往特符逞強。並有外省外府潛赴口外頂冒應試者。一經獲售。即入籍該處。聯為一氣。以致應納糧租。歷年拖欠。迨地方官訊追。又復任意抗延。不可不嚴行整飭。嗣後凡承種蒙古地畝。如有拖欠糧租。在官告追未結者。本人及子孫

不准應試。如係生員舉人。亦不准應鄉會試。均暫行扣除。每屆考試之年。責成各該地方官。豫期詳明順天學政。並直隸總督衙門查覈。其應會試者。亦詳咨禮部查照。俟糧租完清後。仍准照舊赴考。如有假捏改名頂冒等弊。責成教官隨時查察。據實詳辦。儻教官與廩保生員。徇隱不舉。即行照例參革。嚴懲以除積習。而儆刁風。○又諭。蔣攸銑奏。覆查難墾荒地。並清釐積欠旗租。旗地租則。一摺。直

隸官荒地畝。前因盧浙奏請查丈。召墾升科。降旨令該督等確加查勘。茲據奏稱。此項地畝。除從前報升。及勘明可墾試墾各地外。尚有七萬餘頃。地本硤瘠。積久成荒。實無地利可收。亦且無從召佃。即有呈請認墾。多係牟利棍徒。希圖影射霸占。並非認墾新荒。若復紛紛查丈。徒滋煩擾。自屬實在情形。著仍遵前旨。免其立限召墾。責成地方官隨時查察。一有可墾之處。勸令認佃報升。並飭該管道

府就近訪查。如私墾私徵。立即嚴行叅辦。毋許屬員等朦混隱匿。致啓弊竇。其歷年積欠旗租。著將官虧民欠逐細鉤稽。此內官虧吏蝕數目。照例叅追著賠。並查明實在民欠若干。及租則過重之地若干。分別減免。妥行覆議具奏。至入官旗地花利積年並無徵解之項。著查有已徵未解者。專案責令該州縣賠交。其實在未徵之租。著加恩將嘉慶二十五年恩詔以前歷年花利免其補徵。所有應完

恩詔以後花利俱著分年補徵。並已定租額者。將應完新租儘數徵解。不准拖欠。其未定租額者。著俟定議後一律啓徵。毋許再有延宕。該部知道。○御前大臣索特納木多布齋等奏。本年不看善撲人等賞賚。應否照例仍給皮襖銀兩。得旨。照例賞給。○浙江處州鎮總兵官哈豐阿奏。訓練兵丁條約十則。一。訓練士農工商。自食其力。一。挑營伍。合家即有錢糧養贍。又得紅白賞費。若平日偷安。臨陣

退縮。便是不忠。天理不容。即軍法不赦。一。訓練守法。既為兵丁。須知王法。不可包娼窩賭。接交匪類。欺擾良民。或分守汛塘堆卡。當詰奸緝賊。不可收受陋規。私賣軍火。偶調出師。懷遵號令。行走則雞犬不驚。入村則秋毫無犯。一。訓和睦。同營之人。非親即友。若欺弱凌幼。情性乖張。人人怨恨。出師之日。寒暑疾病。誰來看顧。生死交關。無人幫助。雖悔何及。故必平素親愛。臨陣時生死相依。守戰相助。共成

一團和氣。不待戰而自勝矣。一。訓節儉。當兵錢糧幾何。稍不儉省。饑寒交至。更可恨者。錢糧到手。攢飲聚賭。頃刻已空。致令合家受餓。於心何忍。要想此錢糧是百姓脂膏。國家恩澤。養活家口。乃能專心防練。如此一想。自然不敢濫費。一。練心。當入伍時。就宜想做名將。先把心志立定。勤習技藝。及至臨陣。又知感激報效。毫不畏縮。何攻不克。一。練膽。見事不明。則膽不壯。雖身高力大。亦無用處。當知除



暴安良係分內事。且本領高強。有何怕懼。如此一想。膽自壯矣。一練身。身不練。則耳目不聰明。手足不靈快。軍營中耳聽號令。眼看旂幟。夜間看燈火。旂指東則往東。指西則往西。耳目既專。手足自靈。又常學登山。過水。跑路。縱跳。有不健勇強壯者乎。一練技藝。槍礮弓箭。軍中利器。先練準頭。後練靈快。賊多占踞山巔。想來犯營。必從低處潛來。須練仰擊。仰射。低打。低射之法。又賊人散聚。躲閃。須練左

右變換之法。練習既精。互相傳授。自然人人精熟。一汛防。兵丁分駐。各有專管地方。如賊匪潛匿。須稟汛弁拏送。行蹤詭秘。人等應送汛弁詰問。不可疏縱。公文隨到隨遞。不許託人代遞。一緝捕。偵有竊匪。稟明備弁。移會嚴拏。若過往賊匪。亦即拏交懲治。掏包剪辮。實力查拏。毋許暗通消息。得錢賣放。得旨實力奉行。日久無懈方好。○以守護

昌陵貝子綿清署領侍衛內大臣。○以南河防

汛出力。予淮揚道沈學廉等議敘升補有差。○丙午。鑄給湖北改設鄖陽府分防督捕同知關防。鍾祥。穀城。房。三縣所屬四巡檢印信。從巡撫楊懋恬請也。○除直隸東明縣水衝沙壓地一頃八十七畝有奇額賦。○丁未。諭內閣。吏部奏議處江南河道總督張文浩等。請分別革職降調等語。本年回空各幫船在河北停阻。至數月之久。張文浩綜理南河。於一切修防。是其專責。乃並不隨時查勘。豫為

設法妥籌。以致延誤漕行。所司何事。其辦理錯謬之處。即照部議革職。實屬咎所應得。惟念自前月二十日以後。清水暢順。幫船陸續開放。業已全數趲渡。幸未貽誤。該河督之罪。尚可稍從末減。張文浩著拔去花翎。降為三品頂戴。仍留河督之任。以觀後效。該河督務當激發天良。董率工員。將緊要處所。及早趕緊疏挑。俾皆通暢。儻明歲重運經臨。復有淤淺阻滯之事。必當從重治罪。不能再邀寬貸。

孫玉庭係兼轄河務。未能常川駐工督辦。各尚可原。第以大學士節制兩江。既知張文浩辦理不善。乃不早為奏。意存徇隱。咎實在。此著加恩改為降三級留任。不准抵銷。○又諭晉昌等奏。動用閒款銀兩。分年修竣各工。據實奏銷一摺。盛京應修橋道溝池。衙署房間等工。前經降旨將查封木植變值作為閒款。以濟工用。茲據該將軍等奏稱。廣寧屬界老邊等處。添修木橋臺道。土壩。開挖溝渠等

工。共估工料銀一萬二千五百三十四兩零。內除支領舊有商捐生息銀兩外。動用木植閒款銀七千九百四兩零。挑修省城內地溝城濠七十二池等工。共估工料銀一萬七千七百七十四兩零。修理將軍衙門屋宇。共估工料銀一萬四百三十七兩零。驗收各工。已陸續如式修竣。並無偷減情弊。俱照原估實用實銷。造冊咨送工部查覈。據實奏銷。著即將衙署房間。移咨盛京工部。各依修竣年分。照例

起限保固。以歸覈實。此項閒款銀兩。除各工動用外。賸存銀六十七兩零。著照歷年私木變價之例。咨送盛京工部。作為歲修之用。○諭軍機大臣等。富倫奏。委佐領珠升。阿。歸。廩。倉貯小麥完竣。有糧餉局主事職銜桂芬。以小麥實虧四十九石零。請勒限追補。又珠升。阿。稟稱。盤量各廩。實贏餘小麥四百三十一石。互相稟揭等語。著交永芹。即派明幹司員。一人。前赴烏什。署理糧餉局事。徹底盤量貯

麥。毋稍掩飾。並提到桂芬。珠升。阿。二員。秉公審訊。究明是贏是虧。據實具奏。又據奏烏什沙土卡倫開齊外。巴克塔大山地方。及庫庫爾。巴克塔兩處。向俱設有鄂博。派滿兵回子防守。查係例不應設立之處。請裁撤安設於城北。大山口。派撥兵丁駐守。以重邊防。著永芹詳加查勘。將富給所奏設立鄂博各處。是否。可以議裁。並移置城北。大山口。果否。於稽查防範。均有裨益。務宜體察情形。妥為籌議。

具奏將此諭令知之○戊申諭內閣黃鳴傑奏案經檢驗原告未能輸服請再行覆檢一摺此案前據御史吳恩韶以徐蔡氏被謀身死該府縣以自縊完案等情奏當交帥承瀛嚴訊茲據該署撫奏稱疊經委審並將徐蔡氏屍身兩次檢驗傷痕尚未明晰屍親始終堅執案關生死出入非三次覆檢無以定真傷而成信讞著交新任臬司王惟訥於到任後即督同前未會檢之明幹守令及現調

隔省之諸練件作親提覆檢明確仍著該署撫督率該臬司虛衷研訊務得實情按律定擬具奏毋稍含混○己酉禮部奏定例節婦三十歲以內守節如未逾五十身故必守節已屆十五年者方准旌表今安徽已故民婦王楊氏守節十三年例不准旌惟節婦貞如情事略同乾隆三十六年題准旌表已故貞如不拘年限應請嗣後已故節婦改照現存節婦二十年例限之半已及十年者旌從之

○以先賢顯孫子後裔樹勳襲五經博士○除甘肅平羅縣修改昌潤等渠占用民田一項六十五畝有奇額賦○撫卹朝鮮國遺風難夷如例○庚戌諭內閣

昌陵

聖德神功碑樓工程著添派慶惠會同敬謹辦理○又諭福州隆阿奏籌解新衛河捐銀一摺直豫兩省新衛河工程於民田鹽運兩有裨益奏明蘆商情願捐辦前經降旨令該鹽

政即行催解無誤要工茲據奏稱該二省工需房地價銀共二十七萬七千餘兩該商先捐交銀六萬兩運庫墊借應解豫省費魯河挑費銀四萬兩又通融籌墊銀三萬兩共銀十三萬兩著將運庫墊款即解交直省銀五萬兩豫省銀二萬兩其商人先捐銀六萬兩著於明年二月內就近解交豫省工局應用此外尚欠銀十四萬七千餘兩既據該鹽政查明一時無從措解著將攸銘程祖洛暫行

籌款墊解。俟春融冰泮。迅速集夫。開工遵照前旨。限大汛前一律完竣。其直豫二省籌墊銀兩。仍著該鹽政勒限嚴催。一俟按引收有成數。速行解還歸款。毋得任其延宕。○賞盛京金州城守尉國祥。副都統銜署正藍旗蒙古副都統。○命兵部尚書玉麟。刑部尚書陳若霽。都察院左都御史松筠。姚文田。正紅旗漢軍都統載銓。戶部左侍郎明志。在紫禁城內騎馬。○辛亥。諭內閣。孫玉庭等奏。堰圩大

隄掣塌過水。現籌堵築。一摺。本年洪澤湖蓄水過多。節經酌啟信智兩壩。以資宣洩。嗣因連日西北風猛烈異常。浪發隄頂。旋即凍結。工員等併力搶護。人夫均難立足。以致高堰十三堡隄頂。刷掣成槽。壩通過水。山圩周橋之息浪巷。亦過水八九丈。各壩內均有掣通處。所現據該督等議將十三堡缺口。首先堵築。餘即分投趕辦。並啟放通江通海各閘壩。以洩漫水。此次石工掣卸。雖由風勢猛勁。人

力難施。而該管各官。平日漫不經心。疏於防範。實有應得之咎。所有高堰通判繆鎔。山圩通判孫厚坤。高堰守備汪元音。山圩守備尹連。俱著摘去頂帶。准揚道沈學廉。河營參將張兆。遊擊黃廷珠。俱著交部議處。仍令戴罪督修。張文浩。綜理全河。未能豫籌妥協。致令要工掣塌過水。著交部嚴加議處。孫玉庭兼轄河務。咎亦難辭。著交部議處。其壩下附近被水民人。有應行撫卹之處。著該督查明據

實具奏。毋使失所。至另片奏堵築工需銀兩。著准其動借淮關存餉二十萬兩。濟用。俟歲料餉銀解到。即行歸款。務須嚴飭工員。撙節估計。覈實承辦。不得藉端浮冒虛糜。致干咎戾。該部知道。○又諭。綿齡子奕興。著加恩准其再襲奉恩鎮國公一代。○壬子。命再於大高殿設壇祈雪。

上親詣行禮。○諭軍機大臣等。張井並非河員出身。朕因其在豫年久。前次程祖洛保舉該

員稱其辦事勇往實心奉公遇事不避艱險是以疊次加恩由汝寧府擢用道員今又簡署河督東河任重事繁來年大汛經臨修守宣防在在均關緊要程祖洛係兼轄河務之員著隨時留心察看該員是否能勝河道總督之任據實奏聞將此諭令知之○內務府奏酌增太監犯賭則例五條一壓寶誘賭及鬪鷄鴉蟲蟻蟀開場及同賭者俱照賭博例治罪出首者免一開場誘賭放頭抽頭者初犯

枷號兩箇月責四十板發黑龍江給官員為奴再犯擬絞監候附近賭場處所徇隱不舉首者責三十板得財者計賊准竊盜從重論一首領與所屬太監同賭者革職枷號三箇月責四十板作為太監永不升用一邀集扒金錢會終身會等名目邀約者枷號兩箇月責四十板上會者枷號一箇月責三十板均永撥外園當差夫察之總管首領照失察賭博例科罪一在園及隨園犯事不隨往之本

管總管首領免議住班代管並本地面總管首領照該管總管首領失察罪名處治從之○命吏部尚書文孚禮部尚書汪廷珍馳往江南查辦事件以協辦大學士戶部尚書英和署吏部尚書工部尚書陸以莊署禮部尚書大學士托津署鑲藍旗滿洲都統○調河東河道總督嚴烜為江南河道總督賞河南開歸陳許道張井三品頂帶署河東河道總督○賞達賴喇嘛故父頭品頂帶羅布藏年

扎銀五百兩以其次子噶勒桑彭礪襲頭品頂帶○修東路煙郊白澗桃花寺隆福寺四處行宮從馬蘭鎮總兵官繼昌請也○除甘肅寧朔縣修改漢渠占用民田三十一畝有奇額賦○緩徵甘肅皋蘭河狄道靖遠金渭源隴西和安定會寧通渭寧遠靜寧隆德武威古浪平番西寧碾伯大通靈二十一州縣及沙泥州判莊浪東樂三縣丞所屬災區新舊額賦○癸丑

上諸

壽康宮前殿行禮。後殿問

皇太后安。○諭內閣。孫玉庭奏請獎勵委辦溝  
洫人員一摺。江蘇徐州府屬濱臨黃運地方  
曠衍遇雨多致漫淹。經該地方官曉諭業民  
令各就地畧於路旁挑挖路溝。藉資洩水。茲  
據查明邳州。睢寧。碭山。蕭縣等處一律疏濬  
深通。此內邳州淤泥幹溝。河係舊城司巡檢  
謝元淮督率專辦。著有成效。著准其以應升

之缺。遇缺儘先升用。捐納知縣施熙。係應歸  
部選之員。前於開挖碭山溝洫。雖經繪圖經  
畫。並非出眾勞績。何得率以熟諳河務奏懇  
施恩。施熙著仍令歸部銓選。該督所請派赴  
江蘇興辦水利工次之處。著不准行。○大學  
士兩江總督孫玉庭等議覆御史蔡學川奏  
江西銷引與湖廣情形不同。引額多寡懸殊。  
商販難易迥別。設倉輪售行之數十年。並無  
病民短課諸弊。請仍循舊章辦理。得旨依議。

受辦如有不善處。不妨隨時損益之。○裁青

州歸化廳屬洛河枝土把總。冊亨州同屬上  
分亭土千總。缺從護巡撫吳榮光請也。○以  
甘肅寧夏縣修改昌潤渠。占用滿營牧馬地。  
撥戶民承租。廠地十一頃四十畝。抵補除租  
額銀。○展緩直隸武清。寶坻。香河。寧河。房山  
昌平。順義。密雲。平谷。安肅。定興。新城。博野。容  
城。新安。蠡。高陽。祁。束鹿。天津。慶雲。靜海。青。南  
皮。獻。無極。新樂。靈壽。藁城。阜平。鉅鹿。廣宗。唐

山。平鄉。任。永年。邯鄲。清河。雞澤。廣平。曲周。開  
東明。長垣。廬龍。樂亭。宣化。龍門。遵化。豐潤。深  
水。南宮。趙。寧晉。隆平。高邑。臨城。深。深澤。武強  
六十州縣。上年被災。應徵節年出借籽種口  
糧。○甲寅。諭內閣。富俊等奏籌議開墾伯都  
訥屯田。以備移駐京旗一摺。伯都訥開墾屯  
田。屢經該將軍等籌議具奏。曾降旨俟雙城  
堡。輝。獲有成效。再行議墾。茲據奏稱。雙城  
堡。三屯。辦理完竣。屯種戶口。及本年移駐京

旗無不耕作相安視為樂土嗣後按年移駐已有奏定章程可循至伯都訥空閒圓場約計二十餘萬晌荒蕪既久地甚肥饒且可敏於成功儉於經費較之雙城堡事半功倍自應及時籌辦俾旗人生計益裕吉林伯都訥阿勒楚喀等處現在納丁納糧民戶生齒日繁均願認荒開墾無須另招流民該將軍即出示招墾並派員丈地分屯申畫經界以道光五年為始令其承種所有認墾牛具籽種

農器著照所議令其自備每人准領地三十大晌其互保章程升科年限租錢數目均著照所議行俟移駐京旗閒散到日交京旗地二十晌其餘十晌作為已產按數納租仍明白宣示認領之人並畫給地畝統於發給執照內註明至認墾之初鑿井蓋房著照雙城堡章程按丁按屯給與銀兩准於雙城堡中屯升科穀價暨備用項下支領屆起租之年仍先行歸款所徵小租錢文即作為各項弁

兵書役工食紙張之用其有附近旗丁認墾者俟移駐京旗交地二十晌餘十晌作為已業免其納租餘俱照民人一律辦理此項地响甚廣陸續招認一時人數尚不甚多所有詞訟及升科徵租各事宜即交伯都訥副都統督率理事同知妥為經理仍設立保甲屯長互相稽查彈壓至將來招集人眾應否添設官員及京旗移駐時設官蓋房著臨時妥議具奏其每年招有佃戶名數領地若干及

動用銀兩若干統於秋成後按年彙奏該部知道○諭軍機大臣等前據孫玉庭等奏墾野大隈被風暴掣塌過水現在趕籌增築特派文孚等前往查勘實在情形朕思此事固由張文浩辦理不善所致然孫玉庭以大學士節制兩江兼轄河務自應及早參奏乃意存徇隱欲為消弭此時若仍留兩江總督之任文孚等查辦恐多掣肘之處著文孚等到清江口即傳旨將孫玉庭解任張文浩革職

所有兩江總督事務著魏元煜署理。文孚等當細心密訪。務使功罪分明。毋得稍有畸重畸輕之見。將此諭令知之。○又諭前據孫玉庭等奏。此次堵築湖工需費較鉅。已明降諭旨。准其動借淮關存餉二十萬兩濟用矣。文孚等會同嚴煥。馳抵江南查辦事件完竣後。即勘明此次堰圩大隄。應行堵築處所。需用銀若干萬兩。賑濟附近被水村莊需用銀若干萬兩。除先借淮關二十萬兩應用外。並確

查江蘇安徽三藩庫實存款項若干。是否足敷工賑之用。如尚不敷。文孚等即會同籌議具奏。將此諭令知之。○命兵書尚書玉麟在軍機大臣上行走。○以前任成都副都統蘇冲阿著鑲紅旗蒙古副都統。○乙卯

上詣

大高殿祈雪壇行禮

時應宮拈香。○諭內閣。向來宗室廕生未及歲者。俱不戴用四品頂帶。與滿漢廕生未能

畫一。嗣後宗室內如有恩廕人員。無論年未及歲。俱著加恩一體戴用四品頂帶。○又諭永芹奏查明哈迪爾田產家丁無人侵占。究出倚勢巧占官地之家人回子。訊明定擬一摺。此案郡王銜貝勒哈迪爾地畝。現據永芹查明。係在阿克蘇所轄境內。烏什地方。並無田產。哈迪爾輕聽家人之言。以阿克蘇所屬特尹之地。牽混侵占鄰境烏什洋海莊官地。不行查明。即差護衛往烏什阿奇木伯克處

扎問。轉以為烏什回子侵其田產。又與烏什阿奇木穆薩信內語近傲大。又稱伊姪阿布都爾禰克身係三等侍衛。抗不准提。阿克蘇辦事大臣英桂。辦理此事漫無決斷。意存推卸。哈迪爾英桂俱著交部議處。哈迪爾之姪三等侍衛阿布都爾禰克。於巴哈第拜侵占官地多年。有心諉卸。著即革職。至烏什前任阿奇木伊布拉伊木。現在年班進京。其所呈並未與哈迪爾辨過地畝。亦未送交其家人



色黑等情。著理藩院俟該阿奇木到京時傳同哈迪爾質對明確據實具奏。○又諭永芹奏查明阿克蘇竊盜各案。濫給事主印票出境查拏緣由一摺。此案阿克蘇辦事大臣英桂於回子固爾板被竊馬匹及民人馬隴玲白晝被搶兩案。呈報到官。不即派員緝捕。輒發給印票。令事主自行訪拏。且不查明失主與正賊。概令帶赴烏什質對。僅據屬官及阿奇木等呈稟一咨了事。實屬謬誤。英桂著交

部議處。印房章京鳳英明知被竊報官濫行呈請發給事主路票。又不查照烏什來咨。根問實在情節。種種荒謬。著一併交部議處。阿奇木伯克巴彥岱於所屬回子控告竊案。既不認真推究。率令事主與賊犯前往烏什質對。又失察該管回子私引民人潛走山僻賊路。其平素辦事怠忽。不能約束回眾。已可概見。阿奇木巴彥岱著革去三品。阿奇木以四品伯克降用。○又諭永芹奏查訊官海揭控

富綸各款大概情形一摺。烏什辦事大臣富綸任性剛愎。於查辦屯弊一案。任聽委審章京等懇請免叅。且失察書吏詐贓家人勒索回夷錢財等情。著即革職。交永芹提同解任之糧餉章京富隆額桂芬及應訊人證嚴究。有無知情通同護蔽之處。按律定擬具奏。○賞降調盛京刑部侍郎海齡二等侍衛。為阿克蘇辦事大臣前任倉場侍郎降調主事和椿三等侍衛。為烏什辦事大臣。○予故喀喇

沁輔國公永庫爾忠祭如例。○予浙江等省出洋淹斃兵丁狄良華等四十四名賞卹如例。○予四川巡河溺斃把總徐世魁祭葬卹廕如例。○旌表守正捐軀江蘇睢寧縣民袁錫格女袁氏。○貸甘肅皋蘭渭源靖遠隴西會寧西河安定通渭隆德靜寧寧清水山丹十三州縣及東樂縣丞所屬災民口糧。○丙辰理藩院奏。掣得阿巴噶扎薩克台吉索諾木多布沁旗閒散齊默特多爾濟之子棟多

布。請作為蘇尼特額爾德尼廓舍哩莫爾根堪布那旺扎木沁之呼畢勒罕。從之。○戶部左侍郎江蘇學政周系英因病解任。調禮部左侍郎李宗沅為戶部左侍郎。仍留江西學政任。以吏部左侍郎王引之兼署戶部左侍郎。工部右侍郎顧德慶兼署吏部右侍郎。轉禮部右侍郎辛從茲為左侍郎。命提督江蘇學政。以內閣學士汪守和為禮部右侍郎。候補內閣學士翰林院侍讀學士朱方增為內

閣學士兼禮部侍郎銜。○鑄給湖北改設德安衛守備條記。從巡撫楊魁恬請也。○子喀爾喀扎薩克輔國公齊旺多爾濟故母車伯勒濟特祭如例。○丁巳。修補福建臺灣艚船營遭風沈失軍裝器械。並撥鹽法道庫銀六萬兩發商生息。協濟應辦金州戰船。天津大小梭船。不敷例價。從總督趙慎畛等請也。○戊午。

上詣

皇太后宮問安。○諭內閣各部院衙門引見人員。進乾清門時。向准執事人員同進。其間人不得擅入。昨日引見官員進內。有鑲紅旗藍翎長明海。隨眾混入乾清門。實屬違制。明海著即照御前大臣等奏。重責革去藍翎。長其失察之該管護軍統領音登額。著交部議處。乾清門值班章京景實亦照所請。罰俸三箇月。嗣後各部院衙門。旗營引見人員。應入禁門者。務各將應入人數。開單豫行咨送管

門大臣。以備查覈。儻仍疏懈。致有混入者。一經查出。定行重處。決不寬貸。○江蘇巡撫張師誠奏。飭令地方官實力宣講。

聖諭廣訓。得旨。所見皆是。但須行之以實。若徒作外飾。仍屬無益。一力勉之。○以彈壓催趨漕船回空出力。予江淮衛守備李鈞等加銜升補議敘有差。○予福建在洋淹斃兵丁王甯。落水受傷兵丁劉江山等二十四名。分別卹賞如例。○戶部議准。前護江蘇巡撫誠端

疏報開墾上海縣漕田六畝有奇陽湖縣平田四畝有奇丹徒縣山田蘆地一頃七十七畝有奇照例升科從之

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十六

[illegible]

救修

道光四年甲申十二月己未朔

上詣

大高殿祈雪壇行禮。○諭內閣。御史楊煊奏。請禁五城錢鋪攙扣錢文一摺。向例奸徒私鑄錢文。及攙和行用。久干禁令。况京師戶工二部錢局。每月按卯鼓鑄。均係一律大錢。支放流通。藉便民用。各該鋪戶自應恪奉功令。遵照行使。何得任意攙雜扣減。罔顧法紀。茲據該御史奏稱。近來錢鋪每於制錢內夾入小錢。且又短少錢數。似此種種滋弊。殊於窮民。

生計有礙。著順天府、五城一體出示嚴禁。如有牟利之徒。仍前攬私短數者。立即查拏究辦。毋得視為具文。○禮部奏。道光五年元旦應行禮儀。得旨是。照例行禮。奉

皇太后懿旨。停止筵宴。福晉命婦進內行禮之處。並著停止。又奏。道光五年十月初十日恭遇

皇太后五旬聖壽。王公以下巡撫總兵以上。應否照例進獻禮物。得旨奉

皇太后懿旨。停止進獻。○大學士前任兩江總督孫玉庭奏。此次堰盱湖工。掣通過水。實由暴風狂猛。人力難防。張文浩但為節省。啓閉錢糧。堵遲禦黃壩。蓄清過旺。轉致棘手。請另簡賢能。令該河督留工效力贖罪。得旨。風暴由天。蓄清過旺。亦由天乎。若因節省一二萬金起見。朕斷不信。總由任性自用。不守前規。不恤人言。以致坐令債事。此等剛愎自用。誤國溺職之人。朕斷不能姑息也。○修築浙江

東塘鎮海汎坦水各工。從署巡撫黃鳴傑請也。○庚申諭內閣。成格奏。籌議收漕章程一摺。前據御史陳肇泰請飭禁徵收錢漕積弊。並請按鄉分徵。當交有漕省分督撫查明妥議具奏。茲據該撫奏稱。州縣收漕。其設有鄉倉者。固應按鄉分期分收。其止設城倉者。各處花戶。一聞開倉日期。即運米赴城。相沿已久。如必按鄉分收。遇有鄉民先期而至。不得即時收米。轉受守候之累。至倉廩啓閉。如遇

花戶眾多。則到倉之米。自辰至酉。不能完竣。勢難拘泥責令運出。自係實在情形。嗣後各州縣收漕。在鄉倉者。先行示期。計日按鄉分收。在城倉者。將開倉日期。及早示諭。收米時。每日將遠鄉窮民零星米石。先行量收。嚴禁刁難勒捐。及豪強把持爭越等弊。其收漕倉廩。遇完米人少時。辰啓酉封。僮人眾米多。即照常趕緊量收。不得藉有啓閉之時。偷安延宕。致花戶守候苦累。仍嚴拏包攬匪徒。隨時

究辦○旌表守正捐軀安徽霍邱縣民李鵬  
翥養媳朱氏○辛酉諭內閣孫玉庭等奏堵  
築高堰工程請撥附近江南藩關各庫銀一  
百五十萬兩又增培黃河下游兩岸隄工懇  
於就近藩運關庫撥銀三十七萬兩並借用  
淮關庫餉二十萬兩作為此次工需又龍江  
關徵存銀十三萬兩揚關徵存銀九萬兩就  
近撥用之處俱著戶部速議具奏○諭軍機  
大臣等孫玉庭等奏籌堵堰盱口門及搶護  
隄埝情形據稱十三堡口門約寬一百三十  
餘丈溜勢湧激異常現在盤做裏頭相機進  
堵並多雇小車船隻裝運正雜各料以備進  
占搶築其周橋息浪巷口門亦趕緊鑲堵各  
壩掣通處所即可搶堵完竣計堰盱兩廳掣  
壩石工湊長九千餘丈石後土隄子堰掣刷  
寬深者十之六七至缺口之水漫注揚河揚  
糧二廳均飭分投防護惟需餉緊急懇撥附  
近江南藩關各庫銀一百五十萬兩解工又

以增培黃河下游兩岸隄工請撥估需銀三  
十七萬兩各等語除工需銀兩已另降諭旨  
交戶部速議具奏外此次高堰掣壩石工湊  
長至九千餘丈實為從來所未見文孚等馳  
赴工次著即逐細勘明現在各口門壩寬實  
在情形若何水勢曾否消落目下天氣嚴寒  
冰凌凍結進占鑲搶料物尤關緊要水陸載  
運是否不誤應用其漫水下注處所舊有隄  
堰能否足資抵禦不至再有疏虞所估堵修  
兩項需銀二百萬兩有無浮冒並下游河隄  
因汎水漫灘停蓄隄形卑矮必須動項幫培  
之處俱著一併查明據實具奏至本年湖水  
宣洩太過必致消耗明春重運北上清水不  
能浮送亟應豫為計慮據該督等請照嘉慶  
年間辦法借黃濟運事關漕河重務不可不  
籌及萬全文孚等務當通盤計畫悉心妥議  
是為至要孫玉庭等摺俱著鈔給閱看將此  
各諭令知之○以江蘇山陽清河二縣猝遭

水患。截留淮安各縣漕糧一萬五千石。以備賑需。○壬戌。貸順天通州白糧經紀重造剝船銀。○癸亥。諭內閣。蔣攸銑奏。請將歲挑永定河節省餘銀。培修殘缺隄工等語。永定河向有疏濬下口工程。歲修銀五千兩。於每年春融勘辦。惟年來盛漲時。水過沙停。隨挖隨淤。徒滋糜費。至兩岸隄工。並無額設加培銀兩。閱數年修補一次。愈久愈塌。工費較繁。自應酌盈劑虛。分別妥辦。著照所請。嗣後於秋

汛後。察看下口形勢。擇其切灘取直實在得力之處。量為疏濬。並將兩岸殘缺隄工。修補加培。此兩項工程。總不得過歲修五千兩之數。所用銀兩。統歸歲修案內報銷。該部知道。○又諭。張師誠奏。設法挽運漕船。趕緊熬壩。興挑徒陽運河一摺。本年江浙幫船。因禦黃壩堵遲阻。前經魏元煜奏明。將徒陽運河挑工。酌展限期。並請將未進鎮江口之幫船。截留江北。築壩興挑。茲據張師誠奏。本年節

候較早。該河挑工。最關緊要。若再行遲緩。殊於重運有礙。自應設法妥辦。現在江浙各幫除進口船隻。業經催趲南下外。尚有未進口船五百餘隻。著照所請。暫行截留江北。定期熬壩。該撫即督飭該道府等。趕緊興挑。勒限一月完竣。俟啟壩後。即於數日內。將截留幫船。全數進口。催提歸次。再催重運出江。務須無誤期限。以利漕行。○又諭。兵部奏。議處郡王品級貝勒哈迪爾。及阿克蘇辦事大臣頭

等侍衛英桂。請分別降調革職。哈迪爾本應照部議降調。姑念年逾七十。又係回子。著加恩以原品休致。其折罰世職半俸九年之處。著加恩寬免。英桂著革去頭等侍衛。加恩賞給鴻臚寺贊禮郎。其降一級留任之處。著帶於新任。○諭軍機大臣等。本日侍郎朱士彥奏。條陳河工事宜。據稱高堰石工。從前在事之臣。惟務節省。並不圍壩鑿石。甚至以水代漿。以木代鐵。辦理草率。屢修屢壞。又因搶築

大隄就近在二隄取土。事後亦不培補。至宣洩黃河盛漲。每每偏注南岸。山盱廳屬五壩。未能謹守舊章。相機開放。黃河下游無隄之處。又長新灘。河流散漫。不能束注趨海等語。此次高堰掣通過水。現已動撥帑銀。剋期堵築。所有石料工作。必應堅固完善。方足以資永遠。若仍任河員等陋習相沿。虛糜草率。貽誤要工。更復成何事體。著文孚等將該侍郎所奏。逐條確覈。務使壩工鞏固。壩內隄障。寬廣堅實。其湖河兩處舊設各閘壩。如何測驗誌繕。分頭注洩。及下游海口無隄處所。不能束注尾閘。恐致下壅上潰之處。俱著詳細籌議具奏。朱士彥原摺。並著發給閱看。將此各諭令知之。○以理藩院尚書穆彰阿兼鑲紅旗蒙古都統。仍署鑲紅旗漢軍都統。○修江蘇蘇州府城垣。從巡撫張師誠請也。○甲子。孝惠章皇后忌辰。遣官祭。孝東陵。○旌表遇賊被戕湖北興山縣民陳光

宗妻舒氏。○乙丑。上詣皇太后宮問安。○丙寅。江南河道總督嚴烺奏謝調任恩。得旨。四載以來。修防無誤。歲慶安瀾。汝之功自不能泯矣。今而後允宜加慎。加勉。為國宣勤。以始終忠勤之黎世序。為法。負恩。誤國之張文浩。為戒。方為不負委任。朕有厚望焉。○增設雲南昆陽。安平。威遠。巧家。永善。緬寧。魯甸。中甸。維西。龍陵。十廳州縣黑白。琅三井及彝良州同。五曹威信。普朔三州判。邱北。副官村。三縣丞所屬正額額外孤貧四百十二名口糧。○丁卯。諭內閣。御史王丙奏。冒稱宗室。索詐滋擾。請旨飭禁一摺。據稱京城前三門外。往往有人自稱閒散宗室。三五成羣。刁訛百出。並有稱為春三爺及外號麻趙名目等語。奸徒假冒宗室。已大干法紀。若果係不肖宗室。在外滋擾。更屬不成事體。不可不嚴加懲治。著宗人府步軍統領。順天府

五城。按照該御史所指春三麻趙二人住址一體嚴密查拏究辦。以儆刁詐。○諭軍機大臣等。本日孫玉庭等奏。趙堵高堰十三堡。及智禮信。壩檔各缺口完竣情形。據稱現將高堰十三堡。興工進占。息浪菴缺口跌塘情形。亦盤築壩基。以次進占。并力趙辦。山盱智禮信各壩檔內缺口。並經委員分投堵竣。下游高郵邵伯一帶。將昭關壩兩牆掣塌。刷去兩頭土隄。過水始暢。工程俱搶護平穩等語。著

文孚等逐加履勘。嚴督在工員弁。將業經堵築處所。仍行跟築土戩。務期穩實。其興工進占。及尚未堵辦各口門。亦即飭令趕緊辦理。庶可剋期蒞工。毋得遲逾。草率誤事。惟洪湖水勢。經此次漫注之後。消耗在所不免。明春重運經臨。浮送恐未能得力。引黃濟運之說。實非善策。文孚等務當先事籌計。相機啟放。總當將清水多為收蓄。則幫船行走不致稍有淺阻。方為盡善。至揚糧廳昭關壩。係上年

新修之工。所有補築掣壩錢糧。著照例在原辦各員名下。責令賠繳。將此各諭令知之。○以故喀爾喀賽因諾顏扎薩克輔國公索諾木已勒珠爾多爾濟子固魯色特襲爵。○以喀爾喀扎薩克鎮國公索諾木旺楚克為汗山盟長。○賞奈曼扎薩克郡王阿宛都瓦第扎布。三眼花翎。○戊辰。諭內閣。前據管理街道御史祥鑽等奏。

統領及巡視五城御史一體躡緝。茲據英和奏。疊次拏獲偷創私賣各犯。俱經審明辦理。郊壇重地。理宜整齊嚴肅。乃屢有奸徒乘間偷竊之事。不可不隨時懲辦。以昭慎重。仍著步軍統領衙門。及巡視五城御史。嚴密查拏。其圍牆以內。著太常寺認真稽察。不得日久生懈。○諭軍機大臣等。程祖洛奏。江南高堰湖隄。因風漫口。豫省量籌協濟。附近大河各州縣。計可撥米十萬石。並先委員照現在市價



豫購蘇麻三百萬斤。如須撥銀兩。連已報撥解共可備撥四十萬兩等語。此次高堰掣通過水。現今文孚等馳赴工次。會同新任江南河道總督嚴烺。新授兩江總督魏元煜。勘明實在情形。進占鑲搶。並降旨動撥帑銀酌留漕米。該撫為鄰省要工急賑起見。商同藩司先事籌備。盡心國事。不分畛域。可嘉之至。著即將蘇麻粟米銀兩。豫行籌備存貯。俟文孚等奏到時。如應需協濟。再行降旨撥往可也。

將此諭令知之。○河南巡撫程祖洛代奏。正二品廕生黎學淳。謝故父江南河道總督世序。賜諡等恩。得旨。回思幹國賢良。不覺筆隨淚灑。九原下諒。知朕心矣。○實授魏元煜兩江總督。以倉場侍郎顏檢為漕運總督。調工部左侍郎程含章為倉場侍郎。禮部左侍郎辛從益為工部左侍郎。仍留江蘇學政任。轉禮部右侍郎汪守智為左侍郎。以都察院左副都御史劉彬古為禮部右侍郎。○以司經

局洗馬許乃普充日講起居注官。○除浙江仁和場衝坍寬地三十九頃九十四畝有奇課銀○已已。

上御乾清門聽政。○諭內閣。孫玉庭等奏。通籌三江水利。請借項先修各工一摺。江浙興辦水利。事關兩省水道農田。節經降旨飭令通盤籌畫。酌分先後。以次興工。茲據孫玉庭等查明青浦婁縣吳淞震澤華亭五屬承太湖下注黃浦各支河。淤滯於阻。應批應切。共估

需土方並築壩單長計銀九萬五千八百餘兩。又吳淞江為太湖下注幹河。由上海出閘與黃浦合流入海。因去路阻塞。流行不暢。應於受淤最厚之處。大加挑浚。共估需土方銀三十萬五千一百餘兩。此兩路工需銀兩。著准其在捐監撥歸封貯款內照數動給。俟工程全竣之日。攤徵還款。其挖廢蕩田。如有升科者。准予豁免。毋庸再給產價。並著援照民捐成案。免其造冊報銷。現屆冬令農隙之時。

著新任總督魏元煜等即責成各該地方官各就坐落處所雇夫應役分投趕辦毋許虛糜草率及稍有剋扣勒派情弊至吳淞江口四孔大閘近因上游杭嘉湖等府溪河每多沙壅若再向下游修建閘壩堵禦渾潮必致阻遏上游來水殊於浙省未便其應否修築之處著悉心酌商妥議具奏再另片奏此次工程較大一切應需公費甚繁並無別項可以籌動著准照乾隆年間奏辦水利之案將

河工工程銀兩每百兩扣存五兩留貯司庫豫備雜用俾各縣無可藉口賠累以昭覈實該部知道○封肅親王敬敏子華豐為二等鎮國將軍克勤郡王尚格子承順為三等鎮國將軍故貝勒文和子祥春為頭等輔國將軍鎮國公果勒豐阿子有鳳有興鎮國將軍永芹子綿星為三等輔國將軍故輔國將軍綿贊子奕冷綿僧子奕磐輔國將軍亮鳳子福彭愛新子瑞志為三等奉國將軍奉國將

軍哲鳳子奎書為奉恩將軍賞承順祥春綿星二等侍衛華鳳有鳳瑞志三等侍衛○以候補三四品京堂廉敬為太常寺卿○移河南歸德府通判駐永城縣薛家湖集為分防通判仍管府屬州縣捕務添設題缺守備一員額外外委一員駐永城縣城內移永城縣存城千總駐虞城汛虞城汛把總駐永城縣新橋集改永城縣山城集額外外委為經制外委添設歸德營存城額外外委二員撥歸

德營存城兵七十四名連永城原設兵四十六名分派新橋集二十名山城集十名各墩汛二十八名餘隨守備駐劄城內仍歸歸德營統轄添設題缺汝寧府新息分防通判駐黃湖店裁開封府屬儀封廳通判所轄村莊併歸蘭陽縣管理改蘭陽縣為蘭儀縣定為衝繁沿河要缺改儀封廳教諭為儀封鄉學教諭儀封廳管河經歷為儀封司管河經歷從巡撫程祖洛請也○濬浙江仁和等州縣

上塘河。及省城內淤淺河道。修上塘河石塘。仁和縣華光大橋。從署巡撫黃鳴傑請也。○除雲南太和。浪穹。麗江。三縣水衝田畝額賦。免挑復田畝本年額賦。給三縣災民。景東廳屬磨外鹽井竈戶。一月口糧。及房屋修費埋葬等銀有差。○給江蘇山陽寶應高郵甘泉。江都五州縣被水村莊。及清河縣收養難民。一月口糧。○庚午。

上諭

皇太后宮問安。○以失察護軍叩關。革正紅旗護軍統領富僧德。御前侍衛鑲黃旗護軍統領安福職。俱留副都統。在乾清門行走。仍罰俸六箇月。○調正白旗護軍統領阿彥托克托。為鑲黃旗護軍統領。以禮部左侍郎舒英。兼正白旗護軍統領。御前侍衛鑲紅旗滿洲副都統吉勒通阿。兼正紅旗護軍統領。○命郭爾羅斯鎮國公固魯扎布。在紫禁城內騎馬。○旌表守正捐軀奉天岫巖廳民陳玉年。

妻曲氏。○補製廣東碭州營沈失軍械。從總督阮元請也。○辛未。諭內閣。永芹奏。審擬阿克蘇偷馬賊案。並查明英桂等濫准發票一摺。此案尼牙斯素皮等。在阿克蘇所屬回莊夥偷馬匹。本屬尋常易結之事。阿奇木巴彥。既未能認真訊究。又不辨明事主賊犯。概行呈請印票。令其遠赴烏什找贓。實屬錯誤。已彥岱前已降補四品伯克。著再降為五品伯克。至辦事大臣英桂。章京鳳英。於此案不

能細心推鞠。輒准發票。且率據賊犯說供。咨提訊辦。均有應得之咎。英桂。鳳英。著再交部議處。尋議各降二級留任。得旨。俱著革職。○又諭。永芹等奏。奏擅離汛地。妄率無辜之守卡官員一摺。此案英吉沙爾所屬特爾克齊克。幫防卡倫驍騎校穆克登額。遠出卡外數日。妄稱探信。強拏無辜布魯特。侍衛和爾清額。職司守卡。不即阻止。且與之聯名稟報。意圖邀功。均屬詐妄。和爾清額。著革職。押回該

旗嚴加管束。穆克登額著革職發往烏魯木齊效力贖罪。以示懲儆。○又諭永芹等奏防所官員患病告養。請分別開缺改用一摺。喀什噶爾駐防副將富哈善現患腿疾。著准其開缺回旗調理。印房章京豐安因伊父年老呈懇終養。又現患病不能當差。著即咨回伊犁該旗。交該將軍照例改用武職。俾得就近養親。惟派往新疆防所人員與軍營事同一律。向無呈請終養之例。嗣後各員弁等不准

藉詞親老。違例呈懇。以杜規避。○壬申諭內閣。晉昌等奏遺失供器。請將防守不慎員弁交部審辦一摺。興京

永陵殿內陳設供器。理應敬謹巡守。乃竟有遺失蠟臺之事。非尋常疏忽可比。現據訪獲正賊馬甲訥爾錦並案內人證。著交盛京刑部會同嚴審。按律定擬具奏。失於防範之值班掌關防官德泰。防禦郭爾敏。舒魯俱著革職。外圍防禦扎藍保。三音布俱著解任。一併歸

案辦理。其未能嚴查之外圍總管及失察該管各員。於定案時附叅。所有尋獲遺棄不全各件。著即送京。交內務府造辦處如式成造。由該將軍派員祇領。○以扎薩克薩木丕勒多爾濟管理喀爾喀賽因諾顏部落卡倫。命總管恰克圖西扎薩克圖汗賽因諾顏二部落卡倫之扎薩克多爾濟扎布再留一班。○以撲救造辦處玻璃庫失火出力。賞御前侍衛前鋒統領哈琅阿大緞一匹。命在紫禁城

內騎馬。餘賞賚有差。○修福建連江營年久損壞軍裝器械。從總督趙慎畛請也。○癸酉諭軍機大臣等。本日侍講學士潘錫恩奏陳借黃濟運之弊。據摺內稱蓄清敵黃。為相傳之成法。大汛將至。急堵禦黃壩。使黃水全力東趨。今年漕艘早渡。張文浩將禦黃壩遲堵。以致倒灌停淤。釀成大患。且欲籌減洩。當在下游。乃輒開祥符閘。減黃入湖。壩口已灌於下。開口復灌於上。黃水俱無出路。湖底淤墊

極高。若更引黃入運。河道淤滿。處處壅溢。恐有決口之患等語。本年南河黃水盛漲。幫船阻滯。皆因禦黃壩堵遲所致。彼時節經孫玉庭等奏稱。先將禦黃壩上游祥符五瑞二閘。啓放宣洩。嗣因日久消滅甚遲。方議趕辦。王營減壩。雖漕船旋即趲渡。而洪湖北半。全為黃水墊高。隄堰石工。因之掣壩漫口。該學士奏。以為辦理失當。著文孚等再行詳查。張文浩前此議開祥符五瑞二閘。是否不應啓放。

並啓放後。是否因此黃水直灌全湖。如果不應啓放。則張文浩於禦黃壩堵遲。既已坐失機宜。又復不守成規。妄行債事。其咎更重。著即查訪明確。據實具奏。至引黃濟運。殊非善策。朕前旨甚明。文孚等務當悉心妥議。計及萬全。不可將就了事。致滋後患。潘錫恩原摺。並著發給閱看。將此各諭令知之。○以頭等侍衛前任湖南提督祝廷彪。為陝西陝安鎮總兵官。○以烏嚕木齊屯田豐收。予員弁議

敘。賞兵丁一月鹽菜銀。○予故直隸深州知州尹侃。李天培。入祀名宦祠。江蘇故貴州遵義府知府胡鐘。浙江桐鄉縣明處士張履祥。河南故貴州鎮遠縣知縣張遠覽。陝西故甘肅固原州學正張執中。各入祀鄉賢祠。從前任總督顏檢。孫玉庭。總督趙慎畛。巡撫程祖洛。總督那彥成等請也。○以甘肅渭源縣糧價增昂。命減價平糶倉穀。

大清宣宗效天符運立中體正至文聖武智勇仁慈儉勤孝敏成皇帝實錄卷之七十六

[illegible]

道光四年甲申十二月甲戌以故三等承恩

公孟佳子智林續順公德通子玉山一等男  
吉郎阿子藍翎侍衛常善崇倫姪博敬范正  
容子一夔瑞春弟慶春苦替三等男長和子  
德齡各襲爵賞故提督達三泰子員外郎那  
瑪善工部郎中○江寧副都統文泰年老休  
致以杭州協領岱麟為江寧副都統○以喀  
爾喀扎薩克輔國公巴勒多爾濟為汗山副  
盟長○乙亥諭內閣晉昌等奏籌議移駐京  
旗車輛價值一摺雙城堡移駐京旗戶口前

釐庫項。查辦需人。懇籌款酌給薪水等語。東省司庫正雜各項。款目浩繁。其間此那彼借。輾轉已久。若不及早清釐。司書因緣為奸。將來益滋弊竇。據該撫奏明。自嘉慶十四年查辦未竣。案卷為始。接續鉤稽。將正雜款項。分別議立章程覈辦。其有原查未清者。再行追溯細查。自應如此辦理。惟年分久遠。案牘繁多。現據該藩司另延熟諳庫款之人。與委員書吏分投查對。所有應需薪水等項。著照所

請准其籌支間款酌給。仍令該司按月呈報。務期認真稽覈。逐款相符。毋得再有牽混。該部知道。○又諭琦善奏請定限殘廢兵弁報部支餉等語。山東省各營兵弁因從前出師打仗受傷。陸續詳報殘廢。支領守餉。此內有遲至十餘年後始行詳報。以致一人找領動至數百。甚至有先報殘廢食餉。後已傷痊病愈開除。又復以殘廢支餉等弊。殊為冒濫。著照所請。除節次報部殘廢兵弁仍照例給予

守糧外。其現在未經報部者。嗣後不准再行續添。以示限制。○以故察哈爾子車布德恩弟旺党呢瑪襲爵。○以查拏山東鹽梟出力。予知府鄭家麟等加銜升敘有差。○旌表守正捐軀山東范縣民陳偉女大姐。○是日乙酉年立春。順天府進土牛春山寶座。○丙子諭內閣。魏元煜奏江浙截留幫船守候日久。請再加調劑等語。本年應進京口之江浙二十四幫。除在前六幫業經歸次外。其在後十

八幫共船五百五十八隻。應俟徒陽運河工竣啓壩始行進口。為日更久。該弁丁等前次減半借給銀兩。不敷接濟。自係實在情形。著加恩准其仍照初次請借數目再借銀十五兩。每船先後共借銀三十兩。自明年冬起分兩次扣還歸款。以紓丁力。該部知道。○諭軍機大臣等。魏元煜奏淮河洪澤湖水勢情形。並催重運趕緊兌開一摺。據稱高堰隄工掣通。水勢旁洩南趨。湖中所存無幾。現雖上緊

籌堵。而冬令來源不旺。收蓄無多。是藉黃濟運誠屬不得已之權宜。所慮河道今昔不同。並黃水長落變遷。非如清水能用人力節宣。且淮河自清江上下以至平橋一帶。亦多間段淤淺。非大加挑濬一律寬深。則引黃入運無以為受淤之地。現經估計興挑。如果一律寬深。趁黃水不甚渾濁之時。竭力趲挽。尚不至十分掣肘。仍不論省分幫次。先到瓜洲口者。先提北上。如黃水入運暢行。即可加緊趕

催設黃水入運較小。亦可相機起剝等語。本年高堰掣壩。湖水宣洩過多。明春重運北上。清水浮送。不能得力。漕糧關天庾正供。斷不能任其阻滯。借黃濟運。本屬下策。此數月內。能將閘壩趕緊集料。次第堵閉。收蓄清水。來春出口之路。普律深通。使重運得以趲行。自屬甚妥。現據魏元煜奏淮水洪澤湖水勢情形。兼籌及清江上下。一律挑濬寬深。引黃入運。不致受淤。意在權宜辦理。朕亦不為違制。

但河漕全局關係重大。若祇顧目前之計。將來運河受病愈深。挑濬愈難。誰執其咎。文孚等接奉此旨。即著會同細心察看。通盤計畫。籌及萬全。務令軍船早日北來。而運河亦無後患。方為至善。將此諭令知之。○撫卹琉球國遭風難夷如例。○丁丑。

上詣

皇太后宮問安。○諭內閣穆克登額等奏勘明天壇圍牆工程。所有東北面情形較重及間段。

不齊之處。著工部覆加查勘。俟明歲春融。分別酌辦。其牆內外沙土積聚。高與牆平。恐有夫役人等貪近行走。殊不足以昭嚴肅。著該部一併派員相度。將積土如何刨挖起除。查明覈辦。牆內回乾枯朽各樹。除交內務府補種外。回乾樹株。著太常寺會同該部照例辦理。○又諭。陶澍奏委員查勘被淹地方。幫辦撫卹一摺。安徽省盱眙天長等縣境。接近高堰。因隄工塌卸。猝被水淹。災民多有失所。自

應設法安置。茲據該撫委員前往查勘。著飭令認真經理。如有應需撫卹之處。准其就近在鳳陽關庫項下。動支借給。俟事竣。由司庫解還歸款。務使窮黎均霑實惠。毋任虛冒。○協辦大學士直隸總督蔣攸銛奏報省城得雪報聞。又批。京師至今並未得雪。晨夕叩禱。有求無應。朕深愧德薄。徒增憂悶耳。○修江南督標中營軍械。從大學士前任總督孫玉庭請也。○戊寅。諭內閣。前據御史萬方雍奏。



刑部審擬文元毆死胞姪伊克唐阿一案。引律失當。特派天津等查覈。茲據奏稱。伊克唐阿致死之由。既經刑部訊明。係伊伯文元毆傷所致。伊弟奇里綱阿實止聽從幫毆。有傷。應將奇里綱阿照毆傷期服尊長本律擬徒。刑部照毆死胞兄律擬以斬決。仍照聽從下手之例。夾簽聲請。並將聽從毆傷小功尊長之鈕勒渾蘇亦照毆死例。問擬滿流。均屬錯誤。著刑部即將奇里綱阿照毆傷期服尊長

本律改為杖一百。徒三年。係旗人。照例折枷鞭責發落。鈕勒渾蘇亦著照毆傷小功尊長本律改為杖七十。徒一年半。業已鞭責折枷。即予釋放。所有辦理錯誤之刑部堂司各官。著交吏部查取職名。照例分別議處。尋議上。得旨。刑部司員薩勒杭阿。葉文韻降三級調用。再降一級留任。尚書那清安。陳若霖侍郎。凱音布。戴敦元。史致儼。著侍郎常文。部議降一級調用。姑念一時簡用乏人。加恩改為降

三級留任。仍罰俸六箇月。○又諭御史王世紱奏請編查沿海漁船一摺。據稱直隸天津沿海州縣。有漁船潛赴奉天私販。並無照票。以致奸宄無可稽查。糧稅全行偷漏。並有海商希圖漏稅。將商船改造漁船。請將漁船全數編號。官給照票。沿途稽查。仍令奉天省每船給予回票。僅私行出口。即行究辦。如遇採買奉天米石時。與商船一律當差等語。著交蔣攸銑查照。該御史所奏編號給票及一體

當差之處。妥議章程具奏。○署山東巡撫琦善奏服闋屆期。請給假葬親。自重任山東。又經兩載。仍復纖毫無補。得旨。加恩賞假一月。於明年開印後。來京營辦葬事。山東巡撫著訥爾經額暫行護理。又批。汝在東省實力實心。朕心嘉予。何必過自謙抑。○命科爾沁土謝圖親王諾爾布林沁。在御前行走。○移直隸長垣縣縣丞唐縣主簿駐千里長隄。分管工段。分永定河北岸二工。為上下汛。以良鄉

縣縣丞管上汎移北隄七工東安縣主簿為北岸二工下汎東安縣主簿其北隄七工歸北隄八工一缺統管改為北隄七工東安縣主簿撥武清縣縣丞北岸頭工中汎十六號歸北下汎縣丞經管涿州州判北岸三工十七八號歸北四工縣丞經管改寶坻豐潤玉田獻縣正定元城專河主簿為兼河缺分管捕務從協辦大學士總督蔣攸銘請也○移四川南部縣富村驛縣丞駐新鎮壩廣元縣

朝天鎮巡檢駐富村驛改鑄印信條記從署總督戴三錫請也○修浙江海鹽縣育問二號石塘建隨塘坦水二層從署巡撫黃鳴傑請也○己卯

上御寧壽宮賜王公大臣及蒙古王貝勒貝子公額駙台吉等食並賞賚有差○諭內閣趙慎畛等奏請嚴禁民人私墾生番境內地畝一摺福建臺灣彰化縣所轄水裏埔裏兩社係在生番界內向以堆築土牛為限民人樵

採例禁侵越近年以來該處生番因不諳耕作將熟番招入開墾據該督等查明該熟番與漢民交契結姻者頗多恐漢奸私入濶雜難稽或因生番懦弱逞強欺占該生番野性未馴必致爭鬪肇釁釀成巨案不可不嚴行飭禁現在農事已畢著即飭令各社屯弁及通土等查明越入各熟番概行召回不准逗留在內以後亦不許再有潛往如敢抗違該廳縣等立即會營拏究並著於集集鋪內木

柵二處隘口設立專汛即飭北路協副將於彰化營內就近移撥弁兵實力防堵毋許番民擅自出入鹿港同知彰化縣每年分上下兩班輪往巡查一次仍按月取具汛弁及屯弁通土等切結由廳縣加結通報並責成臺灣鎮會同該道府嚴行查察該弁兵如有疏懈徇縱情弊即行分別斥革治罪儻該廳縣視為具文督查不力亦即據實叅奏交部議處該處開墾一事嗣後不必開端永當禁止

該督等務飭屬認真稽查。毋得日久生懈。以靖地方。該部知道。○諭軍機大臣等。孫玉庭奏。趙堵缺口合龍情形。據稱連日督率道將廳營進埽鑲堵。至十二日將息浪菴缺口。圍築合龍一百七十六丈十三堡缺口。亦於十三日。趙堵合龍三百八十八丈。至揚河揚糧運道各閘壩。現已次第趕緊堵閉。即可竣事等語。此次高堰壩寬口門。亟應趕緊堵合。以障洩水。茲據奏已將息浪菴十三堡兩處缺

口一律趙堵合龍。辦理尚不至遲誤。惟恐急於奏效。該工員等不無草率之處。著文孚等詳加履勘。務令各合龍處所幫餞鑲高。俾資穩實。不可稍有大意。致誤要工。其在事員弁兵夫。如果不分晝夜。奮勉出力。並著分別確查。據實具奏。至應估補砌掣卸各段石工。著嚴煇即親蒞勘計。備料興辦。瞬即重運經臨。河漕攸關緊要。所有趕堵各閘壩及應挑湖口引河運道。加培隄埝各工。務即迅速籌辦。

毋稍遲延。將此各諭令知之。○以土默特貝子正紅旗蒙古都統瑪呢巴達刺。兵部尚書玉麟署正黃旗領侍衛內大臣。○以禮部尚書穆克登額兼鑲白旗漢軍都統。仍署正藍旗漢軍都統。○命雲貴總督明山來京。署鑲紅旗漢軍都統。以大學士長齡為雲貴總督。兵部尚書玉麟管戶部三庫事。○命陝西延綏鎮總兵官和倫來京。以山西蒲州協副將姜長齡為延綏鎮總兵官。○以科布多屯田

豐收。予員弁議敘。賞賚兵丁有差。○庚辰。諭內閣。晉昌奏。拏獲私木起數一摺。盛京每年報獲私砍木植。向不准擅行變賣。惟於邊內外散置日久。不無遺失。著照所請。准其將查獲各案私木。招商變價。解交盛京工部貯庫。為歲修各項工程之用。該部知道。○以鑲藍旗蒙古都統內大臣賽冲阿為閱兵大臣。○辛巳。

上御撫辰殿大幄次。賜蒙古王貝勒貝子公額

駙台吉及外藩使臣等宴。並賞賚有差。○諭內閣戶部奏請籌補大興宛平二縣額貯經費銀兩。向例大宛二縣各領戶部銀一萬兩。永遠存貯。奉行已久。因歷任支用虧缺。未經籌補。此項銀兩。竟歸無著。殊乖從前立法之意。著直隸總督察看情形。俟該省司庫查辦借墊一案。全數清釐後。仍將該二縣封貯彌補足額。以符舊制。○又諭慶祥奏審擬扎克桑阿等揭告哈齊香阿各款一摺。此案塔爾

巴哈台參贊大臣哈齊香阿於伊勒東阿控案。草率批結。又與領隊不能和衷。致被揭告。茲據該將軍審明所揭虛誣。惟給戴虛銜翎頂。差派官兵接眷二款。實屬違例。哈齊香阿著交部議處。即行回旗聽候部議。領隊大臣扎克桑阿。緝拏賊犯。怠玩從事。復以細故扶同稟揭參贊大臣。挾嫌妄告。扎克桑阿著交部議處。先行開缺。飭令該員回伊駐防聽候部議。驍騎校伊爾哈布疏防官犯自戕。看守

不慎。著交部照例議處。○諭軍機大臣等慶祥轉奏土爾扈特汗策登多爾濟之母喇什丕勒懇請於明年春季帶領二子由喀喇沙爾起程。自備資斧。前往喀爾喀。給伊子聘定妻室。即令策登多爾濟前赴熱河瞻覲等語。土爾扈特汗策登多爾濟之母喇什丕勒遣伊子策登多爾濟等呈請瞻覲。尚屬伊之誠悃。朕甚嘉之。惟策登多爾濟年甫十八。由喀喇沙爾至熱河。往返跋涉。不無勞苦。策登多

爾濟等明年無庸前往熱河。俟伊應來之時。再行降旨。令其前來瞻覲。至喇什丕勒在伊母家喀爾喀地方。給策登多爾濟等定親。或即自備資斧。前往喀爾喀。或朕令策登多爾濟等前來瞻覲之便。喇什丕勒再隨同伊子往喀爾喀定親之處。均聽其便。著寄知慶祥。善為諭令。喇什丕勒知之。嗣後喇什丕勒往喀爾喀定親之時。伊所掌盟長印信及伊汗扎薩克之印。均令移交副盟長暫署。同該旗

章京等幫辦游牧事務。○賞伊犁協領佛隆武副都統銜。為塔爾巴哈台領隊大臣。○賞霍罕貢使阿市都哈里克佐豁爾六品頂帶。○以喀喇沙爾屯田豐收。予員弁議敘。賞兵丁一月鹽菜銀。○壬午。諭內閣。蔣攸銑奏。控案屢結。屢翻之原告。請交刑部究辦一摺。此案直隸天津縣民人楊佩。以鹽商楊紹聞加價賣私。承審各官含糊率結等詞。赴都察院呈控。前經降旨交蔣攸銑審訊。茲據奏稱。提訊該民人楊佩。原呈臚敘歷次控案。業經刑部及道府縣各衙門隨案擬結。並無偏抑。其兩次京控。咨交該鹽政審結後。復赴京翻控。所指楊紹聞違例加價。售賣私鹽各情。屢次研訊。不能指出證據。仍復飾詞狡辯。並以妄言挾制等語。著該督即將該民人楊佩。及全案人證卷宗。解交刑部審訊。務得確情。按律究辦。○諭軍機大臣等。御史錢儀吉奏。江蘇吏治廢弛一摺。據稱原任兩江總督孫玉庭

老成熟諳。近因衰病。為人蒙蔽。聲望大損。如河務任聽張文浩釀成大害。及姑容同鄉勘災激變之知府楊樹基。闖茸無恥之知府黃在厚。幕友平姓。宋姓。朋比招搖。平姓之叔平二愚。先於嘉慶年間奉旨驅逐。孫玉庭復用其姪河工方員如河庫道福兆。剋扣工餉。與屬員袁垌等在篆香樓信宿。物議譁然。又裏河同知張棟本係料販出身。曾被同知馬榮面斥。前年犁世序委伊勘估海口淤沙。力為阻撓。本年黃水倒灌。實由於此。乃秋汎安瀾。該督等首先保舉地方官員。如泰州知州王有慶。貪婪苛刻。又強娶部民女為妾。吳江縣知縣劉元齡。專事佚游。身染惡疾。請飭查辦等語。總督有統轄全省之責。河工地方均關緊要。若如該御史所奏。江蘇吏治廢弛已極。惟均係舊事。該御史既有此風聞。何以不早行陳奏。魏元煜係新任兩江總督。無所用其回護。著即按照該御史所

叅各情節。秉公確查。據實具奏。該御史原摺著發給閱看。將此諭令知之。命熱河都統慶保正總管恆麟副總管普成覆勘挑挖旱河等工。○癸未

孝莊文皇后忌辰遣官祭

昭西陵。○

上詣

慈寧宮

壽康宮前殿行禮。後殿問

皇太后安。○諭內閣文孚等奏遵查堰圩要工潰決情形一摺。甚屬明晰。前因洪湖蓄水過多。高堰掣壩口門二處。並坍卸石工。至一萬一千餘丈。實為從來所未有之事。經朕特派尚書文孚。汪廷珍馳赴該處查辦。並將張文浩革職。孫玉庭先行解任。茲據文孚等逐加履勘。詳訊工員。僉稱張文浩於禦黃壩應閉不閉。五壩應開不開。措置乖方。以致失事。張文浩身任河督。一切修防要務。理應倍加詳

慎。妥協辦理。乃於五六月間。黃水漸長。節經

該道廳稟請堵閉禦黃壩。及放壩減洩湖水。張文浩一味固執。不肯聽信。馴致湖水過高。將堰圩廳工沿隄漫決。現在修復堵築。並將挑濬運道種種糜帑。誤漕固不待言。而下游高寶一帶州縣民田廬舍蕩析離居。淹損人口。不可計數。是其剛愎自用。不守前規。不恤人言。誤國殃民之罪。實堪髮指。張文浩著在工次枷號一箇月。滿日發往伊犁效力贖罪。以為河員負恩溺職者戒。孫玉庭節制兩江。兼轄河務。明知堵壩遲延。皆由張文浩辦理失當。不早嚴叅。至朕降旨詢問。始行具奏。有心徇隱回護。咎實難辭。孫玉庭著交部嚴加議處。即行來京聽候部議。淮揚道沈學廉等疏防該管堰工漫口。均有應得之咎。惟會將應堵應放情形。屢次具稟河督。俱未照辦。尚非由於該員等貽誤。淮揚道沈學廉參將張兆遴擊黃廷珠俱著摘去頂帶。同前已摘

去頂帶之高堰通判繆鎔山盱通判孫厚坤高堰守備汪元音山盱守備尹連等一併飭令在工效力責成認真趕辦不准稍有延玩俟工竣後再降諭旨○又諭琦善奏州縣解司養廉請仍歸奏銷數叅等語東省州縣養廉從前原係隨同起運耗銀解司支發統計完欠歸併奏銷數叅迨嘉慶四年以後改准坐支始於解司耗羨銀內劃除現在此項養廉既復歸司庫解支自應仍循舊章辦理著

照所請准其仍歸起運耗羨款內統計完欠照例歸併地丁奏銷案內合叅議處俾州縣不敢任意拖欠墊款亦可早得清釐仍俟查扣清楚再歸州縣坐支該部知道○又諭奕額奏查明伊星阿咨辦渾津莊頭地畝大概情形一摺歸化城渾津莊頭被災地畝前經德英阿伊星阿歷次查辦會奏有案茲據奕額奏稱伊星阿於年班起程時面交咨文以從前查文地畝各案究係何人造意捏奏咨

交徹底詳查並以查出土默特米石價值與時價合算浮多又副都統暨養濟院托里布拉克喇嘛等每年應領穀石採買價值浮冒並五廳採買穀價通盤合算浮用甚多歷經飭駁該管官不為更正各情弊現在逐款分別詳查究辦伊星阿身任副都統既經查有弊端自當據實奏參何以列銜會奏於前又復許咨於後著即明白回奏○諭軍機大臣等琦善奏南河高堰山盱石工掣壩東省豫

籌協濟現於司庫附貯項下提出銀六十二萬再將本年報撥銀十八萬共湊足八十萬兩以備撥用等語此次堰盱石工掣壩一萬餘丈現今文孚等馳赴工次會同魏元煜嚴娘查勘興辦將來修復石隄挑挖運河工費浩繁亟需豫為籌畫該署撫因山東係屬鄰省商同署藩司不分畛域先事豫備足見辦理有方留心國事甚屬可嘉著即將籌撥銀八十萬兩暫行存貯俟文孚等奏到時如應

需協濟再行降旨撥往可也將此諭令知之  
○又諭本日據福綿奏提審永濟縣知縣與  
教官互相稟揭供詞狡展已明降諭旨將盧  
二秩等革職嚴審矣此案教諭蘇成棟等以  
該縣不應差傳生員赴縣理論迨訊釋後復  
以被役凌辱諸生繳還衣頂并疑及學政袒  
護地方官現經該撫提審又據署訓導李士  
傑供出學政按考蒲郡時曾面諭散售金頂  
一節各直省學政與教官有統屬之分如被  
挾嫌誣揭斷無一同質對之理惟此事雖據  
學書袁佩璜供稱係學政門丁王四託為銷  
售並非學政面諭何以李士傑堅以學政當  
面吩咐為詞虛實均應根究著該撫詳細確  
查如果係門丁王四轉託銷售李士傑狡執  
挾制該學政不過失於覺察儻實係該學政  
面諭散售亦著據實奏奏若稍有徇隱經朕  
得知惟福綿是問將此諭令知之烏里雅  
蘇台將軍果勒豐阿因病請回京允之以熱

河都統慶保為烏里雅蘇台將軍未到任前  
以喀爾喀扎薩克貝子倫布多爾濟護理以  
刑部尚書那清安為熱河都統署鑲紅旗漢  
軍都統明山為刑部尚書明山未到京前以  
大學士托津署理修造江蘇狼山鎮標中  
左右掘港四營哨船江西南湖營哨船從  
大學士前任總督孫玉庭請也甲申諭內  
閣晉昌等奏採買籌備京通各倉粟米一摺  
前據戶部奏請採買奉天粟米二十萬石茲  
據晉昌等奏請在沿海一帶及附近海口地  
方分投採買粟米每石價銀不得過二兩將  
來報銷腳價近處祇在數十百里至遠不過  
二三百里不得赴邊外採買總計買米二十  
萬石約共需價銀四十萬兩即著在盛京戶  
部庫項內支領仍按照瀋陽市平發給所有  
應扣庫平升平袋計平餘盈餘等銀逐款扣  
出作為運費如有不敷即在蘆餘項下找領  
毋庸再動正款仍俟採買挽運完竣將用過



銀兩照例題銷該將軍等即嚴飭各委員趕緊採買足數運赴海口囤貯並著蔣攸銑豫備船隻俟知照到日即速赴奉天海口裝運毋誤要需該部知道○又諭那彥成奏請酌量動用豫買常平糧石一摺甘肅各營道光五年分兵糧除估倉貯外尚有不數向於年前購買惟本年歲收歉薄市糧較少若全行採買恐價值益增有妨民食除三岔州判西固州同肅州州同仍照數採買皋蘭縣一半

發銀一半動用豫買外其餘各屬著照原派糧數准其先行發價二成飭令採買其餘之數即在各屬豫買常平二項糧內暫為撥用所有八成糧價銀兩著存貯司庫來年糧集價平即照數買補還倉該部知道○又諭前據永芹查明烏什地方並無哈迪爾田產業已奏結其烏什前任阿奇木伊布拉克依木所呈並未與哈迪爾辨過地畝亦未將家人色黑一戶送交等情現在該阿奇木年班到京

經理藩院傳同哈迪爾質對明確實無其事哈迪爾種種謬妄本有應得之咎姑念其業經休致著毋庸再議○又諭松廷等奏呼畢勒罕坐牀呈進貢物一摺第穆呼圖克圖之呼畢勒罕阿旺羅布藏吉克美甲木瑳坐牀後懇請差人呈進例貢著准其呈進該處明歲正值前藏年班堪布進京之期著仍照向例隨同前藏年班堪布由青海一路行走○諭軍機大臣等阿勒楚喀副都統員缺已放

吉林協領德海矣惟副都統之任甚重現復總理雙城堡新移閑丁事務著寄知富俊察覈新放阿勒楚喀副都統德海能否勝任之處據實奏聞○江南河道總督嚴烺奏報接印日期報聞又批引黃濟運之說不可輕率必要斟酌萬全方好詳慎會議以兵部尚書玉麟為武英殿總裁官兵部右侍郎寶興管咸安宮事○以喀什噶爾參贊大臣永芹為鑲黃旗漢軍都統調正黃旗漢軍副都統

碩德為伯都訥副都統伯都訥副都統蘇倫保為正黃旗漢軍副都統

上以歲暮裕祭

太廟自是日始齋戒三日○乙酉諭內閣伊星

阿覆奏前後查辦渾津莊頭地畝情形並米石穀價各弊一摺著交福綿會同奕額派委妥員查辦奕額福綿均係新任無所用其回護務當秉公訊問明確據實具奏不可稍有含混歸綏道岳祥綏遠廳同知巴克坦歸化

城同知文明係原辦之員俱著迴避至伊星阿自請交議之處俟定案奏到時再降諭旨○諭軍機大臣等程祖洛奏豫省現在管河之南北兩道悉係生手等語豫省黃河兩岸要工林立一切修守宣防在在均關緊要必須該河道等熟諳情形悉心講求方能經理盡善現在河北道吳光悅開歸陳許道麟慶均非河員出身著程祖洛張井隨時留心察看如果該河道等於河工不甚相宜即行據

實奏明揀員調補程祖洛等務當認真查察期於河務得人斷不可意存遷就致有貽誤將此各諭令知之○以兵部尚書玉麟禮部左侍郎舒英充經筵講官詹事府詹事鮑桂星署文淵閣直閣事○以都察院左都御史松筠署鑲黃旗漢軍都統○丙戌以歲暮裕祭遣官祭

太廟中殿

後殿○諭內閣吏部奏嚴議大學士前任兩江

總督孫玉庭降級調用因有革留之案請旨革任等語孫玉庭自嘉慶年間總督兩江辦理公事俱屬妥協朕親政以後特加任用並授為大學士仍令管理總督事務伊亦感恩圖效數年以來整頓地方不遺餘力即如查拏鹽梟匪犯節次緝獲至數百名之多按律奏辦商民均資利益且其操守素好正已飭屬殊不愧封疆之寄本年因南河黃水驟漲張文浩將禦黃壩堵遲至有高堰漫口之事

彼時孫玉庭明知所辦不合機宜乃遷延時日不即早為參奏貽誤要工其咎實無可辭本應照部議革職姑念孫玉庭總督任內事務較繁河工究係兼轄前此參奏遲延皆由誤聽張文浩之言所致伊向來辦理地方一切均屬認真尚不至於罷斥孫玉庭著加恩改為革職留任八年無過方准開復並著革去太子少保銜用示朕宥過從長權衡至當之意○以大學士托津管理藩院事○以步

軍統領銜門郎中英瑞為鑲黃旗蒙古副都統○命錦州副都統長慶來京仍為頭等侍衛在大門上行走以保定府城守尉奇明保為錦州副都統○賞烏珠穆沁親王多爾濟濟克默特納木濟勒三眼花翎喀喇沁公巴楞載錫哩阿拉善公銜頭等台吉囊都布蘇龍花翎○賞惠遠城糧運兵丁一月鹽菜銀○丁亥裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○遣官祭

太歲之神○朝鮮國使臣李光憲等二人琉

球國使臣向廷楷等二人於午門外瞻觀○

戊子

上御保和殿筵宴朝正外藩科爾沁巴林喀喇

沁奈曼教漢扎魯特喀爾喀杜爾伯特阿巴  
噶郭爾羅斯烏拉特蘇尼特阿巴哈納爾烏  
珠穆沁阿拉善鄂爾多斯青海土默特扎哈  
沁和碩特緯羅斯王貝勒貝子公額駙台吉  
塔布囊等並朝鮮琉球國正副使隨文武大  
臣以次就坐諸樂並作

上進酒召左翼科爾沁扎薩克土謝圖親王諾  
爾布林沁科爾沁扎薩克卓哩克圖親王噶  
勒藏棟囉布烏珠穆沁扎薩克車臣親王多

爾濟濟克默特納木濟勒巴林扎薩克親王  
銜郡王索特納木多爾濟喀喇沁扎薩克親  
王銜都楞郡王和碩額駙滿珠巴咱爾科爾  
沁扎薩克冰圖郡王林沁扎勒贊奈曼扎薩  
克郡王阿宛都瓦第扎布教漢郡王幹咱巴  
拉鄂爾多斯扎薩克郡王巴保多爾濟阿巴  
噶郡王那木薩賴多爾濟郭爾羅斯扎薩克  
鎮國公固魯扎布喀喇沁扎薩克輔國公額  
外侍郎瑪哈巴拉右翼喀爾喀土謝圖汗衛

多布多爾濟喀爾喀扎薩克親王瑪呢巴咱  
爾阿拉善扎薩克親王瑪哈巴拉喀喇沁貝  
勒托恩多土默特扎薩克貝子固倫額駙瑪  
呢巴達刺至

御座前賜酒成禮○是年旌表孝子直隸等省  
王國楨等十六名孝義甘肅生員潘性敏等  
二名孝女浙江等省王蓮等三口孝婦江蘇  
等省葛吳氏等三口義夫浙江等省張治履  
等二名守節合例滿洲前鋒四格妻薩克達

氏等一百十九口蒙古馬甲孝順阿妻伊爾  
根覺羅氏等二十六口漢軍馬甲蔡永保妻  
劉氏等十四口內務府披甲福山妻于氏等  
十口各省駐防依林太妻佟氏等二百二十  
四口奉天等省孫廷珠妻李氏等一千五百  
十一口夫亡殉節江蘇等省沙開慶妻紀氏  
等三十二口張英林聘妻吳氏等十口未婚  
守志漢軍生員范樹檀聘妻高氏一口江蘇  
等省徐鏞聘妻姚氏等二十四口百歲壽民

婦江蘇等省王魯珍等三十七名口六世同  
堂福建袁黃氏一家五世同堂西安駐防閑  
散僧額泰一家直隸等省王惠等六十七家  
七世同居湖南唐大矩一家各給銀建坊如  
例○一產三男直隸等省董福等七家○會  
計天下民數除直隸三河等州縣福建臺灣  
府未報數數除江蘇福建未報外通共大小  
男婦三萬七千四百六十萬一千一百三十  
二名口存倉米穀三千二百八十八萬四千  
四百六十二石六斗九升八合三勺

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十八

監修總纂官臣日講起居注官太子太傅禮部尚書臣等奉旨修纂臣等謹將宣宗成皇帝實錄卷之七十八  
天爵功勳格體帶加五級起銀十八次臣等謹將宣宗成皇帝實錄卷之七十八  
七次大臣體察會同四譯館譯加一級隨帶加七次起銀十八次臣等謹將宣宗成皇帝實錄卷之七十八  
內務府大臣保白張鴻勳等跪奏為宣宗成皇帝實錄卷之七十八  
醫院總辦處等臣等謹將宣宗成皇帝實錄卷之七十八

教修

道光五年乙酉春正月己丑朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成○御太和殿受朝○作樂宣表如儀○

詣

大高殿

壽皇殿行禮○御乾清宮○賜皇子親藩等宴○

命教漢鎮國公那木扎勒多爾濟在御前行  
走○庚寅

上御重華宮○茶宴廷臣及內廷翰林○命和

御製新正二日漱芳齋詩韻○辛卯

高宗純皇帝忌辰○遣官祭

裕陵○

上詣

奉先殿

壽皇殿行禮○詣

關帝廟拈香○諭內閣朕於二月二十日恭

奉

皇太后啓鑒○二十三日祇謁

東陵禮成後○朕於二十六日駐蹕南苑○三月初

二日回圓明園○所有應行事宜著各該衙門

照例敬謹豫備○壬辰

上御紫光閣○賜蒙古王貝勒貝子○額駙○台吉

及外藩使臣等宴○並賞賚有差○貸直隸文

安○大城○二縣上年被旱被水災民籽種口糧

○給江蘇沛縣上年被旱被水災民一月口糧○貸河南汝陽淮寧二縣上年被水災民倉穀並緩徵杞縣舊借倉穀○緩徵山東恩縣德州衛上年被災軍民上忙錢糧漕項河銀○貸陝西沔畧陽寧羌西鄉安定雒南鎮安七州縣上年被水被雹災民一月口糧○癸巳諭內閣前有旨令孫玉庭來京朕思南河運道經上年高堰漫口之後不無停淤淺阻現屆各幫船重運經臨催提趲渡在在均關緊要孫玉庭在江年久於該處情形較為熟悉此時暫緩前來著與新任漕督顏檢會辦重運事宜孫玉庭務當激發天良認真經理於各船行走督令飛挽前進不得有逾過淮例限日期如果籌辦妥協進行無誤尚可稍贖前愆俟幫船全數渡黃再行來京供職○緩徵山西隰州上年歉收貧民舊借倉穀並緩平魯五臺一縣舊借倉穀十分之五○甲午

上詣

雍和宮行禮

火神廟拈香○諭軍機大臣等文孚等奏籌辦南河濟運衛民要工一摺此次堰盱缺口堵合後黃水已高清水一丈三尺餘寸即使春間稍有積水亦難敵黃濟運漕船關天庾正供斷不能任其阻滯若於黃河以北添設撥船接運事亦窒礙難行此時借黃濟運自係權宜辦理惟從前嘉慶年間重運渡城而王營減壩及棉拐山李家樓先後失事尤不可不先事豫防著及萬全著照文孚等所議先於禦黃壩外添建壩工三道鉗束黃流俾免漲滿並於禦黃壩內外及束清運口各壩兩岸灘面築做緯道以資束水行緯其緯道內築做土壩數十道以備黃水內進鑲柴逼溜至裏揚兩廳長河淤淺之段大加挑挖兩岸隄身酌估幫培豫貯料物隨時築壩逼溜刷淤俾漕行不至淺阻其禦黃壩未啓之前

先將束清壩以內至高堰八堡一帶引河。趕為估挑。以便清水漸長。導引入運。禦黃壩將啓之時。即將束清壩嚴密堵閉。以杜黃水入湖。至漕船渡江後。著無分幫次連舸北上。不許脫空。河口一帶多備關纜緯夫。以期拉挽迅速。分泊船隻。以備起剥。並著分派文武幹員。提催照料。務於夏至以前。黃水尚未渾濁之時。全數趨渡。堵閉禦壩。其黃河北岸切近運口之王營減壩裏頭。及鹽河隄埽等工。現

已鑲築豫備。啟放。仍著嚴煥逐細履勘。再為鑲埽幫隄。俾黃流不致壅漲。斷不可任其分洩日久。以致下壅上瀆。該督等當慎之又慎。毋貽後患。至湖隄為淮揚保障。所有殘塌各工。自應設法趕辦。著即採辦料物。由運河入高寶湖。運至堰盱。儘量卸入湖之舊石。鈎撈修砌。限大汛前。一律砌高十層。若湖水再長。即啟放山盱之二壩。三河循序減洩。俾下游不致被淹。其高堰十三堡。山盱息浪菴兩處

壩工內築裏餞外拋碎石。仍多備料土。隨時加壓。並於生灣犯風各石工。多積柴稽料。壩以備鑲埽防護。並著嚴督工員照估加砌。務期修築堅實。灰漿乾老。再行設法減黃。相機收蓄。漸復舊規。除王營減壩隄埽各工另估外。湖隄掣壩新工。例應工員賠修。著即墊發趕辦。仍於各該員弁名下。照數追繳還款。文孚等即飭該管道將等逐細勘查。勿任浮冒。其借黃濟運工程浩大。仍會同遴選公正諳

練之員。分任監催。以期妥速堅實。斷不可稍有疏失。又致殃民糜帑。此為至要。又另片奏現估籌濟重運修復湖隄各工。約需銀三百萬兩。藩關各庫。現存銀兩。懇即就近動撥。下少銀六十一萬兩。如稍可節減。另行覈實請撥等語。所奏是。所有江蘇安徽三藩庫存銀四十六萬兩。揚關存銀三萬兩。龍江關存銀三萬兩。許墅關存銀九萬兩。蕪湖關存銀二十萬兩。鳳陽關存銀七萬三千兩。俱著准其



就近動撥。至下少銀六十一萬餘兩。前據琦善奏。東省豫籌協濟。於司庫附貯項下。提出銀六十二萬兩。再將本年報撥銀十八萬兩。共湊足八十萬兩。以備撥用等語。魏元煜等如勘估無可節減。著即一面奏聞。一面咨明該署撫。就近撥用可也。將此諭令知之。○實授戴三錫。四川總督。○貸雨淮中正場。上年被水。竈戶一月口糧。○貸甘肅狄道靜寧。固原。安西。河。秦。隴。肅。撫。鞏。皋。蘭。渭。源。靖。遠。金。伏

羌。安定。會。寧。通。渭。寧。遠。漳。隆。德。安。化。張。掖。山。丹。武威。永。昌。古。浪。平。番。中。衛。平。羅。西。寧。碾。伯。大通。秦。安。禮。徵。靈。臺。鎮。原。崇。信。高。臺。三。十。九。廳。州。縣。並。肅。州。州。同。莊。浪。毛。目。東。樂。各。縣。丞。所。屬。災。民。口。糧。籽。種。有。差。○貸甘肅宜。禾。縣。上年被旱。災民口糧。○乙未。

世祖章皇帝忌辰。遣官祭。

孝陵。○

上詣。

皇太后宮問安。○諭內閣。英和等奏。請補送京察一等人員。步軍統領衙門郎中英瑞業已簡放副都統。該員係本年京察保送一等。應即扣除另補。惟吏部向來辦理察典。於各衙門造冊咨送後。即不准另行補送。茲據詳查例無明文。且現在尚未封門考覈。若不准其補送。是該衙門此次京察。竟無一等司員。未免偏枯。應否將員外郎海忠補送之處。著吏部覈議具奏。○兵部奏。議處前任塔爾巴哈

台參贊大臣。委散秩大臣哈齊香阿降二級調用。得旨。哈齊香阿私遣兵丁。接取家眷。部議降調。實屬咎所應得。著革去委散秩大臣。降為二等侍衛。在大門上行走。其身兼世職。著照例折罰。世職半俸六年。免其降調。世職哈齊香阿。又違例給與官兵虛銜翎頂。著再降三級留任。准其抵銷。○給安徽天長縣。泗州衛。上年被水。軍民一月口糧。並緩徵天長縣新舊額賦。○丙申。諭內閣。御史楊煊奏。請

撲挖蝗蝻一摺。上年直隸省偶被蝗災。節經撲滅。惟入冬以來。雪澤較少。天氣晴暖。據該御史奏稱。直隸霸安肅定興等州縣。蝗蝻業經蠕動。出土者約長二三分不等。其未經出土之蝻子。正復不少。並恐此外尚有萌生之處。自應防患未然。即行創挖淨盡。著陸以莊申啓賢。蔣攸銛。迅即查明有蝻孽地方。嚴飭各該州縣。趁此農隙之時。實心設法撲捕。限十日內將蝻子全行創挖。毋任滋蔓為害。如

該州縣並不上緊趕辦。致令蔓延。即著嚴叅治罪。決不寬貸。○丁酉。享

太廟。遣惇親王綿懌恭代行禮。○遣官祭

太歲之神。○

上詣

大高殿行禮。○幸圓明園。○奉

皇太后居綺春園。○詣

安佑宮行禮。○戊戌。

上詣

昭顯廟拈香。○還宮。○諭內閣。黃鳴傑奏。請借項修濬浙西水利各工一摺。浙江省杭嘉湖三府屬河道水利。經該署撫勘明工段。皆係必應挑辦。仿照江蘇省覈算。共需土方銀十五萬七千六百五十九兩零。又修築烏程長興二縣塘閘橋壩。計銀一萬九千八百三十七兩零。除前次借動封貯銀十萬兩外。其不敷銀七萬七千餘兩。著准其於藩庫封貯及現收監餉款內。先行借給興辦。查明得沾

水利各縣。分年攤徵還款。該署撫務責成各縣。乘農事未興之時。趕緊分段興工。限春汛前一律完竣。毋任稍有剋扣。勒派並著援照民捐成案。免其造冊報銷。所需委員薪水等費。既無間款可籌。著准照江蘇省乾隆年間成案。每百兩扣平飯銀五兩。存貯司庫覈實支給。其漲灘成田應行剷除處所。如已升科。准其豁免糧賦。無庸給與產價。工竣之日。著該署撫親往驗收。如有草率偷減。立即據實

嚴叅毋稍寬貸。○修江寧省塢黃快船。從巡撫張師誠請也。○

上以次辛祈穀於

上帝。自是日始齋戒三日。○己亥。諭內閣。盧坤奏修復河渠。水利出力人員。懇恩鼓勵。陝西省各屬渠道甚多。久經湮廢。經該撫飭令各道督率該管地方官陸續勘辦。業將咸寧縣之龍首渠。長安縣之蒼龍河。涇陽縣之清治二河。藍屋縣之潞峪等河。郿縣之井田等渠。

岐山縣之石頭河。寶雞縣之利民等渠。華州之方山等河。均皆展寬挑深。增隄築堰。開復水田百餘頃。至數百頃不等。榆林府屬之榆溪河。芹河。亦開挖報竣。該員等承辦奮勉。尚知以民事為重。自應量予恩施。以示獎勵。所有前任咸寧縣知縣升任漢中府留壩同知唐錫鐸。長安縣知縣侯升同。知直隸州張聰。賢涇陽縣知縣恆亮。署藍屋縣知縣中部縣知縣康承祿。郿縣知縣褚裕仁。岐山縣知縣

陳堯書寶雞縣知縣劉用霖華州知州張坦。榆林縣典史徐載生。俱著交部議敘。其另片奏澄城縣知縣伍敏。捐製水車。教民汲引。俾資灌溉。尚屬留心。著一併交部議敘。該撫仍飭屬董勸農民。隨時勤加濬治。毋任日久淤塞。以利農田。○庚子。

上詣

南郊齋宮齋宿。○諭內閣。魏元煜等奏。要工並舉。請飭調監催各員一摺。南河運口及禦黃壩內外疏築各工。並修復堰圩湖隄。工段既多。必得公正大員。及諳練勤幹各員。分段監催。以期妥速。嚴事著照所請。原任江蘇按察使丁憂回籍之林則徐。降調河北道。現賞同知銜發往直隸。差遣之鄒錫淳。俱著准其飭調來工。專任督催。原任徐州府丁憂知府俞穎達。現任浙江玉環同知王鳳生。原任蘇州府總捕同知候補直隸州知州倉斯升。現任東河下北河同知鄭炳文。原任淮安府外南

丁憂同知王貽象俱著准其飭調來工分任  
監催原任安徽宣城縣知縣楊德壘。揀發東  
河知縣借補陽封縣丞張泰青俱著准其調  
工。稽覈工程錢糧。該督等即檄催各員迅速  
赴工。妥為經理。除籍隸江蘇之鄒錫淳。楊德  
壘。工竣再行具奏外。王鳳生。鄭炳文。張泰青  
及服闋例應赴選直隸州知州倉斯升。均著  
留於南河差委補用。其林則徐。俞穎達。主貽  
象。三員。工竣仍著回籍終制。○諭軍機大臣

等。前據侍郎朱士彥條陳高堰各工程。當交  
文孚等逐條確覈。茲據奏。體察現在情形。詳  
籌妥議。朕詳加披閱。內如高堰石工。為蓄清  
敵黃最要關鍵。欲蓄清水。必須湖隄鞏固。惟  
蓄水過多。從前所築土坦坡。斷難抵禦。著即  
改用碎石。俾堰貯石隄。永無塌卸之虞。刷黃  
濟運。河漕可期。並治。魏元煜等。候堰貯補修  
土石隄工。辦有端緒。即詳細勘估具奏。至宣  
洩黃水。惟楊莊運口以下之王營減壩。減漲

最為得力。著將該壩以內鹽河隄埝勘估加  
築。以備大汛啓放分洩。無致偏注南岸。其山  
盱五壩原以備減洩湖水。現在仁義禮三壩。  
地勢高亢。引河淺窄。智信二壩。又經擡高。壩  
底洩水不暢。一遇淮水異漲。即恐盈滿潰隄。  
著於仁義禮各舊壩處所。審擇地勢。仿照舊  
規。添建石滾壩一座。以防異漲。魏元煜等。一  
俟要工完竣。再行勘議具奏。餘俱著照所議。  
分別辦理。文孚等現在查勘河湖要工。及籌

辦重運事宜。俱已次第奏明興辦。著再體察  
情形。如現無緊要應議事件。所有一切工程。  
俱交魏元煜。嚴煥。查照歷奉諭旨。妥速趕辦。  
文孚等即來京供職可也。將此諭令知之。○  
辛丑。祈穀於

上帝。

上親詣行禮。○幸圓明園。○詣綺春園問

皇太后安。○壬寅。

上御奉三無私殿。賜皇子親藩等宴。○御山高

水長賜王公大臣蒙古王貝勒貝子額駙台吉及外藩使臣等食翼日如之○諭軍機大臣等永芹等奏逆裔張格爾竄至喀拉提錦近日屢經布魯特等探報該犯流移不定招集匪類名曰格得勒沙一種潛往喀拉霍爾罕地方距卡倫遠近不過數日之程附近布魯特等因其嚇詐搖惑生計不安每以風聞報信等語張格爾以逆犯餘孽膽敢勾連黨類妄思滋事自前次勒捕竄匿之後力窮勢蹙尚復在卡倫附近糾約匪眾仍圖覬覦實屬罪不容誅惟該逆現既逃至卡外潛匿無定不值再勞兵力遠出追拏永芹等務當剴切曉諭布魯特人眾如果能將該逆等悉數擒獻固屬盡善否則飭令各卡倫隨時嚴密防範毋稍疏懈儻該逆等恐不畏死仍來窺伺立即相機擒捕以淨根株切勿坐失機會該大臣等於此事既不可稍涉輕縱尤不得過示張皇總宜鎮靜安輯是為至要又另

摺奏霍罕伯克遣遞信字分別准駁所奏是外夷錢債細故天朝體制原未便代為查辦至曉諭帖內因該伯克不敢提及張格爾事亦未宜露此意俱屬妥協將此一併諭令知之○以裏事

祈穀壇敬謹安詳音節清亮賞太常寺讀祝官連貴藍翎○賞喀什噶爾防卡被戕侍衛護軍校花山布家屬銀○癸卯

上詣

安佑宮行禮○御正大光明殿賜朝正外藩等宴作樂賜酒如除夕儀○甲辰

上御正大光明殿賜大學士尚書等宴○乙巳以浙江丁力較疲准杭三紹前二幫駁回正米分限帶交○丙午

上奉

皇太后幸含輝樓賜皇子親藩蒙古王貝勒貝子公額駙台吉及外藩使臣等食○倉場侍郎博啟圖等奏請將曠班監督分別議處得

肯祿米倉滿監督克什布輪值班期既不在倉住宿又不自帶鑰匙實屬怠玩克什布著撤退交部嚴加議處漢監督台精阿本非班期惟將鑰匙交付家人亦有不合台精阿著撤回原衙門行走並交部議處以為玩視倉儲者戒○修雲南鎮雄州運銅橋道從巡撫韓克均請也○丁未

上奉

皇太后幸同樂園進膳○御山高水長賜王公

大臣蒙古王貝勒貝子公額駙台吉及外藩使臣等食○戊申諭內閣阮元等奏請借款生息津貼捕費一摺粵東盜劫之案較多必應認真緝捕惟懸賞購線及口糧解費例款不敷支銷各州縣辦理支絀自係實在情形著照所請准於米耗盈餘項下動借銀二萬兩奏留充公項下動借銀二萬兩通省充公項下動借銀一萬兩糧道庫存普濟堂經費項下動借銀五萬兩共提銀十萬兩發給當

商收領自發商之日起按年一分行息每年所得息銀一萬兩以一半歸還原本一半撥充捕費津貼之用俟清還原本後發商本銀即著永遠生息此後息銀除支銷捕費外餘著另款存貯以備公用至每年提歸本銀著報部查覈其支銷捕費歲無定數即由藩司隨時覈實支給年終報明該督撫存案無庸報部覈銷該督撫惟當飭屬實力緝拏毋致日久玩生仍歸有名無實○己酉

孝穆皇后忌辰遣官祭

暫安園寢○諭內閣蔣攸銛等奏請將保送屯防兵丁改補經制外委一摺向例派往科布多及烏里雅蘇台屯兵年滿保奏以把總經制外委分別補用惟該兵等在防所專務農工兼供匠作於紀律技藝素未講求一經序補得缺恐不知訓練兵丁必致廢弛營務自應量為變通以免貽誤嗣後科布多屯兵收獲糧石在十三分以上之種地大犂頭著以

經制外委保用烏里雅蘇台防兵當差奮勉亦著以經制外委補用如續因出力保用把總仍著先補外委隨營學習一年俟弓馬熟練再行拔補把總此次已保把總尚未補缺之屯防兵下即照此辦理○修築直隸通州溫榆河上游果渠村壩塌從協辦大學士總督蔣攸銓請也○庚戌

上幸萬壽山○詣綺春園問

皇太后安○辛亥

孝聖憲皇后忌辰遣官祭

泰東陵○

上詣

恩慕寺

恩佑寺行禮○諭內閣三載考績大典攸關諸臣中實能為國家宣勤自當甄敘年老而精力尚健者仍堪留任本年京察屆期吏部將京外各大員開單具奏朕詳加裁定大學士托津大學士雲貴總督長齡奉職多年恪恭

乃事大學士曹振鏞吏部尚書文孚戶部尚書黃鉞管理部務均臻妥善而承書諭旨獻替劬勩尤為出力協辦大學士戶部尚書英和管理部旗諸務俱能盡職禮部尚書汪廷珍品行端方部務熟習協辦大學士直隸總督蔣攸銓封疆重任克稱職守自調任直隸總督以來通省事務日見起色陝甘總督那彥成辦理西寧番案甚屬得宜江南河道總督嚴烺前在東河任內宣防盡力歲慶安瀾

俱著交部議敘署山東巡撫琦善明幹有為任勞任怨前辦馬進忠逆案不動聲色誅捕淨盡尤為卓著著加恩賞加總督銜仍留山東巡撫之任都察院左副都御史德奎人甚平庸不稱風憲之任著以四品京堂降補餘俱著照舊供職特諭○又諭魏元煜等奏請飭催漕船趕早渡黃等語上年洪澤湖堰圩隄工掣壩清水消耗過多本年重運到淮必須相機設法濟運據魏元煜等奏稱現辦各

工。正月內定可一律完竣。所有重運漕船。須跟接前進。迅速渡黃。趕早堵築禦黃壩。以免黃水停淤。著湖廣江西安徽浙江江蘇各督撫。即行嚴催軍船受兌。飛速開行。並飭沿途晝夜催趲。毋許片刻停泊脫空。務期渡江入運。更比常年趕早。於四月內埽數渡黃。俾免啓壩待船。致有貽誤。○又諭。那彥成等奏喇嘛庇賊惑眾。請革去職銜發遣一摺。喇嘛伊什多爾濟。前因隨同辦理番案微勞。曾經賞

給扎薩克職銜。乃該喇嘛志意驕縱。種種不法。膽敢於緝捕時勒索銀錢。呵斥廳營。並私通信字。受賄包庇搶劫青鹽賊犯。恣肆妄為。情殊可惡。伊什多爾濟著革去扎薩克職銜。剝取黃衣。發往兩廣極邊充軍。以示懲儆。○又諭。本年係應行查閱廣東廣西浙江福建營伍之期。廣東廣西著即派阮元浙江福建著即派趙慎畛。逐一查閱。務各認真簡校。如查有訓練不精。軍實不齊者。即將廢弛之將

弁據實劾參。毋得視為具文。○撥山東籌備銀六十一萬七千兩。解往江南以濟工需。○壬子大學士署刑部尚書托津等奏。查明聽從尊長毆傷期親尊長。已結各案。與上年查辦奇里綱阿一案。擬罪不符。因例無專條。而乾隆四十五年通行。又未纂入。以致辦理參差。應即查照前辦通行纂定條例。以資引用。得旨依議。其從前承辦各員。因例無專條。又未將乾隆年間通行纂入例冊。以致辦理參

差。既據查明更正。俱著加恩免其議處。○給江蘇山陽清河寶應高郵西州縣上年被水災民口糧。並山陽縣坍塌民房修費。○緩徵江蘇泰興化東臺鹽城阜寧山陽寶應高郵甘泉江都十州縣新舊額賦。並泗州衛災軍銀米。○癸丑以前任江寧將軍普恭著鑲黃旗漢軍都統。○鑲紅旗漢軍都統果勒豐阿。因病解任。以烏里雅蘇台將軍慶保為鑲紅旗漢軍都統。仍留烏里雅蘇台將軍任。以刑



部尚書明山。署鑲紅旗漢軍都統。未到京前。以理藩院尚書穆彰阿兼署。○命雲南開化鎮總兵官蘇法那。來京。以龍陵協副將胥耀宗。為開化鎮總兵官。○免雲南銅廠民欠無著工本銀。○甲寅。朝鮮國王李瑈遣使表賀萬壽冬至元旦三大節。並謝賞扁額。級匹恩。呈進方物。賞賚筵宴如例。○琉球國王尚灝遣使表貢方物。賞賚筵宴如例。○乙卯。上幸靜明園。詣

龍神廟拈香。○諭內閣。上年刑部審擬奇里網阿一案。派委員外郎薩勒杭阿。葉文馥。會同郎中阿康。主事楊思榮審辦。因錯擬罪名。當經交部議處。迨吏部查取職名時。刑部何以祇將薩勒杭阿。葉文馥二員開送。薩勒杭阿。葉文馥。同係降調之員。何以薩勒杭阿。獨自遞呈申辦。其中恐有別情。著刑部堂官明白回奏。○命都察院左都御史松筠。馳往熱河。會同都統那清安。審辦東土默特貝勒濟

克默特扎布等互控案。○閩浙總督趙慎畛奏。請以明臣黃道周。從祀文廟。下部議行。○貸雲南景東廳被水鹽井修費。並免上年應徵課銀。○丙辰。上詣綺春園問

皇太后安。○諭內閣。二月二十五日。大阿哥惠郡王。前往駐園南苑。三月十五日。回圓明園。著派總詣達阿那保隨往。所有應行隨往之散秩大臣侍衛等。著交各該處照例奏派。○

又諭內閣。為絲綸重地。向例大學士輪日到閣。閱看本章。兼覈清漢本簽。以昭詳慎。大學士托津。現署刑部。並管理理藩院事務。較繁若逐日到閣。一人勢難兼顧。著派內閣學士奕經。特登額。武忠額。陳嵩慶。朱方增。每日輪流一人赴閣閱本。其清漢本簽。仍由托津覈定進呈。庶辦理益昭慎重。○諭軍機大臣等。阿爾邦阿奏。請鹽斤加價。以濟工需一摺。據稱現在高堰漫口。一切堵築。及撫卹事宜。並

直隸興修水利較嘉慶十四年工用更鉅請將長蘆鹽斤加價二文以濟工需兩淮濱臨河岸藉資保障兩浙山東與江境毗連尤當踴躍急公並請一體加價再長蘆鹽斤加價錢文請按照時價易銀交納如一二年後各工完竣請一半賞給商人完繳積欠並補錢價之不足其一半解部以歸撥用款項等語上年據蔣攸銛等覆奏秋成後察看引地情形仍請酌增鹽價朕以加價究非善政未肯

輒允所請嗣據御史蔡學川奏請停止當即降旨將蔣攸銛等會議酌增之處毋庸議茲據阿爾邦阿奏請加價以濟工需著各該督撫鹽政體察現在情形是否不至病民而於工需實有裨益悉心酌議據實具奏俟奏到時再降諭旨將此各諭令知之○引見京察三品以下京堂各員得旨順天府府尹申啓賢在任數年辦事妥協著加恩交部議敘餘俱著照舊供職○添派太僕寺少卿斌良馳

往熱河會同都察院左都御史松筠審案○以鑲白旗蒙古都統和世泰兼署正黃旗漢軍都統前任江寧將軍普恭著都察院左都御史○丁巳

孝儀純皇后忌辰遣官祭

裕陵○諭內閣魏元煜等奏請暫留官剝以備南漕剝運一摺湖南三幫漕船運道最遠上冬回空既晚本年又因搭運倉穀碾米不無稍稽時日自應豫籌將漕糧運通以期無誤

著照所請准其將該省境內現有湖南江西代造直隸官剝船共四百六十七隻暫行截留如湖南幫船未到之先河口及淮河一帶應須起剝即留為各該處起剝之用設湖南幫船阻住黃河以南不能趲渡北上即將漕糧盤壩剝運赴通仍令原押官丁管領交卸若不敷裝載將河口官剝湊用著該督等臨時察看情形籌議辦理如湖南幫船能跟接渡黃仍將前項官剝令該二省原委之員督

押前進。速赴楊村。以便起剝應用。並著蔣攸銑。屆期察看楊村剝船。如不敷用。仍照舊添雇民船抵補。○諭軍機大臣等。魏元煜奏。確查御史錢儀吉糾參各款。所奏均悉。大學士孫玉庭據該督奏稱精神強健。辦理公務。不減往昔。朕徧加訪問。與所奏無異。是以格外施恩。諭令會辦新漕。俟重運渡黃。來京供職。至吳江縣知縣劉元齡。據該督奏年少氣浮。頗有物議。惟所稱身染惡疾。未經查悉。該縣既不免物議。其居官不謹。難膺民社。已可概見。著即據實劾參。以儆官邪。其河庫道福兆。松江府知府楊樹基。揚州府知府黃在厚。裏河同知張棟。泰州知州王有慶。著再隨時留心察訪。一有劣跡。即行叅辦。毋稍回護。將此諭令知之。○江蘇巡撫張師誠奏。請將句容縣上年漕米。無論正贈。概准私稟兼收。以示體恤。報聞。又批。嗣後若非出於不得已。不准動輒以並納奏請也。○以緝捕奮勉。賞番子

頭目聞勇。八品頂帶。○戊午。

上詣

大高殿行禮。○還宮。○貴州按察使宋如林。以病解任。調廣東按察使李灋。為貴州按察使。以廣東南韶連道容海。為按察使。

大清宣宗效天符運立中體正至文聖武智勇仁慈儉勤孝敏成皇帝實錄卷之七十八

其作總纂官地現已據此查該官太子太傅修德開闢大學文淵閣開事管理太子詹事上書房總纂傳倫倫院官等亦兼中  
 天所府尹有路應等加五級紀錄十八次戶曹總纂官地現已據此查該官太子詹事上書房總纂傳倫倫院官等亦兼中  
 六倉大臣總纂會同詳詳等加一級隨事加六級功加三級紀錄五次呈請沙喇道總纂官文淵閣纂纂官等亦兼中  
 內務府大臣親由歐洲洲新莊莊客內六倉大臣管理吏人府銀庫左監門官等 家齊子圖明等處核核等處並並等處  
 習阿達爾等處等加十八級戶部司司地地等處總纂官兵部尚書隨事加六級紀錄二十次戶部司司地地等處等處

道光五年乙酉二月己未朔諭內閣本日松

筠到軍機處。告知軍機大臣代為奏請。帶內閣中書徐松。隨往熱河審案。向來各部院大臣。經朕派令出差。例帶本衙門司員。或本衙門無熟悉刑名之人。准將刑部司員奏明帶往。此次濟克默特扎布。及色楞旺楚克。互控一案。係蒙古事件。前經松筠奏帶理藩院司員尚屬可行。松筠係都察院堂官。中書非其所屬。率請隨帶徐松。又不於召見時面奏。跡近專擅。任意妄為。不知檢點。且此端一開。將

春經筵遣官告祭  
奉先殿。

傳心殿。

上御文華殿經筵。直講官稽恩。盧蔭溥。進講大學生之者。眾食之者。寡為之者。疾用之者。舒講畢。

上宣御論曰。此聖人本先慎乎德。以明足國之道。在乎務本而節用也。誠以人主固不可專務於財。而財用又實國家所不可缺。此其中

有大道四。曰生之食之為之用之。農工商賈各安其業。事情則議德。熙攘者無游手矣。卿尹庶司。各任其勞。官冗則議汰。食祿者無幸位矣。賦稅徭役無苛政。而用之必以時。民無農事之妨焉。冠昏享食有成規。而節之必以禮。朝鮮不時之令焉。惟上之人以一身阜天下無窮之財。道在乎輔相。以一身節天下有限之財。道在乎裁成。生食為用。有其經。取寡疾舒得其當。閭閻之一絲一粟。皆關宵旰之

慮。思兢兢業業。不敢一息或弛。一念或怠。尤願百爾臣工。克襄郵治。庶幾國用足而民生裕。可不即大學一書而克修厥德乎。直講官舒荃王引之進講易經天地之大德曰生。講畢。

上宣御論曰。一陰一陽之謂道。乾為天。坤為地。天尊而地卑也。乾天下之至健也。德行恆易。坤天下之至順也。德行恆簡。易則易知。簡則易從。易簡而天下之理得矣。天以輕清上浮。

而為陽。地以重濁下澄而為陰。陰與陽相感而萬物化醇。所謂乾元資始。坤元資生也。以是知盛德主乎常生。故曰生也。若不常生。其德何由而稱大哉。五行四象。天之所以生物者至大。百穀草木。地之所以生物者亦至大。而且雷以動之。風以散之。雨以潤之。日以烜之。春則渙發為功。秋則收成為用。鉅而民物細而昆蟲。本乎天者親上。本乎地者親下。天地自默運於不言。而實為萬物之所歸。萬物皆致養焉。王者觀象於天。觀法於地。本人情以出治。順物理以長養。因其已生者而生之。以順其節序。更因其未生者而生之。而無事勉強。以禮樂暢煦育之。氣固為生。以刑政弭暴戾之習。亦為生。如天之無不博。如地之無不載。凡夫山陬海隅。窮鄉僻壤。戴天而履地者。莫不載者培而傾者覆也。是以通天下之志。定天下之業。斷天下之疑。使盈天地之間者。共沐廣生之德。於以生生而不窮焉。有天

下者其可忽諸禮成。

上幸文淵閣。賜講官及聽講諸臣茶。復賜宴於本仁殿。○諭內閣。永芹奏。審擬烏什營員揭控辦事大臣各款。此案富綸身為辦事大臣。於所屬鋪戶與伊家人詐贓行賄重情。不能虛衷研鞫。與承審各員意見不合。任性妄為。以致被揭多款。實屬不職。茲據永芹逐加根究。審明擬奏。其剛愎錯謬之處。咎無可逭。富綸著發往黑龍江充當苦差。以示懲儆。章京

富隆額。桂芬。參將官海。承審此案。屢請寬辦。有意遷延。官海又於案前迎合改輕。及被叅後復挾嫌控告。情殊狡詐。除官海已於另案革職外。富隆額。桂芬。俱著即行革職。佐領珠陞阿。都司馬輔相。隨同問案。所有種種謬誤。雖非該二員主見。惟毫無覺察。亦有不合。珠陞阿。馬輔相。俱著交部議處。已革之七品伯克色里克。既經訊明屈抑。著即開復。照例補放。把總賈玉成。主使目兵放賭抽頭。著革職。

同兵丁分別枷責。失察之該管參將都司。俱著交部議處。○又諭。永芹奏。詳查烏什屯工積弊。訊明定擬一摺。此案參將官海。明知烏什屯工積弊。一味因循。迨至傳訊。取供又復輾轉推諉。著即照前旨革職。外營屯守備甯顯文。扣放僅止一月。訊係迫於勢難。且將屯弊稟知富綸破案。情尚可原。著准其免議。千總妙全。把總聶祿。經制外委嚴永祥。馬英才。每月於屯兵鹽菜銀內攤扣錢文。為一切公

中雜費。均干例禁。俱著照前旨革職。至該處屯弊。自嘉慶四年以後。裁減屯兵。漸有加種。至十五六年以來。加種日多。兵累益深。著自嘉慶十六年為始。所有烏什歷次換班管屯各員。查開職名。交部嚴加議處。歷任失察之大員。著查明在任久暫。交部分別議處。○又諭。那彥成奏。請留吏目差遣等語。前任甘肅省吏目陸陶慶。曾於丁憂後遊幕到甘肅。隨在軍營差委。現今番地早已肅清。該員又因

服闋銓選四川眉州吏目。例應前赴新任。何得以辦理番務需人。藉詞奏留另補。所請著不准行。○辛酉。遣官祭

文昌帝君廟。○諭內閣。本日刑部堂官回奏。錯擬奇里緬阿罪名一案。將派審之薩勒杭阿。葉文馥。二員職名開送。係援照成案辦理。尚無不合。葉文馥並未申辯。乃薩勒杭阿於部議降調後。希圖開復。率行遞呈。著再交部議處。○湖廣總督李鴻賓奏。報楚岸設立公

局。行銷淮鹽。銷引較暢。例價無增。商民均有裨益。請永遠遵行。從之。○修湖北省會江隄。從總督李鴻賓請也。○癸亥。諭內閣。朕駐蹕各處行營。隨扈人等。自應於大營周圍支搭帳房住宿。向不准租住民房。乃前次大營周圍所搭帳房甚少。自必仍租民房住宿。甚屬不合。著交總理行營王大臣等。通行曉諭各部院衙門等處。此次隨扈之大臣官員兵丁人等。務循舊例。各按所分地址。支搭帳房住

宿。僅有租住民房者。經總理王大臣等查出。即行指名嚴叅。○又諭。博啓圖等奏。上年東豫二省運通漕白麥。各倉現存一千三百六十二石零。並有北新富新二倉。盤放盈餘七成漕麥一千七百三十二石。著交戶部查明。或出糶變價。或於大檔甲米搭放。即行奏明辦理。○又諭。那彥成奏。會哨事宜。請專責成一摺。甘肅沿邊一帶。山多路雜。每年每季。今提鎮大員等前往會哨。自應實力巡查。據該

督奏稱。近來會哨各員。往往憚於跋涉。即由平坦大道前行。誠恐日久偷安。漸致有名無實。著照所請。嗣後每年每季會哨時。於派定地方後。即責成甘州提督就近實力稽考。如有任意怠玩者。由該提督揭報。著該督隨時指名叅辦。仍令不時派人密查。僅有前項情弊。提督不行揭報。即一併嚴叅。統俟一年會哨完竣。再將有無潛匿漢奸。偷挖金砂之處。於次年春間。令該提督自行彙奏。以重邊防。

○諭軍機大臣等。上年江南高堰漫口。清水宣洩過多。高寶至清江浦一帶。河道節節淺阻。於本年重運漕船。大有妨礙。屢經諭令欽差尚書文孚等。會同兩江總督及河漕諸臣妥商籌辦。均以清水來源本緩。一時難期暢注。而重運瞬即前進。未便停待。懇請引黃入運。藉其浮送。此固不得已權宜之計。雖添築閘壩。鉗束盛漲。自可無虞。泛濫第黃水挾沙而行。過後必致淤墊。恐目前偶資濟運。日久

貽患滋深。終非善策。從前海運之說。歷據臣工條議。有謂可以試行者。亦有謂斷不可行者。迄無定見。果係河流順軌。漕船自可照常由內河行走。如必欲捨河運之成規。輕冒洪波之鉅險。一切更張舊制。因屬勢所不能。然漕糧為天庾正供。所關非細。設將來運道竟至淤滯。各幫船因而遲誤。該督撫等身任地方。豈有束手無策。不為設法運京之理。自應未雨綢繆。另籌妥辦。朕思江蘇之蘇松常鎮

浙江之杭嘉湖等府屬。濱臨大海。商船裝載貨物。駛至北洋。在山東直隸奉天各口岸卸運售賣。一歲中乘風開放。每每往來數次。似海道尚非必不可行。朕意若將各該府屬應納漕米。照常徵兌。改雇大號沙船。分起裝運。嚴飭舵水人等小心管駕。伊等熟悉水性。定能履險如夷。所有風濤之警。盜賊之事。亦可無慮。惟事係創始。辦理不易。然不可畏難坐視。漠不相關。著魏元煜。顏檢。張師誠。黃鳴傑

各就所屬地方情形。廣諮博採。通盤經畫。悉心計議。勿存成見。務將如何津貼沙船。旗丁不至苦累。雇用船隻。有無騷擾閭閻。抑或隨船均須派委員弁。照料護押。及各該屬由何處水次兌運開行。抵北時灣泊何所。以便起卸運通之處。一一熟籌。據實具奏。候朕裁酌施行。至江廣幫船。應否同江浙漕糧一體轉運海口。俟江浙等幫海運著有成效。再行歸併籌辦。亦著一併議奏。將此各諭令知之。○



引見各衙門保送京察一等官員。得旨此次京察一等圈出各員。著各該堂官再行出具切實考語。交吏部帶領引見。圈出之滿洲蒙古中書筆帖式等官。著歸入理事同知通判內。遇有缺出。與舊記名人員一併帶領引見。漢軍漢人。著交部以撫民同知通判分別選用。刑部主事怡良。工部主事圖明。額起。居注。主事玉綬。大理寺丞陳元采。侍衛處主事明雙印。順天府治中盧奎。上諭處委署主事明昭。戶部寶泉局東廠大使王文達。都察院經歷金椿。太常寺讀祝官工部額外主事連貴。國子監博士伍長。善鴻。臚寺鳴贊。祥。璿。鑾。儀衛鳴贊。鞭官承安。泰。俱交部照例以應升之缺升用。翰林院侍讀德春。著准其一等。刑部郎中楊菁。步軍統領衙門郎中海忠。俱准其於員外郎任內一等加一級。刑部員外郎鳳來。准其於主事任內一等加一級。給事中蔡學川。准其於御史任內一等加一級。其餘內

閣侍讀札祿等二百六十六員。俱准其一等加一級。○予衍聖公孔慶鑑故母子氏祭一次。○准大通橋車戶承買黑豆二萬石。津貼車價。○除江蘇靖江縣被水衝沒民田五頃九十九畝。有奇。額賦。○甲子。遣官祭先醫之神。○諭內閣。朕此次恭謁東陵。啓鑾後。著派莊親王綿課。大學士托津。尚書盧蔭溥。汪廷珍。留京辦事。○旌表守正捐軀陝西白水縣民高均。悼妻武氏。○展緩江蘇吳華亭。金山。溧陽。四縣舊欠災緩銀米。○乙丑。孝淑睿皇后忌辰。遣官祭昌陵。○諭軍機大臣等。上年堰圩缺口。清水宣洩過多。藉黃濟運。原係不得已權宜之計。本年重運北來。能否暢行無阻。朕心實為廕念。前經降旨。漕船渡江後。無分幫次。連舸北上。不許脫空。務於夏至前黃水未濁時。全數趲渡。著孫玉庭等分派文武幹員。節節提催。每

過一幫。即著由驛具奏一次。以慰塵注。將此各諭令知之。○命戶部右侍郎敬徵辦理

昌陵

聖德神功碑樓工程。以泰寧鎮總兵官慶惠為恭守

昌陵領侍衛內大臣。○命貝子綿清在委散秩大臣上行走。○以故四川永寧道屬泥溪長官土司王文質弟文治襲職。○

上以祭

社稷壇。自是日始齋戒三日。○丙寅。補考未與大考翰林於乾清宮。得旨。編修李煌附二等末。編修羅士菁附三等末。仍舊供職。○丁卯。祭

先師孔子。遣大學士長齡行禮。○諭內閣。黃鳴傑奏。竈戶糾毆致斃多命。審明定擬。此案浙江鎮海縣龍頭場竈戶戎南山等。挾嫌糾毆。致斃慈谿縣商巡徐阿谷等八命。前經降旨。將龍頭場大使金世旺解任查訊。經該署

撫飭屬緝獲各犯。審明分別定擬。該大使金世旺係專管之員。雖經會同營縣查拏案犯全獲。尚無徇縱情弊。惟案情較重。該員究未能覺察於先。金世旺仍著交部議處。即飭令回任。聽候部議。鎮海縣知縣郭淳章。慈谿縣知縣張久照。不能先事防範。訊由釁起一時。尚非約日械鬪。及販私拒捕。既經一月內全數弋獲。功過尚足相抵。俱著免其開叅。○又諭。朕檢閱去歲封章。有巡城御史武爾通阿

劉尹衡。具奏拏獲形跡可疑之人一摺。業經刑部審明。按律奏辦矣。因思該逆犯張淳。雖無主使黨羽等情。其悖逆形狀。已屬確鑿。該御史等巡查尚屬認真。武爾通阿。劉尹衡俱著交部議敘。○引見內務府京察保送一等官員。得旨。此次內務府三院等處京察一等圈出人員。著各該堂官再行出具切實考語。帶領引見。圈出之主事善貴。鍾瑩。委署主事慶年。司庫英裕。筆帖式那章。阿福。呢杭。阿。全

福萬保嘉樂吉忠玉衡嵩璣際貴寶慶錫齡苑丞和塞布著交吏部記名照例選用郎中阿靈阿准其於員外郎任內一等加一級所有一等官員筆帖式達他俱著准其一等加一級○以浙江温州處州二府玉環一廳距省較遠命嗣後秋審及遣軍流徒人犯由溫處道就近審勘限期處分如臬司例從署巡撫黃鳴傑請也○戊辰祭

大社

大稷

上親詣行禮○幸圓明園○詣綺春園問

皇太后安○長蘆鹽政福珠隆阿覆奏鹽斤加

價以濟工需不至病民請照內務府大臣阿

爾邦阿所奏辦理得旨依議妥為辦理○展

緩長蘆嚴鎮海豐二場舊欠修灘銀○己巳

孝康章皇后忌辰遣官祭

孝陵○復引見京察一等圈出官員得旨札祿

福昇阿李彥章聶銳敏程楫采胡國英陳繼

昌陳鑾成世瑄韋德成勒爾經額慶綱尹世衡恆豫蔣文慶達林德成額尹佩珩李恩鐸烏爾恭額慶孚李湘蓀朱樹李藩裕泰普祥韓俊杰徐受荃覺羅誠善李如璋源溥光聰諧戴宗沅慶林鄂順安姚慶元楊黃常德額爾經額慶祿松杰穆常阿桂芬布彥博勒格圖明阿許乃濟莫爾賚阿潘恭常蔡學川海忠安志俱著交軍機處記名以道府用○復引見內務府京察一等圈出官員得旨中祥

彭年阿靈阿啓元普安文景祝麟定珠鍾靈

長良俱著交軍機處記名○庚午遣官祭

關帝廟○辛未遣官祭

歷代帝王廟○班禪額爾德尼遣使呈進貢

物賜敕褒獎賞賚如例○鑄給江蘇通州州

同關防從巡撫張師誠請也○旌表守正捐

軀廣東增城縣民阮錦麟妾姚氏○壬申以

挑濬江南運河妥速予主簿祝豫等升補有

差革辦理遲延主簿丁維申等職○以拏獲

潮州盜匪出力。予廣東同知章埏等升敘有差。○予馳遞公文。墜馬傷斃。惠遠城披甲西拉布。伊犁披甲阿勒津布。賞卹如陣亡例。○添建廣東普濟堂房屋。從總督阮元請也。○癸酉。予福建臺灣在洋遭風漂沒受傷兵丁李成志等一百五名賞卹如例。○甲戌。

上詣綺春園問

皇太后安。○御勤政殿聽政。○遣官祭昭忠祠。○予故烏珠穆沁扎薩克貝勒圖克濟扎布。

祭如例。○以詹事府詹事惠端。四川布政使

陸言。為都察院左副都御史。山東按察使韓

文綺。為四川布政使。調安徽按察使劉斯燭

為山東按察使。四川按察使裕泰。為安徽按

察使。以四川北道吉恆。為按察使。○以故

喀喇沁輔國公布林弟德里克呢瑪襲爵。○

乙亥。清明節。

上詣

安佑宮行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后暫安園寢。○遣官祭

端慧皇太子園寢。○予故前任江西巡撫毓

岱。祭葬如例。○撥熱河道庫銀。挑挖旱河。並

添築荆條單壩。從都統那清安請也。○湖廣

總督李鴻賓奏。湖北監利縣江隄。襄陽府老

龍石隄。被水坍塌。請借項興修。從之。○丙子。

上奉

皇太后還宮。○諭內閣福珠隆阿奏分別派認  
參商官私引地並將所欠帑本官租等項銀  
兩議歸有著一摺。江公源即查有圻上年因  
無力辦運告退。除該鹽政查明有著帑本銀  
四十三萬八千八百八十四兩零。及無著帑  
本銀四十二萬三千九百九兩零。由參課撥  
補外。該參商尚欠交正雜帑利官租至二十  
七萬三千六百餘兩之多。雖據呈出房產家  
什變抵。斷不能敷欠交之數。該鹽政率請將

不敷銀兩亦歸參課彌補。似此紛紛效尤。於  
帑項大有關係。查有圻著即革職。並查明變  
抵不敷若干。嚴行著追。該鹽政於欠款最多  
之商。不能實力著追。率為此奏。殊屬含混。且  
僅請將查有圻交部議處。亦屬徇庇。福珠隆  
阿著交部議處。尋議降三級調用。得旨改為  
降四級留任。○以拏獲鹽梟出力。予兩淮候  
補鹽大使錫綬等升敘有差。○添建河南考  
城縣遊擊守備千總衙署教場火藥局兵房

墩臺並封邱縣墩臺。從巡撫程祖洛請也。○  
丁丑。

上詣

皇太后宮問安。○諭內閣黃鳴傑奏請調劑漕  
幫疲累運丁。浙省漕白等幫。上年減歇停運。  
丁船在次坐食。用費較增。其運丁船因回空  
守候日久。歸次稍遲。均不免疲累。自應設法  
調劑。俾得迅速開行。著照所請。准其將本運  
餘米二萬八千四百餘石。照案留南變價。除

每船提銀十八兩。俟回空給丁濟用外。餘銀  
六萬二千二百兩零。著概行貼補各幫運費。  
所有應還縣庫欠款。加恩再行展緩一年。自  
道光五年冬運起。按限扣還。此內極疲各幫。  
並准其循照成案。暫於運庫本年春季報撥  
公費款內。提銀七萬兩。分別借給。仍將出借  
各幫銀數。咨部查覈。亦自道光五年冬運為  
始。分限五年扣還。免其輪息。以恤丁力而利  
漕運。○又諭富俊奏請賞發書籍清文條例。

吉林乃我朝根本之地。俗厚風醇。八旗臣僕。於國語騎射而外。自當教以清漢文藝。近來該將軍衙門。遇有旗民交涉事件。定擬罪名立案。多用漢文。必至清文日漸生疏。自應更正。以敦舊俗。其滿洲蒙古官學。並未頒發書籍。坊間購買。訛舛甚多。亦應頒發官刻善本。以資矜式。著武英殿查照。該將軍單開各種書籍。裝釘齊全。豫備該將軍派員祇領。○又諭據蘊端多爾濟代奏。新放盟長索諾木旺

楚克。副盟長巴勒多爾濟。呈請來京謝恩。自係伊等誠悃。惟盟長俱有應辦事務。毋庸同來。索諾木旺楚克。著即作為本年班來京。已勒多爾濟。著即作為次年班來京。○旌表守正捐軀江蘇清河縣民魏金山聘妻王氏。○戊寅。

上奉

皇太后啟鑒恭謁

東陵○詣

東嶽廟拈香○詣

皇太后行宮問安。○諭軍機大臣等。本年因南河運道淺阻。重運未能暢行。不得已引黃濟運。權宜辦理。雖屢經飭諭在事諸臣詳慎速籌。而節據孫玉庭等所奏情形。不過以分投督辦。竭力催趲為詞。於各幫船此次北上。將來回空。果不致停淤阻滯之處。總未切實陳奏。殊覺空言無補。現據奏高寶一帶僅止有十餘幫在彼停泊。待水放行。朕思江浙河道較近。漕船進發尚易。至江廣在後各幫。能否跟接前進。且全數渡黃以後。所有回空。必須飭令埽數歸次。方為盡善。又漕船過竣。各河尚需挑挖。以便回空行走。若趕緊興辦。屆期能否集事。朕以漕糧為天庾正供。惟恐貽誤倉儲。宵旰焦勞。無時不深廛念。諸臣身任地方。既經委任。當此漕務喫緊之際。定應胸有成算。豈可以虛言搪塞。竟無一結實把握之語。孫玉庭等接奉此旨。除實力催提。依限趲

渡外。務將江廣各重運。嚴飭銜尾遡行。不准藉詞停阻。將來回空時。各幫內亦不准有一船滯留河北。其各激發天良。將所諭情節。一一據實具奏。以慰懸注。如稍有掎飾。此時重船竟不能保其全渡。回空又致有阻滯。無論船隻多寡。朕惟孫玉庭等是問。恐不能當此重咎也。再昨據奏。定於本月初九日開壩。啓放之後。鋪水暢注。若何。現已渡過幾幫。著即由驛奏聞。嗣後將渡黃幫。次隨時驛奏。毋許稍存玩視。致干罪戾。將此各諭令知之。○免驛路經過地方。本年額賦十分之三。○是日。駐蹕煙郊行宮。○己卯。

上詣。

皇太后行宮問安。○是日。駐蹕白澗行宮。○庚辰。遣官祭黑龍潭。

昭靈沛澤龍王之神。玉泉山。

惠濟慈佑靈濩龍王之神。昆明湖。

安佑普濟沛澤廣生龍王之神。密雲縣白龍潭。

潭。

昭靈廣濟普澤龍王之神。○遣官祭圓明園惠濟祠。

河神廟。○諭內閣。張師誠奏。酌籌州縣各官養廉。請暫由司庫支放。以清墊欠。江蘇省州縣各官養廉。從前本係先解司庫。自嘉慶四年以後。改為留屬坐支。即不赴司請領。其捐攤銀款。各州縣每以無關考成。延不完解。以致江蘇兩藩庫墊款。各積有數萬餘兩。是州

縣徒有歲捐之名。而無濟用之實。恐日久墊款日增。無所底止。自應量為變通。著准其援照山東湖南二省。由司給領成案。將江蘇省州縣各官養廉。自道光五年春季為始。暫行解司。按季請領。隨時扣歸墊款。所扣銀兩。著飭令該藩司等。先儘本任新捐。次及遠年陳欠。俟扣收清楚。再行奏歸州縣留支。以清庫項。所有完欠分數。著照山東省一律歸併地丁奏銷案內。合參議處。俾知儆懼。○協辦大

學士直隸總督蔣攸銑等奏。查驗臺米止有氣頭微變。並無廠底。斛數相符。非有攙換之弊。得旨。臺米氣質不堅。海運炎蒸。易於微變。何以止有氣頭。反無廠底。仍著蔣攸銑等確查明白覆奏。其懇免倉場侍郎。及天津縣知縣察議賠償之處。俟奏到時再降諭旨。○除江蘇六合縣坍沒民衛田四頃有奇額賦。○免江蘇華亭縣坍沒民田漕糧。○是日。駐蹕隆福寺行宮。○辛巳。

上恭謁

昭西陵。

孝陵。

孝東陵。

景陵。

裕陵。俱未至碑亭。即降輿。慟哭。步入

隆恩門。詣

寶城前行禮。躬奠哀慟。王以下文武大臣官員。

均隨行禮。○詣

清 實 錄 道光五年二月

皇太后行宮問安。○諭內閣。朕於本日恭謁祖陵。禮畢。前至寶華峪。親閱萬年吉地。雖現辦工程。不過十分之一。而在工承辦各員等。敬謹將事。尚屬奮勉。所有戶部郎中牛坤。著加恩賞給四品頂帶。並發給小卷緞一百件。一兩重銀鐲一千箇。交英和等查明在工人員。分別賞賚。以示鼓勵。○又諭。魏元煜等奏。參廳員鑲築壩工。甫經堵合。即致壑塌等語。本年啓放禦黃壩後。黃水溜勢湧激。致將束清

壩門埽刷。壑過水。經該督等督同搶辦堵合。惟該同知鑲築此項壩工。甫經堵合。即致壑塌。非尋常疏忽可比。知府銜裏河同知張棟。著即革職。所有錢糧。著落全賠。不准開銷。其束清壩以外五道引河。黃水灌入。雖未掣溜。間有受淤之處。著一併責令賠挑。工完。由該督等驗收。毋任稍有草率。該革員現有承辦高堰石工。及裏河運口以下埽塌工程。應責成一手經理。著准其留工效力。俟重運全數



渡河各工一律完竣。再行覈辦。○又諭松廷等奏西藏扎什倫布寺內辦事人等向來並未設有業爾倉已等缺名目。現在班禪額爾德尼咨請賞給該業爾倉已敦珠批結。與小商卓特巴尼鄧二名。四品頂帶管馬達琿敦珠策忍。五品頂帶執照各一張。查明該處寺院僧眾事務頗繁。僅止該商卓特巴一名管理。恐有不周。自係實在情形。著加恩准其將業爾倉已敦珠批結等分別給與頂帶發給。

執照。松廷等即飭令班禪額爾德尼嗣後即照此次所請作為定額。不得再有增添。該番目等出缺時。仍照前定章程揀選補放。不准私行挑補。以杜弊端。○大學士前任兩江總督孫玉庭等奏引黃濟運流弊孔多。向後情形尚難豫定。得旨實心體國之臣。不應出此含混之語。又奏多派幹員加緊提催以期早過一幫。即多得一幫之益。批。即此觀之。非豫占地步而何。又批。總當一律趲渡。不可先留。

退步。若不全數渡黃。責有攸歸。朕斷不能寬宥。懷之勉之。○福建臺灣鎮總兵官蔡萬齡等奏報擒獲鳳山縣奸民許尚等。得旨嘉獎。賞道員方傳樞署總兵官趙裕福。花翎。餘議敘升賞有差。並賞卹傷亡兵丁等如例。○賞蹕路經過看守各行宮弁兵半月錢糧。○是日回鑾。駐蹕桃花寺行宮。○壬午。諭內閣。朕昨因祇謁

東陵。見

昭西陵

景陵及朱華山後身一帶地方。松林樹枝多有被蟲蝕傷之處。風水重地。所種儀樹海樹均關緊要。若不實力撥除。任令滋生延蔓。殊於樹株有礙。且朕所見數處如此。恐此外蟲傷之樹尚復不少。著繼昌隨時查看。設法捕捉。並嚴飭夫役人等。遇有松蟲處所。立即剔取。務期淨盡無遺。以昭整肅。○又諭御史熊遇泰奏。江海關商船出口。請照定例納稅放行。

江海關商販貨船。除例禁出洋者。向准其納稅放行。前因運往北省銷售茶船。不諳南洋沙線。勢難偷越。亦經該督等議請弛禁。不必概令由內河行走。原所以體恤商旅。茲據該御史奏稱。嘉善松江交界一帶地方。有江蘇織造衙門胥吏人等。私雇巡船。藉端訛索。遇有重載商船。逼令由內河行走。是以關權為胥役營私之地。不可不加以嚴禁。著該督撫等詳查確訪。除向例禁止出洋船隻。飭令沿

海口隘嚴查禁止。仍令由內河行走外。所有販往北省茶船。及不在出洋例禁商販貨船。一體實力稽查。於出口時驗明照例納稅放行。仍嚴禁夾帶違禁等物。毋許偷漏。並著該督撫及織造等嚴查胥役。如有假借巡查各色留難商船。滋事紛擾者。即嚴行懲治。以安商旅。○以故哈薩克公庫庫低子阿濟囊爵。○給安徽天長縣被水災民一月口糧。○是日。駐蹕白澗行宮。○癸未。

上詣

皇太后行宮問安。恭送

皇太后還綺春園。○諭內閣本日據已革御史捐員外郎銜蔣詩呈進畿輔水利志一百卷。著發交蔣攸銑詳細閱看。如有可採擇之處。據實具奏。○旌表守正捐軀甘肅靜寧州民趙希柱妻楊氏。○除陝西咸陽縣被水衝坍民田九頃五十一畝有奇額賦。○是日。駐蹕煙郊行宮。○甲申。

孝昭仁皇后忌辰。遣官祭

景陵。○

上幸南苑。詣

元靈宮。

永慕寺。行禮。○旌表守正捐軀河南廬氏縣民

郭恕女鼇姐。○是日。駐蹕舊衙門行宮。○乙

酉。

上行園。○詣

關帝廟拈香。○諭內閣青海蒙古年班扎薩

克遇有事故。例准本旗協理台吉代替。乃瑪吉格策楞。因患病未愈。輒敢私令別旗章京頂替。旺扎爾多爾濟車布騰文復包攬代往。致有貽誤。均屬不合。扎薩克台吉瑪吉格策楞。旺扎爾多爾濟車布騰俱著交理藩院議處。○除江蘇六合縣坍沒民衛田十九頃有奇額賦。○是日。駐蹕南衙門行宮。○丙戌。

上行圓。○諭內閣。那彥成奏。甘省應行解部捐監銀兩。請於長蘆應解甘省協餉銀兩內。就近交部抵收等語。甘肅省收捐監生銀九萬八千一百九十兩零。已據該督於捐監餘平項下提銀一千八百餘兩。湊足十萬兩解部。本年長蘆亦有應解協甘兵餉銀三十萬兩。著照所請。即將此項應解甘省銀內撥銀十萬兩。就近解部抵收捐款。其甘省應解之款。即撥歸兵餉項下支放。俾免輾轉差解之煩。該部知道。○以故奉恩將軍連桂子祥瑞襲職。○以拏獲布魯特賊犯烏踪邁瑪等出力。

予七品明伯克巴喇特等議敘有差。○賞南苑苑丞苑副暨管園章京等緞匹有差。並看守行宮苑戶一月錢糧海戶銀一千兩。○是日。駐蹕圓河行宮。翼日如之。○丁亥。遣官祭賢良祠。○諭內閣。阮元等奏。鹽商捐輸捕費銀兩。請分別勒追停捐一摺。粵省鹽商續捐捕費銀兩。自嘉慶十六年起。至道光四年止。共應捐銀八十四萬兩。已完解銀七十四萬九千一百四十一兩零。未完解銀九萬八千五百八十八兩零。此項未完銀兩。前已奏令捐輸未便任其延欠。至以後緝捕經費。既據該督等籌計。本有開鹽盈餘田房稅羨捐雜各款。可以動用。不必定藉商捐。且該省商力微薄。亦難為繼。著照所請。自道光五年起。將該商等每年續捐銀六萬兩。准令停止。其道光四年以前未完銀九萬餘兩。勒限兩年內追完繳庫。以昭覈實。○撥廣東洋鹽商捐捕費銀補製水陸各營礮械。從總督阮元請也。○除

直隸東安縣被水衝沒民田一頃四十五畝  
額賦

大清宣宗效天符運立中體正至文聖武智勇  
仁慈儉勤孝敏成皇帝實錄卷之七十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十

監修總裁官臣等謹將宣宗成皇帝實錄卷之八十  
內府所存舊本加五版此錄十八次重校總纂官臣等謹將宣宗成皇帝實錄卷之八十  
七卷大臣稽察會同四庫館纂修加一版隨帶加六版單加三版此錄五式此抄均應照錄宣宗成皇帝實錄卷之八十  
內務府大臣臣等謹將宣宗成皇帝實錄卷之八十內府所存舊本加五版此錄十八次重校總纂官臣等謹將宣宗成皇帝實錄卷之八十  
監修總裁官臣等謹將宣宗成皇帝實錄卷之八十內府所存舊本加五版此錄十八次重校總纂官臣等謹將宣宗成皇帝實錄卷之八十  
校修

道光五年乙酉三月戊子朔

上還宮○予福建出洋遭風漂沒外委黃振成  
祭葬卹廕兵丁王必成等三十六名賞卹如  
例○庚寅

上幸圓明園○詣綺春園問

皇太后安○諭內閣程祖洛奏覆勘新衛河節  
減銀數並籌墊銀兩與辦一摺豫省新衛河  
工費原估銀十七萬九千七百餘兩茲據該  
撫委員查勘就現在情形逐加改估計應減  
應增並地價銀兩共節減銀二萬六千八百

九十六兩零。仍需銀十五萬二千八百二十餘兩。除長蘆已解銀二萬兩。並未解商捐銀六萬兩。由該撫迅速催解外。所有豫省應行籌墊銀七萬二千八百二十餘兩。准其在睢工隄工賈魯河各加價銀兩內暫行墊支。查傳各地戶給發房地銀兩。並遴派熟諳工員會同該地方官分投趕辦。於大汛前一律完竣。無許草率偷減。○辛卯。馬蘭鎮總兵官繼昌覆奏。

昭西陵。

景陵實無新生樹蟲。報聞。○湖南布政使景讓因病解任。以署江蘇布政使誠端為湖南布政使。馬蘭鎮總兵官繼昌為江蘇布政使。○以工部右侍郎廣泰為馬蘭鎮總兵官。兼總管內務府大臣。辦理

萬年吉地工程。○以乾清門侍衛蘇冲阿為鑲藍旗漢軍副都統。○壬辰。江西巡撫成格奏。南河備用銀兩。請坐扣養廉歸款。得旨。急公

之意。朕已洞悉。此時似可無庸如此籌辦。候旨施行。○調盛京刑部侍郎昇寅為工部右侍郎。兼管錢法堂事務。未到任前。命左侍郎舒明阿兼署。○以內閣學士武忠額為盛京刑部侍郎。○癸巳。祭先蠶之神。

皇后親詣行禮。○諭內閣。程祖洛奏。勘明沁河南北兩岸增培隄工。請借項趕辦一摺。豫省河內武陟二縣民隄。頻年以來。沁水被黃頂

阻。河底淤高。隄身日卑。每遇大汛。生險。隄工尤為喫重。歷經借帑增培。以資保衛。上年黃沁異漲。沁隄復多汕刷卑薄。據該撫勘明武陟縣南北兩岸。應修工二十七段。土四萬六千餘方。共估需例加價銀一萬二千二十兩零。係亟應興辦之工。著照所請。准其於徵存隄衛工加價款內。借支興辦。事竣即於河北二十一縣。自道光六年起。分二年攤徵還款。該撫即責成該道遴委妥員。分段趕辦。務於

大汛前一律完工。毋任草率偷減。○又諭。將攸銛等覆奏。臺米徵變情形。據稱商船將甫經成熟之米。趕緊裝載。航海而來。本有潮潤。又經暑溼。鬱蒸船底之米。易於徵變。現查明收貯臺米。實僅止徵變九百餘石。統計原收十萬五千餘石。不及十分之一。著照所請。將此項米石。按照成色。由生糧廳覈實估變。其徵變緣由。既非倉場侍郎起運不速。亦非天津縣收貯不謹所致。俱著加恩。免其賠償。查

議。該部知道。○諭軍機大臣等。程祖洛奏陳沁河情形。並議籌辦一摺。據稱豫省河北三府地方。水道紛錯。沁河為害尤甚。河流自入豫境。經過河內武陟二縣。其在武陟境者。更為險要。近年潰決時聞。惟有增培隄埝。籌備埽料二事。武陟城垣。界在南岸。沁黃之間。城樓尚低於隄岸。設有盛漲。岌岌可危。計惟有移城北岸之一法。現已於北岸向未被水之岳莊地方。相定地基一段。形勢高爽。風水亦

宜。估勘城垣衙署壇廟等工。約需銀三十餘萬兩等語。豫省沁河南岸。逼近武陟縣城。每遇黃沁並漲之時。節節生險。頻年加培隄岸。以致該處城垣。直同釜底。即冬春時亦多積水。所有兩岸土埽各工。因民力不逮。借帑辦理。仍按畝徵輸歲料。乃徵料日增。尚不敷用。民情苦累難堪。自應另行設法。以成一勞永逸之計。該撫為地方策其久遠。擬請移城北岸。所奏甚是。從來畏難苟安。只顧目前。豈為

政之道。又況沁河歷經漫口。堵築增培等費。除開銷外。攤徵輸將。更難以數計。糜帑病民。伊於胡底。惟工用浩繁。必須先籌經費。庶免臨事周章。著該撫詳細履勘。擇節料估。如果有款項可以動用。則興辦不至支絀。方於國計民生。兩有裨益。並著俟本年秋汛後。察看情形。確議章程具奏。再降諭旨。將此諭令知之。尋巡撫楊國楨奏。目下物料騰貴。該縣有隄守護。尚可無虞。請緩一二年。再行籌辦。報

聞。○以兵部左侍郎著英兼總管內務府大臣。管三山事。內務府大臣阿爾邦阿。管圓明園事。鑲黃旗蒙古副都統英瑞。管圓明園八旗內務府三旗官兵進班。○改鑄甘肅按察使司獄兼管蘭州道茶庫大使。蘭州府經歷兼管司獄河橋印信。從總督那彥成請也。○予喀什噶爾陣亡侍衛護軍校花山布。甘肅外委賈貴。祭葬世職。陣亡兵丁蘇清額等十二名。受傷兵丁綽爾敏阿等二名。賞卹如

例。○免江蘇武進。陽湖二縣舊欠田租銀。○甲午。修山西大同鎮屬四營神機庫火藥局。從巡撫福綿請也。○乙未。江蘇巡撫張師誠奏報。嘉興幫教匪占駕糧船。殺斃多命。情形得實。實力細心妥辦。勿致疏虞。○丙申。諭內閣。御史隆勛奏。請定南營巡察章程。京師係輦轂重地。前三門外。五方雜處。司坊捕役。額設無多。而南營弁兵。星羅密布。果能實力稽查。何至宵小涸跡。如該御史所奏。近來報竊

之案。幾無虛日。移營會緝。視同具文。甚至街巷堆撥。僅存空屋。疲玩已極。著步軍統領衙門。嚴飭該營參將遊擊等官。督率各汛員弁。無分畛域。嚴密稽查。有犯必懲。緝拏務獲。其各處堆撥。務須晝夜巡邏。無許曠班貽誤。如有仍前玩誤。員弁即著嚴叅懲處。兵丁重責。斤革。並著五城御史。督同司坊官一體嚴緝。以戢奸宄而靖閭閻。○丁酉。

上還宮。○諭內閣。松筠等奏。案內應訊塔布囊等。供詞狡展。請先革去頂帶。審訊。色楞旺楚克。與濟克默特扎布互控一案。現已訊據色楞旺楚克。詐受錢文屬實。具有確供。旋有黏貼蒙古字匾名揭帖。列款牽控之事。事關現審案件。必須徹底嚴究。以成信讞。色楞旺楚克。著革去頭等塔布囊頂帶。交松筠等秉公嚴審。如案內應訊之塔布囊等。有似此狡展者。俱著先行革去頂帶。歸案審訊。務得確情。按律定擬具奏。○諭軍機大臣等。魏元煜等

奏。堰盱湖隄興砌石工。並土工做成分數。據稱隄堰土工。自興築以來。牽計已做成六分餘工。石工共三十八分。均已全行開砌。又各分補修石工內。下面舊工層路間有傷損。亦即增估拆砌。俾與補修之工。一律堅固完整等語。高堰山盱兩廳石隄。為抵禦洪湖盛漲。最要工段。必應砌築堅實。格外加高。方能保障狂瀾。現在湖水已長二尺九寸。該督等所奏分段砌築十層。限大汛前趕辦完竣。自屬

目前要務。惟正當春水發生之時。水勢日有增益。即此所砌層數。是否足資捍禦。設將來汛水漲發。隄工著重。能否無意外之虞。該督等總當隨時查看。相機經畫。既不可草率貽誤。尤宜先事豫籌。俾工程鞏固。湖河均資保護。方為盡善。將此各諭令知之。○以被賊失散西寧王舒族土百戶諾爾布加木錯兄吉默特襲職。○戊戌。孝賢純皇后忌辰。遣官祭。

裕陵。○諭內閣。本年春雨較少。農田盼澤甚殷。朕齋心默禱。本日渥霈甘露。自丑至午。勢尚未已。極為深透。仰荷

昊慈。益深欽感。耕藉為劭農重典。朕特令御前大臣禧恩。前往藉田看視。茲據奏稱。藉田扶犁處所。積水甚深。四推典禮。難以舉行。朕思耕藉大禮。致祭

先農。必應躬親祀事。以答

神庥。業經先期進宮齋戒。本日閱視祝版。十

二日。仍恭詣

先農壇致祭。並詣

太歲壇行禮。禮成後還宮。其藉田事宜。著順天府尹照例率屬行耕藉禮。並率農夫終畝。以肅明禋而重鉅典。○又諭。魏元煜等奏體察兩淮鹽斤情形。另籌以應工需。並請銓綱引以便分帶各一摺。前據阿爾邦阿奏請鹽斤加價。以濟工需。當交該督等體察現在情形覆奏。茲據奏稱。兩淮成本較重。若再請加



增必致滯銷。徒有加價之名。而無濟公之實。益啓鄰私侵灌之弊。自係實在情形。所有兩淮鹽斤加價。著毋庸議。其淮商等呈請捐備河費銀六百萬兩以濟工需。現在南河工程。朕不惜帑金。業經籌款撥用。無須該商等捐辦。其清查案內一切停扣息本捐帶等款。仍遵照原定。自甲申起。按三十綱分別徵還。所請變通章程。鈺綱引以便分帶之處。著不准行。○己亥。祭

先農之神。

上親詣行禮。○詣

太歲壇行禮。○諭內閣。前據蔡萬齡等奏。訪獲鳳山縣奸民許尚糾眾滋事一案。業經分別辦理。茲據該總兵等奏稱。案內杜保等十七犯。係在鳳山軍前先行正法。其在郡正法者。係許然等二十八犯。當時審辦罪人名數。俱屬相符。惟原奏內將許然姓名誤書杜保。今據實檢舉等語。該總兵等。於在郡斬決各

犯原奏內。誤書姓名。其辦理並無錯誤。且此案緝捕甚屬認真。蔡萬齡。孔昭虔俱著加恩。免其交部察議。○又諭。本日據步軍統領衙門。及倉場侍郎等具奏。太平倉失火情形。向來倉廩重地。理宜慎重防範。從未有被火之事。茲該倉雨字空廩。並貯米之鈞字恩字二廩。同時燒燬。非尋常疏虞可比。且正當開放甲米之時。難保非米數短缺。藉此彌縫。不可不徹底根究。所有太平倉管廩花戶人等。著

交刑部嚴行審訊。務得確情。毋任飾詞狡展。冀圖推卸。倉場侍郎博啟圖。程含章。查倉給事中李振庸。監督善斌。李德明。俱著交部分別議處。其燒燬米石。並修復廩座。應作何分賠之處。著倉場侍郎查明具奏。○庚子。

上詣

大高殿行禮。○幸圓明園。○詣綺春園問

皇太后安。○貸直隸寶坻。靜海。二縣上年歉收貧民籽種口糧。○辛丑。以防守甘肅西寧哈

拉庫圖爾口外察罕托洛亥阿什漢水二處  
城堡出力實授劉印景鎮海協副將千總怡  
蘭等下部議敘○壬寅諭內閣御史郎葆辰  
奏請飭禁禁卒凌虐監犯一摺所奏是國家  
設立監獄羈禁人犯禁卒等祇應小心看守  
豈容橫加凌虐況私製非刑器具久有例禁  
監獄重地更不准任意威逼茲據該御史奏  
稱山西省汾陽介休平遙孝義等縣禁卒勒  
索犯人監費不能滿其慾壑或受人賄囑輒

以非法致死甚至有紙打名目不特大干法  
紀且慘毒殘忍可惡已極著該撫確加訪察  
各屬內有無此等情弊一經查出禁卒從重  
治罪州縣嚴叅示懲並通諭各直省督撫一  
體飭禁毋許禁卒再有任意凌虐罪囚以示  
矜恤○以因病告替阿巴哈納爾扎薩克多  
羅貝勒瑪哈巴拉子巴勒楚克襲爵○緩徵  
兩淮丁漕草堰劉莊伍佑新興廟灣六場上  
年被水竄地新舊折價口糧銀○癸卯諭內

閣蔣攸銓奏撥補代徵地畝請官為收租散  
放一摺直隸深州撥補安州園地原係深州  
民人承種交租俾被圍旗地之戶藉租養生  
立法本為至善今據安州受補業戶以每年  
所得租銀不敷應用呈請交地售賣據該督  
奏稱此項地畝係將租銀撥給安州並非撥  
地若准其另售則原佃各戶一旦失業勢必  
奪佃增租請照舊官徵官解並查明原欠乾  
隆五十八年及嘉慶三四五七八九等年

未解租銀六千三百一十餘兩係該前州陸  
香森徵存虧短業經歸於續虧案內咨追俟  
解到直隸即可移解散放其道光二三等年  
租銀一千一百五十餘兩因被水緩徵非佃  
戶無故拖欠今已照數完納解交安州散放  
各佃戶並無未完銀兩著照所請所有深州  
代徵安州地租著仍舊由官徵解散放收領  
如安州業戶因所得租不敷應用准其賣租  
不准賣地令佃戶照舊完納不得奪佃增租

以杜爭端而恤窮佃。○又諭黃鳴傑奏糧船水手糾眾滋事。請將該管官分別革職。並摘去頂帶一摺。浙江省嘉興白糧幫水手。因爭駕新船起釁。膽敢糾眾逞兇。互相鬪毆。傷斃多人。不法已極。必應按名弋獲。嚴行究審懲辦。以儆兇頑。該管地方官漫無約束。辦理又復遲誤。均有應得之咎。秀水縣知縣徐起渭。於此等重案。未將投到人犯根究。延至半月有餘。犯無一獲。實屬玩視。著卽革職。留於地

方協緝。仍責成該革員將李明秀馬文德二犯拘獲到案。以憑確訊。領運千總黃達輝。專管幫丁水手。乃不能禁約。任令糾毆滋事。又不將傷斃姓名人數。即時查覆。尤為庸懦不職。著一併革職。歸案審辦。嘉興府知府羅尹孚。近在同城。並不親提李明秀等。研鞫確情。玩視公事。以致案內各犯。日久全無著落。著摘去頂帶。督飭工緊緝拏。押運通判袁霽。於事前毫無管束。並著摘去頂帶。仍令押運北

上。隨同糧道沿途訪緝。督糧道李宗傳。統轄全幫。嘉興副將慶康。不能先事防範。俱著俟定案時。照例叅處。○又諭吏部奏那彥成請將例應推升之理事通判。留於甘肅升補。與例不符。甘肅涼莊理事通判寶璣。前據那彥成以該員熟悉地方情形。甘肅旗缺較多。差委乏人。奏請暫停推升。留甘另行酌補。當經降旨允准。茲據吏部奏稱。理事同知通判。例應與京員較俸升轉。不得在外題升。歷經奏駁有案。著照吏部所議。寶璣仍照例以員外郎推升。毋庸留甘升補。○甲辰

工幸靜明園。詣

龍神廟拈香。○諭內閣。張井奏。蘭陽汛柴壩工程險要。請拋護碎石一摺。豫省南岸蘭儀廳。蘭陽汛處。所河面最窄。從前漫工時。開挖引河。北岸挑積土山。復行壅阻。溜勢全注南岸。柴壩工程。難資抵禦。自應仿照南河拋護碎石之法。俾得工固濶安。永資保衛。茲據奏

稱前任河督嚴煥於上年秋汛搶險後已墊發銀二萬兩委赴濟源開採碎石業已運到工次一千七百元經該署河督於迎溜緊要處所如法拋護尚未拋出水面復經委員估計先行擇要將柴壩四埽九埽十一埽拋護三段共需碎石六千八百餘方約需銀七萬餘兩著准其飭撥司庫銀兩趕緊接辦陸續裝運務於大汛前先行拋護三段以資捍禦該署河督惟當認真督辦務期工歸實用帑

不虛糜其餘俟察看情形再行次第奏辦至碎石方價豫省較南河裝運尚易該署河督按方酌量裁減著即照所奏辦理○又諭陶澍奏籌辦淮河情形一摺洪澤湖藉淮敵黃自應多方導引以資收蓄經該撫勘明各處情形除壽州境城西湖鳳臺縣境焦岡湖兩處抽溝係該民人自辦毋庸另籌經費外惟鳳陽縣境花源湖民多窮乏勢難捐辦著准其將道庫舊存水利平餘閒款內提銀二千

兩交鳳陽縣剋期興辦又懷遠縣荊山口南新漲沙洲葫蘆繫須再開引河數道著准其在司庫積存宿靈抽溝利息內提銀一千二百兩交懷遠縣趕緊疏挑該兩處動用工費均非正項錢糧工竣由道驗收毋庸造冊報銷該撫務須認真查驗如有草率偷減即行叅辦毋稍徇隱○又諭黃鳴傑奏臬司出缺請旨簡放前據德清縣生員蔡鴻控徐倪氏謀斃伊姪女徐蔡氏一案兩次檢驗原告未

能輪服經該署撫黃鳴傑奏明交該司王惟詢督同覆檢該司忽於覆檢後無故自縊覽奏殊堪駭異之至程含章著補授浙江巡撫祁墳著補授浙江按察使毋庸來京即赴新任此案著交程含章督同臬司祁墳將徐蔡氏屍身細心覆檢是否實係被擄身死抑係自縊務得確情以成信讞且祁墳由刑部出身刑名素稱熟悉朕所深知斷不許稍存推諉之見有負委任至王惟詢到任甫經一月

覆檢又未定案。即因新舊件作。各執一詞。疑慮甚多。該司並非原審之員。無所顧忌。且既稟明該署撫。奏請選派刑部諳練司員。到浙會檢。已據該署撫應允。何至鬱悶遽爾輕生。若無別情。焉有此事。程含章等詳細查訪。將該司因何自縊緣由。據實覆奏。務令水落石出。不許稍有含混。貴鳴傑著俟全案定讞後。再行來京候旨。○又諭克蒙額奏織庫交代虧短一摺。福德前在浙江織造任內。應移交

後任銀四萬九千一百八十六兩零。除運庫應解銀一萬八千兩。福德自行寄交銀一萬六千六百八十四兩零外。尚短交銀一萬四千五百一兩零。久逾交代期限。織庫收貯銀兩。自應實存在庫。無得絲毫虧短。福德何以任意那移。日久未交。又不即時籌補。實屬有心虧缺。自應嚴行著追。所有福德未交銀兩。著即迅速賠交。以清庫款。如再延宕。定即按律懲辦。至福德承辦本年大運絲斤。業已領

過例價。現尚缺交單絲十四萬二千七百四十八兩。並著一併上緊補交。毋許遲誤。致干罪戾。○安徽巡撫陶澍奏。淮隄經費浩大。無從籌措。須督勸百姓設法辦理。自可漸著成效。得旨。興水利。除水患。莫大之善政也。總要督率認真。勸導有方。固不可徒費周章。亦不可始勤終怠。詳慎勉之。○命署山東巡撫琦善。以總督銜實授山東巡撫。○以順天府府尹申啓賢為倉場侍郎。順天府府丞朱為弼

為府尹。○乙巳

上詣

安佑宮行禮。○福建臺灣鎮總兵官蔡萬齡奏。馳赴鳳山縣勦捕賊匪。以致謝恩遲延。得旨。受事謝恩。事理之常。乘機勦捕。刻不容緩。必應如是。○追予國初禦賊陣亡福建總兵官黃藍恩騎尉世職。以其六世孫天祿承襲。○撫卹琉球國遭風難夷如例。○丙午。上詣綺春園問。

皇太后安。○旌表守正捐軀四川巴縣民袁志遠女引弟。○丁未諭內閣據英和等及御史薩斌等奏查出私造戶部印文冒領廣東南雄協副將養廉銀兩一案。當即查傳投劄之人已經逃遁。請飭嚴拏究辦等語。此案該逸犯膽敢私造戶部印文希圖朦領帑項。雖經該庫查出。未曾發給該司員等理應即時盤獲。乃任彼逃遁。亦屬疏忽。且既造有假印。恐同謀不止一人。行用不止一次。必應徹底究

辦。著步軍統領衙門順天府五城嚴密訪拏該逸犯務獲。解交刑部審辦。毋任漏網。○又諭松筠等奏審明塔布囊克什圖聽從誣控先行定擬。克什圖即阿玉爾。本係喀喇沁王滿珠巴咱爾旗下所屬塔布囊。遊食於土默特。輒起意捏控妻兄達瓦被害。希圖訛詐。業經查明達瓦實係病故。具結銷案。克什圖復聽從色楞旺楚克主使。疊經捏控。並隨同赴京呈遞。實屬狡詐無恥。若僅照例擬流折枷

尚覺輕縱。克什圖即阿玉爾著革退四等塔布囊。發往煙瘴地方以示懲儆。○諭軍機大臣等。寄諭兩江總督魏元煜。江蘇巡撫張師誠。山東巡撫琦善。前據黃鳴傑奏嘉興白糧幫水手因爭駕新船糾眾互毆一案。已明降諭旨。按名查拏究辦矣。此案該幫糧船水手因爭船起釁。糾眾兇毆。傷斃多命。並聞該幫有老堂潘堂諸教名目。各船內刀槍器械不少。並有紅布繫腰者。不法已極。據該署撫祇

奏明滋事水手席明韓禿子。蘇當家陳當家郭萬成殷老劉五陶麻子蔡包子張老五曹老熊大膽數人。並有李明秀馬文德二名。在逃未獲。朕聞該幫六十九船水手有一千餘名。結成一氣。其心甚齊。此等兇犯俱籍隸徐州山東一路。素行兇悍。現當漕運渡黃喫緊之際。若此時沿途截拏。必致脫幫遲誤。所關匪細。該督撫等惟當飭令沿途文武嚴密防範。無許在途報復滋事。一面密咨浙江省將

此案人犯在逃未獲者共若干名。於該幫回空。行抵山東江蘇水次。密派明幹文武大員各帶兵役。不動聲色。迅速掩捕。按名弋獲。歸案嚴辦。母任一名漏網。總期免犯就獲。不致別生事端。仍無誤重運趨行。方為妥善。將此各諭令知之。○宗人府奏審擬宗室福山。訛詐錢文。姦淫婦女。開寶聚賭等情一案。得旨。此案閒散宗室福山。聚集無賴。屢次訛詐良民。逼勒錢文。實屬無故擾害。若僅照例擬遣折園。不足示懲。福山著革去四品頂帶。實發吉林。交該將軍嚴加管束。福山曾聘護軍扎蘭泰之妹為妻。尚未成婚。既據扎蘭泰呈稱。情願隨赴發遣地方。著准其隨往。大祥即珠隆阿。引誘福山在廟同住。慫恿訛詐。並同行助勢。著從重發往黑龍江當差。以為引誘宗室為非者戒。○又奏審擬已革頂帶宗室格絀額。宗室隆保。訛詐姦宿等情一案。得旨。此案已革頂帶宗室格絀額。屢經犯案圈禁。復

疊次訛詐多賊。宗室隆保。宿倡肆開。糾眾搶奪。著革去頂帶。與格絀額均發往吉林。交該將軍嚴加管束。○欽差都察院左都御史松筠等奏查明東土默特旗實無應行封禁牧場。請令隨處墾種。從之。○改鑄江蘇徐州府邳睢舊城司巡檢印信。從大學士前任總督孫玉庭請也。○移建吉林長春廳理事通判衙署。從將軍富俊請也。○緩徵湖北石首縣被水衝坍田租銀。○戊申。諭內閣。松廷等奏阿齊圖諾們汗之呼畢勒罕。懇請添進貢物。該呼畢勒罕因准其作為阿齊圖諾們汗之呼畢勒罕。請每逢前藏年班堪布進京時添進貢物。雖係出於至誠。惟該呼畢勒罕前輩呈進貢物。本有一定數目。著不必添進。○又諭松廷等奏誤將噶勒丹錫呼圖薩瑪第巴克什添寫呼圖克圖字樣。查明更正。自請交部議處。噶勒丹錫呼圖薩瑪第巴克什。前因充當達賴喇嘛正師傅。曾經賞給衍宗禪師

名號並未加封呼圖克圖。乃於咨行駐藏大臣文內率寫呼圖克圖字樣。該大臣等未即詳查駁斥。率於奏摺內添寫。現據松廷等自行查明更正。所有松廷保昌自請議處之處。著加恩改為交部察議。○己酉諭內閣永芹奏查明烏什卡倫侍衛被叅過重酌覈定擬前據富綸叅奏違例出卡捕匪不力之卡倫侍衛倭什保請交部嚴議因其摺內有自相矛盾之處降旨交永芹查明覈奏。茲據奏稱該侍衛見噶爾察追賊即率兵一同出卡捕賊。牽回賊棄之馬。雖屬孟浪並非無因。不得謂之違例出卡。富綸又叅其捕匪不力實係自相矛盾。倭什保僅止不將賊匪擒馬噶爾察出卡追捕情形隨時稟報。又於安集延貿易欲進沙土卡倫任聽所屬兵丁先為押送殊屬不合。倭什保著交部議處。○又諭將攸銛等奏古北口提標四營豫借餉銀請提早兩月乘時採買等語。古北口提標中左右城

守四營向准豫借次年折色餉銀八千兩。於十月間借支。分夏秋兩季扣繳。茲據該督等詳加體察所借餉銀原備採買兵米之用。惟糧價平減在八九月間禾稼登場之時而借項須俟十月下旬給支。採買較遲。糧價已貴。且所借銀數較多。兩季扣繳為時又促。兵力未免支絀。自係實在情形。著照所請准其將豫借折色餉銀八千兩提早兩月。於八月內給發俾得乘秋成時採買。用備兵糈。所借司庫銀兩改為四季扣還。○喀什噶爾參贊大臣永芹議覆富綸奏請裁撤烏什卡外郭博移駐城外大山口。應仍循舊辦理。從之。○命前任都察院左都御史王鼎以一品銜署戶部左侍郎。○直隸正定鎮總兵官薛國相以病乞休。允之。以前任福建臺灣鎮總兵官觀喜為正定鎮總兵官。○庚戌諭內閣黃鳴傑奏議覆阿爾邦阿請加鹽價一摺。兩浙引地因前被災歉。近年額引未能暢銷。若遽行加



價恐銷數愈行壅滯。自係實在情形。所有兩浙鹽斤加價。著毋庸議。至各商呈請按引攤輸銀二百萬兩。以濟工需。現在南河工程。朕不惜帑金。業經籌款撥用。無須該商等輸納。所請按引攤輸銀兩之處。著不准行。其舊有河餉輸墊二款銀兩。仍著分七綱接續攤完。以清款項。不許藉詞宕延。○諭軍機大臣等。寄諭兩江總督魏元煜。江蘇巡撫張師誠。山東巡撫琦善。前因浙江嘉興白糧幫水手糾眾互毆。傷斃多命一案。業經降旨。令該督等督飭沿途文武。嚴密防範。設法掩捕。本日又據黃鳴傑奏稱。現有抗三幫水手李廣明。郭世正。楊起敬三名。到省喊控。訊據供稱。伊等係抗三新幫水手。向來嘉白抗三兩幫內。老幫水手。俱是齊心一氣。二月初四日。嘉白老幫水手。與新幫水手爭鬧。抗三老幫水手。於是日夜間。亦將本幫內新幫水手尋殺。伊等害怕逃脫。現在撈獲屍身內有十一軀。認係

抗三新幫之人。其老幫兇犯。係吳在明為首。又有徐老大。孫豁牙。二十多人。現已派委嘉興協副將慶康。赴江省蘇常一帶。會同糧道暨地方文武。逐船撥拏等語。現當漕運喫緊之時。又查出抗三幫水手。與嘉白幫聯為一氣。其水手又不下千餘人。黃鳴傑輒冒昧派委副將帶弁兵前往逐船撥捕。試思此等匪犯。焉有不恃眾抗拒之理。更復成何事體。該督等接奉此旨。無論該副將慶康行抵何處。即行逐令回浙。該督等仍遵前旨。飭令沿途文武。嚴加防範。並選派明幹文武大員。各帶兵役。不動聲色。設法擒捕。務將正兇迅速弋獲。歸案嚴辦。示懲。勿使一名漏網。總期漕行順速。不致沿途再滋事端。是為至要。將此由四百里諭令知之。○貸甘肅洮州。循化。靜寧。寧。靖遠。隴西。西和。漳。隆德。環。永昌。古浪。平番。清水。兩當。靈。臺。禮。十七廳州縣。及莊浪縣。丞所屬。上年災歉。貧民口糧有差。○辛亥。諭軍

機大臣等。據御史錢儀吉奏稱糧船水手。多係強很無藉之徒。每至沿途擾累。在漕務官弁。以趨路為急。不暇深求。而地方官又以事隸漕船。不妨推諉。俱圖敷衍目前。日久遂釀成鉅案。若更有習教之人。聽其拜師授徒。聯為夥黨。其流弊不可勝言。或隨時酌量解散。或准其自首免罪。責成衛弁旗丁等。細心查看等語。糧船水手。素行兇悍。每易恃眾滋事。近有浙江省幫船水手。糾眾互毆。慘殺多命。

一案。即聞有爭教起釁情事。著顏檢於各省漕艘過淮時。詳加察訪。如各省幫船水手。有拜師授徒。聯結夥黨情弊。即當設法查辦。並責成衛弁旗丁一體留心察看。不得將此等匪徒。濫行容留。固不可冒昧滋生事端。尤不可姑容養癰貽患。將此諭令知之。○又諭。據御史錢儀吉奏稱。浙省糧艘水手。近年新立有老安教。潘安教等名目。糾眾紛紛。每易滋事。此次兩教讎殺。不僅如該署撫所奏。因爭

駕新船起釁。至水手等在嘉興西麗橋水次。鬪殺。係自二月初四日起。至初七日止。該教等朱墨塗面。各為標認。持刀兇鬪。晝夜不散。有逃逸上岸者。即登岸追斫。過往客船。俱被圍截。擄挐。或斷截手足。投諸河流。傷斃不止數十人。且聞有行人走避不及。誤遭刃斃者。數日內城門晝閉。該府縣營汛坐觀無策。兵役等俱無一人上船會拏。亦並無曉諭解散之事。其自行投到之李明秀。馬文德二名。經

該縣羈禁。旋聞各水手有糾眾劫獄之信。該府縣畏蕙驚惶。商同釋放。亦非因給發身工。始令保釋等語。是此案起釁根由。及該府縣營汛畏蕙觀望情形。與黃鳴傑歷次所奏。種種不符。顯係有心諱飾。存化大為小之見。含混具奏。程含章接奉此旨。即迅速赴任。確加察訪。該幫水手滋鬧。究係因何起釁。有無立教名目。其糾眾械鬪。至四日之久。該管文武各員弁。所司何事。何以任其兇鬪慘殺。來去

自如黃鳴傑身任巡撫。嘉興距省會甚近。即當親往查辦。據實具奏。乃毫無見聞。形同木偶。又復意存回護。實屬辜恩溺職。程含章到任後。將該御史所奏情節。逐一詳查。如果屬實。即將該署撫及該管官弁。據實嚴參懲辦。勿稍徇隱。以副委任。若稍有朦混。後經發覺。朕惟程含章是問。勉之慎之。該御史摺著鈔寄閱看。將此諭令知之。○壬子。封江西章江水神為靈澤顯應水神。從巡撫成格請也。○

旌表守正捐軀河南鄭州民陳長妃妻劉氏。

○癸丑。

上幸萬壽山。○詣綺春園問。

皇太后安。○諭內閣。魏元煜等奏。請暫行停辦吳淞江挑工一摺。江蘇省疏浚三江水利。向由藩庫提歸封貯款內動辦。茲據奏太湖下注黃浦一路工程。即刻完竣。惟吳淞江逼近海口。估挑正河及疏濬支港來源。需費較多。現在捐監銀兩。即應解部。該省經費不敷。辦

理所有吳淞江挑濬各工。著暫行停止。其黃浦應挑工程。仍著趕緊辦竣。覈實驗收。毋許草率偷減。○又諭。在逃太監張來喜。即馬長喜。假冒頂帶。由許墅關行走。當經拏獲。甚屬可嘉。延隆著加恩以郎中升用。其盤獲之家。人著延隆自行酌賞。該犯解到時。交軍機大臣會同英和。禧恩。穆彰阿。嚴訊。其跟隨同行之民人喬鳳祥。胡源祖。著即解京歸案審訊。○吏部左侍郎兼京營左翼總兵裕恩。因病

解任。轉右翼總兵富爾嵩阿。為左翼總兵。以正藍旗漢軍副都統噶布唐阿。為右翼總兵。○調鑲白旗蒙古副都統凱音布。為正紅旗滿洲副都統。以署正藍旗蒙古副都統國祥。為鑲白旗蒙古副都統。○貸齊齊哈爾被災旗人。另置耕牛銀。○甲寅。諭內閣。英惠奏。查明吐魯番差營軍臺私收租課。分別辦理。吐魯番差營及七克騰木等四軍臺民人。於官地內修建房間。報墾地畝。應徵租課。即與地

丁錢糧無異。若由差營軍臺徵收。恐滋弊竇。據該都統查明。每年應徵民人租課制錢高梁等項。著即飭令該管同知衙門徵收。至該差營及七克騰木等二臺。准其於民人交納租課錢內。每年由該同知覈發錢一百六千文。作為營中公用。其底臺及七克騰木臺額設馬匹。除夏秋在廠牧放外。春冬二季。按日加料。亦著照所奏章程。在民人所交高粱內動支。除覈支外。所餘制錢高粱。仍歸入奏銷。

案內報撥充餉。其回子買賣帖令等租種地九段。准其賞給纏頭回子耕種。毋庸徵收租課。所有歷次換防之都司守備收取租課。擅充公用。並不隨時申報。究屬不合。著查取職名。交部議處。○調刑部左侍郎凱音布。為吏部左侍郎。實授百春。吏部右侍郎。以鑲黃旗蒙古副都統英瑞。為刑部左侍郎。○古城領隊大臣達林。因病解任。賞已革戶部左侍郎恩銘。四等侍衛。為古城領隊大臣。○乙卯。諭

內閣。河南省城大梁書院。地處湫隘。前經程祖洛奏請。將備用官房一所。改建書院。並由該撫等捐資辦理。當經降旨准行。茲據奏稱。現已落成。從前康熙年間。奉有

御賜扁額。業於移建後。祇加丹牘。敬謹懸掛。該省書院。經此次移建之後。多士得資肄業。更可收觀摩之益。著加賞御書扁額。交該撫摹泐懸掛。用示朕樂育人才至意。尋頒御書扁額曰。正學淵源。○又諭。本日都察院奏

直隸鉅鹿縣增生張人龍等。以滏河受淤。上年發帑挑濬後。水漸涸退。本年該縣工書勘報不實。至今未見興工。恐伏汛又被淹沒。復據隆平等縣民楊馨生等。亦以前情呈訴。著交蔣攸銘查明鉅鹿等五縣河道。是否必須及時挑挖。該縣工書。有無虛勘捏報。詳覈妥議具奏。原呈著發給閱看。增生張人龍。生員王蘭亭。監生王鏞。民人楊馨生。王中孚。均著飭令先行回籍。聽候傳詢。○又諭。前據程祖

洛奏籌議接徵河工加價等款。曾降旨令該撫將嘉慶十八年至二十五年積欠等項暫緩一年。察看情形。據實具奏。茲據該撫查明前項積欠。本係該省查豁項內。因年款較近劃出。從前延欠。多係災地窮民。嗣因災積壓欠戶。半非原業。且又有遞年應攤款項。若新舊並徵。民力不免拮据。自係實在情形。所有嘉慶十八年至二十五年積欠加價攤徵等款。共八十二萬七千六百四十兩零。除蘭陽

縣因災已豁。各加價銀九千四百二十九兩零。尚應徵銀八十一萬八千二百十兩零。著加恩概予豁免。此係朕軫念窮黎。恩施格外。經此次蠲免之後。民力自可展舒。嗣後該省應完現年丁耗。並應攤加價。及帶徵歷年錢漕徵款。該撫務當嚴飭各屬實力徵催。年清年款。毋得藉口積逋。妄生冀倖。該撫亦不得冒昧再行奏請。國家經費有常。曠典不可屢邀也。○以故烏珠穆沁扎薩克多羅貝勒圖

克濟扎布子達克丹襲爵。○旌表守正捐軀江蘇安東縣民孫起雲女大女。○丙辰上御含輝樓。閱侍衛等騎射。○諭內閣松筠等奏。審擬誣控貝勒之塔布囊等一案。已革頭等塔布囊頂帶色楞旺楚克。前因私和人命。詐取錢文。經該管貝勒查傳。抗不到案。輒以該貝勒挾嫌陷害等詞。遣子赴京砌款捏控。據松筠等審係虛誣。色楞旺楚克著革退達爾漢頭等塔布囊。發往煙瘴。交該地方官嚴

加管束。其子弟彥齊。巧騙拉巴珠爾。令其向阿克楚畢借銀。捏以說合賄與之項。復於看押之時。自用小刀抹傷。恐嚇兵役。亦屬險詐。第彥齊著發往煙瘴地方。充當苦差。扎米彥扎布。聽從色楞旺楚克指使。赴京誣控。占巴勒扎布。聽從索詐分贓。均著革退四品塔布囊。照例三年無過方准開復。○諭軍機大臣等。孫玉庭等奏。趙渡漕船幫數。並裏河淤墊。現在籌辦情形。本年因洪澤湖存水無多。不

得已引黃濟運。權宜辦理。原與嘉慶十六年借黃濟運。尚有清水鋪底者。情形不同。其一。切啓放機宜。該督等即應豫籌妥善。現在啓放禦黃壩。一月之久。重運挽渡。僅及三分之一。而裏河運口一帶。已形淤墊。漕船間段阻滯。孫玉庭等自當設法籌辦。豈能稍有推諉。此次所奏。將通湖各閘全行啓放。使河流暢速。下達。以免裏河墊淺。及應行築壩逼束之處。由孫玉庭等相機辦理。朕亦不為遙制。總期將全漕重運幫船。竭力催提。務於夏至前一律趲渡。不准藉詞停阻。即將來漕艘回空南下。亦須暢行無阻。不准一船滯留河北。如有貽誤。孫玉庭等自問當得何咎。懍之慎之。將此諭令知之。○山東巡撫琦善覆奏。鹽斤加價。請以三年為止。其加價未經歸商以前。積欠暫行停徵。以紓商力。從之。○以休致甘肅張伯縣土指揮同知阿進廷子英賢襲職。○丁巳。

上御含輝樓騎射。○旌表守正捐軀江西南昌縣民吳義揚母胡氏。○修浙江仁和縣海寧州海塘。錢塘縣江塘。從前署巡撫黃鳴傑請也。

大清宣宗效天符運立中體正至文聖武智勇仁慈儉勤孝敏成皇帝實錄卷之八十

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十一

監修魏敬官經庭日攝創居注官太子太保體仁閣大學士文淵閣領閣事管理戶部事務上書唐魏碑傳翰林院掌院學士兼管順

天府府尹李蔭隨帶加五級起錄十八次。臣實積勲。武官巡道。攝官史相。尚書錄。並撰漢單都。管照新營。房城內官房。大臣積家內。

七倉大臣指餐會同四譯館事務如一叔隨帶加六親軍功加三親記錄五次在  
花沙面建孫官大洲間提舉聞實兵部尚書總管

內務府大臣鑲白旗滿洲都統稽察內七倉大臣管理宗人府銀庫左翼知官學監壽宮圓明園華廈提督御茶膳房御膳房六

醫阮造辦處事務應帶加十八級員阿靈阿副總裁官經筵講官兵部尚書應帶加六級起敘二十次在周祖培等奉

救

道光五年乙酉夏四月戊午朔享

太廟。命皇長子奕緯。恭代行禮。○

上詣

時應宮。

昭顯廟拈香。○還宮。○撥直隸河屯協左營。

額外外委一員。兵五名。右營兵三名。唐三營

兵二名。並歸茅溝汛把總協防。從協辦大學

士總督蔣攸銑請也○以常雩祀

天於

園丘。自是日始齋戒三日。○己未。諭軍機大臣

等據孫玉庭等奏。河口一帶。日見淤墊。本年

節候較早。恐黃水漲發。未渡軍船。為數正多。

計算時日已遲。盤壩接運需用船隻較多。應

行趕早雇備。除將截留江廣代造直隸剝船。

並江省原設官剝。儘數選用外。其餘均須雇

用民船。查黃河內裝載貨物。惟豫省之西河

船最大。現在黃河上游。所在均有。除在江省

者。由魏元煜飭屬就近封雇外。請於豫省雇

西河船四五百隻。山東境沿河曹單二邑亦

有此船。應儘數雇用等語。著程祖洛。琦善。接

奉此旨。即將各該省西河船隻。趕緊盡數封

雇。委員押解。務於四月內解至江省。以資接

運無得遲誤。又山東運河內。南陽夏鎮。以及

臺莊等處多有販運豆麥之船每隻可裝米

數百石。著琦善將此項船隻一併雇備解往。

江省應用所有前項商船該撫等雇定後應

如何酌給運腳口糧之處已諭知孫玉庭等

會籌妥議即行知照各該撫可也將此由四

百里各諭令知之。○又諭魏元煜等奏會議海運情形。諸多窒礙。以盤壩較之海運為穩妥。並據孫玉庭等奏稱。河口至裏河一帶。日見淤墊。漕船起剝磨淺。倍為艱澀。應及早籌畫盤壩接運事宜。請飭豫省兩省。雇備船隻。解江應用等語。本年借黃濟運。啓放禦黃壩四十餘日。漕船未經挽渡者尚多。河口至裏河一帶。又日見淤墊。轉瞬黃水漲發。而未渡軍船。既難改由海運。盤壩事宜。自不可不豫為籌畫。所需接運船隻。已諭知程祖洛琦善。即行封雇解江備用矣。惟盤壩接運一切車船需費。雖較之海運不至加多。究不若軍船之省便。現距夏至一月有餘。孫玉庭等仍當竭力趨挽。無論起剝磨淺。如何艱澀。務須鼓勵兵夫。照常挽渡。多過一幫。即少一幫。接運之周折。斷不可因有此旨。稍為鬆勁。至一切車船水腳等費。該督等尤當撙節估計。不可任聽所屬。恣意浮冒。其豫東兩省雇備商船。

應如何酌給運腳口糧之處。該督等會籌妥議。即行知照程祖洛琦善可也。將此諭知孫玉庭。魏元煜。顏檢。嚴煥。並諭張師誠知之。○刑部奏。審擬太平倉廩座失火人犯。得旨。嗣後每逢開倉。著倉場侍郎嚴飭各倉監督。同各花戶。將領米完筭人等。逐細探查。毋許攜帶煙火進倉。仍於封倉時。逐廩檢點。並著倉場侍郎隨時嚴查。如再有攜帶煙火者。即從重治罪不貸。○命貝勒奕綸。奕綺。在乾清門行走。○命盛京刑部侍郎武忠額。管盛京移居宗室事。○庚申。

上 詰

南郊齋宮齋宿。○諭內閣。蘊端多爾濟等奏。哲布尊丹巴呼圖克圖之牧羣牲畜。沙畢那爾人丁戶口喇嘛人數。每屆三年查覈一次。於公項錢糧無礙。著即照伊所請。三年一查。毋庸專奏。咨報理藩院備查。○又諭。蘊端多爾濟奏。請於庫倫之南海喇罕汗山。木亭內。塑



造神像供奉等語。內地與蒙古部落習俗原屬不同。蒙古地方。凡有祈禱之事。惟以呼圖克圖喇嘛等是尊。誦經祈福。從未開供奉神像。且該蒙古等設立神像。間或微有錯失。轉致褻瀆。嗣後該部落僅遇水旱。王公等各具誠悃。虔集呼圖克圖喇嘛等。誦經祈禱。必致雨暘時若。瘟疫立除。該王公台吉等。惟當崇實黜華。永遠恪守休風。毋許輕易舊習。緣端多爾濟所請設立神像供奉。甚屬非是。著不准行。○賞乾清門行走貝勒奕綺。三眼花翎。○辛酉。常雩。祀

天於

圓丘。

上親詣行禮。○辛圓明園。○詣綺春園。問

皇太后安。○壬戌。諭內閣。前據程祖洛覆奏。鹽

斤加價章程。當令候旨遵行。嗣各督撫鹽政

先後奏到。兩淮成本較重。兩浙額引。現未暢

銷。已降旨無庸議加。其行銷蘆鹽之直隸。山

東。據稱加價尚不至病民。並諭令依議辦理。豫省祥符等五十三州縣。行銷長蘆引鹽。商邱等九州縣。行銷山東引鹽。現在鹽價本不甚昂。每斤加價二文。尚屬平價。仍可敵私。民間計口買食。所增無幾。不至食貴病民。於工需亦屬有濟。著即照所請。覈實辦理。隨時報解。至該省行銷淮鹽之光州等十四州縣。著照兩淮奏准章程。無庸議加。○諭軍機大臣等。本日步軍統領衙門奏。山西垣曲縣已革

監生王立志控案。已明降諭旨。交福綿督同臬司邱鳴泰。親提嚴審矣。此案王立志所控王瞻聖霸占夥買山地。伊赴縣控告。王瞻聖挾嫌。教唆伊弟王申。誣伊不分公產。又串囑文扼要。赴伊家取來搶奪。以致伊母王氏被嚇身死。何以該縣不為公斷。轉將該監生斥革擬杖。其文扼要賄囑知縣。改名捐監納贖。亦係案內緊要情節。福綿接奉此旨。即督率臬司邱鳴泰。親提嚴訊。務得確情。其呈控毛

知縣做錢演戲祝壽。因趙舞棋未經出分掌責。趙舞棋氣忿。投河身死。及周典史藉查戶口。勒索錢文等情。並著該撫秉公查辦。毋稍瞻徇。儻係該革監逞刁妄控。亦即治以應得之罪。將此諭知福綿。並傳諭邱鳴泰知之。○兩江總督魏元煜奏。遵旨防範浙江幫船滋事水手。並節次派員彈壓。得旨。查拏務要嚴密。斷不可令兇犯漏網。或有意外之虞。勉之慎之。○癸亥。以本年鄉試考試應開列試差

人員於圓明園正大光明殿。○甲子。諭內閣。前據江西巡撫成格奏。賴懋興被賴懋端呈控移屍圖詐一案。審明賴懋興之父賴必魁。實係自縊。將賴懋興等分別定擬。當交刑部議奏。茲據刑部奏稱。查覈全案供招。初驗賴必魁係受傷身死。覆檢時。又稱無傷自縊。前後迥不相符。即現訊供情。賴懋興既已意存誣告。何以經人盤問。即將伊父自縊情由說出。賴懋端既未扛毆。何以慮被誣賴。即將賴

懋興看守。迨既許給殮費。何以逼令賴懋興寫謀殺字據。賴懋興亦竟甘認殺父重辟。情節種種支離。必應嚴切根究。以成信讞。著交成格。督同臬司邱樹棠。另委明幹之員。按照部駁情節。悉心研鞫。務得確情。按律定擬具奏。尋該巡撫嵩溥奏。覆審賴必魁實係自縊身死。賴懋興藉詞誣賴。仍照原擬杖流。賴懋端控告賴懋興殺父圖賴。訊明僅止移屍。應照誣輕為重律。量減杖徒。龍南縣知縣長瑞

初驗不實。雖自行檢舉。非尋常疏忽可比。應照例議處。下部議從之。○又諭。浙江織庫存貯銀兩。係留備辦公之用。即同正項錢糧。無許絲毫虧短。福德前在杭州織造任內。任意挪移。日久未能籌補。前經降旨飭令迅速交納。並未完繳。今傳旨訊問。始據報明現在具呈內務府措辦七千兩交納。殊屬有心延宕。膽玩已極。所有未交銀兩。著勒限一箇月。交廣儲司銀庫。由內務府大臣驗收具奏。其應

織豫備絲斤銀兩。勒限三箇月。交杭州織庫。由普成驗收具奏。如逾限不交。即行革職治罪。決不寬貸。○又諭。松筠等奏。審擬塔布囊。拉巴珠爾控告各款一摺。此案拉巴珠爾。因聽從弟彥齊。向阿克楚畢借銀三百兩。致色楞旺楚克。作為憑據。復令控告。且聽從弟彥齊。誑供情殊狡詐。拉巴珠爾。著革退四等塔布囊。照蒙古例。三年無過。方准開復。其聽從弟彥齊。騙借之項。即由色楞旺楚克。弟彥齊家屬。追出。交還鋪戶。至阿克楚畢。聽從騙借。著罰一九牲畜示懲。案內四等塔布囊。達瑪林扎布。因該貝勒派令於蘇爾格營子等處。拏賊。向該營一帶。勒索東錢一千二百餘串。牛二隻。又與巴布扎布之妻貢格。調戲成姦。實屬寡廉鮮恥。達瑪林扎布。著革去四等塔布囊。准蒙古例折枷。交副盟長公瑪哈巴拉。印務公所。充當苦差。八年無過。再報理藩院。覈示開復。所有該塔布囊。詐索錢文牛隻。如

數追出入官。充公備賞。該貝勒濟克默特扎布。毫無覺察。且於喇嘛莊頭等。率行撥給荒地。業經查明。徹回辦理。實屬咎有應得。貝勒濟克默特扎布。著罰扎薩克俸五年。至伊叔喇嘛濟克默特那木扎爾。誣控貝勒私同游牧一款。現已訊明。係色楞旺楚克主使。著照蒙古例。將該喇嘛濟克默特那木扎爾。罰三九牲畜。伊姪七十聽從。赴京控告。亦有不合。著罰一九牲畜。均交該盟長充公備賞。○又諭。松筠奏。隨帶司員。請量予鼓勵一摺。向來各部院大臣。隨帶司員。審辦案件。事竣即行回京。從未有將承審司員。率請鼓勵之事。或案情重大。歷時甚久。司員等始終勤慎。該大臣偶一保奏。尚屬可行。此次松筠經派審濟克默特扎布。及色楞旺楚克互控一案。祇係尋常案件。為日無多。松筠率將隨帶員外郎成格勒。音德布二員。請交理藩院量予鼓勵。松筠動則為沽名邀譽之舉。昔日性情。

永不悛改。殊屬不曉事體。所奏不准行。並著傳旨嚴行申飭。○又諭。昨日考試試差人員。翰林院編修陳嘉樹試卷。被修撰陳沆誤行攜出宮門。經監試王大臣等。向陳沆要進。因令軍機大臣傳問。實係彼此坐次相連。陳嘉樹完卷後。收拾考具。將試卷置陳沆坐上。遂致陳沆誤行帶出。並無別項情弊。惟考試大典。該員等漫不經心。均有不合。陳沆著交部議處。陳嘉樹著交部察議。○乙丑。修四川欽

馬營分防各汛塘房。及城內堆卡房屋。從總督戴三錫請也。○貸山西駐劄欽區軍武營。並所屬神池等營兵丁。常平倉穀。○丙寅。諭內閣。據永芹等奏。稱巴申莊回子。控告阿奇木伯克衙門之多爾瓜回子等。將伊等細縛苛責。逼取錢文一案。審明請旨定擬等語。多爾瓜回子阿布都喇依木。阿布都呼依木。什瑚勒回子斯潘迪彥托瑚塔。膽敢指稱催取官項。將無辜之人。私用繩鎖。肆行懲處。以致

逼眾成羣。齊赴喀什噶爾控告。情殊可惡。著照永芹等所奏。將阿布都喇依木等枷號。解至英吉沙爾示眾。照例發往伊犁。其管理該莊之七品伯克多列特。知情不報。著即革職。阿奇木伯克邁哈默特。並未查出。著革去四品。阿奇木伯克。以五品伯克降補。英吉沙爾領隊大臣色普徵額。亦屬失察。著交部議處。○伊犁將軍慶祥奏。查探張格爾。在塔什霍爾罕地方。窮蹙已極。隨行祇十數人。已不敢

回霍罕。欲赴喀什噶爾自投。又恐被獲就戮。游移無定。遂至奈曼部落。與布魯特比伊滿。抱經起誓。欲行投誠。伊滿已赴喀什噶爾稟報各等情。報聞。○以故杜爾伯特貝勒貢楚克扎布子雅哩木丕勒多爾濟。襲爵。○調工部右侍郎昇寅。為刑部右侍郎。兵部左侍郎者英。為工部右侍郎。兼管錢法堂事務。轉兵部右侍郎寶興。為左侍郎。以內閣學士英經。為兵部右侍郎。○予因案休致鑲藍旗蒙古

都統郡王銜貝勒哈迪爾支食貝勒俸。○減免直隸冀州積澇地畝額賦有差。○丁卯諭內閣。張師誠奏。請將蘇省州縣墊完漕米。予限催徵一摺。江蘇省各州縣存庫未解銀兩。內有道光元二三四等年。為花戶墊買漕米一款。因三年全省被災後。民間元氣未復。勢難按戶追還。以致延未完解。據該撫查明懇請寬限催徵。著加恩將道光元二三四等年民欠漕米尾數。予限一年。責成現任之員追

完。如屆期再不完清。即將前後接卸各員。嚴叅懲辦。其動墊銀款。著落原墊及接徵之員。按日分賠。所有民欠米石。仍令後任嚴追。歸還賠解之員。毋許刁民延欠。至自道光五年起。各屬漕尾。亦著勒限一年徵完。遇有州縣交代。飭令該管府州盤查。凡墊完漕米。務於新漕啓徵之前。全數徵完批解。不得再有未完。以杜膠轕朦混。○又諭顏檢等奏。酌籌添雇額外剝船一摺。本年東省衛河水勢微弱。

現在南糧已入東境。需用剝船甚多。自應添雇豫備。以期迅速轉運。據顏檢等查明額設官剝。與添雇民剝。不敷輪轉。著照所請。准其查照成案。添雇剝船五百隻。免致臨時周章。其所添民剝工食。以雇到臨清之日起。統歸臨清州知州一手雇覓分派。並著察看水勢情形。如可無需五百隻之數。即飭令停止。一俟衛河水勢充足。不必俟重運過竣。即行先期開放。事竣查明月日會奏。分晰報銷。毋

任虛冒。○諭軍機大臣等。前因運道淺阻。借黃濟運。終非善策。降旨令魏元愷等將海運事宜。各就所屬地方情形。廣諮博採。悉心籌議。節據該督等覆奏。均以為窒礙難行。本日據英和奏。通籌漕河全局。請暫雇海船以分滯運。酌折額漕。以資治河各條。所奏甚屬明晰。國家漕運河防。均關重大。若祇以轉運漕艘為目前急務。而不顧將來河工之貽害。則為患甚鉅。該督等自當計及萬全。俾河漕兩

無妨礙。本年重運全漕。現據該督等竭力催挽。並籌備船隻。盤壩接運。自可以次抵通。惟全河大局。及本年如何回空。明年如何濟運。不可不通盤豫籌。該督等前此會議各條。係為慎重漕糧。節省經費。不為無見。然勢值兩難。固不可妄議更張。亦未可稍事拘泥。英和所奏各款。意在漕河並治。永資利賴。該督等接奉此旨。務當悉心計議。總期不誤轉漕。有裨河務。勿得稍存成見。徒為目前權宜之計。

也。英和摺著發交閱看。將此各諭令知之。○又諭。據御史郎葆辰奏。浙江覆檢徐蔡氏屍骨一案。前署撫黃鳴傑原奏內。聲明徐蔡氏屍骨無存者甚多。而於尾蛆骨一塊。稱係原驗時疏忽遺失。既經一府三縣。當場開檢。何至遺失骨殖。並風聞王惟詢接辦此案。甚屬認真。正在隔別研訊間。閩省選派明練件作何培至浙。即在萬松嶺地方。督同會檢。不待蒸爇。已據何培喝報。額門等處傷痕。委係被

挖。當時原驗覆檢各官。皆紛紛離位。爭執多時。以致不及終驗。及王惟詢赴撫署稟見後。更加鬱悶。意欲平反。而殘骸莫據。孤掌難鳴。以公正不阿之大員。竟至身罹意外之奇慘。皆由原驗官遺失骨殖。釀成此事。又聞上年七月間。覆檢官有另擡男骨比對之事。道路目擊。傳為笑談等語。人命重案。地方官帶領件作人等。當場檢驗。例當封固。何至將骨殖遺失。如該御史所奏覆檢。官另擡男骨比對。

尤屬違法荒謬。任意妄為。可惡已極。至王惟詢接辦此案。既經閩省件作驗係被挖。何至爭執各散。不及終驗。是否係原驗覆檢各官心存回護。有意阻撓。王惟詢赴撫署稟見後。是否因此鬱悶輕生。其中必有別情。俱應嚴加訊究。著程含章督同臬司祁墀。將該御史所奏各情節。詳加查究。如果屬實。即將黃鳴傑及各地方官。一併嚴參懲辦。毋稍徇隱。致干罪戾。郎葆辰原摺。著發給閱看。將此諭知。

程含章。並傳諭祁墳知。○實授訥爾經額山東布政使。○己巳。

上詣綺春園問

皇太后安。○諭內閣。據英和等奏。

朝日壇牆根土坡。被雨水衝刷不齊。牆垣間有損壞。瓦片脫落。自應修理整齊。以昭嚴肅。其牆外泊岸。應否修築。著工部派員敬謹分別查勘具奏。○修山東泉河各廳土石工程。從署河道總督張井請也。○庚午。命協辦大

學士英和。為正使。禮部左侍郎汪守和。為副使。持節齋冊寶。晉封

全妃鈕祜祿氏為

全貴妃。冊文曰。朕惟笑衍泰元。敷錫溥六宮之惠。儀彰坤順。宣勤流九御之徽。宜責彝章。式昭令典。咨爾全妃鈕祜祿氏。肅離播譽。端謹持躬。嘉佐職於瑤篁。椒塗贊化。荷升華於銀簡。

瑩殿頒恩。茲仰承

皇太后懿旨。晉封爾為全貴妃。申之冊命。爾其祉福懋膺。長奉宸軒而延祐。恪恭允著。克襄壹掖以垂型。欽哉。○命禮部尚書汪廷珍。為正使。右侍郎劉彬士。為副使。持節齋冊印。晉封

祥嬪鈕祜祿氏為

祥妃。冊文曰。朕惟椒庭表範。柔嘉裏內。職之勤。蘭掖綏祺。端肅贊中宮之化。徽儀聿著。榮寵載頒。咨爾祥嬪鈕祜祿氏。簪珥曷虔。珩璜

納順。史箴協度。宣蕙問以揚芬。嬪德修型。侍萱闈而篤慶。茲仰承

皇太后懿旨。晉封爾為祥妃。申之冊命。爾其克

遷蕃釐。用助睢麟之治。祇膺茂典。彌昭疊翟

之光。欽哉。○命禮部左侍郎舒英。為正使。兵

部右侍郎奕經。為副使。持節齋冊。晉封

珍貴人赫舍哩氏為

珍嬪。冊文曰。朕惟椒塗起化。六宮佐中。壹之勤。芝檢承恩。九室備內官之選。隆儀聿舉。寵

命攸頒。咨爾珍貴人赫舍哩氏。端恪修型。柔嘉秉式。展功緒而勞翼機杼。蘭殿叨華。表德容而度飭珩璜。

萱闈錫慶。茲仰承

皇太后懿旨。晉封爾為珍嬪。申之冊命。爾其鸞章祇領。迓蕃祉以長膺。翟采崇增。勵芳規而益懋。欽哉。○辛未。諭內閣。已革筆帖式祥麟。前在庫倫當差。輒赴街市游蕩。已屬有玷官箴。復因被領催諾敏毆打。疑係員外郎海清

阿唆使。赴署嚷鬧。並踢倒門扇。將堂上官物碰落。任性妄為。情殊可惡。刑部按律擬以滿流。照例折枷。尚覺輕縱。祥麟著即實發。該部查明應配地方。照例辦理。○又諭。據理藩院奏。永庫爾忠病故。所遺輔國公爵。或令伊子二等塔布囊拉旺哩克森承襲。抑或降等令其承襲一等塔布囊。請旨一摺。永庫爾忠。在御前乾清門效力行走多年。加恩著仍賞給伊子拉旺哩克森承襲輔國公爵。此係朕軫

念勲舊。蒙古臣僕之殊恩。毋許為令。○以浙江布政使伊里布。為陝西巡撫。未到任前。以布政使鄂山護理。調江蘇布政使繼昌。為浙江布政使。以江蘇按察使賀長齡。為布政使。

山東運河道慶善。為江蘇按察使。○旌表守正捐軀陝西長安縣民王文裕妻孫氏。○壬申。諭內閣。魏元煜等奏。修砌堰圩石工。派員專往督催等語。高堰山圩二應湖隄石工。及石後補築隄堰土工。為收蓄湖水。抵禦盛漲

最要工段。據該督等稱。採辦石各料。漸可到工。夏至汎水未漲以前。砌足十層之外。再趕砌一二層。更資高穩。所辦甚是。現在檄調來工之原任江蘇臬司林則徐等。均已先後到工。著即責成林則徐。陳雲。邵錫淳三員。分段督修。認真辦理。務於大汎以前。如式完竣。俾修砌益臻鞏固。工程獲保無虞。以資捍禦而衛民生。○諭軍機大臣等。本日據琦善覆奏。封雇商船。解往江省接運。並酌擬雇運章



程六條。朕詳加披閱。內雇備船隻。未到江南之前。酌給口糧。作正開銷。仍以船隻之大小。定口糧之多寡。所封船隻。免納船料。償無需接運漕糧。仍照定例徵輸。雇定船隻。發給印照。委員押交。以免沿途攔截。並添纜繩器具等項。應令江南酌給銀兩。趕緊製備。以免遲誤。至豫備船隻。設無須接運。所有舵工水手。由東省支過口糧。仍准開銷。以示體恤。俱著照所議辦理。其封雇船隻。押赴江南。准帶貨物一條。自係為回空船。不敷應用。起見。但此次剝運糧米。需船較多。自應以速為貴。若准其帶貨。船身笨重。行走既恐滯滯。交卸又必耽延。誠恐緩不濟急。該撫所奏。是否可行。著孫玉庭等會籌妥議。即知照該撫辦理。又另片奏。此次雇覓民船剝運。漕船既可由江歸次。旗丁餘米。儘有數餘。或即用以津貼船戶。或由孫玉庭等另行籌備等語。此次民船接運。必需口食稍敷。庶攬載更形踴躍。沿途亦

易於撫馭。惟漕船餘米。是否足資津貼。疲丁不至告累。著孫玉庭等一併籌議。必使民船足敷食用。運丁不形拮据。方為妥善。琦善原奏章程六條。著鈔給閱看。將此諭知孫玉庭等。並諭琦善知之。○癸酉。

上御勤政殿聽政。○以奉宸苑卿容照。為內閣學士。兼禮部侍郎銜。詹事府少詹事鍾昌。為詹事。○以乾清門侍衛桂輪。為奉宸苑卿。○以禱雨靈應。賜封湖南長沙縣李真人育萬

廣濟神號。從巡撫嵩孚請也。○甲戌。

孝端文皇后忌辰。遣官祭。

昭陵。○諭內閣。嵩孚奏。漕船在江。遇風沈失。趕緊撈搶。查明辦理一摺。湖南荆右等衛軍船。行至巴陵臨湘地方。陡遇暴風。沈溺米石船隻。淹斃人口。情殊可憫。據該撫委員查勘。實係大江險要處所。人力難施。亦無盜賣情弊。援案懇恩辦理。除荆右衛旗丁張興祖等二船。及岳州衛旗丁王三一船。業經全行撈獲。

修船完固。並其餘庫救船隻。搶獲米石。分灑裝運。趨進外。所有荆右衛旗丁小張馬兒。岳州衛旗丁楊逢春等二船。及饒逢大興等十船。漂失米共五千六百八十二石零。著加恩免其賠補。由該省另行籌辦。分年搭運。其沈壞船隻。亦准官為修造。淹斃人口。該撫即查明照例分別賞卹。該部知道。○內務府奏。奉獲偷竊敬事房庫物件之太監。審明定擬。得旨。此案普明身充匠役。膽敢同太監范二順。

偷竊敬事房庫財物件。至二十餘次之多。照例准徒五年。殊覺情浮於法。即照內務府所擬。發往吉林。充當苦差。仍加枷號一箇月。太監張進朝。究竟是伊呈報。尚可從寬。著照擬折責四十板。至失察范二順。夥竊庫貯之寧壽宮總管趙進玉。張福善。其咎較重。著罰月銀四箇月。首領太監。著罰月銀六箇月。至乾清宮總管太監等。俱在內圍居住。該庫坐落地方。究係外圍。所有罰月銀之處。著加恩寬

免。敬事房首領太監等。係其專責。未便因在內圍居住。概予寬免。著改為罰月銀兩箇月。以示懲儆。○貸湖北駐劄欽區安陸。德安。荊門。營荊州水師營提標後營倉穀。○以山西糧價增昂。平糶浮山。吉。渾源。廣靈。山陰。應寧。遠。右。玉。高平。陽城。陵川。沁水。遼。和順。榆社。河曲。安邑。夏。芮城。河津等二十州縣倉穀。並緩徵陽曲。太原。榆次。徐溝。奇嵐。寧武。靜樂。平陸。芮城。聞喜。霍。靈石。五臺。十三州縣應還倉穀。

○乙亥。

上奉

皇太后幸同樂園進膳。○諭軍機大臣等。前經降旨。令豫東兩省。雇備西河船隻。以備南漕。未渡軍船盤壩接運。本日據御史張銘奏稱。山東運糧軍船。原分開裏開外。合計各幫。共有八百餘隻。此時交卸回空。開外德州等幫。早經歸次。濟寧等幫。諒亦陸續抵次。直待本年九十月間。始行受兌新漕。與其雇用民船。

何若調用軍船。計其剝運南糧。往返程期。不致有誤。本年受兌。並稱軍船廠口鋪墊。交收看守。具有章程。頭舵水手。素受約束。既用官船剝運。民船仍可裝載販運。不致失業等語。琦善前於接奉諭旨後。已據覆奏派員前往曹單及臺莊夏鎮等處。封雇民船。豫省能否如數雇備。西河船隻。尚未據程祖洛覆奏。若如該御史所奏。以歸次軍船。調往江境備用。豈不較封雇商船為省便。第東省閭閻。內外軍船。曾否全行歸次。未歸次者。何時可以調齊備用。其豫省軍船。共有若干。能否調往剝運。約計接運往返程期。是否不致有誤。新漕受兌。著琦善。程祖洛。再行悉心籌畫。如果事屬可行。並無窒礙。即將調用軍船。及應給口糧食米一切章程。詳議由驛速奏。御史張銘。摺著鈔給閱看。再本月初十日。英和所奏之摺。亦著一併鈔給閱看。將此由四百里各諭令知之。○丙子。

上詣  
大高殿行禮。○還宮。○丁丑。  
上御太和殿視朝。王以下文武升轉各官謝恩。  
○幸圓明園。○戊寅。以廣西上年歉收。暫緩買補撥運東省穀石。○己卯。  
上幸靜明園。詣  
龍神廟拈香。○命兩淮鹽政曾燠留任。○庚辰。予福建出洋淹斃兵丁許繼等二名。落水受傷把總林瑞鳳。兵丁張錦等二十四名。分別卹賞如例。○辛巳。  
上詣綺春園問  
皇太后安。○諭內閣。御史姚慶元奏。太平倉新收稜米。未經眼同驗收。請覆加盤量一摺。各倉由通運京米石。應先期知照查倉御史稽覈入倉。何以太平倉所收稜米。於已經收貯後。始報查倉御史。著倉場侍郎。即行派員將該倉方字庫新收稜米二千六百六十九石。覆加盤量。有無短絀。如查有情弊。即將該

倉書吏花戶等送部究辦。嗣後由通轉運各倉米石。著大通橋監督。於定期起運前數日。先行移知該倉監督。豫報查倉御史前往驗收。以重倉儲。○又諭。蘇明阿奏請更定額鑄年分一摺。黔省貴陽大定二府鑪座。前因滇廠產銅不旺。積壓遲遲。以致累年停鑄。茲據該撫查明。現在存局銅斤。僅敷本年額鑄。並無補買之銅。勢難加卯鼓鑄。懇請刪除停鑄年分。覈實辦理。著照所請。准其將貴陽大定

二局。收存嘉慶二十四年銅鉛。作為道光五年正額供鑄。俟採辦嘉慶二十五年滇銅運到。即為道光六年正額供鑄。此後年卯依次接算。俾年款相符。毋得再有積壓。該部知道。○壬午。諭內閣。永芹奏。查明烏什盤量倉貯委員與糧員所報數目。盈虧互異。嚴訊定擬一摺。此案富綸於佐領珠陞阿報盈糧石。改派筆帖式福克錦布接盤。復報虧短。另交糧員桂芬查覈。又不通盤覈算。率報虧短。富綸

並不究其盈虧互異之由。即行具奏。現據查明烏什倉糧正額。並無虧短。珠陞阿盤出盈餘小麥四百三十一石。屬實。而桂芬僅據篩出淨糧一萬二千五百五十石。零。報虧糧四十九石七斗零。呈請賠補。實屬有意含混。除富綸已經革職發遣外。已革糧餉章京桂芬。著照所議。解赴烏什。交該處辦事大臣責令如數追賠完繳。再行咨解回京。筆帖式福克錦布。含混少報。著即革職。解回原旗收管。餘

著照所議辦理。該部知道。○以翰林院侍講學士穆馨阿。充日講起居注官。○癸未。諭內閣。前據福珠隆阿奏。長蘆商力疲乏。請將分限應完各款。分別緩帶限交。當經降旨。交戶部覈議。茲據該部將各項應完年限。查明具奏。自應照原定年限。本年即當按限按數分別完納。何得託辭轉輸不及。妄冀恩施。第念蘆商疲敝情形。於無可調劑之中。分別量予推展。著准其將新舊庫墊二款。自道光七年

起至十四年徵足。豫省料價幣息一款。自道光七年起。至十一年徵足。其道光三年未完引課一款。緩至道光六七年徵足。此係朕格外施恩。曲加體恤。經此次推展之後。商力自可稍紓。嗣後屆應完繳年分。該鹽政自應按限催徵。不得再有藉口。冒昧奏請。至水利帑本銀八十萬兩。前經降旨。照該督等所請。按繳本銀數目。輸納息銀。扣至八年限滿。將本銀息銀一律交清。何以復行瀆奏。著仍照

原奏章程。於八限內本息全交。其本年奏銷道光四年正餘引課。各項幣利。新衛河工費。武陟工需。並一切領告課項等銀一百五十萬餘兩。著該鹽政嚴飭各商。於本年掃數全完。不得稍有拖延。致干罪戾。○八旗都統英和等奏。會籌旗人疏通勸懲之法。並申明舊例。○閒散旗人告假。但令告明。佐領參領。給與圖記。即准外出營生。如有事逗留。報明地方官。行文該旗。回京之日。仍准挑差。或在外

年久。願改民籍者。准其呈改。○犯竊刺字。蒙廉鮮恥。甘心下賤。銷除旗檔。各例。宜實力奉行。○漢軍有考職捐職之例。滿洲蒙古。宜畫一辦理。○雙城堡移駐京旗。原定每年二百戶。現在每年移駐總未及一百戶。應飭參佐領等。將利害明白宣示。逐戶諭知。俾各樂移駐。以期足三百戶之數。從之。○追予國初殉難福建沙縣知縣董溝。入祀昭忠祠。子亦舒。婿張思治。入祀本邑孝弟祠。家丁五十三人。

立碑題名。從江蘇巡撫張師誠請也。○予福建出洋淹斃兵丁吳開成等三十五名。落水受傷千總張正照等四員。兵丁王世耀等二百七十名。分別卹賞如例。○以故廣西慶遠府屬東蘭土州同韋承基子清泰。思恩府屬土上林縣知縣黃元植子立仁。土田州知州岑煜族人錦。各襲職。○旌表守正被戕直隸朝陽縣民宋振遠妻郭氏。○修福建出洋遭風擊碎戰船。從總督趙慎畛請也。○甲申。諭

內閣武隆阿奏。備戰兵丁。請仍照舊額挑派等語。直隸備戰兵丁。向係於各營汛內。酌挑一萬二千名。嗣因楊芳具奏。添設車礮陣式。議請挑派一萬五千三百三十名。現在車礮陣式。業經裁撤。所有備戰兵丁。著仍照乾隆年間原定一萬二千名之數。該提督移會各鎮。並嚴飭轄屬各協營。秉公挑選。認真訓練。毋使營務廢弛。該部知道。○諭軍機大臣等。據孫玉庭。顏檢春。全漕尾幫。埽數催進瓜洲。

實錄卷一百一十五

三

口日期。並稱現距夏至之期不遠。未渡之幫尚多。惟有竭力督催。晝夜趲挽。即使時逾夏至。而黃水尚未長發。禦黃壩可以緩堵等語。本年漕船渡黃艱澀。因應設法催趲。竭力挽渡。惟黃水既經分流入運。則大河正溜。即恐未能暢注尾閘。設下游有停淤高仰之處。全河受病堪虞。且時過夏至。黃水長發。靡定。若祇顧目前。挽渡軍船。將禦黃壩暫緩堵閉。一經黃水迅漲。有失全河防堵機宜。豈不為患。

甚距。現在未渡軍船雖多。前已准照孫玉庭等盤壩接運之議。諭知程祖洛。琦善。籌備船隻。該督等自當隨時察看形勢妥辦。能令軍船全數渡黃。固屬甚善。若時逾夏至。總以全河大局為要。斷不可希圖濟運。坐失事機。將來應行堵壩時。該督等即當相機辦理。勿涉游移。務使河漕兩無妨礙。方為萬全也。將此諭令知之。○乙酉。諭內閣。陶澍奏。創修省志一摺。江南通志。成於乾隆元年。安徽自分省

實錄卷一百一十五

三

以來。未輯通志。於掌故難免闕漏。茲據該撫奏明。在省城設局纂修。著即酌定章程。督飭所屬。博加採訪。毋濫毋遺。並著予限一年。纂輯成書。以重文獻而資考鏡。○緩徵河南永城縣被蟲村莊上忙一半地丁銀。○丙戌。上詣綺春園問。

皇太后安。○以故貴州思州府屬黃道正長官司黃崇格子耀。目黎平府屬古州司土司楊再昌子承緒。各襲職。

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十一

寶錄卷八十二

三ノノ

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十二

[illegible]

米四十萬餘石。仍裝載南糧。長運抵通。至該撫酌議接運水次時日。及軍船應給運費口糧食米。民船雇值津貼。及開座隨時啟放章程十七條。當此接運喫緊之時。孫玉庭等必須商榷熟籌。計出萬全。俾彼此俱無窒礙。南來弁丁。不至藉口賠累。豫東軍船民剝。均資津貼。無誤本年南糧抵通。仍不誤來年豫東兌運。方為至善。著孫玉庭等即會同悉心妥議具奏辦理。琦善摺單。俱著鈔給閱看。將此

由四百里各諭令知之。○旌表守正捐軀廣東翁源縣民梁華名妻成氏。○己丑。

孝誠仁皇后忌辰。遣官祭。

景陵。○諭內閣。本年採買奉天粟米。前經蔣攸銘奏明。領運到津時。由倉場侍郎派坐糧廳帶同斗級人等。赴津監兌。茲據博啟圖等奏稱。南糧現已陸續抵通。驗米起卸。事務殷繁。若再分坐糧廳一員。帶同斗級人等。赴津監兌。恐致顧此失彼。著照所請。此次裝運粟米。

由津抵通。即照嘉慶十五年成案。責成直隸及奉天委員。小心轉運。無庸派坐糧廳前赴天津監兌。仍俟撥運到通。責令照例查驗。兌收。又另片奏稱。漕糧分貯倉廩。各監督在倉值宿。向係隨到隨收。俾車輛迅速輪轉。若俟巡倉御史眼同驗收。轉致停待積壓。諸多窒礙。自係實在情形。著仍照向來辦理章程。遇大通橋運米到倉。無庸等候御史。即令各監督隨到隨收。該御史仍不時赴倉稽查。並由

該侍郎隨時委員查驗。如有短少等弊。即行嚴叅懲辦。○庚寅。

上詣

大高殿行禮。○還宮。○諭內閣。阮元奏粵省代修福建遭風師船一摺。前因閩省師船遭風漂粵。經粵省委員代為運廠修葺。所用工料銀兩。閩省以未屆大修年分。礙難造報。經該督查驗船身日久虧損。全行換新。費用尤鉅。著准其照閩省大修例。銷銀二千三百五十



七兩零。由閩省督撫。即將前項用過例價銀兩。移解還粵歸款。○考試應開列試差滿漢二品以下京堂各官於上書房。○廣東潮州鎮總兵官閔懷希年老休致。賞全俸。以前任四川松潘鎮總兵官安慶為潮州鎮總兵官。○賞己革密雲副都統阿隆阿領催。回旗當差。○以夏至祭

地於

方澤。自是日始齋戒三日。○辛卯旌表守正被

軍機處

下

戕甘肅碾伯縣民吳發伏妻李氏。○壬辰步軍統領奏。大興縣民人楊升。呈控西二等商同拐帶伊妻齊氏。請交刑部審辦。得旨。此案原係尋常案件。但案內西二有雇與貝勒奕綺府內服役一節。伊身為貝勒。何患無人使用。必要招覓此等匪人。不問可知矣。著刑部嚴行審訊。不許稍有含混。奏上時再降諭旨。○緩徵直隸寶坻文安大城青靜海鹽山鉅鹿隆平寧晉九縣被水被旱村莊新舊額賦。

並出貨倉穀。○癸巳夏至祭

地於

方澤。

上親詣行禮。○幸圓明園。○詣綺春園問

皇太后安。○甲午諭內閣。我朝家法嚴明。從不

准太監與外人交結。至差往各省之事。尤屬

從來所未有。此內外諸臣無不知者。前據張

師誠等。於游墅關盤獲在逃太監馬長喜。竟

敢假冒頂帶。捏寫奉旨進香黃旗。標插坐船。

軍機處

下

並經軍機大臣會同英和等。究出該犯行至丹陽。住宿公館。今該處家人代雇船隻。官為給價。似此招搖恣肆。更非潛蹤匿跡者可比。尤屬可惡。沿途文武各員。何竟毫無聞見。若非游墅關盤獲。竟令長途供頓。任意妄為。尚復成何事體。現已將該犯按律治罪。其失察過境之地方官。此次姑免深究。著通諭直省各督撫。嚴飭所屬。凡遇通緝在逃太監。務當認真緝拏。若有稱奉差等事。無論已未犯法。

立即鎖拏奏明懲辦。毋稍疏縱。僅再失於查拏。將來別經發覺。定將該犯經過之地方官嚴懲不貸。○戶部議准。前署浙江巡撫黃鳴傑疏報。海沙龍頭。玉泉長亭。石堰五場開墾地二百一頃二十一畝有奇。照例升科。從之。○乙未諭內閣。戶部覈議南新關一年期滿。五任合徵稅銀。按經徵月日。勻攤分賠。雖屬照上年新定章程辦理。但覈議之時。即未明妥。試思各該監督等應徵額銀。既係按在任月日計算盈虧。又復令有虧無虧之員。一律勻攤賠補。即如帥承瀛黃鳴傑。普成。三員任內。俱按額收足。乃議將福德。克蒙額任內短收之數。攤入該三員任內分賠。不惟不足以昭平允。亦不足以示勸懲。且嗣後經徵各員。恃有各任勻攤之例。可以分謗。皆不認真辦理。輒藉口於月分淡旺不同。以多報少。甚至後任因前任既經虧短。不肯以多收之數。全行奏報。留為他日分賠地步。必有此等流弊。

著戶部悉心另行妥議具奏。○以前任烏里雅蘇台將軍果勒豐阿。署鑲紅旗漢軍都統。○丙申諭內閣。孫玉庭等奏。酌議漕糧盤壩接運章程。並請撥經費一摺。著照所請。准其將江蘇藩庫現存銀十八萬兩。安徽藩庫現存銀三十萬兩。兩淮運庫現存應還江蘇安徽三處藩庫銀二十四萬兩。就近動撥。其廣東省籌備南河工需銀三十萬兩。現已起解在途。亦准其就近截留。以濟要需。該部知道。○又諭刑部奏。審訊西二供詞。據稱該犯屢次在貝勒奕綺府內演唱。奕綺令其服役。給與護軍校翎頂。並有時身穿便服。帶同該犯至寶慶堂。及各廟閒逛等語。奕綺身為貝勒。輒招覓此等匪人演唱服役。並在外閒遊。其平日不知檢束。任意遊蕩。已可概見。本應用家法懲處。姑念其年幼無知。無人教管。暫從寬貸。奕綺著拔去三眼花翎。交宗人府嚴加議處。嗣後宗室王公等。務當各知自愛。恪守

法度。毋得狎比匪人。有踰閑檢。僅再有似此任情縱恣者。一經發覺。必當從重懲治。決不輕縱。懷之慎之。○諭軍機大臣等。據孫玉庭等奏。酌議漕糧盤壩接運章程。並以運米二百萬石。計算經費。共需銀一百二十萬兩。請將藩運各庫。及廣東籌解工需。共計銀一百零二萬兩。就近動撥截留。以應支發等語。各省漕糧。攸關天庾正供。為每歲轉輸之常事。該督等職任所司。豈有不籌畫萬全。設法運

宣宗實錄

卷八二

京之理。前因運道淺阻。不得已借黃濟運。即使漕艘全數抵通。其一切挑河築壩之需。已屬格外糜費。乃借黃未能全數渡竣。復有盤壩接運之請。茲據奏需費竟至一百二十餘萬之多。前已動撥工需銀三百萬兩。今復以轉輸之正供。多此虛糜之帑項。轉瞬明年重運。經臨。又將如何設法。該督等清夜捫心。能不為朝廷度支計耶。此時姑允所請。准其動撥。孫玉庭等惟當激發天良。加意撙節。凡今

歲回空。開年重運。應辦事宜。務當及早籌畫。勿得昧於機宜。又致臨事周章。動輒請帑。以有常之經費。填無底之豁墊也。將此諭令知之。○旌表守正捐軀陝西府谷縣民王攔虎子妻黨氏。○丁酉。諭內閣。戶部。尚書黃鉞。年逾七旬。夙夜趨直。未免勞勩。著毋庸在軍機處行走。俾得專心辦理部務。仍入直南書房。亦無庸逐日進內。王鼎著在軍機大臣上行。並著在紫禁城內騎馬。○又諭慶祥等奏。

宣宗實錄

卷八二

嚴定回疆斂錢條例一摺。新疆回部地方。往往有代逆裔寄信斂錢之事。甚屬可惡。不可不嚴立章程。著照所議。嗣後如有代逆裔寄信斂錢者。一經審實。將傳遞信物之人。即行正法。其出錢幫助之人。發極邊煙瘴充軍。遇赦不赦。僅止藉名斂錢。希圖肥己者。將斂錢之人。亦發煙瘴充軍。遇赦不赦。被惑出錢之人。亦改發內地近邊充軍。該伯克等務須實力稽查。認真辦理。凡請票出卡貿易回子。責

令該莊溫巴什具保。定限按月呈報。至安集延貿易出入。亦著呼岱達會同伯克隨時嚴查。毋得日久生懈。○直隸大名鎮總兵官李東宣。因病解任。調甘肅河州鎮總兵官薛陟。為大名鎮總兵官。以服闋總兵官張起釐為河州鎮總兵官。○旌表守正被戕河南洛陽縣民蕭士成女蕭氏。○戊戌。

上幸萬壽山詣

廣潤祠拈香。○旌表守正捐軀山東濟陽縣

民聶明妻郭氏。○除甘肅張掖縣屬上漚波渠沙壓地一十七頃四十二畝有奇額賦。○己亥。遣官祭

關帝廟。○諭軍機大臣等。御史楊煊奏。雲梯關海口墊淤。請旨飭查一摺。據稱海州雲梯關外東水長隄。自嘉慶十七年前。兩江總督百齡增築後。近聞汕缺處甚多。中流墊高處亦復不少。二月間。張井奏。南河咨會。海口墊高八尺。今又閱二月之久。風聞海口一帶。停

淤愈多。下游阻滯。上游即有漫溢之虞。轉瞬伏秋汛臨。似宜豫為防範等語。雲梯關為黃水入海經由之路。總恃海口通暢。方足以資宣洩。上年高堰漫口。清水洩枯。未能收刷沙之益。本年借黃濟運。以致水緩沙停。轉瞬伏秋大汛經臨。海口一日不暢。即上游在在堪虞。著魏元烜嚴煥親歷查勘。俾海口一律深通。勿任少有淤墊。並著該河督等轉飭各該道廳員弁先事豫防。毋稍疏虞。此為至要。楊

煊摺著鈔給閱看。將此諭知魏元烜嚴煥。並諭張井知之。○庚子。諭內閣。奕綺身為貝勒。不知檢束。本日宗人府議以實罰貝勒。俸三年之處。著改為罰俸六年。不准抵銷。每年仍准支領一半。此係朕格外施恩。儻再任情縱恣。不能曲邀寬貸也。○以翰林院侍讀毛樹棠為廣東鄉試正考官。吏科給事中陶廷杰為副考官。翰林院編修周作楫為廣

西鄉試正考官。王煜為副考官。右春坊右中允翁心存為福建鄉試正考官。翰林院編修陳兆熊為副考官。○辛丑。諭軍機大臣等。前據蔣攸銛奏稱。香河等十四州縣。近日漸有蝻子出土。或報有土螞蚱。俱係零星散漫。不成片段。現嚴飭該州縣上緊撲捕收買等語。上年被蝗各州縣。遺子入土之處甚多。現當禾稼長發之時。香河等州縣已有蝻孽出土處所。必須趁其甫經蠕動。作速撲捕。方不致蔓延滋害。即已經具報收買淨盡各州縣。亦恐未能盡絕根株。著蔣攸銛嚴飭所屬上緊撲捕。設廠收買。並著陸以莊等督飭所屬一體妥辦。但祇須曉諭鄉民。設法撲拏。赴廠交售。斷不可因撲捕蝗蝻。轉致滋擾閭閻。總期防患未然。務使遺孽淨盡。免致長翅飛騰。殘傷禾稼。方為盡善。將此諭知蔣攸銛並諭陸以莊朱為弼知之。○修廣東澳門關閘。並演武亭。從總督阮元請也。○壬寅。

上詣綺春園問皇太后安。○癸卯。皇后千秋節。宮內行禮如儀。停止筵宴。及在外福晉命婦行禮。○諭內閣。福綿奏。前發各商生息銀兩。展限提還。請仍舊生息。以資公用。一摺。晉省動撥社義息穀變價銀二萬兩。交商生息。接濟滿營公費。及應修工程。前經奏准將本銀展限提還。支騰息銀。留充公用。茲據該撫奏稱。現存司庫息銀一萬二千一百七十餘兩。今展限已滿。應行提還原本。惟平陽蒲州二府各廟宇。並省城祠壇廟宇城壕書院等項。均應次第興修。且滿營官兵尚須調劑。所有此項生息銀兩。著照所請。毋庸提還。仍照舊生息。每年所得息銀二千四百兩。遇閏加增銀二百兩。除給發滿營酌添官員馬乾。兵丁操演。紅白賞卹等項。歲需銀一千兩外。餘騰息銀。即留為本省工程。及一切工用之需。遇有動用。於年底彙冊報部。仍俟將

來司庫積存銀足數二萬兩之數。即將息銀歸還原本。以清款項。該部知道。○山西巡撫福綿覆奏。遵查汾陽等四縣監內。並無非刑凌虐罪囚等事。得旨。以後認真訪查。如有此等酷吏。斷難姑容。毋得徇隱。若別經發覺得實。朕則惟汝是問。○戶部議准。福建巡撫孫爾準疏報。閩侯官屏南鳳山漳平五縣開墾各則田園地畝五項一十六畝有奇。照例升科從之。○甲辰諭內閣。陸以莊等奏。知縣捕

蝗不力。請摘去頂帶一摺。直隸寧河寶坻等縣。蝗蝻出土。將及一月。雖經該縣等分投挖捕。而未能剋期撲滅。辦理實屬遲延。署寧河縣知縣歐聲振。寶坻縣知縣蔣超曾。俱著摘去頂帶。立限撲捕。儻逾限未能淨盡。致令傷及田禾。著即嚴參按律治罪。○又諭。御史萬方雍奏。請飭刑部將辦理秋審改擬情實緩決等案出語。豫行知照九卿詹事府科道一摺。所奏甚是。秋讞為明刑鉅典。與議諸臣。原

應公同集議。以昭詳慎。其案情有介於可實可緩之間者。尤關罪名生死出入。若如該御史所奏。刑部辦理秋審各案。向祇摘敘略節。刊刻招冊。分送九卿詹事科道。屆期會議。其由緩改實。由實改緩。或由緩改矜。由矜改緩之案。並不將擬定看語方簽。豫行知照。僅於會議上班時。令書吏宣唱一次。會議諸臣。於息遽之時。僅聽書吏宣唱看語。焉能備悉案由。從而商榷。是徒有會議之名。而無覈議之

實。豈國家矜慎庶獄之意乎。嗣後著刑部將議定改擬各案看語。彙齊繕刻。於會議上班前五日。分送九卿詹事科道。俾豫行查對。招冊案情。是否改擬允協。會議時得各據所見。以重刑獄而昭覈實。○又諭。前據給事中郭泰成奏。二麥豐收。請暫弛囤積之禁一摺。據稱例載各鋪戶所存米麥雜糧等項。不准逾數囤積。係因年歲歉收。恐奸商壟斷居奇。有妨民食。為此權宜之制等語。京師為五方輻

轉之地。人煙稠密。必使米糧流通無滯。庶居民無食貴之虞。原非專為歉歲設。此例禁。從前因米價昂貴。曾降旨嚴拿囤戶。現當二麥豐收之時。民食正可稍裕。若如該給事中所奏。勿限囤積數目。是使奸商乘此豐稔之年。恣意收買。將來囤積居奇。必至糧價增昂。有妨民食。該給事中顯係受人慫恿。與本日萬方雍所奏。公私迥別。身為言官。豈可稍存私見。輒請變通成例。所奏斷不可行。郭泰成著

傳旨嚴行申飭。○又諭。傅啟圖等奏。南糧幫船遲滯。請由山東直隸添撥趕運。本年南糧幫船到津遲滯。節節脫空。據該倉場侍郎等。查明係由直隸之故。城。山東之恩縣等處河道。水勢微弱。必須剝運。該州縣豫備剝船無多。以致各幫船守候日久。著直隸總督。山東巡撫。迅即嚴飭故城恩縣。添雇剝船濟運。如再有遲誤。致令各幫船停泊守候。即行嚴叅懲辦。並各飭所屬實力催趲。務令迅速抵通。

母許遲逾。○又諭。阿那保年力衰邁。眼目昏花。懇請解任回籍一摺。阿那保在乾清門御前行走有年。從前隨侍

皇考引馬差使。甚屬盡心。且在軍營屢著勞績。實有巴圖魯名號。洵擢至內大臣都統。今因年力衰邁。懇請解任。實出伊之誠悃。阿那保即以都統原品休致。准其回籍。加恩賞食全俸。外。仍由廣儲司賞銀五百兩。以示朕軫念勳舊臣僕之意。○以刑部尚書明山。兼正黃旗

蒙古都統。○調江蘇巡撫張師誠。為安徽巡撫。安徽巡撫陶澍。為江蘇巡撫。○以四川懋功協副將德印。為貴州安義鎮總兵官。○乙巳。諭軍機大臣等。本日孫玉庭等奏。黃水消落。禦黃壩內外停淤。在後幫船均淺滯不能拉挽。已於五月十二日。將禦黃壩堵閉斷流。並將濟運壩啓放。導引湖水入運。幫船接次上挽。起卸漕米。隨時盤壩接運等語。禦黃壩現已堵合。漕幫未能依限趲渡。嗣後著無庸

按幫具奏。其盤壩接運各事宜。孫玉庭等自  
已先事籌備。著即查照奏明章程。妥為辦理。  
所有剝運船隻。現在是否齊備。共需用若干。  
何日由江省開行。及何時一律完竣之處。孫  
玉庭等隨時具奏可也。將此諭令知之。○又  
諭。前據魏元煜等奏。堰圩湖隄補修石工。派  
員分段督修。現在節逾夏至。工程已做成五  
分。本日據孫玉庭等奏。現在黃水消落。於五  
月十二日。將禦黃壩趕緊堵合。並啟放濟運

中奉奉

下

壩。導引湖水入運。浮養軍船。仍將河身停淤  
最厚之處酌挑。並於下游高寶一帶。築壩攔  
蓄。起卸漕米。隨時盤壩接運等語。上年高堰  
漫口。清水洩枯。不得已為借黃濟運之舉。現  
在軍船尚未全數渡黃。禦黃壩業經堵合。堰  
圩隄工。亦未一律完竣。朕心深為廕念。琦善  
接奉此旨。即將山東巡撫印務交訥爾經額  
暫行護理。由濟南起程。前赴江南高家堰十  
三堡一帶。周歷巡視。現在堰圩補修石工。砌

有幾成。是否鞏固足資抵禦。洪湖水勢。長水  
若干。高堰誌播。存水若干。清水是否足資  
蓄。著該撫詳晰查明。據實覆奏。至禦黃壩現  
已堵合。河口至清江。上下河身停淤最厚之  
處。情形若何。現在啟放濟運壩。並於高寶一  
帶築壩攔蓄。清水能否源源下注。幫船能否  
挨次上挽。盤壩接運。能否不致再有阻滯。並  
著該撫一併查勘。據實具奏。將此諭令知之。  
○又諭。伊里布。前經簡放陝西巡撫。現已由

中奉奉

下

浙交卸起程。本日降旨。令琦善前往南河高  
家堰察看情形。伊里布於途次接奉此旨。著  
即馳赴山東。暫署巡撫印務。俟琦善回任後。  
再行來京。陛見。將此諭令知之。○以故輔國  
將軍弘善子永良。降襲奉國將軍。○丙午。旌  
表守正捐軀安徽宿州民宋士青。碑了姐。○  
丁未。

上幸靜明園。詣

龍神廟拈香。○諭內閣。程含章奏。查明糧艘



水手滋事情形。據實奏。奏一摺。前據御史錢儀吉奏。嘉白杭三兩幫水手。恃眾行兇。傷斃多命。該府縣營汛。畏葸觀望。情形。與黃鳴傑歷次所奏。種種不符。當降旨。交程含章。逐一詳查。茲據該撫查明。該省糧船舵水。向有老安潘安等教名目。本年因爭駕新船起釁。自二月初四日械鬪。至初七日乃息。該署撫黃鳴傑。形同木偶。坐失機宜。大小文武各官。辦理鬆懈。以致該水手等肆行無忌。殊出情理之外。除秀水縣徐起渭。嘉白幫領運千總黃逢輝。業經革職外。杭州府通判袁霽。嘉興協都司吉元志。杭三幫領運千總朱鳳鳴。先事失於防範。臨時不能彈壓。事後不能緝兇。實屬畏葸無能。袁霽。吉元志。朱鳳鳴。俱著革職。俟定案時。再行覈辦。嘉興府知府羅尹孚。嘉興協副將慶康。不能督率營縣。嚴行約束。坐觀無策。致成巨案。羅尹孚。慶康。俱著交部嚴加議處。糧道李宗傳。平日漫無約束。復不直

往嘉興彈壓。轉回省城。向巡撫請示。殊屬不合。杭嘉湖道陳鍾麟。不即馳往督辦。遲至十餘日始行前往。亦屬不知事體輕重。李宗傳。陳鍾麟。俱著交部議處。署巡撫黃鳴傑。並不親往督辦。已屬軟弱無能。又復有心諱飾。含混入奏。實屬辜恩溺職。黃鳴傑著交部嚴加議處。尋議上。得旨。黃鳴傑著即革職。羅尹孚。慶康。俱著革職。李宗傳。陳鍾麟。俱著降三級調用。○旌表守正被戕直隸承德府民朱泳。強妻陳氏。○戊申。上詣綺春園問皇太后安。○諭軍機大臣等。前據英和奏。通籌漕河全局。請暫雇海船。以分滯運。酌折額漕。以資治河。當降旨。交魏元煜等悉心計議。尚未據該督等覆奏。本日復據英和奏。雇商分運。及折漕治河各章程。據稱雇商船海運。應令兩江總督。江蘇巡撫。專委幹員。先期剴切曉諭。每官糧一石。給運腳銀若干。淨照漕斛

兌交。仍令該委員親身押運。抵津時。分出倉場侍郎一人。並派戶部堂官一人。赴津。按官給執照米數。漕斛兌收。應給商船腳價銀兩。由該委員具結承領。漕標員弁。酌撥河標差委。津貼旗丁。按照減歇之例辦理。安插舵工水手人等。援照江浙成案。給與盤費。歸籍。當上海交兌時。由該督撫等。先期咨照江南浙江山東提鎮會哨。以資彈壓。明歲除豫東照常徵運外。江浙漕糧。或海運一百萬石。或一百五十萬石。其餘按照時價。暫收折色。以濟工需。至改收折色。按照時價。由該督撫奏定。藩司出示曉諭。不許科索。其隨漕輕齋席木贈截等項。亦應折徵。併數彙解。協濟工需等語。治河所以利漕。裕國尤當便民。英和所奏。係屬一時權宜之計。朕周咨博訪。擇善而從。並不豫存成見。著各該督撫等。查照英和原奏章程。是否可行。悉心妥議。奏。毋得遷就游移。致多窒礙。務須計出萬全。期於公事有

濟。或此外更有良法美意。可以利漕濟運者。並著該督撫等各抒所見。據實奏聞。不可徒以空言塞責也。英和摺並著鈔給閱看。將此由四百里各諭令知之。○命大學士前任兩江總督孫玉庭。漕運總督顏檢來京。調兩江總督魏元煜。為漕運總督。以山東巡撫琦善。為兩江總督。調陝西巡撫伊里布。為山東巡撫。以陝西布政使鄂山。為巡撫。陝西按察使鄧廷楨。為布政使。○以故雲南祿豐縣南平關從九品土官李世忠弟世美襲職。○除安徽舒城縣被水衝坍田七十三畝。有奇。額賦。○己酉。

孝恭仁皇后忌辰。遣官祭景陵。○以太常寺少卿姚祖同。為陝西按察使。○庚戌。予福建出洋淹斃外委賴必翔。祭葬卹廕。受傷把總黃連彪。兵丁馬勝崗等九十。三名賞卹如例。○辛亥。諭軍機大臣等。據御史汪琳奏。漕糧盤壩水手人夫眾多。請敕該

督撫派委文武大員分段約束以資彈壓等語。此時禦黃壩現已堵合。漕艘留滯清江以南者不下數十幫。在幫停候之水手為數已多。再加以盤壩人夫及剝船水手統計有數萬人之眾。難保無酗酒賭博鬪毆盜竊情事。著該督等遴派文武大員分段稽查彈壓。並飭該幫弁及沿途地方官豫為防範約束。無任稍滋事端。再盤壩接運各事宜。琦善抵任後自當會同魏元煜妥為經理。現在啟放濟

宣宗實錄

卷八二

運壩後清水能否下注。漕糧自何時盤壩起盤至何時計可竣事。其河口至清江一帶河身淤墊之處何時興挑。將來回空南下能否引用清水浮送。該督等即當會同確切查勘。豫為籌計。據實覆奏。將此諭知琦善魏元煜並諭嚴烺知之。○定滿洲蒙古考職例。由恩拔副貢生考取一等者以州同用。二等三等以州判縣丞用。由歲優貢生及考中監生捐納貢監生考取一等者以主簿用。二等以吏

目用。均在旗候選。毋庸赴部投供。○以緝捕出力。賞甘肅貴德番子札細從九品頂帶。○壬子。

上御勤政殿聽政。○以通政使司參議貴慶為內閣學士兼禮部侍郎銜。○以翰林院編修張日畧為湖南鄉試正考官。內閣中書石綸為副考官。翰林院編修李棠階為四川鄉試正考官。兵部員外郎周炳緒為副考官。○癸丑諭軍機大臣等。逆裔張格爾自上年九月

宣宗實錄

卷八二

經官兵勦捕。竄投喀拉提錦。又來至伊爾古楚卡倫外。仍圖窺犯。因防捕嚴緊。仍復遠竄。差人投降數次。經永芹等疊派伯克護衛出卡。申約曉諭。該逆始終猶豫。誘約奈曼部落布魯特比等不從。退移二十里外。竄去無蹤。狼子野心。情殊狡詐。其擅縛布魯特比伊滿及呈霍罕伯克原信。並懇求釋放伊斯拉木出卡見面種種叵測之處。尤堪髮指。該逆如敢再來。該大臣當相機盡力殲擒。不可輕信。

其言致墮奸計。現已竄逸無蹤。亦不必徒勞兵力尾追。即再來逞詐約降。正可置之不理。永芹等現派協領等帶兵在木吉地方防其復來。所有各卡倫著即嚴密巡緝。加意防範。毋稍疏虞。其喀什噶爾回眾及卡外布魯特該大臣等當加意安撫。俾人人樂為我用。得以偵探該逆蹤跡。相機辦理。至張格爾之弟巴布頂現在竄往何處。是否隨同張格爾勾結野夷滋事。並著永芹等查明具奏。此次差委出力之布魯特比等。雖未將該逆擒獲。著有勞績。惟始終效順。勤奮可嘉。所有奈曼部落四品頂花翎布魯特比伊滿。自張格爾滋事以來。誠心出力。差探多次。被縛不屈。至張逆到木吉勾結。經伊滿密告伯克等防備。得洩奸謀。始終勤奮。著加恩賞三品頂帶。緞二匹。五品頂花翎布魯特比阿布都拉依木。不受逆回勾結。被格得勒沙傷其頭顱。著加恩賞四品頂帶。緞一匹。六品頂布魯特比曼勃

特率屬攬護伯克等不致被害。著加恩賞五品頂花翎。緞一匹。吐勒額依格爾部落六品頂布魯特比巴哈提拜。差探認真。著加恩賞五品頂帶。奈曼部落閒散布魯特多列特住瑪喀。跟隨伊滿出探賊情。均屬出力。多列特著加恩賞六品頂藍翎。住瑪喀著加恩賞金頂藍翎。閒散布魯特提拉巴爾底等八人。差探得力。不辭勞苦。俱著加恩賞給金頂。並共賞盤費銀三百兩。以示鼓勵。將此諭令知之。

○喀什噶爾參贊大臣永芹等奏。霍罕夷使自去年七月。至本年二月。來使三次。實為煩瀆。此次復上書請安。並欲求免全稅。且稱去歲勾通漢兵。海常祿合謀外投。案內安集延等。不應內地辦理。情詞刁譎。又聞前兩次夷使。皆其屬下掌事所遣。未便仍事優容。將原遞信字發還。派伯克等照料出卡。仍俟現在入覲之夷使。阿布都哈里克等事竣。回到面加曉諭。再飭阿奇木邁瑪薩依特。信致霍罕。

伯克。此後遣使儀節。均照舊規。不可任意煩瀆。得旨嘉獎。○甲寅。諭內閣。上年高堰漫口。清水洩枯。以致本年重運。未能暢行。是以勉從諸臣所請。為借黃濟運之舉。屢經飭諭在事臣工。詳慎妥辦。並以漕糧為天庾正供。如軍船稍有阻滯。惟孫玉庭等是問。旋據孫玉庭等奏稱。自二月初九日。啟放禦黃壩。運河水勢一律深暢。現距夏至尚早。計可不誤期限。僅五月初旬。黃水已長。不過三進。在後數

宣宗實錄

卷八二

幫再籌接運。亦可不誤。惟當盡心籌畫。全達通倉。不敢因循自取重咎等語。乃經歷三月之久。僅過船二千八百十八隻。此外未渡黃者。尚有四十幫。轉以盤壩剝運。請帑至一百二十萬兩之多。本日復據孫玉庭等奏。禦黃壩業經堵閉。現將在後各幫漕糧盤剝。並不能挽抵原議之高坂頭等處。就近盤壩。是孫玉庭等全無把握。所入奏者。無非塞責空談。尚得謂之實心實力。為國宣勞之大臣乎。朕

用人行政。一秉大公。於諸臣功過。從不豫存成見。亦不使令掣肘。傾心委任。孫玉庭等。既不熟籌於前。又復遲誤於後。此而曲加寬貸。何以昭懲勸而服眾心。孫玉庭前在兩江總督任內。不早奏參張文浩。以致坐失機宜。本應照部議革職。經朕曲加保全。改為革職留任。並因伊熟悉該省情形。飭令在彼認真經理。宜如何激發天良。以冀稍贖前愆。乃朕屢次嚴旨飭諭。孫玉庭並不早為通盤籌計。及

宣宗實錄

卷八二

至事當設法趕辦之時。又復束手無策。虛糜帑項。病國病民。實屬辜恩溺職。孫玉庭著交部嚴加議處。魏元烜本係漕督。經朕簡授兩江總督。漕運河工。皆其所轄。顏檢經朕特簡漕督。並諭令妥速辦理。嚴煥身為河督。河務是其專責。皆未能籌辦妥協。有誤漕行。均難辭咎。魏元烜。顏檢。嚴煥。俱著交部議處。○賞已革山東登州鎮總兵官張聯奎。三等侍衛。○以江南江淮頭等三十八幫。浙江寧波前

等二十一幫。丁力疲累。准緩本年應交餘米分三限搭解。○乙卯。

上詣綺春園問

皇太后安。○協辦大學士直隸總督蔣攸銑奏。防守千里長隄善後事宜。一。責成汎官。實力防守。一。仍循舊制。責令民修。一。嚴禁占礙河淀。以資蓄洩。一。酌設杈夫堡船。以復舊制。一。添設汎弁水手。並移駐汎員。一。瀕河險工。應建堡房。並築防風埽段。以禦大汎。得旨。所議

軍機大臣

奉

六條。朕詳加披閱。均屬明備。無庸指駁。但立法非艱。行法維艱。故為政要在立法必行也。即以長隄善後事宜而論。擬議未嘗不妥。若該管文武員弁。奉行不力。或始勤終怠。仍歸有名無實。於事何濟。朕看此事。必當先行明白曉示。一帶紳士居民。責成該管員弁。仍當不時查訪。稍有怠誤。即行嚴辦。若有盡心職守之人。亦不可掩沒其功。至以後應如何稽查。或專責成天津道統轄之處。卿其妥為之。

清 實 錄 道光五年五月

斷不可日久怠生。仍復如前也。依議速行。又奏。通永道經徵木稅盈餘銀。除支銷年例外。每年可餘騰銀二千餘兩。計五年即騰一萬餘兩。未便因向不報撥。儘留道庫。亦未便全數解司。轉礙辦公。請以二萬五千兩為限。有餘。即令解司入撥充餉。報部查覈。從之。○改湖南永順府古丈坪督捕同知。為撫民同知。移桑植縣下崗巡檢。為古丈坪廳巡檢。均定為苗疆要缺。從調任總督陳若霖等請也。○

軍機大臣

奉

以興修直隸河道橋壩工竣。予在事出力知州黃克昌等升補議敘有差。○旌表守正捐軀四川銅梁縣民李銓妻楊氏。○緩徵山東荷澤鉅野曹定陶費武城濟寧七州縣被雹村莊上忙額賦。並舊欠錢糧。○丙辰。追旌救姑被戕四川墊江縣生員傅宣猷妻董氏。○旌表守正捐軀河南汝州民王太和妹定妮。○添建甘肅西寧鎮屬鎮海協並哈拉庫圖爾營。衛署兵房。從總督那彥成請也。○貸湖

三三三

北荊州城守宜都衛昌竹山四營駐劄災區  
兵丁倉穀○賑卹貴州鎮遠等州縣被水災  
民並免本年額賦貸兵丁餉銀給官署民房  
及城垣石橋演武廳修費○

寶錄卷八十二

三

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十三

監修 陸軍省監修 日清通商條約 日本領土擴張 日本領土擴張 日本領土擴張

天府府尹常格隨帶如玉銀鈔錄十八次。臣賈復進獻官經筵講官文華尚書鑲藍旗漢軍都統管轄營房城內官房大臣預察內

七倉大臣稱衆會同四譯館下格加一級隨帶加六級軍功加三級紀錄五次臣花沙納璽還講官文淵閣提舉閣事兵部尚書總

內務府大臣 鎮江都統 稽察內七倉大臣 管理宗人府銀庫左翼幼官學 監學官 圓明園等處稽提學御茶膳房總辦房

督院逆辦處事藉端希圖十八號日阿靈阿副總裁官程廷祺官兵部尚書隨帶加六級紀錄二十次員周祖培等奉

較修

道光五年乙酉六月丁巳朔新授兩江總督

琦善謝恩得旨速赴新任加慎加勉以副委任又奏糧艘阻滯湖漕未充黃流日高民力

困瘁。

聖主宵旰焦勞正臣下所應竭忠盡智批所以  
用卿者正為此四節耳不待朕言卿已提及  
同德同心不言而喻勉之又奏即日周歷查  
勘實在情形與漕河撫臣和衷辦理不敢稍  
事懈弛僕其中實有為難之處即當奏明請  
旨批據實直陳無論何人何事不許隱飾朕

之用人行政一秉大公。惟功過是憑。諒卿早已知之。○除江蘇吳縣。卹沒田一十七頃八十四畝。有奇額賦。○戊午。諭內閣。吏部將大學士孫玉庭等分別議以革職降級調用。朕惟國家用人之道。貴在賞罰嚴明。而賞罰之平。尤在權衡功過。朕自臨御以來。於內外諸臣。無不傾心委任。從不以其人之功過。豫存成見。意為寬嚴。孫玉庭經朕特旨留駐清江督辦漕運。並不通盤籌畫。勉贖前愆。乃一味

虛詞塞責。臨事周章。糜帑病民。辜恩溺職。本應照部議褫革。念其曾任督撫。宣力有年。著加恩賞給編修休致。顏檢經朕特簡漕督。漕務是其專責。乃不能安速辦理。有負委任。且年力就衰。著加恩改為降二級。以三品銜休致。魏元煜。嚴娘。經朕屢次飭諭。均未能籌辦妥協。即照部議降調。亦屬咎有應得。姑念魏元煜甫經簡授兩江總督。到任未久。嚴娘職司河務。此次漕運遲延。非盡關河工辦理未

妥。尚可少從末減。魏元煜著加恩改為降四級。從寬留任。嚴娘著加恩改為降三級。從寬留任。以示朕甄覈功過。務昭平允至意。○諭軍機大臣等。據趙慎畛奏。接據福建糧道王惟誠面投稟函。內稱胞弟王惟詢。辦理徐蔡氏一案。竟致輕生。雖死由自取。情實難堪。曾於三月初六日。接伊弟來信。以此案疑實甚多。從前檢驗均屬不實。此次特調來浙辦理。不敢稍有遷就。惟浙省大小各官。以此案兩

檢之後。不能再有更動。其勢固結莫解。心甚焦灼。旋接伊家人來信。伊弟竟至輕生等語。此案徐蔡氏之是否自縊。抑係撻戮。及臬司王惟詢之自縊。有無別情。朕毫無成見。程含章現已到任。月餘。自必督同臬司祁墳審有端倪。務當逐一研訪。明確秉公訊辦。無得稍涉偏徇。致干咎戾。趙慎畛摺著鈔寄閱看。將此諭令知之。○命協辦大學士直隸總督蔣攸銓為大學士。仍留直隸總督任。禮部尚書



汪廷珍協辦大學士○賞病痊總兵官塔青阿頭等侍衛在大門上行走○修福建閩縣魁岐等六汛塘房從總督趙慎畛請也○己未諭軍機大臣等據訥爾經額奏接准江南議奏盤壩接運及調用豫東軍民剝船各章程內尚有應行酌議變通各款一摺此次南糧盤壩剝運調用豫東軍民船隻接濟必須籌議妥協使彼此兩無窒礙俾兩省在事官弁無所藉口方為盡善如孫玉庭等所議津

貼以江南河口至濟寧及濟寧至天津分別銀數多寡一條未經指明運通與東省前此所議接運南糧逕直抵通交兌不符恐兩省弁丁臨時爭執致有貽誤著琦善等即飭江南押運員弁將接運米石運通交納不得藉詞耽延又南糧撥運到濟距原定七月初十日限期畧遲數日仍交豫東軍船接運一條亦未指定截止時日恐遲延日久有誤東漕受免著照所請展至七月十五日為止儻再

過期即令江南原船長運抵通又各船經過東省開座提溜打聞官為給價由各該處覈實報銷一條亦未指定交何官經理必致臨時推諉著琦善等再行籌議或遵委委員或責成運弁專司其事即由該員弁等稟報各南省糧道覈實報銷以歸畫一將此諭知琦善魏元煜並諭訥爾經額知之○浙江巡撫程含章奏查前任臬司王惟詢係因徐蔭氏命案難辦情急自縊前署撫黃鴻傑及原辦

各員訊無阻撓掣肘之事惟准閩浙總督趙慎畛咨稱其兄王惟誠有黃署撫及原檢各員回護原辦致伊弟抑鬱自盡之稟應再確查以成信讞得旨悉心研鞫密訪務要各得確情斷不可惑於救生不救死之說亦不可因大概情形業已入奏即續得實情亦必稍為牽就以符前言則大謬矣慎之○庚申戶部奏遵議南新關分賠稅銀請仍照舊例各按在任月日勻攤以歸畫一應得處分除經

徵足額。及前後兩任足以抵補之員毋庸議外。短收之員分別正額盈餘照例議處。從之。  
○以故廣西太平府屬憑祥土知州李燕予  
光華襲職。○辛酉。

上詣綺春園問

皇太后安。○諭內閣本年恭遇

聖母皇太后五旬萬壽。普天同慶。王公百官著

自十月初六日至十五日俱穿蟒袍補褂。○

鑄給甘肅提屬察漢俄博營都司關防。從總

督那彥成請也。○予廣東因公淹斃兵丁林

得成等三名賞卹如例。○壬戌諭內閣戶部

議覆魏元煜等奏請添撥南河大汛工需銀

五十萬兩及啓放王營減壩籌備銀三十三

萬兩。南河自上年高堰漫口工用浩繁。該督

等現因籌辦要工。援例請撥。著照戶部所議

准其撥給河南候撥高堰工需銀三十萬兩。

安徽藩庫存戶部項下銀三十萬兩。兩浙春

撥鹽課銀十五萬兩。蘇州春撥漕項銀八萬

兩。即令各該撫鹽政等派委妥員解交河庫。以備支放。南河大汛防險。自嘉慶二十四年

後並未續請添撥。王營減壩。自嘉慶二十一

年後亦未另案請撥。茲以數年裁省之款。忽

又援案陳請。國家經費有常。豈容漫無節制。

該督等所稱隨時撙節。亦恐徒託空言。總當

加意慎重。力汰浮糜。不得因此次姑允所請。

遂援以為常例也。至歷來河工事竣。僅由工

部覈銷。殊不足以昭詳密。嗣後歲修及另案

工程。工竣報銷時。著將請撥銀兩有無餘騰

及餘騰若干。留備何項工程之用。一併專案

咨報戶部。以備查覈。即自本年為始。遵照辦

理。以重帑項。而杜浮冒。○又諭成格奏酌籌

州縣各官養廉。請暫由司庫支放一摺。江西

省州縣各官養廉。向係先解司庫。自嘉慶五

年改為坐支。致司庫墊發之項不能歸款。若

不亟為清釐。誠恐日久積累愈多。無所底止。

著照所請。准其援照山東等省成案。將該省

州縣各官養廉自道光五年秋季為始暫行解司。按李請領俾得隨時扣歸墊款所扣銀兩仍著先儘新捐次及陳欠統俟扣清後再行奏歸州縣留支。至現在各州縣養廉解司完欠分數亦著照例一律歸併地丁奏銷案內合恭議處。俾知儆畏。毋任再有弛延。該部知道。○諭軍機大臣等御史王世絨奏請防糧船水手設教斂錢流弊一摺據稱各幫糧船舵水設有三教一日潘安一日老安一日

新安所祀之神名曰羅祖每教內各有主教名曰老官每幫有老官船一隻供設羅祖入其教者投拜老官為師各船水手聯名資助統計三教不下四五萬人沿途繚繞尚不在此數水手雇值向例不過一兩二錢近年挾制旗下每名索二三十十不等及銜尾前進忽然停泊老官傳出一紙名曰溜子索添價值旗丁不敢不從水手滋事必送老官處治輕則責罰重則立斃沈入河中沿途招雇繚

手必推曾經械鬪受傷者為頭目遇有爭鬪以紅著為號人即立聚新安一教尤多匪徒此次欲在江南聚興集地方招人報復因船未渡黃而止此案水手滋事宜設法嚴辦以後遇有滋事皆當加重懲辦明年儘暫行海運此數萬人安保不滋生事端尤宜妥為妥插等語糧船水手膽敢設立教名斂錢聚眾不法已極本年水手因爭船起釁械鬪至四日之久總由該撫等庸懦無能以致肆行無

忌若不嚴行懲辦將來藐法之徒何所底止除此案在逃逸犯著程含章嚴拏務獲重辦外並著漕運總督及有漕各省督撫細心察訪應如何示以懲創分其黨羽俾運官旗丁不受挾制及地方官不至規避處分有心消弭並兩岸奸民不致互相鉤結悉心籌議弭患未然固不可釀成巨案尤不可激生事端此為至要將此各諭令知之○又諭魏元烜奏籌議漕河全局一摺前據英和奏通籌漕

河全局請暫雇海船以分滯運酌折額漕以資治河當降旨交該督等悉心計議茲據魏元煜奏稱江浙漕額殷繁一經折色恐小民觀望拖延辦理轉形掣肘所有江浙漕米請仍循舊章概徵本色儘數運通現在堰埭隄工已砌十餘層清水已蓄八尺八寸計至來春總可在一丈以外如力能敵黃仍當照常濟運即不能敵黃趁清水直達河口開壩趲挽一月內可期全數渡竣至海運章程事關

創始如蒙宸斷施行再督飭司道詳晰妥議等語試行海運原因運道淺阻為一時權宜之計朕周咨博訪志在擇善而從是以諭令諸臣悉心妥議計出萬全不為遙制魏元煜乃欲出自宸斷意存推諉殊非實心任事之道至折色一節業據魏元煜奏稱辦理恐形掣肘惟各省情形不同現在勢值兩難力求漕河並治英和既為此奏並著琦善魏元煜陶澍程含章遵照前旨悉心議奏務須盡善

無弊期於公事有裨現在清水已有八尺八寸本年糧船是否可以全數回空不致停留河北明年重運北來是否仍可照常濟運即使不能敵黃而糧船連檣前進能否直達河口開壩趲挽能否全數渡黃著琦善魏元煜察看清水情形詳悉奏聞至海運試辦是否可行朕並不豫存成見該督等會商妥議一併據實具奏將此各諭令知之○除江蘇丹徒縣開河壓廢田地山塘二十頃二十七畝

有奇額賦○貸福建提標五營及泉州城守營穀價銀○癸亥

上幸靜明園詣

龍神廟拈香○諭內閣蔣攸銘奏降調知州請留直隸補用等語直隸前任霸州降調知州胡寅前署玉田縣任內失察邪教降調因緝獲逆匪捐復留順天差委補霸州知州茲又失察蠹役復充降三級調用該員兩次失察降調不應仍留本省胡寅著照所降之級

歸部銓選該督請以該員留直隸補用之虞著不准行○命刑部右侍郎昇寅馳往山海關審曉騎校德凌阿控案○乙丑諭內閣曾燠奏彙覈淮南北綱食各岸銷鹽總數一摺據稱兩淮綱食各岸道光四年分銷數惟湖廣省照額全銷此外江西缺銷鹽八萬二千八百一引江南安慶等府州缺銷鹽八萬五千八百八十二引江南鳳陽等府州並河南汝寧等府州缺銷鹽六萬二千二十三引等語兩淮鹽務積疲已久近年以來曾經嚴立章程緝拏梟販官引自應暢銷乃此次各岸缺銷額鹽尚有二十餘萬引之多豈得以比較道光三年分銷數稍有加增便可塞責除現據該鹽政已將缺銷之各該鹽道州縣職名冊揭咨部議處並嚴催江南壽州鳳臺二州縣開報銷數查取遲延職名另行咨部外該鹽政務當認真辦理課運實力督銷並著各該管督撫嚴飭所屬文武員弁一體堵緝

私梟疏銷官引務期額鹽暢售以裕國課如再不能足額即將督銷不力之該管各員嚴行叅處毋得視為具文致干重咎該部知道○諭軍機大臣等據魏元煜等奏查勘海口通暢並雲梯關外長河水勢情形請將三百弓引河加挑展寬及接築兩岸新隄一摺雲梯關外長河水勢經嚴煥親歷查勘尾閘並無淤墊壅阻之處惟自海阜廳之水陸社以上至山安海防外南北四廳境内存水深淺不等究未能一律通暢且下游河身坐灣太多再遇潮水頂阻恐不免水緩沙停現經該督等將上冬所挑三百弓引河頭再加展寬務當嚴飭工員認真加挑一律寬深俾得消水湍急吸溜成河方為盡善至兩岸新隄現已長灘生草至河水入海處尚有三十餘里盛漲時無隄收束即恐散漫停淤所請將兩岸新隄向前接築係必應辦理之工著俟霜降後即行勘估興辦屆期琦善任內如無緊

要事件。即會同嚴娘前往詳加履勘。飭屬妥辦。儻彼時不能分身。即著嚴娘自行前往。妥為勘辦。務期收束水攻沙之益。俾河勢一律深通。暢達尾閘。方為不負委任。又據另摺奏稱。裏揚運河淤墊。請築壩蓄水。浮養軍船。並請將清江上下河槽最窄停淤最厚之處。趕緊挑挖。自禦黃壩內起。至淮城以上。止挑河切灘。共估需方價銀四萬三千五百餘兩。即於河庫工需項下發給等語。著准其如數動

支。飭屬趕辦。勒限完工。第此項工段。原為辦理剝運。及豫備回空南下而起。該督等必當嚴飭妥辦。務期剝運迅速。將來回空軍船足資浮送。銜尾南下。勿使一船停留河北。亦不得藉詞再有所請。庶不致帑項虛糜。懍之慎之。將此諭令知之。○直隸總督蔣攸銑奏謝授大學士恩。得旨。京師自五月下旬以來。連朝陰雨。現已晴霽。看此光景。並無傷於禾稼。惟近京一帶。頗有飛蝗。卿須嚴飭各屬。上緊

設法撲捕。毋令蔓延。是為至要。○調任山東巡撫伊里布謝恩。得旨。東省事務殷繁。雖自琦善辦理以來。諸事就緒。然得之難失之易。斷不可稍涉大意。致有因循澈壞之處。總要實力實心。行之以久。內而敷奏。外而治理。總不可忘公誠二字。若染虛浮之習。動輒推諉。摸稜則大辜朕恩矣。懍之慎之。○丙寅諭內閣。孫玉庭顏檢奏。察看幫船盤運情形。恐致遲誤。請援照成案。截留存貯。籌辦一摺。本年

運道淺阻。不得已借黃濟運。權宜辦理。因孫玉庭熟悉江南情形。特令留該處。與顏檢會辦。重運事宜。勉贖前愆。屢經飭諭詳籌妥辦。據孫玉庭等覆奏。各放禦黃壩後。運河水勢深暢。計期可以不誤。即須剝運。亦不過在後數幫。迨至節近夏至。始據奏稱。渡黃艱澁。尚有軍船四十幫。須盤壩接運。請帑至一百二十萬之多。猶復勉從所請。不令掣肘。乃具奏未幾。即有盤剝不能如原議。悉抵高坂頭之

說巧為嘗試。本日又據奏稱。非不竭盡人力。趙辦無如水勢短絀。難以挽行。愈剝愈遠。運價更增。非但經費不敷。並恐稽遲時日。若照成案截留。期節經費而免滋擾。是孫玉庭此時方知剝運之難計。及經費時日。於事何濟。不但形同聾瞶。試問良心安在。且已糜帑無算。累民日久。尚可謂之節經費免滋擾。侈言不惑。實出情理之外。前經兩次部議革職。朕曲加恩宥。尚賞給編修休致。乃前後籌辦情形。層層貽誤。坐失事機。實屬溺職。孫玉庭著即革職。以示懲儆。顏檢曾任督撫有年。自持簡漕督以來。並不盡心通盤籌畫。一味游移遷就。實屬無能。著降為五品銜休致。○諭軍機大臣等。據孫玉庭等奏稱。現在盤運水勢短絀。重船難以挽行。半月來僅盤運米八萬石。此尚係停泊淮安以北之幫。若淮安以南。運價更增。非但經費不敷。並恐稽遲時日。請查照成案。暫截淮揚所屬州縣存貯。或下

年搭運北上。或借給同空幫船食米。及量為平糶三款辦理等語。前因運道淺阻。不得已借黃濟運。屢經飭諭孫玉庭等。將能否令全漕重運渡黃北上。悉心籌辦。據孫玉庭等覆奏。自啟放禦黃壩後。運河水勢一律深暢。現距夏至尚早。計可不誤限期。如黃水已長。不過將在後三進數幫。再籌接運。及至奏請盤壩。則有未渡之船四十幫。即使盤壩之米悉數抵通。已屬糜帑病民。乃復據奏。僅能剝運米一百萬石北上。尚餘米一百萬石。又請照成案截留孫玉庭。顏檢並不通盤籌畫。行一步算一步。至此時方計及經費時日。天良何在。可謂喪心之至。魏元煜前此會同籌議。一味扶同遷就。已不能辭咎。琦善係新任總督。無所用其回護。著將現在未渡軍船。究能盡力全數盤運與否。抑或別有籌辦之法。即行悉心從長妥議。由驛速奏。若再不能詳議盡善。安速辦理。魏元煜自問當得何咎。琦善亦責

無旁貸。憚之慎之。孫玉庭等摺著發給閱看。將此由四百里諭令知之。○兵部奏已革世職留營效力。除督撫未經題奏自行批准並咨部請留者一概不准外。其奏准留營效力者。應令該督撫於奉旨之日起限照世職甄別之例試看三年。如果始終奮勉。方出具切實考語給咨送部引見。或以原官補用。或降等補用。聲明請旨從之。○署河東河道總督張井覆奏察看開歸陳許道麟慶實堪勝任。

無庸更調得旨。果能如是。朕心何等嘉悅。嗣後若稍有變遷。斷不可回護前言。總要還朕一實字。無誤國事為要。識之。○丁卯。諭軍機大臣等。據御史賀熙齡奏請飭禁瀕湖圍築私垸。並請照舊委員巡緝湖面各一摺。湖南洞庭湖為川黔楚粵諸水總匯。向因民間築圍成田。侵占湖面。每致泛溢為患。歷經嚴禁私築。其存留未毀者。不准復修。茲據該御史奏稱小民趨利。既不肯聽其坍塌。不行補築。

而近來地方官。又復意存姑息。凡有私築。不肯究辦。間或委員查勘。亦第受規費而去。如相陰之蓮蓬。賽楊林。賽傅家山。上下塘等處。俱係乾隆年間奏明剷毀之私垸。現聞蓮蓬賽楊林。賽更名復修。此外各州縣之違禁私築者。尚復不少。等語。是以已行之禁令。任其因循廢弛。致民間增占湖地。阻塞水道。水發之時。或淹及官園民廬。貽患不小。著李鴻賓。嵩孚。即行遴委賢員。督同該地方官詳悉查

勘。除舊堆存留圍垸外。如有新築圍田。阻礙水道之處。即剷切曉諭。令其拆毀。並嚴飭該地方官實力查禁。儻有受賄賂結者。即行叅辦。示懲。至洞庭湖面寬闊。界分兩省。向有宵小出沒。為害商旅。據該御史奏稱。百齡前在湖廣總督任內。曾飭各州縣捐解巡湖經費。選派文武員弁。帶領兵役。分往東西二湖晝夜巡緝。辦理認真。十餘年來。盜匪斂跡。其巡湖經費。計湖南通省捐解。每歲共千餘金。每



州縣約十餘兩二十餘兩不等。為數無幾。於地方甚為有益。近聞此項經費。業已裁汰。並停止巡湖委員。緝防漸疏。宵小乘間竊發等語。派員巡哨。乃弭盜良法。何以近年以來。並不派員駕船巡緝。在該州縣捐款無多。當不致藉口賠累。即或因係捐款。應行裁汰。亦當另籌辦理。豈得因噎廢食。或此時另立有緝捕章程。始將委員停派。著李鴻賓。萬孚。詳悉查明。據實具奏。如係竟行裁撤。仍著籌議。照

前按季派委文武員弁。各帶兵役。梭織巡查。勿得視為具文。以靖地方。而安行旅。將此諭令知之。○吏部以大學士蔣攸銑。應定何殿閣請。得旨。著為體仁閣大學士。○戊辰。

上詣綺春園問

皇太后安。○諭內閣。富俊奏。請將

長白山望祭殿等工。就近委員勘辦一摺。吉林地方。春秋致祭。

長白山神。建設享殿。向由盛京工部派員估

修。徒滋跋涉。仍不能工歸實用。著照所請。此次應修望祭殿工程。估需銀一百九兩零。即動支正項銀兩。由該將軍派員敬謹修理。仍另繕估冊。咨報工部查覈。嗣後望祭殿工程。即由吉林就近勘估。奏咨辦理。著為令。○又諭。戶部奏。寶泉局庫貯銅斤。為鼓鑄要需。所有在運銅船。請飭該督撫設法趲運等語。京運滇銅。攸關鼓鑄。現在江南一帶河道淤淺。銅運船隻。恐不免沿途阻滯。著琦善等。即飭

經過地方文武員弁。相機催趲。迅速前進。務令將抵境銅船。設法運京。依限交納。無誤要需。並於運員出境之日。隨時報部查覈。○又諭。那彥成等奏。邊要地方。請撥添弁兵。增設塘汛一摺。甘肅西寧鎮屬之康家寨堡。為漢回番民雜處之區。且山後插帳野番。往往勾結熟番。乘間出沒。地方最為緊要。據該督等查明該處舊設弁兵。除分撥屯防守卡分巡外。該營堡存兵無多。不足以資防緝。著照所

請准其在該鎮屬標路各營抽撥經制外委一員馬步守兵五十名連原設額外委馬步守兵共有一百一十五員名於控制緝防兩有裨益其已燕戎格廳屬之日蘭木地方為河北渡口要津南岸野番尤宜加意防範並著准其於該處添設塘汛一處就近派撥已燕戎格營外委一員兵十名隨時更換稽查務期周密毋得日久生懈餘著照所議辦理該部知道○護山東巡撫訥爾經額奏東

省接運南糧軍民船隻前經奏定除日給口糧並津貼食米外仍每石每里給水腳銀二毫嗣因津貼一項江省奏請免於南丁名下查扣議准濟寧以北接運之船每石給銀一分二釐覈之東省原議食米稍覺寬裕請將議給運腳二毫之內酌減五絲以節糜費至民船修費亦應照軍船每百石給銀一兩五錢責令自備蓬纜繩索俾免藉口而昭公允報聞○以都察院左副都御史常文為盛京

戶部侍郎兼管移居宗室事○己已諭軍機大臣等本日戶部奏請將孫玉庭等前請撥銀內扣出銀四十二萬兩並將此次帶漕剝價各項銀款令孫玉庭等分成賠繳一摺據稱孫玉庭顏檢請帑不已借黃而黃轉病濟運而運更阻其籌辦盤運奏准需銀一百二十萬兩先撥用一百二十萬兩此次僅能剝運漕米一百萬石計需銀六十萬兩所有多撥銀四十二萬兩應將安徽所撥三十萬兩毋

庸起解如已起解即交江蘇藩庫另款存貯再於廣東應解部銀三十萬兩內扣出十二萬兩解江蘇藩庫另款存貯其盤運米一百萬石將來到通即照原奏覈銷不得稍逾此數如運不足數總按實運到通米數覈給每日運米無多所雇民船盡歸閒曠按日給發食米無非浮費所有此次帶漕剝價較前奏增出之費及將來折耗米石並雇船閒曠日期給領食米等項銀米均不准開銷請飭新

任總督俟將來事竣時將各項銀款責令孫玉庭賠繳七成顏檢賠繳三成以為誤國病民者戒等語前據孫玉庭等奏察看幫船盤運情形僅能剝運米一百萬石尚餘米一百萬石請照成案截留當降旨交琦善等將現在未渡軍船能否全數盤運抑或別有籌辦之法妥議由驛速奏茲據戶部奏孫玉庭等籌辦盤運案內先請撥銀一百二萬兩今既稱僅能剝運漕米一百萬石計需銀六十萬

兩即應扣出銀四十二萬兩免撥並令將帶漕剝價各項銀款責令照數分別賠繳該部所奏自係慎重度支朕並不豫存成見現在已經載米渡黃船隻若干前次奏准撥銀一百二萬兩解到若干已用若干現存若干應扣出若干如按照從前奏定章程盤運米石俱歸實用自應准其開銷此外如續經添出款項虛糜國帑不應准銷各款應如何責令孫玉庭等分成賠繳之處著琦善魏元煜查

明據實具奏再降諭旨至江廣各幫應如何籌辦運法著該督等妥議具奏現當伏秋大汛作何防禦海口應如何刷暢河身如何疏通已渡黃之船能否回空已卸載之船曾否飭令歸次並著該督等通籌妥酌奏明辦理戶部原摺著發給閱看將此諭令知之○又諭據英和奏南河革員沈涇呈遞修復南河舊規三條並清摺說帖據稱祥符五瑞兩閘原以分洩洪湖盛漲近年反放黃入湖遂至

潰決又堰圩禦黃隄壩等工原係蓄清敵黃本年引黃濟運以致淤阻漕行又黃河拋石護險工程以後不可效尤遺患至所稱海口積淤宜做浚船浚兵鐵埽掃浚沙之法現在湖水未充當先導淮泗來源應啟放毛城鋪各減黃開壩一二處澄淤為清注湖濟運又石堰陡峻易致坍塌應修復坦城永保無虞所用帑金應照淮揚賦稅兩項額加攤徵還款為工帑兩全之計其搬壩剝載及海運折

色。皆不如漕運安善等語。又另摺所陳漕運情形七條及利運行漕說帖所言是否可行。著琦善嚴煥詳細確查妥議具奏。沈湜原呈清摺說帖三件俱著發給閱看。將此諭令知之。○以署戶部右侍郎王鼎為浙江鄉試正考官。戶科給事中趙柄為副考官。大理寺卿福申為江西鄉試正考官。京畿道御史李逢辰為副考官。司經局洗馬許乃普為湖北鄉試正考官。江南道御史王贈芳為副考官。○

辛未諭內閣。魏元煜奏籌捐生息調劑貧病快丁一摺。江南全椒縣額僉快船四十三隻。每年共需運造各費銀六千一百三十兩。現在丁力日漸困乏。積欠甚多。據該屬民快人等情願按糧捐輸本銀五萬一千一百兩。零發典生息抵交運造二費。俾疾快不致借墊賠累。各丁亦可按期給領濟運。於漕務大有裨益。著准其依照江寧等縣辦過成案。將已捐本銀二萬一千三百兩先行發交安徽廬

州和州滁州三屬轉給各典生息。如期完解。其未繳銀兩並飭於麥熟後催繳補發。該漕督即妥議章程咨部備覈。以紓丁力而免追擾。○修廣東平遠縣常平倉從總督阮元請也。○除直隸三河縣坍塌官房租銀。

大清宣宗效天符運立中體正至文聖武智勇仁慈儉勤孝敏成皇帝實錄卷之八十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十四

[illegible]

敕修

道光五年乙酉六月壬申荊州將軍慶山等

奏叅違例用刑責斃兵丁之佐領等請解任審訊得旨此案佐領忠貴因兵丁章京祿賭錢於熟審減刑之時違例責打至一百四十板之多以致該兵丁因傷身死殊出情理之外防禦忠興保有心推卸驍騎校全祿不行攔阻均應徹底根究佐領忠貴防禦忠興保驍騎校全祿俱著解任交慶山提同一千人證嚴訊有無挾嫌情弊按律定擬具奏協領富占於所轄佐領濫刑斃命毫無覺察著於

定案時附叅尋奏。凱明忠貴並無缺嫌。有心致死情事。惟於章京祿聚賭。率行板責。至一百四十之多。應依決不如法杖一百律。革職。全祿不行阻止。擬杖八十。忠興保人本平庸。又復有心推卸。請一併革職。下部議從之。○大學士直隸總督蔣攸銑覆奏防守長隄章程。遵旨先行曉示近隄紳民。遇有殘缺。一律修培完固。由該管河道親往驗收。並責成各河道。於每年霜降後。親歷查勘。分別勤惰。懲勸兼施。至長隄縣互四百餘里。請仍歸天津清河二道分轄。得旨依議。妥為之。○癸酉諭內閣。琦善奏請嚴定工員疏防處分等語。定例河工廳員職司修守。處分獨嚴。近年以來。河底淤高。險工疊出。偶有失事。請帑動以數百萬計。與從前情形大相懸絕。即照例叅處。尚覺情重法輕。乃僅以摘去頂帶。工完開復。揆之情法。未為平允。更恐不肖廳汛各員。捏工報險。河督處為挾制。不得不發給錢糧。殊

於吏治河防大有關繫。著該部將河工疏防文武各員。應如何從重處分治罪之處。議定奏明頒示。如再有疏防。即著照新例懲辦。不稍寬貸。尋吏部議。查現行則例。衝決與漫決。雖分二條。其處分不甚懸殊。請改為隄岸衝決。如已過保固年限。管河防守各官俱革職。道員降二級調用。總河降一級留任。保固限內半年以外衝決者。經修防守之同知通判州縣等官俱革職。道員降三級調用。總河降二級留任。如一經奪溜。即照例議處。不得藉稱漫口。僅以摘去頂帶工完開復題參。豫為屬員開脫地步。兵部議。已過保固年限。隄岸衝決。管河守備千總把總外委革職。遊擊參將降二級調用。保固限內半年以外衝決者。修防守備千總把總外委革職。遊擊參將降三級調用。從之。○又諭琦善奏。察看黃運兩河淤墊。幫船淺滯。盤運艱難情形各摺。本年借黃濟運。原係權宜辦理。在事諸臣。即應通

盤籌計。相機妥辦。孫玉庭前已獲咎。念其熟悉江南情形。特令留辦重運事宜。勉贖前愆。若當開放禦黃壩後。察看漕艘挽渡艱難。即應據實陳奏。趁早變計。及降旨垂詢。猶以計算夏至前不誤重運挽渡期限。其回空軍船喫水既輕。順流南下。亦不致誤歸次。乃具奏未幾。即有盤壩接運之請。迨盤壩二十餘日。僅剝米十萬石。則又奏請截留。計所奏自開放禦黃壩及堵壩之期。已三月有餘。渡船僅二千八百餘隻。茲據琦善奏稱。孫玉庭等前此所奏渡黃船隻。有渡黃後等候一月尚未開行。並有淤在禦黃頭壩以內二壩以外。及裏河運口內三壩四壩之間者。共船五十餘隻。其應行剝運軍船。皆膠住不能那移。有水之處。盡被民船擁塞。河面窄小。剝船轉運不便。且占住河身。不能挑挖。回空船隻。亦無處容納。孫玉庭身受三朝厚恩。辦事至於如此。自問當得何罪。魏元

煜身任兩江總督。不特有兼理漕務之責。且漕督是其舊任。乃與顏檢坐觀事機之敝壞。隱忍不言。糜帑病民。是誠何心。魏元煜著降為三品頂帶。暫留漕督之任。以觀後效。孫玉庭。顏檢俱著不准回籍。交琦善督令將運河淤墊之處。一律挑挖深通。所需挑費。著落孫玉庭。魏元煜。顏檢分賠。如果回空軍船。毫無阻滯。屆期奏明。或可稍從末減。儻再稍有貽誤。著琦善將魏元煜。嚴叅具奏。一面將孫玉庭。顏檢傳旨拏問。由驛奏明候旨。○諭軍機大臣等。據琦善奏接印任事。察看黃運兩河淤墊。幫船淺滯。盤運艱難情形。及籌辦河工剝運事宜各摺。覽奏具悉。所有查勘湖河工程。及東省船隻儘數裝運諸事。已諭知嚴煜。訥爾經額照辦矣。漕河敝壞。一至於此。現已另降諭旨。飭令孫玉庭等留江。將運河淤墊之處。著落賠挑。琦善即督飭孫玉庭等照估興挑。一律寬深如式。俾資湖水暢出。提挽浮

送。其豫東接運之四十萬石。務令設法如期盤竣。不誤豫東新船受兌。新漕為要。現在河面有水之處。既被民船擁塞。剝船難以轉運。即派員設法催那。騰空河面。俾軍船提前一里。即省一里之糜費。其渡黃間斷淤阻之紹興後幫船隻。亦須及早設法催挽北上。方可起卸回空。至高堰石工。現在辦理情形。尚覺稍寬。朕懷如有應行籌辦者。亦當與嚴煜從長計議。務保萬全。朕用卿為兩江總督。如必能分朕憂。卿其勉副腹心股肱之任。盡力為之。無恤其他。無論現任離任大小各員。如有斷難姑容者。即指名嚴叅。毋稍顧忌。以挽頹風。勉之勿怠。將此由四百里諭令知之。○又諭琦善奏。河務緊要。請飭河臣周歷查勘一摺。據稱嚴煜自調任南河後。即值籌辦借黃濟運各事。因南糧未經渡竣。不敢擅離。不特近今溜勢之變遷。工程之生閑。該河督未曾目覩。及各廳工料。是否充足。高堰修築各工

能否足資抵禦。亦不免分身往勘。刻已伏汎屆臨。請旨飭令該河督將湖河各工親歷履勘等語。所奏是。南河經管二十三廳工鉅費繁。一切修守宣防。在在均關緊要。該河督必須隨地親歷。洞悉機宜。辦理方有把握。琦善現駐清江督辦漕運。未能前往周勘各工。嚴烺統轄全河。責無旁貸。著於接奉諭旨後。即親赴湖河各工。周歷履勘。現在堰圩補修石工。做成幾層。是否鞏固。足資抵禦。各廳應辦

工料。是否充足。足備修防。即洪湖存水。雖見日長。是否漸可導引敵黃。以期回空之時。啓壩無誤。至河底間段淤墊。應若何設法刷通。該河督務當逐一認真查勘。相機妥辦。籌計萬全。斷不可顧此失彼。並嚴飭各該道廳員弁。隨時小心防守。永保安瀾。毋得稍有疏虞。是為至要。該河督著俟各工勘畢。再行折回籌議漕運。與漕督妥商速辦可也。將此由四百里諭令知之。○又諭據琦善奏接運漕米

船隻。統江南豫東三省封雇本省官剝。與江廣解直剝船。不過運米五十餘萬石。必須將豫東接運漕糧四十萬石。先行運送。待前船押回。始可將浙江漕糧運竣。是已雇船隻。但可多載一石。即多得一石之益。乃前此所剝運交豫東軍船之紹興前幫米七萬餘石。每船祇按七分裝載。西河船戶藉詞過閘上水難行。若非船戶圖帶私貨。即屬旗丁豫帶土宜。此時船已開行。無從查驗。惟恐東省軍民

船隻。聞風效尤。或江省前經起運之紹興前幫旗丁船戶。恃強爭執。則運通漕糧更形短少等語。剝運船隻。總須按艙口裝足。以期多運漕糧。若每船祇裝七分。任令船戶等私帶貨物。則四十萬石漕糧。斷難全行接運。著訥爾經額接奉諭旨後。即派委妥員。前赴濟寧一帶。查明東省接運船隻。督令按船儘數滿裝。如查有帶往貨物。即隨地掀卸。不准再為轉運。儻旗丁船戶有爭執情事。即行嚴拏究



辦。毋稍輕縱。將此由四百里諭令知之。○山東巡撫伊里布丁憂。以布政使訥爾經額護巡撫。按察使劉斯崑署布政使。鹽運使王檢署按察使。○戶部議准。江西巡撫成格疏報南昌永豐安義三縣開墾水田九十一畝有奇。旱地二十四畝有奇。照例升科。從之。○甲戌。

上詣綺春園問

皇太后安。○諭軍機大臣等。江蘇興辦太湖水利。前經該督等奏派司道。並降調道員沈惇彝等。逐細勘估。分飭委員興挑。茲據魏元煜等奏稱。驗收黃浦一路挑工完竣。請將降調道員沈惇彝。留於南河差委。承辦遲延之婁縣知縣徐夢熊。交部議處。並請將在工出力之同知范博文等五員。分別升補。知府額騰伊等五員。交部從優議敘。此項工程。關繫江浙兩省水利。最為緊要。現在興挑完竣。必須一律如式。方資利賴。著琦善等再行詳加勘

驗。是否工歸實用。帑不虛糜。其所保各員。是否允協。降調道員沈惇彝。應否留於南河差委。及知縣徐夢熊。辦公遲延之處。覆覈定議。據實具奏。到日再降諭旨。將此諭令知之。○准關監督文連奏。河路淤淺。封船接運漕糧。以致開稅短徵。得旨。孫玉庭等誤國之罪。實難枚舉。所奏已悉。然不可因此徵收不力。其勉之。○乙亥。諭內閣。前據伊星阿奏。查辦天津莊頭地畝情形。並歸化綏遠二廳採買米石穀價各弊一案。降旨交福綿會同奕穎派員查辦。茲據該將軍等奏稱。查明該廳等於採買米石穀價。尚無浮開捏冒情弊。惟以動項採買。並未將該碾戶等承辦價值。比市價較多之處。隨詳聲明。殊屬不合。歸化廳同知文明。綏遠廳同知巴克坦。俱著交部議處。副都統伊星阿。因渾津莊頭地畝。屢經報廢。豁糧過多。親歷勘驗。疑有捏報。咨交該將軍查辦。係因公起見。其所奏採買米石。詳價與市

價不符。亦係實在情形。該副都統前經自請交議之處。著加恩寬免。嗣後著飭令該廳等於採買時。將市價若干。碾戶承買價值須多若干之處。確切查明。於詳內聲敘明晰。咨部覈辦。以杜浮冒。該部知道。○以理藩院尚書穆彰阿。署漕運總督。前任江寧將軍普恭。署理藩院尚書。定親王奕紹。署管理上駟院事。貝勒綿志。署鑲紅旗蒙古都統。○丙子。諭內閣。都察院奏。前任德州衛守備推升都司朱廷蘭。呈遞籌議分治清黃二河。請開回龍溝。建閘啓閉。以免黃水倒灌各情形。著將原呈及所遞河圖清摺各件。發交琦善嚴煊閱看。是否可行。妥議具奏。朱廷蘭著飭令自赴清江。聽候傳詢。○諭軍機大臣等。昨據琦善奏。漕運總督出缺。已有旨令穆彰阿馳驛前往署理。穆彰阿未到任以前。著琦善兼署。現在南漕未渡。幫船有應行盤壩。及豫籌軍船回空等事。正關緊要。琦善既經兼署。責無旁貸。

著將一切事宜。妥為籌辦。勿致稍有貽誤。勉副委任。將此諭令知之。○賞安徽實力辦公之宿州知州蘇元璐同知銜。○以查拏下贍對搶劫拒捕賊番迅速。都司何占魁等下部議敘。○修四川懋功安阜兩營堆卡房屋。從總督戴三錫請也。○撫卹朝鮮國遭風難夷如例。○丁丑。諭內閣。京察為激揚大典。自應一體加以鼓勵。嗣後京察一等之宗室理事官。各部院宗室郎中。引見圈出後。著准其一體復帶引見。候朕酌量錄用。其副理事官等員。仍照向例辦理。如有不稱職之員。亦著隨時甄別。○以兵部左侍郎寶興。順天府府尹朱為弼。監臨順天鄉試。○准江西前任浙江巡撫降補禮部郎中楊護。重赴鹿鳴宴。賞四品頂帶。○戊寅。諭軍機大臣等。前據英和奏。通籌漕河全局。請暫雇海船。以分滯運。酌折額漕。以資治河。當交各該督撫等悉心議奏。茲據程含章查照英和原奏。詳晰籌議。所奏

俱悉。浙江乍浦海口內河外海中隔石塘。塘外積有鐵板沙塗。海船不能停泊。其寧波府甬江口。可以收泊海船。惟由有漕州縣剝運至寧波。中隔兩江三壩。必須盤剝五次。耗費甚鉅。浙江明年之米。該撫請仍由運河運送入京。自係實在情形。其酌折額漕一節。亦據該撫奏。窒礙不可行。所有浙江明年全省漕米。仍著徵收本色。該省海運折色二條。均毋庸議。將此諭令知之。○浙江巡撫程含章奏

西塘翁家汛至戴汎柴工。情形險要。請借項修築。從之。○己卯遣官祭

火神廟。○諭內閣慶祥奏。籌辦不敷官茶一摺。新疆官茶。向由甘肅積貯陳茶內撥運。於官兵應領餉下。按月搭放。扣價歸款。自嘉慶十三年以後。遇閏之年。並未加調。皆將下年之茶墊放。歷閏既多。支墊愈夥。現不敷茶四萬四千九百餘斤。若仍由甘肅補調。運腳等項。轉多糜費。伊犁茶價。現在平減。著照所請。

自本年為始。每歲以兩箇月散放全餉。令官兵自行買食。毋庸搭放茶斤。統計三年。將不敷之茶。全數補足。所有每年應扣茶價餉銀一千五百餘兩。既不搭放茶斤。即應由正項發給。著先於積存兵餉項下支放。仍將道光元年興辦河工借項生息。奏准八年歸款之本銀二萬兩。准其展限生息四年。至道光十三年。再將本銀歸款。其多得息銀。按年收入正項造報。嗣後官茶著年清年款。遇閏毋庸搭放。即以全餉支發。亦毋庸加調茶斤。以歸畫一。該部知道。○又諭陶澍奏勸設義倉章程一摺。國家養民之道。足食為先。而裕民之原。積貯尤重。前年安徽偶遇荒歉。賑撫兼施。該撫請設立義倉。為未雨綢繆之計。所議章程。如州縣中每鄉村公設一倉。秋後聽民捐輸。歲歉酌量散給。出納悉由民間經手。不假官吏防侵蝕。以禁騷擾。矜貧寡而杜爭端。各條著即移交新任巡撫。照議妥為經理。仍督

飭各州縣實心實力。勸導有成。總期經久無弊。不必另立倉名。至另片奏。青陽等縣紳耆。克知大義。捐輸穀石。查明請旌等語。著侯捐有成數。查開姓名銀數。照例題咨。量予旌獎。以示鼓勵。其勸捐出力之青陽縣知縣李曉。林銅陵縣知縣孫榮望。江縣知縣尹作翰。太平縣知縣續瑞懷。遠縣知縣周天爵。俱著加恩。交部議敘。該部知道。○諭軍機大臣等。本日都察院奏。浙江嘉興白糧幫水手李成益等。呈控匪徒糾眾行兇一案。已明降諭旨。交程含章嚴訊矣。此案前據魏元煜等奏。拏獲滋事水手李明秀等七十三名。又據訥爾經額奏。拏獲劉五等七名。先後解浙審辦。茲據李成益等。呈控李明席明等聚眾結拜老官。自稱錢安教名目。計一百零二名之多。琦善等接奉此旨。不可等候糧船歸次。即按照單開名姓。按名緝拏。迅解浙江。歸案究辦。勿任一名漏網。程含章將現獲解到各犯。詳細研

鞫。並飭屬嚴拏。逸犯務獲。按律定擬具奏。將此各諭令知之。○前任安徽巡撫陶澍奏。飭屬收繳烏槍兇器。由緝捕經費內給價報聞。○以禮部右侍郎劉彬吉為江南鄉試正考官。翰林院侍講學士陳用光為副考官。詹事府少詹事龔守正為陝西鄉試正考官。翰林院編修李奉交為副考官。○以福建寧洋縣米價增昂。命平糶倉穀。○庚辰。諭軍機大臣等。上年據延隆奏。浙甯關南北商船。每多偷漏出海。以致內河各關稅課。不能足額。當令孫玉庭等嚴禁偷漏。本年復據御史熊遇泰奏。江蘇織造衙門胥吏。私雇巡船藉端訛索。遇有重載商船。逼令內河行走。當降旨令該督撫等詳加確訪。所有販往北省茶船。及不在出洋例禁商販貨船。於出口時驗明。照例納稅放行。茲復據延隆奏。請量為變通。凡客商製販南雜布匹茶葉紙張等物。前赴上海出口者。如實在行銷關東登萊青等處字號

婁齊門掛號舊冊有名者。仍照舊免稅驗放。外其舊冊無名。本係影射關東等處者。免其截留。惟令於雇船裝運之時。將各貨赴關報明。按辦關則例。完納錢糧。即由婁齊門籤驗給串放行。聽其繞走海關。給照出口。其豫東所產黃豆。並海州青口所產豆餅等物。及江廣桐油藥材煙葉等北貨南銷。皆辦關應徵之稅。如有越漏。照舊於太倉瀏河一帶查拏。將該商押赴辦關補稅。其浙閩土產。在蘇銷

售。並由蘇城販往浙閩。南裝南卸。辦關倒不收稅等語。延隆所奏。自係為關稅足額起見。惟設關收稅。所以裕國通商。國課固宜充盈。而商販亦不可紊亂。著陶澍會同該織造查照所奏各條。秉公妥議。是否可行。據實奏聞。再降諭旨。該撫等雖各有職守。總期彼此兩有裨益。勿得稍存私見。將此諭知陶澍。並傳諭延隆知之。○辛巳。

上詣綺春園問

皇太后安。○諭內閣。龔守正現出試差。著朱士彥暫在上書房行走。授大阿哥讀。○旌表守正捐軀陝西富平縣民張花狗兒妻張氏。○壬午。諭內閣。福綿奏。河東鹽池時有搶竊拒捕。請照江西省行銷淮鹽之例。派出緝私員弁兵役。攜帶鳥槍一摺。山西省河東鹽池地方遼闊。近來時有賊匪多人。晝夜入池搶竊鹽料。拒捕傷人。自應嚴密防範。著照所請。即飭解州安邑縣各撥壯役二十名。運城營內

派兵二十名。外委二員。督率巡查。派出員弁兵役。每名准其攜帶鳥槍一桿。編列字號。官為給發。遇有大夥搶竊賊匪。持械拒捕者。許令施放抵禦。若零星小竊。及雖屬大夥而非持械拒捕。不得擅行放槍。俟賊匪稍知斂跡。即將鳥槍收繳。○又諭昇寅奏。審訊驍騎校德凌阿。控告協領德慶剋扣兵餉等款。大概情形。並究出馬甲烏福興阿。將德凌阿辱罵屬實。烏福興阿既得受伊子五品封典。即不

應仍充馬甲。乃竟敢僭用四品頂帶。濫充馬甲。實屬違例。烏福興阿著即革退馬甲。並將原請誥命追奪。交昇寅提同案內人證。將德凌阿列控各款。嚴訊確情。按律定擬具奏。尋奏。德慶訊無私扣兵餉情事。惟縱令兵丁創取邊城輓土。修理營房。應杖一百。流三千里。係旗人折柳。烏福興阿鞭責發落。下部議從之。○旌表守正捐軀江蘇睢寧縣民周本妻吳氏。○癸未。

上詣

大高殿行禮。○還宮。○諭軍機大臣等。阮元素。粵海關監督七十四。精神未能。照察關稅。頗有遲欠。已另簡達三。前往監督粵海關稅務矣。監督之賢否。該督本應稽察。據實入告。不必如此秘密。嗣後該督於新任監督抵粵後。仍當留心查察。如未能稱職。即隨時奏聞。儻有劣跡。更應列款嚴參。不可少有瞻徇回護。隱忍不言也。將此諭令知之。○調奉宸苑卿

福森為上駟院卿。以內務府郎中明禧為奉宸苑卿。○修廣東番禺東莞三水三縣營房。

從總督阮元請也。○以孟秋時享

太廟。自是日始。齋戒三日。○甲申。諭內閣。琦善

奏。江廣未渡軍船。請提用江南首進回空船

隻接運一摺。前因運道受淤。糧艘阻淺。經孫

玉庭等奏請截留米一百萬石。存貯淮揚。並

借給軍船。量為平糶。朕以辦理種種貽誤。降

旨令琦善悉心妥議。另籌良法。茲據查明本

年江南無須平糶。借給軍丁。亦無實濟。淮揚

現無空倉可貯。搭運必多虧爛。孫玉庭等所

議囤貯出借平糶三條。均屬窒礙難行。著無

庸議。該督於萬難措置之中。力籌盤運之法。

請將本年首進軍船。自淮安頭幫至江淮九

幫。並例不過淮之淮安三。江北長淮四等幫。

共船一千一百八十六隻。接運江廣漕米一

百二萬九千餘石。按船勻裝。徑抵通倉。現在

雨水較多。閘河行走。自可迅速。將來幫船回

空亦不致中途停滯。所有接運漕糧之幫丁。按石照民船給值。俾免苦累。將來首進軍船。即令在北岸臨黃運河停泊。由江省多備民船。渡黃運交其江廣重運船隻。即令將貨物起卸。俾得就近盤剝。所辦俱好。著訥爾經額即飭令豫東接運民船。暫行停讓。並著僉派妥幹員弁。嚴催首進回空幫船。飛挽南下。以備接運。無得稍有遲誤。所有業經渡黃之二進幫船。將來回空歸次。及此次接運首進幫

船回江守凍。分派員弁稽查。並酌量回空事宜。俱著照所奏妥辦。○又諭琦善奏請派林則徐等赴上海籌議應辦事宜等語。現在堰圩石工已砌至七分以上。林則徐鄒錫淳著於石工屆竣時。前赴上海。督同該縣將應辦事宜逐一籌議。該督撫等查明覈定具奏。章程既定。飭交該地方官循照妥辦。林則徐即飭令回籍守制。鄒錫淳著仍赴直隸差委。○諭軍機大臣等。琦善奏遵旨籌議海運折漕

大概情形一摺。據稱與陶澍面商。飭藩司賀長齡親赴海口。督同地方官將商船設法招徠。並剝運兌裝等事。逐一籌議章程。再行會奏。至折漕一事。江省漕額較重。欲今以米易銀完納足數。民力未必裕如。更恐不肯官吏增價病民。甚至任意侵那。將完作欠。擬將來歲新漕。先儘海運數目。確切議定。再將未能起運米石。設法變價解歸工用。儻變價難期迅速。再行酌量存貯。俟督飭江寧江蘇兩藩

司定議具奏。至籌辦海運。皆在上海一處出口。沙船為數無多。儻各省漕糧俱從上海放洋。船隻愈形短少。必致連江省議運之米壅滯難行。浙省本有寧波乍浦兩海口。自可就近辦理。其安徽江西湖南湖北四省。均無海道。請飭浙江等省督撫豫籌。本年回空勢不能不借黃浮送。來歲新運。正當湖水消耗。如竟開壩趲挽。實未敢冒險嘗試等語。覽奏均悉。所有來年海運事宜。著俟藩司賀長齡赴

海口籌議該督再會同該撫妥議具奏折色既不可行其變價存貯二議亦俟該藩司酌覈情形詳晰定議務期官民兩無窒礙至所稱來年海運皆在上海船隻無多浙省尚可分運惟前據程含章奏浙省乍浦海口中隔石塘不能停泊寧波甬江口遠隔三江五壩盤剝費鉅折漕一節亦窒礙難行已降旨令該撫毋庸辦理所有安徽江西湖南湖北四省均無海道著李鴻賓等各就本地情形豫

為籌計如明年清水足資敵黃仍可照舊辦理儻情形稍有阻滯或量收折色或變價歸工或設法存貯待至下年搭運議定後即一面奏聞仍咨會琦善陶澍妥商辦理事關重大斷不可遷就游移尤不可冒昧輕率總期於事有濟籌出萬全勿存成見是為至要至琦善奏本年回空仍係借黃來歲新運正當湖水消耗未敢冒險嘗試自係為慎重起見著與嚴烺會同妥議務令蓄清敵黃漸復舊

規照常濟運方為妥善將此各諭令知之○又諭琦善奏豫籌漕運章程等語據稱洪澤湖石工現在已居七分以上出水六尺有餘約計八月中旬可以完竣惟明歲海運尚不敷全漕之半自應及早籌畫收蓄清水期於漕糧全數抵通嚴烺身任河督河務是其專責著即詳細履勘就現在情形是否可將清水收足以資敵黃濟運抑或另行設法籌辦務期來年漕糧全數盡抵通倉不致臨時急

遽並著琦善會同悉心妥議具奏將此諭令知之○又諭琦善奏盤壩剝運米數及內河剝船拔壩趕運情形一摺本年未經渡黃漕米前經奏准以豫東軍民船隻接運四十萬石於七月十五日以前到彼交裝以期無誤該省新漕茲據琦善奏稱晝夜趲盤截至六月二十日止前後共運過米三十一萬五千餘石先將外河剝船全數裝運於二十一日一律開行渡黃直運濟寧交送軍船趕赴七



月十五日之限。並飭委員於交卸後。趕即將運往剝船押回。至開阻禦黃壩內之江廣剝船。及江省所雇民船。現設法拔出外河。一面挽拔。一面盤運。一經裝足八萬餘石之數。即可接續開行。以便豫東民船接運等語。現在盤運米數。日見旺盛。辦理甚為迅速。其沿途經過地方。亦應一律催趲。銜尾前進。俾今及早交裝接運。無誤奏定限期。著訥爾經額嚴飭沿河文武員弁。竭力趲催。毋任稍有延滯。

將此諭令知之。○乙酉。諭內閣。前據蔣攸銘奏。北河承辦河道橋壩等工出力人員內。將河南湯陰縣縣丞道元勳。山東濟寧州關官應如楠。奏准升用。嗣經吏部查奏。該督並不奏明於未經興工之前。此次工竣。遽將該員等保奏。與例不符。茲據該督奏稱。上年因直隸熟諳估工之員較少。奏明咨會東河。於佐雜人員內。揀派二三員。前赴直隸差遣。並非指名咨調等語。該省既乏熟悉工程之員。由

東河調取。尚無不合。惟調赴直隸後。並不將該二員銜名。咨明吏部。以致該部無憑查覈。但該員等既有微勞。自應與在工出力各員一體給與甄敘。道元勳著仍准其以應升之缺。即行升用。應如楠仍著以河工縣丞主簿升用。該部知道。○諭軍機大臣等。陶澍奏籌議海運。及暫收折色。停運治河各情形。據稱折色與停運二者均不可行。來歲當以海河並運為宜。廣招商船。分作兩次裝載。計可運

米百五六十萬石。其餘仍由運河而行。秋冬之間。即由河督派員將運河挑挖深通。計來春湖水益增。自可引導濟運等語。太倉儲蓄本應陳陳相因。停運之說。原未可輕為議及。至漕糧改徵折色。即與丁地無異。以江省額徵漕糧。覈計應折之銀。為數甚鉅。民間以米易銀。遽難出糶。必致穀賤傷農。是折漕一節。江省尤難施行。此事竟無庸置議。海運一事。既據該撫奏稱。目前籌運之策。無踰於此。與

琦善意見相同。著俟藩司賀長齡赴海口查勘情形。籌畫到日。即將一切章程。會同妥議具奏。惟明歲海運漕米。不過一百五六十萬石。其餘漕糧。亦應及早籌蓄清水。仍由河運方為盡善。昨琦善所議。將海運餘糧米石。酌量變價存貯。亦非萬全之策。著與陶澍從長定議。相機妥辦。勿存成見。總期於國計民生實有裨益。用副委任。其另片奏。倣照唐代轉運之法。於沿淮沿河一帶。建置倉廩一節。現在既籌河海並運。此事暫緩籌辦。該督等總當先其所急也。將此諭令知之。

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十四



即照所奏。本年作為薩炳阿年班。准其來京。陛見。伊起程後。將軍印務著副都統富亮署理。海關關防著交福建巡撫孫爾準署理。○命貝勒奕繪在散秩大臣上行走。○修福建閩縣金牌寨城。從總督趙慎畛請也。○丁亥。免河南裕州沙壓地畝租課。○除直隸昌平州坍塌官房租銀。○戊子。

上御勤政殿聽政。○諭內閣。八旗設立參領等官。管理事務。均有經手錢糧。約束兵丁之責。

若任意侵蝕官物。需索錢文。帑項既多虛糜。兵丁亦受苦累。必致旗務日漸廢弛。不可不嚴行懲辦。本日刑部奏審擬已革參領松茂。被控朦混侵吞一案。訊明該革員管理礮營二十餘年。指稱幫貼經費。向礮甲等科派錢文。及挑缺得受酬謝。並變賣存庫布匹麻繩鉛子等物。拆大改小。以舊作新。得贓累業。降旨將松茂從重發往新疆效力贖罪。該管都統等。平日不能覺察。已交兵部查取職名。

分別議處。因思各旗官員。似此舞弊婪贓者。恐不止此一案。著通諭各旗都統副都統。隨時訪察。如有不肖劣員。即行據實奏。從重懲治。毋稍瞻徇。致干咎戾。儻不實力查辦。一味姑容。別經發覺。必重處不貸。並著將此旨各繕一通。徧行傳諭各該員。俾知觸目警心。咸以松茂為戒。切勿以身試法也。○諭軍機大臣等。據李鴻賓奏。籌議海運事宜。本年已不及行。來年籌運之一百五十萬石。雇用商船。稍費招集。恐難定其足載百五十萬之數。擬將首二進業經渡黃北上之船。俟交卸回空。酌留二三十幫。約可運米七八十萬石。今其停候黃河以北。無庸歸次。一以濟本年接運之不及。一以備來年海運之不敷。此時約計首運回空。將入江境。即令再行接運。趕抵通州。該船來年即不須出運。卸米後於北路衛河間河分泊守凍。如雇覓海船。或難如數。可酌分數十萬石。仍由內河轉運。自較穩妥。

至運河淤厚處所。多在淮城以北。挑濬工程。應自下游南路辦起。本年冬季。並來年正月。將高寶一帶淤墊挑挖。歲工專留上游極淤之地。俟夏秋挑辦。明年糧艘自南而來。時當春夏之交。洪澤湖水總可蓄至丈餘。於頭閘濟運壩開放清水接濟。猶可挽至高坂頭一帶。起米過壩。即令北路守凍幫船。迎至河口受載。殊為省事。且暫放清水以濟舟行。旋即堵築興挑。亦不致有誤。清江閘等處挑工。

該幫船本年接運。及來年迎運。均按額給與行月口糧等項。丁舵水手人等。復得藉資食用。俟下年渡黃歸次。亦可趕運道光七年漕糧等語。海運事宜。前據琦善奏。現飭藩司賀長齡親赴海口。招徠商船。籌議章程。再行會奏。並將本年滯漕二百萬石。由豫東軍船及雇用民剝。並淮安首進回空等幫。分起接運赴通。惟來年試行海運。所雇沙船。是否足資裝載一百五十萬石之數。抑或挑濬運河。俟

清水蓄足。另籌分運。李鴻賓所奏是否可行。著該督等會同妥議具奏。其另片鈔呈前河臣張伯行所撰居濟一得書。內載回空糧船出周家橋閘草字河。亦可通行一條。現在情形若何。並著該督等查明一併議奏。李鴻賓奏片二件。並著鈔給閱看。將此各諭令知之。○又諭。李鴻賓等奏。籌議折漕濟工事宜一摺。前據英和奏。雇商船分運。及折漕治河各章程。當交該督等妥議奏。茲據李鴻賓等奏。距江浙海口甚遠。難以臆度。楚中並無赴海商船。應俟江浙督撫查議。至徵收折色一節。弊實叢生。莫若仍令民間完交本色。由收漕州縣賣米易銀。轉解河工等語。明年籌辦海運。浙省不能出口。現令琦善等委員前赴上海籌議。至徵收折色。既於民情不便。所有本年湖北漕糧。著仍循舊章。令糧戶按額完米。民間既交本色。由州縣賣米易銀。轉解河工。殊屬不成政體。更恐啓州縣抑勒商民承

買書吏捏報市價。加收平色諸弊。所請著毋庸議。前據琦善奏。高堰石工。已砌至七分以上。清水蓄至一丈一尺。該督等仍隨時咨查。琦善嚴烺等。辦理河湖各工情形。如明春清水足資敵黃。可以濟運。該督等仍飭糧船由河運抵通。償情形或有阻滯。即設法存貯。待至下年搭運。該督等所奏。查向年停運各章程。此時俱毋庸辦理。又另片奏。帶徵米石。一律變價。請一併解工。及留司庫報撥。正漕既不變價。所有緩徵漕米。亦即照常徵收本色可也。將此諭令知之。○以前任巴里坤領隊大臣多山。為都察院左副都御史。○調四川布政使韓文綺。為雲南布政使。以直隸按察使董淳。為四川布政使。長蘆鹽運使張青選。為直隸按察使。○修直隸保定府城垣城樓。內外兵房。及定州城樓。從大學士總督蔣攸銑請也。○己丑。

上幸靜明園。詣

龍神廟拈香。○庚寅。命大學士托津。管刑部事。○修浙江上虞會稽。二縣柴塘石塘。從巡撫程含章請也。○辛卯。諭軍機大臣等。成格奏。籌議折漕濟工一摺。請以本折各半徵收。有願交本色者。令其照一米二穀。改交穀石。仍責成各州縣。將所收穀石易銀彙解。徵折色者。聽民間按照時價。兼納錢文。偏僻州縣。亦聽其銀錢並解。除將徵收之銀解工外。並以所收錢文作價解工等語。漕糧改徵折色。原為工需起見。必須國計有裨。官民胥便。方為萬全無弊。該撫所議本折各半徵收。仿照舊章辦理。雍正年間。雖有此議。行與否有無流弊。摺內並未聲敘明晰。今昔情形不同。是否毫無窒礙。且徵收本色者。令其改交穀石。徵折色者。令其銀錢兼納。其間以米計穀。以錢計銀。恐亦不免紛擾。至責令州縣將所收穀石易銀彙解。亦恐啓捏飾侵漁諸弊。是折漕一事。雖係暫時權宜之計。亦不可不詳慎。

周安著成格再行詳細熟籌。或出示徧行曉諭。俾鄉民共見共聞。如果樂於從事。再將一切章程。詳議具奏。儻稍有窒礙難行之處。亦當據實奏聞。斷不可因業經陳奏。意存回護。必強為牽就。以符前言也。現在江省籌辦海運事宜。昨據琦善等奏。儘江省漕糧。由海船起運者。不過一百五六十萬石。其餘漕糧。及浙江省額漕。尚須籌畫河運。已諭令琦善嚴飭等。趕辦高堰石工。籌蓄清水。以備河海並運。該撫所奏。酌給停運軍船舵水人等口糧。雖有額徵副耗米石。可以動支。一體改徵折色。應俟正額漕糧改折定議。一律覈辦。總之此事必須國計民生。兩有裨益。民間不致退有後言。方為盡善。該撫務當計出萬全。切勿輕率。致臨時多費周章也。將此諭令知之。○以翰林院編修朱襄。為河南鄉試正考官。邵正笏為副考官。內閣學士朱方增。為山東鄉試正考官。翰林院侍讀文慶。為副考官。編修

馮贊勳。為山西鄉試正考官。蔡康颺。為副考官。○追旌前明遇難捐軀安徽桐城縣儒童項貽妻黃氏。○癸巳。

上詣綺春園問

皇太后安。○甲午。諭內閣。蔣攸銘奏。京縣承辦鄉會試科場。請籌加津貼一摺。順天貢院。辦理文鄉會試。一切供給器具。向由直隸藩庫地糧項下。給發大興宛平兩縣分領承辦。作正開銷。惟需用浩繁。近年物價昂貴。例銷銀兩不敷。若由該二縣挪墊用。易滋虧缺之弊。該督等奏請籌加津貼。俾得經理裕如。著照所請。除繕譯及武鄉會試。並各項考試。均有例支正項。毋庸津貼。及文鄉會試科場例銷一切。仍舊支領。毋庸加增外。嗣後准於初次鹽斤加價水利生息項下。撥賞兵丁餘賸銀內。每屆文鄉試。津貼銀四千兩。文會試。津貼銀二千兩。如遇接辦恩科。文鄉試。酌減為三千兩。文會試。酌減為一千五百兩。飭令大

宛兩縣各半分領。即自本年乙酉科為始。撥給備辦。此係在外不報撥之款。著毋庸造冊報銷。○減免直隸新安。河間。冀南。寧河。隆平。寧晉。七州縣積水地畝。應徵上年糧賦有差。○乙未。

孝懿仁皇后忌辰。遣官祭。

景陵。○命土默特貝子固倫額駙瑪呢巴達喇在御前大臣上學習行走。○贈故科爾沁郡王和碩額駙索特納木多布齋親王銜。命皇長子奕緯。帶領散秩大臣一員。侍衛十員。前往賜奠。○丙申。

上詣綺春園問

皇太后安。○諭軍機大臣等。戶部奏京旗移駐雙城堡章程。隻身不准算戶。宜酌量變通一摺。據稱雙城堡移駐。原為調劑窮苦旗人起見。若因隻身阻止。不但辦理偏枯。且於調劑本意。亦多未協。嗣後凡滿洲蒙古隻身閒散有願移駐者。亦一體准其移駐。其父子或胞

兄弟均係隻身。俱統作一戶。地畝房間器具治裝公幫車輛等項。均照舊全分給與。至另戶隻身閒散。每一人作為一戶。地畝治裝以及本旗公幫銀兩。均減半給與。臨行時合給四套車一輛。每二戶到屯後。應如何合給住房。分給器具之處。令該將軍妥為安置。如此通融辦理。與原議章程並無窒礙。八旗閒散自必倍形踴躍等語。吉林雙城堡地方辦理屯田。前經該將軍奏定章程。隻身不准算戶。自以閒散人等一經移駐。即應照例給與熟地荒地。及房屋牛具等項。未免太優。不能不予以限制。今據戶部奏隻身閒散願移駐者。請一體准其移駐。並分別全分給與。減半給與各章程。是否可行。有無窒礙。著富俊體察情形。據實具奏。再降諭旨。將此諭令知之。○調正白旗領侍衛內大臣奕紹。為鑲黃旗領侍衛內大臣。以御前大臣賽沖阿。為正白旗領侍衛內大臣。○以工部尚書禧恩。為閑兵



大臣。御前大臣。瑪呢巴達喇。為總理行營事務大臣。兼管善撲營。虎槍統領事。鑲黃旗領侍衛內大臣。奕紹。管火器營事。正紅旗漢軍都統載銓。管鷹狗處事。○調正白旗蒙古都統玉麟。為正藍旗滿洲都統。以署理藩院尚書普恭。兼正白旗蒙古都統。○丁酉。諭內閣。向例凡遇恩詔。恩貢之額。準乎歲貢。從無歲貢輪考。恩貢獨改為分考之理。據禮部查明四川華陽成都二縣。輒以附郭首邑。各出恩貢一名。殊違定例。著該學政即查明更正。該二縣此次多出恩貢三名。仍照應貢年分。以次遞推。作為豫考歲貢。嗣後如遇恩詔。該二縣即照輪考歲貢之例。輪考恩貢一名。以符定制。至歷任禮部堂官。未經查出指參。姑念歷年久遠。且在屢次恩詔以前。均著免其交議。所有四川歷任學政辦理錯誤。究竟始自何年何人。仍著該部詳細查明具奏。再降諭旨。○諭軍機大臣等。琦善等奏。黃河自上年

倒灌後。堰圩失事。並無清水刷黃。淤墊更遠。立秋後。河隄出水。僅止五尺。情形險要。著照該督等所請。將外南北山海等廳隄堰卑矮之處。搶加子埝。勒限於月內趕完。以資捍禦。其上下各工。並須寬備料土。多派兵夫。分段貯防。嚴煇身為河督。責無旁貸。著即督同道將廳營並力巡防。如有疏懈。即著該督會同叅辦。現在秋汛方長。搶修緊要。該督等當隨時察看。於喫緊要工。尤宜加意力為防守。毋使有意外之虞。其海口接築長隄。並將下游取直挑河等工。著俟霜降後。細勘情形。分別估辦。務遵前旨。總期海口刷暢。河身疏通。方為盡善。至琦善另片奏。高堰未竣各工。無難促令完竣。惟灰漿未老。難資保衛。若收足清水至一丈六七尺以外。冬風猛烈。恐難抵禦。況黃河淤墊日高。不可不先其所急等語。該督所奏。自係籌慮萬全。惟高堰石工。現計八分有餘。若慮風勢猛烈。難以蓄水。何時始能

竣事。所有未竣各工。自應及早修復。俾友漿漸老。清水及時蓄足。其息浪碁。十三堡。兩處口門。亦應次第補還。以資鞏固。事關河漕大局。無論敵黃刷沙。必資蓄水。即來年海運不敷。仍不能不分用河運。若非完工蓄水。軍船仍不足資浮送。該督等當通盤籌畫。以期清水暢出。敵黃濟運。漸復舊規。方為不負委任。該督等將湖工詳細勘明後。著即據實具奏。將此諭令知之。○改河南汝寧府分防新息

通判。歸德府分防永城縣薛家湖集通判。為繁難兼二中缺。從巡撫程祖洛請也。○戊戌。諭內閣。朕伯儀親王於本月十五日八十壽辰。宜懋恩施。以昭惇敘。除屆期另行頒賞外。所有前借王俸未扣銀二萬八千兩。著全免扣繳。貝勒綿志之子奕綱。奕綵。俱著加恩賞給二品頂帶。用示朕篤念懿親至意。○移湖北提標中營左哨。經制外委。駐隨州雙河集。撥鄖陽施南武昌漢陽各營兵二十名添防。

從總督李鴻賓請也。○己亥。

上臨故科爾沁郡王追贈親王銜和碩額駙索特納木多布齊園居賜奠。○諭內閣。科爾沁郡王追贈親王銜和碩額駙索特納木多布齊。勤慎趨公。年方壯盛。侍朕左右。諸無不合。不料患病。遽。突然溘逝。實為震悼。本日朕親臨賜奠。因思其所遺幼女二人。情景淒惻。尤深惋惜。除前已降旨加恩外。著再賞給廣儲司銀二千兩。交瑪呢巴達喇代為經理。添

補伊家屬養贍之需。以示朕眷念藩封有加。無已至意。○又諭。松廷等奏。四川廣法寺堪布喇嘛嘉木揚雅木丕勒。現屆三年期滿。揀選得堪布羅布藏當吹。堪以派往。著照所請。即飭令前往換班。嘉木揚雅木丕勒著即令其回藏。無庸赴京當差。○諭軍機大臣等。據松廷等奏。哲孟雄部長屢次懇請到卓木地方避暑。及來藏瞻禮一摺。哲孟雄部長前因其來藏禮佛。每次輒多妄請。經文幹等具奏。

當經降旨。定以八年。准其來藏一次。未至八年。即行斥駁。茲據松廷等奏。該部長因達賴喇嘛坐牀後。屢次懇請瞻禮。惟現距該部長前次來藏之期。僅止四年。本應斥駁。姑念達賴喇嘛坐牀。係屬吉祥善事。該部長近年遵奉諭旨。尚屬安靜。此番懇請出於至誠。著加恩准其暫來一次。不准另有乞請。仍遵前定章程。再屆八年。方准前來。如未屆年限。復行瀆請。該駐藏大臣嚴行斥駁。以示限制。至該部長每年赴卓木地方避暑。雖係從前常有之事。達賴喇嘛等並不攔阻。但卓木曲批。乃唐古特境地。該部長係自行前來。今若明降諭旨。准其每年在帕克哩以外居住數月。該處係藏外一小部落。素尚恭順。又有駐防官兵。及帕克哩營官等稽察防範。或不致別滋事端。第外夷貪鄙性成。安保其日久不妄生覬覦。若附近別部落紛紛效尤。又將何以處之。邊圉緊要。不可不防其漸。松廷等率請奉

旨。後咨明轉飭遵照。今該部長開報人數。准其前來避暑。殊屬不合。著不准行。松廷等惟當告知噶勒丹錫呼圖薩瑪第巴克什班禪額爾德尼哲孟雄部長。每年來至藏界地方避暑。相沿已久。此時若嚴行驅逐。亦非字小之道。應由伊等體察情形。或照從前容其暫住。過時即催令回巢。該駐藏大臣等仍隨時查察。毋許該部長在藏境逗留。並嚴飭駐防及帕克哩管官等。不時防範稽察。以靖邊徼。將此諭令知之。○貸山西太原駐防兵丁等一年餉銀。修理兵房。○免山西右玉平魯二縣節年災歉缺額丁銀。○庚子中元節。上詣安佑宮行禮。○遣官祭永陵。福陵。昭陵。昭西陵。



隨兌隨行。毋任停延。其續剩米石。再交封雇民船接運。仍趕緊嚴催首進幫船回空。接運江廣漕糧。務使本年全漕早抵通倉。不許稍有遲誤。至回空限期既緊。歸次受兌。亦關緊要。著該護撫隨時察看情形。妥速辦理。○諭軍機大臣等。據程含章奏前任臬司王惟詢自縊身死。查訪通省大小官員等。皆稱不聞黃鳴傑與委員有抑勒逼迫之事。伊子王毓瑄。及伊親屬皆不輸服。請添派趙慎畛會同審辦等語。王惟詢以臬司大員。輒因案遽爾輕生。其情節原有可疑。朕特交程含章督同臬司祁墳。秉公訊辦。該撫仰承委任。自應不避嫌怨。平情鞠訊。若因王毓瑄等皆不輸服。恐其結案後控告。輒請添派趙慎畛會審。浙江係總督兼轄省分。可圖卸責。設無總督兼轄省分。又將令何人分謗。况趙慎畛來浙閱兵。尚無定期。僅聞省另有他事留滯。將此案懸至何時始行奏結。至徐蔡氏命案。據該

撫奏稱。研審四十餘日。徐敦誠堅供並無謀勒情事。實係自縊。豈此案亦須趙慎畛抵浙會同研鞠耶。該撫等非意存推諉。即自揣力有不敵。殊屬非是。程含章祁墳俱著傳旨嚴行申飭。該撫務即督同祁墳。將此案虛衷研鞠。勿徇人言。勿存成見。期得確情。據實具奏。若稍存畏難避怨之心。則是不勝巡撫之任。不能仰承恩遇矣。懍之慎之。將此諭知程含章。並傳諭祁墳知之。○以湖北刑宜施道與科為四川按察使。○予故休致工部尚書初彭齡祭葬如例。○壬寅。諭軍機大臣等。嵩孚奏酌議折漕濟工章程一摺。據稱湖南距海甚遠。又無赴海商船。應俟江浙督撫妥議。至改徵折色一節。弊實叢生。奉行稍有不善。必致滋生事端。請仍令糧戶完納本色。照市價易銀。解赴工次等語。海運事宜。現今琦善等委員前赴上海籌議。僅能運米一百五十萬石。至浙省不能出口。已降旨令其仍由河運

抵道。各省軍船來年勢不能不籌及河海並運。所有徵收折色。既據該撫察看情形。難免擾累。本年湖南漕糧。著仍令糧戶完納本色。惟民間既交本色。再由州縣賣米易銀。殊屬不成政體。所奏著毋庸議。現在高堰石工。已砌至八分有餘。清水已蓄至一丈一尺九寸。前經降旨。令琦善等及早修復。俾灰漿漸老。蓄足清水。期復敵黃濟運舊規。該撫仍隨時咨查琦善嚴娘等。儻情形或有阻滯。即設法存貯該省。俟下年搭運。該撫所奏停運各章程。此時俱著毋庸辦理。將此諭令知之。○以烏喇特扎薩克鎮國公巴圖鄂齊爾。為烏蘭察布正盟長。○緩徵河南安陽湯陰內黃臨漳四縣被水村莊新舊額賦。○癸卯以刑部右侍郎昇寬。兼正紅旗漢軍副都統。○以翰林院侍讀學士許邦光。充日講起居注官。○以浙江紹興杭三二幫丁力疲乏。准本年應賠徵變米石。分三限帶交。○旌表守正捐軀

直隸東鹿縣民李全根女玲姐。陝西西鄉縣民蕭明新女長女。○甲辰上幸萬壽山。詣

廣潤祠拈香。○諭內閣。惇親王應罰王俸職任俸。任俸除節次加恩寬免外。為數尚多。日用未免支絀。所有惇親王歷次應罰王俸職任俸。未完銀一萬五千二百七十兩。俱著加恩全行寬免。○又諭。張井等奏搶護擱黃民堰。新生險工一摺。豫省武陟縣地方。擱黃民堰。情形最為險要。本年六月間。對岸驟長新灘。挑溜北注。以致刷灘逼堰。經該署河督率屬搶鑲新埽八段。河勢旋由上首坐灣。改向南屋行走。官工民堰。皆得化險為平。覽奏曷勝忻悅。惟秋汛方長。該署河督仍應加意籌防。以期有備無患。據稱現在勘估。於今春新幫堰工以下舊戲頂上。加高順長。並於工尾灘面估築戲壩挑壩各一道。其搶鑲新埽八段上。下空檔。仍令紫枕攔護。無庸鑲工。著即照所

估。妥為辦理。所有正雜料物。恐轉運官工。緩不濟急。著該署河督迅速分飭廳縣。勒限購運。毋致稍有疏虞。○諭軍機大臣等。李鴻賓等奏。籌議約束糧船水手章程一摺。據稱。湖北額設糧船一百八十隻。每屆兌米開行之際。頭舵水手。悉由各船旗丁雇覓。責成衛所運弁查開。姓名籍貫。齋交糧道廳員查覈。取具十船連環保結。各幫水手。向聽弁丁約束。並無立教。斂錢。樹黨。索值情事。惟水手良莠不齊。仍當議定章程。逐層糾察。嗣後各幫頭舵水手。未雇之先。由旗丁詳慎選募。既雇之後。由運弁取結確查。水手應得雇值。按程支給。無許刁難需索。其運弁失察。及縣營彈壓。分別賞罰各章程。俱著照該督等所議。妥為辦理。無得日久生玩。視為具文。至所奏本年漕糧。請仍徵本色。由州縣易銀解工。漕船全幫停運。應減去水手一千八十名等語。前據琦善等奏。海運事宜。儘江省漕船由海船起

運者。不過一百五六十萬石。其各省漕糧。仍須籌畫河運。已諭令琦善等修復高堰石工。收蓄清水。以期河海並運。該督等應遵前旨。本年漕糧。仍按額徵收本色。隨時查查。琦善嚴煥等。辦理河湖各工情形。如清水足資敵黃。仍應照常起運。所奏漕幫停運。減去水手各事宜。此時俱毋庸籌辦。將此諭令知之。○署河東河道總督張井奏。攔黃民堰。本非官工。不惟修築之費。歷年遞加。無所底止。且增培無已。灘面愈高。愈為可慮。自應熟籌放淤。使內灘淤高。則攔黃民堰。可以棄而不守。得肯與水爭地。原非善策。補救目前。不思遠圖。又豈實力辦公之所為。詳細勘估。妥議會奏。○以湖廣督標中軍副將珠爾杭阿為宜昌鎮總兵官。○旌表守正捐軀江西安福縣民劉配中妻楊氏。○乙巳。諭內閣。前因禮部奏四川華陽成都二縣。輪考恩貢舛錯。降旨交該部查明。辦理錯誤之學政。始自何年何人

茲據奏稱。自乾隆年間。初次辦理恩貢。即屬錯誤。念歷年久遠。官非一任。其舛錯並非始自近年。所有現任四川學政吳傑。及歷任學政。俱著免其議處。○又諭。御史黃德濂奏。請禁無故改委州縣一摺。州縣為親民之官。管理刑名錢穀。職任緊要。向例委署各員。不准託故改委。所以杜錯營而慎交代也。如該御史所奏。近來州縣出缺。實缺人員未經到任。上司委員署理。甫署簡缺。旋調繁缺。更替無常。弊端百出。該州縣既未熟悉地方情形。又以缺非己有。罔知顧惜。詞訟則納賄受賕。催科則多方朘削。甚至交代之際。書役乘機舞弊。索詐於吏治。大有關係。著通諭各省督撫。嗣後州縣出缺。委員署理。應責成一手經理。不得託故。輒行改委。仍按季報部查覈。如借人地相需為名。而實為調劑屬員起見。無故輾轉改署者。即將該督撫懲處不貸。○諭軍機大臣等。據御史黃德濂奏。湖南寶慶府屬

蘇溪鎮地方。近年土棍串通吏役。公然設卡私徵。稱為蘇溪關。無論船隻。貨物。及米穀煤炭。一切貨物。俱須停泊完納。然後放行。灘頭水勢湍急。每有覆溺之患。又資江下游。安化益陽等縣。沿江土豪。招集漁戶。於江心設造梁竿。罾壩。跳船等項。舟筏觸之立碎。漁戶等轉稱損伊漁具。截阻勒賠。肆行搶奪。益陽縣黃連灘。遂有溺斃二十餘人之案。其長沙岳州以下。大江兩岸。凡漁戶。設造橡檔等具。請一併查禁等語。湖南省祇設辰關。並無蘇溪關名目。該處土棍。竟敢串通吏役。公然設卡。違例私徵。該地方官何竟毫無聞見。若係官吏通同影射。尤屬大干法紀。著李鴻賓。嵩孚。確查據實具奏。毋稍徇隱。其資江下游。安化益陽等縣。土豪截流而漁。阻礙河道。貽害行旅。地方官不為拆毀。難保無土棍把持。吏役包庇情弊。並著李鴻賓等。嚴飭所屬。勒限概行拆毀。如查有拆而復設等弊。並著嚴行究



辦。其長沙岳州以下大江兩岸。凡漁戶設造  
樓檔。如果於河道有礙。並著該督等一併認  
真查禁。不可有名無實。仍成具文也。將此各  
諭令知之。尋奏查蘇溪之外。尚有硤石花橋  
黎谿山口巨口等卡。均經報部。並非私設。黃  
婁灘覆溺之案。實係遭風。其各處梁竿樓檔。  
現已一律拆毀。得旨。一力稽查懲辦。不可稍  
有徇隱。○前任雲南開化鎮總兵官蘇法那  
以年老休致。○丙午。諭內閣。致仕大學士戴

均元。宣力中外。歷有年所。上年秋間。以衰老  
乞休。俯允所請。俾得怡志林泉。藉資頤養。本  
年十一月十六日。為伊八十生辰。宜沛恩施。  
以昭優眷。除另行頒賞外。所有前降頂帶三  
級著加恩開復。仍賞還一品頂帶。用示朕錫  
福。著臣至意。尋賞。

御書扁聯。福壽字。並珍玩文綺。○又諭穆克登  
額等奏。太常寺則例。前經奏挑供事三十六  
名。增添供事六名。繕寫宋字漢本。旋經吏部

題覆。應照上次額設三十六名。未便增添。惟  
此次工課較多。且板片將屆告成。難以遽行  
裁撤。著准其增添供事六名。免其裁撤。嗣後  
不得援以為例。至將來辦理清書。著仍照上  
次舊額三十二名之數。不准濫行增添。以示  
限制。○諭軍機大臣等。張師誠奏籌議折漕  
濟工事宜。請將應徵漕米。先儘追完。穀價銀  
兩。照一未二穀之例。令民間完納穀石。作為  
買補倉穀。即將各屬所交穀價。解工應用。其  
餘應徵漕米。改徵折色。除應給。苦蓋減半月  
糧銀兩外。餘銀全解河工等語。漕糧改徵折  
色。原為協濟河工要需。然必民間不受擾累。  
胥吏不滋弊端。方於國計有裨。該撫所議半  
收穀石。半徵折色。將來各州縣如何勻撥抵  
收倉穀。如何按戶酌分折徵。恐難免勒索高  
下之弊。是折漕雖為暫時權宜辦理。而窒礙  
處甚多。所請著毋庸議。前據琦善奏高堰石  
工。八月間即可完竣。如能收足清水。可以敵

黃濟運。仍須照常由河運抵通。著該撫飭令各州縣。仍徵本色。隨時咨查。琦善嚴娘等。辦理河湖各工情形。約計明春運道可以進行。仍飭糧道等。照常兌開。儘或稍有阻滯。即設法將所徵額漕。妥為存貯。待至下年搭運。所議停運及安插水手各章程。此時俱無庸辦理。至另片奏。請將江廣幫船酌量改小。既可免雇民船起割。或屆期不能渡黃。亦可由京口直抵上海。歸於海運。此時海運尚未經辦有章程。且江廣幫船甚多。豈能令其猝改。儘或運道有阻。即改小亦恐難資浮送。俱著毋庸置議。將此諭令知之。○山海關副都統松福。緣事降調。調正黃旗漢軍副都統富祥。為正山海關副都統。以哈密辦事大臣恆敬。為正黃旗漢軍副都統。○丁未。諭內閣。刑部議覆李鴻賓等奏。審擬四川省大夥拐販婦女。拒殺兵丁一摺。已降旨將拒捕及略拐首犯。分別處斬絞候矣。此案該犯陳老七等。自四川

拐販婦女。赴楚售賣。至八十餘口之多。其中或係略拐。或係輾轉售買。竟敢撐駕大船。執持鐵銃。肆行無忌。經湖北兵役追拏。始行就獲。川省地方。及沿途文武各官。所司何事。載三錫係該省總督。文武皆其所轄。平日地方有輾轉略賣及積慣興販之事。既未能飭屬隨時訪緝。迨公然夥眾駕船出境。沿途各官又不能即行截拏就獲。僅以追捕不及。移知前途。為卸責地步。因循懈弛。已可概見。著該督嚴飭該地方官。將略賣及窩匿各逸犯。迅速查拏究辦。務絕根株。嗣後當實力查拏懲辦。斷不可仍前怠玩。有干嚴譴。其被販婦女。現經湖北委員解回川省。該督即飭各州縣。查傳各婦女原籍親屬。給領完聚。無親屬者。即由該地方官擇配。務須經理妥善。無任差役滋弊。及該親屬又行轉賣。以致流離失所。儘不認真妥辦。或別經發覺。必將該督懲處不貸。○又諭。慶保現因患病。已降旨令其回

旗調養。所有烏里雅蘇台將軍印務。著交倫布多爾濟暫行署理。倫布多爾濟本年班著毋庸前來。作為明年年班。再行來京。○調成都將軍德英阿。為烏里雅蘇台將軍。以察哈爾都統瑚松額。為成都將軍。調鑲白旗蒙古都統和世泰。為察哈爾都統。以克勤郡王尚格。為鑲白旗蒙古都統。○旌表夫亡殉節故候補知府前任直隸深州知州張杰。繼妻丁氏。○旌表守正捐軀山東歷城縣民陳叫花妻高氏。○戊申。

上詣綺春園問

皇太后安。○諭軍機大臣等。前飭令各該督撫籌議海運折漕事宜。原為來年疏治河道之計。現據陸續覆奏。海運一事。惟江蘇可以試辦。然亦不過運米一百五六十萬石。其餘各省漕米。既不能概由海運。而折漕亦多窒礙紛擾。是浙江江廣額漕。及江蘇海運餘騰漕米。皆須籌畫河運。惟本年高堰石工竣後。將

來收蓄清水。情形若何。尚難豫定。設蓄清水。仍不能敵黃。明年重運經臨。若仍開放禦黃壩。復有頂阻倒灌之虞。豈不是一誤再誤。朕思海運而外。惟盤壩接運。既可使漕糧悉數抵通。而禦黃壩不開。亦可免胡河受病。黃水不倒灌入運。即可並力東驅。以收刷沙之益。彼時湖漕亦當充裕。俾專刷運河之淤。以濟漕行。明年若能如此辦理。庶河漕兩有裨益。至道光七年。可以仍復舊制。豈不較折漕濟子停運治河。為得計耶。第盤壩經費。應如何籌畫。不致多糜。接運船隻。應如何調撥。可以敷用。均須通盤計慮。周妥。琦善等接奉此旨後。會同體察情形。悉心覈議。據實具奏。不可因係朕特交籌議。稍存成見。總期計出萬全。庶不致一誤再誤也。將此諭令知之。○己酉。諭內閣。莊敬和碩公主莊靜固倫公主園寢。樹株稀少。著交禧恩查勘。補行種植。○又諭。向例滿洲蒙古外任道府丞倅州縣及武

職例應丁憂人員。回旗守制。百日孝滿。在原衙門行走者。吏兵二部於每年十月查辦一次。帶領引見。分別內用外用。嗣後著該部每屆查辦時。於帶領引見前三日。將各員履歷詳悉開單。先行具奏。○江蘇巡撫陶澍奏。蘇省大挑等班。知縣輪補無期。現在六十八州縣中。由捐班補。由佐貳升者不少。而沿河各縣。以縣丞署理者。十居其七。進階太難。難免倖進之輩。濫廁其間。始基未立。安望其留心民事。有益地方。此吏治之不可不亟為整頓者。江鎮蘇常等處。衣冠文物。燦然可觀。而浮靡之餘。漸流詐偽。以致市井訛騙。則有搭臺之目。生監把持。則有破靴之稱。良楮難齊。日滋獄訟。此民風之不可不亟為整頓者。得旨。朕所以調任江蘇者。觀汝頗可幹濟。藉資整頓。汝其實力實心。以漸而入。通省吏治民風。全繫於汝一身。而用人更為當事之急。勉之慎之。○戶部議准。陝甘總督那彥成疏報甘

肅中衛縣開墾水地四頃。照例升科。從之。○庚戌。仁宗睿皇帝忌辰。遣官祭昌陵。上詣安佑宮行禮。○諭內閣。福綿奏。審訊永濟縣知縣教官互揭。分別定擬一摺。此案已革永濟縣知縣盧二秩。訊無賍剝行戶情事。因查禁小錢。將生員喬嶽。誤行管押。旋即省釋。尚無不合。惟於家丁等。將成色銀按照時估換錢。並因發換足紋不遂。挑換小錢。藉端生釁。該革員失於查察。又將擬杖人犯收禁。亦屬違例。已革永濟縣教諭蘇成棟。於書吏袁佩璜。為王四託銷金項。並未允銷。惟見李士傑允為銷售。並不阻止。到案又不實供。且以生員因案牽連。具稟學政。語多唐突。亦屬乖謬。已革知縣盧二秩。已革教諭蘇成棟。俱著開復原官。仍交部議處。學政鄒植行。訊無面諭教

官銷售金頂情事。惟失察家人王四私行銷  
售。關防不嚴。不勝學政之任。鄒植行著即撤  
回。仍交部議處。○命翰林院編修蔡廉廳提  
督山西學政。○辛亥。諭內閣。朕因宗室生齒  
日繁。諭令綿課等議立章程。用昭懲勸。前經  
綿課等條奏各事宜。復交大學士軍機大臣  
會同各該衙門詳議。茲據托津等分別准駁  
具奏。朕詳加披閱。內嚴辦滋事一條。向例宗  
室罪犯。止分別折罰圈禁。惟法輕則日久生  
玩。必應嚴定律令。庶辟以止辟。多所保全。嗣  
後著管理宗人府王公等隨時稽查彈壓。並  
出示曉諭。凡被害之人。即據實向閹刑衙門  
呈訴。並飭番役等一體查拏。送官究治。其犯  
笞杖軍流徒等罪。審係不安本分者。即照此  
次議定科條。分別加責實發。如有釀成命案  
者。先行革去宗室。照平人一律問擬斬絞。分  
別實緩。其進呈黃冊。仍著由宗人府辦理。以  
示區別。至被害之人。不據實呈訴者。按其有

無應得罪名。分別辦理。即著纂入則例。永遠  
遵行。又達支族長宜歸舊制一條。族長有約  
束教導之責。必須諳練事體。方於族務有裨。  
嗣後著仍由該族內世職章京與現任職官。  
無論品級。秉公揀選。帶領引見。儻該族現無  
官員。則以別族之員揀選暫署。俟本族升有  
職官。再行引見補放。其學長缺。仍由宗人府  
照例挑補。又盛京宗室營主事調補京缺。及  
告假來京章程一條。盛京移居宗室。多未諳  
習事體。向由族學長升補營主事。三年期滿。  
即調京缺。未免過優。難資歷練。轉礙京員升  
途。嗣後著定立年限。營主事年滿。先掣盛京  
五部主事。上行走。年滿果能勝任。再行給咨  
引見。仍按其資序調轉。其不勝任者。即奏明  
黜革。至移居宗室內。告假來京。除親喪婚嫁  
外。俱咨明宗人府。俟覆准再給路引。並定立  
年限。以杜欺詐。又變通生計一條。據奏直隸  
省果有田土。准告假清理。並准向地方官展

服。盛京有產業者。亦准請假等語。近時宗室。不自檢束者多。若聽其紛紛告假。名為調劑生計。必致別生事端。俟滋事後。再由地方官遞回。徒形紛擾。且宗室例有頂帶。該地方官勢不能嚴加約束。所奏著毋庸議。又外任恩賞銀兩。分別定限一條。外任官員。非京職可比。國家經費有常。豈能將紅白事件。概加恩賞。著仍照舊例辦理。毋庸議增。又發遣之人。妻女無依者。宜加矜恤一條。宗室覺羅。罪至發遣。妻女無依。而又無子可繼者。養贍無資。殊堪憫惻。著照所議。分別給予養贍銀米。俟罪犯之人赦回。即行裁汰。又京察宜加鼓勵一條。京察為激揚大典。自應一體加以鼓勵。嗣後京察一等之宗室理事官。各部院宗室郎中。引見圈出後。著准其一體復帶引見。候朕酌量錄用。其副理事官等員。仍照舊例辦理。如有不稱職之員。亦著隨時甄別。又宗人府委署主事筆帖式。保送倉庫等差一條。據

奏。倉庫等差。人多缺少。恐滋壅滯。且與上年議定保送倉監督章程不符。著毋庸議。又宗室宜廣登進一條。宗室自嘉慶年間。准令鄉會試。並添設六部司員。已為至優極渥。至內閣衙門。向無宗室額缺。今議增宗室中書。三年後添設侍讀。徒增冗員。無裨公事。著毋庸議。其所請鑒儀衛滿洲漢軍人員內。公檢四缺。作為宗室整儀尉扣缺。相間輪補。並太常寺學習贊禮郎讀祝官缺出。揀選閒散宗室十人。一體挑選。及分別升補章程。事尚可行。著照所議辦理。又宗室覺羅滋事。嚴定懲罰一條。此等滋事之人。大半為利而起。若因犯至三案。輒將本身及父母妻子恩賞銀兩。概不給與。犯至六案。將每月藍甲銀米盡追入官。是令其俯仰無資。適足驅之為惡。著毋庸議。又現審案件。宜定限制一條。宗人府承辦之案。田土則會戶部。刑名則會刑部。該部本有定限。若該衙門另立限期。辦理轉不盡一。

亦著毋庸議。經此次明定章程。寬嚴互用。貧寒加之優恤。才能亦可疏通。該管理宗人府王公等。惟當實力稽查。認真辦理。務使疲頑知儆。禮義可興。用副朕篤念宗支至意。○又諭。前有旨。將德英阿調補烏里雅蘇台將軍。所有成都將軍印務。著戴三錫兼署。德英阿接奉諭旨。即行交卸起程。○諭軍機大臣等。御史熊遇泰奏。請飭修營務。以安漕運。而肅海防一摺。據稱各省營務廢弛。水師尤甚。每屆大修小修。戰船營弁侵蝕分肥。造報既未足額。修驗復多偷減。有事出洋。難資駕駛。各汛額設礮臺兵丁器械。率多浮冒虛捏。雖有巡哨之名。究無緝捕之實。明年雇用商船海運。由江南吳淞江出口。直至轉過登州成山。方能收口。其間沙島最多。匪徒易於出沒。在東直兩省者少。在江南境界者多。江南由盡山以至大洋小洋。馬跡花鳥等山。汶港紛岐。嶺崖懸絕。川沙吳淞各營。不能周歷巡緝。匪

船得以潛藏。應將兩江山東水師營內戰艦巡船。實力查覈。務期一律修整。以備明年巡哨之需。並於各鎮參遊內酌派數員。帶領弁兵彈壓。庶使水師習諳洋線。且防船戶偷漏捏報等語。洋面近日肅清。惟來年試行海運。亦宜籌慮萬全。以期有備無患。著琦善。詢問經額。查明各該省額設戰船等項。有無短缺虛浮。各營將弁能否認真巡緝。如有懈怠廢弛之患。即應嚴參懲辦。明年重運北來。經由各處沙島。應如何稽查防範。派員帶兵押運。不致有意外之虞。俱著悉心籌議。以期計出萬全。並令該提鎮等屆時嚴密巡查。務使奸宄斂跡。於漕務海防。兩有裨益。方為妥善。將此各諭令知之。○又諭。張井奏。剝運南糧過齊幫數。並籌各湖諸宣濟收蓄事宜一摺。本年剝運南糧。第一起剝船。甫經趕至濟城。以北交豫東小米軍船接運。在後各幫。斷不能趕七月十五日定限。該署河督請令小米船



停待接運。計八月內總可全完。著與訥爾經額商定飭辦。總期迅速歸次。無誤開兌日期。至運河水勢。來源本少。全仗汶河及各泉源。並上游等處坡水。乘時收蓄。本年全漕出運。又兼接運剝船。統計有六千餘隻之多。汶河僅長水二次。旋即消落。收少放多。不能無消耗之虞。著該署河督飛飭道廳。隨時妥為經理。嚴啓閘以節虛消。勤疏濬以利收蓄。並著將斗門引渠淤塞之處。一面估挑。一面由運

河道墊發銀兩興辦。再行奏明撥銀還款。仍嚴飭催船文武員弁。晝夜趨行。不許片刻稽延。以冀少耗一分。即收一分之益。儻稍失機。宜以致水勢消耗。空重軍剝各船。沿途阻滯。朕惟該署河督是問。恐不能當此重咎也。再另片奏。本月十八日。正拜摺聞。自申至戌。雷雨滂沱。雲勢甚廣。泉源可期。張旺等語。覽奏欣慰。現在汶河泉源。果否張旺。著即趕緊收納。以資利濟。並著隨時具奏。以慰廑注。將此

諭令知之。○壬子。修黑龍江失火。延燒北門城樓。從將軍祿成等請也。○以福建龍巖德化二州縣糧價增昂。命平糶倉穀。○癸丑。諭內閣。興平倉應放八旗春俸。內逾限存票未領。及向米鋪換票賣票之二千二百五十七員。著各該旗都統。查取職名。咨送吏兵二部。照例議處。該倉監督。主事福崇。監丞余寅元。放米逾限。又於花戶倉書商同勒索。失於覺察。俱著交部議處。所有嘉慶二十四年。及道

光元年。違例率准展限之戶部承辦司員。著戶部查明。移咨吏部。照例察議。○又諭。各營額設馬匹。原備差操乘騎之用。滿洲蒙古。尤以騎射為重。本日英和等會奏。八旗滿洲餒養圈馬四百匹。並無差使。轉致疲羸。請改撥巡捕營。責令滿洲蒙古馬兵。演習騎射。訓練有資。調用亦可得力。於營務馬政。均有裨益。著照所議改撥。所有節省馬乾銀兩。准其分給八旗。津貼移駐雙城堡公幫之用。至裁撤



馬園房間等項。著照道光元年八旗蒙古裁撤園馬之例辦理。其巡捕營如何分營拴養。抽撥操演各章程。由步軍統領衙門酌議奏辦。○諭軍機大臣等。琦善等奏查勘堰圩石工。並通盤籌議湖河情形一摺。據稱洪湖石工計有九分。八月可竣。惟石工形如壁立。必湖水收至二丈。始能刷黃。上年湖水積至一丈七尺二寸。即至失事。刻下清水萬難蓄足。欲去其病。惟有蓄清減黃二法。碎石護隄。所以蓄清。改移海口。所以減黃等語。黃運兩河。受病已深。明年欲行海運。禦壩即當堅守不放。與朕前降諭旨。適相符合。惟海運只可暫行。河漕必計久遠。琦善等能念漕運國帑。與淮揚數百萬生靈。不惜心力。朕已洞見其微。惟碎石護隄。工長一萬七千餘丈。需銀六百萬兩之多。又須分年辦理。不能速收成效。其海州所管之灌河口。於王營減壩一帶。導黃下注。則迤東山海等廳。二百里淤墊梗阻之

河道不復經行。河口黃水亦必以新海口掣溜迅急。漸次落低。即湖水亦毋庸多收。可以敵黃濟運。如果事無窒礙。自屬救弊良圖。惟改移海口。築堤挑河。需費若干。及一切民田場窩。該督等尚未查勘明確。著即會同從長計較。權利害之重輕。計保衛之久暫。孰費孰省。孰難孰易。詳慎妥籌。據實具奏。此係河湖全局。朕原不惜帑金。但必須於濟運宣防。實有裨益。而又能經久無弊。不徒為目前之計。

方為妥善。將此諭令知之。○甲寅。

上詣綺春園問

皇太后安。○以故杜爾伯特輔國公多爾濟扎布弟車登扎布襲爵。

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十六

中華書局

来

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十七

監修總裁官經略司議政居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務照不加五級紀錄十八次臣賈損煜義官巡撫漢軍都統營務新營房城內官房大臣詰察內

七倉大臣稽察會同四譯館事務加一級隨帶加六級軍功加三級紀錄五次臣花沙納總兵孫官文調關提募局事務兵部尚書穆

內務府大臣銜向旗滿洲副都統穆恩七念大臣管理宗人府銀庫左翼副官鑒  
監壽宮圓明園等處精提督御茶膳房御藥房主

醫院逆解處事務隨帶加十八級臣阿靈阿副總裁官經選議官兵部尚書開帶加六級彭鍾二十次臣周祖培等奉

較修

道光五年乙酉八月乙卯朔

上  
詣

大高殿行禮○還宮○命長蘆鹽政福珠隆阿

留任○越南國使臣黃文權等六人於西安

門內瞻觀○以祭

社稷壇自是日始齋戒三日○丙辰遣官祭黑

龍潭。

昭靈沛澤龍王之神玉泉山

惠濟慈佑靈渡龍王之神。昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園惠濟祠

河神廟○越南國王阮福暎遣使表貢方物賞賚筵宴如例○以直隸河間協副將克什德為天津鎮總兵官○准江蘇降休道員王念孫重赴鹿鳴宴賞四品銜○予福建出洋淹斃兵丁許有成等二名落水受傷兵丁翁福壽等二十三名分別卹賞如例○丁巳祭

先師孔子遣大學士托津行禮○諭內閣成格奏稽查糧船水手章程一摺前因糧船水手有設教斂錢之案降旨令有漕督撫籌議章程具奏茲據成格奏稱江西省各幫從前尚無設教斂錢聚眾械鬪案件惟人數既眾良莠不齊自應豫加防範免致滋生事端著照所請於本年幫船回次後即令糧道督飭押運丞倅及各幫運弁將水手人等分別查造花名籍貫清冊每船取具聯名甘結分送

各衙門備案並責成各幫弁實力稽查如該水手人等敢有設教斂錢等事即行嚴拏從重懲辦儻犯經逃逸即按照姓名籍貫清冊立時查拏毋令遠颺如由該管幫弁地方官先行舉發著免其失察處分儻有徇隱消弭情事即行嚴叅其出運時水手雇值由旗丁公平的給該水手等如敢擡價勒索即遞籍管束毋許復充該撫務當督率所屬隨時嚴密察訪有犯必懲毋得日久生懈仍成具文也○又諭明山精力頗形衰頹刑部事務殷繁難以勝任著專理旗務嵩孚著來京補授刑部尚書其未到任以前仍著托津署理○吉林將軍富俊等奏請於雙城堡添設驛站酌於吉林所屬南北兩路三十八站內抽撤官馬十匹牛十頭撥給仍歸北路站監督管理並設筆帖式一員委領催一名所有站房及站丁住房棚槽鞍轡器具均籌款捐辦不動公項得旨所辦好依議速行○以戶部右

侍郎顧皋署兵部左侍郎都察院左副都御史韓鼎晉署刑部右侍郎○調廣西巡撫康紹鏞為湖南巡撫以廣東布政使蘇成額為廣西巡撫福建按察使魏元烺為廣東布政使調直隸按察使張青選為福建按察使以直隸通永道王庭華為按察使○命翰林院侍讀學士彭邦疇提督順天學政禮部左侍郎汪守和提督安徽學政大理寺卿福申提督江西學政兵部左侍郎朱士彥提督浙江學政刑部右侍郎史致儼提督福建學政調河南學政吳慈鶴提督山東學政命翰林院編修朱襄提督河南學政馮贊勳提督陝甘學政河南道御史王贈芳提督湖北學政翰林院編修潘光藻提督四川學政右春坊右中允翁心存提督廣東學政翰林院編修周作樞提督廣西學政李崇階提督雲南學政調貴州學政程恩澤提督湖南學政命司經局洗馬許乃普提督貴州學政奉天府府丞

兼學政陳廷桂江蘇學政辛從益山西學政蔡賡勳均留任○戊午祭

大社

大稷

上親詣行禮○諭內閣富俊等奏雙城堡移駐京旗章程請於隻身閒散內量為變通一摺前據戶部奏移駐京旗章程隻身不准算戶前往與調劑窮苦旗人本意未協請將隻身閒散或父子兄弟均係隻身俱統作一戶分別給與房間器具等項通融辦理當交富俊覈議茲據奏隻身閒散一人到屯既恐其舉目無親易至游蕩且每戶應得房間牛具等件亦難減半分而為二諸多窒礙惟隻身閒散有父母子女或伯叔兄弟伯叔父母同住者二三人以上作為一戶尚屬可行著照所請嗣後京旗隻身閒散內不必拘定有妻室但有父母子女或伯叔兄弟伯叔父母願一同移駐者二三人以上均推算戶照原定章

程給與全分地畝房間牛條器具等項其治裝銀兩仍由吉林給發以資耕種之用○己未以舉行仲秋經筵遣官告祭

奉先殿

傳心殿

上御文華殿經筵直講官英和黃鉞進講孟子謹庠序之教申之以孝悌之義講畢

上宣御論曰此孟子告時王以為君教民之道惟在盡其所當行而已家國君民教學為先易俗移風彝倫攸敘聖后哲王莫不以之為急務黨有庠術有序教由是謹焉入則孝出則弟義由是生焉則學校之設不可不講也明矣惟民生厚納諸軌物則於變時雍惟皇建極錫之敷言則率履罔越人雖至愚與之言孝言弟有不奮興鼓舞者乎為之上者設為庠序以教之習舞合吹上丁仲丁所以正其始也三令五申先甲後甲所以垂其訓也由是禮樂以激其氣詩書以導其和春誦夏

絃樂羣敬業為儒者端表率即為百族樹風聲人各有親人自祇厥父也人各有長人自恭厥兄也門庭無詬誶之聲鄉邑少囂凌之氣愛敬發於天良率性而行矣仁義達於天下溯源以往矣行見五典可敦六行可上教典在是治績亦在是又何必長驅傍驚侈規模之宏遠也哉直講官玉麟姚文田進講書經任官惟賢才左右惟其人講畢

上宣御論曰且天下不可以一人理也於是乎設官分職以共治天下之事自左輔右弼前疑後丞以及大夫師長庶事百司莫不效一人臂指之用即莫不係一人敬慎之心以與為簡畀而已矣唐虞之世工虞水火九官十二牧各司其職而二十有二人時亮天工每以無曠庶官為兢兢尤於百揆之宅先致意焉此明良喜起之所由盛而伊尹之言任官擇人者胥是道也蓋官者行君之令而致之天下者也非賢而有德則無以勵廉隅而布

愷悌而有守者無以興。非才而有能則無以勝艱鉅而理煩劇。而有為者無由著。而左右者則又當有猷。有為有守。為庶官表率也。一君子進而眾君子畢升。一小人進而眾小人咸集。其利害所關乎國家者甚重。故官不必備。惟其人也。人主誠宜居敬窮理。以裕知人之明。激濁揚清。以操用人之柄。不以微細忽庶司。不以姑息容大吏。庶黜陟明而勸懲當。有過者各思愧奮。咸盡職而滌瑕。稱職者益勵忠貞。更謨明而弼直。大臣法小臣廉。濟濟師師。上下交泰。於以見王道蒸蒸日上。遠追唐虞三代之邳治。我君臣其共勉之。禮成。上幸文淵閣。賜講官及聽講諸臣茶。復賜宴於本仁殿。○幸圓明園。○詣綺春園。問皇太后安。○遣官祭文昌帝君廟。○諭軍機大臣等。據御史熊遇秦條奏。明年暫行海運。請將上海交兌米石。聽地方官自行雇剝送運。不必令軍船裝運。

以省需索幫費。海口商船宜妥為招徠。勿任吏役藉端勒索。給發腳價。嚴禁剋扣。抵津交兌。嚴禁刁難。商船放洋行走。聽其自便。不可牽掣。轉失事機。儻有鬆船等事。取具同行各船甘結。分別豁免賠償。天津剝船宜多為雇備。漕船水手宜妥為安插各款。明年海運事宜。琦善等前已派藩司賀長齡赴上海查勘。尚未據酌議章程覆奏。該御史所奏各款。諒該督等亦已籌議及此。如有可採納之處。著一併覈議具奏。該督等務將一切章程詳議周妥。勿致臨事張皇。方為至善。該御史摺著鈔寄閱看。將此諭令知之。○護山東巡撫訥爾經額奏。拿獲嘉白杭三兩幫滋事水手。并訊出拜師習教械鬪殺人各供。請解浙歸案審鞫。得旨。查拏甚屬認真。不可鬆懈。逸犯仍應飭屬嚴密查拏。○以廣東巡撫陳中孚為漕運總督。調江西巡撫成格為廣東巡撫。以直隸提督武隆阿為江西巡撫。○調湖北提

督何占鼂為直隸提督雲南提督羅思舉為湖北提督以雲南臨沅鎮總兵官李國棟為提督綏定協副將朱承受為臨沅鎮總兵官

○庚申遣官祭

關帝廟○諭內閣博啓圖等奏本年南糧抵通遲滯三進江廣幫船未到稜米不敷支放接據戶部單開八月分應放正白旗甲米西四旗俸米均劄萬安倉九月分應放正藍旗甲米劄北新倉現查萬安倉稜米均屬充裕而稜米一項僅敷支放甲米若再兼放俸米未免短絀北新倉因以放代盤後未經戶部查驗未貯新糧其餘各倉除稜粟米外稜米亦多不敷均俟江廣接運之米到通按倉均派庶敷支放等語除飭琦善等將江廣盤運米石迅速催趲外著戶部將各倉應放稜米現應如何籌酌辦理及本年秋季旗俸劄放萬安倉稜米并九月分劄放北新倉甲米一併另行覈議飭倉遵辦○諭軍機大臣等

據博啓圖等奏稱本年南糧抵通遲滯現在各倉應放甲米俸米惟稜粟二色均屬有餘至稜米則三進江廣幫船載運最多一時尚無運到之期各倉派貯稜米均不能充裕不敷搭放請飭催趕運等語江廣未渡軍船前據琦善奏請以本年首進回空軍船接運抵通現在回空船隻計已將次行抵河口著琦善等嚴飭在事員弁迅速盤壩剝運並飭沿途地方及經由開壩節節催趲趕運及早抵通以備支放勿得留滯河干致有東阻將此諭令知之○以兵部尚書玉麟為順天鄉試正考官都察院左都御史姚文田戶部右侍郎顧皋為副考官○以都察院左都御史松筠署兵部尚書吏部左侍郎王引之署戶部右侍郎兼管錢法堂事務都察院左副都御史韓鼎晉署禮部左侍郎命已革刑部尚書韓對來京賞三品頂帶署刑部右侍郎○以正紅旗蒙古都統瑪呢巴達喇署正藍旗滿

洲都統○辛酉遣官祭昭忠祠○壬戌

上詣綺春園問

皇太后安○以

萬壽節御同樂園賜皇子及王以下文武大臣

蒙古王公等食○諭內閣奉

皇太后懿旨珍嬪晉封為珍妃所有應行事宜著各該衙門察例具奏○又諭程祖洛奏查明豫省軍船向無設教扶創等事並附陳稽察南漕水手處分科條不宜過嚴期於法在必行一摺前因糧船水手有設教斂錢滋事之案降旨令有漕省分督撫籌議章程茲據程祖洛奏豫省漕船為數本少程途復近與南漕迥不相同每年所用水手均係隨時暫雇計自開赴水次以至抵通皆隨雇隨即遣去由運弁開造姓名籍貫送糧道等查覈易於約束從無立教爭執等事是豫省軍船章程毋庸另議更張惟在該撫嚴飭糧道及押運丞倅運弁慎密稽查勿稍疏懈至所奏江

浙等省糧船水手向有老官之名設教拜師等事其設教本為斂錢樹黨與實在習教匪徒不同一經滋事官弁等畏惡諱匿藐法者益取其弊不在立法之不善而在行法之無人現在覈定章程處分似應從輕科條不可太重惟在實力稽查有犯必懲等語前此程含章議奏稽查水手章程意在從嚴而程祖洛所奏又以處分科條既重則諱飾消弭之弊愈深各省情形不同總期歸於一是著吏

兵二部將程含章及程祖洛所議各摺應如何立定章程折衷詳覈另行妥議具奏尋議奏糧船水手人多勢眾易生事端儻畏惡不挈必致肆行無忌自應將該管各官嚴定處分明示獎勵請嗣後遇有水手糾眾殘殺之案押運領運及地方文武各官畏惡不挈均照溺職例革職若立時挈獲免其失察處分並將辦理妥速之員按其所獲名數每名給與紀錄一次挈獲四名者加一級所有河南



巡撫程祖洛奏請科條不宜過嚴之處應無庸議從之○癸亥

太宗文皇帝忌辰遣官祭

昭陵○

上詣綺春園問

皇太后安○諭內閣前據英和奏通籌漕河全局請暫雇海船以分滯運酌折額漕以資治河當交有漕省分各督撫等悉心議奏嗣據各督撫等詳晰籌議安徽江西湖廣離海較

遠浙江乍浦寧波海口或不能停泊或盤剝費鉅惟江蘇上海商船據琦善等奏可以暫行海運已有旨交議籌辦矣其折色一節據程含章奏窒礙難行請仍收本色琦善李鴻賓陶澍楊懋恬嵩孚等均以為弊竇叢生請收本色由州縣變價歸工惟成格張師誠因全收折色不便於民請以本折各半徵收朕以漕糧為天庾正供徵收本色由來已久改收折色易滋弊端所有江蘇安徽浙江湖廣

折漕一節已降旨毋庸議並將該督撫等變價歸工及本折兼收之議概予駁斥仍令江西省再行妥議尚未奏到現當秋獲登場各省將次徵收漕米喫緊之時若耽延時日不早定議恐不肖官吏藉端影射舞弊病民所關甚鉅著通行曉諭有漕省分各督撫所有應徵漕糧仍照向例徵收本色毋得藉口折漕致滋擾累並著琦善嚴煥體察情形明年各省軍船行抵江境應如何渡黃運通自應早為計及通盤籌畫據實具奏並咨會各該省督撫妥為辦理俾不致臨時周章總期無誤開兌日期又能全數抵通方為妥善將此通諭知之○大學士直隸總督蔣攸銛奏查天津自開海運以來原有商船五百餘隻請領船票糧照前赴奉天採買糧石此外又有漁船五百餘隻船身大小不等應請將樑頭一丈以上之漁船照商船領給票照前往販運其樑頭一丈以下船隻如有不畏航海准

其領照販糧至專業捕漁不敢航海未領糧照者若潛赴奉天販糧查出究辦並許當差商漁各船指名稟首得旨依議妥辦務要認真○甲子									
萬壽節遣官祭									
太廟後殿○遣官祭									
福陵									
昭陵									
昭西陵									
孝陵									
孝東陵									
景陵									
泰陵									
泰東陵									
裕陵									
昌陵○遣官祭									
孝穆皇后暫安園寢○遣官祭									
顯佑宮									

清 實 錄 道光五年八月

東嶽廟									
城隍廟○									
上詣									
安佑宮行禮詣綺春園									
皇太后前行禮○御正大光明殿皇子及王以下文武大臣官員蒙古王公並越南國使臣等行慶賀禮○御同樂園賜皇子及王以下文武大臣蒙古王公並越南國使臣等食○諭軍機大臣等昨有旨令各省有漕督撫漕糧仍照例徵收本色毋得藉口折漕致滋弊竇本日復據成格奏江西額漕覈計七十萬有奇距河距海均千餘里而遙且地極卑溼若仍徵本色恐來年停運存貯易致徵變請全數改徵穀石如明春照常濟運即飛飭各州縣趕緊礮碾上兌如仍有阻滯責成州縣變價銀錢並解其穀石不及變價者妥為存貯以待下次礮碾搭運等語漕糧徵收米石由來已久今欲計米徵穀恐不肖官吏以改									

三九三

折為名。藉端浮收。勢所不免。若謂該省卑溼。米石不能存貯。試思京通各倉。分貯漕米。陳陳相因。積至數年之久。尚不致遽行霉變。且徵收穀石。屆時始令動碾。勢必緩不濟急。再州縣多此一番礮碾。夫工飯食。又將藉口賠累。至所稱銀錢並納。必至抑勒紛擾。所奏著毋庸議。該撫仍遵前旨。照例徵收本色。隨時咨查江南湖河情形。如明春照常濟運。即全數開兌。啓行。儻少有阻滯。仍著妥為存貯。以俟下年搭運。或米石不堪久貯。再行籌議變價。解歸司庫。聽候動撥。不得輕率改易舊章。致滋流弊。江西省收漕較早。該撫現已調任廣東巡撫。如接奉諭旨。業已起程。即移咨護理巡撫。嵩溥遵照辦理可也。將此諭令知之。

○乙丑

太祖高皇帝忌辰。遣官祭。

福陵。○緩徵長蘆鹽政所屬鹽山。青。二縣並嚴鎮。海豐。二場。被旱。被水。竈地額賦。○丙寅。秋。

分夕。月於西郊。遣順承郡王春山行禮。○署漕運總督穆彰阿奏。清查未結控案。嚴催逮訊。得旨。所奏均悉。因循疲玩之習。永不悛改。甚屬可恨。汝當力挽頹風。一切從實辦理。勿稍姑容。勉之。○丁卯。

上詣

宴佑宮行禮。○詣綺春園。問

皇太后安。○諭內閣。琦善等奏。覆勘水利工程。

查驗如式。並將辦工各員履覈定議。一摺。江蘇興辦太湖水利。前據魏元煜等奏。驗收黃浦一路。挑工完竣。請將辦工各員分別留工。議處議敘。降旨。交琦善等覆覈具奏。茲據該督等查驗各工。並無偷減虛糜情弊。訪查承辦各員。尚屬認真。惟所辦工程。較原估祇四分之一。工段無多。所有蘇州府知府額騰伊。前任松江府知府楊樹基。前署青浦縣李宗。額前署華亭縣王青蓮。及隨同辦工之嘉定。

縣縣丞姚大成均著毋庸議。欽。至總催工程之蘇州府總捕同知范博文。專司總局之知州銜長洲縣知縣現任蘇州府督糧同知俞德淵。經理均屬得宜。俱著交部從優議。欽。其咨補靖江縣巡檢周恭壽。青浦縣巡檢方景雯。候補主簿陳德培。隨同估濬。始終竭力。周恭壽。方景雯。俱著儘先升用。陳德培著無論繁簡。遇缺即補。降調道員沈惇彝。估催工段尚為出力。亦著交部議。欽。毋庸留工差委。即飭令該員赴部候選。婁縣知縣徐夢熊。承辦工段。尚無貽誤。惟辦理稽延。著交部察議。該部知道。○諭軍機大臣等。陶澍奏。吳淞江口所建石閘。有害無利。老閘甫成。即起新閘。亦止虛設。難於下版。徒有歲給閘夫銀兩。毫無實濟。應行拆除等語。吳淞江為江浙水利關鍵。原建閘座。本為禦潮而設。若果如該撫所勘情形。不但不能禦潮。轉足以阻礙船行。停滯沙泥。自應拆除。以利水道。惟當時屢次建

閘。自非無因。且現有議以為利者。亦未可遽行拆去。著該撫與琦善再行詳勘情形。細心商榷。如果必應拆除。另行飭司妥議。確估辦理。此閘經歷有年。且現在南河興舉要工。即從緩辦。亦無不可也。將此諭知陶澍。並諭琦善知之。○改直隸易州州同為分駐上陳州同。宣化縣雞鳴驛丞為化稍營巡檢。懷安縣萬全驛丞為柴溝堡巡檢。懷來縣土木驛丞為多倫諾爾廳白岔巡檢。青縣流河驛丞為遷安縣沙河巡檢。裁上陳驛丞。並宣化府司獄二缺。從大學士總督蔣攸銑請也。○戊辰以翰林院侍講羅家彥。充日講起居注官。編修聶銑敏。署日講起居注官。○己巳。諭軍機大臣等。程含章奏。臬司王惟詢自縊一案。續訪據巡撫署內茶夫沈泳等供稱。該臬司自屍場赴院稟見時。與該署撫黃鳴傑談論。兩人聲氣皆大。黃鳴傑拍案生氣。屬實。並詢據伊家人方桂等供稱。該臬司審訊徐蔡氏婢

女時。令其比試自縊情狀。即有將來我亦如此之言。迨福建件作比試。挖死情形。該司即比挖其頸。神情恍惚。行坐不安。該家屬晝夜防範等語。王惟詢因特交審辦之案。檢訊未得端倪。遽爾輕生。原非情理所應有。惟既據該撫歷次訪訊情形。並無逼迫致死根據。即續訪黃鳴傑向該臬司拍案生氣。實有其事。亦何致逼斃其命。是該撫所奏。該臬司實由情急心迷所致。尚屬可信。黃鳴傑現已另案革職。著免其再議。至徐蔡氏一案。該撫自到任以來。審訊已三月有餘。且已履行開檢明確。何難定讞奏結。乃任聽該犯等供詞狡展。遷延觀望。至數月之久。瞻前顧後。畏首畏尾。實屬不成事體。著該撫督飭該臬司祁璜。速行嚴鞫。務得確情。即據實定擬具奏。不得再有延宕。致干咎戾。懍之慎之。將此諭令知之。○浙江巡撫程含章奏。嘉白杭三兩幫糧船水手滋事案犯。飭委降調糧道李宗傳。已革

嘉興府知府羅尹孚。秀水縣知縣徐起渭。副將慶康。都司吉元志等。購線緝獲多名。得旨查拏甚屬認真。但其中又不免有取巧之處。○庚午諭內閣。英和現往查工。步軍統領著綿課暫署。○辛未上詣綺春園問皇太后安。○諭內閣。本年乙酉科順天鄉試。四字號應廣額十五名。南北四著各廣額七名。其零數一名。即作為中四廣額。○壬申。諭內閣。長齡等奏。請將經理邊防之同知量加鼓勵等語。雲南車里土司刀繩武。前因緬目誘往該國。逗留日久。經騰越同知胡啓營曉以天朝法度。俾緬夷即派目將該土司護送進關。洵屬急公能事。據長齡等查明該員建築碉堡。置買練田等項。控馭邊防。經理得宜。請以應升之缺升用。該員前已准升騰越同知。奏明展限赴部。著俟引見後。再降諭旨。該部知道。○又諭。程含章奏。州縣各官養廉。請暫

由司庫支放一摺。浙江省各州縣遇有捐廉津貼各款。先由司庫墊發。頻催不完。以致新舊欠日積愈多。自應亟為清釐歸款。著准其援照成案。將州縣各官養廉。自道光五年秋季為始。暫行解司。按季請領。俾隨時扣歸墊款。所扣銀兩。仍飭該藩司先儘本任新捐。次及陳欠。統俟扣清後。再行奏明。仍歸州縣留支。該省各州縣養廉。向係隨同起運耗羨銀兩。解司支發。統計完欠。歸併奏銷案內覈參。

議處。仍著照舊章辦理。該部知道。○諭軍機大臣等。長齡等奏。緬甸國王遣送車里土司刀繩武進關。籌酌辦理一摺。普洱府思茅廳屬車里土司刀繩武。於道光二年被緬目誘往孟艮。經該國王令將刀繩武送回。而刀繩武以伊叔刀太康經人離間。未敢回歸。其子年幼。暫令該土司之妻刀氏護理土職。茲據該督等奏稱。該國王派大頭目護送刀繩武。及土弁刀燦星進關。實屬恭順。該土司訊

因奸夷召士鼎挾嫌播弄。又以叔姪夙隙。心生疑慮。尚非有心逗留。該土司年力正壯。近支又無要幹。堪以承襲之人。著仍飭刀繩武回任。以觀後效。並著該督等嚴飭該土司。嗣後務當慎守厥職。率同族目。妥為撫戢夷眾。以固藩籬。而免咎戾。並根查刀太康下落。使叔姪敦睦如初。免滋釁端。其土司印信。已據呈驗。著仍給該土司鈐用。前給刀刀氏護理鈐記。即令繳銷。其在逃逸犯召士鼎。嚴緝務

獲。照例懲辦。至該省先行籌備邊費銀十萬兩。存貯司庫。以為防邊雇練之用。所有先後調派思茅寧洱二廳縣巡防兵練。借支鹽糧折銀。著准其在庫貯邊費項下動支。照例題銷。將此諭令知之。○大學士雲貴總督長齡等奏。據戶部咨稱。滇省額解京銅。每年正運四起。加運二起。擬將丙戌年加運二起暫行裁減。俟丁亥年仍按舊額辦解等因。查各廠鑄民。歷係照額領本。核計人工。招丁採辦。今

丙戌年擬減額銅三分之一。辦銅既少。工本亦應減發。鑪民需用砂丁。即須隨時減撤。而次年即仍須照額攻採。誠恐砂丁減撤之後。一時招集為難。於廠務不無窒礙。惟有將丙戌年減辦兩運京銅。分於本年來年兩起減辦。庶與每年原額不甚懸殊。砂丁不致遽形失業。即丁亥年各廠趨復原額時。亦可免辦理掣肘。從之。○癸酉。修福建福寧府教場演武廳。從總督趙慎畛請也。○除湖北漢陽縣泥灘地一千二百六十二頃有奇。升科銀。○甲戌。

上幸萬壽山。○遣官祭賢良祠。○順天府以宗室鄉試中額請得旨。取中九名。○予福建出洋遇賊被戕把總劉高山祭葬卹廕。兵丁陳國祥等三名賞卹如例。○旌表守正捐軀山東高密縣民孫正旺女鮮嫗。○乙亥。濬山東蜀山湖永定單閘引渠。從署河道總督張井請也。○旌表守正捐軀山東寧陽縣民孫有

德妻張氏。○丙子。諭內閣。河南省兗徒支大秋。糾眾攜帶槍械。尋毆致傷蘇驃子。越三十一日身死一案。刑部現辦秋審。查出嘉慶五年以後。有四川省任彥英。浙江省王阿四。及廣東省陳阿虎。邱阿會等案。皆係照湯火傷正限外身死。請旨減等。亦將支大秋一犯。援案請旨定奪。並聲明該部上年覈覆時。漏未詳查。聲請交部議處等語。火器傷人。雖無保辜期限。若照湯火傷正限比擬。又未免輕重失倫。嘉慶五年以後。雖有四川等省減等成案。其嘉慶五年以前。該部於此等案件。作何辦理。著即詳悉查明具奏。再降諭旨。尋奏。查乾隆年間。有福建省李尚敬。江西省楊蒂恩二案。一係擅殺罪人。一係致死伊妾。均與此案不同。請嗣後因事爭鬪。擅將烏槍竹銃施放。殺人悉照故殺本例。擬斬監候。入於秋審情實。酌量聲敘。不得仍援湯火傷保辜死在限外成案。聲請減等。此次支大秋一犯。仍照



原擬斬候。入於本年秋審情實。辦理得旨允行。○調正紅旗蒙古副都統花沙布為廣州漢軍副都統。以正紅旗滿洲參領額勒錦為正紅旗蒙古副都統。○丁丑。

世宗憲皇帝忌辰。遣官祭

泰陵。○

上詣

安佑宮行禮。○戊寅。諭內閣。陸以莊等。承修

天壇外圍牆工程完竣。經原估大臣禧恩等查

驗如式。著照工部原奏。牆內仍交太常寺責

成。壇戶人役稽查。牆外交步軍統領衙門派

兵看守。隨時巡邏。以昭慎重。近日

先農壇有被竊獸面挺鉤之案。此外

壇

廟地方。保無有防守懈弛之事。著步軍統領衙

門。太常寺。一體嚴飭該管兵役。慎密巡防。如

有偷竊拆損情事。即據實奏明懲辦。毋稍疏

懈。○命廣州漢軍副都統花沙布。仍兼委散

秩大臣。○旌表守正捐軀安徽壽州民董立道妻張氏。○己卯。

上詣綺春園問

皇太后安。○諭內閣。程含章奏。要案審出實情。

將從前推諉相驗。及檢驗不實各員。分別奏

叅一摺。此案德清縣民婦徐蔡氏。被徐倪氏

勒斃。案懸三年之久。經該撫等審出實情。甚

屬認真。所有不行相驗之原任德清縣告病

知縣黃兆蕙。原任武康縣丁憂知縣慶辰。俱

著革職。檢驗不實之湖州府知府方士塗。杭

州府知府任蘭祐。署溫州府事候補知府趙

學輟。東防同知呂榮。西防同知呂璜。俱著解

任。應行引見之歸安縣知縣馬伯樂。原任烏

程縣丁憂知縣楊德恆。俱著扣留。交該撫督

同臬司祁項。提齊原檢刑件人等。嚴審確情。

務期水落石出。無使稍有不實。不盡。按律定

擬具奏。○諭軍機大臣等。本日據程含章奏。

要案審出實情。將從前推諉相驗。及檢驗不



實各員分別叅奏一摺。已明降諭旨。將黃兆蕙等分別革職解任扣留。交該撫提訊矣。德清縣民婦徐蔡氏被徐倪氏勒斃一案。懸宕至三年之久。該省地方官總未審出實情。並大小各員。通同一氣。牢不可破。王惟詢以臬司大員。因此自縊。殊出情理之外。茲據該撫督同臬司祁項設法嚴訊。將案內親切要證獲案。審出勒斃實情。歷歷如繪。俾覆盆之冤得以昭雪。查辦甚屬認真。可嘉之至。此案先

據湖州府兩次檢驗。該屍兩耳根骨有順上紅色血暈。定為自縊。今據該撫覆驗。耳根骨並無傷痕。項頸骨後面血暈。又為原檢所無。此等緊要部位。該委員等從前檢驗時。何竟如此草率。至黃兆蕙於屍親呈報時。祇係偶爾感冒。近在本城。自應即時詣驗。乃輒稟府委驗。希圖諉卸。前任武康縣知縣慶辰率以屍腐為詞。不行相驗。致徐蔡氏屍身屢遭蒸檢。均屬玩視人命。此等劣員。難保無婪贓故

出情事。該撫接奉此旨。即督同臬司祁項將全案一千人證。不避嫌怨。嚴行審訊。務令水落石出。現雖罪人斯得。而從前承審各員。尤當逐一嚴究。毋稍徇縱。以儆官邪。而昭炯戒。方為不負委任。如解任扣留各員。續經訊出得贓情弊。有應行革審者。該撫即一面將該員革職。一面奏聞。務得確情。以成信讞。儻經此次審訊。仍有不實不盡之處。或經朕別有訪聞。則惟該撫及該臬司是問。懷之慎之。將

此諭知程含章。並傳諭臬司祁項知之。○又諭本年江省滯漕二百萬石。節經琦善等奏准。以豫東軍民船隻接運。其江廣各幫軍糧。請用江南回空首幫赴河口接運。浙省贖漕。仍用山東初運剝船折回剝運。俱經准行。嗣據奏先後共運過米六十八萬石有零。俱經挽入東省。兌運開行。此外未運軍米。尚有一百餘萬石之多。並未經該督等奏到。何時受兌起運。殊殷盼切。頃據張井等奏。運河水勢

充足。空重船隻暢行無阻。淮安頭等幫於八月初二日趨出東境。在後各幫跟艚南下。現已陸續行抵江境等語。刻下節屆寒露。為期甚迫。前項船隻計已趕赴河口。著琦善等即僉派妥幹員弁督率人夫趕緊盤運。俾得及時受兌。迅速開行。並著張井等於軍船經過東省時。隨時啓放開壩。催令銜尾前進。並嚴飭文武員弁竭力催趲。不許稍稽時日。運河水勢消落靡常。且天氣漸寒。冰霜可慮。若辨

理稍有遲滯。屆時徒以水勢消耗。河干凍阻為詞。則是該督等大負委任之意矣。至接運船隻及官民剝船需用水手。前已有旨令沿途派員彈壓。毋任藉端滋事。該督等務隨時留心防範。總期漕行無誤。而水手等復能安戢。方為妥善。將此各諭令知之。○辛巳諭內閣。德英阿等奏籌議成都滿營養贍孤寡銀兩一摺。成都滿洲駐防兵丁生齒日繁。其孤寡人等現無養贍銀兩。殊堪憫惻。著加恩將

滿營寄存藩庫馬價銀五千六百兩。再借撥鹽茶耗羨項下銀一萬四千四百兩。湊足二萬兩。發地方官交殷實富戶。以一分生息。每年計息銀二千四百兩。作為養贍八旗孤寡之用。著自道光六年正月為始。每名口按月給銀一兩。除一年支發外。所贖息銀於年終儘數解交司庫。陸續歸還原款。並將支過銀數造冊送部覈銷。該將軍等仍嚴飭該協領等隨時稽查。俾八旗孤寡均霑實惠。斷不許

稍有浮冒。用副朕矜恤煢獨之至意。○壬午諭內閣。程祖洛奏酌擬遞調道員一摺。道員職任監司。向無輕議更調之事。至居官之賢否。才識之短長。亦必須久於其任。方能察識周知。現任南汝光道王家相。河陝汝道蔣明允。糧鹽道慶綱。俱於本年甫經抵任。其才具優絀。豈能一覽而知。且該省漕糧尚未啟徵。何以即知慶綱經理未能得當。該員如不勝糧鹽道之任。即調任河陝汝道。亦安望其辦

理裕如該撫惟當留心察看如慶綱將來實不稱職不妨隨時據實劾奏若豫料其不能勝任率請量移輕議更張殊未允協且似此紛紛改調恐啓為人擇缺之弊亦不可不防其漸所有該撫請將王家相調補糧鹽道蔣明允調補南汝光道慶綱調補河陝汝道之處俱不准行○諭軍機大臣等琦善等奏覈議明歲新漕盤壩接運及豫籌微山湖蓄水事宜一摺本年盤壩接運業經辦有章程江

南首二進幫船均未經渡黃歸次明年自應堅守禦黃壩提用江省各幫回空船隻盤壩運通除江寧揚州淮安徐州通州海州等四府二州明歲新漕各歸本幫兌收盤運及各幫內有滿號九運等船應均扣除外所有首二進並減存在次江北各幫船二千二百三十餘隻盤運浙江安徽江西湖廣等省漕米足數應用著該督等臨時通融辦理前降旨令有漕省分各督撫所有明歲應徵新漕仍

照向例徵收本色並令琦善等體察情形咨會各省妥為辦理著該督等仍遵前旨即知照各省並嚴飭各該省押運員弁沿途加緊催趲以期及早抵壩迅速盤運並著以重運到壩之先後隨到隨盤不拘幫次其接運經費除江寧等府州係本幫受兌毋庸籌款並各州縣剝運抵壩水腳等項業經另籌毋庸請帑外其餘接運外省漕糧即照本年所定水腳等項銀數辦理各軍船並准照例攜帶

土宜免其納稅俾旗丁稍資接濟其各船應給水手往返口糧由各省旗丁於應領錢糧內付給沿途提溜打聞亦由各省旗丁自行開發並將接運幫船每船應給食米一石亦令各省旗丁實給毋庸折價其津貼三分著即裁減餘俱著照本年軍船接運章程辦理其江省盤壩處所高坂頭禦黃壩順清河吳城七堡等處分路盤剝著均勻牽算以每石二分八釐覈計所需帑銀一百萬兩著屆期

具奏請旨准其籌款動撥該督等惟當竭力節省總期全漕無誤帑項不致浮糜方為不負委任至山東微山湖為南北濟運水樞本年自三月啓壩空重軍船往來絡繹雖前據張井等奏運河水勢充足空重船隻暢行無阻第本年全漕運出東境尚須消耗明歲空重幫船又須往返數次終年宣洩耗水尤多前有旨令張井等隨時收蓄以資利濟茲該督等恐明年收蓄不敷濟運於道光七年全漕所關甚鉅自宜為未雨綢繆之計所有本年首進船隻於抵通交卸後即在山東臨清閘外衛河一帶停泊守凍不必年內回江一俟東省漕糧過竣即著照挑河計明年接運新漕六月內自可盤竣趕築湖口大壩並於朱姬莊築做攔壩設法收蓄以補消耗其明年各幫回空亦令先於臨清閘外暫行停泊八月後察看湖水已充再行啓閘打放南下俾微山湖得資儲蓄而幫船仍不誤歸次

於河漕均有裨益至糧船水手該督等遵照前旨沿途委派妥幹員弁於船行及停泊守凍隨時稽查彈壓務令沿途安戢勿使滋生事端此為至要將此各諭令知之○安徽按察使裕泰奏報到任日期得旨滿招損謙受益汝其戒之○癸未諭內閣御史王雲岫奏申明海防事宜一摺巡緝洋面設有章程必應實力奉行以靖奸宄如該御史所奏巡哨將弁不過屆期而行及界而返有高懸官軍旗號俾蹤跡可疑之船旁道暫避者有途遇可疑之船並不盤詰者至匪徒棲泊之區尤弗暇問此皆巡洋不力相安偷惰於奸匪藏匿處所既未周知何能擒辦著近海省分各督撫提鎮等嚴飭巡洋將弁實力稽查於匪船停泊巢穴密偵撿捕毋稍疏縱如有前項情弊即行據實嚴叅至偷漏之弊尤應剔除該御史奏稱奸船必資料糧或漁舟陰載內米或商船多載食米皆可接濟其尤甚者米

商往往貪圖重利中途私賣由於濱海各官並不稽查糧照之故近聞設立海差其米商領票領照不過由海差斂取陋規即行發給聽其私賣且在收糶地方多糶少報希圖詭避正稅開載既已失實稽查又不認真匪徒得以藉資劫掠尚復成何事體並著各該督撫嚴飭該地方官隨時認真稽查以杜弊端至該御史所奏有巡檢不居海口而僦居城中者海防同知巡防是其專責近來視為閒員有經年留居省城者著一併飭禁務令各官身親查察以重海防來年辦理海運各該提鎮出哨巡查尤應倍加周密巡洋將弁等如有畏葸偷安者即行叅辦儻有疏虞惟該督撫及該提鎮等是問決不寬貸○又諭程含章奏要案首犯於取供後在監自縊請將疏縱之典史知縣分別革職解任一摺此案德清縣民婦徐蔡氏被徐倪氏謀勒身死案懸三年之久該省承審各官總未能究出實

情經程含章督同臬司祁項將徐倪氏因與徐蔡氏之夫徐敦誠通姦被徐蔡氏撞見用言譏誚起意謀勒致斃情由究出已據各犯證供認屬實正項嚴行究擬明正刑誅方足以懲淫兇而彰國憲乃犯婦徐倪氏於取供後自縊身死若非鬆放刑具該犯婦何能自解包頭怕縊斃顯有受賄故縱情弊該管各官並不豫飭刑禁人等嚴加防範玩視公事甚屬可惡非尋常疏縱可比錢塘縣典史劉椿著革職拏問錢塘縣知縣汪仲洋著革職交該撫督同臬司祁項提齊刑禁人等嚴審究辦加重問擬程含章入閣監臨於此等要犯即應豫飭該管官小心看守臬司祁項承審此案且經該撫令其趕緊研審供詞確鑿業已審定屬實尤不應如此疏忽程含章著傳旨申飭祁項著傳旨嚴行申飭務將全案犯證徹底嚴究並著速行訊結按律定擬具奏如耽延時日再有疏虞惟該撫與該臬司

是問恐不能當此重咎也。○甲申諭軍機大臣等昨據程含章奏德清縣民婦徐蔡氏命案訪拏見證幼婢桂香到案審出徐倪氏因與徐蔡氏之夫徐敦誠通姦被徐蔡氏撞見用言譏誚徐倪氏起意謀勒該氏身死與婢女秋香商量趁徐蔡氏臥病在牀同進房內關閉房門將徐蔡氏用繩勒死秋香幫同按手隨後向徐寶華徐敦誠告知實情因恐蔡家不依捏為發痧身死後來檢係自縊亦即認為自縊訊之婢女秋香及徐倪氏等供認不諱徐倪氏於畫供後在監內用包頭帕自縊身死等語此案懸宕三年之久該省大小各員通同一氣牢不可破開檢兩次迄未驗出真傷承審各員總未究出實情現在甫經審出謀勒情由而犯婦徐倪氏旋即在監自縊顯有鬆放刑具受賄故縱情弊並恐該省官吏前此有婪贓舞弊情事慮徐倪氏供出因而致死滅口再原檢原審各員何以聯為

一氣固結不解浙省吏治民風敝壞已極此次程含章等審出各情節有無不實不盡徐倪氏自縊身死有無別情其原檢原審各員曾否有受賄故出情弊程含章等是否有意存徇隱化大為小之處著王鼎逐一密加訪察明確據實具奏斷不可因程含章業經審明具奏稍為遷就著該署侍郎於拜摺後暫緩起程俟接到批摺再行來京副考官趙炳出關後令其先行回京覆命可也將此諭令

知之

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十七

寶錄卷之七

7

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十八

監外職官等擬定員缺赴府居住云云未便徑令開大學士又滿洲國事務理一報事務上書房總辦翰林院掌印學士等處  
天府尹事務添帶加三級紀錄十八次員參補授教習從選推官文升尚書銀庫監察御史都察院理新營內務府大臣稽俸四  
七倉大員稽俸各員四部筆算添加一級隨帶十六次軍功加三級紀錄五次月號網經送覆官又滿洲謀業聞事兵部尚書魏光燾  
內務府大臣領銜撰滿洲附說稽俸十七倉六管理宗人府銀庫之章其學 聖恩旨國圖經等處特派知縣奉恩縣知縣馬為良  
養院及刑部成書卷每冊加十八款日阿塞阿勒魁克官亞達讀書兵部尚書應帶加五級紀錄二十次正月朔始等奉

敕修

道光五年乙酉九月乙酉朔禮部奏十月初

十  
日○

皇太后五旬聖壽節應行禮儀得旨是照例行禮筵宴○命陝甘總督那彥成來京陛見以陝西巡撫鄂山署總督布政使鄧廷楨護巡撫調大學士雲貴總督長齡為陝甘總督閩浙總督趙慎畛為雲貴總督以福建巡撫孫爾準為閩浙總督調雲南巡撫韓克均為福建巡撫以前任山東巡撫伊里布署雲南巡撫調江西巡撫武隆阿為山東巡撫以雲南



布政使韓文綺為江西巡撫湖南按察使王楚堂為雲南布政使河南河北道吳光悅為湖南按察使○旌表守正被戕湖南瀏陽縣民吳振貴妻劉氏○丙戌

上詣綺春園問

皇太后安○諭內閣御史楊煊奏

堂子正牆外之矮護牆近因雨水較多向北間有坍卸殘缺之處向南已坍卸至二十餘丈等語著工部即行查勘估修○吏部奏都察

院筆帖式麟魁輪選堂主事到班該員復中

式癸未科貢士因丁憂未經殿試可否俟朝考引見後再行辦理得旨麟魁著暫停銓選

俟明年補行殿試引見後再行照例辦理○

旌表守正捐軀山東濟寧州民李八聘妻葉

氏○丁亥

上詣綺春園問

皇太后安○御洞明堂勾到新疆雲南貴州廣東情實罪犯停決新疆斬犯二人絞犯一人

雲南斬犯四人絞犯二人貴州斬犯六人絞犯六人廣東斬犯十一人絞犯七人餘八十九人予勾○諭內閣本日勾到廣東等省情實各犯內官犯齊瀾一起朕詳閱招冊內該犯以管庫之員膽敢假造文領描摹印信兩次冒領庫銀數至逾萬作奸舞弊藐法已極罪無可寬即予勾決以昭炯戒因思該犯兩次冒領俱係升任藩司蘇明阿任內之事上年定案時因係蘇明阿自行查出稟辦姑照

部議降四級留任僅銷去紀錄從寬免其降級今查此案情節甚重蘇明阿兩次失察至冒領一萬二千兩之多非尋常疏忽可比豈可復勝巡撫之任蘇明阿著即開缺降為藩司以觀後效各省倉庫錢糧乃藩司專責慎重出入豈容稍有侵虧况係藩司本庫尤不應毫無覺察嗣後務當實力查覈盡心勾稽無使官吏弄巧無法如再有似此冒領之案必將藩司嚴加懲處決不寬貸○以江西布



政使嵩溥為貴州巡撫未到任前命布政使吳榮光護理以降補布政使蘇明阿為江西布政使○修廣東撫標左右二營軍裝從總督阮元請也○戊子遣官祭

都城隍之神○諭內閣前據英和等會奏八旗滿洲餵養圈馬四百匹請改撥巡捕營責令滿洲蒙古馬兵演習騎射業經降旨改撥並令將分營拴養抽撥操演各章程議奏茲據英和等奏請抽撥兵丁勤加演習著照所

請此次賞給馬四百匹著分派五營拴養此項馬匹疲羸者多著於步軍統領衙門營馬內通融挑選一百匹備用其操演兵丁著按各營均勻抽撥五營新添槍兵什長及各項技藝並舊設槍兵什長共兵一千七百零五名先儘滿洲蒙古馬兵年力精壯者派撥如不足數再於漢軍馬兵內務府馬兵民馬兵內一體挑取技藝選派教習什長等教演弓箭槍牌等項陣式倣照八旗及各省綠營之

制辦理其善撲過馬既無實用著即裁汰小過堂一項現無幼丁將來應否增添再行酌辦所有操演需用之鳥槍火藥等件照例行取弓箭鞍韉藤牌旗纛號衣等件即動用朋扣項下銀兩製辦所需公費及操演飯食等項仍照舊例分別技藝頭二等支給及會操飯食冊檔等項每年需銀二千二百餘兩著即於朋扣項下動用如數不敷即於兩淮項下補足除五六月照例停操外其餘各在本

營按期操演每月五營會操一次春秋二季著步軍統領會同左右翼總兵自行閱看分別勸懲餘月分派司員不時嚴查英和等當督率五營將備勤加演習三年後朕親臨閱視以詰戎行務令技藝嫻熟悉成勁旅毋使日久生懈有名無實至此項新撥到營馬四百匹責令兵丁操演兵部毋庸調取協濟俾該兵等常川練習以歸實用該部知道○己丑

上詣綺春園問

皇太后安。○諭內閣。都察院奏直隸灤州絞犯李華。遣抱告錢復初。以挾嫌誣害刑逼問抵等語呈控。此案據秋審招冊。李華因吳魁向伊索欠爭毆。致踢傷吳魁腎囊殞命。將李華依律擬絞。入於緩決。今該犯遣抱告呈訴。吳魁之死。實係同姓同名之李華踢傷。因李尚中挾嫌。串合屍妻王氏砌詞誣控。該州並不追究教唆之人。惟事刑拷。以致無辜擬抵。並

官吏幕友索詐銀一千三百餘兩。案關人命。出入著交蔣攸銑。督同臬司王庭華親提嚴訊。按律定擬具奏。抱告錢復初。該部照例解往備質。尋那彥成奏覆。訊李華實係正兇。仍照原擬絞候。因革監候。嚙代寫呈狀。誣指同姓同名之瞎李華踢死吳魁。及李尚中挾嫌串唆。官吏幕友詐贓等情。訊無其事。候嚙應按律發近邊充軍。錢復初受雇誣告。應予杖徒。下部議從之。○刑部奏。現行舊例酌加修

改二條。請嗣後勘問謀殺人案內。為從同謀下手助毆加功者。俱依從而加功律擬絞監候。不得以被逼勉從。尚未成傷。量予減等。至械鬪案內。聽從糾鬪下手斃命之犯。仍各依本律擬抵。秋審時照共毆謀毆之案。將致斃四命以上者。擬入情實。其隨從傷人及未傷人之犯。亦各按律問擬。不得減等科斷。從之。○馬蘭鎮總兵官廣泰。以疾解任。賞正品頂帶署泰寧鎮總兵官慶惠。二品頂帶。為馬蘭

鎮總兵官。兼總管內務府大臣。辦理

萬年吉地工程。以兵部左侍郎鑲紅旗漢軍副都統寶興。為泰寧鎮總兵官。兼總管內務府大臣。轉兵部右侍郎奕經。為左侍郎。以內閣學士貴慶。為兵部右侍郎。○以委散秩大臣敬敷。為鑲紅旗漢軍副都統。○以漕標候補備弁差遣數用。命兵部暫停一年分發。○旌表守正捐軀山西文水縣民武直經女二女。○添備河南各廳稽料二千垛。山東曹河糧

河二廳稽料五百垛從署河道總督張井請也○辛卯遣官祭

歷代帝王廟○命秦寧鎮總兵官寶興為恭守

昌陵領侍衛內大臣○旌表守正捐軀四川崇寧縣民文登貴妻易氏○給陝西綏德清澗榆林懷遠四州縣被雹災民一月口糧○緩徵本年下忙額賦仍貸綏德清澗長武三州縣貧民籽種○壬辰

上御洞明堂勾到四川情實罪犯停決斬犯三十四人絞犯十四人餘九十八人予勾○諭內閣琦善奏請將運京銅鉛盤壩換船接運赴通一摺滇省癸未年加運一二起正運四起暨甲申年正運一二三起京銅及黔省本年下運兩起京鉛各船業已行抵江境因黃水擡高湖水未足難以啓放禦黃壩原船不能抵通請將銅鉛全數起剝一律盤壩換船接運此內正運六起俱由江寧藩庫領過水

腳銀兩以為造船及雇覓水手之用其加運兩起亦由江寧鹽巡道循例撥用官舫給過水手工食等銀現經換載不用原船所有剝船水腳銀兩較運銅例價計正運六起每起約增水腳銀一千數百兩加運兩起所雇民船每起約增水腳銀一千餘兩該督懇請籌款借給著照所請將剝船水腳及起剝不敷經費均按覈定銀數先於河庫就近墊發即令趕緊雇船接運無任稽延該督即飭江寧藩司將河庫墊發銀兩照數撥還歸款准其報部作正開銷俟剝運完竣由該督將實用銀數咨部查覈其正運各員原領銀兩除自儀徵抵浦例准報銷運腳及守候工食等項外所有應變船隻應追工食俱令各運員留屬變追俟本員差竣回至江寧先將變追之銀繳抵原領之款如有不敷並與借給起剝經費均咨明滇黔各本省分別追撥解還至江寧鹽巡道發給工食本不由運員經手除

自儀徵裝載官舫至浦。空重往還。及沿途守候工食。照例報銷外。其餘由該道在各水手應領工食項下。扣還歸款。此後續到江南銅鉛船隻。應如何由浦運通。著該督隨時察覈辦理。該部知道。○又諭琦善等奏。請將蘇松常鎮太四府一州應徵道光五年分漕糧。全由海運。並議定運送兌收各章程一摺。海運事宜。前據琦善於抵任後。飭令藩司賀長齡赴上海查勘情形。會同妥議。嗣該撫陶澍於查勘水利之便。亦至上海。傳集商船面加曉諭。商情頗形踴躍。茲據奏。現雇有沙船一千餘隻。三不像船數十隻。計春夏兩次。可以運米一百五十餘萬石。著照所請。將蘇松常鎮太四府一州新漕。並緩帶漕糧。由海運抵津。其所議酌給沙船耗米一款。著即於例給旗丁耗米十八萬餘石內動放。所有節省耗米六萬餘石。並令隨同起運正耗米石一體運送抵津。又海運漕糧。無故短少。微變一款。著

查明如有所挽鬆。船傷斃人口情事。自應奏明免其賠繳。並照例優卹。若無故短少微變。即於備帶耗米內補足。如再不敷。勒令買補。以專責成。又驗米交米專派大員經理一款。著於兌運時。派委道府大員等逐一盤驗。將米樣貯桶。黏貼印花。交沙船帶津。以備欽派驗米大臣查對。並著戶部將沙船到津。在東門外交兌。限幾日收竣放行。即行議定具奏。其需用剝船。並著直隸總督飭屬先期多為雇備。隨到隨剝。俾沙船不致羈累。又沿海水師會哨巡防一款。除由該督臨時移行該提鎮將備統巡分巡外。著山東直隸各督撫。轉飭沿海水師提鎮。各按汛地。多撥哨船。分派將弁兵丁。巡防護送。並著該督屆期奏派武職大員二人。押坐商船赴津。以資稽考。其商船宜分別獎敘。及蘇松等府州軍船酌加調劑二款。俱著照所議辦理。又另片奏議覆御史熊遇泰條陳海運事宜六款。除該督等所

設章程已經議及外其海船押運到津經紀人等難免需索刁難請派親信大臣赴津驗收監兌一款尚為除弊起見著軍機大臣屆期奏請欽派一二員前往此外如有應行隨時酌辦之事該督等務當豫籌詳妥勿致臨時周章有負委任○又諭琦善等奏浙江等省滯漕全數盤運完竣即飭長運抵通一摺浙江安徽及江廣各幫漕糧前此滯留禦黃壩以南者共一百九十餘萬石經琦善等設法盤運現已全數剝竣長運抵通所辦甚好惟天津北河至通州一帶節節均有古淺新淤轉瞬節交冬令水落歸槽恐致淺阻著蔣攸銑即飭所屬先期多備剝船排列河干守候遇有淺阻相機起剝俾得迅速抵通其銅鉛船隻現亦經琦善等盤運北上如行抵天津一帶有應須起剝之處亦著該督隨時飭屬相機辦理以利儲蓄而資鼓鑄○又諭那彥成奏籌辦各屬義倉以資儲備一摺甘省

山多地曠陽雨稍不應時即致收成歉薄而邊民又拙於生計夙鮮蓋藏本年二麥普收秋禾亦稱大有自應乘時亟籌儲備據該督奏請勸辦義倉俾積貯饒多專為備荒之用所有口內各廳州縣除安西玉門敦煌等處設處開外情形與內地不同其餘州縣雖地方饒瘠不齊而設法勸捐多寡總有裨益現經該督及司道等分別捐廉買糧以為倡率並通飭所屬各就該處情形出示曉諭剴切勸導令民間量力捐輸並就其所捐糧數分別予以獎賞各屬民情踴躍辦有成效者已得三十餘處其餘各廳州縣可期年內一律辦竣所有議定規條著照所議辦理即交長齡飭屬實力奉行以期經久無弊嗣後每屆年終將一歲收除動存各數目由各州縣開送藩司覈報該督彙奏一次其勸捐各州縣如果辦理奮勉認真妥速事竣後著該督擇其出力人員奏請議敘以示鼓勵○江南蘇

松鎮總兵官雲天彪年老休致。以候補水師總兵官陳光求為蘇松鎮總兵官。○以漕糧盤壩接運出力。賞還河營參將張兆頂帶。餘升補議敘有差。○癸巳。

上詣綺春園問

皇太后安。○諭內閣。琦善等奏。稅課大使呈控。冒功補缺。及從中說合之運判各員。請分別革職解任一摺。六合縣稅課大使費堦。以伊前在東臺縣典史任內。拏獲王大等私鹽一

案。經前任泰州運判單壯圖說合。作為候補運判何道範拏獲。希圖冒功補缺。並自認遣丁告乞不遂等情。事關官員捏冒囑託。索詐不遂。不可不徹底嚴究。以肅官箴。費堦著革職。升補淮南監掣同知何道範著扣給引見。咨文海州運判單壯圖著暫行解任。交該督等提同案內人證審訊。務得確情。按律定擬具奏。其案內牽控之前任東臺縣現調上元縣知縣陳道坦。現任梁垛場大使吳紹沅。東

臺場大使董桂。如有應行質訊之處。亦著一併解任。歸案審辦。該部知道。○諭軍機大臣等。昨蘇松鎮總兵雲天彪休致遺缺。應放水師總兵人員內。祇有候補水師總兵陳光求。太湖協副將張兆麟二員。張兆麟因私役汛弁索欠一案。前經孫玉庭奏請解任。尚未訊結。業將陳光求補放。本日召見該總兵。看其人似平庸。且已年逾六旬。蘇松地方緊要。現又值辦理海運之時。一切稽察防範。尤須精

明穩練之員。藉資整飭。著該督於陳光求到省後。留心察看。如不能勝任。即行據實具奏。現已降旨。令各該督保舉堪勝水師總兵人員。琦善於接奉諭旨後。即迅速揀員保奏。以備簡用。將此諭令知之。○撥江蘇揚州安徽寧國池州太平廬州府屬漕米一萬一千四百四十餘石。給放江淮興武鳳陽長淮等幫。因災緩缺月糧。從總督琦善請也。○甲午。諭內閣。御史姚慶元奏。請嚴查陪祀坐班曠誤。

官員以倣急玩一摺所奏甚是

壇

廟祭祀典禮攸關各衙門應預陪祀人員理宜屆期到班以襄祀事豈容稍有曠誤近來查班御史相率博寬厚之名不肯按名稽考奏遂致陪祀人員積久生翫到班者甚屬寥寥殊非恪恭將事之義嗣後凡遇祀事於齋戒前數日各衙門將派出陪祀人員造冊分送禮部都察院太常寺除照向例稽察齋戒

外其臨祭之時責成查班御史收取職名按冊而稽如有無故不到或夾帶他人職名朦混投遞者即指名奏交部議處僅查班御史徇隱不奏或經朕看出或被他人糾參定將該御史一併懲處不貸至每月常朝坐班之期亦著責成查班御史稽察如有無故不到者即行叅處以重祀典而肅朝儀○又諭御史但明倫奏六部司官勤惰不一請定章程隨時察覈一摺部院司員之勤惰惟在該

堂官隨時查察秉公甄覈若徒設科條無關激勸於治道官常有何裨益京察為考績鉅典原應分別黜陟不宜有舉無劾即司員論俸截取亦須察其才具之短長覈以辦事之勤惰分別內外繁簡不應概予保奏則激濁揚清獎勵懲怠自皆有所觀法豈不較該御史所奏十日不進署分別記過一月不進署即行叅處者於勗勵人材之道為有實濟乎著通諭各部院堂官平時將該司員等留心

稽考遇京察之年勤慎公明者注以上考急情庸劣者予以甄劾其隨時論俸截取亦當察其才具堪勝外任與否不可徒以應對便給慣於奔競者濫行截取以嚴職守而肅吏治○護山東巡撫訥爾經額奏查山東省軍船水手向無設教斂錢挾制等弊嗣後責成運弁督同旗丁嚴加約束得旨隨時留心督飭管束著移知撫臣武隆阿○緩徵山東濮觀城朝城茌平莘齊河禹城長清鄒平平原



海豐商河利津河澤城武曹定陶鉅野聊城堂邑博平清平冠息臨清平陰范厯城濟陽臨邑滕鄒汶上壽張夏津德滋陽寧陽武城濟寧金鄉嘉祥魚臺高苑四十四州縣及德州濟寧臨清東昌四衛被旱被蟲莊屯新舊正雜額賦○展緩山東濟南東昌泰安武定兗州曹州沂州七府臨清濟寧二州所屬各州縣及青州府所屬之高苑樂安二縣帶徵節年舊欠額賦○乙未諭內閣

昌陵

聖德神功碑樓工程著派寶興會同敬謹辦理○諭軍機大臣等前因天津北河至通州一帶均有古淺新淤節屆霜降水落歸槽恐有淺阻業經降旨令蔣攸銑先期多備剝船俾南糧抵通迅速刻下江廣滯漕全數北來近日天氣漸寒恐致凍阻朕心深為廬念著蔣攸銑多派文武員弁在安陵汛境等處節節催趲無分晝夜加緊挽行不使稍有逗留仍

遵前旨多備船隻相機起剝務令迅速抵通交卸勿致凍阻河干方為不負委任將此諭令知之○又諭寄諭倉場侍郎博啓圖等本年各省滯漕因盤剝接運久逾到通期限現據琦善等奏浙江安徽及江廣等省漕糧業已全數盤竣長運赴通並飭沿途文武員弁節節迎提催趲其天津北河至通州一帶古淺處所已令蔣攸銑多備船隻相機起剝當可不致貽誤惟抵通後誠恐書役人等刁勒索致有羈延天氣日寒一日必致守凍不能前進於運務大有關繫著該侍郎等於軍剝各船到通州時即督同坐糧廳嚴飭經紀車戶倉役人等隨到隨收發給紅單毋許片刻耽延致回空稍有凍阻經此次申諭之後該侍郎如不認真稽查迅速辦理以致羈遲使糧艘凍阻河干惟該侍郎等是問朕屆時或派人查看或別有訪聞必當從嚴懲處勿謂戒之不早也將此諭令知之○調正藍旗



漢軍都統特依順保。為正白旗蒙古都統。正白旗蒙古都統普恭。為正藍旗漢軍都統。○丙申。

上御洞明堂。勾到廣西福建陝甘情實罪犯。停決廣西斬犯十人。絞犯一人。福建斬犯四人。絞犯二人。陝甘斬犯十六人。絞犯七人。餘七十九人予勾。○諭內閣。向來督撫等奏摺有闕地方公務。例俱稱臣。從前乾隆年間。屢奉聖諭。通飭各省。自應永遠欽遵。近日各省奏摺。

不能畫一。殊屬未協。嗣後各省旗員督撫藩臬。除請安謝恩外。凡奏事具摺。俱著一律稱臣。以符體制。○又諭趙慎畛等奏。同知年捐緝匪銀兩。請分別減免。並扣廉完繳欠款一摺。閩省前因捕費浩繁。由廈門同知按年捐銀二萬兩。解充公用。近年洋行歇業。僅騰商行捐解。該同知力難如數完繳。據該督等查明。海洋現在肅清。經費較前節省。每年約需銀二萬八千餘兩。該省本有發商巡洋生息。

銀二萬四千兩。並應撥米艇生息項下銀一千七百七十餘兩。該處商行呈繳番銀一萬零八百圓。折實銀七千四百兩。除照數支給巡費外。尚餘銀五千兩。為歸補從前緝匪兵糧未經歸補之款。俟補足後再行察看。如商行無須呈繳。即奏明停止。至該同知每年尚應捐銀一萬二千六百兩。現既無力捐解。著加恩自本年七月起。准其停捐。其業經病故之前署同知咸成。欠捐銀一萬二千六百八

十餘兩。俟查明覈辦外。現任同知陞寶。欠捐銀三萬八千九百四十餘兩。著准其於應得養廉內全數扣繳。現經丁憂之前署同知麥祥。欠捐銀二千四百五十餘兩。著俟補官日一體扣廉完繳。該部知道。○以正藍旗漢軍都統普恭。為滿洲繙譯鄉試正考官。工部右侍郎耆英。為副考官。都察院左都御史松筠。為蒙古考官。○旌表守正被戕四川眉州民熊文芳妻馬氏。○修福建烽火營。閩安協左

營右營戰船從升任巡撫孫爾津請也○丁酉諭內閣御史熊遇泰奏請揀發正途人員練習河務一摺河工關繫緊要應添用正途人員俾資練習明歲又值大挑之年除照例分發各省試用外著仍照嘉慶二十二年成案將一等人員兼掣南河東河北河三處分發試用俾得學習河務其應如何酌定員數並試用甄別限期及補用缺分各章程均著照上屆大挑辦理○又諭蔣攸銹奏永定河購買稽料請照舊辦理一摺永定河南北兩岸歲搶修各工所需稽料節年因運腳不敷奏准加增購運仍令體察情形酌量裁減茲據該督查明近隄村莊產料無多仍須赴遠處購辦例價實不敷用著准其循照成案每束加增運腳銀二釐五毫共銀八千五百兩責成該道督率廳汛各員乘時採買運貯工所無許虛鬆浮冒如來年動用餘騰仍留為下年之用該督務當實力查察可省則省不

得任聽工員逐年動議加增以歸覈實該部知道○又諭琦善奏請調補要缺知縣一摺江蘇吳江縣知縣並非省會首邑亦非海疆要缺可比該督等輒請以歷俸未滿三年之昭文縣知縣李廷錫調補與例不符所奏不准行仍著另揀合例之員奏請調補○旌表守正捐軀奉天寧海縣民姜成才妻劉氏○戊戌

上詣綺春園問

皇太后安○御含輝樓閱皇子及侍衛等騎射○諭軍機大臣等向來軍船長運抵通總由漕督押催尾幫前進此次各省滯漕久逾到通期限若無大員彈壓誠恐逗留貽誤各幫水手亦不足以資約束前據琦善等奏軍船盤運完竣全數北來刻下天氣漸寒僅行走不能迅速將來凍阻堪虞穆彰阿接奉此旨著即迅速起程馳驛趕赴水次督押尾幫前進沿途加緊催趨無分晝夜不任片刻耽延

務令軍船全數抵通。方為不負委任。如押運員弁。有因循疲軟。催促不力者。即著據實嚴參懲辦。至漕運總督關防。或由穆彰阿帶赴途次應用。或交琦善暫存。交新任漕督陳中孚接收。著會同妥商。總期於事有濟。此時陳中孚接奉諭旨。自己趕赴新任。該漕督未到任以前。所有各省新漕應辦事宜。即著琦善暫行代辦。妥為經理。無少遲誤。穆彰阿俟軍船全數抵通後。再行回京。將此由四百里諭令知之。○旌表守正捐軀安徽霍邱縣民黃雅良嫂張氏。○己亥。撥奉天遼陽州倉米一萬石。鐵嶺縣倉米五千石。存貯承德縣倉。從盛京工部侍郎兼管府尹事齊布森等請也。

大清宣宗效天符運立中體正至文聖武智勇仁慈儉勤孝敏成皇帝實錄卷之八十八

奉查明各州縣歷年盤折倉穀勒限買補一摺湖北漢陽等府屬二十州縣額貯常平倉穀因歷任交代盤折及氣頭廩底鼠耗共缺穀三萬七千六百九十餘石俱將穀價流交存貯州縣各庫尚未買補據該督等查明將交存前項價銀提貯司庫請勒限採買足額著照所請即飭將漢陽漢川孝感黃岡蘄羅田鍾祥京山江陵石首監利松滋枝江襄陽棗陽宜城南漳均光化穀城二十州縣盤缺

漸交冬令。水落歸槽。恐致淺阻。必須沿途趕  
緊催趲。俾得迅速抵通。茲據蔣攸銑奏稱。山

東接運軍船剝船已陸續行抵天津。惟故城縣催過溫州後幫脫空六日。並無幫船入直隸境。當即飭屬查探迎提。現在節逾霜降。河水日淺。恐不足資浮送。已飭令天津鎮道等官嚴行查催。其景州故城均有古淺之處。一切開剝催趲事宜。尤為緊要。著即責成派出之清河道陶樑帶同明幹委員往來景州故城一帶。俟幫船行至直隸境內。趕緊督催。務使晝夜挽行。毋稍稽延。並查明剝船如不敷輪轉。或須添雇民船。及淤淺河道。應如何酌量挑挖。亦即責成該道妥速辦理。現在接運漕船已陸續全入東境。著山東巡撫嚴飭沿途文武各員。加緊催挽。毋任脫幫。致有遲誤。○諭軍機大臣等。據蔣攸銘奏糧船旗丁向多疲累。本年因在清江浦一帶淤阻。守候日久。起剝不能帶貨。疲累愈增。現值寒冬長運。一切食用滋多。請飭漕督量予調劑等語。本年安徽江廣等省軍船不能渡黃。以江南首

進幫船接運。一切舵水人等。非該旗丁自行雇覓。與往年出運情形不同。昨已降旨令穆彰阿馳赴水次。督押尾幫前進。此時計已起程。著該署漕督沿途察看幫丁等。如有應須接濟之處。即就近借支山東直隸藩庫銀兩。查照向例酌量借給。務使進行無阻。所借之項由該漕督衙門轉解歸款。總期漕行迅速。毋得稍有牽滯。俾免凍阻河干。是為至要。將此諭令知之。○以江西南昌前等十三幫。湖南湖北頭二三幫。丁力疲累。准緩本年應交餘米分三限搭解。○壬寅。上御勤政殿聽政。○諭內閣琦善等奏接運幫船回空守凍。請沿途添派大員彈壓等語。本年江南首進幫船接運江廣滯漕。到通交米遲早不一。其回空守凍。或在山東臨清開外。或在直隸北河一帶停泊。必須隨時實力巡查。俾資安戢。著直隸總督山東巡撫查明首進回空各船。在於何處守凍。即各就近添派

大員督同各幫千總暨地方文武稽查彈壓。勿令舵水人等稍滋事端。○又諭琦善奏剝運銅鉛船隻請免報稅一摺。滇黔等省運京銅鉛並湖南省辦運鉛斤。因禦黃壩難以啓放。原船不能抵通。該督現將剝運漕糧回空船隻裝載接運。船戶未免滋累。加恩著照所請。運京銅鉛各船。應納宿遷臨清天津等關船料稅銀。免其完納。該部知道。○又諭琦善等奏挑濬裏揚運河費多期迫。察看現無阻滯。請停挑辦。並將以前估挑銀兩酌議分賠一摺。前因運河間段淤淺。漕船阻塞。皆孫玉庭辦理不善。降旨交琦善督令孫玉庭等將運河墊高處所。一律挑挖深通。著落孫玉庭、魏元煜、顏檢分賠挑費。茲據該督等將期迫費繁並消耗清水無益湖河各情形四條詳悉縷陳。所見皆是。運河之挑濬。原恐漕行淺滯。自堵閉禦黃壩後。運河淤墊既不致復有增高。而洪湖清水由束清壩下注運河。漸刷

漸深。現在漕艘及銅鉛船隻尚資浮送。再加今冬明春清水刷淤。自當日益深通。無誤來歲新漕經行。著即無庸興挑。以免草率而節糜費。孫玉庭等既免此項挑工賠款。其前次奏請估需淮城以上挑河切灘銀四萬三千五百餘兩。即於孫玉庭、顏檢及魏元煜家屬各名下分賠。不准開銷。至嚴垠片奏。自本年二月起至五月止。重運渡黃。挽運艱難。一切雇船添緯及押催兵役人夫薪飯犒賞等項。於琦善未到任以前。借用豫省等處解到所換錢文。合計共銀四萬三千二百二十餘兩。係例外用款。不准開銷。亦著責令孫玉庭、魏元煜、顏檢嚴垠全數分賠。按限完繳。河庫歸款。毋許宕延。該部知道。○又諭琦善等奏查明盤運滯漕支用經費。除去應行歸墊及賠繳各款。覈計實銷。並節省銀數一摺。本年浙江等省滯漕一百九十萬餘石。盤運經費。前經孫玉庭等奏請約需銀一百二十餘萬兩。

先於藩運各庫就近撥用銀一百零二萬兩。自琦善抵任後。飭令總局道員力加撙節。將用過各款逐一鉤稽覈減。統計實銷銀七十八萬七千四百八十餘兩。較原請銀一百二十萬兩之數。節省銀四十餘萬兩。辦理實屬認真。著准其如數報部覈銷。此外有制船坐口口糧。前經部議不准開銷一款。據該督等查明。民制船隻。皆以逐日攬載為生。令其守候停泊。不能不計口授食。自係實在情形。著照所請。將此項口糧。准其一併開銷。其由總局墊支制船運米過關。首進軍船修艙。並折給艙水食米等費。共銀七萬三千七百六十餘兩。著於浙江等省糧道和解歸款。至一切例外浮多等項。共銀十一萬七千六百七十餘兩。自不應准其報銷。前經戶部議奏。支用盤運經費內。如有例不准銷各款。責令孫玉庭賠繳七成。顏檢賠繳三成。降旨交琦善查明。據實具奏。該督另片奏稱。孫玉庭係督催

之員。顏檢有專司之責。魏元煜嚴煥同時共事。總局道員綜司出納。未能覈實計議。均屬咎無可辭。議請分別著賠。著照所請。將應賠銀兩。在孫玉庭名下著賠三成。銀三萬五千三百兩零。顏檢名下著賠二成。銀二萬三千五百餘兩。魏元煜嚴煥名下合賠三成。計各應賠銀一萬七千六百餘兩。總局道員福祿。沈學廉。梁章鉅。及前護理淮海道之同知萬承紀。四員名下合賠二成。計各應賠銀五千八百餘兩。此項分賠銀兩。非尋常賠項可比。著勒限二年。責令孫玉庭等。及魏元煜之子魏亨達。依限全數完繳。如敢延宕不交。著琦善即嚴叅治罪。決不寬貸。其豫省封雇民船。及東省接運軍民船隻所用經費。著各該撫自行覈實報銷。該部知道。○兩江總督琦善奏。盤壩水腳食米等款。前經部臣奏明。按實運到通米數覈銷。但各省漕船運通米石。除交倉外。皆有例給耗米。為幫丁沿途口食。及

起剝耗損之地。既係例給之米。不能不官為盤運。即不能不給與運腳。所有水腳等款。請悉照過壩米數准銷。從之。○又奏。前因接運滯漕。於外河廳屬臨黃外灘。估築土路二十道。嗣又添築二十二道。俾得分投趲運。各幫米袋。搬運過壩。前後購備蘆席十萬張。以防陰雨。另咨開單咨部。得旨。轉行遵照。○兩江總督琦善。江南河道總督嚴烺奏報。秋汛安瀾。命琦善嚴烺。詣

河神廟祀謝。並下部議敘。出力員弁。開復升補有差。予搶埽落水兵丁李至和等二名賞卹如例。○修福建海壇鎮標左右二營軍裝火藥局庫。從前任總督趙慎畛請也。○癸卯。

上詣綺春園問

皇太后安。○御洞明堂。勾到江西。江蘇。安徽。情實罪犯。停決。江西斬犯二十二人。絞犯二人。江蘇斬犯十四人。絞犯三人。安徽斬犯十四人。絞犯五人。餘七十一人。予勾。○諭內閣。朕

恭聞

皇祖高宗純皇帝實錄。內載乾隆三十五年五月奉

上諭。外省督撫。每遇應行審擬之案。動輒委員查訊。最為惡習。其在尋常案件。或可循用審轉成規。若事關重大。及案涉疑難。亦復假手下僚。則瞻徇蒙蔽。顛預了事。諸弊皆所不免。獄情何由得明。督撫為朕簡任大臣。其才識自勝於僚屬。而心亦公平。無所顧忌。斷獄或易得實情。何憚而不躬親鞫問。豈其自顧謂不若有司之明習吏事乎。抑狃於外任養高積習。全不問事理輕重。惟恐親身獻牘之損失威重乎。朕日理萬幾。事無鉅細。莫不詳為披省。日召諸臣講論施行。儻如該督撫等之見。將一切付諸部院覈覆。竟可不親身綜攬耶。嗣後督撫於應行提審緊要案件。務須率同司道等親行研審。毋得仍沿委員陋習。自取咎戾。著為例等因。欽此。仰見



聖訓煌煌。矜慎庶獄至意。朕簡用督撫。畀以封疆重任。凡遇特旨交審之案。即與欽差無異。其民間上控案件。亦應視案之輕重。提省親審。不得一概假手屬官。予以消弭地步。況上司狗庇屬員。同官相為隱飾。積習相沿。牢不可破。若於重大之案。發交該府州自為審理。或委員代為鞠訊。無論該管府州心存回護。必不肯自翻前案。即委員中能不存官官相護之見者。得有幾人。以致民隱未白。枝節更生。一經特派大員查辦。或解交刑部審訊。無不真情畢露。昭白平反。即如上年山西省閻思虎。近日浙江省徐倪氏二案。彼時該撫邱樹棠黃鳴傑。若能及早親提究審。何至案牘久懸。被不肖之屬員。昏墨欺朦。幾使覆盆不能昭雪乎。著再申諭各督撫。嗣後凡有事關命盜重情。及控涉官吏贓私劣跡者。無論特交及上控之案。均應親提人證。率同司道。詳加研鞫。速行擬結。庶足杜譸張而清訟牘。儆

此次申諭之後。並不懍遵辦理。經朕查出。或被科道糾參。必將該督撫從重懲處。不稍寬貸。○又諭。晉昌等奏。敬謹會勘。

永陵

啓運殿應修工程一摺。

永陵

啓運殿工程。因伏雨連綿。頭停滲漏。椽望間有虧朽。琉璃望甍。亦有酥齮。係必應修整之工。著派常文。會同晉昌。齊布森。敬謹興修。所有

恭移

神牌在東西

配殿安奉日期。著欽天監敬謹擇吉。於本年十月內恭移。其動土興工日期。明年正座工程。應否修造。或擇於本年動土之處。并著欽天監奏明行知。所有合龍。及恭請

神牌安奉

啓運殿日期。著擇於明年八月內。亦由欽天監行知。敬謹遵辦。晉昌等即會同估計。開寫丈

尺清單咨送工部擬定做法。移知到日造冊咨部覈估。除琉璃料件在盛京工部燒造運工應用外。所需錢糧由盛京戶部動用。其應需黃松木植。即於現辦木植山廠內派員揀選。仍飭知城守尉通判趕緊截做承運。並飭令就近旗民地方官幫運。本年冬間由陸路運至工次應用。其運腳銀兩由盛京戶部豫發給銀二千兩。俟木植運竣覈實報銷。其石料灰斤壯夫等項著遵照歷次成案辦理。該部知道。○又諭載銳之弟載鍾未婚妻原任知縣多齡額之女瓜爾佳氏。一聞夫故情願守節。深知大義。甚屬可嘉。著無庸拘常例年限。即予旌表。並給銀三十五兩。緞二匹。聽其自行建坊。著內閣撰擬敕諭一道。以示褒獎。其節孝祠內題名設位之處。交工部照例辦理。○四川總督戴三錫奏。通江等縣被水。勘不成災。無庸蠲卹。得旨。仍應留心體察。有當撫卹之處。隨時妥辦。○旌表守正捐軀安徽

鳳臺縣民徐盛妻計氏。○甲辰諭內閣。御史賀熙齡奏。請釐積弊以清庶獄一摺。朕勤恤民隱。惟日孜孜。明慎用刑。聽訟尤期於無訟。乃近來訟獄滋繁。如該御史所奏生監滋訟。藉端誣告。訟師播弄。以及胥役作奸。積案不結。俱為切中時弊。不可不嚴行飭禁。士為四民之首。欲正民風。先端士習。著各省學政嚴飭各學教官。隨時稽查詳報。毋使身列膠庠。特符滋事。如有刁生劣監。即分別戒飭褫革。至巧構訟端。潛身局外者。必應嚴行懲辦。其刁健之徒。凡審係虛誣。例嚴反坐。地方官不據實究辦。該管上司查明叅處。訟師包攬詞訟案件。多方挑唆。以致一案化為數案。小案變成大案者。更為可惡。除訪拏懲治外。凡案件審係虛誣者。必追究主唆之人。從嚴訊究。至京城輦轂之下。尤應肅清。前三門內外。如有奸棍訟師。包攬京控之事。著步軍統領順天府五城一體嚴拏務獲。從重辦理。近日各

省京控案件。每將牽告胥役者。審係虛誣。難保無回護情事。著各督撫密訪所屬。有縱任胥役。私禁私刑。弊延索詐。以致平民受累者。除將胥役嚴拏究治外。並著將該管官立即嚴叅。州縣詞訟。向有按月循環簿。送該管官查覈。巡道有提查州縣詞訟號簿之責。著各督撫。遇府州縣詞訟案件。責成巡道。趕緊審訊。如有延擱枉斷。據實揭叅。或該道有心徇庇。該督撫即據實叅處。自此次申諭之後。務各實力實心。勤求民瘼。用副朕政平訟理之至意。毋得日久生懈。視為具文。○諭軍機大臣等。慶祥自簡任伊犁將軍以來。邊圍綏靖。黎庶乂安。朕心深為嘉悅。該將軍前於道光二年三月內。籲請入覲。朕念新疆幅隕遼闊。撫輯需人。恐往返稽時。特令不必前來請訓。茲又歷三載。邊境肅清。著即馳驛來京。陛見。俾伸展覲之誠。伊犁將軍事務較繁。現降旨令德英阿馳驛前往署理。該處控馭撫綏事。

宜。在在均關緊要。德英阿初到。未能周知。慶祥著俟該署將軍行抵伊犁後。將一切應辦要件。詳細告知。俾免貽誤。即遲數日起程。亦無不可。將此諭令知之。○以都察院左都御史正黃旗漢軍都統松筠。署烏里雅蘇台將軍。正藍旗漢軍都統普恭。署都察院左都御史。鄭親王烏爾恭阿。署正黃旗漢軍都統。○乙巳。

上御洞明堂。勾到山東。山西。情實罪犯。停決山東斬犯一人。絞犯四人。山西斬犯四人。絞犯一人。餘八十一人予勾。○諭內閣。本年南漕盤壩稽遲。現在尚有一百三十餘萬石未經到通。天氣日寒。恐致凍阻貽誤。節經降旨飭催。茲據博慈圖等籌酌起卸。趲運各章程。分晰具奏。著照所請。除書役經紀人等。責成該侍郎嚴查。刁勒索之弊。勿致稍稽運務外。所有頭進軍船。接運江廣各幫。著仿照向年由楊村寄剝之例。全數寄剝北上。仍令原運。

旗丁押運赴通交卸。其應給船腳價飯米等項。均令原運旗丁照向例辦理。軍船即令就近回空。俾免阻滯。至轉運米石。由大通橋全運城內各倉。恐致趕辦不及。現在城外太平裕豐萬安儲濟四倉。尚有空廩數十座。著由大通橋於分運各倉米石內。准以一半於該四倉暫行寄囤。俟漕務完竣。再行陸續運進各倉。至在後江廣各幫。挽過津關時。著酌量天氣寒暖。其已到楊村起卸。可以來通者。

於通倉暫貯。未到楊村起卸者。於北倉暫貯。統俟來春冰泮。查照舊章。轉運京倉。其一切腳費。俱著查照舊案辦理。至小雪前後。河冰初結。仍可打冰前進。不容任其逗留。如幫船挽過津關。行至楊村寄卸。即打冰催趲船。運壩起卸。飭令原船回空。儘幫船挽過津關。去北倉較近。即打冰趕赴北倉截卸。惟需用人夫眾多。著蔣攸銑派委地方官沿途撥派人夫。以備隨時打冰之用。如將來有截卸北

倉之米。著申啓賢屆時前往查驗督辦。無使書役人等乘機舞弊。方為妥協。○又諭。程令章奏請將鹽政衙門節省工食銀兩撥給書院等語。浙江鹽政衙門人役。向給工食銀三千三百四十餘兩。在運庫引費及藩庫存留項下支發。現在鹽政改歸巡撫兼管。除書吏號房仍應存留外。其餘人役裁減一半。已足敷用。所有此項節省工食銀兩。著照所請。准其撥給數文。崇文。紫陽。三書院作為生童膏

火獎賞之用。該部知道。○又諭。張井奏查勘蘭陽汛埽段。請添拋碎石一摺。豫省南岸蘭儀廳屬蘭陽汛柴壩。先行拋護碎石。工段已有成效。自應擇要次第添拋。抵禦漲溜。所有續估柴壩七埽。十三埽。十六埽。三段碎石。七千九百九十餘方。工價運腳。共需銀八萬三千餘兩。著准其在司庫撥給。乘時採購運工。於來年大汛前完竣。著張井親赴工次。督率認真辦理。於緊要工段。確實拋護。無任草率。

偷減務期工歸實用。帑不虛糜。俾得一律鞏固。以資捍衛。該部知道。○諭軍機大臣等。本日據博啓圖等奏。現在台後等幫接運船隻。尚無挽過天津關信息。本月十六日。據兗州鎮報。台後湖所處後湖白杭嚴四共五幫。於八月十三日。至九月初一日。先後趲入東境。其在後二十五幫。均未據兗州鎮報入東境日期。其台後等幫。亦未據天津鎮報。曾否趲入直境。現在節近立冬。未到船隻甚多。自本月二十二日後。通壩即無起卸之米等語。本年制運滯漕。甚為費力。豈容再有稽延。前據蔣攸銘奏。派員至景州故城一帶。趕緊督催。並降旨令山東巡撫。嚴飭沿途員弁。加緊催挽。毋任脫幫。近日天氣日寒一日。恐致凍阻。朕心彌為廕念。蔣攸銘。武隆阿。接奉此旨。迅速嚴飭沿途員弁。節節催趲。無分晝夜。加緊挽行。不使稍有逗留。若將來凍阻。不能前進。朕惟該督撫等是問。將此各諭令知之。○又

諭張井奏。請俟接制重運幫船完竣後。赴京陛見一摺。該河督前因奏報安瀾。已加恩實授河東河道總督。現在運河制運重運。必須嚴行催趲。以免凍阻。其臨湖收水各閘壩。亦須趕緊估修。以及塘長各河。應挑工段。均須該河督親往履勘。其蘭陽汎柴壩。添拋碎石。以資保衛。並降旨令該河督親勘。一切應辦之事甚多。張井著無庸來京請訓。俟明年三汎安瀾後。再行奏請可也。將此諭令知之。○浙江巡撫程含章奏。查海塘向分東西南三廳管理。每年歲修。有鹽商生息。及節省引費等項。共銀十五萬六千餘兩。自嘉慶二十四年以後。至道光四年。每年於本款外。長用銀自一二萬至十餘萬不等。共借藩庫新工項下銀三十二萬一千餘兩。歸款無期。殊非經久之道。現勘得東塘石工。多有壞爛。已諭令廳汛各官。於潮退時。將坦水條石掣落者。檢砌完好。西塘例作柴埽。難禦風潮。嗣後隨時

鑲砌均加蔑纜。仍定每年三塘歲修。總不得用過本款十五萬六千餘兩之數。並飭各廳備弁。於水勢稍緩處所。試拋石塊數十丈。如大潮時不被掣卸。以後陸續照辦。所省必多。然後可彌補從前長用之銀。而工程亦較有實濟。至南塘險工較少。應修段落。止准擇要修理。得旨。所議甚好。著依議行。○以拏獲浙江滋事水手。及承審出力。予副將裴安邦等議敘有差。准降革員弁李宗傳等。送部引見。

○以吐魯番屯田豐收。予員弁議敘。賞兵丁一月鹽菜銀。○修浙江定海溫州鎮標。及提標右營鎮海協營。在洋風損兵船。從巡撫程含章請也。○丙午。

上幸靜明園。詣

龍神廟拈香。○賞廣安門外普濟堂煮賑小米三百石。○丁未。諭內閣。御史楊煊奏。各省營伍廢弛。兵額不足。請除積弊一摺。國家建立營伍。以衛民生。兵可百年不用。不可一日

無備。全在管領教練之人。平時不辭勞瘁。不避嫌怨。訓練認真。自可漸收實效。如該御史所奏。近來外省營伍。凡遇年老病廢革退等項。出缺者。懸缺日久。並不招募。每屆操演之期。則那移彼營之兵。充此營之額。皆由該管將弁等。不能細心經理。因循廢弛。以致積弊相沿。使國家有定之兵額。日就荒廢。殊於營伍大有關繫。著通諭各該將軍督撫提鎮等。嚴飭將弁等。勤加操練。於所轄兵丁。嚴行管束。隨時稽查。務使一額得一兵之用。毋許久懸額缺。致滋弊端。若不力返積習。實心訓練。仍視為具文。經朕查出。或因事顯露。朕惟該將軍督撫提鎮等是問。勿謂教之不豫也。○

戊申。

上御洞明堂。勾到河南直隸熱河情實罪犯。停決河南斬犯七人。絞犯七人。直隸斬犯七人。絞犯三人。熱河斬犯一人。餘九十二人。予勾。○諭內閣。本日刑部奏審擬偷竊

孝陵大紅門內樹株首犯劉幅旺一摺。已降旨辦理矣。此案該犯劉幅旺。負罪潛逃。日久稽誅。經遵化州知州白明義。遵化營把總王秀。一聞該犯逃至境內。即飭兵役迅就捕獲。尚屬能事。知州白明義。著加恩送部引見。把總王秀。著以應升之缺升用。其緝拏之差役兵丁等。著該管官量加獎賞。○又諭理藩院奏。額魯特四等台吉扎木彥車林等控告。翰克博羅特並非台吉達什沙木丕勒之子。不應承襲扎薩克一案。請旨交察哈爾都統審辦等語。台吉扎木彥車林等屢次控告。翰克博羅特既非扎薩克台吉達什沙木丕勒之子。自應徹底根究。照例辦理。著交察哈爾都統和世泰。提齊案內人等。將翰克博羅特是否達什沙木丕勒之子。秉公嚴審。照例定擬具奏。尋訊誣坐如律。○諭軍機大臣等。王鼎奏。訪察德清縣命案。前在途次。聞徐倪氏家資頗富。因此花費殆盡。自必有受賄舞弊之人。

但在官在吏。均皆不能指實。總之不能無賄等語。此案徐倪氏。商同婢女秋香。謀勒徐蔡氏身死。本日已據程含章定擬奏結。雖據究出原驗復檢。作人等聽囑受賄。而先後檢審各官之有無婪贓。故出情事。祇據另片聲明。再行嚴審。尚未能水落石出。案懸三年之久。該省大小官吏。若非聽囑受賄。何以聯為一氣。固結不解。而已革德清縣知縣黃兆蕙。於蔡鴻呈報命案之時。近在同城。並不即時前赴相驗。遲至兩日。始稱患病。且無報病文據。尤屬情弊顯然。現經王鼎訪聞徐倪氏富於資財。因此案花費殆盡。若祇係現在究出之刑。作地保人等得贓。能有幾何。何以竟致破產。程含章等業將代主訟事之在籍經歷費文燾。及屢次賄囑之胡振揚。胡加富等。提拏到案。何難向其逐一根究。著王鼎會同程含章。督率臬司祁墀。即提徐敦誠。費文燾等。嚴切究訊。務將黃兆蕙。當時聽囑得贓若干。



先後審檢各員。有聽囑得贓者若干。逐一究問明確。從嚴定擬。庶足以懲貪墨而肅官方。儻自此次查訊之後。如再有不實不盡。或被人糾參。或經朕訪出。惟該侍郎及該撫等是問。王鼎於此案審明具奏後。即行來京覆命可也。將此諭令知之。○浙江巡撫程含章奏。東西兩塘柴埽塘坦各工。因潮汐衝激殘缺。請借項修築。從之。○己酉。

上詣綺春園問

皇太后安。○諭內閣。本年各直省辦理秋審人犯。朕將呈進黃冊。詳加披閱。除浙江雲南二省外。其餘各省。俱有原擬緩決。經刑部改入情實者。內山東省多至五起。四川省除李紅應一犯免勾外。尚有八起之多。朕詳覈案情。該部所改。均屬平允。並非有意從嚴。該省大員。自因失出處分。輕於失入。為避重就輕起見。殊非明刑弼教之義。嗣後各直省督撫。督率臬司。當虛衷定讞。斷不可惑於救生不救

死之說。意存寬厚。故從輕減。亦不可因有此旨。刻意過嚴。妄事周內。總期惟允。惟明。無枉無縱。用副朕執法用中至意。○旌表守正捐軀廣西義寧縣民秦紹定妻李氏。○添備直隸永定河工稽料二百二十萬束。從大學士總督蔣攸銑請也。○庚戌。諭內閣。張師誠奏。各屬緝獲匪徒。現飭嚴審等語。皖省賴鳳一。帶。常有匪徒出沒。近年更有無賴棍徒。搶脅良人子弟。勒令裝賣水煙。俱有花用。名為水

煙箱主。其中即有強盜引綫。如盜犯起意行劫其家。則箱主先令煙童以裝煙為由。躡看門戶路徑。尤為地方之害。經該撫飭屬拏獲水煙箱主張狼等四名。又據各屬報獲各匪犯多名。或係夥劫逸盜。或係命案逃兇。或係著名惡棍。查辦甚好。著即飭屬悉心嚴審。分別輕重辦理。並著該撫督飭各營縣。隨時留心訪查。嚴密躡緝。俾匪徒愈加斂跡。毋得始勤終懈。捕務又漸廢弛。○又諭。前因世管佐



領保陞。犯貪婪私罪。革職出缺。該旗以其子阿林擬正。請襲世職。當交兵部詳查。有無似此成案。茲據查明。該部定例。凡世職犯公私罪。革職有餘罪者。子孫不准承襲。革職無餘罪者。子孫俱准承襲。並將准承襲不准承襲成案。開單覆奏。朕思世職人員。緣事革職。其所犯情罪。自有不同。兵部定例。僅以有無餘罪為斷。不足以示區別。現聞單開成案。與定例固無歧異。若以罪犯職私者。亦准照例承襲。其何以警貪墨。嗣後凡世職人員。有因犯職之案。革職。並無餘罪者。其子孫俱不准承襲。著為令。此次已革佐領保陞所出世職之缺。不准以其子阿林承襲。著該旗另行揀員帶領引見。○鑲紅旗漢軍都統慶保。以疾解任。以署伊犁將軍德英阿。兼鑲紅旗漢軍都統。前任烏里雅蘇台將軍果勒豐阿。署鑲紅旗漢軍都統。○改直隸順德府同知。為水利鹽捕同知。保定府通判。為兼河鹽捕通判。從

大學士總督蔣攸銛請也。○辛亥。

孝慈高皇后忌辰。遣官祭

福陵。○

上詣

大高殿行禮。○還宮。○以孟冬時享

太廟。自是日始。齋戒三日。○壬子。諭內閣。應修

永陵

啓運殿工程。事關

陵寢重地。必須鞏固經久。若由該將軍擬定作

法。再交工部覈算覆奏。往返造冊咨送。徒延

時日。且該部未經履勘。情形亦難懸擬。不足

以昭慎重。著派耆英。帶同工部熟諳司員前

往。敬謹查勘。即將作法詳擬。並錢糧一併覈

計具奏。○又諭。永芹奏。逆夷張格爾。糾約夷

匪滋事一摺。逆夷張格爾。糾約布魯特夷匪

汰劣克拜巴。哈什等在卡外滋事。經幫辦大

臣巴彥巴圖。帶兵出卡勦捕。已殺賊百餘名。

於撤退時。誤入山險被圍。致與隨往官兵同

時陣歿。辦理雖失機宜。其為國捐軀之情實深憫惜。已彥巴圖著加恩晉贈都統銜。照都統例賜卹。其陣亡之侍衛伯慶。章京法里那。委協領穆騰額。錫伯章京蘇勒通阿。索倫驍騎校特克紳布。前鋒校舒通額。筆帖式訥蘇。鏗額。景毓。遊擊劉發恆。守備伍開江。千總都友周。把總談祿。外委李文彥。馬鵬等。俱著加恩賜卹。同時陣歿之兵丁等著即查明咨部。照例卹賞。○又諭琦善等奏接運滯漕全數

挽出江境一摺。本年接運浙江江廣等幫漕糧軍制各船。現經琦善等飭屬趕緊督催。業於本月十九日俱已挽出江境。趙辦實為迅速。琦善穆彰阿嚴烺俱著交部議敘。並著山東巡撫直隸總督嚴飭沿途員弁。無分晝夜加緊趲行。務使全數抵通。毋許片刻泊延。致滋貽誤。○諭軍機大臣等。琦善等奏查勘灌河海口內外河窄灘高。難以率行改移。仍不如河隄拋護碎石坦坡一摺。前據該督等奏

王營減壩以北至灌河口。可以改導黃河入海。以期黃水掣溜迅疾。漸次落低。旋經委員查得灌河口外之水。不如口內之深。必須親往確勘。茲據勘明該處海灘高仰。導河必為頂阻。掣溜難期迅疾。且口內河形窄狹。膠淤不能刷深。一經下游頂阻。勢必泛濫四出。是較現行海口。轉無把握。未便率行更張。所見甚是。著無庸置議。其所稱於八灘以下兩岸隄盡處接築長隄。以束散漫之流。復於八灘

以上河身過灣處。取直挑河。以成吸川之勢。並將河底墊高之兩岸隄工。再為增培高厚。以禦盛漲。庶淤墊之處。漸次刷深。著照所議妥為辦理。至所稱湖隄拋築碎石坦坡。可漸收蓄清刷黃之益。需費甚鉅。不能不分年辦理等語。碎石坦坡。如果於湖隄石工實有裨益。而又能經久無弊。朕原不惜帑金興辦。但此項工程。有謂護隄於河工有益者。亦有議稱將來塌卸恐有流弊者。究竟可辦與否。著

該督等再行詳加查勘。通籌河湖全局。計出萬全。總期有裨河務。不可輕率定議。致滋流弊。是為至要。將此諭令知之。○又諭慶祥奏接據喀什噶爾咨調官兵。揀派前往。並續准報稱官兵出卡被圍。巴彥巴圖及官兵等同時陣歿各一摺。逆夷張格爾。屢在卡外滋擾。本年夏間。復逞詐約降。事洩遠竄。今又勾結布魯特。汰劣克拜。巴哈什等。潛至卡外劫掠。覽奏深堪痛恨。慶祥接據來咨。即派令穆克登布帶兵一千名。先行馳赴聽候調遣。並豫備兵一千名。俟續接知會。令烏凌阿隨後帶領前往。所辦甚是。本日亦據永芹同時馳報。雖據奏稱兵氛已過。卡內安靜如常。逆匪分投遠竄。此次永芹等輕舉妄動。致損兵威。陣傷大員。必須痛加勦戮。以彰天討。惟值節交冬令。卡外冰雪在地。勢難進兵。該將軍現已派員馳往偵探。如須親往督辦。即著迅速趨赴。前經有旨。令慶祥來京陛見。現有此事。即

德英阿到彼。須會同商辦。著暫緩前來。候旨遵行。穆克登布既帶兵駐劄該處。烏凌阿亦隨後帶兵前往。如有應須熟諳帶兵人員之處。或就近調往。或由京簡派。即著籌畫周妥。迅速具奏。或此時暫緩進兵。如有由京派往之員。令其何時前往。亦即詳悉奏聞。現將舒爾哈善調補喀什噶爾幫辦大臣。其員缺暫令穆克登布署理。想舒爾哈善接奉諭旨。自即迅速馳赴新任。穆克登布交卸後。仍令在彼帶兵駐劄。嚴密防範可也。將此由五百里諭令知之。○又諭逆夷張格爾。自上年經官兵勦捕。竄投喀拉提錦部落。屢次來至卡外窺伺。並差人約降。本年夏間。復誘約奈曼部落。布魯特比等。謀將派去之伯克等戕害。來喀什噶爾滋事。見奈曼不從。退移遠竄。此次復潛赴薩雅克部落。布魯特處。勾結滋事。何以布魯特等附和者甚多。前此逞詐約降。何以即知官兵欲出擒捕。輒行遠竄。此次潛來

卡外糾結多時。何以直至屢次劫掠貿易回子之時。該阿奇木邁瑪薩依特始行報知。是否永芹照察不周。邁瑪薩依特撫馭失宜。不得回眾之心。致有回眾伯克等潛通消息之事。邊疆地方緊要。不宜稍涉顛預。其此次永芹所奏該逆滋事。及官兵勦辦情形。是否確切。抑或有不實不盡之處。在永芹固不可輕離職守。何以並不酌量派兵往援。坐令巴彥巴圖孤軍盡歿。至巴彥巴圖既透圍十餘里。

將次抵營。距坡口不及一里。何以勒馬不前。致被戕害。雖係為國捐軀。亦不可不根究明確。著慶祥逐一密加查訪。據實具奏。勿得稍有徇隱。將此諭令知之。○又諭永芹奏逆夷張格爾復糾布魯特夷匪汰劣克拜巴哈什等。在卡外滋事。巴彥巴圖帶兵出卡勦捕。已殺賊百餘名。於撤退時誤入山險被圍。與官兵同時陣歿等語。逆夷張格爾屢次在卡外滋擾。本年夏間復逞詐約降。事洩遠竄。前經

降旨令永芹等加意嚴防卡倫。並安撫喀什噶爾回眾。及卡外布魯特等。相機辦理。永芹自當確探該逆蹤跡。嚴密防範。不可輕墮奸計。乃因邁瑪薩依特報稱。該逆劫掠出卡貿易回子。輒調派官兵。遠出卡外三站。希冀擒捕。巴彥巴圖於賊匪退敗後。旋師並無紀律。復被逆賊截追。抵禦無計。又無救援。與官兵同時陣歿。永芹身為參贊大臣。祇知株守城中。諸凡調度。未能得當。重失事機。其輕率冒昧之咎。實無可辭。惟此時邊防緊要。未便驟

易生手。著從寬免其治罪。暫行留任。以觀後效。本日據慶祥奏。已令穆克登布帶兵一千名。馳赴該處。聽候調遣。穆克登布到彼。即著署理幫辦大臣。現已將舒爾哈善調補喀什噶爾幫辦大臣。想接奉諭旨。自即馳赴新任。俟其到時。仍將穆克登布及續行派往之領隊大臣烏凌阿。俱留該處。聽候調遣。此次輕舉妄動。致損聲威。自應痛加勦辦。以彰天討。

惟值節交冬令。卡外冰雪在地。勢難用兵。亦當偵探得確實信息。現在該逆等雖已分頭遠竄。焉知不探知我兵暫緩進剿。乘機復來窺伺。永芹務當選派妥幹員弁。及伯克等。密偵賊蹤。並督率官兵。嚴加防範。不可因卡內安靜如常。稍涉大意。致有疏虞。將此由五百里諭令知之。○癸丑。

孝敬憲皇后忌辰。遣官祭。

泰陵。○諭內閣。定祥等奏。請修理熱河園內等處工程一摺。熱河園內各等處牆垣。及外圍堆撥房。節經雨水淋塌。又錢糧處東邊五孔間一座。亦多酥齷沈陷。著交總理工程處。派員詳細履勘。將情形較重之處。分別奏明修理。○又諭理藩院。奏請將黑龍江將軍拏獲前來之布噶爾回子二名。解交喀什噶爾辦理一摺。布噶爾回子賽潘穆魯克賽丕依羅拉。供辭虛實。京中無憑查考。著照該院所奏。即由兵部驛站。解交喀什噶爾參贊大臣永

芹等。就近訊明。如無別情。即著照從前辦理。遇便解送布噶爾地方。○刑部奏。

萬年吉地工程處工頭霍宏嚇逼監督。審明定擬得旨。此案霍宏充當土作工頭。冀圖將廢土攪和朦混。經監督松齡查知責逐。該犯輒敢持刀向監督嚇逼復充。實屬兇惡。該犯前因毆傷張正。在保辜餘限外身死。照例加責完結。茲復於工程重地向本管官持刀逞兇。藐法已極。霍宏著發極邊足四千里安置。仍

先行解赴工次。枷號兩箇月示眾。俾在工人役咸知警畏。俟枷號滿日。交兵部定地發配折責安置。○以伊犁領隊大臣烏凌阿為正紅旗蒙古副都統。○蠲緩直隸寧河寶坻東安豐潤玉田寧晉南皮廣平開元城大名南樂清豐東明長垣十五州縣被水被旱被雹村莊新舊額賦有差。

大清宣宗效天符運立中體正至文聖武智勇  
仁慈儉勤孝敏成皇帝實錄卷之八十九

美

五	五
---	---

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十

附修總職官親良日謀起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事格隨帶不五載赴錄十八次臣實預聽我官經延諫官吏部尚書鎮蓋撰運軍湖總管理新營房城內官房大臣稽察內

七倉大臣特容會同四譯館事務加一級隨帶加六級軍功加三級紀錄五次臣花沙納繼任議官又湖廣提舉關事兵部尚書學管

內務府大臣錄由旗滿洲都統稽察內七倉大臣管理察內府銀庫左翼知官等 監專宮圓明園等處指提營御茶膳房御藥房不

醫院進科處事務隨帶加十八級員阿寅阿刺楚官巡邏護官兵部尚書隨帶加六級起銀二十次月周祖培等奉

敕修

道光五年乙酉冬十月甲寅朔享

太廟。

上親詣行禮。○遣官祭

永陵。

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○頒道光六年時憲書○

諭軍機大臣等。據張井奏。熟籌河工久遠大局。請敕講求疏導良規一摺。治河之法。疏濬與修防並重。近日河底墊高。為患日甚。其弊

皆由於有防無治。該河督所奏。歷年以來。當伏秋大汛。司河各官。率皆倉皇奔走。搶救不遑。及至水落霜清。則以現在可保無虞。而不復再求疏刷河身之策。漸至河底日高。清水不能暢出。隄身遞增。城郭居民。盡在河底之下。惟仗歲請金錢。將黃河擡於至高之處。所言切中時弊。每年東河南河歲請修防經費數百萬金。在國家保衛民生。原不靳惜帑金。惟似此年年增培隄堰。河身愈墊愈高。勢將

何所底止。前此琦善等因河工敗壞。曾有改移海口以減黃。拋護碎石坦坡以蓄清二議。昨據奏稱。前赴灌河一帶。勘明灌河口海灘高仰。導河必為頂阻。掣溜難期迅疾。口內河形窄狹。膠淤不能刷深。一經下游頂阻。勢必泛濫四出。較現行之海口。轉無把握。且稽考成案。康熙年間屢改屢決。嘉慶年間屢議未就。自不可輕易更張。即碎石坦坡。原為保護湖隄之計。然亦有議及流弊者。亦不可不從長計議。現據張井奏陳。或逢灣取直。或設法疏濬。或復靳輔濬船成法。或築做對頭壩。工在張井嚴煥身任河督。河務是其專責。琦善程祖洛兼管河工。亦責無旁貸。著即會同籌議。或於道將廳營員弁內之諳習河務者。將海口如何可以大暢。河底如何可以刷深。悉心講求。總期遂就下之性。復舊日成規。於河工大局。計深慮遠。籌畫萬全。以冀永慶平成。勿徂於目前積習。方為不負委任也。將此各

諭令知之。○河東河道總督張井奏謝實授恩得旨。汝能公勤盡職。普慶安瀾。地方庶姓樂業安居。朕不勝欣慰。然幹國之大臣。尤當計及久遠。豈可徒苟安目前。日後加慎加勉。為國宣勤。以副委任。永承恩澤也。○以工部左侍郎舒明阿。兼署錢法堂事務。○以京營左翼總兵富爾嵩阿。署正黃旗護軍統領。○賞古城協領多貴。副都統銜。為庫爾喀喇烏蘇領隊大臣。○貴州布政使吳榮光。請解任回籍省親。允之。以湖北按察使富呢揚阿。為貴州布政使。浙江杭嘉湖道源溥。為湖北按察使。○乙卯。

上幸圓明園。○詣綺春園問

皇太后安。○諭內閣。張師誠奏請將失察解役潛回之各州縣議處一摺。州縣起解人犯。例應選派的役。小心管押。以昭慎重。乃近日各省多有疏脫重犯之案。總由各州縣玩弛相沿。僉差不慎所致。雖經該督撫隨事奏參。留

緝。然與其懲辦於事後。曷若豫防於事先。本日張師誠奏。查出壽州等州縣解審人犯。原僉解役。於解府審轉後。先行潛回。殊違定例。請將失察之各州縣議處。深得先事懲誡之義。所奏甚是。著將署壽州知州潁州府通判王友仁。宿州知州蘇元璐。霍邱縣知縣張家楹。潁上縣知縣劉耀椿。俱交部照例議處。其逃回各役。並著飭令按名懲處。○安徽巡撫張師誠奏。查明糧船水手尚無習教挾制情弊。嗣後責成總運廳員幫弁。及地方官嚴加約束。得旨。隨時認真飭查。不可日久生懈。○調正黃旗蒙古副都統富爾嵩阿。為正白旗滿洲副都統。以頭等侍衛法克星阿。為正黃旗蒙古副都統。○盛京副都統倫圖善。因病解任。以前任鑲黃旗護軍統領安福。為盛京副都統。○鑄給河南汝寧府新息分防通判關防。從巡撫程祖洛請也。○丙辰。諭內閣。奉皇太后懿旨。本月初十日。著停止行禮筵宴。其



福晉命婦進內慶祝之處。仍照向例行。○又諭。現奉

皇太后懿旨。本月初十日停止行禮。自應敬謹遵行。本年為

聖母五旬萬壽。率土騰歡。在廷諸臣。自當恭申叩祝。所有王公一二品大臣。是日俱著在綺春園二宮門外行禮。三品以下各員。是日俱著在午門外行禮。○又諭。御史劉尹衡奏。請釐剔書差捺案一摺。各省承審案件。原以昭

雪冤誣剔除弊竇。自應秉公速結。俾清庶獄。如該御史所奏。近來京控各案。由州縣書差捺案者。每十居八九。皆因書差婪贓包庇。抗不查拏要證。朦蔽州縣。往往經年累月。案懸莫結。遇有翻控。該上司仍發回原審官辦理。為消弭地步。以致京控案件愈多。殊非慎刑釐弊之道。著通諭各直省督撫飭同司道等一體留心查察。嗣後於所屬州縣。如有因循疲玩者。認真甄別。並將奸胥猾吏概行屏逐。

凡遇詞訟。勒限速辦。嚴行催比。毋任仍前延擱。儻有控告州縣書差之案。著即親提嚴訊。不得仍交州縣承審。一經得實。將書差加等治罪。該管州縣指明叅辦。毋稍徇庇。以除積弊。而肅吏治。○緩徵陝西榆林米脂吳堡神木四縣被雹村莊下忙銀糧草束。並給榆林米脂吳堡三縣災民一月口糧。○丁巳兩淮鹽政曾煥奏。淮北運阻商疲。得旨。看汝如何奏辦。若祇知乞恩二字。孰不能之。大非簡任之意矣。勉之懷之。○予出卡陣亡喀什噶爾幫辦大臣巴彥巴圖。二等輕車都尉世職。賞銀一千一百兩。○旌表守正捐軀直隸密雲縣外委馮瑞妻張氏。○除山西豐鎮廳沙鰾地五十一頃二十七畝有奇額賦。○戊午。諭內閣。趙慎畛奏。將校閱案內技優各員弁。仍請分別升拔一摺。前據趙慎畛。校閱閩省長福等營水陸官兵。分別等第升拔降補具奏。當照議交部辦理。嗣經兵部以拔補各缺內。

有停升住俸限緝之案。與例不符議駁。茲該督奏稱查閱營伍考覈員弁。與尋常循例升用不同。且閱兵時升拔降補。係當場宣諭。員弁有無處分。不能一一稽覈。若俟校閱事畢。檢查成例。轉不足以昭懲勸。並稱向來閱兵案內。憑技藝而不計處分。錄寸長而並不計缺次。係援照成案辦理。所奏未嘗不是。惟激揚人才。於鼓勵之中。仍須示以限制。若概言破格錄用。亦恐啓趨避倖進之漸。況升遷調

補各員弁。總須候旨明白宣示。以示獎勵。即奉旨之後。部臣查有違例處分。亦准奏明駁斥。朕一秉大公。從不豫存成見。部臣照例辦理。亦不容稍有軒輊於其間也。所有技藝優嫻之千總曾寶光等。著該督先行存記。將來如有相當缺出。酌量升用。此次該督請將曾寶光遇缺即升。把總黃長宏孫得陞。楊得貴等遞行升拔之處。仍照部議不准行。○大學士直隸總督蔣攸銛奏接運滯漕挽抵故城。

豫籌天津北倉等處。分別截卸囤貯。得旨所奏均悉。隨時查看情形。妥慎辦理。○貸荊州將軍慶山等養廉銀。修理衙署。○己未上詣

安佑宮行禮。○詣綺春園問

皇太后安。○諭軍機大臣等。慶祥奏。續准喀什噶爾咨報賊匪分竄。仍須兵力禦防。一摺。逆夷張格爾。現雖遠竄。惟喀什噶爾甫經滋擾。回情不無惶惑。且恐該逆復來窺伺。不可不

嚴加防範。該將軍前派穆克登布所帶兵一千名。已降旨令永芹暫留備用。所調補額官兵。現即諭知永芹。於此一千名內撥補足額矣。其派備後起官兵一千名。著該將軍俟派往偵探之佐領等回報到日。應否飭令起行。再行詳察情形辦理。至該逆張格爾。屢在卡外滋事。總以伊係霍集占後裔。煽惑回眾。前此被勒遣竄。潛投霍罕地方。上年九月間。據永芹奏。該逆自霍罕逃出。勢甚窮蹙。隨帶八

九人到阿賴地方後。輾轉流移。在各布魯特部落糾結。隨聚隨散。現在該逆於拒傷官兵後潛逃。是否仍匿居霍罕地方。抑在各布魯特部落伏匿。並無一定巢穴。不值遠勞兵力。搽捕。朕思以夷制夷。可收以逸待勞之效。從前玉努斯。在喀什噶爾。阿奇木伯克任內。曾以薩木薩克有子玉素普。在霍罕潛匿。遣人探問。嗣經審屬虛捏。治罪羈禁。後因伊母思子情切。令該將軍察看情形釋放。玉努斯係

曾經獲罪之人。此時若差令設法誘擒。俾伊藉此圖效。或能辦集此事。亦未可知。惟玉努斯能否辦理。現在可否差往。著該將軍詳查。如果可用。即面加曉諭。伊曾襲封郡王。因罹重辟。仰荷

天恩寬宥。此時現有張格爾。自稱薩木薩克逆裔。在卡外各布魯特遊奕。時來近卡地方窺伺。玉努斯如能設法。令卡外布魯特將張格爾及伊弟巴布頂擒獻。大皇帝必念伊祖伊

父誠悃。及伊此番出力勤勞。加以逾格厚恩。如此剴切曉諭。伊或感激思奮。冀圖重膺爵賞。藉除逆裔根株。豈不較勞師糜餉為得計。如不堪任使。亦即據實具奏。此外或另有能事可用之伯克。並可奏明調往差遣。再此次巴彥巴圖同時陣沒官兵。不為不多。何以並無回子伯克通事等一人在內。於追勦賊匪情形內。亦未敘及。殊不可解。恐其中另有別情。可一併密加訪察。據實回奏。若稍有徇隱。

則是汝大負

皇考委任之意矣。懷之慎之。將此諭令知之。○又諭慶祥奏。俄囉斯私入邊界建房。請飭查詢一摺。俄囉斯素形驕悍。今於哈喇塔拉地方。私蓋房間。霸取哈薩克牲畜租賦。現據阿布拉稟稱。往見其頭人。傳述察罕汗賞給物件。欲擇哈喇塔拉水草好處築城種地收租。是否係其屬下頭人所為。抑係該察罕汗教令所致。自應查覈明確。再行辦理。現已由理

藩院行文薩納特衙門查詢。俟其如何回覆。再行諭知該將軍相機妥辦。此時邊防緊要。該將軍務當嚴飭卡倫員弁兵丁加意防守。勿致稍有疏虞。並曉諭哈薩克公阿布拉。以伊素稱恭順。現已行文俄囉斯查詢建房情由。以憑覈辦。該眾哈薩克勿得因有此事。藉辭擅入卡倫。該將軍一面剴切曉諭。一面飭知該卡倫一體防範。無許闖入。以靖邊圉。將此諭令知之。○又諭慶祥奏。接據喀什噶爾咨報賊匪分竄內地安靜。一時無用重兵。咨調索倫錫伯兵一百名。官三員。備防補額等語。逆夷張格爾滋事遠竄。已非一次。其伎倆已可概見。乃貪功輕敵。至令孤軍深入。重失事機。此時該逆雖復遠竄。安知不伺隙潛來滋擾。前經降旨。令將穆克登布所帶兵一千名。暫留備防。其應調補額兵一百名。官三員。即著於此一千名內撥補。其餘官兵。仍留於喀什噶爾以資防守。現在所調葉爾羌兵三

百名。自己飭令回防。如該處兵力不足以壯聲威。著永芹與慶祥商酌。即將前派後起官兵一千名。令烏凌阿管帶前往。以期有備無患。所有各卡倫。務當加意防範。無稍疏虞。上年據永芹奏稱。該逆在各布魯特部落糾集。隨聚隨散。何以現在如此鴟張。此時又復逃往何處。著永芹揀派妥幹員弁伯克等。密加偵察。一有潛匿蹤跡。即奏明相機剿辦。庶足以懲兇頑而安邊徼。將此諭令知之。○山東巡撫武隆阿奏。衛河水弱。應添剝船。得旨。依議。妥速辦理。○予伊犁解送烏魯木齊馬匹官員議敘。賞兵丁一月鹽菜銀。○追予元臣拜住。入祀陝西大荔縣忠義祠。從巡撫鄂山請也。○緩徵河南新鄉。延津。封邱。考城。內黃。蘭陽。儀封。原武。淮寧。項城。陽武。汲。淇。滑。濬。安陽。臨漳。湯陰。十八廳縣歉收村莊新舊額賦。及籽種口糧租穀。○緩徵山東高唐陽穀。單。鄆城。齊河。恩。館陶。利津。八州縣被旱被蟲村

莊新舊額賦。及各項銀米。○以山東州縣間被旱蝗。緩買三限截漕米麥豆石。○庚申諭軍機大臣等。前經降旨令德英阿前往伊犁署理將軍。邊事緊要。朕聞其近日精神較遜於前。殊為慮念。那彥成來京陛見。必與德英阿途次會晤。著將該將軍現在精力若何。即由驛據實覆奏。將此諭令知之。尋奏陝西咸陽途次會遇德英阿。尚無病恙。而心氣粗浮。不敢保其必能勝任。得旨。覽奏均悉。○河東河道總督張井奏。督率廳汛籌辦導引泉渠。收納坡水。估修閘壩。得旨。外省疲玩之習。在在不免。全仗該管上司嚴行督飭。庶可無誤公事。勉之。○增培河南兩岸十三廳。山東曹河糧河二廳。限堰壩戲等工。從河道總督張井請也。○辛酉。

上御同樂園。賜皇子及內廷王大臣等食。至甲子皆如之。○壬戌。諭內閣。富俊等奏酌撥兵額以資辦公一摺。雙城堡建房木植。向令阿

勒楚喀拉林砍伐一半。各城輪年分砍一半。茲據該將軍詳查阿勒楚喀拉林額兵各四百零六名。差務繁多。又兼年年派砍木植。不敷調遣。自係實在情形。著照所請。即於吉林額兵內酌量抽撥一百五十名。寧古塔額兵內抽撥一百名。三姓額兵內抽撥一百五十名。不必即行裁撤更調。俟各城甲兵出缺時。無須挑補。咨明該副都統於阿勒楚喀拉林雙城堡閒散內。仍按馬步騎射技藝揀選充補。計共添兵四百名。連前額共計有兵一千二百一十二名。以資調遣。該部知道。○又諭。富俊等奏參伐木遲誤之員。並籌款加賞鹽菜銀兩一摺。佐領訥恩登阿等。前因委辦木植。屢催未交。經富俊等奏請摘去頂帶。勒限交納。今復逾限仍未交足。訥恩登阿尚欠交木植二千一百餘根。實屬延玩。訥恩登阿著交部議處。所欠木植。勒令明年如數交納。至已故佐領阿勒金太所欠木植。除伊子圖克

唐阿設法砍運交納外。尚欠二千六百餘根。著該將軍勒限明年開河後全數交足。如再遲逾不交。即行咨參嚴懲。其所請加賞伐木兵丁鹽菜銀兩。著即於吉林義倉穀價現存款內。動支銀一萬兩發商生息。每歲所得息銀一千二百兩。每兵加賞銀四兩。共需銀八百兩。其餘息銀四百兩。即著歸還原款。又據另片奏。砍伐木植勘懲章程。著照所請。該委員果於年前照依丈尺數目砍伐齊全。次年八月內全數交足。咨部給予紀錄二次。如運到木植尺寸不敷。除將細小木植入官外。飭令照數補伐趕運。免其議處。若當年不能交納。遲至次年運交者。罰俸一年。儻次年仍不全交。即將該委員降二級留任。仍罰俸一年。以示懲儆。○癸亥。

皇太后五旬聖壽節。遣官祭太廟後殿。

奉先殿。

上率皇子王公大臣。詣綺春園行慶賀禮。眾官於午門外行禮。○

上侍

皇太后早膳。晚復如之。○諭軍機大臣等。本日據陳中孚奏。於十月初一日到任。署漕督穆彰阿。奏明帶印催漕北上。題奏事件。暫借河督關防。其咨行事件。就近借淮安府印信。現值辦理新漕。除海運米石外。其餘應由盤壩接運。存在在均須趕辦。借用印信究多格礙等語。穆彰阿現在督押尾幫軍船北上。本日據奏已抵濟寧。沿途催趲軍船。儘可借用押漕道廳印信。著即將漕運總督關防。派委妥員迅速齎送新任漕督陳中孚接收。辦理一切漕事。以專責成。將此諭令知之。○免齊齊哈爾等處歉收軍田穀石。展緩前借口糧銀。○甲子。以吏部左侍郎王引之。為順天武鄉試正考官。翰林院侍講學士潘錫恩。為副考官。○乙丑。

上詣

安佑宮行禮。○調任山東學政吳慈鶴奏報抵任。得旨學校修明。因屬職所當然。至地方公事。亦要留心查訪。順便據實密奏。總要公正乃心。視國事如家事。不可沾染外官習氣。動輒朦混瞻徇也。果能實心為國。方不負簡調之意。密之慎之。○丙寅。

上詣

大高殿。

壽皇殿行禮。○奉

皇太后還宮。○諭軍機大臣等。前據慶祥奏。俄囉斯私入邊界建房。其頭人傳述。欲擇哈喇塔拉水草好處築城種地。請飭查詢。朕以事關邊防。自應查覈確實。再行辦理。已飭擬詢問俄囉斯。查明邊界建房咨文。由理藩院行文薩納特衙門查詢矣。本日復據松筠奏稱。從前或係哈薩克侵占俄囉斯游牧。今俄囉斯意欲討還。哈薩克以一面之詞。希圖為其

上詣

檄詢。亦未可定。僅俄囉斯以本係哈薩克侵占。必應討還為詞。理藩院轉難查辦。哈薩克游牧疆界。與俄囉斯毗連。理藩院無憑可查。該將軍似可以行查理藩院。並無伊等疆界圖識。礙難查辦。曉諭哈薩克。以天朝定例。外藩之地有疆界者。方可查辦。無疆界者。例不辦理。令其和睦鄰封。似可毋庸行文俄囉斯。免生枝節等語。邊防緊要。該處現在情形。慶祥自必詳悉明確。茲將理藩院詢問俄囉斯清漢咨文。及松筠原摺。一併鈔給閱看。並著該將軍隨時體察。相機妥辦。總期無失天朝體制。仍不致開邊釁。方為不負委任。將此諭令知之。○河東河道總督張井奏。籌蓄微山湖。水得旨盡心力而為之。明歲重運經臨。斷不准以湖水短絀為詞。致滋貽誤。懍之慎之。○修山東運河。加河廳屬隄閘。並挑挖引渠。從河道總督張井請也。○丁卯。

皇太后宮問安。○貸浙江等幫例給經紀辦公銀。○戊辰諭軍機大臣等。蔣攸銛奏。察看催趲滯漕情形。請酌定期限。分別趲運截卸一摺。本年接運滯漕。截至本月十二日止。未入直隸境者尚有十六幫之多。現在節逾小雪。天氣日寒。若北風驟起。連檣凍阻。進退無策。不免臨時周章。自應酌定期限。分別截卸。北運河船過津關。寄剝到壩。至速亦須旬餘。著以本月十五日為斷。已到津關者仍催令寄剝前進。即令原船回空。其十六日後始抵津關者。即令其在北倉卸貯。除北倉空廩四十餘座。儘數存貯米四十餘萬石外。所有倉廩院內地尚乾燥。亦可囤貯一二十萬石。如再不敷。即援照成案。於天津地方行店廟宇。暫行囤貯。其南運河河水日耗。古淺之處極多。向於大雪前後河冰凝結。現距大雪僅有半月。若幫船未能銜尾而來。即不能全數抵津。著以十月二十五日為斷。已到直隸景州安

陵汎境者仍押催北上。趕至津關卸貯。其將到安陵而尚在山東境者。即查照向來成案。就近截卸山東德州囤貯。其直隸故城縣運河。又在德州以南。著以十月二十日為斷。如尚未挽到故城者。即將幫船截留山東臨清囤貯。以便軍船卸載回空。著博啓圖申啓賢。武隆阿。各援照成案。分別妥速籌辦。毋得互相推諉。以致凍阻中途。蔣攸銛仍嚴飭該鎮道等。將在後幫船迎提分段節催速益加速。

總期多一幫寄剝赴通。即少一幫截卸北倉。多一幫趲入直境。即少一幫卸貯山東。不得因定有期限。稍為懈怠。現在風高物燥。火燭堪虞。所有回空守凍。即著派分數處停泊。並遴委文武大員。親駐河干。稽查彈壓。毋令滋生事端。至各幫丁力疲乏。本年在淮河起剝。空淺。及盤壩剝運。一切空芭抗袋之費。係旗丁自行措辦。現又接運幫船北上。實因盤壩過遲。並非該幫丁辦理不善所致。若僅例給



水脚口糧。別無津貼。將來守凍。又須數月之久。口食無資。著該署漕督穆彰阿隨時察看情形。酌量調劑。總期幫丁不至十分苦累。水手等沿途俱各安靜。此為至要。將此諭知博啓圖等。並諭蔣攸銛知之。○大學士直隸總督蔣攸銛奏。清理入官旗地三千六百一十一頃八十五畝有奇。應徵租銀四萬五千一百餘兩。通飭徵解。此外又有民人自首無租旗地二百四十餘頃。每畝酌定租額八分。一體給照徵租。下部知之。○己巳。諭內閣。武隆阿奏。察看接運幫船行走情形。如旬日半月內。北風不致大作。河水無虞消耗。約計二十以後。可一律趲出東境等語。本年接運南糧幫船。未入直隸境者尚多。現已節逾小雪。天氣日寒。昨據蔣攸銛酌量情形。請定限分別趲運截卸。當經降旨。交該撫等各援照成案。分別妥速籌辦。該撫此時尚未接奉前旨。現既奏稱天未大寒。水勢充足。著武隆阿即

商同蔣攸銛乘此機會。督飭催漕員弁。加緊催挽。總期趲早一日。即少一處卸貯。不得因定有限期。可以截卸。遂致稍為鬆懈。至開內運河已屆冬挑。東省運船因接運尚未歸次。所有開內各州縣本年應兌漕糧。著即改為春兌春開。俾運河挑工及時趕辦。以免貽誤。○改鑄直隸泰寧鎮總兵。及中軍遊擊關防。從大學士總督蔣攸銛請也。○庚午。月食。○諭內閣。琦善等奏。堰圩石工完竣。請酌添保固年限一摺。高堰山圩兩廳石工。上年被風掣塌。當經飭派監催各員。分段估修。現已依限完竣。據該督等查明工程尚無遲誤。惟新砌石料。內多斜空隙。僅恃灰漿錠錫。難資抵禦。其從前舊工尤多偷減等語。洪湖石工原以蓄水濟運。保衛民生。前此在事工員。辦理草率。誤運殃民。殊堪痛恨。此次堰圩石工長至一萬一千餘丈。用銀至九十餘萬兩之多。非尋常工程可比。若僅照例保固。將來工

員得以置身事外。糜帑滋多。著於例限三年外。再加保固一年。如限內稍有掣塌。即令原辦之員賠修示懲。將來承辦坦坡各員。亦著照此辦理。俾知警畏。至高堰十三堡。山盱息浪庵兩處。補還石工。著即發銀購料興修。嚴飭工員認真趕辦。又另片奏。長隄新舊石工共掣卸十一段。信壩埽餞。亦掣通過水。現經該道將督飭廳營各員。堵合穩固。該處壩工甫經辦竣。何至一遇風暴。即有坍卸。所有原做埽餞銀兩。即覈明分別賠修。現任山盱通判孫厚坤。山盱營守備尹連。著即行撤任。以為修防不慎者戒。該部知道。○諭軍機大臣等。朕因翰林院侍講學士潘錫恩。平日尚能留心水利。上年條陳海運河工事宜。敷奏頗為明晰。本日已降旨。將該員發往江蘇。以道員用矣。該員到省後。著琦善留心察看。如果熟諳河務。即於河工道缺中酌量奏補。如不能勝任。亦著據實奏聞。不得因係特旨命往

人員。稍存遷就。將此諭令知之。○以工部左侍郎舒明阿。為杭州將軍。仍兼散秩大臣。○以禮部右侍郎奎照。署工部左侍郎。兼署錢法堂事務。○調正白旗蒙古副都統奕經。為正白旗滿洲副都統。以宗人府理事官存華。為正白旗蒙古副都統。○以運河挑濬深通。准已革兩江總督孫玉庭。五品銜休致顏檢。回籍。○蠲緩江蘇沛。六合。山陽。清河。桃源。安東。鹽城。高郵。泰。甘泉。寶應。銅山。豐。蕭。碭山。邳。宿遷。睢寧。十八州縣。並淮安。大河。徐州。三衛。被水被旱災民。新舊額賦。○緩徵湖南澧。安鄉。二州縣被水垸田。新舊額賦。並籽種倉穀。○展緩廣東潮橋歉收各埠鹽課銀。○辛未止詰

昭顯廟拈香。○諭內閣。陶澍奏。歷任常鎮道承辦船工。借動揚關庫項。攤捐未補。並濫借挑河銀兩。無著。奏請追賠一摺。江蘇常鎮道承辦修造外海戰船哨船。自嘉慶三年後。歷

任各員均因例價不敷動借庫項扣廉流攤又金壇丹陽二縣承挑徒陽運河工程較大及鎮江挑浚城河民捐未集俱經前任道員王逢源借給庫項節年追繳未完官民挑河該道衙門不過責司督察乃擅以庫項借給致歸無著實屬濫借所有原借挑河銀七千兩著於王逢源名下追賠至歷任承辦船工借墊流攤行之日久前借之款尚未補完而後屆之船復須修造以致攤捐之數愈積愈多。年復一年。伊於何底。應即埽數追完。以清庫款。所有此項船工借動銀兩除歷任捐補外。現在未補銀二萬六千八百六十二兩零。即著落原借之趙宜喜。昌德。策名。王逢源。余需元。王賡言等六員名下分限追繳。銀數在五。千兩以上。限一年全完。一萬兩以上。限二年全完。著該撫即分咨各該員旗籍。併行任所。按限嚴追。解道歸款。嗣後修造船工。如有不敷之項。責令承修之常鎮道自行籌畫。不

准再借關庫銀兩以杜那移之弊。該部知道。○又諭。山東省具題恩縣嶧縣萊陽平原等處撫卹口糧免造花名圖冊四本內將英和名字並不全書祇寫臣英字樣殊失君前臣名之義。訥爾經額在部行走多年豈不諳習體制乃漫不經心任聽書吏率行書寫實屬疏忽著傳旨嚴行申飭。○盛京將軍晉昌奏

永陵

啓運殿工程奏准修理遵擇十二月二十六日

卯時恭移

神牌安奉東西

配殿報聞。○瀋湖北漢水支河修黃梅縣塘房哨船從總督李鴻賓請也。○緩湖南應解通米及漕船漂失米石。○壬申。

上詣

皇太后宮問安。○諭軍機大臣等前據永芹奏逆夷張格爾在卡外滋事巴彥巴圖於撤兵時誤入山險被圍與官兵同時陣歿當降旨

由五百里諭知永芹。令偵探該逆確實信息。並督率官兵嚴加防範矣。迄今又閱兩旬。未據永芹續奏。究竟該逆是否遠竄。該參贊大臣如何防範。朕心日深懸盼。乃慶祥於本月初六日。已續奏喀什噶爾情形。而永芹至今未見續奏。杳無音信。殊不可解。所有被圍陣歿官兵伯克回子名數。及巴彥巴圖屍身。是否查有下落。各處卡倫。是否安靜。該逆遠竄。是否探有蹤跡。所有喀什噶爾一切善後事宜。現在如何辦理之處。即著迅速覆奏。以慰廑注。將此由四百里諭令知之。○又諭。前有旨。令德英阿署伊犁將軍。以便慶祥來京。陛見。現已諭令慶祥無庸來京。德英阿不必前往伊犁。接奉此旨。無論行抵何處。即取道赴烏里雅蘇台新任。將此諭令知之。○又諭。前有旨。令慶祥來京。陛見。嗣因喀什噶爾卡倫外逆夷滋事。諭知該將軍暫緩來京。候旨遵行。朕思邊疆緊要。未便遽易生手。慶祥在伊

犁任事有年。於該處情形較為熟悉。現在張格爾竄逃未獲。難保不乘間窺伺。所有派防調兵事宜。均須慶祥隨時察看情形。一手經理。現已降旨。令德英阿無庸前赴伊犁。即赴烏里雅蘇台新任。將此諭令慶祥知之。○命署烏里雅蘇台將軍都察院左都御史松筠回京。○緩徵湖北江陵監利。潛江。天門。沔陽。漢川。鍾祥。京山。應城。孝感。荊門。黃岡。雲夢。十。三州縣被水被旱災民新舊額賦。及雜項銀米有差。○貸涼州莊浪駐防官員二年俸銀。兵丁一年餉銀。修理衙署兵房。○癸酉。上御太和殿視朝。王以下文武升轉各官謝恩。○以寧古塔被旱歉收。緩徵額糧銀米十分之五。○甲戌。諭內閣。琦善等奏。安徽省漕糧雇船剝運事宜一摺。各省明歲應運軍糧。除海運外。餘均用江淮首二進幫船。截留河北接運。安徽省惟宿州頭二幫船可以歸次。餘船均在河北首二兩進之中。該省起運漕糧。

內由宿州兩幫軍船及減歇輪造船隻僅可兌運五萬餘石。餘米二十六萬石。須船八九百隻。應即分投雇備。與別省原船裝運不同。所需銀十萬兩以內。若責令州縣籌辦。必致藉口賠累。著加恩准其於司庫丁地銀內動撥銀十萬兩。由該撫督同藩司。撙節覈發。無許稍有浮糜。事竣覈實報銷。用贖銀兩仍行報撥。此項運糧民船。經過各關。准其免納船料稅銀。其安省現留河北軍船旗丁歸次受兌及押運盤壩各事宜。並著籌酌妥為辦理。該部知道。○諭軍機大臣等。據托津奏。俄羅斯為徼外之國。設法羈縻。訖未臣服。哈薩克平日越邊搶掠。賦性險猾。該台吉所稱明年築城種地。未可盡信。即俄羅斯築城種地。距卡倫尚四百里。至哈喇塔拉。是否係哈薩克境界。無憑可查。難保非仰藉天威。希圖微利。所有公文一件。請免咨行。並請飭將軍慶祥。如哈薩克不行呈報。即置不問。設請代為

查詢。當諭以疆界不清。例不查辦等語。事關邊徼機宜。松筠托津俱曾任新疆。熟於邊外情形。所奏自不為無見。然今昔情形不同。該將軍慶祥辦事有年。於該處事宜諒所稔悉。是否必應由理藩院行文該國。令其禁止。或竟置之不問。抑該將軍處派委妥員。前往哈喇塔拉地方。設法曉諭該夷。令其撤去房屋。杜其築城種地之謀。該將軍體察該處情形。不可回護前奏。亦不可因有松筠托津之奏。意存遷就。務須斟酌盡善。籌出萬全。方為妥協。將此由四百里諭令知之。○命駐藏幫辦大臣保昌喀喇沙爾辦事大臣徐錕。英吉沙爾領隊大臣色普徵額。來京。以頭等侍衛敦良為駐藏幫辦大臣。鑲藍旗蒙古副都統巴哈布為喀喇沙爾辦事大臣。正黃旗漢軍副都統舒倫保為英吉沙爾領隊大臣。○以刑部尚書嵩孚兼署鑲黃旗漢軍都統。○乙亥。諭軍機大臣等。永芹奏。查明官兵傷亡數目。

現在差探賊蹤。分防要隘一摺。前此出卡勦捕逆夷張格爾。被圍傷亡兵丁。現經永芹派員收合潰散。查明傷亡伊犁滿兵五名。壯丁一名。索倫錫伯兵三十五名。綠營馬步守兵九十五名。帶傷綠營兵五名。著即按名造冊咨部。照例分別給予卹賞。陣亡兵丁失去軍械馬匹。准其一併報部覈銷。隨營接仗之六品伯克推列克。七品伯克開色木。素皮尼雅斯三名。或臨陣傷亡。或迷失未歸。著即詳查確實。奏明辦理。至差探張格爾。現在竄至碩拉地方。與助逆之布魯特頭目汰劣克。及賊目拜巴哈什等。潛相團結。即應設法殲擒。以彰國憲。現既查有布魯特頭人那帕斯。提里斯。伊里斯曼底。能知大義。並不甘心從逆。伊里斯曼底。因先事報信。汰劣克。欲加搶劫。現已率其所屬五百餘戶。移住奇里克部落。情願合力效順。聽候差遣。正可乘此機會。加以獎勵。諭以利害。庶可堅其心志。著永芹查明。

即將伊三人招致。宣示諭旨。嘉其誠悃。如無頂帶。即各賞給七品頂帶。其有頂帶者。各賞給加一等頂帶。並諭以此係大皇帝因爾等不肯從逆。特加獎賚。如能再將張格爾汰劣克等。設法勦捕。或得生擒縛獻。或殲斃得有確據。將來奏明。必逾格懋加封賞。非常榮顯。現在汰劣克既恨爾等。儻若將張格爾汰劣克等。留在卡外。日日找尋爾等洩恨。爾等家口及所屬人等。必致被其戕害。爾等此時當仰藉天朝威力。確探張格爾汰劣克等賊勢。併力攻勦殲擒。不但保全爾屬下人等安居樂業。並可渥受厚恩。為布魯特有功一大部落。在卡外豈不更覺體面。如此剴切曉諭。或可收以夷制夷之效。該參贊既探有張格爾仍投霍罕之信。已於該夷使額爾沁阿布都哈里克等。到喀什噶爾時。飭令傳諭霍罕伯克。若張格爾投去。該伯克即行擒獻。不特表爾伯克世代恭順之忱。即當仰受格外恩賚。

如不能縛獻亦斷不可收留。所辦亦屬周密。又據另片奏稱。張格爾之弟巴布頂。現經渾都斯伯克。安插所屬之達哈奈地方居住。不准外出。並欲發信喚取張格爾一同居住。如不聽從。另約希格南部落伯克胡瓦特。帶兵將張格爾拏去等語。雖係得自貿易回子巴雜爾拜等傳聞。未為的確。永芹當飭邁瑪薩依特。善待該部落貿易回子。令其傳諭該伯克。使知順逆之理。俾令設法縛獻。奏請恩施。並再留心確查該逆夷蹤跡。務期永絕根株。勿留孽種。以安邊徼。其穆克登布所帶官兵沿途接換馬匹。著照所議辦理。所謂葉爾羌兵三百名。俟伊犁兵到時。即行撤還可也。將此由五百里諭知永芹。並諭慶祥知之。○喀什噶爾參贊大臣永芹奏。拏獲逆搶卡之回子沙巴拉特。邁瑪特阿里。即行正法。報聞。○以正白旗漢軍副都統恆齡。兼署正黃旗漢軍副都統。○貸江南接運守凍幫船銀。○

丙子。諭內閣。前據英惠奏。烏魯木齊等處駐防旗員。請援照各省駐防之例。一體保送緣營升用。當交兵部覈議。茲據分別准駁具奏。朕思該處駐防官員兵丁。俱有一定升途。伊等生長新疆。於內地情形素未熟悉。若與各省駐防人員一體升用。既礙緣營升轉之途。亦於營務難期得力。至防禦以下等官。保送得缺後。引見赴任。長途資斧維艱。尤不足以示體恤。新疆營制星羅。若伊犁等處亦紛紛效尤陳請。徒滋冒濫。該都統所奏。著俱無庸議。○諭軍機大臣等。王鼎現在患病。著暫住浙江。安心調理。病愈後仍遵前旨。會同程含章。督同臬司祁墳。將德清縣徐蔡氏全案審結。再行起程回京。將此諭知程含章。並諭王鼎知之。○浙江學政朱士彥奏。報抵任。得旨。看汝人甚樸實。衡文固是職所當然。即地方公事。官吏賢否。亦應隨時密察密奏。毋負簡用之意。慎之密之。○緩徵浙江臨海縣被旱



被風村莊新舊額賦○丁丑

上幸皇長子奕緯所進膳○倉場侍郎申啓賢奏滯漕全抵直境北倉足敷截卸無容另處囤貯得旨所奏均悉妥慎為之○以故四子部落札薩克多羅達爾漢卓哩克圖郡王彭楚克桑魯布子伊什楚克魯布襲爵○廣西思恩府屬那馬土巡檢黃瑜緣事褫革以其子河源襲職○以催挽南漕出力予山東兗州鎮總兵官舒凌阿等議敘○改鑄直隸寧

河撫寧西寧豐寧寧晉五縣知縣寧河撫寧西寧寧津寧晉五縣儒學延慶州永寧城寧河縣蘆臺司豐寧縣巡檢各印信條記從大學士總督蔣攸銛請也○旌表守正捐軀四川內江縣民王德琮妻葉氏○緩徵安徽鳳陽潛山懷遠定遠靈璧壽懷寧宿鳳臺盱眙天長泗六安十三州縣被水被旱田畝新舊額賦並展緩業無為桐城亳五河繁昌當塗七州縣節年積欠銀米○戊寅

上諭

時應官拈香○諭軍機大臣等蔣攸銛奏湖南尾幫於十月十七日催入安陵汛境現已開倉數日聞每日起米無多若驟起北風斗級人等斛量必不靈便益致遲緩卸載之船既不能退出回空在後幫船亦未能移前起卸船多擁聚一處等語現在即節交大雪糧船全數抵津暫行囤貯俟開春剝運著申啓賢多派經紀斗級等勒限趕緊起卸須較北

壩卸米每日三萬石之數分收加倍務於未凍以前全數完竣其楊村寄剝軍船現已陸續回空挽過津關北倉截卸幫船亦飭令卸完一幫即押開一幫速益求速總之卸米之數愈多愈妙押開之幫愈早愈好並責成天津鎮總兵克什德添派卸署河間協副將袁寬往來南運河一帶督同沿河印委文武節迎提催趲務期全數趕出直境儻河冰將結仍遵前旨將未出境幫船派分數段於寬



關地方停泊。遴委將備等親駐河干。支搭帳房。備齊槍械。巡查彈壓。以壯聲威。而期靜謐。將此諭知申啓賢。並傳諭克什德知之。○以故科爾沁扎薩克多羅郡王索特納木多布齋嗣子僧格林沁襲爵。○以故雲南大理府屬定西嶺土巡檢李仙昇孫奉源襲職。○己卯。

上詣

皇太后宮問安。○馬蘭鎮總兵官慶惠奏。查明種樹成活分數。得旨。前二年樹蟲甚多。近來光景如何。仍當飭屬嚴行查看。有則盡力捕除。勿再令其滋蔓也。○旌表守正被戕湖北襄陽縣民薛國柱妻賈氏。○展八旗兵丁應扣借支庫銀限期兩月。○庚辰。諭內閣。京旗戶口。前往雙城堡屯田。現屆道光六年移駐之期。經戶部查明。願往者共一百八十九戶。較之道光四五年。倍形踴躍。來年願往者自必更多。若照原議章程。每年以二百戶為率。

稍逾奏額。即令裁撤。該閒散等未免向隅。且上兩屆每年僅數十戶。縱將來人數稍多。該處地畝房間。亦可截長補短。嗣後著不必拘定二百戶之數。該將軍富俊。即加意籌畫。妥為經理。以期旗人生計日臻饒裕。其各旗咨報戶口。自明年為始。著於正月以後。即將願往者陸續呈報。截至六月底為止。該部按照人數多寡。先行知照吉林將軍。豫為料理。至七月以後。報出戶口。如人數不多。仍歸入該年冊內。僅人數過多。即另入下年移駐。俾京外俱得從容布置。○又諭。程含章奏。叅因姦謀殺要案。承審各員錯誤。請革職一摺。浙江德清縣民婦徐倪氏。謀勒徐蔡氏身死一案。原審覆審各官。未能究出實情。實屬有乖職守。所有初檢之湖州府知府方士淦。烏程縣知縣楊德恆。歸安縣知縣馬伯樂。覆檢之杭州府知府任蘭祐。坐補湖州府知府趙學轍。東防同知呂榮。西防同知呂璜。俱著革職。交

王鼎程含章督同臬司祁墀提齊人證嚴審毋稍徇縱。至此案各犯罪名並著王鼎等詳加訊鞫務得確情按律悉心定擬。○諭軍機大臣等慶祥奏查訪喀什噶爾地方安靜賊匪遠竄情形一摺據稱現在偵報賊匪竄至碩拉地方約有五六百里若官兵勢大即欲竄往霍罕現在卡倫外已有冰雪似不如謹飭邊備以逸待勞就前派去一千官兵即在卡倫嚴堵伊犁現有哈薩克邊界應辦之事喀什噶爾業已安靜無庸急往後二起未進官兵應暫停止等語所奏雖是但未盡之處甚多慶祥身膺重寄受

皇考特達之恩在伊犁莅任有年該逆張格爾屢次犯我卡倫傷我官兵甚至傷我二品大員同時陣歿者以百計該將軍義切同仇當如何痛心疾首矢滅此朝食之念乃既不能先事防範事後又一籌莫展所奏無非空言搪塞了局派去之一千官兵豈能長川在彼

防堵所謂以逸待勞者更不成話窮追盡戮朕亦知其不可然坐令逆夷往來自若而我官兵時有損傷以我堂堂大清屢挫銳於小醜成何事體即云現屆冬令大雪封山難保來春冰融該逆夷不復萌窺伺現在該逆夷已有一二千人若日益增多竟至直犯卡倫又將何以禦之巴彥巴圖孤軍深入全師盡殲彼時即應將慶祥交部議處永芹革職治罪伊等轉可置身事外故姑從寬貸俾得勉

贖前愆現已明降諭旨令長齡署伊犁將軍慶祥俟長齡到任後迅速前往喀什噶爾會同永芹相機妥辦責成該將軍等務將張格爾及汰劣克拜巴哈什二逆設法擒捕盡法懲治以張國威而靖邊圉朕將拭目以待然於盡心籌畫之中尤當加以慎重慶祥等亦不可因有此嚴旨遂希圖邀功冒昧輕進致有意外之虞若老師糜餉損威辱國朕惟執法重治慶祥等之罪決不寬宥懍之慎之將

此由五百里各諭令知之。○又諭逆夷張格爾。屢次來至卡外窺伺。何以布魯特等附和甚多。永芹在喀什噶爾參贊有年。平日是否撫馭失宜。不得回眾之心。並營伍有無廢弛。慶祥久任伊犁。自必有所聞見。即此次該逆滋事。及官兵勦辦情形。是否確切。豈得謬為不知。著於到喀什噶爾後。逐一查訪。據實密奏。邊防緊要。儻永芹不能勝任。定應及早奏聞。候朕裁奪。如該將軍姑息於前。又復徇隱。

於後。經朕別有訪聞。惟該將軍是問。恐不能當此重咎也。將此諭令知之。○又諭王鼎等奏。審辦德清縣命案。官吏受賄情形一摺。此案懸宕三年之久。該省大小官吏。通同一氣。朕早知有聽囑受賄情事。茲據訊出徐寶華。及徐倪氏。先後託刑書章九臬。張泳仁。致送德清歸安知縣家人等規禮銀兩。並訪出已革歸安知縣馬伯樂家人李明。供認張泳仁。過付洋銀四百圓。伊自得一百圓。轉交馬伯

樂之胞兄馬汝霖三百圓。馬汝霖堅不承認。轉向副考官趙柄。稱係撫臬以賄私派數刑求等語。徐蔡氏一案。現據訊有得賄情事。恐行賄尚不止此數。此外承審各員。亦難保無受賄別情。其黃兆蕙所供和息時致送陋規。更難保非受賄免驗。冀圖避就。至李明業經供認得賄屬實。何以復行在監自縊。殊不可解。著王鼎。程含章。督同祁墳。即提李明同事家人。嚴切根究。並傳到蔡鴻等。查明徐倪氏

何處行賄若干。務得確數。分別定擬。不得因案情現已訊出。稍存遷就。致此等不肖劣員。肆其欺罔也。又據王鼎奏。現在患病情形。著仍遵前旨安心調理。將來全案審結後回京。並著緩程行走。以資調攝。將此諭知王鼎。程含章。並傳諭祁墳知之。○步軍統領奏。長蘆鹽商王瑛。控運司張青選聽從囑託一案。得旨。此案王瑛控稱接辦查有圻公共口岸鹽地。曾認還錢二十三萬兩。運司張青選聽從

徐炘囑託將伊斥革。改派徐煜接辦等情。京官干預鹺政。虛實俱應查究。著交刑部提集王瑛及全案人證。秉公研審。內閣侍讀學士徐炘。並著解任質訊。○戶部尚書黃鉞。以年老請致仕。得旨。黃鉞雖年逾七旬。而精力尚健。前降旨令其專心部務。正當為國宣勤。永承恩眷。豈忍令其遽行解退。所請著不允。著仍照舊供職。益加懋勉。以副朕懷。○浙江巡撫程含章奏。江蘇省吳淞江水道。現未興挑。

請將浙西杭嘉湖三郡水利。一律停辦。從之。○以大學士陝甘總督長齡。署伊犁將軍。陝西固原提督楊遇春。署陝甘總督。命署陝甘總督鄂山。回陝西巡撫任。調湖南提督楊芳。為陝西固原提督。以前任湖北提督閻俊烈。為湖南提督。○以翰林院侍讀廖鴻荃。署日講起居注官。編修聶銑敏。充日講起居注官。○賞四品頂帶奉天府府尹盛泰。三品頂帶。○辛巳諭內閣。御史汪琳奏。保送倉監督。請

申諭各衙門認真遴選。現行激勸章程。請量予變通一摺。各衙門保送倉監督。前經降旨令該堂官擇其明白體面兼有才具者。秉公保送。其結實可靠之員。准倉場侍郎奏留再任三年。僅始終奮勉。即予升途。並於京察之年。添保一員。務擇才守俱優者。列為一等。倉監督向例給予養廉。祇領半俸。嗣後並賞給全俸。用資辦公。所定激勸章程。業已大加調劑。茲該御史復請再加鼓勵。如所稱監督一

年期滿。由該侍郎移會原衙門堂官。出有題缺。與合署人員一體題升。仍留倉辦事。其三年無過。仍回原衙門者。儘先升用。是於前議升途之外。復又議給升途。未免過優。且章程已定。徒事紛更。必至日久仍歸具文也。該御史所奏。著無庸議。○諭軍機大臣等。張井奏請赴江省。會同勘議全河大局一摺。近年黃河情形。日見敝壞。該河督前此奏陳河工積弊。籌畫經久良規。自應將汀湖及海口形勢。

詳加履勘。始能得其窳要。現既奏請前往南河詳勘籌議。著即於來年正月間。查驗豫省歲料之便。由彼前往南河。會同嚴煥。將清口海口及湖河各處情形。逐細履勘。周咨博採。悉心講求。務期計出萬全。永資利賴。即會同該督撫等詳議具奏。將此諭令知之。○命大學士直隸總督蔣攸銑來京。以前任陝甘總督那彥成為直隸總督。○命甘肅按察使蔡炯來京。以四品京堂候補調湖北按察使源溥。為甘肅按察使。以山西歸綏道岳祥。為湖北按察使。○除浙江嘉善平湖二縣捐置義冢義祠田一項七畝有奇額賦。○壬午。諭軍機大臣等。朕召見新授湖南提督閻俊烈。人甚粗率。該員曾任湖北提督。平日聲名若何。操防訓練。是否認真。李鴻賓在楚有年。自必確有聞見。著即查明據實具奏。俟該提督到任後。該督仍留心察看。能否勝任。隨時奏聞。毋稍徇隱。將此諭令知之。○命署漕運總督

穆彰阿同京。○以四川阜和協副將謝成貴為建昌鎮總兵官。○癸未。上詣壽皇殿行禮。闕帝廟拈香。○諭內閣。武英殿庫貯書籍。被匠役楊得兒等先後夥竊。售賣已非一次。管庫官員等毫無覺察。所司何事。著於結案時查取管庫官及兼管司員職名。交部分別議處。失去書籍。責令庫官如數賠補。其竊犯楊得兒連喜海亮常盛等著交內務府大臣嚴審確情。按律定擬具奏。尋奏。楊得兒等以匠役盜竊官物。按律分別問擬杖徒。海亮連喜常盛均銷除旗檔。失察之該管王大臣請交部議處。得旨。綿忻穆彰阿俱著交部議處。敬徵管理日淺。著交部察議。○以前任刑部尚書明山。暫署都察院左都御史。○以正紅旗漢軍都統載銓署正藍旗漢軍都統。○展緩甘肅宜禾縣節年歉收貧民舊欠糧石。

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十一

敬修

道光五年乙酉十一月甲申朔遣官祭

先醫之神○諭內閣申啓賢奏北倉起卸情  
形一摺各倉運米入廠抗價向由旗丁自給  
北倉距河干稍遠現在趕辦起卸勢須多集  
人夫加添斛隻幫船排列愈遠抗價愈增旗  
丁不免苦累自應量加調劑該漕督遠在江  
南籌辦不及著申啓賢督同天津道鄭祖璥  
就近籌款分別覈實給發將來仍由漕督照  
數撥還歸款刻下重船無虞凍阻其空船守  
凍及安囤收米各事宜俱著趕緊妥為辦理

該部知道○頒發山東臨清間

漳神廟

御書扁額曰效靈利漕○戶部議准浙江巡撫

程含章疏報富陽鎮海象占定海寧海瑞安

蕭山七縣開墾田地山蕩一百二十一頃三

十二畝有奇照例升科從之○旌表守正捐

軀安徽阜陽縣民史振妻吳氏○乙酉

上御懋勤殿勾到朝審情實罪犯停決斬犯二

人絞犯四人餘十七人予勾○諭內閣本日

實錄卷九一

朝審勾到有宗室秀寬一起因伊墳塋草堆

先經失火將看墳之段祿呵斥嗣段祿將點

火照路由墳前經過之丐婦侯氏拏住欲圖

見好指為放火之人乃秀寬輒不容分辨即

令段祿將侯氏捆縛用火燒斃殘忍已極經

宗人府會同刑部問擬斬候歸入情實洵屬

罪所應得惟念伊究係宗室不忍予以駢首

秀寬著改為絞決派綿志即將該犯帶往伊

祖父墳前監視勒斃以為宗室內之兇暴者

戒並著管理宗人府王公通諭諸宗室知之

○又諭御史劉尹衡奏請飭令河員親歷防

護隄工一摺據奏河工人員每值秋汛安瀾

節交冬令遂下隄歸署酌派兵役看守習為

故常河流靡定自應隨時保護何得以霜清

水落河冰凍結稍涉大意即如去歲高堰失

事豈非明驗嗣後著該河道總督等一體嚴

飭該管廳營員弁當此隆冬風急之時務各

不時親赴河干周歷巡查認真防範並責成

實錄卷九一

該道將前往密查如有因循曠誤或委諸兵

役支飾搪塞者著即嚴叅懲處勿稍寬貸○

丙戌

上詣

皇太后宮問安○御乾清門聽政○諭內閣蔣

攸銛奏旗租秋奏展限辦理一摺直隸八項

旗租向分春秋兩次奏銷現屆造報秋奏之

期尚有歷年八官各案旗地應行勘議入額

共二百七十九案一時未能完竣自應徹底

清釐以歸覈實。著准將道光四年三次四次  
奴典公產等四項奏銷。展至來年同春奏一  
併辦理。無致稍有遺漏。所有未解部庫旗租  
仍著勒限嚴提。無許遲誤。該部知道。○諭軍  
機大臣等。據蔣攸銑奏。霸州王安等州縣。各  
訪獲習教匪犯李可學張賓等。併起獲經卷  
等語。習教傳徒。大干法紀。况近在畿輔。煽惑  
良民。尤應嚴辦。示懲。不可養癰貽患。該犯李  
可學等傳習紅陽教。夥黨必多。所供顯有狡  
飾。並恐尚有未起。違悖經卷。及實有謀為不  
軌情事。著那彥成到任後。迅飭臬司王庭華。  
督同委員嚴切刑訊。務期水落石出。並分委  
委員馳赴各犯原籍。將夥黨密速掩捕。解省  
歸案審辦。並通飭各屬一體嚴緝。務獲勿留  
餘孽。以絕根株。將此諭令知之。○又諭本年  
堰盱石工完竣。經琦善等奏准。於例限三年  
外再加保固一年。並將新工掣卸之處。責令  
原辦之員賠修。該管員弁撤任示儆。茲據工

部查明。本年七月內。嚴煥奏稱。已完石工。勘  
驗實係照估安砌。灰漿飽滿。現據琦善等奏。  
新砌石料。外雖平光。內多敲斜空隙。多有碎  
石填砌。灰漿灌抵。究不足以資抵禦。並新工  
已有掣卸。顯與嚴煥前奏不符。嚴煥既不於  
會奏時。據實檢舉。琦善業經查出工料偷減。  
亦並未指名嚴參。殊屬含混了事。又據該督  
等奏稱。現在議辦碎石坦坡。計至四年限滿。  
已有碎石拋護。隄根。隄工似可穩固。是前辦  
堰盱隄工。全無實在把握。碎石坦坡。並未定  
有章程。剋期辦理。設遇意外風浪之虞。何所  
恃以為固。至所請加保固限一年。亦係嘉慶  
十二年奏明。堰盱石工成案。並非例外新添。  
意似從嚴。實豫為工員諉卸地步。此項石工  
於河漕民生關繫緊要。本年用銀至九十餘  
萬兩之多。若似此潦草完工。朦混陳奏。豈不  
大負委任。將來若再有掣卸。誰執其咎。著交  
琦善。即將前項工程敲斜空隙。以及多用碎



石填砌。僅恃灰漿灌振之處。確切查明。係何工段落。何員承修。嚴叅示懲。並如何設法補救。以杜後患。妥議具奏。毋徒為敷衍目前之計。至報銷工部時。並著將用何項條石。碎石。詳細造報。由該部分別准駁。以歸覈實。將此諭令知之。○以詹事府詹事鍾昌為內閣學士。兼禮部侍郎銜。○以催趙漕運。妥速直隸。天津鎮總兵官克什德。清河道陶樑。天津道鄭祖琛等。下部議敘。○賞山東等省鄉試年老諸生孫得申等六十名。舉人副榜有差。○旌表守正捐軀河南寧陵縣民李玉和妻楊氏。○丁亥。諭內閣。

昌陵

隆恩殿工程。著派敬徵前往敬謹勘估。○又諭。御史熊遇泰奏。請嚴禁銷燬制錢銅斤一摺。國家錢法。原期足用。阜民私鑄私銷。例禁甚嚴。而私銷之弊。較私鑄為尤甚。近來京師及各省地方。尚有以私鑄查拏破案者。而私銷

奸徒從未緝獲懲辦。如該御史所奏。奸民暗燬制錢。打造銅器。如炭鑪一件。自數十斤至百餘斤不等。皆以黃銅為之。又有以制錢裝入煙煤鍋內。煎熬成水。而化綠色顏料者。有以制錢藏入地窖。鹽醋浸爛。而成顏料者。是一錢不得一錢之用。徒為奸民射利之資。所言深中時弊。每年錢局按卯鼓鑄。而錢不加多。錢價日漸增昂。其弊實由於此。從前康熙雍正年間。屢頒成例。除軍器樂器。及民間必用之盆鏡刀環等件。在五斤以下者。准其造製。此外一應大小器皿。概不得擅用黃銅。原所以杜私銷而裕鼓鑄。今則例禁久弛。流弊滋甚。且現值滇南廠銅採運不易。豈可以流通之國寶。任其消耗。著通諭步軍統領。順天府。五城。及直省督撫等。務將私銷之犯。設法查拏究辦。毋稍懈弛。其軍民人等應用器具。除現用已成銅器不議外。嗣後製造黃銅器皿。務照成例。概行嚴禁。如有違禁射利之徒。

即行查拏懲治。並飭胥役不得藉端滋擾。以杜奸私而維錢法。○山東巡撫武隆阿奏。籌議海運巡防事宜。得旨。隨時認真嚴行督飭。不可有名無實。再該鎮扎勒杭阿。可否勝任。尤當留心查看。不可稍涉遷就。○貴州按察使李鴻。因病解任。以陝西陝安道嚴如煜。為貴州按察使。○以辦理河道出力。予山東州同王承業等。升敘有差。○戊子。兩江總督琦善奏。航海究非全策。得旨。原非可以久之之

策。又奏。實力整頓河漕。以期河治漕行。民安吏察。批。能不忘此八字。實力行之。方為不負委任。廢弛已久。言之深堪憤恨。卿其努力焉。○己丑。賞直隸天津鎮總兵官印登額。頭等侍衛。在大門上行走。仍用二品頂帶。○緩徵甘肅皋蘭金隴西安定岷平羅靈臺寧夏八州縣被水被雹村莊新舊額賦。並給皋蘭金隴西岷平羅靈臺六州縣災民口糧。○庚寅。諭內閣。給事中萬方雍奏。大通橋驗收漕糧。

請令抽查御史督同監督掣量一摺。向例抽查御史掣量米石。遇有例外短欠。並不責令經紀賠補。殊非覈實防弊之道。嗣後著抽查之滿漢御史。率同該監督。將抽存米石。秉公掣量。遇有短欠。各立號簿。據實登記。事竣分造清冊。移會戶部。及倉場衙門。照例著令經紀等賠補。以杜弊端。○修直隸黃新莊半壁店秋澗村梁格莊四處行宮。從泰寧鎮總兵官寶興請也。○辛卯。以烏什阿克蘇屯田豐

收。予員弁議敘。賞兵丁一月鹽菜銀。○壬辰。諭內閣。阮元等奏。暹羅國貢使在洋遭風一摺。暹羅國世子鄭福應行承襲。現在權理國政。因值例貢之期。度備方物。遣使入貢。並懇請勅封。該國使臣在洋遭風。擊碎船隻。表文貢物。盡行沈失。並淹斃水手多名。深堪憫惻。該使臣等萬里航海。幸獲生全。朕念其遠道申虔。即與諸闕齋呈無異。自應優加撫卹。除該督等業經照例犒賞。並豐給飲食製備衣

服醫藥調理外。該使臣等即令其在該省休息調養。毋庸遠道來京。應領誥勅。著該衙門照例撰擬。俟頒發到粵。該督撫等即交該使臣齎捧回國。其沈失貢物。免其另行備進。現在撈獲桅木等件。並著變價發給該使臣收領。以示朕綏藩柔遠至意。○諭軍機大臣等。本日據陸以莊等奏。拏獲盜砍

東陵圍牆內樹植逸犯周三一。名。據供係疊次犯竊。發遣陝西。遇赦釋回。本年赴馬蘭峪備

工。住馬喜店內。十月初八日晚。被馬喜叫起。及同住十五人。從

陵外後圍牆流水溝內爬進。馬喜用斧砍樹。張一。袁廷。使鋸放倒兩棵。即被官兵查拏。各人藏躲。仍從流水溝爬出。逃跑等語。

陵寢重地。該犯等膽敢糾約多人。偷入圍牆。砍倒樹木。不法已極。自應徹底審辦。此案已據該兼府尹等移咨馬蘭鎮。著慶惠即查明圍牆內係何地界。所砍樹木是否兩棵。偷竊情

形。與該犯所供是否相符。據實具奏。並查照單開在逃各犯。嚴密查拏。務獲解部歸案究辦。毋任一名漏網。將此諭令知之。○湖北巡撫楊懋恬奏。動用耗羨銀兩。纂修賦役全書。下部知之。○以工部尚書禧恩署管理

雍和宮清漪園等處事。鑲黃旗領侍衛內大臣奕紹署管理上駟院事。戶部右侍郎敬徵署管理武英殿御書處。大學士托津署管理咸安宮。蒙古唐古特。托忒官學事。○以都察院

左都御史松筠署鑲紅旗蒙古都統。○調署戶部左侍郎王鼎署工部左侍郎。○以浙江杭州協副將耿金釗。為廣東潮州鎮總兵官。○賞丁憂理藩院尚書穆彰阿。銀三百兩治

喪。○癸巳。

上以冬至祀

天於

圓丘。自是日始齋戒三日。○甲午。以

聖祖仁皇帝忌辰。與冬至。

陵寢大祭相值先期遣官祭

景陵○諭軍機大臣等陳中孚奏籌計漕運大局一摺來歲新漕除海運外尚有二百四十餘萬石提用首二進軍船接運此係一時權宜自不如仍循舊清敵黃舊章俾禦壩早開全漕無阻至堅守禦黃壩原為治河前曾降旨令琦善等會籌疏濬若但議隄防不求刷濬口門不能宣暢必致他虞著陳中孚商同琦善嚴煥趁此水落歸槽迅速相度機宜悉心妥議應如何設法疏濬俾河流通暢清水得以蓄足刷黃治河利漕漸復舊規該漕督等於艱阻之候力求救弊之方務須和衷商榷計出萬全方為不負委任至微山湖水繼已諭張井等先期籌備矣將此諭令知之○又諭本日據陳中孚奏本年微山湖水啓放過多宜先期籌備等語微山湖現存底水八尺餘寸該湖向來存水六尺即難外注以二尺餘寸之水濟運二百四十餘萬石之糧恐

不敷用現在該省正當熟壩興挑之際著張井武隆阿督飭道廳員弁及早設法濬蓄俾來年空重軍船足資浮送勿致淺阻此為至要將此各諭令知之○改鑄直隸玉田縣兼河主簿分防巡檢印信從大學士前任總督蔣攸銑請也○以江南糧價增昂緩買江安蘇松各幫丁行月等米○乙未

上詣

南郊齋宮齋宿○丙申冬至祀

天於

圓丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○停次日朝賀○詣

皇太后宮問安○諭內閣向來恭遇

大祀例應先期一日演禮昨日太常寺官員在

壇演習將屆酉刻朕在齋宮猶聞唱贊樂器之

聲時候過遲殊失恪恭將事之義嗣後凡遇

大祀著於前一日未刻敬謹演習如有怠玩遲

到之員即責成管理太常寺堂官等指名叅

處以昭祇肅○丁酉諭內閣應修

永陵

啓運殿工程據耆英查勘通計工料價值等項

共需銀二千一百一十兩零著照所請將作

法清冊移交承修大臣等在盛京戶部支領

錢糧故謹修辦其木植運費一項向係另案報銷自應各清各款此項運工木植著該將軍等按照耆英所估用見方尺二千二百四十尺有零覈明所需運費若干另冊咨報不得與備用木植籠統併案請銷致滋牽混該部知道○諭軍機大臣等據御史熊遇泰奏稱今歲江廣之米用首進幫船接運原議條款接運之丁料理船隻江廣之丁料理米石如有潮溼虧短與接運之船無干修艙一切

漠不關心鋪艙席片亦俟江廣運丁臨時猝辦斷難一律完固今年通倉交兌每船虧短多寡不一聞有挑水入艙偷漏攪和等弊原丁押運不過數人勢難禁止統計接運幫船所得腳費修艙津貼銀兩較江廣常年所領各款數反倍之而潮微折耗以及沿途提溜打關一概惟原丁是問若明年准以為例則若樂不均等語軍船接運章程前經琦善等議奏米石裝上運船令江廣運弁督同該管

旗丁密加灰印開船風險自行經理無許接運丁舵人等入艙原所以專責成而杜偷漏其沿途提溜打關等費仍由江廣旗丁經理亦以原運旗丁已得增耗各款即應自行經管茲該御史以接運領項倍於原運而一切惟原丁是問是否果有偏枯之處或創議伊始未能周備接運原運幫丁均應量加調劑不可稍有偏累著該督等再行悉心籌議該御史所奏是否可行據實具奏固不可回護原議亦不可稍為遷就也將此諭令知之○戊戌山東巡撫武隆阿奏定回空軍船守凍章程六條一擇沿河副將等駐劄河干分段彈壓一在船水手責令頭舵出具聯名保結以資查覈一借給各船銀兩分飭押空千總查明頭舵實收確數加具鈐結以憑查驗一防守官兵酌加津貼一撻凌器具寬為豫備一排列船隻毋許擁擠得旨實力妥為之勿成具文○賞八旗兵丁一月錢糧○己亥旌

表遇賊捐軀湖北棗陽縣故同知李天植妻大劉氏小劉氏○修山東捕河上河等廳屬隄開壩工從河道總督張井請也○庚子上詣

皇太后宮問安○命大學士托津無庸管刑部事以大學士蔣攸銑管刑部事並在軍機大臣上行走○直隸天津鎮總兵官克什德奏津關迤南趙家場等處分泊守凍軍船二百三十一隻現派營弁分段彈壓得旨嚴密稽查斷不可稍生事端○辛丑命瑞親王綿忻無庸管武英殿御書處事以惇親王綿愷管理○命廣東水師提督陳夢熊來京以服闋提督李增階為廣東水師提督○緩徵江西南昌新建二縣被水村莊新舊額賦○壬寅諭內閣前據御史熊遇泰奏請嚴禁銷燬制錢銅斤當經通諭各衙門嚴拏私銷人犯並將違禁射利製造銅器之徒查拏懲治茲據戶部查明傾銷制錢一千僅贖銅四斤有零

成造器皿。必須火耗人工。詳細覈算。所得不償所費。至禁銅舊例。原因從前滇銅未旺。是以申令綦嚴。自乾隆年間。滇銅增至六百餘萬斤。並准運員將餘銅納稅出售。通商便民。加以雲南四川等省。廠銅除抽課外。商人按成售賣。京師市肆收買者。為數不少。是街市銅器。並非出自私銷。此時若再行申禁。逐戶挨查。事涉瑣屑。其製造銅線所用。亦復無幾。紛紛查辦。更多滋擾。著通諭步軍統領。及順天府五城。暨各直省督撫。除匪徒私銷私鑄。仍行認真懲辦外。其製造器皿。仍聽民間自便。無庸概行查禁。以資阜用。而免擾累。○大學士長齡奏報。達次接奉諭旨。馳赴伊犁。署將軍事。得旨。邊疆遼闊。事關緊要。非卿署理不可。卿其善體朕心。勤慎辦理。以副委任。○展緩江蘇長洲。元和。吳。吳江。震澤。常熟。昭文。崑山。新陽。華亭。奉賢。婁。金山。上海。南匯。青浦。川沙。宜興。荆溪。丹徒。金壇。溧陽。太倉。鎮江。嘉

定寶山。二十六廳州縣。並蘇州。太倉。鎮海。金山。四衛。積欠額賦。○癸卯。上詣雍和宮行禮。○詣大神廟。宣仁廟。凝和廟拈香。○諭內閣。昨據慶祥永芹先後奏報。喀什噶爾地方安靜。偵探逆夷張格爾等竄至碩拉地方。距卡倫約有五六百里。現在卡外已有冰雪。勢難進剿。派兵嚴守邊備等語。逆夷張格爾屢次犯我卡倫。傷我官兵。甚至二品大員臨陣捐軀。永芹身為參贊。前既失於防範。復於巴彥巴圖出卡後。調度乖方。重失事機。其咎實無可辭。惟以邊防緊要。未便驟易生手。曾經降旨暫緩治罪。留觀後效。慶祥身為將軍。總統新疆各路。乃既不能豫防於未然。復不能展籌於事後。所奏盡屬空言。殊負倚任。前已令長齡署理伊犁將軍。



慶祥俟長齡到任後即迅速前往喀什噶爾督同永芹相機妥辦設法擒捕免贖前經務期罪人斯得盡法懲治以張國威而安邊徼○諭軍機大臣等前經降旨令長齡署理伊犁將軍慶祥俟長齡到任後前往喀什噶爾辦理勦捕逆夷昨據長齡奏已由四川廣元馳赴伊犁即可剋期抵任慶祥於交卸後迅速前往喀什噶爾督同永芹遵照節次所降諭旨相機進剿設法擒捕固不可冒昧輕率

亦不可老師糜餉務期罪人斯得免贖前經現在已有伊犁派去官兵一千名在彼駐守該將軍到彼後察看情形如該處存城及派往官兵足數分派則已設不敷用即奏明於就近各城調往以壯聲威再阿奇木邁瑪薩依特其人是否可信平日辦事能否實心出力得回眾之心朕意該阿奇木若能將張格爾等設法擒獲即照伊斯堪達爾之例授為該處參贊期於邊備有裨著慶祥永芹細心

體察據實密奏毋稍遷就將此諭令知之○賞發遠城糧運兵丁一月鹽菜銀○甲辰諭內閣

#### 昌陵

隆恩殿工程據欽天監選擇今冬動土及明春開工吉期著該衙門敬謹遵辦○諭軍機大臣等傳諭長蘆鹽政福珠隆阿本日據刑部奏審訊王瑛呈控升任運司張青選聽徐忻囑託將伊斥革一案據徐忻供實無囑託情

事實之王瑛供出見證潘尚義周連詒以王瑛前供張青選自稱見過徐忻知其家道殷實伊等有無聽聞潘尚義周連均稱委無其事檢查原卷內載王瑛承辦津武口岸各商稟報汎地搶竊鹽包案牘累累於七月革退張青選飭該綱總等保商接辦該商等先後保舉徐煜任振宗徐陳義郭霖普等四人又經張青選飭查同保四人內惟徐煜欠項最少且將向例應交京錢二萬帑貯庫備抵之



項首先具繳詳明鹽政。委令接汎各情。甚為明晰。王璵辦理鹽務。種種廢弛貽誤。案據確鑿。實係應革之商。徐煜又係照例由各商公保。不得謂張青選聽情徇庇。惟據王璵供。張青選於二月內即欲斥革。王璵改派徐煜。經鹽政不允而止。後來仍行斥革。是以心疑有聽囑情弊。始終堅執。究竟本年二月內張青選有無稟知該鹽政欲革。王璵改派徐煜接充之語。該鹽政彼時因何不允斥革。是否王璵辦理該處口岸並無貽誤。抑其中另有別情。著該鹽政據實覆奏。毋稍含混。將此傳諭知之。○乙巳命於

大高殿設壇祈雪。

上親詣行禮。○詣

皇太后宮問安。○修四川永寧營兵米倉廩。從總督戴三錫請也。○撫卹朝鮮國遭風難夷如例。○丙午改鑄直隸藁強縣主簿甘肅安定營守備條記。從總督蔣攸銹。那彥成請也。

○除直隸昌黎縣齊寶二村捍禦灤河地二頃一十七畝有奇額賦。○丁未

上詣

大高殿祈雪壇謝雪。○諭內閣。戶部奏明歲海運米石到津請豫定卸運章程一摺。著直隸總督督同藩司。天津道並著倉場侍郎。督同坐糧廳等。查照該部前奏。及此次所議各條。逐一詳定章程。於本年封印前妥議會奏。俟具奏到時。再交該部覈議。至海船到津。為日甚速。著兩江總督於初次兌竣沙船將次開行時。由四百里馳奏。到日即請欽派大員前往天津查辦。其初次沙船在上海兌米。著即儘船受兌。不必拘定分勻二次配運。以免滯誤。沙船到津起卸後。空船赴奉天買豆。是否有慮耽延致誤。二次兌運如何。可期迅速之處。著兩江總督酌量情形查奏辦理。再撥運米石抵通後。轉運京倉。仍恐經紀車戶人等尚有偷漏積壓等弊。屆時著英和派委步軍

統領衙門文武員弁沿途往來稽察以昭嚴肅。○諭軍機大臣等琦善等奏通籌河湖全局議築碎石坦坡並臚陳利弊請分年辦理一摺朕詳加披閱高堰隄工不固清水未能蓄該督等議築坦坡護隄原係補偏救弊之策惟石工段落綿長計非五六年不能竣事此五六年中清水不能蓄足敵黃禦黃壩仍難啟放運道依舊難通且計通工之需與歲修碎石之費為數不貲若即以此項工費將椿朽根鬆隄工間段拆修完固或可不築坦坡足資抵禦豈不較碎石為一勞永逸之計並可免滋流弊抑或將隄工修築完固後擇要拋護碎石更為得力均須悉心籌畫計出萬全現據該督等奏稱舊工之草率較新工為尤甚是工舊工皆不足恃即拋護碎石而隄根不固又豈能當風浪之掣激設經久毫無實效豈不以數百萬之帑金輕付洪流而貽害更非淺鮮著該督等再行詳加履

勘將舊工之草率難資擎載者共有若干新工之畝斜空隙者共有若干其從前靳輔所修原隄尚存若干是否可能修築完固琦善等務當不避嫌怨無稍回護逐一查明據實由驛具奏其應如何定議之處俟奏到時再降諭旨將此由四百里諭令知之○又諭琦善等奏會議沿河大局請修復毛城鋪舊壩及王營減壩以期減黃掣淤等語近來河底日漸淤高清水不能暢出該督等於補偏救弊之中力求萬全無弊之法所奏達灣取直束水攻沙可收遠效難冀近功自屬實在情形惟毛城鋪舊壩雖有分洩黃流增益湖潑之利從前黎世序在任時曾經勘明該壩衝廢不能修復於十八里屯中間剷平山頂改為天然滾壩以虎山腰作為重門擎托奏明動帑興修該處壩工亦在徐城以上距毛城鋪不遠如分洩黃流之力與毛城鋪不相上下自較修復毛城鋪舊壩為省便琦善等現

已委員前往著即一併履勘。是否必須於十八里屯之外再修復毛城鋪舊壩更為得力。至王營減壩距清口不遠亦可減黃掣淤。自不妨將應修土埽工程豫為籌辦。該督等務當詳議周妥奏明辦理。總期計出萬全。治圖久遠。俾河治漕行。勉副委任。將此諭令知之。○又諭琦善等奏籌備來歲漕運事宜一摺。來歲漕糧盤壩應用剝船著嚴飭各屬務於歲前一律雇備齊全。不使稍有短少。其各幫別存九運船隻著飭令江安蘇松兩糧道覆加挑選。如尚有堅固可用之船即行給銀修飭。以備正運各船之不足。並令該糧道等約計幫船回空遲早酌定起米期限。俾漕糧源源到壩接續起盤。固不可過遲。致令夫力車驢脫空守候。亦不可過早。致運河有擁擠之虞。總當計算漕行日期。照常年糧艘抵通之時。並酌計海船到津。剝運至通約在何時。毋使糧船與剝船一時擁擠北河。轉致遲滯。至

邳宿運中河古淺新淤。歲有冬挑之例。來年上源既短。自應加倍挑深。以備儲蓄。其駱馬湖受淤日久。存水無多。當廣為疏濬。以裕其源。楊莊壩已堵閉斷流。來春盤糧或須折展通船。著酌看黃水大小。臨時妥辦。總期於運河中河不致淤淺。方為妥善。將此諭令琦善嚴煥。並諭陳中孚知之。○戊申。

上詣

壽康宮前殿行禮。後殿問

皇太后安。○諭內閣御史劉尹衡奏請嚴禁文武鄉會試積弊一摺。國家設科取士。必先嚴除弊竇。方能拔取真才。如該御史所奏文闈士子越號換卷。武闈士子向王大臣跪求加一枝箭。添一力弓。不可不嚴行飭禁。嗣後文闈鄉會試。令巡號御史會同滿漢監臨。及至公堂監試御史。按號分查。並責成監臨等常川認真巡查。以防弊混。其武闈鄉會試外場。仍按定例。弓箭刀石務期合式。不得含混取

中並著兵部先期出示。剴切申禁。如當場仍有士子跪求。王大臣即將其人扣除。不准入考。儻王大臣徇情不扣。監試御史扶同不叅。別經發覺。一併議處。○又諭御史劉光三奏。請嚴定咨查直省事件。踰限不覆章程。一摺。向來六部等衙門。咨查各省事件。無論案關題奏。俱應依限咨覆。所以熙庶績而警泄玩也。如該御史所奏。近日外省接到部咨。大半視為具文。任意遲逾。案懸不結。以致書吏夤緣為奸。員弁規避取巧。弊端百出。著六部等衙門。將歷年咨查直省各案。派員逐一檢出。分別奏催咨催。如該省仍延擱不辦。即著查取遲延職名。叅奏辦理。以懲疲玩。○又諭御史劉光三奏。風聞報捐貢監及文武職銜。恐有假冒情弊。其外省捐監得實收後。五六年尚未換給執照。不無弊混。著交戶部查覈具奏。尋奏上得旨。現據查明該部所定稽查章程。及行文期限。較該御史所奏。尤為周密簡

便。惟頒給直省部監各照。奉到後。誠恐奸胥猾吏勒索積壓。著各該督撫。轉飭藩司府州縣。於部照到日。即發交本人收執。毋許延壓。其地方奸徒。勾通熟悉。捐例書役。雕刻假照。描摹印信。尤屬大干法紀。並著各該管衙門。如查有偽造實據。即行嚴拏究辦。有犯必懲。無稍疏縱。○又諭那彥成奏。來年剝船抵通。必須隨到隨卸。方能輓轡轉運。請飭倉場衙門。豫為籌議等語。本年截卸北倉滯漕七十餘萬石。明年海運漕糧一百六十餘萬石。清口盤壩漕糧二百數十萬石。加以豫東漕糧。共計五百餘萬石。均須接續撥運通倉。剝船到通。不能刻日轉回。續撥商船。即不免於羈候。昨據戶部奏請添製口袋五萬條。木斛一百隻。由倉場照例備辦。自己足敷輪轉。著該侍郎將應如何兌收。不致剝船停待。籌議章程。妥速辦理。毋任經紀人等藉端勒捐。致滋貽誤。○又諭那彥成奏。籌議海運漕糧。由天

津剝運通壩各事宜。開單呈覽。來年蘇省漕糧。雇用商船。由海運至天津。事屬創始。所有起卸剝運各事宜。自應豫籌周妥。俾商船及早回空。不致羈留擁擠。官民剝船足資轉運。並免苦累。其騰空北倉及暫時露囤章程。均宜經理盡善。一切承辦員役。必須各專責成。以期迅速。而杜流弊。著戶部將該督所奏各條。逐加查覈。速議具奏。○修築直隸天津縣屬千里長隄。哈嗎窪等處壩埽各工。從總督那彥成請也。○己酉諭內閣。禮部議奏。浙江監生徐晉鈔錄舊文。中式後自行檢舉。請照該撫原奏。將該生註銷舉人。仍留監生等語。科場為抡才大典。鈔錄舊文。俾中者。本生斥革。例有專條。今徐晉雖訊無槍情。別項情弊。安知非慮人告發。始行自首。以為避重就輕地步。且恐將來僥倖之徒。得以援案檢舉。尤不可不防其漸。徐晉著革去舉人。將監生照例一併斥革。嗣後如有錄舊中式之事。該部

仍照定例辦理。以符舊制。而杜倖進。○又諭。據刑部奏。審訊盜砍樹株賊犯張宜等。供稱盜砍處所。係在圍牆以內。白椿地面。並未見有紅椿。檢查該承辦事務大臣等原奏。亦稱查驗其地在圍牆內。並未將何處圍牆分晰聲敘。罪關生死出入。自應查明覈辦。著該承辦事務大臣。並馬蘭鎮總兵。確切勘明。據實詳細覆奏。以憑定擬。○又諭。王鼎等奏。審訊徐倪氏等於犯案後。向經手官吏行賄舞弊。分別定擬一摺。此案已革德清縣知縣黃兆蕙。於蔡鴻報案時。近在同城。借病推諉。玩視人命。以致屍骨疊遭蒸檢。幾成冤獄。又於和息時。得受賄銀一百圓。實屬貪劣不職。著從重發往黑龍江充當苦差。已革歸安縣知縣馬伯樂。雖訊無婪賂情事。惟首先承審。既未究出實情。又失察伊兄馬汝霖及家人刑作等詐索多贓。復檢驗不實。致釀巨案。且於該撫審訊時。謂為非刑燬鍊。向副考官投遞書

信希圖挾制殊屬刁健著從重發往新疆效力贖罪已革湖州府知府方士淦始則任德清縣藉病推諉繼復聽武康縣以屍腐為詞不如法相驗種種督率無方形同木偶迨委令督同開檢又未能檢出傷痕實屬昏愎著發往軍臺效力贖罪已革巡檢馬汝霖於家人李明求託時得受洋銀三百圓始而不肯成招繼復自行殘傷抗違不到情殊刁詐所擬發附近充軍尚覺過輕著改為邊遠充軍

已革錢塘縣典史劉椿於犯婦徐倪氏在監自盡雖訊無得賄故縱情弊惟不加意防範致淫兇首惡倖逃顯戮非尋常疏忽可比所擬杖六十徒一年尚覺過輕著改為杖八十徒二年黃兆蕙家人崔湧為伊本官過付和息贖銀又自得洋銀二十圓僅擬杖責亦覺輕縱著改為杖八十徒二年署杭州府知府張允垂失防擬徒人犯在獄自盡著交部照例議處所有此案不能審出實情並失察之

歷任巡撫臬司著查取職名交部議處黃鳴傑著即回籍聽候部議其程含章前奏審擬謀殺徐蔡氏各犯及件作訟師賄囑各情分別定擬現經王鼎詳加查覈情罪相符所有謀殺加功原議斬決之秋香一犯著即行處斬徐敦誠訊無同謀加功情事著照擬杖一百流三千里已革府經歷費文燾以在籍職官於謀命重案代為主訟過付作詞捏控情殊可惡費文燾著發雲貴兩廣極邊煙瘴充

軍餘俱照該撫前奏所擬完結至候補知縣党金衡委提要證桂香辦理受逮復隨同晝夜熬審不辭勞瘁著照該撫所請准其儘先補用以示鼓勵○又諭富俊等奏移駐京旗房間不敷居住餘戶請歸入下年前往並請由京揀放佐領驍騎校等官一摺京旗戶口前往雙城堡屯田前據戶部查明道光六年願往者共一百八十九戶按照人數多寡先行知照該將軍豫為料理茲據富俊等查明

現在雙城堡只蓋成房一百四十八所其不  
數房間四十一所並應給耕牛車輛木器均  
難趕辦自係實在情形著戶部即照富俊等  
單開戶止二口現有錢糧養身之四十一戶  
歸入道光七年移駐辦理以免周章其協領  
巴善佐領訥思登阿委官圖克唐阿佐領吉  
勒章阿常春應交未運到木俱著限於明年  
交齊仍交部分別議處再據奏雙城堡六翼  
額設佐領驍騎校各一員管理屯務近年移  
駐日繁勢難兼顧請照該將軍原議由京派  
佐領一員驍騎校一員又領催二名即在於  
現往京旗內擇其能識清漢字者挑補押帶  
京旗前往其支給俸餉並借支俸餉銀兩扣  
李歸款著戶部覈議具奏○又諭富俊等奏  
派員修蓋京旗房間請嚴定勸懲章程等語  
明年修蓋雙城堡移駐京旗房間一百五十  
所據該將軍等奏應派協領二員監修於佐  
領防禦內派委八員承修自應嚴定章程分

別勸懲以期修理妥速如式著照所請所有  
派出承修各員如照定式做法於八月內修  
竣者准給紀錄二次如泥工完竣木工於九  
月內完者准其功過相抵如修不如式或院  
牆未築及未鎮牆頂者罰俸一年如至九月  
底仍未修竣者降一級留任仍罰俸一年僅  
有偷工減料之員著即嚴叅治罪至兩翼協  
領督修如能於八月內修竣三旗五十六所  
者准給紀錄二次如至九月尚有未能齊全  
者罰俸一年該將軍等即責令各該員依限  
興修務期工堅料實毋許顛預草率致滋弊  
端該部知道○又諭永芹等奏查明回子伯  
克隨營陣亡請給卹賞一摺喀什噶爾六品  
伯克推列克七品明伯克素皮尼牙斯隨同  
巴彥巴圖出卡捕賊臨陣捐軀現據查明屬  
實深堪嘉憫著准其照乾隆年間回子伯克  
胡圖魯克莫特等卹賞之案辦理永芹等即  
查明推列克等子及兄弟內擇其能勝伯克



之任者。揀選充補。以示褒卹。隨營陣亡之回子布魯特。俱准其照馬步兵傷亡之例。減半給予卹賞。又據另片奏。奇里克部落六品頂藍翎布魯特。比愛散克勒第。前經賊目汰劣克等。屢次勾結。不甘從逆。現又照料陣亡屍骨前來。誠心出力。甚屬可嘉。愛散克勒第。著賞給五品頂帶。並賞戴花翎。金頂布魯特。們得胡爾。間散布魯特。愛散胡勒。俱著賞給六品頂帶。並賞戴藍翎。間散布魯特。巴里柯。莫

洛胡。則依俱著賞給金頂。其間散比。托依。莫特之子。扎那滿。較眾尤為出力。著賞給六品頂帶。並賞戴藍翎。以示獎勵。○諭軍機大臣等。永芹等奏。酌調葉爾羌烏魯木齊等處官兵。以備明春進剿。並自陳病勢情形。一摺。前有伊犁派往官兵一千名。此時足數分派。現已有旨令慶祥迅速前往督辦。永芹等當飭守卡官弁。晝夜防範。勿稍疏懈。舒爾哈善。接奉調任諭旨。自己速赴新任。永芹此時病勢

若何。惟當安心調治。其應否酌調官兵。俟慶祥到彼。即會同妥籌辦理。以靖邊圉。將此由五百里諭知永芹。並諭舒爾哈善。穆克登布知之。○又諭。前據長齡奏。接奉署理伊犁將軍諭旨。已於本月初六日。由四川廣元馳赴新任。現在喀什噶爾事務緊要。永芹又復患病日久。一應調遣事宜。亟須慶祥前往籌辦。昨據永芹奏。差探張格爾與助逆之賊汰劣克等。在托古斯托羅地方游奕盤踞。現值天

氣嚴寒。冰雪在地。不能進剿。惟一切辦理機宜。應須豫為籌畫。長齡熟悉邊疆情形。此事必有所見。即當札致慶祥。妥協籌辦。該署將軍定能相機設法。計出萬全。以彰國憲。而靖邊圉也。將此由五百里諭令知之。○又諭。現在永芹患病日久。若俟長齡到任後。慶祥再行前往。未免稽遲。所有伊犁將軍印務。著英惠馳往暫行署理。其烏魯木齊都統印務。著達凌阿暫行兼署。該都統等奉到此旨。如探



得長齡將次到境。即毋庸起程前往。將此由五百里諭令知之。○又諭慶祥奏籌議勦辦逆夷。及密訪官兵失利情形。各一摺。逆夷張格爾。恃牌罕巴爾名目。連年侵擾。現在逋匿在卡倫外七八百里。遊奕無定。官兵裹糧深入。究非所宜。所奏是。惟奏稱春融即調烏魯木齊伊犁滿漢官兵三四千名。於四月初旬齊集喀什噶爾。於事宜未甚妥協。該處官兵只須可以防守。可以堵捕。不必紛紛遠調。過

涉張皇。如不敷用。亦祇可在喀什噶爾附近各城酌調。已足集事。至所奏傳檄各布魯特。如敢隱庇。或縱令遠颺。不分玉石。全行剿洗。該將軍意在大張聲勢。但布魯特等言語不通。部落甚眾。一經震懾。恐轉失其效順之心。此時斷不可如此檄諭。應諭以大皇帝因爾等不肯從逆。深堪嘉獎。如能再將張格爾及從逆之汰劣克拜巴哈什阿坦台瑪達特等。生擒縛獻。或即戮斃呈驗。將來奏明。大皇帝

必逾格懋加封賞。非常榮顯。爾等亦可安居樂業。無意外之虞。如此剴切曉諭。懸賞購線。相機妥辦。或可收以夷制夷之效。昨據永芹奏。現在患病。力疾辦公。茲據該將軍奏到官兵失利實在情形。是永芹毫無應變之才。辦理不善。實難勝參贊之任。此時亦未易簡員更換。惟該將軍足資倚畀。慶祥仍遵前旨。俟英惠或長齡到伊犁時。迅速前赴喀什噶爾。以將軍銜署理參贊大臣。傳旨將永芹革去

都統。飭令來京另用。並將已彥巴圖失事確切情形。詳查據實具奏。該將軍所奏。助逆係布魯特。來往探報。引導前行者。亦係布魯特。欲擒張格爾。非布魯特不為功。有驅策布魯特才識。使其樂為我用。方能奏功。朕意亦當如此。惟在該將軍籌度萬全。並與長齡詳慎札商。妥為辦理。務確查該逆下落。早絕根株。至糧餉一切。喀什噶爾存貯無多。應由伊犁撥解應用。事竣覈實報銷可也。將此由五百

里諭令知之。○又諭據御史王雲岫奏稱青  
州駐防兵夫近來徵收俱改為折色各縣不  
解米而解銀青州立碾房十餘座以衙役領  
之土人謂之衙商知府收銀發交衙商於青  
州附近之五六十里內糶穀碾米繳倉給領  
新城等八縣仍按運米腳價徵取於民並力  
陳折色之弊及米色之攙雜衙商之盤剝致  
軍民皆受其病等語徵收駐防兵米自有一  
定章程是否該經徵各縣近來有圖省腳費  
徵收折色之事該府收米後向係如何支放  
果否有如該御史所奏遏糶病民及攙雜散  
放扣月米抵債情弊著武隆阿訪察明確據  
實具奏毋稍徇隱如有應行嚴禁之處亦當  
詳議飭遵務期軍民兩便不得稍滋弊竇將  
此諭令知之尋奏查明該府各屬間收折色  
雖無衙商名目究與定例不符嗣後應照例  
悉收本色得旨留心稽查不可日久又成具  
文○庚戌諭內閣戶部奏四川已滿吏王廷

用於本年二月內取具同鄉官印結報捐分  
發該部照例給照並咨明吏部川省一體查  
照辦理現據戴三錫查覆王廷用並未赴部  
報捐且查該員黏連吏部執照內印篆頗有  
參差難保無偽造頂冒情事著吏部即查王  
廷用分發何省飛咨該督撫傳訊該員取具  
確供並訊明有無扶同舞弊之人迅速具奏  
毋稍徇隱其王廷用報捐分發時係工部主  
事李景雲出具印結著工部堂官詢問該員  
出結緣由咨明吏部查覈辦理○又諭  
朱士彥奏請禁訟戶抗糧以端士習一摺士  
為四民之首自宜恪守卧碑束身自愛况錢  
漕係惟正之供定例貧生交納錢糧以次年  
二月四月為率較平民展至數月待士已為  
優厚豈容積年抗欠如該學政所奏浙江杭  
嘉湖三府近來錢漕逋欠甚多俱係生監上  
控有案包漕開漕抗不完納地方官不能催  
徵加以訟戶名目與訟師訟棍無異該生等

恬不為怪於士習大有關係不可不嚴行懲辦該學政甫經到任即出示曉諭甚屬認真著該撫程含章會同該學政實力整頓毋許再有訟戶名目自本年為始如仍有不肖生監恃符抗欠逾限不完著即行褫革嚴辦示懲毋稍姑息○浙江巡撫程含章奏浙江鎮海二縣登船及三不像等船熟悉北洋沙線堪備江南海運現委員押赴上海聽候受兌得旨貽誤海運固屬不可亦不可勒令強行致滋事端務要辦理周妥方好○以江西湖南各幫丁力疲累緩本年應交茶果銀○辛亥

上幸瀛臺閱冰技○諭內閣松筠奏上海沙船恐難兩次兌運禦黃壩仍應照常開放來年重運無庸盤壩儘可如前河運既可節省經費幫丁水手帶貨抵通銷售於國計民生兩有裨益等語所奏固係因公起見惟此時河湖情形非嘉慶十六年間松筠任兩江總督

時可比現在河底墊高清水尚未能刷黃若此時即開放禦黃壩勢必仍復倒灌河湖運道交受其病豈非一誤再認前據琦善奏陳明年禦黃壩斷難開放新漕除海運外仍請盤壩剝運降旨准行然亦係就現在情形酌量辦理並非常閉禦黃壩久遠不開至海運漕糧一百五十萬石原因本年運道艱澀為一時權宜之計前據該督等奏詢之沙船商埠人等僉稱可以趁風汛之便兩次分運抵

津自必確有把握且海運之說由來已久近來海道未開險阻難行商船經年往返與內河如出一轍此時以漕糧一百五十萬石試行海運存此章程以備轉運之一法亦並非此後長由海運而捨河運於不用也松筠所奏著無庸議○旌表守正捐軀陝西西鄉縣民李有枝妻江氏○壬子諭軍機大臣等前據戶部奏四川已滿吏王廷用於本年二月內取具同鄉官印結以從九品報捐分發該

部給照後咨明川省。旋據戴三錫查覆。王廷用並未赴部報捐。並據戶部查出報捐分發原呈內。黏連吏部執照印篆參差。顯有偽造頂冒情弊。著該督查傳王廷用到省。將吏部原發執照當堂呈出。即速奏明。交部覈辦。至王廷用報捐分發時。係工部主事李景雲出結。茲據工部查明李景雲現在告假回籍。該員籍隸廣元。著戴三錫傳該員到省。詢明出結緣由。即派員護解來京。聽候傳訊。將此諭令知之。○又諭。王廷用並未赴部報捐。該員現在分發安徽。顯有頂冒情弊。著張師誠親提王廷用。訊取確供。並究明扶同舞弊之人。據實具奏。一面派委委員。將王廷用小心押解來京。毋稍疏虞。將此諭令知之。○實授長齡伊犂將軍慶祥。喀什噶爾參贊大臣兼鑲黃旗漢軍都統。○三姓副都統扎坦保。緣事降調。以齊齊哈爾協領吉勒通阿。為三姓副都統。○以拏獲深入紅椿偷打牲畜賊犯。賞

馬蘭鎮總兵官慶惠。花翎。○旌表守正捐軀廣東番禺縣民女潘二姑。

大清宣宗效天符運立中體正至文聖武智勇仁慈儉勤孝敏成皇帝實錄卷之九十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十二

監修總裁官經略日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣賈植槐職官程廷諤官吏部尚書錢監撰漢軍都統管理新營房抵內官房次臣發取內

七倉大臣指察會同四譯館事務加一級隨帶加六級軍功加三級紀錄五次並花沙納輕還鎮官文淵閣提舉閣事兵部尚書總管

內務府大臣錄白旗滿洲都統檔案內七倉大臣管理宗人府錄座左翼勅官等 宗室富圖明圖等虔精達營御茶膳房御藥房下

醫院造辦處事務隨帶加十八級員阿靈阿副總裁官兵部尚書隨帶加六級銜二十次員周祖培等奉

敕修

道光五年乙酉十二月癸丑朔

上  
詣

大高殿行禮。○諭內閣鄂山等奏偷渡河北番賊殲擒殆盡。訊據活賊供稱。偷渡番賊七八十人。屢被官兵追勦擒捕。現止賸十二人。分為兩起奔竄等語。此時亦不值再勞兵力。深入窮搜。著照所請。即令防河官兵以防代捕。將派出西寧河州二鎮兵四百名。官二十員。並察罕托洛亥等處防所例撥添撥兵四百名。交防所副將統領分布駐紮。備禦偷渡野

番卽便巡緝逸賊所有該總兵原帶官兵卽  
撤回歸伍以節糜費防所千總郭逢泰著卽  
褫革在防所加號兩箇月以示懲儆副將胡  
超著從寬免議○禮部奏道光六年元旦應  
行禮儀得旨是照例行禮奉

皇太后懿旨停止筵宴福晉命婦進內行禮之處並著停止○改鑄四川南部縣縣丞條記從總督戴三錫請也○以防河出力賞青海蒙古兵彥足爾等藍翎○甲寅

上詣

皇太后宮問安。○諭內閣近來內外滿漢諸臣能實心實力不避嫌怨為國宣勤者固不乏人。而因循觀望遇事浮沈者亦復不少。即如山西閻思虎一案非特旨調京發部覆訊。幾至烈女含冤。淫徒漏網。又有浙江德清縣之案。經年累月。未成信讞。若非特簡撫臣臬司加以嚴飭頻煩復命軍機大臣王鼎會同覆勘焉能罪人斯得冤案平反。凡此皆因官官

相護。周顧天良。周盡心力。祇知竊祿肥家。置民瘼於弗問。言念及此。憤懣何堪。朕深愧一時未能盡除此等闖茸貪劣之員。朕之過也。甚則有若孫玉庭、魏元煜、顏檢、張文浩。受國厚恩。身膺重寄。或摸稜取巧。或阿附同和。誤國殃民。深辜職守。雖皆按律懲治。朕自咎無力之惡習。至於京中各部院衙門。向來承辦公務。尚屬遵例認真。乃日前禮部議奏浙江

監生徐晉鈔錄舊文中式後自行檢舉。請照該撫原奏。將該生註銷舉人。仍留監生等語。已有旨諭矣。此事當巡撫程含章具奏時。朕已覺其失之於寬。逮交部議。而部臣並無駁正。依樣葫蘆。甚屬非是。試思該革生頭場因病未能完篇。是以錄舊。若果偶膺疾病。心神不清。不能寫作。原不出乎情理。但該革生既能鈔襲舊文。復加竄改。而二三場經策文理亦稱清順。此非重大之疾。已可概見在部臣

則當執法而行。議以斥革。并將該省巡撫附衆方為正辦。不思及此。反為一人委曲周旋。又開一條門路。且因病錄舊一語。出於何典。更不成話矣。再科場條例。穆克登額、舒英、容或不諳。若汪廷珍、韓鼎晉、奎照、劉彬、吉、均係科甲出身。何得諉為不知。故為此有意從輕。以邀名譽之舉耶。且為大臣者。務思大者遠者。不可因一人增添例文。因一事留遺弊端。多制之議。豈不聞乎。總之不能持公秉正動

輒畏首畏尾。自顧之心。重竭誠之念。輕為天下主。豈不欲人人而悅之。試問能乎可乎。矧士為四民之首。如有不遵法度者。必當按律懲創。不容末減。此非薄待士子。正所以端士習厚風俗。久遠之謀也。嗣後內外滿漢大小諸臣。務要共矢丹忱。佐予圖治。不可染玩愒之習。不可存推諉見好之心。庶至於大法小廉。綱舉目張。是予之至願也。毋忽。所有此次率行具奏之該省巡撫程含章著交部察

議不行按例議駁之禮部尚書穆克登額侍郎舒英著嚴行申飭尚書汪廷珍侍郎韓鼎晉奎照劉彬士俱著交部察議○又諭博啓圖等奏籌議剝船轉運章程據稱明年河凍初開先儘北倉囤貯滯漕趕緊運通隨到隨卸計平斛六十餘萬石二月底可以運完其餘存倉未運之十餘萬石即令東豫卸空之船趕回北倉剝運約用三百餘隻即可竣事著照所議妥速辦理○嚴定私入

陵寢重地偷牲失火例先是馬蘭鎮總兵官慶惠奏酌議私入紅椿偷打牲畜失火延燒分別擬罪得旨軍機大臣會同刑部覈議至是議奏凡私入紅椿火道以內偷打牲畜為首者枷號兩箇月滿日改發極邊煙瘴充軍為從枷號一箇月杖一百徒三年若因偷牲失火以致延燒草木為首者枷號兩箇月滿日發遣新疆酌撥種地當差為從枷號一箇月杖一百徒三年如延及

殿宇牆垣為首者絞監候為從杖一百流三千里從之○調倉場侍郎博啓圖為工部左侍郎仍在御前侍衛上行走吏部右侍郎百春為倉場侍郎兵部右侍郎貴慶為吏部右侍郎盛京刑部侍郎武忠額為兵部右侍郎以都察院左副都御史多山為盛京刑部侍郎○調正藍旗滿洲副都統明志為鑲白旗漢軍副都統以工部左侍郎博啓圖兼正藍旗滿洲副都統○修浙江錢塘縣屬袁家浦東江閘從巡撫程含章請也○撥淮北甲申綱未運額鹽二十六萬六千六百四十二引融入淮南分乙酉丙戌兩綱代運○撥長蘆鹽課銀六萬餘兩貸漕督給北倉運費○以浙江禾苗被風准向徵稔米之海寧嘉興秀水嘉善海鹽平湖石門桐鄉烏程歸安長興十一州縣私稔並納○乙卯

上詣

時應宮拈香○幸北海閱冰技○諭內閣御



史廖敦行奏審理命案宜慎初驗一摺所奏是地方人命案件既重落膝初供而其要尤在當時相驗初驗一真即可就傷痕以究其致死之由與情節之真偽若如該御史所奏州縣積習懼擔命案處分往往意存消弭於報案後故意遷延不即親身往驗或先令書差下鄉押令賄和迨不能寢息州縣官始行往驗經數日延擱過盛暑屍身發變相驗多有不真兇犯希圖脫罪因而避重就輕甚或賄囑件作隱匿傷痕暗買見證扶同諱飾每致釀成巨案實為近今積弊州縣相驗遲延例有應得處分該管上司果能認真查察何致任意稽延著直省督撫嚴飭各州縣一遇命案呈報到官即責成該管知府督飭該州縣立即親往相驗或地方印官公出刻即照例詳請鄰封州縣迅速往驗儻有無故遷延押令賄和銷案或鄰封意存推諉者即行嚴叅究辦以挽頹風而清訟獄○又諭武隆阿

奏清查案內已豁未豁虧缺年款清冊勒限查造一摺山東省嘉慶十九年清查案內各員報虧銀兩先經定限奏追嗣於嘉慶二十五年恩詔豁免彙案造冊咨部其中有銀數未符暨原籍結報家產盡絕由部咨查是否恩詔以前迨該省咨覆已在戶部奏明停止之後概不准豁免行令與不應豁免款項一體著追茲據該撫奏稱該藩司已分飭各州縣將解存司庫銀兩詳查底案開造年款送司覈對業經撥正銀五十四萬一千三百餘兩現已將次辦竣其已豁未豁銀兩未造年款者數倍於追存貯庫之款事隔多年官經數任款目紛繁此外尚有專叅續虧各案請一併勒限查造著照所請即將清查司案底冊按每州縣衛所照鈔一分飭發該管府州飭調現任攜帶底案由該府州就近督同按任按款徹底鉤稽將某員原虧係何年何款抵款抵除係何年何款下賸實虧係何年



何款逐一分晰。以奉文之日起。勒限三箇月。造具年款清冊。出具並無假捏印結。該府州覆覈加結送司。再將司中原報底冊。及歷年奏銷各案。與現送之冊。詳加較准。造冊咨部。其直隸州年款。責令該管道員督辦。如有舛錯歧誤。必須駁查另造者。再勒限三箇月登覆。統限半年。一律查辦完竣。各該州縣衛所。儻有徇於積習。仍不趕緊查造。及該管道府州。並不實力督催。著該撫即行分別嚴叅。以重庫項。而清積案。該部知道。○諭軍機大臣等。據善慶奏。盛京實勝寺。估請興修等語。朕此時並未定期。前詣盛京。所有實勝寺御座房三間。著暫緩修理。其念經堂三間。如係該喇嘛棲止之所。亦只須酌量黏補。毋庸大加興修。將此諭令知之。○又諭御史楊殿邦奏。稱江南地方。私梟充斥。所在多有。而洪澤湖。尤為伊等必經之處。大夥梟徒。每起百餘人。或數百人不等。水路則船數十隻。陸路則

車數十輛。為首者謂之仗頭。俱有烏槍器械。拒捕傷人。更有一種梟匪。在泗州謂之黑頭。批在和州謂之白槍子。平日或結會拜盟。或強搶行劫。各分黨類。互相爭奪械鬪。甚至將人支解。其最著名之李大李。尤為兇橫。肆行無忌等語。江南梟徒充斥。深為地方商民之害。琦善等前此雖奏獲梟匪多名。而渠魁首惡。未能捕獲。自難盡絕根株。著該督等即遴委幹員。將著名匪犯李大李。密速查拏務獲。嚴究黨羽。按律懲辦。此外為首梟徒。務當訪明窩巢。按名悉數躡緝淨盡。以靖奸宄。而安良善。將此諭令知之。○以接運漕糧出力。予山東同知汪霖等升補有差。○修湖北潛江縣城外土隄。從總督李鴻賓請也。○丙辰。諭內閣。鄂山奏。酌量口外營制情形。請將原議裁改兵丁。變通辦理一摺。前據那彥成奏。請於陝甘兩省提鎮馬步兵裁改守兵。將節省銀兩為駐防及會哨之用。茲據該署督奏。稱

烏魯木齊巴里坤二處向無額設守兵其馬步兵差使較內地繁劇若以馬兵遽改守兵既於生計有礙且馬匹內復有摘缺緩補一項難與內地一律裁改自係實在情形著照所請烏魯木齊巴里坤二處在於摘缺緩補無馬之馬兵內每處裁改步兵一百四十六名計多裁改馬兵六十九名少裁馬六十九匹以多裁馬兵之糧餉抵補少裁馬匹之草乾於奏定節省銀數有盈無絀而兵額亦無

減少以重邊防該部知道○調西安右翼副都統烏爾卿額為涼州副都統寧夏副都統卓爾琿保為西安右翼副都統以河南城守尉福克精阿為寧夏副都統○命葉爾羌辦事大臣常德烏什辦事大臣和桂和闐幫辦領隊大臣哈豐阿回京賞頭等侍衛印登額副都統銜為葉爾羌辦事大臣以涼州副都統慶康為烏什辦事大臣仍帶副都統銜賞頭等侍衛桂斌副都統銜為和闐幫辦領隊

大臣○以國史館恭修

仁宗睿皇帝本紀告成予前任提調兼總纂官內閣學士朱方增等議敘有差○賞故和碩特扎薩克頭等台吉積爾罕家屬銀三百兩○緩徵奉天寧遠州被旱地畝額賦給錦州府屬被旱被蟲災民口糧○丁巳諭內閣琦善等奏會籌海運應辦各事宜一摺江蘇現屆新漕啓徵商船陸續歸次來年二三月間即可次第兌運開行著責成蘇松督糧道會

同蘇松太道查驗米色兌交商船並封貯樣米隨船帶赴天津由交米委員送交欽派大臣比對米色按冊交收其到津以後過剝事宜責成坐糧廳帶同經紀人等一手經理押運赴通所有江省交米委員在津將漕糧兌給剝船即已交卸竣事無庸再至通倉以免推諉惟剝船自津赴通盤量不無折耗有例應給丁耗米十八萬餘石業經奏准撥給商船十二萬餘石尚有節省耗米六萬餘石除

此項搭運節省耗米內應劃給商船外實存米五萬九千六百餘石隨正啓運赴津所有天津剝船盤耗飯米等項該督等請於此項節省耗米內酌量撥給著倉場侍郎會同直隸總督妥議辦理至直隸雇剝不敷等款著該督等查照戶部議覆直隸總督具奏銀數分別籌撥解赴直隸備用該部知道○又諭陳中孚奏酌提來年各省漕糧盤壩先後一摺明年起運安徽浙江漕糧比之常年情形不同自應酌定省分按次提催以免參差遲誤著照該漕督所奏先提安徽剝船到壩盤運次提浙江軍船糧米接辦俟浙糧盤竣即將江揚淮海等屬糧米提壩盤運再將在後之湖廣江西等省重船督趨跟接赴淮俾糧道運員各歸各省督催彈壓不致前後攙越難以兼顧並著各該省督撫酌定起米期限令該糧道等催運漕糧源源到壩固不可過遲致有脫空守候亦不可過早致運河有擁

擠之虞以臻妥協而歸迅速○又諭戶部議覆富俊奏移駐京旗房間不敷居住請飭多為籌備並請將佐領驍騎校等官由移駐京旗內挑補一摺京旗閒散人等咸知雙城堡安居樂業願往者日漸增多若於道光八年以後限定戶數必致每年俱有裁撤阻其踴躍之忱現距八年為期尚遠著該將軍多派幹練員弁將房間一切廣為籌備勿致臨時周章貽誤至本年應添佐領驍騎校等官原議三千戶共設佐領六員驍騎校六員協領一員此時移駐尚不及十分之一暫無庸添設佐領著先設驍騎校二員即於三次移駐京旗內該將軍秉公挑選充補俟移駐足五百戶後添設佐領一員即於此次挑補之驍騎校內揀選奏請升補所遺驍騎校員缺再由移駐閒散內挑補未設立佐領以前驍騎校仍令三屯佐領兼轄將來移駐足三千戶時再由該將軍於佐領六員內揀選奏請升

補協領一員。俾移駐京旗人等。咸知上進有階。更為踴躍。所需俸餉。仍照該將軍原議。在吉林備用銀內動支。其本年應添領催二名。亦著該將軍於移駐閒散內挑選充補。無庸由京在願去之間散內揀派。嗣後移駐京旗。皆常年辦理之事。不必再令年班來京之將軍副都統管帶前往。每年移駐屆期。著直隸總督於文職道府武職副將參將內。每起各遣派一員。輪流沿途護送。彈壓照料。出關以

後。著盛京將軍奉天府尹錦州副都統。遞派文武員弁接管前進。所有應給住房車輛。及飯食錢文。悉照原議章程。隨時給發。如有例外多索。及沿途滋事者。即扣留報明本管上司。照例懲辦。○諭軍機大臣等。據琦善等奏。請來春海運漕米到津。一經欽派大臣驗收。後斷無任通倉經紀再驗之理。江省委員並免其前至通倉等語。海運漕糧到津。前經戶部議覆。那彥成所奏。屆期由倉場派坐糧廳

一員。帶同經紀赴津。候欽派大臣驗明斛收。兌交割船。飭令該經紀一手經理。今該督等復有此奏。著倉場侍郎嚴飭派往之經紀人等。無得刁難需索。一經驗明米色。交該經紀等收管。即與江省委員無涉。所有抵壩交倉一切事宜。責成該經紀一手承辦。其直隸派出文武員弁沿途照料。如有剝船滲漏。及沿途偷盜情事。該員弁固難辭咎。儻米色有攪雜微變等弊。仍惟該經紀是問。以專責成。而

免羈累。將此諭令知之。○又諭那彥成奏。稱請將截留河北首進軍船。於來年秋後盤運完竣。即暫啓禦黃壩。堵閉。以後每年漕糧抵壩之時。竟請仍行盤運。一律改用剝船。俾歸簡便。計直隸官剝二千五百隻。往還三次。可運米二百萬石。其不敷船隻。應酌量添造。或先行雇用民船。此項經費。雖為數較多。以後禦黃壩無須啓閉。已有節省歲需。即可陸續撥還。

歸款僅再不敷。或於軍船所帶貨物內酌抽稅課俟歸補足數。仍照常免稅。並不必履行海運。藉免意外之虞等語。漕糧盤壩剝運。及明年試行海運。皆因運道驟難復舊。為一時權宜之計。一切需費較之常年漕運諸多糜費。其每年開放禦黃壩。固為漕艘往還所經。亦藉清水暢出刷黃。今該督以上年大工掣卸湖水宣洩過多。此時既不能蓄清以培運。又不能設法以疏黃。徒以一壩中分。轉使此

項軍船久為稽滯。故為此奏。是否可以照辦。抑有格礙難行之處。著琦善等通盤籌畫。詳議具奏。不可稍存成見。將此諭令知之。○展緩大挑江蘇丹徒丹陽三縣境內運河。仍改小挑。從巡撫陶澍請也。○貸守待回空軍船銀。○戊午。

孝惠章皇后忌辰遣官祭

孝東陵。○直隸總督那彥成奏。琦善碎石坦坡之議。請加詳詢。得旨。所奏不為無見。具見惓

忱。候朕再酌之。○挑山東臨清清平堂博聊城陽穀壽東東平汶上鉅嘉衛北濟寧魚臺沛滕嶧等汎河道。并改挑陽穀汎內池家灘東舊存河形。為南北直河。從河道總督張井請也。○以拏獲鄰境要犯。予直隸知州李鵬議欽。○追予嘉慶年間遇賊殉節陝西藍屋縣貢生李培本等四千七百九十九名。分別建祠致祭。及旌表如例。○己未。

上詣

皇太后宮問安。○諭內閣。前據蘇明阿奏。貴陽府知府色卜星額。於己革同知司為善。侵用官項。償還私債。輒徇情將鋪戶比追。致市肆驚擾。當經降旨交蘇明阿嚴訊。茲據護撫吳榮光奏。前在藩司任內。會同臬司查明。色卜星額等。祇因戶民出言頂撞。責押措置失當。稟請附叅。該前撫蘇明阿。即以色卜星額等徇庇。妄為叅奏。與司稟不符。具奏後始行批駁。飭訊。並據色卜星額以鋪民擅取官項。

准移勒追。並非徇庇等情。兩次在總督衙門稟訴。此案該革員司為善。以官項償還私債。已據訊明屬實。是否色卜星額等有徇庇押追責比情事。抑係蘇明阿奏不實。著趙慎畛秉公審訊。務得確情。不可稍有偏縱。○諭軍機大臣等。據慶祥奏。永芹因病出缺。請以常德署理。喀什噶爾參贊大臣等語。前經降旨。將慶祥補授喀什噶爾參贊大臣。慶祥未到任以前。著穆克登布暫行署理。並令英惠馳赴伊犁。暫署將軍印務。無論英惠長齡。何人先到伊犁。慶祥即行交卸將軍印務。仍遵前旨。速即星馳前往喀什噶爾妥為辦理。其葉爾羌辦事大臣一缺。昨已降旨將印登額補授。常德著毋庸署理。喀什噶爾參贊大臣。即飭令仍回葉爾羌。俟印登額到任後。再行回京可也。將此由四百里諭令知之。○又諭科爾沁海流圖等處過冬居住之哈薩克等。共應交貢馬四十六匹。例應如數交納。今瓦

克鄂托克地方之哈薩克烏揚拜等於應交貢馬六匹。並未交納。移於俄羅斯界內游牧。甚屬卑鄙。不堪著交巴琿阿留心訪察。如烏揚拜等由俄羅斯界內潛移於海流圖地方居住。務須拏獲。從重辦理。以示懲儆。應交馬匹。毋令侍衛圖薩拉克齊台吉等賠交。即將正額裁汰。○命工部尚書陸以莊理藩院尚書穆彰阿。正黃旗蒙古都統明山。正藍旗漢軍都統普恭。在紫禁城內騎馬。○賞三品頂帶署刑部右侍郎韓壽。二品頂帶。○以科布多屯田豐收。予員弁議敘。賞賚兵丁有差。○修烏魯木齊滿營土城。從都統英惠請也。○庚申。上幸瀛臺。閱冰技。○諭內閣奉皇太后懿旨。明年元旦令節。著停止行禮。欽此。所有王公一二品大臣。是日俱著仍在慈寧門外行禮。三品以下各員。俱在午門外行禮。○命圖觀呼圖克圖之呼畢勒罕班第。駐

京賞靜修禪師名號及副扎薩克達喇嘛職銜○辛酉署陝甘總督楊遇春奏報抵任日期得旨兩省事務殷繁地方緊要斷不可因署任稍不盡心其兩省營務汝所熟悉無待朕言至於地方公事務要認真辦理潔己率屬破除情面一秉大公誠心實力方為不負委任勉之慎之○馬蘭鎮總兵官慶惠奏謝賞花翎得旨看汝心地尚明白頗可成就嗣後倍當慎勉切不可染疫玩惡習更不可生

高興見長之心實心實力毋忽○添設蒼震後右二門章京各二員○除江蘇靖江縣坍沒民田八頃四十五畝有奇額賦○癸亥諭軍機大臣等御史楊殿邦奏陳南河積弊十條一摺南河堰貯石工關繫運道民生上年一經掣壩動帑至九十餘萬之多復行修築自應力除積弊悉照定例修治之法如式興辦方資鞏固本年石工甫竣據琦善等查明新砌石料外雖平光內多欹斜空隙多有碎

石填砌灰漿灌抵並新工已有掣卸之處是所辦石工並未如式已屬顯然茲復據該御史奏稱近時築隄取土貪省船價方價傍隄宅用石料輒櫃夾縫中灰漿太薄隄後三合土將鬆散黑泥填入石料不能六面見方輒料寬厚不能如式錠銅任意偷減排椿根腳不固及蒙混浮冒等弊皆恐未能盡除著琦善等逐細詳察嚴飭通工大小員弁務將舊時積弊痛加消除於應修工段照估如法興

辦總期工歸實用如敢有仍蹈前轍蒙混偷減者即當嚴叅重懲勿稍姑息其新工欹斜空隙及碎石填砌灰漿灌抵一切不能如式之處遵照前旨確查叅奏將此諭令知之○以阿克蘇辦事大臣海齡為都察院左副都御史○賞兵部武選司郎中長清副都統銜為阿克蘇辦事大臣○改鑄直隸任邱縣東汎管河縣丞條記從大學士前任總督蔣攸銑請也○戶部議准江蘇巡撫陶澍疏報上



海丹徒。二縣開墾荒田蘆地一十六頃九十五畝有奇。照例升科。從之。○除直隸遷安縣水衝地四十畝甘肅皋蘭縣水衝地十頃一畝有奇額賦。○甲子。

上詣

皇太后宮問安。○幸瀛臺。閱冰技。○修吉林太平。永寧二倉。從將軍富俊請也。○旌表守正捐軀浙江錢塘縣民許四妻高氏。○貸江西司庫銀五萬兩。為新漕盤壩剝運費。○乙丑。

命於

大高殿設壇祈雪。

上親詣行禮。○諭內閣慶祥奏查訪喀什噶爾官兵出卡失利實在情形一摺。前據永芹奏巴彥巴圖帶兵出卡勦賊被害情形。朕即疑其所奏未盡確實。當降旨交慶祥密加查訪。茲據查明張格爾於七月間至薩雅克部落居住。跟隨僅十八人。經該阿奇木邁瑪薩依特帶同貿易回子及小布魯特等稟報永芹。

即令巴彥巴圖帶兵二百名。以查卡倫為名。前往撻拏。行至都爾伯津地方。將汰劣克及伊屬下人等之家口男女大小百餘名。全行殺害。詢知張格爾已於前五六日潛匿拜巴哈什處。汰劣克帶同眾布魯特追圍官兵。力戰一夜。勦殺布魯特百餘人。官兵多有陣亡。巴彥巴圖旋因臂中槍傷。自刎身死。是張格爾窮蹙餘生。甚好機會。轉致措置乖方。重損聲威。實堪痛恨。永芹身為參贊。既已調度失宜。又復奏事不實。若使其身尚在。必當革職拏問。按軍法治罪。前已降旨將永芹革去都統。不足蔽辜。其子綿煥。綿畀俱著革去輔國將軍。二等侍衛。降為奉恩將軍。永不准挑選別項差使。以為貽誤軍務者戒。巴彥巴圖輕率出卡。妄殺多人。轉致逆夷張格爾先期竄匿。罪有應得。姑念其被圍受傷。事急捐軀。究係歿於王事。尚堪憐憫。著加恩仍留都統銜。及加賞世職。其餘應得卹典。著概行停止。○



諭軍機大臣等慶祥奏詳察俄羅斯建房地  
方實在邊界之內請仍行文薩納特衙門詢  
問一摺此事前據慶祥奏到已令撰擬檄諭  
由理藩院行知薩納特衙門查詢嗣據松筠  
托津先後具奏皆以哈喇塔拉是否係哈薩  
克境界無憑查考若行文詢問恐生枝節有  
關國體為詞降旨復令慶祥體察情形相機  
妥辦茲據慶祥奏哈喇塔拉係我朝釐定疆  
界立有鄂博地方距俄羅斯境界甚遠今竟  
越哈薩克境數千里至哈喇塔拉地方蓋房  
若不行禁止將來漸侵及卡倫於地方大有  
關係並將原奉

諭旨議覆奏摺及輿圖繪圖說呈閱是該處  
既不與俄羅斯毗連亦非哈薩克境內確有  
可據自應仍照前旨由理藩院行文查詢俟  
其如何回覆再行斟酌辦理現計長齡尚未  
到京慶祥一俟英惠到彼署理將軍即當交  
卸前往喀什噶爾籌辦逆夷事宜著將俄羅

斯侵界之事應如何豫為防範辦理之處詳  
悉札致長齡相機籌酌盡善總期不失國體  
永絕邊釁方為周妥其喀什噶爾應辦事宜  
長齡亦當遵照前旨如有所見即札致慶祥  
妥協辦理務期罪人斯得明正典刑方為不  
負委任也將此由四百里各諭令知之○又  
諭據慶祥奏現查張格爾在托古斯托羅地  
方阿坦台家居住汰劣克拜巴哈什瑪達特  
等俱附近居住霍卓巴爾迪帶二百餘人往

霍罕去已諭令邁瑪薩依特查探進兵路徑  
並令曉諭效順之布魯特設法擒獻藉兵威  
使之合力懸重賞使之樂從各節籌畫悉合  
機宜自當如此辦理惟賞項所需將來若能  
將首逆張格爾縛獻或將汰劣克拜巴哈付  
瑪達特等縛獻俱應准其作正開銷其所奏  
阿奇木邁瑪薩依特尚能撫馭回眾辦事亦  
能認真張格爾於七月間至薩雅克部落汰  
劣克處居住跟隨僅十八人係邁瑪薩依特

帶同貿易回子及小布魯特等稟報。是該阿奇木之盡心效力。似屬可信。但所稟報張格爾跟隨僅十八人。尚須詳查確實。朕聞巴彥巴圖之輕出卡倫。係有以張格爾此次窮蹙前來投誠為言者。永芹始商令巴彥巴圖帶兵前往。以致墮其奸計。是當時造言之人。即係內外潛通消息之奸細。必應查訪明確。密拏懲治。著慶祥於到喀什噶爾後。再行密加訪察。究係何人倡為此說。據實奏明辦理。勿得稍涉顛預。將此由四百里諭令知之。○賞河南等省鄉試年老諸生徐修道等五十六名舉人副榜有差。○旌表守正捐軀河南祥符縣民主添幅妻潘氏。○丙寅。修廣東博羅縣常平倉。從總督阮元請也。○賜高年頂帶三萬七千三百四十五人。○命刑部將緩決三次以上人犯減等發落。○丁卯。河東河道總督張井奏熟籌漕運。慎節湖漕。得旨所奏俱悉。隨時留心妥辦。斷不可有誤漕行。○以

故一等公豐昇額孫巴雅爾綽克托襲爵。○修河南陳留等十五縣墩營倉監。從巡撫程祖洛請也。○撥湖南司庫銀八千兩。為新漕盤壩剝運費。

大清宣宗效天符運立中體正至文聖武智勇仁慈儉勤孝敏成皇帝實錄卷之九十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十三

臣等竊官經足日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府尹尹事務隨添加五級紀錄十八次臣賈復麟敕官經廷選官吏部尚書鑲藍旗漢軍都統管理新營城內官房大臣稽察內

七倉大臣松倉會同四譯館前勅加一級隨帶加六級軍功加三級紐錄五次月花沙銀經筵講官文淵閣提舉閣事兵部尚書總序

內務府大臣錄白旗滿洲都統穆爾察七倉大臣管理宗人府銀庫及算知官學  
室嘉寧圓明園等處捐建營棚恭膳房御藥房太

醫院造料及事務隨帶加十八級，阿靈阿副總裁官鑲冠鎮官兵部尚書隨帶加六級，紀銀二十次，周祖瑨等奉

敕修

道光五年乙酉十二月戊辰諭內閣向例城

上安設堆撥並看守馬道柵欄責成八旗都統副都統等按次稽查立法本為周密無如日久玩生每多弊混殊不足以昭慎重嗣後各城大樓九座馬道口十八處角樓四座馬道口八座中心臺十五座馬道口三十處著責成八旗滿洲蒙古漢軍按期均勻分段看守凡兩旗分界及一旗所轄應派堆撥官兵准其照數酌派仍照向例滿洲蒙古漢軍輪派參領一員在城住宿派往兵丁務擇老成

四九八

安靜之人。由各該旗覈定人數。交內務府製備腰牌發給。至馬道柵欄。如果稽查嚴密。閒人不能混入城上。自然肅清。所有城下柵欄。城門馬道。及中心臺角樓馬道口。即責成城門領及派出之步軍校認真管轄。如有通同朦混情事。即嚴行叅辦。示懲。至查城應行開列都統副都統銜名。無論兼管何項差使。均著全行開列。候朕點出人員。分左右翼管理。每屆三年。由值年旗奏請更換。其掌管鎖鑰及官兵接班換班。並應添參領等官輪流巡查各章程。俱著照議辦理。該都統等隨時整頓。總期官有專司。兵歸實用。勿得日久視為具文。○以故一等男恆福子奎豐襲爵。○以故雲南楚雄縣屬土縣丞楊天澤子恩襲職。○修塔爾巴哈台城垣監獄。從參贊大臣彥德請也。○己巳諭內閣。朕恭閱

先祖高宗純皇帝實錄。內載乾隆三十八年三

月奉

上諭。此次進剿大小金川。由京派往之滿洲額魯特。各省漢兵。皆知勇往。經將軍等保舉。惟成都派出之滿兵。不但不能超眾奮勉。亦無堪保一等等者。徒有滿兵之名。成何事體。國家養兵。不惜數千萬之費。然亦不能養此無用之人。現在軍前之成都滿兵。應得款項。不准照京師滿兵給與。並將伊等以前所得各項。俱照漢兵支給。其多領之項。俟大功告竣。陸續坐扣。庶駐防兵丁。知所懲儆等因。欽此。仰

見我

皇祖整飭戎行。垂誠諄諄。至意。國家修明武備。原期折衝敵愾。况八旗兵丁。素稱勁旅。尤不可因承平日久。稍弛訓練。現在外省駐防兵丁。散處各省。恐不免習於柔懦。未能精銳。夫兵可百年不用。不可一日不備。若平時坐糜廩糈。迨一經遣調。仍不足備干城之選。豈整軍經武之意乎。著通諭各省將軍。都統。副都統。城守尉。各將所管駐防兵丁。勤加操練。如

有弓馬生疏。及各技藝不能合式者。即當隨時嚴行懲戒。務期有勇知方。咸成勁旅。經此次飭諭之後。仍敢因循玩愒。遇有調遣。不能得力者。惟該將軍等是問。不稍寬貸。○又諭鑲黃旗滿洲奏。新襲公爵巴雅爾綽克托。從前所襲一等等子爵。或令巴雅爾綽克托本身兼帶。或將伊弟兆那蘇圖。巴雅濟爾哈爾帶領。引見承襲之處。請旨一摺。此一等等子爵。係因豐昇額前在軍營出力。

特恩加賞。著將巴雅爾綽克托所襲一等等子爵。即加恩賞給兆那蘇圖承襲。仍令在工部員外郎上行走。其巴雅爾綽克托前係三等侍衛。今既承襲公爵。著加恩賞給頭等侍衛。在大門上行走。○諭軍機大臣等。長齡奏。請赴喀什噶爾。會同慶祥商辦逆夷事宜。一摺。前因永芹難勝參贊之任。降旨將慶祥補授喀什噶爾參贊。長齡補授伊犁將軍。現在喀什噶爾應行籌辦各事。慶祥到彼。俟該將軍到

伊犁後。自必商酌辦理。該將軍勿庸前往。朕閱長齡此次所奏。與慶祥意見相同。惟當遵照前旨。如有意見所到之處。將一切機宜。札致該參贊斟酌妥辦。務期計出萬全。永安邊疆。至俄囉斯在哈喇塔拉蓋房一事。正須該將軍豫為防範籌辦。昨據慶祥奏。哈喇塔拉係在鄂博以內。若不行禁止。漸侵及卡倫。大有關繫。已照所請。仍行文薩納特衙門查詢。並令慶祥將一切應辦事宜。札致該將軍相機籌酌。長齡到任後。即當經理妥善。無使外夷輕視。亦不致啓邊釁。方為不負委任。所有檄諭薩納特衙門文稿。著鈔寄閱看。將此由五百里諭令知之。○浙江巡撫程含章奏。請將旗丁積欠借款。停息展扣。從之。○以故三等伯瑞保子松山襲爵。○免山東章邱鄒平等縣被水村莊帶徵舊賦。○庚午。上御乾清門聽政。○諭軍機大臣等。慶祥奏籌備糧餉馬匹。及探明賊蹤。慎重妥辦一摺。覽

汝屢次馳奏。意見俱是。所有應用糧石。除阿克蘇不敷撥運。伊犁及各回城道途太遠。應緩為籌畫外。喀什噶爾本城備貯餘糧一萬石。烏什葉爾羌。每城所存餘糧一萬石。著照所請。陸續運往接濟。其銀兩即由伊犁備貯十萬兩。隨時運往。撥節支撥。馬匹於伊犁察哈爾額魯特營備差馬內。照官兵例得之馬。先行運往。以備接換。沿途烏拉照例豫備。至所奏探明賊蹤一節。尤關緊要。前據永芹奏差探張格爾與助逆之汰劣克等。在托古斯托羅地方游奕盤踞。嗣據慶祥奏。張格爾等在卡倫外七八百里游奕無定。是該逆尚無實在下落。來春到彼時。務將一切妥備。然總在用人得力。方能集事。無論滿漢官兵。以至回子伯克人等。何人堪用。各盡所長。如邁瑪薩依特。及現赴喀什噶爾聽候差遣之玉努斯。擇其出力可信者。令其差親信回子。出卡探明確實下落。認真購線。並卡倫外各布魯

特查明何人效順何人助逆務令瞭如指掌計出萬全膚功立奏若逆賊遠竄斷不可輕易出師致墮奸計仍當設法擒捕若能將張格爾巴布頂兄弟擒獲聚而殲旃勿留餘孽固屬甚善或張格爾業已遠颺能將從逆之汰劣克拜巴哈什阿坦台瑪達特等拏獲盡法懲治亦可以伸國威若該犯仍敢犯我卡倫必應統兵迎剿然亦必得道路分明前路後路互相援應不致有意外之虞方為至善

慶祥在伊犁年久熟悉該處情形辦理自有把握不可因前奉嚴旨心生畏懼冀贖前愆遂至輕舉妄動朕特明白曉諭該參贊大臣不必稍存疑慮當以永莽巴彥巴圖為前車之鑒其勉益加勉慎益加慎既有兵威又懸重賞使眾布魯特樂為我用隨時機宜朕亦不為遥制總在汝盡心籌畫也將此由四百里諭令知之○喀什噶爾參贊大臣慶祥奏咨行吐魯番札調玉努斯前來伊犁面加詢

問剴切曉諭玉努斯感激形於詞色尚堪任使飭赴喀什噶爾聽候差遣委用報聞○以詹事府少詹事穆馨阿襲守正為詹事○修福建臺灣戰船從總督孫爾準請也○辛未

上詣

皇太后宮問安○諭內閣御史劉尹衡奏接據揭帖二紙列款控告嵩縣知縣各情雖書有高珩之名其人不知去向將所收印照揭帖呈覽請飭交辦等語匿名文書告言人罪最為風俗人心之害有拾獲者即應燒燬前降

諭旨與律文所載甚明該御史所收揭帖雖書有姓名而其人避匿焉知非駕名捏控何得以有執照印信為詞不行燒燬殊屬非是除將封呈各件擲交該御史自行銷燬外劉尹衡著交部議處○又諭定祥等奏查明承德府各州縣拖欠採買兵米一摺熱河喀喇河屯二倉存貯兵米內有地方官應交米石係每年由藩庫豫領價銀採買自應年清年

款不得顆粒短交。茲據該總管等查明該地方官尚有欠交米三千四百五十六石六斗零。著直隸總督即行飭催勒限完交。無任再延。此項採買米石。該地方官因向無具奏限期。往往任意延玩。嗣後著該總管等於每年封印前。查明該地方官應交米石。如有拖欠。即奏交直隸總督嚴催懲辦。以重倉儲。該部知道。○江蘇巡撫陶澍奏。擊獲徐邳淮海梟徒賀三虎等二百餘名。得首禁暴安良。地方大吏之先務。汝能留意。朕甚嘉焉。嗣後倍當奮勉。撥除窩主。尤為扼要。勉之毋忽。○調貴州布政使富呢揚阿為湖南布政使。以山東按察使劉斯喙為貴州布政使。江南淮海道梁章鉅為山東按察使。○改鑄直隸獻縣兼河主簿條記。從大學士前任總督蔣攸銘請也。○改鑄河南儀封司管河經歷蘭儀縣管河縣丞印信條記。從河道總督張井請也。○修江蘇江寧府黃快船。從巡撫陶澍請也。○

壬申諭內閣。前經八旗都統等議奏城上堆撥該班章程。本日據值年旗開單具奏。著派都統英和。特依順保。副都統英瑞。樂善。管理左翼四旗。都統烏爾恭阿。載銓。副都統凱音布。敬敷。管理右翼四旗。該都統等務當嚴密稽查。並照奏定章程。各派所屬參領等官數員。專司其事。責令將該四旗堆撥馬道柵欄輪流巡查。遇有包班雇替。容留閑人。並城牆堆撥有殘毀作踐等弊。隨時嚴行整頓。如該員等稽查不周。約束不嚴。即由查城大臣據實奏參。毋許含混推諉。遵照前旨。總期官有專司。兵歸實用。以昭嚴肅。不得有名無實。日久仍成具文。○又諭。昨常德等由四百里奏到各摺。朕詳加披閱。不過到任日期。及今巴彥巴圖家人扶柩回旗。俱非緊要事件。儘可照常馬遞。何得率用四百里陳奏。徒勞驛站。殊屬不曉事體。常德。穆克登布。均著傳旨嚴行申飭。○諭軍機大臣等。琦善奏。訪查堰圩



石工情形分別懲辦一摺。前因堰盱新工掣卸。該督與嚴烺先後奏報不符。當降旨令將承修工員查明嚴叅示懲。茲據奏上年承辦石工時。因下層未到之工。盡為水凌凍土所掩。僅就掣塌工段估計。未得拆驗舊工。又石工綿長。同時並舉。例選四成舊石。所需新石採辦較遠。運送尤艱。因限期日緊。潮水日增。是以石塊不及鑿平。即以碎石襯墊。查勘時工程已至九分。酌加保固四年。並非寬縱。此次細加查訪。尚無偷減工料情事。惟舊工固有椿朽根鬆。而新工襯墊掣卸。究屬辦理不善。請將承辦之員。分別革職留任留工。並令各就所掣段落。捐拋碎石。俾設等語。堰盱石工。關繫運道民生。務期鞏固。經久。原估及承修工員。均不容草率從事。此次石工甫經報竣。旋即掣塌九十餘丈之多。如該工員係始終一手經理。是查估不慎於前。復潦草辦理。於後自應從嚴叅辦。如掣卸工段。即在凌結

土埋椿朽根鬆處。從前係另派工員估計。則原估之員。咎無可辭。不得以承修之員。獨任其咎。著琦善再行確查原估工員何人。與承修各員分別據實奏明。再降諭旨。將此諭令知之。○又諭琦善等奏本年重運在途。水手停阻。船隻索詐錢文。現在各船卸空。不趁此時嚴辦。明年一經裝載。必致故智復萌。除二進軍船業經按幫查拏外。首進大河等幫。俱在直隸山東境內守凍。惟有密飭各該幫弁。開具幫內著名滋事各犯。就近稟知山東糧道天津道按名拏究。並飛咨該督撫轉飭遵照等語。各幫水手。膽敢沿途挾制幫弁。旗丁。自不容姑息。消弭。以致養癰貽患。然祇須查明確係著名滋事之犯。該督撫派委明幹文武員弁。不動聲色。購線密速掩捕。歸案究辦。其現在安靜並未滋事各幫船水手。斷不可紛紛查拏。株連擾累。轉致激生事端。將此各諭令知之。○兩江總督琦善。江南河道總



督嚴煥。漕運總督陳中孚奏。會籌接運新漕。趕築雙全閘。上攔河柴土大壩一道。加挑外北廳屬浦家莊。中河廳屬王家莊。祁宿運河順清河新挑小河等處。令在北接運之船。冰斗時全行挨泊臨清閘外。鋪水後迅速趕行。得旨。覽奏尚屬妥協。隨時細心查辦。為要。○察哈爾副都統海昇。年老休致。調正黃旗蒙古副都統永明額。為察哈爾副都統。以頭等侍衛音登額。為正黃旗蒙古副都統。○予故山西廣靈縣知縣朱休度。入祀名宦祠。福建泉州府教授鄭兼才。安縣縣教諭謝金鑾。建寧縣廩生李祥賡。長樂縣歲貢生陳賡煥。河南濟縣訓導王三畏。陝西吏部主事王巡泰。入祀鄉賢祠。從巡撫福綿孫爾達。程祖洛。盧坤等請也。○癸酉。上御寧壽宮。賜王大臣及蒙古王公貝勒等。食並賞賚有差。○以盛京戶部侍郎常文兼管奉天府府尹事。○甲戌。

上請。大高殿行禮。○幸北海。閱冰技。○諭內閣。那彥成奏。直隸營伍需餉。請調陝甘將備以資整飭。一摺。直隸各營員。由部推選者居多。不盡得力。自應亟籌整頓。惟揀調過多。轉致無缺可補。所有甘肅大靖營遊擊興安。保陝西白土營遊擊馬明。涇州營都司萬祥。俱著准其飭調直隸差遣。遇有相當缺出。由該督酌量奏補。該省所遺員缺。著該署督揀選妥員。另行請補。直隸為畿輔重地。此係因時創行。各直省不得援以為例。至該督自甘肅來京。陛見時所帶千總以下等弁。俱著飭令回營歸伍。該部知道。○又諭。那彥成奏。酌定各營修製器械章程。一摺。各營額設器械。例應查覈年限。隨時修補。以昭軍實。據該督查明直隸各營請修軍械。覈明銀數。分別奏咨。俟准部覆後。由該營員具領回營。自行製造。僅據空文詳報。恐不免有彌縫虧那情弊。嗣後凡遇

此等請修各案。所估銀數。統俟奏咨覆准。一面飭知該營赴司具領。一面呈報該督派委妥員。會同該營員。就近在省。如式監製。由該督親加點驗。儻有偷減情弊。即行參辦。著賠以杜捏冒。而嚴武備。○又諭。張師誠奏。參監視處決人犯。錯誤之知縣營弁一摺。安徽阜陽縣知縣李復慶。阜陽汛千總徐淮清。監視處決秋審罪囚。將斬犯李添。誤行處絞。絞犯徐四。誤行處斬。已屬昏憤糊塗。且誤決後。尚未辨明。任聽棺殮。顯係該員弁等。未經親身監視。並恐兵役人等有受賄挾嫌故意。顛倒情弊。必應徹底根究。李復慶。徐淮清。著一併革職。交該撫提同行刑。兵役人等。悉心研究。務得確情。按律定擬具奏。毋稍徇縱。○以喀喇沙爾屯田豐收。予員弁議敘。賞兵丁一月鹽菜銀。○賞科爾沁扎薩克工謝圖親王諾爾布林沁車臣汗阿爾塔什達黃糧。○科爾沁達爾漢親王布彥溫都爾瑚等三人。

浩齊特扎薩克郡王額林沁諾爾布阿巴噶扎薩克郡王阿爾塔什第等二人。翁牛特扎薩克貝勒蒙克濟雅阿巴哈納爾扎薩克貝勒巴勒楚克喀爾喀扎薩克貝勒沙克都爾扎布等十人。烏珠穆沁鎮國公都噶爾扎布等二人。土默特輔國公齊魯布鄂爾多斯扎薩克頭等台吉色楞德濟特喀喇沁扎薩克頭等塔布囊多羅額駙克星額等三人。青海扎薩克輔國公伊什達爾濟等二人。和闐三品阿奇木伯克瑚達巴爾第等四人。喀什噶爾四品商伯克帕拉特等五人。阿克蘇屬賽哩木四品伊什罕伯克密爾布拉葉爾羌五品喀喇都觀伯克貝子銜公邁瑪特愛瑪特等二人。烏什五品阿奇木伯克木薩伊犂六品密喇布伯克哈里咱特。於神武門外瞻觀。命隨至北海閱冰技。○乙亥。上御撫宸殿大幄次。賜蒙古王貝勒貝子公額駙台吉等宴。並賞賚有差。○修湖北漢陽營。

唬戰巡船從總督李鴻賓請也○丙子諭內閣松廷奏噶勒丹錫呼圖薩瑪第巴克什修廟鑄佛請賞扁額一摺乾隆年間色拉寺修寺造佛節經

恩賞扁額並哈達等物茲該喇嘛在毗連祝慶寺另修殿宇鑄造佛像工竣著照所請頒賜御書扁額並賞哈達一方念珠一盤鈴杵一分音輪一箇以迓吉祥尋頒

御書扁額曰法雲廣蔭○新授駐藏幫辦大臣

敦良中途車覆傷足命回京調理賞前任庫倫辦事大臣廣慶三等侍衛為駐藏幫辦大

臣○丁丑

孝莊文皇后忌辰遣官祭

昭西陵○

上詣

慈寧宮

壽康宮前殿行禮後殿問

皇太后安○諭內閣朕於明年二月二十二日

自圓明園啟鑒二十六日恭謁

泰陵

泰東陵

昌陵禮成後回鑾於二十九日還圓明園所有應行事宜著各該衙門敬謹豫備○廣東按察使容海因病解任以浙江鹽運使周錫章為廣東按察使○展緩江西幫船應還江南墊發盤壩銀○戊寅諭內閣孫爾準奏請暫弛海禁招商販運浙米一摺本年閩省內地

各屬收成稍歉糧價增昂據該督查明浙江秋收豐稔商船貿易甚便請援照成案令商民販運以資接濟著照所請准其暫弛海禁即令該省藩司分飭福州等府州屬招募商民由地方官發給印票齋赴浙省照驗採買米石並著程含章曉諭浙省商民如有情願買米運閩者亦由藩司給予印照聽其販運經由各海口驗明放行毋許留難阻滯仍俟閩省米價平減即行截止該督務須飭屬妥

為經理俾民食日臻充裕○閩浙總督孫爾準奏閩省鹽務疲乏情形得旨務要通盤籌畫計及久長若祇知乞恩補救目前於事何濟○命科爾沁郡王僧格林沁在御前行走○撫卹琉球國遭風難夷如例○

上以歲暮裕祭

太廟自是日始齋戒三日○己卯諭內閣常德前奏報到任日期等事擅用四百里陳奏已屬徒勞驛站昨復會同舒爾哈善由五百里

馳奏朕詳閱摺內亦不過防範偵探空言並無緊要情事乃連次擅發急遞何不曉事體若此殊屬冒昧之至常德著革去副都統銜仍交部議處舒爾哈善甫經到任僅於此次列銜具奏著傳旨嚴行申飭○陝西巡撫鄂山奏陝省南山界連楚豫隴蜀請以服闕赴部之前任漢中府知府楊名驄仍發原省差遣得旨所見不差朕於本月二十八日召見楊名驄詢及南山情形甚為明悉看其器局

明練精妥汝其留心再看不止能勝要缺知府之任也○庚辰以歲暮裕祭遣官祭

太廟中殿

後殿○命阿拉善扎薩克親王瑪哈巴拉在御前行走並其子公銜頭等台吉囊都布蘇龍在乾清門行走○賞科爾沁郡王僧格林沁三眼花翎○是日丙戌年立春順天府進土牛春山寶座○辛巳裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵。

裕陵。

昌陵。○遣官祭。

孝穆皇后暫安園寢。○遣官祭。

端慧皇太子園寢。○遣官祭。

太歲之神。○賞葉爾羌五品伯克貝子銜公

邁瑪特愛瑪特花翎。○朝鮮國使臣李魁昇

等三人。於午門外瞻覲。○壬午。

上御保和殿筵宴朝正外藩。科爾沁喀喇沁教

漢。浩齊特。阿巴噶。翁牛特。喀爾喀。阿巴哈納

爾。烏珠穆沁。烏喇特。歸化城。土默特。鄂爾多

斯。阿拉善。杜爾伯特。青海。和碩特。土爾扈特

土默特。綽羅斯。王貝勒貝子公額駙台吉。及

朝鮮國王副使。隨文武大臣依次就坐。諸樂

並作。

上進酒。召左翼。科爾沁。扎薩克。土謝圖親王。諾

爾布林沁。卓哩克圖親王。噶勒藏棟羅布。達

爾漢親王。布彥溫都爾。瑚喀喇沁。扎薩克親

王銜都楞郡王和碩額駙滿珠巴。咱爾。科爾

沁。扎薩克圖郡王敏珠爾多爾濟。教漢郡王

幹咱巴拉。浩齊特。扎薩克郡王額林沁。諾爾

布。阿巴噶。扎薩克郡王阿爾塔什。第。翁牛特

扎薩克貝勒。蒙克濟雅。教漢鎮國公固山額

駙那木扎勒多爾濟。喀喇沁。扎薩克輔國公

額外侍。郎瑪哈巴拉。右翼喀爾喀車臣汗。阿

爾塔什達。扎薩克親王車林多爾濟。阿拉善

扎薩克親王瑪哈巴拉。科爾沁。扎薩克郡王

僧格林沁。回部郡王銜貝勒哈迪爾喀喇沁

貝勒托恩多。科爾沁貝子濟克默特。土默特

貝子固倫額駙瑪呢巴達喇。至。

御座前。賜酒成禮。○是年。旌表孝子直隸等省

王元龍等十八名。孝友。福建省謝肇慶一名。

孝義。湖北省吳宗壽等二名。孝婦。浙江省省

方徐氏等二名。孝女。安徽省省王氏等三。口。

守節。合例宗室覺羅昆保妻端武氏等十一

口。滿洲伊立布妻舒穆魯氏等一百二十口。

蒙古德祿妻馬氏等三十五口。漢軍劉棟妻張氏等二十九口。內務府滿凌妻張氏等十七口。各省駐防德興妻英氏等二百六十二口。奉天等省張義妻劉氏等一千四百二十四口。夫亡殉節直隸等省毛凌皋妻朱氏等四十二口。未婚守志滿洲海明妻張佳氏一口。直隸等省生員崔槐妻王氏等五十口。百歲壽氏婦廣東等省趙凝行等二十六名口。五世同堂貴州等省陳起文等八十七家。各給銀建坊如例。○一產三男直隸等省李先民等六家。○會計天下民數穀數直隸等省通共大小男婦三萬七千九百八十八萬五千三百四十名口。存倉米穀三千二百六十一萬一百六十石三斗九升六合六勺。
--

大清宣宗效天符運立中體正至文聖武智勇仁慈儉勤孝敏成皇帝實錄卷之九十三
------------------------------------

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十四

監祭禮儀官鄭廷日謀退居法官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府行尹事格隨等如五規紀十八不足曾獲總藏官經定議官至部尚書銀益漢漢都察管理新營庫城內官房大且積容內

七念大臣指察會同四庫館纂修加一級優卹加六級軍功加三級紀錄五次正花翎加巡撫官文胡開道舉劄事兵部尚書魏

内務府大臣 復白 撰滿洲都統 稽察內七倉大臣 管理宗人府銀庫左翼幼官學 監書寶圖明用等處新授鑾儀衛膳房御藥局

醫務院延聘處事務隨帶加十八級日阿靈阿副總裁官總巡撫官兵部尚書隨帶加六級光緒二十十月周祖福等奏

教訓

道光六年丙戌春正月癸未朔

上  
諧

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

請

大高殿

壽皇殿行禮。○御乾清宮。賜皇子親藩等宴。○

賞喀爾喀扎薩克親王車林多爾濟紫韁○

上御重華宮茶宴廷臣及內廷翰林命和

御製盆梅詩韻○諭內閣喀喇沁扎薩克親王

銜郡王滿珠巴咱爾曾在御前行走有年平

日尚屬勤慎伊自前歲患病步履維艱所有

每年滿珠巴咱爾來京瞻觀供職之期著加

恩賞坐肩輿用示朕軫恤蒙古舊臣至意○

以籌辦吉林雙城堡移駐屯田事宜妥協加

將軍富俊太子太保○命夾西安察使能且

司來京。尋以四品京堂吳浦。○周貴州安縣。

使嚴如昇為陝西按察使以貴州貴西道可

金為安察使○乙酉

高宗純皇帝忌辰遣官祭

裕陵

上  
詣

奉先殿

壽皇殿行禮○諭軍機大臣等本年海運抵津

應籌備官剝民剝船隻及沿途稽察彈壓事宜前經戶部議定章程請飭該督督同藩司天津道妥為經理藩司事務較繁若令其赴津辦理剝運各事往返需時或將本任事務不能兼顧二月朕啟鑒恭謁

西陵雖輪應臬司隨扈而一切差務亦須該藩司在省籌辦屠之申著毋庸赴津督辦上年派令天津道鄭祖琛清河道陶樑催趲滯漕甚為妥速所有此次應辦海運剝船各事即

飭派該道等專司其事並令於丞倅州縣實缺人員內自行遴選明幹曉事者數員臬知該督幫同辦理該督即飭該道等先事妥籌如臨時稍有延誤惟該道等是問將此諭令知之○又諭慶祥奏接據常德札覆須於二月進剿即將前派後起官兵一千名派領隊大臣烏凌阿管帶啟行計二月初間即已到齊等語慶祥前此所奏調度官兵並查探逆夷蹤跡鎮以兵威懸以重賞設法將該逆夷

等縛獻種種籌畫機宜尚不為無見何以接

據常德札覆二月進剿之言率令烏凌阿將後起官兵管帶前往試思該逆夷竄匿各布魯特地方並無一定巢穴即使二月間大兵雲集不但張格爾無從擒捕即汰劣克等亦游奕無定卡倫外皆外夷部落路徑叢雜從何進兵勦捕慶祥熟悉彼處情形乃因常德之言轉致游移無據冒昧撥兵前往著傳旨嚴行申飭常德前因擅發急遞交部議處俟

奏上時再降諭旨此時計算長齡英惠必有一人行抵伊犁慶祥仍俟伊二人無論何人先到交卸後再馳往喀什噶爾相度情形遵照節次所降諭旨詳籌妥辦其後起派往官兵該參贊到彼察看如必須分派應用即酌量暫留該處若無須如許兵力即陸續撤回歸伍伊犁地方緊要烏凌阿等亦有本任應辦事宜如不須二人在彼著於穆克登布烏凌阿二人內酌留一人聽候調遣其餘一員



即令管帶撤回官兵。仍回本任。慶祥總當堅持定見。盡心籌畫。用副委任。不可輕聽人言。致為搖惑也。將此由四百里諭令知之。○予伊犁管解烏魯木齊牛馬官員議敘。賞兵丁一月鹽菜銀。○貸伊犁調赴喀什噶爾官兵半年俸餉。○丙戌。

上御紫光閣。賜蒙古王貝勒貝子。公額駙。台吉。及朝鮮使臣。章嘉呼圖克圖等宴。並賞賚有差。○命喀爾喀扎薩克鎮國公索諾木旺楚克。

克在乾清門行走。○貸直隸寶坻豐潤寧河三縣上年被水歉收災民口糧有差。○緩徵山東濮觀城。朝城。茌平。莘。齊河。濟陽。禹城。長清。平原。海豐。利津。陽穀。沂。濰。單。城。武。曹。定。陶。鄆。城。鉅野。聊城。堂邑。博平。清平。冠。館陶。高唐。恩。二十八州縣。並德州。東昌。臨清。濟寧。四衛。及永阜場民佃竈地。本年上忙錢漕河銀倉穀。○展賑奉天錦州府中前所中後所寧遠等處上年被災旗戶。並貸寧遠歉收旗戶民

戶口糧有差。○貸江蘇沛縣上年災民一月口糧。○戊子。貸山西襄垣縣上年被雹災民倉穀。○貸河南鄆陵湯陰。汲。封。邱。淇。陽。武。內。黃。七縣上年被旱被水災民倉糧籽種。○貸陝西略陽。榆林。中部。三縣上年被水被雹災民一月口糧。並米脂。吳堡。二縣籽種。○貸甘肅皋蘭。金。隴。西。岷。安定。會。寧。華。亭。平。羅。秦。安。清水。寧。夏。崇。信。十二州縣上年被水被雹災民兩月口糧並籽種。○

以上辛祈穀於上帝。自是日始齋戒三日。○乙丑。世祖章皇帝忌辰。遣官祭孝陵。○諭內閣。陶澍奏。句容縣本年漕糧請照舊私種並納一摺。江蘇省漕糧例收稅米。據該撫查明江寧府屬之句容一縣山多圩少。上年夏間得雨稍遲。該縣農民種私者居多。以致交倉之米。顏色參差。著照所請。准將句容縣道光五年漕糧。仍舊私種並納。以示體

恤。嗣後著該撫飭屬於每年四五月間。察看情形。如係雨水調勻。山田無虞受旱。督令一律種稔。或因得雨稍遲。農民仍防旱種私。即查明咨部存案。毋許臨時籲請。該部知道。○以捐貲助賑。江蘇震澤縣民婦王趙氏。給銀建坊如例。○庚寅。

上詣

南郊齋宮齋宿。○諭內閣。程含章奏嚴立整頓海塘章程一摺。浙江杭州府屬東西海塘。密

通省城。為保護民間田廬而設。現在東塘坦水。及西塘柴埽各工。均有潑損。總由從前承修工員辦理並不認真。以致旋修旋壞。該撫請嚴定章程。酌擬六條。開單呈覽。朕詳加披閱。所有海塘工程。嗣後著杭嘉湖道。每逢大汛。及修築工作時。到工駐劄。就近督率稽查。東西兩廳同知。守備均駐劄工所。親身修防。無許潛回省城居住。違者以擅離職守論。應住衙署。准令分別修補建復。至酌加保固限

期。所奏亦是。所有坦水石工。著保固四年。柴埽工。著保固二年。以驗收之日為始。責令承辦工員隨時鑲修。交汛弁加意防守。又修築塘工。無論限內限外。間有潑損。潮退即應補修。如有偷取柴椿之人。嚴拏治罪。官弁藐視要工。及包與書吏。誣託家人者。即行參辦。該撫仍隨時稽查。以昭覈實。其認真估計柴石各工一條。所奏甚是。嗣後著責成杭嘉湖道親勘。總以實在倒塌丈尺為準。不容稍有浮

溢。又西塘柴埽各工。請添用竹纜。堆砌塊石。著該撫留心察看。如果經久無弊。亦准其陸續改辦。至酌改防汛千總。把總。外委。及移撥汛兵。俱係因時制宜。著照所請辦理。該撫自此次奏定章程之後。即督飭道廳員弁認真安辦。毋得日久仍成具文。該部知道。○諭軍機大臣等。前因常德連次擅發急遞。已降旨將常德革去副都統銜。交部議處。本日又據常德會同舒爾哈善由四百里馳奏。朕詳閱

摺內。不過將布魯特頭人那帕斯等。加賞頂帶。及通事額魯特瑪勒汰。隨同遞馬之珠滿齋。檄曉諭。並非刻不可緩之事。何不移知慶祥。乃張皇如此。甚屬冒昧。常德前已革去職銜。無庸同葉爾羌之任。慶祥到喀什噶爾後。飭令即速回京。其所請將布魯特頭人那帕斯。伊里斯曼底。提里斯。賞給頂帶。因卡外積雪深厚。尚未來城。著慶祥到彼後。將那帕斯等。遵照前旨。查明賞給頂帶。至另片奏布魯

特通事額魯特瑪勒汰。暫賞六品虛銜頂帶。隨同珠滿齋。檄曉諭。並著慶祥查該通事果否熟悉邊外情形。應否賞給頂帶。據實覆奏。本日又據海齡奏。阿克蘇戍防綠營兵丁。不敷調派。進剿一摺。阿克蘇差繁兵少。不敷派撥。從前喀什噶爾節次逆回滋事。均未調阿克蘇兵。此次調阿克蘇官兵二百名。自係常德糊塗高興。所調阿克蘇兵二百名。著無庸挑派。慶祥仍遵前奉諭旨。查探逆蹤。鎮以兵

威。懸以重賞。設法將該逆等縛獻。總當堅持定見。盡心籌畫。用副委任。將此由四百里諭令知之。○四川總督戴三錫奏。官紳捐貲整頓通省書院。並添設義學。得旨嘉獎。予瀘州知州沈昭興等優敘。同知銜譚金貴等議敘有差。○浙江巡撫程含章奏。鹽務溢銷多引。庫貯寬裕。得旨嘉獎。予橫浦場大使段洪恩。守備金占鰲。升用有差。○辛卯。祈穀於上帝。

上親詣行禮。○辛酉。明鳳。奉皇太后居綺春園。○詣安佑宮行禮。○諭內閣。上年京城入冬以來。僅得雪寸餘。並未渥霽祥霽。茲值祈穀大祀。適於朕詣壇齋宿之日。六花飄灑。自初八日申刻至本日卯刻方止。積厚三寸有餘。於農田大有裨益。此皆仰賴昊蒼垂佑。實深寅感。允宜特沛恩施。所有在

壇執事之太常寺先祿寺堂司各官。侍儀之禮部都察院堂官。對引大臣。管

壇大臣。查

壇大臣暨隨從之御前大臣。領侍衛內大臣。御前侍衛。乾清門侍衛。門上侍衛。鑾儀衛堂官。章京。上駟院。黏桿處侍衛。俱著加恩賞給紀錄二次。上駟院。黏桿處武備院。拜唐阿。俱著賞給半月錢糧。用示朕行慶施惠至意。○又諭程含章奏。江南海門廳屬十一沙民食有

鹽可買。請將滯缺竈鹽。改歸商辦一摺。前因松所崇明場產鹽衰旺不齊。沙民不敷接濟。奏明於滯缺地方。設竈煎鹽。動支運庫公費銀二萬兩作為帑本。官為收買。茲當奏銷之期。據該撫查明滯缺竈戶得涵艱難。沙民聚集較少。銷數未能如額。近年崇明場產鹽較旺。無需再運滯鹽。若仍發帑官收。恐致日後虧缺。請繳回帑本。改歸商辦。著照所請。准其將滯缺竈鹽。照南沙帑蓋改歸商辦成案。於

清 實 錄 道光六年正月

丙戌年起。改為商收商配。價隨時定。鹽盡歸商。照例完課運銷。以節經費。該撫即飭該司妥議收配章程。咨部覈辦。所有原發帑銀二萬兩。除已撥各商繳存運庫外。其發存松江府庫。及崇明售出鹽錢。並已收未運鹽本。著督飭運司統於年內提貯運庫。歸還原款。至滯缺收鹽無多。商完經費。除支公用。並無盈餘。著免其報銷。該部知道。○修浙江杭州省會及嚴州府城垣。從巡撫程含章請也。○撫

卹日本國遭風難夷如例。○壬辰。享

太廟。遣睿親王端恩恭代行禮。○遣官祭

太歲之神。

上詣綺春園問

皇太后安。○癸巳。諭內閣。貴州銅仁縣民婦張舒氏。致斃義媳張劉氏母女二命一案。前據吳榮光。以該縣德恆具稟。案係由府提審。杖責發落。請飭原任銅仁府知府敬文。赴黔質訊。該員現在刑部員外郎上行走。先令刑部

五二五

詰訊具奏。茲經刑部訊據敬文供稱。此案前經該縣德懋以張劉氏係自勒身死。驗訊犯供狡展。將案證帶府面稟請訊。當即訊問一次。因張舒氏頂撞撒潑。將其掌責。房順不認姦情。用板責訊。祇據供認通姦屬實。其張劉氏果否自勒身死。面諭德懋將犯證帶回集訊究辦。伊旋即丁憂卸事。並未發落完案等語。此案敬文在任時。如果提審斷結。自有牌文印卷可憑。不難檢訊明確。若係德恆捏詞

誣卸。亦未便因其一面之詞。飭令該員遠赴黔省對質。著貴州巡撫再行調集案卷。確切查訊。如敬文實有提審斷結卷據。即於定案時附參。若係德恆任聽賄和。草率結案。則與敬文無涉。敬文著無庸赴黔質訊。○甲午。諭內閣慶敏。哈當阿著調補管理圓明園八旗。內務府三旗官兵進班。其健銳營事務。除莊親王綿課載銓。吉勒通阿。富僧德。照常管理外。仍派賽沖阿管理該營事務。托恩多。晉登

額。阿勒罕保。無庸管理。其火器營事務。著定親王奕紹瑪呢巴達喇特依順保。闡凌阿。照常管理。慶敏。奕經。敬效。哈當阿。盛福。無庸管理。所有派出管理健銳火器兩營之王大臣等。務須常川輪往該處認真訓練官兵。俱無庸進班。所有管理圓明園官兵之大臣等。仍著照例進班。○又諭。健銳火器兩營。向來規制整齊。該營翼長等專事訓練。管營大臣時往查察。兵力頗稱精銳。自該大臣輪流前往

住班看操。該翼長等轉得有所推諉。而該管大臣人數較多。責任不專。亦復彼此觀望。並不勤加操演。冗員日眾。親隨日增。近日兩營風氣。習尚浮華。不務技藝。營制漸壞。不可不亟為整飭。現已將管營大臣酌加裁派。停止住班。其挑取親隨。每員不得過八名。該翼長等所帶隨兵。亦應大加裁汰。即令該管大臣定以名數。不得任意加增。仍照從前立營舊制。責成該翼長等按期認真訓練。該管大臣

不必拘定日期。隨時親往校閱。獎勤懲怠。使知有所勸戒。迨挑缺時。務當秉公持正。於勞績材技。年分。三項內比較考驗。公同選擇。不可以親隨人等濫竽充數。庶幾鼓勵人材。冀收實效。朕聞管營大臣。有去任後仍將親隨借供奔走者。尤屬非是。此時姑免深究。嗣後不准濫行借用。著該管大臣時加查察。如有前項弊端。即當據實嚴懲不貸。經此次飭諭之後。該管大臣總當肅除積習。務期一兵有

一兵之用。俾兩營士卒咸成勁旅。無負朕諄諄訓誡至意。並著兩營各將此旨恭錄一通。懸掛公所。使觸目警心。毋得日久生懈。○署刑部右侍郎韓壽因病解任。調禮部右侍郎劉彬古為刑部右侍郎。刑部右侍郎史致儼為禮部右侍郎。○修福建泉州廠戰船。從總督孫爾準請也。○乙未。諭內閣。朕念蹇沖阿訓練兵丁甚屬妥協。是以昨日派伊管理健銳營事務。茲念御前大臣常有乘馬隨駕差

使領侍衛內大臣。亦有帶領後扈差使。蹇沖阿已逾七旬。馬上差使未免年老。著將蹇沖阿御前大臣領侍衛內大臣差使俱行開缺。專任內大臣都統之職。並著常赴健銳營認真訓練官兵。可期嫻熟。不惟公事有益。用示朕曲體耆臣至意。○兩江總督琦善奏。估挑邳宿運河以利漕行。勒限二月上旬完竣。得旨驗收時務要認真查看。勿稍瞻徇。又奏。鹽開越壩移就東大壩後以備啟放。批。妥為辦

理。○以署正黃旗領侍衛內大臣瑪呢巴達喇為正白旗領侍衛內大臣。鄭親王烏爾恭阿署正黃旗領侍衛內大臣。○調哈密千總把總經制外委額外外委各一員。馬步兵一百名。馬一百匹。赴巴里坤聽候差遣。○丙申。上御奉三無私殿。賜皇子親藩等宴。○御山高水長。賜王公大臣蒙古王貝勒貝子公額駙台吉及外藩使臣等食。翼日如之。○修熱河坍塌兵房。從都統那清安請也。○丁酉。

上詣

安佑宮行禮。○御正大光明殿賜朝正外藩等宴。作樂賜酒。如除夕儀。○戊戌。

上御正大光明殿。賜大學士尚書等宴。○己亥。諭內閣刑部。審訊盜犯宋得才等一案。所供各案事主。均在直隸各州縣。未便紛紛提質。恐窩夥尚不止此數人。竊劫亦不止此數案。罪關生死出入。必須根究明確。以成信讞。且現據該犯等供出之薊州捕役魯希武。香

河縣革捕樂大楞得贓故縱。指引行強。尤為案內要證。著將宋得才、孫祿、李三、徐亮俱解交直隸總督。提同現犯嚴訊明確。按律定擬具奏。東城副指揮劉啓元、揀發指揮畢以齡、拏獲京外盜犯多名。著吏部照例辦理。尋奏訊明宋得才、張三禿子、孫祿、盧順、潘五疊劫行強。擬斬立決。聽糾之徐亮、陳奎發新疆給官兵為奴。窩盜之藍老闡明、李三發極邊充軍。餘分別問擬杖徒。魯希武、樂大楞均無知

情得贓情事。即行省釋。下部議從之。○諭軍機大臣等。那彥成奏。接據由驛遞到前任湖北漢黃德道莊均一稟封一件。據稱伊已故堂叔莊詠前在直隸滄州任內虧欠銀兩。經伊堂叔莊詡具報家產盡絕。其實莊詠及伊嗣子莊懋瀛等共有屯田一萬三千餘畝。生息字號十餘處。所報朦朧捏飾。伊勸令莊詡首舉。反被率領子姪多人。將伊毆傷。報官延不詳辦。並據該督查看莊均一所遞稟封。背面註明借用印信臺馬飛申字據等語。故員莊詠前在滄州及任邱縣任內虧欠地糧正耗等項銀三千三百餘兩。該家屬隱匿等情。捏報無力完繳。固有應得之罪。莊均一以告病在籍道員。何以擅用驛遞。其封面註明借用印信。篆刻字跡模糊。難以辨認。究係向何處所借。均須徹底查究。現據那彥成將原稟郵封等件咨交該省。著武隆阿即將一千人證親提嚴鞫。是否該故員家屬朦混具稟。地

方官扶同捏報。及莊均一另有詐索起釁別情。逐一嚴密確查。據實究辦。勿任稍有狡飾。將此諭令知之。○直隸總督那彥成奏所屬先後得雪。得旨京師自初八日飛灑祥雲。天氣和暖。時大時小。六七日間。約得雪四寸。土脈甚屬滋潤。二麥可望豐收。朕敬感

天恩。曷勝欣幸。○加築直隸通州溫榆河上游果渠村壩埽各工。從總督那彥成請也。○修山西綏遠城城垣。從巡撫福綿請也。○庚子。

上詣綺春園問

皇太后安。○湖廣總督李鴻賓奏京山縣王家營隄工修竣。添建辟石壩磯。本應民間自行修築。因連年被水。請借項興修。分限按徵還款。從之。○辛丑。

上御山高水長。賜王公大臣蒙古王貝勒貝子公額駙台吉及外藩使臣等食。○以直隸正定鎮總兵官觀喜為杭州將軍。○予故一等承恩公杭州將軍舒明阿祭葬。並賞銀三百

兩治喪。○予雲南運銅淹斃知縣呂夢飛卹廕如例。○緩湖北各幫漕船應繳借款。並緩徵監利縣上年完河壓廢田畝額賦。○壬寅。諭軍機大臣等嚴煥奏黃河淤墊日增。力求攻刷之方。請於海口隄盡處接築長隄。河身生灣處取直挑渠。及增培河底墊高兩岸隄工。共估需隄工銀五十餘萬兩。挑河銀二十萬兩。連接補增培隄壩。通共需銀七十餘萬兩。並據稱山海安阜四廳境內。河身坐灣。如

關家灘孟家灘九套。何家社數處。皆係兜灣過甚。若全行挑切取直。不惟需費過多。並恐挑汎水長。河勢或有更變。掣溜不能得力。應俟挑汎後再行察看。擇其形勢利便之處。酌估挑切引河一二道。以備汎漲啓放。掣溜成河等語。黃河接築長隄。俾收攻沙之益。逢灣取直。使成吸溜之勢。原是治河成法。前據琦善等查看八灘。迤下地土情形。必須如此辦理。當經降旨允行。茲據嚴煥估計請帑興辦。



若能將兜灣處所挑切取直。消水迅速。則尾閘通暢。迤上之積淤。可以漸去。黃水漸可落低。清水可以暢出。即無須過於蓄高。而堰貯大隄。已不難保守。豈不甚善。惟據奏挑汛後。再行察看河身生灣形勢。擇其利便之處。酌估挑切引河。以備汛漲。彼時黃水日增。灘形不露。從何興工。其接築長隄。培增堤壩。與切灘工程。孰為緊要。二者之中。何者尤於全河較多裨益。著琦善虛衷妥籌。自持定見。並將

應修工段。覈實估計。奏明遣派妥實工員。迅速興辦。至河督嚴烺能否於全河機宜確有把握。不狃於工員積習。琦善到任共事。已經數月。是否實能勝任。自必確有見聞。該河督前在南河年久。儘不免瞻徇同護。遇事輕聽人言。則是難勝南河總督之任。即當據實密奏。不可稍存瞻顧。並著該督將平素深知人員內。如有能勝此任者。不必拘定資格。覈實保奏。以備簡用。其廳汛各員內。如有習氣過

深阻撓公事者。亦當秉公澄汰。以挽澆風。而昭懲戒。將此諭令知之。○調浙江衢州鎮總兵官劉廷斌。為直隸正定鎮總兵官。以兩江督標中軍副將曾大觀。為衢州鎮總兵官。○癸卯。

孝穆皇后忌辰。遣官祭。

暫安園寢。○諭內閣。御史徐養灝奏。請將刑部例案改歸畫一。並招募件作足額一摺。辦理刑名事件。應以律例為憑。例所未備。始仿照

成案定擬。如該御史所奏。近來辦案各員。不能詳釋例意。往往例案不符。遂致罪名歧異。如奇里綱阿及支大秋兩案。或特派大員查辦更正。或經朕看出指示。恐此外例案兩歧者。尚不止此。著刑部堂官督同律例館司員。悉心參酌。務期例案咸歸畫一。不得稍有參差。至刑部及五城。向例均有額設件作。及副役學習幫辦。前經降旨募充。乃近年仍未足額。以一人而充數處之役。遇有五城咨部案

件。檢驗仍出一手。輾轉同護。弊竇叢生。著五城御史率同司坊官廣為招募。勒限學習。無許現充件作把持。俟各衙門缺額。概行補足。明示勸懲。庶檢驗可期得力。○又諭。御史黃德濂奏。直省學政覆試新進童生。請仍照舊辦理一摺。各省新進童生覆試舊例。先期赴學填冊畫保。原以杜槍冒。及身家不清等弊。嗣經禮部奏准。新生覆試。改由提調造冊申送。該提調管轄既多。公事亦繁。於各童生有無槍冒。及身家清白與否。不能如教官切近周知。必致朦混滋多。教官轉得謝責。且書役門丁串通勒索印卷冊費。較各學書斗其弊尤甚。本年為各直省舉行歲試之時。所有覆試取進童生。著各省學政。仍照舊例辦理。定於正場出案之日。飭令該學教官將取進童生三代年貌籍貫清冊。與覆試印卷。即日併送學政衙門。聽候覆試。不得藉端遲延。並仍照正場之例。黎明點名。申刻完場。不准給燭。

其無故不到者。該學政查係該童遲誤。方准扣除。若係教官與書斗等需索留難。即行嚴叅懲辦。總在各該學政認真稽察。毋稍瞻徇。則積弊自可肅清。不在更張成例也。○甲辰上幸萬壽山。○諭內閣。戶部奏直隸省清查案內。虧賠各員。已完續完銀兩。尚未造入奏撥各冊。該省藩庫借墊一案。業經設局清釐。漸有頭緒。惟初二三三次清查案內。虧賠各員。已完銀七十二萬九百餘兩。又續完銀十五萬兩。共銀八十七萬餘兩。事經十餘載。均未造入奏撥各冊。該部無可鈎稽。若不及早清釐。則借墊案內已清之款。又將牽混。著該督督同藩司查照。該部歷次原奏。及此次奏開數目。將追存直隸藩庫已經放還原款銀兩。迅即查明。造入何年何季撥冊。尚未放款銀兩。即放還原款。分別入撥歸還。追存各省銀兩。催令解直歸款。完繳部庫。應行劃抵銀兩。速行劃抵。移交後任。尚未完解銀兩。迅速催

提至續完銀兩。即將已未解直應否報撥各數造冊送部查覈。自此次飭催之後。該督即飭該藩司立定限期。造具細冊報部。毋任遲延。仍將歷任藩司遲延職名送部查議。又諭直隸八項旗租內。續行勘辦之二百七十九案。現已完竣。著照部議。准其與前辦之五百一十六案共銀五萬五千六百六兩零。一律落徵報解。該督即嚴飭各州縣實力徵收。毋再藉詞拖欠。如有徵解不能足額者。著即指叅懲辦。嗣後續有入官地畝。仍應查照定例議租。不得照此次奏案辦理。其應造地畝清冊及清查黑地等項。著同歷年官虧民欠各款。於春奏前一併分晰造報。毋得於前次請展限期之外。再有延逾。○又諭已革護軍紅帶子萬順。因懇族兄武中阿讓地未允。希冀邀恩。輒敢於天壇內具呈叩閣。實屬膽大妄為。萬順著交該旗在本營枷號一箇月。滿日發往盛京交該

將軍嚴加管束。○諭軍機大臣等。慶祥奏逆匪張格爾通匪一方勾連聚集。將來總不免窺伺。此時我兵原不宜深入。第期陳兵示威。懸賞結信。加以設法購線。均合機宜。即著照所奏辦理。其所請將葉爾羌烏什阿克蘇三城本年應換防兵。新者留防。舊者調用。究係就近調集。與各城戍防無礙。亦著准其調往。至慶祥前奏調烏魯木齊官兵一千名。著准調槍礮兵丁五百名。以資遣撥。即飭該提督揀派起行。先期齊集。以壯聲威。其餘五百名。即行停調。慶祥到彼時。仍遵前旨。與長齡扎商妥辦。務期早絕根株。以靖邊圉。又另片奏請將廢員陳孝寬倪繩帶往委用。俱著照所請行。本日又據常德等奏。探得張格爾阿坦台拜巴哈什等藏匿地方。所奏情形。是否確實。慶祥到彼。即詳細密查。相機辦理。又常德等另片奏。招致布魯特頭人提里斯未據覆信。伊里斯曼底遣子愛里雅爾那帕斯遣弟

噶勒奇雅來城。稟稱伊父兄患病不克前來。願大兵進剿。出力效順。該布魯特等平日是否可信。現在是否患病。抑竟係懷疑觀望。著慶祥一併確查籌辦。據實具奏。又據前任英吉沙爾領隊大臣色布徵額奏請前往喀什噶爾效力。已准其前往。該員前在喀什噶爾辦理罪謬。曾經獲咎。著慶祥查明。如果該處需人。該員尚為得力。即留彼差遣委用。否則據實奏聞。即令回京。將此由四百里諭令知之。○又諭常德等奏奇里克部落之布魯特庫楚克病故。所遺六品頂翎。可否著伊子冠戴一摺。嘉慶四年奉

旨。布魯特內如有軍功者。原戴頂翎。著賞伊子冠戴。若無軍功者。降級賞戴。今庫楚克之子克呢喀為人何如。現庫楚克所遺六品頂翎。應賞伊子。或應降級賞戴。著寄慶祥查明。據實具奏。尋奏。克呢喀雖無軍功。惟年力正強。人尚明白。伊父在日。即令幫辦部落事務。請

減等賞給金頂。從之。○修甘肅涼州莊浪。駐防官員衙署。並坍塌兵房。從署總督楊遇春請也。○乙巳。

孝聖憲皇后忌辰。遣官祭

泰東陵。

上詣

恩慕寺。

恩佑寺。行禮。○諭內閣。據鑲白旗滿洲奏稱。本年移駐雙城堡屯田之馬甲靈保。所帶伊子

養育兵德亮。將佐領菩薩保毆傷等語。養育兵德亮。膽敢將該佐領菩薩保毆傷。以致揪落髮辮。不法已極。德亮著交刑部嚴審定擬具奏。其靈保一戶。著暫行裁撤。俟刑部審明辦理後。再行歸入次年數內遣往。○又諭興住奏。參不安本分之驍騎校一摺。各旗營員遇有應升缺出。自應靜候該管之大臣等分別揀選。今密雲縣所遺防禦員缺。該副都統因驍騎校色布徵阿曾有誣控協領一案。且

滿漢字畫不如彥喜將伊擬陪並無錯謬乃色布徵阿自以為屈殊屬不守本分此風斷不可長色布徵阿著即革職以為官員不遵功令者戒○以吏部右侍郎貴慶內閣學士張鱗知貢舉○丙午

上詣綺春園問

皇太后安○諭內閣本年係應行查閱山東河南江蘇安徽江西營伍之期山東著即派武隆阿河南著即派程祖洛江蘇安徽江西著

即派琦善逐一查閱務各認真簡校如查有訓練不精軍實不齊者即將廢弛之將弁據實劾參毋得視為具文○以服閣侍郎湯金釗署禮部右侍郎○命翰林院編修祁寓藻仍在南書房行走○以正紅旗滿洲副都統裕恩署鑲黃旗漢軍副都統○丁未諭內閣松廷等奏班禪額爾德尼修廟鑄佛請賞寺名扁額一摺雍正乾隆年間扎什倫布及拉爾塘等處寺宇節經

恩賞寺名扁額茲班禪額爾德尼在扎喜曲達地方新建寺院鑄造佛像工竣著照所請頒賜寺名並御書扁額以迓吉祥尋賜名廣佑寺頒

御書扁額曰法界莊嚴○又諭松廷等奏額懇賞給達賴喇嘛副師傅名號一摺達賴喇嘛副師傅嘉木巴勒伊什丹貝嘉木磋自道光二年傳授達賴喇嘛經典以來已經三年有餘勤慎教習著有成效著加恩賞給諾們汗

名號其敕書印信此時且毋庸賞給○諭軍機大臣等楊遇春等奏委員會辦四川德爾格土司頭人干預西寧所管玉舒巴彥囊謙番族分管人戶一案仍行狡賴請由四川派員查辦等語西寧番目諾爾布前此呈請將所管三百人戶交伊姪孫千戶官木都克拉爾加立統管經穆蘭岱查明諾爾布懦弱無能且此項人戶本非四川土司所管不便任其投往惟諾爾布之妻噶爾麻才爾吉等尚

在四川土司地方。由該處土司遞來番詞內稱如將諾爾布所管人戶歸巴彥囊謙族千戶管束。定要與巴彥囊謙族滋事等情。當經該督等派員會同四川委員查辦。所有投依四川土司之玉舒巴彥囊謙族百長仲巴丹增成立喇嘛噶爾角第巴二名。業已投回本族。惟諾爾布之妻子。已由德爾格族潛回四川熱窩切族。投依該番婦母家居住。該土司復差番目呈遞番字。語多狡展。該委員仍照前奏。將諾爾布所管人戶。斷歸該千戶統管。該番目高聳七力帕牙才登。輒帶領多人。向其攔阻。聲稱總要將此項人戶。仍歸諾爾布弟兄等語。經委員等反覆開導。抗不遵循。西寧委員呼應不靈。自應由川省另委大員查辦。著瑚松額等另行遞委熟習番情之明幹大員。前往該處明白開導。永絕葛藤。毋任該土司妄行干預。以息爭端。而綏邊境。將此諭令知之。○又諭松廷等奏噶勒丹錫呼圖薩

瑪第巴克什。從前藏中俗稱為呼圖克圖。近因裁去。各外番及各寺院喇嘛等未免心存輕慢。請賞給呼圖克圖虛銜。以資彈壓等語。薩瑪第巴克什。從前既未加賞呼圖克圖字樣。一切奏牘。及咨報駐藏大臣文內。即不應率行書寫。至於各外番及各寺院喇嘛等。向既有此稱謂。自可隨俗從宜。不必禁止。此時亦無庸賞給虛銜也。將此諭令知之。○又諭長齡奏稱。此次慶祥所調伊犁烏魯木齊及各路換防官兵。共有四五千名。均係未經軍旅之師。帶兵又無得力之員。不識紀律。如必須進兵。尚須妥為斟酌。不可輕舉妄動。張格爾生長外夷。路徑最熟。我兵不識路徑。又無嚮導。且出卡尚係布魯特。再入即是霍罕地界。官兵到處。不能不擾及外夷。儻若激成事端。遂至復啓邊釁。該逆現在托古斯托羅等處游奕之說。尚係九十月間探聽之言。將來我兵出卡。定必聞風遠竄。否則誘令我兵深

入另設說計。我兵追捕愈深。一切糧餉軍火。文報軍臺。並無諳熟官兵經理。該逆一日不獲。官兵一日難撤。喀什噶爾又無存貯糧餉。接濟必致進退為難等語。逆裔張格爾犯罪。稽誅竄匿各布魯特地方。勾結煽惑。必須設法擒獲。盡法懲治。以張國威。第卡倫外路徑叢雜。我兵不宜深入。慶祥節次所奏陳兵宣威。懸賞購線各事。種種尚合機宜。長齡因在途次。聞調派各路官兵。以為必欲進兵勦辦。

未悉該參贊籌畫事宜與節次所降諭旨。故有此奏。並據奏稱。現已詳晰札致慶祥。該參贊接信後。亦必將現籌機宜。札商辦理。慶祥到喀什噶爾後。惟當體察情形。堅持定見。相機籌辦。如能以夷制夷之力。將張格爾及巴布頂汰劣克等諸逆悉數殲擒。或縛獻數犯。固可申國法而靖邊圉。儻一時不能擒獲。藏事慶祥自必籌畫善後之計。不致曠日持久。老師糜餉。進退兩難。該參贊務將一切情

形通盤熟籌。悉臻妥善。不負委任。朕亦不為遲制也。將此由四百里諭令知之。○又諭卡倫外各布魯特地方。路徑叢雜。該逆夷等竄匿無定。我兵原不宜深入窮搜。節次慶祥所奏調派官兵。計不過三千名。無四五千名之多。並據奏宣威擒逆。不敢輕進貪功。及所籌陳兵以示威。懸賞以結信。曉諭各布魯特設法縛獻各事。尚合機宜。應次所降諭旨甚明。慶祥自當遵照辦理。長齡在途次。尚未悉近

日籌畫情形。是以有此陳奏。自係老成持重之見。現已諭知慶祥。前赴喀什噶爾察看情形。相機妥辦。並令將一切事宜。與長齡札商。不可冒昧輕進。該處現有如許兵力。足壯聲威。既可堅布魯特等效順之心。儻該逆夷敢來窺伺。亦可就地殲擒。或布魯特等畏威圖賞。將張格爾及巴布頂汰劣克等縛獻。自可從此撤兵。儻不能迅擒渠魁。亦難令其曠日持久。老師糜餉。並已諭知慶祥。令其妥為籌

畫。至所奏敕諭霍罕。捨獻張格爾弟兄。並附近之人一節。外夷居心叵測。未必聽信玉努斯等傳諭。即如此效順。該將軍惟當遵照節次所降諭旨。與慶祥札商辦理。勉副委任。將此由四百里諭令知之。○刑部奏審擬盜砍東陵樹株首犯張官擬斬立決。得旨張官著即處斬。無庸解往馬蘭峪正法。○戊申。諭內閣烏爾恭阿等奏恭修

昌陵

聖德神功碑樓所需楠木柏木。前據四川省咨報已採獲齊全。至今未報起運。現在他項工程完竣。專候此項木植施工。著戴三錫即飭委員迅速起運。沿途毋任耽延。務於本年冬季運抵工次。以濟要需。○又諭向例各省壽民壽婦均係題請旌表。張師誠於涇縣壽民潘廷譽現年百歲。五世同堂。康紹鏞於安仁縣命婦歐陽周氏現年八十一歲。五世同堂。均遵例專摺入奏。殊屬不合。除由禮部行知

清 實 錄 道光六年正月

該撫等將系國冊結補送外。張師誠康紹鏞俱著交部察議。嗣後各直省督撫。凡遇壽民壽婦請旌之案。著照例具題。以符定例。○朝鮮國王李瑔遣使表賀

萬壽冬至元旦三大節。並貢方物。賞賚筵宴如例。○以翰林院侍讀學士善保侍讀廖鴻荃充日講起居注官。侍讀毛樹棠著日講起居注官。○己酉。

上幸靜明園。詣

龍神廟拈香。○諭軍機大臣等據那彥成奏大名鎮員缺緊要。請將現任總兵薛陞改補正定鎮。其大名鎮缺請酌量升調等語。正定鎮總兵員缺。前已降旨將劉廷斌調補。該員曾任總兵有年。一切營務操防。自較熟悉。著該督俟劉廷斌到直後詳加察看。如能勝大名鎮總兵之任。據實奏明。再降諭旨。將此諭令知之。○以捐修浙江衢州府城垣。予捐職訓導沈燮儘先選用。僧生沈承志。八品頂帶。

五二七



○庚戌諭內閣。大阿哥惠郡王。於二月二十日赴南苑駐圍。三月十五日回圓明園。普恭特依順保著充為總誦達。輪班隨駐。所有應行隨往之散秩大臣。侍衛等。著各該處照例奏派。○免喚咭喇國被火貨船應徵稅銀。○辛亥。

孝儀純皇后忌辰遣官祭

裕陵。○諭內閣。武隆阿奏承審命案刑逼成招。枉生人罪之勒休知縣一摺。前任高苑縣

勒休知縣李士玉。於黃夜被殺二命重案。並不虛衷研鞫。偏聽案證。供指之言。刑逼成招。並將飭役尋出之刀。捏為犯供起獲兇器。傷仗並不相符。枉生徐呈輝等以謀命重罪。實屬荒謬。可惡之至。李士玉著革職。交該撫提同全案人證。悉心嚴究。務得確情。按律定擬具奏。○貸湖北荆右衛司庫銀。修被水衝刷軍隄。○壬子。

上詣

大高殿行禮。○還宮。○諭內閣。琦善等奏豫籌東省啟壩放水。及首二進幫船修驗行走各情形一摺。江南邵甯八閘運河。全賴微山湖水宣注接濟。上年湖水消耗過多。應行設法儲蓄。以利漕行。前據張井奏。於二月下旬挑工完竣。先啟汶河大壩。鋪足北行之水。將東省軍船趕兌開行。約四月中旬。可以全入臨清口等語。茲據琦善等奏稱。首進各幫。如候至四月中旬進閘。挽抵韓莊。守待重運。如期

北上。再為啟壩放行。恐自韓莊以至邵甯。上下閘座既多。水復不能充足。按照會牌啟閉。重空來往頂阻。節節濡滯。計須五月中旬。方抵楊莊一帶。已屬遲延。該督等會商盤壩酌量遲早適中。須在夏至以前。通幫埽數完竣。庶不致臨事周章。著張井趕辦挑工。早啟汶壩。先將東省軍船趕催進閘。後即趕提首進空船跟接進閘。催令南下。務於三月中酌啟湖板鋪水。俾重空船隻均無阻礙。至二進空

船該漕督已放給鋪船席片銀兩令弁丁修  
驗勒限完工其各省軍制船隻亦催令趕完  
開行至山東天津境內守凍首進各幫船經  
二次轉運同空船身不免損傷又兼冰凌擦  
損必應量加修驗已由琦善等札飭山東糧  
道勒令興修並墊發鋪船席片銀兩在各丁  
應領水腳內扣出解還並飭天津道一體查  
辦著直隸總督山東巡撫再行嚴飭天津山  
東各該道就近督飭修驗鋪船一律完固現

已冰泮即催令飛挽南行換次停泊臨清開  
外毋致進口耽延該部知道○諭軍機大臣  
等據陳中孚奏通籌漕河全局請於高堰後  
三隄舊址展築二隄期復蓄清敵黃舊制開  
放禦黃壩照常挽運較之碎石坦坡費省效  
速等語河漕相為表裏必河治而後漕運可  
通現今河之不治固在湖水不能蓄足而尤  
在河底日見增高是束水攻沙之法較之蓄  
清敵黃尤為當時急務前據嚴烺奏將八灘

以下兩岸隄盡處接築長隄八灘以上生灣  
處取直挑河並將兩岸隄工增培高厚以禦  
盛漲而資刷滌原係亟應興辦之工因該河  
督所奏有俟挑汛後再行察看之處彼時水  
勢漫灘從何勘辦是以降旨交琦善再行妥  
籌擇其尤為緊要者首先施工原期速收束  
水攻沙之益俾黃水日見消落清水可以暢  
出敵黃庶河漕可以迅復舊制本日陳中孚  
所奏修築二隄為高堰重門保障並稱舊有

三隄地勢本高取土甚近以視二隄辦理較  
易且距大隄稍遠積水足資容納是二隄較  
之碎石護隄取效甚速似有把握惟二隄築  
後以為大隄之保障則可何以該漕督即稱  
本年可以開放禦黃壩使回空南下其意不  
過因二隄既有擎托不虞大隄失事儘可放  
心蓄水不知彼時清水蓄足而黃水仍未消  
落又何能竟開禦黃壩使之倒灌亦不可不  
測量形勢之高下通盤熟計至碎石坦坡原

為保護堰工。充蓄湖諸起見。需費五百餘萬金。尚其事之小者。惟必五六年而後竣工。即使如式鑲辦。可資捍禦。大堤可以無虞。而此數年間。河底無清水刷淤。豈不日益增高。是清高而黃亦愈高。將從何收刷沙之益。而數百萬帑金。輕付洪流。毫無實效。糜帑誤漕。已為不可。且黃河中段。因上年倒灌過甚。以致淤高。此時若不亟為疏治。將來耽延日久。積成鐵板沙。更難辦理。琦善前與嚴烺會摺奏。請興辦經朕復飭籌議。昨祇據嚴烺覆奏。以為必應興築。並聲明與琦善意見不同。而旬日來亦未據該督將因何不同之處。陳奏琦善畀任兩江。有兼轄河務之責。無可推諉。不得因有前奏稍為回護。年來河漕交歉。壩壩剝運。及試行海運。均屬病帑病民。病丁。祇可為一時權宜之計。來年斷不能照此辦理。琦善接奉此旨。務當通盤籌畫。先其所急。如何使黃水漸次消落。湖水可以敵黃。不但本年

回空南下。必須開放禦黃壩。令其過行。即明年重運北來。亦須照常啟壩經行。方為妥協。上年冬間。緣有碎石坦坡迂遠之議。因循至今。現在挑汛將屆。不得再行觀望。致失事機。琦善總當早為定斷。勿因京外浮言。稍形遷就。朕委心任用。亦不為遙制也。陳中孚摺著鈔寄閱看。琦善妥籌定議。即由驛覆奏。將此由四百里諭知琦善。並諭嚴烺。陳中孚知之。湖北按察使岳祥因病解任。調四川按察使興科為湖北按察使。以前任四川按察使吉恆署按察使。

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十四

卷之九十四

上

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十五

茲將應行開列各員姓名開列於後  
天府府尹李鴻章等  
七倉大臣楊慶雲等  
內務府大臣德馨等  
醫館總辦李鴻章等  
教修

道光六年丙戌二月癸丑朔諭內閣御史陳

實錄卷之九十五

一

肇奏請飭禁鹽商浮春鹽斤一摺鹽務積弊  
已久近年屢經嚴緝私梟官引仍未暢銷如  
該御史所奏山東鹽引每引浮春多至三五  
十斤至百餘斤不等通計山東每年五十萬  
引多春五千萬斤抵官引二十餘萬道一經  
控告或將鹽包截漏或澆水滲消官吏得規  
袒護一省如此各省恐亦不免果有此弊必  
當嚴行剔除著山東巡撫認真飭禁並著有  
鹽省分之胥撫鹽政運使各官嚴行查辦嗣

後銷引不暢即將掣鹽各官從重議處查出商人浮吞斤數亦著照私鹽例治罪務令浮吞之弊與私梟並除以肅鹺政○以山西按察使邱鳴泰為湖北布政使安徽廬鳳道戴聰為山西按察使○甲寅遣官祭

先醫之神○禮部奏貴州通省硃卷卷面均未填寫名次此條例無議處明文據覆勘大臣聲明該省硃卷既經填寫姓名墨卷上亦已填寫名次至硃卷上未經先填名次雖無

關弊竇究屬疏漏正副考官應照遺漏舛錯例各罰俸一年從之○乙卯遣官祭

文昌帝君廟○

上以祭

社稷壇自是日始齋戒三日○丙辰遣官祭黑

龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園

惠濟祠

河神廟○引見各衙門保送御史人員得旨周炳緒孫蘭枝蔣泰階孫善寶陸以烜李鵬姜梅萬啟昀王琦慶達鋪俱著記名以御史用○喀什噶爾參贊大臣慶祥奏連日接常德來信探得張格爾改劣克拜已喀什各逆首均在托古斯托羅一帶地方藏匿前此助

逆之布魯特等均未分散大雪封山未能遠竄當即飛札常德等於此等外夷出入之際示以大方尤必密加訪察無使得知虛實現已交代清楚即兼程前往悉心籌辦期於淨絕根株得旨言何容易以常德之為人真不值告以此等機宜汝已起身前去約計二月望前總可到彼朕心稍慰矣汝務要盡心盡力相機誘擒可以威臨之者即遣將出師切不可輕聽浮言妄行舉動前鑒不遠也懍之

勉之○調工部左侍郎博啓圖為戶部左侍郎以總管內務府大臣阿爾邦阿為工部左侍郎○以印務參領左廷相為鑲白旗漢軍副都統○調烏魯木齊綠營官兵五百名馬五百匹赴喀什噶爾差遣○丁巳祭

先師孔子遣大學士蔣攸銓行禮○諭內閣兵部奏吉林雙城堡道光四年移駐京旗車價數與定例原奏不符請仍令造具各站程途里數細冊覈銷係照定例辦理惟關外道

里綿長與內地不同所有道光四年車價著加恩准其每輛給銀一兩造冊報銷該部知道○又諭韓克均奏鹽井油不敷煎請變通撥補一摺雲南安寧井上年奏銷道光四年分課款除銷解外短徵銀一萬七千七百七十五兩零該省在於黑鹽井子井徵解溢銷項下撥補銀六千兩實欠銀一萬一千七百七十五兩零經部議駁茲據該撫查明各井滴水盈縮靡常不得不通融挹注歷年奏

銷短徵各井雖將別井溢銷銀兩勻攤撥補仍照該井原短分數開叅責令照數趨煎賠繳所補之項並不開除與撥補之義不符且短徵各井由於滴短不敷勢難定限趨補自應量加調劑加恩著照所請所有安寧井短徵道光四年課款准將冊造撥補銀六千兩

於原短數內開除其未完銀一萬一千七百七十五兩零仍覈計分數叅處限滿無完即照原叅銀數著賠嗣後奏銷如以溢課撥補缺額准將所撥之數於短徵數內開除覈計未完分數若干按限開叅賠補其已撥銀兩免其併計叅賠該部知道○以刑部右侍郎昇寅為國史館清文總校官○以越南境內夷匪安靜撤雲南開化留防兵一百名土練七十五名從署總督韓克均請也○戊午祭

大稷

大稷

上親詣行禮○諭內閣朕此次恭謁

西陵啓鑒後著派大學士托津協辦大學士尚書英和汪廷珍尚書盧蔭溥留京辦事○免雲南銅廠民欠無著工本銀○己未

孝淑睿皇后忌辰遣官祭

昌陵○諭內閣昆明湖戰船二隻現俱朽著即裁撤其水師營應裁實缺千總三員聽其自便如該弁等願回本省即咨回原籍營伍當差儻不願回籍即交內務府酌議應撥何處奏明辦理其水手四十八名在京已久現

有二百七十餘名口若仍遣回原籍轉致失業著加恩交內務府酌量安置妥議具奏於奉宸苑等處水手差使挑補錢糧以示體恤○旌表守正捐軀直隸武強縣民王保太妻楊氏○庚申以舉行仲春經筵遣官告祭奉先殿

傳心殿

上御文華殿經筵直講官文孚汪廷珍進講論語眾惡之必察焉眾好之必察焉講畢

上宣御論曰知人則哲千古其難天下品類最繁性情各異要不外惡與好兩端而一言乎惡與好即美惡之所由分用好用惡之所由判此其中正有難言之者已夫不容昧者即物而存之理最易淆者因物而付之心使兩人於此一為眾所惡一為眾所好所惡者或賤惡或傲情固已若其人迂遠而關於事情矯立不逐於流俗所謂舉濁獨清也未可因眾惡而置之所好者或親愛或畏敬或哀矜似已若其人色莊貌為君子鄉愿亂德之真所謂作偽日勞也亦未可因眾好而忽之更或巧詐百出投惡與好者以喜怒而飾美與惡以矯情有知人之責者尤不可不嚴以察之務使宵小無所行其術君子得以盡其長庶幾漸躋正直之風而弭阿諛之習孔氏之言可深長思也直講官松筠王宗誠進講書經罔以側言政厥度講畢

上宣御論曰經言齊家治國平天下必本於修

身誠以身也者。所以為度者也。守先王之法。布彝倫之飲。四海之所具瞻。萬方之所以不。應也。苟不審夫視聽以杜非禮。將以邪巧之。言易其常度。政治其何足觀耶。旨哉成王命。蔡仲曰。罔以側言改厥度。試詳繹之。人君端。拱九重之上。四嶽三塗。既已云遠。欲周知小。民之疾苦。非詢事考言不為功。然其身不正。雖令不從。故必先正其身。而身正又非徒託。諸空言。是在資乎獻納。且夫君子辭寡。小人

言甘。寡則難入也。甘則易惑也。彼善為甘言。者。必且百計思維。或託以無心。或假諸公論。始則訥訥如不能出諸口。既且侃侃而談。使人不及覺察。而入其術中。而此身遂放逸。而不顧。則側言之為害。豈淺鮮哉。上之人執兩。用中。斷之以義。不為人欺。即不以自欺。孔壬。是屏。紛華不尚。合四海為一家。厯百年如一日。行見風氣蒸蒸日上。理朝野咸仰其成。人民默受其福。其在書曰。儆戒無虞。罔失法。

度傳曰。思我王度。式如玉。式如金。詩曰。視民。不佻。君子是則是做者。此物此志也。而顧可。忽乎哉。禮成。

上幸文淵閣。賜講官及聽講諸臣茶。復賜宴於。本仁殿。幸圓明園。○詣綺春園。問。

皇太后安。○諭內閣。張井等奏。勘估武陟縣。攔。黃堰放淤工程。請撥銀兩一摺。豫省武陟縣。迤南攔黃堰臨黃要工。上年對岸驟長新灘。挑溜北注。雖疊經添培埽壩。仍恐將來外灘。

愈高。難資抵禦。自應籌辦放淤。為一勞永逸。之計。經該河督等相度地勢高下。挑挖進黃。溝。築做簕口壩。並於武陟縣城南面護城隄。下及原馬棚沁隄舊口門等處。分別估饒防。風護埽。添築土堰。放淤後。豫籌順清溝以消。積水。統計現估土埽各工。實需銀二萬三千。六十餘兩。又簕口壩酌貯備防。稽五十埽。需。銀三千五百兩。順清溝土埽各工。約需銀一。千五百兩。通共需銀二萬八千六十餘兩。著。



准在司庫照數撥發。責成河北道遵員趕緊次第興辦。勒限大汛前完竣。仍俟麥收後再行啓放。該河督等務當不時稽察。總期帑不虛糜。於宣防實有裨益。工竣覈實報銷。至放水後被淹輕重。有無坍塌房間。著該河督等屆期查明奏報。該部知道。○諭軍機大臣等。琦善奏洪湖石工未能間段拆修。請擇要試辦。坦坡護隄蓄水一摺。高堰為淮揚保障。從前工程本屬鞏固。百餘年來從無大患。即間

有掣卸亦不至如前年之甚。雖因風浪過大蓄清過多。實由近年來總未認真修理。任其塌卸剝落。以致為患甚鉅。嚴烺承張文浩失事之後。經朕特簡南河。即應徹底勘明認真興辦。乃因循疲玩。一載有餘。毫無把握。所辦石工草率了事。仍稱灰漿未老。不能蓄清。直至琦善到彼。嚴烺始由清江閱視河工。見河身淤高。所辦堰工全不足恃。無計可施。堅主碎石坦坡之議。分作五年拋成。每年拋石三

十餘萬石。禦壩業經堵閉兩年。是辦成已須七年之久。朕即覺其需時糜帑。當降旨令琦善等另行妥議。茲據琦善奏運石湖船。每年可運碎石二十萬九千一百六十方。是運石之船祇有此數。斷不能與前奏每年三十餘萬方之數相符。計需八年方能辦成。試思禦黃壩兩年不開。河漕俱已萬分掣肘。豈能遲之又久。至十年之後耶。況此數年中。河身無清水刷滌。勢必黃水愈高。又將何所措手。在

嚴烺之意。自以數年之內。經風掣壩。又可議卸於碎石。未經全拋。以掩飾其前此辦理不善之咎。且碎石坦坡。需時甚長。所費尤鉅。若年年拋護。有壩即拋。糜帑誤工。伊于胡底。是碎石坦坡斷不可行。所請試辦一年。著毋庸議。琦善經朕簡任兩江總督。無可推諉。此事朕惟責成該督一人。前據嚴烺奏山海安阜四廳境內。河身坐灣。如關家灘。孟家灘。九套。何家村。兜灣過甚。擇要酌估挑切。引河一二

道以備汛漲。啟故掣溜成河。計估需銀二十萬兩。並接築長隄。以備大汛。又據陳中孚奏。請於高堰後三隄舊址。展築二隄。期復舊清。舊制。近年河患。不僅在清水之短絀。而在河底之擡高。欲期河底刷深。仍不外束水攻沙。逢灣取直之法。朕聞從前黎世序。在徐州辦過引河切灘。著有成績。自應趕緊辦理。切灘引河。以收速效。辦竣後。再籌議接築高堰二隄。以期蓄清敵黃。該督即督同淮揚道潘錫

恩。及河員中結實可靠者。次第興辦。總期本年回空船隻。無誤遄行。明歲重運北來。可復舊規。方為妥協。至河工勞員。但知借工侵蝕。全不以公事為重。主築隄不挑河之說。糜餉誤工。其言斷不可聽。勉之慎之。又該督奏議。覆那彥成奏。運通漕糧。改用長剝格。礙難行一摺。那彥成奏到時。朕即覺其說不可行。茲據該督奏。煞壩挑河。均有所礙。長途剝載。礙變堪虞。以及經費不充。丁情苦累。所議俱是。

著毋庸議。但該督既知長剝難行。海運又不。可久。是禦壩斷不能不開。總當以疏河蓄清。為己任。用正人聽正言。矢虛衷而持定見。築壩衛清。切灘減黃。黃水低一寸。清水即高一寸。俾禦壩可以開放。河湖俱復舊規。方為不負委任。將此由四百里諭知琦善。並諭陳中孚。嚴娘知之。○命東河河員。再緩三年。揀發從河道總督張井請也。○以承修南河堰。旰新工掣卸。同知王廷彥等。降革有差。○追旌

前明罵賊殉難四川布政使經厯項惟德及妻巴氏。○辛酉。諭內閣。程含章奏。請給幫船行月等項銀米。並將應行扣帶銀米展緩一摺。本年辦理盤運。浙省軍船。雖止運至清江浦。而河北接運一切經費。較常年直運抵通。並無減少。且多盤剝折耗。糧夫之費。若照奏定章程。將應給接運軍船口糧等項。令原運軍丁付給。其應領銀米。按程扣減。轉致無銀支發。有誤漕運。自應量為調劑。著照所請。將

該省上年今年兩運行月等項銀米照額全數支給免其計程劃扣其截留河北之寧前等三幫額支本折行糧並月折銀兩准其給與灑裝米石之丁俾資貼補至該丁等額支月糧本色及米價二款著照江南成案給領又上年紹前等八幫東省墊給剝船津貼食米約銀三千四十二兩零杭頭等三幫倉場衙門墊放剝價等銀一萬四千八百九十兩零天津道借給銀一千三百二十兩共銀一

萬九千餘兩均著緩俟下年酌分年限扣還歸款又上年各幫緩交分限曬曬耗米及杭三紹後兩幫徵變分限米石並各幫積欠米石等款共米二萬一千餘石亦著照湖南成案緩俟下運依限搭解再金衢杭頭等幫扣款較多所領銀兩不敷辦運著准其在道庫丁借息銀項下酌量動支調劑以資利運而紓丁力該部知道○諭軍機大臣等徐銀奏請馳赴軍前效力一摺慶祥已由伊犁起程

前赴喀什噶爾該處用兵與否尚在未定徐銀請馳赴軍前效力著毋庸前往俟巴哈布接任後仍遵前旨即行回京將此諭令知之○喀什噶爾領隊大臣穆克登布奏請豫調葉爾羌烏什阿克蘇等處換防官兵趕緊來防聽候差遣報聞○山西布政使錢寶甫因病解任以直隸按察使王庭華為山西布政使江南河庫道戴宗沅為直隸按察使○修浙江海鹽縣魚鱗石塘從巡撫程含章請也

○壬戌諭內閣琦善奏海運漕糧儘船受兌現到商船九百餘隻足運米八十餘萬石所有兌竣船隻先開赴十激候風初運沙剝到津卸米後前往奉天買豆催令南歸等語販豆係該船商常年本業且海船利於壓重不能駛放空船自應准其照常往販惟尚有二次兌運必應迅速南下著奉天府尹飭各該地方官俟商船到彼即令置貨開行無得勒掯並飛咨經過直隸山東各省轉飭沿途海

口催令南歸勿任逗留貽誤（又諭琦善奏  
拏獲私梟訊出透私包庇等弊請將失察各  
員寬免處分等語近來私鹽充斥總由竈丁  
透漏私煎兵役得規包庇以及梟犯出境入  
境製造違禁器械該管官處干處分往往回  
護徇縱以致益無忌憚茲經該督飭屬拏獲  
梟犯二百餘名將透私包庇根追得實從重  
懲治辦理尚屬認真著加恩將地方文武及  
鹽務官員從前失察處分免其參處經此次

格外施恩該督務當飭令各該管官始終奮  
勉俾梟徒及不肖竈丁兵役咸知斂跡離務  
漸可肅清毋得日久生懈並著該督移知湖  
廣江西各督撫一體督飭文武印委各員認  
真緝緝務將大夥私梟隨時捕獲盡法懲創  
不得僅以拏獲零星肩挑負販塞責若地方  
有著名梟匪該管官事前既無覺察事後又  
不訪拏即著據實嚴參毋稍寬貸該部知道  
○調寧夏副都統福克精阿為山海關副都

統鑲白旗蒙古副都統國祥為寧夏副都統  
山海關副都統富祥為鑲白旗蒙古副都統  
○以拏獲江南鹽梟多名予參將馮殿士等  
加銜升敘有差○以承緝盜犯無獲革江南  
署遊擊陳長泰等職仍留外洋協緝○癸亥  
孝康章皇后忌辰遣官祭

孝陵○

上還宮○諭軍機大臣等據陶澍奏海船初運  
米石現已儘船儘兌陸續開出十數地方候

過二月初八日風信開行若遇順風旬餘即  
可抵津等語海船乘風開行抵津迅速必須  
將應用剝船及一切事宜豫為布置周妥著  
那彥成即飭陶樑鄭祖琛等遵照節次奏定  
章程即日籌備妥協以便海船隨到隨剝勿  
稍遲滯將此諭令知之○命理藩院尚書穆  
彭阿於海運沙船進口後赴天津會同倉場  
侍郎驗收○調湖北布政使邱鳴泰為安徽  
布政使安徽布政使徐承恩為湖北布政使

○甲子山東巡撫武隆阿奏本年海運經臨沿海島嶼現查明最要處所應添撥兵一百五十一名每名日給口糧銀二分由外籌款動支報聞○達賴喇嘛之呼畢勒罕遣使呈進貢物賜勅褒獎賞賚如例○准山東東平東阿壽張三州縣攤徵運河埽壩等工銀自本年始分限起徵○盛京兵部侍郎書銘休致以都察院左副都御史惠端為盛京兵部侍郎○乙丑春分朝

日於東郊

上親詣行禮○詣

東嶽廟拈香○幸圓明園○詣綺春園問

皇太后安○遣官祭

關帝廟○遣官祭昭忠祠○修福建閩縣羅

星員山汛寨並臺灣廠戰船從總督孫爾準

請也○撫卹琉球國遭風難夷如例○丙寅

命戶部左侍郎博啓圖御前侍衛富僧德乾

清門侍衛容照恭詣

西陵查看紅椿○丁卯諭內閣據琦善奏初次海運計可裝米一百二十萬石緯夫雇價剝船口糧等項約需銀三萬餘兩商船到津即須動給等語著那彥成轉飭天津縣豫集人夫由天津運道二庫墊發價值俟事竣由江省籌還歸款○諭軍機大臣等據琦善奏稱現在黃水已長至三丈有餘兩岸隄工高出水面數尺設伏秋二汛水漲即可高與隄平目前救急之計自以增培大隄接築海隄較

挑切工程為急等語黃河甫過凌汛而水已長至三丈有餘增培大隄接築長隄固是目前急務第黃水出路不暢若不急籌減落之法僅恃增培隄岸豈能抵禦盛漲是切灘挑河亦係刻不容緩之工現已黃水增長而嚴娘前奏挑河工程尚祇約略估計並未切實勘辦該河督所司何事轉瞬挑汛即屆不能再任延緩現既奏稱關家灘應行挑辦引河之處有民間私築土堰至應起除著該督即

飭屬剴切曉諭。並親往該處詳加履勘。將關家灘等處河勢坐灣地方何處應切何處應挑。察看形勢之緩急。速派妥員覈實估計。奏明妥速興辦。勿稍遲延。致失事機。至高堰後應築二隄。前據琦善奏稱。祇能見功於大隄有失之後。不能豫固於大隄未掣之先。持論固有所見。惟此時隄身入水已深。既不能於椿朽根鬆之處一律拆修。而碎石護隄之說。又迂遠而難行。揆諸時勢。自以興築二隄為

正辦。二隄既築。大隄賴有重門保障。又築格隄以為後戩。大隄自更有擎托。是二隄之有利無弊。其事顯然。該督到清江後。一面勘辦挑切引河事宜。一面即將二隄工程勘估。奏明次第辦理。如果於此外另有固隄蓄清善策。朕必擇善而從。並不稍存成見也。將此由四百里諭令知之。○又諭。新授廣東潮州鎮總兵耿金釗。朕連日召見。察其才具平庸。著阮元於該員到省後。詳加察看。潮州地方緊

要。如該員不能勝任。所有潮州鎮總兵一缺。著該督於所轄總兵內。遴選一員調補。其遺缺或即以該員對調。或另請簡放。據實具奏。再降諭旨。將此諭令知之。○又諭。知府銜鄒錫淳。前經兩江總督等派赴天津。辦理海運交兌事宜。此時自己抵津。著福珠隆阿即飭知該員。迅速來京。赴軍機處有傳諭事件。○以病痊馬蘭鎮總兵官廣泰為總管內務府大臣。○戊辰。

上御勤政殿聽政。○以故額魯特輔國公呢瑪咱木布子烏爾圖納遜襲爵。○宗人府宗令莊親王綿謬因病解任。以惇親王綿愷為宗人府宗令。○以通政使司副使何凌漢為順天府府尹。○調鑲白旗滿洲都統禧恩為正黃旗滿洲都統。正黃旗漢軍都統松筠為鑲白旗滿洲都統。署鑲黃旗漢軍都統嵩孚為正黃旗漢軍都統。○添派工部左侍郎阿爾邦阿辦理。

萬年吉地工程○命吏部尚書文孚管健銳營  
事兵部尚書玉麟管圓明園八旗內務府三  
旗官兵○已巳命總管內務府大臣廣泰管  
清漪園事○准江西上年裁卸起剝各幫船  
借支通庫及天津道庫銀七萬三千二百三  
十餘兩於司庫地丁項下墊解分年扣還○  
准江南上年墊放湖南各幫船津貼銀四千  
七百五十餘兩緩至道光六年冬季起分限  
扣還○庚午諭內閣前據那彥成奏辦理剝

船情形已分派沿河州縣雇募民船五百隻  
連官剝二千五百隻現在官剝全數修驗民  
船將次催齊二月初旬即可一律齊全聽候  
剝用本日又據百春等奏直隸送到剝船一  
千隻船底尚未修驗委員驗收堪用者二百  
零二隻其未經送到一千五百隻更難保其  
齊備等語此項剝船既據該督奏明全數修  
驗何以該侍郎等又稱尚未油驗上年北倉  
囤貯滯漕現需陸續轉運海運初次米一百

二十萬石又將抵津豈能停斛待船節節延  
擱著申啓賢迅速前赴天津查明現在剝船  
可用者實有若干先儘北倉囤貯滯漕迅速  
轉運一俟海運抵津隨到隨剝至該道鄭祖  
琛請留剝船一千隻以待海運是否可行著  
該侍郎隨時察看情形通融籌辦並著那彥  
成嚴飭該道等督同該地方官要速辦理務  
期足數輪轉毋稍遲延干咎○又諭百春等  
奏上冬河南省截卸北倉粟米五萬石現應

灑帶運通需用抗腳費請由該省解交等語  
此項粟米由倉運船共需銀六百兩即先由  
通濟庫墊發著程祖洛督飭藩司速行照數  
解交其委員應交還腳價銀一千一百餘兩  
並著先由通濟庫墊發該撫即一併籌解歸  
款○又諭百春等奏海運二起漕糧約於六  
七月內抵津正值大雨時行剝船裝運米石  
必須多備席片遮蓋請飭豫為備辦等語著  
直隸總督即飭藩司迅速籌款交清河天津

兩道多備長丈席片分給各剝船承領務期  
米石足數遮蓋毋致滲漏○安徽巡撫張師  
誠奏緝獲五河等州縣故後犯案匪徒並顯  
鳳地方聚眾結盟各犯分別辦理得旨除蔣  
安良為政之首發勉之○又奏嚴禁各州縣  
差役措墊解費並革除傳費點費陋規得旨  
實力奉行日久無懈可也○命西安將軍桓  
格來京調荊州將軍慶山為西安將軍杭州  
將軍觀喜為荊州將軍以署鑲紅旗漢軍都

統果勒豐阿為杭州將軍○以睿親王端恩  
署鑲紅旗漢軍都統○雲南臨元鎮總兵官  
朱承受因病解任以貴州清江協副將鶴凌  
阿為臨元鎮總兵官○辛未諭內閣據御史  
何輝綬奏稱刑部署內卑役挈眷居住至七  
十餘家之多難免匪徒混處請嚴定章程並  
令各該衙門一例遵照等語各衙門胥役例  
有定額何至在署居住者日益增多刑部為  
刑名總匯尤宜肅清著該堂官嚴行稽查如

有並非本身著役潛行寄居者即行黜逐並  
隨時稽察出入杜絕弊端嗣後如有在署中  
擅添房屋容留閒人者即行懲辦其在京各  
部院衙門著一體嚴查毋任漏跡以符體制  
○又諭御史何輝綬奏教官不准干預地方  
公事一摺據稱上年安徽巡撫張師誠奏  
代理巢縣知縣萬年淳一案稱係密札教官  
查稟與體制未協各省州縣責成督撫兩司  
道府層層稽察若待教職等官查稟始行覈

辦該管上司所司何事且恐不肖屬員藉端  
挾制尤非政體至佐雜微員近日往往有稟  
揭長官之案於吏治官常大有關繫著通諭  
各督撫一秉大公隨時自行查訪無使教職  
佐雜干預公事固不可意存姑息博寬大之  
虛名尤不得假手末僚啟傾陷之流弊也○  
又諭那彥成奏拿獲不法水手請解往江南  
歸案審辦一摺各幫水手等勒索擄贖經兩  
江總督咨會該督一體嚴拏茲據奏稱靜海



等縣拏獲邱學思等十五名研訊均不承認顯係恃無質證有意狡賴著卽將邱學思等十五名解交琦善歸案嚴訊實在有無勒索犒賞情事照例懲辦其李有德等五名據各幫弁覆稱並無不法該守備楊壽春憑何開報請拏該弁現已回南銷差無從查詢著琦善向該弁詢問李有德等究竟有無不法情事咨覆該督分別辦理○又諭那彥成奏大名鎮存城兵少請裁撤海口官兵一摺直隸

大名府屬界連豫東二省地居扼要前經添設總兵都守等官並抽撥兵丁分布彈壓惟存城之兵尚少不足以資操防至天津地方名為海口實係腹地且洋面久經肅清所有現存水師營官兵歲糜帑金無裨實用著照所請將天津水師營裁撤改歸大名鎮惟水師官兵素習海洋不能改充陸路且相距遙遠其應如何分別裁撥添設及一切事宜著該督詳查妥議俟奏到時再降諭旨○又諭

載三錫奏籌議民捐義田租穀章程一摺四川省各屬民間捐資積貯以備賑卹統計買田收租者共有一百十八廳州縣九姓一土司內成都府屬中十四州縣田畝向賴都江堰水灌溉前經奏准將義田歲取租穀變價作為歲修堰工不敷之用其餘各廳州縣土司收貯之穀著照所請准其按照各該地方歲收租穀之多寡及現在積穀實數自三千石至一萬石止作為定額以備賑卹動支此

外新收租穀易換陳穀出糶將價解貯司庫留為買穀還額及加賑之用毋庸添買民田此項租穀本係民捐民管嗣後遇有動用無庸造冊報銷仍令該督責成該管道府認真稽察如有吏胥滋擾剋扣刁難及經管之人私自挪移等弊著卽嚴行懲辦該部知道○又諭那清安奏驛站司員私離職守請飭查辦一摺喜峯口管驛傳事理藩院員外郎誠格勒於二月初八日私離任所並騎用官馬

四匹隨帶官兵二名實屬有乖職守著理藩院迅速確查該員誠格勒曾否來京現在有無逗留家內抑係潛往他處即行據實奏明嚴辦不可稍涉寬縱○諭軍機大臣等御史楊殿邦奏雲南邊要六條一摺據稱近日邊缺文武多不勝任如永北同知牛通官聲狼藉不洽輿情夷人全賴驛馬應飭金沙江知事凡驛馬過渡不得縱差勒索並宜捐置義學該省所屬邊缺文武宜嚴加甄別現在景

東廳常社二倉虧缺殆盡宜按款清查勒限買補不得短價壓派雲南地方夫馬多不發價派鄉約在衙門各站口供應景東永北蒙化迤西尤甚沿邊夷地多有江廣川黔客民在彼盤踞大開燒鍋重利盤剝營汛兵馬多有缺額威遠元江景蒙尤甚將弁分肥或作提鎮巡閱及三節兩生饋送之費總督兵房又有年規季規各種夷民均係土著其得力較勝兵練以保甲之法團集訓練有事則練

借兵威兵借練力足收以夷備夷之效等語所奏不為無見雲南邊釁多有漢奸盤剝匪徒煽惑及文武撫綏失宜夫馬差徭雜派聽憑土司目把及兵差滋擾所致迨兵練勦辦又復怯懦無能該省大吏奏捷冒濫保市恩如實有前項情弊自應立即肅除趙慎畛伊里布甫經到任無所用其回護著按照該御史所奏六條認真稽查實力整飭務令文武悉屬才能倉儲俱歸實貯夫馬嚴禁苛派

漢奸禁止盤踞士馬勤加訓練邊夷做行保甲以安民生而靖邊圉該御史原摺著鈔給閱看將此諭令知之○以伊犁屯田豐收予員弁議敘賞兵丁一月鹽菜銀○壬申諭內閣慶惠奏拏獲偷牲匪犯並究出弁兵勾結賄縱一摺風水重地附近居民肆行結夥弋獵已屬藐法外委崔恩通及該處兵丁巡查地方是其專責竟敢招致匪徒引入紅椿以內言明得牲後賣錢分贖尤為可惡經該總

兵派委弁兵拏獲多名。究出實情。甚屬認真。可嘉之至。崔思通著革去經制外委。同兵丁楊大成李秉端。及已獲賊犯何洪戴寬苗泳玉。高士得李應秀戴八張勤何亮張秉順張召。張得榮張秉和。李起懷何真等十四名。並起獲鳥槍等件。均解交刑部嚴審。定擬在逃兵丁崔得玉。及偷牲首犯李五。並各逸犯著飭屬嚴緝。務獲歸案懲辦。該匪犯兩次均由老廠溝所管地方偷入紅椿界內。該汛把總

張毓秀事前毫無覺察。事後又不認真查拏。實屬闕茸無能。著先行革職。予限一月。令其帶罪緝犯。俟限滿有無弋獲。分別辦理。並將失察兵丁查明責革。此案業已獲犯多名。並將勾結賄縱各情根究得實。所有失察兵丁串匪分贓。奏請議處之中軍遊擊塔克興阿。右營守備蘇兆瑞著加恩改為容議。失察賊匪出入。奏請察議之左營守備栗昂。牆子路都司富隆阿。鎮羅關把總陸振元俱著加恩

寬免。其緝匪出力之經制外委王殿元並兵丁等。著該總兵分別獎賞。遇有應升之缺。隨時拔補。以示鼓勵。至該賊犯等所執鳥槍。並未報官編號。該地方官亦有失察之咎。姑念其派役協拏認真訊辦。功過尚足相抵。遵化州知州白明義著加恩免議。○諭軍機大臣等。前據琦善奏降調河北道鄒錫淳才識遠大。處事明決。於河務機宜實心講求。堪勝河督之任。本日召見該員。詢以河工事宜。尚屬

明晰。惟察其器局。仍須再加歷練。若遠畀以重任。恐不足以資統率。朕前召見山東按察使梁章鉅。明白安詳。曾任淮海道三年。該督抵任後。自必留心察看。該員於河工能否虛衷實力。辦理妥協。諒已稔知。著即據實由驛覆奏。現在河務正當喫緊之時。全在河督洞察機宜。權衡緩急。能用人而不為人所用。固不可偏執自是。亦不可隨聲附和。方能與該督斟酌盡善。相與有成。即日桃汛將臨。該督

務督同各河道於一切應培應築及切灘挑河各工詳加履勘覈實估計奏明妥速興辦勿稍觀望遲延此為至要將此由四百里諭令知之○癸酉

上詣綺春園問

皇太后安○諭內閣前因喜峯口管驛傳事理藩院員外郎誠格勒私離職守降旨交理藩院確查訊辦茲據奏傳到誠格勒之子前鋒烏勒希蘇詢明該站員並未回家亦不知潛

往何處等語誠格勒係管站司員本屬熱河都統所轄著那清安確查該員下落嚴行傳訊據實奏○以拏獲逸賊予甘肅遊擊丁玉柱議敘賞阿克百戶拉沁納木濟勒藍翎○賞福建乙酉科鄉試年老附生莊人瑞舉人○甲戌

上啟鑒恭謁

西陵○詣盧溝橋

龍神廟拈香○諭內閣道光七年九月十三

日奉移

孝穆皇后梓宮二十二日行奉安禮著派英和汪廷珍禧恩穆彰阿阿爾邦阿專司其事所有應行一切事宜著各該衙門先期詳查妥辦○又諭琦善奏覆勘黃河八灘以下兩岸隄盡處接築長隄八灘以上坐灣過甚處取直挑河並將兩岸隄工增培高厚共估需銀六十六萬八千四百三十餘兩除該省河庫存有上年添備大汛工需並備放王營減壩二款節省銀三十萬兩先行動發趕辦外尚不敷銀三十六萬餘兩著戶部速議具奏○諭軍機大臣等琦善奏通籌河湖情形先將接築長隄取直挑河並增培隄岸各工覈估請帑趕辦一摺此次工需銀兩除已由河庫所存節省銀款動支外其餘不敷銀三十六萬餘兩已交戶部速議奏撥矣黃河受病日深尾閘既不暢達而中膈又復停淤該督既知落低河身為釜底抽薪之策是於目下

情形已得機要現距桃汛不遠惟當督飭道廳等先將勘定之九套何家社切灘挑河及接限培限等工妥籌趕辦勒限汛前一律全竣務使黃河漸次消減俾清水得以暢出以收蓄清敵黃之效其關家灘孟家灘兩處現無河頭可以引注著將關家灘民堰即飭起除淨盡其餘應辦各工現已會同張井親往履勘當擇其緊要有益者詳籌妥辦總期河湖運道可復舊規方為不負委任至禦黃壩堵閉已久本年回空南下即應啟放令漕艘歸次明年重運更必須照舊進行不能復籌他策此事責成該督一人盡心督率經理勉之慎之將此諭令知之○以故四川龍茂道屬鄂克什安撫使蒼旺楊瑪爾甲子蒼旺訥爾結永寧道屬大羊腸喀土百戶庚兒子木租各襲職○旌表守正捐軀河南項城縣民馮堂妹羣姐○免蹕路經過地方本年額賦十分之三○是日駐蹕黃新莊行宮○乙

亥諭內閣那彥成奏清查旗地全竣酌議善後章程一摺直隸近京各州縣額徵八項旗租自嘉慶十二年清查以後歷年復有官侵吏蝕民欠而接續入官之地亦未全行議租入額以致每年徵解不敷賞給八旗兵丁之用前經該督督飭藩司將前後部催各案地畝勘明定議茲據將該州縣呈報項畝四至租數及魚鱗細冊逐一查覈釐定綱目並令佃有執照管有里書以杜隱匿影射諸弊其地租細數向有與奏銷未符之處覈之總數尚無盈絀著即以此次所查之數為準將來奏銷照此更正以免歧異所有應減重租地方著照所請無分新案舊案除房園地基等租仍照原額徵收外其餘地畝凡三錢以上最重之租酌減三成二錢以上次重之租酌減一成半此外武清縣承安名下入官地畝原定租銀一錢三分並照所請減為五分統共應減租銀二萬六千一百二十三兩零現

屆春徵之期。著即刊刻謄黃。徧行曉諭。悉照  
裁減之數徵納。並將帶徵租銀。亦照減定之  
數徵收。以歸畫一。至應徵節年民欠及花利  
銀兩。除嘉慶二十五年恩詔以前者。悉予豁  
免外。其道光元年以後欠款。應如何分年帶  
徵追繳。著該督督同藩司。分別妥議。奏明辦  
理。此外應徵雜項旗租。並著照查辦八項旗  
租之例。接續徹底清釐。勿任日久延宕。餘俱  
照所議章程辦理。該部知道。○以拏獲福建

臺灣積年盜匪。予候補縣丞熊飛。遇缺先補。  
○是日。駐蹕半壁店行宮。○丙子。駐蹕秋瀾  
行宮。○丁丑。遣官祭

歷代帝王廟。○遣官祭賢良祠。○諭內閣。阮  
元等奏。審訊京控案件。屢次虛捏。仍盤踞山  
谷。不遵勘丈。情形刁橫。請委員多帶兵役。徹  
底勘辦一摺。廣東嘉應州民李益奔等京控  
職員蕭晉連等欺隱地畝。將徐振維殺死。並  
未擬抵。及押斃多命一案。現據該督等查明。

職員蕭晉連等族內祭田。向佃與該州村民  
李庚三等耕種。連年抗租。轉將田主毆擄。關  
禁。迨控經該州。差撥兵役往拏。竟敢持械拒  
捕。傷及兵差。輒將兵丁抵斃之徐振維。指為  
蕭晉連等聲州妄拏致斃。並牽砌多詞。遣抱  
告赴京。屢次捏控。現在要犯李庚三等藏匿  
山內。抗提不到。恃險負隅。藐視官長。若不嚴  
加懲辦。何以警頑抗而息刁風。著該督等即  
飭地方文武大員。多帶兵役。前往查拏。一面

剴切曉諭。使各佃知威畏法。將蕭姓田畝指  
引勘丈。徹底查明。秉公訊結。永斷葛藤。一面  
嚴飭將要犯李庚三等。緝拏務獲。按律究辦。  
如仍敢恃眾阻丈抗拒。即當嚴行懲創。以昭  
炯戒。○又諭雲南已革典史吳貽穀。因令軍  
犯湯林在署充當夫役。時加凌虐。並誣指其  
挾嫌謀毒本官。用石灰揀瞎其目。已屬殘忍。  
迨聞該縣揭叅。復捏砌贖款。妄行誣告。尤為  
乖謬。吳貽穀著改為發往新疆充當苦差。以

示懲儆署永平縣知縣戴澤三失察典史凌虐軍犯及門丁誣控典史姦情著交部照例議處○賞蹕路經過看守各行宮弁兵半月錢糧○是日駐蹕梁格莊行宮○戊寅

孝昭仁皇后忌辰遣官祭

景陵○

上恭謁

泰陵

泰東陵

昌陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員均隨行禮○諭軍機大臣等那彥成奏訪獲藉治病為由斂錢惑眾各犯一摺邪教斂錢惑眾最為風俗人心之害該犯胡特角即胡之機約同張茂等立會治病據供係得自容城縣教匪張儉傳說有犄角馬匹名目並學舞刀扎針等邪術治病應徹底究訊以絕根

株著該督逐一嚴切審訊務得確情飭屬將首惡張儉及各逸犯嚴拏務獲訊明定擬具奏並一面出示剴切曉諭勿任愚民為其所惑固不可稍事寬縱亦不可累及無辜也將此諭令知之尋奏拏獲張儉供認前情不諱張儉胡特角曾經供奉飄高老祖及收藏經卷按發邊遠充軍例上加重改發新疆張茂聽從入會按例擬杖徒下部議從之○旌表守正捐軀安徽阜陽縣民張公海妹居姐○

是日回鑾駐蹕秋瀾行宮○己卯諭內閣申啓賢奏查明剝船起運北倉囤貯滯漕情形並酌留剝船以待海運一摺北倉囤貯滯漕前經該侍郎等籌議先用官剝船二千五百隻儘運一次卸空候撥海運漕糧本年冰泮較遲北倉起運已晚海運沙船現已開行計日即可抵津據申啓賢籌議先用剝船二千隻起運滯漕五十萬餘石餘俟東豫漕船回空接運現留剝船五百隻候接海運著即照

所議辦理。並飭撥運滯漕船隻。迅速卸竣。回棹候剝。總期海運抵津。隨到隨剝。不准停舳待船。稍形延滯。該侍郎即嚴飭坐糧廳稽察吏胥經紀人等。勿得刁難需索。有犯嚴懲。無稍寬貸。○是日。駐蹕半壁店行宮。○庚辰。清

明節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○旌表守正捐軀安徽阜陽縣民汝堦妻李氏○是日。駐蹕黃新莊行宮。○辛巳。

上還圓明園○詣綺春園問

皇太后安

大清宣宗效天符運立中體正至文聖武智勇仁慈儉勤孝敏成皇帝實錄卷之九十五



大清宣宗效天符運立中體正至文聖武智勇  
仁慈儉勤孝敏成皇帝實錄卷之九十六

監修雅我官廳逐日撰起居注官太子太保體仁閣大學士文淵閣後閣事管壇戶部事務上書唐鑑師傳翰林院掌院學士兼管

天府府尹事務隨帶加五級紀錄十八次。自貴州總兵官兼理該官吏部尚書錄並鎮漢軍都統管理新營房城內官房大臣傳家。

七倉大臣特容會同四譯館書格加一級隨帶加六級軍功加三級死錄三次臣花沙納題延謀官文淵閣提舉閣事兵部尚書驍

内務府大臣 鑲白旗滿洲副都統 穆濟內七倉大臣 管理宗人府銀庫庄異幼官學 宣惠宮閹園園事處稽察御茶膳房柳葉房六

醫院造辦處事務隨帶加十八級。阿靈阿副總裁官廳迎接官兵部尚書隨帶加六級紀錄二十次。臣周祖培等奉

教修

道光六年丙戌三月壬午朔以恭修

昌陵

隆恩殿先期遣官告祭

昌陵及

后土之神。○准大通橋車戶承買黑豆二萬

石津貼車價。○癸未以兵部尚書王麟署步

軍統領 甲申諭軍機大臣等陶澍奏海船

初運兌竣仍接續趕辦一摺本年初次試行

海運據該撫奏截至二月二十一日止共兌

過正耗米一百一十二萬二千餘石。事機極

五五二

為順利。惟海運米石。除正耗。漕白等米。尚有給船耗米。通計米數。有一百六十三萬三千餘石。各船不敷裝載。不能不分兩次運送。一過春夏之交。南風司令。北船回滬較難。自應今初運沙船。迅速回櫂。俾二運得資趕辦。本日據天津鎮總兵克什德奏報。長洲縣第三號船一隻。於二十九日早潮引進天津海口。日內諒已陸續前來。穆彰阿等接奉此旨。即飭該鎮道等。遇有海運抵津。隨到隨剝。不

准片刻延滯。並嚴飭坐糧廳稽查吏胥經紀人等。如有刁難需索。立即重懲。毋稍姑息。總令沙船卸米。前往奉天買豆。迅速回南。以便趕辦二運。又陶澍另片奏。給船耗米。將來兌交額糧後。應有餘騰。合計不下十萬餘石。請查照糧船餘米之例。就近官為收買等語。向來南糧餘米。俱准在通變賣。惟例價向有一定。沙船糧船軍商各別。若官為收買。轉啓勒捐諸弊。自應聽其自便。著穆彰阿等查照天

津時價。出示曉諭。如有願將耗米變價者。即聽該處民人。照市價收買。該商既可藉以沾潤。於該處市價民食。亦有裨益。將此各諭令知之。○又諭。前因沙船到津卸米。後前往奉天買豆。降旨令該府尹等。俟商船到彼。即令置買開行。催令南歸。本日據陶澍奏。截至二月二十一日止。共兌正耗米一百十二萬二千餘石。惟通計米數。有一百六十三萬三千餘石。各船不敷裝載。不能不分兩運。一過春夏之交。南風司令。北船回滬較難。惟恃初運船迅速回權。得資趕辦等語。晉昌等接奉此旨。即飭各該地方官。俟商船一到。即令置貨開行。毋得刁難勒掇。並飛咨經過各省。轉飭沿途海口。催令迅速南回。趕辦二次兌運。此為至要。將此諭令知之。○又諭。據慶祥奏。查明賊眾確實下落。現在聚集多人。勾連串結。各布魯特觀望猶疑。不可專恃等語。自係實在情形。逆夷勾結匪黨。分聚六處。約有三四

千人之多。並敢於各要隘安設賊目馬匹。互為聲援。情實可惡。亦由於畏懼我兵前往剿捕之故。此時調派伊犁及烏魯木齊官兵二千五百名。次第到齊。分駐各卡適中之地。聲威不為不壯。該參贊大臣。惟當選派幹練員弁。勤加訓練。如賊眾竟敢近我卡倫。即應統師迎剿。大加懲創。若隨即遠颺。斷不可輕易出師。致墮奸計。總期布置嚴密。毋得稍失機宜。該逆夷等勾連煽惑。以致附從日多。各布魯特窺測遷延情殊。黠猾若聽其日相聯結。更恐滋蔓難圖。計惟有陽示寬大。設法以解散其黨羽。一面隨時確密偵探相機籌辦。著慶祥剴切曉諭。各布魯特中其效順者如能計縛渠魁。自當立予懋賞。即從逆之汰劣克等。若能悔罪投誠。自相解散。亦當待以不死。酌予恩施。並檄諭霍罕等處。如各逆竄投。無許收留容庇。若將首賊擒戮。不但賞其頭人。即出力之散小布魯特。亦著覈明賞賜。使其

知感如畏。庶可伸威嚴。事慶祥惟當慎。益加  
慎。勉益加勉。以副委任。至另片奏籌備兵糧  
除喀什噶爾本城貯糧一萬石外。其撥運葉  
爾羌餘糧一萬石。並採買小麥一千八百石  
買發馬乾高糧一千二百石。動用腳價銀錢  
事竣准其造冊報銷。又該處存錢無多。請調  
用葉爾羌普爾錢二千串。阿克蘇普爾錢一  
千串。著准其調用搭放俾兵丁不致苦累。所  
需腳價並准其一體造銷。將此諭令知之。

喀什噶爾參贊大臣慶祥奏請調阿克蘇阿  
奇木伯克貝子銜邁哈默特鄂對五品噶雜  
納齊伯克斯底克葉爾羌四品伊什罕伯克  
邁瑪特西哩普和闡所屬玉隴哈什四品阿  
奇木伯克阿布都拉赴喀什噶爾差遣。從之。  
○又奏遵查邁瑪薩依特上年帶同貿易回  
子托克塔爾出卡探信。旋回報稱張格爾仍  
跟隨十八人。現在汰劣克處。約人來搶喀什  
噶爾。並據薩爾巴噶什愛曼布魯特頭目塔

什坦伯克遣使遞馬探信。願效堵擒報聞。  
以鑲白旗滿洲都統松筠署鑲黃旗漢軍都  
統。正紅旗蒙古都統瑪呢巴達喇署鑲紅旗  
蒙古都統。○乙酉。

上詣

大高殿行禮。還宮。○閩浙總督孫爾準奏臺  
灣澎湖均係海疆重地。請動款補製軍火礮  
械。下部知之。○以浙江按察使祁項為貴州  
布政使。四川鹽茶道周之琦為浙江按察使。

○丙戌。諭內閣。據禮部奏直隸咨送會試之  
齊介眉。該生係道光二年賞給副榜。上年並  
未賞給舉人。輒以乙酉科賞第二名舉人由  
本省起文會試。殊屬不合。著交那彥成查明  
該生因何錯誤。東光縣知縣何以並未詳查  
率行詳請給咨。據實覆奏。如有吏胥撞騙朦  
混情弊。照例懲辦。副貢生齊介眉著自行回  
籍聽候查詢。○旌表守正捐軀山東章邱縣  
民劉開業妻宋氏。○丁亥。

上耕藉諸

先農壇行禮更服至藉田所

躬耕三推復加一推

御觀耕臺命睿親王端恩順承郡王春山慶郡

王綿懋各五推吏部左侍郎凱音布戶部左

侍郎李宗昉禮部右侍郎奎照兵部左侍郎

奕經刑部尚書嵩孚工部左侍郎阿爾邦阿

都察院左副都御史陸言通政使司副使寬

明大理寺少卿寶善各九推畢順天府府尹

率農夫終畝賞賚農夫耆老如例○幸圓明

園○詣綺春園問

皇太后安○諭內閣和世泰等奏請借款發商

生息以資公用一摺察哈爾八旗游牧豫備

臺站差務牲畜向無正項開銷據該都統等

查明苦累情形籲懇籌款調劑並稱前次坐

扣銀兩業已清繳著照所請准其於口北道

庫貯項下借給銀三萬兩發商按一分生息

每年所得息銀作為察哈爾八旗各項公用

清 實 錄 道光六年三月

年終將用過銀數報部覈銷所借銀兩即於

該官兵等應領俸餉內每年扣還銀一萬分

作三年扣收歸款該部知道○以大學士蔣

攸銑為會試正考官工部尚書陸以莊署工

部左侍郎王鼎署禮部右侍郎湯金釗為副

考官○以都察院左都御史姚文田署工部

尚書吏部尚書盧蔭溥署兼管順天府府尹

事 戊子諭內閣

昌陵

隆恩殿工程著添派寶興會同敬謹辦理○署

陝甘總督楊遇春奏請將甘肅滯銷茶引二

萬八千九百九十六道分年帶銷完課從之

○己丑

上御閱武樓閣大員子弟騎射 諭軍機大臣

等琦善奏查勘海口及切挑引河情形並籌

辦運河隄閘飭估洪湖隄工一摺前因高堰

石工不固既不能普律拆修不得不亟籌保

護是以降旨令琦善將二隄工程勘估興辦

五五五

茲據該督奏稱。淮揚道潘錫恩。現有建築二隄。不若增培大隄之稟。並復細詢廳營。俱稱建築二隄。祇可為隄後保障。而不能恃以蓄清。二隄地勢較低。大隄有失。二隄仍不免有過水之虞。與潘錫恩之言相同。朕閱該道所稟。將隄後二河展挑寬深。所挑之土。即加培大隄。東面不足。再隔河取土。幫成頂寬十丈。坡用三收之大戩。通隄一律似與蓄清較為近理。惟前此陳中孚等所請興築二隄。加築格隄。以為後戩。總係為保衛大隄起見。如果加培大隄。更有把握。自當擇善而從。著琦善即親往查勘。或應專辦大隄。或再兼築二隄。逐一將各工覈實估計。迅速奏明興辦。至該道所稟。岸水通船一法。從前既未經辦。過自不宜冒昧輕舉。現在黃水不能剋期消落。而本年回空南下。斷不容不開壩放行。其岸水能否。即將清水擡高。足資抵禦。黃流不致有倒灌淺攔之虞。琦善察看情形。如果照辦。可

期得濟。即於盤壩漕糧完竣後。先將加運銅船調集試行。一切估辦開堰水車等項。准其覈銷。其增培接築兩岸河隄。及切灘挑河各工。該督現已詳勘發銀趕辦。務即督飭道廳等照估挑築。勒限汛前一律完工。其關家灘孟家灘地勢。既勘與九套何家社有迎溜背溜之分。未便徒糜經費。著俟霜降水落後。再行相機挑切。其翻泥車一項。亦疏濬成法。該督已飭廳汛各官督令兵夫。如法施行。總期有裨刷滌。庶免日增淤墊也。將此由四百里諭令知之。○又諭。朕因河督責任綦重。山東按察使梁章鉅。曾任淮海道三年。於河工能否虛衷實力。辦理妥協。前經降旨。令琦善據實覆奏。茲據奏稱。梁章鉅祇係循分修守。於河務機要。無所建白等語。是該督於梁章鉅不敢保其必能勝任。已可概見。朕思張井擢任東河。一載有餘。前在河南。曾為該督屬員。本年又赴南河。會同查勘河湖海口各事宜。

與該督籌畫講求其底蘊自己稔知至淮揚道潘錫恩發往南河交該督留心察看本日據該督奏與該道講論河務其言多有可採且稱其任怨任勞不分畛域朕意將張井調任南河潘錫恩授為副總河能否均資得力或張井於南河人地未宜即著潘錫恩署理南河河督現當河務喫緊之時需人孔急只要於國事有益雖破格錄用朕亦允從至河督之任朕何難即行簡放屢次開誠布公降

旨垂詢原因河務緊要必與該督和衷共濟相助為理庶於公事有益迺琦善覆奏語涉含糊殊失朕垂詢本意該督接奉此旨務即悉心體察將張井潘錫恩是否勝任之處據實迅速由驛覆奏無得再有游移至嚴烺前因患病回署兩腿浮腫現在動履若何能否力疾辦公有無託病諉卸之處著一併查明據實覆奏將此由四百里諭令知之○命定親王奕紹管上駟院事○庚寅諭內閣奕奎

等奏

奏陵

聖德神功碑樓及

泰東陵

隆恩殿應修各工情形著派阿爾邦阿顧德慶前往敬謹查勘○辛卯以失察弁兵得贓降廣東瓊州鎮總兵官張清亮為參將以江南太湖營副將張兆麟為瓊州鎮總兵官○旌表守正捐軀陝西咸寧縣民馬三女馬氏○

壬辰

孝賢純皇后忌辰遣官祭

裕陵○諭內閣已革外委崔思通有巡查地方之責輒囑令兵丁招引匪徒偷入紅椿以內打牲分肥情尤可惡崔思通著發往新疆酌撥當差仍照偷牲本例在犯事附近地方先行枷號兩箇月以示懲儆其偷牲為從罪應滿徒各犯內何洪李起懷張秉和三名雖據供親老丁單著不准留養在逃兵丁崔得玉

及首犯李五並各逆犯李四等仍著馬蘭鎮總兵並直隸總督一體飭屬嚴緝務獲歸案審辦○以陝西延榆綏道顏伯壽為按察使○癸巳

上詣綺春園問

皇太后安○祭

先蠶之神

皇后親詣行禮○諭內閣據張井奏熟籌早啓禦黃壩一摺張井會勘南河情形悉心講求

不分畛域甚屬急公於河務亦頗有識見著即調補江南河道總督嚴烺調任南河正當河湖交病之時一籌莫展致禦黃壩至今不能啓放實屬辦理不善姑念其前在東河任內修守尚無貽誤著降三品頂帶署理河東河道總督以觀後效張井嚴烺俱各即赴新任毋庸來京請訓○諭軍機大臣等據琦善奏查勘江境湖河散壞已極設法酌籌疏治五條除接築長隄逢灣取直該督等已奏明

辦理嚴守閘壩由嚴烺另行酌定外其修復濬船築做平灘對壩非緩俟霜後不能辦理並須一二年後方可收黃水落低之效未免緩不濟急本日又據張井奏熟籌早啓禦黃壩一摺據稱黃河病在中滿擬照阿桂改河避險導使繞避高淤由安東縣東門上下在北面另築新隄即以北隄改作南隄中間抽挑引河約深一丈即由東門工以下導河改由北面傍舊河行走至絲網浜以下仍歸現在海口中間又無淤灘阻隔似可暢順東趨自東門工以上至禦黃壩不過六十里去路既暢上必掣深計可落水四五尺以外現在黃水高清水五尺二寸得黃水落低五尺餘則立啓禦黃壩展寬束清壩並接長蓋壩挑逼清水暢出刷黃底淤更可攻盡彼時湖水不過收至七八尺其勢已可建銳更無虞風浪傷及石工此時剋期趕緊六七月間可開設新河僅汛期已屆不妨先行勘估俟霜後

辦理等語。朕思黃河受病已久。當此極敝之時。若僅拘守成法。加高隄堰。束水攻沙。一時斷難遽收速效。自應改絃更張。因勢利導。以遂其就下之性。且黃河淤墊既甚。與其有意外之虞。必致淹沒田廬。被災甚廣。何如改河避險。先以人力變之。為一勞永逸之計。所謂窮則變。變則通矣。至濱海一帶。蘆葦沮洳。並無城郭。自屬無害。張井所奏甚合朕意。惟遲至霜後。秋間不能啓壩。漕船仍難回空。何如

乘大汛未屆之先。剋期辦理。現已明降諭旨。將張井調補江南河道總督。著琦善即會同張井親往履勘。迅速估計。務於六七月間開放新河。除禦黃壩。俾一切盤壩海運等費均歸節省。儻汛期已屆。萬分不能趕辦。亦須遵委妥員。先行勘估。俟霜後即行辦理。至需用經費。據張井約略估計。不過三百餘萬兩。現在估築高堰二隄。及切灘挑河。增培下游四廳兩岸隄工。共需二百數十萬兩。果能如

張井所議。立有成效。則前項工程。皆可不辦。計所增不過數十萬兩。又何必屑屑過計耶。惟現在所籌二百數十萬兩。現有若干。尚短若干。著琦善等一併查明。據實具奏。張井摺著並鈔寄琦善閱看。將此由四百里諭令知之。○甲午。

上御含輝樓。閱侍衛騎射。○旌表夫亡殉節山東日照縣民申恆妻張氏。○乙未。以故鎮國將軍德文子蘇蕃襲職。○以故瓊布噶魯族百戶昂里子工桑襲職。○丙申。諭內閣。韓文綺奏。初限應買缺穀。尚未買足。懇恩寬限一摺。江西南昌等十二府州各屬。共缺倉穀二十四萬二千九百三十餘石。前據嵩溥奏明。分別勒限三年。埽數買補完足。當經降旨准行。續據查明。廣信饒州二府所屬缺穀四萬二千六百六十餘石。共缺穀二十八萬五千六百石零。內除徵變穀石。已歸叅案另辦。扣至道光五年九月初限屆滿。應買補穀一十



五萬五千二百六十四石零。茲據該撫奏稱。僅據各屬報買穀一十一萬五千八百五十餘石。計未買足穀三萬九千三百九十餘石。本應即行奏處。惟念初限穀數較多。有原交現銀。不敷市值。有原抵民欠。催徵未完。自係實在情形。加恩著照所請。將銅鼓、靖安、泰和、龍泉、永新、宜黃、餘干、樂安、德化、彭澤、興國、會昌、十二廳縣初限未完足穀二萬二千三十餘石。寬限五箇月。勒令埽數買齊。實缺人員。

停止升調。署事人員。概停委署補缺。以示懲儆。至南安府屬之大庾、上猶、二縣。贛州府屬之定南、寧都、信豐、龍南、安遠、長寧、六廳縣初限未買足穀一萬七千三百六十餘石。並准照原奏定限。遞展一年。即以本年九月底為初限屆滿。此後如再有逾限買不足數之員。即同督催不力之本管知府。一併揭參。其報買上倉穀石。責成本管府州盤查結報。儻有虛捏情事。著即隨時叅辦。該部知道。○又諭。

那彥成奏。遵旨酌定分限帶徵節年民欠花利一摺。直隸旗租地畝。前經那彥成奏明清查完竣。除嘉慶二十五年以前積欠花利悉予豁免。所有道光元年以後欠款。降旨令該督酌定章程。分年帶徵。茲據查明道光元年以後積欠花利。為數無多。毋庸再計銀數多寡。以免懸宕。惟此次勘定租額。甫經收入五年。奏銷未便即予緩帶。著照所請。自道光六年起限帶徵。四年積欠花利。七年帶徵三年。

八年帶徵二年。九年帶徵元年。以次展帶。統限四年。一律徵完。如州縣催徵不力。仍有拖欠。著即照例叅奏。該部知道。○諭軍機大臣等。據慶祥奏。稱逆夷滋事以來。並未分投各竄。勾連串結。至三四千人。難保其不復來窺伺。前調伊犁頭起官兵。分駐城卡。每處不過一二百名。兵勢殊為單弱。其伊犁後起官兵。及烏魯木齊官兵到後。即令在各要卡內適中之地。分營駐劄。聯絡照應。計立三營。每營。

五百人該逆等如敢犯我卡倫即統兵迎勦否則亦藉此威勢庶設法縛獻之計方能得力並酌派能通言語之兵丁熟悉情形之員弁伯克等分別傳諭效順之布魯特等催令擒賊立功亦必妥籌前往俾保無虞等語所奏不為無見著加意防範妥為辦理至所請於喀什噶爾舊額防兵外酌添換防官兵多則千名少則七八百名即在現調滿漢各兵內挑選留防一節逆夷蹤跡無定現在勾連

串結多人如敢復來窺伺自應趁此兵力一鼓殲擒僅見我卡內陳兵備禦匿跡遠颺亦不便全行裁撤致有疏虞慶祥所請酌添換防官兵係為防奸夷之萌孽備回眾之反側起見是否應行照數酌添及應調何處官兵換防之處著長齡會同詳籌妥議奏明辦理此後慶祥如有緊要事件仍用急遞馳奏若祇尋常籌辦之事著照常由驛具奏無得擅發急遞也將此各諭令知之○又諭喀什噶

爾防額無多附近各城防兵不敷分調該城地處極邊自應增設防兵以期聲威聯絡長齡等請於伊斯里克圖舒克塔什喀浪圭三要卡內分列三營共設滿洲營兵五百名在城北面以防要隘城南相度地勢合建一營設綠營兵五百名並選派曾經行陣官員日加訓練著照所請調伊犁滿洲營兵一百名索倫錫伯察哈爾額魯特營兵各一百名烏魯木齊提鎮屬綠營兵共五百名即在現調

滿漢各兵內挑選留防至所奏大河沿地方有足開五百人屯地一區土肥水暢足數千人之食所有此次添設防兵口食所需毋庸籌款其分營築堡及鹽菜馬乾一應事宜著該將軍等悉心妥議具奏將此諭令知之○喀什噶爾參贊大臣慶祥奏遵旨賞給那帕斯加等二品頂帶報聞○以查辦直隸旗租地畝詳慎奮勉予布政司庫大使郎汝琳等升補有差○旌表守正捐軀安徽霍山縣民

楊錦貴媳趙氏○移寧古塔防禦四員駐拉林並添設辦事筆帖式二員從吉林將軍富俊請也○戊戌

上幸靜明園詣

龍神廟拈香○諭內閣楊懋恬奏勘明湖南軍船積淹未涸屯田請按股合船分別停緩出運一摺湖南運軍將法元李家順二船屯田坐落湖北沔陽州境內之朱家楊莊鄭家老成等垸內朱家楊莊二垸田畝積年被水

淹浸未能涸復軍丁造運艱難該署督等請援案計股合船分別停緩挽運著照所請准其將蔣法元船屯坐朱家垸被淹七股與李家順船屯坐楊莊垸被淹三股合為一船暫停造運應運糧米分灑二幫各船帶交應得京腳行月生息等項銀米亦令分給灑帶各船俾資貼補其蔣法元船坐落老成垸屯田三股與李家順船坐落鄭家垸屯田七股均屬阜高有收之處即合為一船僉丁造運以

紆丁力俟將來各垸積水消涸屯產布種有收仍分兩船籌辦起運該部知道○又諭陶澍奏請嚴懲刀械匪徒一摺江蘇省徐邳淮海一帶與皖豫山東境壤毗連匪徒出沒每以佩刀持械為能始則三五成羣藉端嚇詐繼則肆意橫行兇搶擄殺最為地方之害茲據該撫以此等佩執兇器匪徒偶然挾詐逞兇平日又無犯法實蹟按照本例僅止枷杖既未便照拽刀匪徒結夥搶奪及棍徒生事

行兇之例強相比附而責釋之後故智頓萌轉以輕於嘗試長其犯法之心援照四川廣東懲辦總匪棍徒之例鎖繫鐵桿以期小懲大誡著照所請嗣後江蘇徐淮海三屬匪徒如有佩帶兇器刀械挾詐逞兇者一經擊獲每名鎖繫鐵桿一枝重四十斤為度定限一年果能改悔自新即予釋放若不悛改再繫一年儻仍始終怙惡即按其情節照棍徒屢次擾害行兇例分別從嚴究辦其接近江蘇

之山東兗沂曹三府。河南汝陳光等府州安  
徽潁鳳泗三屬。民情强悍。地界相連。並著一  
體。做照辦理。以挽頽風。而安良善。該部知道。  
○修築浙江仁和海寧二州縣東西海塘柴  
埽坦水工程。從巡撫程含章請也。○貸湖北  
荊州城守水師。安陸荊州衛昌等營坐落災  
區兵丁倉穀。○已亥。

上詣

安佑宮行禮。○諭內閣。據百春等奏。通倉收受

海運白糧書役人夫飯食工價。請由通庫墊  
發。仍應南漕解還歸款。西中二倉白糧飯銀  
係該倉辦公之需。本年蘇松常三府白糧改  
由海運。所有該倉飯銀。准其查照前奏。以洪  
斛五百石為一般。著琦善陳中孚即派員照  
數解通。其未解到以前。先由通濟庫墊發至  
應交茶果銀兩。經該侍郎等以旗丁到通。應  
領簞羹餘米價等銀。扣抵白糧各幫查無領  
項。亦著琦善陳中孚照洪斛五百石為一般。

一併如數解通歸款。○命浙江布政使繼昌  
來京調湖南布政使富呢揚阿為浙江布政  
使。以安徽按察使裕泰為湖南布政使。○修  
福建福州泉州二廠戰船。從總督孫爾準請  
也。○庚子。諭內閣。海運現已陸續到津。沙船  
餘米不下十萬餘石。前經降旨。照南糧餘米  
例。聽天津民人照市價收買。茲據英和奏。沙  
船宜令速歸。趕運二次米石。恐該商等希圖  
賤價售買。觀望不前。請由部動用銀二十萬

兩官為收買。著順天府即派委委員赴部領  
銀。分起解往天津。暫存道庫。並著穆彰阿等  
於正米收竣後。即傳諭江南委員。如有船戶  
願賣餘米。聽該處民人照市價收買。儘該處  
不能銷售。即動項照市價官為收買。其價銀  
由江南委員轉發船戶。毋得假手吏胥。致啓  
勒捐短發諸弊。俾沙船得以早歸。無誤二次  
接運。○又諭。曾煥奏引鹽加斤。請再展限一  
摺。准鹽每引例重三百六十四斤。節經奏明。

援案每引加鹽十斤。以三年為限。茲屆甲申網業已限滿。據該鹽政奏稱。近年商力拮据。竈產未豐。辦運成本。一切較前昂貴。若即停止加斤。未免吏形竭蹶。自係實在情形。加恩著照所請。准將每引加鹽十斤之限。再展三年。至丁亥網為止。以紓商力。該部知道。又諭。陳中孚奏。輕縱水手復赴軍船滋事。請查明究辦等語。糧船水手強悍性成。竟有已獲遞籍。仍復回幫逞兇。皆由該州縣憚於關查。

率行完案。甚至幫弁回護處分。幫丁又復懼其重來擾累。業經訪拏。不敢指實。以致正犯輕縱。現在各省新運開行。空幫亦接續南下。尤不可不嚴密防範。著沿途督撫。河臣及各鎮。嚴飭地方文武員弁。於催漕之便。隨時查察。如再有水手滋事。即照新例從重辦理。仍將輕縱之員。弁嚴叅懲處。總期認真彈壓。毋致滋生事端。以靖奸頑而肅漕政。禮部以宗室會試中額請。得旨。取中四名。○以陝西

潼商道岳良為安徽按察使。○貸山西靈邱路被歉兵丁倉穀。○展緩安徽廬州衛各幫旗丁應繳借贖屯田庫項。○辛丑諭內閣。武隆阿奏。清釐藩庫款項一摺。東省司庫正雜各項款目浩繁。日久致多輾轉。現經逐款清釐。將撥正歸公應存應追及借支未還各數目分別開單呈覽。內司庫借支正項充公附貯各款。共未還銀二十二萬一百七十三兩零。計正項銀九萬二千六百八十八兩零。充

公銀一千三百八十八兩零。附貯銀一十二萬六千九百十六兩零。自應分別是否濫借。有無歸著覈實辦理。所有正項銀內借支嘉慶十六十七年歲搶修工程。並代募泉夫等銀四萬二千二百九十六兩零。又附貯銀內借支嘉慶十四十五等年歲搶修。並吏部飯食等銀四萬六千八百十兩零。俱係例准動支。各該年地丁耗羨之項。彼時因本款不敷。暫行借動。嗣豁免民欠。無可徵還。與濫借無著者。

不同著照所請均准於節年地丁耗羨項下分別作正開銷動支還款其前任藩司吳俊等應賠借支口糧等銀一萬一千七百七十六兩零係應還附貯穀價之項今已豁免亦著准其作正開銷將來買穀另行動項辦理其餘未還正款充公銀五萬一千七百八十一兩零附貯銀六萬七千五百九兩零及提解節省銀兩尚未盡歸無著均與各州縣盤查豁免各案互相牽涉著統歸彼案將年款

徹底清楚勒限查造如有實在無著者再行分別著落賠繳此外尚有觀城等州縣領過歷年買補缺穀不敷價值動支節年地丁銀二千四百三十七兩零或經部駁刪未經登覆或事竣之後延未報銷今已年久著即於原領之員名下勒追歸款如有事故無著及追不足數即於該管上司名下追賠以清帑項經此次清釐之後著該藩司即另立專款庫簿一切收支銀兩無論正雜附貯各歸各

款均不准籠統借動除盤查參案覈定之款仍應照案劃抵外餘俱一領一解不准輟轉撥抵毋致日久又滋牽混至前項清庫人員現今留署幫辦清釐盤查年款所需薪水均准於緝捕生息銀內動支與清庫所支之項概免報銷該部知道○先是直隸總督那彥成奏直隸界連山東河南二省匪徒出沒無常必有窩家藏匿兵役已庇請嚴定盜賊窩主治罪條例並酌改兵役已庇窩主專條下

刑部議至是奏直隸一省除強盜窩主應擬死罪者從重辦理外其有窩藏強盜按名數多寡分別發近邊極邊充軍兵役勾通盜賊坐地分贓於應得各本罪上加一等定擬俟該省盜風稍息再行奏復舊例從之○緩徵直隸開元城大名南樂清豐東明長垣七州縣歉收新舊額賦○壬寅諭內閣楊遇春等奏審辦偷渡番賊一摺河北番賊自悉數驅逐後仍有偷渡搶劫之案均經隨時拏獲於

審明後立行正法。茲據該署督等奏稱，拏獲偷渡番賊，却什布加一名，請照歷次成案辦理。是否業經正法，未據聲敘明晰。如該犯尚在羈禁，著該署督等即委員監視處決，仍臬首傳示河南察罕諾們汗旗地方，以昭炯戒。該部知道。○改四川雅州府學訓導為雅安縣，學訓導從總督戴三錫請也。予福建出洋淹斃外委陳連高、劉高山祭葬卹廕兵丁宋貴等一百九十三名，賞卹如例。以買補張家口軍臺倒斃牲畜，貸扎哈蘇臺等十八站官兵一年錢糧。察罕托洛亥等五站兵丁半年錢糧。○癸卯諭內閣：張井奏湖河並形短絀，現在設法辦理，並請飭禁丁舵水手藉故停泊一摺。東省上年各湖存水未能如誌，近時泉源又復微弱，自應通計熟籌，嚴司啓閉，以資接濟。現經張井籌議先儘北路水勢，鋪灌後將上年回空軍船併塘打放，催令銜尾南下。將來盤壩重運北來，著陳中孚通飭

各幫均須連樁前進，不准一隻脫空，亦不許藉故齊幫停泊。其裝卸貨載如有可以停卸之處，准其暫泊，以示體恤。僅水淺河窄後有跟幫，即不准停泊裝卸，致礙船行。若遇水淺起剝，先卸隨帶貨物，不得遽起米石，以免折耗。並著河東河道總督於本年重運過竣後，即築作朱姬莊攔河大壩，收蓄湖水，必須遲至九月間，將湖水收足，再啓壩放令回空。南下其先期折回空船，暫令在長河守候。同時南旋總期，節省湖潞，以備來年重運。○旌表守正捐軀雲南陸涼州民趙復沅妻李氏。○修山東魚臺、滕縣、東平州、壽東等汛運河土石壩工，從河道總督張井請也。○甲辰上詣綺春園問皇太后安。○諭內閣：戴三錫奏起運楠柏二木，並懇免解桅杉稿木，借撥價運銀兩一摺。川省採辦各工程處需用木植，經前任總督陳若霖奏明採獲楠木圓徑減小，當經降旨准

其解運驗收。茲據該督奏。採獲柏木五根。實因限於物產。且須修削見圓。不能符合原取之數。自係實在情形。著俟該省運到時。交承修工程處。即照現獲尺寸驗收。其梳杉槁木。性本鬆浮。長途經年浮泡。一經乾燥。必致愈形損裂。既經江蘇省辦運敷用。川省著免其解運。以節糜費。至採辦楠木需銀七萬數千兩。柏木需銀五萬數千兩。運工需費五萬兩。共銀十八萬兩。著照所請。借撥文職截曠養

廉銀四萬兩。鹽茶耗羨銀八萬兩。餘銀六萬兩。暫行借撥正項。其所借銀兩。應於知縣以上各官養廉內扣收歸款。本年春季。該省業將採辦燈桿木案內借項扣完。著接續攤扣一成。逐款清還。毋庸造報開銷。至木植運抵江南。設值剝運漕糧之際。應如何妥籌運送。並著江南山東直隸漕河各督撫。轉飭經過地方一體照料催趲。以昭慎重。而期妥速。又另片奏打箭鑪同知王鍾鈺。委辦前項木植。

領運赴工。甚為出力。如沿途保護妥協。著俟差竣後。交該部帶領引見。該部知道。又諭張井奏豫省蘭儀等處河底增淤。請飭疏濬等語。豫省之南岸蘭儀北岸曹考兩廳河底。自入春以來。淤墊尤甚。中泓水勢僅深五六七尺。自應設法疏治。著嚴烺即將蘭儀等廳受病最甚之處。於大汛以前趕緊疏濬。毋稍延緩。並著通飭各道將隄項所存土牛一律攤築子堰。以期有備無患。其武陟縣攔黃堰

放淤工程。著照張井所奏妥為辦理。○諭軍機大臣等。張井奏即日赴江會勘商辦黃河改道事宜一摺。張井前次改河避險之議。深得因勢利導機宜。特降諭旨。將該河督調任南河。冀收速效。張井一經履任。即責無旁貸。必須將築隄開河一切事宜遵照前旨會同琦善親往履勘。迅速估計興辦。現距大汛尚遠。總期於六七月間開放新河。除禦黃壩方為妥善。僅萬分趕辦不及。亦須詳勘定議。



一俟節交霜降後。即期興工。該河督等務當和衷共濟。商籌周妥。勉副委任。將此諭知張井。並諭琦善知之。○移福建閩安營都司一員。千總一員。撥兵丁二百名。駐琅峙島。從總督孫爾準請也。○乙巳

上幸萬壽山詣

廣潤祠拈香。○諭內閣。那清安奏審擬驛站司員擅離職守一摺。喜峯口管理驛站司員理藩院員外郎誠格。勒不遵部行時刻率行

封印。已屬不合。又借用驛馬。擅離任所。雖據該都統訊明。因患病赴三屯營廟內暫住養病。尚非虛捏。實屬糊塗錯謬。誠格勒著交部嚴加議處。驛站筆帖式倭興阿。於誠格勒不遵部行時刻封印。始而容隱。旋因誠格勒不將關防移交代理。輒一併稟揭。復於質訊時任意狡執。實屬謬妄。著一併交部議處。該二員俱即撤回。聽候部議。所有喜峯口驛站事務。著理藩院照例揀員前往管理。○禮部以

會試中額。請得旨。滿洲取中九名。蒙古取中四名。漢軍取中六名。直隸取中二十三名。奉天取中二名。山東取中二十名。山西取中十二名。河南取中十二名。陝甘取中十名。江蘇取中二十名。安徽取中十五名。浙江取中二十四名。江西取中二十名。湖北取中十二名。湖南取中十名。福建取中十三名。臺灣取中一名。廣東取中十名。廣西取中七名。四川取中九名。雲南取中十一名。貴州取中七名。○

旌表守正捐軀河南偃師縣民丁約妻史氏。○丙午。以拏獲擒匪出力。予河南知縣馬懿遇缺升用。○旌表守正捐軀直隸安肅縣民王玉太女姐兒。○丁未。諭內閣。御史王世綏奏。寶坻縣引河南岸殘缺隄堰等工。請一併修築一摺。前據那彥成奏。動項疏築隄河各工。請將寶坻縣青龍灣引河北岸殘缺隄堰坑塘。官為修築。茲據該御史奏。該縣青龍灣引河南岸缺口不少。與北岸同。惟里數稍減。

覈計土方。有減無增。著那彥成確查該縣青龍灣引河南岸。自八道沽起至東淀莊南之葦壩止。是否應行一律興修。據實覆奏。戊申。

上御舍輝樓騎射。並閱皇子及侍衛騎射。山西巡撫福綿奏。請將山西商捐銷價息銀五萬兩生息。為修築鹽池渠堰之用。從之。鑄給陝西改設陽平關營都司。移駐佛坪營守備關防條記。從署總督鄂山請也。己酉。

上御勤政殿聽政。○諭軍機大臣等。據琦善等奏。桃汛期過。各工一律防護平穩。惟黃河底墊日增。外南順黃壩誌椿。較上年存水已多。比盛漲僅小三尺八寸。大汛為期甚近。修防在在緊要。除將現辦之取直挑河及增培接築隄工。勒限於汛前趕辦完竣。外其餘兩岸長堤。或尚有應行加培之處。以及各工土料碎石。是否處處充足。仍當周歷查勘。妥為籌備等語。前經張井奏請改河避險。疊經降旨。

諭令趕緊估辦。惟六七月間能否開放新河。抑須遲至霜後辦理。尚未勘定。現在水勢不能消落。一經盛漲。必至拍岸盈隄。所有兩岸隄工。自應一律加意修守。不得顧此失彼。張井經朕簡調南河。責無旁貸。此時計已行抵清江。接印任事。著即商同琦善周歷履勘。將應挑應培各工。迅速妥奏。於大汛前鑲修完竣。以禦盛漲。其一切料物。是否充足。尤應先時籌備。並督率道將廳營各盡職守。實力防範。毋得臨時周章。致滋貽誤。至下游既不能暢順。東趨上游。自必日增淤墊。是東河目前情形。亦為緊要。嚴娘業經署東河總督。著於交卸後。速赴新任。所有東河南河各工。務要盡心防護。各保安瀾。毋得稍有疏虞。致干重咎。將此各諭令知之。以大理寺卿福申為都察院左副都御史。予唐臣陸贄從祀文廟。從山東道御史吳傑請也。庚戌。

上詣綺春園問。

皇太后安。○諭軍機大臣等據琦善奏勘明高堰石工請專辦大隄一摺前據陳中孚等請築二隄加築格隄以為後戩當經降旨令琦善親往查勘茲據該督親歷移建二隄處所逐一履勘該處地勢較低必築至二丈八九尺方與大隄相平以及加築格隄建設滾水石壩及建閘等項非動帑三百萬不能興舉且不足恃者有五若專辦大隄既有高二丈之石工以為基址復再善加子堰視新築二隄又高數尺且幫成頂寬十丈坡用三收更以子堰直接海漫槽土復用坦坡以緩其勢後槽之掣亦輕約需銀一百七十七萬餘兩是二隄費多而無益大隄費省而有憑所見甚是前據張井奏改河避險湖水蓄至七八尺其勢已可建甬高堰隄工皆可不辦茲據琦善奏黃水設法疏消不過落水五尺湖水仍不能不蓄至一丈四五必得隄堰鞏固以為淮揚保障惟現屆農忙大汛將至派員雇

夫均非易事著照所請將高堰境內六堡九堡十堡及二十三三十六十七等堡並山圩境內自頭堡至七堡暨信壩十三堡擇其最為迎風犯浪緊要處所先行趕緊幫戩其全工則俟今秋明春辦理現已明降諭旨將潘錫恩授為南河副總河該督惟當會同張井潘錫恩和衷商榷總期高堰隄工永資鞏固毋使稍有疏虞朕擇善而從並不稍存成見也將此各諭令知之○賞江南淮揚道潘錫恩三品頂帶為南河副總河○旌表守正捐軀湖北長陽縣民覃盛超妻徐氏

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十七

監外曉諭各鄉近因該處居民官太保保之聞大官士文調開領事官理戶事務一戶務總辦係領事官士文前領  
天府府事務總辦加五級記敘十八次臣自該總辦分發巡撫戶部而軍機處總辦軍機處總辦官署內官房大臣稽察內  
七倉大臣稽察倉廩四庫詳察存儲一級總辦加六級武功加三級記敘五文士花翎的經筵講官文淵閣提舉官其書寫筆  
內務府大臣復由蘇漢州解送稽察內七倉大臣管理官人所獲應左翼總辦官署 寧壽宮圓明園圖書處特設官房恭錄房加總辦六  
聖院總辦事務總辦加八級臣等查阿爾賽著總辦官署兵部尚書總辦加六級記敘二十次工部總辦事奉  
教習

道光六年丙戌夏四月壬子朔享

太廟遣睿親王端恩恭代行禮○

上  
詣

時應宮。

昭顯廟拈香。○還宮。○命收買海運沙船餘米八千一百石有奇。○修福建水師提標並臺灣澎湖水師協標戰船。從總督孫爾準請也。○旌表守正捐軀廣西全州民莫武綾女黑妹。○以常雩祀。

天於

園丘。自是日始齋戒三日。○癸丑諭內閣趙慎  
畛等奏銅鹽疲滯情形一摺。滇省銅斤攸關  
京外鼓鑄。近因各廠攻採年久。出銅短絀。瀘  
店底銅。借兌將盡。其四川烏坡廠。亦不豐旺。  
以致辦銅疲滯。現在丙戌年暫行減運兩起。  
惟自丁亥年起。仍照舊額。自應豫為籌辦。庶  
免臨時貽誤。著照所請。將滇省舊有各廠。選  
派幹練熟習之員經管。上緊採辦。並飭各屬  
廣覓子廠。具報開採。如有成效。准其領銀接  
濟。辦銅扣銷。仍嚴禁私販私鑄。有犯必懲。儆  
該員辦理懈弛。隨時分別撤叅。果能額外加  
辦。除於考成案內議敘外。其加辦最多之員。  
照例奏請鼓勵。務期各廠漸有起色。銅無缺  
乏。俟有贏餘。即將瀘店底銅陸續歸補。至鹽  
務章程。除向食川鹽粵鹽各府屬另行查辦  
外。其餘各屬俱銷滇省井鹽。近年各大井出  
涵淡縮。兼之黑鹽等井屢被水淹。課額致有  
短絀。著派熟諳人員。堵緝私販。就井稽涵。防

範於竈戶未煎之先。按各井出鹽多寡酌定  
行銷地面。以杜越境爭售諸弊。其應如何損  
益變通之處。著該督等確查籌議具奏。○命  
定親王奕紹帶領侍衛十員往奠故莊親王  
綿課茶酒。賞銀五千兩治喪。予祭葬。諡曰襄  
○以鑲黃旗蒙古副都統富蘭署正白旗護  
軍統領。○甲寅  
上詣  
南郊齋宮齋宿。○漕運總督陳中孚奏請動項  
成造河口關捐丁捐剝船二百三十七隻。交  
江西省辦理運往。從之。○給江蘇沛縣被災  
貧民一月口糧。○乙卯常雩祀  
天於  
園丘  
上親詣行禮。○幸圓明園。○詣綺春園問  
皇太后安。○以廣東肇慶協副將松青為四川  
建昌鎮總兵官。○丙辰諭內閣武隆阿奏。校  
閱省東營伍。據稱各營將弁年力弓馬均尚

強壯。惟登州鎮標右營都司夏存宇弓馬生疏。萊州營千總金洪烈。步箭平常。應請分別降革。金洪烈著以把總降補。夏存宇著革去都司。惟念該都司之父於嘉慶三年在湖北當陽縣巡檢任內。堵禦川匪。殺賊陣亡。一門十口。同日盡節。加等予襲。賞給雲騎尉世職。該都司先由館班議敘。未入流。改補營員。弓馬非所素習。夏存宇著加恩以府經歷縣丞改補。歸部銓選。仍留雲騎尉世職。此係朕軫

念忠。蓋量予恩施。嗣後不得援以為例。調甘肅涼州鎮總兵官德克金布為河州鎮總兵官。以步軍統領巡捕營副將高明德為涼州鎮總兵官。○予直隸故四川提督哈攀龍暨其子故雲南提督哈國興。入祀鄉賢祠。從總督那彥成等請也。○修築山東恩縣四女寺支河攔水挑水各壩工。從巡撫武隆阿請也。○丁巳貸江蘇徐州鎮標中營城守營蕭營坐落災區兵丁餉銀有差。○展緩江蘇節

年舊欠漕尾。○戊午諭內閣奉

皇太后懿旨。靜貴人晉封為靜嬪。所有應行事宜。著各該衙門察例具奏。○賞南河副總河潘錫恩都察院右副都御史銜。○修吉林先農壇殿宇。從將軍富俊請也。○封閉廣東鎮平縣李家山。鴨母窩佛前嶺三處煤廠。從巡撫成格請也。○己未諭軍機大臣等。琦善奏上年接運回空軍船。阻守臨清關外。現已催過淮安三。揚州二。兩幫。臨清關存水僅三尺有餘。船多水小。至韓莊以上。及邳宿運河全賴微山湖水。今湖渚不旺。又距夏至甚近。恐開壩過遲。黃水盛漲。各省漕糧不能趕速盤竣等語。本年東省運河水勢不充。臨清關存水止三尺餘。恐自開以上。更多淺阻。現在重運各船陸續到壩候盤。設空船不能依期全抵楊莊。致令數省軍餉船隻曠日久待。裏楊一帶運河。自必擁擠貽誤。時屆農忙。又值高堰興辦土工。車驢人夫等項。雇覓甚難。此

等小民。豈能停待坐食。若散而復聚。益恐稽遲。況此時東省運河。空船行走。尚且不能迅速。將來重船北上。何能浮送裕如。必致時日耽延。所關甚大。嚴烺因南河辦理不善。調署東河。自應知愧知奮。勉贖前愆。該河督等接奉此旨。迅即督飭運河道廳。上緊妥籌。設法疏濬收蓄。俾提空進重。毫無稽滯。尚可以速補遲。如有疲玩員弁。嚴叅懲辦。儻任其短絀。致空重各船不能通行。將來黃水盛漲。不能

盤旋。惟該河督及該撫是問。恐不能當此重咎也。將此各諭令知之。○築陝西新設佛坪廳城垣。從巡撫鄂山請也。○修廣東海口協右營並海安營。巡洋師船。從總督阮元請也。○以福建永春州米價增昂。令平糶倉穀。○庚申。諭軍機大臣等。慶祥奏據委官伊仁布商伯克克奇克帶同伊里斯曼底親信得爾瓦什來城。稱阿坦台接諭。欲遣子來。適張格爾到彼阻止。張格爾欲令伊回明參贊。差要

緊人到彼。又問天朝有多少兵力等語。張逆蓄奸逞詐。種種鬼蜮伎倆。可惡之至。得爾瓦什所言。自非捏飾。惟張逆欲參贊差要緊人前往。心懷誣詐。斷不可墮彼奸計。所奏布魯特等以阿奇木曾經出力。子孫現無一存。此等言詞。自係為張格爾所惑。現在辦理該逆。以夷制夷。正須善用布魯特。散其黨羽。免令蔓延。若竟明言其不可恃。豈不益令解體。慶祥惟當存之於心。斷不可宣之於口。以致人

心渙散。至所奏該逆等戒嚴既久。懈怠必生。且又見增設防兵。似不虞其復犯。卡倫張逆聚謀肆逆。並探問天朝多少兵力。作何動靜。其心叵測。已可概見。汰芳克仍在哈瓦克地方。阿坦台拜巴哈什。約共有一二千人。若竟來犯卡倫。正可一鼓殲擒。盡法懲治。必須嚴加防範。以備不虞。不可一日鬆勁。致失事機。是為至要。其現調各兵著慶祥隨時察看。或添定防額。再行陸續分撤。該參贊總當籌度。

萬全。安為辦理。毋稍疏懈。將此諭令知之。○  
湖南巡撫康紹鏞奏請動項津貼旗丁碾運  
通米從之。○賞署河東河道總督嚴烺都察  
院右副都御史銜。○改江蘇運河營邱運汛  
把總缺為千總。蕭南營蕭汛千總缺為把總。  
從前任河道總督嚴烺請也。○以故甘肅碾  
伯縣屬土指揮同知祁肇衍子壽山襲職。○  
辛酉。引見癸未科散館及補行散館人員。得  
旨。此次散館之清書二甲庶吉士李品芳漢  
書二甲庶吉士孫瑞珍陶福恆黃士瀛常大  
淳黃仲容劉源灝徐寶善。丁善慶鄭紹謙。池  
生春鮑文淳。注世樽杜受田卞士雲高樹勳  
黃爵滋俱著授為編修。清書三甲庶吉士李  
範。林士傳。漢書三甲庶吉士周仲樺俱著授  
為檢討。沈拱辰李彥彬石景芬龔文齡蔣方  
正盛增柱中士萬貢珍宗室華德李蒞芳鮑  
俊俱著以部屬用。梁寶常主燕堂孫濟曾毓  
璜胡惠璜褚登袁履方王成璐鄭敦亮周良

卿張洵岳維城鄭東恬俱著以知縣即用。和  
色本子鎰韓振歐俱著歸原班銓選。○以吏  
部右侍郎貴慶為繙譯會試知貢舉。大學士  
托津為滿洲繙譯會試正考官。戶部左侍郎  
博啟圖為副考官。○壬戌。命於十三日  
黑龍潭  
覺生寺設壇祈雨。○以翰林院侍讀毛樹棠  
充日講起居注官。詹事府少詹事沈岐。署日  
講起居注官。○癸亥。署河東河道總督嚴烺  
奏籌濟運河水勢。催提回空軍船。得旨。空重  
船隻。如有不能浮送。耽延阻滯。惟汝是問。懍  
之勉之。○前任廣東水師提督陳夢熊以年  
老休致。○甲子。  
上詣  
黑龍潭神祠拈香。命皇長子奕緯瑞親王綿  
忻。分詣  
覺生寺  
宣仁廟拈香。○乙丑。諭內閣戶部奏海運沙



船陸續到津。據驗收大臣咨送米樣查驗。實係一律乾潔。著倉場侍郎嚴飭各倉監督。加謹收貯。板席鋪墊妥協。氣筒如數安置。開放時如有微壞。定行重懲不貸。並著直隸總督轉飭沿途押送剝船各員。實力催趲。不致稍有停留。所需苫蓋之席片等物。務須一律齊備。毋任滲漏潮溼干咎。○以雲貴督標中軍副將懷唐阿。為雲南普洱鎮總兵官。○以山東聊城堂邑博平莊平。辛冠。館陶高唐。八州

縣並東昌衛糧價增昂。令平糶倉穀。○丙寅月食。○諭軍機大臣等。本日都察院奏陝西大荔縣民人朱士成。控告回匪牧放羊馬。踐食禾苗。復聚眾焚搶逞兇一案。已明降諭旨。交鄂山督同臬司嚴拏審辦矣。回民縱放羊羣。踐食禾苗。最為農民之害。往往有因鄉民驅逐。輒復聚眾逞兇之事。地方官早應嚴行飭禁。此案該民人朱士成所控回匪等縱羊食禾。復糾眾焚搶。該縣既經勘驗屬實。拏獲

案犯于邪子虎。于四娃。于起蛟。三人訊據供認毆搶不諱。即應嚴究夥黨。悉數查拏。懲辦何以輒將該犯等釋放。並因鄉約朱正己不敢私和。竟加掌責。是否該民人一面之詞。抑該縣意存消弭。延案不辦。均不可不徹底根究。著該撫即飭該縣將知名指控之于邪子虎等三十六人。嚴拏務獲。並飭提一千人。證秉公嚴審。務得確情。無許存化大為小之見。致有枉縱。將此諭令知之。○丁卯。諭內閣那

彥成奏。改立禁地碣碯一摺。

東陵青碯內石界。半多碎石浮壘。日久書字恐易脫落。前經降旨改用石碣。並令清查官山內民戶確數。茲據該督奏稱。現就各地面相機辦理。將有石處所用本山浮石。裁立石碣。深鑿界石字樣。其無石之處。間用木碯。深鑿界碯字樣。所有民戶地段。逐一查明。勘丈。栽立石碣木碯。均已一律完竣。惟地面遼闊。看守宜嚴。著馬蘭鎮責成汛弁各據汛地。梭織

巡查如有增添民戶展墾地畝並將碣碯那移短少者隨時移會地方官查拏究辦並按月取具該鄉地牌頭甘結存案每年仍令該督派委大員周歷查勘一次儻武弁鄉牌人等原查不實立即叅辦其應需立界工料銀兩現由該藩司籌動庫貯充公閒款銀三千兩其餘經費已據府州縣自行捐辦著毋庸造冊報銷○諭軍機大臣等那彥成奏緝獲習教匪徒一摺此案承德府屬盧翹子溝地

方民人徐學寬習教經該府拏獲訊據該犯供稱乾隆六十年有山東武城縣人李士明在唐興家做工跪香念佛該犯與唐興唐旺朱三拜李士明為師嗣李士明因無人相信於嘉慶五年回籍總未出口亦無音信唐興現已病故該犯復傳徒馬拴兒暨平泉州人梁得梁六梁八梁善伊弟徐五子徐對兒均隨同跪香念佛並未騙錢惑眾亦無經卷佛像並將馬拴兒暨唐旺獲案唐旺供認拜師

念佛屬實伊故兄唐興收已故之劉榮周道及現往關東居住之張五張六為徒伊因莊農無暇跪香並未傳徒伊子姪唐幅貴等俱未習教馬拴兒供認拜師屬實匪徒習教最為風俗人心之害自應嚴拏懲辦以淨根株該犯等習教年久傳徒恐不止此數人即據供並未惑眾騙錢亦難保非有心狡卸亟應明確究辦惟口外距省寫遠提省審辦轉致耽延遇案內應訊之人查拏亦多不便著交

那清安就近親提現獲各犯嚴審按律定擬具奏並嚴緝逸犯朱三等務獲歸案究辦毋任遠颺漏網將此諭令知之○直隸總督那彥成奏通永道徵收木稅近因糧艘盤壩轉運未能攜帶木植請暫減稅銀二成從之○江西巡撫韓文綺奏各幫軍船新舊兩運行月銀兩請照舊數支給從之○旌表守正捐軀江蘇蕭縣民余馬妻王氏○戊辰孝端文皇后忌辰遣官祭

昭陵

上詣綺春園問

皇太后安○賞故土爾扈特副盟長公銜扎薩克頭等台吉貢格策楞銀一百兩治喪○己巳禮部以繙譯會試中額請得旨取中四名○直隸提督何占鼐奏捐製擡槍等件挑選弁兵演練得旨嘉獎○賞會試年老舉人陸雲從等九名司業檢討學正職銜有差○庚午命皇長子奕緯詣

黑龍潭惠郡王綿愉詣

覺生寺謝雨並命瑞親王綿忻詣

宣仁廟拈香祇謝○諭內閣琦善等奏海運漕糧到天津用項不敷請籌款續解等語本年辦理海運事屬創始一切用款均無成例可循前經該督等兩次籌款解往天津尚不敷緯夫靈因等款銀二萬餘兩此外恐仍有續增之項自應酌量籌撥著照所請准其在蘇糧道庫節省漕項內再行動撥銀五萬兩

迅即委員解往天津以資應用俟全漕完竣後按照前後解過銀數查明在通倉支用者由倉場衙門覈銷在天津支用者由直隸省覈銷○諭軍機大臣等陶澍奏請飭催沙船以速海運據稱現計存米尚有三十餘萬石專待前船回權方能全行起運海船自南赴北總以四五月夏至前後南風司令最為相宜至六月中旬風暴靡常即難行走其辦運員役人夫亦須及早竣事方可裁撤以節經

費等語穆彰阿接奉此旨即將現到沙船加緊剝運愈速愈妙並迅速收買餘米俾沙船得以早歸無誤二次接運並著那彥成晉昌常文盛泰等轉飭各該地方官催飭沙船迅即裝貨回南並飛咨沿途海口催令迅速趕行俾得順趁風汛趕裝二運無再遲誤將此各諭令知之○江蘇巡撫陶澍奏昭文縣入官房屋捐設義倉擬照續估價值繳買其不敷原估之數請予豁免從之○南河副總河

潘錫恩奏報任事得旨加慎加勉實力修防  
河工一切惡習必當悉行破除諸凡與琦善  
張井秉公細商妥為辦理固不可任性偏執  
亦不可隨同上下懷之無負簡任○賞丁憂  
在籍前任江蘇按察使林則徐三品卿銜署  
兩淮鹽政○命江蘇出糴積年緩帶漕米  
卒未以大學士托津曹振鏞戶部尚書黃鉞  
吏部左侍郎王引之右侍郎杜墀戶部左侍  
郎李宗昉兵部右侍郎武忠額都察院左副

都御史韓鼎晉為殿試讀卷官○命湖南提  
督閻俊烈來京以前任西安將軍桓格為湖  
南提督○湖南綏靖鎮總兵官海麟以年老  
休致○封閉廣西武宣縣龍華山硝廠從護  
巡撫潘恭辰請也○貸湖北德安宜都三營  
上年被水被旱兵丁倉穀○以山西祁臨汾  
太平洪洞浮山翼城汾西鄉寧孝義臨大同  
鳳臺陵川猗氏榮河萬泉虞鄉壽陽定襄解  
夏河津聞喜趙城靈石隰蒲二十七州縣並

豐鎮和林格爾托克托城三廳上年歉收命  
平糶倉穀緩買陽曲太原榆次徐溝岢嵐臨  
汾天鎮右玉寧武靜樂五臺平陸芮城霍靈  
石十五州縣節年動缺米石並展緩隰州應  
徵舊欠倉穀○壬申策試天下貢士王慶元  
等二百六十五名於保和殿制曰朕仰承

蒼昊眷佑

列聖貽庥御極以來於今六載寅恭風夜惟幾  
惟康舉凡甄綜人才之實詰戎講武之經整

飭士風之原明刑弼教之要兢兢業業時廑  
予懷茲當授簡敷言對揚伊始咨爾多士佇  
聽嘉謀夫欲熙庶績必藉羣才書曰凡厥庶  
民有猷有為有守汝則念之又曰不協于極  
不罹于咎皇則受之自古用人器使豈必求  
備哉然簡任者人君之權薦舉者大臣之責  
祁奚舉賢李克論相後世稱之其故安在趙  
武舉管庫之士七十而晉君不以為多淳于  
髡一朝薦七士而齊王厭其眾將母類聚攸

殊。疑信各異歟。徐庶傾心於南陽。禰衡受知於北海。其薦賢之識。可並論歟。狄仁傑儲材於藥籠。呂蒙正置冊於夾袋。何以得人稱盛歟。國家延訪人才。惟秉虛衷。能收實效。其何由祛比周之習。登公明之選歟。古者文德誕敷。不忘武備。詰戎治兵。所以輔化安民也。漢之訓練。唐之講武。宋之大閱。其法果有裨益乎。邊防之策。漢唐最詳。賈誼鼂錯陸贄之論。昭然具在。然自古承平日久。中外無事。武臣邊帥。往往奉行具文。不能盡心簡閱。勞役兵丁。虛糜餉食。流弊孔多。其何以選精銳汰老羸。簡器械。演陣法。裕於平日乎。朕萬幾之暇。時御弧矢。侍衛禁軍。躬親校閱。亦欲習勞肄武。為將士先耳。將何以整軍飭備。戎政克修乎。士習文風。相為表裏。漢初經學昌明文章醇茂。其時績學之士。各有師承。老儒耆德。化行鄉里。沿乎末世。標榜日滋。魏晉而下。逮及陳隋。文漸華縟。士多浮靡。唐代起衰。人文並

蔚。初盛中晚體。以時殊。波流五代。雕琢曼詞。其間人材。披沙揀金。得不償失。宋以五緯之瑞。篤生大儒名臣。聯鑣接軫。故其文章淳雅。寬博炳耀一時。洎乎元明。猶承餘韻。論文講學。可溯淵源。朕典學幾餘。總覽風會。登崇俊乂。道歸樸淳。夫文辭藝也。道德實也。惟爾多士。敷奏以言。有先資矣。虛車之誚。何以免諸。先王制禮以崇敬。作刑以明威。刑罰明而後教化行。獄訟平而後民心服。畫象不犯厥風。古已三典既用。五聽惟詳。漢代循吏治獄。每多平反。論者謂得周官遺意。蓋欲天下無冤民。必先朝廷無枉法。罪疑惟輕。所以廣好生之德。刑與眾棄。所以平萬物之情。後世守令。不能盡知古人立法之意。乃至姑息養奸。游移寡斷。名為慎重民命。實則屈抑民情。其武健者。又或深文周内。恃才傲功。將欲清訟。不亦難乎。朕慎憲省成。惟刑之恤。申諭封疆大吏。嚴飭守令。明慎用刑。期於無枉。無縱。辟以

止辟。將何道而臻刑措之風乎。凡此者。儲材以資治。講武以衛民。數教所以端風化。慎刑所以彰明允。是皆經國之至計。保世之遠猷。援古證今。可行可法者。其要安在。爾多士讀書待用。各臚所知。毋泛毋隱。朕將親覽焉。○賞故科爾沁扎薩克卓哩克圖親王噶勒藏棟囉布銀五百兩。○癸酉。諭軍機大臣等。據琦善奏。河工料土虛冒積弊。修守不足。深恃請飭河臣嚴行查察。力加整飭等語。河工積弊已深。如料垛之架井虛鬆。取土之近在隄根。籤隄積土之有名無實。種種弊端。難以枚舉。全在該督等認真查察。有犯嚴參懲辦。庶可羣知儆畏。漸挽頹風。琦善自簡任以來。於河湖事務。竭力講求。不避嫌怨。張井潘錫恩皆非河工出身。亦俱能盡心圖治。伊三人自當和衷共濟。力加整頓。現有正副總河二人。稽察更益周密。凡從前一切惡習。務當嚴密糾察。悉予祛除。其庸劣工員。亦當逐漸屏斥。

勿稍姑容。以期工歸實用。帑不虛糜。策力咸資。安瀾永慶。該督等不可不加慎加勉也。將此諭知琦善。並諭張井潘錫恩知之。○內務府奏。請於兩淮應解廣儲司道光五年。淺斤變價銀內。扣留五萬兩。發商生息。為各處值班章京兵丁等備辦被褥之用。無庸向衣庫領取材料。從之。○甲戌。諭內閣。本日據玉麟等奏。查出養育兵存亮係民人姜福之子。經已故馬甲富明阿抱養。為嗣。請將存亮革退。養育兵勒歸民籍。該族長等責革示懲。及該管參佐領等分別議處。已依議行矣。前經降旨。命八旗清查抱養民人之子。為嗣者。限三月。令其自行呈報。嗣後降旨申諭。務期弊絕風清。勿任仍前隱混。現在正藍旗滿洲都統等既查有存亮冒入旗檔。隱匿未報之案。恐各旗未經查出者。正復不少。著再行申諭八旗都統副都統等。務各嚴飭該管參佐領等。官自行詳確查察。如有前此隱漏者。即曉諭。

該家屬自行呈報。無得再有不實不盡。經此次查辦之後。如能立即呈首。尚可照原定章程辦理。儻敢始終隱匿。該管都統副都統及參佐領等官。仍毫無覺察。除將本犯從重治罪外。必將該管各員。嚴行懲處不貸。命安徽巡撫張師誠來京。以陝西布政使鄧廷楨為安徽巡撫。內閣侍讀學士徐忻為陝西布政使。○乙亥

上臨故莊裏親王綿課第賜奠。還宮。○御乾

清宮召讀卷官入。親閱定進呈十卷甲第。○諭內閣那彥成奏。州縣麥田被旱。請豫撥米石。直隸大名府屬開州等七州縣。上年秋禾歉收。業經降旨停緩春徵。現因被旱。麥收歉薄。儻得速沛甘霖。補種晚禾。尚可以資接濟。但此時不可不早為儲備。著照所請。准其將道光三年天津北倉賑贖餘米一萬三千餘石。由水次撥運大名府屬各州縣分別存貯。俟秋間該督察看情形。覈實具奏。妥為辦理。

○又諭逆夷張格爾等上年滋事潛逃。私聚勾結。茲復派頭目赫爾巴什潛赴綽勒薩雅克愛曼一帶糾合夷眾。經慶祥選派將弁分起探拏。復曉諭布魯特比那帕斯等帶領百餘人。隨同官兵密往堵拏。適赫爾巴什前來率眾格鬪。官兵回子等揚威齊進。該逆旋即逃竄。經薩底克追及擒獲。並戮斃從逆七名。拏獲一名。餘俱帶傷遠竄。赫爾巴什係上年戕害主事職銜法里那之要賊。罪大惡極。茲

被擒獲。足以彰國憲而紓義憤。慶祥自調任參贊以來。於一切堵防事宜。辦理認真。事機極為順利。著頒賞白玉四喜搬指一箇。黃辦荷包二箇。以示嘉獎。如能將各首逆設法殲擒。必當加以懋賞。那帕斯不避嫌怨。深明大義。前已加賞二品頂帶。此次著賞給大緞四疋。薩底克當先奮勇。生擒要犯。尤為出力。著賞給五品頂帶花翎。並銀二百兩。噶勒奇雅探信擒賊。著賞給六品頂帶。並銀一百兩。所

有傷亡布魯特三名受傷二名查明咨部照例卹賞派往之西朗阿富呢雅杭阿及伊斯瑪依爾俱著以應升之缺升用金頂回子庫爾班差探得力著賞給六品頂帶藍翎遇有七品伯克缺出儘先補放其餘出力之弁兵回子著分別獎勵該參贊仍當乘機妥辦迅奏膚功以副委任○諭軍機大臣等本日據那彥成奏大名府屬被旱已明降諭旨令該督豫撥米石以備接濟矣河南山東二省毗

連大名府屬地方現在是否得有透雨著該撫確切查明如有被旱較重之處必須豫為接濟即著一體籌備奏明妥速辦理將此各諭令知之○又諭慶祥奏擊獲戕官逆夷並差探現在情形已明降諭旨分別加恩獎勵矣逆夷張格爾等自知罪在不赦潛遣赫爾巴什前赴綽勒薩雅克愛曼一帶以圖糾結情殊狡詐該參贊分派將弁並曉諭那帕斯等隨同官兵將赫爾巴什首先擒獲並殲斃

從逆七名拏獲一名辦理妥速事機順利覽奏欣悅現據邁瑪薩依特玉努斯等查明張格爾等因托古斯托羅人多糧缺差奇比勒迪帶人到沖巴噶什愛曼附近巴雅爾一帶欲種地以資口食奇比勒迪係著名逆黨其手下人托克綽爾即係槍傷巴彥巴圖隆馬之犯該逆現離巢穴其愛曼距卡甚近正可設法擒捕無使積糧聚眾以為抗拒之計該參贊即傳知現派之科凌阿等帶領壯兵回

子及占帕拉特等指示機宜就地殲擒固不可貪功深入亦不可坐失事機再赫爾巴什等所供張格爾因官兵雲集意欲先赴霍罕再看機會汰劣克等與張格爾意見不合該參贊正可趁此機會於效順布魯特中剴切曉諭懸賞購線設法誘擒或令自相殘食藉收以夷制夷之效至赫爾巴什本當亟正刑誅但須暫留查訊張格爾遊奕蹤跡俟拏獲要犯時亦須該犯質認可牢固監禁毋令疾



斃也。將此由四百里諭令知之。○修直隸實  
坻縣青龍灣引河南岸隄工。從總督那彥成  
請也。○戶部議准。兼署福建巡撫孫爾準疏  
報侯官縣開墾荒田並新墾洲地共六十畝  
有奇。照例升科從之。○除江蘇清河縣水衝  
田地一千九十六頃五十四畝有奇。額賦○  
丙子。

上御太和殿傳臚。賜一甲朱昌頤賈禎帥方蔚  
三人進士及第。二甲麟魁等一百十八進士

出身。三甲熊炳離等一百五十二人同進士  
出身。○辛圓明園。○詣綺春園問。

皇太后安。○丁丑。以服闋布政使誠端署大理  
寺卿。○開採廣西崇善縣隴鳳等山鐵礦。從  
護巡撫潘恭辰請也。○戊寅。

上幸靜明園。詣

龍神廟拈香。○刑部奏已革前任安徽徽州  
府通判董椿。因案得贓。監追限滿。無力完繳。  
請予豁免。擬發近邊定地充軍。得旨官犯董

椿。前因候際清贖罪案內。擬以近邊充軍。加  
號。俟完贖後。定地發配。茲據查明該犯陸續  
繳過贖銀外。餘俱無力完繳。董椿於此案輟  
轉請託。得贓累累。僅發近邊充軍。尚覺情浮  
於法。董椿著改發邊遠充軍。仍加枷號兩月。  
其應繳贖銀。照例免其著追。○山東巡撫武  
隆阿奏請勦項建造曹縣劉家口添設汛弁  
兵丁軍裝庫局。下部知之。○己卯。予勦辦逆  
夷陣亡侍衛伯慶章京法里那佐領蘇勒通

阿。驍騎校特克紳布。前鋒校舒通額。筆帖式  
訥蘇。鏗額。景毓。遊擊劉發。恆。守備伍開江。千  
總都友周。把總談祿。外委李文彥。馬鵬。蔡莽  
世職。並傷亡兵丁。木通阿等。一百四十名。賞  
卹如例。○緩徵山東。歷城。淄川。新城。齊河。禹  
城。長清。德。濟陽。平原。齊東。平陰。聊城。堂邑。博  
平。清平。茌平。莘。冠。館陶。高唐。恩。朝城。濮。范。壽  
張。臨清。武城。夏津。邱。三十九州縣及德州。東  
昌。臨清。三衛。歉收。民屯新舊額賦。並漕項雜

款銀○庚辰論內閣舒明阿所襲公爵。係由  
伊始祖佟養正高祖圖賴屢著戰功累加至  
三等子。晉封為一等公。與並無軍功。僅由推  
恩加封承恩公爵不同。此次舒明阿所出公  
爵。著仍遵康熙年間

諭旨。作為一等公。世襲罔替。該旗即遵照辦理。

○旌表守正捐軀江蘇銅山縣民李自智妻

康氏○辛巳命兵部尚書玉麟協辦大學士

禮部尚書汪廷珍教習庶吉士○授一甲一

名進士朱昌頤為翰林院修撰。二名進士賈

楨。三名進士帥方蔚為翰林院編修。

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十八

監修禮部尚書臣等謹將宣宗太子太傅體仁閣大學士文淵閣領侍衛內大臣等處事務辦理情形恭摺具奏  
天府府署辦理情形奏為宣宗太子太傅體仁閣大學士文淵閣領侍衛內大臣等處事務辦理情形恭摺具奏  
七倉大臣督率倉司等官辦理情形奏為宣宗太子太傅體仁閣大學士文淵閣領侍衛內大臣等處事務辦理情形恭摺具奏  
內務府大臣督率內務府各處人員辦理情形奏為宣宗太子太傅體仁閣大學士文淵閣領侍衛內大臣等處事務辦理情形恭摺具奏  
醫館總理醫務大臣督率醫館各處人員辦理情形奏為宣宗太子太傅體仁閣大學士文淵閣領侍衛內大臣等處事務辦理情形恭摺具奏

道光六年丙戌五月壬午朔諭軍機大臣等

據慶惠奏稱查看右營所屬地面內有葦子  
峪門外黃花山至低頭安一帶地方樹林極  
為叢密並無圍牆當年僅議開割火道一段  
未經設有紅椿又葦子峪門外官道南北山  
坡之上樹林稠密亦並未設有紅椿為之限  
制請援照興隆口天臺山前面安設紅椿之  
例南自雁飛嶺起北至低頭安止添設紅椿  
等語葦子峪門外一帶地方樹林叢密與民  
樹相連何以從前興隆口天臺山前面安設

紅椿時並未一律添設曾否舊有白椿青椿  
著那彥成即派該管道員前往該處詳加履  
勘是否應添設紅椿方昭慎重及舊曾安設  
白椿青椿之處一併查明據實覆奏再降諭  
旨將此諭令知之○閩浙總督孫爾準奏臺  
灣海口今昔情形不同請將彰化縣所轄海  
豐港開設正口就近改歸嘉義縣笨港縣丞  
管轄一切分配兵穀事宜仍歸鹿港同知經  
理其烏石港開設正口統歸頭圍縣丞管轄  
下部議行○修福建漳州廠南澳鎮左營銅  
山營並水師提標後營戰船從總督孫爾準  
請也○癸未  
上詣綺春園問  
皇太后安○貸山西隰州營駐劄地方上年歉  
收兵丁倉穀○甲申  
孝誠仁皇后忌辰遣官祭  
景陵○諭內閣逆夷張格爾前因人多糧缺遣  
奇比勒迪帶領多人潛赴巴雅爾一帶意圖

種地聚糧當經降旨以該逆現離巢穴正可設法擒捕本日慶祥奏到派委員弁密探奇比勒迪出入蹤跡經占帕拉特率其屬眾就山設伏鐵雜克拜帶人前往引誘該逆帶領多人甫進山口官兵回子槍箭齊施該逆惶急奔逸鐵雜克拜奮勇仰追將奇比勒迪登時槍斃餘逆悉數就殲奇比勒迪係巴斯奇斯愛曼大頭人與汰劣克勾結滋事上年首先率眾戕害官兵其手下人復槍斃巴彥巴

賞給銀兩

圖茲復與張格爾聚謀種地實屬大逆不法此次旬日之內將助逆首犯節次擒誅所辦甚合機宜允宜懋加恩賚以示獎勵占帕拉特情殷效順實心探誘可嘉之至伊本係四品翎頂著加恩賞給二品頂帶鐵雜克拜深入誘賊槍斃首逆著賞給五品頂帶花翎並照賞格頒賞誘賊殺賊之商伯克布魯特等銀兩協領科凌阿著交軍機處記名遇有領隊大臣缺出奏請簡用出力之佐領伯克弁

兵等俱照所請分別升用賞給頂翎邁瑪薩依特深知大義俟再有成效即當立予恩獎慶祥籌畫有方調遣均能得力洵屬能事著先行交部議敘現在助惡首逆疊被擒誅張格爾等自己聞風膽落且糧乏勢窮誅鋤更易該參贊當趁此聲威益加懋勉俾渠魁悉數殲除邊圉日臻綏靖俟全案告竣朕必渥予恩施又另片奏原任主事陳孝寬籌辦一切事宜尚為得力著賞給七品小京官職銜

以觀後效○喀什噶爾參贊大臣慶祥奏請酌留本城換防官兵以節糧餉報聞調河南河北鎮總兵官巴尼音泰為湖南綏靖鎮總兵官以直隸開州協副將楊明魁為河北鎮總兵官○今山東登州鎮總兵官扎勒杭阿來京以直隸督標中軍副將舒通阿為登州鎮總兵官○乙酉諭內閣那彥成奏請嚴竊盜治罪之例直隸界連豫東幅員遼闊匪徒出没近年各屬報竊之案日多甚至搶劫

橫行。且有犯竊擬徒限滿釋回。旋復為盜者。被獲半多舊匪。該督請援照四川綸匪。江蘇徐淮匪徒之例。分別懲治。以挽頹風。著照所請。嗣後直隸除尋常竊盜計賊計次罪應軍遣流徒。仍各依本例問擬外。其行竊初犯不及四次。再犯不及三次。罪止杖枷。訊無結夥。攜帶兇器刀械。仍著照例定擬。如有糾夥四名以下。並帶器械者。均於所犯本罪之外。著加枷號一箇月。至行竊初犯四次以上。再犯三次以上。結夥已有四名。並持兇器刀械。計賊科罪。亦止杖枷者。於責刺後。著加繫帶鐵桿一枝。以四十斤為度。定限一年釋放。其因竊擬徒。限滿釋回。復犯罪止杖枷。無論次數。並有無結夥。攜械於責刺後。著加繫帶鐵桿一枝。定限二年釋放。儻仍不知悔改。滋生事端。再繫一年。如限滿釋回後。仍復犯案。即著加重嚴辦。此係因時制宜。量加懲創。俾宵小咸知儆畏。如此後盜風少熄。該督察看情形。

奏請仍照舊例辦理。○諭軍機大臣等。那彥成奏。委員查辦大名府屬均糧案匪。並察看該處情形一摺。大名府屬開州等七州縣。春雨愆期。前經降旨。發帑嗣因入夏未得透雨。復經該督奏催。將道光三年天津北倉賑贖餘米。撥運各該州縣存貯。以備秋間接濟之用。茲據奏稱。元城縣辛莊等處。有饑民結夥。擄搶拒傷事主之案。現經獲犯十二名。嚴究首夥。按名密拏。解省審辦。此等滋事案犯。自係地方匪棍。藉端倡眾。騷擾閭閻。並恐有豫東匪徒。於接壤地方勾串游民。乘機搶奪。必應嚴辦示懲。仍一面剴切曉諭。撫慰貧民。不可稍有株連。致滋擾累。至該處上年歉收。民氣未復。現當青黃不接之時。自必倍形拮据。且距秋成尚遠。北倉米石。撥運需時。刻下夏災已成。即應體察輿情。隨時籌辦。該督既經飭委通永道李德亨前往會同大名道林培厚查辦。著即飭該道等。確勘該處如有亟須

接濟之處。迅即稟請具奏。毋稍遲延。至該府福敬才。具本不開展。業已明降諭旨。撤回酌量改補。所稟借放貧民一月折色口糧。請照成案截漕備用。並先行出示曉諭。是否該地方情形。實係刻不容緩。亦應覆查明確。若遽斥其張皇冒昧。不善經理。恐將來遇有偏災。地方官相率諱飾。轉致別生事端。亦不可不防其漸。現在該督業已飭委張範東前往接署。即著李德立督同張範東。將福敬所稟。是否應辦。確速查明。據實具稟。該督亦即據實陳奏。毋得隱飾回護。京師於本月初三日復得透雨。該處近日曾否續獲雨澤。該督一併查明具奏。以慰廑注。將此諭令知之。○引見新科進士。得旨。一甲三名。朱昌頤。賈楨。帥方蔚。業經授職外。麟魁。許前軫。成觀宣。溫承悌。孫日營。任泰。郭道閏。朱成毅。吳廷鈐。顧夔俞。東枝。汪懷。王篤。王珣。高枚。朱成烈。周啓運。趙鏞。陳光亨。趙興周。程應權。郭恆。陳熙。曾玉藻。

方寶慶。朱應元。史寶徵。曾維楨。龔維琳。陳鼎。門宗室德誠。徐繼龢。松蔭洪。錫璫。黃琮。李恩。繼。謙厚。光。辛聯璋。許尚德。鄧錫璽。盧鴻翹。李嗣棠。吳儀澄。書。著宗室奕書。殷增。仇效忠。俱著改為翰林院庶吉士。王汝霖。王藩。王佐。崇。石廣。均。胡夢齡。徐上。鑄。方宗鈞。程庭桂。吳文鼎。黃丕範。宋沛霖。李舒林。胡程。邊寶樹。武堂。查文經。羅天。沈。周。鑣。瑞麟。王慶元。松年。宗室毓本。張庭樞。寶齡。武蔚。李。李昌燦。陳士枝。呂振驤。閔臨。宋林曙。宗室伊克唐阿。方木生。俱著分部學習。李秀發。汪南培。林星章。陳其鯤。趙仁基。華濤。馮燦。陳同。熊守謙。莫元。遂。周。斌。項名達。許麗京。卓朝詔。游大琛。陳耀庚。龔。寬。李振習。朱一瓊。張虎。仁。譚精。呂沈。我。皆。陳。天澤。光。朝。魁。張介福。廖。駟。陳之驥。郭。觀。辰。雲。茂。琦。王。辰。趙。輝。璧。張。學。飛。洪。燮。黃。登。鯨。袁。正。林。江。之。紀。鍾。標。錦。濮。璣。顧。倬。揆。劉。仕。望。書。紳。馬。湘。許。炳。熊。炳。離。成。章。瓚。孫。天。樞。易。桐。蔡。鳳。

儀。段榮恩。劉志本。劉珩。何守謙。曹擢。新完。迺。馬。樞。郭其。龍。孫尚。謙。胡慶元。藍建。英。方。發。祥。劉守。坤。高龍。躍。謝廷。經。盧鴻。遠。王發。越。劉成。詩。張其。仁。傅紹。祺。李。蘊。生。茹金。李。潔。魯。東。禮。朱。琦。葛。起。元。馬。玉。麟。張。兆。泰。郭。膺。心。劉。樹。棠。張。金。拔。阮。瑩。暹。鄒。照。朱。霽。德。新。賀。鶴。雲。楊。明。善。鄧。亮。功。邱。登。林。聯。桂。王。士。桓。劉。慶。凱。徐。煒。鄭。應。仁。鄭。汝。樞。楊。邦。雋。鄧。克。興。方。炳。文。趙。定。曾。馮。雲。祥。趙。振。清。盛。泰。符。何。星。漢。楊。彬。劉。

沛。霖。慶。安。劉。清。源。袁。風。清。羅。登。舉。姚。雲。升。王。四。志。馬。映。辰。樊。嘉。猷。彭。澤。巴。永。阿。段。圻。殷。聚。五。薛。宸。徐。燮。鈞。熊。錫。祺。夏。銘。修。賈。芳。林。周。因。培。謝。樹。瓊。薛。濂。趙。桐。蘊。秀。俱。著。交。吏。部。掣。籤。分。發。各。省。以。知。縣。即。用。餘。著。歸。班。銓。選。○以。故。四。川。裁。眉。喜。寨。土。千。戶。索。明。子。存。多。格。勒。襲。職。○丙。戌。

上奉

皇太后幸同樂園。○諭內閣。趙慎畛奏審擬革。

員侵用官項一摺。此案前據蘇明阿奏。奉。司。為。善。那。移。領。項。抵。補。私。債。色。卜。星。額。等。徇。情。押。追。分。別。降。革。嚴。訊。嗣。因。色。卜。星。額。以。鋪。民。擅。取。官。項。准。移。勒。追。實。非。徇。庇。呈。訴。交。趙。慎。畛。東。公。查。辦。茲。據。查。明。已。革。同。知。司。為。善。那。公。抵。私。該。鋪。民。等。明。知。官。項。索。取。完。欠。例。應。追。出。入。官。色。卜。星。額。等。並。無。徇。私。自。專。驚。擾。市。肆。情。事。尚。無。不。合。已。革。貴。陽。府。知。府。色。卜。星。額。降。調。候。補。知。府。張。光。郅。俱。著。准。其。開。復。

惟。未。將。辦。理。情。由。先。行。通。詳。究。屬。疏。漏。仍。交。部。察。議。前。任。貴。州。巡。撫。現。任。江。西。布。政。使。蘇。明。阿。近。在。同。城。於。所。屬。知。府。大。員。案。件。並。未。詳。細。查。明。輒。據。鋪。民。供。詞。妄。行。參。劾。實。屬。任。性。錯。謬。蘇。明。阿。著。交。部。議。處。尋。議。上。得。旨。蘇。明。阿。著。降。二。級。調。用。○今。貴。州。古。州。鎮。總。兵。官。馮。聯。科。來。京。以。定。廣。協。副。將。李。龍。彪。為。古。州。鎮。總。兵。官。○修。雲。南。寧。臺。廠。運。銅。道。路。橋。梁。從。署。巡。撫。伊。里。布。請。也。○戊。子。諭。內。閣。晉。

昌等奏。海清阿所遺英額門領邊卡章京員缺。請將籤掣之員外郎業布克訥發往一摺。盛京各邊設立章京。特為辦理邊事。稽察出入人等。責任綦重。若將衰邁平庸人員發往。必至有誤公事。近年以來。每週各邊章京缺出。該將軍即由五部原派人員內籤掣。率行出具考語。奏請欽派。顯係徒有虛名而無實效。著該將軍會同盛京五部侍郎秉公由五部司員內。將年力富強堪令任事者。每部各

揀二員。開具名單。彙總咨行將軍衙門存記。俟各邊遇有章京缺出。會同該將軍等公同驗看。籤掣具奏。發往更換。著為令。○又諭琦善等奏。候補知縣延久不繳。復希冀署缺。挾制藩司。請革職審辦一摺。江蘇候補知縣丁堂。前在上元宿遷兩任內。有三次清查應交官欠四萬八千四百餘兩。初限僅完解銀一千兩。不及十分之一。經該藩司停其委署。補缺。乃輒以不應停委扣補。兩次開送。畧節。

肆行詆斥。希圖挾制。此風斷不可長。丁堂著革職。拏問。交琦善。陶澍。督同臬司慶善。將該員畧節內所指各條。逐一根究明確。按律定擬具奏。○署河東河道總督嚴烺奏。疏濬蘭儀曹考各廳受淤河底。報聞。○己丑。諭內閣。申啓賢奏。北倉存貯米糧變色。請查辦一摺。北倉囤貯滯漕。先後運過六十餘萬石。並無壞色之米。其未經起運之米十餘萬石。何以四處氣頭之下。多有黑色。是否有抵換情弊。

抑係從前所收米色。本未一律乾潔。或係座滲漏所致。著穆彰阿查明變色米實有若干。其北倉委員同倉大使及經紀人等。並著確實查訊。有無情弊。如僅係氣頭發熱蒸變。即照例著落經紀賠補。○又諭富俊奏。移駐京旗。請再添設總副屯達等語。雙城堡移駐京旗。前經富俊奏准。分左右翼。各設總副屯達二名。以資約束。茲據奏稱京旗陸續移駐二百七十戶。分撥中也兩翼四十屯居住。計



一總屯達經管二十屯道路紆遠勢難兼顧雖設有副屯達並無頂帶難資差遣著照所請准照吉林中左右三屯之例每一旗五屯再添總副屯達各六名總屯達著賞戴金頂每名月給工食銀一兩遇閏加增一月由淺餘項下動支其副屯達亦著賞戴虛金頂不必給予工食與總屯達一體稽查戶口呈報事件著即由京旗閒散內挑選充補○又諭富俊等奏移駐京旗閒散懇賞接濟銀兩一

摺雙城堡離吉林等處較遠收穫穀豆價賤未能獲利且甫經移駐產業未立生計不免拮据加恩著照所請由吉林稅銀項下動用銀三萬兩交吉林同知發交股實鋪商一分生息並前所借淺餘銀二萬兩每年共得息銀六千兩按照市價收錢每年十二月內每名賞錢十二千文以為添補農器衣服之用五年之後無庸再給嗣後陸續移駐各按年分裁減內有鰥寡孤獨實無依靠者著每名

每月給錢一千二百文統自道光六年為始按期給發至開墾雙城堡官兵隨缺地畝借用淺餘銀尚未歸補銀四千九百六十兩著俟接濟京旗年滿之後再行歸補該部知道○諭軍機大臣等琦善等奏勘明安東改河工程恐尚有滯礙請啟放王營舊減壩以期掣溜通漕一摺南河黃高於清以致河湖交敞運道不通前此張井建議由安東改河以為黃水即可掣低禦壩即可啟放現既覆勘

籌商多有滯礙不若開放王營舊減壩之較為得力著即照該督等所議辦理現屆大汛不遠未能剋期興辦自應視糧船回空之早遲定啟壩之時日彼時已屆秋深水勢既定且民間秋稼登場漫水下注之處當不致大傷田廬惟一切應辦事宜均須豫為籌議將來黃水一經奪溜必使清口以下即可掣溜清水暢出刷滌深通即趕緊堵合俾全黃仍歸故道漕運永復舊規該督等當加意慎重

勉之又勉。方為不負委任。所有開墾挑河堵  
合口門。並一切土埽工程。及撫卹事宜。共需  
銀三百數十萬兩。已飭該部豫為籌款。俟秋  
初該督等奏撥時。即可迅速撥解工次。以資  
應手。將此各諭令知之。○兩江總督琦善等  
奏。估辦堰圩大隄。需用土方銀一百七十七  
萬餘兩。請於就近藩關各庫。照數撥解。下部  
議行。○旌表守正捐軀陝西宜川縣民李小  
滿妻張氏。○庚寅。

上詣綺春園問

皇太后安。○以上年山東催趲漕船出力。予知  
府鮑步蟬等議敘。○辛卯。以故一等公舒明  
阿子裕誠襲爵。○壬辰。

上詣綺春園問

皇太后安。○御勤政殿聽政。○湖北巡撫楊懋  
恬奏。各幫軍船行月銀兩。請援案全數支給。  
以紓丁力。從之。○以前任浙江布政使繼昌  
為江西布政使。○癸巳。賞一等公裕誠散秩

大臣。在乾清門侍衛上行走。○甲午。遣官祭  
關帝廟。○諭內閣。朕恭閱

皇祖高宗純皇帝實錄。內載乾隆四十一年十  
月。奉

上諭。向來各省地方。有拏獲鄰省盜犯。尚令引  
見錄用。以示獎勵。若為知府直隸州者。能將  
審轉之案。虛公研鞫。立予平反。則所屬可無  
冤民。較之實心緝盜。尤有益於吏治。嗣後凡  
知府直隸州。有將關繫生死出入大案。審出  
實情。改擬得當。經上司覈定題達。部議准行  
者。交該部查明。奏請送部引見。著為令。等因  
欽此。仰見我

皇祖慎重民命。激勵官方至意。國家設官分職。  
大小相維。各州縣案件。由該管知府直隸州  
審轉。其直隸州案件。由該管巡道審轉。原因  
督撫藩臬。統轄全省。尚恐耳目難周。道府直  
隸州於屬員最為切近。分其職任。正以專其  
責成。所屬各員。是否廉明。案件有無屈抑。果

能隨時留心。秉公查察。斷不至受其愚蒙。況聖訓煌煌。垂為功令。有善必錄。亦何憚而不為乎。乃近年以來。從未有道府直隸州。於所屬之案。平反得情。經督撫題達。部臣查明奏聞者。總由積習既深。官官相護。平時因循疲玩。置民瘼於不問。遇有案件。又務博寬厚之名。扶同徇隱。以致各州縣中。多有昏慣不職。顛倒是非。甚或恣意貪婪。肆無忌憚。即如山西省閭思虎一案。幾至烈女含冤。特交刑部提

訊。始將淫兇之犯。明正典刑。又浙江徐倪氏一案。經年累月。未成信讞。經特簡撫臣臬司。並特派大臣會同覆勘。方能罪人斯得。此等重案。如果該管道府等。即時審出實情。據實稟揭。一經奏聞。朕必立加恩賞。乃一味輾轉回護。固結而不可解。迨至水落石出。承審官固罪無可逭。而該管上司。俱懼重譴。辱身敗名。悔之何及。嗣後各省道府直隸州。務當激發天良。破除積習。勿徇情面。勿避嫌怨。果能

於所屬之案。審出實情。改擬得當。罪關生死出入者。著該督撫據實題奏。該部查明。隨案奏請。送部引見。以示鼓勵。儻仍蹈徇庇故轍。致令冤獄難伸。一經發覺。定行加重治罪。朕賞罰一秉大公。不能曲為寬貸也。將此通諭知之。○又諭。陶澍奏。二次清查案內未豁各款銀兩。請分別追免一摺。江寧蘇州兩屬。應代賠墊完民欠銀二十二萬七千一百三十兩零。仍應於原墊各員名下著追。惟該員等

均有應補之款。若將此項同時追補。為數較多。著照所請。自此次奉旨之日起。數在一千兩以內者。限一年完繳。一千兩以上。至二千兩者。予限二年。二千兩以上者。統限三年。如限滿不完。先行摘去頂帶。仍勒限半年內清完。准其開復。儻有遲逾。即著革職。離任押追。候補人員。限滿不完。扣委扣補。亦勒限半年內清完。准其委署補缺。逾限無完。即革職押追。升調他省各員。應賠銀兩。以咨到各省之

日起。照限著追分別現任候補一體辦理。其告病病故降革勒休遣送回籍等員應賠銀兩亦著自該省准咨之日起限著追仍查明照常例覈辦。至蘇州藩司所屬二次清查案內補騰無著銀兩係該州縣為前任各員彌補之款若仍行追賠有名無實且恐不肖州縣輾轉那移舊欠未補新虧又增徒滋流弊所有此案補騰無著銀一十五萬五千四百八兩零著加恩准其豁免餘俱照所議辦理

又另片奏各案准銷原缺常平倉穀例動正項採買為數甚多自應寬以時日著飭藩司查明各州縣地方情形將應行買補穀數分定年限奏明辦理○予故阿巴哈納爾扎薩克多羅貝勒瑪哈巴拉祭一次○緩徵河南祥符陳留蘭儀汲新鄉輝獲嘉淇延津滑濬封邱考城修武武陟內黃臨漳湯陰陽武原武安陽河內濟源孟溫杞滎澤睢二十八州縣被旱村莊新舊額賦並漕項雜款銀貸臨

漳內黃延津滑濬原武陽武湯陰汲淇新鄉修武十二縣貧民籽種口糧有差○乙未上詣

大高殿行禮○還宮○諭內閣福申奏考試文童有以該童生親父胞兄作為認保廩生者請飭各省一體嚴禁向來各省童生應試例有認保派保廩生互相糾察原以防槍倩匪喪等弊若如該學政所奏江西省相沿舊習有以該童生親父胞兄作為認保廩生者縱有情弊豈能責令攻舉江西如此他省恐亦不免殊於立法之意未協著各省學政通飭該省各府州縣凡有前項情事者悉令於府州縣考試時嚴行禁止以清弊竇而肅科條○禮部尚書穆克登額因病解任以都察院左都御史松筠為禮部尚書兼管太常寺鴻臚寺事熱河都統那清安為都察院左都御史兼鑲白旗漢軍都統調正黃旗蒙古都統明山為熱河都統以正藍旗滿洲副都統博

啓圖為正黃旗蒙古都統○以浙江黃巖鎮所屬洋面劫犯無獲總兵官羅光昭下部嚴議革守備孫玉龍等職摘遊擊張君昌等項帶○修福建臺灣水師協標左右營戰船從總督孫爾準請也○戶部議准浙江巡撫程含章疏報仁和杜瀆玉泉黃巖雙穗五場開墾寬蕩墾田二十五頃二十九畝有奇照例徵課從之○以夏至祭

地於

方澤自是日始齋戒三日○丙申以惇親王綿悫為正白旗漢軍都統克勤郡王尚格署鑲白旗漢軍都統正藍旗漢軍都統普恭兼署鑲紅旗漢軍都統調正紅旗漢軍副都統昇寬為正藍旗滿洲副都統以頭等侍衛容安為正紅旗漢軍副都統○遣御前侍衛載銓帶領侍衛十員往奠故睿親王端恩茶酒賞銀二千兩治喪予祭葬諡曰勤○旌表守正捐軀河南淮寧縣民徐尚章妻靳氏○丁酉

吏部議准御史但明倫條奏京官銓選事宜內閣中書除捐班人員補缺後仍照六年截取其原吉士散館翰林大考及新進士以中書用人員補缺後改為五年截取單月知州遇京升無人將俸滿記名外用之內閣中書與十五項小京官科甲出身者按記名先後分班抵升從之○以江蘇漕糧盤壩妥速予道員羅琦等議敘餘加銜升補有差戊戌夏至祭

地於

方澤

上親詣行禮○幸圓明園○詣綺春園問

皇太后安○

皇后千秋節宮內行禮如儀停止筵宴及在外

公主福晉命婦行禮○調兩廣總督阮元為

雲貴總督湖廣總督李鴻賓為兩廣總督以

刑部尚書嵩孚為湖廣總督熱河都統明山

為刑部尚書兼正黃旗漢軍都統馬蘭鎮總

兵官慶惠為熱河都統調泰寧鎮總兵官寶興為馬蘭鎮總兵官以察哈爾副都統永明額為泰寧鎮總兵官調鑲白旗漢軍副都統樂善為察哈爾副都統以前鋒參領慶音通阿為鑲白旗漢軍副都統○贈故雲貴總督趙慎畛太子少保賜祭葬謚文恪予其子戶部候補主事敦詩服闋後遇缺即補○己亥諭內閣寶興現已調補馬蘭鎮總兵所有承辦

西陵各工著交永明額辦理慶惠所管萬年吉地工程著派寶興辦理○又諭那彥成奏籌辦被旱州縣撫卹事宜直隸開州等州縣上年秋禾被旱歉收今春雨澤愆期二麥失收早秋亦難布種前據該督具奏降旨停緩奏徵並恐夏災已成復飭該督體察輿情如有亟須接濟之處迅速籌議奏明辦理茲據查明被旱情形無地貧民謀生乏術有地之戶即得雨趕種晚禾亦皆缺乏籽種亟須分別

撫卹著加恩將開州元城大名南樂清豐廣平等六州縣有地無力之戶先行賞借籽種俾得趕種晚禾該州縣倉貯無多准其全用折色按每穀一石給銀六錢即在地糧項下酌撥銀兩於五月內確查散放仍俟來年麥收後察看收成徵還歸款至無業乏食貧民賞給一月折色口糧固不若設廠煮賑之普沾實惠惟此時天氣炎熱恐煮粥易致錫變著該地方官分設廠座即按每日到廠領粥

之大小名口覈計散給粥米俾得日資餬口該督即飭該管道府及委員等認真查辦仍時刻嚴查密訪勿許草率浮冒以期實惠及民其應用米石各屬倉糧既不敷用著照所請將盤壩南糧無論何幫挽運北來即於臨清地方就近截留稷稅米五萬石趕運大名以應急需至該督前經奏撥之北倉騰米著即停止無庸再行剝運○湖南巡撫康紹鏞奏各幫軍船行月銀米請照額全數支給以

紆丁力從之○緩徵直隸廣平平鄉廣宗鉅鹿故城五縣被旱歉收新舊額賦並舊借銀穀○給山東堂邑博平冠館陶聊城茌平清平莘齊河禹城長清平原十二縣被旱災民口糧有差並貸倉穀籽種緩徵東阿鄆平觀城陽穀四縣新舊額賦及漕項雜款銀平糶壽張東阿陽穀清平濮平陰六州縣倉穀暫免利津海豐二縣海口商販糧稅○庚子諭內閣鄧廷楨奏請迴避安徽祖籍等語鄧廷

楨祖籍安徽壽州遷居江蘇已有五代著毋庸迴避○宗人府奏請嗣後宗室覺羅婦女遇事應行控訴飭令抱告具呈禁止自行呈控從之○以鄭親王烏爾恭阿吏部尚書文孚為閱兵大臣○辛丑諭內閣御史張銘奏請飭各州縣買補倉穀一摺各直省州縣存貯常平倉穀原備荒歉之需遇有動缺自應隨時買補茲據該御史奏稱山東東昌府屬各州縣衛存穀有僅止三四千石並有不及

二千石者多不足額是歷年動支虧缺久未買補已可概見東省如此他省恐亦不免著通飭各直省督撫督同藩司糧道一體查明所屬現在存倉穀石缺額若干察看地方收成情形隨時設法買補以實倉儲而裕民食○又諭穆彰阿奏查明北倉存貯粟米變色數目及訊出收米時潮溼情形北倉存貯河南碾運粟米五萬石前據申啓賢奏多有變色當交穆彰阿確實查訊茲據查明黃色米

二萬七千五百石內有二十石米質尚好餘者色味已變受傷尚不甚重其紅色黑色者一律徵變計共壞米二萬二千五百石並究出該經紀等上年豫留四廩收貯此米彼時米已潮溼並不乾潔以致微變覽奏實堪痛恨此項粟米由豫省碾運北倉上年收兌時既有潮溼情形何以坐糧廳及該經紀等竟肯驗收彼時正值卸貯滯漕廩座不敷加用露囤何以豫留四廩以為收貯此米地步顯

有通同隱混情弊著倉場侍郎將驗收此米之坐糧廳監督查明參奏並將經手經紀人等按名查拏解交刑部嚴審究辦無少寬縱○修築浙江海寧州塘工從巡撫程含章請也○壬寅

上幸靜明園詣

龍神廟拈香○諭軍機大臣等昨據穆彰阿奏查明北倉存貯粟米變色數目及訊出收米時潮溼情形已明降諭旨將上年驗米之

坐糧廳查叅並將經手經紀人等拏交刑部嚴審矣此項粟米由豫省碾運倉穀動帑採買且係雇用民船裝載加倍水腳何以貯倉未久竟壞米二萬二千五百石之多並究出該經紀等上年豫留四歲收貯此米彼時米已潮溼並不乾潔以致霉變等情殊出情理之外著程祖洛即傳上年督運委員密加詢問是否碾運時米質本未乾潔抑係中途被水手攪和該委員失於查察此米既係潮溼

何以坐糧廳及該經紀等竟肯驗收有無索賂朦收及該委員知情彌縫情弊務令據實供出由驛覆奏該委員等及早自首尚可量予寬減若匿不供吐代為掩飾經刑部嚴審無難水落石出朕必將該委員等加倍治罪決不寬貸將此諭令知之○前任署刑部右侍郎韓蔚以病乞回籍允之○添設江蘇掘港營林家墩汛千總一員額外委二員馬步戰守兵五十名由狼山蘇松二鎮標及外

海各營裁撥從總督琦善請也○減免直隸河間南宮新河隆平寧晉五縣積水未涸地畝舊賦有差○癸卯廣西巡撫蘇成額奏糧價未能平減請緩買撥運東省穀石從之○命惇親王綿懌管正白旗族長事○甲辰孝恭仁皇后忌辰遣官祭

景陵

上詣綺春園問

皇太后安○以正紅旗蒙古副都統額勒錦署



正黃旗漢軍副都統饒鑲白旗蒙古副都統富祥署正白旗漢軍副都統○旌表暹嫁捐軀湖南龍山縣民彭添祿妻向氏○乙巳諭內閣嚴烺奏黃河兩岸子堰請選淤築做仍留隄頂積土備防險工豫東黃河淤墊日高隄身益形卑矮前經張井奏准將隄頂所存土牛一律攤築子堰以期有備無患茲據該署河督奏稱子堰實係要工惟土牛不如灘土之堅實省費亦屬無多且隄頂積土為搶險之用若以攤築子堰仍須取用灘土補還攤積亦難迅速遇有險工尤恐措手不及所有子堰工程自應於灘面選用淤土堅實加築仍留隄頂積土備防險工至舊隄堰頂較窄及臨黃壩臺現形卑矮並舊頂雖寬而土性沙鬆情形緊要之處均應分別幫寬加高酌築戲壩俾資修守現經覈實估計並將選淤艱難處所酌加津貼統計南北兩岸豫省十三廳共需土方銀八萬四千三百餘兩東省

曹河糧河及曹考廳之曹上汎共需土方銀一萬一千八百餘兩著准於豫東兩藩庫照數動撥該署河督因大汎期近已令各就道庫存款先行墊發著即飭催趕辦擇其緊要者勒限大汎前完竣俟撥到司庫銀兩扣收還款一面接手趕築統限六月內全完該署河督務當督率各道隨時查催認真經理總期有裨修防不可貽誤並著該署河督於防汎時挨段親驗如有遲延草率即行指名嚴參毋稍徇縱○以挑濬湖北漢水支河並建修閘座予在工出力同知李若嶂等升補議敘有差○以疏通湖北平塘舊河予在工出力縣丞蕭華瀚等議敘○濬山東加河廳屬各河渠從署河道總督嚴烺請也○修湖北漢陽營虎戰巡船從總督李鴻賓請也○丙午諭內閣侍衛騎射係伊等分內之事平日自應操練精熟而於引見之時弓箭等件尤宜敬謹豫備以期應手乃昨日領侍衛內大

臣將升等侍衛帶領引見其鑲黃旗藍翎侍衛瑞志正黃旗三等侍衛昌運俱於放箭時搬指落地此係弓箭生疏並未用心操練所致瑞志昌運著各罰俸三箇月以昭炯戒諭軍機大臣等寄諭兩江總督琦善江南河道總督張井副總河潘錫恩據給事中楊煊奏啓放王營減壩關繫重大援據嘉慶十一年開放減壩旋有上游之周汎三堡郭家房蘇家山三次漫口及十六年減壩漫缺旋有

上游之棉拐山李家樓兩處漫口各成案以為黃溜端急鹽河勢難容納且下游安東海州境內有葦灘山根攔截阻遏往往挂淤倒漾等語本年開放王營減壩原非為減洩盛漲起見既與嘉慶十六年漫缺情形不同亦與十一年開放成案各異前據該督等會同籌議摺內已將應培應加之園堰官路奏請分別培築自必中有把握不致蹈從前下壟上潰覆轍事關全河大局欲其陡落黃水迅

開禦壩下游少有漫淹原所不免且在秋收以後想亦不致成災惟該給事中既有此奏亦不可不加重意詳慎將來開放減壩必期去路通暢其上游隄岸各工及一切應培應加園堰亟須倍加保護慎重妥籌無使稍有疏虞是為至要該給事中摺著鈔給閱看將此諭令知之○又諭寄諭河南巡撫程祖洛前因嚴煥調任南河一籌莫展念其在東河任內尚無貽誤降為三品頂帶仍令署理河東

河道總督惟伊前在南河曾患嚴疾步履須人扶掖現在是否痊愈一切應行勘驗各工必須該河督親往周歷若仍步履維艱豈不坐滋延誤且該河督係工員出身恐未能破除情面事事認真昨據奏稱黃河兩岸子堰請於灘面另選淤土加築仍留隄頂積土備防險工並將舊隄堰頂較窄及臨黃壩臺卑矮處分別幫寬加高酌築戲壩並估需土方銀八萬四千三百餘兩業經降旨准行究於

防險有無裨益工程銀數有無浮冒該撫有兼轄河務之責均應逐一詳察覆奏究竟該河督能否勝任務當據實密陳勿稍徇隱將此諭令知之尋奏嚴浪骸疾已愈所請於灘面選土加築子堰實於防險有裨銀數亦無浮冒報聞○裁貴州朗岱廳屬苗弁從巡撫蒿溥請也○丁未諭內閣德英阿等奏審明毒死本夫之兇犯即將姦婦薩木畢勒正法姦夫蘊端擬斬監候一摺德英阿於審明後將犯婦立即正法辦理得當惟蘊端身係喇嘛與蒙古婦人通姦因薩木畢勒之夫車登多爾濟瞥見輒起意將車登多爾濟毒死淫惡已極邊疆地方若有罪大惡極者立即正法茲將蘊端定擬斬候儻因病身故轉得漏網德英阿接奉此旨即將蘊端按律處斬以示懲戒○刑部議覆山西巡撫福綿疏稱大同縣民婦劉侯氏因拒姦致傷伊翁劉元依律擬斬立決請旨定奪得旨侯氏猝被伊翁

強姦猝不脫身情急敲落伊翁舌尖與無故干犯尊長者迥別著免其治罪即行釋放○戊申諭內閣趙慎畛等奏查明鹽井參欠課款內有井工修費請更正勒限扣繳滇省黑鹽井因嘉慶二十五年井工橋梁被衝經該署提舉孫仲正估需工料銀一萬四千七百五十餘兩詳請動項借墊興修所借銀兩以淡浦加煎溢鹽銷徵歸補該前護撫玉輅抗道議准照辦飭發小票加煎已銷補銀三千六百兩嗣經該前道張敦仁以溢銷誤正停發小票致前借修費尚有未歸銀一萬一千一百五十餘兩現任鹽道林紹龍辦理道光三年分奏銷將此項未歸銀兩併入黑鹽井未完課款開參現據該督等查明奏請更正著准其將墊修井工未補銀一萬一千一百五十四兩零歸入井工項下查照歷辦成案勒限三年在竈戶賣鹽價內扣收歸款如限滿完不足數即著落原經手之井員並濫行

批准。及未經詳奏之各上司分賠。以歸覈實。前任鹽道張敦仁。停發小票。恐滋銷誤。正尚為慎重課款起見。惟不將借墊井費。籌補歸款。致以歷年課款抵欠。現任鹽道林紹龍。亦未詳請將此項籌補。輒照向例參欠。均屬不合。張敦仁。林紹龍。俱著交部議處。○直隸總督那彥成奏。大名府屬應給貧民粥米。請仍查賑散放。以免弊混。得旨。如所議行。○山東巡撫武隆阿奏。委運司王檢赴東昌督辦賑務。得旨。認真督飭查辦。務令災黎均沾實惠。○以直隸宣化。張家口。獨石口。永平。遵化。順德。廣平。大名等府州廳所屬。距省較遠。命嗣後遣軍流徒人犯。由口北道通永道大順廣道。就近審勘。從總督那彥成請也。○己酉諭軍機大臣等。慶祥奏。前飭塔什坦伯克之子莫爾台。就近誘擒助逆之賊目瑪達特。旋據瑪達特遣伊至威愛散。克勒底來城面稟。上年八月。該夷目實未助逆。只求訪查開釋。監

提赫爾巴什。確切究問。據供與官兵接仗之時。諸頭人皆見。實未見瑪達特在彼。與愛散克勒底所稟相符。已酌加慰諭。乘機激勸。責令擒賊立功等語。該夷目瑪達特既無從逆確據。因知派人擒捕。聞風遠徙。遣使輸誠。申辯。尚知畏法。自當乘機招致。令其縛賊自效。現在張格爾。及汰劣克等諸逆。究竟作何動靜。是否仍聚一處。抑各分投竄匿。自必探有確音。該參贊務當設法妥籌。殲渠散脅。勿致老師糜餉。用副委任。至所奏通事瑪勒汰未著實效。應撤去六品頂帶。量予拔補之處。著照所請辦理。將此諭令知之。○署陝甘總督楊遇春奏。請裁撤嘉峪關外按月會哨弁兵。以節糜費。從之。○定吉林將軍副都統年琿。每年按新舊輪替一員進京。從將軍富俊請也。○旌表守正捐軀安徽阜陽縣民徐德妻周氏。逼嫁捐軀浙江石門縣民沈高妻邱氏。○撫卹琉球國遭風難夷如例。○庚戌諭內

閣。前據申啓賢奏。北倉徽變粟米。請以經紀應得耗米賠補。當交戶部覈議。茲據查明經紀承運米石。係以洪斛計算。以平斛給耗。本年海運及北倉滯漕。該經紀等應扣耗米。並無一萬四千九百餘石之多。著倉場侍郎據實覈算。另行報部辦理。此項賠米。係用耗米抵補。所有自津運通。著照收買耗米章程。不得給予箇兒錢。飯米折色等項。致有浮冒。至黃色米二萬七千五百石。如將來估計成色不足。仍當按成分賠。著俟刑部定案後。分別勒限買補。此項米石。除米質尚好之二千石。准其運通。先行搭放。外。餘著穆彰阿會同倉場侍郎。即在天津估定成色。分別報部覈辦。無庸運通。以節糜費。○旌表守正被戕山東費縣民董平聘妻韓氏。○展緩伊犁惠遠城河工借支馬價生息銀。

大清宣宗效天符運立中體正至文聖武智勇仁慈儉勤孝敏成皇帝實錄卷之九十八

[illegible]

向來各該衙門報銷銀兩黃冊俱鈐用印信以防抽換本日據熱河總管中祥等將熱河園亭及八旗營房銷算工料銀兩黃冊呈覽並未鈐印殊與體制不符嗣後該總管等報銷工程銀兩黃冊俱著照例鈐用印信以昭慎重將此傳諭知之○旌表守正被戕廣東歸善縣民余有榮童養媳謝氏○壬子

皇太后安。○諭內閣張師誠奏。阜陽縣處決罪

犯先期會營多派兵役彈壓肅清地面毋任人多嘈雜並著各該營弁親視行刑毋得仍前玩忽將此通諭知之○旌表守正捐軀河南睢州民祝萬里妻宋氏○撫卹日本國遭風難夷如例○癸丑命庫倫辦事大臣松長來京賞察哈爾副都統樂善副都統銜為庫倫辦事大臣調正白旗蒙古副都統存華為察哈爾副都統以吏部右侍郎貴慶兼正白旗蒙古副都統○甲寅諭軍機大臣等據御

史廖敦行奏稱。滇省鹽務現因滷淡短課。是短課之由。總因鹽斤日少。而課必取盈。以致管鹽各官不克措解。前據新任督撫查明缺額各井。請按各井出鹽之多寡。酌定行鹽地面。即使鹽引暢銷。私販盡絕。何能使淡縮之井。多增鹽斤。以補短絀之課。且地面既分。其徵課行鹽等事。不屬之地方官。則責成不專。若屬之地方官。則是復官運官銷之漸。道光二年。因各井短課。廣覓子井。曾有他郎寧洱等處。採獲鹽礦。呈請認課開採。以恐礙石膏井銷路。封閉。現在各井既因滷淡短課。正宜廣覓子井。酌盈劑虛。未便永行封閉。請將所缺之額。攤歸猛野等處產鹽之區。募人開採。仍不分口岸。聽其各處行銷等語。滇省鹽務自嘉慶八年。改為民運民銷。課款不致短絀。而民亦稱便。本年據趙慎畛等查明。近年以來。各大井出滷淡縮。兼之黑鹽等井。屬次被水。致多缺額。請派員堵緝私販。就井稽滷。按

各井出鹽多寡。定地行銷。業經降旨令該督撫等確查籌議。茲該御史以為分地行銷。不若廣覓子井。為酌盈劑虛之計。於國課民生。兩有裨益。從前乾隆年間。寧洱縣屬地方。採獲石膏井。產鹽豐旺。課額日增。道光二年。又採獲猛野井等處鹽礦。何以遽恐有礙石膏井銷路。封閉著阮元等確查該御史所奏。近日產鹽豐旺地方。是否可以多覓子井。招募民人認課開採。以此井之有餘補彼井之不足。通融銷售。總期課款不絀。滇民稱便。方為妥善。該督撫即飭屬確查。悉心籌議具奏。該御史摺著鈔寄閱看。將此諭令知之。○旌表守正捐軀安徽六安州民戴淋幫妻張氏。山東郯城縣民婦陳倪氏媳徐氏。○乙卯諭內閣。昨據理藩院轉奏。教漢貝子諾爾布桑扎。嚕特貝勒幹珠爾扎布。懇請各借十六年俸銀。修理廟宇。暨伊等祖父墳塋等語。當經降旨。交戶部覈議具奏。茲據戶部查明奏稱。前

於乾隆年間蒙古王公等遇有遊牧處所被災或因修理伊等祖塋等事支借多年俸銀者必由理藩院覈減具奏從無一年之內續行借俸至五六起之多亦無一人借支十餘年俸銀者嘉慶年間遊牧處所蒙古王公等並無借俸之人彼時惟有在京當差之貝勒借支俸銀僅止兩起道光元年以來閒散蒙古王公等有借支俸銀十起亦有一起輒借十餘年之多者本年甫及數月借支俸銀者

又有六起等語向來給與蒙古王公等俸銀原為養贍身家乃不曉事體少年人等濫行藉口借取現成銀兩任意糜費迨至每年減半坐扣轉致困窮而於蒙古生計大無裨益不可不立定限制著即照戶部定議嗣後凡在御前乾清門行走蒙古王公內有借支俸銀者不得過五年之數貝勒貝子公等不得過十年之數其餘閒散蒙古王公等一概不准借支俸銀此次貝子諾爾布桑等借支俸

銀該堂官漫不稽察率行轉奏殊屬非是托津色克精額那丹珠俱著交部察議承辦司員等著交部議處○又諭楊遇春等奏籌議西寧口外防河巡哨經費章程一摺西寧口外地方遼闊路徑紛歧前因野番甫經回巢尚須稽察防範每年六七八九等月酌派防所官兵三四十員名在青海東南一帶小遊巡數次夏冬二季於新設察罕托洛亥駐防兵內挑派三百餘員名在青海南北一帶大

遊巡二次嗣將夏季遊巡裁撤其冬季仍復派巡巡畢之後把守冰橋渡口仍於西寧河州兩鎮派撥官兵四百餘員名分布河干防守俟冰橋融化撤回又每年四七十月派令循化貴德二廳營出口前往河南番地編查保甲門牌會哨稽巡所有一切官兵口食駄腳等項將原設會哨經費銀五千兩留存支銷茲據該署督奏明應年支銷每形短絀河南各族野番近來頗知斂跡河北地方亦就



肅清。籌議裁減章程。著照所請。將冬季大遊巡一次。即行停止。小遊巡照舊按月派防外。其餘八箇月。仍令防所弁兵。每月遊巡一次。前定馱載銀兩。無庸刪減。至冬令防河官兵。西寧河州二鎮。著少派兵二百名。即在防所兵內。多派二百名。以符定數。循化貴德二廳。出口稽巡。前定每年各給銀五百兩。著減為四百兩。統自道光六年為始。按照現定章程。每年以五千兩為率。不准逾額。以示限制。其

節年不敷之項。除籌捐外。惟道光三年分。動支李世修貨物變價報部充公銀三百四十兩。著准其開銷。該部知道。○諭軍機大臣等。孫爾準奏。臺灣匪徒。分類焚搶。檄調鎮將帶兵圍捕一摺。臺灣嘉義彰化地方。有匪徒糾眾焚搶。據奏係賊匪李通。與粵民黃文潤。挾嫌糾鬪起釁。何以數日之間。即蔓延兩邑地方。糾夥甚眾。竟敢抗拒官兵。是否即係李通黃文潤為首。抑另有著名首惡。乘機煽

聚。以致附和之眾。日益增多。必當就地殲除。迅速撲滅。庶不致滋蔓難圖。昨據許松年奏報。已馳往查辦。該督現飭該鎮道出示曉諭。散其黨羽。並檄調副將邵永福等。帶兵在艋舺堵禦。防其北竄。並調總兵陳化成。帶兵會同許松年。蔡萬齡。三面兜擒。所辦悉合機宜。該督務即檄飭在事各員。一面迅速勦捕。一面訪察為首匪徒。嚴拏究辦。勿得稍留遺孽。該督前此奏請。俟韓克均到任後。來京陛見。

現在臺灣有匪徒滋事之案。著暫緩起程。俟此案查辦完竣。再行前來可也。將此由四百里諭令知之。○以辦理福建噶瑪蘭地方善後事宜出力。予署通判呂志恆等。升補有差。○旌表守正捐軀山東福山縣民劉自順妻徐氏。○貸直隸大名鎮標左右城守。開州協東明。長垣。杜勝。七營被旱兵丁餉銀有差。○丙辰。河南巡撫程祖洛奏。河北地方被旱。歉收。請將應修各工興辦。以代賑卹。從之。○給

河南臨漳內黃滑濬延津原武陽武七縣被旱災民一月口糧○丁巳先是盛京將軍晉昌等奏請將奉天府屬岫巖理事通判改為海防同知下部議至是議上若改同知銜缺大小不符請定為岫巖鳳凰城海防通判銜繁疲難要缺從之○戊午

上詣綺春園問

皇太后安○以倡捐社穀陝西漢陰廳通判趙廷俊等下部議敘○免山東省軍需攤廉未

扣銀九十五萬一千七百兩有奇○庚申諭內閣戶部奏非倉徵變粟米據穆彰阿等咨稱除運通米二千石及不堪食用米二萬二千五百石現經拉運出倉外其黃色粟米穀實估計米色不足七成難資搭放著毋庸轉運京倉即同前項壞米著落應賠之人一律勒限賠補此項米石若交該經紀等領出變價恐復啓擾和情弊著穆彰阿百春即飭天津縣速運出倉按照米色酌中定價報部查

奏無許該經紀等影射收買朦混入倉並著穆彰阿百春轉飭天津道府選派幹役嚴密查訪如查有情弊即著嚴拏懲辦至將來賠米入倉時著該倉場侍郎督飭坐糧廳大通橋監督及倉監督認真驗收所有從前三次入倉粟米儘有徵變並查照米數一併勒限買補以重倉儲○又諭上年豫省碾運京倉粟米經申啟賢在北倉督同坐糧廳安志驗收據奏米色均係乾潔本年復以米質徵變

係安志朦混驗收入奏當交穆彰阿等覈實估計茲據查明米色俱不足七成申啟賢身任倉場侍郎收米是其專責乃於此等受溼米石並未查出所司何事申啟賢著先行開缺來京聽候部議並著將去歲何以具奏米色乾潔今年因何徵變許多之處明白回奏○又諭前據慶祥奏將助逆首犯奇比勒迪設伏槍斃其子胡達巴爾底及其胞姪伊斯瑪依爾竄至皮產地石潛至奇里克愛曼一

帶逆竄窺伺。經慶祥派委佐領景興等將二逆擒獲。訊係上年誘陷官兵。首先接仗。手戕兵同多名。迨逆首既正刑誅。復敢意存窺探。實屬罪大惡極。該叅贊於審明後。即將該二逆正法。所辦甚合機宜。所有閒散布魯特比。伊斯拉木伯克。效順擒渠。實屬奮勉。著加恩賞給六品頂帶藍翎。並賞銀一百兩。大纓二匹。佐領景興。派令差探節次認真該員。曾經擬陪協領。著加恩遇有伊犁協領缺出。儘先升補。先換頂帶七品伯克帕塔爾。協同擒逆。著加恩遇有伊犁六品伯克缺出。儘先升補。先換頂帶。其一體出力之二等護衛阿布都拉喜特。著加恩賞給頭等護衛。金頂回子莫洛愛比普。著加恩賞給六品頂帶。遇有喀什噶爾七品伯克缺出。酌量補用。前經降旨。令慶祥查明張格爾及汰劣克等。諸逆下落。茲據該叅贊奏。張格爾同汰劣克一處居住。現在疊次擒斬各逆。托古斯托羅所聚各逆。逃

散漸多。張格爾等自更聞風膽落。該叅贊當趁此時。益加懲勉。乘機設法。俾渠魁悉數殲除。以壯國威。而靖邊圉。○內務府奏。定逃走太監治罪例。初次逃走投回。責六十。送進當差。減食五錢。賞銀一年。被獲。及二次逃走。俱係投回。均責六十。發吳甸釧草一年。二次逃走。內有一次投回。責八十。發吳甸釧草一年。半。俱係被獲。責一百。發吳甸釧草二年。三四五次逃走。無論投回被獲。均責一百。三次發吳甸釧草三年。四次四年。五次五年。釧草未滿年限逃走。及五年期滿。交進後復行逃走。無論投回被獲。俱永遠枷號。從之。○以秦寧鎮總兵官永明額。為恭守。昌陵領侍衛內大臣。○以都察院左副都御史韓鼎晉。為倉場侍郎。○以兵部右侍郎武忠額。兼正白旗漢軍副都統。○濬山東汶泗兩河。並添築衛河草閘草壩。從署河道總督嚴娘請也。○辛酉。吏部議准。河南巡撫程祖洛

奏改內黃縣為繁難要缺。蘭儀縣為衝繁中缺。從之。○都察院奏請將五城當商生息銀酌增正副件作飯食。以速召募。從之。○新授倉場侍郎韓鼎晉因病乞假。允之。以署禮部右侍郎湯金創署倉場侍郎。○壬戌諭軍機大臣等。據蔡萬齡等奏。匪徒播散謠言。乘機焚搶。顯有附和奸民。從中播弄。調兵分路堵禦。設法勸撫等語。臺灣人情浮動。素分氣類。該地方官若能豫加防範。好為化導。遇有雀角及盜劫之案。立為判斷。允協緝匪懲辦。居民自皆畏服。匪徒悉當斂戢。何至動有乘機煽惑之事。即如此案。因粵民黃文潤家被匪搶掠。經鄰莊圍捕。格殺盜匪二人。該匪等竟敢顯糾夥黨。聲言報復。地方文武員弁。若果平日緝捕勤能。該盜匪等焉敢肆行無忌。即當其糾結賊黨之時。及早覺察。督率兵役。立即掩捕。該處附近居民。自亦不致紛紛遷避。乃既疏防於平昔。復又失察於臨時。蔡萬齡

孔昭虔所司何事。現經該鎮等調兵分布堵剿。許松年亦已馳赴會同殲捕。該督即飛移許松年督飭蔡萬齡等。務當就地一鼓殲擒。勿致蔓延滋害。並將起釁實情。及為首糾結匪徒。嚴切根究。迅速捕獲。審明懲辦。一面解散脅從。安撫善良。是為至要。其所請兵勇口糧賞需。准其於臺灣府庫貯息銀內動支。事竣覈實報銷。將此由四百里諭知孫爾準。並諭許松年知之。○以彈壓重運軍船出力。江蘇桃源縣知縣周燾等。下部議敘。○癸亥諭軍機大臣等。前因俄羅斯在哈喇塔拉地方蓋房一事。檄諭該國薩納特衙門查詢。茲據咨覆理藩院文稱。哈薩克人數眾多。應歸何國統屬。從前定立條約。並未議及。因哈薩克前往貿易。屢次向其求兵資助。曾諭伊駐邊大臣酌量辦理。上年派兵赴該處。事畢旋即撤回。有無在哈薩克界內建蓋房間。並未呈明。即或兵丁等建蓋土房數間。自係為暫避

風雨起見此時諒必坍塌現已札知駐邊大臣令其詳察停止等語此事前據哈薩克公阿布拉向查邊領隊大臣烏凌阿面稟係俄囉斯因哈薩克本其舊屬來收租賦擇哈喇塔拉水草好處築城種地就近收管今俄囉斯覆稱乃哈薩克與人爭鬪向其求兵資助現在俄囉斯既未再來築房又據回文若此其為哈薩克借端妄稟亦可概見著長齡於秋間派員收取哈薩克馬稅之便即向哈薩克公阿布拉將俄囉斯咨查建房原委詳細告諭如所蓋土房尚未坍塌飭令即時拆毀並剴切曉示以哈薩克自臣服我朝以來向祇准在愛古斯河以外遊牧嗣蒙恩賞借卡倫外十餘里之地令其住牧仍在我鄂博以內該部落自當慎守藩籬靜守生計前此阿布拉所稟之言業經查詢並無其事可見天朝與俄囉斯文檄往來不難查對明確嗣後斷不准以懸揣之詞妄稟徒勞文檄

查詢該將軍於秋間派領隊大臣前往時將此意詳細告知令其到彼明白宣示以期中外相安不得稍滋事端是為至要所有照錄俄囉斯原文及譯出清字文底俱著發給閱看將此由四百里諭令知之○旌表守正捐軀江蘇青浦縣民姚世峯妻鍾氏○甲子諭內閣琦善奏參延誤賠修石工之候補通判並發銀墊辦追繳歸款所奏是南河候補通判戴果前因承辦堰圩石工被風暴掣卸經琦善等參奏勒限賠修乃該員借辭推緩至今未報開工殊屬怠玩戴果著即革職示懲現在大汛屆臨著該督等即發銀另行委員辦理所有墊修之款嚴押該員勒限追繳又已故之山盱通判黃樹椿有六堡內掣却新海漫石工一丈八堡內新工六丈丁艱回籍之兩堆運判施勳承辦智壩石工倒却新舊工五段內新工三十八丈均應著落該員等賠修該督等亦已發銀趕辦所有墊款即著

分咨各原籍。於該員施勲。故員黃樹椿家屬名下追賠。解工歸款。該部知道。○諭軍機大臣等。張井等奏。河湖長水較驟。現在嚴守黃河隄埝。籌減洪湖漲水情形。並請將高堰石工內底椿不堅。及石縫隙裂較甚處所。一律加鑲。圍越埝壩抵護外。分別拋填碎石等語。朕聞該河督等所奏情形。總不過因高堰新舊石工。均不足恃。而適當盛漲屆臨。前估擇要加培大隄工程。不能趕辦。為一時救急之

策。現既汎水日增。該督等自當相機辦理。朕亦不為遙制。所有石工內應行分別拋填碎石。及裏河運清平三汛。應分別估鑲埝工之處。均著照所請行。該督等務當加意防守。設法保護。無使河湖各工。稍有意外之虞。是為至要。至下河應行挑濬各工。此時已屆大汛。亦難趕辦。著琦善等於霜降後。飭估興挑。以期有備無患。又據另片奏稱。現在石工處分各員。有二十餘員之多。與題補多不合例。將

來恐有要缺久懸之慮。請援照嘉慶十六年成案。酌量揀補等語。河工事務緊要。原與地方稍有區別。熟習工程之員。既以曾罹處分。格於成例。而合例人員。又恐不諳工程。致滋貽誤。然於酌量變通之中。亦不可稍有冒濫。將來遇有缺出。總須先儘合例人員揀選。題補。如實在工程緊要。人地相需。方准於曾罹處分各員內。切實聲明。奏請補用。其石工革職留任處分。帶於新任三年。無過。照例題咨

開復。將此諭令知之。○以故貴州平定長官司吳泰。疑子豫瑛襲職。○濬熱河旱河。並添修荆條單壩。從前任都統那清安等請也。○乙丑。諭內閣。觀喜等奏。荊州大隄被水衝決。現飭地方官趕緊堵築一摺。荊州萬城迤西上道。迤湖隄身。被水衝決二處。山水與江水接連。勢如建瓴。直向隄內灌注。居民田廬被淹。現經該地方官設法搶堵。並捐辦饘餅。散給災民。惟水勢未定。計嵩亭此時尚未到任。

著李鴻賓楊懋恬即派藩司徐承恩前往查看山水來自何處。現在水勢若何。並將隄身衝決民田被淹情形詳加履勘。有無傷斃人口之處。一面督飭地方官趕堵決口。一面將被水災民妥為撫卹。此外如有漫淹處所。一併查明辦理。無俾失所。至觀喜等因地方陡被水災。淹及郡城。原應由驛馳奏。但不得擅發五百里急遞。致駭聽聞。觀喜七克唐阿成順俱著傳旨申飭。○丙寅

上詣綺春園問

皇太后安。○諭內閣那彥成奏勘明

東陵風水重地。請添設紅椿。以明禁限一摺。前據慶惠奏。韋子峪門外。南自雁飛嶺起。北至低頭安止。請一律添設紅椿。當降旨令該督派員履勘。茲據查明該處樹株稠密。幾與民樹相連。自應明定界限。以昭慎重。著照所請。自雁飛嶺至低頭安十八里。在舊有火道之旁。添設紅椿五十四根。所需椿木。即由石門

工部備辦。其紅椿火道以外。附近居民田園廬舍。相安已久。毋庸再添白椿青椿。以符定制。○展黉長蘆鹽商未完新舊正餘引課。並拔繳水利本息銀。○丁卯諭內閣據宗人府奏。宗室遇有揀選缺出。及因案傳訊。近多託病不到。不可不嚴行整飭。嗣後宗室覺羅遇有族長學長及

太廟獻爵各項缺出。應選之人如有事故。限五日内呈報。逾限不到。又不呈明事由。著將該

宗室扣罰餉銀。仍將該族長嚴叅重處。至因案傳訊。擅不到案。定案後。除伊案內應得罪名外。分別罰餉加責。並將族長學長分別輕重。記過題叅。其實係患病。由族長學長結報。即派司員查驗。具結存案。病痊赴審。稍有不實。唯查驗之員是問。著宗人府即將此旨通諭各族長學長一體欽遵。仍纂入則例。永遠遵行。○又諭御史安誠奏。請添派查倉御史一摺。向來京通各倉。分派科道稽察。以專責

成萬安倉雖分列東西相距僅三四里該御史輒請添派稽察一員殊屬不曉事體國家設官各有攸司豈容人浮於事該倉相沿已久從未聞有顧此失彼之虞總之任事之能否視乎其人之勤惰不在多派員缺徒滋冗濫該御史所奏著不准行○又諭御史薩斌等奏查獲多年廢印請飭銷燬一摺各省繳回舊印向由禮部陸續彙送戶部照例銷燬以充鼓鑄茲據該御史等奏稱在朝陽門外

王大雜貨擔上起獲銅印一顆查係管理豐蕭碭河營守備舊印該員缺業經改設頒發新印將廢印繳回自應即時查銷從前戶部錢局大使觀謙失察家人私行攜回以致輾轉售賣業已身故無庸追究所有起獲舊印著即送交戶部錢法堂飭實泉局照例銷燬嗣後遇有各省繳回舊印務須隨到隨銷不得存留局內漫無稽查致滋弊端○又諭新授浙江按察使周之琦祖籍浙江遷居河南

已有三代將屆百年著毋庸迴避○又諭程祖洛奏傳詢運米委員並無原交潮溼情形上年豫省運通粟米貯倉未久微變過多據該撫傳詢委員楊兆李等供稱碾運米石實係一律乾潔迨交兌北倉歷經倉場坐糧廳逐船查驗卸貯委無需索朦收情事此係該委員等一面之詞必得歸案質訊明確陝州知州楊兆李並協運典史李燾著該撫迅速派員押送來京聽候刑部質訊○諭軍機大

臣等據張井等奏籌防黃河隄岸並分減湖漲情形現在甫交初伏順黃壩長水三大九尺一寸比較上年盛漲大一尺七寸比較道光二年盛漲最大年分大一尺一寸均經先期籌備足資抵禦惟洪澤湖水現長至一丈七尺四寸已放三河兩壩水勢仍有長無消擬啟放蔣家壩以南之攔湖壩並行知揚河廳營啟放車南中新四壩揚糧廳營除昭關壩不放外其餘歸江各壩全行啟放等語張



井等因河湖同時驟漲。援照嘉慶二十四年成案。啟放攔湖壩。並啟揚河揚糧各壩。意在騰空河面。豫備漲水下注。為此不得已之舉。此時琦善計已馳赴清江防汛。務須會同張井。潘錫恩。和衷籌辦。竭力圍維。諄飭各廳營等。加意巡防。嚴守隄岸。勿令稍有疏失。其黃河水勢盛長。防守尤關緊要。即嚴飭防汛員弁。督率兵夫。無分雨夜。相機搶護。不得稍懈。至揚糧廳屬甘泉汛。東西兩岸。輒石工段內。除保固限內新工十五丈七尺。照例飭令賠修外。應修舊工一百三十二丈七尺。著飭趕緊估修。以資保障。此次經該河督等將湖漲分減。自當水勢日消。化險為平。即著該督等由驛奏聞。以慰廑注。將此由四百里各諭令知之。○又諭。據孫爾準奏。交卸撫篆。馳赴廈門。督辦臺灣械闖一案。並陳現在辦理臺匪各情形。覽奏俱悉。臺灣地曠路歧。人情浮動。現據義首王雲鼎。頭圍縣丞丁嘉植。拏獲烏

面章。即陳新喜。係首倡謠言。勾結番民。派敵。斂錢。及攻莊。督陣。主謀要犯。該犯業已就擒。匪徒聞風奔竄。惟嘉彰二邑。地方遼闊。分散藏匿。難保不兵過復來。自應隨處搜捕。以淨餘孽。臺灣額兵不敷調遣。該督前已調總兵陳化成等帶兵防堵。茲又調省標興化延平等處兵丁。交候補副將崇福等管帶渡臺。足敷應用。提督許松年久歷行間。素稱能事。該提督現由嘉義馳抵彰化一帶。得此兵力。自可剋日蕲事。孫爾準著即在廈門駐劄。調度策應。不必親往臺灣。即移知許松年督飭該鎮等。出示曉諭。開陳利害。散其黨羽。俾義勇志盡成城。良民不為煽惑。此為至要。至被焚各莊。無家可歸。尤可憐憫。著飛飭該道府。即於府庫緝匪項下。動撥息銀。遴員妥為撫卹。老弱計口授糧。壯健收為義勇。該民等志切同仇。自必勇氣百倍。儻或臺灣辦理未協。致有拖延。孫爾準必須渡臺督辦。亦著先行奏

聞候旨遵行將此由四百里諭知孫爾準並諭許松年知之○以海運默邀

神佑命江蘇巡撫陶澍遣員虔詣

天后廟

風神廟

海神廟祀謝尋加封

天后安瀾利運四字神號頒

風神廟

御書扁額曰宣仁利涉

海神廟

御書扁額曰恬波濟運○考試已酉科拔貢以

都察院左都御史姚文田吏部左侍郎王引

之○兵部右侍郎武忠額內閣學士朱方增大

理寺卿楊懌曾為閱卷官○以海運抵津辦

理妥順予兩江總督琦善議敘賞江蘇巡撫

陶澍花翎文武員弁升敘有差○旌表守正

被戕河南林縣民元泳女潤姐○戊辰諭軍

機大臣等京師自六月初七日起雨勢未已

永定河為眾流匯注現當大雨時行並聞桑

乾河長水五尺有餘恐致盛漲民田廬舍所

關匪細必須加意保護著那彥成嚴飭永定

河道督率廳汛各員常川駐工晝夜巡防毋

稍疏虞再大名府屬被旱前經該督籌辦撫

卹現在得雨霑足是否一律普種大秋地方

情形若何並著查明據實奏聞以慰廑注將

此諭令知之○喀什噶爾參贊大臣慶祥奏

差探逆夷張格爾汰劣克拜已哈什阿坦台

現俱在呼爾特哈地方脅糾各部幫助築城

報聞○以新授署兩淮鹽政林則徐在籍患

病賞福建按察使張青選三品卿銜為兩淮

鹽政以廣東鹽運使翟錦觀為福建按察使

○已已諭軍機大臣等許松年奏查辦臺灣

匪徒械鬪一案及堵緝獲犯各情形所奏甚

為明晰臺灣漳泉粵三籍民人曠悍尚氣該

匪等焚搶彰嘉兩縣均係隨地糾邀各有首

夥並非合而為一亟宜撫良捕匪以靖地方

母任滋蔓。現在該道孔昭虔駐臺灣。該鎮蔡萬齡駐艋舺。提督許松年即駐大甲地方調度。北可應接竹塹。南可控制彰嘉。惟三屬道里縣長。路徑紛雜。處處均應設兵堵緝。以鎮人心。該提督因官兵不敷差遣。飛調內地健旅三千名。節據孫爾準奏到。已調金門鎮總兵陳化成。帶兵五百名。署閩安協副將邵永福。升補澎湖遊擊謝建雍。帶兵三百名。渡臺防堵。續調省標兵三百名。延平協標兵二百名。興化協標兵五百名。交候補副將崇福。興化協副將佟樞等。渡臺堵捕。尚不敷兵一千二百名。孫爾準接到許松年札致。想已調派令其東渡矣。許松年久歷行間。明白能事。此次臺灣匪徒滋事。即責成該提督迅速辦理。先行出示曉諭。散其黨羽。總使人心平服。自易安撫。至搭捕各犯。務期趕緊殲。勿留餘孽。兵貴神速。與其觀望遷延。老師糜餉。孰若厚集兵力。一鼓殲擒。既可綏靖地方。兼可節

省糜費。孫爾準現在廈門。策應調度。所有臺灣應用軍火糧餉賞項。總須源源接濟。隨到隨發。俾得應手趕辦。並於閩浙二省中。平日稔知得力鎮將。即飛檄調赴。交許松年調遣。至該匪等膽敢播造謠言。乘機焚搶。自係該處地方官平日因循疲玩。聽斷不公。緝捕不力。以致養癰貽患。孫爾準自必有所聞見。著即據實具奏。毋稍袒護。許松年現在臺灣。聞見尤切。著該提督明查暗訪。據實奏聞。無許瞻徇情面。儻有不實不盡。經朕別有訪聞。惟許松年是問。懷之慎之。將此由四百里各諭令知之。○旌表守正捐軀河南葉縣民張海妻孫氏。○庚午。諭內閣。貴州委員陳錫藩。管解甲申年鉛斤。除辦解正項。及額帶白鉛三千斤。黑鉛五百斤外。又於例外多帶白鉛六千斤。黑鉛一千斤。沿途並未具報。到部始行呈明。當經工部飭令該委員將額帶黑鉛五百斤。照例自行售賣。白鉛三千斤。照案官為

收買其餘例外多帶白鉛六十斤黑鉛一千斤飭令運部貯庫乃不候彈兌徑向戶部告假回黔迨經寶源局驗明所帶盡係白鉛並無黑鉛既與所報不同及行文飭查又與前稟互異著照工部所議除將此項鉛斤先行入官交寶源局領取充公備用入於下年冊報覈銷外並著貴州巡撫將該運員陳錫藩前後稟報不符各情按照部駁逐款確查辦理據實覈奏嗣後當飭運鉛各員毋得於例外任意多帶以符定制○修山東韓莊閘上攔河大壩並補修汶河挑水壩從署河道總督嚴娘請也○辛未

上幸靜明園詰

龍神廟拈香○諭內閣據奕紹等續查出正紅旗滿洲抱養民人之子為嗣開單具奏內侍衛五十八本應按例懲治念其於嘉慶十八年掇殺賊匪亦有微勞且係自行呈出准其援照翼長雅爾哈成案改入正紅旗漢軍

仍留頭等善撲兼二等侍衛之任閒散雙福保係鑲黃旗漢軍旗人之子著撤入本旗冊檔○以服闋都察院左副都御史李宗瀚為都察院左副都御史○壬申湖廣總督李鴻賓等奏荊州府城上游隄勝決口動撥庫款撫卹江陵當陽二縣被水災民得旨所辦俱是如有應行續奏之處即行奏來○修浙江西塘柴埭盤頭各工從巡撫程含章請也○修福建前廊等三十三汛塘房礮臺從總督

孫爾準請也○癸酉

上詣綺春園問

皇太后安○遣官祭

火神廟○諭內閣御史李逢辰奏各省京控蠹吏重徵苛斂等案請飭下各督撫親提嚴究據稱自上年五月至本年四月一年之內除案情重大奏交各省審辦外其咨交各案內控涉吏胥舞弊侵吞科斂者有五十三件之多各省間有而江蘇為尤甚往往黏呈印

串確有憑據。更有如江蘇新陽縣監生朱心灼所呈。帶徵印串內。另有鈐戳。註明糧戶。儻有溢完未數。許持串覓戶。抵完字樣。又有吳江縣武生費長春。控稱縣書上年收漕。較往年加多等情。現查五十三案中。已據咨結者十八件。內將原告坐誣。書役免議。及將書役一併斥革者。祇有五件。其餘大半以懷疑誤控。事出有因。吏胥亦訊無弊竇。均免置議。或從輕完結等語。各省徵收錢糧。皆小民惟正之供。如有刁劣衿民。把持抗納。或敢挾制官長。播弄鄉愚。原不應姑息養奸。致長刁風。若地方官吏。有重徵苛斂。擾累閭閻之事。即當嚴行懲辦。儻地方官平時任聽吏胥多方勒索。架辭聲稟。迨糧戶上控。率多委曲彌縫。調停徇庇。以致健訟之徒。有所藉口。訟獄日滋。為督撫者所司何事。著通諭各督撫。凡特交咨交案件。務須一秉大公。確切究辦。如係刁衿惡棍。藉端妄告。即從嚴究坐。以懲刁誣。儻

所控屬實。亦當將奸胥墨吏。嚴行懲治。斷不可存將就完案之見。益致無所畏忌。其江蘇新陽縣監生朱心灼。吳江縣武生費長春。二案。是否有濫混侵徵。及額外加增情弊。並著琦善、陶澍查訊明確。據實具奏。諭軍機大臣等。據御史李達辰奏稱。江蘇安東縣已革河兵徐開德。遭抱告徐開善。控詞內有問官設立燕窩。衙門蝎子。倒爬牆等名目。此種非刑殘酷。已極。致小民負屈求伸。赴京控訴。該原告勒誣坐擬。屢遭抱告。來京申訴。外省積習。承問各員。彼此關照。不論是非曲直。必將原告百般焚毒。逼勒認誣。庶民間聞風害怕。可以棄惡懲斷等語。地方官審辦案件。所用刑具。頒有一定程式。何得擅造非刑。肆意殘酷。即使鞫訊盜犯。亦應按照定制。嚴行懲辦。豈可恣為暴虐。濫行戕害。至京控案件。發交該督撫審訊者。如果所控屬實。即當立予平反。若如該御史所奏。問官私設非刑。便其鍛

鍊實難保無畏刑誣服之事。及京控後發交原省者。必將原告懲治。使負曲小民藉口結舌。此等酷劣之員。必當嚴叅懲辦。著琦善確切查明。是否屬實。並此外有無違例私設者。據實覆奏。將此諭令知之。○甲戌。諭內閣。伊里布奏。請將推升知府之直隸州留滇辦理鹽務一摺。前任雲南鎮沅直隸州知州楊晉春。現升浙江台州府知府。該署撫因籌辦鹽務需員。奏請留滇補用。現當整頓鹽務之時。

該員又係前任督撫特保人員。著准其開缺。留於滇省差委。俟有相當知府缺出。酌量奏補。嗣後不得援以為例。○乙亥。諭內閣。江蘇淮陽道管理運道河湖。為南河最要之缺。現當河務喫緊之時。需人尤亟。乃懸缺三月之久。始據該督等將揀發道府慶玉。福昇。阿二員開單請簡。又稱該二員到江未久。於河務並未熟諳。是明知其不能勝任。何以奏請簡放。並據該督等奏委新授松太道尹世衡署

理。尹世衡初膺外任。更於要缺河道不宜。朕恩降調河北道鄒錫淳。曾任河道。上年高堰石工。又係該員督辦。曾經該督奏准賞加知府銜。留工差遣。雖籍隸本省。鎮江並非淮揚道所轄。所有淮揚道一缺。即著鄒錫淳補授。該員現在委赴天津。交兌海運米石。此時將次完竣。且有慶玉等在彼經理。著鄒錫淳接奉諭旨。迅速赴任。以專責成。○諭軍機大臣等。慶祥奏。審辦著名逆首。所辦甚好。逆首邁

瑪呼里。上年率眾助逆。並先於嘉慶二十五年戕兵滋事。罪大惡極。經慶祥設計誘擒。盡法懲治。斬決梟示。實足彰國憲而快人心。其子額喇哈滿。訊明兩次均未助逆。姑貸其一死。著發往伊犁。給察哈爾額魯特兵丁為奴。遇赦不赦。邁瑪薩依特誘擒逆首。認真出力。著加恩頒賞白玉翎管一箇。白玉搬指一箇。大荷包一對。小荷包四箇。並於該處庫存鞍匹內。賞給大緞二匹。以示嘉獎。玉努斯著加

恩賞戴花翎。遇有附近各城相當伯克缺出。酌量補用。仍留喀什噶爾差委。伊什罕伯克博巴克一體出力。著加恩賞換二品頂帶。仍留伊什罕伯克之任。尚伯克克奇克安慎勤能著加恩賞加三品頂帶。仍留本任。金頂回子塔他里克阿布都拉。伊木胡圖魯克均著勤勞。著加恩賞給六品頂帶。藍翎遇有七品伯克缺出。儘先挨次補用。餘俱著照所奏辦理。前據慶祥奏。張格爾等因托古斯托羅人多糧缺。欲種地以資盜糧。旋因搶斬各逆。逃散漸多等語。此次該參贊並未敘及該逆情形。究竟該逆負嵎經年。何所持以資口食。慶祥當趁此時。乘機設法。殲厥渠魁。散其黨羽。以期綏靖邊圉。此等助逆各犯。原應嚴拏懲治。朕所計日以待者。在張格爾及汰劣克諸人。若每隔經旬。僅獲一二助逆者。責塞曠日持久。轉令該逆等積糧聚眾。以為抗拒之計。殊負委任矣。勉之慎之。將此諭令知之。命

貝子奕緒。輔國公恆明。為守護東陵大臣。○安徽壽春鎮總兵官國勦明阿。因病解任。以江南河標中軍副將裴安邦。為壽春鎮總兵官。○丙子。上御勤政殿聽政。○諭內閣。張升等奏。湖河異漲。消滅工程平穩。覽奏不勝嘉悅。本年甫交初伏。湖河並漲。經該河督等督飭防守。並啟放攔湖等壩。幸得化險為平。此皆仰賴上天垂佑。朕心曷勝欽感。著發去大藏香十炷。交張井。潘錫恩。分投虔赴河神廟暨風神湖神廟代朕敬謹祀謝。以答神佑。此時正屆伏汛。以後秋汛方長。計琦善日內當已馳赴清江防汛。務須會同張井。潘錫恩。和衷籌辦。竭力修防。諄飭道將廳營嚴守隄岸。務保安瀾。不可稍有疏虞。又另片奏堰圩兩廳新舊石工。現在尚未能興工培補。

不得不以碎石擇要保護與辦理碎石坦坡不同。據該河督等先將顯露各段購辦趕拋。此次大水並未掣卸。已著成效。著迅訪兩廳各堡斟酌形勢緩急分貯碎石備用。所需銀兩即在河庫存項動支。務令工歸實用。無任藉端冒混。○丁丑諭內閣奕訢等奏喇嘛達克已蘊敦呈控護衛布音德勒格爾珠麟斃命一案。屢提抗不到案。又據協理台吉多布當已勒。控告該護衛慈德該王擾害不法等

款。著交奕訢等督同歸綏道德楞額親提該護衛及一千人證嚴訊確情先行具奏。○兩江總督琦善等奏遵旨審明何道範擊獲鹽船。本係尋常載私案件。無功可邀。即陳道坦審辦此案亦無詳請記功之事。費壇因見何道範擊獲鹽船後旋即補缺升遷。誤為藉此得功。圖謝不允。因而稟訴。較之平空誣告計圖傾陷者情稍有間。已革稅課大使費壇請照告重事不實發邊充軍例量減杖徒。何

道範並無不合。仍給咨赴部引見。單壯圖亦無說合別情。應飭回任。案已訊明。與前任東臺縣現調上元縣知縣陳道坦等均無干涉。並免提質。下部議從之。○戊寅

上詣

大高殿行禮。○還宮。○命工部尚書陸以莊左侍郎阿爾邦阿查勘

孝東陵

景陵工程。○以孟秋時享

太廟。自是日始齋戒三日。○己卯諭軍機大臣等。山東被旱成災各州縣。前據該撫查明輕重情形。量加調劑。請將被旱較重之堂邑等四縣被災次重之聊城等八縣分別賞給口糧酌借籽種。其餘新城等州縣或分別借給口糧籽種。或分別展緩錢漕。並因糧價增昂。將奉天販載雜糧商船。至利津海豐收口者暫免輸稅。俾裕民食。被災地方自可稍資接濟。乃近聞山東道上市鎮蕭然。貧民覓食維



艱。往往敗男鬻女。且夏雨連縣之後。積水甚多。田禾不無淹沒。是災歎之區。水旱相繼。小民何以堪此。地方封疆大吏。值此偏災。自當飭屬將被災地方詳查具報。無濫無遺。豈可意存粉飾。置民瘼於不問。設州縣有意迎合。延不報災。或所報有不實不盡。以致窮黎流離失所。豈朕惻隱在抱之意乎。著武隆阿再將前次被旱各州縣被災實在分數。詳加查勘。或有成災未報。或有酌減分數具報者。此

時應否補加撫卹。一面據實奏聞辦理。一面將諱飾之地方官嚴行叅辦。儻經此次查詢之後。仍敢回護前奏。或經朕查出。或被科道糾參。惟武隆阿是問。將此諭令知之。○山東道御史吳傑奏。山西巡撫福綿專長。閩屬府廳州縣。大半上省。該撫張筵演戲款待。縱無餽送苞苴。已屬不成事體。請行嚴禁。得旨嘉獎。○命禮部尚書松筠署工部左侍郎王鼎。馳往山西查辦事件。○以正藍旗漢軍都

統晉恭署禮部尚書。兼署都察院左都御史。○命鄭親王烏爾恭阿署鑲白旗滿洲都統。貝勒綿志署鑲黃旗漢軍都統。○唐辰諭內閣。那彥成奏。東省兵役越境拏賊。釀命委員會審明確。一摺。前據武隆阿奏。都司慶齡等擅帶兵役。越境前赴東明縣拏賊。釀命當經降旨。將該弁等革職。交該撫嚴審。並著那彥成確查實情。移咨究辦。茲據該督奏稱。東明縣原驗被扎身死之李庚。東省委員覆驗

堅稱係屬自戕。傷仗不符。案多疑竇。復經兩省各派大員會審。詳辨兇器。盡心鞫訊。李庚實係被扎身死。案情既已訊明。著遵前旨。即交武隆阿分別定擬具奏。至東明縣知縣張良志。原驗得實。始終反覆辨論。不稍遷就。張良志著賞加知州銜。以示鼓勵。○又諭嵩溥奏請籌辦苗疆保甲一摺。黔省漢苗雜處。近來客民漸多。非土司所能約束。自應編入保甲。以便稽查。除苗多之處。仍照舊例停止外。

其現居寨內客民。無論戶口田土多寡俱著一律詳細編查。惟令各該管地方官查辦轉致胥役滋擾。據該撫奏稱。現署永安協副將撫標中軍參將李可仁。誠實明練。能通苗語。黎平府知府杜友李。在黔年久。熟悉苗疆情形。即著該二員會同查辦。將客民戶口田產造冊通報。由地方官隨時稽覈。儻再有勾引流民。擅入苗寨。續增戶口。及盤剝準折等事。立時驅逐。田產給還苗人。追價入官。仍照例加倍治罪。若地方官徇庇不究。並縱令差役擅入苗寨滋事。即行嚴參懲辦。至該參將等俱係現任。既經委辦清查。地方遼闊。不必限以時日。其缺著揀員接署。並令委帶員弁。隨同幫辦。所需飯食夫馬等項。不許派累地方。由藩庫籌項發給。該撫務飭該員弁等盡心妥辦。綏靖苗疆。○諭軍機大臣等。琦善奏河湖盛漲。赴清江籌議防備。並將張井等函商奏聞一摺。本年春間。張井奏改河為一勞永

逸之計。惟言其不便者甚多。旋據琦善會同張井等勘明。安東改河工程。恐有滯礙。請啟放王營舊減壩。以期掣溜通漕。當降旨照該督等所議辦理。本日又據琦善奏。張井復申改河前議。似此遲疑不決。豈不又如嚴娘之欲辦碎石坦坡。延宕經年。坐失機會。無論改河事多格礙。且時日迫促。亦萬難趕辦。禦黃壩業經兩年不開。本年軍船。必須全數回空。來年重運。必當照常行走。既據該督等會籌

定議。道將應營。皆以為減壩可行。此時即應堅持定見。及早辦理。毋再游移觀望。時屆立秋。漕船回空。聯至。儻啟壩稍緩。空船歸次。少遲。尚無大礙。若竟遷延貽誤。將來漕船不能回空。並誤明春重運。朕惟琦善。張井。潘錫恩。三人是問。決不寬貸。懍之慎之。將此諭令知之。○直隸總督那彥成奏。大名府屬疊次得雨。請酌撤各州縣粥廠。辦理平糶。從之。○兩江總督琦善奏。蘇松鎮總兵陳光求到省。臣

屢次接見該總兵係水師行伍出身詢以外  
海及江浙海面情形頗為熟悉年雖六十五  
歲精力尚健即應令前赴新任報聞○予江  
蘇彈壓軍船水手及承審安速之副將明玉  
知縣劉大烈等升敘有差○戶部議准署陝  
甘總督楊遇春疏報烏魯木齊頭屯蘆草溝  
塔西河三所撥給新增戶屯地五頃七十畝  
照例升科從之

大清宣宗效天符運立中體正至文聖武智勇  
仁慈儉勤孝敏成皇帝實錄卷之九十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百

皇太后聖訓  
天符運立中體正至文聖武智勇  
仁慈儉勤孝敏成皇帝實錄卷之一百  
七倉六糧倉會同四縣辦理事務二款運帶加六款起銀五次王花少知縣是議官文淵閣纂修官  
內務府大臣  
四庫全書  
皇太后聖訓  
天符運立中體正至文聖武智勇  
仁慈儉勤孝敏成皇帝實錄卷之一百  
七倉六糧倉會同四縣辦理事務二款運帶加六款起銀五次王花少知縣是議官文淵閣纂修官  
內務府大臣  
四庫全書

道光六年丙戌秋七月辛巳朔享

太廟

上親詣行禮○幸圓明園○詣綺春園問  
皇太后安○戶部議准署陝甘總督楊遇春疏  
報甘肅靈州開墾田八十八畝有奇照例升  
科從之○壬午諭內閣長齡奏土爾扈特副  
盟長公銜扎薩克頭等台吉貢格策楞病故  
所遺公銜可否令伊子策林敏珠爾承襲抑  
或仍令承襲扎薩克頭等台吉請旨一摺貢  
格策楞之公銜係在乾隆四十六年因土爾

扈特親王策伯克多爾濟病故。准照伊妻布尼所請。過繼為嗣。

特旨加賞。非世襲罔替之爵可比。今貢格策楞病故。伊長子策林敏珠爾。既年已十八歲。堪令辦理遊牧事務。策林敏珠爾著准其承襲扎薩克頭等台吉。仍照從前所辦。令其補授副盟長。幫同盟長親王斡克濟爾噶勒辦理遊牧事務。○諭軍機大臣等。據張井奏。熟籌啓放王營減壩。實無把握。不敢回護前議。並

以地勢之曲直高下。及民間田畝計之。將來不得不慮者有三。請仍由李工改河避淤。較為暢順等語。改河之議。原係張井始為此奏。迨將伊調任南河。今與琦善等會同妥議。則以改河口門。有碑石阻遏。諸多窒礙。莫如開放減壩之較為得力。聯銜覆奏。是以降旨。照該督等所議辦理。現已遲至月餘。一切應行培築之圈堰格隄等工。俱經勘估興辦。而張井復以啓放減壩。實無把握。改河避淤。實可

辦理。再行奏請。該河督既知啓壩有此三患。前此聯銜會奏。何以並未慮及。迨經給事中楊煊陳奏。輒又申理前說。似此游移無定。豈大臣事君之道。現已盛漲。屆臨若不堅持定見。反覆遷延。何時集事。前於琦善奏到時。已降旨責令趕辦減壩事宜。務於秋深啓放。禦壩。以期回空船隻。如期歸次。總之減壩之議。原為減落黃水。刷滌河身。起見。該督等固應籌及久遠。亦不能不先計目前。此時該督等

惟當遵照前旨。辦理減黃出清。俾河湖不致有意外之虞。並使本年回空。全數南下。明年重運。照常北來。方為不負委任。至於改河一事。無論可行與否。總須俟三汛安瀾後。該督等再行會同詳加履勘。和衷商榷。勿得各存成見。悉心定議具奏。再降諭旨。將此諭令知之。○大學士伊犂將軍長齡等會議新疆茶稅。請分別雜茶之粗細。以定稅則之多寡。統計一歲所徵稅課。約可得銀八千兩。仍照前

奏試行三年。再為定額。得旨依議妥辦。如有窒礙之處。不妨再行奏改。慎勿回護。○署禮部尚書兼署都察院左都御史普恭因病解任。以戶部左侍郎博啓圖署禮部尚書。大學士托津署都察院左都御史。○改鑄四川巴州分駐江口州判關防。從總督戴三錫請也。○濬山東運河廳南旺湖引渠。從署河道總督嚴烺請也。○癸未諭內閣。晉昌等奏科爾沁蒙古復招流民開墾地畝一摺。前於道光三年。經該將軍查出科爾沁私招流民開墾地畝。降旨飭令傳知蒙古。不准再行招墾。並於每年春融。派員往查昌圖八社之便。一體稽查。茲據該將軍等奏。查出卓哩克圖王冰圖王二旗界內。新招流民五百七十二戶。續查出卓哩克圖王旗界內。新招流民一百九十三戶。如果一經查出。即行嚴辦。何至又有七百六十餘戶之多。本應照例驅逐。姑念該流民多係傭趁謀生。此次免其究辦。所有查

出續招民戶。建蓋房地。著該將軍等仍照前辦章程。派員會同該王等。按段履勘。空立地界。封堆造具民戶花名細冊。併交昌圖通判編設保甲。選充鄉長。嚴加管束。毋許滋事。並著該將軍等出示曉諭。如再查有一戶出口。即行驅逐嚴辦。至失察招民開墾之蒙古王。公應議處分。及私招民戶之地。東蒙古應得罪名。著交理藩院照例覈辦。該蒙古私招流民開墾。總因定例處分較寬。該王公等習為故事。並不實力稽查。輒任所屬貪利招留。不可不嚴行懲辦。嗣後應如何加重處分之處。著理藩院覈議具奏。○又諭。百春等奏本年海運漕糧。及上年北倉滯漕。運通米石。難以久貯。均應先行開放。著照所請。所有海運兩進漕糧。已運過通壩。洪斛米九十六萬三千六百八十餘石。准其將六月以後抵通之米。趕放完竣。即接放頭進海運米石。至上年截卸滯漕。久貯北倉米色。間有微減。亦著同海

運雨進稜來先行搭放該部知道○諭軍機大臣等孫爾準奏馳抵廈門探查臺灣北路械鬪尚未止息現擬酌帶官兵渡臺督辦一摺前因臺灣匪徒不靖已有許松年在彼督同鎮將帶兵堵緝當經降旨令孫爾準駐劄廈門調度策應不必親往臺灣茲該督以廈門與臺灣重洋阻隔文報往復需時請即日渡臺相機督辦固屬甚善但內地不可無大員彈壓接濟馬濟勝由泉州移駐廈門雖便

究不若該督在彼駐劄調度更為妥善現據奏於拜摺後候風色登舟如前旨遞到時該督已經渡臺則已儻尚未開帆渡鹿仔港著仍暫駐廈門先將一切應辦機宜移知許松年督同該鎮將等妥為辦理儻有必須該督親往之勢即行據實由驛速奏候旨遵行至此次匪徒滋事已蔓延一廳兩縣地方必有造謀為首之人斷非尋常分類械鬪可比前此拏獲之烏面章雖據稱係首倡謠言勾結

主謀要犯亦未可憑信此時若不究明首惡專力勦擒其脅從附和之眾焉能即時解散現在賊眾共有若干究以何人為首務飭在事各員即速查報該提督許松年在彼能否調遣得宜迅速肅事抑竟毫無把握著即據實奏聞勿致徒延時日也將此由五百里諭令知之○又諭前據張井等奏河湖同時並漲請啟放各壩分減水勢當經降旨交琦善等會籌妥辦茲據琦善奏稱河湖來源旺盛

一時未能宣洩黃水消多長少不致漫溢為患惟洪湖隄工本非堅實今水勢驟漲容蓄愈難若留至秋冬雖將大隄增培土堰而風狂浪湧其勢恐難保全前經啟放三河兩壩及攔湖壩所消無多上游積水未平或恐復致增長若不將揚河揚糧兩廳境內歸江歸海各壩次第啟放運河兩岸隄工甚為喫重下游田畝受淹勘明分別查辦等語河湖同時並漲自應趕緊宣洩既據該督等籌議啟

放各壩。以為騰空河面之計。此時自己日見消落。惟伏秋二汛。為日方長。著該督會同張井潘錫恩和衷熟商。督飭道將廳營實力巡守。加意修防。務保萬全。毋致稍有疏失。其應築應修處所。亦當趕辦完整。以資保障。至啓放各壩。下游田畝受淹。並另片所奏。海州安東二州縣之新安等鎮。積水未消。田廬受害。分別委員勘辦。著即確切查勘。設法疏消。如有應行撫卹之處。即據實奏明。先為妥辦。俾

小民不致失所。將此諭令知之。○又諭。現在臺灣有匪徒分類焚搶之事。煽結夥黨甚多。已蔓延嘉義彰化及淡水地方。前因提督許松年巡臺在彼。就近令其督同蔡萬齡等。勦辦該督孫爾準駐劄廈門。調度策應。本日據孫爾準奏。該提鎮等總未將造意為首要犯究明。專力擒拏。辦理恐無把握。請渡臺督辦。已降旨令其仍駐廈門。如有必須親往之勢。奏明候旨遵行。此事如許松年能剋期撲滅

則已。儻一時不能勦捕完竣。朕意派令武隆阿前往督辦。彼時必須有素嫻軍旅員弁。隨往聽候調遣。該撫曾歷戎行。必有平日深知諳習紀律打仗勇往之人。無論閩浙及直省綠營官員。或在京侍衛章京內。著儘所知指明據實先行密奏。俟降旨派該撫前往時。即可將所保各員派定。飭令迅速馳赴。俾得應手。將來是否派令該撫前往。尚在未定。慎勿稍為宣露也。將此密諭知之。○大學士署都

察院左都御史托津。因病賞假。以協辦大學士英和署都察院左都御史。○甲申。

上幸萬壽山。詣

廣潤祠拈香。○乙酉。以故奉恩將軍綿款子奕譜襲職。○以江西湖南各幫阻守盤運。丁力拮据。准緩應交餘米及曬颺耗米。分三年搭解。○丙戌。諭軍機大臣等。本日許松年奏。續據各營縣稟報。淡水南坎大甲等莊。閩粵民人互相焚殺。並彰化之四張犁葫蘆墩等



處連日焚殺。淡彰一帶道路梗塞。文報稽遲。該鎮督同將弁追捕。竟敢抗拒。被兵丁格殺數人。始各竄散。其殷仔等莊被焚最甚。難民每莊不下數千。該提督飭委彰化縣知縣李振青。搭寮招集難民。仍督營縣查明滋事為首匪徒。務獲懲辦等語。所奏祇屬空言。殊欠明晰。究竟該處匪徒滋事。約有若干人。滋事村莊若干處。係何人主謀。何人勾結。現在是否合為一股。抑竟分投滋擾。均須確切查明。相機辦理。據奏金門鎮總兵陳化成帶兵五百名。副將邵永福帶兵三百名。均已渡臺。其續調各處兵丁。定亦不日可到。該督仍遵歷次諭旨。駐劄廈門調度。嚴飭該提鎮等傳集兩籍頭人。剴切曉諭。民人歸莊守護。毋許隨聲附和。一面趁此兵力。將大股滋事逃匿首夥迅速掩捕。痛加懲創。務令罪人斯得聚而殲旃。則烏合黨羽。自可解散。若徒以防堵為彈壓。以尾追為擒捕。何日始能了事。該處自

四月中旬械鬪。難民每莊不下數千。蕩析離居。殊堪憫惻。現屆收穫田稻之時。早一日辦完。百姓即早一日安堵。朕計日以待。毋再以空言塞責也。懍之慎之。將此由四百里諭知孫爾準。並諭許松年。蔡萬齡知之。○又諭。富俊等奏安置流民。展設卡倫情形一摺。據稱舒蘭霍倫等處。查有流民一千餘戶。男婦老幼五千數百餘名口。請免驅逐。展立卡倫。並宅封堆。安設官兵。添設鄉地保甲。仍按戶將所種地畝升科等語。吉林各處卡倫以外。皆係產漫之山。不准流民潛往偷砍樹木。例禁甚嚴。歷年以來。並不隨時嚴查。流民潛往者。竟積至一千餘戶之多。各流民蓋房墾地。已費工本。一旦悉數驅逐。無以謀生。固堪憐憫。然竟聽其安土重遷。雖據稱嗣後封堆以外。再不准容留一民。令卡倫官等換班時。出具甘結。而該員等日久玩生。仍必愈積愈多。漫無覺察。迨至續經查出。復以人數眾多。奏懇



免逐名為定立限制。實則仍成具文。且現在流民已多至五千七百餘名。口將來孳生蕃衍。所增奚止倍蓰。是卡倫以外盡係無藉游民。成何事體。該將軍惟當剴切曉諭該流民等。潛往禁山偷砍樹木。例干重罪。即從寬辦理。亦應立時驅逐。姑念其人數較多。蓋房墾地已費工本。此時酌量給與工價。按照地畝房間多寡。均勻給領。令其分起各歸原籍。自謀生理。已屬格外施恩。曲加體恤。如不行遷移。即應嚴辦。總期流民不致失所。而卡倫地面全數肅清。方為妥善。該將軍等即詳晰籌畫。奏明辦理。此項流民據稱自嘉慶年間陸續進山。彼時將軍副都統等竟成木偶。因循疲玩已極。實屬有乖職守。著該將軍等查明究竟。始自何年。並開具歷任將軍副都統職名。奏明交部議處。將此諭令知之。○命廣東潮州鎮總兵官耿金釗來京。以廣州協副將蘇兆熊為潮州鎮總兵官。○修築湖北荊州

府得勝臺民隄從巡撫楊懋恬請也。○丁亥上詣綺春園問皇太后安。○諭內閣據伊里布密奏。調任迪南道現署雲南府知府保亮識見暗昧不勝道員之任。承審案件。詢問多未了晰。即降補知府。亦難望其稱職等語。保亮著即勒令休致。各直省督撫於所屬道府中。有才具平庸或心地糊塗不能稱職者。自應據實參奏。俾知儆畏。方合大臣實力辦公之道。若皆為密奏。各員轉不知所勸懲。嗣後各省督撫於所屬道府等官不稱職者。俱應據實入奏。無庸密陳。更不可因有此旨。稍存避嫌遠謗之見。動輒一味姑容。殊失朕望治之心矣。慎之。○又諭御史但明倫奏籌辦黨匪一摺。據稱貴州地僻山深。向有紅尚黑尚兩種賊匪名目。結黨行強。民遭擾害。甚至勾結外來游民盤踞各州縣交界及雲南四川廣西等省接壤之處。出沒無常。其地近廣西之貴陽安順興義

都勻等府所屬地方。為害尤甚。匪徒恃強滋事。擾累平民。自應嚴行查辦。著貴州巡撫嵩溥派委妥幹員弁。嚴密查拏。務期根株淨盡。至各州縣交界。及鄰省接壤地方。會同設法協緝。無許彼此推諉。以靖閭閻而安良善。○引見八旗及直省考取拔貢生。文奇等四十一名。以七品小京官分部學習。劉位坦等六十九名。以知縣試用。常弼等七十二名。交吏部詢問。以教職佐貳等官分用。○旌表守正捐軀直隸新樂縣民邢丫頭女賓姐。○貸陝西西鄉。盤厚二縣被水災民籽種。○己丑諭內閣。陶澍奏。江北各屬被水。分別委員及親詣查勘一摺。江蘇江淮揚徐海等屬。前因夏雨過多。低田被淹。現在揚州所屬之高郵等州縣。又因洪澤湖開放壩河。減洩盛漲。田畝復淹。秋成失望。該撫接據稟報。已飭該司道督飭該府。迅速查明辦理。現亦親往勘驗。著即督飭該道府及印委各員。將積水趕緊疏

消。設法安置。一面將被水較重之高郵各里居民。先行按戶查明。妥為撫卹。其餘興化。甘泉。江都等縣。亦即就近查勘。應否一體撫卹。即行奏明辦理。毋俾失所。至前此因積雨過多。低田被水之江淮徐海等處。俟該道府勘覆到日。亦即據實具奏。○諭軍機大臣等。本日都察院奏。安徽霍邱縣僧人壽福遣抱告僧人永興具控豪監糾眾斃命一案。已明降諭旨。交鄧廷楨審訊矣。據控監生韓宗湯等率眾搶掠。將伊工人韓牛攷槍斃。既經張知縣詣驗屬實。何以任令韓松林冒認屍親。捏稱病斃。迨未知縣審出實情。飭差拏究。韓宗湯復以重賄求和。該知縣受囑捏詳。均不可不徹底根究。著該撫飭提嚴審。務得確情。毋稍枉縱。將此諭令知之。尋奏。訊係全誣。僧壽福依薦越赴京告重事不實例。發邊遠充軍。永興明知壽福誣告。輒在京扶同混供。應照不應重律杖八十。下部議從之。○庚寅

孝懿仁皇后忌辰遣官祭

景陵○旌表守正捐軀河南息縣民黃全妻薛

氏○辛卯。

上幸靜明園詣

龍神廟拈香○諭內閣御史汪琳奏剝船臺役朋謀舞弊一摺雖係得自風聞所奏甚是漕糧為天庾正供詎容攪和舞弊該船戶及經紀花戶人等祇知營私肥己惟利是圖據該御史奏本年海運漕糧抵津後剝船裝載

赴通該船戶等侵蝕米石私造燥烈藥末攪和熱水浸泡灑拌使米石漲多不顧日後微變經紀花戶通同受賄顛項驗收又復憑憑本官奏請先行開放為日後推卸地步著百春韓鼎晉嚴督生糧廳隨時認真稽查如有前項弊端立即嚴拏究辦毋稍疏懈同于各戾○禮部奏八月初十日

萬壽節應行禮儀得旨照例行禮停止筵宴○以廣東碣石鎮總兵官林鳴岡不勝總兵之

任命以水師副將補用以澄海協副將譚安為碣石鎮總兵官○壬辰諭內閣福建臺灣府屬彰化地方自四月間有分類械鬪之案匪徒等乘機煽惑焚搶村莊延及嘉義淡水等處前因提督許松年巡臺在彼就近令其督同總兵蔡萬齡知府陳俊千等分投查辦迄未將煽惑糾鬪要犯究明擒獲所奏起釁實情及蔓延村莊亦未明晰孫爾準駐劄廈門調度策應未便遽行過臺山東巡撫武隆阿久任臺灣鎮情形熟悉經理得宜著馳驛前往會商孫爾準妥速籌辦頒給欽差大臣關防自提督許松年以下悉聽調遣沿途如有應行就近調兵之處即著一面奏聞一面選帶前往並派乾清門侍衛額勒經額慶安巴清德健銳營參領景福塔斯哈副參領興安泰前任建寧鎮候補總兵趙龍章來京引見之噶瑪蘭通判呂志恆一併馳驛隨往以便差委其直隸張家口副將郭勒興阿保定

城守營參將克什布宣化城守營都司王秉武山東文登營副將成玉候補參將桂明濟南城守營守備馬現平度州知州方熙候補府經歷張同聲原任濟南府同知黎溶俱准其隨帶前往所有應給該員等行裝銀兩著各該衙門按例給發該部知道○又諭陳中孚奏幫船頂阻津關分別籌辦以速回空一摺所奏是全漕尾幫催抵天津住泊因楊村官剝不敷現在僅起過南糧九幫在後尚有四十餘幫之多銜尾頂接殊屬延滯昨據那彥成奏稱官剝不敷業經添雇民船協濟茲據該漕督查明備淺剝船及運送滯漕官剝日內計可趕抵楊村接濟惟覈算接運各幫未剝之米加以海運米石同時交倉以通壩向來每日起米三萬石計之須起至九月中旬方能竣事在後幫船必致回空遲誤上年戶部議定收米章程已經添置口袋自不難迅速兌收著百春等督同坐糧廳設法趲辦

按日倍收米石務於八月二十日以前完竣俾尾幫及早回空毋稍延誤○又諭武隆阿現赴臺灣查辦事件山東巡撫員缺著陳中孚署理漕運總督員缺著穆彰阿署理陳中孚接奉此旨即將印篆派員齎交穆彰阿接收迅速前往濟南接印任事未到任以前著訥爾經額暫行護理穆彰阿俟將海運驗收全竣督押各省漕糧尾幫抵通交卸後來京陛見再赴新任○諭軍機大臣等福建臺灣

彰化嘉義交界閩粵莊民分類械鬪本日已降旨令山東巡撫武隆阿馳驛前往查辦茲據武隆阿奏請將直隸張家口副將郭勒興阿保定城守營參將克什布宣化城守營都司王秉武隨同前往著那彥成海凌阿飭令該員各馳驛前往閩省聽候武隆阿差遣委用所有應給軍裝銀兩著那彥成按例支給俾令迅速起程將此諭令那彥成傳諭海凌阿知之○又諭現已降旨令武隆阿馳驛前

往臺灣。並頒給欽差大臣關防。由京派乾清門侍衛額勒經額等隨往。以備差遣。如有應須兵力之處。該撫一面奏聞。一面就近調往。期資應手。武隆阿雖熟悉臺灣情形。惟離閩數年。或有今昔異宜之處。到彼後當體察情形。相機辦理。該匪等散謠煽惑。必有造謀為首之人。前據蔡萬齡等所奏。起釁根由。及捕獲為首煽謠之烏面章。未必盡為確實。該撫務將造謀首要各犯究明擒捕。盡法懲辦。其脅從烏合之眾。亦當示以恩威。自行解散。並將起釁實情。及村莊焚掠情形。密勘明確。據實具奏。如或平時地方官撫馭失宜。及滋事後。該管文武辦理遲緩。以致蔓延日多。勾結日眾。即將該管文武員弁據實參奏。不可稍涉姑息。現已諭知孫爾準等將軍。飭一切妥為籌備。並將該處現在辦理情形。隨時沿途知照。如已經許松年等勦捕完竣。海疆地方安堵如常。即飛咨武隆阿。無論行抵何處。即

無庸前往。仍回山東巡撫之任可也。將此諭令知之。○又諭。前據許松年、蔡萬齡等節次奏報臺灣府屬閩粵莊民分類械鬥。乘機焚搶滋事。總未將實在起釁根由。並蔓延滋擾村莊詳晰查明聲敘。未必能妥速肅事。因武隆阿熟悉臺灣情形。本日發給欽差大臣關防。令伊馳驛赴臺查辦矣。前經孫爾準奏請候風渡臺督辦。如業已渡臺。俟武隆阿到彼。將一切應辦機宜當面詳悉熟籌。交武隆阿駐臺妥辦。孫爾準即行內渡。仍駐劄廈門。調度策應所需軍火糧餉等項。札知韓克均。妥為豫備。以資接濟。並著孫爾準將現在辦理情形。隨時沿途知會武隆阿。俾令知悉。如武隆阿未到閩以前。勦捕全竣。海疆地方安帖。孫爾準一面奏聞。一面飛咨武隆阿。停其前往。將此由四百里諭令知之。○又諭。有人奏浙江學政朱士彥莅任以來。不知教化。專事威刑。無論屬員士子。稍有失誤。及拂意之

處輒至暴怒立予扑責凡生員取列一二等及取進童生因字畫偏傍小誤概行掌責每棚至數十人之多教職小有錯誤輒加夏楚又創為小枷數十令士子帶枷謄錄貧生本身錢糧間有拖欠無論奇零小戶或一兩及數錢者悉行扣考該侍郎終日沈湎於酒以致喜怒任性行為錯謬所出題目割裂太甚竟至昧於句讀士子等不服按試各處其父俱隨同前往地方官一體供應嘉興考貢之

日竟在試院演劇其時正場尚未發案任令優伶出入縱飲酣歌使車所至各府俱有詩詞詆毀內有貪狼成性及棚規每縣五百之謠人言籍籍必非無因等語學政有訓迪士子之責如拖欠錢糧扣考尚為整頓士習起見生童書寫字體錯誤未加訓迪輒行掌責已屬過當何至創為小枷令士子帶枷謄錄教職身係職官果有庸劣荒疏不勝司鐸之任者祇應予以叅劾尤不宜輒加夏楚其所

出題目即防有錄舊之弊亦不應割裂字句如所奏以奚自曰自孔氏曰是八字以季孟之間待之曰吾九字為題不成句讀其父隨棚考試地方官一體解差及試院演劇等事殊屬關防不謹程含章近在同省豈竟毫無見聞著即將所叅各款詳細確查據實具奏如敢再存瞻徇回護之見經朕派人查出惟程含章是問恐不能當此重咎也將此諭令知之○以署禮部右侍郎湯金釗署工部右

侍郎兼管錢法堂事務○命湖北巡撫楊懋恬來京陛見以湖廣總督嵩孚兼署湖北巡撫○癸巳諭軍機大臣等本日據慶祥奏張格爾率領安集延布魯特五百餘人由開齊山路突進經舒爾哈善等帶兵迎截共殺賊四百餘名生擒四十餘名賊分路竄回現請添兵防堵又據慶廉奏接到英吉沙爾咨文喀城回子全行變亂道路不通萬分緊急現咨長齡酌發精兵救援伊犁為新疆重地該

處領隊大臣穆克登布烏凌阿等已在喀什噶爾防剿。所存官兵勢難再行分派。該將軍總統新疆地方。尤不可輕舉妄動。惟當相機調度。設法策應。其各城附近喀什噶爾地方回子。是否安靜。並著加意嚴防。朕現派署陝甘總督楊遇春。選帶精銳將弁。統領大兵前赴回疆。籌辦剿捕事宜。所有南路各城。務宜嚴密查察。妥為防守。不可稍有疏虞。此為至要。將此由六百里加緊諭知長齡。並諭巴哈

布。果良。額長。清慶。廉蘇。倫保。印登。額多。隆武。奕。湄。桂。斌。知之。○又諭喀城回子。全行變亂。現在分股猖獗。道路不通。除降旨飛飭各城大臣嚴密防範外。著頒給欽差大臣關防一顆。交楊遇春。迅速馳驛前往查辦。陝甘總督已降旨令鄂山馳驛前往署理。楊遇春接奉此旨。即於陝甘兩省。自提鎮以下。及滿漢官兵。聽楊遇春擇其曾歷行陣得力精銳者。一面調遣分起前進。督率起程。一面由驛馳奏。

出嘉峪關後。須多設偵探。務得逆匪確實蹤跡。於南路扼要處所。駐劄相機堵剿。總期慎重。不可輕率。道路遼遠。運餉維艱。經過地方。尤須加意體恤。所有軍需糧餉。馱載等項。先與藩臬兩司妥商酌定。交鄂山隨時妥速籌備。該署督老成歷練。特資倚任。諸事務當計出萬全。朕亦不為遙制也。將此由六百里加緊諭令知之。○又諭現派楊遇春酌帶官兵。馳赴回疆堵捕逆回張格爾等。著鄂山迅即

馳驛前赴甘肅。署理陝甘總督。楊遇春起程後。一切應用軍需糧餉。馱載等項。已有旨令楊遇春與藩臬兩司妥商酌定。鄂山到甘。即隨時妥速籌備接濟。陝省亦著徐忻一體籌備。均毋得稍有遲誤。鄂山接奉此旨。即將陝西巡撫關防。交徐忻護理。迅速起程。仍將起程日期。由驛奏聞可也。將此由六百里加緊諭令知之。○甲午。上詣綺春園問。



皇太后安。○諭內閣。向來八旗兵丁。每月關領餉銀。係該管都統等親行抽驗放給。現在各旗辦理未能畫一。嗣後各該旗每月領放餉銀。著該管都統副都統一員。親赴衙署抽驗。後由該參領發給各佐領。按名散放。毋任冒領剋扣。如值關放之期。該旗都統副都統內無人親到抽驗。著查該旗御史據實奏。○諭軍機大臣等。昨有旨著鄂山馳驛前往署理陝甘總督。楊遇春起程後。一切應用軍需糧

餉馱載等項。最關緊要。鄂山即於陝甘兩省揀派明幹道府大員。專司其事。隨時妥速撥運。務須源源接濟。不可稍有短絀遲誤。將此由五百里諭令知之。○又諭。據印登額等奏。逆裔張格爾分股滋擾。及賊勢猖獗。侵占地方。各一摺。覽奏俱悉。昨據慶廉由六百里馳奏喀城回子。全行變亂。當降旨令楊遇春為欽差大臣。帶領得力精銳滿漢官兵。馳驛前往新疆堵剿。該大臣等務須嚴密稽查。竭力

防守。以待大兵。毋稍疏虞。該城離喀什噶爾英吉沙爾最近。如偵探該處軍情。即速由驛馳奏。又另片奏。今歲應入覲葉爾羌五品伯克伊斯瑪依勒六品伯克阿拉胡里。阿玉普庫勒察克等四員。現值用兵。正需差遣。著照所請。准其留城聽候調撥。無庸來京。將此由六百里加緊諭令知之。○又諭。據印登額等馳奏。接准英吉沙爾來信。探得葉爾羌參將吳亨佑帶領官兵。在單板橋遇賊打仗。全軍

被陷。賊匪現在欲竄英吉沙爾。晨夕即至城下。英吉沙爾存兵不多。現咨調喀喇沙爾。土爾扈特。和碩特。兵三四千名。星馳救援。回疆情形緊要。已降旨授楊遇春為欽差大臣。令其揀選精練官兵三千名。馳往剿辦。並據長齡馳奏。現調伊犁官兵二千名。並令達凌阿帶領烏魯木齊官兵四千名。馳往會剿。計日可到。至土爾扈特和碩特俱係蒙古。未經訓練。向來回疆用兵。總未調遣。此時即調赴英



吉沙爾恐難得力。該處係巴哈布所轄。所有兵丁。是否足恃。派往英吉沙爾。能否得力。如已派員帶往。須沿城探聽。會合救援。如未調遣。即可停止。該大臣惟當慎守城池。隨時稽查防範。以待大兵雲集。毋稍疏虞。將此由六百里加緊諭令知之。○又諭逆裔張格爾進卡滋事。喀城回子。全行變亂。已降旨令署陝甘總督楊遇春。帶領精練官兵。馳往籌辦。惟道路遙遠。到彼稍需時日。吐魯番為新疆各

城扼要之地。亟宜重兵防範。策應以壯聲威。著多隆武就近酌帶巴里坤官兵。迅速馳赴吐魯番駐劄。加意防守。毋稍遲延。將此由六百里加緊傳諭知之。○又諭昨據烏什辦事大臣慶廉馳奏。喀城回子。全行變亂。當降旨令長齡相機調度。設法策應。不可輕動。並派楊遇春為欽差大臣。選帶精銳將弁。統領大兵。赴回疆籌辦。勦捕事宜。本日又據印登額等馳奏。葉爾羌參將吳亨佑。全軍被陷。現在

賊勢猖獗。欲攻英吉沙爾。朕心正深注念。適接長齡奏報。接慶祥來咨。喀什噶爾被圍。現調烏魯木齊官兵四千名。伊犁兵二千名。星馳前往伊犁地方緊要。長齡在彼駐守。調遣策應所見甚是。現在喀什噶爾被圍。日內又未據慶祥奏報。該處嬰城固守。必須援兵早到。內外夾擊。方保無虞。此次所派領隊大臣祥雲保等。由冰嶺行走。自應迅速達凌阿帶領烏魯木齊兵四千名。是否起程。未據奏報。

著即趕緊前往相機前進。毋稍遲誤。伊犁領隊大臣俱已派往喀什噶爾。祇有恩緒一人。並不同城。著派布彥泰。那桑阿。忠山。馳驛前往伊犁。作為領隊大臣。交長齡差遣。朕念吐魯番乃新疆各城扼要之地。已降旨令多隆武帶兵駐劄。策應所奏哈密為新疆咽喉要地。必須大員帶兵駐劄。昨已有旨令楊遇春於陝甘兩省。選派精銳官兵。分起前進。所有長齡調兵三千名。即交楊遇春統帶。齊慎不

必前往楊遇春出嘉峪關探聽各城軍情。隨時馳奏。至哈密地方駐劄。再定行止。長齡惟當飛飭各城加意防範。以待大兵雲集。毋稍疏虞。所有軍需糧餉。准其調鎮迪道庫備貯銀十萬兩。即飭英惠撥解帶往。所有烏魯木齊提督印務。即著英惠兼署。再蘇倫保咨調喀喇沙爾所轄土爾扈特和碩特援兵。已諭巴哈布。如未調遣。即行停止。將此由六百里加緊諭知長齡。楊遇春並諭英惠達凌阿知之。○又諭前有旨。令武隆阿前往臺灣。並派乾清門侍衛額勒經額慶安等隨往。差委昨據慶祥馳奏。逆回張格爾率領安集延布魯特五百餘人。由開齊山路突進。復據慶廉印登額等馳報。喀城回子全行變亂。賊勢猖獗。已授楊遇春為欽差大臣。由陝甘挑派將弁官兵。馳往籌辦。因思臺灣匪徒分鬪之案。前經孫爾準奏明渡臺督辦。許松年帶兵勦撫。此時回疆事機緊要。自應先其所急。著武隆

阿暫緩前往。亦無庸來京所派侍衛各員。已令其暫緩起程。武隆阿仍將臺灣一切機宜詳細籌畫。飛寄孫爾準照辦。該撫即在省城聽候諭旨。如有調派之處。再行遵辦。將此由六百里諭令知之。○賞前任山東登州鎮總兵官扎勒杭阿頭等侍衛。在大門上行走。○乙未中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○諭內閣伊里布奏查明被淹鹽井情形一摺雲南黑鹽井上年被水衝淹據該撫查明除大東新三井業經修補起煎外至沙井雖有淡水尚可車提修復著准其照估興修所需工料銀六千九百兩在道庫積餘項下借動發給俟工竣後咨部即

行起煎所借銀兩於竈戶賣鹽價內分限三年扣繳還款其復井滙源走失著毋庸估修即委大員督同填封取結備案每年缺額鹽斤應徵課銀一萬九千四百五十四兩零即自本年正月該署提舉到任之日起在元興永濟二子井所煎鹽內按年照數撥補以數原額其正月十一日以前五井停煎鹽二百九十五萬八千四百斤著自本年冬季起於元興永濟二子井內勒限五年帶趲銷解歸

款至沙井自正月十二日起停煎鹽斤俟工竣後覈明數目咨部令該井自行分限趲補該撫仍飭各井員實力煎銷無許再有延欠以重課款該部知道○戶部議准閩浙總督孫爾準奏開闢臺灣噶瑪蘭應行查辦未盡事宜○番社未墾荒埔分給民人開墾○田園租穀請仍照原議每田一甲徵租六石園一甲徵租四石○請免納餘租以紓民力○墾未成熟埔地請緩報升科○建築城垣署舍占用民人墾熟田園店屋作為地基換給埔地請另列一款徵收以免混淆○歷年水衝沙壓田園無徵銀穀請予豁免○嘉慶二十二年以前民欠錢糧請予補豁○奏銷限期應劃清年分更定奏限○籌存常平倉穀以資儲備○額編文武員弁廉俸兵餉役食就本廳所徵供賦支給毋庸由司動撥○裁移營制新添官兵俸餉在於本廳年徵供耗餘租等項支給其不敷之項應就餘穀變價

卷之六

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百

此係總督奏請開缺居住官太子太傅銜仁順大學士太淵閣學管理工部事務卷十戶部總辦降除翰林院學士兼管順天府府尹事務開缺歷職錄十次准其補授兼官左庭諡官吏部尚書觀監海運使都統管理新營城內官房大臣稽察內七倉大臣稽察倉司理事務官卷十欽此錄十次欽此錄五次臣沙喇體長謀官太淵閣學兼管兵部尚書總管

乾修

道光六年丙戌七月丙申諭內閣嚴烺奏添

撥河工防險銀兩一摺。向例河工防險銀三十萬兩。將次用完。由河督察看情形。應須添撥。奏明提取備用。今歲黃河長水較大。入夏以來。鑲修新舊各工。及添辦稽料麻斤。皆於例撥防險銀內支發。業已分撥完竣。現在秋汛方長。防守倍為緊要。自應及早籌備。以濟工需。著照所請。准其於河南藩庫添撥銀三十萬兩。另款提存。豫備動用。該河督務當覈實嚴查。力加撙節。勿令稍有虛糜。俟霜降安

濶後統將先後撥過司庫銀兩及各工用銀總數。數明奏報。如有餘存。仍撥還司庫原款。該部知道。○諭軍機大臣等。嚴煥等奏。籌辦攔黃堰放淤情形。一摺。據稱河南武陟縣放淤土埽各工。業已照估完竣。現因河溜改向。南趨。履勘各莊。周圍皆水。請開挑順清溝。啓放宣洩。並將進黃倒溝攔堵。以免秋沙內灌。致損民田等語。此案放淤。約計一二年方可內灘淤高。進黃溝既經攔堵。今年著毋庸再放。即飭加高幫餞。免致灘水漫刷。至順清溝消水不暢。仍於距河較近處。趕為接挑。並展寬溝身。與內塘地面相平。俾秋深水落。宣洩無存。不致有妨播種。仍著該署河督等隨時察看溜勢情形。再行酌量辦理。將此諭令知之。○又諭前據烏什辦事大臣慶廉由六百里馳奏喀城回子全行變亂。萬分緊急。同日祇據慶祥奏。拏獲奸細及大獲勝仗各摺。未據續奏該城情形。朕心正深廕注。寤寐難安。

本日據慶祥奏。白帽回子滋事。及臺路已被賊斷。此次奏摺。係專人由巴爾昌卡倫外投至烏什轉遞等語。覽奏不勝懸念。至烏凌阿。穆克登布。追捕張格爾。至瑪雜地方逃脫之後。伊二人曾否帶兵回城。未據奏及。朕前已降旨。授楊遇春為欽差大臣。帶領陝甘精銳滿漢官兵。星馳前往。又派烏魯木齊提督達凌阿。帶領漢兵二千五百名。多貴帶領滿洲兵一千五百名。又派伊犁領隊大臣祥雲保等。帶領勁兵二千名。由冰嶺迅速行走。伊犁勁兵。日內計已馳抵喀什噶爾。各路精銳。不日雲集。該參贊惟當督同舒爾哈善等。激勵將士。戮力一心。嬰城固守。以待大兵。內外夾擊。務保萬全。此為至要。著將烏凌阿。穆克登布。帶兵現在何處。並現在防守情形。隨時馳奏。將此由六百里加緊諭令知之。○又諭前據印登額等奏。逆回分股滋擾。賊勢猖獗。當降旨諭令竭力防守。以待大兵。茲據奏稱。偵

探葉爾羌西路軍臺。瞭見賊匪往回竄擾。業派弁兵及伯克回子兵前往防堵。又東路軍臺防堵之弁兵伯克等。或經戰歿。或被擄去。城中無兵前往堵剿。葉爾羌去喀什噶爾英吉沙爾最為逼近。該大臣等務當督率本城弁兵及伯克等。晝夜竭力防範。總以堅守城垣為要。毋稍疏虞。並偵探喀什噶爾及附近各城情形。隨時設法馳奏。以慰廑念。前命欽差大臣楊遇春帶領大兵星馳往剿。並據長齡奏明。現調伊犁官兵二千。烏魯木齊官兵四千。前往救援。伊犁官兵計日內即可行抵喀什噶爾。烏魯木齊官兵亦不日可到。該官兵等經過葉爾羌地方。務即確探喀什噶爾光景。即令星速救援。必須厚集兵力。方可大加懲創。並防沿途潛伏抄掠之賊。慎勿多分起數。轉致形勢單弱。或有疏虞。如萬不得已。亦祇可少為酌留。以資防守。仍一面迅速奏聞。將此由六百里加緊諭知印登額多隆武。

並諭果良額長清慶廉知之。○又諭前據長齡奏喀什噶爾萬分緊急。請調烏魯木齊官兵四千名。當降旨令英惠等迅速派往。毋稍遲誤。本日據奏現派達凌阿帶領漢兵二千五百名。多貴帶領滿洲兵一千五百名。自己接續星馳前進。現當軍行喫緊之際。糧餉火藥。均關緊要。回疆各城存貯無多。難期應用。該都統迅即寬為籌備。設法運解。務令源源接濟。不得稍有貽誤。伊犁派往官兵亦當一體備辦。將此由六百里諭知英惠。並諭長齡知之。○又諭恆敬等奏籌備軍糧馬匹一摺。前據慶廉等先後馳奏。喀城回子全行變亂。分股猖獗。當經降旨令楊遇春為欽差大臣。選帶精銳官兵往剿。又據長齡奏調甘肅兵三千名。即令楊遇春統帶。齊慎不必前往。楊遇春計日馳抵哈密。所需一切口糧。該大臣等即飭寬為豫備。到日照例支給。其騎馱馬匹。據稱原設屯差馬匹。未便動撥。著將現存

備撥馬二百匹。撥給添補。如有不敷。即就近在巴里坤孳生廠內咨調應用。務須選擇膽壯以利軍行。至官兵前進。所過地方。應支鹽糧。並著移咨各處。早為籌備。總期源源接濟。勿致臨時遲誤。此為至要。將此由六百里加緊諭令知之。○丁酉。諭內閣。富俊等奏查獲裁養過冬。濫枝量罰。示懲一。摺。攬頭劉得本等五人。經屢次查禁之後。仍敢裁養濫枝。自應照例擬徒。第伊等現有應交餘濫銀兩。及領出山票。接濟銀兩。燒鍋票錢。為數較多。若將伊等治罪。轉致國課虛懸。著照所請。劉得本等五人。罰領出山票十三張。印照二張。令其照數交還。免其治罪。嗣後著該將軍等派妥實之員。入山梭查。嚴禁各攬頭等。毋得裁養過冬濫枝。如再查出。即行從重治罪。○諭軍機大臣等。長齡奏英吉沙爾請調土爾扈特和碩特官兵。難期得力。所見與朕意相同。前已有旨。諭知巴哈布。停其調遣。惟喀什噶

爾英吉沙爾嬰城固守。望援甚急。該將軍當飭派往官兵。兼程前進。早一日到彼。俾得早日救援。是為至要。至請簡派伊犁參贊大臣一員。所見甚是。已另降諭。旨以德英阿補放。令其馳驛前往。幫同督辦。烏里雅蘇台將軍。即令倫布多爾濟署理矣。將此由六百里諭令知之。○又諭。現在喀什噶爾逆回勾結布魯特分股滋擾。賊勢頗眾。昨已授楊遇春為欽差大臣。由陝甘挑派精銳將弁官兵。馳往籌辦。伊犁烏魯木齊現亦派兵前往救援。伊犁地方緊要。襄贊需人。德英阿夙嫺軍旅。本日已另降諭。旨授為伊犁參贊大臣。德英阿接奉此旨。即將將軍印務。交倫布多爾濟署理。迅速馳驛前往新任。與長齡將一切應辦事宜。商同妥辦。用副委任。將此由六百里諭令知之。○又諭。喀什噶回子變亂。節經調派各處官兵。星馳剿辦。阿克蘇存城官兵。為數無多。不能再行赴援。長清惟當激勵兵回。固



守疆圉。隨時稽查防範。毋稍疏虞。並偵探喀什噶爾英吉沙爾葉爾羌各處軍情。隨時由驛馳奏。將此由六百里諭令知之。○命吉林將軍富俊。黑龍江將軍祿成。各挑備精兵一千名。遴派諳練帶兵官員。聽候調遣。○命山東巡撫武隆阿。迅速來京。陛見。酌帶文武員弁。聽候差遣。○戊戌。諭內閣。李鴻賓等奏。襄陽府老龍石隄。本工經費無多。請將隄河生息銀款。分撥籌備一摺。湖北襄陽府老龍石

隄。捍禦襄河。保護郡城。最為緊要。前因南岸隄身屢被衝潰。估工修築。本款不敷。借動司庫各款。共銀八萬二千一百三十七兩零。至今尚未歸還。茲該督等查明隄河生息一款。本銀十五萬兩。漢商每年應繳息銀一萬八千兩。原備合省隄河之用。請撥出五萬兩本息。為老龍隄經費。歷次借項得以逐漸歸還。著照所請。准其撥銀五萬兩。作為老龍石隄修葺之用。其前借商捐隄河息銀一萬五千

六百五十一兩。即於本款開銷。毋庸歸還。其餘借動八款銀六萬六千四百八十五兩零。均著照現定章程。按年扣還。以清款項。該部知道。○諭軍機大臣等。逆裔張格爾。勾結布魯特白帽回子。分股猖獗。各城回子伯克等。或守本處城垣。或豫備各項差使。甚為緊要。著長齡即轉行各城大臣。將本年應行入覲之回子伯克等。暫行停止。現在各路大兵。業經陸續進剿。指日即可殲除。著俟明年再行

照例入覲。○又諭長齡奏南路各城軍需緊要。土爾扈特和碩特官兵。雖不能得力。亦可稍壯聲威。安定人心。已札諭該盟長令其自行湊集蒙古兵數千名。交巴哈布帶領前往。等語。土爾扈特和碩特。係蒙古未經訓練之兵。前據該大臣等奏請調派。已諭知巴哈布。如已調派前往。須沿途探聽。會合救援。若未調遣。即行停止。該將軍前奏亦言未便派往。茲又以軍情緊急。檄諭該盟長等湊集派往。



亦祇可聽其自願效用。不可勒派該蒙古等散居遊牧。非一時所能調齊。如此旨到時。尚未啓行出境。仍遵前旨停止。僕已出境。即令巴哈布管帶前往。該蒙古兵等素鮮訓練。恐無紀律。現已諭知巴哈布。須沿途探聽伊犁等處派往官兵。會合前進。相機救援。至伊薩克自願帶領回兵。效力行間。該將軍已令帶兵前往。自應俯如所請。惟各城伯克等兵既無多。所管地方。俱為緊要。祇應飭令嚴守疆

界。不必又派兵隨往。葉爾羌辦事大臣印登額。雖曾經歷戎行。惟該城地方緊要。多隆武一人。不足以資防範。印登額未便輕離城守。且伊犁官兵。已有祥雲保、碩隆武分起管帶。現馳諭印登額俟官兵到彼。察看情形。相機調遣。不必定須會同前往也。該將軍統轄新疆。雖未躬歷行間。亦有總統之責。凡各路軍情及一切軍火糧餉馬匹等項事宜。均須通盤籌畫。計議周詳。如有應行調遣籌備。及楊

遇春有咨商辦理之處。即當一面奏聞。一面相機妥辦。新疆距京遙遠。奏報往返需時。無致稍有延誤。朕亦不為遙制。至所請撥用銀十萬兩。已飭戶部速議撥解。以資應用。其慶祥專差齎摺之外。委索文。由卡外取道布魯特。徒步齎送至阿克蘇轉遞。昨已於十六日遞到。尚無遺誤。著長齡存記。加以鼓勵。將此由六百里加緊諭令知之。○又諭。前有旨派楊遇春統帶陝甘精銳官兵。馳赴回疆籌辦

勦捕事宜。該署督接奉諭旨。自己星馳前進。此次調赴各官兵。俱歸楊遇春統轄。本日據長齡奏稱。檄諭土爾扈特和碩特盟長。奏調蒙古兵數千名。交巴哈布帶領前往。朕以該蒙古兵不諳紀律。當經諭知長齡。巴哈布如尚未起程。即行停止調赴。僕已調齊進發。必須會合大兵。方資得力。又沙雅爾阿奇木伯克伊薩克。請帶回兵二百五十名。巴哈布奏派喀喇沙爾兵三百名。前往助援。均經降旨

准行。並前經奏調伊犁兵二千名。烏魯木齊兵四千名。計可陸續前進。該署督相機調撥。總令大兵雲集會合。一鼓殲擒。不可零星分撥。致形單弱。其各城存兵無多。應令各守疆圉。保護防範。該署督業經頒給欽差大臣關防。即係總統軍務。凡將軍參贊都統。遇有應行會籌事宜。皆當咨商辦理。其餘自提督總兵副都統以下。悉聽楊遇春節制調遣。並飛飭各該處將現辦軍情。隨時偵探具報。若事

事奏候諭旨。再行遵辦。轉致往返需時。楊遇春接到文報。即當相機籌畫。隨宜調度。再行奏聞。所需軍火糧餉馬匹等項。亦著豫為籌備。俾資接濟。務當計出萬全。仰副倚任。將此由六百里加緊諭令知之。○又諭巴哈布奏接據蘇倫保請調土爾扈特和碩特蒙古兵救援之信。已呈請長齡辦理。並即調蒙古等諭令挑派前往等語。前已有旨由六百里加緊諭知巴哈布。此項蒙古兵如未調遣。即行

停止。本日據長齡奏軍情緊急。如該蒙古等自願前往效用。亦可藉資驅策。此旨到時。如未經調集。或雖已起行。尚未出境。仍遵前旨停止。儻該大臣業已管帶起程。遠出本境。該蒙古兵素少訓練。恐無紀律。須沿途探聽伊犁等處派往官兵。會合進發。相機救援。不可冒昧輕進。應給口糧路費。著按例給發。將此由六百里加緊諭令知之。○又諭本日據長齡奏伊犁官兵已派祥雲保碩隆武管帶前

進。至葉爾羌。令印登額會同前往救援。葉爾羌地方逼近喀什噶爾。最關緊要。若留多隆武一人在彼。不足以資防範。印登額未便輕離城守。伊犁官兵已有祥雲保管帶。計日可以到彼。烏魯木齊官兵亦陸續可到。該大臣察看情形。令其相機進剿。不必會同往援。惟當慎守城池。督飭各回莊伯克鎮靜防範。勿致人心搖惑。並探明各城軍情。設法馳奏。以慰廑注。將此由六百里加緊諭知印登額。並

諭多隆武知之。○修湖北襄陽府城垣。從總督李鴻賓請也。○己亥。諭內閣。那彥成奏。接剝海運漕糧。需用經費。請交欽差大臣確切查覈等語。本年直隸接剝海運米石。所需經費。前經議定章程。茲據該督奏稱。緯夫雇價。較原價計增一倍。其守候口糧。住宿棚廠。並剝船添用蓋席。兌米添用席桶。均係原議所未及。著穆彰阿確切查明。席片是否必須多用。例價是否實有不敷。據實覈議具奏。○諭

軍機大臣等。松筠等奏查訊福綿生辰。據該撫及司道等。俱稱僅止收受屏幅。並未受有饋送禮物。曾演戲設席。酬謝屬員等語。該撫福綿生辰。其時外府廬州縣赴省稟謁者。有數十員之多。未必皆係因公。如因拜壽進省。豈竟無饋送禮物者。必須查訊明確。至該撫曾經演戲設席酬謝。其所酬謝者。俱係何員。著松筠等傳提該撫管門家丁。嚴究有無收受禮物之事。秉公確查據實具奏。將此諭令

知之。○又諭。前據孫爾準奏。請候風渡臺。督辦勦撫事宜。當以內地不可無大員調度策應。諭知該督。如尚在候風。未經配渡。即仍駐劄廈門。計前此奏報後。又已旬餘。未據該督續行奏報。現在曾否渡臺。深為廕念。本日有人奏稱。此案起於械鬪。臺俗頑悍。事所恆有。斷無蔓延數邑之理。實皆游手匪徒。乘機煽亂。土人謂之羅漢腳。現在蔓延既廣。猶以械鬪為名。欲為之剖示曲直。則首先起釁諸人。

或已彼此殘殺。無從質訊。欲攝以兵威痛勦。則愚民懼于併誅。轉遂其誘脅之計。誠使地方大吏。廣張告示。准各莊紳士業戶人等充當義首。募所素識。交互保結。團為義勇。各衛鄉閭。未有不踴躍從事者。匪徒自無所施其誘脅。匪黨既孤。渠魁思遁。以內山番地為逋逃藪。官兵雖甚奮往。無由確知窟巢。若各村莊皆設義勇。斷絕入山要隘。間有潛藏在彼。亦能洞悉番情。無難使探蹤跡。購縛以來。全

案可期速竣等語。所奏不為無見。是否可以採納。將原摺鈔寄閱看。孫爾準即與許松年悉心體察。會同商酌辦理。並將現在勦捕情形及安撫難民事宜。孫爾準究曾渡臺與否。即當迅速馳奏。以慰廑注。昨復降旨。令武隆阿馳驛來京。陛見。所有應辦機宜。該督與許松年速商妥辦。不必等候武隆阿到彼。稍存觀望也。將此由五百里諭知孫爾準。並諭許松年知之。○又諭。前因孫爾準駐紮廈門。調

度策應。所需軍火糧餉等事宜。諭令韓克均妥為豫備。現在孫爾準曾否渡臺。旬餘未見奏報。該處匪徒竄擾及勦辦情形。該道府廳縣必詳報該撫。總未據該撫奏及。著將應辦軍餉等事。仍遵前旨妥籌。以資接濟。並將該處辦理情形。隨時探明。由驛馳奏。以慰廑注。將此附五百里報便諭令知之。○又諭。本日據楊遇春奏。接據長齡知會哈密為新疆咽喉要地。必須重兵駐紮。以為各城援應。已飭

令甘州提督齊慎帶兵三千名。前往駐守等語。前經降旨。派楊遇春馳赴哈密駐紮。籌辦勦堵事宜。齊慎不必前往。長齡所請調派陝甘兵三千名。即交楊遇春統帶。仍遵前旨。飭令齊慎即回本任。此時尚未得喀什噶爾。英吉沙爾葉爾羌實在情形。該署督當一面相機調度。馳抵哈密。確探妥籌。查附和逆回。多係布魯特番賊。素能以槍馬剽掠。務當加意慎重。以期戰則必克。不可輕率前進。其所奏

動撥甘肅藩庫銀二十萬兩。著准其撥解安肅道庫收貯。以備軍需供應。將此由五百里諭令知之。○以故莊襄親王綿課子奕賣襲爵。○庚子。諭軍機大臣等。前據琦善等奏。安東改河。窒礙難行。會議啟放。王營舊減壩。以期掣溜通漕。已將一切應培圈堰。先行發銀趕辦。其估辦增培堰圩大隄工程銀兩。亦經飭部速議籌撥。現在已交秋令。糧船已陸續回空。該督原奏應視糧船回空之早遲。定啟

壩之時日。此時自應將一切章程及啓放日期。會同籌議。乃尚未據陳奏。其擇要增培大隄工段。何時趨築。亦未奏及。事關河湖運道大局。朕心時切懸厪。該督等開壩之議。原期大溜掣消。黃水陡落。即可迅開禦壩。放清刷黃。俾中段淤墊河身。日漸疏濬深通。惟一經啓放減壩。黃水是否即能全行掣溜。使正河斷流。攔阻大壩。引清刷淤。必須實有把握。能復常年漕運舊規。方不至虛糜帑項。昨據奏

報伏汛安瀾。摺內黃高於清一尺四寸。是稍為落低。即可開壩。雖秋汛方長。漲落靡定。第就現在河湖情形而論。本年開放禦壩。催趲回空。或不致過難。惟明年重運北來。若不能開壩進行。而河北又無船接運。即欲照前盤剝。辦理更多棘手。或本年回空。明年重運。皆可勉強無誤。而大河仍未刷跌深通。挽歸故道。是河湖未復舊規。漕運豈能通行。儻再臨時阻滯。又復改圖。而前發帑金。已成虛擲。

即將該督等治罪。亦復何濟於事。此時琦善等務將開放減壩後。黃水實能消落。清水大可刷淤。辦理必有成效之處。迅速切實。由驛具奏。將此諭令知之。○又諭據英惠等奏。喀什噶爾逆回滋擾。挑撥烏魯木齊滿漢兵四千名。前往接應。現已陸續起程。達凌阿暫時統領。沿途遇有從逆回子。隨地勦辦等語。張格爾勾結布魯特並喀什噶爾回子變亂。達凌阿由烏魯木齊帶兵。經過回疆地方。尤當

加意體恤。嚴飭該官兵等整肅進行。毋得稍有騷擾。約計過阿克蘇時。伊犁官兵當已前進。該提督等探明前路情形。或分或合。相機援剿。遇有零星滋擾逆回。自當殲除。尤以嚴防後路。廓清臺站。毋墮賊人奸計為要。又前據長齡奏。調土爾扈特和碩特蒙古兵數千名。交巴哈布帶領前往。當經降旨。儻已出境。即令巴哈布帶領前往。如未出境。即行停止。茲據英惠奏。明酌派協領常格。前往喀喇沙

爾接署辦事大臣印務。著即飭知該協領。如巴哈布業已帶兵馳進。其喀喇沙爾辦事大臣印務。即著常格署理。如巴哈布並未起程。常格即回本任。所有接濟鹽菜銀兩。並籌撥口糧。均著趕緊撥解。至所奏籌撥備貯銀二十萬兩。已飭戶部速議籌撥矣。將此由五百里諭知英惠達凌阿。並由達凌阿傳諭巴哈布。祥雲保。碩隆武知之。○旌表守正捐軀浙江太平縣民李恆增妻楊氏。○給湖南醴陵

攸。茶陵。三州縣被水災民一月口糧。並房屋修費。○緩徵浙江嘉善。平湖二縣興辦水利。借動司庫銀。○以浙江樂清。慶元二縣糧價漸增。命平糶倉穀。○撫卹日本國遭風難夷如例。○辛丑諭軍機大臣等。長齡奏喀什噶爾及葉爾羌各臺站逆回滋事情形。覽奏實堪憤恨。喀什噶爾。葉爾羌。尚未得實在信息。伊犁援兵二千。計七月望間可抵阿克蘇。烏嚕木齊官兵四千。計八月初旬纔可到彼。現

在賊勢甚眾。斷非六七千兵力所能痛剿。萬一輕率前進。轉致腹背受敵。墮賊奸計。著長齡即飭祥雲保。碩隆武。達凌阿等沿途偵探。何處可以駐紮。即在何處會齊。等候大兵雲集。會合前進。現已飭寧夏將軍格布舍帶兵二千名。前赴哈密駐紮。以壯聲援。諸事與楊遇春商辦。楊遇春帶領陝甘兵五千五百名。計八月中旬可抵哈密。相機堵剿。又另降諭旨。令富俊祿成。挑吉林黑龍江兵各一千名。

派副都統帶兵。不日前赴軍營。聽楊遇春調遣。又諭武隆阿來京陛見。即令帶巴圖魯侍衛前往會辦。並諭楊遇春轉飭各帶兵官。於勇往之中。寓慎重之意。養精蓄銳。務期厚集兵力。一鼓掃除。以彰天討。至軍火糧餉一切經費。已飭戶部速行籌款矣。將此由六百里加緊諭令知之。○又諭楊遇春奏接據恆敬等及巴哈布咨會籌辦逆回情形。請前赴肅州駐紮。隨時調度。並派格布舍及固原提鎮



各屬帶兵前往等語。前已降旨令楊遇春總統軍務。迅赴哈密暫駐督辦。甘肅控制新疆。最為扼要。所派綠營官兵五千五百名。應於陝甘兩省酌調。無致後路空虛。如察看尚不敷用。即飛咨成都將軍四川總督提督於四川官兵內酌定數目調往。並將素知得力之將弁指調。一面奏聞。現據奏派固原提督楊芳漢中鎮總兵呂天俸帶兵往勦。如楊芳等業已啓程。陝甘兩省提督未便俱帶兵遠出。

著仍遵前旨。令齊慎即回本任俾資彈壓。現降旨交吉林黑龍江將軍各挑備精兵一千名。派副都統管帶前進。及前所謂伊犁等處官兵。不下一萬數千名。總須厚集兵力。勢出萬全。朕亦不為遙制。該署督職司總統將軍參贊都統一切均應咨商。提鎮以下悉聽節制。應於何處駐紮大兵。即在該處會齊。俾得養精蓄銳。為一鼓埽除之計。惟當加意慎重。無許冒昧輕進。即飛行前途各路帶兵官一

體遵照。儻有偵探不確。糧運不繼。貪功深入。致有疏虞。即當治以輕率愆事之罪。不可不慎之又慎也。所有總督關防已派鄂山馳往接署。其提鎮印務俱著照所奏分別署理。應用糧餉准其於陝西藩庫內撥銀四十萬兩解至甘省備用。並飭部臣趕緊籌撥。自能源源接濟也。將此由六百里加緊諭令知之。○又諭前令富俊等挑備吉林黑龍江精兵並挑派諳練帶兵官員。候旨調遣。再令起程。本

日據楊遇春奏吉林索倫兵丁最為驍勇。請酌調馬隊二千名。派大臣帶往協勦。所見與朕意相同。著該將軍等遵照前旨。即各挑精兵一千名。各酌派副都統一員。並酌派得力帶兵官員。迅速帶領各官兵騎本處馬匹。分起前進。該將軍等即飭知帶兵之副都統等行抵哈密一帶。探明楊遇春駐紮處所。即會齊到彼等候。斷不許冒昧輕進。至軍行道路據楊遇春奏口外草地較近。更為迅捷。惟目

前草地。是否可以行走。沿途馬匹一切作何備辦。抑或必須由內地經行。著該將軍等悉心籌定。即飛咨前途。妥為豫備。一面飭令官兵遵照迅速起程。一面由驛具奏。將此由五百里各諭令知之。○又諭。現因喀什噶爾逆回滋擾。已降旨令富俊祿成。挑派吉林黑龍江馬隊兵各一千名。馳赴回疆會剿。並飭各派副都統一員。及得力帶兵官員。帶領分起前進。該官兵等自騎馬。長途疲乏。至大凌

河應須更換。著晉昌奇明保接奉此旨。即挑備驢壯馬二千匹。在大凌河豫備。一面探明吉林黑龍江兩路官兵。如由該處行走。到時將疲乏之馬。照數更換。其該官兵等原騎馬。匹即留於大凌河牧廠餵養可也。將此由五百里諭令知之。○又諭。現在喀什噶爾回眾變亂。勢漸蔓延。已派楊遇春為欽差大臣。帶領甘肅精銳兵丁五千五百名。前往勦辦。哈密為新疆咽喉要地。必須大員帶兵在彼駐

紮。以壯聲威。著寧夏將軍格布舍挑派精銳滿營官兵五百名。涼州莊浪滿營官兵五百名。寧夏鎮屬官兵一千名。前往駐紮。以資防守。該將軍遇事與楊遇春籌商妥辦。毋得冒昧前進。慎之又慎。將此由六百里諭令知之。○壬寅。

上幸萬壽山。○詣綺春園問

皇太后安。○諭內閣。那彥成奏酌議京控交審案件。分別奏咨一摺。直隸民人。一經涉訟。因

來京甚便。並有未赴本管道府衙門呈訴。輒行京控者。與別省情形不同。迨審明後。罪止杖徒。與原案並無出入。若概行專摺具奏。案牘滋繁。嗣後直隸省京控交審各案。除實係有關人命。及軍流以上。或與原案不符。或平空誣告。並有關參革官員者。仍照向例具奏外。其軍流以下案件。如與原案毫無出入。不過懷疑妄控。事出有因。尚非有心誣告。並無關參革官員。罪止徒杖各案。俱著咨部覈擬。



完結。仍咨原奏各衙門備查。毋庸逐案具奏。以示區別而免羈累。○命御前大臣領侍衛內大臣。於三旗侍衛前鋒參領護軍參領護軍校內。揀選年壯技優者七八十員。帶領引見。簡派三十員。發往回疆軍營差遣。○以寧夏副都統國祥暫護寧夏將軍。○癸卯諭內閣。御史但明倫奏。編查苗疆保甲多有不便一摺。據稱夷苗性蠢多疑。特派大員帶員弁前往。勢必驚懼不安。並恐所帶胥役及經過

州縣書差里保滋弊。漢苗相安不宜稍事紛更。請停止派員。仍責成各州縣籌辦等語。前據嵩溥奏。黔省苗寨客民漸多。久經占籍。勢難概行驅逐。苗人生計日蹙。恐致滋生事端。當經降旨令其詳細編查造冊稽覈。以杜續增流民及盤剝準折等事。原係專查客民。其苗多之處。仍照舊停止稽查。至特派能通苗語之參將李可仁。熟悉苗疆之知府杜友李前往會查。正所以安輯苗民。免致張皇驚擾。

該員等及委帶員弁飯食夫馬等項。均由藩庫發給。不許派累地方。諭旨甚明。至猾吏蠹役。難必其不乘機舞弊。惟在該管之員約束嚴明。有犯必懲。一切自可肅清。若慮其煩擾遽行停止。豈非因噎廢食。成何事體。著嵩溥仍遵前旨。責成李可仁杜友李會同妥辦。先行曉諭苗寨。並嚴禁胥役無稍紛擾。如有藉端科派等弊。即從重懲治。仍著該撫隨時留心訪察。儻該員等辦理不善。亦即據實嚴叅。

至田土案件。漢人侵占苗業。及夷苗誣控平民。均有應得之罪。惟在承審官細心研究。務歸平允。則民苗自可悅服也。○鑄給湖南鎮溪營中軍守備條記。從總督李鴻賓請也。○甲辰諭內閣。那彥成奏。請查革掛名吏役一摺。所奏是。向來各直省大小衙門書吏差役及門斗弓兵。均有定數。不容增添。惟直隸差務較繁。准招散役數名。例無官給工食。免其差徭。乃近日冒濫漸多。訛詐欺壓。擾害鄉閭。

嗣後司道府廳衙門吏役不准過五十名。由本官酌定名數。造立卯簿。州縣衙門吏役不准過八十名。教官佐雜衙門門斗弓兵不准過二十名。由該管道府酌定名數。造立循環卯簿。年終報明該管道府具報總督衙門查點。餘皆一概革退。編入里甲當差。仍將入卯之役彙造總冊立案。每名止准免地三十畝。以杜包庇影射。該督務飭屬隨時認真查察實力奉行。毋得日久視為具文。○又諭百春

等奏籌辦速卸漕糧一摺。本年盤壩南糧各幫。並海運漕米。共未到壩尚有一百四十餘萬石。自應迅速起卸。無誤回空期限。著准其查照歷年寄剝迎剝成案。自三進第十幫起。俾在後各幫軍船。即由楊村回空。如大通橋轉運不及。著將城外太平等四倉暫囤米四十萬石。俟起卸全竣。再行轉運原派之倉。其囤費即照上年收米成案辦理。至通壩口袋現不敷用。將海運口袋由津提回。以作通壩

起米之用。總期及早回空。無稍延誤。又另片奏上年籌議收米章程。以海運暨盤壩南糧米數甚多。如轉運遲滯。於城外各倉查點空廠及號房暫囤。此次起卸。著即照議定成例辦理。所有囤費銀兩。先於通濟庫支放。事竣覈實報銷。該部知道。○又諭前曾降旨令武隆阿馳往臺灣籌辦彰化械鬪之案。現在總督孫爾津業經帶兵渡臺督辦。無需武隆阿前往。派出侍衛參領等俱著無庸前往。前任

建寧鎮候補總兵趙龍章熟悉閩省情形。著仍遵前旨馳驛赴臺。交孫爾津差遣。遇缺酌量補用。噶瑪蘭通判呂志愷。即自行速回本任。○又諭回疆逆裔張格爾潛謀煽惑。前已命楊遇春為欽差大臣。帶領陝甘精銳。格布舍帶領寧夏官兵。並調烏魯木齊提督達凌阿伊犁領隊大臣祥雲保等帶領各該處滿漢官兵。前往勦辦。統計將及二萬名。現又飛調吉林黑龍江勁旅數千。前往協勦。自必所

嚮有功。惟思命將出師。事權宜歸統一。大學士伊犁將軍長齡。公忠體國。老成諳練。著授為揚威將軍。並由京頒給印信。軍營大小官員。悉聽節制。楊遇春前已頒給欽差大臣關防。計已自甘肅起程。武隆阿由山東來京。陛見。亦著頒給欽差大臣關防。與楊遇春俱參贊軍務。武隆阿起程時。朕再揀派巴圖魯侍衛。隨同前往。其京營曾經出兵得力官員。著武隆阿奏明帶往。如有續行添調官兵之處。

並著長齡等一面奏聞。一面飛調。至軍火糧餉。一切經費。已飭戶部速行籌款。源源接濟。兵精糧足。天戈所指。無難悉數掃除。第念喀什噶爾回子。久隸版圖。素稱恭順。即布魯特部落。亦輸誠歸化有年。此次勾結滋事。自係逆裔張格爾煽惑所致。其中甘心助逆者。諒必無多。大兵到日。其被脅附和之眾。果能解甲迎降。投誠乞命。皆可量予寬貸。仍令各復舊業。儻敢執迷不悟。抗拒大兵。必應殄滅醜。

類俾無遺種。該將軍等務當合力同心。善體朕意思。威並用。首先效順者。許以自新。負隅不悛者。盡行剿滅。尚其迅奏膚功。綏靖邊域。用副朕鋤逆安良至意。○諭軍機大臣等。現降諭旨。授長齡為揚威將軍。勦辦逆回。軍營大小官員。悉聽節制。派楊遇春、武隆阿俱為欽差大臣。參贊軍務。並已飭德英阿速赴伊犁。參贊之任。長齡將將軍印務交德英阿署理。即前往督辦軍務。楊遇春已自甘肅起程。

計八月中旬可抵哈密。武隆阿日內到京。朕揀派巴圖魯侍衛隨同前往。並將揚威將軍印信交武隆阿帶交長齡祇領任事。計九月內亦可抵哈密。長齡偵探大軍現抵何處。即馳赴該處會齊。合力同心。相機進剿。總須慎重辦理。本日又據長清奏稱。葉爾羌所屬伊勒都軍臺兵丁。均被回匪殺害。並據臺兵稟稱。六月二十六日夜間。葉爾羌十臺當差回子變亂。搶車殺人。喀什噶爾英吉沙爾自六

月二十二等日起。葉爾羌和闐自六月二十六日起。回子搶掠商民。文報不通。現在葉爾羌等處。咨催新換及調撥各城前往進。勦官兵八百七十餘員名。行抵阿克蘇。飭令相機前進。並將銅廠錢局柴灘工作暫行停止。挑派兵二百員名。防守阿克蘇城等語。前已有旨令長齡飭祥雲保碩隆武達凌阿等沿途偵探。何處可以駐紮。即在何處會齊。現在飛飭各該帶兵官酌量兵力如何。迅速救

援各城。即著前往。如必須厚集兵力。即在阿克蘇防堵。俟大兵雲集。會合前進。務當養精蓄銳。一鼓掃除。以彰天討。至軍火糧餉一切經費。已飭戶部速行籌款。源源接濟矣。並發去硃諭一封。給長齡閱看。長齡當善體朕意。與楊遇春武隆阿等熟商妥籌。計出萬全。迅奏膚功。玆膺懋賞。將此由六百里加緊諭令知之。○又諭。前頒給楊遇春欽差大臣關防。帶領陝甘精銳官兵。馳赴回疆。籌辦堵剿。本

日降旨授大學士長齡為揚威將軍。並頒給武隆阿欽差大臣關防。與楊遇春均參贊軍務。楊遇春此時計已出關。長齡俟新授伊犁參贊大臣德英阿到任後。交卸起程。武隆阿於八月初由京馳驛前往。約計九月內可抵哈密。著楊遇春行抵哈密。即相度回疆扼要處所。何處可以駐紮。即在何處會齊。務當戮力同心。公同籌辦。加意慎重。總期厚集兵力。勢出萬全。用副倚任。並飛飭達凌阿及各路

帶兵官員一體遵照。毋稍疏虞。本日又據阿克蘇辦事大臣長清奏。偵探逆回情形。葉爾羌東路軍臺弁兵。均被賊殺害。現在喀什噶爾英吉沙爾。葉爾羌和闐等城。俱文報不通。不知局勢如何。已將經過阿克蘇之換防進。勦官兵八百七十員名。飭令趕緊探明前往。並於銅廠錢局柴灘工作內。挑派二百員名。來城防守等語。阿克蘇毗連葉爾羌。軍臺既已斷截。是該城防堵事宜。甚為緊要。計祥雲

保等所帶伊犁官兵二千。七月中旬應抵阿克蘇。達凌阿等所帶烏魯木齊官兵四千。八月初旬亦可到彼。已另降諭旨飭長清偵探賊勢眾寡確實情形。如果力能救援。方可向葉爾羌等城相機前進。亦須嚴防後路。若賊眾兵單。斷不可冒昧深入。即飭達凌阿、祥雲、保等均在阿克蘇駐紮防堵。俟長齡等督同大兵雲集。以期一鼓殲除。至軍火糧餉一切。已飭戶部速行籌款。源源接濟。將此由六百

里諭知楊遇春。並諭達凌阿知之。○又諭長清偵探逆回現在情形。令葉爾羌等處換防進剿官兵。相機前進。並以阿克蘇存城官兵無幾。調回銅廠錢局等處官兵來城防堵。所辦甚好。朕現授長齡為揚威將軍。並授楊遇春、武隆阿為欽差大臣。參贊軍務。帶同侍衛巴圖魯、統領大兵約二萬名。會同進剿。天戈所指。不日即可悉數掃除。此時祥雲、保、碩隆武。所帶伊犁援兵二千。計本月望間已抵阿

克蘇。達凌阿等所帶烏魯木齊官兵四千。計八月初旬亦可到彼。著長清會同偵探實在情形。計算官兵多寡。如力能救援。即著祥雲、保等。同此次換防及進剿官兵。探路徼往。仍須加意慎重。嚴防後路。毋墮賊回奸計。如尚須厚集兵力。即令暫在該城駐紮巡防。俟大兵雲集。一同進剿。務期動出萬全。不可冒昧輕進。長清即設法知會各城一體慎重防守。毋稍疏虞。並探明喀什噶爾、英吉沙爾、葉爾

羌和闐各處軍情。隨時馳奏。以慰廑注。將此由六百里加緊諭令知之。○賞河南城守尉蘇清阿頭等侍衛。命參贊大臣武隆阿帶往回疆軍營差遣。○修福建烽火營福寧鎮左營水師提標左營戰船。從巡撫韓克均請也。

○乙巳

仁宗睿皇帝忌辰。遣官祭

昌陵。

上詣

安佑宮行禮。○諭軍機大臣等。據多山奏。盛京戶部主事阿克薩蘭染患怔忡。告假回旗。定於七月初三日起程。暫寓伊戚工部司庫烏永阿寓所調理。於六月二十九日乘隙至廁所用。己身袴帶勒斃。當即派員相驗。委係自勒身死。復訊據烏永阿並該家人李二等供。該員自四月中旬以來。精神恍惚。言語行動。已成瘋顛。實係自勒殞命。並無別故等語。阿克薩蘭到任甫經數月。何以遽爾輕生。染患

怔忡。既經呈報盛京戶部有案。其家人所供復患瘋顛。是否屬實。抑或另有別情。著晉昌提集人證。確切查訊。據實具奏。將此諭令知之。○以正白旗蒙古都統特依順保為阿克蘇辦事大臣。阿克蘇辦事大臣長清為幫辦大臣。協辦大學士英和署正白旗蒙古都統。○命前任陝西巡撫盧坤。馳往甘肅。會同署陝甘總督鄂山。總理軍需糧餉事宜。○命前任甘肅甘涼道英啓。山東鉅野縣知縣李天

錫。馳赴甘肅。聽候鄂山。盧坤。差委。○給山西歸化城廳被水災民一月口糧。及房屋修費。○丙午。諭內閣。琦善奏請嚴禁河工投效。河員侈靡等語。所見極是。河工積習相沿。每值興舉大工。率多夤緣投效。以為捷徑。而辦工各員。往往以珠玉玩好。羣相矜尚。甚至違禁餽送。將領項任意糜費。遂至工程草率。亟應嚴行禁止。以挽頹風。著該督遇有投效人員到工。即飭令各歸原籍。無得妄生冀倖。並飭

在工員弁。肅除積習。屏絕浮華。凡遇興辦大工處所。不許將工次不需之物。販往銷售。至此等販貨之人。不過為牟利起見。若動輒遞籍。並送交刑部查辦。無此政體。該督惟當嚴飭道將等。潔己率屬。崇樸黜浮。一面出示曉諭。嚴行飭禁。其有抗玩不遵者。即飭地方官驅逐出境。亦不得藉端索擾滋弊。○諭軍機大臣等。琦善等奏。會籌減壩事宜。請酌撥經費一摺。前因該督等會議。啟放減壩。一切挑



河開壩及撫卹等項需費甚多。當飭戶部豫為籌款備用。茲據奏已定於八月內開放減壩。約計需銀三百八十萬兩。除先撥粵海關稅銀六十萬兩外。再請撥帑三百二十萬兩。著戶部即將前此籌備工需銀兩。速議奏明動撥。行令迅解工次。以資應手。至開放減壩。原為落黃洩清之計。必使黃減而禦壩即開。清減而湖漲可洩。漕運復舊。隄堰無虞。即數百萬帑金。朕原不加靳惜。惟既經啓壩之後。

能否全行奪溜。騰出正河。設法疏濬。總須確有把握。據奏堵其支流。宣其去路。皆前兩屆未及審度之事。該督等此次豫為籌備。固應如此辦理。將來堵築攔河大壩。必須將中段高仰之處。大加挑治。期於一律深通。方可收一勞永逸之效。若祇補救目前。謂本年禦壩可開。回空可渡。而明年重運北來。仍難保必無阻滯。或一年之間。漕運可以暫通。而經久仍不能無誤。是不特運道不通。而河湖之敝。

壞。伊於何底。前降諭旨垂詢甚明。該督等務將開壩後黃水必能陡落。清水必能暢出。帑項不至虛糜。確有成效之處。切實由驛速奏。以慰廛注。再本日據陶澍奏。本年啟放濱湖及運河各壩較早。僅留昭關壩一處。係前月奏明不開之工。足衛下游田畝。六月二十七日。琦善路經該處。亦諭各員得守且守。迨三十日。參將張兆前來看視。即日將昭關壩開放。所有稻田遂歸巨浸。而去路不暢。湖水仍

未消落。徒積於下河。數百里汪洋一片。田畝刻難涸復等語。昭關壩既經該督等飭諭各員得守且守。何以甫逾三日。該參將張兆即往開放。是否該督等飭令前往。抑該參將擅作主張。著查明據實具奏。且啓壩原為減洩湖漲。乃減水無多。徒使田禾被淹。居民失業。成何事體。並著該督等嚴飭該管員弁。將下游歸海各河。速議疏挑。俾積水暢消。民田涸復。無誤將來播種。以蘇民困。將此諭知琦善。

張井潘錫恩並諭陶樹知之。○又諭御史熊遇泰奏會匪擾害地方請旨飭查一摺。據稱江西贛南一帶近有匪徒燒香結盟每人帶刀一柄名為添刀會又名千刀會聚黨至數百人出沒無常沿途劫掠上年冬間興國雲都瑞金地界一月之內疊劫商販至五十餘起。又有泰和縣馬家洲郭姓被劫資財萬餘金。迄今未獲破案。地方官諱盜規避。憚於緝捕。偶值地界毗連即互相推諉。並聞會匪與

鹽梟勾結如泰和之馬家洲萬安之白渡市私梟充斥。每借力會為聲援。放礮闖關。蔽江而下。又有匪徒創立花會製為三十六字號三十六天罡。令人射取。打中者數十倍償之。此風興國雲都吉水泰和永豐等處為尤甚。約計一鄉多或百餘廠。少亦數十廠。每日開廠嘯聚至數百人。其中多有流入刀會者。非尋常賭局可比等語。匪徒創立會名。久于嚴禁。如該御史所稱會匪聚黨劫掠頻仍甚至

鹽梟借力會為聲援肆行無忌。地方文武各員所司何事。至花會聚眾賭博亦應嚴行查禁。免滋事端。著韓文綺督同臬司邱樹棠將該御史所奏前項各情逐加訪察。飭屬認真查拏。毋稍疏縱。至該御史所稱鄉村遠闊地方官耳目難周。請就各鄉中選擇公正才幹之鄉耆舉為鄉約。一有覺察立即送官究辦。如有隱瞞即治以徇庇之罪。並於衝要地面移駐一二文武員弁。專司緝捕。藉資彈壓。其

法是否可行並著體查地方情形據實具奏。將此諭令知之。○又諭逆裔張格爾敢於入卡滋擾固有白帽回子為之接應。而其恃以無恐者賴有布魯特相助為虐。遂至披猖。至於卡內從逆回子素稱怯懦縱令烏合眾多不能技械精利。現計調集各路兵力不下二萬有餘。若一時會合進剿不難聚而殲旃。惟布魯特性類貪狠人尤狡黠。此次助逆遠來不過陽為應援陰圖剽掠利則爭趨敗則思



遁亦未必始終聯為一氣。固結不解。若當大兵進發之時。竟敢公然迎拒。則兵戈所向。痛加勦洗。殲厥渠魁。自可以懲兇頑而彰天討。第恐該逆等於我兵未到之前。肆其鴟張。迨大兵雲集。輒又聞風遁去。或甫經接仗。而悉眾遠竄。或祇將布魯特加以懲創。而緊要逆首張格爾仍行逃匿。卡倫外路徑叢雜。我兵既未便深入窮追。又豈能多兵長駐。以待賊至。是既墮奸謀。徒勞兵力。尚復成何事體。長

齡楊遇春。久歷行間。素嫻韜略。長齡與武隆阿又諳悉回疆情形。必須熟商一出奇制勝之策。或誘之使來。或就地擒戮。或設法繞在近卡地方。分出奇兵。要截去路。以期一鼓殲擒。掃除遺孽。其卡倫外布魯特醜類雖眾。而甘心從逆者。惟汰劣克等數逆。諒必無多。該布魯特等惟利是視。若啗以重賞。使不從逆者。樂於輸誠效命。該逆奮縱或逸出卡外。豈能復任潛藏。該將軍等俟武隆阿到彼。會同

相度與圖形勢。悉心通盤籌畫。妥為布置。應如何衝其前敵。如何截其後路。務期算無遺策。帑不虛糜。大振國威。毋貽後患。方為不負委任。但機不可失。若於武隆阿未到之前。能出奇制勝更好。須要慎之又慎。將此由六百里諭令知之。○命管理火器營健銳營王大臣等會同參贊大臣武隆阿於兩營內各選兵一百名。並章京數員。隨往回疆軍營。○賞揚威將軍長齡參贊大臣楊遇春武隆阿文

綺。○賞阿克蘇辦事大臣特依順保治裝銀。○撫卹江蘇高郵寶應甘泉江都興化泰六州縣被水災民。○丁未諭軍機大臣等本日鄂山奏調辦理軍需各員。已經准行。至該署督請於酌定章程後。移駐肅州。設局督辦。自係尚未知派令盧坤前往會辦。昨已降旨令盧坤馳驛速赴甘肅。所有一應軍餉等項事宜。該前撫到彼商籌周妥。即著盧坤專駐肅州督辦一切。鄂山現署督篆兼轄兩省。仍應

駐紮省城。調度策應。較為妥便。該署督當與盧坤遇事和衷商榷。督飭委員及地方官迅速轉運。源源接濟。毋得短絀遲誤。切不可因專駐督辦有人。稍存觀望也。將此由五百里諭令知之。○署陝甘總督鄂山奏。請調陝西鹽法道查廷華。寧陝廳同知朱紹穎。寧羌州知州諸能定。澄城縣知縣伍敏。山東兗沂曹濟道楊翼武。赴甘肅幫辦軍務。允之。○命前鋒統領哈琅阿。為領隊大臣。會同吉林帶兵

之副都統等。馳赴回疆軍營。○命乾清門侍衛客。內閣學士容恩。奉宸苑卿桂輪。二等侍衛奕山。慶安。馳赴回疆軍營。賞治裝銀。並命容安齋頌揚威將軍印信。○命御前侍衛桂成。額勒經額。乾清門侍衛巴清德。阿保。固英阿。德勒格爾。桑色克。精阿。馳赴回疆軍營。並賞治裝銀。○予故休致正白旗漢軍都統祥保。祭葬如例。○貸奉天錦州府屬被災各驛半平馬乾銀。○戊申。

上詣綺春園問

皇太后安。○諭內閣。逆裔張格爾。侍有白帽。回子為之接應。竟敢糾同布魯特。突入卡倫。屯集回莊作亂。經慶祥先期訪獲奸細。究出謀逆情由。豫派領隊大臣烏凌阿。穆克登布。帶兵迎擊。殺傷賊匪四百餘人。已將該逆裔圍入回莊大瑪雜內。因夜雨昏黑。草深樹密。逆裔張格爾。捨死突出。逃逸。官兵正在追捕。該逆回等聞風響應。分路迎拒。官兵腹背受敵。

烏凌阿。穆克登布。竟被槍傷陣亡。致命捐軀。深堪憫惻。烏凌阿。穆克登布。俱著加恩。晉贈都統銜。照例賜卹。傷亡官員兵丁。著該將軍查明咨部。照例卹賞。該部知道。○諭軍機大臣等。長齡奏。續接據總管額爾古倫稟報。喀什噶爾被圍情形。及籌辦進援防守各事宜。並將該總管等原稟。進呈一摺。喀什噶爾城門。已被賊匪自外堵砌。日夜圍攻。能否保守。至今未得確信。英吉沙爾。葉爾羌。距喀城甚

近勢亦難免該逆等窺伺該將軍請於伊犁烏魯木齊官兵到後湊足七千兵力前往救援惟該處賊匪眾多出沒無定此時進兵往援必能大挫賊鋒使之膽落方於全局機宜有濟若計算兵力尚單祇宜在阿克蘇暫時屯駐不可冒昧輕進致墮賊人奸計本日據楊遇春奏於七月二十六日選帶本標官兵一千五百名先行馳往並即諭令該署督於出關後探聽前路情形再行督兵會合相機前進阿克蘇為回疆適中要路務當嚴兵固守加意防範毋稍疏虞至請令齊慎帶兵赴阿克蘇防守之處前因楊遇春奏調提督楊芳總兵呂天偉帶兵往剿已諭知該署督陝甘兩省提督未便俱令帶兵遠出總須酌留一員在任俾資彈壓楊遇春馳抵哈密一帶應否派得力提鎮一員帶兵赴阿克蘇防守之處該將軍即馳商辦理至錫伯帶兵總管額爾古倫等官兵共六百九十餘員名未能

捐軀行陣退回阿克蘇本應按軍法治罪姑念事起倉猝當逆回羣起為亂時賊勢甚眾原不應派兵輕出致令腹背受敵且該官兵等因城門被賊匪堵砌不能入城尚與臨陣逃回者有聞著貸其一死俱行斥革交該將軍飭令各帶原兵在軍前效力自贖又另片奏現署阿克蘇阿奇木伯克色提巴爾第年力已衰請令伊薩克署理所奏是伊薩克曾任阿克蘇阿奇木伯克熟悉該處情形著准其署理飭令該伯克妥為安撫回眾為要烏凌阿穆克登布所遺伊犁領隊二缺已有旨將布彥泰忠山補放矣至內地官兵行至口外應行調馬更換及就近調取烏什存貯小麥磨麵備用之處該將軍隨宜調度不必事事候旨遵行前經戶部籌撥餉銀三四百萬兩迅速解往又派前任陝西巡撫盧坤前往甘肅會同鄂山督辦軍需糧運一切事宜自當源源接濟不致短絀遲誤朕命該將軍總

統軍務。信任幕專。凡軍前一切事宜。惟當竭誠盡智。隨時相機妥辦。遇有應商之事。與楊遇春、武隆阿和衷商榷。期臻妥善。朕委心任用。不為遙制。該將軍亦勿恤人言。稍存顧慮也。將此由六百里諭令知之。○又諭楊遇春奏。接奉諭旨。於本月二十六日。先帶本標官兵啓程。催趲各路官兵。分起進發等語。喀什噶爾被圍緊急。英吉沙爾、葉爾羌道路梗塞。至今未得確音。本日據長齡奏稱。俟八月望

後。烏魯木齊官兵到齊。湊足七千名之數。先圖救援。即諭知如能一鼓掃除。自可迅速前進。否則暫時屯駐阿克蘇。俟大兵會合雲集。一同進剿。著楊遇春帶兵出關後。隨時確探各城情形。俟馳抵哈密。相機調度。如葉爾羌等城尚可救援。固不可輕率前進。亦不得坐失事機。總期糧運軍火無缺。操必勝之權。而重兵駐守阿克蘇。尤為緊要。官兵行走。皆需車輛裝載軍器。口外車輛較少。已據長齡奏

請由各馬廠每兵給騎馬一匹。每二兵給馱馬一匹。分別應付更換。所需糧餉。即經戶部籌撥。自可源源接濟。其所奏酌派提督總兵帶兵。並令臬司總理糧餉。前經降旨令盧坤速赴甘肅。會同鄂山辦理糧餉。盧坤專駐肅州。督辦一切。現在武隆阿到京。揀派巴圖魯侍衛隨同前往。今楊遇春奏派文武各員。自係未經接到節次所奉諭旨。陝甘為控制新疆扼要之地。該二省提督未便同時帶兵遠

出。如必須齊慎帶兵。應令楊芳回任。儘楊芳業經出關。仍俟該署督到哈密後。令齊慎回任。至軍營帶兵大員。自不乏人。西安鎮總兵德克登額。既派署理提督事務。河州鎮地方亦關緊要。該總兵德克登額。德克金布均著無庸調往隨征。大兵出口。應分段設立糧臺。著照所請。派俸滿鎮迪道昌熾駐紮哈密。經理安肅道雙興鎮迪道湯鼐就處供支。肅州為總匯之區。須派大員總理。盧坤未到之前。

令臬司源溥帶印前往總辦一切薩迎阿署理臬司。俟盧坤到後。鄂山回省。應否仍留源溥幫辦之處。鄂山等會商酌定可也。將此由六百里諭知楊遇春並諭鄂山知之。○參贊大臣武隆阿奏。請添帶人員。並調礮位兵丁。前赴軍營。得旨。健銳營前鋒參領景福。塔斯哈。副前鋒參領興安泰。山東文登協副將成玉。候補參將桂明。青州營參將周志林。候補遊擊托明阿。濟南城守營守備馬現。前任淮

縣降調知縣章寅。陝西候補縣丞應襲雲騎尉江士松。俱著馳驛隨往。交武隆阿差遣委用。又請調山東撫標擡礮二十位。兵二百名。係武隆阿平時選練著陳中孚迅速照數備齊。即派參將周志林。守備馬現。馳往山東管帶。趕赴軍營。交武隆阿備用。○命西安右翼副都統卓爾琿保為領隊大臣。會同黑龍江帶兵之副都統等。馳赴回疆軍營。○命侍衛孝順公那三善達哈。遊都林保。德陞額。哲斯

呼朗莫崇武。委護軍參領拜蘇禮親軍校巴立善護軍校丹斌布木遜齊克唐阿富音泰。豐伸。巴爾經阿。馳赴回疆軍營。並賞治裝銀。○以署鑲黃旗漢軍副都統裕恩為正紅旗蒙古副都統。○以內務府郎中阿揚阿。巡視長蘆鹽政。○己酉。諭內閣。前據御史吳傑奏。參山西巡撫福綿生日。府廳州縣大半上省。及巡撫設席演戲酬謝等情。當降旨派松筠等前往查辦。茲據松筠等奏。該撫因五十生

辰。封門並未見客。曾豫先禁止拜壽送禮。因掛屏業經落款。勉強收受。其設席演戲。實因收屏致謝。並無饋送苞苴情弊。查明府廳州縣確有因公在省案據。實非專為拜壽。請將該撫等分別嚴議。議處等語。福綿於自己生辰。既經先事嚴拒屬員。不准拜壽。又復收受掛屏。設席酬謝。總由率屬不能嚴肅所致。本應交部嚴議。姑念該撫平日居官尚屬謹慎。著加恩降為三品頂帶。仍帶革職留任。該省

司道各官。因巡撫封門。並未拜壽。亦無饋送別項禮物。惟該撫因送屏酬謝。未能堅辭。亦有不合。王庭華。戴聰。嵩齡。韓文顯。俞恆潤。均著交部議處。○諭軍機大臣等。前已卽經降旨。令富俊。祿成。於吉林黑龍江各挑精兵一千名。並各派副都統一員。及得力領兵員弁。帶同官兵乘騎本處馬匹。查明應由何處行走。迅速啓程。該將軍等接奉前旨。自己妥速籌備。分起前進。昨據武隆阿面奏。口外地方遼闊。馳逐勤捕。馬隊較為得力。尚須寬為豫備。著富俊。祿成。仍於該處官兵內各挑備壯兵五百名。並選派帶兵員弁。聽候諭旨。再行前往。該將軍等即將前項官兵啓程日期。及此次作何挑備籌辦之處。速行具奏。將此由五百里各諭令知之。○參贊大臣武隆阿奏。請添派官員隨往軍營。得旨。黏杆處三等侍衛珠克敦鑾。儀衛整儀尉慶宇。正黃旗護軍參領嚮導處章京華山泰。正黃旗委護軍參

領烏林鑲黃旗捕盜步軍校蘭慶。正黃旗烏槍藍翎長隆山。正黃旗右翼前鋒德興額。正紅旗前鋒隊長吉朗阿。俱著馳驛隨往。交長齡等差遣委用。○賞前鋒參領塔斯哈景福。明德。副前鋒參領興安泰。溫哲。渾德。春侍衛。珠克敦。整儀尉慶宇。護軍參領華山泰。委前鋒參領公清阿。善住。色圖。魯善。德音。祿。空花。翎常清。前鋒校富爾格訥。烏勒興阿。明山。福德。保。阿清阿。博勒洪武。慶泰。富僧額。烏槍護軍校富倫保。莽阿善。阿渾泰。色明額。色普興。額雙住。富陞。英俊。護軍參領烏林。捕盜章京蘭慶。治裝銀有差。

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百一

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二

教修

道光六年丙戌八月庚戌朔諭內閣孫爾準

奏抵臺查辦北路械鬪情形及參辦理錯誤  
之提鎮副將各一摺覽奏俱悉此案臺灣匪  
徒李通等挾黃文潤援賊之嫌糾眾尋鬪黃  
文潤集眾抵禦格殺二人匪徒遂造分類械  
鬪之謠乘機焚搶經該縣王行慶手刃數賊  
匪徒遂竄彰化境內該提鎮等誤執民自械  
鬪官兵祇可彈壓不便加誅之說致該匪等  
益無忌憚具結復鬪現因官兵雲集均已解  
散該督就獲犯供出及難民控指已有五百



餘人。令各莊總董頭人按名縛送。並將著名匪類最多村莊帶兵圍捕。指日即可肅清。該督務將著名賊首嚴拏務獲。盡法懲治。附和者隨時解散。不必株連。以除根莠而安良善。至撫卹事宜著照所請查明瓦草房間照例分別給銀。俾令自行搭蓋。以資棲止。流民還定安集。即可日見綏安。所辦俱是。提督許松年未能痛加懲辦。乃邀集總董勸令講和。失體損威。辦理已屬錯謬。又監提尚未定讞之

兇犯吳谿等作線並身在行間。乘坐肩輿。何以率先將士。許松年著即革職。留臺交孫爾準差遣。效力贖罪。總兵蔡萬齡統轄全臺。當匪徒肆橫並不立時撲捕。殊屬畏葸。亦著革職。現有經手事件著暫留臺鎮之任。北路協副將趙裕福一籌莫展庸懦無能著即革職。以示懲儆。○諭軍機大臣等孫爾準奏參辦理錯謬之提鎮副將一摺。已明降諭旨。將提督許松年等褫革矣。水師提督一時簡用乏

人南澳鎮總兵劉起龍係閩粵兩省所轄該鎮是否足勝水師提督之任著該督據實覆奏。再降諭旨臺灣鎮總兵統轄全臺兼有獄奏事之責候補總兵趙龍章曾任建寧鎮總兵前已降旨令其馳驛前往臺灣交該督差遣。又四川督標中軍副將張琴由福建營弁屢次緝捕洋盜著有勞績熟悉閩省情形人亦幹練穩實再新升壽春鎮總兵裴安邦曾經琦善保舉堪勝水師總兵在清江浦拏

獲糧船滋事水手多名人頗能事孫爾準於此三員是否知悉於臺灣鎮能否勝任據實具奏。或此外有該督素所深知結實可靠者不拘何省亦准其保奏候簡。閩省武職辦理錯謬各員業經該督參劾其文員中亦應分別保劾明示勸懲。如有平日聲名平常不治輿情及此案辦理不善以致激成事端者亦著該督查明參奏毋稍徇隱。嘉義縣知縣王行慶手刃二賊並帶領兵勇殺賊三十餘人



生擒賊匪九名。賊匪遂竄入彰化境內。嘉義不至全莊皆燬。此即王行慶辦理得宜。該督自應奏請獎勵。至該道孔昭虔。該府陳俊千。能否勝任。著該督確查據實具奏。孔昭虔所奏各摺。覽奏均悉。附便發該督飭交可也。將此諭令知之。○抽挑山東臨清塘河西岸堆積土山。從署河道總督嚴烺請也。○撥山西河南四川山東湖北江西司庫銀二百萬兩。解往甘肅。以備軍需。○辛亥。參贊大臣武隆阿。率巴圖魯侍衛章京等。陛辭。

上御出入賢良門訓示方略。○以陝西按察使顏伯壽署布政使。陝安道何承薰署按察使。○調浙江處州鎮總兵官哈豐阿為甘肅涼州鎮總兵官。涼州鎮總兵官高明德為處州鎮總兵官。○壬子。遣官祭文昌帝君廟。○諭軍機大臣等。前據楊遇春奏。令寧夏將軍格布舍帶滿漢兵二千名。前赴哈密駐劄。以壯聲援。已降旨准其調遣。前

往朕聞寧夏滿營及涼州莊浪滿營官兵向來打仗不甚得力。糜費較漢兵遠甚。著長齡楊遇春察看。如果該處滿兵不能得力。或即撤回另調。或暫留防守哈密。著長齡楊遇春再行籌酌。一面奏聞。一面辦理。以期得實用而免虛糜。將此諭令知之。○又諭。前有旨令印登額等督飭各回莊伯克慎守城池鎮靜防範。日久未據該大臣等奏報。朕心正深懸注。本日據奏阿奇木伯克王素普節次差派

親丁回子。拏獲從逆通信之偽列胡萬等均即正法。並據拏獲英吉沙爾伯克阿布都拉。差人送給王素普糾約獻城從逆信一封。經王素普呈出。當將該犯正法。王素普深知大義。疊次擒拏逆犯甚屬可嘉。著加恩賞給二品頂帶。並賞戴花翎。如能竭力防守克保城池。必當特沛逾格殊恩。用酬忠藎。其拏獲逆犯之六品伯克阿克毛拉等。該大臣已分別賞給金頂緞匹。如始終奮勉。並其餘出力之

眾伯克一併奏請恩施。朕現授大學士長齡為揚威將軍。楊遇春武隆阿為參贊大臣。選派侍衛巴圖魯及得力將弁統領大兵迅速進剿。此時伊犁烏魯木齊大隊官兵陸續可抵阿克蘇。甘州官兵亦不日到彼。即可前往援剿。該大臣等惟當督同王素普及副將烏大魁等獎勵民回。嬰城固守。俟大兵雲集。一鼓殲擒。該大臣等均可立膺懋賞也。將此由六百里加緊加快諭令知之。○又諭。本日據

長齡奏籌派官兵及伊薩克回兵由草地前往葉爾羌救援一摺。同日又據印登額等奏。拏獲逆匪辦理及長清奏偵探葉爾羌賊匪漸逼。催兵救援並奕湄等奏派兵聽候調遣各摺。覽奏俱悉。和闐草地既可通達。自應亟發官兵出其不意前往救援。該將軍奏請飭甘肅提督齊慎帶兵前駐阿克蘇以為聲援。前經降旨令楊遇春於提督齊慎楊芳二員內酌令一員回任彈壓。現在齊慎早經奏報

起程。計此時可抵哈密。即飛飭齊慎星速馳赴阿克蘇駐守。令楊芳回任。如接奉前旨已令齊慎回甘。即令代齊慎帶兵之大員星速前往。長齡俟德英阿到伊犁。即星赴軍營。總統軍務。長齡未到以前一切軍務著楊遇春隨時相機調度。總期於事有濟。務保萬保。至張格爾之弟巴布頂前據慶祥奏去年九月間在鄂羅退帕地方身故。乃本日印登額等奏審訊阿布都拉差人牙伙普等有巴布頂

已將英吉沙爾城池攻破等供。長齡到軍營即查明該逆實在下落覆奏。至阿布都拉一犯身為阿奇木伯克。不圖報效。膽敢從逆。並約鄰封伯克獻城助逆。狼子野心。可惡已極。長齡到軍營後務將該伯克擒獲。照叛逆律盡法處治。毋任漏網。將此由六百里加緊加快諭令知之。○又諭。據長清轉遞葉爾羌和闐奏摺。並據奏稱。接得葉爾羌信函。該處賊匪愈集愈多。漸逼城下。催令迅速救援。現飭

令都齊特地方暫駐之換防。及出征各官兵。妥為豫備。一面飛催伊犁官兵。合兵進剿。並飛催烏魯木齊官兵。迅速行走。以資接應。其額爾古倫等。由喀什噶爾退回之官兵等。暫留阿克蘇防堵等語。朕披閱印登額等奏摺。據稱葉爾羌阿奇木伯克王素普。拏獲從逆通信之偽列等多名。並呈出伯克阿布都拉。糾約獻城回字信一封。現在督率固守。本日又據長齡馳奏。接准葉爾羌來咨。當即飛咨

長清。飭令伊薩克額爾古倫等。由草地馳赴和闐。繞至葉爾羌救援。該處勢甚緊急。現距印登額等拜發奏摺之期。又逾一月。未知現在情形如何。長齡既經行知。長清催令三項官兵前往救援。自應星速馳往。乘賊之不備。俾葉爾羌可保無虞。但額爾古倫所帶退回官兵。既屬疲乏。又復軍械不全。安能得力。如此項官兵業經起程。亦祇可飭令相機前進。如尚未起程。即仍留阿克蘇防守。俟大兵到

時。再令隨同進剿。此時伊犁官兵。計已早抵阿克蘇。烏魯木齊官兵。日內亦可到彼。長清總須確探葉爾羌。如尚在固守。以待援兵。即會商達凌阿祥雲保等。由大路探明前進。必須揣度兵力。可以制勝。沿途遇見賊匪。實能隨剿隨行。方可為折衝夾擊之計。仍須嚴防後路。無致腹背受敵。墮賊奸詐。並酌留官兵。在阿克蘇駐守。該城為回疆適中之地。萬不可稍有疏虞。若探明葉爾羌竟已失守。則阿克蘇地方。尤為扼要。和闐情形。亦甚喫緊。長清即傳知達凌阿祥雲保等。均不得冒昧輕進。即在阿克蘇嚴密防守。並飛飭由草路繞赴和闐之官兵等。即在和闐防守。長清惟當相度機宜。加意防範。督率官兵。鼓勵回眾。以待大兵雲集。一鼓殲除。此時不可不慎之又。又諭據奕湄等奏。葉爾羌迤東臺站阻隔。該處摺報。由和闐草地馳送阿克蘇轉遞。並接

據英吉沙爾文札選派弁兵先赴葉爾羌聽候調遣。本日據印登額等奏葉爾羌阿奇木伯克王素普拏獲從逆遞信回子多名俱經正法。並將阿布都拉逆信呈出。深明大義。惟據長清奏葉爾羌賊匪愈集愈多。萬分緊急。催兵援剿。前已命長齡等統領大兵迅速進剿。茲據長齡奏已調撥先到阿克蘇之官兵二千有奇。從草地徑赴和闐取道繞至葉爾羌著奕涓等隨時查探彼處實在情形。如葉

爾羌現尚被圍。當令迅速相機前進。仍須嚴防後路。毋墮賊人奸計。儻已失守。即令留駐和闐防守。以壯聲威。不可冒昧輕進。俟大兵雲集。再行進剿。以期一鼓殲除。奕涓等惟當曉諭該伯克木巴拉普沙等。鼓勵漢回人等相度形勢。嚴查固守。無稍疏虞。將此由六百里加緊加快諭令知之。○癸丑

上詣綺春園問

皇太后安。○遣官祭

關帝廟。○諭內閣。程含章奏署府稟訴所屬知縣審辦命案不實。請分別革職解任一摺。此案署黃巖縣知縣劉儼。初驗曾得齊屍身。係屬自縊。署台州府事同知汪廷獻飭委臨海縣知縣程璋。寧海縣知縣林芝英會審。開檢。係屬服毒身死。已與原檢不符。迺復稱服毒後自縊。顯係回護原驗。且屍衣血跡。原詳均有遺漏。該委員既不詳細辨驗。並將例應迴避之劉儼列銜具詳。該署府又不親提審

辦。轉將原驗之知縣委令會驗。卸事後以案多疑實。稟請存案。其札委起棺之經歷曹學曾何以不候屍親到場遽行起解。浙江州縣審案動輒回護吏治廢弛已極。若不力加整頓。其弊殆不可問。前署黃巖縣事太平縣知縣劉儼著革職。臨海縣知縣程璋寧海縣知縣林芝英台州府經歷曹學曾一併解任。台州府同知汪廷獻俸滿調取引見。並著暫緩給咨留省質對。交該撫提齊全案卷宗人證

秉公確審。務得實情。按律究辦。不可稍有含混。○諭軍機大臣等。據英惠奏。前請在烏魯木齊各屬撥糧一萬石。運交喀喇沙爾收貯。接濟官兵。茲復徵調多兵。請將烏魯木齊各屬倉存小麥麵斤粟米各項調撥四萬石。先運往喀喇沙爾暫貯。再由該處大臣運往庫車。阿克蘇各城分貯。再伊犁運到撥補內地營缺馬四百七十一匹。向例運至巴里坤牧放。一年後解交內地各營分領。請暫留烏魯木齊牧放。以備征兵更替。並請在巴里坤孳生廠內酌量調用等語。糧運馬匹皆軍行豫應籌備之事。前已命盧坤會同鄂山督辦一切。英惠現將倉存米麵等項糧石調撥四萬石。運往阿克蘇貯備轉運軍前。其後路應行安設糧臺滾運事宜。口內外應如何分段派員專管之處。鄂山等當與英惠會商妥辦。總期寬為儲備。源源轉運。勿致臨時短絀。遲誤。此為最要。其應備馬匹。除英惠現奏截留

及酌調巴里坤孳生出羣驕馬外。尚應籌備若干。亦即商同調撥以備更換。至軍需經費浩繁。現已籌撥銀四百萬兩。飛咨各該省迅速起解。統交鄂山等總司支發。口外糧臺如有應需撥用。該都統一面奏明。一面移咨該署督等酌撥。撙節支放可也。將此由五百里諭知鄂山。盧坤。並諭英惠知之。○伊犁總兵官珠勒亨因病解任。以甘肅督標中軍副將如柏為伊犁總兵官。○甲寅。貸山西綏遠城渾津黑河被水莊頭一月口糧。並給房屋修費。○乙卯。

上詣

大高殿行禮。○還宮。○諭軍機大臣等。富俊奏流民無籍可歸。一時難令遷移。籲懇免其驅逐。仍嚴行查禁。不准再有潛住等語。吉林為我朝根本之地。該將軍等既聽流民潛住。漫無覺察。迨積漸增多。輒以窮民無籍可歸。難令驅逐失所。妄思乞恩。朕撫有寰區。豈不知

惘瘵在抱。惟此等無業流民。始而為傭工。遠出投身服役。繼則漸向旗人佃種田畝。迨佃種既多。旗人咸圖安逸。不知力作。必致生計日蹙。且耳濡目染。習成漢俗。不復知有騎射本藝。積重難返。其害豈可勝言。若如所奏。從此責令官兵常川稽查。不准再來潛住。果能如此。令行禁止。現在流民。何致遂有一千餘戶之多。前此既已容留。則此後嚴查禁絕。亦祇紙上空言。數年之後。必又漸積至一千餘

戶。該將軍不過援照成案。一再乞恩。而於培養根本之計。有何裨益。夫涓涓不塞。遂成江河。若不亟加整飭。於此時准此弊政。不思遠圖。朕固不能辭責。而為是奏者。則富俊始試問能當此重咎否也。富俊歷任最久。現又仍莅斯任。著即揀派能事文員。會同協領等詳查妥辦。該流民等違禁潛往居住。本應照例究治。此時即概行驅逐。亦屬格外恩施。惟念該流民無籍可歸。未忍遽令失所。該處東近

護山。西近圍場。斷不容令其仍前居住。該將軍當不憚繁難。另籌善策。於吉林所屬各廳。或盛京所屬各廳州縣。酌分戶口。指出地方。即令遷移。務使分隸散處。不致聚集一處。方為妥善。至該流民等所蓋房間。所墾地畝。原非伊等本業。念其墾種日久。酌中給價收回。亦可為將來移駐京旗之用。總使清源截流。無得仍滋流弊。該將軍如能辦理周妥。不但免其前譴。即歷任將軍副都統等處分。亦當

曲為寬貸也。所開歷任失察將軍副都統等名單。俟將來查辦流民事竣。再降諭旨。將此諭令知之。○旌表守正捐軀河南太康縣民戴振淙妻李氏。○以祭

社稷壇。自是日始齋戒三日。○丙辰。遣官祭黑龍潭。

昭靈沛澤龍王之神。玉泉山

惠濟慈佑靈濩龍王之神。昆明湖

安佑普濟沛澤廣生龍王之神。密雲縣白龍



潭

昭靈廣濟普澤龍王之神○遣官祭圓明園惠濟祠

河神廟○賞通政使司參議那彥寶頭等侍衛為庫車辦事大臣以庫車辦事大臣果良額為幫辦大臣○賞太僕寺少卿斌良降調江西布政使蘇明阿頭等侍衛馳赴回疆軍營○命福建布政使惠顯雲南按察使吳廷琛來京以前任貴州布政使吳榮光為福建布政使調福建按察使翟錦觀為雲南按察使以浙江溫處道鄂順安為福建按察使○

丁巳祭

先師孔子遣協辦大學士英和行禮○諭軍機大臣等據楊遇春奏前經奏調各路官兵五千五百名督催陸續啓程分起出關星馳進發齊慎所帶官兵三千名前曾飭令分起前進今派總兵德克登額趕往接管換回齊慎至喀城是否失守尚在未定葉爾羌雖經

被圍現在玉素普呈獻逆信自可併力協守此時進兵往援當以喀城為先飛飭達凌阿酌量如能勝敵整旅往援等語喀什噶爾係回疆極邊重地果能併力救援固屬甚善惟節據長齡並各該城大臣奏報葉爾羌所屬十四路軍臺回子均皆變亂管臺官兵被賊殺害揆其形勢非但喀什噶爾英吉沙爾難以救援誠恐葉爾羌亦難保其必不失守計刻下大兵雲集該署督隨時轉飭分投確探

詳審賊勢酌量兵力如葉爾羌尚可救援即當厚集兵力內外夾擊儻已失守則阿克蘇為回疆適中最要之區其路直抵吐魯番哈密所關甚鉅必當激勵將士及伯克回眾等盡力固守以待大兵再前據長齡奏調先到阿克蘇三項官兵共二千餘名從草地行走取道和闐繞至葉爾羌本日又據和闐領隊大臣奕湄等奏葉爾羌至和闐臺站被賊拆毀傷害官兵存城官兵無多不敷防守著楊

遇春飭知帶領前項兵丁之官員如能救援葉爾羌仍遵前旨進發。儻勢難赴援即將前三項官兵留駐和闐協同防堵總之行軍情勢隨時變遷未能一一懸揣應援應守應勦該署督臨時籌畫相機審度總須計出萬全操必勝之權斷不可墮賊奸計稍有疏虞至葉爾羌等處各路軍臺被賊搶劫未必全係張格爾從中勾結或該處應差之惰蘭回子及附近軍臺之各村回民乘勢擾害亦未可

定著該督到彼時逐細詳查明確具奏至齊慎帶兵三千名前令回任嗣據該署督奏請楊芳帶兵令於該提督二人內酌留一人回任彈壓不可同時遠出復據齊慎奏報起程降旨該署督飛飭齊慎星速馳赴阿克蘇駐守即令楊芳回任茲據該署督派總兵德克登額趕往接帶齊慎之兵阿克蘇最關緊要必須諳習戎行之員方期得力總兵德克登額恐不足以資統率該署督接到續奉諭旨

自己仍令齊慎前往至陝甘兩省控制回疆固原提督責任綦重前請委署之總兵姜長齡恐難勝任儻該署督必須帶同楊芳前往著將平素深知實堪勝任者令署提督印務俾資彈壓如不得其人祇可仍令楊芳回任其德克登額德克金布二員如有必須調往之處仍飭前往計長齡未到以前該署督總統一切軍務必當通盤籌算戰守相維前後兼顧及長齡到後亦當竭誠盡力共圖奏績

也將此由六百里加緊諭令知之○又諭新疆回部向隸準噶爾悉索敝賦不堪苦累其附近布魯特者搶劫剽掠尤不勝其欺凌自我朝平定回疆以來各城回子咸隸版圖納賦交糧輕減者奚啻倍蓰而布魯特亦震懾天威不敢入卡滋擾八城回子安居樂業者垂六十餘年雖其結習崇信和卓而愚回素性恇怯久已習為恭順何致遽思變亂總由近十餘年來歷任參贊辦事大臣等貪淫暴



虐。回子等忿恨忍受。當時伊犁將軍。或漫無覺察。或隱忍不言。迨至嘉慶二十五年。經朕降旨飭交慶祥詳查。亦復徇隱。未經據實具奏。馴致釀成叛亂。此時雖已聲罪致討。而致亂之由。不可不根究確實。縱不遽正刑誅。亦當明示譴罰。長齡昇任伊犁將軍。現命總統軍務。著於前赴軍營時。沿途細加察訪。以此時之物議。證諸曩日之聽聞。務將近十餘年。歷任各員。某某等在任公廉稱職。為回子等所感服。某某等在任荒謬。為回子等所痛心疾首。逐一查明。分別等差。據實具奏。無得稍有隱諱。至巴彥巴圖上年輕出卡倫。妄殺汰劣克家屬一節。慶祥所奏起釁根由。及巴彥巴圖陣歿情形。聞尚有代為回護。不實不盡。即如巴布頂尚在。而慶祥奏其已故。此其一端。儻慶祥到任後。有失回眾之心。及墮奸計之處。一併詳查覆奏。如巴彥巴圖有妄殺汰劣克家屬之事。汰劣克亦可量從末減。也。再

現在張格爾糾約回子布魯特逞其兇狡。其中甘心從逆者。諒必無多。回子素性多疑。將來大兵雲集。未必不以為玉石難分。羣生畏懼。或更為逆裔等煽誘裹脅。該將軍進兵之始。即當用揚威將軍銜廣張告示。豫行曉諭。以該回眾等久隸版圖。素稱恭順。即布魯特輸誠歸化。歷有年所。此次勾結滋事。自係被張格爾蠱惑所致。豈必盡皆甘心從逆。現命揚威將軍統領大兵數十萬。分路進剿。天戈所指。原期殲厥渠魁。其甘心助逆者。亦無難悉數誅夷。第念爾回子布魯特。恐我大兵壓境。不免玉石俱焚。以致心存疑懼。用特剴切曉諭。凡前被逆裔煽誘者。果能解甲迎降。投誠乞命。皆當量予寬貸。仍令各復舊業。如能將張格爾縛獻軍前。無論回子布魯特。俱當奏明大皇帝。錫封王爵。賞賜十萬金。從前平定回疆時。如額敏和卓鄂斯滿霍集斯等。輸誠效命。懋賞藩封。世襲罔替。即此次葉爾羌

阿奇木伯克玉素普節次差派親丁回子拏獲從逆各犯呈出逆字深知大義現已蒙恩賞給二品頂帶花翎將來事定功成尤當錫封爵土爾等回子布魯特無論是否從逆但能及早悔罪投誠縛獻首逆必當一律加以封賞斷不究其既往儻敢始終執迷不悟則大兵進剿必應殄滅醜類俾無遺種勿謂傳檄之不豫也如此廣為宣示或可解散黨羽而渠魁自不難授首該將軍當善體此意妥

為辦理以期恩威並用早戡大功並發去硃諭一道該將軍與楊遇春武隆阿閱看此外尚有應行豫籌事宜亦即早為備辦總期一鼓集事不可不慎之又慎將此由六百里加緊諭令知之○硃諭大學士楊威將軍長齡參贊大臣武隆阿楊遇春知之○為主帥者貴在賞罰公當號令嚴明此次調集各路軍馬已逾二萬若賞罰稍紊成何事體爾將軍等皆係朕親信大臣萬里而外朕亦不為遙

制一切軍情無論滿漢官兵總當視為一體秉公持正微功不掩小過亦懲俾令眾志成城同心敵愾用集大勳而膺懋賞朕日日默祝

上蒼翹首西望也○進兵後當其攻城對敵之時必應一力勦殺焉能辨別逆順賊回力窮必然乞命此等機宜全在爾將軍等隨時斟酌如實係助逆戕我官兵者雖哀求萬狀亦不可惑於慈悲之說稍為寬貸貽患於將來

即如英吉沙爾叛賊阿布都拉既通信煽誘葉爾羌阿奇木伯克玉素普必是害我官兵以城叛降若此者克復後雖全城屠戮亦不為過如實未助逆之回莊不但不可妄行殺戮仍要嚴束兵丁勿得騷擾然受降甚易撫降最難賊回狡詐異常能保其不復變乎朕因是再四籌思惟有先聲奪人進兵時調度萬全痛加勦洗令其心膽皆驚望風披靡傾心效順者又須施以德惠俾令知感更要重

兵鎮壓在我免後顧之虞。而回民等亦不敢有他志。慎勿稍有急意。致有變動阻隔之事。慎之戒之。大軍進剿之時。凡設卡安營。必就水草之地。自不待言矣。然路徑生疏。逆回奸詐百出。竊恐於上流暗施毒物。或裝作善良回子。以賤價賣食物草豆於我軍。俱不可不防也。務要飭知各路軍馬一體留心防範。勿中其奸計為要。朕親派領隊大臣巴圖魯侍衛以及健銳火器二營。吉林黑龍江官兵等。必須調撥壯實馬匹。俾無缺乏。方可得力。若曠野長途。馬不敷用。焉能望其摧鋒陷陣。揚我滿洲之聲威也。妥辦勿誤。軍行利器。遠則鳥槍為先。近則弓箭為要。況此二者。又是我東省官兵之所長。故火藥鉛彈弓矢等項。必須寬為豫備。毋致缺乏。新疆礮位。未知大小如何。可否適用。凡攻取城垣莊堡。以至大夥賊匪。必妥推堅致遠。所向無敵。之大礮方可得手。如就近有可調堪用者甚好。

如不敷應用。亦當早為籌辦。勿致臨時之用。當大兵雲集之後。已值氣候嚴寒之時。滿漢兵丁等。應如何製備禦寒之具。而又要奔馳便利。亦應妥辦。各城大小伯克。如能實心出力。著有勞績者。必當立加褒獎。以勵其餘。兼收以夷制夷之效。如分路進兵。相隔遠近。不能豫定。總要差探路徑。分明聲息。相通。斷不可彼此不能相顧也。戒之。逆裔張格爾。巴布頂。暨附逆之布魯特等。務要設法擒獲。勿令免脫。或臨陣殲之。或圍困誅之。若能生致。尤非常之功也。或啗之以利。使其自相猜疑。互相殘殺。經此番大舉之後。若仍令其逃遁。則太不成事。而朕之憂勤惕厲。付之虛無矣。爾將軍等。其同心合力。佐朕成此大功。佇望捷音之至。一力慎勉為之。道光六年八月初八日。手書寄諭。不覺心馳萬里也。○戊午。祭大社。

大稷

上親詣行禮○

太宗文皇帝忌辰遣官祭

昭陵○幸圓明園○詣綺春園問

皇太后安○諭內閣鄂山奏籌辦軍需一摺前

已降旨特派前任陝西巡撫盧坤馳赴甘肅

總理軍餉將如何派員分段經理與該署督

商籌周妥盧坤即專駐肅州督辦鄂山仍駐

省城調度策應茲據該署督奏稱肅州距阿

克蘇道里遙遠僅於哈密派員督辦尚恐鞭

長莫及擬在吐魯番庫車兩處設立糧臺專

派大員分駐並多設腰站委員催前提後遞

相接運鎮迪安肅二道屬存糧較多足敷撥

運馱載腳價由鎮迪道屬雇覓如有不敷再

由口內雇覓撥往著照所請妥速辦理盧坤

到甘後仍遵前旨與該署督及局員悉心籌

議即馳赴肅州督辦所有米麵等項一應食

物均責成專司糧臺之道府大員隨時籌備

迅速轉運毋稍遲延短絀至軍火器械最關

緊要著於武職內揀派明白諳練之員責令

逐件點驗配製務期應手得用以收實效至

應需餉銀已據戶部奏撥陝甘兩省並飛撥

各省銀共四百萬兩均可陸續解到現在仍

令該部隨時續行籌撥自能源源接濟該署

督等惟當詳慎籌辦督飭委員及地方官隨

時解運不可稍有遲誤亦不可稍有虛糜又

另片奏軍需頭緒繁多請再調陝省人員等

語陝西綏德直隸州知州陳元煦孝義廳同

知雲麟隴州知州石珩西鄉縣知縣張廷槐

西鄉縣縣丞羅廷表畧陽縣縣丞陸銓均著

徐忻飭令迅速交卸前赴甘省並再派佐雜

八員一同前往交該署督等差遣委用○又

諭琦善等奏籌備啟放王營舊減壩減黃出

清漕船可照常行走請飭各省漕幫務於夏

初抵壩渡黃等語年來河湖受弊漕行阻滯

朕心日深慮念屢諭琦善張井等通盤籌畫

以期早開禦壩照常濟運茲據該督等會奏開放減壩黃水消落清水刷滌深通來年重運實可不誤現在趕辦抽河築壩等工所辦已有把握惟黃水須防盛漲應飭漕幫早抵禦壩方免貽誤著有漕各督撫及漕運總督所有明年起運南糧並湖南省尾幫務須早兌早開於四月二十日以前趕抵禦壩五月初旬全數渡黃無許稍誤期限將此通諭知之○諭軍機大臣等琦善等奏籌備啟放減

壩事宜及試行岸水通船各一摺前據琦善等會議啟放王營舊減壩掣溜通漕朕以河湖運道關繫甚鉅降旨詢問該督等啟放減壩後辦理是否實有成效迅速具奏茲據稱現在湖河情形除啟放減壩外別無良策已將抽河築壩各工逐一布置大隄亦擇要培修俟減黃出清石工即可堅守漕行不致貽誤似非竟無把握等語南河連年受弊河身淤墊日高清水不能暢出漕運阻滯商賈不

行朕心日深慮注該督等於萬難措置之時為此權宜之舉亦祇可照議辦理惟興事務期經久籌慮不厭精詳此次黃水掣溜之後約計何時清水始能刷滌深通本年幫船即可回空明年重運北來能否不致阻滯總須籌畫萬全不容稍有諉卸該督等所稱才識短淺不敢力為擔認顯係為將來卸責地步如屆時稍有貽誤空船業已歸次海船又難驟雇而河身淤墊仍復如故恐該督等不能

當此重咎不可不懷之又懷也所有抽河築壩圈堰撈淤等工即著督同道府將廳營各員弁趕緊認真辦理務期寬深如式無許虛糜其各省漕運及湖南尾幫已通飭該督撫務於來年四月二十日以前全抵禦壩不致有誤江省堵壩之期至岸水通船之法已將銅鉛各船試行有效較之盤壩海運簡而易行然此乃萬不得已聊備一格未可恃為良法總須黃水落低清水暢出期復河運舊規

方為正辦。若徒事補苴。終於大局無濟也。所有挑溝築櫃水車夫工等項。用過銀數。准其報部覈銷。將此各諭令知之。○又諭前據巴哈布奏。接蘇倫保信。調派土爾扈特和碩特蒙古兵救援。並稱接長齡札諭。該盟長如情願報效。即著巴哈布帶往等情。節經降旨諭知巴哈布。該蒙古素未訓練。如未起程。即行停止。儻業已出境。須探聽官兵會合進發。本日據巴哈布奏。交卸印篆。帶領貝子巴勒丹

喇什。台吉烏爾圖納遜。湊集阿勒巴圖一千名。於七月二十日起程。由庫車一帶星馳前進。該蒙古雖情殷報效。惟從前回疆用兵。總未調遣。巴哈布現已起程。於何處接奉諭旨。即由該處帶領該蒙古兵折回喀喇沙爾。令其各歸游牧。並曉諭該蒙古貝子盟長等。以大皇帝因爾等調遣踴躍。深為嘉獎。現已命長齡為揚威將軍。楊遇春。武隆阿等參贊軍務。調集各路精銳二萬餘名。天戈所指。不難

計日蕩平。喀喇沙爾係回疆南路咽喉。土爾扈特和碩特駐牧其間。本境尤為緊要。大皇帝體恤該蒙古等。令其折回防守地方。並各自保護游牧。以期該處蒙回胥臻靜謐。巴哈布如此明白曉諭。一面帶兵回城。即一面報明長齡。楊遇春。所有該大臣借給台吉等俸銀。及官員等支給鹽菜口糧。均著加恩准其開銷。將此由六百里加緊諭令知之。○撫卹江蘇海沔陽安東清河東臺五州縣被水災

民。○己未

萬壽節。遣官祭

太廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵

泰東陵

裕陵

昌陵○遣官祭

孝穆皇后暫安園寢○遣官祭

顯佑宮

東嶽廟

城隍廟○

上詣

平定王

王

安佑宮行禮○詣綺春園

皇太后前行禮○御正大光明殿皇子及王以

下文武大臣官員蒙古王公等行慶賀禮○

幸同樂園賜皇子內廷王公大臣及蒙古王

貝勒等食

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二

平定王

王







要該署督即酌量分派官兵前往固守毋得稍有疏虞總以得保一處守一處為要斷不可貪功速戰致有挫失損威也頃據富俊等奏吉林官兵一千已於八月初三初八等日起程黑龍江官兵一千於八月初十日起程現復續派吉林黑龍江官兵各五百名亦飭催跟接前進必須陝甘兵力厚集方可審勢進攻此時一切防勦機宜全在該署督隨時籌度迅速飭辦加倍慎重是為至要其土爾扈特和碩特蒙古兵已降旨令巴哈布仍行折回喀喇沙爾防守矣將此由六百里加緊諭令知之○又諭長齡奏探聞葉爾羌城已於六月二十八日失守等語葉爾羌失守之信並不的確至賊匪候官兵往援葉爾羌和闐即來搶占之語亦恐係逆回畏懼官兵往剿造言虛嚇緩我師期必須查探明確嚴密防範不可墮賊奸計前諭長清確探葉爾羌如尚在固守即揣度兵力會商達凌阿等由

大路前進若探明葉爾羌失守即在阿克蘇防堵此時既有葉爾羌失守之信阿克蘇為回疆適中之地自應竭力防守毋稍有意外之虞現已諭知楊遇春迅速前赴該城相機籌辦此時各路援軍除巴哈布所帶土爾扈特和碩特兵已降旨諭知巴哈布仍令其折回喀喇沙爾自行防守外伊犁官兵二千七月二十二三日可到烏魯木齊官兵四千齊慎所帶甘肅兵三千計亦將此可到統計兵已及九千合之王鴻儀等所帶三項兵計一萬一千餘名長齡即飛飭長清先將伊犁官兵酌量分派要隘並飛催達凌阿齊慎皇速前赴阿克蘇協同防守至烏什與阿克蘇輔車相依和闐草地可通阿克蘇並可探聽葉爾羌等處信息均關緊要亦應分派官兵防守皆已馳諭楊遇春迅速籌辦前所調吉林兵一千名已於八月初三初八等日起程黑龍江兵一千名已於八月初十日起程現

又續調吉林黑龍江兵各五百名。令其跟蹤前進。一俟陝甘兵力厚集。方可審度攻剿。此時總以嚴密堵守為要。長齡仍遵前旨。俟德英阿到伊犁。即星速前往。與楊遇春會齊。相機妥辦。至張格爾家屬。除伊弟巴布頂外。此外兄弟尚有幾人。有無子姪親屬。現在何處居住。是否隨同進卡滋事。著長齡到彼。一一查詢明確。據實奏聞。至阿克蘇地方安靜。回眾出力。皆由阿布都爾滿等幫同伊什罕伯

克色提巴爾第。妥撫探信。自應量予鼓勵。色提巴爾第著加恩賞給三品頂帶。候補五品伯克巴彥岱著加恩賞還原銜。仍以三品阿奇木伯克補用。已革二等侍衛阿布都爾滿著加恩賞還二等侍衛。原任五品伯克現補七品伯克托克托尼雜爾著加恩賞給五品伯克。遇缺即補。沙雅爾三品阿奇木伯克伊薩克首先呈請出力。尤為急公向義。著加恩賞二品頂帶。以示嘉獎。其伊犁現在協領等

官。不敷差遣。各營額缺兵丁。為數甚多。著照所請。先將各營前次出征兵丁。概行挑補足額。俾資操防。其協領以下等官。亦按缺揀選。暫行遞署。俟探得確信。再行奏請補放。將此由六百里加緊諭令知之。○又諭。前經降旨。令富俊祿成。於吉林黑龍江官兵。各調一千名外。再各挑壯兵五百名。選派帶兵員弁。聽候諭旨前往。茲據富俊奏。先派官兵一千名。分為二起。每起分二日起程。計此時均已陸續就道。其續挑吉林各城兵五百名。業經富

俊派定員弁。分起帶領。先期豫備軍裝器械。著即飭令該員弁。帶同官兵。乘騎本處馬匹。分起前進。至黑龍江官兵。除前調一千名。業經祿成奏明分起行走外。其續挑壯兵五百名。亦著祿成。即行揀派帶兵員弁。飭令陸續起程。將此由五百里各諭令知之。○調盛京副都統安福。為鑲藍旗漢軍副都統。鑲藍旗漢軍副都統蘇沖阿。為盛京副都統。○辛酉

上奉

皇太后幸同樂園賜皇子內廷王公大臣及蒙古王貝勒等食○遣官祭昭忠祠○諭軍機大臣等阿克蘇為回城適中之地朕前節經降旨令長清嚴密防堵俟大兵雲集一同進剿本日據長清奏河子湖木地方有賊匪竄入殺傷兵丁並捆去空金頂伯克又都齊特臺民報稱七月二十一日該處官兵與賊交仗未知勝負惟聞槍礮不絕營盤外賊匪約有千餘二十日亥刻又聞賊匪竄入渾巴什軍臺等語阿克蘇存兵無多據奏現留喀喇沙爾官兵三百員名又祥雲保先帶到兵二百名其餘想不日到渾巴什河最關緊要水深處所將船隻盡行撤去毋令偷渡水淺處所亦須用槍礮排列轟擊勿任踰淺過河而尤以保守城垣為至要現已飛飭楊遇春星馳赴援並飛催齊慎達凌阿等星夜赴阿克蘇防堵齊慎於七月十二日起程達凌

阿等於六月二十九及七月初三日分起行走計七月內達凌阿總可到彼惟以糾合兵力設法堵禦斷不可多為分撥挫失損威再昨據長齡奏阿克蘇回眾出力皆由阿布都爾滿等幫同色提巴爾第安撫探信業經降旨分別嘉獎著長清傳諭阿布都爾滿等如能竭力防守克保城池必當再沛殊恩用酬忠藎長清惟當督率兵丁鼓勵回眾加倍防範以待大兵之至不可不慎之又慎也將此由六百里加緊諭令知之○又諭前此節經降旨以阿克蘇為回疆適中扼要之地必須重兵防守萬不可稍有疏虞並諭令楊遇春迅速馳往相機籌辦飛催達凌阿齊慎等馳往協守本日據長清奏賊匪已入阿克蘇境距城僅八十里該城存兵無多亟應添兵防守伊犂官兵七月二十二日已先到二百員名計三四日內必可到齊惟達凌阿等及齊慎所帶官兵未知此時曾否到彼楊遇春務

即飛催該官兵等迅速前進。竭力堵禦。斷不可零星分撥。致有損傷。徒張賊勢。至烏什距阿克蘇甚近。久未奏報情形。亦應探明。分派官兵防守。該署督亦即迅速馳往。遵照節次諭旨。隨時相機籌度。先保守東四城為要。將此由六百里加緊諭令知之。○又諭格布舍奏遵旨揀選寧夏滿營兵五百名。攜帶將軍印信起程赴哈密一摺。格布舍起程時。既遵旨將將軍事務交國祥署理。該署將軍咨行各處公文。應鈐用將軍印信。格布舍前赴哈密。暫為防堵。儘可借用印信。率將將軍印信帶往。甚屬非是。格布舍接奉此旨。即派員將寧夏將軍印信送交國祥。該將軍帶領官兵在彼防範。遇有應行事件。就近借用哈密辦事大臣。及該處地方文武官員印信。將此諭令知之。○以正藍旗蒙古副都統阿勒罕保為領隊大臣。統領黑龍江續調官兵。馳赴軍營。○壬戌。

上 詣 安佑宮行禮。○諭軍機大臣等。楊遇春奏統計現調大兵一萬八千五百名。用勦即不敷防。留防又不敷勦。請添調西安滿兵一千名。固原。甘州提屬。延綏。寧夏。西安。肅州。涼州鎮屬各兵共六千一百名。及四川附近陝甘標營添調三千名。統共續添兵一萬一百名。以資進剿等語。現在賊勢猖獗。必須厚集兵力。用敷調遣。楊遇春酌量情形。豫為添調官兵。飛行各處。期於迅速調集。所見極是。本日據果良額達凌阿奏達凌阿已於二十三日趕抵庫車。適接沙雅爾阿奇木伯克伊薩克稟稱。前帶回兵赴和闐一帶救援。因逆裔現經擾及阿克蘇所屬之柯爾坪卡倫。伊聞信未敢前往和闐。隨令錫伯兵三百名前赴柯爾坪會同防堵。並聞英吉沙爾業已失守。又長清咨稱所屬之都齊特軍臺被焚。回戶變亂。參將王鴻儀被圍。該逆已到渾巴什軍臺。距城

八十里庫車城內祇有兵二百名與回子雜處更覺可虞請將達凌阿所帶官兵內留一千名防守庫車現已降旨准其截留以資堵禦看來此時不但喀什噶爾英吉沙爾救援不及即葉爾羌之失守與否尚在未定刻下緊要機宜總以嚴守東四城為要阿克蘇尤為適中扼要地方更應加意固守該署督當一面飭知達凌阿催齊烏魯木齊續到官兵速赴阿克蘇一面檄知齊慎將前帶官兵三千名亦即徑赴阿克蘇協同前到各路官兵等候該署督到彼相機調遣固原地方緊要必須楊芳在彼坐鎮務即飭令速回本任又據另片奏飭行副將胡超李士林等將齊慎所帶官兵分起帶領赴克里雅沙里雅可通庫車地方擇其扼要駐劄並令遊擊武光琳將所帶西寧兵六百名馳赴吐魯番暫歸多隆武管帶駐守之處此時情形總以大兵會集阿克蘇再行相機調度楊遇春即當迅速

馳往務於過哈密後偵探前路情形應於何處駐劄何處應添防何處可援勦總須相度軍情隨宜辦理長齡侯德英阿到任後方能前赴軍營此時楊遇春即便宜行事不必專候長齡會商酌辦致誤事機現畀該署督以參贊軍務重任自能仰體朕意勉副委任也將此由六百里加緊諭令知之○又諭據果良額等奏達凌阿行抵庫車適接阿奇木伯克伊薩克來稟有英吉沙爾失守之語並據阿克蘇咨報所屬之都齊特軍臺被焚參將王鴻儀被圍庫車城內存兵無多請於達凌阿所帶官兵四千名內酌留一千名防守庫車等語阿克蘇為回疆適中扼要之地必須重兵防守庫車與阿克蘇軍臺大路雖有七百余里其西南正南有通葉爾羌和闐及都齊特臺戈壁捷徑自應酌留重兵以資防守著照所請將巴里坤古城滿兵四百名漢兵六百名留駐庫車其未到以前將瑪納斯等

營漢兵一千名暫駐庫車彈壓俟巴里坤古城官兵到日再行趕赴阿克蘇所留庫車之兵著交果良額督率防守達凌阿仍帶烏魯木齊官兵三千名隨時探明前途情形分起前進會同伊犁官兵二千名駐劄阿克蘇盡力防堵總當首尾聯絡前後照應不可墮賊奸計仍俟大兵雲集再圖援剿再阿奇木貝子邁哈默特鄂對在喀什噶爾備歷艱險今聞道奔回阿克蘇城不愧忠蓋後裔殊堪嘉憫著達凌阿會同長清傳令其益加奮勉竭力守城朕自必渥沛恩施其伊薩克所稟賽拉里克卡倫宜嚴密防範之處並著果良額加意堵守將此由六百里加緊諭知果良額並諭達凌阿知之○以海運藏事賞協辦大學士戶部尚書英和紫韁仍下部議敘賞天津鎮總兵官克什德花翎餘加銜升敘有差○癸亥

上奉

皇太后幸同樂園賜皇子及王以下文武大臣蒙古王公等食○諭軍機大臣等張井等奏湖水停漲日久急籌減洩黃水旋長旋消隨時鑲築各情形一摺本年河湖大局總以迅開禦壩為目前第一要務現在洪湖水勢長至一丈七尺五寸誠使禦壩可開不但清水暢出刷滌河身即下河被淹田畝亦可漸就涸復而欲開禦壩必先使黃水減落方能闢展清口是開放減壩尤為當務之急琦善等務飭道將廳營將抽河築壩圈堰撈淤等工剋期如式完竣即可乘此機會將啓放減壩事宜妥為經理此時湖水漲盛為從來所未有堰盱石工在在喫緊若得清水暢出將減壩以下河身疏刷深通未必非河湖一大轉關機會該督等務將一切布置周妥詳慎辦理以期永保安恬無使稍有疏虞所有黃河應築土壩拋護碎石等工著即嚴飭認真趕辦俱准其報部覈銷將此諭令知之○甲子

諭內閣新疆逆回滋事調派大兵勦辦軍需糧餉馱載等項事宜必須分段籌辦前經諭令鄂山駐劄省城盧坤駐劄肅州至哈密為新疆咽喉要地關外糧餉向有哈密辦事大臣經理恆敬前在四川軍營曾經辦理糧餉著在哈密督辦一切轉飭派出之道員等及地方官迅速轉運源源接濟毋得短絀遲誤○又諭那彥成奏兵行日需口糧等項請旨辦理一摺喀什噶爾逆回滋事前經降旨派調東三省官兵馳往勦辦所有兵丁日需口糧按例每名每日給銀五分不敷食用據該督奏若照嘉慶十八年勦辦滑縣匪徒成案每兵一名加銀一錢又未免過多本年直隸秋收豐稔物價較為平減著照所請每兵准加銀五分每日共給予口糧銀一錢以示體恤○諭軍機大臣等齊慎奏帶兵已抵哈密得悉阿克蘇告急情形即飭派將弁分起管帶兵三千名先行馳往留續調西寧兵六百

名駐守哈密並自請准令隨同楊遇春前往堵剿等語前因楊遇春奏請帶同楊芳前往軍營陝甘二省提督未便同時帶兵遠出是以降旨令齊慎仍回本任嗣因阿克蘇一帶急須重兵防堵齊慎已經奏報起程節經降旨仍飭該提督速赴阿克蘇駐守令楊芳回任齊慎尚未接到續降諭旨行知籲請隨赴軍營足見急公惻隱現在賊勢鴟張已闌入阿克蘇地方距城甚近必須加意防堵該提督接奉此旨著即星速馳往其續調西寧兵六百名無庸留駐哈密仍帶赴阿克蘇與前兵會合探明賊蹤以堵為剿不可輕進遠追墮賊奸計總以嚴守城池為要俟楊遇春督率大兵雲集再行相機進剿將此由六百里加緊諭令知之○又諭恆敬等奏齊慎所帶官兵三千六百名已到哈密請留六百名駐守等語現已降旨令齊慎速赴阿克蘇相機堵剿其所帶官兵除已派將弁先行管帶兵



三千名外續調之西寧兵六百名亦令其管帶前往至哈密應行留兵駐守已另諭楊遇春於過哈密時酌留兵力以資防範又現降諭旨派恆敬督辦關外糧餉所有一切軍需馱載馬匹等項事宜及沿途應設臺站源源滾運之處務期布置周密應手無誤將此由六百里加緊諭令知之○又諭前節經降旨令齊慎將所帶官兵星赴阿克蘇該署督接奉後自己飛速行知現復降旨飭令速行馳

往其請留哈密兵六百名亦令管帶前進哈密為新疆扼要地方現又安設糧臺亦須留兵駐守以資防範本日亦據恆敬等奏請留兵在彼著該署督於到哈密時酌量情形辦理前因所調寧夏及涼州莊浪滿洲兵不甚得力曾經降旨令楊遇春酌辦或即以此項官兵留於哈密或另行調派其喀喇沙爾庫車應留何項官兵駐守之處一併籌酌辦理可也將此由六百里加緊諭令知之○乙丑

上詣綺春園問

皇太后安○諭軍機大臣等行軍之道出奇乃可制勝前經降旨令長齡等於進兵時籌畫奇策要截兜剿以期聚而殲旃近日朕披覽輿圖有由烏什之巴什雅哈瑪山至喀什噶爾之巴爾昌山草地一路甚屬偏僻非若巴爾楚克由樹窩至喀城為民回往來熟徑可比且更近捷若彼時一面統領大兵由臺站進發一面酌分參贊一人潛率奇兵由草地抄出前路兜轉與大兵會合兩面夾擊出其不意掩其不備將該逆裔等就地殲擒不使臨陣竄逸漏網稽誅惟由草地進兵一切軍火糧餉更應裹帶充足必須豫為設法籌辦且經由布魯特遊牧地界尤須加意詳慎勿使驚惶並不致為賊所覺方為妥善長齡楊遇春武隆阿素諳韜略長齡武隆阿於該處道里山川尤為熟習著於會集阿克蘇時詳籌熟計如能由此地分兵抄截先斷其逃竄



之路無難搏穴擒渠即行商辦或此外另有捷徑可以分翼進兵或彼時張格爾已離喀什噶爾又復占據他處亦不妨另行相機行事朕祇就輿圖形勢指示機宜究竟可行與否該將軍等自能審察決擇以期應手成功不必拘執此諭也將此附本日報便諭令知之○又諭長齡奏邁哈默特鄂對自喀什噶爾受張逆主使潛回阿克蘇意圖勾結私遣回子遞寄書信現訊遞信回子供認屬實與

長清札商辦理一摺邁哈默特鄂對世受國恩承襲貝子既被張格爾擒獲派人看守何以遽能逃回前據果良額達凌阿奏接據伊薩克稟稱係逆裔遣人執赴阿克蘇要結取城經押送之情蘭回子念其祖父舊恩放令潛逃情節本屬可疑乃竟私差回子與逆裔潛通消息現據拏獲之回子邁瑪得里等供認屬實自應即正刑誅長清等接到該將軍覆札當已照辦現復降旨令長清等即將伊

薩克傳至宣示邁哈默特鄂對罪狀嘉獎伊薩克自請出征忠誠一面將該逆正法一面即令伊薩克承襲貝子先換頂帶接管阿奇木事務並諭知長清等當善為駕馭至其居心亦難深信總宜外示優容密加防範即令其將色提巴爾第色彥岱二人曾否接收逆信有無逆跡看其如何稟覆詳加察訪以證其言之信否現在伊犁烏嚕木齊官兵將次到齊除留防庫車兵一千名外阿克蘇已有

五千名齊慎所帶甘州兵三千名已飭令趕赴阿克蘇合之前有官兵儘可藉資防守以堵為勦德英阿已奏報八月初四日起程即可剋日馳赴伊犁長齡一經交卸即速赴阿克蘇彼時楊遇春自己趕到大兵雲集即當相機勦辦此時喀什噶爾英吉沙爾葉爾羌情形總未得確實信息即使城已失守亦斷無漢兵及商民無一人逃出之理該將軍務當偵探實情迅速奏聞以慰廑注將此由六

百里加緊諭令知之。○又諭長齡奏接據長清信稱該城阿奇木伯克邁哈默特鄂對自喀什噶爾逃回訊其情節倉惶失措旋據千總程謙拏獲回子三名訊係邁哈默特鄂對差往與張格爾遞送書信所遞之信已交魚子巴什送去並據邁哈默特鄂對供稱阿克蘇伊什罕伯克色提巴爾第之子阿布都爾滿並巴彥岱之婿魯吐普拉都領了張格爾書信給伊父伊岳丈約在阿克蘇造反等語

邁哈默特鄂對既被逆裔擒獲何能逃脫其潛回情節本屬可疑現又拏獲為逆夷送信回子供係該阿奇木差往屬實是其已藏禍心叛跡顯著若不亟正刑誅何以申國憲而杜亂萌此時長清等接到長齡函覆機宜如已照辦則已儻尚未辦理即將伊薩克傳至告以邁哈默特鄂對罪狀並諭以爾族係忠蓋後裔與張格爾世為仇敵今邁哈默特鄂對不繩先志叛跡顯然應按國法尚念爾誠

悃可嘉自願隨征效力應即奏明以爾承襲貝子爾益當感奮圖報即令其先換頂帶接管阿奇木事務安撫回眾伊薩克接印後該大臣等會同各領兵大員密集在城官兵排列隊伍一面將邁哈默特鄂對傳至當場宣示罪狀即行正法其拏獲回子三名內邁瑪得里庫吐魯克二犯已據供認差送逆信屬實其尼牙斯素皮一犯據供係跟隨愛仔巴依迎伊阿奇木前去於途次遇見與張格爾

送信各犯正盤問間即同被拏獲是否狡供亦須究訊明確應否將該三犯與該逆一同正法著長清等酌量辦理至色提巴爾第之子巴彥岱之婿俱經張格爾差送書信其子阿布都爾滿其婿魯吐普拉是否俱在阿克蘇其書信曾否呈出長清等細心查察有無逆跡伊薩克既令承襲貝子亦當善為駕馭至其居心之順逆亦難深信總宜外示優容密加防範其隨時稟報軍情一面再加偵察

是否屬實並令其密訪色提巴爾第巴彥岱二人逆跡之處看該阿奇木若何稟覆即可判其真偽現在伊犁烏魯木齊官兵將次到齊兵威稍振長清等當督率將弁加意防守以堵為勦無稍疏虞一俟將軍參贊到彼大兵雲集再行相機勦辦其千總程謙拏獲遞送書信回子三名得以究出邁哈默特鄂對叛跡明正其罪甚屬可嘉程謙著以都司即行升用先換頂帶並賞戴花翎以示鼓勵此外官弁兵丁如能盤獲緊要奸細亦必優加獎擢至伊犁帶兵之領隊大臣祥雲保碩隆武於六月二十七八等日分起管帶起程由冰嶺行走十五臺站何以遲至七月二十二日始到兵二百名其餘官兵尚未到齊殊屬延緩著傳旨嚴行申飭即飭令帶領官兵小心防守勉贖前愆將此由六百里加緊諭令知之○又諭前據巴哈布奏帶領土爾扈特和碩特蒙古兵一千名於七月二十日起程

因此項兵丁應留本境防守當即諭知巴哈布於何處接奉諭旨即由該處帶同該蒙古兵折回喀喇沙爾令其各守游牧茲據長齡奏色哈布於八月初間可抵阿克蘇等語前降諭旨該大臣此時計已接到著仍遵前旨帶兵迅速折回曉諭該蒙古各歸游牧保護本境並督飭弁兵等加意防守城池毋稍疏懈再據長齡奏阿克蘇拏獲送信回子審係由喀城逃回伯克邁哈默特鄂對差往張格爾處遞送書信可見回眾中有與逆回暗通消息之事尤須密加防範如遇有南路傳來之信難保非此等通賊回子播散謠言意圖搖惑該大臣當詳加體察隨時訪查是為至要將此由六百里加緊諭令知之○又諭前據果良額奏到伯克伊薩克原稟內請將沙雅爾之賽拉里克卡倫嚴密防範當經諭令果良額加意防守本日據長齡奏阿克蘇拏獲回子訊係由喀城逃回伯克邁哈默特鄂

對差往張格爾處遞送書信該伯克與逆裔  
潛通信息難保無從中勾結情事沙雅爾係  
庫車所屬地方該伯克伊薩克雖赴阿克蘇  
其眷屬尚在庫車但係邁哈默特鄂對之胞  
叔果良額須不露聲色密加防範固不可致  
生疑惑尤不可稍涉大意儻有賊營投出之  
人其言尤難憑信更當詳細審察毋墮賊回  
奸計該城前已酌留巴里坤古城滿兵四百  
名漢兵六百名足敷防堵該大臣督率前項  
官兵並本城兵弁盡力固守毋得稍有疏虞  
至伊薩克所請防範賽拉克卡倫之處安  
知非藉詞防守為分我兵力之計該大臣當  
體察情形相機酌辦是為至要將此由六百  
里加緊諭令知之○又諭前於七月十三日  
據慶廉奏報張格爾進卡滋事喀城回子全  
行變亂分股猖獗當經諭令嚴密查察妥為  
防守迄今一月有餘未據該大臣續行奏報  
是否該大臣查探軍情不得確信抑該處軍

臺亦有文報不通之處是以遲延未奏現據  
長齡並葉爾羌阿克蘇辦事大臣奏報葉爾  
羌所屬十四軍臺及阿克蘇迤西軍臺俱被  
賊匪焚燬殺害官兵本日復據長齡奏接准  
長清信稱阿奇木伯克邁哈默特鄂對由喀  
什噶爾逃回據稱六月十八日派阿克蘇六  
品伯克玉素普等由巴爾昌一帶前往烏什  
又據長清信稱拏獲回子三名訊係邁哈默  
特鄂對差至張格爾處遞送書信所供雖未  
盡確實然該伯克與逆裔潛通信息即難保  
無從中勾結情事烏什回戶係由各城移駐  
慶廉須不露聲色加意防範固不可致生惶  
惑尤不可稍涉大意儻有賊營投出之人其  
言尤難憑信更當詳細審察毋墮賊回奸計  
玉素普潛往烏什是否實有其事並著密行  
查訪至烏什軍臺有無滋擾該處存城官兵  
能否足敷防堵現在伊犁兵二千烏魯木齊  
兵三千已抵阿克蘇齊慎甘州兵三千亦不

日可到如須酌添兵力即行咨商達凌阿等就近分兵防守該大臣務當安撫回眾激勵官兵固守城池並偵探各路軍情隨時馳奏將此由六百里加緊諭令知之○又諭據松筠奏伊犁卡倫外各部落哈薩克向無布匹每年三月起至九月陸續前來伊犁以羊易布每年喀什噶爾葉爾羌和闐三處回子貢布約共九萬餘匹運赴伊犁應用至塔爾巴哈台與哈薩克貿易所需布匹半由伊犁轉運回布半由烏魯木齊採買布匹應用來年該三城貢賦維艱請於烏魯木齊所屬州縣商賈百姓准其以布捐監並准捐都司以下職銜所捐布匹運赴伊犁塔爾巴哈台以備與哈薩克貿易如有不敷由甘省官為運辦再喀什沙爾所屬之布古爾及庫爾勒兩小回城附近大路商民並吐魯番商民各租回子地畝播種棉花甚夥並請飭下烏魯木齊都統商同吐魯番喀什沙爾辦事大臣曉諭

該三處商民人等准其即以棉花捐監並捐都司以下職銜將棉花運赴伊犁搭放官兵正餉等語布匹為哈薩克所必需現在逆回滋事喀什噶爾等城被賊騷擾回子貢賦一時難復常制松筠所奏烏魯木齊並吐魯番喀什沙爾等處商民准以布匹棉花報捐監生職銜其事窒礙難行從前回子未經貢布之先所需哈薩克貿易布匹係由甘省官為運辦著長齡詳查伊犁塔爾巴哈台兩處每年共需布匹若干如何豫為籌備屆期運往該處務期無誤貿易以示體恤之處覈議奏辦松筠摺著鈔寄閱看將此附本日報便諭令知之○丙寅

上幸靜明園詰

龍神廟拈香○諭內閣此次派調吉林黑龍江勦旅前赴回疆軍營協勦所需車馬照歷屆成案逐站更替行走現已將次抵京經由直隸河南陝西甘肅等處道路綿長著各督

撫派委藩臬大員會督該管鎮將道府妥為照料催趨遄行剋期前進無得稍有遲緩該領隊大員沿途彈壓官兵務須紀律嚴明秋毫無犯儻有騷擾不法等事著該督撫據實叅奏將犯事官兵按軍法治罪並將約束不嚴之領隊官員等分別嚴懲決不寬貸○又諭慶山奏接准楊遇春調兵檄文即派兵丁一千名分作四起令協領佐領等官率領並伊自行統領第四起官兵前往軍營一摺西

安將軍職任綦重昨已派出卓爾琿保令其率領黑龍江官兵前往軍營而巡撫鄂山亦經遣往甘肅署理總督事務其西安大員祇有慶山署巡撫徐忻副都統富桑阿三人慶山自應將此項兵丁一千名交付派出協領等官率領前赴軍營俟到彼處領隊大臣多員足敷委用乃慶山並未具奏請旨率將將軍印信交令富桑阿護理伊自行統領官兵前往軍營不曉事體輕重殊屬非是慶山著

嚴行申飭伊行抵何處接奉此旨即由何處回任將此項兵丁一千名即交原派協領等妥為照料趕赴哈密一帶地方聽候楊遇春調遣○丁卯諭內閣曹振鏞汪廷珍王引之杜壻不諳清文英和文字管理事務較繁所有校勘清字

聖訓著改派托津松筠奕經○又諭每年動支帑項散給兵餉原期遇有兵戎為國報效捍衛地方近因逆裔張格爾在喀什噶爾滋事業經調取吉林黑龍江兵三千名前往征剿此項勁旅到日逆回自可剿滅惟兵丁等經行四省其中恐有愚魯之輩因車馬食物擾累勒索前已降旨飭令各該省督撫遇有兵丁滋事者即行叅奏按照軍法辦理仍將該管官嚴叅著鄭親王烏爾恭阿定親王奕紹於各起官兵齊集教場犒賞時將此旨逐名曉諭爾官兵等務須謹守法度速赴軍營奮勉從事為國宣勤以期仰報皇恩如有沿途

因車馬食物細故擾累驛站地方居民者即按軍法懲辦仍將該管官指名劾叅一併嚴懲決不姑貸○諭軍機大臣等據祿成等奏籌備官兵五百名選派帶兵總管佐領防禦驍騎校等十三員並調副都統德海帶往等語黑龍江續挑官兵業經降旨令祿成揀派帶兵員弁陸續起程並派阿勒罕保作為領隊大臣俟黑龍江兵到京時督同原派官員帶兵前赴軍營其由黑龍江至京沿途總管佐領等足資彈壓德海著無庸前來如業經起程該將軍即行知該副都統折回本任可也○將此由四百里諭令知之○給山西薩拉齊廳屬被水災民一月口糧並房屋修費○予喀什噶爾陣亡領隊大臣烏凌阿諡武壯穆克登布諡壯節祭葬世職均如都統例○戊辰諭內閣烏爾卿額奏請前赴軍營一摺烏爾卿額因喀什噶爾逆回變亂經楊遇春咨調涼州莊浪滿營官兵五百名該副都統

自請前往幫同勦辦具見悃忱惟涼州副都統本任事件亦關緊要現在寧夏將軍格布舍業已帶兵出口所有涼州莊浪滿營官兵五百名應即揀派官員帶領跟接前進該副都統著無庸前往○工部右侍郎顧德慶因病賞假以署禮部右侍郎湯金創署工部右侍郎兼管錢法堂事務○己巳諭內閣道光五年曾經降旨督撫藩臬之內如係旗員於請安謝恩摺內著繕寫奴才字樣凡遇一切公事奏摺著寫臣字此特專指文職而言並未指出武職如此繕寫原降諭旨甚屬明晰穆蘭岱前此會同陝甘總督奏事一摺自應繕寫臣字今伊自行陳奏青海蒙古事件亦寫臣字竟染漢人習氣殊屬不合況此際各省將軍都統等奏摺並無一繕寫臣字者穆蘭岱身任副都統兼西寧辦事大臣而倣效文職殊屬非是穆蘭岱著傳旨申飭○諭軍機大臣等楊遇春奏接到長齡及各城來信



逆回竄至阿克蘇所屬地方。飛飭副將胡超等將齊慎所帶出關官兵分起趕往庫車駐劄。一面令提督楊芳馳赴前途接管。令齊慎、德克金布各回本任。德克登額回署固原提督印務等語。本日長清由六百里馳奏。派往渾巴什河沿錫伯總管額爾古倫官兵途遇賊匪交仗。殺賊一百有餘。賊勢退敗。復探有喀什噶爾前來大阿渾二名。由葉爾羌所屬之巴爾楚克一帶糾約回匪竄入阿克蘇所屬之都齊特郝紫爾等處煽惑回民附同叛逆。約有數千人。經長清明白曉諭。尚屬安堵。又據慶廉奏。該城現在安靜。惟留城官兵不滿三百名等語。前因甘省控制新疆固原及河州一帶均係回民雜處。不可無大員鎮守。是以節經降旨。令該署督於楊芳、齊慎二人中酌派一人回任。嗣據齊慎籲請隨同該署督前往堵剿。已准令馳赴阿克蘇駐守。楊芳現赴前途接管。首先出關官兵該二人俱係

向來帶兵得力之員。此時均已出關。即著無庸回任。所有固原提督現派德克登額署理。德克金布亦回本任。足資彈壓。較之姜長齡自為得力。刻計達凌阿已馳抵阿克蘇。合之前項官兵足敷防剿。惟烏什西南有通喀什噶爾要路。迤北山內俱係布魯特遊牧。應即嚴密防範。該署督即飛催齊慎帶兵速往阿克蘇。一面於現在業經出口官兵內酌撥數百名前往烏什交與慶廉調遣防守。該署督仍遵前旨迅速馳往阿克蘇相機辦理便宜行事。不可有誤事機。是為至要。將此由六百里諭令知之。○又諭長清奏防堵官兵遇賊交仗得勝一摺。此次長清派額爾古倫帶領錫伯等營官兵三百員名。該營官兵二百員名過渾巴什河堵剿。七月二十七日與賊交仗。官兵奮力向前。殺斃賊匪一百餘名。奪獲馬匹器械長號等物。並生擒賊匪一名。於訊明後正法。所辦好。除官兵業經獎賞外。額爾



古倫等從喀什噶爾退回前經降旨令其效力贖罪。此次著長清等存記。如更有出力之處。再行奏請施恩。所奏自喀什噶爾前來大阿渾二名。由葉爾羌所屬之巴爾楚克一帶糾約回匪竄入阿克蘇所屬都齊特郝紫爾等處煽惑回民同叛。約有數千。實屬可惡。經長清飭令色提巴爾第巴彥岱等明白曉諭。現在阿克蘇及東西北各村莊回民均極安堵。覽奏稍慰。長清等仍不時鼓勵阿奇木伯

克等往來稽查勿致勾結。此為至要。前已降旨將色提巴爾第巴彥岱阿布都爾滿托克托尼雜爾伊薩克等分別嘉獎。如該伯克等始終出力克保城池必當再沛殊恩。用酬忠蓋。此時阿克蘇統計伊犁烏嚕木齊官兵到齊不下六千名。儘足數防守。勦捕之用。賊來則擊。賊退勿追。一俟大兵雲集。再行酌量勦辦。至祥雲保碩隆武等帶領伊犁官兵何以遲至八月初一日。尚有七百五十名未到。該

領隊等所司何事前已降旨申飭。著長清等查明奏奏。其達凌阿所帶官兵已於七月二十三日到庫車。何以八月初一日尚未到阿。克蘇亦屬遲緩。著即飛催胡超等所帶甘州兵三千名趕到庫車。即速來阿克蘇聽候調遣。至烏什與阿克蘇輔車相依。據慶廉奏存城官兵不滿三百。已降旨令楊遇春於業經出口官兵內酌撥數百名交慶廉調遣防守。或由阿克蘇先行撥往亦可。其郝紫爾防堵遊擊隆順聞賊匪糾約叛逆徑自馳回本應治罪。姑念其兵力單弱帶領官兵拔營抵渾巴什河協防尚與臨陣退縮者不同。著即在渾巴什防堵效力贖罪。其遺失鍋帳馬匹著該遊擊自行賠補不准開銷。再前據長齡奏接准長清信稱自喀什噶爾逃回之阿奇木伯克邁哈默特鄂對與張格爾送信一節。長齡以該伯克包藏禍心誅不容緩。札覆長清即將該伯克正法。當經降旨令長清照依辦

理其供單內並有聽聞張格爾給信色提巴爾第巴彥岱之事。現奏色提巴爾第等曉諭回民各安本業。尚為出力。或邁哈默特鄂對所供竟係聽聞子虛之言。亦未可定。如長清接到長齡函覆並前次諭旨後尚未照辦。此時正當用人之際。非特色提巴爾第巴彥岱等前不可稍露形跡。即邁哈默特鄂對如此時實有不便拏辦之處。或前寄長齡信內情節尚須詳察。亦著不動聲色。隨時密加防範。

毋令疑懼。至伊薩克尤宜善為激勵。諭以爾叔姪係忠蓋後裔。此時自當加倍出力報效。以期渥受國恩。斷不可令其猜疑為要。達凌阿日內定已馳抵阿克蘇。長清於該城情形較為熟悉。辦理亦尚妥協。著與達凌阿督同副將郭繼昌悉心商榷。不可推諉。遇有應辦事件。即行會商妥辦。俟楊遇春到彼。即相機進剿可也。將此由六百里諭令知之。○又諭據慶廉奏烏什與阿克蘇唇齒相連。回眾尚

屬安靜。惟西南各卡倫有通喀什噶爾要路。迤北山內均係布魯特游牧。每從小道潛出搶竊回子牲畜。現在留城防守官兵不滿三百。督率嚴備防範等語。前因烏什回戶俱由各城移駐。慶廉久無奏報。正深慮念。特降旨令該大臣加意防範。如須酌添兵力。即咨商達凌阿就近分兵防守。本日據稱該處兵勢單弱。自屬實在情形。此時阿克蘇各路換防應援並錫伯等營官兵共有二千餘員。名伊

犁官兵二千。及達凌阿等所帶烏魯木齊官兵除留庫車一千外尚有三千。並齊慎所帶甘州兵三千六百名。計均可陸續到彼。現已飛飭楊遇春於業經出口官兵內酌撥數百名。交該大臣調遣防守。此時總宜安撫回眾。激勵弁兵。嬰城固守。無稍疏虞。是為至要。其西南通喀什噶爾要路著隨時偵探加意嚴防。迤北山內游牧之布魯特時有搶竊回子之事。雖與喀什噶爾布魯特勾結從逆者不

同但須設法防範或震以聲威或結以恩信無致煽惑滋事方為妥善將此由六百里諭令知之○烏魯木齊都統英惠請酌添軍臺馬匹從之○以督辦塔爾巴哈台城完竣予同知額勒金泰遊擊慶長議敘

中華書局影印

七

大清宣宗效天符運立中體正至文聖武智勇仁慈儉勤孝敏成皇帝實錄卷之一百三

大清宣宗效天符運立中體正至文聖武智勇仁慈儉勤孝敏成皇帝實錄卷之一百四

監修總纂官臣等謹將宣宗成皇帝實錄卷一百四內各條開列於左  
天府府尹臣等謹將宣宗成皇帝實錄卷一百四內各條開列於左  
七倉大臣等謹將宣宗成皇帝實錄卷一百四內各條開列於左  
內務府大臣等謹將宣宗成皇帝實錄卷一百四內各條開列於左  
軍機處大臣等謹將宣宗成皇帝實錄卷一百四內各條開列於左  
欽修

道光六年丙戌八月庚午諭內閣那彥成奏

被水淹浸倉穀分別出借售變豁免著賠一摺直隸成安縣地方夏間猝被漳河漫水下注倉穀間被淹浸前據該督飭令搬運曬晾茲盤量確數具奏除常平倉盤出乾穀照數加謹收貯外其受潮曬乾穀二千八百五十石被浸難以久貯著照所請飭該縣照依時值變價秋後易買好穀還倉不准派買派賣社義二倉乾穀二千七百三十六石五斗並義倉受潮曬乾穀一千四百五十六石共

穀四千一百九十二石五斗。內以一千二百石作為籽種。二千九百九十二石五斗作為口糧。均勻出借。秋後查看收成。分數分別加免息穀。催追還倉。至常社義三倉徵變穀九百一十四石五斗。係因曉瞭不善所致。著落該縣照數賠交。秋後買補還倉。不准以價作抵。其折耗穀一千四百八十七石三斗零。猝被水衝。致有損失。加恩准其豁免。仍於奏銷案內分別覈實造報。至該縣原設倉廩。地本

鹹鹼。貯米易致黴變。且在最窪之處。被水後率多坍塌。著另擇高爽之地。照數移建。該部知道。○又諭據兵部奏原任貴州安義鎮總兵馬驥。由原籍西安遣人呈請從征。勦捕逆回。現在帶兵並不乏人。馬驥著在籍守制。所請不准行。○又諭卓爾琿保奏。伊現帶黑龍江官兵前往軍營。懇請由西安滿營揀派能識漢字堪備差委弁兵十數名。帶同前往一摺。卓爾琿保所帶黑龍江官兵內。自有能識

漢字堪備差委之人。何必又由西安揀派多人。卓爾琿保僅帶數人前往足矣。毋許過十人之數。仍將所帶人員職名。咨送兵部。以備查覈。○以海運歲事。風帆穩利。命理藩院尚書穆彰阿。恭詣天津

天后宮。

風神廟。

海神廟。祀謝。並頒

風神廟

御書扁額曰功昭利濟。○旌表守正捐軀四川

漢州民蒲懷德妻劉氏。○辛未秋分夕

月於西郊。遣惇親王綿懌恭代行禮。○諭內閣

據御史楊殿邦奏。風聞吉林官兵在途不法。

請飭查辦等語。著派耆英馳往。邦均店一帶。

查明吉林頭起官兵。如有沿途打搶典鋪酒

店。並擅入民家強姦婦女。致釀人命之事。即

行據實嚴叅懲辦。○又諭昨據祿成奏。續派

黑龍江官兵五百名。已調副都統德海豫備

帶領前往軍營一摺。朕已降旨。祿成令將此起兵丁著派阿勒罕保帶領前往。所有由黑龍江沿途前進。既有總管等官照料。即毋庸德海前來矣。惟念德海係本省副都統。帶領該處兵丁。易於約束。著晉昌偵探德海現抵何處。即將此旨宣示。仍著德海領此官兵五百名。嚴加管束。妥速來京。俟到京時。交代阿勒罕保。後德海再回本任。將此旨令祿成知之。○又諭。成格奏修理營房。開單彙奏一摺。

現在軍務河工。同時並舉。各直省如遇緊要工程。刻不可緩。原不必因經費有常。概從節省。至一切可緩工程。自應暫行停止。今該署督所奏肇慶府屬高要縣塘汛營房工程。並非必不可緩之工。均著暫緩興辦。該部知道。○又諭。龔守正現出學差。湯金釗著在上書房行走。授大阿哥讀。○諭軍機大臣等。孫爾準奏彰化匪徒。現已辦有頭緒。即日前赴大甲查辦一摺。覽奏頗慰朕懷。此次臺灣匪徒

滋事。始因盜匪李通挾粵民黃文潤家格殺盜夥之嫌。欲圖報復。並非分類械鬪。迨至匪徒乘機造謠煽惑。搶掠粵民。逃至淡水。再圖勾結報復。而閩人亦集眾互鬪。始成分類之勢。該地方文武官員。若能即時前往查拏懲辦。不過一尋常糾鬪之案。何至蔓延一廳兩邑。使良民慘遭荼毒。現據該督查明漳泉良善之家。收留粵人。多方保護。直至賊匪斂戢。始行送出歸莊者。不計其數。是尤為並非分

類之明證。該鎮蔡萬齡。該府陳俊千。辦理遲緩之咎。實所難辭。蔡萬齡業已革職。陳俊千著即查明叅奏。其餘地方文武員弁。著於全案辦竣時。將各員功過。分別據實具奏。現在彰境安堵。淡水械鬪亦已止息。而匪徒查拏未淨。仍恐其潛匿內山。復相勾結。其中港地方。被擾難民。甚於彰化。情形尤為可憫。亟須妥為撫卹。該督即飭委員督同淡水同知。妥速撫諭。務令一律歸田。查明戶口。給發賑銀。

蓋寮棲止。無使一夫失所。逃匿餘匪。當飭文武員弁。分路搜捕淨盡。勿得稍留遺孽。至淡屬銅鑼灣。及附近之三灣地方。既為匪徒出沒之區。即當乘此兵力。嚴拏懲辦。免致貽患閭閻。該督務體察情形。將現在應辦機宜。及將來善後諸事。妥協經理。勉副委任。其另片奏。首先擒獲匪犯李通之千總關桂及協同揆捕之千總周兆麟俱為奮勉。關桂著賞加守備銜。並賞戴藍翎。周兆麟著賞戴藍翎。以

示鼓勵。將此由四百里諭令知之。○又諭據慶廉奏。隨同參將王鴻儀出征之明伯克色里克到城供稱。都齊特臺防堵官兵兩起。一係烏什派往。一係葉爾羌換防官兵。俱已打仗陣歿。伊被賊縛去。乘機脫逃。在賊營時。聽得張格爾分派布魯特頭目二人。帶領七百人。由巴什雅哈瑪卡倫前來。進取烏什。又據果良額達凌阿奏。逆回每撲城池。必先繞路焚掠軍臺。使道路梗塞。庫車至阿克蘇一路

臺站。先須顧及。除前此請留兵一千名外。復於烏魯木齊官兵內撥出四百名。在拜城軍臺駐劄巡查。茲領隊大臣多貴帶領三起官兵七百員名。已到庫車。令其協同防堵。達凌阿帶領官兵六百餘員名。馳赴阿克蘇等語。烏什所屬巴什雅哈瑪卡倫。係通喀城捷徑。要隘。且烏什與阿克蘇輔車相依。前因兵力單弱。不敷防堵。已降旨令楊遇春於出口官兵內酌撥數百名前往。以資調遣。此時該城

情形。恐分撥數百名。尚不敷用。已諭知長清達凌阿將阿克蘇已到各路官兵內先行酌撥。此時統計伊犁烏魯木齊兩處官兵六千餘名。除留庫車及分赴烏什外。合之阿克蘇前存官兵不過四千餘名。著楊遇春即飛飭胡超。李士林。將所帶甘州官兵。星馳赴阿克蘇。並催令齊慎。楊芳兼程前進。會集阿克蘇。楊遇春亦當督兵兼程馳往。一面飛催所調各路官兵。迅速進發。勿稍延滯。現在庫車已

前後留兵一千四百名。足數防守。並諭知多貴在彼幫同守衛。其餘續到官兵。即飭齊赴阿克蘇。無得再行截留。該署督亦即轉飭該大臣等。總以慎守要隘。保護城池為急。勿令多分兵力。轉有挫損也。將此由六百里加緊諭令知之。○又諭慶廉奏阿察他克臺官兵送到。隨同參將王鴻儀出征之明伯克色里克到城。報稱逆裔張格爾分派布魯特頭目。帶領七百人。由巴什雅哈瑪進取烏什。存城

官兵不滿三百。勢難抵禦等語。色里克供內有被賊擒縛。求伯克愛里什向賊頭阿渾說情。始行放脫之語。色里克既經被賊擒縛。何以一經說情。遽行放脫。其所稱派布魯特頭目進取烏什。安知非該逆裔散布謠言。冀圖搖惑。惟巴什雅哈瑪卡倫係通喀什噶爾捷徑要路。布魯特各部落遊牧迤北山內。該城官兵單弱。實不足以資防堵。前已諭知楊遇春於出口官兵內酌撥數百名。並諭知長清

等或由阿克蘇先行撥往。現在烏什情形喫緊。復諭知長清達凌阿於已到阿克蘇各路官兵內先行酌撥一千名。並分派大員一人帶領。迅赴烏什。幫同堵禦。該大臣務當安撫回眾。布魯特密為防範。督率兵弁。嬰城固守。不可不慎之又慎也。將此由六百里加緊諭令知之。○又諭據果良額等奏庫車至阿克蘇一路臺站。先須顧及。於前此請留兵一千名內。派赴塞拉里克兵五百名。沙雅爾回城

兵三百名。庫車城內兵二百名。復於烏魯木齊官兵內撥出四百名。在拜城軍臺駐劄等語。庫車要隘。軍臺卡倫。原應分布防守。惟保護城池。尤為緊要。亦不可多分兵力。致形單弱。現計所留官兵一千四百名。合之原有存城兵。已有一千七百餘名。足數分撥。並著多貴留駐庫車。幫同防守。自可無虞。其所帶官兵七百餘員名。及以後續到大兵。總令齊赴阿克蘇。以備楊遇春到來相機進剿。不得再



行截留。該大臣當安撫回眾。保守城池及要隘地方。無得稍有疏虞。將此由六百里加緊諭知果良額。並諭多貴知之。○又諭據慶廉奏。阿察他克臺官兵送到。隨同王鴻儀出征之明伯克色里克。訊據供稱。都齊特臺防堵官兵。俱已陣歿。伊被賊捆縛。乘機逃回。被縛時見賊分兩股。一打葉爾羌官兵。一圍王鴻儀官兵。葉爾羌官兵俱已陣歿。王鴻儀營盤尚在。賊頭阿渾留下二百人。其餘往洋阿里

克去。又聽說張格爾派布魯特頭目二人。帶兵七百名。由巴什雅哈瑪卡倫去取烏什。兩面夾攻等語。巴什雅哈瑪卡倫係通喀什噶爾捷徑要隘。烏什與阿克蘇輔車相依。現在該處兵力單弱。不敷防堵。前已諭知楊遇春於出口官兵內酌撥數百名。或由阿克蘇先行撥往。以資調遣。現在烏什情形緊要。數百名尚不敷用。著長清達凌阿。即於已到阿克蘇各路官兵內。先行酌撥一千名。分派大員

一人帶領。迅速前往幫同堵禦。現已飛飭楊遇春。催令帶領甘州官兵之胡超。李士林。星馳赴阿克蘇。並飛催齊慎速往阿克蘇會同辦理。所留官兵。可數分撥。一俟楊遇春督兵到彼。再行相機進剿。至派赴都齊特防堵官兵兩起內。一係參將王鴻儀所帶烏什兵三百名。其葉爾羌官兵一起。自係岳振太所帶前往。葉爾羌換防兵丁九十餘名。此次既據賊稱。俱經陣歿。是否即葉爾羌換防之兵。曾

否實已陣歿。著長清等查實具奏。再據色里克供內。有被賊擒縛。係求阿克蘇巴吉格爾伯克愛里什。向賊頭阿渾說情。始行放脫。則愛里什之通賊。已可概見。此時愛里什是否仍在阿克蘇幫同防守。抑竟已從賊前去。如尚在該城。長清等當訪查明確。設法拘禁。以免勾結。將此由六百里加緊諭令知之。○又諭鄂山奏。大兵進發。沿途州縣應付。飭局豫為籌辦。吐魯番庫車等處。各設糧臺。雇撥牛



馬駝隻酌商英惠籌辦。哈密為官兵必由之境。軍糧亦應多備。現由安肅道屬磨麵運往。惟各路官兵所騎之馬。遠道難免疲乏。除英惠截留伊犁撥補內地營缺馬四百七十一匹。楊遇春札調馬五千匹。陝甘兩省額馬有三萬餘匹。覈計營中差操之外。尚可酌量動撥。已行知各營。加意餵養。以備續調。楊遇春所調火藥鉛丸戰箭等項。業經照數撥運。現又飭局多為製辦。並製帳房馬鞍等件。烏魯

木齊調經費二十萬兩。現又撥銀三十萬兩。委解安肅道庫。咨明英惠就近調撥。又據片奏陝西司庫尚可籌撥銀五十萬兩。其數不在戶部指撥之內。已飛咨徐忻委員解甘備用各等語。軍行馬匹最關緊要。必須先期調集。餵養壯健。方可剋期應用。不致貽誤。現在所調陝甘各兵陸續進發。武隆阿帶領京營勁旅。並吉林黑龍江兵及四川所調之兵。接續經過。該署督當通盤覈算。將陝甘兩省額

馬三萬匹內。除應留差操之外。實可調撥馬若干匹。是否足敷各項官兵乘騎之用。速即行知各營。挑其臆壯者。豫行調赴肅州哈密一帶。加意餵養。俾馬力充裕。足供馳騁。以便隨時撥用。其所奏添設糧臺磨備麵斤製備軍械均著照所議辦理。務當妥為經畫。不許稍有遲誤。至所請由陝省撥銀五十萬兩。已諭知徐忻迅速委員解甘矣。將此由五百里諭令知之。○又諭據徐忻奏甘省應需軍火

糧餉必須寬為儲備。應否將陝西司庫籌備銀五十萬兩。委員解甘等語。本日又據鄂山奏明前所籌撥銀五十萬兩。其數不在戶部指撥之內。飛咨解甘備用。著徐忻迅將陝西司庫籌備銀五十萬兩。速即解往甘肅備用。毋得遲誤。俟各省解甘銀兩過陝。再行截留歸款。將此由五百里諭令知之。○命詹事府詹事龔守正提督山東學政。○以南糧軍船全數回空。予倉場侍郎韓鼎晉等議敘。○壬

申。

世宗憲皇帝忌辰。遣官祭

泰陵。

上詣

安佑宮行禮。○旌表守正被戕直隸建昌縣民

李丈鳳女坡姐。浙江於潛縣民陳貴受妻方

氏。○改建浙江東西塘魚鱗石塘。並拆鑲柴

埽盤頭各工。從巡撫程含章請也。○癸酉。

上詣綺春園問

皇太后安。○諭內閣。那彥成奏。請停運藥鉛火

繩。並籌議兵行供應一摺。此次吉林黑龍江

官兵三千名。前赴回疆軍營協剿。所需藥鉛

火繩。由京分起解送。各省派委員弁。交替轉

運。茲據該督奏稱。自京至甘。相距道路綿長。

逐站更換車輛。供應較難。且長途遇雨受潮。

恐亦不堪應用。前據鄂山奏明火藥鉛丸火

繩。現已飭局多為製辦。甘省籌備充裕。足敷

調用。著將前項應解藥鉛火繩。未經起運者。

留於京中各營配用。其已由京起運者。隨處

截留。作為直隸各營操演之用。即於每年應

造藥鉛火繩例價內扣除。其如何分營存貯

之處。先行報部備查。至該官兵需用車馬供

頓。業據飭令沿途驛站州縣。妥為籌備。惟該

官兵到站。早晚無定。往往任意多索車馬。中

途賣放。更有冒混跟隨。逞強索取。地方官倉

猝莫辨。濫支濫應。必當嚴行查禁。著各該領

隊大臣。將每站應用車馬。按照兵牌勘合。開

明確數。揀派明練公正章京二員。先期到站。

會同地方官。按照兵牌勘合。逐一點驗。候官

兵到時。眼同更換支放。又另片奏。派委司道

大員。分段照料妥辦。著照所請。飭各前往彈

壓。並令該管府廳州各按交界。接替催趨。迅

速進行。不使稍有延緩。該兵丁等如有滋事

不法。即據實嚴叅懲辦。該部知道。○諭軍機

大臣等。據那彥成奏。條議勒辦逆回事宜。請

敕下在事諸臣詳議一摺。朕詳加披閱。各款

內如酌用伊犁遣犯一節。不但此時調集兵弁甚多。其中不乏材勇可用之人。何至錄及遣犯。且該犯等皆曾獲罪譴。若使效力立功。將來應如何位置。又用鹿角木架。兩人擡走。以便支放擡槍一條。軍行貴於便捷。若以木架笨重之物。令人擡走。豈能迅速。設若賊匪馬隊突來。必待安好木架。始行開槍。豈能轟擊便利。又擺齊隊伍。分為兩梢兩翼兩輔。左右穿截抄殺一條。行軍之道。原宜紀律嚴明。

隊伍整肅。而臨陣時應如何抄截。如何衝擊。亦當隨機應變。若必待分梢分翼。翕張而進。亦殊拘執。且陣法必須平時操演純熟。而後得力。豈能於對敵時期其速效。又善後之要。首先勦洗白帽回子。已從逆者。童穉不留。未從逆者。按戶遷徙雲貴閩廣各州縣安插一條。此種回子。狼子野心。將來辦善後時。已從逆者。自應童穉不留。未從逆者。自宜妥議安插之道。無留後患為要。若遷徙內地州縣。似

更不成事矣。且內地回戶。已不為少。此種回子。日久孳生眾多。豈不更難防範。此四條均屬窒礙難行。其餘各條。是否可以照辦。著長齡等體察情形。悉心酌議具奏。那彥成摺著鈔寄閱看。將此附報便諭令知之。○以故湖南永順府桑植縣下崗土把總向正暘孫光明襲職。○旌表守正捐軀山西永濟縣民張添象妻陳氏。○甲戌。遣官祭賢良祠。○諭內閣恆敬等奏接濟官兵銀兩。催令起程一摺。

齊慎帶領之官兵三千六百名。前經奏明留西寧鎮屬兵六百名。駐守哈密。茲據奏稱前項官兵。業已先後抵城。惟西寧程途較遠。迎催未到。著暫留涼州鎮屬兵五百名駐守。俟西寧官兵到時。即令起程。其餘兵二千五百名。現已分限按起前進。此項官兵。已有旨令其速赴阿克蘇。所有照例更換馬匹。准其於備撥項下如數撥給。其各營留換疲乏馬匹。著交牧廠餵養。病廢之馬。照例變價。至鹽菜

口糧及草料軍火器械等物均著按城供支。隨營運送。無得短絀遲誤。再向例出征官兵。除俸餉外。仍有借支銀兩。該官兵等在本營借項無多。著照所請不分馬步。每兵各借銀四兩。共銀一萬二千兩零。各官借一年俸銀共一千三百兩零。俱准其即時發給。俾資接濟。照例覈銷。○諭軍機大臣等。前據富俊奏。流民無籍可歸。懇免驅逐。當經降旨令該將軍不憚繁難。另籌善策。乃本日據富俊奏。遵

旨出示。四晌以上。不給錢文。四晌以下。流民四千餘口。按大口八百文。小口減半。作為路費。限九月內搬盡。如有抗違。即嚴辦以清山界等語。朕前諭該將軍於吉林所屬各廳。或盛京所屬各廳州縣。指出地方。酌分戶口。原以該民等幹年茲土。當令遷移不至失所。今該將軍定限九月內搬淨。但以驅逐為事。而無安插之道。富俊接奉此旨。即確查吉林所屬伯都訥及長春廳新分荒地。並盛京所屬

閒荒。出示流民。令其自便。其種地四晌以上。固係有力之家。然宅宅畝田。亦費成本。自宜酌給遷費。至四晌以下無力流民。情尤可憫。該將軍尤當體察地方情形。酌分期限。令其前往。以所得之房價地價。墾田築室。各安生計。總以散處而不聚集為要。但能陸續搬移盡淨。原無容刻期迫促。其所遺之田地房屋。應作何辦理之處。亦須豫為籌定。斷不可復任外來流民。私行占據。仍蹈故轍。方為妥善。

俟另行妥議奏到時。再降諭旨。將此由四百里諭令知之。○又諭長齡奏。接奉諭旨籌辦一摺。所奏均悉。此次額爾古倫等在渾巴什河得有勝仗。已據長清奏到。參將王鴻儀等陣歿。亦據慶廉具奏。節經降旨令齊慎帶兵三千六百名。迅赴阿克蘇。探明賊蹤。以堵為剿。至烏魯木齊官兵。業經果良額達凌阿。留防庫車一千名。伊犁官兵內。經長清派赴烏什五百名。昨據慶廉奏。存城官兵不滿三百。

復諭長清達凌阿。於已到阿克蘇各路官兵內先酌撥一千名。並分派大員帶領。迅赴烏什。幫同堵禦。所奏川楚各省民人及當差遣犯內。有曾充鄉勇。慣歷行陣。年力精壯者。呈請出征。著准其挑選一二千名。並著派綠營員弁。先管帶五百名赴阿克蘇。交長清等派充前敵。其給銀置備衣履。官給器械馬匹。發給鹽菜口糧。均著照所請行。該民遣等果能奮勇出力。分別隨時存記。再行酌辦。至伊犁

官兵。久經訓練。自宜有勇知方。何以該將軍轉稱此項民遣。較口外生兵。健勇敢戰。殊不可解。或係歷任將軍並未認真操練之所致。著長齡附便覆奏。長齡俟德英阿到伊犁後。即日迅赴阿克蘇。會同楊遇春等相機勦辦。至邁哈默特鄂對。與張格爾通信一節。該逆包藏禍心。罪不容誅。惟念該逆係南路回夷世族。黨類甚眾。現當用人之際。或此時不便拏辦。及情節尚須詳察。朕已諭知長清等。務

須不動聲色。隨時密加防範。斷不可令該逆猜疑。尤不可令各回眾等解體。將此由六百里諭令知之。○又諭前據鄂山奏。肅州距阿克蘇道里遙遠。僅於哈密派員督辦糧運。尚恐鞭長莫及。擬在吐魯番庫車設立糧臺。專派大員分駐。當經降旨准行。並派恆敬在哈密督辦矣。本日據英惠奏。接長齡來信。以烏魯木齊為後路糧臺。應行籌備糧餉。就近調撥。前經咨調甘肅等處銀五十萬兩備用。一

切支發。並各處調用軍火器械等項。必須設局委員經理。仍隨時督察。務令樽節等語。烏魯木齊非官兵經過處所。但該處為口外省會地方。各處糧石聚集。且較之由內地運往。路途近至過半。諸為便捷。儻於該處設臺。作為協濟。運至吐魯番。仍歸喀喇沙爾至庫車大路。是否可行。至吐魯番乃烏魯木齊屬城。相距僅止五站。若於烏魯木齊設臺。則吐魯番糧臺。應否一併設立。或竟歸為一處。著鄂

山等悉心籌議。如果烏魯木齊設臺。於糧餉更為有裨。即一面奏聞。一面飛咨英惠照辦。該處現有甘肅等處調往銀五十萬兩。是否足敷支應。著鄂山等體察情形具奏。並報明長齡。楊遇春。武隆阿可也。將此由五百里諭知鄂山。盧坤。並諭英惠知之。○賞派往軍營之前鋒統領哈琅阿。副都統倭楞泰。吉勒通阿。及協領等治裝銀有差。○乙亥。諭軍機大臣等。前此節經降旨。諭長齡等於進兵時。籌

畫奇策。要截兜剿。斷其歸路。務將首逆張格爾設法殲擒。勿令竄逸為要。昨據奏報賊匪擾及阿克蘇地界。經長清派額爾古倫帶領官兵。過渾巴什河堵剿。殺斃賊匪一百餘名。餘賊即已退散。可見該逆回等性本怙怯。又復狡黠異常。乘大兵未集之先。烏合鳩張。肆行無忌。一經戰敗。即紛紛鼠竄。彼此不能相救。看來大兵雲集之後。若僅由大路直前進剿。張格爾及附近之布魯特等。勢窮力蹙。必

思竄出卡倫。彼時既不便懸軍深入。亦難久駐防堵。縱將情蘭回子全行勦洗。而首逆業已遠颺。試思經此番大舉之後。仍不能殲厥渠魁。永除後患。成何事體。該將軍等將何以對朕耶。此時計武隆阿到彼。尚需時日。長齡與楊遇春會齊時。先將該處道里山川。通盤籌計。於未經進軍之前。即將何處捷徑。可以分兵抄出前路。兜轉夾擊之處。籌商周妥。必須胸有成局。俟進軍時。即酌分大員。出其不

意。潛師抄截。一面由臺站統領大兵進發。務期前後會合。一鼓殲擒。毋任竄匿。尤須加意詳慎。務保萬全。毋負朕諄諄誥誡之至意也。再寧夏滿營及涼州莊浪滿營官兵。據楊遇春奏。俟與長齡見面後。或撤回另調。或留防哈密。再行酌定等語。格布舍原為帶滿兵前往。如將來撤回滿兵。寧夏地方。亦關緊要。即著格布舍帶領滿兵。仍回本任。如必須該將軍前赴軍營。著長齡奏明帶往可也。將此附

報便。各諭令知之。○又諭據楊遇春奏官兵一至阿克蘇。如得機會。即須進剿。大員不敷分派。請仍將楊芳帶往等語。朕因甘省地方。必須大員鎮守。是以節經降旨。諭令該署督於齊慎。楊芳二員內。酌留一員回任彈壓。嗣據齊慎奏懇隨往堵剿。並據該署督奏稱。派令楊芳馳往接管。首先出關官兵。復經降旨。以該二人俱係向來帶兵得力之員。此時均已出關。無庸回任。其固原及河州一帶。回民

雜處。關繫緊要。業據該署督奏明。派德克登額署理固原提督。並令德克金布回河州鎮本任。該署督必深悉此二人。足資彈壓。自可放心前進。不致有內顧之虞。著即遵照前旨。飭令齊慎。楊芳均馳赴阿克蘇。相機防剿。俾資得力。又另片奏。原任浙江湖州府知府方士淦。歸安縣知縣馬伯樂。行至肅州。呈請隨營效力。該二員均係檢驗德清縣徐蔡氏命案不實。發遣新疆。獲咎甚重。尚未到配。著不

准隨營當差。仍飭各赴配所。效力贖罪。其原任甘肅赤金營把總李福。原擬徒罪。據該署督奏稱。係鄉勇出身。打仗可期得力。著准其帶往。將此由五百里諭令知之。○又諭長清奏。都齊特官兵失陷。並現在防守。及賊匪分竄情形一摺。此次參將王鴻儀。千總岳振太。在都齊特防堵。賊匪由伊勒都竄至。經參將王鴻儀。槍斃賊匪四五十名。賊匪將千總岳振太圍住。因眾寡不敵。戰歿。賊又將都齊特

軍臺燒燬。王鴻儀。疊次打仗。前後殺賊五六百名。因鉛丸火藥用完。戰歿於陣。該員等為國捐軀。情殊可憫。參將王鴻儀。千總岳振太。俱著加恩。照例賜卹。傷亡官員兵丁。著長清查明造冊咨部。照例卹賞。其兵丁楊自學。供內常守備。劉把總。馬外委。及兵丁李成。宋鉞。侯有旺等三名。俱被賊獲。著長清查明。該守備等係何名字。並兵丁等現在下落。遇便覆奏。其陣亡之張千總。並著查明名字。咨部照



例賜卹。至賊匪經渾巴什官兵打敗。四路分竄。經制外委施大勇沙雅爾阿奇木伯克伊薩克帶領兵回。續獲賊匪五六十名。訊出張格爾差來阿渾二名。因敗陣同葉爾羌等處逆回。由伊勒都轉逃。並供出柯爾坪等處從逆伯克。經長清分別正法留質。並因烏什告急。分兵五百名。交祥雲保帶領前往協防。所辦甚屬可嘉。昨因烏什存兵不滿三百。已有旨諭知長清撥兵一千名。前往幫同防堵矣。

賊匪所供柯爾坪等處通賊伯克。務須不動聲色。拏獲懲辦。並就現在留質各犯。訊以喀什噶爾英吉沙爾葉爾羌三城現在情形。是否嬰城固守。及張格爾現據何處。遇便覆奏。經制外委施大勇著以千總即行升用。沙雅爾阿奇木伯克伊薩克前已賞給二品頂帶。此次復經出力。可嘉之至。著賞給大緞二匹。長清即傳該阿奇木伯克祇領。並諭以爾本忠盡後裔。疊蒙嘉獎。嗣後如再有出力之處。

必當渥膺懋賞。用答忠勤。所有此次陣亡參將以下等缺。即著由該處最為出力人員內遞次奏補。其前次拏獲遞送逆信以都司即用之程謙著即升補以示鼓勵。長清一面奏聞。並一面咨報長齡等。其馬步糧缺俱著照所奏辦理。其伊犁後起官兵。至八月初六日尚未到齊。疲玩已極。該協領等所司何事。節經降旨申飭查叅。著長清即查明嚴叅懲處。現在阿克蘇城及東西北各村莊均屬安靜。

長清現飭官兵防守要口。並飭伯克等妥為安撫。辦理俱極妥協。仍應防備此次敗回之逆匪等。又復湊集多人。前來窺伺。長清務遵節奉諭旨。與提督達凌阿會商。督同副將郭繼昌。以堵為剿。賊來則擊。賊退勿追。俟楊遇春到彼。大兵雲集。再行相機進剿可也。又另片奏。民人封印魁帶領遣犯姚必英等六十二名。充當苦差哈達布等七名。參將存住。帶遣犯音德布等三名。均願效力防堵等語。此



等遣犯與伊犁遣犯入籍者不同。可令其協同防堵。不必令其前敵。其發給銀兩。製辦軍械。及給口糧鹽菜。均著照所請行。將此由五百里諭令知之。○以故睿勤親王端恩子仁壽襲爵。○以前任安徽巡撫張師誠署禮部左侍郎。○旌表守正捐軀山東鉅野縣民畢大妻王氏。○丙子。

上御含輝樓。閱侍衛騎射。○以故卓哩克圖親王噶勒藏棟囉布子巴圖襲爵。○以故和碩特札薩克一等台吉達什沙木丕勒子翰克博羅特襲職。○降年老四川北鎮總兵官愛新保為荊州協領。以四川督標中軍副將馬玉麟為川北鎮總兵官。○賞科爾沁郡王僧格林沁紫韁。○緩徵甘肅寧夏寧朔靈平羅鎮原五州縣被水被旱被雹災民新舊額賦草束。○丁丑。諭軍機大臣等。據和世泰奏請親赴軍營效力等語。實為至誠。惟察哈爾都統之任緊要。所管地方亦屬遼闊。和世泰

祇將任內事務妥為辦理。毋庸前赴軍營。○直隸總督那彥成奏。南漕寄剝各幫。全數完竣。報聞。又批。項者吏部帶領引見之西寧縣知縣何鳳翔。朕看其人才具平庸。須留心察看。是否勝任。勿因其在直年久。曲為姑容也。○禮科給事中郭泰成奏。請勸諭捐輸以儲軍需。得旨。所奏不可行。○工部右侍郎顧德慶。以病解任。調戶部左侍郎李宗昉為工部右侍郎。兼管錢法堂事務。以署工部右侍郎

湯金釗為戶部左侍郎。○以直隸永定河疊次搶險出力。予縣丞張書紳等升敘有差。○戊寅。諭內閣。前據御史楊殿邦奏。風聞吉林官兵在途不法。當派耆英前往查辦。茲據查明吉林頭起官兵經過各州縣。並未滋事。惟四起官兵行抵玉田縣境。有兵役四名宿倡該縣未經查出姓名等語。大軍經過地方。必當紀律嚴明。隊伍整齊。該管大臣官員。帶領同行。時加約束。何得任令該兵役結伴宿倡。

漫無查察。此次未經指出姓名。姑免深究。該管領隊大臣未能約束。又復失於覺察。著傳旨嚴行申飭。仍剴切曉諭該官兵等恪遵紀律。整肅違行。逐站管帶前進。嚴行彈壓。其兵役即責成該兵約束同行。如敢肆意違犯。則軍法具在。必應按律懲治。並將約束不嚴之該管領隊大臣官員等。分別嚴懲不貸。○又諭前據御史錢儀吉奏。浙江學政朱士彥任性錯謬各款。當經降旨交程含章詳細確

查。茲據該撫奏稱。原參該學政終日沈湎。及教職小誤。輒加夏楚二款。查詢並無其事。又創為小枷。令士子帶枷謄錄一款。查係因童生夾帶文字。用小枷枷號示眾。所枷之人。不得入場作文。無所用其謄錄。又貧生拖欠錢糧。無論奇零。悉行扣考一款。查係該府縣教官詳報欠糧扣考。所欠銀米。自數兩數石至千餘兩數百石不等。並非貧生小戶。完糧後即准補考。所參皆屬不實。惟該學政之父。隨

棚分閱試卷。出題割截太甚。不成句讀。取進童生。寫字錯訛。令教官掌責。及嘉興試院於場事畢後演劇各款。原參有因而未盡實等語。浙省士風輕薄。朕所夙知。該學政遇事整頓。原無不合。惟伊父朱彬。迎養到浙。祇宜在署居住。不應隨棚閱卷。若亦幫同校閱。豈不與干預公事者無異。試院演劇。雖係場事全竣。亦不應漫無關防。至生童勦襲舊文。及字畫錯訛。原應豫行出示曉諭告誡。有犯者棄

置不錄。究不宜出題割裂句讀。取進後輒予掌責。致滋物議。此數節朱士彥不能辭咎。著交部議處。至御史職司糾察。遇有不公不法之事。原應立加參劾。然亦當訪查確切。錢儀吉所參朱士彥各款。若皆屬實。該學政當得何罪。今查明數款。尚出有因。而措詞未免過當。且有數款查無其事。錢儀吉何得率行陳奏。念其究係言官。從寬著交部察議。○浙江巡撫程含章奏查明錢儀吉參奏學政朱士

彥各款得旨。浙江士習不端。朕所夙知。實心整頓。怨者必多。以前學政之因循姑縱。不問可知矣。吁。世道人心日下。為政者一從實整頓。則怨謗沸騰。朕為天下主。焉可不力挽頽風。昌明正學。俾臣下各揚其職。佐臻上理也。朱士彥不合之處。另降諭旨。並著程含章將此硃批摺。令朱士彥觀看。諒伊必知感懼。知朕用人聽言之難也。○又奏。早禾收成分數。報聞。又批。日前吏部帶領浙江俸滿之松陽縣知縣劉國齡引見。朕看其人甚屬平常。汝可留心察看。勿因歷任有年。即謂之熟習可靠也。○修浙江省城。先農壇從巡撫程含章請也。○緩徵浙江義烏縣歉收新舊額賦。

宣宗實錄

卷一〇五

大清宣宗效天符運立中體正至文聖武智勇仁慈儉勤孝敏成皇帝實錄卷之一百四

宣宗實錄

卷一〇五

大清宣宗效天符運立中體正至文聖武智勇  
仁慈儉勤考敏成皇帝實錄卷之一百五

欽此

奉旨

著

著

著

敕修

道光六年丙戌九月己卯朔給貴州松桃廳

被水屯軍穀石○庚辰

上諸綺春園閱

皇太后安○御勤政殿聽政○諭內閣此次遣

往軍營之副都統安福阿勒罕保著加恩每

人各賞銀一百兩總管二員副總管一員協

領二員佐領九員每人著各賞銀四十兩防

禦二員六品官一員六品廕生一員驍騎校

九員每人著各賞銀三十兩所賞銀兩由廣

儲司給發所有續調吉林黑龍江帶兵官員

俟到京之日著俱照此賞給○戶部尚書黃

鉞因病解任以署工部左侍郎王鼎為戶部

尚書○以前任福建布政使惠顯為太僕寺

卿○予回疆陣亡侍衛伯慶章京法里那委

協領穆騰額錫伯章京蘇勒通阿索倫驍騎

校特克紳布前鋒枝舒通額筆帖式納蘇錚

額景毓參將劉發恆守備伍開江千總都友

周把總談祿外委李文彥馬鵬祭葬世職兵

丁木通阿等一百三名賞卹如例○予廣東

福建出洋淹斃千總林桂芳莊貴寶祭葬卹

廕兵丁何漢彰等四十七名水手蘇田等六

名福建甘肅陣亡馬兵陳得保等七名並湖

北巡江淹斃兵丁馬清標賞卹有差○予雲

南解銅淹斃知縣呂夢飛祭葬卹廕如例○

辛巳

上幸南苑○諭內閣此案經紀于費總辦收却

北倉米石先因催卸滯漕緊急加添靈岡空

留廩座嗣因催收豫省碾運粟米限期迫促

軌乘機收受船戶多贓。朦混收貯。以致粟米貯倉後微變。情殊可惡。僅予按律擬徒。不足示懲。于豐著杖一百。流三千里。與幫辦經紀罪應滿徒之劉長庚。楊學魁。吳輝宣。均不准留養。前任倉場侍郎申啓賢。督辦收米。是其專責。乃於卸貯滯漕各經紀。空留廩座。並卸貯碾運粟米各經紀。得贓朦收。毫無聞見。其咎甚重。本應交部嚴議。姑念該侍郎前與百春等辦海運事宜。尚屬妥善。百春業已賞加

一級。申啓賢著從寬降一級調用。河南陝州知州楊兆李。押運粟米。包裝包卸。已屬不合。復失察各船戶米石受潮。賄囑經紀。著與協運之典史李蟠。交部分別議處。微變米石。除各經紀耗米業經戶部議抵外。餘著戶部查明數目。照例分別議贓。違犯各船戶。訊明各經紀。均不知姓名。既據楊兆李供明船戶名冊。現在河南藩司署內。著程祖洛就近查緝懲辦。○又諭。多隆武著加恩賞給大卷八絲

緞一匹。小卷五絲緞一匹。無庸前赴南苑謝恩。○諭軍機大臣等。長清等奏會商籌辦防剿。及和闐失守情形一摺。阿克蘇。渾巴什河一帶賊匪。前經額爾古倫擊敗竄回。現復探明。詳阿里克。又有賊匪屯聚。自係該逆等隨處勾結。復來窺伺。該處沿河一帶及各要隘地方。必須分布周密。加意防堵。現在阿克蘇已到各路官兵。及各處換防兵弁。據奏除分派各處外。存城兵祇一千七百餘員。前已

有旨飭催甘州帶兵副將胡超等。督兵速赴該城。聽候調遣。自可剋期趕到。達凌阿當偵探賊蹤。應勦則帶兵迎擊。如覺兵力尚單。不能制勝。則幫同長清嚴密防守。慎勿輕敵窮追。致墮賊人奸計。是為至要。巴哈布所帶土爾扈特兵一千名。前經降旨令其旋回。各防本境。此時既已趕到。如遵照前旨。帶兵折回。則已。若尚在該城。即著暫留協同防堵。俟長

名內。前經派往烏什五百名。現據奏在阿克蘇祇一千名。其餘五百名。是否尚未到齊。抑派赴他處堵禦。未經聲明。著查明詳悉具奏。現在和闐業已失守。據兵丁王相泰供詞。係因內變所致。阿克蘇回子眾多。更當加意防範。善為駕馭。以後大兵陸續雲集。兵威可以震懾。再能遇事令其懷畏。自不致心生反覆也。至達凌阿另片奏現在情形。惟有保護阿克蘇。烏什庫車三城。並阿克蘇迤東臺站等

語。所見甚是。此時逆賊既隨處勾結。和闐已失。必又窺及他城。前據色里克俱有差派布魯特往取烏什之供。其庫車有通和闐小路。馬知不潛往煽誘。長清等當多設偵探。查訪奸細。一面傳諭慶慶。果良額。留心防範偵緝。總以遵照前旨。保守東四城為要。專待大兵會集。長齡。楊遇春。有一人趕到。再行相機進剿。將此由六百里諭知長清達凌阿。並諭巴哈布。慶慶。果良額。及祥雲。保多。責知之。○又

諭。鄂山奏。固原提督楊芳。甘肅提督齊慎。俱赴軍營帶兵。甘州提督事務。請以現署固原提督西安鎮總兵德克登額改署。其固原提督請調何占鰲署理等語。前因甘省控制新疆。地方緊要。不可無大員鎮守。節經降旨令楊遇春於楊芳。齊慎二員中。酌派一員回任。嗣因齊慎先抵哈密。顧懇隨同堵剿。並據楊遇春奏。楊芳業已出關。是以俱令前往。其固原河州地方。回民雜處。俱關緊要。已據楊遇

春奏。明德克登額。署固原提督。德克金布回河州本任。茲據鄂山奏。請調署各缺。自係為慎重地方起見。惟古北口與固原相距遼遠。到任需時。且直隸提督亦關緊要。前經降旨派特依順保。為阿克蘇辦事大臣。現在達凌阿業已到彼。齊慎。楊遇春亦不日可到。計特依順保月內尚未出關。已有旨令署甘州提督印務。其現署固原提督西安鎮總兵德克登額。著鄂山留心察看。是否勝任。即行奏聞。

至寧夏鎮總兵史善載調赴軍營。即著靖遠協副將富桑阿署理可也。將此由六百里諭令知之。○署陝甘總督鄂山奏籌辦現在軍需情形。得旨。諸凡與盧坤妥商辦理。一切軍需。斷不許稍有遲誤。更不可稍存推諉之意。勉之又勉。無負委任。○是日。駐蹕新衙門行宮。翼日如之。○壬午。

上行圍。○諭軍機大臣等。要額等奏審訊土默特喇嘛益敦控告護衛佈音德勒格爾挾嫌

斃命一案。及多布當巴勒呈控該護衛慈遜該王擾害不法等款。據該王供認大半屬實。惟回旗時打用黃織係屬佈音德勒格爾妄傳。因醉未經阻止。至佈音德勒格爾強灌依什贊佈醉死。先不知情。經盟長處派官兵拘拏。恐其受罪。始則賄囑放回。繼又給照縱逃。請從重治罪等語。此案該四子王回旗時打用黃織固屬佈音德勒格爾妄傳。惟此織是否該王自製。或係借用現成物件。著要額等

查明黃織來歷及現在下落。調驗明確。至依什贊佈因醉搖手。佈音德勒格爾左手撐其右耳。右手取罇強灌一盃。何遽於次日即死。究竟是否酒中真毒。必須徹底根究。未便因屍兄證佐。皆無確切指證。置而不問。著要額等再行嚴訊確情。並查明該王是否知情。故縱。俟奏到時再降諭旨。至該王續被呈控欺占副章京齊登多爾濟之媳。及勒撥台吉達爾濟屬下人戶等款。均須佈音德勒格爾及其妻拉木到案。著要額等派撥官兵協同盟長勒限嚴拏。並勒令該王交出。違者加倍治罪。將此諭令知之。○癸未。

上行圍。○諭軍機大臣等。長齡奏前調兵力不敷分撥。請添調西安滿兵二千名。塔爾巴哈台廠馬五千匹。並查探布魯特阿坦台汰劣克並未進卡助逆等語。現在賊氛日熾。原須厚集兵力。一鼓殲除。前據楊遇春奏。請續調官兵一萬一百名。內已有西安滿兵一千名。

業經奏報起程。今該將軍復請添調。除已調一千名外。准其續調一千名。即令副都統卓爾琿保管帶前進。無庸等候。帶領黑龍江官兵。其請調塔爾巴哈台廠馬五千匹。已據該將軍咨會彥德挑備。著即傳諭該參贊務揀驍壯之馬。分起速解阿克蘇。勿得遲誤。此時回疆西四城。雖有英吉沙爾葉爾羌失守之信。然皆出自賊供。尚未可遽信。惟昨據長清奏。兵丁王相泰自和闐逃回。供係該城阿奇

木私約所屬回城伯克齊來取城。以致被陷。深堪痛恨。已諭知長清達凌阿等。總以保守東四城為要。專候該將軍等到彼相機進剿。現據查探汰劣克等並未入卡助逆。可見上年巴彥巴圖魯貪功妄殺汰劣克家屬多人。致該布魯特糾眾報復。與朕採訪眾論相符。前經降旨令該將軍詳查確實。或汰劣克可以稍從末減。今既查明該布魯特並未進卡滋擾。正可剴切曉諭。以上年巴彥巴圖魯貪功輕

出卡倫。妄殺汰劣克家屬多命。現經奏明大皇帝。已洞鑒汰劣克冤抑。使巴彥巴圖魯尚在。必當以貪功妄殺重治其罪。汰劣克雖有擅殺巴彥巴圖魯之罪。念其全家被殺。情有可原。今又查明該布魯特等並未進卡助逆。特頒恩旨。不究其已往罪狀。從寬原宥。汰劣克等再能糾合部落。效順天朝。在卡外堵禦。若張格爾竄逸出卡。即拏獲縛獻。定當量其功績。奏明加以封爵。並賞銀十萬兩。爾布魯特等

當審察順逆。勿為張格爾所愚。以致自取罪戾。有干天討也。如此明白宣示。俾布魯特從逆者咸知自新。不從逆者堅其效順之悃。與我進兵機宜。當為有益。刻計所調大兵。前後已有三萬餘名。本日又據武隆阿奏。請添調四川兵三千名。是兵力不為不厚。將來分路進剿。足敷分派。惟該逆裔所恃者惟布魯特。汰劣克阿坦台既未助逆。則幫同滋擾者諒必無多。現雖勾結回子甚眾。然回性反覆無



常。前見逆裔鵠張羣思從逆。迨知我大兵雲集。聲威壯盛。未必不反而歸降。彼時逆裔計無所出。必又以卡外為遁逃藪。該將軍當與楊遇春遵照前旨。早為籌畫。斷其歸路。以期大加懲創。殲厥渠魁。勿致竄逸為要。此時一面曉諭布魯特。固可期其得力。仍當密加防範。不可墮其狡計。是為至要。又另片奏調道員辦理糧餉。前此鄂山已奏調陝西鹽道查廷華等赴甘幫辦。前任甘涼道英啓亦隨盧

坤前往肅州。今阿克蘇需員辦理後路糧餉。已另諭鄂山於英啓到甘時。即飭令速赴阿克蘇。交該將軍差遣。至關內外軍火糧餉。已屢諭鄂山。盧坤。恆敬。英惠。寬為籌備。源源接濟。自可無虞短絀也。又另摺奏擬補伊犁兩滿營四部落初次出征官兵額缺。除請補協領等官。另降清字諭旨准行外。兵丁等缺。著即挑補足額。其續行退回額魯特營佐領賽吉爾胡等三員。各部落兵七十七名。係另由

布魯特遊牧陸續逃回。較之額爾古倫等。赴阿克蘇城戴罪自贖者不同。著照所請。一併革退。先行枷號兩月。限滿之日。酌加鞭責。不准復挑差使。再有逃回者。即照此辦理。又據另片奏。降補防禦札克桑阿。熟諳外夷情形。著准其越級升補協領。帶往阿克蘇隨營差遣。將此由六百里加緊諭知長齡。並諭德英阿知之。○又諭。武隆阿奏現聞回疆近日情形。並請添調川省官兵一摺。所見甚好。現在

逆回猖獗。喀什噶爾。英吉沙爾。葉爾羌三城。均未得確實信息。其和闐一城。昨據長清奏。兵丁王相泰供。七月二十日。因內變失守。並賊匪擾及阿克蘇。都齊特軍臺。參將王鴻儀等戰歿。額爾古倫於七月二十七日。在渾巴什河得一勝仗。賊匪退散。伊薩克等又追獲賊匪五六十名。節經降旨。令長清等以堵為剿。賊來則擊。賊退勿追。並諭烏什。庫車。喀喇沙爾等城一體防範。總以保守東四城為要。

倭長齡等大兵雲集。再行相機進剿。現在伊犁官兵到齊。祥雲保分兵五百。前援烏什。達凌阿多貴。帶烏魯木齊兵。除留防庫車一千四百名外。到阿克蘇二千六百名。齊慎共帶兵三千六百名。先飭胡超等帶甘州兵三千。速赴阿克蘇調遣。齊慎亦於八月十三日由哈密起程前往。統計阿克蘇官兵已多。其楊遇春續調官兵。及吉林黑龍江勁旅。均已分起前進。本日又據長齡奏。調西安滿兵二千

名。楊遇春先已調一千名。茲又准其續調一千名。署伊犁將軍德英阿。於八月十三日抵古城。計八月二十五六等日。可抵伊犁。長齡即可徑赴阿克蘇。武隆阿到彼。即遵歷奉諭旨。與長齡楊遇春隨時詳慎籌辦。務殲首逆。迅奏膚功。勿任竄逸。方為不負委任。所奏通伊犁烏魯木齊之路。均須設備防範。更有從前由八城移駐伊犁回民。尤須留心。已降旨令德英阿到任後。不動聲色。密加防範。並將

南路回子潛赴伊犁境內者。盤詰究辦矣。其寧夏莊浪滿營。前已諭長齡等酌量撤回。至烏魯木齊滿漢兵丁。未經行陣。著武隆阿到彼。與長齡楊遇春熟商辦理。所請續調四川兵三千名。已降旨令瑚松額等挑派前往。惟四川地方。亦關緊要。該省總兵四員。二員俱係新任。應酌留總兵二員在川。以資彈壓。另派得力副參前往。至長清函致長齡。阿克蘇伯克貝子邁哈默特鄂爾。自喀什噶爾逃回。

復與張格爾通信。並有張格爾寄信色提巴爾第已彥岱之說。虛實未定。且伊薩克巴彥岱等。現在殺賊出力。祇當妥為駕馭。不可令其惶惑。俟大兵雲集。察看情形。再行分別辦理。將此由六百里諭令知之。○又諭前經降旨。令德英阿到伊犁後。署理將軍印務。長齡即馳赴軍營督辦。茲據德英阿奏。八月十三日馳抵古城。兼程前進。計此時早已行抵伊犁。接印任事。伊犁控制新疆。最關緊要。該署

將軍責任綦重。該處額設官兵計一萬四千有餘。除前後調赴回疆四千名外。尚應存兵一萬餘名。必應訓練操防。俾成勁旅。前據長齡奏。伊犁等處官兵。口外生長。未經軍旅。現在川楚各省民人及當差遣犯。已入民籍者。呈請出征。內多有曾充鄉勇。慣歷行陣。較之口外生兵。究屬健勇敢戰等語。已准其挑備一二千名。並著派員弁先行管帶五百名。赴阿克蘇幫同防堵矣。惟伊犁官兵。久經訓練。

何以轉不如民遣之健勇敢戰。或係歷任將軍未經認真操演之所致。該署將軍務將該處官兵。隨時勤加操練。應黜革者即行黜革。應補額者即行挑補。必須實心查看。俾資得力。至伊犁種地回子數千戶。俱係從前由南路八城撥往。近來各回戶約有若干人。是否各安耕作。現當送回滋事之時。尤當留心查察。仍須不動聲色。不可稍涉張皇。其南路從送回眾。亦難保無潛赴伊犁遞信煽惑之人。

該署將軍務即密飭各要隘弁兵。隨時訪查。遇有南路回子行至該處境地者。即嚴行盤詰。拏獲究辦。毋得稍有疏縱。是為至要。將此由六百里諭令知之。○又諭。本日據武隆阿奏。請添調川省官兵一摺。前據楊遇春奏。調四川兵三千名。當經降旨准行。茲據武隆阿奏。請續調三千名。其帶兵鎮將總兵。徐步雲。副將謝金章。遊擊張必祿。都司李思貴。均請練勇往。已飛咨成都將軍四川總督提督等。

派各該員帶領聽候調遣等語。現在逆回勢甚鴟張。必須厚集兵力。方敷進剿。前楊遇春奏。調兵三千名。自己挑選趕程。著瑚松額等再挑選精練兵丁三千名。前赴軍營。聽長齡等調遣。該省總兵共四員。除川北鎮總兵馬玉麟。前經簡放。其建昌鎮總兵松青。尚須該督察看。祇有余步雲。德楞額二員。四川地方遼闊。前次楊遇春所調兵三千名。儼已令余步雲帶領則已。如今德楞額前往。即著余步

雲留川。以資彈壓。至謝金章係懋功協副將。專管屯練。如調新疆官兵。即著謝金章帶領。否則或另派得力副參帶兵前往。亦無不可。其遊擊張必祿。都司李恩貴。均著飭赴軍營。交長齡等差遣可也。將此由六百里諭令知之。○又諭。據長齡奏。大兵分路進剿。後路糧餉。更為緊要。請飭前任甘涼道英啓。馳驛赴阿克蘇。分辦後路糧餉軍火事宜等語。前經盧坤奏令英啓隨同赴甘。計已將次抵省。著

鄂山即傳知英啓。速即馳驛前赴阿克蘇。聽候派委。其關內外一切糧餉軍火馬匹。務當會同盧坤妥籌寬備。並隨時咨會英惠。恆敬商辦妥協。源源滾運。無致短絀。違誤以利軍行。將此由六百里諭令知之。○又諭。前經降旨令卓爾琿保於黑龍江官兵到陝時。管帶前往軍營。現據長齡奏請添調西安滿兵一千名。即著卓爾琿保揀選精銳。帶領前往。其前調之西安滿兵一千名。俟到軍營。亦歸卓

爾琿保統帶。聽候長齡等調遣。其黑龍江兵已令副都統安福。阿勒罕保。德海分起管帶矣。將此由六百里諭令知之。○添備河南各廳稽料二千垛。山東曹河糧河二廳稽料五百垛。從署河道總督嚴烺請也。○給山西歸化廳屬被水災民一月口糧。並房屋修費。○是日。駐蹕圓河行宮。翼日如之。○甲申。諭軍機大臣等。琦善等奏。河湖並漲。趕緊啟放減壩掣黃。接啟禦壩。並搶護平穩。及現在辦理

情形一摺。覽奏均悉。河湖連年受病已深。本年復同時異漲。該督等既知減黃出清。非籌開減壩。別無補救之計。即應堅持定見。早為開放。乃遷延時日。淮揚先成巨浸。而海州仍不免被淹。總由該督等築室道謀。辦理延緩所致。現於八月二十日開放減壩。建瓴下注。大溜掣動。截至二十五日。順黃壩誌椿落低六尺五寸。清高於黃一尺有餘。現將禦壩拆道。據奏俟黃水再減。添啟吳城七堡臨黃太

隄俾清水分路暢出。以冀大加宣洩。當此清水暢出。正可斷流。著趁此時。將淤墊較高之河身挑挖深通。另行取道。放出清水。暢資刷滌。再行挽歸舊河。俾河漕均復舊規。為一勞永逸之計。至現在情形。不但回空可期。無誤。即來年重運。必可北來。但未開禦壩以前。清水患其過大。宣洩既多。清水又患其過弱。此時固期其暢出。亦應隨時酌量。豫籌收蓄。足以濟運。至現在河水雖已落低。惟距霜降幾

及兩旬。務須刻刻慎重。力保安瀾。不可疏忽。所奏洪湖於二十三日。西北風暴浪湧。十三堡息浪庵。兩處隄工。均有墊壩。因由清水過大。亦有該工員等所辦石工。本不堅固。前據該督等估辦堰圩大隄。請帑一百七十餘萬。必應責成公正明幹道員。專司其事。總期工歸鞏固。帑不虛糜。萬不可仍前草率了事。及就近取土。以便工員任意報銷。仍蹈故轍。致干重咎。其海州安東等處下游被淹處所。前

據該督等奏請撫卹。如此外再有應行撫卹之處。即著據實奏聞。候朕施恩。其山時攔湖等壩。據奏俟湖水消動。即以次堵開。俾下游得早涸復。本年夏間湖水盛漲。開放各壩。湖水祇消四寸。若非去路不暢。何至於此。著該督等於明年即行勘辦。務令去路通暢。得以隨時宣洩。方為周妥。將此諭令知之。○乙酉上行圓。○諭內閣。陳中孚奏。請頒御書扁額一摺。東省分水

龍王廟。久著靈應。本年春夏間。運河及各湖水勢短絀。賴汶源節次長發。軍船得資浮送。迨將抵濟城。來源漸弱。又值衛河盛漲。幾至捫阻。經陳中孚虔赴

龍王廟致禱。水勢立見充沛。漕運遄行。

靈昭事昭。實深欽感。著即頒發御書扁額。交陳中孚敬謹摹泐懸挂。以答

神庥。尋頒

御書扁額曰。輸流利運。○以正藍旗漢軍都統

普恭為江寧將軍。右翼前鋒統領綿譽。為正藍旗漢軍都統。鑲白旗滿洲副都統富僧德。為右翼前鋒統領。都察院左都御史那清安。署鑲紅旗漢軍都統。○賞南苑管圍章京苑丞苑副及弁兵等銀幣。並看守南苑各行宮苑戶一月錢糧。海戶銀一千兩。○以山東歷城。齊河。濟東。濟陽。禹城。長清。德平原。東阿。平陰。陽穀。壽張。濮。范。觀城。朝城。聊城。堂邑。博平。茌平。清平。莘。冠。高唐。臨清。夏津。邱。二十七州

縣。麥收歉薄。改徵粟米。○是日。駐蹕舊衙門行宮。翼日如之。○丙戌。

上行園。○丁亥。

上還圓明園。詣綺春園。問

皇太后安。○實授正白旗領侍衛內大臣瑪呢

巴達喇。御前大臣。○予成郡王載銳故母瓜

爾佳氏祭一次。○戊子。遣官祭

都城隍之神。○諭內閣。和世泰奏。本年輪應

年班。現值秋季。並無緊要事件。懇請來京。陛

見一摺。前因和世泰奏。請欲往軍營效力。特降旨。明白曉諭。以察哈爾都統職任緊要。自應將一切事務。妥協辦理。不必前往軍營。茲據奏。伊所屬各處。惟冬季事務較繁。春夏秋季。察哈爾地方。竟無需都統乎。伊果有應奏事件。專摺具奏。有何不可。乃竟不待本年。年班。立即奏請來京。陛見。其意何居。殊屬任意妄為。今既再三請。和世泰著即來京。當差

○又諭。本日吏部將原任江南河道總督黎世序之子黎學淳等帶領引見。黎世序前在南河。十有三年。殫忱盡瘁。久慶安瀾。厥功甚偉。飾終之典。前已備極寵榮。茲黎學淳等服闋來京。朕追憶蓋臣。尤深眷念。黎學淳本係正二品廕生。著加恩。以主事分部。遇缺即補。監生黎學淵。著加恩。賞給舉人。准其一體會試。監生黎學澄。著加恩。賞給副榜貢生。應試該部知道。○諭軍機大臣等。本日長齡奏。巡

查哈薩克邊界情形一摺。上年因俄羅斯有在哈薩克境界建蓋房屋之事。當經檄諭該國薩納特衙門查詢。嗣接俄羅斯回文。即諭長齡於秋間派員收取哈薩克馬稅之便。向哈薩克公阿布拉詳細告諭。茲據奏稱。此次恩緒等巡查哈薩克邊界。經過哈喇塔拉。查明所蓋房屋。係哈薩克等勾來貿易俄羅斯數人。棲避風雨。僅止土房十間。現已坍塌過半。將所存殘毀基址。概行拆去。詰詢明確。實

係哈薩克妄稟等語。俄羅斯自去秋蓋房已後。並未再來貿易。哈薩克境內安靜。可見從前哈薩克稟稱俄羅斯蓋房侵界之言。殊難憑信。該署將軍嗣後駕馭哈薩克人等。惟當於撫綏之中。鎮靜彈壓。不可輕信一面虛詞。稍滋事端為要。將此諭令知之。○又諭阿爾邦阿奏請仍復鹽斤加價。以濟要需一摺。據稱現在軍需與河工並舉。需用浩繁。請將兩淮兩浙廣東等省鹽價。按照嘉慶十四年成

案。照舊一體加價等語。上年因高堰要工。需用甚鉅。據阿爾邦阿奏請加價以濟工需。當交各督撫鹽政悉心酌議。嗣兩淮以成本較重。兩浙以銷引未暢。加價必致滯銷。議覆。惟行銷蘆鹽之直隸山東河南等處。奏稱加價並不病民。議請鹽斤加價二文。均照議辦理。朕思從前嘉慶年間。奏准加價行之十有餘年。商民相安。自二十五年停止以後。各處銷引。仍未見通暢。是滯銷總由緝私不力。並非

加價所致。頃因逆回滋事。調派大兵進剿。撥餉甚多。南河啓壩挑河。修築高堰。工用浩繁。國家經費有常。自應寬為籌備。除長蘆行鹽引地業經加價外。著各該督撫鹽政體察情形。查照舊例。妥議具奏。總期實有裨於國用。仍不致累商病民。方為妥善。將此各諭令知之。○又諭長齡奏由庫車赴阿克蘇。並請移駐大員。專辦阿克蘇後路糧餉一摺。所奏均悉。朕命長齡為揚威將軍。自應帶領官兵。由

冰嶺一路行走。程途較近。正可彈壓。經過各回莊。乃因未便派果回子烏拉。取道那拉特卡倫。越達巴罕。由庫車前赴阿克蘇。轉致紆遲十餘日。計此時業已載途。言之亦無及矣。齊慎楊芳均已先後降旨。令其俱赴阿克蘇。楊芳經楊遇春派管首先出關官兵。齊慎亦於八月十三日由哈密起程。其那桑阿一員。著照所請。准其馳赴軍營帶兵。現在統計所調各路兵丁。有三萬七千餘名。惟吉林黑龍

江勁旅。到彼尚需時日。武隆阿於八月二十七日抵咸陽。楊遇春於八月二十六日抵大泉。計程當先抵阿克蘇。兵力未集。祇宜以堵為剿。俟川陝甘肅大兵到齊。不必等候吉林黑龍江官兵。即與楊遇春。武隆阿。分路前進。並多設偵探。查明喀什噶爾等四城實在情形。相機進剿。尤須嚴防後路。不可墮賊奸計。該將軍與參贊等同事有年。當和衷會辦。總期擒獲逆首。迅奏膚功。方為不負委任。所請

敕盧坤帶領英啟等三道員。赴阿克蘇總辦糧餉。朕現派鄂山駐蘭州。盧坤駐肅州。恆敬駐哈密。英惠駐烏魯木齊。經理糧餉。其道員英啟。前已降旨。令其前赴阿克蘇。本日又令鄂山等於楊翼武查廷華二員內酌派一員。前往阿克蘇。並有長清在彼。即可督同該道等兼辦糧餉事宜。至剿辦逆裔。應由該將軍隨時奏報。阿克蘇若另派大員駐劄。兼以奏報軍情。迥似監軍。與事無益。盧坤仍在肅州

扼要之地。辦理轉運事宜。其庫專喀喇沙爾現派何員駐劄辦理。已令鄂山等一面奏聞。一面咨長齡等查照。至餉銀一項。已令鄂山等先撥三四十萬。運阿克蘇備貯支放。所有現到各兵月餉。並將來供支大兵進剿各路軍需之費。應於大兵雲集之前。籌備三月之糧。以後源源滾運。毋稍短絀遲誤。至與英惠等請銀六十萬兩。已飭鄂山等查明迅速解往矣。另片奏。飛札長清等如已將貝子邁哈



默特鄂對解送伊犁。俟訊明辨結再行起身一節。殊屬不知輕重。該伯克雖有寄信張格爾之說。尚無確據。伊係南路回夷世族。黨類甚眾。且伊薩克巴彥岱等。又復殺賊出力。現當用人之際。務須不動聲色。隨時密加防範。斷不可令其猜疑。尤不可令各回眾解體。該將軍到彼。當與楊遇春等妥商駕馭。察看情形。再行奏明酌辦。將此由六百里諭令知之。○又諭。楊遇春奏。接奉節次諭旨。並現在籌

辦情形。覽奏俱悉。本日復據長齡奏報。德英阿於八月內行抵伊犁。俟交卸後。即由那拉特卡倫草地。越過達巴罕。由庫車馳赴阿克蘇督辦。彼時楊遇春計已先期趕到。齊懋楊芳帶領官兵。諒已早經至彼。該參贊即同長齡和衷商辦。分派將弁。以堵為勦。並探明喀什噶爾各城實在情形。及進兵路徑。俟大軍雲集。遵照節次諭旨辦理。固不可坐失事機。亦不可輕率前進。總須計出萬全。除首逆

方為不負委任。武隆阿刻始行抵甘境。吉林黑龍江兵三千名。計九月內皆可由京起程。須冬臘月方能趕到。阿克蘇如川陝甘肅續調官兵到齊。兵力已厚。糧餉已足。即會商長齡武隆阿相機進剿。不必久待。至各路軍臺被賊搶劫。多係該處應差情蘭回子。及附近軍臺各村回民附和脅從。該參贊到彼。據實詳查。分別辦理。總兵德克登額等。現已飭令署任回任。頃復有旨。令特依順保馳赴甘州。

署理甘肅提督矣。將此由五百里諭令知之。○又諭。前經降旨。令楊遇春為欽差大臣。並頒給關防一顆。現命長齡為揚威將軍。以楊遇春武隆阿參贊軍務。朕思名實取其相副。特飭禮部鑄參贊大臣關防二顆。分給鈐用。楊遇春應給關防。即交武隆阿帶往。楊遇春祇領後。將前次所頒欽差大臣關防。遇便繳回可也。將此諭令知之。○又諭。前經降旨。令鄂山傳知原任道員英啓。馳赴阿克蘇聽候。

派委其關內外一切糧餉軍火務會同盧坤  
妥籌寬備並隨時咨會英惠恆敬商辦妥協  
源源滾運本日又據長齡奏將來大兵雲集  
酌定進剿彼時阿克蘇後路撥運糧餉較烏  
嚕木齊哈密等處尤為喫重應有大員駐劄  
專司糧餉俾調用軍需更為迅速等語著鄂  
小盧坤再於楊翼武查廷華二員內酌派一  
員前往阿克蘇督辦前據楊遇春奏派俸滿  
鎮迪道昌熾駐哈密鎮迪道湯壽就處供支

現在哈密派恆敬烏嚕木齊派英惠督辦其  
庫車喀喇沙爾兩處已派何員駐彼辦理著  
鄂山一面奏聞一面飛咨長齡等查照至武  
隆阿及吉林黑龍江勁旅到阿克蘇尚需時  
日長齡現赴阿克蘇楊遇春計九月內總可  
到彼鄂山等務須於大兵雲集之前籌備三  
月之糧先運至阿克蘇存貯豫備支放嗣後  
源源滾運以利軍行其餉銀一項亦著先撥  
三四十萬兩運往阿克蘇備貯支放所有現

到各兵月餉並將來供支大兵進剿各路軍  
需之費如稍有短絀遲誤朕惟鄂山盧坤是  
問至前據長齡與英惠奏請銀六十萬兩尚  
未解到著鄂山等查明前項係委何員解運  
催令迅速趕行毋稍遲逾將此由六百里各  
諭令知之○禮部奏十月初十日  
皇太后聖壽節應行禮儀得旨是照例行禮奉  
皇太后懿旨今年停止筵宴其在外福晉命婦  
進內行禮之處並著停止○調正黃旗蒙古

都統博啓圖為察哈爾都統察哈爾副都統  
存華為山海關副都統山海關副都統福克  
精阿為察哈爾副都統○以散秩大臣裕誠  
署正藍旗蒙古副都統○撫卹琉球國遭風  
難夷如例○己丑諭軍機大臣等據戶部奏  
新疆各城設立錢局鼓鑄制錢塔放兵丁鹽  
菜及官員養廉公費等項公用伊犁錢局每  
年額鑄制錢一千七百二十二串南路設局  
於阿克蘇每年額鑄普爾錢二千六百餘串

所用銅斤。大半產自回疆。阿克蘇錢局銅斤。向係阿克蘇賽哩木。拜城。庫車。沙雅爾。喀喇沙爾等六城。回子及官兵採辦交局。伊犁錢局銅斤。向係喀什噶爾。阿克蘇。喀喇沙爾等處回子採辦運往。其伊犁本境所採之銅。僅六千餘斤。現在逆回滋事。採銅未能足數。兼以大兵雲集。支用較多。近來伊犁銅廠。巴彥。岱呼巴海地方。採獲不能如前豐旺。自乾隆嘉慶年間。先後移設哈爾海圖及哈什地方。

聞該處山場。處處多有銅苗。應招募殷實商民。令其別開新礦。加卯鼓鑄。每年增多數千串。於邊城大有裨益。又回疆所鑄普爾錢。以一當五。伊犁現有錢鑪二座。以一座照舊鼓鑄制錢。一座做照阿克蘇模式鑄當五錢等語。伊犁為新疆根本。鼓鑄攸關經費。現當軍用浩繁。尤須豫為籌備。著德英阿會同英惠。恆敬等。通盤籌畫。西南兩路鼓鑄事宜。如伊犁山場現有銅苗。即派明練委員。募熟諳工

匠。指定礦穴。招商開採。加卯鼓鑄。以期泉布充盈。現在阿克蘇辦理軍務。鼓鑄勢難兼顧。應令伊犁錢鑪二座內。以一座照舊鼓鑄伊犁制錢。以一座做照阿克蘇模式鑄普爾錢。運往回疆行便。庶西南兩路。均可流通數用。抑或另有調劑之法。即查明妥議具奏。將此諭知德英阿。並諭英惠。恆敬等知之。尋德英阿奏。請將阿克蘇。喀喇沙爾。本年例解伊犁銅三千二百斤。截留阿克蘇。俾資添鑄。一俟

軍務完竣。仍照舊章辦理。從之。○命工部右侍郎李宗昉。為武會試正考官。內閣學士白鎔。為副考官。兵部右侍郎賈允升。知武舉。○轉戶部右侍郎敬徵。為左侍郎。調工部右侍郎耆英。為戶部右侍郎。兼管錢法堂事務。工部左侍郎阿爾邦阿。為右侍郎。兼管錢法堂事務。禮部右侍郎奎照。為工部左侍郎。以前任吏部左侍郎裕恩。為禮部右侍郎。工部右侍郎李宗昉。兼署兵部左侍郎。○以內大臣

賽冲阿署正黃旗蒙古都統。○賞科爾沁郡王僧格林沁官房。並修費銀五千兩。○庚寅。上御洞明堂。勾到新疆雲南貴州廣西情實罪犯。停決新疆斬犯四人。絞犯一人。雲南斬犯二人。絞犯一人。貴州斬犯八人。絞犯六人。廣西斬犯十人。絞犯一人。餘七十四人予勾。○諭內閣。長清等奏現在防堵河口。及按拏附近零匪一摺。所奏均悉。深堪嘉悅。阿克蘇賊匪。前經額爾古倫在渾巴什河勦敗。此次復敢自喀什噶爾葉爾羌等處。糾約回眾五六千人。在渾巴什河南岸屯聚。希圖竄越。並訪知波斯圖哈拉塔爾情。蘭回莊。前經過河附近。與官兵打仗。潛回本村者有一二百人。經長清派參將存樸。王登科帶領官兵。並令三品伯克巴彥岱等帶引。分兩路進剿。賊匪用木筏分起過河。施放鳥槍抗拒。我兵槍箭齊發。將賊眾全行擊斃。生擒賊匪二名。又於樹林內搜獲七名。奪獲鳥槍刀矛數十件。牛羊

一千有餘。又二等侍衛阿布都爾滿。拏獲探信逆匪二名。於訊明後即行梟示。均屬可嘉。長清辦理防堵事宜。俱極妥協。此次復連獲勝仗。為殄賊之先聲。著加恩賞戴花翎。仍交部議敘。參將存樸。王登科。三品伯克巴彥岱。俱著加恩賞戴花翎。二等侍衛阿布都爾滿。認真出力。著加恩賞升頭等侍衛。伊子邁瑪特。愛孜斯。並著加恩賞給金頂。其拏獲賊探之軍臺伯克托克塔著長清優加賞賚。以示

鼓勵。長清係兵部司員。經尚書玉麟保送副都統。朕授為阿克蘇辦事大臣。甫經到任。即能撫馭回眾。督勦賊匪。勤合機宜。玉麟舉薦得人。著加恩賞戴花翎。為廷臣以人事君者勸。長清經朕施恩獎勵。惟當益加奮勉。會同達凌阿等督飭官兵。嚴密堵捕。保障一方。計此時長齡楊遇春先後馳抵阿克蘇。大兵雲集。即隨同進剿。以副委任。○又諭欽天監監副高守謙。因母年老。呈請終養。著加恩准其

回西洋本國。該管大臣。即傳知高守謙。伊終養事畢。亦不必再行來京。著順天府及沿途各直省督撫。一體委員接替伴送。毋任在途逗留。與人交接。致滋事端。俟至廣東。交該督妥為料理。催令起程。即行具奏。○諭軍機大臣等。逆回勾結窺伺。情殊狡詐。經長清等分派官兵防剿。殺賊多名。足壯聲威。此時長齡計已交卸。取道達巴罕草地。不日可抵阿克蘇。楊遇春亦自哈密起程。均著迅速馳往。會

同籌辦。並飛催甘州各路官兵及續調川陝官兵。趕緊前進。勿任遲延。現據果良額奏。接到長齡照會。將存留庫車官兵一千四百名。全行撤往阿克蘇。該處存兵無多。不敷防堵。初次所調陝甘兵陸續到齊。即可分撥庫車防守。如烏什兵少。亦須酌量添派前往嚴防後路。朕聞寧夏莊浪滿營及烏嚕木齊滿兵。向來打仗俱不甚得力。該將軍等察看情形。或即於此項兵丁內酌留防守各城要隘。及

守護糧臺。派送軍餉之用。至土爾扈特等蒙古兵。如無須留營。即飭令回喀喇沙爾。留防本境可也。將此由六百里各諭令知之。○又諭。現在庫車存城兵力無多。防守亦關緊要。此時各路所調官兵。計陸續馳抵阿克蘇。本日已有旨令長齡及楊遇春酌量分撥官兵前往庫車烏什駐劄防守。果良額務當督率弁兵鎮靜防範。安撫回眾。保守城池。及要隘地方。毋得稍有疏虞。是為至要。將此由五百

里諭令知之。○命前任甘肅按察使方載豫馳赴甘肅聽候差委。○辛卯。諭內閣。程祖洛奏東三省官兵過境酌加口糧銀數一摺。著照所請。准其照直隸省奏案。每兵加銀五分。每日共給銀一錢。以資口食。該部知道。○諭軍機大臣等。據御史寶瑛奏。請申明行軍紀律。將乾隆年間頒發議定十條。開單呈覽。並以甘肅向用紙張製造火繩。久經飭禁。恐舊習相沿。未能盡除。請一併申禁等語。行軍紀

律。自乾隆年間議定十條。頒發通行。原以簡明切當。俾眾易知。第恐承平日久。將弁等視為具文。未能時加講習。該將軍等皆久歷戎行。自己於兵行所在。先期告誡。今該御史既有所奏。著將開繕原單。發交閱看。再行出示。剴切申諭。務期推敵致懷。整肅嚴明。用副朕諄諄告誡至意。其火繩一項。久已改用麻料。當無俟再三申誡也。將此附報便諭。令知之。

○閩浙總督孫爾準奏。行抵大甲。查辦銅鑼灣情形。得旨。所奏均悉。淡水一帶匪徒。務要認真查辦。應誅應撫。機不可失。總要善良得所。奸匪肅清。勿留後患。方為辦理得宜。斷不可撤兵之後。又有不靖。重費周章。是為至要。勉之。○命署漕運總督理藩院尚書穆彰阿。來京供職。以前任湖北巡撫楊樞。督署漕運總督。○命署大理寺卿誠端。馳赴阿克蘇軍營。○旌表守正被戕四川什邡縣民陳正耀女丙英。○免河南武陟縣放淤地畝下忙額。

賊。並緩上忙。舊欠丁耗。加價銀。○壬辰上幸靜明園。詣

龍神廟拈香。○諭軍機大臣等。慶廉奏。據察哈拉克軍臺委筆帖式巴達蘭布稟報。八月二十一日。賊匪約七八百名。東南撲來。軍臺被焚。又據阿奇木伯克探報。賊匪已到阿察他克一帶。各回莊。糾約本處回子。前來攻城。烏什官兵。除派守西北山內要卡外。其新到伊犁兵及存城兵。共七百餘名。不敷分布。現

在設法行文催調阿克蘇已到官兵。分撥接應等語。前因烏什有通喀什噶爾草路。並據賊供。有派布魯特六七百人。前來攻取之語。已諭知長清等酌分官兵一千。幫同防堵。旋據該大臣派令祥雲保帶兵五百名。於八月初三日馳往。隨後又添撥兵五百名。前往接應。計八月二十三、四日可到。現在賊匪已由渾巴什河分股竄擾。占據該城兩處軍臺。並糾約該處回子攻城。若不急將察哈拉克阿

察他克兩處軍臺賊匪廓清。則烏什文報。又難通行。孤城甚為危急。據慶廉奏。尚有驪獲北山小道。可繞至阿克蘇臺分路轉遞文報。必須分兵加意防守。勿致賊匪再行斷截。長齡楊遇春。如能先後齊抵阿克蘇。即當飛催所調各路官兵。星馳進發。一俟兵力稍集。即將如何掃除該兩處臺站賊匪。進援烏什。如何分布要隘。保守阿克蘇庫車。喀喇沙爾之處。會商妥辦。惟長齡由那拉特卡倫取道繞越。行走紆遲。恐未能剋期趕赴。楊遇春已過哈密。計日當可先到阿克蘇。該參贊即將一切事宜。早為調度。不可以長齡將次到來。等候商籌。致失事機。現已降旨飛飭沿途各督撫將軍大臣等。催趲各路原調續調官兵。已出關者星馳進發。未出關者兼程前進。自當陸續趕赴。此時阿克蘇大兵雲集。聲威自壯。惟庫車喀喇沙爾兵力尚單。前又將庫車所留烏魯木齊官兵。調赴阿克蘇。該將軍亦即

於續調官兵內酌量分撥。俾資防堵。勿致稍有疏虞。將此由六百里加緊諭令知之。○又諭。前因烏什兵備空虛。當飭長清等分撥官兵一千名。派大員帶往。協同防堵。業經長清等令祥雲保帶兵五百名。先行馳往。昨因渾巴什河南岸屯聚賊匪。分股逼近烏什邊界。又據將扎木防守伊犁官兵五百名撤回。派往烏什。計慶廉發摺時。此項添派官兵。尚未到彼。此時賊匪已竄至察哈拉克阿察他克兩處軍臺。並糾約該處回子攻城。若不急將該二處占據賊匪。速行掃除。則烏什文報不通。孤城更為危急。而阿克蘇亦將腹背受敵。長清等固當保守本境。亦須設法將該二處軍臺廓清。則聲勢相聯。自可相機接應。現已諭知長齡楊遇春。迅抵阿克蘇。催集各路官兵。商籌辦理。該大臣等當將阿克蘇烏什聯為一氣。互相聲援。應勤則勤。應守則守。勿致生失事機。稍為疏虞。將此由六百里加緊諭

令知之○又諭現在揚威將軍長齡與參贊楊遇春不日可抵阿克蘇各路官兵多未出關應令迅速馳赴軍營以備及時進剿所有吉林黑龍江兵丁經過直隸河南陝西甘肅及哈密至阿克蘇一帶著該督撫大臣並各飭所屬於應需車馬供支速為備辦催令遄行無致稍有遲滯其原調續調陝甘四川兵丁計已先後啓程著該將軍督撫飭令趕緊前行經過地方妥為照料並著鄂山等於各

路官兵未出關者催令兼程前進其已出關者務令星馳進發能早到一日即可得一日之用是為至要將此由六百里加緊各諭令知之○又諭慶廉奏祥雲保帶兵五百名已到烏什安插巡防並片奏賊匪已竄擾至察哈拉克阿察他克一帶糾約該處回子攻城等語前因該城兵備空虛已飭長清添派兵一千名前往防堵昨據長清奏報因瞭望彈已什河南岸賊匪分股向西北行走逼近烏

什邊界又撥伊犁官兵五百名前往統歸祥雲保帶領嚴防約計八月二十三十四日即可趕到此時賊匪竄擾距城甚近兵力尚單不可分撥前據長齡奏該處存小麥一萬餘石尚可為嬰城固守之計惟當會同祥雲保督飭已到官兵將城池加意防守務保無虞現已飛飭長清齊慎等務將烏什阿克蘇兩處聯為一氣互相聲援俟長齡楊遇春馳抵阿克蘇即當廓清臺站相機堵剿該大臣總當

激勵將士撫馭回眾以待大兵援應是為至要將此由六百里加緊諭知慶廉並諭祥雲保知之○以漕標候補備弁足數差委命兵部再停一年分發○給福建彰化嘉義淡水三廳縣械關焚槍村莊兩月口糧並房屋修費○命五城於冬春二季設廠煮賑○癸巳諭內閣長齡等奏哈薩克汗托霍木身故伊子公銜阿勒坦沙拉遣其弟江錫爾具呈聽候辦理併將原呈進呈請旨一摺阿勒坦沙



拉因伊父托霍木身故。特遣其弟江錫爾遠赴伊犁。貢獻馬匹。呈請聽候如何辦理。殊屬恭順。阿勒坦沙拉係托霍木長子。所遺汗缺著加恩賞給承襲。令其將所屬哈薩克等妥為管束。○諭軍機大臣等。前據琦善等奏。開放減壩後。已將禦壩拆通。俟黃水再見減落。添啟吳城七堡臨黃大隄。使清水暢出。大加宣洩。所有山旰攔湖壩及三河兩壩。揚河揚糧各壩。自上而下。以次堵閉。現據奏報之期。

將及旬日。其各壩曾否次第堵合。尚未據該督等續行陳奏。此時湖水既已分路宣洩。自當日見消落。即應將河湖開壩趕緊堵築。不但可以搏節湖水。為將來刷黃濟運之用。其下河被淹民田。俾令及早涸復。趕種秋麥。無誤春耕。若但以保護高堰為主。而不計及春運之短絀。將來黃高於清。又不能開壩催渡。重運伊誰之咎。況淮揚所屬各州縣。久在巨浸之中。居民蕩析。各壩早閉一日。即數十萬

災黎。早獲一日安全。現在是否已經集料興工。其減壩以下。掣溜能否通暢。黃水較前若何減落。清水是否暢出刷黃。該督等當一面飭屬妥速籌辦。一面將近日情形迅即覆奏。以慰廑注。將此諭令知之。○又諭本日據陶封奏。現患潮熱昏眩。趕緊調治等語。已批令安心調理矣。陶封年力方盛。辦事實心。前以江蘇地方事務繁重。特加簡調。深資倚任。上年該撫雖染時疾。聞已早就痊愈。現即小有

不適。無難剋日醫痊。第恐該撫於地方應辦事務。或有掣肘作難之處。不妨據實直陳。即或露章未便。亦當密摺陳奏。斷不可遽思引病。為推諉地步。有負委任。現在河湖為江省要務。所辦擇培大隄工程。是否委辦得人。不致仍前草率。所開河湖各壩。曾否集料興工。剋期堵閉。其被災地方。前以淮揚所屬各州縣為重。迨開放減壩後。海州安東等州縣被淹情形。自亦不減於淮揚各屬。該撫及前此

琦善所奏。祇稱現辦撫卹。究應如何給賑。不致流離失所。無誤春耕。亦當詳查妥籌。據實具奏。吏治民生。為巡撫專責。不比總督現辦河務。不能兼顧也。將此諭令知之。○又諭長齡奏交卸起程日期。並請飭催部撥餉銀。迅速解送甘省各一摺。長齡揀派民遣一千名。已令協領托恩多布統領。先期前進。該將軍另帶文武官員滿漢兵丁共二百三十員名。現在揚威將軍印信。尚未頒到。自應先將伊犁將軍印信帶往。以便辦公。前因部撥餉銀共四百萬兩。未能即日解甘。已准鄂山所奏。先將陝西藩庫存款銀五十萬。飭令徐斯迅速委員解往。現又降旨分飭各該督撫迅行解運。並沿途催令趲行。當可源源接濟。無虞短絀。此時各路官兵。已到阿克蘇者。合計將及一萬有餘。其前調陝甘兵。並楊遇春所帶本標兵。又五千五百名。八月望前已經出關。比及該將軍到彼。該官兵等亦陸續可到。齊

慎。達凌阿先已在彼。楊遇春。楊芳亦同時會集。兵威已稱壯盛。渾巴什河南岸屯聚賊匪。時時伺隙躡渡。固應加意嚴防。其烏什察哈拉克。阿察他克。兩處軍臺。被賊占據。烏什孤城亦甚危急。該將軍到時。總當審察賊勢。先將烏什一路賊匪。掃除淨盡。則阿克蘇既不致兩面受敵。即將來大兵進剿。亦可無後顧之虞。現在和闐已失。有小路可通庫車。該城又與喀喇沙爾俱兵備空虛。昨已有旨令該將軍等酌分兵力防堵。亦當妥協分撥。齊慎達凌阿。楊芳。皆帶兵得力之員。如該逆匪竟敢仍前窺伺。即著督兵迎剿。就地殲除。總揣度必能制勝。方可打仗。不可輕敵遠追。墮賊奸詐。聽我先聲。是為至要。至邁哈默特鄂對與逆裔潛通信息各情。既原有不實不盡。尚須詳細根究。現既起解在途。該將軍如已於途次訊問明確。辦理則已。儻未及訊結。能就近解至伊犁。交德英阿妥為拘禁防範。固屬

甚善。若去伊犁已遠。則阿克蘇既不可再令旋回。即庫車係其居家地方。亦未便在彼羈禁。總當籌畫周妥。嚴行拘總。在邁哈默特鄂對。已經逮繫。力何能為。惟伊族眾甚多。不可稍涉大意也。其伊薩克人素能事。無論其居心是否可信。適當用人之際。總當善為駕馭。勿令心存疑畏。並色提巴爾第巴彥低二人。現俱隨同出力。業經屢加恩獎。前此雖有該逆裔與伊二人通信之說。其事亦無確據。馬知不以伊等心存效順。計圖反間。其餘伯克等有在軍前效力者。皆宜好為駕馭。留心察看其誠否。不可遽以蜚語墮賊中反間之計也。另片所請以張文浩朱錫爵赴烏魯木齊差委之處。該革員等向未諳習軍務。豈能勝辦理糧餉之事。著飭令赴烏魯木齊交英惠酌量差遣。不必管理糧臺。將此由六百里加緊諭令知之。○又諭前因軍務需用孔急。兩次經戶部奏准。於直省各藩庫動撥銀四百

萬兩。解往甘肅備用。本日據長齡奏。接到鄂山來信。各省所撥之項。均尚未解交甘省藩庫。現在長齡楊遇春將次可抵阿克蘇。大兵即日雲集。一切供支給發。刻難停緩。所有前項撥銀。著河南山東山西湖北江西四川各督撫將未起解者。迅即委員解送。已起解者。速行飭令前進。並著鄂山徐忻飛飭沿途妥為照料。俾得早解甘省。以便陸續轉遞。源源接濟。萬勿稍有刻遲。是為至要。將此由五百里各諭令知之。○又諭據長齡奏。王爾彪特親王翰克濟爾噶勒兩次籲請帶兵前往軍營效力等語。現在調派官兵。將及四萬名。足敷勦捕逆回之用。翰克濟爾噶勒遊牧在塔爾巴哈台地方。距回疆甚遠。今該親王欲挑派蒙古兵一千四百名。親身帶往。誠悃可嘉。著彥德即傳旨嘉獎。並諭知無須帶兵遠涉也。將此諭令知之。○諭署伊犁將軍德英阿。前因長齡奏伊犁生兵不若民遣之健勇敢

戰。朕以或係歷任將軍未經認真操演之所致。降旨令隨時實力操防。俾成勁旅。茲據長齡奏。帶領民遣一千名。伊犁兵二百名。前往阿克蘇等語。伊犁額設官兵一萬四千餘名。除先後調赴回疆四千名外。計現在存兵尚多。此次長齡所帶伊犁兵僅止二百名。該城現存滿漢兵實有若干。錫伯等四部落。現存兵各有若干。遇便開單具奏。並於該處各城挑選得力官兵二千名。豫備調遣。如長齡等

調派前赴軍營。再行奏明啓程可也。○兵部以武會試中額請。得旨。滿洲蒙古取中二名。漢軍取中三名。奉天取中一名。直隸取中六名。陝甘取中三名。廣東取中四名。河南取中六名。山東取中六名。江蘇取中二名。安徽取中三名。山西取中二名。湖北取中一名。湖南取中一名。四川取中二名。廣西取中一名。福建取中二名。浙江取中二名。江西取中二名。雲南取中一名。貴州取中一名。○調直隸古

北口提督何占鰲署陝西固原提督。以宣化鎮總兵官海凌阿署古北口提督。○旌表守正捐軀甘肅秦安縣民周本哥子妻鄭氏。○給江蘇山陽鹽城二縣被水災民銀米。

大清宣宗敕天符運立中體正至文聖武智勇仁慈儉勤孝敏成皇帝實錄卷之一百五

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百六

臣等謹將宣宗成皇帝實錄卷之一百六內開列各事恭摺具奏  
宣宗成皇帝實錄卷之一百六內開列各事恭摺具奏

宣宗成皇帝實錄卷之一百六內開列各事恭摺具奏

宣宗成皇帝實錄卷之一百六內開列各事恭摺具奏

宣宗成皇帝實錄卷之一百六內開列各事恭摺具奏

教修

道光六年丙戌九月甲午

上詣綺春園問

皇太后安諭內閣楊遇春奏途次接據阿克  
蘇馳報勒堵賊匪連獲勝仗情形覽奏欣悅  
之至阿克蘇渾巴什河南岸屯聚賊匪竟敢  
躡淺渡河滋擾經達凌阿已哈布督兵迎剿  
殲擒賊匪多名突有另股賊匪由托什罕過  
河撲圍協領都倫布營盤並分賊斷阻副將  
郭繼昌往援之路復經該副將率同都司李  
遐齡帶兵出營迎敵槍斃多賊餘匪退避連

夜調集額爾古倫所帶防河錫伯兵齊赴都  
倫布營盤奮勇衝擊該協領亦與都司孫旺  
帶領滿漢官兵突圍衝出兩面夾擊賊眾潰  
散痛加剿戮賊首奔竄復經兵丁單存等追  
及刺斃統計臨陣剿殺及墜馬落河傷斃並  
探獲活賊共一千數百餘名大河以北已就  
肅清該逆裔屢次差人煽惑附近回莊窺伺  
阿克蘇今將竄擾股匪殺戮淨盡並將其賊  
首庫爾班素皮就地殲戮實足以快人心而  
號賊魄長清達凌阿已哈布督率有方俱著  
加恩交部從優議敘郭繼昌親率馬隊奪路  
殺賊立解重圍最為奮勇甚屬可嘉郭繼昌  
著加恩賞給幹勇巴圖魯名號記名以總兵  
用都司李遐齡著以遊擊升用先換頂帶都  
倫布與都司孫旺帶兵衝圍兩面夾擊賊始  
潰散亦屬奮勉都倫布著賞戴花翎孫旺著  
賞加遊擊銜已革總管額爾古倫戴罪自贖  
兩次殺斃賊匪多名茲又隨同奮力剿賊著

加恩以防禦補用。固原兵丁單存奮勇直前。追殺賊首。著以千總即用。並賞戴藍翎。現在傷亡滿漢兵丁二十餘名。除陣亡者先行查明咨部照例賜卹外。帶傷兵丁著長清等即行查明奏請恩施。其餘此次滿漢蒙古官兵尤為出力者。並著長清等據實詳查。統交長齡分別奏請鼓勵。該部知道。○又諭。敬徵奏。欽天監監正李拱辰因病出缺。著加恩賞給廣儲司銀二百兩以示體恤。並據右監副畢

學源呈稱。年力就衰。願同左監副高守謙回西洋本國。畢學源著准其回國。該管大臣即飭知順天府及沿途各直省督撫一體委員接替伴送。不得在路逗留。俟至廣東交該督妥為照料。催令同高守謙起程具奏。所遺欽天監監正及左右監副各缺。著吏部查照舊例定擬具奏。○諭軍機大臣等。寄諭兩江總督琦善等。本年微山湖存水充裕。足資宣濟。惟來年全漕北上。船數較多。需時較久。尤應

設法儲蓄。以利漕行。現在江省開放減壩。黃水落低。無所擎托。湖水下注。勢必易於掣消。自應豫籌箱束。茲據嚴烺請將中河運口之楊莊頭二三壩照舊修築。以資節制。著該督等察看情形。酌籌妥辦。總期湖水充旺。來年重運經臨。不致稍有短絀。是為至要。將此諭令知之。○又諭。據楊遇春奏。阿克蘇馳報堵剿渡河賊匪。連獲勝仗。河北現就肅清。一摺。已明降諭旨。分別加恩矣。現在渾巴什河以

北雖已捕賊淨盡。其南岸屯聚之賊。前奏有五六千名。茲將竄渡者殲除一千數百餘名。其餘賊匪是否仍屯南岸。抑竟退避遠竄。前此多往烏什賊匪。已將該城兩處軍臺占據。此時賊勢若何。該城能否固守。亦當偵探明確。昨據法賊供認。已斃賊首係和卓庫爾班素皮。是否張格爾差來逆黨。抑係各城回子新近從賊。著於留質各賊匪內詳悉訊明具奏。至賊首逃竄時。據奏係兵丁單存等追至。

用矛戳斃。割取首級。單存既列名在前。自係首先刺斃賊首之人。是以降旨加恩。著長齡等詳查確實。如當時非單存首先追及戳斃。究係何人首功。據實奏請更正。以昭覈實。其土爾扈特蒙古兵。此次如亦隨同巴哈布前往禦賊。不應沒其微勞。如有出力之處。亦著查明歸長齡一體分別覈辦。將此由五百里諭知長齡。楊遇春並諭長清達凌阿知之。○以河南荊關協副將得志為陝西西安鎮總

兵官。○緩徵山東厯城章邱鄒平長清齊河平原禹城濟陽臨邑德高唐茌平清平聊城堂邑博平莘冠館陶利津海豐臨清夏津武城蘭山郳城河澤曹單定陶鉅野城武鄆城濮范朝城濟寧金鄉魚臺三十九州縣及屯坐各衛被旱被水被蟲被雹軍民舊欠漕糧並展緩東阿平陰滋陽寧陽鄒滕汶上陽穀壽張蘭山郳城臨清夏津武城鄒十五州縣積欠額賦。○乙未諭內閣。昨據楊遇春奏。接

據阿克蘇馳報。勒堵賊匪。連獲勝仗。當經降旨。將該大臣等分別加恩。茲據長清等查奏連日打仗情形。覽奏曷勝嘉悅。昨已有旨。將長清達凌阿巴哈布交部優敘。著再加恩。發去白玉翎管各一箇。四喜玉搬指各一箇。大荷包各一對。小荷包各四箇。交長清等分領。協領都倫布昨已有旨。賞戴花翎。著再加恩。交部從優議敘。其隨同出力之侍衛阿布都爾滿阿奇木伊薩克及打仗出力之協領富

盛阿參將王登科三等侍衛吉拉布前鋒校松林等。著長清等一併查明。交長齡等分別奏請恩施。○又諭。前因阿克蘇係同疆要隘。當防堵喫緊之際。念及長清未厯新疆之事。故以特依順保為阿克蘇辦事大臣。長清作為幫辦大臣。現在長清指揮官兵防守城卡。調度悉合機宜。實堪勝任。今特依順保既已署理甘肅提督事務。無庸赴阿克蘇。長清即作為阿克蘇辦事大臣。益當始終奮勉。以副

朕委用之至意。○諭軍機大臣等據英惠奏烏魯木齊存貯糧石除酌留本處供支外可支征兵兩年之需前已奏明動撥五萬石請再調撥二十五萬石連前共計三十萬石該處距阿克蘇三十餘站以三十萬石計需運費銀二百數十萬兩等語該處存貯糧石既儘足敷用較之內地運往省便實多惟軍行久暫難以豫定固須寬為豫備亦祇可陸續轉運斷無一時需用銀二百數十萬兩之理

著英惠會同鄂山盧坤等通盤籌畫該處存糧足敷兵食即無庸由內地買運其籌撥運費必當覈實妥辦著約計現調兵數每月實需糧若干石每石實需運費若干兩數明確數開單具奏至需用官兵鹽菜及調撥軍火什物等項前調陝甘等處銀五十萬兩尚未解到此後需用運價請再調銀五十萬兩現據徐忻奏各省撥解餉銀均已陸續入境足資接濟著鄂山等即於解到甘餉內迅即如

數撥解無稍延誤至官兵應備馬匹前據哈密存備撥馬二百匹陝甘兩省共調滿漢旗營馬五千匹伊犁共調官馬八千餘匹塔爾巴哈台現調馬五千匹本日該都統奏共挑備馬二千三百餘匹統計調撥二萬有餘自已足敷應用鄂山盧坤再與長齡楊遇春咨商籌備無致缺乏又據奏阿克蘇請撥餉五萬兩經該都統飛咨慶音岱俟烏魯木齊所調甘餉路過該處時截留轉解所辦尚好其

需用紙札等項並著英惠如數置辦交派往阿克蘇廢員潘煜星速運往統俟事竣報銷所奏廢員張金辦理漢文事件尚無貽誤著加恩賞給從九品職銜仍隨時察看如果始終奮勉俟年滿再行具奏至英惠另片請將張文浩派赴喀喇沙爾朱錫爵派赴庫車常川駐劄經理運糧事宜前據鄂山等奏已派鎮迪道湯彝在吐魯番安西直隸州知州趙宜暉在喀喇沙爾寧夏道瑞慶在庫車安臺



督辦。無須張文浩、朱錫爵前往辦理。昨已有旨諭知長齡，飭交英惠酌量差遣，不必管理糧臺矣。將此各諭令知之。○又諭：昨據楊遇春奏，長清等剿賊連獲勝仗，業經降旨施恩。本日長清等奏到，朕詳加披閱，又明降諭旨，將該大臣等加賞物件，以示嘉獎矣。據活賊供稱，賊夥內偽阿奇木伯克極多，達凌阿等打退賊匪，係玉努斯阿、渾為首。副將郭繼昌等打散賊匪，係伊斯拉木素皮及庫爾班素

皮為首。均係張格爾心腹。喀什噶爾葉爾羌共來三千餘賊，並沿途糾約附逆，回匪二千餘人，分為四股，在沿河遊奕。均被官兵打散。河以南留賊匪一股千餘人，接應和闐數日內尚有賊匪前來。並喀什噶爾城垣堅固，攻打不動。現在尚存各等語。喀什噶爾自六月二十一日被圍，距今將及三月，果能嬰城固守，自當設法救援。現在官兵抵阿克蘇不下萬餘人，長齡等當派精兵從間道往救，以

速為妙。仍沿途多設偵探，萬一此信不確，或城雖尚存，而屯聚之賊較多，道梗不能前進，仍須慎重，不可墮賊奸計，以致輕敵損威。和闐一城已據兵丁王相泰供稱，於八月二十日失守。葉爾羌、英吉沙爾現無的確信息。著長齡等一併查明具奏。其玉努斯阿、渾等三人均係張格爾心腹，除庫爾班素皮業經截斃外，玉努斯阿、渾等尚俱在逃，未獲。該逆等是否各城叛回，抑係卡倫外回子，隨同張格

爾進卡滋事，著長齡等查明覆奏。其頭戴金線帽，身穿紅衣之回子，自即係伊斯拉木素皮。該犯業經帶箭而逃。著長齡等查明曾否射斃。其射賊兵丁係何姓名，據實奏聞。候朕施恩。其賊供和闐尚有賊匪前來，和闐草地可通庫車。現在留防庫車兵丁一千四百名，俱已撤回阿克蘇。庫車兵力太單，長齡等仍遵前旨，派兵前往防守。烏什與阿克蘇唇齒相依，不可因烏什近城並無賊匪，稍存大意。

長清等將原撥伊犁官兵五百名仍令前往所見甚是並令將頭臺照舊安設所辦亦好總領聲勢聯絡鉦鼓相聞為要長清由兵部司員簡用甫經到任即能撫綏回眾辦理周妥此次將城外備防兵分派關廟守禦並令馬隊三十餘人往來馳騁飛沙揚塵使賊匪懼有準備深得兵家虛實之法其開挖濠溝安設木柵頗能實心出力著長齡等再加察看其辦事才識究竟如何遇便覆奏將此由

六百里加緊諭令知之○四川松潘鎮總兵官德楞額因病解任以建昌協副將世泰為松潘鎮總兵官○丙申諭軍機大臣等楊遇春奏提督楊芳齊慎均遵旨趕赴阿克蘇其烏什地方經達凌阿等擊退逆回道疏疏通長清等調派札木防兵五百名計早趕到覽奏欣慰格布舍所帶寧夏莊浪涼州滿漢官兵二千名現在兵力未厚著照所請撥留莊浪涼州滿兵五百名派協領管帶駐守哈密

歸恆敬調遣其滿漢兵一千五百名仍令格布舍帶領隨進俟至吐魯番喀喇沙爾庫車拜城等處隨地布置惟該處滿兵開銷太多又不得力將來續調陝甘精兵雲集足數堵剿即將寧夏涼州莊浪滿兵撤令回營為是至另片奏天氣寒冷請照例馬兵借銀十兩步兵借銀六兩以紓兵力俱照所請行再逆裔張格爾年歲若干係何狀貌並伊出身家屬長齡等自必遵照前旨偵探明白著再就

現獲各犯內逐細訊明以便辨認仍遇便奏聞將此由六百里諭令知之○又諭楊遇春等奏籌辦續調滿漢官兵應需車輛事宜據稱每一千兵一起需車二百餘輛口外口內車輛俱形短絀請於口內有車處所定數派買雙套鐵腳馬車每車一輛馬二匹定價四十兩合計買車四千輛自肅州至阿克蘇計程五十八站按雇車需銀二十六萬餘兩按買車除費價銀一十六萬兩草料價銀六萬

四千八百餘兩。通盤計算。尚可無絀等語。現在大兵陸續出關。口外車輛不敷雇用。該參贊奏請買車運送。較為節省。若能如此辦理。甚屬得宜。著鄂少盧坤查照所議。飛飭口內各州縣。迅速購買四千輛。即交就近驛站。俟官兵過境。照數撥給。無稍遲誤。此項車輛馬匹。即責成帶兵官妥為照料。到日交總理糧餉處查收。即為載運糧石之用。前撥各省餉銀四百萬兩。現計均可陸續抵甘。本日

復有旨。撥內庫元寶銀二百萬兩。運解赴甘。軍餉既裕。該署督等務須妥為經理。源源接濟。仍當加意撙節。勿任稍有浮糜。以副委任。將此由六百里各諭令知之。○倉場侍郎韓鼎晉因病解任。調署禮部左侍郎。張師誠為倉場侍郎。以內閣學士白鏞署禮部左侍郎。○丁酉。

上御洞明堂。勾到四川情實罪犯。停決斬犯四十四人。絞犯十三人。餘七十七人予勾。○諭

內閣。朕恭閱

皇祖高宗純皇帝實錄。內載乾隆四十五年九月奉

聖諭。鄉試為抡才大典。欲拔真才。先清弊竇。本年順天鄉試。經揀檢王大臣奏。拏獲懷挾傳遞及頂名代倩。不一而足。順天科場特派王大臣等於龍門龍門逐次嚴查。尚有此等弊竇。何況外省。稽察揀查。斷不能如京師之嚴密。乃歷年披閱各該撫奏摺。均以三場無弊。

一奏塞責。實因摸校市譽。不肯認真任怨耳。嗣後各省巡撫。凡遇大比之期。必須實力稽查。如有弊端。即當嚴加究治。等因。欽此。仰見皇祖選拔真才。諄諄訓誡之至意。科場條禁。首嚴懷挾。誠以始進不正。則士習不端。弊竇不清。則真才不出。於抡才大有關係。鄉會試揀檢王大臣及各省督撫。自宜認真釐剔。以期拔取人才。乃近年各省學政。尚有查出夾帶生童。交提調懲辦者。至鄉會試屆期。揀檢並

不認真。率以三場無弊。一奏了事。視成具文。不肖士子。竟有鈔錄成文。僥倖中式者。論才大典。與其黜革於後。孰若剔弊於先。嗣後鄉會試。揆檢王大臣及各直省監臨等。務須破除情面。嚴剔弊端。認真辦理。查照定例。不許攜帶片紙隻字。一經揆出。立予褫革。照例懲辦。庶足以杜倖進而裨文治。將此通諭知之。

○詔諭哈薩克汗阿勒坦沙拉昨伊犁將軍代奏。爾遣爾弟台吉江錫爾呈遞摺內知悉。

爾父托霍木身故。朕心憫惻悼惜之至。自爾曾祖以至爾祖父。世世深沐國恩。茲爾父身故。特由遐荒遣爾弟恭請朕安。呈進貢馬及聽如何辦理。請示於伊犁將軍。情詞甚屬恭順。朕心不勝嘉悅。此汗爵肇自爾曾祖。延及爾祖。爾父。爾既係托霍木長子。即如思著爾襲封。鈐用御寶。降給詔旨。並賞給大緞四匹。到時敬領。爾自此感戴朕恩。於爾屬下哈薩克人眾。妥為管束。友愛子弟。嚴緝盜賊。和睦

鄰夷。遇事俱遵伊犁將軍指示而行。常承鴻恩。於無替。勉之慎之。毋許怠荒。特詔。○給江西蓮花萍鄉永新宜春安福廬陵分宜七廳縣被水災民一月口糧。○戊戌諭內閣。和世泰等奏。奏臺站接遞夾板遲誤。各員一摺。據稱七月二十二日。兵部發出遞寄烏里雅蘇台將軍限日行六百里夾板一副。經張家口管站部員檢舉。該員所轄二十三臺。遲誤一日有餘。復經查出賽爾烏蘇所轄二十一臺。

亦遲誤一日有餘。請將阿爾泰軍臺四十四站正副扎蘭章京等。全行革去頂帶。管站部員分別交議等語。軍臺遞送夾板。如有遲誤。各臺站均有填註收發時刻可稽。不難逐站查明。將遲誤之員。指名分別參處。此次究係某站遲延若干時刻。未據切實聲明。遽將臺站各員。全行參辦。殊不足以昭平允。著交新任都統博啓圖。詳細查明。據實具奏。再降諭旨。○己亥。

上詣綺春園問

皇太后安○諭軍機大臣等慶廉等奏賊匪擊竄出境城守嚴密現派出撥拏零匪一摺慶廉等前此探知賊匪竄擾本境一切調度尚合機宜現在賊匪已奔竄出境臺站肅清阿克蘇續派官兵五百名已到烏什即當督飭分駐嚴防期與阿克蘇聲勢聯絡互相接應勿以賊匪遠遁稍形懈弛至該處各回莊間有被脅回子固應查拏懲辦然須查訪明確

分別良莠密行驪緝勿令羣相驚擾方為妥善其探賊被戕之外委焦士賢及軍臺被害兵丁張智白陞周著即咨部照例賜卹將此由五百里諭令知之○修築浙江東西海塘埽工坦水從巡撫程含章請也○庚子遣官祭

歷代帝王廟○以告替雲南騰越廳屬大塘隘土把總劉學聰子開輔襲職○辛丑諭內閣

孝東陵

寶城暨

景陵

隆恩殿工程著派穆彰阿敬徵會同該管大臣敬謹修理○又諭長清等奏阿克蘇境內肅清派兵嚴防並訪獲糾眾首逆一摺所辦甚好阿克蘇自前此痛勦渡河賊匪後經官兵等於渾巴什河南擒獲帶傷零匪並附近回莊從賊逆回三百餘名又據三品候補阿奇

木伯克已彥岱及頭等侍衛阿布都爾滿五品伯克托克托呢雜爾等訪有阿哈雅爾七品伯克鄂斯滿首先糾眾附逆因值達凌阿等將賊擊敗逃回本處復敢帶同伊二子潛來阿克蘇假作避難良民窺伺城內虛實不法已極現經拏獲訊明正法巴彥岱等傾心效順誠悃可嘉巴彥岱阿布都爾滿俱著加恩賞給二品頂帶托克托呢雜爾著加恩賞給四品頂帶以示獎勵又據另片奏伊薩克

自帶兵隨營效力以來認真出力現復帶領同兵赴阿哈雅爾訪獲從逆之王子已什等三十餘名並捐馬二百二十餘匹矛一百數十件實屬急公伊薩克前已賞加二品頂帶並令承襲貝子世職著再加恩賞給白玉搬指一箇白玉鼻煙壺一箇大荷包一對小荷包二箇以示優獎其隨同出力之庫車四品伊什罕伯克阿布拉沙雅爾五品商伯克阿里瑪六品哈資伯克托胡達七品伯克塔賴

八海阿克蘇六品軍臺伯克托庫達七品伯克阿哈毛拉著各賞給加一級先換頂帶○諭軍機大臣等前令長齡於進兵之始廣張告示曉諭回子布魯特等俾知順逆不致為該逆裔煽誘裹脅原命以揚威將軍銜隨時隨地徧行曉示不必專候印信頒到再行辦理刻計該將軍於月內可抵阿克蘇揚遇春亦隨後繼至無庸等候武隆阿會商即遵照節次諭旨大張告示剴切曉諭回子布魯特

等務期從逆者咸知自新不從逆者羣思效順方於進兵機宜為有裨益惟布魯特散處卡外當遴選能事員弁傳檄前往俾令周知其汰劣克前此抗拒官兵一節原因巴彥巴圖將其家屬妄加殺害是以心存報復尚非甘心助逆者可比亦當於告示內明白宣諭以現經奏明大皇帝鑒其冤抑特頒恩旨赦其擅殺巴彥巴圖之罪檄令效順圖功當與各布魯特一體邀恩懋賞也至所奏以叛逆

伯克阿布都拉博巴克二犯用為內應一節雖是一時權宜之計惟此輩心存反側無論此時斷難委以心腹即使倖能成功將來論功升賞何以服恭順回眾之心若不加恩賚又何以示信外夷諸多費手未為盡善又據另片奏邁哈默特鄂對免其一死以伊薩克承襲貝子調補阿克蘇阿奇木伯克之處前已有旨飭將伊所襲貝子令伊薩克承襲邁哈默特鄂對暫緩正法妥為拘禁該犯與

張格爾潛通信息一節。前此長清所訊本有不實不盡。現在該將軍即日可到阿克蘇。著將該犯仍帶回阿克蘇。傳旨念其祖父勳勞。貸其一死。令其將在喀什噶爾如何與張格爾商謀詭計。如何即回阿克蘇。所差王子巴什送給張逆之信。是何言詞。意欲何為。務即一一供吐實情。勿任稍有狡飾。該將軍訊問明確。應如何安置。奏明候旨遵辦。現計該將軍等到後。所調各路大兵。亦陸續雲集。俟兵力壯盛。再當商籌妥策。剋期進剿。總於大兵進發之前。一面聲言於何日督兵前往。一面豫分奇兵兩路。每起各三千名。遴選得力帶兵大員。並派熟悉路徑之人。如防禦額爾古倫。及外委索文等。銜枚疾走。由便捷草地先後進發。抄至喀什噶爾。為要截兇擒之計。然後正兵由大路而抵該處。兩路糧餉。必須源源接濟。方可進兵。先當多設偵探。如喀什噶爾尚在堅守。自當進兵速為救援。僅已失守。

尤當早圖克復。重兵駐守。共籌夾擊。攻剿之策。各開齊路徑。處處可以竄越。必須以奇兵截其要路。或檄諭布魯特效順助力。以期殲擒首逆。為要。總之責成該將軍等。勿令張格爾竄逸。徒勞無功。其應如何設法辦理之處。朕亦不為遙制也。再本日據長清奏。前此痛剿賊匪。復派兵在河以南樹林。搭獲帶傷零匪。並各同莊附逆同匪多名。又據巴彥岱等訪獲阿哈雅爾七品伯克鄂斯滿。首先糾眾附逆。現帶伊二子潛匿阿克蘇城內。當飭拏獲。據供有和卓大阿渾差人邀伊所管同子從逆。伊即應允。令伊子愛里什及王子巴什等在阿哈雅爾上下兩村。糾約騎馬賊三百。步行賊四百。前去附逆。正值達凌阿等將賊打散。帶同賊眾各回本處。復帶伊二子潛來阿克蘇。假作良民。窺伺城內虛實等語。現經長清等飭令伊薩克訪獲三十餘人。訊明辦理。所辦甚好。已明降諭旨分別加恩矣。惟該

同莊戶口甚多。其中良莠不齊。固須將附近  
同子。密為訪察。明確按名查拏。亦不可稍有  
驚擾。致善良者。羣相疑懼。現在阿克蘇境內  
雖已肅清。亦須嚴加防範。如賊匪復敢糾約  
前來。即當迎剿殲除。將此由六百里諭知長  
齡。楊遇春。侯武隆。阿到時。令其聞看。並諭長  
清。達凌阿知之。○又諭。前據楊遇春奏。所調  
各兵。因天氣寒涼。錢價食物較昂。懇請馬兵  
每名借銀十兩。步兵每名借銀六兩。當經降

旨允行。朕思前調吉林黑龍江勁旅三千名。  
前赴軍營。長途遠涉。際茲將屆初冬。未必皆  
有禦寒之具。若酌賞銀兩。該兵丁途次紛紛  
售買。轉恐耽延時日。有誤進行。著鄂山。徐忻。  
豫為籌辦。每兵一名。賞給老羊皮馬褂一件。  
未過西安者。由徐忻辦給。已過西安者。由鄂  
山辦給。其兵丁本有皮衣者。折價銀四兩。俾  
得挾纊有資。所有動用銀兩。俱准其作正開  
銷。將此諭令知之。○贈故陝西按察使嚴如

煜。布政使銜。八祀名宦祠。○免阿克蘇附近  
同莊本年應交麥石。○壬寅諭內閣。程祖洛  
奏。于憂知縣。治行卓著。請於起復後。仍發豫  
省補用一摺。前任羅山縣知縣鄒鳴鶴。著准  
其於服闋後。仍發豫省。遇有南汝光陳四府  
州屬。應留選缺出時。酌量補用。此係因該府  
州屬地方緊要。治理需人。該員鄒鳴鶴。實心  
圖治。歷著循聲。是以俯允所請。嗣後不得援  
以為例。該部知道。○免湖南醴陵攸茶陵三

州縣。應補被水漂失倉穀。並給貧民墾復地  
畝工本銀。○癸卯。江西巡撫韓文綺。覆奏遵  
查南安。贛州。吉安。各屬先後拏獲會匪唐興  
通等。盜匪周三。女子等。梟匪曾泳英等。賭匪  
陳萬等。均經陸續分別問擬。訊無疊劫商販  
五十餘起。及郭姓被劫萬餘金之事。至選舉  
鄉耆。並擇要移駐文武員弁。現已隨時斟酌  
辦理。得旨。總要認真查辦。勿蹈摸稜徇庇之  
習。戒之勉之。○新調甘肅涼州鎮總兵官哈



豐阿奏報交卸浙江處州鎮總兵篆務。即日遵旨馳赴新任。並懇恩准令前往軍營。隨同楊遇春勦捕逆回。勉圖報效。得旨調任原條緊要之缺。小心鎮守。毋庸前赴軍營。○調軍夏將軍格布舍。為烏里雅蘇台將軍。西安將軍慶山。為寧夏將軍。福州將軍薩炳阿。為西安將軍。廣州將軍果齊斯歡。為福州將軍。以前任鑲紅旗漢軍都統慶保。為廣州將軍。○甲辰。

上御洞明堂。勾到廣東福建陝甘情實罪犯。停決廣東斬犯七人。絞犯六人。福建斬犯六人。絞犯二人。陝甘斬犯十八人。絞犯十一人。餘八十八人。予勾。○乙巳。孝慈高皇后忌辰。遣官祭福陵。○

上詣綺春園問皇太后安。○諭內閣。倫布多爾濟等奏查明遲延緊要公文一摺。前由六百里寄德英阿諭。

旨。軍臺接遞遲延。降旨飭令查明。奏旋據和世泰查明。張家口遞至口外第九臺誤寫馬遞。以致下站相沿遲誤。業將該管官分別議處。其第九臺以後各臺站均無庸查議。茲據倫布多爾濟等奏稱。烏里雅蘇台所屬二十臺站。統計二千餘里。行走三日有餘。雖係照馬遞摺報一例遞送。而覈計數里。尚無遲延。所有倫布多爾濟八十。自請交部分別察議之處。著加恩寬免。其兼管各臺站之台吉。

四員。並著免罰牲畜。○署河東河道總督嚴烺奏報秋汛安瀾。命詣河神廟祀謝。並下部議敘出力員弁。升敘有差。○旌表守正捐軀河南通許縣民曹書正妻婁氏。○丙午。

上詣大高殿行禮。○還宮。○諭軍機大臣等。據許乃普奏興義一府毗連滇粵。為苗疆要地。田畝素稱饒瘠。自嘉慶二年勘定後。苗民逆絕。田

土人官作為科租所有復業苗民田畝無多全恃山頭地角栽種雜糧生齒日繁又經漢奸盤剝生計日益不支設遇歉收之年更形拮据查逆絕租米或千餘石及百餘石不等除撥給土弁工食米外餘米照次年夏收分數變價解司以作公用此項米價為數無多不若實米仍存各處官倉每年青黃不接之時量為減價平糶秋收穀賤之日如數買補還倉按期申報藩司毋許虧短十年後積貯

不少僅遇旱澇即以此項租米備賑等語黔省漢苗雜處前經高溥奏准編查苗疆保甲將客民戶口田產造冊稽覈嚴禁流民續增戶口及盤剝準折等弊原係籌畫苗民生計免致滋生事端茲該學政以興義一府苗民生計維艱奏請豫籌積貯如果平時得資接濟歉歲亦有蓄儲未始非撫輯邊陲之一法惟逆絕租米變價究有若干向作何項公用可否仍存實米備辦平糶於該處苗民生計

有無裨益著高溥詳細查察悉心籌議具奏俟奏到時再降諭旨將此諭令知之又諭巴哈布奏帶領蒙古官兵自阿克蘇起程旋同一摺所奏均悉巴哈布前因帶領蒙古官兵會同達凌阿前往阿拉爾同莊打仗殺賊並生擒賊匪當經降旨將巴哈布優敘頒賞物件以示嘉獎並因土爾扈特和碩特兵隨同禦賊不應沒其勞績降旨交長齡等查奏茲據該大臣奏稱接奉折回喀喇沙爾諭旨

即傳集貝子巴勒丹喇什等曉諭各回遊牧於九月初八日自阿克蘇起程所帶備用銀一萬兩除動用外存銀七十二百二十五兩零及鉛斤火藥火繩等項均交長清等收存阿克蘇庫其由烏嚕木齊調解帳房等物業經起程已咨長清等俟解到收存以備軍需應用辦理均屬妥協另片奏請將蒙古官兵帶回原處仍赴軍前聽候調遣喀喇沙爾係回疆南路咽喉土爾扈特和碩特遊牧其間

並所屬有庫爾勒布古爾兩回城該大臣惟當旋回本境鎮靜撫綏令該處胥驛靜謐况大兵雲集一切軍火糧餉經過絡繹尤當沿途照料迅速催趨以利軍行不必身在行間乃為報效也至蒙古官兵借支俸銀鹽菜前經降旨准其開銷外該大臣著有勞績所有巴哈布借支養廉銀六百兩著加恩賞給銀三百兩餘著分年坐扣其隨帶滿漢官兵等酌量借給防所原營鹽菜餉銀七百五十三

兩零亦著賞給一半作正開銷其一半著分年坐扣以示體恤將此諭令知之○修福建水師提標前營後營南澳鎮左營戰船從巡撫韓克均請也○緩徵直隸寧河大城永清東安寶坻武清雄新縣滄廣宗龍門豐潤玉田隆平寧晉十五州縣被雹被旱村莊新舊額賦旗租並展緩開大名元城南樂清豐鄉鉅鹿廣平雞澤冀南宮束強新河衡水廣宗十五州縣積欠額賦○以孟冬時享

太廟自是日始齋戒三日○丁未孝敬憲皇后忌辰遣官祭

泰陵○諭內閣琦善奏被水地方糧價漸增籌米平糶並招徠客販一摺江蘇省江北各府州夏秋間雨水過多收成歉薄淮揚海三屬又兼壩水下注淹浸成災米價昂貴小民買食維艱經該督等奏請勘定災區懇恩給賑並將蘇屬糶贖米二萬九千餘石撥運江北平糶惟江北產米不多向藉客販流通接濟

著照所請上游客販米船來至淮揚一帶者經由九江蕪湖龍江揚州淮安各關概行照例給票免稅聽其運往有災州縣售賣將票呈該地方官鈐印給還至回空時過關銷號並著知會產米各省廣示招徠各關監督等務當嚴禁吏胥留難需索俾客販聞風慶至以平市價而裕民食俟米多價平再行照常徵稅停止給票○諭軍機大臣等孫爾津奏番割竄匪內山難以兵力窮搜現在懸賞諭

令生番縛獻等語番地山深箐密官兵既未便深入祇宜令該鎮將等督兵駐守以壯聲威一面諭令番眾將逃匪匪徒及番割等一併縛獻此時臺灣地方雖安堵如常惟恐匪徒於官兵既撤之後散而復聚該督務將一切善後章程籌辦周妥不致復滋事端再行內渡可也將此諭令知之○以福建南澳鎮總兵官劉起龍為水師提督臺灣協副將潘汝渭為南澳鎮總兵官○調直隸正定鎮總

兵官劉廷斌為福建臺灣鎮總兵官山東登州鎮總兵官舒通阿為正定鎮總兵官以山東文登協副將成玉為登州鎮總兵官以山東省上年歉收展緩應補嘉慶二十四年截留漕糧○戊申諭內閣八旗清查抱養民人之子為嗣屢經降旨飭諭嚴查無任仍前隱混本年正藍旗滿洲都統等查有存亮冒入旗檔一案復經申諭八旗都統副都統等務各嚴飭參佐領等官詳查如仍毫無覺察

必將該管各員嚴行懲處諭旨甚明本日烏爾恭阿等奏據刑部咨查該旗馬甲喜幅抱養民人之子胡壽兒為嗣現在逃走實屬失察請分別交議等語胡壽兒係喜幅抱養之子直至逃走始行呈報該參佐領等從前業經出具切結乃平日漫不經心及經犯案訊出仍復懵然罔覺非尋常疏忽可比參領興福副參領七十九佐領慶柱驍騎校德豐阿等俱著交部嚴加議處以為始終玩愒者戒

烏爾恭阿福泰吉勒通阿久未查出俱著交部議處又諭郭山泰承辦兵差截用上站車馬之州縣請摘去頂帶一摺現在軍行緊急車馬最關緊要必須各送各站方不致貽誤茲據奏甘肅署涇州知州羅文楷等承辦兵差將上站長武縣車馬輒行截用過站若非長武縣設法趕辦則後起之差轉致延擱署涇州直隸州知州渭源縣知縣羅文楷署平涼縣知縣候補知縣張瓊均著摘去頂帶

責令嗣後各按程站妥為備辦如仍有截用情事即著嚴參護平慶涇道甘州府知府景福署平涼府知府洮州廳同知周礪督辦未能周妥俱著交部議處○又諭鄂山奏參規避換防之守備請革職嚴審一摺署陝西延綏鎮屬鎮靜堡都司鎮標中營守備席殿魁前於四月間經楊遇春派赴喀什噶爾換防告假未准旋據該守備稟稱賠墊修署等項銀兩並稱鎮標中營遊擊高殿鰲署中營守

中集卷一百一十五

三

備葉步雲等冒銷侵吞科攤剋扣等情所稟均非近日之事乃在營時並未隨時稟報及換防起程之際忽行具稟是希圖藉案避差顯然易見迨經鄂山發交兩司訊供又欲掩其規避之跡稟懇緩訊願赴軍前效力居心實為狡獪且不候接署都司之員到任交代即行起程回籍尤屬膽大妄為席殿魁著即革職解往陝西交徐所督飭延榆綏道嚴行審究由該護撫按律定擬具奏如果高殿鰲

等實有冒銷等弊一併據實嚴參○諭軍機大臣等有人條奏籌備濟運及撫卹事宜據稱近聞開禦壩後十餘日清水僅落數寸復開吳城七堡是黃水淤高所致恐明年春夏汎水漲發易致倒灌重運仍難全渡減壩既開河身不亟行挑挖則減壩不能堵閉明年汎水難免回溜倒漾上游隄工處處著重尤為可慮再高寶興泰及海州沐陽等處災民甚多請飭該督等安集等語前據該督等奏

中集卷一百一十五

吉

啓放減壩接啓禦壩及現在軍船回空各情形節經降旨令將河身挑挖俾漕船如期北上並以清水宣洩過多豫籌收蓄濟運其續應撫賑之處據實奏聞琦善等奏准開王營減壩後於挑河瀦湖及來年重運各事宜據稱並非毫無把握自不至臨事周章致形棘手外間無從聞知故有此奏惟河湖敞壞已久熟籌不嫌詳慎著再鈔給閱看並將災賑事務著琦善速即會商陶澍督飭藩司

及地方官詳查確數據實具奏俟朕施恩母  
任流離失所將此諭令知之○硃諭陝甘總  
督鄂山朕聞從前軍需局及各糧臺處所多  
有趨利客人攜帶珠玉玩好之物前往售賣  
婉轉託銷而糧臺各員誇奢競靡互相購買  
及至報銷之時借款浮開此等積習最為可  
惡今番辦理西路軍需不可不嚴防此弊在  
汝與盧坤暨將軍參贊等皆係朕特簡親信  
大臣朕斷不致疑且時非其時地非其地焉  
能如昔日之光景也但道府以下委員甚多  
豈能保其人人清廉公正無非用其所長耳  
諸將軍大臣等務要正己率人嚴明馭眾兩  
地一體嚴查當先行出示曉諭使各知例禁  
如有犯者從嚴懲辦俾經費均歸覈實方為  
各稱乃職不負朕用人之苦心也毋忽此硃  
批摺可轉寄與長齡楊遇春武隆阿盧坤閱  
看○以緝獲烏什零匪賞伯克木薩等緞匹  
頂帶有差

實錄卷一百六

十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百六

實錄卷一百六

十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百七

監修鴻臚寺官經筵日講起居注官太子太保禮部尚書文淵閣學士兼翰林院掌院學士等官  
天祚寺官經筵日講起居注官太子太保禮部尚書文淵閣學士兼翰林院掌院學士等官  
七舍大臣禮部尚書經筵講官加一級應奉加三級經筵五次日經筵經筵講官及鴻臚寺官等  
內務府大臣鑲黃旗滿洲副都統寶昌內七舍大臣管理宗人府事務左翼副都統 宣惠官圖明圖等處精進營御長隨月仙儀秀太  
醫院巡撫等官隨帶和十八級臣阿寶阿爾楚克等隨帶和十八級臣阿寶阿爾楚克等隨帶和十八級臣阿寶阿爾楚克等  
敬修

道光六年丙戌冬十月己酉朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○頒道光七年時憲書○  
諭內閣昨據戶部會同吏部議奏推廣常例  
酌增事例條款一摺已依議行矣同日又據  
御史黃德濂奏稱滿漢廕生世職及各正途

出身之子孫弟姪俱准報捐易滋流弊更恐  
新例一開且將常例條款議增必不能及每  
年常捐之數等語古人籌備軍儲原有輸粟  
於邊之議現值勦辦逆回軍需繁重雖口外  
存糧充裕而轉運一切經費必須寬籌斷不  
能以內地歲入之常經盡出為荒徼行軍之  
用茲經部臣會同議奏於現行常例之外不  
得已推廣酌增條款專為現在軍興而設仍  
嚴定限制以免流品混淆其常捐事例參酌

情形分別應增應減並未一律加增更與另開新例者不同御史職司言路凡遇臣工議奏之事有未允協者原可於具奏通行後據實直陳如果所言可採即已經施行亦不難飭令改議乃該御史於該部會奏時同日陳奏試問該衙門所議條款尚未具奏通行該御史何由得知非有意沽名即近於取巧此風斷不可長黃德濂本應重究念係言官著從寬交部議處○又諭嚴烺奏勘減豫東黃

河兩岸各工請擇要估辦一摺豫東黃河本年三汛安瀾惟疊經盛漲堤身受淤過於卑矮並坐當臨黃及河勢圍進之處單薄殘缺灘面刷成溝槽自應擇要估辦俾資保衛經該署河督率屬履勘按取土遠近分別例津二價覈實估計統計豫省兩岸十三廳共估例津二價銀九萬一千九百七十餘兩東省曹河糧河二廳共估例價銀一萬二千四百五十餘兩著准於豫東兩藩庫分別照數撥

給即飭各該道具領轉發督令工員雇夫趕辦統限來年大汛前一律完工該署河督仍不時稽察工竣覈實驗收如有草率偷減即行嚴叅該部知道○又諭嵩溥奏查明楚局存鉛尚多請暫停續運以免久貯一摺黔省每年辦運楚鉛向視楚局存鉛多寡隨時酌量增減上年因楚省存鉛充裕奏准將乙酉丙戌兩年楚鉛暫行停運現當辦運丁亥年楚鉛之期據該撫查明楚省尚存白黑鉛共

計九百餘萬斤足備一二年內各省採買之用此時即照常辦運不過堆貯局中於成本徒滋糜費著照所請所有黔省應運丁亥年楚鉛准再停運一年該部知道○又諭鄂山等奏請敕山陝兩省購備駝隻並調撥寶陝局錢文各等語現在徵調各路官兵並糧餉軍火器械皆由甘肅運送回疆所需駝隻必須寬為豫備且需用銀兩浩繁以致錢價增昂著福綿於殺虎口歸化城等處採買駝六



千隻。徐忻在於所屬採買駝二千隻。務須一律臚壯。委員迅速解送肅州。山西所買之駝。或由驛站。或由邊外草地行走。即著福綿酌量情形辦理。所用價銀。由該二省覈實造報。至陝西寶陝局現存司庫錢文六七萬串。除隨時搭放兵餉外。尚有贏餘。並著徐忻轉飭該署藩司。於庫存兵餉錢文內撥出三萬串。沿途各儘額設車輛運交肅州軍需局應用。以平市價。該部知道。○諭軍機大臣等。鄂山等奏請飭山西陝西購備駝隻。協濟軍需一摺。已降旨令福綿購駝六千隻。徐忻購駝二千隻。迅速解往矣。前據楊遇春等奏請於口內各州縣置辦雙套鐵腳車四千輛。當飭鄂山等照數購備。此次又辦駝八千隻。是否前辦鐵腳車可以減少。抑仍須照數購備。方可敷用。著該署督等體察情形。撙節妥辦。又據奏大兵雲集。備貯三月之糧一節。此時所調各路官兵陸續行抵阿克蘇。前運之糧雖可

供支三月。惟大兵到彼。隨時動支給領。自不能仍有此數。總須源源滾運。務令常存三月之糧。方為妥善。又所奏籌備軍需各款。朕詳加披閱。內請撥陝西省制錢一條。已降旨令徐忻飭司。於庫存兵餉錢文內撥出三萬串。陸續運至肅州軍需局備用。又請賞給征兵皮衣皮帽。並豫備賞需一條。所議甚是。前因吉林黑龍江。勁旅前赴軍營。禦寒無具。曾經降旨令鄂山徐忻酌量給辦。所調滿漢官兵。自應一體給賞。俾資挾纊。並照所議製備。解赴軍營。按名頒賞。其牛羊茶葉銀牌等項。亦軍前犒賞所必需。並著豫為購辦。解送軍營。以備鼓勵弁兵之用。此二項所需銀兩。約須若干。著該署督等酌量確數。奏明動支。事竣准其照數覈銷。又後路糧臺駐兵防守。必應加意守護。以昭慎重。除吐魯番已有多隆武帶兵駐守外。其庫車喀喇沙爾該署督等現咨長齡等酌辦。著再傳旨咨會該將軍等令

其於所撥防守城池官兵之外再酌量分撥官兵於安設糧臺處所小心防範務保無虞將此由五百里諭令知之○又諭據特依順保奏提督印信經提臣齊慎帶赴軍營所有提署應辦公文事件現在鈐用中軍參將關防等語甘州提督齊慎既將印信帶赴軍營其固原提督印信楊芳曾否帶往陝甘兩省提督軍務較繁鈐用參將關防不足以昭慎重至軍營應辦事件或借用印信或另給鈐記著楊遇春妥為酌量飭令遵行所有前經帶往之提督印信遇便送回交各該署提督鈐用將此諭令知之○撫卹琉球國遭風難夷如例○庚戌

上幸圓明園○詰綺春園問

皇太后安○諭內閣恆敬奏請酌添軍臺馬匹人夫等語哈密為新疆南北通衢向設軍臺十二處馳遞文報各城紬緞紙劄等項官物通融駝運現因軍書絡繹並出征官兵過境

額設馬匹兵丁不敷支應自應酌量添設以免貽誤著照所請自七月初十日起每臺添馬四匹六匹夫二名三名其運送官物著交地方官雇駝挽運所需駝腳草料價值准其覈實報銷經此次增添之後軍需緊要差使自可迅速應付儻有遲誤惟恆敬是問○諭軍機大臣等據恆敬奏吐魯番迤西所需兵糧由烏魯木齊所屬州縣倉存糧石動碾現據咨報已運過米穀十二起計糧一萬二千

石哈密所需之糧係安肅道所屬撥運前據該道陸續起運來城除沿途支給兵丁口糧不計外現在運存本城四十餘萬斤運至吐魯番由該處轉輸前進現於本月初四日開運計一月之內可運送五十萬斤約計前後所調官兵丁役等五萬人每月口糧總需穀一百五十萬斤合之烏魯木齊每月運送糧穀一百萬斤計口授食僅足一月之需哈密向無民車飭令地方官雇覓駝趕運尚不

數用哈密回子郡王職銜貝勒伯錫爾請將回民牛車湊備一千輛以俟挽運軍糧至吐魯番交卸可期無誤等語前因英惠奏烏魯木齊存糧可供征兵兩年之需已先後共撥糧三十萬石陸續轉運當飭鄂山等通盤籌畫如足敷兵食即無庸由內地買運今閱恆敬所奏是口內外每月由兩處運送糧麵始敷官兵等一月之需是否必由兩處轉運方可無誤抑烏魯木齊再添備車駝碾運亦可源源供支若能統歸烏魯木齊一處轉運豈不較內地省便再昨據鄂山等奏請於山陝辦駝八千隻其楊遇春前請採辦鐵腳車四千輛現又據該回王伯錫爾湊備牛車一千輛雖祇由哈密接運至吐魯番交卸與所購車駝長運者不同但既有此項牛車是否可將別項車腳稍從節省留為他項應付著鄂山等通盤熟籌會商妥辦其伯錫爾所備車輛如果能得力即著恆敬留供挽運照例支

給腳價並奏請加以獎勵至各路糧餉車駝等項雖派英惠恆敬等分段管理而總局專設肅州凡一切轉運軍火糧餉雇備車輛載等事必須統歸一處覈計方可照察全局恆敬因伯錫爾係該管回王請備車輛是以單銜陳奏此外如有糧臺應辦一切事宜務當隨時咨商總局會同奏辦庶不致各行奏請轉有歧誤也將此由五百里諭知鄂山盧坤恆敬並諭英惠知之○辛亥諭內閣各省將軍俱給有養廉惟烏里雅蘇台將軍祇月支鹽菜銀兩不足以昭畫一著自道光七年起每年給予養廉銀一千五百兩其鹽菜銀兩停其支給該部知道○又諭琦善等奏本年開放各壩以洩洪湖異漲現在趕緊堵閉統計十月初七日以前均可全竣惟昭關壩跌塘較深須俟來源微弱始可剋期堵閉等語現在清水消落將吳城七堡先行堵閉並將束清禦黃兩壩口門收窄著蓄清水來年

重運。自可足資浮送。仍須清水暢出。藉以刷  
滌黃淤。其高堰隄工。亦當及時修補完固。並  
將昭關壩察看情形。相機堵閉。無得過遲。俾  
下游各州縣積水田地。及早涸復。毋誤春耕。  
該督等務當隨時斟酌。熟商妥辦。期於河運  
民生。均有裨益。○又諭陶澍奏藩庫附貯項  
下借放各款。分別查辦。江寧藩庫附貯一項。  
歷任藩司均有借放之款。經該藩司設局清  
釐。除陸續歸補外。尚有未歸借款銀二十六  
萬四千七百七十三兩零。據該撫查明有著  
無著。分別催追賠補。其蘇藩司欠款內有互  
相劃抵。安徽省欠款內有開報已豁之項。尚  
須詳查覈辦。藩庫附貯款項。遇有借墊支放。  
必須隨時清釐。籌議歸補。所有兩淮運司衙  
門欠解銀四萬四千一百四十二兩零。江寧  
巡道衙門欠解銀三千九百八十七兩零。江  
淮各屬欠解並已入清查追補銀十一萬三  
千一百七十四兩零。著即催解歸還原款。毋

得再有延宕。其無著銀六萬一千二十二兩  
零。即著分年分任。按款追補。至蘇藩司並安  
徽省各欠款。著該撫分晰查明。應還款者速  
即催解歸款。應追者同前項一併催追賠補。  
應豁者按例覈辦。務令各歸各款。掃數清還。  
毋任糾纏。輾轉致滋弊混。○又諭陶澍奏續  
查被淹地方。懇請撫卹等語。江蘇省被水州  
縣。前經降旨加恩。給予撫卹。茲據該撫續查  
阜寧縣田地。因洪湖壩水下注。受淹較重。災

民待哺。孔殷。自應先行撫卹。著即飭令該藩  
司酌發銀兩。交縣易換錢米。隨查隨放。俾得  
早沾實惠。毋使一夫失所。並著該撫飭屬認  
真查勘被淹地方。有應須蠲賑之處。覈定災  
分。迅即具奏。該部知道。○諭軍機大臣等。本  
日步軍統領衙門奏。山西榆次縣已革武舉  
孫仁香呈控。院書武祚昌指伊向縣官請託  
命案。詐騙魏晉家銀兩。聞信出首。轉被斥革  
一案。已明降諭旨。交福綿督同臬司戴聰審

訊矣。此案孫仁秀所控榆次縣民魏晉之妻身死不明。報縣驗訊。將魏晉之妻武氏及其子魏四蠻帶押。該縣既將武氏等審訊。其魏張氏是否自縊。有無傷痕。曾否驗訊明確。若無消弭情弊。何以院書武祚昌即從中詐索多贓。交該縣之子收受。如係孫仁秀夥同詐索。因被斥革架詞翻控。亦應切實究明。此非福綿任內之事。無所用其回護。務當督同臬司親提嚴鞫。如魏張氏實有身死不明。官吏

聽囑詐贓情事。必應徹底根究。嚴行懲辦。倘係孫仁秀逞刁妄控。亦即治以應得之罪。無得稍涉顛頃。致干咎戾。將此諭令知之。尋覆奏。訊得魏張氏委係自縊。並無傷痕。武祚昌意圖索詐。捏稱孫仁秀囑託衙門。實無向該縣託情。亦無該縣之子在內。武祚昌仍照原擬充軍。惟孫仁秀前因查知武祚昌冒名誣騙。索分贓銀不遂。挾制控告。審明咨革擬杖。輒懷疑復控。希圖開復功名。實屬健訟。應於

原擬杖罪上再加枷號一箇月。下刑部議。從之。○又諭。英惠奏。大營官兵到齊後。不下四萬名。每月需用糧一萬五六千石。以現設之十二臺滾運。每臺須駝二千五百隻。按日周轉三次。庶可挽運足用。現祇有駝五六百隻。運過糧一萬石。尚不敷用。咨照鄂山在口內備駝二萬隻。以資挽運。再前請由陝甘調撥銀一百萬兩。迄今尚未解到。現在應發運糧腳價等項。用款浩繁。立等支發。那款墊用

將來即一百萬兩全數解到。除歸補外。所餘無幾。又咨鄂山俟各省銀兩解到時。再撥二百萬兩。隨時飭解備用。如有餘存。即可留抵本處兵餉等語。糧臺供支一切。用度繁多。固應寬為籌撥。惟軍行久暫不能豫定。斷無用銀二三百萬。一時運送兩年兵糧之理。即據該都統奏。官兵到齊。不下四萬。每月需糧一萬六千石。縱再加官弁跟役人等。以五萬人計口授食。亦不過每月再加數千石。足敷

支放其轉運駝隻何以需用二萬無論購備維艱亦足見該都統籌算未能切當昨據鄂山等奏已於七月九月間分起解送銀一百萬兩計可陸續到彼此後鄂山等惟當體察情形源源接濟所有京外撥解銀兩豈能盡歸烏魯木齊一處俟其多餘留為兵餉耶又據奏官兵騎馱馬匹出口例不支應料草此次官兵由口內遠來天寒草枯難令牧放自係實在情形所有出口各路官兵馬匹至哈

密迤西准照口內地方供應之例每匹日支草十斤料三倉升按站供支現經該都統將吐魯番一帶所需草料飭令該同知妥備其喀喇沙爾至阿克蘇一帶派令委章京慶雲阜康縣知縣周慶曾採辦並咨喀喇沙爾庫車派員逐站幫同照料著鄂山等體察情形如該二員未能籌辦裕如即當添派委員前往幫同購辦英惠等經朕委任自必力圖撙節惟向聞烏魯木齊習尚繁華該都統所用

委員既多未必人人可信或不免有藉端浮混之弊當隨時嚴密查察無任稍有冒濫總之口外各路糧臺轉運一切事宜須由甘肅總局覈實定斷不得各行奏請轉致歧誤所有分段派員若干何員經理何事之處均應詳悉造具名冊咨報鄂山盧坤總辦軍需局以備查考如朱錫爵張文浩等皆不得經手錢糧也將此由五百里諭令知之○兩江總督琦善江南河道總督張井副總河潘錫恩

奏報秋汛安瀾命詣

河神廟祀謝並下部議欽出力員弁升敘有差○賞廣安門外普濟堂煮賑小米三百石○壬子諭內閣武隆阿奏叅沿途滋事之侍衛請革去頂帶一摺乾清門二等侍衛固英阿前在豫省安陽縣於跟役毆打辦差家人漫無覺察已有應得之咎及抵甘肅永昌縣住宿該侍衛親赴庖廚打散廚役攫取食物行至山丹復赴該縣署中索要驛價恣意肆

聞御前頭等侍衛桂成屢次縱容跟役滋事復於平涼縣住宿時因未另備公館自行鞭責辦差家人皆屬任性妄為本應按軍法嚴懲念係行軍之始因英阿桂成俱著從寬革去侍衛作為披甲交武隆阿帶赴軍前打仗效力如再不知愧奮即奏明從重治罪容安據實揭報武隆阿僅請革去頂帶未免失之輕縱嗣後該參贊務當破除情面再行諭飭該侍衛官兵等各宜懍遵紀律安靜進行現

值大兵絡繹出關經歷軍台回部地方尤當嚴明約束除照例供頓外不得絲毫擾累如再有敢違犯者即著嚴行叅奏悉照軍法辦理不能再邀寬典也○諭軍機大臣等據楊遇春奏咨會格布舍將所帶寧夏漢兵一千名並於滿洲兵五百名內挑選尤為精銳者一百名管帶隨進擬令暫駐庫車彈壓其餘滿洲兵四百名派得力協領管帶留駐吐魯番所奏甚是吐魯番係新疆各城扼要之地

著留駐寧夏滿洲兵四百名歸賡音岱督率防守巴里坤總兵多隆武著仍回本任前派駐守吐魯番之烏魯木齊滿洲兵二百名著即就近撤回前有旨將格布舍調補烏里雅蘇台將軍著帶領寧夏兵一千一百名暫駐庫車彈壓俟那彥寶到任後將前項官兵交那彥寶帶領巡防該將軍即前赴新任庫車正南西南有通葉爾羌和闐及都齊特臺戈壁捷徑防範尤關緊要著長齡楊遇春體察

情形或另派帶兵委員前往會同那彥寶防守或即於管帶此項官兵將領內擇其夙嫻軍旅者責成幫辦將此由五百里諭知長齡楊遇春並諭格布舍知之○癸丑諭軍機大臣等本日都察院奏河南民人王明文呈控放火行劫拒傷事主並搶掠勒索及差役庇賊舞弊一案已明降諭旨交程祖洛嚴行審訊矣此案民人王明文呈控於道光四年三月間有賊數十人持械入伊萊園將伊亂打

倒地搶去棉被棉袍等物。放火燒燬瓦房二間。火光之下。認明有從前滋事教匪崔子魁之子崔添才等。報州驗明屬實。出票緝拏。州差王文與賊暗通消息。致賊日夜結隊尋殺。旋控臬司。批州勒緝。又被已革復充之蠹役李書公。並王文從中攔阻。五年八月。差役拏獲賊夥崔亂子。賊首崔保山。糾黨百餘人。持械追趕。將族姪王冰擄去。勒索錢三十千。始行放回。旋與崔保山率領羣兇十餘人。在外

委署內飲酒。散後復至伊村挨門擄擄。又將族人王明旺。王斗。二人擄去。勒索錢六十千。文始行贖回。後仍疊次搶掠伊家等語。民人王明文家。被賊行劫放火。拒傷事主。既經該州驗實差拏。何以該差役王文。李書公。得以從中攔阻。迨拏獲崔亂子。何以又復釋放。崔保山等率眾在外。委署內飲酒。後屢次搶掠。均屬大干法紀。崔保山等居住襄陽縣崔家崗。著程祖洛飭令該州會營查拏。並照會楚

省協同捕獲。提拘案內各犯。確切嚴訊。如果崔添才實係滋事教匪崔子魁之子。其放火行劫擄索等情。並差役庇縱。及外委與崔保山等飲酒屬實。俱各按律懲辦。務當徹底根究。毋得稍有枉縱。將此諭知程祖洛。並諭嵩孚知之。尋奏。嘉慶年間。教匪滋事案內。並無崔子魁姓名。崔添才因向王明文賒酒不允。邀同崔保山等持械尋毆。崔亂子擄人勒贖。業經病故。照例將崔保山崔添才等從重擬

軍。外委孟騰蛟並未與崔保山在署飲酒。差役王文等亦無阻攔私放情事。均毋庸議。下部議從之。○又諭富俊奏。刁民不遵驅逐。聚眾逞兇。嚴行懲辦一摺。吉林舒蘭河等處流民。皆歷任將軍因循玩縱。以致日益增多。迨經查明驅逐。猶恤其無業可歸。指出他處荒地。飭令遷移。乃抗違不遵。竟敢聚眾在該將軍署前要求。因未允許。首惡楊燭仁等。輒喝令羣起逞兇喧鬧。現經該將軍飭令兵役擒



獲匪犯訊係楊燭仁祖亮為首糾挾制業經按律斬決從犯分別擬罪自應如此辦理其餘逸犯李太等訊係被脅登時逃散尚知畏法免其查拏究辦該將軍現已出示曉諭著即督飭委員等催令該流民等依限遷移仍照前旨指定荒地令其散居分種勿再聚集一處其霍倫河等六處地方田畝既據富俊奏稱多係山坡山溝不成片段不能為移駐京旗之用著該將軍於該流民全行驅逐

五

後務當隨時嚴查斷不容再有人潛往居住儻日久仍前玩縱惟該將軍是問將此諭令知之○又諭嗣後內務府招募太監內有年歲太大不堪供役者仍准撥換王府太監交進其逃走太監凡有瘡疾等情俱不必撥換治罪後交總管太監查看酌撥外圍當差○緩徵陝西榆林縣被雹村莊額賦○甲寅

上詣

安佑宮行禮○諭內閣前據和世泰奏請馳赴

軍營降旨諭令無庸前往旋復奏稱本年係屬年班請於秋間事少時來京陛見現在和世泰到京令軍機大臣詢問據稱急求瞻覲並無急欲面陳之事實在糊塗錯謬請從重治罪等語和世泰經朕簡授察哈爾都統責任甚重無論事務繁簡之時均當以慎重官守為念即輪應年班來京亦自有一定期日若近京大員遇事簡時即行奏請入覲成何體制和世泰任意瀆請冒昧已極著革去內

六

大臣仍交部議處○諭軍機大臣等長齡奏籌撥阿克蘇進兵後路運腳經費銀兩及覆奏條陳各款並訊邁哈默特鄂對供詞各摺覽奏均悉長齡由那拉特草地於九月十六日繞出喀喇沙爾大道計九月杪十月初可到阿克蘇楊遇春於九月十七日抵吐魯番計遲到不過旬日武隆阿計程亦十一月中旬可到一俟兵力壯盛糧餉敷足該將軍當與楊遇春等熟商進剿惟用兵之道首貴多

設間諜。隨時偵探。俾賊情瞭如指掌。方能所向克捷。該將軍等久歷戎行。自己早為籌辦。並遵歷奉諭旨。明張告示。曉諭各回莊及布魯特等。懸賞購線。解散黨羽。收為我用。計逆回滋事。已閱數月。長齡本係伊犁將軍。有統轄八城之責。現在西四城內。惟和闐失守。已有逃兵供明。月日可憑。此外三城。杳無信息。究竟該三城是否失守。係何月日。慶祥等作何下落。現在某城。係某賊首占據。汰劣克。及各布魯特等。曾否進卡滋事。賊黨及從逆回莊。究有若干。從張逆滋事者。究係卡外帶進。抑全係各本城從逆回子。均應確切探明。方可審度進剿。至進兵時。分奇正兩路。武隆阿熟悉回疆情形。當由捷徑。帶領奇兵。先赴喀什噶爾。以截其後。楊遇春當由臺站正路。統領大兵。沿途勦辦。以出其前。長齡即可同楊遇春作為一路。或稍分前後。亦可。總須探明各城情形。進兵路徑。臨時相機辦理。並於齊

慎楊芳及其餘帶兵得力大員內。選定分派。多為接應。嚴防後路。其樹窩子一路。係該處往來捷徑。其中沙岡密林處所。並防埋伏抄截之賊。均須計算萬全。一鼓成功。為要。該將軍請將附逆各回莊。全行勦洗。外夷強者。示以威。順者。撫以德。俾先知畏。而後知感。所奏甚是。但恐大加懲創之後。竄逸四散。非但張格爾必應殲擒。以伸國憲。即愛薩等著名逆黨。亦不可任其漏網。所奏密令伊薩克等遣人先赴各布魯特處。作為伊等之意。許給銀物。截阻該逆歸路。幫同伊薩克等成功。並通信阿布都拉博巴克等。使其拘絆張逆。不令逃竄。果能如是。實為極好機會。但須加意慎重。不可惜費。亦不可墮賊奸計。至邁哈默特鄂對供詞俱悉。祇係畏死倖生。其給張逆送信。有伊犁烏魯木齊派來官兵八千。一二日內可到等語。如果屬實。乃哄騙張格爾之意。但彼時並未回明長清。事後如此供吐。其言

亦未可盡信。惟當用人之際。既有此供。亦祇可貸其一死。儻能知愧懼。勉圖立功自贖。尚可許以自新。仍須密加防範。伊薩克帶領回兵隨營。最為出力。前經降旨。令其承襲貝子。先換頂帶。著照所請。准其調補阿克蘇阿奇木伯克。所遺沙雅爾阿奇木伯克。即以巴彥岱補授。此外效順出力。才具可用。與伊薩克相倣者。隨時察看奏聞。至議駁那彥成、松筠、條陳各款。所見俱是。松筠所奏。以布匹棉花捐監及職銜。朕早覺其必不可行也。將此由六百里諭知長齡。並諭楊遇春、武隆阿知之。○以頭等侍衛前任駐藏大臣保昌署大理寺卿。○乙卯。

上詣綺春園問

皇太后安。○諭內閣。御史續齡奏。請嚴禁八旗官學積弊一摺。國家設立官學。月給廩餼。所以造就人材。各教習宜勤加董率。俾肄業生徒認真講習。以收師儒之益。若如該御史

所奏。近年生徒入學。不過輪期畫到。查學之日。教習擇其在家課讀者。背誦數章。塞責該教習亦祇於畫到查學時。始行到學。間有在學住宿者。並不教讀。其宗室覺羅及咸安宮景山各官學。亦復如此。積習相沿。日就廢弛。不可不嚴行飭禁。嗣後各學教習及肄業生徒。務須常川入學。盡心訓課。並責成查學大臣及國子監堂官。不時稽查。如有曠誤。指名叅處。毋得有名無實。日久仍成具文。○又諭。

據理藩院轉奏。阿拉善親王瑪哈巴拉。因聞逆回張格爾在喀什噶爾一帶地方跳梁。呈請由所屬旗分輸駝一千隻。馬一百匹等語。所有軍營應需駝馬。昨據署督鄂山等奏聞。業經計數陸續備辦。足敷應用。今瑪哈巴拉因聞逆回張格爾滋事。呈請由伊所屬旗分輸駝一千隻。馬一百匹。具見伊之誠悃。殊屬可嘉。若行駁回。轉不足示朕軫念蒙古臣僕之意。所輸駝馬。即照瑪哈巴拉所請賞收。或

解送蘭州。或解送肅州之處。著鄂山酌定。轉飭該親王遵照辦理。瑪哈巴拉著加恩賞用紫韁。仍賞給白玉翎管一箇。白玉搬指一箇。大荷包一對。小荷包四箇。以示鼓勵。○諭軍機大臣等。理藩院奏阿拉善額魯特扎薩克親王瑪哈巴拉呈進馬一百匹。駝一千隻。已另降諭旨加恩賞收矣。前據鄂山等奏請購備駝隻。協濟軍需。已降旨令福綿購駝六千隻。徐所購駝二千隻。昨英惠復以各臺挽運

軍糧。每臺需駝二千五六百隻。咨照鄂山在口內備駝二萬隻。當以該都統籌算未能切當。交該署督等覈議。此次瑪哈巴拉呈進馬駝。可備挽運之用。著鄂山等體察情形。或應解至蘭州。抑或徑解肅州。即咨明該王迅速解往應用。現在既有此項馬匹駝隻。前山西陝西所購之駝。是否可以減少。並著通盤籌畫。可減則減。以歸覈實。將此由五百里各諭令知之。○丙辰諭內閣舊例會試中式武舉

因覆試不能合式。罰停殿試一科。者下屆仍令覆試。積至覆試三次不能合式。即行斥革。本覺過重。自嘉慶六年。改照文會試覆試停科之例。下屆即准殿試。不再隨新科覆試。原所以示體恤而昭畫一。惟近年補行殿試者。往往技藝仍不合式。以致再行罰停殿試。亦覺紛繁。其應如何酌中定議之處。著軍機大臣會同兵部妥議具奏。○諭軍機大臣等。理藩院奏據寧夏司員富惠呈報伊克昭正盟

長鄂爾多斯扎薩克貝勒索諾木喇布齊根敦。因西路現在籌辦軍務。恭進驕馬一千匹。應於何日備用。並備送何處地方接收等語。前據鄂山等奏軍營所需馬匹。經長齡在伊犁等處挑撥一萬三千匹。英惠在巴里坤等處調撥二千三百餘匹。楊遇春鄂山前後共調內地營馬一萬匹。復准於甘肅肅州。西寧三處孳生馬廠內。確查出羣生馬。儘數交附近各營分領飼養。其餘短缺之數。由各城領

價採買。是軍營所撥各處馬匹已足供官兵乘騎續調之用。此次索諾木喇布齋根敦請進驕馬一千匹。著毋庸賞收。鄂山等即咨照該旗以該貝勒情殷報效具見惻怛。現在軍營馬匹充裕。足資征剿。無須該旗豫備呈進也。將此諭令知之。○丁巳。

上奉

皇太后幸同樂園進膳。賜皇子及內廷王大臣等食。至己未皆如之。○戊午。

辛未

克

皇太后聖壽節遣官祭

太廟後殿

奉先殿

上率皇子王公大臣官員詣綺春園行慶賀禮。○諭內閣戶部奏慎重軍餉錢糧一摺。所奏甚是。從前乾隆年間平定新疆。事皆創始。一切軍需悉照出征外域辦理。嘉慶年間川陝楚三省軍需未經豫定章程。以致用項糜費。此次回疆用兵。經部臣兩次籌撥銀四百萬

兩。復特旨動撥內庫銀二百萬兩。陸續解甘。俾源源接濟。該處城堡臺站建置均極詳備。所有計站運糧等事。比較開闢新疆時。自可大加撙節。必應嚴切鉤稽。豫杜浮支濫應。將來覈辦報銷。無得稍有虛冒。著總理糧餉大臣通盤籌畫。將各項支發銀數逐一酌定。妥議章程。應咨應奏分別辦理。並將某路以何地為總匯。何地為旁通繞徑。臺站有無添改裁併。繪圖貼說。詳註道里遠近。一併具奏。以

備奏銷時覈對。總期應付無虞。短絀報銷不任虛浮。以重軍餉而昭覈實。○又諭那彥成奏各屬徵收旗租奉行勤怠分別勸懲一摺。所奏是。直隸八項旗租歷久未經清查。百弊叢生。每歲拖欠甚多。前經該督奏定章程。給照減則設簿稽查。辦理業有成效。該州縣奉行勤怠必應嚴加考覈。示以勸懲。著照所請。灤州知州黃克昌署安肅縣知縣州判藍田。豐潤縣知縣傅漢署新城縣知縣歐聲振。定

興縣知縣朱文奎等五員。上忙全完。均在一萬兩以上。並帶徵舊欠一二萬兩不等。俱著交部議敘。宛平縣知縣蔡為亨。密雲縣知縣王恆德。並無徵解銀兩。著交部議處。仍委員前往確查該員前報散給佃民執照。是否屬實。並有無那用情弊。從嚴究辦。如佃戶抗欠。即應起佃另租。其上忙全完不及一萬兩。並徵解八九分以上之清苑等三十六州縣。及徵解僅止五六分之永清等六縣。著該督分別記功記過。歸於來年奏銷案內辦理。務令實力奉行。儘徵儘解。俾新租年清年款。舊租解部。歸還積年墊款。毋得日久因循。復滋流弊。該部知道。○諭軍機大臣等。據戶部奏運餉一事。前經楊遇春奏請造具官車四千輛。又經鄂山奏請採買山西陝西駝共八千隻。又經阿拉善王呈進駝一千隻馬一百匹。現查烏里雅蘇台所屬喀爾喀等處孳生廠內。存駝六千六百餘隻。除撥補臺站外。可酌撥

四千隻。同阿拉善王所進駝一千隻。均在山西省購買六千隻數內扣除。又查伊犁牧廠。現存駝八十餘隻。除備差外。尚存駝五千餘隻。應令伊犁將軍酌定可撥若干隻。飛咨陝西。於採買數內扣除。再伊犁牧廠現有孳生馬五萬餘匹。除調撥外。尚存馬二萬餘匹。亦可酌撥。同阿拉善王所進馬匹。並供轉運之需。尚有牛隻一項。計存一萬七千八百餘隻。酌撥數千隻。於轉輸更有裨益等語。駝載一

項。需用甚多。現在分設糧臺數處。何處應需若干。何處已有若干。鄂山盧坤總司局務必當通盤籌計。前因該督等奏請於山西陝西採買駝八千隻。當經飭詢有此駝隻之數。可否將楊遇春所奏造具官車四千輛內量加裁減。嗣又有阿拉善王所進駝一千隻。能否於採買駝隻內再為節省。該督等接奉前旨。自己通盤籌畫。茲據戶部於該將軍等報存冊內查出烏里雅蘇台等處廠存駝隻。可以

調撥若能如數挑撥剋期解往豈不較採買為省便惟該二處牧廠內伊犁距烏魯木齊較近前據英惠奏每臺需用駝二千五百隻雖未必用如許之多亦當量為添撥著德英阿即將該處廠存駝牛內酌撥駝若干隻牛若干隻一面奏明一面迅速解往烏魯木齊備用此外馬匹一項著該署將軍於廠存馬內揀選臚壯者儘數妥為豫備聽候調撥前往其烏里雅蘇台廠存駝內著倫布多爾濟酌撥四千隻或解赴哈密或解赴肅州並即飛咨鄂山等商同辦理總以妥便應急為要至山西省採買駝六千隻現有烏里雅蘇台所撥及阿拉善王所進者共有五千隻若果即能迅速解往以應要需原可稍從節省惟恐道路遙遠不能如期全解仍著福綿豫為購辦斷不可拘泥遷延轉滋貽誤其陝西省採買駝二千隻亦應酌量購備聽候鄂山等知會與各處所備車駝通盤覈計務期足

用毋致浮多可也將此由五百里各諭令知之○修直隸秦城縣隄埝各工挑挖引河從總督那彥成請也○庚申  
上詣  
安佑官行禮○詣綺春園問  
皇太后安○諭軍機大臣等據長清等奏傳詢自喀什噶爾前來兵丁閔義巴蘭供稱喀什噶爾漢城於八月二十五日被賊攻破慶祥自縊身死舒爾哈善不知下落賊將官兵商民從城內擄出約有六七百人活捉去官兵三百餘人盡行圍起將髮辮翦去脅令投降並將城牆及衙署兵民房屋全行拆毀止留鋪民房屋二處作為辦事地方旋有張格爾辦事回子將伊等帶至城內去看見城牆房屋俱已拆毀又帶至英吉沙爾葉爾羌和闐三處看明衙署民房均被焚毀惟留葉爾羌西府衙門樓房據帶去賊匪令伊等回至阿克蘇告知各處城池房屋俱已拆毀官民全

行殺害。叫阿克蘇官兵不必來喀什噶爾四城。來亦無益。並據看明張格爾面貌。現在喀什噶爾阿奇木衙門等語。覽奏曷勝憤恨。該逆裔既將西四城攻陷。轉將各處衙署民房盡行拆毀。不為占據堅守之計。是該逆等探知大兵雲集。一經接仗不利。即思就近竄逸。已可概見。其特地将兵丁閔義等放回之意。亦不過欲緩我師期。本日據武隆阿奏。先後所調各路官兵。必須年內方能到齊。時居嚴寒。擬令暫為休息。統俟一切籌備齊全。竟於開正專力進剿。此時西四城業已失守。無可救援。自應籌備周妥。再圖克復。但兵貴神速。若遇有機可乘。亦不可稍為拘泥。如探明張格爾仍住居喀什噶爾回城外。其葉爾羌等處。祇有賊黨分住。自以密速進取。喀什噶爾為急。一面揚言官兵駐守阿克蘇烏什。且不斷進剿。以懈賊心。一面先分奇兵繞越兜轉。斷其歸路。再統率大兵。由英吉沙爾等處前進。

兩路會合夾攻。總須專注喀什噶爾。將張格爾擒獲。盡法懲治。方足以伸國憲而慰忠魂。斷不得稍事疏略。致令竄逸。有干嚴譴。其葉爾羌和闐二城。似可作為後圖。儻張格爾潛往別城。則須另作計較。前已有旨令該將軍廣張告示。宣諭布魯特效順。幫擒逆裔。今武隆阿又有宣威布賞。曉諭霍罕安集延等外夷之請。前聞斌靜曾強占安集延回子之。如經其父將其女砍落頭顱。摺入斌靜署內。怨恨已極。現據閔義等供。果有安集延頭目助逆情事。昨長齡有霍罕將張格爾家屬拘禁之說。從前玉努斯向霍罕購求張格爾。不為無因。此時應如何設法用間。令該逆等與外夷彼此猜忌。攜離。將其獲獻。該將軍等當妥速商籌辦理。慶祥嬰城固守。為國捐軀。脞垂淚覽之。可憫之至。已明降諭旨。褒卹至其屍身。據該兵丁等供稱。有兵丁翟鳳鳴移至上房安置。此時衙署被賊拆毀。慶祥屍身作何



下落務須於克復喀什噶爾時先行查明與  
觀回京其舒爾哈善即登額多隆武蘇倫保  
奕涓桂斌及各城被害官弁兵丁均著查明  
實在情形分別奏咨辦理祥雲保碩隆武帶  
領伊犁官兵行走遲緩據長齡查明實因冰  
嶺難行馬匹多有倒斃徒步背負衣履軍裝  
而行以致遲緩情尚可原祥雲保碩隆武俱  
著免其議處責令奮勉圖功以贖前愆其所  
帶甘州兵三千六百名前令副將胡超等先

行管帶前往究於何日到齊未據長清等奏  
及著長齡等查明該官兵行走有無遲延並  
將以後所到官兵每到齊一起即附奏一次  
以慰廑注武隆阿現因關外程站較大兼多  
戈壁不能兼程前進亦應加緊催趨不可遲  
滯總期早到一日得早一日商辦為要將此  
由六百里加緊諭知長齡楊遇春武隆阿並  
諭長清達凌阿知之○署河東河道總督嚴  
烺奏籌辦運河各工得旨所奏均悉現在西

路用兵軍需浩大一切河工斷不可緩者自  
宜隨時奏辦無誤漕行其中若有可緩者亦  
不可任聽屬員濫報總之可減則減可停則  
停慎勿動輒有另案工程也○青州副都統  
祿明因病休致賞食全俸以鑲白旗蒙古副  
都統富祥為青州副都統阿克蘇辦事大臣  
長清為鑲白旗蒙古副都統○以諸葛山東  
運河出力道員李恩繹等下部優敘○贈喀  
什噶爾殉難參贊大臣慶祥太子太保賞銀

一千兩治喪予祭葬卹廕諡壯直入祀昭忠  
祠○賞安徽乙酉科鄉試年老諸生方德溥  
副榜○修山東捕河加河兩廳屬開工從河  
道總督嚴烺請也○辛酉

上詣

大高殿

壽皇殿行禮○奉

皇太后還宮○命黑龍江副都統德海帶領官  
兵馳赴軍營賞銀一百兩並隨帶弁兵銀幣

○以辦理海運出力。山東道員嵩英。下部議敘。餘開復加銜升用有差。○壬戌諭內閣。諸王體制。原與內廷皇子不同。向來臣工。即有應行施禮之處。亦祇當屈一膝請安。與見內廷皇子長跪請安者。禮數秩然。嘉慶八年。欽奉

聖諭。煌煌原所以肅朝儀而昭體制。昨武英殿筆帖式定邦。稟揭採買板片。另立節省銀兩名目等弊。竟於所遞惇親王稟內。自稱奴才

字樣。較之長跪請安。尤乖體制。本應照禧恩等所議革職示儆。姑念伊採買板片。訊無偷減情弊。又將該司員等擅用節省銀兩。墊發各項情形。呈明查辦得實。定邦著革去筆帖式。賞給拜唐阿。仍留該處當差。○又諭武英殿行走內務府員外郎麟保。於採買板片。節省銀兩。並未呈明立案。率以彌補用項。及代買應賠書籍。濫行支用。實屬錯謬。麟保著撤回本衙門當差。仍交部嚴加議處。武英殿監

造光祿副監。造廣惠。委署主事。桃齡。六品庫掌。格圖。肯隨同商辦。任意開銷。俱著交部議處。兼行郎中廣敏。於麟保等濫行墊發。置若罔聞。意存推卸。亦著交部議處。惇親王自行查出。據實陳奏。並無不合。其自請議處之處。著加恩寬免。○又諭程祖洛。奏查閱營伍一摺。河南滑縣。考城。二營。因汛地緊要。新設營制。該將弁自當認真訓練。茲據該撫奏稱。詳加校閱。考城營兵丁弓箭鳥槍。應列一二等。

雜技亦皆趨捷。其滑縣營兵丁內。技勇超眾者甚少。自係該將弁等平日操演不勤所致。所有滑縣營都司劉學霖。把總王官慶。均著先行摘去頂帶。勒限操演。交該鎮再行查看。儻仍無起色。即着嚴參示懲。該部知道。○又諭程祖洛。奏。漕糧項下。應徵改麥。請暫徵收粟米一摺。本年豫省。惟南汝光等屬。麥收豐稔。其餘有漕之五十三州縣。因夏間被旱。二麥顆粒未能飽綻。民間存貯無多。若將粟米

赴遠道易穀倍費周章著照所請除應徵白  
麥仍於各州縣內徵收外所有本年漕糧項  
下應徵改麥三萬四千五百三十四石零並  
帶徵各年改麥一千一百六十八石零准其  
暫行改徵粟米運通交兌下年毋庸補運嗣  
後仍照常徵收麥石不得援以為例該部知  
道○署陝甘總督鄂山等覆奏籌辦軍需得  
旨所奏均悉汝二人係朕特簡之人朕亦深  
知汝二人公誠可靠是以授此重任務要和

衷共濟成此大勲一切出納實心經理斷不  
可存避嫌遠謗之心勉之○蠲緩兩淮富安  
安豐梁垛東臺何垛丁溪草堰劉莊伍祐新  
興廟灣中正板浦臨興十四場被水竈戶額  
課仍分別給賑○緩徵河南陳留杞睢安陽  
湯陰臨漳內黃新鄉輝縣獲嘉淇延津滑濬封  
邱考城武陟原武陽武淮寧蘭儀汲二十二  
州縣被旱村莊新舊額賦○癸亥月食○試  
中式武舉丁麟兆等五十一人於太和殿前

○蠲緩安徽五河鳳陽靈璧鳳臺懷遠宿旰  
旰天長全椒來安泗壽定遠無為和含山懷  
寧潛山廬江巢桐城當塗繁昌亳二十四州  
縣及屯坐各衛水災新舊額賦給五河鳳陽  
靈璧鳳臺懷遠宿旰天長八州縣暨屯坐  
各衛軍民一月口糧○撫恤琉球國遭風難  
夷如例

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百七

太清宣宗效天符運立中體正至文聖武智勇  
仁慈儉勤孝敬成皇帝實錄卷之一百八

蘇林總督奏題是日議起居注當太子大信體仁閣太子文淵閣開講事官等事

天府府事應帶知五級經十八次中補總督總督漢軍吏部尚書等事

七舍大臣等會同詳議等語如一級隨帶知六級功三級經十八次中補總督總督漢軍吏部尚書等事

內務府大臣等由鴻臚寺題請內六舍大臣等題請入行銀庫各款等事

畢其通解處事務應帶十八級臣等題請官總督漢軍吏部尚書等事

教修

道光六年丙戌十月甲子

實錄卷一百八

上詣

皇太后宮問安○諭內閣朕以兩淮鹽務敝壞已久曾煥前任兩淮運使十餘年又歷任巡撫藩司特命以二品頂帶補授鹽政期資整頓朕御極之初已將每年玉貢折價銀兩停其交納並免節年未報玉貢銀一百六十餘萬兩迨曾煥抵任後又奏請將商捐未解銀五百十四萬餘兩全行豁免其餘隨時奏請調劑無不加恩俞允原冀科則減少從

此認真清釐庶幾務日有起色且令久於其任俾得從容辦理乃曾煥在任四年有餘並未能設法整飭一味因循了事若稍有天良之人斷不至此此時任滿回京豈能復邀對

品錄用曾煥著以五品京堂候補以示薄懲

○諭軍機大臣等據琦善等奏減壩迤下正

河原擬挑深一丈有餘現因順黃壩上下河

身較前跌深估挑正河俱須一律加深確估

經費稍有加增而河底較前深通於河漕大

有裨益

總翼工用一歸撙節工程隨處認真

實錄卷一百八

等語此次開放減壩估挑正河不惜數百萬

帑金原為一勞永逸之計現自減壩開後順

黃壩上下河身既已跌深自應將減壩迤下

挑工普律加深庶將來挽復正河暢達東注

永收清水刷滌之益方不致帑項虛糜該督

等既知工用撙節隨處認真但不可因意存

節省或致工程稍有草率亦不可名為認真

仍滋工員浮冒積弊總須言行相符方為盡

心國事。所請工費三百八十萬兩。前據奏稱統計挑河築壩堵合口門及一切土埽各工共需此數。至何項工程估需若干。並未分晰聲明。此時雖不能得各工實用確數。當可約略估計。著將一切挑河築壩等工何項約需銀若干。分晰開單具奏。其增培大隄。前已飭發銀一百七十七萬餘兩。諭令遴派公正明幹道員專司其事。此時湖水雖已少落。正值西北風司令之時。保護尤關緊要。現派何員督辦。何日興工。尚未據該督等奏及兩年來種種費帑興工。病民累漕。皆因高堰石工不固所致。若此番增培大隄。再不能一律堅實。照常蓄洩。該督等自問當得何咎。現在淮揚及安東海沐一帶。皆成巨浸。小民蕩析離居。饑寒交迫。該督等能無蒿目傷心。不但昭關等壩亟宜堵合。即王營減壩亦不能日久開放。致下游田畝無涸復之日。再誤來年耕種。前經降旨飭將下河歸江歸海之路設法疏

通。若不急於疏治。無怪昭關等壩之不能速堵。至減壩堵合之期。原視正河挑竣之遲早。該督等一面速飭委員等疏治下河。堵閉開壩。一面督飭將正河挑工。剋期如式完竣。卽速將王營減壩堵合。黃流挽復故道。俾下游民田早日涸復。災黎早日復業。方為不負委任。將此諭令知之。○江蘇巡撫陶澍奏籌辦撫卹災民事宜。得旨。朕正深廛注。覽奏精詳周妥。朕心稍慰。務要隨時妥行督辦。勉副朕恫瘝在抱之心。有應奏者據實奏請可也。又奏。現在力疾辦公。一面調治。不敢稍萌諉卸。批為臣不易。朕豈不知。然朕用人之苦心。汝亦不可不諒也。無改前轍。佐臻上理。慎勉無懈。○准前任戶部尚書黃鉞致仕回籍。並賞食半俸。○以辦理海運出力。江南副將湯攀龍。關天培道員鄒錫淳。李湘蓀。下部議敘。賞安徽知府慶玉道銜。餘升賞有差。○旌表守正捐軀山西代州民宮連英妻劉氏。○

錫緩江蘇上元江寧句容江浦山陽阜寧清河安東鹽城高郵泰東臺江都甘泉興化寶應海沔陽沛邳溧水六合桃源儀徵銅山豐蕭陽山宿遷睢寧贛榆華亭泰賢上海南匯青浦川沙丹徒丹陽金壇溧陽太倉鎮洋嘉定四十四廳州縣並淮安大河徐州三衛被水軍民新舊額賦及各項銀米有差賑上元江寧句容江浦山陽阜寧清河安東鹽城高郵泰東臺江都甘泉興化寶應海沔陽十八州縣並淮安大河二衛被災軍民賞沛邳宿遷三州縣貧民一月口糧並撥藩關道庫銀一百四十五萬兩備賑○乙丑諭內閣軍機大臣會同兵部奏覆試中式武舉章程一摺舊例覆試停科下屆仍令覆試積至三次即行斥革固覺過重惟概免其再令覆試迨補行殿試時仍不合式轉致紛繁自應循照舊例量為變通仍令隨同新科武舉覆試寬其斥革之罰與以登進之階嗣後武鄉會試著

該考官悉心甄別除弓刀石三項皆係三號者不准合式外如有一二項頭二號者固為合式即有一項頭號二項二號並三項俱係二號者俱准合式仍以三項頭號為最優取中覆試時即照初次填註字號認真考校所有中式武舉覆試技勇不符及覆試合式殿試技勇不符罰令停科者下屆概令隨同新科武舉覆試積至三次覆試不能合式即將中式字樣註銷仍留武舉准其入營差操按照該武舉科分照例銓選其該武舉等初次覆試因何項不符罰科者下屆即覆試何項以歸簡易至取士必嚴初進各直省考試武童亦宜慎重遴選向來取進童生原有缺額勿濫之例乃近時每因人數不敷輒以技藝輟弱之人取充學額何以杜倖進而拔真材著通諭各省學政嗣後考試武童時務須一體嚴加選擇如人數不敷即行缺額毋得濫竽充數○又諭奕緒等奏請飭催永濟庫租

銀寶興奏請飭催籌備庫租銀各一摺直隸豐潤縣欠交永濟庫節年租銀一千三百十三兩零蘆州欠交永濟庫上年租銀五百三兩零三河縣欠交永濟庫上年租銀三十八兩零又豐潤縣欠交籌備庫節年租銀四百五十五兩零屢經嚴催並未解到實屬遲玩著直隸總督嚴飭該州縣將未完各租銀迅即如數解庫以備支用毋任再有延宕○又諭琦善等奏石工風掣各員歷次奏請懲處

參撤離任另委承辦本員反得置身事外且以候補各員接替轉恐貽誤要工等語此次王廷彥等五員已照所請准其各帶原參處分分別留任留工嗣後石工續有掣塌各員即著照此辦理勒限賠修儻有玩誤延緩查明加倍治罪該部知道○又諭陶澍奏申禁幫船加索津貼並酌擬調劑旗丁一摺向來兌漕州縣有津貼旗丁一項原為幫船領運漕糧沿途過關起剝等項之用近來積習相

沿幫丁輒藉口疲累託詞多索著該撫嚴行申禁如幫丁等於酌定津貼外輒行需索即從嚴究辦以儆刁風至漕委各員往往藉催重趲空為名任意添派員數太多難免婪索殊為幫丁之累各省軍船行走沿途催趲稽查辦理已屬嚴密何必增派多人徒加紛擾著楊懋恬查明漕船經過地方酌定章程派委員數分別重運回空開單奏明立案總期可省則省無得多派致滋擾累其幫船本有

例帶土宜該撫請量為加增自屬權宜調劑事尚可行惟攜帶過多恐船身笨重遲延於漕行不免有礙並著該署漕督體察情形每船除例帶石數外約可添帶若干覈定具奏一面通飭各幫照辦俟漕運照常丁力稍裕仍照舊例攜帶以符定制○又諭從前伊犁等處協領年滿後果能奮勉堪膺簡用或僅勝協領之任不堪簡用者均由該將軍等分別出具考語送部引見至各省駐防協領年

滿送部引見。亦應照此辦理。著交各省將軍、都統、副都統、嗣後各駐防協領、六年十二年期滿送部引見時，或堪膺簡用，或僅勝協領之任者，俱分別出具切實考語，一併咨部。不可稍涉瞻徇。如該協領等記名補用後，才力不及，不能勝任，或操守平常，並犯私罪，惟原保之人是問。決不寬貸。○諭軍機大臣等：琦善等覆奏現辦河漕災賑事宜一摺，覽奏均悉。此次開放減壩，屢經降旨垂詢挑河諸湖

及來年重運各事宜，據該督等疊次熟商奏辦，自必期於周妥。惟既有人條奏，不厭詳慎，是以發交該督等閱看。據奏現將長河積水設法疏通，一面將攔潮壩趕緊興築，日內涸灘露底，亟應切實估挑，插鉞趕辦。惟順黃壩上下河身較前跌深，自應將河底配平，一律加深，俾得挽復故道，暢達東注，不致如前淤墊。若挑挖仍不深通，致下游高仰，將來去路不暢，又生他患。不但錢糧盡屬虛糜，即本年

海州一帶，徒受淹浸之苦。該督等不惟不敢諒，亦不忍出此。所有挑辦工程，道里綿長，據奏現派公正道府分段查催，務須勒限完竣。挑工早竣一日，減壩即可早堵一日。下游亦早涸復一日，原期乘時興辦，次第蒞事，並非剋期催令即堵。轉將挑工草率了事也。海運既不可屢行，此時亦辦理不及。本年軍船現已全數渡黃，河北無船可撥。明年重運，該督等自能料理北來。現在清水既旺，與前年清

水全涸時不同。自以無令倒灌為妙。即使黃水少有闌入，清水足資蕩漾，漕船不致阻滯。惟堰埭大隄，必須增培堅實，務保無虞。其昭關等壩，亦宜趕緊堵合。仍遵前旨，將歸江歸海之路設法疏通，以備清水旺盛時疏通順暢。俾下游田廬不致屢被淹浸，糜帑病民。總之該督等於河漕應辦事宜，必須言行相符，盡心辦理，以副信任。其災賑事宜，昨經降旨加恩分別給賑蠲緩矣。將此諭令知之。○京



口副都統額勒經額因病休致。賞食全俸。以杭州協領穆朗阿為京口副都統。○丙寅。

上詣

時應宮拈香。○御紫光閣閱中式武舉馬步射。○諭內閣琦善奏儀徵縣北新洲等處文武衙署難照原議移改一摺。所奏是。江廣鹽船停泊儀徵縣老河頭係私販出沒之區。距該縣文武駐劄地方較遠。經前督臣奏准。將奇兵營遊擊及該縣之縣丞巡檢衙門移駐

北新洲等處。俾資巡緝彈壓。茲據該督勘明該處沙土鬆浮。江水時有漫淹。礙難移建。奇兵營遊擊原建衙署與相鹽洲近接。一經移建不免顧此失彼。著仍照舊章。停其移改。所有議改衙署之案該部即行註銷。至北新洲等處巡緝亦關緊要。著該督督營飭司妥議章程。酌派員弁兵役輪替嚴密巡守。即以該處之龍王廟作為駐緝公所。該部知道。○以吐魯番屯田豐收。予員弁議敘。賞兵丁一月。

鹽菜銀。○緩徵湖北江陵沔陽雲夢漢川天門京山鍾祥潛江應城枝江江夏黃岡荊門當陽漢陽孝感十六州縣暨屯坐各衛水災新舊正雜額賦。○丁卯。

上御箭亭閱中式武舉技勇。○御乾清宮引見中式武舉親定甲乙。○諭內閣福綿奏分路購辦駝隻擬由內地行走。前因軍營需用駝隻。今福綿於殺虎口歸化城等處如數購備。並酌由何地行走。迅速解送肅州應用。茲據奏現屆冬初駝隻分赴各路駁運商貨。請於歸化城一帶及通省各府州縣一體購覓。分派四處驗收。以四百隻為一運。由南北兩路解入陝境等語。現當軍需孔亟。此項駝隻著即分投購備。由陝境解送前往。所需駝價准其循照乾隆年間成案。每隻給銀二十二兩。務須一律臚壯。俟湊足一運。即作一運起解。並飭沿途妥為供支。無致疲瘦稽遲。前有旨令倫布多爾濟酌撥烏里雅蘇台存駝四千

隻並阿拉善王進駝一千隻此時當已迅速解往該省應購駝隻自可稍從節省著福綿迅即飛咨鄂山等通盤籌畫該省現在實需解送駝隻若干再定確數一面先行趕緊購解無稍遲誤○命前任湖南提督閻俊烈以原品休致○修熱河園庭內外牆垣從總管定祥請也○戊辰

上御太和殿傳臚賜中式武舉一甲李相清崔連魁丁麟兆三人武進士及第二甲張琴堂

等五人武進士出身三甲周自超等二十三  
人同武進士出身○諭內閣河工要務全在冬勘春修每年豫發歲料銀兩飭交工員乘時購備將料垛土牛堆積如式該河督向於霜清水落之後前往沿河詳驗以杜架空浮鬆之弊並將應辦春工周歷履勘悉心覈估一交春令次第興修剋期竣事再行親往驗收查明料物用存確數以備伏秋兩汛之需即遇有險工陡出備料足資應手是以鮮有

失事朕聞自嘉慶年間以來各河督等習於安逸往往不於霜降後逐段親詣勘驗以致工員等將虛貯花堆剋扣偷減諸弊視為固然甚或有估辦春工時輒以不應修而修轉將應修處所暗留為大汛搶險地步以便藉另案工程事起倉猝易滋侵冒著各該河督等於例屆冬勘及次年工竣時務須親歷河干詳加勘驗料垛必禁其虛鬆工程必期其堅實各宜不憚勤勞力除結習並嚴飭通工

員弁既不得藉公帑以肥私橐尤須懲奸胥而斥劣幕如有敢蹈前轍仍踵積弊者即當隨時嚴叅懲辦勿稍寬貸○諭軍機大臣等據英惠奏阿克蘇官兵到齊後每月需糧一萬五千石現有之車駝不敷運供暫雇民車添用總須口內調撥駝二萬隻如數協濟方能撥運無誤計運糧一萬五千石需用運費十餘萬兩加以各屬運糧到城腳價及人工在在需費前准解到銀二十萬兩除阿克蘇

調去五萬。實收銀十五萬兩。又於商民匯兌銀十一萬五千兩。共收到銀二十六萬五千兩。實不敷支發。所調駝隻。尚未接准咨覆。請撥之項。所到無幾。餘亦未准起解日期等語。烏魯木齊存糧充裕。自以全由該處運往庫車較便。惟距阿克蘇尚有三十餘站。需用駝隻甚多。前經降旨飭令鄂山等通盤籌畫。究須若干。方敷轉運。自己熟商妥議。前此楊遇春奏請打造車四千輛。該署督等奏於山陝

兩省採買駝隻。及阿拉善王所進。共有駝九千隻。此外烏里雅蘇台及伊犁兩處牧廠調撥駝隻。即或不能如數。總可量為協濟。現在英惠已運過糧二萬石。其折回駝腳亦可供間起運送之用。軍需以糧運為大宗。既須全由烏魯木齊供運。則口內轉運他項軍需。運腳無多。一俟兵差全數過竣。即可將他項駝載車輛。撥歸烏魯木齊添資應用。總之轉運往返。必須籌計撙節。亦不可遲延短絀。著鄂

山盧坤熟商覈算。烏魯木齊運往阿克蘇之糧。現供兵食者一月。存貯者一月。撥運在途者一月。周而復始。就近用駝若干隻。飛咨英惠照辦。一面速催山陝兩省將所買所進駝隻。即陸續起解趲行。以資應手。至烏魯木齊轉運兵糧。最關緊要。祇有鎮迪道湯鼎一人在彼。恐不足以資襄辦。並著鄂山等遴派明幹大員馳往。幫同該都統妥慎辦理。其張文浩朱錫爵二人。祇准幫辦文案。一切經手錢

糧之事。俱不准委用。再喀喇沙爾庫車二處糧臺。前經該署督等派委瑞慶趙宜暄二員分駐管理。恐或呼應不靈。著已哈布那彥寶果良額各於所管地界。督同籌辦。該二處如能備車駝若干。將烏魯木齊所運之糧。接運若干石。即可省烏魯木齊長運之駝。再回運後起糧石。如該二處糧可採買。雖價值稍昂。約計由該處運往阿克蘇運價較省。以節省運價之有餘。補採買價值之不足。自亦不相

上下著巴哈布等察看情形能否隨地購辦就近運往或祇可雇備車駝稍分轉運總期添車駝一具即省烏魯木齊長運車駝一具添運糧一石即省烏魯木齊運糧一石方為妥善前經英惠所謂餉銀該署督等當遵照前旨源源接濟無誤要需該都統亦當將阿克蘇應用糧石合計本月支食及存貯在營起運在途者共有三月之糧庶不致有誤兵糈而運腳亦少可節省各宜勉竭心力用副

委任懷之慎之將此由五百里各諭令知之  
○己巳

工諸

皇太后宮問安○御懋勤殿勾到奉天湖廣情實罪犯停決奉天斬犯三人絞犯二人湖廣斬犯三十五人絞犯十二人餘六十六人予勾○諭內閣本日勾到奉天省有宗室忠安一起因邵興柳不准在伊寓內賭博忠安輒帶領幅添才等持械前往將邵興柳拉至院

內用棍打傷又用小刀連戳並喝令持械亂毆斃命照例問擬絞候經宗人府呈進黃冊歸入情實實屬法無可貸惟念忠安究係宗支著交晉昌將該犯帶往伊祖父墳院內監視勒斃如該處並無該犯祖塋即著在獄中勒斃以為宗室免橫者戒○又諭鄂山奏提督現丁父憂甘肅提督齊慎久歷戎行素稱勇幹現已馳抵阿克蘇隨同長齡等勦辦逆回當軍務喫緊之時驟難更換齊慎受恩深

重亦必不肯以私情廢公遽請回籍著仍留軍營帶兵進剿無庸開缺俟軍務告竣再令回籍補行守制所有甘肅提督印務仍著特依順保署理○又諭鄂山奏請加增採買滿營兵糧一摺甘肅寧夏滿營歲需兵馬糧料向在寧夏寧朔二縣倉貯糧內估支如有不敷准其添派採買自行具奏茲據奏寧夏滿營應需道光七年兵糧共六萬五千二百四十餘石該二縣舊貯新徵之糧除支放及緩

徵外所存無幾。且係有閏之年。若照部定採買之數。實屬不敷。著照所請。所有該處滿營明歲兵糧。准其照數添買。以資兵食。仍俟該二縣倉貯充裕。再行遵照部定章程辦理。該部知道。○諭軍機大臣等。慶廉奏懲辦續獲逆匪一摺。所奏均悉。阿察他克地方。經慶廉分派祥雲保所帶官兵五百名。在該處紮營防守。近來伊勒都已無賊蹤。深慰廑注。其密差趙洲等。查拏逆匪十七名。訊係糾約迎投。

見賊匪遁竄。潛回之犯。業經於審明後正法。辦理甚屬妥協。至密探卡外二百餘里之愛。受曼布魯特。俱各安靜遊牧。並經慶廉勤懇化導。布魯特比庫圖魯克。噶爾察等。均知義憤。請帶領本部落布魯特出卡打仗。深堪嘉獎。慶廉當諭以現在大兵雲集。爾等將卡隘把守。遠近巡探。如拏獲尋常奸細。自當加以賞賚。儻能拏獲滋事大頭目。必當奏聞。大皇帝優加封賞。萬一大兵由草地行走。經過布

魯特遊牧。俱各安堵無恐。如此剴切曉諭。務令該布魯特等實心恭順。為我藩籬。慶廉仍當督率官兵嚴密防守。安撫回眾。以副委任。其另摺奏為什備差馬二百匹。現經被搶。及在都齊特陣歿之馬。除撥補廠牧官馬五十匹外。尚虧馬一百零二匹。請趕緊採買。著准其動用庫存經費銀兩。照例價買補拴槽餵養。俟凱撤後。仍照常牧放。將此由五百里諭令知之。○署伊犁將軍德英阿奏。採演兵

丁。並嚴查屯田回子。得旨。所奏均悉。務要隨時認真操練。必期有勇知方。不可徒充兵額。盡是無用之人。懍之勉之。至稽查奸細。撫馭回眾。尤現時之急務。斷不可或有疏忽。不受之處。一力勉之。以副委任。○添備直隸永定河工。稽料二百二十萬束。從總督那彥成請也。○庚午。

上奉

皇太后幸瀛臺進膳。○御乾清門聽政。○諭內

閩嵩孚等奏遵議巡緝洞庭湖面章程一摺。湖南洞庭湖為黔粵江漢通衢。全在地方文武員弁實力巡查。可期宵小斂跡。前據御史賀熙齡奏請仍復舊規。委員巡緝。當經降旨令該督等查明具奏。茲據奏稱。湖面遼闊。委員勢難周徧。且恐地方各官恃有委員稽查。轉致觀望懈弛。著照所議。按照界址。責成瀕湖州縣營汛。各於所轄段內督率兵役認真巡緝。訂期會哨。無分畛域。互相堵拏。不得委卸。其能緝獲鄰境賊盜。按罪名輕重分別記功議敘。境內遇有竊劫之案。不能立時捕獲。照例叅處。稍有諱匿。嚴叅懲辦。並飭洞庭營水師遊擊。岳州營水師守備。常川梭織巡查督緝。該督等隨時遴委幹員前往密加訪察。仍當督飭該文武員弁認真奉行。毋得有名無實。以致日久生懈。徒成具文。○又諭康紹鏞奏兩淮運庫欠解匯費銀兩。請飭催解還一摺。兩淮運庫欠解湖南鹽道庫匯費銀兩。

及先後酌撥漢岸各商應解繳銀兩。屢經該省催提。未據解繳。現在該道庫借撥司庫銀兩。無款歸還。其酌減公費一款。亦無項移解。且一切養廉膏火飯食等項。皆應按期支給。需用甚殷。著兩淮鹽政速飭該運司將應解湖南省道光五十六年正帶匯費共銀一十七萬二千七百六十一兩零。如數動撥。派員趕緊解往。如本款無銀。著由運庫籌款先行撥解。以供支發。並著該鹽政飭令漢岸各商。

將已撥未解銀七萬一千餘兩。即行解還。無得遲緩。其奏展歷年應解匯費銀三十萬五千餘兩。及以後每年額解匯費。均須按年起解。毋許再有延宕。該部知道。○又諭伊里布奏叅承運粵銅遲延之知縣。請摘去頂帶。勒限運交。並將後任運到次年銅斤。先行撥發一摺。滇省應運道光四年分粵銅。除蒙自縣金釵廠已照數辦運交收。其易門縣萬寶廠應解正耗餘銅一十萬七千三百斤零。委員

李耀瑚承辦。遲至年餘。尚未運交清款。殊屬延玩。易門縣解任知縣李耀瑚著先行摘去頂帶。勒限本年十一月。將銅斤全數運粵交兌。儘仍逾限未交。即著嚴叅懲辦。至粵省派員接運四年銅斤。已抵該省。未便令其久候。著將萬寶廠續運到五年分粵銅。先行撥作四年之項。併同金釵廠運存四年銅斤。交該委員領運回粵。俟李耀瑚將誤運之銅運到。即撥還五年之款。免致有誤。鼓鑄該部知道。

○諭軍機大臣等。福綿奏各屬已辦駝一千餘隻。先撥駝一千隻。解往肅州。其餘駝隻。仍飭上緊購備一摺。現由烏魯木齊轉運糧石。需用駝隻甚多。即將各處所調所買所進駝隻。全數解往。尚恐不敷輪轉。此時阿克蘇大兵雲集。兵糈至為緊要。烏里雅蘇台相距遙遠。恐不能如期速解。且該牧廠孳生駝隻。未必盡皆臆壯。若解不足數。則輾轉又延時日。著福綿仍遵前旨。一面飭屬趕緊購備。分起

解往。一面咨商鄂山等。俟其通盤籌計。究竟需駝若干。再定確數。勿得觀望。致滋延誤。將此由五百里諭令知之。○除直隸廣昌縣永衝沙壓地二十六頃二十二畝有奇額賦。○辛未。皇次子奕綱生。○諭內閣。嵩孚奏。降補守備許告副將。請分別革職。解任審辦。此案守備孟毓柏。於甄別降補之後。輒將原管上司屢次稟許。希圖扶制。著即革職。黃州協副將王世平。既被稟許。事涉營私。著一併解任。

交該督提同人。證稟公審。訊務得確情。按律定擬具奏。尋奏孟毓柏扣留馬乾。那墊公用。被劾後。懷疑許告。照例擬流。王世平。雖訊無得受兵丁朋幫銀兩。惟於孟毓柏扣留馬乾。毫無覺察。應請交部議處。下部議從之。○又諭鄂山等。奏請將緝捕懈弛之員弁。分別摘去頂帶降補。並豫籌防河事宜一摺。青海竄罕托洛亥地方。安設官兵。防範野番偷渡。巡緝自應認真。該駐防副將萬彪等於賊番偷

渡五次並未全行具報又不實力緝捕實屬疏玩副將萬彪都司胡繼勳守備白玉俱著摘去頂帶仍留防所偵緝逸番以觀後效如始終懈弛即著據實嚴叅把總金祿包士魁防守疏懈俱著降補外委留營效力萬彪現屆換班之期難資得力著准其以永安營遊擊馬鳴謙前往更換所有逃回河南賊番即選派員弁密訪並禁絕各該族糧茶勒令緝捕全數弋獲懲治該部知道諭軍機大臣

等巴哈布奏行抵庫爾勒地方接准長齡咨調將土爾扈特等官兵撤回遊牧迅赴阿克蘇大營聽候分派帶兵進剿現回喀喇沙爾飭土爾扈特和碩特兵丁各歸遊牧即起程馳赴大營等語前據巴哈布奏請仍赴軍營當經降旨以該大臣所屬庫爾勒布古爾兩回城須鎮靜撫綏並照料過境軍火糧餉不必身在行間該將軍即因巴哈布曾經行陣調赴軍營自應奏明候旨此時巴哈布業經

起程若再令回任轉致僕僕道途巴哈布著准其調赴軍營聽候長齡差遣所有喀喇沙爾辦事大臣印務仍著常格署理嗣後各處實缺人員該將軍有必須調派者總須一面奏聞一面札調將此由四百里諭知長齡並諭巴哈布知之○以緝捕奮勉賞番子頭目藍翎千總孫起鳳五品頂帶七品額外番子頭目張文興以把總用○壬申諭軍機大臣等徐忻奏雇備健駝四千隻附載局錢軍裝

等項解赴肅州濟用一摺現由烏魯木齊轉運軍糧所需駝隻甚多該署撫既於陝省雇駝四千隻自較發價採買更覺省便辦理甚為得宜惟各駝內附載軍裝等項是否祇解肅州抑徑解阿克蘇其按日照例給予雇價口內應發若干口外應發若干自己酌定將來陸續附載局錢軍裝交卸後是否即可隨時迅解烏魯木齊以備轉運糧石之用該署撫即一面覆奏一面飛咨鄂山等令其將各



項應需馱載。籌計盈絀。妥為應付可也。將此由五百里諭令知之。○癸酉。

上詣

時應宮拈香。○奉

皇太后幸養心殿進膳。○諭內閣長齡奏。齊慎丁憂。請給假七日成服。假滿即馳赴阿克蘇聽候調遣等語。前已降旨該提督毋庸開缺。俟軍務告竣。今其回籍補行守制。齊慎急公圖效。著加恩賞銀二百兩。令程祖洛由河南

藩庫提取。委員齎交該提督家中。以為治喪之費。並著長齡傳旨嘉獎。該部知道。○又諭長清奏設局籌辦軍需。並添備臺馬。鼓鑄錢文一摺。阿克蘇為回疆總匯之區。現在調集滿漢官兵三萬數千員名。需用糧餉軍火等項。收支運供。均關緊要。經長清於九月二十日設立總局。以期無誤。軍需自應如此辦理。所有該處東路接壤庫車。向設軍臺八處。准其每臺添馬三十匹。北路接壤伊犁。向設軍

臺六處。准其每臺添馬二十匹。共採買馬三百六十匹。分撥各臺應用。每馬一匹。冬春二季。准日給草十斤。料三倉升。事竣覈實報銷。夏秋二季。仍隨地牧放。俟大功告竣。即行裁撤。前有旨令德英阿等招商開採銅斤。加卯鼓鑄普爾錢。運往回疆行使。自己遵旨妥辦。茲長清因阿克蘇大兵雲集。錢價較昂。將本年秋季分現存採就銅斤。於九月二十五日開局鼓鑄普爾錢一千三百三十串零。亦屬

因時制宜。著即趕緊辦理。仍一面委員於各路採買銅斤。添鑄鼓鑄。以期錢數充盈。帑項既可節省。市價亦當平減。於軍需實有裨益。該部知道。○諭軍機大臣等。長齡奏行抵阿克蘇日期。並經過回城安靜一摺。據稱逆回經官兵打散後。未敢再來阿克蘇窺伺。惟葉爾羌所屬之十二臺烏圖斯克滿並阿克蘇所屬柯爾坪。尚有賊匪遊奕。長齡現同提督楊芳將已到官兵分紮渾巴什河。先行勦辦。

零匪。俟陝甘官兵到齊。即當會商進剿等語。阿克蘇烏什一帶賊匪。久已搜捕殆盡。此時零匪。想不過曾經從逆逃回之人。責成各伯克訪緝。自不難於捕獲。亦不必過於探求。惟恐張逆探知。大兵雲集。接仗不利。即思竄逸卡外。辦理殊費周章。長齡當令伊薩克探聽張逆實在下落。設法哄騙羈留。毋令逸去。俟武隆阿到後。當定期先分兩路進兵。一由烏什草地潛赴喀什噶爾以截其後。一由樹窩

一路沙岡密林處以出其前。每一路約須精銳七八千人。派得力鎮將督帶。各分兩起前進。察探策應。會合堵剿。務令一鼓殲擒。免渠授首。斷不可先由正路進兵。致令張逆聞風竄逸。是為至要。所奏經過各回城回民叩迎並有感激流涕者。情形甚屬恭順。覽奏深慰其土爾扈特和碩特蒙古兵前在渾巴什河從剿。由兩旁抄出。搶上土坎。賊始退避。深堪嘉獎。貝子巴勒丹喇什。台吉烏爾圖納遜俱

著加恩賞給大緞二匹。飭常格由庫貯頒給。若無銅枝。並著加恩各賞戴花翎。其阿勒巴圖一千名。每兵加恩賞銀一兩。受傷兵二名。加恩各加賞銀四兩。並傳諭該蒙古在各要隘防守。無稍疏虞。巴哈布曾經行陣。前已有旨令其仍赴軍營聽候。長齡調遣矣。另摺奏張格爾勢窮力蹙。必思逃竄。官兵前剿後堵。亦藉布魯特之力。至汰劣克上年戕害巴彥巴圖。本由伊貪功妄殺所致。此次並未入卡

助逆。正可赦其前罪。許以自新。當諭以並非為現辦軍務。曲予赦原。上年伊眷屬無辜被害。此時大皇帝深鑒屈抑。若使巴彥巴圖尚在。必當從重治罪。該布魯特務將卡隘把守。如拏獲尋常逆犯。自當加以賞賚。儻能拏獲張逆。當奏聞大皇帝照賞格加以封賞。其卡外各布魯特。恐不能盡識漢字。告示長齡當遣通事回子到彼曉諭。如能擒渠一體封賞。儻敢縱逸。即係通賊。天戈所指。悔之無及。如

此剴切曉諭。務令各布魯特實心恭順。為我翦除兇惡。其糧餉事宜。仍遵前旨。令長清督率道員兼辦。現已設局妥為經理。又另片奏傳詢兵丁閔義巴蘭供稱。八月二十五日。喀什噶爾城陷。參贊大臣慶祥以下。悉皆盡節。慶祥嬰城固守。力竭殉難。前已降旨。加恩贈太子太保優卹。惟據閔義巴蘭供稱。有官兵三百餘人。被張逆翦辦脅降。又從城內擄出六七百人。可見該官兵等不盡死難。著長齡查明覆奏。以憑覈辦。並查明葉爾羌英吉沙爾和闐三城大臣下落。以便降旨賜卹。以慰忠魂。至從前喀什噶爾參贊大臣斌靜等。荒淫狂悖。及嘉慶二十五年。張格爾犯卡。敗竄。祇有十餘人逃出。斌靜留色普徵額。過中秋節。遲延不追。並上年巴彥巴圖魯貪功妄殺之案。朕已稔知。長齡務即遵照前旨。據實奏。斷不可如慶祥之查辦不實也。將此由六百里加緊諭令知之。○修浙江海鹽縣屬塘工。

從巡撫程含章請也。○免奉天在海漂失採買米一千一百二十石。甲戌。

上詣

皇太后宮問安。○御懋勤殿。勾到浙江江西安徽情實罪犯。停決浙江斬犯九人。江西斬犯二十人。絞犯二人。安徽斬犯十七人。絞犯一人。餘八十一人。予勾。○展八旗兵丁應扣借支銀限期兩月。○乙亥。諭內閣。福綿奏購備駝隻。除起解一千隻外。現在牧廠尚有四千

餘隻。請再解數千隻等語。甘肅現當轉運喫緊之際。所有山西牧養駝隻。著即分起迅速解往。以應急需。前經阿拉善王進駝一千隻。由鄂山等咨明迅解。復據徐忻籌雇健駝四千餘隻。陸續解往。本日復據福綿奏稱。除解去駝一千隻外。尚有牧廠四千餘隻。即令趕緊解往。通計現在起解之駝。共有一萬餘隻。較前此鄂山等請購駝數。已有贏餘。自可足敷轉運。著鄂山等通盤籌計。咨明該撫辦理。

○又諭百春等奏水腳扛價請展限裁減一摺。五閘水腳扛價。自道光四五兩年。係照三釐舊額支領。本年已屆限滿。應行裁減三毫。惟因海運及盤壩漕糧並銅鉛奉豆等項。一時雲集。兼有轉運北倉滯滯豫東粟麥各項。又催令軍船回空。加價添夫趕辦。若遽令裁減三毫。役力未免竭蹶。著照所請。自本年起。准其再展緩二年。照三釐舊額支領。俾紓役力。至道光八年。仍應裁減辦理。又另片奏書

吏丁沅隨辦海運。始終奮勉。請以從九品未入流歸部銓選等語。丁沅著俟役滿考職後。准其以應選之缺。咨部儘先選用。該部知道。○諭軍機大臣等。有人條奏武陟放淤。無益宣防。又淹田畝一摺。據稱外灘高於平地一丈有餘。所放清水不過二三尺。所餘積水累月無法疏消。現尚有深至數尺者。不但未種秋禾。即雨麥亦難播種等語。前據程祖洛會同嚴煥奏稱。武陟放淤。土埽各工業已照估

完竣。約計一二年方可內灘淤高。因河溜改向南趨。履勘各莊周圍皆水。請開順清溝。啓放宣洩。並將進黃倒溝攔堵。當經降旨。今年毋庸再放。即飭加高幫戢。免致灘水漫刷。至順清溝消水不暢。仍令於距河較近處。起為接挑。並展寬溝身。與內塘地面相平。原期秋深水落。宣洩無存。不致有妨播種。現既有人條奏。積水仍未消涸。耕種無望。此三十八村莊民食何賴。著程祖洛迅即督同河北道王

鳳生詳加履勘。該處被淹村莊是否尚未涸復。現已節交冬令。務飭令趕緊疏消。尚可資來春耕作。毋再遲延貽誤。其放淤工程。前據奏稱。於來年麥收後接辦。仍著該撫屆期察看溜勢情形。妥為經理。萬不可糜帑病民。未得宣防之益。徒受久淹之害也。將此諭令知之。○又諭福綿奏辦駝雜費。請動項給發。攤廉歸補一摺。晉省購備駝隻。除業經解往一千隻外。現在收養駝隻。已明降諭旨。令該撫

迅速分起解送矣。此次採辦駝隻。前經該撫奏明。每隻准給銀二十二兩。所需料豆。請照乾隆年間成案。每日支給五升。其餘應增兵丁盤費。及雇覓獸醫等項。俱照舊分別備辦。惟據稱現在正支駝價等項。覈計銀數已多。再加雜費。未免更糜帑項。並未將購買駝價。共動項若干。一切雜費。約計每項需銀若干。通共需用若干。詳細聲敘。甚屬含混。現在駝隻陸續解往。所有前項銀兩。著准其於耗羨內。撙節支用。事竣再行分別動項攤扣。仍著該撫將各款應需銀數。逐一分晰具奏。再降諭旨。將此諭令知之。○命嗣後考試王公子弟。應封宗室。准管理宗人府王公子弟一體揀選帶領引見。○以辦理海運出力直隸知府周壽齡。同知濮城下部議敘。餘升補有差。○丙子。諭內閣。御史王若閔奏被災給賑地方。請覈實散放一摺。直省州縣。偶遇偏災。一經該督撫奏到。無不立沛恩施。惟戶口有無

浮冒。錢糧有無。剋扣。務在積弊悉蠲。方冀實惠普被。若如該御史所奏。各州縣歷來被災查報戶口。及散給口糧。每多不實。其間吏役之侵吞。矜棍之包攬。地保之索冊費。無不相率效尤。即委員稽查。亦祇希圖贖項了事。甚至藩司書吏需索使費。與州縣關說剋扣。更有因災蠲緩地方。或將附近村莊一律緩徵。或仍令照常徵收者。往往不將應緩應徵村莊名目。詳晰載明。朦混催徵。而矜棍等又每將成熟村莊。指為災區。抗不輸納。積習相沿。亟應飭禁。該督撫查辦蠲緩賑卹。固難於奏牘內。將村莊戶口。瑣細列入。亦當於奏奉諭旨後。詳細出示曉諭。俾災黎咸得周知。著直省督撫等。遇有查辦災賑地方。除由藩司將所奉恩旨。刊發。謄黃徧行曉諭外。仍飭各州縣。將被災某村莊應賑戶口若干。某戶某名口。分別極貧。次貧。應給口糧若干。再行逐一詳明榜示。其不應給賑者。不得冒濫。如

須支放折色。或以銀易錢散放。亦須將每戶大口小口分別給銀若干。應照市價易給制錢若干之處。一併詳晰列入。其附近災區成熟村莊。或一律緩徵。或仍應完納。亦將某村莊應緩某村莊應徵。一體明白宣示。務使共見共聞。以杜侵漁影射積弊。用示朕軫恤民艱。諄諄訓誡至意。○又諭陳中孚奏交代未結案件。酌議立限清釐一摺。各州縣經手倉庫錢糧。應於交代時徹底盤查。遇有虧缺。即

應據實參奏。茲據該署撫奏山東交代各案。自勒限查辦以來。仍有五十三州縣。前後一百六任。頭緒紛繁。互相鞬轡。懇請設局省城。予限清釐。該省虧欠累累。前經節次清釐。自應逐案覈算。依限完結。何得復有清查名目。致滋延宕。仍蹈從前因循取巧陋習。其所請省城設局之處。著不准行。惟前後並非一任。必須按款釐剔。且行提咨查。有需時日。著准其展限一年。該署撫督同藩司遴委公正之

員。飭調前後各任案卷冊籍。逐一秉公稽覈。分別款目。勒限著追。照例懲辦。統於一年限內出結詳報。俾數完結。不得再有遲逾。復請展期。至續虧之案。隨時嚴參。務須依照正限辦理。毋許牽入舊虧。又生弊混。該部知道。○展緩山東平陰縣上年積欠漕糧。○丁丑

上詣

壽皇殿行禮。

關帝廟拈香。○諭內閣巡城御史寶瑛等奏

請將緝捕賞餘銀兩。添雇更夫一摺。京師前三門外。五方雜處。每屆冬令。竊匪尤易潛蹤。前准借項生息。為五城緝捕賞需。現除動用外。各有贏餘。著照該巡城御史等所請。准於賞捕贏餘項下。每年自十一月初一日起。至次年正月月底止。每城每月動支銀五十兩。由各城發交各該司坊官。雇覓更夫四五十名。分段擊柝巡更。著責成各任巡城科道等。每年督率司坊員役。慎重雇募。不得將來歷不

明之人充數轉生弊端務須輪班梭織認真稽查如有曠誤者即行嚴懲毋稍疏懈其動用銀數即歸入緝捕賞項案內按年報部覈銷並著都察院堂官不時查察俾收實效毋得日久玩生仍成具文徒滋糜費○添設直隸大名鎮中營遊擊一員守備一員千總二員把總三員經制外委三員額外外委六員馬步守兵六百九十一名裁天津鎮水師營參將一員守備一員千總二員把總三員外委六員水師兵四百九十一名順廣磁等營馬步守兵二百名從總督那彥成請也○予廣東巡洋淹斃參將杜茂達把總張蕭漢祭葬卹廕如例

大清宣宗效天符運立中體正至文聖武智勇仁慈儉勤孝敏成皇帝實錄卷之一百八

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百九

監修總裁官總纂官太子太傅禮部尚書王士禛副總裁官總纂官太子太傅禮部尚書王士禛

天府府尹著禮部尚書加五級記敘十八次臣曾國瑞總纂官總纂官太子太傅禮部尚書王士禛

七倉大臣稽察會同四庫館書務加一級記敘五十五次臣曾國瑞總纂官總纂官太子太傅禮部尚書王士禛

內務府大臣稽察會同四庫館書務加一級記敘五十五次臣曾國瑞總纂官總纂官太子太傅禮部尚書王士禛

醫院總辦著禮部尚書加八級記敘十八次臣曾國瑞總纂官總纂官太子太傅禮部尚書王士禛

教修

道光六年丙戌十一月戊寅朔諭內閣富俊

奏遵令流民搬移移設卡倫添立封堆一摺  
吉林為我朝根本重地所有潛住流民必應  
全行驅逐因恤其無業可歸前經降旨富俊  
妥議章程飭令依限遷徙茲據該將軍奏該  
流民陸續搬進卡倫以內分散居住共有六  
百餘戶尚有三百餘戶月內總可搬移淨盡  
惟額赫穆屯卡倫至黃溝卡倫相距六十餘  
里並無界限必須添立封堆移設卡倫俾資  
巡查周密著照所請准其於該兩卡倫之間

按地一里寬設八尺高大封堆一座並將白  
石砵卡倫改移於額赫穆黃溝兩卡倫適中  
之地改名三箇頂子卡倫該三處卡倫官兵  
常川安設三月一換時加嚴查上下班更替  
時各出具卡倫外並無一戶流民居住甘結  
以備稽覈該將軍飭令將未遷之三百餘戶  
務須勒限搬移不准容留一戶嗣後仍當隨  
時認真稽查斷不准再有民人潛往居住毋  
得日久玩忽仍蹈故轍致干重咎該部知道

○又諭富俊奏請移設卡倫稽查偷砍木植  
保護漫山一摺吉林黑龍江造船木植及八  
旗兵丁砍取房木燒柴向係以色勒薩木溪  
河為界惟該處地方遼闊山徑叢雜並未明  
立界址近來吉林八旗兵丁木票間有與木  
商私雇代砍以致遠赴漫山大林肆砍無忌  
實於產漫大有關礙著照所請即於通江之  
色勒薩木溪河沿江兩岸展寬地畝派員寬  
立封堆所有八旗砍取房木燒柴即在封堆



以內不准出封堆以外。該兵丁所領木票。毋得與木商私雇代砍。其吉林黑龍江造船應用大木。查明根件。發給官票。派員按數出界往砍。如有攜帶私木。即照例治罪。至所砍木植。由上江順流而下。不能陸運。江沿必須設立卡倫。以防奸民私運之弊。著將三岔嶺一處卡倫裁撤。移設於色勒薩木溪河江沿岸。其西岸即以原設輝法卡倫展立近江。互相稽察。官票木植。照驗放行。查有私運。即行拏獲治罪。木植入官。官兵記功獎賞。儻有賄放者。一經查出。即嚴參治罪。該將軍務當督飭所屬。隨時認真稽查。毋得有名無實。日久生懈。視為具文。○又諭富俊奏。吉林協領請給路票。欲赴京控告。該將軍各款。旋復自行認錯。求撤呈詞。一摺。吉林休致協領和綱額。所控富俊出示容留流民一款。據該將軍聲稱。係嘉慶二十一年烏拉總管申報。有流民潛住。當派員會同該總管翼長等。驅逐於封

堆以外。因委員等稟係空荒。未知興禁山相近。曾准居住。現查該流民自嘉慶元年以後陸續潛往等語。是該流民往霍蘭等處居住。並非專由富俊容留而起。現經該將軍據實查明。奏請驅逐。將來結案時。歷任將軍皆有應得處分。該協領何得妄控。又揀選主事。以不合例之驛站官忠福徇情擬正。聞有八旗人員赴京叩闕一款。此案忠福之例。准升補與否。尚須交部覈議。儻與例不符。即應議駁。並非一經揀選奏入。即得朦混邀允。且據該將軍飭令八旗協領等查明。並無欲行京控之人。出具切結。該協領亦不得藉詞妄控。惟所控該流民等。曾經同知設立保甲。收納地丁煙稅。不報升科一款。該將軍摺內所稱。亦未明晰。著據實明白回奏。至該協領和綱額。既以富俊種種不合。請給路票。赴京呈控。何以給領路票之時。又復認錯撤呈。起滅自由。實屬刁健。和綱額著即解交刑部。嚴審定擬。

具奏尋富俊覆奏吉林同知卡倫外並無設立保甲納糧丁戶至稅局所收煙稅係客商上稅註冊報銷並非於種煙民戶名下徵納稅課和緡額俟拏獲到日解交刑部收訊下部知之○移江西贛州府通判衙署駐贛縣大湖江地方從巡撫韓文綺請也○旌表守正捐軀直隸開州民李三保貴妻閻氏河南河內縣民邢步受妻張氏○己卯

上詣

皇太后宮問安○諭內閣予告戶部尚書黃鉞在內廷行走二十七年勤慎趨公克盡厥職前以精力頗衰籲請解退已俯允所請准其致仕回籍加恩在家支食半俸茲據奏擇定行期因念黃鉞年近八旬嚴寒就道朕心彌深廑注著加恩賞給人蔭八兩俾資調攝以昭優眷○浙江學政朱士彥奏陳感懼下忱得旨親當娛不當預政戒之○濬山東上河捕河運河加河四廳屬塘河長河淤淺工段

修蜀山湖碎石隄工從署河道總督嚴烺請也○庚辰諭內閣向來恭遇

園丘

祫祭

祈穀大祀太常寺執事人員屆期移取內務府貂褂三十四件以備襄事時服用祭畢仍行交還茲據松筠等奏現在執事等官計有五十餘員或服貂褂或穿補服未能畫一嗣後除該寺堂官應服貂褂外其餘執事官員俱

著一律穿用補服毋庸移取貂褂○又諭前據德英阿奏伊犁鎮屬守備員缺以千總羅玉祥等歷俸已過三年擬定正陪奏請補放當經降旨以羅玉祥升補茲據兵部查明羅玉祥歷俸僅止四年未經出兵例應扣滿六年請升不得援引出兵千總歷俸三年之例且伊犁營員例內亦無歷俸已滿三年准其升補之條羅玉祥著照部議不准升補守備仍令回千總本任德英阿未將該員歷俸未

滿年限之處聲明。違例奏請著交部照例議處。○諭軍機大臣等。松廷等奏接據廓爾喀國王稟稱。來年例貢屆期。所有該部落出產之物。就近覓辦。其部落中不能出產物件。業經差人前赴甲噶爾地方採辦等語。廓爾喀國王例進方物。自當皆係該部落所產。方符任土作貢之義。何以稱赴甲噶爾地方採辦。現查歷屆例貢時。該大臣具奏摺內。並未如此聲敘。松廷等何得據以入奏。來年既屆例貢之期。著傳諭該國王。准其照例專遣貢使赴京。該大臣等計算日期。令該貢使到藏派員護送起程。於明年封印前後到京。隨班瞻覲。至其例進貢物。止諭令該國王遵照向定章程備辦。不得藉詞增減。其所稟赴他處採辦一節。竟可置之不問也。將此諭令知之。○辛巳。上御懋勤殿。勾到江蘇山東山西情實罪犯。停

決江蘇斬犯十五人。絞犯四人。山東斬犯九人。絞犯六人。山西斬犯七人。絞犯五人。餘六十四人予勾。○諭內閣。前經降旨賞給斌良頭等侍衛。令其馳驛前往新疆。交長齡差遣。斌良於保定途次。撫拾理藩院所存遠年回子為奴檔案。繕摺交那彥成轉奏。當交軍機大臣將摺內指出理藩院書吏包安和等傳詢。據該書吏供稱。先與斌良途遇。將伊等喚至家中詢問。與斌良摺內情節。迥不相符。是以降旨令其回京。提該書吏等質對。茲據包安和供出。聽信伊弟包安泰之言。自赴斌良家中。面呈檔案。希圖提拔。該書吏等並非斌良管轄人役。乃以不干己事。妄生冀倖。實屬不安本分。且到案後。又復信口捏供。情尤狡詐。經刑部按一家共犯止坐尊長律。將包安和問擬枷號一箇月。滿日杖一百。革役。包安泰革退供事。並革去未入流。惟究係包安泰造意。包安泰著再加枷號一箇月。餘著照刑

部所擬完結。斌良於該書吏等將遠年檔案無故送看。不即斥退。又不於起程前據實奏明。途次具摺交那彥成附奏。殊屬不合。斌良毋庸再交部議。著以六部郎中降補。○又諭據李鴻賓等奏稱。進剿逆回。需費較繁。請將粵東藩庫封貯。及運庫鹽本項下。動支銀三十萬兩。解甘備用。於該督撫及司道知府養廉內分作十年勻扣歸款等語。各官額設養廉原以資辦公之用。若因邊陲偶有軍興。輒紛紛奏請攤扣。於用度未免支絀。且亦不成政體。所有該督等奏請動支銀兩解甘扣廉歸款之處。著不准行。○又諭李鴻賓等奏粵東洋鹽各商。請輸賞需銀兩一摺。該商等因軍需費用較多。懇請捐輸。尚屬急公。所有洋商公捐銀六十萬兩。鹽商公捐銀四十萬兩。俱著加恩賞收。交部照例議敘。所捐銀兩准其於藩運二庫先行借支。即委員解交甘省備用。俟繳完前捐東河要工銀兩後。分限十

年完繳歸款。該部知道。○諭軍機大臣等據恆敬奏籌備運糧車駝除雇用回子車輛外。雇覓商駝五千餘隻。商車一千餘輛。供送官兵過境。因吐魯番挽運北路兵糧不敷轉運。致將哈密車駝直送阿克蘇。現派回務章京圖勒炳阿攜銀前往。傳諭回目寬給雇價。購覓就近交托克遜辦理糧務。道湯鼎經收等語。前因烏魯木齊存糧充裕。節經降旨令將兵糧全由該處供運。計供兵食者一月。存貯者一月。撥運在途者一月。並諭巴哈布那彥寶果良額各於所管境界籌備車駝接運。如喀喇沙爾庫車等處糧可採買。就近運往阿克蘇。較為節省。此時軍糧全從北路轉運。並不經由哈密。該處所雇車輛駝隻。俟兵差過竣後。即可為北路轉運之用。現由阿拉善及陝西山西兩省陸續解送駝隻。不下一萬有餘。鄂山等接奉節次諭旨。自當通盤籌畫。如已足用。即據實奏明。以慰廑念。又恆敬另片

奏哈密給發支應事務較繁請將昌熾趙宜  
暄二員仍留幫辦等語現在昌熾改派阿克  
蘇趙宜暄改派喀喇沙爾該二處轉運供支  
刻下尤關緊要著即飭令該二員趕緊前往  
無庸留彼幫辦其吐魯番同知佛靈阿准其  
咨留哈密幫同通判志奎辦理如尚不敷調  
遣著咨明鄂山等添派妥員前往可也將此  
諭知鄂山盧坤並諭恆敬知之○以故蘇尼  
特多羅都楞郡王喇特納什第子布爾呢錫

哩襲爵○旌表守正捐軀湖北鍾祥縣民鄧  
科妻孫氏○壬午諭內閣倫布多爾濟等奏  
酌撥孳生駝隻並蒙古汗王公等請輸駝隻  
分起解往糧臺一摺前據戶部奏烏里雅蘇  
台孳生廠內可酌撥駝四千隻備用當飭倫  
布多爾濟等酌量撥解茲據奏廠存駝六千  
六百餘隻除調赴科布多運糧三百五十隻  
外現存駝內或係稚嫩或已帶駒僅揀選堪  
用者一千餘隻並據賽因諾顏扎薩克圖汗

兩部落汗王公扎薩克呼圖克圖台吉等先  
期請進駝三千隻倫布多爾濟進駝二百隻  
分起解往古城等語前調駝隻原為烏魯木  
齊轉運軍糧之用現將該署將軍及蒙古汗  
王公等所進駝三千二百隻加恩賞收著倫  
布多爾濟等即於孳生官駝內再擇臚壯者  
八百隻湊足前調四千隻之數分起速解古  
城交恩銘轉解烏魯木齊以應要需現有此  
項駝隻合計前此阿拉善及陝西山西兩省

陸續解送之駝已一萬四千有餘著鄂山盧  
坤遵照節次諭旨通盤籌畫究竟何時可以  
解齊期於應手數用而止應如何催解停調  
之處會同妥辦據實具奏○又諭扎薩克圖  
汗賽因諾顏兩部落汗王等因逆回滋事請  
公進駝三千隻倫布多爾濟請進駝二百隻  
誠悃可嘉著賞收倫布多爾濟著加恩賞給  
玉翎管一箇玉搬指一箇大緞四匹扎薩克  
圖汗賽因諾顏兩部落汗王貝勒貝子公扎

薩克台吉等。均著交理藩院分別議敘。額爾德尼班第達呼圖克圖齊旺扎布等。均著分別賞給緞匹。○又諭著傳知奏事官。如各省將軍督撫等。有因誕生皇子呈遞賀摺者。即行駁回。不准接收。○又諭嵩溥奏查訊縣令任意妄稟一案。請分別懲處等語。貴州銅仁縣知縣德恆。因審辦民婦張舒氏致死義媳張劉氏案內。稟計署藩司張經田等。任情故勘各款。當將該員解任。交該撫秉公質訊。茲

據該撫查究明確。將本案按例定擬。解任知縣德恆。以並無證據之言。肆行妄稟。今查明俱屬虛妄。德恆著即革職。署藩司事糧儲道張經田。接到德恆三稟。並不詳揭提問。僅飭銅仁府查覆。致德恆懷疑妄稟。張經田著交部議處。該部知道。○山西巡撫福綿奏。前准鄂山等來咨。辦解鐵鍋二千口。晉省存營生鑄鐵鍋。體質笨重。不利炊爨。不便攜帶。若俟造齊再解。恐致貽誤。查各營向有存貯銅鍋。

挑撥一千數百口。同已造熟鐵鍋解往。庶應急需。現值收駝候解。擬每駝帶運四口。較為省便。各屬稟報買就駝隻。除前解甘省一千隻外。尚存廠四千餘隻。省廠所存駝六百隻。復加挑驗。分起先後解赴甘省。其餘朔州等三廠所收駝隻。現復飛催趕緊解廠。以便分運解往。報聞。○又奏。此次購辦駝隻。以解廠交收之日起支豆草。惟歸化綏遠二廳地處塞外。現當水涸草枯。勢難牧放。請照乾隆二

十三年成案。於買就之日。准支豆草。以期贍壯。下部知之。○以捐輸回疆軍需。賞道員伍元芝鹽運使銜。○甲申。

上詣

皇太后宮問安。遣官祭

先醫之神。○諭內閣。德英阿奏。易換哈薩克牲畜所需布匹。請暫由甘省採買布六萬匹。內分撥徑運塔爾巴哈台一萬匹。其餘五萬匹。運至伊犁。以備哈薩克貿易之用。又請將



伊犁錢鑪二座以一座鼓鑄制錢搭放兵餉以一座做照阿克蘇普爾錢模式鼓鑄運往回疆備用等語阿克蘇前因銅廠官兵赴城防守暫停鼓鑄嗣據長清奏大兵雲集錢價驟昂業經開局鑄錢並委員赴各路採買銅斤添鑪寬為趕鑄應否再由伊犁鼓鑄運往之處著一併交戶部速議具奏○諭軍機大臣等據琦善奏宣洩清水各壩河俱已堵合昭關壩亦於十月二十四日掛纜合龍時屆仲冬淮水並未歸槽湖水間日加長已至一丈六尺五寸是向例各開壩應齊開宣洩之候本年轉成堵合之時即堰圩大隄已加幫寬厚及現在趕辦之處究屬土工在常年尚可抵禦若以禦多蓄之水則風暴陡起仍難保必無汕壩近日上游徐屬黃河尚報長水臨黃之高家灣吳城七堡均又清黃相平不能宣洩僅恃禦壩一路西風日起大局可危正副河臣欲宣洩則各壩俱經堵合思他籌

又別無去路深恐坐待貽誤等語本年啓放王營減壩係琦善等三人公同熟商定議朕不惜帑金不為遙制悉照該督等所議辦理原為減黃洩清俾河湖運道漸復舊規始為湖水異漲過早大啓各壩宣洩迨各壩宣洩不暢趕開減壩以為啓放禦壩宣洩湖漲之計前據該督等奏自開減壩後黃水低落六尺五寸清高於黃一尺有餘何以當茲隆冬水弱之時臨黃之高家灣吳城七堡輒又清黃相平是此時黃水自減壩建瓴下注又值水涸之時尚不能大加減落轉瞬春漲經臨勢必又成倒灌此番作為均歸無益前此大啓開壩淹及下游田廬甚廣蠲賑兼施朕尚以該督等為保護湖隄權及利害之輕重辦理不加深責然若設法早為疏消何至今淮揚各屬久在巨浸之中即前降諭旨催令堵閉開壩亦因災民蕩析離居冀使涸復早得歸業該督等如以一二處開壩尚應緩堵即

當據實奏聞。乃既經堵合。又謂宣洩無路。深恐貽誤。豈將來事機不利。即可以此奏為卸責地步耶。現在攔黃壩下挑工。已有若干。若挑竣後。不能先引清水刷滌。將來挽復故道。以人力之挑挖。豈能抵黃流之淤墊。為時無幾。又將梗阻如故。豈非以數百萬帑金。付之一擲。該督等自問當得何咎。總之經此次興舉大工之後。黃水務期其暢達。湖豬務保其安恬。漕運務使其順利。儻一經債事。致運道

再有阻滯。惟該督等是問。此外無可再論矣。懍之慎之。將此由四百里諭令知之。○又諭據武隆阿奏。於十月十八日行抵哈密。各路官兵陸續接踵前進。現距阿克蘇尚有三百四十餘里。若帶同官兵行走。長途車馬不能迅速。先於侍衛官兵內擇其馬力結實者。帶領兼程遄發。其餘官兵派員照料催趲。隨進等語。本日據長清奏。長齡楊遇春先後已到阿克蘇。武隆阿兼程遄發。計期本月中旬亦

可行抵該處。可嘉之至。各路官兵計亦陸續到齊。進兵之期朕固不為遙制。長齡等當體察情形。隨宜進發。不可坐失事機。如張逆仍住喀什噶爾。偵探明確。即當速圖進取。揚言官兵駐守阿克蘇烏什。以懈賊心。先分奇兵兩路。一由烏什巴什雅哈瑪卡倫外草地潛赴喀什噶爾。一由巴爾楚克軍臺向樹窩子一路潛進。每一路酌帶精銳七八千人。派得力鎮將督領各分兩起銜枚潛發。武隆阿熟

悉回疆形勢。統領奇兵至喀什噶爾堵截。斷其歸路。長齡等再統率大兵由軍臺正路前進。察探策應。會合攻勦。務期一鼓殲擒。巨魁授首。並剴切曉諭各部部落。布魯特誠心恭順。把守卡隘。儻能擒渠生獻。為我翦除兇慝。必當奏明大皇帝。照依賞格。加以封賞。該將軍等總當熟籌妥計。毋任張逆潛蹤逃竄。仍當互相偵探。不可稍為輕視。並嚴防後路抄襲。樹窩埋伏之賊。至後路糧餉。自當跟接轉運。



渾巴什河以南軍臺被賊焚燬。該將軍等自  
已籌議修復。奇兵經行之路。向無軍臺。進兵  
之後。有傳遞文報。運貯糧餉等事。亦當密為  
豫行籌備。毋致臨事周章。再前經降旨。德英  
阿挑選伊犁各城得力官兵三千名。豫備調  
遣。本日據德英阿奏稱。兩滿營挑選兵一千  
一百名。錫伯等四部落挑選兵九百名。俟長  
齡札調飭令起程。阿克蘇與伊犁連界徵調  
較易。惟伊犁為新疆總匯重地。應須多兵駐  
守。著長齡等通盤籌計。所有伊犁豫備兵二  
千名。約可無須調往。長齡即札知德英阿。停  
其調遣。俾資彈壓。仍附便奏聞。將此由六百  
里加緊諭令知之。○護陝西巡撫徐炘奏。陝  
省雇覓駝隻較便。若採買轉致遲延。是以雇  
備四千隻。解交甘肅交卸。再由肅州分撥前  
進。其雇用價值。議定閒住每日給予銀三錢。  
放空行走。每日給銀四錢。負重每日給銀五  
錢。蘭州以西閒住與放空。均日給銀三錢。如

有疲瘦倒斃。均隨時刪減。扣除報聞。○署伊  
犁將軍德英阿覆奏稽查哈薩克情形。得旨。  
所奏俱悉。當時要務。惟有認真操練本部兵  
馬。稽查外來奸匪。慎勉而行。以副委任。○阿  
克蘇辦事大臣長清奏。謝賞戴花翎。得旨。太  
兵進發之後。阿克蘇乃後路最要之地。供輸  
糧餉。撫馭本城回眾。稽查外來奸細。在在均  
關緊要。尤當加意防守。不可稍忽。勉之慎之。  
○以故輔國公敬敏子碩慶。降襲三等鎮國  
將軍。○准三等侍衛德祥。隨營出征。○旌表  
守正捐軀山西絳州民趙全盛妻丁氏。○乙  
酉諭內閣。長齡等奏撤回不諧夷情之烏什  
辦事大臣。並委員接辦一摺。慶廉於七月間  
因回子失去馬匹。將布魯特比噶爾察庫圖  
魯克傳到。革去翎頂。圍禁數日。嗣尋獲馬匹。  
始行釋放。辦理已屬錯謬。此次又令阿奇木  
伯克木薩。催逼庫圖魯克來城。致該布魯特  
比心存疑懼。不敢前來。並將木薩砍傷。慶廉

辦理不善。咎無可辭。現又患病。慶廉不勝辦事大臣之任。著即撤回。交部議處。念其數月以來。籌辦防守等事。尚為出力。仍令前赴大營。交長齡等差遣。以觀後效。多責著署理烏什辦事大臣。會同祥雲保辦理一切。並著伊犁協領扎克桑。阿前往幫辦。○又諭陶澍奏籌補災缺兵糧一摺。江寧各屬。每年編解司倉漕屯等米。攸關旗營月支兵糧。據該撫查明六合縣應解道光五年分省倉屯米二千九百五十四石零。因災緩缺。自應按數籌補。著照所請。准其將該縣徵完應行還漕搭運各年緩帶米二千七百九十石零。就近按數撥解。其不敷米二百四十四石零。即於帶徵各年災緩米內徵足解倉。仍俟徵完道光五年災緩屯米。按數還漕搭運。以歸原款。該部知道。○又諭博啓圖奏覆查臺站接遞夾板遲誤情形一摺。前因烏里雅蘇台將軍夾板一付接遞遲誤。經和世泰將臺站各員全行叅

辦。不足以昭平允。當降旨交新任都統博啓圖查明具奏。茲據奏張家口管站部員鄂克敦布查報時辰與該臺前次冊報相符。惟賽爾烏蘇管站部員祿昌呈報該屬第二十四臺接遞遲誤。與前報印冊迥異。緣該蒙古等不諳時刻。向係約計造報。且遇有五六百里摺報。仍照常遞送。月報印冊亦難憑信。總由該管站部員及專管之札蘭等平日不能剴切曉諭所致。鄂克敦布雖係自行檢舉。究有不合。著交部察議。祿昌近駐臺站。不惟平日未能曉諭明白。且於上站遲延之處。又未能查出詳報。實屬率忽。著交部議處。其專管之札蘭那旺車凌瑪呢巴拉棍札布札米彥等既失查各臺遲誤。又復約計造報。亦有不合。均著交部議處。其餘各臺章京兵丁著分別重責。仍著該都統嚴行曉諭。嗣後各軍臺弁兵接遞一切公文。並馬遞限行五六百里摺報。務令隨到隨送。分別緩急。依限馳遞。並填

註收發時刻。由該管站部員等將各臺接遞過文報時日。隨時呈報該都統查覈。毋致再有遲延。○諭軍機大臣等。長齡等奏查覆節次奉到諭旨。並現辦情形。覽奏俱悉。前屢經降旨。令長齡等體察進兵機宜。酌分正奇。數路前進。務期巨懸授首。並曉諭各布魯特把守卡隘。設法擒渠。茲據稱現到官兵一萬三千餘名。除分撥庫車。烏什外。其餘分劄渾巴什。河南北洋。阿里克等處。現因柯爾坪尚有竄回零匪。須先行搜捕淨盡。挑派官兵三千六百餘名。令提督楊芳率同將備等前往該處。為將來進兵後路。且附近阿克蘇。自應迅就肅清。此時自己嚴事回營。不可深入。現在祇須揚言官兵駐守阿克蘇。烏什。但期防守各城。且不進剿。斷勿將兵行路徑。及出師日期。令賊知覺。致伊設法攔截。或聞風遠遁。誤失機宜。是為至要。至慶廉在烏什辦理不善。已明降諭旨。撤任交部議處。並交長齡等差

遣以觀後效。所有烏什辦事大臣員缺。即令多貴署理。會同祥雲保。於巴什雅哈瑪卡倫分紮。以壯軍威。其實給噶爾察四品頂帶元寶。並令曉諭一切事宜。俱著照所奏辦理。該將軍等總當令各布魯特傾心效順。為我出力。藉收以夷制夷之效。長齡甫到阿克蘇。即能將慶廉查參。所有斌靜巴彥巴圖從前應行參劾之處。自必能查明據實具奏。不少回護。邊外天氣。亟寒。朕心實深廋念。特賞給長齡黃裏貂尾馬褂一件。楊遇春羔皮裏貂皮馬褂一件。武隆阿藍裏貂皮馬褂一件。並各賞獺皮戰裙一條。以昭眷注。將此由六百里加緊諭令知之。○大學士揚威將軍長齡奏。據慶廉信稱。罕獲布魯特三名。訊係奇里克愛曼布魯特。比托依莫特。愛散克勒。底部落。下人。隨差筆帖式興緒等前往察看。旋據回稱。托依莫特言語舉動驕慢。其心叵測。請再撥官兵一千名。以防要路。臣隨札令差送來

營面加詢問。據供來時聞有張格爾差來三人糾約伊等頭目並未應許幫助。如未回去情願拏獻。臣思該比向稱恭順去歲巴彥巴圖骨殖即係該比弟兄帶領我獲而愛散克勒底本年又復拏獲附從張逆布魯特頭目奇比勒迪邁瑪呼畢霍卓巴爾第等多名。今慶廉派員遠出查看未免心懷疑懼。臣當即譯寫回字諭帖嘉獎該比出力報效。刻下速將張逆差來三人拏解大營將來若能再將

張格爾擒獻定當奏明賞封王爵並賞銀十萬兩。令布庫阿依特克二人持回賞給布庫等銀牌布匹酌留滿畢特候信報聞。○以勦賊及備辦軍需出力賞土爾扈特貝子巴勒丹喇什和碩特頭等台吉烏爾圖納遜在乾清門行走烏魯木齊協領富盛阿二品頂帶副盟長公策伯克扎布土爾扈特管旗章京隴吉特花翎甲喇章京額爾德尼等藍翎餘加銜升用有差。○除直隸承德府南二道河

等處水衝民地四十一畝有奇額賦。○丙戌上御懋勤殿勾到直隸熱河河南情實罪犯停決直隸斬犯十四人絞犯四人熱河斬犯一人河南斬犯五人絞犯八人餘八十八人予勾。○庫車幫辦大臣果良額奏據參贊大臣楊遇春帶領官兵過境面商庫車地方緊要必須留兵防守隨即將帶來之肅州吐魯番等處官兵四百七十四員名派往沙雅爾駐劄並據咨稱庫車地方有通和聞捷境最為

緊要前經奏明以寧夏將軍格布舍帶領寧夏滿漢官兵一千一百名留駐防守尚需時日。茲又札飭署參將張作友等將督標蘭州城守各營官兵八百名帶領前往沙雅爾扼要地方協同前到官兵併力防守統俟寧夏官兵到日再行更替前赴大營臣當即遵照來咨飭令糧員支給該官兵鹽菜口糧迅速馳赴防守報聞。○旌表守正捐軀山西長治縣民趙魁榮妻王氏。○丁亥諭內閣本日那

彥成奏。查閱省標營伍。據稱馬兵騎射可觀。步箭弓六力八力不等。所奏尚為覈實。近來各省奏到閱伍情形。多填寫十力十二力弓。均不免綠營虛習。朕早覺其不實。如東三省官兵挽強命中者。不少。經朕目睹。未見有開十二力弓步射者。即間或有之。亦不過百中之一二。豈能比比皆然。嗣後各省將軍都統督撫提鎮等。隨時督率訓練。務期精熟。咸成勁旅。至弓力不拘六七八力。總以中多為上。

自能一律嫻熟。不在浮報工力。轉致有名無實也。將此通諭知之。○諭軍機大臣等。前據德英阿奏。伊犁需用布匹。請暫由甘省採買。並採辦銅斤。加鑄錢文各事宜。當交戶部覈議。茲據奏。伊犁所需布匹。現在各城不能應時交納。應准其由甘省購辦布六萬匹。內分撥徑運塔爾巴哈台一萬匹。其餘五萬匹。運至伊犁。以備哈薩克貿易之用。著交鄂山即查照部議辦理。惟回布一匹計長二丈。向來

購買牲畜。並官兵領用。每匹作價銀四錢。足敷袍料一件。現由內地採買。較之回布寬狹懸殊。若每匹仍止二丈。恐不敷用。事關外夷貿易。總須籌備周妥。斷不可草率從事。鄂山即查明所買布匹長短寬狹。是否相等。價值是否與四錢之數不致相懸。將來如何作價扣還歸款。並如何節省籌運之處。即一面詳查妥酌。覈定報部。毋致遲誤。並咨商德英阿辦理。至伊犁現存棉花一萬四千餘斤。自可暫緩籌辦。其鼓鑄錢文。既據該將軍奏明。伊犁山場現有銅苗。著派委妥員。俟春融後。招熟諳工商採辦。加卯鼓鑄。以期兵民均有裨益。將此由五百里各諭令知之。○追旌陝西藍屋縣嘉慶年間邪匪滋事殉難士民李培元等四千七百九十九名口如例。○戶部議准。浙江巡撫程含章疏報。象山江山開化松陽四縣開墾民田三十一頃九畝。有奇。照例升科。從之。○蠲緩盛京牛莊白旗堡小黑山。

遼陽等處被水地畝本年糧租○戊子諭內閣長齡等奏官兵將柯爾坪回莊逆賊勦洗淨盡一摺覽奏嘉悅阿克蘇官兵前將渾巴什河南岸賊匪勦殺淨盡該逆裔復派賊目帶領喀什噶爾葉爾羌賊匪並糾約柯爾坪南北兩莊從逆餘匪通計三千餘人恃險踞守並阻截大兵進剿之路該將軍等飭令楊芳督率官兵前往勦辦該逆匪抵死抗拒經楊芳分派將備兩路抄截賊勢洶湧副將胡超身先步戰斃賊數人眾力隨攻殺賊過半餘賊潰竄南莊復兩路夾擊追殺十餘里直至大郝紫爾卡倫以外將賊匪全數殲除並無一名免脫生擒活賊七十三名搜獲婦女五十四口於賊屍中據活賊認出賊目約勒達什伊瞞玉努斯熱依木托胡坦五名割取首級並奪獲槍矛腰刀撒袋鉛丸火藥及馬牛羊隻無算長齡楊遇春初到軍營即獲勝仗已視逆酋之魄此皆該將軍等韜略嫺熟

兵將一心督率有方所向克捷著賞給長齡四喜白玉搬指一箇嵌寶石小刀一把珊瑚豆大荷包一對小荷包兩箇楊遇春雙喜白玉翎管一箇珊瑚豆大荷包一對小荷包兩箇楊芳白玉翎管一箇白玉搬指一箇大荷包一對小荷包兩箇胡超火鏢一把小刀一把楊芳仍著交部議敘胡超著賞加總兵銜以示嘉獎其餘打仗出力人員業經該將軍等存記俟奏到再行加恩傷亡官兵咨部照例卹賞該部知道○又諭昨吏部帶領引見人員內原任甘肅蘭州道呂嘉言自降旨令其來京引見遲至六年之久始行赴部雖因患病回籍察其精力並非病體初痊本應照規避革職念尚無實在劣跡著降為通判休致○又諭戶部具題甘肅省報銷各屬供支本內有回目伯克入覲回巢字樣自係相沿書寫惟外藩皆有該遊牧部落可稱嗣後或稱遊牧或稱部落或稱該處不必沿用回巢



字樣。○諭軍機大臣等。長齡等奏官兵將柯爾坪回莊逆賊。勒洗淨盡。覽奏嘉悅。已明降諭旨。加恩矣。逆裔張格爾。因前此竄擾阿克蘇賊匪。被官兵痛加剿戮。復派賊目糾集賊匪。前來救應。並阻截大兵進剿之路。現經楊芳帶領將弁。分投勒捕。又復全數殲除。是官兵所向克捷。已褫逆酋之魄。惟恐該逆聞知。出戰不利。早作竄逸之計。不可不先事豫防。屢經降旨。分出奇兵。要其去路。此時自己將奇兵路徑。及後路糧餉。豫為妥籌。計算武隆阿於十一月二十前後。可抵阿克蘇。一俟該參贊到彼。即確探該逆盤踞何處。遴派得力將領。先帶奇兵。剋期進發。仍揚言大兵勒捕。渾巴什河等處賊匪。淨盡。暫行屯守阿克蘇。且不進兵。以懈賊眾之心。一切機宜。固當嚴密。不可為賊所覺。而奇兵進發。尤須嚴防埋伏之賊。抄截後路。此次楊芳。撻勒柯爾坪。即有賊匪潛襲其後。可知賊智詭譎。斷不可稍有。

涉大意。至防賊匪竄逸卡外。必須收服各布魯特。效順縛獻。方冀成功。迅速據該將軍等奏。已遵節次諭旨。譯寫回字諭帖。交噶爾察前往傳諭。復訪查能事。回子。再行持諭出卡。傳布。總須令外夷等心。知順逆利害。將來必照賞格。論功封賞。俟傳諭後。伊等若何回稟。即據實奏聞。以慰廑注。至安集延。現在助逆。恐即為張格爾連逃之藪。必須先為設法解散。不再容留。或能將該逆縛獻。更易得手。其叛逆伯克阿布都拉博巴克等。該將軍既以辦理賊情。不能不稍為權變。著即相機調度。惟當留心防範。斷不可墮其奸詐。亦不可令將來費手。方為妥善。現獲活賊甚多。務將喀什噶爾葉爾羌。和闐。英吉沙爾各城失守官兵被害情形。及張逆盤踞處所。賊眾多寡。並前飭查訪逆裔弟兄家世等事。訊問明確。具奏。再據奏將伊薩克所帶沙雅爾回兵三百名。令其撤回本處防守一節。現在伊薩克調

任阿克蘇阿奇木伯克。雖有該城回兵可帶。惟沙雅爾回兵。是其舊時訓練。如果素稱得力。令其酌留在彼。若無須留用。即飭撤回本處可也。將此由六百里加緊諭令知之。○以拏獲鄰境重犯。准山東知縣王懷曾送部引見。縣丞周書選。下部議敘。○己丑

上詣

皇太后宮問安。○御懋勤殿。勾到朝審情實罪犯。停決斬犯三人。絞犯五人。餘六人予勾。○

諭內閣。孫爾準奏。拏獲內山著名番割。並三灣械鬪匪徒。分別審辦一摺。此次臺灣民人械鬪。粵人中即有勾串番割。率令生番出山助鬪。經孫爾準派委將領入山搜捕。該匪等竄至後山。參將黃其漢等率領兵勇。攀藤附葛而上。該匪等帶同生番抗拒。官兵開槍格殺兇番七名。拏獲黃斗乃等多名。奪獲番刀鏢槍等件。並將內山番割寮舍拆毀。又購線拏獲黃武二等多名。並訊出黃斗乃殺斃鄧

曾氏母子三命。經該督將黃斗乃等二十一名。分別凌遲斬梟。實足彰國憲而快人心。此時山灣一帶。內山已無番割。所辦甚屬可嘉。孫爾準著賞加太子少保銜。並賞戴花翎。發去珊瑚豆雙鞭大荷包一對。小荷包二箇。以示嘉獎。該督將善後事宜。辦理全竣。即行內渡。其拏獲及投首林大蠻等三十五犯。經該督分別定擬。俱著交刑部覈議具奏。至被傷義勇徐庚三等三名。業經該督從優賞卹。其頭道溪地方。為生番出入總路。著照所請。於該處築砌石牆。在熟番中選撥健丁六十名。作為屯丁。並派屯弁駐大北埔防守。所有民墾荒埔。飭該地方官勘丈明白。酌科租穀。撥充屯丁口糧。以資守衛。其黃斗乃所開埔地五甲。即給屯弁耕種。照例免其納賦。各犯開種番地。著仍歸番管業。並著該管文武隨時稽察。沿山屯丁。責令認真防守。其生番貿易鹽茶煙布等物。倣嘉義縣阿里社之例。遴舉



安分能通番語之人充當正副通事並令番中曉事者充正副土目定期在隘口貿易如有奸民違禁入山勾番滋事立即嚴拏從重治罪此次在事各員深入內山拏獲要犯該督擇其尤為出力者保奏候朕施恩○庚寅聖祖仁皇帝忌辰遣官祭

景陵

上詣

壽皇殿行禮○諭內閣宗人府奏現屆恭修

玉牒之年宗支蕃衍篇頁每次遞增較從前多至一倍所有在館人員酌擬分別議敘一摺現在甫將開館應俟一年後全書依限告成如果辦理妥速准其循照乾隆三十一年以後節次書成量予從優議敘之例由該總裁等具奏請旨分別等第咨部覈議○諭軍機大臣等琦善等奏昭關壩堵閉合龍復啓仁禮兩河拆寬束禦兩壩宣洩情形及現辦減壩挑築事宜各摺覽奏俱悉各關壩既經堵

合高灘已露下河歸江歸海各路上無來源前此被淹地方自漸涸復避水災民漸次東歸無誤春耕雖因湖水有長無消復啓仁禮兩河宣洩高寶諸湖已漸次騰空足資容納減水由運河入江不致再淹下游州縣朕心稍寬慮注所需堵合各河壩銀四十萬兩准其於河庫存款內通那支發分別覈請歸款現在湖水尚旺風暴頻經該督等惟當將啓閉機宜隨時相機妥辦不可稍涉拘泥致有他虞亦不可宣洩過甚有誤明年刷黃濟運之用方為妥善若堰工稍有疏失責有攸歸豈得以陳奏目前水勢情形為將來立腳地步其增培大隄工程除已擇要先行趕辦外其餘各工一俟春融著即飭潘恭常幫同鄒錫淳專司督辦務期一律堅實足資捍衛至攔黃壩以下挑工尤為此時要務即飭總催道員嚴督在事人員照估興挑務期寬深如式固不可稍有草率然即能普律深通而無

清水刷滌。王營減壩一經堵閉。黃水挽歸正河。若仍復淤平。不能暢達東注。豈非以數百萬帑金。輕付洪流。彼時即將債事諸臣執法嚴懲。亦安有如許經費。供此漏卮。該督等當加慎。加勉。通盤籌計。虛心體察。務須實有裨益。無貽後患。勿謂言之不早也。將此由四百里諭令知之。○湖南巡撫康紹鏞奏。湖南應運二限通米。及糧船漂失漕米。請於本年碾運通米二萬石。交糧船灑帶。其餘分年遞緩搭運。允之。○旌表守正捐軀江蘇清河縣民王繩媳張氏。○蠲緩湖南醴陵。攸茶陵。衡山。澧。五州縣被水村莊新舊額賦。加賞醴陵。攸茶陵。三州縣災民一月口糧。給房屋修費。並修被水衝塌衙署倉庫。准應賠銀穀分限完交。○緩徵江西南昌吉水。新喻。三縣被水被旱村莊新舊額賦。○除浙江錢塘縣捐置義冢山地四十四畝有奇額賦。○辛卯諭內閣。本裕倉監督宗人府經歷宗室績蘭著革職。

交刑部會同宗人府提集人證。秉公嚴訊。該查倉御史戴鼎恆職司糾察。既經風聞該監督游蕩不謹。被人捆毆。即應據實劾參。乃遲延數日。始與倉場侍郎一同具奏。殊屬不合。戴鼎恆著交部議處。尋議上。得旨。戴鼎恆不勝御史之任。著仍回禮部以員外郎用。○壬辰。諭內閣。戶部奏直隸省清查交代續虧業內冊報什物作抵銀七十五萬餘兩。前於道光三年。議令嚴飭現任各員趕緊變價歸款。迄今三載有餘。未據催提報部。茲復有宣化屯糧案內流交作抵銀三萬五千餘兩。著直隸總督速將前項銀兩勒限一年內嚴催提解。司庫報部充餉。如限滿不解。即將現任州縣據實參辦。嗣後州縣交代。不准再有流交作抵名目。○又諭慶康在烏什辦事大臣任內。辦理回子失馬等事。均屬錯謬。經兵部議以降三級調用。實為咎所應得。念其防守數月以來。尚無貽誤。著加恩降為二等侍衛。○

諭軍機大臣等。據御史汪琳奏。淮揚一帶運河減洩之水。向由東隄各閘壩經下河各州縣境內。匯入串場河。分流注海。中間支汊雖多。而入海之路。祇有鹽城縣之新洋港。鬬龍港。東臺縣之王家港。泰州之小洋口。四處自乾隆年間設閘疏濬。數十年來。海口疏通。河流暢順。間遇湖漲宣洩。不過稍為浸溢。旋即退迨。迄今年月深遠。瀕海諸港口泥沙壅滯。今歲七月間。啟放昭關車邏等壩。減洩湖水。

宣宗實錄

卷一〇

現在將及半年。而下河各州縣地土未乾。田疇莫墾。百姓流離轉徙。且瀕海鹽場因場河積水未消。竈丁束手。請將注海各港口及時疏導。先由運庫籌款墊給。後歸運場各商按引派繳。商捐官辦等語。本年開放閘壩減水下注。淹及下河各州縣。昨據琦善等奏。昭關壩已經堵合。田畝漸次涸復。惟前此宣洩不暢。皆由入海港口淤塞所致。節經降旨。令該督等設法疏導。今該御史又為此奏。必應迅

速勘辦。俾民田場竈均為有益。著琦善先行遴派妥員。覈實估計。一面與張青選會同商酌。此項工程銀兩。是否可由運庫先行籌款墊發。將來歸運場各商按引派繳。其宣導事宜。務飭承辦之員。妥協經理。勿致徒糜工費。仍無實效也。將此諭知琦善。並傳諭張青選知之。○以江南糧價較昂。緩買江安蘇松各幫丁行月等米。

宣宗實錄

卷一〇

大清宣宗效天符運立中體正至文聖武智勇仁慈儉勤孝敏成皇帝實錄卷之一百九



上詣

皇太后宮問安。○諭內閣前據內務府查出庫存備賞銀令牌一千面。銀獎武牌二萬六千餘面。當交戶部查議具奏。茲據奏請齎發軍營作為賞需。著將銀令牌一千面。銀獎武牌二萬六千面。交兵部由驛遞交直隸總督委員迅速解交署陝甘總督轉解軍營。其令牌一項。係當五當十至當三十兩不等。專賞出力得功之官弁。該將軍參贊等刊刻執照。填

註該員姓名籍貫。鈐蓋印信。發給各該員。俟軍務完竣。准其按數領賞。東三省及京營官弁。由部庫繳銷牌照。各省駐防綠營官弁。由本省藩庫繳銷牌照。均即如數支領。仍將所繳執照令牌解部。以憑稽覈。至獎武牌一項。每面重三錢至九錢不等。專賞打仗出力之兵丁。按牌實發。毋庸另給執照。此係特恩加賞。該將軍等務當分別功績。秉公獎勵。毋濫毋遺。不得再行動款。致蹈隨營賞號陋習。至

同子布魯特等如有能效順立功之人。仍當酌賞銀兩。不必給予銀牌。再此項銀牌未經解到以前。該官弁兵丁等有應行論功計賞之處。亦准酌賞銀兩。總無得稍有冒濫。○乙未諭內閣我朝皇子皇孫。及近支宗室命各

自聖祖仁皇帝親見曾孫。以永字肇錫嘉名。迨我皇祖高宗純皇帝繼見曾元。慶衍五代。即依派系。以永綿奕載四字排序成文。按字開支。洵

足兆奕世雲仍之慶。此後宗支蕃衍。瓜瓞綿延。亦當光紹

前徽。豫摛吉語。以迓積祥。俾世世子孫引用勿替。著大學士軍機大臣公同撰擬十字。候朕酌定。其載字以下輩分即照現定衍派之字命名。我國家景祚延長。繩繩繼繼。遵茲令典。接續擬增億萬斯年。永承篤祐。○又諭我國家篤念懿親。惇睦宗族。自

太祖

太宗派系流傳譜列銀潢者文則增設曹司武則簡備環衛又復許應科舉通籍臺閣其間散者亦皆月支銀糧人給頂帶俾得榮邀章服優贍身家惟因世緒綿長宗支繁衍每以限於宗室體制額缺不得與覺羅人員同廣登進朕每宵旰籌思昨閱會典內稱凡

玉牒所載以

顯祖宣皇帝本支為宗室伯叔兄弟之支為覺羅是因派系之親疏以定支屬之等殺稽諸

歷代史冊所傳或以九族定尊卑或以五宗紀遠近甚至疏屬散處郡邑幾等編氓我朝誼重親親迥異前代現在派衍日蕃人才輩出與其限於體制多令賦閒曷若釐以等差俾廣進取況

祖

宗成憲具在區分宗室覺羅甚明敬當倣照釐定其自

太祖以下支分應以服屬幾世者為宗室幾世

者為覺羅之處著大學士九卿會同宗人府詳覈妥議以聞○又諭前因本年會試陝西舉人廖冲漢李正豔二名未經填寫親供解部降旨交該撫就近查詢聲覆茲據禮部奏查明該舉人等填寫親供遲誤雖出有因惟與原呈內親赴學政衙門填寫之語不符實係託詞掩飾舉人廖冲漢著自下科會試為始罰停三科本年中式貢士李正豔前已罰停殿試三科著再罰停殿試三科出結之刑

部郎中惠體廉著交部照例議處嗣後各省中式舉人均令親赴學政衙門填寫其親供內一律鈐蓋該學政印信無許書吏需索朦混○諭軍機大臣等前經降旨令總理糧餉大臣通盤籌畫各項支發銀數臺站有無添改裁併繪圖貼說具奏備奏銷時覈對茲據戶部議覆鄂山等會籌軍需章程逐款分晰開單呈覽朕詳加披閱其烏嚕木齊運送大營口糧運腳等項一款據戶部奏七月內英

惠曾奏撥銀二十萬兩。今兩次咨調一百萬兩。其前調二十萬兩。是否在内。著該署督等查明報部。所調銀兩。係備給運送大營糧餉。運腳及製辦繩袋等項之需。究竟應需若干。著鄂山等妥定章程具奏。其兵丁加增口糧銀兩一款。此次調派東三省官兵。經那彥成以官兵給銀五分。不敷食用。請每日給銀一錢。該署督等援照直督奏准成案。籠統請加並未分晰。著將東三省兵丁每日准加銀五

分。其各路兵丁。仍照定例支領鹽糧。毋稍糜費。其官兵馬匹出口籌給料草一款。現在戰馬二萬餘匹。已全行買運供支。其運費必倍從於兵糧。或於官兵行走時。將本營乾銀。就近官為採買。按臺豫備。似可節省運腳。其抵營以後。應如何撙節辦理。著鄂山等咨明長齡等。妥定章程具奏。並嚴飭各糧臺員弁。就近採買料草。以免多糜運腳。並將何處買備若干。運送若干。查明報部備查。其營馬缺額

買補備調一款。陝甘二省豫備軍營續調馬已有三千匹。此外調撥當亦無多。其甘州肅州安西各廠道光二年均齊案內共取駒馬二萬六千餘匹。孳生馬八千餘匹。以之補額。裕如。無需另買。著該署督等覈實辦理。其請撥陝西制錢一款。前經降旨准行。已據該護撫徐忻雇駝運往。其雇用車馬請給到站回空守候等價一款。雇車運送軍物。口內外雖有區別。但自一錢五分遞增四錢。而雇馬則

口內外均給三錢。又無區分。即以每百里給銀一錢五分覈算。運糧數十萬石。路經數千里。即需數百萬兩。該署督等既欲照例雇運。尚恐例價不敷。而守候回空一節。又係例外增添糜費。更無底止。該署督等議置官駝官車。應早置備。詳定章程。儻偶需添雇。仍應大加撙節。並著將運送軍火等項。隨時報部備查。其雇護臺民夫一款。從前辦理川楚賊匪。恐其擾及糧臺。是以添雇民夫。今大營後路

各糧臺均已酌駐官兵是否足資防護著鄂山等轉行咨明長齡等再行體察情形具奏其征兵給皮衣皮帽並豫備牛羊茶葉銀牌一款現據內務府廣儲司庫存令牌獎武牌昨經降旨轉解軍營備用其黑龍江等處官兵前經降旨每名賞給羊皮馬褂一件並諭長齡等滿漢兵丁應製禦寒之具又要奔馳便利亦應妥辦俾三軍咸資挾纘至實號名目本應遵照乾隆嘉慶年間歷奉

諭旨永遠革除念此次出征外域與內地不同是以前經降旨允准今已發去備賞銀牌其回子布魯特等如有效順立功之人仍准酌賞銀兩此外牛羊茶葉等賞項自可無需以防冒濫著鄂山等咨明長齡等妥酌辦理該署督等皆係朕所信任應用者固不可拘泥遲誤斷不可稍滋浮費也將此由五百里各諭令知之○以惇親王綿懃定親王奕紹為玉牒館總裁官大學士托津為督催官禮部右

侍郎裕恩署左侍郎白鎔內閣學士鍾昌張鱗為副總裁官○予故熱河都統慶惠祭葬如例賞銀三百兩治喪諡勤僖○丙申諭內閣長齡等奏訊明拏獲活賊供情一摺柯爾坪南北回莊屯聚賊匪前經楊芳帶領官兵勒洗淨盡臨陣殲斃賊目玉努斯阿渾等五名已經活賊指認現據薩依特等供稱已斃賊目皆係該逆自喀什噶爾葉爾羌英吉沙爾先後遣來其前在阿克蘇帶箭逃回之伊

斯拉木素皮現亦於賊屍中檢出令活賊認明屬實是該逆裔所遣賊目悉就誅夷無一倖脫將來大兵進剿自不難拉朽摧枯惟前此各城死事大臣官員現據賊供或力竭自盡或臨陣捐軀聞之實深憫惻除慶祥業經加恩賜卹外葉爾羌辦事大臣副都統印登額英吉沙爾領隊大臣副都統蘇倫保俱著加恩照都統例賜卹喀什噶爾幫辦大臣頭等侍衛舒爾哈善葉爾羌幫辦大臣副都統



銜多隆武和闐領隊大臣頭等侍衛奕湄幫辦大臣副都統銜桂斌俱著加恩照副都統例賜卹印登額等應得世職俟伊等之子百日孝滿後由該旗帶領引見其未及歲者著該旗奏明承襲已革回子郡王阿奇木伯克玉努斯前經賞給五品頂帶隨同慶祥赴喀什噶爾辦事現亦為國捐軀著加恩賞給一品職銜照頭等台吉例賜卹其餘死事官員兵丁俱著該將軍查明咨部照例卹賞○又

諭長齡奏籌撥伊犁存貯糧石由冰嶺轉運阿克蘇一摺此次徵調各路官兵並餘丁跟役每月支領口糧需糧二萬餘石節經英惠奏明烏魯木齊備貯糧三十萬石陸續運往支放儘有贏餘惟口外車駝不敷轉輸未能迅速茲據該將軍奏調伊犁倉存糧石由冰嶺轉運懇請酌分程站加增工食料銀均係實在情形著照所請准其作為十九站按照道路險易分別用車用駝用夫其雇用民車

民駝按石照例發價酌撥伊犁官駝三千五百隻均交駝夫承領重運回空每日每駝給銀三錢如有疲乏倒斃扣價賠補雇用回夫二千名每夫每站給工食銀一錢事竣照所奏章程覈實報銷其伊犁磨麵工價並獎賞回夫及咨撥銀兩均照所議辦理並著鄂山盧坤英惠等查照該部知道○又諭據理藩院轉奏鄂爾多斯扎薩克貝子永龐多爾濟協理台吉張楚布多爾濟貢楚克多爾濟因

聞逆回張格爾在喀什噶爾一帶地方跳梁呈懇輸馬一千匹具見伊等誠惻殊屬可嘉惟軍營應需駝馬現已陸續撥辦足敷應用若將此項馬一千匹賞收該蒙古等未免浮費著理藩院轉咨該鄂爾多斯扎薩克貝子永龐多爾濟等所輸馬一千匹令其停止備辦用示朕軫念蒙古臣僕至意諭軍機大臣等長齡奏訊據活賊供出西四城失守官兵死事情形覽奏實堪憤惋已明降諭旨加

恩賜卹矣。該逆裔自占據西四城。雖據賊供多用安集延回子管事。舊時伯克惟博巴克邁瑪特依斯二人。此外如阿布都拉等皆不管事。最信用者是愛薩一賊。檢閱慶祥前奏。愛薩木薩兄弟二人。係霍罕逃臣。為張逆羽翼。此時該逆所用之安集延回子。焉知非安集延逃出之人。為逆裔所勾引。與愛薩相同。此時安集延是否助逆。總不必深究其來歷。現在該逆裔終日向從逆伯克索要婦人。並

縱容夥黨婪索。其鼠竊情形。已可概見。阿布都拉等從逆之後。既不得信用。未必不無他志。該將軍等前欲引為內應。正可藉此離間。其愛薩等現為張逆所信用。總須設法招致。或可令其羈縻逆裔。不致逃竄。俾得一鼓殲擒。此時既無布魯特在彼助逆。愛薩又係霍罕逃人。將來張逆勢窮力蹙。必以安集延為遁逃藪。必當鼓勵布魯特阻其去路。方不能越境遠竄。該將軍等當悉心妥籌相機辦理。

武隆阿日內即可到彼。自己將該逆裔盤踞處所。及分出奇兵道路偵探明確。一俟吉林黑龍江頭起官兵到。有千餘。即當審察時勢。剋期進發。不可坐失事機。是為至要。至慶祥屍身現有埋葬處所。將來事定後當興送回京。俾正首邱。葉爾羌阿奇木伯克玉素普曾獻阿布都拉逆信。現在圍禁在彼。俟收復葉爾羌時亦當查出升賞。以昭忠藎。再據奏轉運存貯糧石所雇回子二千名。飭令伊薩克

選派能事伯克十名。分帶管束一節。該阿奇木帶兵得力。應令其著績軍前。其照料運糧事宜。祇當飭其選派能事伯克前往。足資管束。所有檢獲婦女幼孩一百三名。口著即分賞出力回子。斷不得令滿漢官兵私留一人也。附報發去密封一件。該將軍參贊等密行拆閱。將此由六百里加緊諭令知之。○大學士揚威將軍長齡等奏會商滿漢官兵應支銀兩馬乾官兵跟役應得駝馬折給銀兩並

酌定運送軍需程站等四條。一請以到阿克蘇之日起。無論征防馬步守兵。每兵一名。月支鹽菜銀一兩七錢五分。京營駐防滿兵。每名連跟役。照例月支鹽菜銀一兩七錢五分。仍各日支口糧麵一斤。官兵乘騎馬匹。請照川楚軍需之例。按官兵應得例馬。每匹日支乾銀五分。原營估支乾銀。仍行扣缺造報。一。官兵跟役。例得駝隻馱馬。官為應付。斷難辦理。即將原來駝隻車輛。自行扣留。按照軍需定例。折給銀兩。每駝一隻。折馬二匹。日給銀一錢。自行雇辦。一。例載口外。以百里為一站。山路崎嶇。臨時酌減。總以四十里為率。此次軍需自肅州出關起。由軍臺大路經過哈密。吐魯番。喀喇沙爾。庫車。至阿克蘇。後分路至烏什。喀什噶爾。葉爾羌。和闐。節節戈壁。斷難日行百里。其軍臺大營。請以七十里為一站。南北旁道陡險山徑。應請以四十里為一站。仍分別造冊繪圖。咨部立案。下部速議。尋

議。該將軍所奏出征防堵官兵。一律給予鹽糧。並官兵乘騎馬匹。日給乾銀五分。原營乾銀。仍行扣缺造報。俱應如所請辦理。其請將官兵原來駝隻車輛扣留。並未將滿漢官兵跟役各應得駝馬若干。分晰聲明。應令查明確數。報部覈議。又請將每站里數酌量減少。所引例文。前經臣部奏明。斷難援引。未便准其照辦。仍令將支銷款項。酌定銀數。會議章程具奏。以憑覈辦。從之。○以禮部右侍郎裕

恩為國史館清文總校官。以烏什屯田豐收。予員弁議敘。賞兵丁一月鹽菜銀。○丁酉。以庫倫辦事大臣樂善為正黃旗蒙古副都統。刑部右侍郎特登額為正黃旗漢軍副都統。○戊戌。上以冬至祀

天於

圓丘。自是日始齋戒三日。己亥。諭內閣。兵部議覆那彥成奏。請將駐防滿洲閒散。倣照巡

捕營之例。挑補綠營兵弁一摺。各省駐防閒散。無論滿洲蒙古漢軍俱准其入綠營挑補馬兵。洵可藉疏通而資造就。惟定例之始。必須酌予限制。著於該駐防同城及附近營分。遇有馬兵開革事故。與該營戰守兵一體校閱技藝挑補。不得過本營十分之二。毋庸與通省兵額覈計。至考拔弁缺。惟當以弓馬勞績為定。不必復行區別。其由旗咨送時。祇准將年壯閒散情願赴挑者驗送。不得有強派

勒捐情弊。挑入綠營之後。所有訓練約束。及升轉降革各事宜。均由該管將弁照綠營章程一體辦理。如有滋事干涉地方者。亦照綠營例。交地方官懲辦。如該駐防同城及附近標營分馬兵額缺較少。該閒散有願挑戰守兵者。亦准送挑。俱不得過十分之二。仍著駐防省分各該督撫會同將軍都統副都統妥議章程奏咨。以期經久。○又諭。首春等奏浙江各幫應交箇兒錢。請由通濟庫動墊。並

酌借江西各幫銀兩等語。浙江嘉興等八幫本年應交箇兒錢。共銀八千七十三兩零。因盤壩苦累。無力措辦。當由經紀等借墊。茲經紀等應完款項甚多。勢難支持。著准其援照成案。先由通濟庫墊發。其江西各幫漕糧交竣。丁情拮据。不能完公。著准其照案減半酌借銀四千兩。以紓丁力。所有墊借銀兩。著浙江江西各巡撫漕運總督於來年新運錢糧內。趕緊扣解歸款。該部知道。○烏魯木齊都

統英惠奏。遵旨籌畫鼓鑄事宜。當即札飭各屬在附近山場履躡。如有銅苗。即行招商認採。或解送伊犁。加卯鼓鑄。或即由烏魯木齊設鑪開鑄。俟詳覆到日。再行通盤籌畫。報聞。○調四川北鎮總兵官馬玉麟為建昌鎮總兵官。建昌鎮總兵官松青為川北鎮總兵官。○戶部議准。江蘇巡撫陶澍疏報靖江縣新漲田三十三頃三十九畝。有奇。照例升科。豁免新坍田六頃十七畝。有奇。額賦從之。

庚子

上詣

南郊齋宮齋宿○辛丑冬至祀

天於

圜丘

上親詣行禮（遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵遣官祭

孝穆皇后暫安園寢遣官祭

端慧皇太子園寢○停次日朝賀○詣

皇太后宮問安○署陝甘總督鄂山奏奉到硃

批嚴禁奢靡得旨總要一秉大公破除情面

如有不肖者從嚴叅辦懲一儆百毋負諄諄

誥誡之意○緩徵甘肅皋蘭河金安定淳平

涼武威靈臺渭源隴西中衛靖遠十二州縣

歉收地方新舊銀糧草束貸皋蘭渭源伏羌

安定西河隆德寧夏寧朔平羅秦禮崇信鎮

原十三州縣暨東樂縣丞所屬災民口糧○

展緩甘肅供應兵差之狄道伏羌通渭岷西

和會寧寧遠洮州固原靜寧華亭安化合水

環寧山丹永昌古浪平番西寧碾伯大通循

化秦鞏安清水禮徵涇崇信肅高臺安西敦

煌隆德鹽茶張掖撫彝巴燕戎格三十九廳

州縣暨沙泥州判紅水莊浪東樂縣丞西固

州同所屬節年未完額賦○壬寅

上詣

壽康宮前殿行禮後殿問

皇太后安。○諭軍機大臣等。御史賀熙齡奏湖南苗疆自嘉慶初年戡定後。辦理得宜。近日漸就廢弛。臚陳九款。請飭該省督撫督令巡道實力整頓等語。湖南苗疆戡定以來。惟傳臬前在辰沅永靖道任時。辦理屯防訓練儲備教養一切事宜。俱稱妥善。苗情極為安帖。近日苗民向化已久。該道員稍不稱職。即不免有因循廢弛之弊。若如該御史所奏沿邊碉卡聽其頽壞。給丁田畝書吏受賄舞弊。修理屯田工本款目雖存。興修不實。道標練勇雜作匠役挑補。丁弁書吏勒索賄求。差役人等擅入苗寨滋擾。書院義館幾同虛設。及苗人違禁祭鬼。或互相訐控。勒贖各款。實於邊防大有關係。著該督撫等嚴飭新任辰沅永靖道翟聲煥。將撫綏控制一切事宜。務照舊定章程。實力整頓。無任日久廢弛。漸滋弊端。以期保衛民生。永安邊徼。該御史摺著鈔寄閱看。將此諭令知之。○又諭琦善等奏。堰圩

擊塌石工間段。湊長三千餘丈。業經搶護平穩。現仍嚴密防範。分別宣洩。一摺本年湖水盛漲。雖異往昔。然已節交冬令。又於啓放仁禮兩河後。復啓智壩宣洩。何以消水仍不甚暢。自係湖底淤墊日高。未必盡由於淮水來源之旺盛。現在甫遇西北風暴。即將新修石工壩至三千餘丈之多。舊工不過百餘丈。可見新工全不足恃。原估原修工員喪心昧良。于斯可見。刻因工程緊要。所用錢糧先由河庫墊發。惟此次墊發若干。內有著落。各工員賠修應行追繳者若干。該督等當詳查確估。分晰奏明。嚴限著追。不得稍滋延宕。其壩卸工段。現雖倉猝搶護。必須一律修補完整。無得仍前草率。一遇風浪衝擊。又形擊塌。時值嚴冬。風信靡常。該督等仍當督飭所屬。加意保護。防範勿致再有疏虞為要。又據另片奏減壩以下挑工分段趕辦。年內外即可藏事前議估抽引渠。統至攔黃壩以下引清刷淤。

清 實 錄 道光六年十一月下

先經飭令道將督率廳營勘估。俟正河挑竣之後辦理等語。此次挑工。原期去黃河中段之梗阻。若但憑人力。而無清水大加衝刷。將來挽復正河之後。一經黃水灌注。勢必又形淤墊。該督等既經委員將引清之路先行勘估。自當於正河挑工完竣。相機趕為辦理。總期清水實能刷黃。黃水暢注歸海。運道河防兩有裨益。方為不負委任。將此由四百里諭令知之。○又諭鄂山等奏各路官兵齊集阿克蘇。約有五萬餘人。每日需糧五百餘石。由烏魯木齊轉運。每站需駝五百餘隻。以三十二站覈計。共需駝一萬六千七百隻。烏魯木齊本有駝六七千隻。祇需協濟駝一萬二三千隻。今調撥雇買之駝已有二萬六千五百餘隻。除撥解烏魯木齊外。尚有多餘。楊遇春所奏購辦雙套鐵腳車四千輛。現已購得九百餘輛。足敷應用。所需糧石既由烏魯木齊轉運。不必再由內地協濟。飭令前任臬司方載

豫馳赴烏魯木齊。幫同英惠妥辦。並據另奏接准長齡咨稱。伊犁撥運糧石。先經籌撥銀二十萬兩。並口袋三萬條。解往應用。各等語。烏魯木齊存糧充足。運往阿克蘇調撥內地駝隻。前經賞收阿拉善王進駝一千隻。倫布多爾濟並蒙古汗王公等進駝三千二百隻。烏里雅蘇台孳生官駝內調撥八百隻。徐忻籌駝四千隻。福綿購解駝五千二百隻。因為數已多。諭令福綿將未解駝八百隻。如未經

購買。即行停止。茲據鄂山等奏於甘省雇買駝一萬二千五百四十隻。通計已有二萬六千五百餘隻。除撥解烏魯木齊一萬二千三百隻。餘駝一萬數千隻。著俟供應各兵差過竣後。分撥關外之安西、哈密、吐魯番及喀喇沙爾庫車各臺站。專供內地解往大營兵餉軍火器械滾運。馱載之需。其購備雙套鐵腳車九百餘輛。送至肅州供載出口官兵之用。所有陝甘兩省未買未雇駝隻。並未經購辦之



鐵腳車業經該署督等通飭停止著即停其購辦此時烏魯木齊駝隻甚為寬裕所撥糧石轉輸自可迅速前據長齡奏請撥運伊犁糧石當經降旨准行兩處運送糧石源源接濟兵糈益增充裕自無庸再由內地分運以節糜費至烏魯木齊所需運腳等項該署督等先後撥解銀一百二十萬兩嗣後體察情形如需接濟隨時撥解應用至所請派方載豫馳赴烏魯木齊該員曾在軍營經理糧餉

著即行馳往責成幫同英惠辦理供支事宜毋得遲誤亦不可稍有冒濫該署督等密行札知方載豫與英惠熟籌妥辦因應和衷商榷期於公事有裨如有意見不同之處或方載豫別有所見該員曾任臬司本有奏事之責令其密行呈明該署督等轉奏候旨辦理將此由五百里諭令知之○署陝甘總督鄂山奏籌撥銀二十萬兩備伊犁轉運糧石報聞○又奏請留甘肅按察使源溥駐肅州幫

辦局務允之○賞八旗兵丁一月錢糧○癸卯諭內閣蘇成額奏知縣互相稟訴請分別解任扣留嚴審一摺廣西前署遷江縣知縣陳昌繩與接署知縣郭道生因交代不清互相稟訴據陳昌繩稟稱倉庫各項逐一交清惟前兩任交代並未移交無憑覈算難保非本任實有虧缺藉詞誣卸至接署知縣郭道生既經查出陳昌繩短交銀三千一百二十兩零應即據實稟揭聽候叅辦何以屢次攔

阻搶取銀物恐另有起釁別情必應徹底根究陳昌繩著暫扣留並將郭道生先行解任交該撫提同案內人證秉公嚴訊如陳昌繩及各前任實有虧缺郭道生實係搶取財物即行據實嚴叅毋許稍有含混尋奏說明陳昌繩所稟各情均屬有因惟前任虧短並不合會同後任覈算輒謂與己無涉遽行回省殊屬不合郭道生於陳昌繩堅欲起程並不稟省札調乃令丁役屢次攔阻將其家丁衣箱



截留尤屬錯謬請交部分別議處從之○又諭據蘊端多爾濟等轉奏庫倫哲布尊丹巴呼圖克圖率領諾們汗喇嘛等呈懇輸駝一千隻馬一千匹請旨一摺哲布尊丹巴呼圖克圖等因聞逆回張格爾在喀什噶爾一帶地方跳梁呈懇輸駝一千隻馬一千匹具見伊等誠惻朕深嘉悅惟軍營應需駝馬現已充裕備辦足敷應用該呼圖克圖等弟子甚眾而蒙古生計全賴牲畜若將此項駝馬賞

收朕心深為不忍業據長齡等奏稱官兵甫至已將逆回三千餘人勦戮等語看此情形平定喀什噶爾等城尚屬甚易著蘊端多爾濟傳諭哲布尊丹巴呼圖克圖等將所輸駝馬令其停止備辦仍著加恩賞給哲布尊丹巴呼圖克圖黃哈達一幅俟發到時著蘊端多爾濟轉行賞交併將朕優待呼圖克圖等以及官兵戰勝之處俾令呼圖克圖欣悅知之○又諭據蘊端多爾濟等奏稱喀爾喀土

謝圖汗車臣汗兩部落之汗貝勒公呈請輸駝二千隻馬二千匹蘊端多爾濟併自請輸馬一百匹駝五十隻派令伊子多爾濟帕拉木等照料解到軍營懇在侍衛差使上效力請旨等語土謝圖汗衛多布多爾濟車臣汗阿爾塔什達貝勒那木濟勒多爾濟公索諾木旺楚克奏請共輸駝二千隻馬二千匹蘊端多爾濟復輸馬一百匹駝五十隻具見伊等誠惻殊屬可嘉惟軍營應需駝馬現已備

撥足敷應用且庫倫距回疆較遠若將此項駝馬賞收解送烏魯木齊該王公等未免浮費著蘊端多爾濟傳諭土謝圖汗衛多布多爾濟等所輸駝馬及蘊端多爾濟所輸駝馬俱著停其備辦用示朕軫念蒙古臣僕至意至蘊端多爾濟懇請令伊二子前赴軍營在侍衛差使上效力等語尤為可嘉惟現在軍營所派大臣侍衛甚多無庸再派蘊端多爾濟之子多爾濟帕拉木多爾濟旺楚克俱著

不必遣往軍營○諭軍機大臣等張青選奏兩淮積重情形設法辦理一摺所奏殊未明晰兩淮奏銷向以一年為限自甲申展限後未完者尚有幾綱鹽行六省引地最廣全綱之引共有若干並帶戍之引淮北融引及此外殘引套摺共有若干淮南北未完鹽課尚有若干萬兩所奏岸銷未暢總由緝私不力第官私固應緝拏而商人夾帶私鹽亦不可不嚴行飭禁現在漢岸售鹽准復整輪舊規

是否鹽價不至增昂實能暢銷無滯至所奏淮北積疲已久商本虧折計乙酉以前積引尚有五十餘萬丙戌則片引未運引積課懸全局皆困該鹽政請歸併現在尚能辦運之商並倣照從前借馬之案一律借給所奏底馬是否即係成本從前借馬成案起於何年所請予限六箇月完繳輓鹽借給是否於淮北商人實有裨益從前借馬未完之項尚有若干應如何分綱帶繳該督等接奉此旨即

會商妥協逐款分晰據實具奏俟奏到時再降諭旨將此諭知琦善並傳諭張青選知之○都察院奏已革江西吉水縣知縣周植以知府承審回護等情具控請旨得旨此案已革知縣周植稟許前任知縣胡世鏞等虧短倉庫等情前據該撫聲稱周植於接收交代時並不稟許迨查明後復任意狡執咎有應得業經革職應毋庸議經刑部照議奏覆茲該革員復違控告以前情呈訴並將承審知

府回護情形列款具控著交琦善秉公嚴審毋稍徇徇按律定擬具奏尋奏原職各案並無不實知府趙璠等亦無回護情事周植照不應輕律笞四十照例納贖下部議從之○兩淮鹽政張青選奏察看運司楊本昌雖近七旬精神頗好得旨辦公要緊如精神不能周到隨時具奏斷不許稍有徇隱○湖北提督羅思舉奏請赴軍營得旨本任緊要難於更動所請前赴軍營之處具見忱悃著毋庸

前去。○命江西按察使邱樹棠以三品銜署刑部右侍郎。○調浙江巡撫程含章署山東巡撫。未到任前以布政使訥爾經額暫行護理。以刑部右侍郎劉彬古署浙江巡撫。未到任前以布政使富呢揚阿暫行護理。○調山東按察使梁章鉅為江西按察使。以山東兗沂曹濟道鍾祥為按察使。○增設吉林伯都訥廳學額一名。長春廳學額二名。從將軍富俊請也。○以審案出力山東同知江德沛等

下部議敘。○予故漕運總督署山東巡撫陳中孚祭葬如例。○甲辰伊犁將軍德英阿奏伊犁糧多路近較烏嚕木齊運往省便現飭撥小麥五萬石發商磨麵又碾米五萬石安設糧臺派員專管並委員分起押運約冬月望後可以起運得旨細心妥辦又奏挑出廠馬四千匹牛二千隻一面籌備料草委解烏嚕木齊備用報聞。○戶部議准盛京將軍晉昌等奏請將奉天黑豆十分之四改徵粟米

從之。○乙巳

上幸瀛臺閱冰技。○諭軍機大臣等長齡等奏檄諭布魯特部落及官兵現抵大營各情形一摺覽奏俱悉。柯爾坪回莊勦洗後經長齡等挑選弁兵帶同明白回子四路分探都齊特以南數百里內並無賊蹤其進兵機宜現經長齡等差查烏什草地有無積雪難行抑或別有捷徑訪查明確俟武隆阿到彼即令帶領奇兵徑赴喀什噶爾但該逆狡猾異常

若專由一路行走恐該逆併力堵截轉非萬全之策長齡等務遵節次諭旨仍分兩路由烏什巴什雅哈瑪卡倫外草地潛赴喀什噶爾一由巴爾楚克軍臺向樹窩子潛進每路總須七八千人並令楊芳齊慎分帶出其不意以分賊勢使彼此不能相顧方可夾擊殲擒一鼓集事長齡楊遇春統領大兵由正路進發轉不妨略為遲緩祇須克復喀什噶爾擒獲首逆其葉爾羌等城自能勢如破竹

朕意如此。總在該將軍等相機辦理。至張逆擊敗後。勢必遠遁。長齡等現在籌備。遣噶爾察將奇里克薩雅克兩部落。檄諭其托依莫特復差布魯特木斯瑪呢同來。稟稱不敢附和張逆。此後張逆再差人來。即當拏送大營。並有固資伯克情願出力。經長齡等分別給賞。並令分投檄諭汰劣克阿坦台各部。落所辦俱是。至伊薩克覓可靠回子六人。分往喀什噶爾葉爾羌和闐三城。作為伊等之意。勾結眾伯克回戶。通信阿布都拉博巴克等。使其拘絆張逆。不令逃竄。所辦亦好。總之各布魯特及回子伯克。若能拏住張逆。即當照賞格封賞。即拏住張逆黨羽愛薩木薩等。亦當從優獎勵。即前經從逆回子。若能歸正。為我出力。亦當赦其既往。加以賞賚。至霍罕相距太遠。自不必徒勞曉諭。從逆之安集延。想係該部落貿易回子。挾嫌滋事。未必全部皆助該逆。亦不必差人檄諭。祇須各布魯特為我

出力。該逆自不能越境逃竄。一經擒獲。即派文武大員。慎速解京。所奏隨營伯克察其才具可用。如伊薩克者。實無其人。該將軍等仍留心察看。不必盡如伊薩克才具。但能實心奮勉。尚能撫馭回眾者。長齡等即當存記數員。豫備將來任使。至伊犁領隊大臣祥雲保碩隆武。前次帶兵行走遲緩。尚屬有因。已加恩寬免處分。觀其後效矣。將此由六百里諭令知之。○旌表守正捐軀甘肅永昌縣民侯

見德妻張氏。○丙午

上諭

皇太后宮問安。○諭內閣。韓克均奏總兵患病。回省醫治等語。前任福建寧鎮總兵趙龍章。因臺灣匪徒滋事。發往閩省。交孫爾準差遣。茲據該撫奏稱。該鎮兩次登舟放洋。阻風折回。舊病復發。暫緩渡臺。委驗屬實。現在臺灣事已完竣。趙龍章著准其留省醫治。俟病痊後。仍交該督差遣委用。該部知道。○又諭

已革回子郡王阿奇木伯克王努斯隨同慶祥在喀什噶爾辦事為國捐軀前經加恩賞給一品職銜並照頭等台吉例賜卹茲據理藩院查奏回疆則例內並無頭等台吉陣亡優卹專條王努斯應如何卹賞之處著兵部會同理藩院再行覈議具奏尋議上得旨照提督陣亡例給予卹賞銀八百兩其應得世職著加恩授為三等台吉世襲罔替○又諭琦善等奏准商情殷報效一摺現在軍需河工同時並舉該商等懇請捐輸銀四百萬兩並請將部撥南河歲料銀一百二十萬兩借墊起解先於丙戌綱捐完其餘銀二百八十萬兩分作四綱完納等情南河所需歲料銀兩急需應用未便借墊著加恩賞收銀二百萬兩琦善等即另行籌墊奏明聽候撥用其如何分綱完納趕緊歸款之處該督等會商一併妥議具奏該部知道○步軍統領衙門奏直隸總督那彥成請將各省駐防閒散遇

有綠營外委千把缺出一體考校奉旨允行查巡捕營事同一例請嗣後巡捕營外委千把缺出將旗兵與綠營兵一體考校遞行拔補從之○盛京工部侍郎齊布森因病解任以都察院左副都御史海齡為盛京工部侍郎○修福建澎湖水師左營戰船從巡撫韓克均請也○緩福建漳州泉州各屬應買穀石○丁未先是直隸總督那彥成奏擬遣新疆各犯現在各省截留指日軍務完竣仍應照例發配遣犯愈積愈多夷民雜處久之滋事擾害驅之不可激之生變莫若變通於先庶不虞擁擠現在各省亦不致有羈留積滯之患得旨軍機大臣會同刑部妥議具奏至是議上改發極邊足四千里充軍者三十三條發雲貴兩廣極邊煙瘴充軍者二十四條發各省駐防者二條改回內地按犯籍發配者一條暫行監禁者十六條仍循舊例者九條從之○太僕寺卿廉奇瑜因病解任以通

政使司副使盧浙為太僕寺卿命總管內務府大臣廣春正藍旗滿洲副都統全善保在紫禁城內騎馬修山西汾河隄堰從巡

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十一

[illegible]

道光六年丙戌十二月戊申朔

上詣

大高殿行禮。○命禮部尚書松筠為正使。左侍郎舒英為副使。持節齎冊。晉封。

靜貴人博爾濟吉特氏為

靜嬪冊文曰。朕惟六宮效職。椒塗化佐。於坤元九御。揚馨。芝綍恩裒。夫異順既德。容之聿著。斯寵命之攸頒。咨爾靜貴人。博爾濟吉特氏。柔嘉秉範。淑慎禔躬。贊蠶敦而儀嫺。耀悅顰而度協。徽音允秩。蕙幃之蠶織。彌勤。

懿旨覃敷

萱殿之鸞章載錫茲仰承

皇太后慈諭晉封爾為靜嬪申之冊命爾其祇

膺茂典賡穆惠以凝禧益播芳型佩蘭芬而

叶吉欽哉○諭內閣我朝

積德累仁錫光篤慶

皇祖高宗純皇帝親見曾元以永綿奕載四字

依次命名澤溥本枝祥開鍾毓洵足以垂恒

久而隆啟佑朕惟瓜瓞厥衍卜世延長特命

大學士軍機大臣續擬十字傳之雲仍引用

勿替茲據恭擬進呈經朕選用溥毓恒啟四

字載字輩分以下按序命名近支宗室內奉

字輩即著改用溥字其餘六字著軍機大臣

存記俟將來續擬時再加四字一併進呈候

朕酌定我國家景祚延洪億萬年繼繼繩繩

永遵令典○又諭琦善等奏酌議鹽斤加價

輸納出售章程一摺前據該督等奏兩淮鹽

斤加價並請復整輪規業經交該部議行茲

據該督等奏嘉慶十四年間雖辦有成案彼

時僅將淮南安池太及食鹽各岸並淮北綱

食引鹽加售其楚西兩岸因已加售餘息不

復再加此次則淮南淮北一律加增輸納出

售必須議立章程以嚴稽覈著照所請淮南

鹽價查照舊案隨同分次輸完至淮北三限

錢糧向係總納今加完鹽價銀數增多應俟

捆掣裝船後將鹽價併為一款完納方准給

稅水開行並加蓋司印登註已完鹽價字樣

以便查考其徵收價銀著照部議按三箇月

一報聽候撥解錢價准照長蘆之例酌中定

制淮北豫省各岸以銀一兩作制錢一千三

百文折合出售安省各岸以銀一兩作制錢

一千二百五十文仍察看市價長落儻有任

意增多即行提究該部知道○又諭富俊奏

派修京旗房間情形一摺本年雙城堡備蓋

道光七年分移駐京旗住房一百五十所現

據查明修理完竣惟佐領都隆額承修房工



十八所。苦蓋未能如式。除已飭該員重新苦蓋外。都隆額著交部議處。該部知道。○又諭。富俊奏流民搬移淨盡一摺。吉林潛住流民前已有六百餘戶。陸續遷移分散居住。茲據該將軍奏。舒蘭等六處流民三百餘戶。亦已依限全行搬進卡倫以內。著該將軍飭令該處各卡倫官隨時嚴查。按三箇月更換時。互相稽察。各出具卡倫外並無一戶流民居住甘結。以備查覈。仍按季派協領等官往查。如敢陽奉陰違。即行嚴參治罪。並著出示曉諭軍民人等。以後如有私越卡倫以外者。立即拏獲懲辦。毋稍寬貸。該將軍仍隨時密加訪查。每屆年終。據實具奏一次。所有歷任失察流民潛住之將軍副都統等。著該部分別在任久暫。照例議處。○禮部奏道光七年元旦應行禮儀得旨是。照例行禮。奉皇太后懿旨。停止筵宴。其在外福晉命婦進內行禮之處。並著停止。○己酉。諭內閣。那彥成

奏審明砍傷義母身死之犯。按律定擬一摺。此案周註兒自十一歲時。經周秦氏故夫抱養為義子。恩養年久。業已婚娶。承受遺產。有犯應與子孫同科。該督既照例問擬凌遲。復聲稱詰非有心致死。請照嘉慶十七年門搖兒之案。俟接到部覆。再行正法。該犯用腰刀連砍周秦氏腦後二下。重至骨損。尚得謂之非有心致死乎。案情業已明確。該督即應恭請王命。先行正法。何待部議。至門搖兒之案。

係勸令義母圖賴旁人。架扶縊斃。與此案情節迥不相同。援引殊覺失當。周註兒一犯。著即凌遲處死。該部知道。○封貝勒永琿子綿寵。永璽子綿浸。鎮國公永康子綿興。一等輔國將軍肅親王敬敏子華莊。莊襄親王綿課子奕劻。二等輔國將軍鄭親王烏爾恭阿子肅和。端華。莊襄親王綿課子奕興。鎮國將軍禧恩子榮壽。三等輔國將軍奉國將軍哲鳳子奎樂。奉國將軍輔國將軍愛仁子恩至。三



等奉國將軍貝勒永鋆子綿洵綿瀾綿浚奉國將軍哲麟子奎陞奉恩將軍輔國將軍綿命子奕俊三等奉恩將軍賞肅和二等侍衛綿寵綿浸綿瀾三等侍衛○庚戌

上詣

大高殿行禮○諭內閣朕以雲仍衍慶卜世延長前經降旨於奕載輩分以下續增溥毓恒啟四字按序命名引用勿替因思避名之典歷代相沿我

皇祖高宗純皇帝特降

諭旨御名缺筆書寫以存其義復

諭以奕字輩以下亦可推廣此意永遠遵行朕

思命名之字既經排次酌定昭示來茲自應

崇效

聖謨將缺筆書寫之處豫示折衷以垂法守將來億萬年繼體承緒者奕字寫奕載字寫載溥字寫溥毓字寫毓恒字寫恒啟字寫啟嗣後遵茲令典接續奉行萬萬世子孫率循罔

替此旨著軍機大臣敬謹存記並繕錄二道一交內閣封貯一交上書房恭貯敬識前降選用溥毓恒啟四字諭旨一道亦著繕錄一分交上書房存記○又諭御史汪琳奏淮鹽積滯請嚴飭緝私一摺各省行銷鹽引地方每因鄰私浸灌以致官鹽滯銷如該御史所奏各省透漏之處所在皆有兩淮引地遼闊私販尤多該地方文武果能認真緝拏何至私梟充斥無如派委巡緝之官弁役始而

得規包庇繼而畏兇縱放轉將零星挑負窮民需索擾累於大夥梟販則置之不問即間有督撫奏明設卡緝私旋即視為具文有名無實何以肅醜政而靖地方著江蘇安徽閩浙廣東廣西湖北湖南四川各督撫嚴飭印委文武各員認真訪察實力堵緝將結夥私販嚴拏務獲分別功過以示勸懲毋再仍前疏縱干咎至商人向有放碇夾帶藉官售私及違例重斤情弊責成各鹽政及兼管鹽政

各督撫嚴飭監掣之員。於引鹽過掣時。務須覈實盤驗。如有徇縱。即當嚴拿究辦。又該御史所奏。准南北煎曬鹽數。向由運司給發循環號簿。令場員按日登記。分別一月半月查報。以杜漏私。近來場員並不遵辦。以致竈丁貪利售私。而鹽之交商者。轉少並著察看情形。飭商盡力收買。毋任竈丁透漏。以清弊源。○又諭嚴烺奏。衛河民堰各工。原議歲修銀兩。未便請增。應察看緩急。隨時酌辦。一摺。山

東省臨清夏津武城恩縣德州等五州縣境內。衛河民堰。前經奏准作為官工。籌款歲修。經各道等議。增歲修銀四千五百兩。因該河督等先後離任。未及具奏。茲據該署河督奏。此項工程銀兩。現無閒款可籌。著照所請。准其暫緩。再行酌覈具奏。仍察看該工如實係情形緊要。隨時奏請修理。至張井前發過該工銀三千九百八十六兩零。由運河道庫墊辦。著准於司庫照數撥還清款。該部知道。○

又諭晉昌等奏。驗放海口運糧小船章程一摺。天津沿海州縣漁船。前經直隸奏定章程。准其請領船票糧照。前赴奉天販糧。茲據晉昌等奏。奉天海口各船。請照直隸章程一例辦理。著照所請。所有奉天漁船。准其報明各該旗民地方官。查取保結。編號烙印。造冊報部。發給船票。飭令照例納稅。其願領糧照載運糧石者。即與天津漁船。均照商船每隻徵銀二十兩之例。減半徵銀十兩。仍照部議。以

八兩五錢解部。一兩五錢作為兵役飯食紙張之需。仍嚴飭行店人等。無許格外多索。行用飯錢。其在海口停泊上載。責成該旗民地方官。各於要隘處所。實力巡查。勿任偷漏。亦不得索擾滋弊。天津奉天互相查驗。換給回照。彼此稽察。儻有棍徒把持。私充經紀。擾累商民。即著嚴拿。照例懲辦。其岫巖鳳凰城等處。恐有偷運等弊。仍照成案。不准存留船隻。該部知道。○諭軍機大臣等。據嵩孚奏。本年

十月下旬。有江蘇省淮安揚州等屬被水災民八千餘名。口坐船八十餘隻。自下游江西一帶赴黃州漢陽等屬求食。當即委員馳往前途截阻。勸諭早歸就賑。各安農業。並督飭司道府縣捐備口糧錢文。雇就船隻咨送漢岸鹽店商人捐銀三千兩湊用。飭令該府縣等至陽邏分散口糧。該災民俱遵約束。轉回本籍。並委員沿途押護。飭令下游沿江州縣會同營員。妥為稽查催趲。送出楚境。又有由

陸路至黃梅縣境災民二百餘名。至漢陽縣境數十名。均經各該縣借給口糧。飭令回籍等語。本年淮安揚州各屬被水較重。琦善等奏請賑卹。並籌辦平糶。均經降旨准行。現在田廬漸次涸復。轉瞬即屆春耕。該災民如果得資接濟。各安耕作。何肯飄泊外出。忍受饑寒。該督等當督飭印委各員。將賑卹平糶各事宜。覈實妥速辦理。一面出示曉諭災民。各就本籍領賑。毋任流離失所。道殣相望。

致千重咎。並飛檄安徽江西沿江各州縣。將雨路回籍災民一體資送過境。如有續來災民。勸令就近折回。以免輾轉截送。徒滋擾累。將此諭令知之。○修湖北潛江縣城外土堤。從總督嵩孚請也。○辛亥。

上詣

時應宮拈香。○幸北海。閱水枝。○壬子。

上詣

皇太后宮問安。○護陝西巡撫徐忻奏。此次陝

西代甘肅購製布匹軍裝軍械軍火。並雇騾駝。均係因甘肅總局備辦不及。墊款代辦。以應急需。所用工價銀兩。若由陝西另請開銷。不惟事涉紛歧。且彼此輻輳。轉難稽考。應請由甘肅撥還。統由總局併案覈實報銷。下部速議。尋議奏併案報銷之處。事多窒礙。復與成案不符。應仍令各歸各省覈實報銷。以歸簡易。從之。○戶部議准。江蘇巡撫陶澍疏報常熟縣新漲灘地五頃九十五畝。有奇。丹陽

縣轉則泥灘十頃十九畝有奇。照例升科。從之。○癸丑。

孝惠章皇后忌辰遣官祭

孝東陵。○諭內閣。琦善等奏請動用歲修經費。挑培天然閘河身堰工一摺。江南省徐州府屬銅蕭兩縣天然閘壩下引河。為減洩黃流要區。河西東水民堰衝刷卑薄。不可不加高培厚。以資抵禦。據該督等勘明實係應行挑築之工。著照所請。將銅山縣境西岸隄工幫

寬加高。又該處舊碎石土壩二道前裏頭壩卸補還整齊。及接長舊壩。再添新石挑壩一道。又半步店河堰添估切灘。展寬河身。蕭縣境內堰工。將堰身喫重之處。擇要幫築。後錢堰頂填補溝窩。堰外包坡碎石。並將河身淤墊處所。間段估挑。共估需銀一萬一千一百六兩零。准其照上屆成案。於商捐積土並安省水利本款經費動支。責令該道府督屬如式挑築。覈實驗收。俾減洩通暢。不致旁溢。務

期河務民田兩有裨益。該部知道。○又諭。琦善奏籌捐生息。調劑快丁一摺。江南上元縣快丁素稱貧疲。官丁交累。茲據琦善查明該庫額僉快船三十三隻。除待僉及已僉捐貼各船外。尚有已僉自運者十三船。每年共需運造費銀四千六百九十兩。除捐本生息各船及上元等縣調劑案內共銀二千五百八十兩。尚不敷實銀一千九百四十一兩零。經該處紳士丁民等公捐銀一萬二千六百兩。

發典生息。同前捐快丁楊明章等七船增息各款。每年共得銀一千九百四十一兩零。足敷運造二費之用。以後船交伍丁代運。快丁永免僉差。所捐本銀即令趕緊繳足。分交上元等縣各典。同楊明章等捐項應增息銀俱自道光七年正月初一日起。按季繳息。解濟運造二費。其未經交本生息以前各快原欠貼費。仍照數追繳。該督即飭妥議章程。報部查覈。餘俱照議辦理。該部知道。○又諭。琦善

等奏查訊京控事件。據實覆奏一摺。據稱江蘇省錢漕情形疲敝。各屬歷年積欠漕尾計二次清查案內尚欠銀十七萬六千兩零。三次清查案內尚欠銀七萬七千八百兩零。遵照奏定章程勒追外。道光元二三四等年。又有未完米一十三萬餘石。經前任巡撫查明。委係實欠在民。勒限追賠。該督等復奏明展限。責令各州縣按年賠繳。而民間完數仍屬寥寥。且拖欠多係大戶。即如朱心灼費長春

等案。均拖欠錢漕至二三載之久。猶復藉詞京控等語。錢漕皆惟正之供。各州縣如果實力徵收。何至民欠累累。若刁生劣監任意抗延。動輒藉詞控告。尤應隨時懲辦。嗣後著該督等將該省錢漕極力整頓。如遇不肖官吏藉口民欠。侵貪肥己。即著嚴參分別革職。勒限監追。儻係刁劣矜民。藉訟抗延。並著按律嚴行拏究懲辦。毋稍寬縱。以儆刁風。而清漕務。○又諭。陶澍奏災務積弊。及現在查辦情

形一摺。江蘇省淮揚徐海等府州被災較廣。現值分查戶口。領銀散放之時。尤須力除積弊。如該撫所奏書役與鄉保勾結朦混。縱令婦女喧撓。別保攪入求票。刁棍訛索。及買票雇人包領等十弊。均係辦賑所必有。該撫論除弊之法四。而要歸於得人。自係正本清源之論。現經該督撫等捐廉三萬餘兩。分撥災區。作為辦賑委員吏役人等食用之需。復將應需賑銀。豫解淮揚府庫。俾各州縣就近支

領。辦理俱極周妥。該員等如果經理得當。自應加以鼓勵。儻辦理不善。或竟意存染指。僅予撤回。不足示儆。即著該撫摘尤參辦。毋稍瞻徇。其地方刁生劣監希冀捏冒者。亦著訪拏究辦。○又諭。陶澍奏籌辦留養災民。並酌留緩帶漕米一摺。本年江蘇淮揚等屬被淹較久。災民甚眾。經該督撫率同司道府縣。並在籍紳士等。籌酌勸捐。一體留養。現在各屬查辦大賑。除丁壯災民陸續遞送回籍外。現

屆天氣嚴寒。各災民本籍田廬未盡回復。自應仍為留養。惟自冬徂春。為日尚長。明春糧價增昂。小民難免艱食。尤宜豫籌調劑。著准其將道光六年帶徵三年災緩二三限漕米。及五年徵贖緩漕。俟各屬報有成數。即扣留貯倉。免其搭運。於來春青黃不接時。酌運江南北各災歉州縣。減價出糶。其留養災民各處。專令災民糶買。俾得接濟有資。該撫務須飭屬妥協督辦。用副朕惻隱在抱至意。○諭

軍機大臣等。陶澍奏現辦漕務情形。嚴禁於棍包漕。橫索陋規等語。所奏甚是。江蘇漕務疲敝已久。閭閻每苦浮收。而各州縣用度浩繁。不能不藉資津貼。抗玩者即因此挾制。以為控端。積習成風。互相詬病。必應力加整頓。務令兩得其平。既不使不肖官吏婪索病民。亦不容棍把持藉端訐告。庶可官民相安。而刁風漸息。如所奏旗丁津貼一項。前經奏定。每米一石。給銀二三錢。多者不得過五錢。

漕督統轄旗下。自應飭屬嚴查。不准絲毫多索。而地方大吏。深知疲丁苦累。亦不得不照奏定數目。令各州縣酌量給發。俾漕船得以過行。此項銀兩。計漕多之處。即須用三四萬至六七萬不等。各州縣稍有浮收。原非必藉以入己。而包漕棍。藉此橫索陋規。不可不亟行革除。據奏富豪之家。與稍有勢力者。皆為大戶。亦有本非大戶。而詭寄戶下者。其刁生劣監。平日健訟者。則為訟米。完納各有成

規。而訟米尤甚。稍不遂意。非逞兇鬧倉。即運名捏告。藉控為抗。包攬分肥。人數最多之處。生監或至三四百名。漕規竟至二三萬兩。實駭聽聞。各州縣費無所出。自必取償於鄉曲之淳良小戶。為牽長補短之計。而窮民不堪朘削。樂於詭寄糧名。大戶生監等包攬愈多。盤剝并合。勢所不免。將至小戶之糧田日少。辦漕之經費日絀。不釀成巨案不止。該撫既經見及。自必能早為之計。力挽頹風。著即督

同藩司將收漕章程體察情形分別酌定毋許浮多並嚴禁道府需索漕規及上司同僚徇交幕友長隨等弊一面飭屬遵照一律免收。於棍陋規痛行裁革。此項積弊已久。人數眾多。當整頓之初。怨謗沸騰。甚或糾眾肆鬧。捏詞京控。固為勢所必至。該撫惟當不避嫌怨。不稍偏徇。無庸豫存畏蒞之見。遇有控告漕案者。即查其有無抗欠。是否糧戶。如實係生監包攬。或大戶紳士恃符刁抗。或有漕而生監包攬。或大戶紳士恃符刁抗。或有漕而

米未交清。或集審時原告藏匿。或不候訊結潛逃。驀控均即提拏嚴審。奏明分別治罪。朕必從重懲辦。並著該撫移咨學政一體查察。如浙江學政朱士彥。於貧生拖欠錢糧。無論數目多寡。悉行扣考。固覺過重。若拖欠較多。實係有心抗糧者。亦應停其考試。俟完清後再行補考。儻有仍前縱恣者。該學政亦即查明斥革。移咨該撫審辦。不得稍涉徇縱。至各州縣被控浮收銀米。總宜查明是否格外增

添。有無侵吞入己。分別辦理。惟在該撫一秉至公。實心整頓。不徒出示曉諭。仍成誥誡之虛文也。將此諭令知之。○以故喀爾喀扎薩克輔國公達布拉車林子旺當多爾濟喀爾喀扎薩克輔國公敏珠爾多爾濟子桑都布多爾濟各襲爵。○以甘肅布政使楊健為湖北巡撫。仍留甘肅辦理軍需。未到任前。命湖廣總督嵩孚兼署。○以山東布政使訥爾經額為漕運總督。未到任前。命兩江總督琦善

兼署。調江蘇布政使賀長齡為山東布政使。以江西按察使梁章鉅為江蘇布政使。浙江鹽運使福珠隆阿為江西按察使。○撫卹日本國遭風難夷如例。○甲寅諭內閣。前據戶部奏各省節年未完地丁正耗銀兩。請飭該督撫藩司勒限嚴催。並飭將經徵督催復叅處分。按限查叅一摺。已依議行矣。直省地丁錢糧。若非災歉緩徵。豈容任意拖欠。乃自嘉慶二十二年普免民欠後。又歷年積欠至三



百八十餘萬之多。總緣地方官經徵不力。各上司不認真查催所致。即因災緩帶錢糧。亦節年積至八百四十九萬有奇。國家經費攸關。皆當依限徵完報撥。業經該部查奏飭令各督撫嚴飭藩司。迅即按年按限分別開具清單。先行送部查覈。並將該部承辦司員。不按例查出行催者。定以叅處。該督撫等自不容任聽所屬。仍前延宕。本日又據奏各省道光五年完欠錢糧比較內。直隸福建江西安

徽四省未完分數。較上三年復又加多。藩司總覈錢糧。如果認真嚴催。何至徵收日益短少。除直隸省催解四五兩年旗租較往年多至十萬有奇。該藩司功過尚可相抵。加恩免其議處外。其福建江西安徽三省藩司。著查取職名交部。於奏銷考成外。再行按照未完分數。分別議處。廣西河南兩省奏報單內。俱屬違式。並著查取該藩司職名交部議處。○又諭鄂山奏籌解馬匹一摺。現在軍營所需

馬匹。應即籌撥解往。以資應用。該署督等前於口內挑撥豫備續調馬三千匹。再於附近各營調馬五百匹。同塔爾巴哈台喀喇沙爾兩處備買馬一千五百匹。共湊足五千匹。著即派員迅速解往大營。毋稍遲誤。該署督前奏調馬二萬有餘。誤將上年喀什噶爾調用之馬一併計算。並未扣除。其疏漏之處。著照所請交部察議。至前經降旨令德英阿挑備馬匹。已據覆奏。在於廠馬內揀選臚壯者四

千匹。豫備調撥。著該署將軍飛咨長齡等。如尚需用若干。即照數解往。以資接濟。○烏魯木齊都統英惠奏。吐魯番廳歲需兵糧。該處倉存不敷。請照時價採買從之。○賞山西綏遠城運糧兵丁一月鹽菜銀。○予伊犁解送烏魯木齊馬匹官員議敘。賞兵丁一月鹽菜銀。○乙卯。

上辛瀛臺閱冰技。○諭內閣。瑚松額等奏查明德爾格忒土司與玉舒巴彥囊謙族交涉情



形一摺。此案四川德爾格忒宣慰司與西寧玉舒巴彥囊謙族本屬一家。從前乾隆年間。因囊謙弟兄不和。經西寧大臣斷分三百戶。令諾爾布之父索諾木旺爾吉分管。原係該土司之祖調處。給有執照。今小囊謙諾爾布因頭人不服。避入大囊謙地方。意圖歸併。大囊謙而番目成立。爾多等不願歸併。向該土司投訴。諾爾布之妻噶爾麻才爾吉亦不願歸併。帶領其子逃回母家內五齊番族。大囊

謙千戶又不敢親往質對。其為大囊謙意圖占據小囊謙。已無疑義。自應俯順輿情。各清夷界。遵照斷案。永杜葛藤。著仍照乾隆年間原斷。將小囊謙三百戶分設番目。令成立爾多暫行代管。並著成立爾多親至邊界。將土婦噶爾麻才爾吉及都爾吉旺母子一併領回。毋致失所。仍俟都爾吉旺年長。交還承管。其諾爾布聽其自便。嗣後玉舒巴彥囊謙不得覬覦小囊謙戶口。德爾格忒土司亦毋許

干預鄰封事件。以息爭端。而綏邊境。該衙門知道。○又諭本年春夏二季。科布多並未得雨。所種屯田。收穫糧石。僅在一分以內。與原定分數。虧短大半。統轄兼轄之綠營蒙古官員等。著交部議處。正屯長范家順等十人。著交部治罪。該部知道。○丙辰。諭內閣。巴琿阿奏各蒙古汗王公扎薩克台吉等請輸駝隻。以濟軍需一摺。現在軍營籌備駝隻。已數應用。該蒙古汗王公台吉等復進駝八百三十

餘隻。業經分起解往。念其輸誠效順。俱著加恩賞收。交古城轉解烏嚕木齊備用。至杜爾伯特左翼汗齊旺巴勒楚克土爾扈特郡王三達克多爾濟和碩特扎薩克台吉佈彥克什克等。俱著賞給緞匹。以示嘉獎。並發去賞單。著巴琿阿即照單分別給賞。該部知道。○又諭。候選刑部司獄麻燮寅在步軍統領衙門。呈遞條陳時弊八款。求為轉奏。內惟新進士大批舉人拔貢等項。分發知縣。不應即署

州縣遇有缺出。應以卓異之丞倅佐貳署理。一款。係屬妄言。其餘尚無違礙字句。且有二款。係關伊江西本省鹽快私梟積弊。應行查辦。該員越職言事。本有應得之咎。念其所遞條陳。係露封呈請。步軍統領轉奏。尚非擅遞封章可比。麻變寅著免其置議。飭令靜候銓選。無得多事干咎。○又諭。四子部落王伊什楚克。嚕布。被控僭用黃繖等款。均已供認。任性妄為。實屬溺職。著即革職。其應襲王爵。著

理藩院照例辦理。盟長巴圖鄂齊爾。貪差不慎。以致故縱罪人。著罰扎薩克俸一年。○諭軍機大臣等。本日步軍統領衙門奏。候選刑部司獄麻變寅。呈遞條陳。內。江西萬安縣。設有鹽快巡緝。並不以緝私為要。專藉端訛詐。搶劫過往商船。及泰和縣馬家洲地方。素有梟匪囤賣私鹽。並聚眾局賭。搶劫良家婦女。姦淫二款。如果屬實。必應嚴拏懲辦。以除行旅地方之害。著將此二款。鈔寄該撫閱看。務

即飭派妥員嚴查密訪。得有確情。即悉數查拏。務獲。按律究辦。勿得任聽所屬彌縫粉飾。稍有回護徇縱。將此諭令知之。尋奏。委員查訪。雖現無其事。不可不加意嚴防。已飭該地方文武嚴密巡緝。如有前項情事。立時拏究報聞。又批。不可徒託空言。一飭了事。務要隨時認真查辦。不准稍有含混也。○又諭。據那彥寶奏。肅州前起兵丁出關後。因無車馬更換。遂全行越站。直至大營。而後起踵至者。趕

辦不及。以致積聚至三四千人之多。該地方官幾至束手無策。約計吉林。索倫。並川陝兵丁。分起啓程。恐歲底尚不能全到軍營。兼之糧餉等項。同時並舉。以至臨期擁擠。不能隨到隨行等語。現在將軍參贊已先後齊抵大營。專候吉林。黑龍江。及各路官兵到齊。方能剋期進剿。乃官兵出關後。因車馬不能應付。聚積至三四千人之多。且將車馬全行越站。該地方官所司何事。著鄂山等即嚴行飭催

趕辦。無誤軍行。此時不但軍行緊要。即糧餉等項。亦須隨到隨行。不得稍滋延誤。前據該署督等奏。所辦鐵腳車。已辦就九百餘輛。其餘已飭停辦。自係車腳馱載。已數應用。何以又致臨事周章。現距那彥實奏報之期。又及一月。是否車駝已數輪轉。官兵糧餉等項。仍否如前擁擠。即行據實具奏。以慰廛注。至所奏由水嶺轉運伊犁糧石一節。已經長齡等奏明雇覓回子在水嶺接運。無須再用民道。

也。又據恆敬奏。請將趙宜暄仍留哈密。其喀喇沙爾轉運事宜。另委昌吉縣知縣吳景玉前往辦理等語。喀喇沙爾有轉運糧石事宜。較之哈密專辦兵差。尤屬繁劇。吳景玉現往喀喇沙爾。能否辦理裕如。趙宜暄於兵差過竣。是否仍須留於哈密。並著鄂山等體察兩處情形。酌量調遣可也。將此由五百里諭知鄂山、盧坤。並諭那彥實、恆敬知之。○丁巳上詣

皇太后宮問安。○諭內閣。御史吳敬恆奏。棍徒遇災滋擾。及盜竊開棺各一摺。地方偶遇偏災。招商販米運售。向准免稅放行。棍徒何得攔阻。果有其事。地方官無難按例懲辦。茲該御史奏道光三年。本省水災。地方棍徒滋擾。經撫臣陶澍出示禁止。旋即斂跡。係業經辦過成案。仍復嘵嘵執奏。至稱盜風日熾。每有浮屠屍棺被盜之案。浮屠淺葬。本屬薄俗。相沿。至開棺見屍。律有明條。自應隨案懲治。地方官遇有此等案件。如果延不緝辦。屆限即應開叅。亦無庸多設禁令。該御史摭拾舊案。及瑣屑事件。列章陳奏。殊屬不曉事體。所奏毋庸議。原摺著擲還。○戊午

上詣

大高殿行禮

時應宮拈香。○幸瀛臺閱冰技。○諭內閣。昨據戶部奏。大興縣民陸有章。宛平縣民伍雲亭等。呈請於宛平等五州縣開採銀礪。朕以

地近京師及易州一帶。非他省可比。其於地脈風水有無妨礙。飭令那彥成陸以莊等。派委公正大員詳加查勘。再降諭旨。朕復思各省銀礦。向俱封禁。况畿輔重地。且附近易州一帶。詎可輕議開挖。著直隸總督順天府停止委員履勘。至該民人具呈時。該部即應飭司批駁。英和身為協辦大學士。非不諳政體者可比。乃率行據呈具奏。事雖因公。但視朕為何如主。冒昧之至。不可不示以懲儆。英和

著調補理藩院尚書。退出南書房。總管內務府大臣。仍交部嚴加議處。其餘戶部堂官。並不詳加體察。隨同畫諾。王鼎敬徵湯金釗者。英顧皋俱著交部議處。尋議上。得旨。英和著加恩改為降三級留任。王鼎敬徵湯金釗者。著顧皋著加恩改為降二級留任。俱不准抵銷。○刑部議駁山西巡撫福綿奏審擬民人李懿青圖姦子婦曹氏一案。得旨。部駁甚是。此案山西民人李懿青向子婦曹氏調戲圖

姦。曹氏嚷罵拒姦。被李懿青踢傷殞命。該犯疊起圖姦。翁媳之義已絕。自應比依凡人鬪殺。擬以縲首。該撫率將李懿青照強姦子婦未成而婦自盡例。加等擬軍。是僅科以圖姦子婦之罪。而置拒毆斃命於不問。罪名出入攸關。著該撫查照部駁情節。詳加研鞫。另行妥議具題。到日再交該部覈議。尋奏擬改為絞監候。秋後處決。下部議從之。○雲貴總督阮元等覆奏御史楊殿邦所奏邊要各條。均

經逐一訪查。容再隨時妥辦。得旨。所奏俱悉。務要隨時認真查辦。不可稍有疏忽。○命大學士曹振鏞在南書房行走。調工部尚書禧恩為戶部尚書。理藩院尚書穆彰阿為工部尚書。○賞科爾沁卓哩克圖親王巴圖三眼花翎。命教漢鎮國公固山額駙那木扎勒多爾濟在紫禁城內騎馬。○准留臺效力已革福建水師提督許松年回籍。○旌表守正捐軀河南尉氏縣民婦李氏女篆姐。○己未諭

內閣各直省賞給兵丁紅白銀兩。儻遇原估之數不敷支放。原准借款動用。其銀在千兩以上。應奏明酌增者。亦須覈實辦理。本日鄂山奏提借兵丁紅白銀兩摺內。據稱甘肅省本年滿漢各營。除已動支部撥銀二萬五千兩外。尚不敷銀至九千二百六十七兩之多。兵丁等紅白事件。固不能豫定成數。惟兵有定額。歲支即有參差。亦斷不至相距懸遠。國家經費有常。似此遞年加增。伊於胡底。殊非

覈實辦公之道。著通諭各直省督撫將軍都統提督等。嗣後於兵丁紅白賞卹銀兩。務督飭該管官隨時確查報明支放。毋任浮冒。虛糜帑項。○又諭孫爾準奏查辦械鬪完竣。籌議善後事宜一摺。臺灣所屬多係閩粵兩籍寄居。閩粵漳泉各分氣類。每因械鬪滋事。經此次懲創之後。該督議立章程。以期永臻綏靖。著照所請。嗣後該地方官慎選總董。責成約束子弟。如積久著有成效。量予獎勵。儻縱

容滋事。即將該總董嚴懲。遇有不法匪徒潛匿。責令總董縛送究治。無許誣扳報復。務期鋤暴安良。現在彰化之許厝埔及西螺各莊。業將著名劇盜分別懲辦。其究出逸匪。仍應遴員按名緝獲。以淨根株。至地方風俗之淳澆。尤視廳縣之能否。其貪黷嚴酷者。固難姑容。而因循姑息者。亦難資整頓。該督即率同道府秉公訪察。將疲軟不振之員。即行澄汰。如該管道府有意徇庇。據實劾奏。所設屯丁

隘丁。並飭該廳縣隨時清查。務令糧額充盈。認真防守。其淡水土城。現經該處紳士捐資改建。著該道府督同廳員倡率辦理。務期工堅料實。俾臻鞏固。至彰化以北五百里之地。僅設守備一員。難資彈壓。該督請於南路遊擊都司內酌量移駐竹塹。即以竹塹守備移駐淡水彰化交界之大甲。聲勢可期聯絡。並將銅鑼灣及三灣之斗換坪移設汛防。駐兵數十名。俾資防禦。其應如何調撥之處。即著

與巡撫會商妥議具奏。再降諭旨。該督現已內渡。回署後將應辦事件辦理清楚。再行來京。陛見不遲。尋奏改鎮標右營遊擊為北路右營遊擊。移駐竹塹。隸北路協副將鎮標右營遊擊事務。歸左營遊擊兼管。移竹塹守備一員。駐大甲。撥鎮標右營千總把總外委各一員。兵二百名。歸守備管轄。移鎮標右營把總一員。兵六十名。駐銅鑼灣。右營外委一員。兵四十名。駐斗換坪。均隸北路右營遊擊。下部議從之。○諭軍機大臣等。程祖洛奏查勘武陟縣放淤地畝。疏通積水情形一摺。武陟攔黃一埧。年年修守。糜帑病民。自不若籌辦放淤。俟一二年內灘淤高。即可永除水患。前因有人條奏。無裨宣防。又淹田畝。耕種無望。復降旨令程祖洛督同河北道詳加履勘。並飭令趕緊疏消。茲據奏稱。放淤時進水甫及旬餘。受淤之地。自三四尺至三四寸者。已有三百七十餘頃。不為無益。嗣因河溜南趨。將

進黃溝堵閉。開順清溝。啟放宣洩。九月以後陸續涸出地畝。已逾十分之九。前存積水一片未涸地畝。共止八十餘頃。不及十分之一。水深止一二寸至五六寸不等。十月以前。涸復七八分之地。均經播種二麥。十一月以後新涸地畝。一分有餘。須待來春播種。其未涸之水。現在逐日見消。計二十日內即可涸盡。惟將來面水消去。底水益形低窪。外灘愈形高仰。消放倍難。且冰凌凝結。須逐段敲打。方能施用。肩斗著准其寬限至明年正月二十日以前。一律疏通全涸。該撫即督飭該道責成廳縣。晝夜認真趕辦。依限完竣。如有遲延。將該廳縣嚴叅懲處。總期無誤東作。俾得補種春麥。仍恐地畝甫經涸復。而積潦已久。不能乘時播種。並著該撫屆期體察情形。如有應行調劑之處。據實奏辦。毋許稍有諱飾。至明歲應否續行放淤。仍著屆時察看溜勢情形。奏明分別辦理。將此諭令知之。○署烏里

雅蘇台將軍倫布多爾濟等奏。倫布多爾濟恭進駝二百隻。今蒙賞收。各汗王公等所進駝三千隻。現亦陸續解送來城。派員查驗。均屬臙壯。惟孳生駝廠距城寫遠。即於烏里雅蘇台科布多現用官駝內。挑選八百隻。共湊足四千隻。分作八起。陸續解往古城。交恩銘轉解烏魯木齊。以資要需。俟應撥孳生駝八百隻解送來城。再行撥補烏里雅蘇台科布多現用官駝。以實缺額。報聞。○以辦理臺灣械鬪匪徒出力。賞參將黃其漢。遊擊謝得彰。花翎道員方傳樞。副將邵永福等。下部議敘。賞生員劉獻廷。副榜。餘升補有差。○予故江西臨川縣知縣秦沅。山西廣靈縣知縣朱休度。入祀名宦祠。河南故直隸清河道胡鈺。山東故浙江杭嘉湖道李嗣福。建故舉人黃金鉉。入祀鄉賢祠。從總督孫爾準巡撫嵩溥。福綿。程祖洛。武隆。阿請也。○旌表守正被戕江蘇崇明縣民倪茂林姪媳范氏。○庚申。

上御乾清門聽政。○諭內閣。前據嵩孚奏。湖北湖南各營雲騎尉世職補缺。例將該省候補人員。通行檄調。考覈惟地方寫遠。遇有調考。往返需時。有曠操演。請將成例稍為變通。當交兵部議奏。茲據奏稱。此項世職。每遇補缺。全行檄調。營員未免苦累。著照所請。嗣後遇有守備缺出。輪用世職。先將到標名次在先之員調考。若弓馬才具俱堪稱職。即將該員題補。儻弓馬生疏。飭回原營練習。再調其次之員考驗。如仍難稱職。即按次遞推調補。下次缺出。仍將前次退回原營之員調考。如練習勝前。准將該員題補。儻仍前生疏。即著勒令休致。所遺世職。另行承襲。至各省雲騎尉世職。情形均屬相同。俱著照此畫一辦理。並著該督撫提督於校閱營伍時。將世職人員。擇其技藝優長。年分較深。及平日差操勤慎者。隨時存記。遇有應補缺出。即可覈實揀補。以重營務。而勵人材。○又諭。前因吉林潛住



流民。歷任將軍副都統等。因循玩縱。並不實力驅逐。以致日漸增多。降旨交富俊認真查辦。如果不憚繁難。概行驅逐。不但免其前譴。即歷任失察各員。亦俱曲從寬貸。該將軍於奉旨後。即將該流民一千餘戶。指出地方。飭令依限全行遷移分散居住。辦理周妥。所有部議降一級留任之處。著加恩寬免。其在任五年以上之前任將軍賽冲阿。前任副都統達祿。著各降一級留任。在任二年以上之現

任副都統倭楊泰。前任副都統祿成。著各罰俸一年。在任三月之前任將軍松筠。著罰俸六箇月。均著准其抵銷。○以奉宸苑卿桂輪。為內閣學士。兼禮部侍郎銜。大理寺卿誠端。為都察院左副都御史。太常寺卿廉敬。為大理寺卿。光祿寺卿噶勒彬。為太常寺卿。署大理寺卿保昌。為光祿寺卿。○辛酉。諭內閣。朕前聞喀什噶爾。歷任參贊辦事大臣。種種乖謬。節經降旨。交長齡等據實確查。茲據奏自

嘉慶二十年起。該處歷任大臣內。如松福。聲名平常。各城皆知。雖查無實在劣跡。其辦理不善。已可概見。松福著革去三等侍衛。永不敘用。斌靜在任。事事妄為。姦宿回婦。及安集延。回子。薩賴占之女。致薩賴占氣忿自行割傷。幾致釀成人命。荒淫已極。若於在任時早經發覺。即應照乾隆年間高樸之案。立予正法。該員業經發往黑龍江釋回。兩目俱瞽。亦不能竟予寬貸。著拏交宗人府。會同刑部嚴

行治罪。色普徵額。於嘉慶二十五年八月內。張格爾入卡滋事時。令參將玉森帶領步隊迎敵。該員批帶滿營馬隊繼進。彼時賊眾不過一二百人。該員等追至霍爾罕莊。若使趕緊撲捕。即可永除後患。乃逗留不進。貽誤事機。若即時發覺。亦應立正典刑。茲已事逾數年。色普徵額著革去三等侍衛。拏交刑部嚴行治罪。伊子博勒洪武。並著革去二等侍衛。逐出乾清門。至上年張格爾在卡外游奕。承



芹與巴彥巴圖並未確探情形。又不詳慎。勦辦巴彥巴圖率將汰劣克家屬。妄行誅戮。旋致全師被害。若使其身尚在。亦應從重治罪。現已身故。著革去都統銜。及加賞世職。永芹於巴彥巴圖在外妄殺無辜。雖未豫知。伊身任參贊大臣。辦理率忽。咎無可辭。伊子綿煥。綿星前已降為奉恩將軍。著將綿星再行革去。奉恩將軍以示懲儆。該部知道。○又諭前因大軍進剿逆回。節屆嚴寒。慶經諭令長齡及鄂山等為滿漢兵丁製備禦寒之具。惟道里遙遠。由口內趕製解送。緩不濟急。現經長齡等奏請酌給銀兩。著照所請。除在口內領過皮衣兵丁毋庸再給外。其先行出口兵丁每名賞給皮衣皮帽銀二兩。令其自行製辦。俾資挾纊。○又諭李鴻賓等奏州縣各官養廉請暫由司庫支放一摺。粵東省各州縣養廉向由司庫支放。遇有攤捐等款未完。即可隨時扣抵。嗣因改歸州縣留支。以致捐款屢

催不解。現在各屬積欠司庫雜項銀六萬八千餘兩。捐款銀三十三萬餘兩。更恐舊欠未清。新欠踵至。勢必愈積愈多。自應量為變通。以清款項。著照所請。准其援照山東等省成案。將該省州縣各官養廉。自道光七年起。暫行解司。按季支領。俾得隨時查扣欠款。其所扣銀兩。仍飭藩司先儘本任新捐。次及遠年陳欠。俟扣收清楚。再奏歸州縣留支。所有完欠分數。即著照例歸併地丁奏銷案內。合叅議處。該部知道。○諭軍機大臣等。長齡等奏會籌軍務情形一摺。所奏均悉。喀什噶爾卡倫外。均係布魯特游牧。現在奇里克等部落俱已遵諭投順。其餘如沖巴噶什等部落。均係通霍罕。及巴達克山要路。必須將該夷等逐一收為我用。方能不令張逆逸去。長齡等當遣派妥人。以賞格明白曉諭。並察其是否實在輸忱。方可收以夷制夷之效。現在兵未到齊。固不可輕舉妄動。但從前平定回疆。不

過二萬餘兵。此時務期將張逆設法誘擒。出奇制勝。是以需兵較多。但使兵力足數。分剿即當會商前進。不可曠日持久。坐失事機。至進兵機宜。前經降旨。令長齡等分正兵一路。奇兵二路。一由烏什。巴什雅哈。瑪卡倫外草地。一由巴爾楚克軍臺。向樹窩子潛進。再以大軍由正路前進。原以牽制該逆。俾分賊勢。並前後兜擊。不令竄出卡倫。今長齡等奏。分奇正兩路進發。恐奇兵一路懸軍深入。與正

兵不能相顧。但軍行萬里之外。一切機宜。朕亦不為遙制。計年內外總可進兵。惟在該將軍等妥商酌定。務保萬全。商定後。一面具奏。一面進兵。不必候旨。至和闐一路。程途更遠。自不必分兵前往。總以聲勢聯絡。嚴防埋伏。抄襲為要。至噶爾察。稟稱張逆帶四萬。人上阿克蘇。自係該逆虛聲恫喝之辭。不足憑信。然亦當隨時防備。該逆果肯前來。正可迎頭截剿。以期一鼓殲擒。至所奏採買糧石。餵養

馬匹。雇覓駝載。俱著該將軍等酌籌辦理。另片奏。斌靜等貪淫貽誤。各情形。深堪痛恨。若斌靜色善徵額。當時發覺。必應立予刑誅。巴彥巴圖尚在。亦應從重治罪。茲已明降諭旨。將斌靜等交宗人府會同刑部。色善徵額革職。等因。交刑部。一併從重治罪。巴彥巴圖革去都統銜。及世職。該將軍等當曉諭回城。及布魯特。俾令咸知。諭以大皇帝信賞必罰。爾等惟當輸誠效順。嚴定大功。好膺懋賞。將此由

六百里加緊諭令知之。○以阿克蘇屯田豐收。予員弁議敘。賞兵丁一月鹽菜銀。○予隨營病故三等侍衛額爾精額。祭葬卹廕如例。○予阿拉爾河沿托什罕及察哈拉克等處陣亡兵丁賞卹如例。○壬戌諭軍機大臣等。陶澍奏。徒陽運河批切寬深。惟來年江浙新漕。須趕早抵壩渡黃。恐屆時潮小。淺滯難行。另籌由開出江之路等語。本年徒陽運河業經該撫飭屬批切寬深。並將古淺之豬婆灘

雇夫挑辦。來年江浙漕船經行。諒不至有阻滯。茲該撫慮及彼時潮水尚小。恐誤漕行。查有橫閘越閘。均可由運河通江。而橫閘尤近。若由此經過。焦山抵瓜洲口。僅止三十餘里。半日可到。係為先事籌備之計。惟江浙漕船經臨徒陽。自應照常由正河行走。最為穩妥。著該撫察看情形。儘屆時潮水不旺。實在淺阻難行。該撫當親往江閘。相機籌辦。務令漕艘迅速暢行。不可稍有延誤。將此諭令知之。

○直隸總督那彥成奏。勸捐興復義倉。得旨。實力妥辦。○江蘇學政辛從益奏。陳考試及災區情形。得旨。實力整頓。勿存見好邀譽之心。辦理災務。如有不肖官吏侵吞肥己。不能實惠及民者。當據實密奏。慎之。○署喀喇沙爾辦事大臣常格奏。前奉諭旨。雇備車駝。接運烏嚕木齊糧石。當飭章京雇覓商駝五百隻。蒙古駝八百隻。又回子牛一千二百隻。以資加運。至喀喇沙爾。每年收穫倉糧。僅數屯。

防官兵並尋常供支之用。現在官兵絡繹前進。恐致臨時竭蹶。前咨烏嚕木齊撥銀三萬兩。照時價採買京石小麥五千餘石。磨麪供支。征兵行糧。如有盈餘。儘數運送大營接濟。又准長齡咨。令截留軍需銀兩。採買馬匹。當即截留軍需銀六千兩。於土爾扈特和碩特兩遊牧並兩回城。價買驕馬五百匹。聽候調用。仍飭章京等再雇駝隻。以資糧運。報聞。○以服闋巡撫朱桂楨署禮部右侍郎。○緩徵

江蘇山陽安東高郵泰甘泉寶應六州縣歉收村莊新舊銀米麥豆。

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十二

監修鴻臚寺卿臣王公大臣等奉  
天府府尹等謹將五旗紀錄十八次  
七金大臣等謹將四旗紀錄十八次  
內務府大臣等謹將六旗紀錄十八次  
軍機處大臣等謹將六旗紀錄十八次  
戶部大臣等謹將六旗紀錄十八次  
刑部大臣等謹將六旗紀錄十八次  
工部大臣等謹將六旗紀錄十八次  
禮部大臣等謹將六旗紀錄十八次  
兵部大臣等謹將六旗紀錄十八次  
刑部大臣等謹將六旗紀錄十八次  
工部大臣等謹將六旗紀錄十八次  
禮部大臣等謹將六旗紀錄十八次  
兵部大臣等謹將六旗紀錄十八次

道光六年丙戌十二月癸亥

上詣

皇太后宮問安○諭內閣蘇成額奏籌備回疆  
軍需銀兩請扣廉歸款一摺各省額設養廉  
以資辦公該撫因軍需較繁請將藩庫封貯  
項下動支銀十萬兩解甘肅備用於巡撫兩  
司應得養廉內各扣一半分作十年歸款辦  
公未免支絀且亦不成政體所奏著不准行  
○甲子諭內閣福綿奏各屬欠解捐雜等款  
籌議勒追一摺山西省各屬應解捐雜等款

內有本任自行欠解。並有後任之員為前任  
輾轉代賠者。自嘉慶十四年奏定分限追完  
以後。雖有按限彌補之處。每有藉稱接自前  
任意存觀望。難款有關報撥。捐款應歸司庫  
墊項。各該員既經結報認補。豈容日久宕延。  
著照所請。除本任欠解。並已向前任接清。勒  
催未解者。即行奏參外。其前已詳定代前任  
彌補逾限未完之員。分別銀數多寡。再行勒  
限嚴催。如延不完解。著即撤任。另限三箇月  
措繳。儘仍屆限不完。據實參辦。嗣後惟當認  
真嚴查交代。不得絲毫短少。捐款亦須釐定  
確數。毋許復有增加。隨時提扣。年清年款。以  
杜虧那。該部知道。○以故三等襄勤伯保倫  
子福謙。因病告替三等公成恆子繼善。各襲  
爵。○以乾清門侍衛奕紀為奉宸苑卿。○以  
伊犁屯田豐收。子員升議敘。賞兵丁一月鹽  
菜銀。○乙丑諭內閣戶部奏寶泉局現存銅  
斤無多。請飭催在途各運趕趨交局等語。現

據山東巡撫奏報。委員孫琚等領運甲申二  
運銅斤。在臨清守凍。著該署撫即嚴飭該二  
運銅船開凍後趕緊趨運。並著直隸總督派  
委幹員。探查迎提。務於來年三月內交局。以  
資接濟。至龍江關咨報。已入江境之甲申年  
正運第四起。乙酉年正運第一二起。並尚未  
到江之乙酉丙戌等年各運銅斤。均著各該  
督撫查明各運銅船入境。隨時嚴催迅速抵  
京。毋稍延誤。○以烏魯木齊屯田豐收。子員  
升議敘。賞兵丁一月鹽菜銀。○准湖南幫丁  
應交通庫墊發剝價銀。分限五年扣還。○丙  
寅諭內閣。韓克均奏盜首正兇未獲。請將知  
縣遊擊及道府分別革職。摘去頂帶。勒限嚴  
緝一摺。盜首楊九前壘。次糾眾搶劫擄贖。殺  
斃多命。復又出洋行劫。拒斃水手。自應上緊  
緝拏。以靖地方。經孫爾準等疊飭嚴拏。雖已  
獲犯一百餘名。其楊九前及各案正兇仍未  
就獲。實屬縱延。前任漳浦縣知縣郭應辰署

漳浦縣候補直隸州知州陳士榮海澄縣知縣景燮漳州鎮左營遊擊常履階右營遊擊馬良棟俱著革職留於地方協緝以觀後效署汀漳龍道胡祖福漳州府知府戴嘉穀俱著摘去頂帶勒限三箇月督同現署知縣丁文燾等按名嚴緝限滿無獲即行叅辦孫爾準韓克均仍責成水陸鎮總兵會督道府營縣併力堵捕務獲懲辦毋任潛匿及逃竄入海致干重咎○又諭韓克均奏請暫弛海禁

准令商船販運浙米赴閩等語本年閩省各屬秋成中稔惟因上年歉收糧價未能大減漳泉兩郡向賴臺米接濟現在臺北收成稍歉商販罕通浙省秋成尚豐米價較賤著准其暫弛海禁聽商船販運浙江米石赴閩糶賣以濟民食該撫即飭沿海各屬查照上年舊章辦理經由各海口隨時查驗毋許照外多帶米石以防偷漏一俟閩省米價平減即行停止該部知道○又諭程含章奏漕幫丁

力疲乏請將應扣銀米分別展緩一摺浙江各幫糧船上年在淮起剝本年復南北接運用度較繁若將遞年積欠各款按限扣還丁力未免竭蹶著照所請加恩將各幫借欠本省司道各庫本運應扣還銀共四萬二千五百三十餘兩暨留南變價餘米二萬四千九百餘石除照案提銀給丁濟用外餘銀五萬二千餘兩概行給予各幫所有應扣還縣庫欠款均展緩一年俟道光七年冬運分別按

限扣還其歷年積欠米六萬九千二百八十五石准分六限自本年為始每限帶還米一萬一千五百四十七石零至各幫借欠天津道庫通庫共銀二萬一千五百八十兩零准分四限自本運為始每限扣還銀五千三百九十五兩零解交歸款以紓丁力該部知道○又諭程含章奏棍徒聚眾鬧漕拒傷官兵已將要犯全數捕獲一摺浙江仁和縣十六都等處民情刁悍竟敢於該縣開倉收漕時

不遵示期。豫聚多人。蜂擁入倉。拆毀棚廠。捆毆書役。聲言將上年鬧漕。並赴京捏控。擬罪之沈培。政徐壽高等。必須釋放。方肯完糧。經該縣及委員等前往開導。諭禁。輒被關禁。並將隨帶兵丁捆毆。迨經該撫派委副將等官會同杭州府至倉曉諭。猶敢拒傷官兵。弁丁實屬目無法紀。可惡已極。非地方官日久因循玩縱。何至有積慣鬧漕玩區名目。此等匪徒。愍不畏法。若不從嚴懲辦。何以儆刁風而

肅漕政。現經該撫飭令該副將等將首要各犯徐鳳山等三百餘名。全數拏獲。著新任巡撫劉彬士督飭所屬。親提嚴訊。務得確情。將糾約為首及拒傷官兵各要犯。從重定擬具奏。如究明上年鬧漕。誣控之沈培。政徐壽高等。有主使情事。並著加重問擬。嚴行懲治。毋使稍有枉縱。○又諭嚴娘奏。查明挑挖獨山湖。水口引渠工程。懇准估銷一摺。山東運河廳屬東岸獨山湖。尤家石家各水口引渠。為

收水入湖。濟運要工。因年久受淤。過厚。前經張井飭屬動項興挑。照估完報。嗣准部咨。以該二渠如急須挑挖。應確勘併案奏明。覈辦。茲據該署河督奏稱。此項引渠。均係應辦之工。所有尤家水口工程。估需土方銀四百九十六兩零。石家水口工程。估需土方銀四百九十七兩零。著照所請。准其由運河道庫節省八束項下動支。照例分別咨部估銷。該部知道。○又諭富俊奏。查拏開設賭局之宗室

請旨鎖禁一摺。所辦是。宗室全勝。前因平日起有綽號。輕入酒肆沽飲。與旗人馬五率人赴貝勒奕綺府內。恃強肆罵。無故擾害。養往吉林。交該將軍嚴行管束。儻再滋事。即行奏明鎖禁。該宗室並不思悔過自新。復敢經旬開設賭局。實屬怙惡不悛。全勝著即遵照前旨。嚴加鎖禁。以示懲儆。○又諭富俊奏。現年七十八歲。重聽健忘。精神不及。誠恐貽誤公事。懇請准伊回京。所有將軍員缺。另行簡放。

等語。富俊身體尚強。朕所素知。且伊平素辦事。實心實力。久歷將軍之任。辦理一切。悉臻妥協。地方情形亦甚熟悉。現在簡放乏人。富俊著仍在彼妥為辦理。俟簡放得人。再行更換。回京當差。○添給浙江嘉興湖州白糧幫運丁食米折價銀。○撫卹朝鮮國遭風難夷如例。○丁卯。

上詣

皇太后宮問安。○諭軍機大臣等。據程含章奏。

浙商報效銀一百萬兩。請於運庫存款項下。先借支銀二十五萬兩。聽候撥解。自丁亥綱。為始。分作四限繳解等語。現在軍務需用浩繁。該商等呈請報效。分作四限繳解。未免緩不濟急。著劉彬士於到任後。將藩運各庫存款。通盤籌計。能否先行全數墊解。由該商等分限完繳歸款。俟奏到時。再降諭旨。將此諭令知之。○命盛京兵部侍郎惠端管理移居宗室事。○戊辰。

上御寧壽宮。賜王大臣及蒙古王公貝勒等食。並賞賚有差。○諭內閣。程祖洛奏南陽府地方。今昔情形不同。請改為題調要缺一摺。河南南陽府。地據荆襄上游。又與陝西南山毗連。民俗素稱犷悍。訟獄甲於通省。且所屬州縣。悉皆難治之區。梟匪出沒。全在該管知府熟諳情形。督率所屬。稽查整頓。非初任人員所能治理。著照所請。准其將南陽府改為題調要缺。遇有缺出。該撫先於所屬知府內揀

員奏調。如實在不得其人。始准於同知直隸州內詳加遴選。切實聲明。奏請升補。如題調之員。再有因循懈弛。不能勝任者。惟原保之巡撫是問。該部知道。○刑部議奏盛京將軍晉昌等奏出征官兵跟役踢傷車夫身死。審明定擬一案。勞枯特依應照奴婢毆良人至死者斬監候律。擬斬監候。其領隊各官。應否交部察議之處。請旨。得旨。領隊同行之副管富興失於約束。著交部議處。其失察之領隊



副都統多隆武著交部察議。餘依議。○調歸化城副都統伊星阿為杭州副都統。正白旗滿洲副都統富爾嵩阿為歸化城副都統。鑲黃旗蒙古副都統富蘭為正白旗滿洲副都統。杭州副都統松齡為鑲黃旗蒙古副都統。○己巳

上詣

大高殿行禮。○幸北海閱冰技。○大學士揚威將軍長齡等奏烏什卡外皆布魯特遊牧卡

內亦有布魯特居住。此時大兵漸次雲集。正當分剿。鎮撫回夷。前聞張格爾有遣賊前來烏什之說。雖不足信。亦不可不防。况我兵將來進剿喀什噶爾。應由該處出卡取道潛往。此時正可揚言撥兵駐守。將後路糧運陸續豫運存貯。現飭提督齊慎帶同侍衛蘇清阿及馬步官兵三十六百餘名。前赴該處。將祥雲保原帶之伊犁官兵一千名。即與巴哈布蘇清阿分帶。再於前次撥往之烏魯木齊滿

洲兵內撥出五百名。選派諳練協領一員管帶。均交齊慎統領。於卡內卡外擇要分營駐劉防守。其餘尚有烏魯木齊官兵一千名。以五百名留為守城。以五百名另派協領一員帶領。於卡內各處常川往來梭織巡查。再前因阿克蘇地方緊要。駐防官兵無多。經長清奏明。就近調撥喀喇沙爾官兵三百名。飭令參將存柱帶領來城防守。喀喇沙爾另調烏魯木齊官兵二百名前往代防。現在阿克蘇已有大兵駐劄。前調喀喇沙爾官兵臣等即飭該參將帶回喀喇沙爾。其該城所調烏魯木齊官兵亦即飭令回營歸伍報可。○又奏謝領揚威將軍印信恩。得旨。卿同兩參贊大臣務要合力同心。早擒首逆。恢復四城。速建大勳。共膺懋賞。朕佇望捷音之至也。又奏謝其子桂輪隨營效力恩。批。鋒鏑之下。不可妄遣。朕以卿年近七旬。特命伊隨侍左右。兼可練習也。○准伊犁巴燕低領隊恩緒。前赴軍

營○撥伊犁額魯特營官羊五萬隻接濟兵糧○以正黃旗護軍統領耆英為京營左翼總兵。正白旗滿洲副都統奕經為正黃旗護軍統領。鑲藍旗滿洲副都統阿彥托克托署左翼前鋒統領。正藍旗滿洲副都統全善保為正白旗護軍統領。○科爾沁郡王多克默特等三人教漢扎薩克郡王達爾瑪濟爾第翁牛特扎薩克郡王喇特納濟哩第等二人蘇尼特扎薩克郡王齊旺扎布喀爾喀扎薩克郡王楚克蘇木扎布等六人青海扎薩克郡王棍楚克濟克默特等二人扎魯特扎薩克貝勒布木色楞等二人茂明安貝勒達木丕勒等二人巴林扎薩克貝子多爾濟帕拉木鄂爾多斯扎薩克貝子端多布色楞等二人。阿拉善鎮國公普爾普伊克明安扎薩克頭等台吉托克托瑚附察哈爾旗下和碩特扎薩克頭等台吉翰克博羅特等五人喀喇沁多羅額駙巴勒丹溫丹等三人土爾扈特

二等台吉車登多爾濟土司丹紫江楚等二十六人於神武門外瞻觀○庚午上御撫辰殿大幄次。賜蒙古王貝勒貝子公額駙台吉呼圖克圖等宴。並賞賚有差○諭內閣琦善奏來年各省漕船請不論幫次隨時提前過淮。並設法趲挽上閘一摺。每年起運頭二三進漕糧。向按江蘇安徽浙江湖北江西湖南次序行走。不准攙越。來年起運新漕。節經降旨嚴催迅速趲行。若今沿途停候挨

次。恐致稽遲。著照所請。浙江幫行抵江境。如在江蘇各幫之前。即將浙江幫提前插檔渡江。前進江西湖廣各幫。先有停泊江西者。毋論何省何幫。即行趲挽。徑進瓜口過淮。時亦即隨到隨驗。毋庸按幫等候。並責成沿江沿河各營縣。無分晝夜。刻速催行。另派鎮將大員沿途督察。見幫即提。其本應列前各幫。因何遲延落後。仍查明時日久暫。將該縣該幫分別叅處。俟全數渡黃後。於邵宿一帶仍令

按照原定省分次序順幫前進至清江福興等開溜急水深牽挽未能趕速著飭令該管河廳多添關纜人夫船到即行上挽其幫船所帶貨物令於高坂頭起卸渡黃後再行歸載總期節節催提俾長河無脫幫之時比常年倍臻迅速至淮安海州首二兩幫因災蠲緩起運不成幫次准俟在後之幫到淮歸併北上○又諭訥爾經額奏東省前辦盤查及專參虧缺各案應造年款現已一律辦竣並

查出無著銀兩酌籌歸補一摺東省嘉慶十四十九等年兩次辦理盤查及專參各員虧缺銀兩經該司按任按款逐一鉤稽除去領抵款項及已追已豁等項實騰未准豁免應追虧賠共銀一百三十三萬一千五百六十九兩零除實虧銀兩照案追補並抵款墊款應照案分賠及就款開除外分別有著無著按照原定章程覈實辦理其原抵項下買穀津貼墊修工程等款共查出無著銀十三萬

二千三百九十一兩零又墊完舊欠錢漕尚有未經歸補銀四十九萬七千三百六十八兩零或因報銷未准無款可動或因遞年災歉緩徵旋又恩詔豁免民欠以致墊款虛懸此皆由於從前巡撫藩司因循昏憤一任不肖州縣朦混糾纏本應與懸抵無著銀兩一併追賠嚴懲以清庫款念其歷年已久官多叅革即使有追賠之名不過徒滋延宕著照所請將前項官墊民欠及懸抵各款共銀六

十二萬九千七百五十九兩零准其自道光七年正月起於通省司道府州縣養廉內接扣二成先儘舊虧次及懸抵以次歸補俟補足之日即行停扣自此次籌補之後庫項當年清年款儻有虧那即據實叅辦斷不准再有留抵及清查名目致干重咎其平陰縣知縣周宗華經該撫委辦鉤稽事宜已及兩載將司庫十數年輟轉款項剔釐清楚始終奮勉著以應升之缺酌量升用以示鼓勵該部

知道○以大學士蔣攸銑禮部尚書松筠充  
經筵講官○辛未

上詣

皇太后宮問安○諭內閣前據長齡等奏查明  
斌靜色普徵額等前在喀什噶爾荒謬失機  
當降旨交宗人府刑部治罪茲據審奏斌  
靜荒淫不法眾證確鑿色普徵額逗留觀望  
貽誤事機以致養癰貽患失陷城池經該衙  
門均擬斬候實屬罪所應得斌靜著宗人府

圈禁色普徵額著刑部監禁俱歸入明年朝  
審情實○又諭張青選奏准北督銷引鹽絀  
額有因請免考覈一摺准北各州縣督銷道  
光六年鹽引考成因補銷上年停運缺數本  
年又值開放各壩不能轉運若屆期照例開  
叅在各州縣自有應得處分念其絀銷尚屬  
有因且恐套搭補銷迄無底止殊不足以昭  
覈實所有應行開叅各州縣俱著准予免議  
以補兩年缺運該鹽政即飭各州縣自來年

正月起實力督催年歸年額儘再有情誤著  
即照例叅處該部知道○又諭宗室長亮於  
名通等互控地畝毫不干己之案輒挺身作  
證已屬不安本分復於刑部審訊時膽敢糾  
人將案內取保之孫成士並坊役楊坤截奪  
逼寫欠據並令寫明為各衙門使用字樣刁  
詐已極此風斷不可長宗室長亮著交宗人  
府迅即拘拏並查明伊姪特某一並拘提到  
案會同刑部嚴行跪審定擬具奏尋奏長亮

截留孫成士勒寫字據伊姪特海毆傷坊役  
俱應革去頂帶照例圈禁三年從之○又諭  
已革知州陸錚前在貴州平遠州任內經前  
任巡撫程國仁訪聞該員情性輕浮縱容門  
丁滋擾不洽輿情奏叅革職乃於前任藩司  
太僕寺卿廉奇瑜告病開缺之後控稱被藩  
司捏款叅劾迨經刑部查明被叅原案毫無  
屈抑廉奇瑜亦並非原叅之人該革員仍堅  
不承招必須與廉奇瑜當堂面質意圖拖累

實屬刁健異常。僅照屬員誣揭上司例加等擬杖。尚覺輕縱。陸鍾著從重發往軍臺效力贖罪。○予伊犁解送烏魯木齊馬牛官員議敘賞兵丁一月鹽菜銀。○壬申。

孝莊文皇后忌辰遣官祭

昭西陵。○諭內閣。那彥成奏查明民欠積弊。請定催追章程一摺。直隸原奏地糧未完銀兩。據該督查明欠解之由。或因隔境縣民寄莊地畝。向祇移關鄰縣代催。不能徑行傳比。或

有刁劣紳士抗違包納。遂致日久拖延。而不肖州縣因之藉口。請另立催納章程。以清積欠等語。所有寄莊地畝錢糧。仍應派役移關該業主州縣協同催徵。如逾限不來交納。無論所收租糧均責令現種佃戶按上下忙完交給事。即於應交該業戶地租內照數扣除。並於開徵之始。先行出示曉諭。儻該業戶不認佃戶完納之銀。准其控官提究。至紳衿大戶及舉貢生監職員如有包納等弊。及拖欠

積年糧租者。即照例分別究辦。自此次立法通行。儻再有民欠應責成藩司及本管道府查明是否以完作欠。抑係催徵不力。分別詳明該督據實撤參辦理。該部知道。○

上以歲暮裕祭

太廟。自是日始。齋戒三日。○癸酉。修浙江東西兩塘坦水柴埽各工。從巡撫程含章請也。○甲戌。以歲暮裕祭遣官祭

太廟中殿

後殿。○哈密辦事大臣恆敬奏查哈密迤西車駝缺乏。前派回務章京帶銀赴吐魯番籌辦。據稱吐魯番供送兵差車駝支絀。再哈密回子木輪牛車向不出境。仍留備本境驅使。至吉林等處官兵所需車駝。經鄂山等加價雇送出關。行抵哈密。各該駝戶等畏懼遠長。不肯前進。情願將駝出售。各兵亦願領此駝。因即給價置買。點交帶兵官派兵經營。照例每駝一隻。至吐魯番給銀三兩。並移知前途各

城照例發給。直至大營交營務處查收應用。  
途中設有疲乏。即由各該城隨時更換兵行。  
可期迅速報聞。○命翁牛特扎薩克郡王喇  
特納濟哩第。喀爾喀扎薩克郡王楚克蘇木  
扎布。在乾清門行走。賞青海扎薩克郡王棍  
楚克濟克默特。三眼花翎。○以緝私出力。予  
浙江鹽場大使段洪恩等。升敘有差。○免庫  
車。沙雅爾。出征回兵。應交本年糧三百石。○  
乙亥。裕祭。

太廟。

上親詣行禮。○遣官祭。

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭。

孝穆皇后暫安園寢。○遣官祭。

端慧皇太子園寢。○遣官祭。

太歲之神。○朝鮮使臣洪義俊等三人。琉球

使臣馬開基等二人。於午門外瞻覲。○丙子。

上御保和殿筵宴。朝正外藩。科爾沁巴林喀喇

沁。教漢翁牛特。蘇尼特。扎賚特。扎嚕特。土默

特。茂明安。喀爾喀。阿巴哈納爾。郭爾多斯。郭

爾羅斯。阿拉善。青海。伊克明安。和碩特。土爾

扈特。輝羅斯。王貝勒貝子公額駙台吉及朝

鮮琉球國正副使土司等。隨文武大臣依次

就坐。諸樂並作。

上進酒。召左翼科爾沁扎薩克土謝圖親王諾

爾布林沁。卓哩克圖親王巴圖。巴林扎薩克

親王銜郡王索特納木多爾濟。喀喇沁扎薩

克親王銜都楞郡王和碩額駙滿珠巴咱爾  
科爾沁郡王多克默特教漢扎薩克郡王達  
爾瑪濟爾第翁牛特扎薩克郡王喇特納濟  
哩第蘇尼特扎薩克郡王齊旺扎布郭爾羅  
斯鎮國公固魯扎布喀喇沁扎薩克輔國公  
理藩院額外侍郎瑪哈巴拉右翼喀爾喀扎  
薩克親王車登多爾濟阿拉善扎薩克親王  
瑪哈巴拉喀爾喀扎薩克郡王楚克蘇木扎  
布青海扎薩克郡王棍楚克濟克默特科爾  
沁扎薩克郡王僧格林沁喀喇沁貝勒托恩  
多科爾沁扎薩克貝子濟克默特回部郡王  
銜貝勒哈迪爾至  
御座前賜酒成禮○是年旌表孝子江蘇等省  
甘遐等十五名孝義陝西雷鼎甲一名孝女  
江蘇等省經氏等五口孝婦浙江等省李孫  
氏等二口守節合例滿洲額爾登布妻張佳  
氏等一百口蒙古關山妻王氏等三十五口  
漢軍陳鈺妻金氏等二十八口內務府滿平

妻關氏等十二口各省駐防寒保妻兆氏等  
二百二十口奉天等省岳秀妻張氏等一千  
七百三十三口夫亡殉節直隸等省張暢妻  
王氏等四十五口未婚守志滿洲索佳聘妻  
瓜爾佳氏一口蒙古巴達爾虎聘妻李佳氏  
一口吉林駐防富興阿聘妻扎斯呼哩氏一  
口直隸等省祁錡聘妻孫氏等四十口百歲  
壽民婦浙江等省章賢初等三十名口五世  
同堂湖南等省張會點等六十三家各給銀  
建坊如例○一產三男河南等省雷起惠等  
三家○會計天下民數穀數直隸等省通共  
大小男婦三萬八千二十八萬七千七名口  
存倉米穀三千二百七十萬二千四百八十  
三石一升七合九勺

410

八七九

壽皇殿行禮○御乾清宮賜皇子親藩等宴○



戊寅

上御重華宮茶宴廷臣及內廷翰林命和

御製題王冕上林春早圖詩韻給奉天白旗

堡小黑山二處上年歉收各旗戶並站丁等

一月口糧○貸直隸寧河寶坻豐潤玉田開

元城大名南樂清豐廣平十州縣上年歉收

農民口糧有差○展賑江蘇高郵興化東臺

寶應江都甘泉山陽阜寧清河安東鹽城上

元江寧江浦海沔陽泰十七州縣及淮安大

河二衛上年被水軍民並加賞卹宿遷清蕭

沐陽五州縣災民一月口糧○給安徽五河

泗二州縣並屯坐各衛上年被水軍民一月

口糧○緩徵山東濮范蘭山鄆城高唐魚臺

六州縣並東昌德州臨清三衛上年被災村

莊上忙額賦及各項銀米○己卯

高宗純皇帝忌辰遣官祭

裕陵○

上詣

奉先殿

壽皇殿行禮○諭內閣昨因元旦朝賀禮成百

官甫退有穿補服二人自東而西在太和門

階下趨過降旨查詢本日據那清安等奏向

來朝會○有御史禮部司官侍衛等分列左右

糾察失儀請將該員等察議等語朝會大典

自應整齊嚴肅該員等於任意趨走之人竟

不照例指拏所司何事並聞侍衛處久未派

員自係相沿積習亦屬疏忽本應照例將該

堂官懲處姑念由來已久並非起自近年著

吏部查取此次專司越班失儀御史及禮部

司員各職名照例察議嗣後丹墀南仍派禮

部司員四人儀仗後仍派御史四人禮部司

員四人並著添派侍衛四人分列昭德貞度

門內階下左右專司朝儀遇有越班行走者

立即指拏奏辦儻再怠忽從事定將各該堂

官一併懲處不貸再向來朝鮮琉球諸國俱

列在西班百官之末蒙古台吉向子伯克在

東班行禮者亦俱參差不齊殊屬非是此後著理藩院派司官二人帶領另為一班或應在東班之末或原有一定制例著理藩院查明議奏並著護軍統領於升殿前稽查彈壓一切隨從人等勿許混入以肅朝儀尋議上得旨東班糾察御史福智王雲岫西班糾察御史佟濟但明倫丹墀南監禮禮部主事恆泰陳世泰額外主事吳一枝司務臨保於越班失儀之人並不稽查指拏均著照議罰俸

六箇月不准抵銷至昭德門監禮禮部郎中成存候補主事周頊員度門監禮禮部主事崇福七品京官黃富民相距稍遠均著減為罰俸三箇月亦不准抵銷○庚辰

上御紫光閣賜蒙古王貝勒貝子公額駙台吉及外藩使臣章嘉呼圖克圖等宴並賞賚有差○諭內閣那彥成奏口外俸滿撤回內地州縣酌定升補章程一摺直隸承德府屬灤平縣知縣海福豐寧縣知縣阿清邊俸三年

期滿前經該督以該二員辦理地方事務均能振作遵照前定章程撤回內地請將海福以地方同知補用阿清以知州升用經部議以該二員任內有關降留處分與原定章程未符行令撤回內地各以原官補用茲據該督奏稱內地州縣升調叢計參罰以五十案內外定升調之准較今查海福任內祇有承緝命案二案處分一案阿清任內祇有命案四案處分二案竊案二案處分一案不特此

較口外州縣承緝處分為最少即較內地州縣升調叢計參罰亦僅十分之一若因此不能保題不足以昭激勸等語口外州縣所轄地方遼闊案牘繁多若必一無違礙處分而後得邀升用較之內地州縣未免偏枯著照所請邊俸期滿之灤平縣知縣海福准以地方同知補用豐寧縣知縣阿清准以知州補用嗣後承德府及所屬州縣邊俸三年期滿統計任內承緝命盜有關降留處分不及十

案者會同該都統查明該員實能才具優長堪勝內地丞牧之任方准保題升用不得以定例稍寬致有冒濫其承緝命盜有關降留在十案以上者不准保升仍以原官分別補用○又諭那彥成奏原撥水師營津貼公項懇請改撥陸路各營一摺前因裁撤天津海口水師添改大名中營官兵七百餘員名該督請將原撥水師營津貼公項改撥陸路各營經戶部議以地租應歸內務府兌收生息

銀兩仍存運庫報撥未便留營動用支銷其叛產地畝亦未便改撥茲據該督奏陸路各營原設經費實不敷用前將天津水師營改歸陸路兵數並無裁撤原撥水師營地租生息銀兩均非正項錢糧改為津貼陸路仍屬以公濟公查直隸營務需用較繁著照所請所有原撥水師營天津縣掛甲寺官莊地畝所收租銀一千二十餘兩租糧自數十石至百餘石不等除完賦外餘給各兵食用其地

租留歸天津鎮經管分給葛沽海口併所轄運河各營汛作為催漕緝私並看守礮臺弁兵津貼之用原撥鹽斤加價項下運庫生息裁贖銀二千五百六十餘兩分撥正定鎮銀一千兩河間開州兩協銀各三百兩順德廣平磁州東明杜勝長垣等六營銀各一百兩宣化鎮銀三百六十餘兩並將正定鎮所收叛產地租銀四百七十餘兩改歸大名鎮就近取租分別辦公各鎮協營有此津貼之後

該督更當督飭查察隨時修整軍械務須堅利適用每年動支銀數仍覈實造冊報部查覈毋得稍滋浮冒致干叅辦○辛巳修福建金門鎮左營銅山營戰船從巡撫韓克均請也○展賑兩淮丁溪草堰劉莊伍佑新興廟灣中正板浦臨興九場上年被淹竈戶並貸富安安豐梁垛東臺河垛五場竈戶一月口糧○貸江西蓮花萍鄉宜春廬陵永新五廳縣上年被水被旱災民籽種○以湖南醴陵

茶陵。彼三州縣上年被水撥附近州縣倉穀三萬八千石分給減價平糶○貸山西薩拉齊廳上年被水村莊常平倉穀○貸河南原武陽武濬武陟西縣被旱被水災民一月口糧並貸修武封邱三縣被災村莊倉穀○貸甘肅洮州臯蘭渭源會寧西和伏羌張掖武威古浪年番寧朔西寧秦秦安禮兩當鎮原十七廳州縣上年被水被雹災民口糧籽種有差○壬午

上詣

大高殿行禮○幸圓明園奉

皇太后居綺春園○詣

安佑宮行禮○癸未

世祖章皇帝忌辰遣官祭

孝陵○

上詣綺春園問

皇太后安○諭內閣琦善等奏籌備災缺兵卹等米請截留漕糧支放一摺江蘇省上年因

成災蠲緩所有應放道光七年旗營綠營兵糧局卹等米均皆缺額加恩著照所請江藩司屬災缺七分分兵卹等米准其截撥江寧揚州通州常州鎮江熟田起運漕糧並興化縣徵存緩漕共米五萬一千餘石蘇藩司屬災缺七分分兵米准其截撥上海南匯青浦三縣熟田起運漕米七千六百石就近分別截留以供支放統俟各屬按限帶徵撥還搭運歸款此項災缺兵米例應於成熟地方發

價採買撥放今暫准截借漕糧嗣後不得援以為例○又諭戴三錫奏酌撥營兵經費銀兩一摺四川新設之蘇州營地處極衝原定公費不敷支用經該督在督提二標公費內各裁撥銀一百兩共撥銀二百兩為貼補差費之用著自嘉慶三十五年起所有該營添撥公費銀兩准其照數撥銷○四川總督戴三錫奏川省鹽岸滯銷向准交他岸代辦鹽廠枯涸亦准向彼廠採配現在體察暢滯情

形循照舊章變通改代並請限以二三年之期以滯引配銷完竣為率得旨認真妥辦○予告戶部尚書黃鉞到籍謝恩得旨朕五旬之歲待卿來京歡晤卿其善體朕意隨時自重○貸江蘇川沙鎮江南匯三營兵丁一季銀米青村孟河吳淞劉河金山太湖楊舍福山八營一季餉銀○甲申諭內閣琦善等奏查勘正河挑工分數及趨催懲辦一摺此次挑河為全河轉機所繫必積弊悉除庶可工歸實用現據該督等奏上段中段日內即可全竣下段劃派較遲關孟兩灘裁灣取直挑挖較難約開印前後可以一律歲事其首先完竣各員尚屬奮勉俟通工全完該督等分別保奏至睢南守備秦盛宿北守備劉楠揚河守備王拱壽署海安守備張必揚及文武汛弁等業經該督等摘去頂帶分別責懲其候補布政司經歷邵燈候補從九品范兆沂任意延宕工程止有四分實屬有心玩誤邵

燈范兆沂俱著革職留工趕辦如再逾限即著加號示懲銅沛協防楊富前因墾崖斤革仍令戴罪辦工乃怙過不悛尤為膽大該督等將該弁加號工次必應如此從嚴懲治以儆通工仍將所糜帑項於工竣後嚴行覈追○署陝甘總督鄂山等奏野番乘隙偷渡黃河搶劫青海蒙古牲畜現在酌派官兵追捕驅逐報聞○乙酉享太廟遣皇長子奕緯恭代行禮○遣官祭太歲之神○諭內閣前據陸以莊等奏順天府四路同知任重事繁請加鼓勵當交吏部覈議茲據奏四路同知向照各府同知歷俸十年以上調取引見固覺漫無區別若照陸以莊等所請照大宛兩縣正佐各官三年俸滿引見即歸照例班內升用亦覺過優著照部議嗣後四路同知歷俸三年期滿如果緝盜安民著有成效者准該府尹等會同直隸總督出具切實考語送部引見俟奉有諭旨

准以應升之缺升用。仍令回任候升。由吏部將該員歸入卓異班內與卓異人員統較奉旨日期先後按班升用。仍著該府尹等認真查察。必須實有循績方准保送。毋許稍濫。○諭軍機大臣等據長齡等接奉密諭。覆奏回疆八城形勢甚屬明晰。覽奏俱悉。著該將軍等留心物色。妥為辦理。現在武隆阿前往烏什查看道路情形。長齡到阿克蘇已經三月。自必詳審熟籌。或分正奇兵為三路。抑或分

為二路。當已早有定見。至奇兵行走。意在掩其不備。從後攔截。勿令竄逸。不拘一路二路。總在該將軍等相機辦理。斷不可令正兵先入。而奇兵未到。轉驅該逆使遁也。吉林黑龍江頭起馬隊官兵二十計。正月初必到各官兵裹帶行糧。諒已充足。征兵馬匹疲乏者。當亦餵養。臚壯交春後。自可迅速進兵。計此時該將軍等奏報進兵日期之摺。當已在途。固不可輕率前進。更不可日久耽延。致令老師

糜餉進兵時。何路係某某管帶。每起滿漢兵若干。阿克蘇後路存留若干。務即詳細奏報。以慰廑注。至現在從逆之伯克博巴克。阿布都拉等。既訪探伊等之心。已不向張格爾。正可趁此機會。設法用間。收為我用。或令為內應。或密為拘絆。惟在該將軍等運籌周妥。同心協力。一鼓集事。必須將首逆殲擒。勿令逸出卡外。將此由六百里加緊諭令知之。○以柯爾坪勒捕逆回。功賞參將劉允忠。遊擊李

選齡。都司李萬餘。冉貴。徐福。守備高玉連。花翎守備范履中等。藍翎餘分別升用。並予已革佐領德克精阿等降補有差兵丁六百餘名。免罪開復。○免雲南銅廠民欠無著工本銀。○是日立春。順天府進土牛春山寶座。○丙戌

上御奉三無私殿。賜皇子親藩等宴。○丁亥。諭軍機大臣等。寄諭署浙江巡撫劉彬士。有人陳奏浙江開漕之案。起釁情節。與該撫程含

章原奏不符。據稱此案肇釁。由於仁和縣漕書將姓已革復充。縣令徐雲芑受其朦蔽。鄉民負米上倉。漕書勒折每石制錢四千七百餘文。復加至四千八百文。每米一石祇准作四五斗。鄉民完米。竟須二石有餘。始作一石。因此口角鬩闢。該令遷延一日。僅面稟開漕。而不將書吏構釁之由稟出。即所稟始稱徐鳳山等運米入倉。又稱必須將沈培政等釋放。方肯完糧。朦稟已可概見等語。該縣徵

收漕糧。自有一定章程。不容任意加增。所稱該倉書勒折浮收。是否該縣屬完糧花戶一律舛理。抑僅將徐鳳山等應完漕糧勒加。以致起釁爭鬩。該縣前稟徐鳳山等聚眾滋鬧。聲言必將沈培政等釋放。始肯完納。各情節。是否屬實。必須逐一根究。明確方足以服眾心。而成信讞。該署撫甫經蒞任。無所用其回護。務當確切查訪。秉公審訊。如果該縣徐雲芑任聽漕書革役復充。格外浮收勒折。以致

釀成重案。則開漕之要犯。必應重懲。釀案之官吏。亦當嚴究。務使官民兩得其平。不可稍有偏徇。枉縱原摺著鈔寄閱。看將此諭令知之。尋奏查仁和縣漕棍徐鳳山。與已獲擬結漕棍沈培政。均係徐壽高之壻。該犯起意包漕。漁利不遵本縣派定完米日期。膽敢糾約姚應添等多人。運米入倉。不許查驗米色。並欲將應完耗米格外減少。先用妄言挾制。聲稱如要照額完納。好米必須將沈培政徐壽

高釋放。漕書王槐清等向阻。被徐鳳山等網縛。並用木篙毆傷。時已昏夜。縣倉又在城外。書役不及稟報。該縣徐雲芑。於次早得信後。始面稟前撫臣。派委杭協副將徐慶超等帶兵會同該府縣前往彈壓。徐鳳山竟逼令餘匪將該縣徐雲芑及各員弁關閉倉內。並喝令姚應添等將副將徐慶超及兵丁邵廷彪書役張慶等毆傷。現已訊明。首犯徐鳳山。照例擬斬立決。梟示餘俱照例定擬。已獲漕棍

沈培政。訊無主使情事。仍照原擬發配。已革漕書將汝為。訊無更名復充。浮勒起釁情弊。現充漕書王槐清等。亦訊無浮收勒折。應均無庸議。該縣徐雲笈。具稟稍遲。尚非有心延緩。亦應毋庸議。下部議從之。倉場侍郎張師誠。因病解任。以署禮部右侍郎朱桂楨。為倉場侍郎。○戊子。

上還宮。○諭內閣。大學士九卿會同宗人府議奏。遠支宗室。仍入黃檔。釐定章程。與覺羅分別辦理。一摺。朕詳加披閱。非窒礙難行。則有名無實。甚或苦樂不均。集思廣益之意。安在。殊失朕望。惟所議宗室親王郡王貝勒貝子八分公等。降襲至奉恩將軍世襲。其職應予限制。一節。著宗人府將如何遞降。如何停襲。軍功恩封者。如何區別。酌議章程。奏明辦理。朕思宗派蕃衍。人才輩出。可否於在京文武各衙門。及三旗侍衛中。添設額缺。或將滿洲員缺酌量撥改。其宗室人員內。有賢能出眾。

者。每屆京察軍政年分。據實保奏。候朕量加簡用之處。著原議王大臣等。另行妥議具奏。本日松筠因會議已經畫稿。復有意見不同。另摺陳奏。自請交部議處。著加恩寬免。所奏擬將遠支宗室移駐吉林。分給地畝。招佃收租之處。亦毋庸議。至於特旨交王大臣等會議之事。自應虛心籌畫。秉公商酌。即有意見不同之處。亦當平心靜氣。公同商議。即如此一事。朕屢次試看。負氣者有之。退有後言者。

有之。始同終異者有之。凡此皆非公忠之道。所以失朕望者。在此嗣後王大臣等。務要各抒忠誠。實心任事。不可苟且依違。任性亂談。以致惑人聽聞。成何事體。勿謂朕一概不能覺察也。懍之。○又諭琦善奏。副將具稟。鄰卡漏私等情。請先行撤任。交該撫查明會辦。一摺。江西峽江等處。前經設卡稽查。梟販緝私。賞罰定有章程。茲該督接據袁州協副將張建英稟稱。芙蓉卡及富口地方。屢次縱漏私。



梟馬家洲等處梟販聚眾欺壓鄉民又以鹽道辦理緝私功過與原定章程互異並稱自揣不勝將官之任即請疾而歸不足為愧等語更不成話張建英著先行撤任候質江西距清江較遠該撫係兼提督銜著就近交韓文綺將該副將所稟各情是否屬實確切查明會同該督定擬具奏○調江西按察使福珠隆阿為湖北按察使湖北按察使興科為江西按察使○修湖北武昌府藩參灣月隄

從總督嵩孚請也○以次辛祈穀於上帝自是日始齋戒三日○己丑諭內閣向來元旦受賀蒙古台吉等本有一定班次因理藩院不派熟諳典禮之員帶領以致多有參差嗣後元旦朝賀蒙古汗王貝勒貝子公仍照舊入於內地王公之次行禮其扎薩克台吉以下著按照品級列於東邊行禮內地大臣官員各排之次其各部落回子伯克土司等若照理藩院所議列於內地大臣之次殊

失體制著另為一班列於西邊行禮內地官員之末如遇廓爾喀年班來京按照向來班次列於回子伯克土司之末著理藩院先期於司員內擇其熟諳典禮並通曉蒙古語者每項派出二員屆期帶領行禮儻臨時擁擠及攙越不齊著將該帶領司員查叅○庚寅上詣南郊齋宮齋宿○辛卯祈穀於上帝

上親詣行禮○辛圓明園○詣綺春園問皇太后安○御山高水長賜王公大臣蒙古王貝勒貝子公額駙台吉及外藩使臣等食翼日如之○諭內閣奉皇太后懿旨靜嬪晉封為靜妃所有應行事宜著各該衙門察例具奏○江蘇巡撫陶澍奏挑濬徒陽運河每俟江浙回空過竣之後夫役人等因天寒期促挑出之土未能遠送多有墊崖貼腮之弊一遇雨雪仍行坍塌入河

得旨此等積弊最為可惡夫役人等無足深怪大小官吏天良何在必應嚴飭所屬以收實效勉之又奏此次嚴除積弊認真挑挖現已一律深通儻或屆時潮水微弱即親詣江聞相機籌辦務俾漕船穩速趕赴禦壩趁早渡河批辦理甚好○壬辰

上御正大光明殿賜朝正外藩等宴作樂賜酒如除夕儀○癸巳

上御正大光明殿賜大學士尚書等宴○甲午

命前任雲南按察使吳廷琛以四品京堂候補○乙未

上御山高水長賜王公大臣蒙古王貝勒貝子公額駙台吉及外藩使臣等食○諭內閣琦善等奏籌墊淮南商捐銀兩一摺前因軍需河工同時並舉該商等懇請捐輸銀四百萬兩當經賞收銀二百萬兩飭令琦善等籌墊聽撥茲據覆議具奏著准其將運庫續徵應入道光七年春撥報解及外支雜款項下借

墊銀一百萬兩聽候撥用由該商等於本年三四五等月繳完歸款其餘銀一百萬兩該商等於八九十等月繳齊貯庫報部候撥俟全數繳完該商等著交部照例議敘○又諭琦善等奏覆查淮鹺積重情形據實陳明一摺前據張青選奏兩淮鹺務積重難返現在設法辦理並請將最為疲敝之淮北商人一律借給底馬以資辦運當以所奏未能明晰飭交該督會同該鹽政逐款分晰陳奏茲據

查明引積課懸商疲運絀各情形准北商人積疲已久復因連年運道梗阻鹽池被淹成本虧折困乏誤運在該商等懸課未清自難再加調劑而岸鹽攸關民食亦不得不量為通融著照該鹽政前奏准其照從前借馬成案一律借給底馬自請程之日起限六箇月完繳轆轤借給如逾限不清即將岸鹽封抵停其後借仍將該商究辦其從前借馬未完之項仍照清查案內奏定章程分綱帶繳一

俟商力稍紓該督等當隨時奏請停止至所奏帶銷融銷緝私整頓各事宜該督等當認真督辦不可徒託空言張青選曾任兩淮運司現既將淮鹽致弊之由及如何補救之方探本窮源詳加考證如有應行籌辦事宜著即會同琦善逐細商籌妥議奏明辦理鄭祖琛係初任運司一切情形未必如該鹽政熟悉不必俟該運司到任商辦再行具奏也○  
丁酉

孝穆皇后忌辰遣官祭

暫安園寢○

上幸萬壽山○諭內閣長齡等奏進征官兵乘騎馬匹請酌給麥料一摺滿漢官兵所騎馬匹前因口外率多戈壁不能隨地收放經該將軍等奏准每匹日給乾銀五分官為運供茲據奏稱阿克蘇一帶料價昂貴進征官兵衝鋒破敵全仗馬力請酌給麥料以資飽騰著照所請除防守官兵馬匹仍給乾銀外其

進勦之滿漢官兵丁乘騎馬匹每兵日給騎馬一匹料三倉升官員按照例馬減半給料飭令隨營糧員買運供支所有該官兵等應領乾銀即照給料馬數扣除該將軍等當督飭承辦各員認真查明覈實支放毋任稍有浮冒○又諭長齡等奏和闐回眾縛賊投誠派遣官兵前往撫守一摺上年逆裔張格爾滋事派賊目約霍普等占踞和闐並偽封和闐王子等職經長齡等派今年班回至阿

克蘇之五品伯克伊敏前往查探該回眾因大兵雲集震懾天威約會民人將賊首約霍普捏克托胡達及從賊阿布都克里木等四名縛獻軍營並將附賊一百餘人全行擊斃復據阿布拉繳到和闐大臣印信該將軍安設陣亡大臣官員牌位將七犯凌遲正法致祭忠魂覽奏稍伸憤恨大兵甫籌進勦回眾即已聞風投誠縛賊自贖剋日天戈西指勦撫兼施自必勢如破竹此次出力之伯克回

子民人應即加以獎賞。所有差往探信之五品商伯克伊敏著賞戴花翎元寶一錠。拳賊出力來營之六品哈資伯克玉蘇普沙著賞戴藍翎銀三十兩。七品密喇布伯克多洛沙買邁呢牙子。色土爾伊斯坎達爾愛滿沙。金頂回子愛自雅爾鄂斯滿沙。托胡達。愛瑪爾。伊薩克。呼達巴爾底斯底克阿什木鄂斯滿沙。俱各賞六品頂帶藍翎銀二十兩。小回子邁底沙。阿希木達里木買邁特滿素皮。愛買

特沙。俱各賞六品頂帶銀十五兩。護送賊犯小回子一百八十名。俱各賞銀十兩。並五錢重銀牌一面。首先糾眾殺賊出力之民人海近勇著賞六品頂帶藍翎銀五十兩。民人馬廷宣高萬友。俱各賞戴金頂銀二十兩。民人黃登魁馬忠。俱各賞銀十兩。其未到大營最為出力七品伯克阿里瑪斯著賞五品頂帶花翎。七品伯克阿布都爾滿沙。木沙愛滿沙。斯那木努子比。俱各賞六品頂帶藍翎金頂

回子阿孜斯著賞戴藍翎。回民邁買第著賞戴金頂。原任伊什罕伯克赫嗎爾著賞元寶一錠。阿渾穆圖巴拉著賞元寶二錠。紬一套革去頂帶之四品伯克阿布拉。六品伯克公阿布都莫敏。俱各賞元寶一錠。以示獎勵。○又諭御史王雲岫奏。裕豐倉篩颺麥石。與報部成色不符。請飭確估一摺。裕豐倉篩颺成色麥石。經該御史覆飭估計。所報作正搭放之三百零九石。既與原報八成七成。分數不

符。其所報空殼麥皮。竟非無成。可估朦混報部。影射出倉無弊。不作可惡之至。現據該御史飭令新任監督另行篩颺。著倉場侍郎迅委委員帶同經紀詳確估計。並將該監督達斌等原報石數成數。何以相去懸殊。嚴切究明。據實具奏。○諭軍機大臣等。和闐回眾商同縛賊自贖。雖據額題自行固守。不須多煩兵力。惟巴哈布所帶馬隊步隊。僅一千五百名。兵力尚單。該回眾甫經歸正。是否足資防

載著長齡等再行酌量。應否添派官兵前往幫同巴哈布。或於城內城外。分兵防守之處。詳察妥辦。該回眾等因。逆裔需索苛派。人心離散。我兵前往鎮撫。尤須加意體恤。不可絲毫擾累。據阿布拉供該處現存糧六倉。自己足敷兵食。和闐既已投誠。葉爾羌英吉沙爾喀什噶爾三處賊情。亦可想見。然總須大加懲創。方可以申天討而弭後患。該將軍等當奇正並用。勦撫兼施。如張格爾竟敢迎拒。正好就地誘擒。儻見事機不利。輒思竄逸。必當遵照屢次所降諭旨。截其歸路。斷不可稍有疏失。既據賊供。霍罕伯克因向張逆索地。不遂。頗不和睦。愛薩亦與該逆口角。同伊弟木薩俱回霍罕。則逆裔竄逸之路。未必再向霍罕。不過以安集延為遁逃藪。武隆阿前赴烏什。查看進兵道路。回營想已將奇兵路徑。查探明確。據奏東省川省官兵。正月半間均可到齊。應即商定進兵日期。何以此奏尚未陳

及前令曉諭喀什噶爾一帶布魯特等。致順擒渠。加以爵賞。曾否徧行檄諭。現在如何稟覆。亦未據奏。及殊深慮系。該將軍等務當催集軍火糧餉。剋期進剿。不可再事遷延。若如約霍普所供。張格爾又思糾結汰劣克阿坦台等。儻竟唱以重利。助其逆蹤。豈不坐失事機。至武隆阿所帶奇兵。總須後路再有重兵接應。彼此聯絡。糧餉源源隨行。斷不可孤軍深入。致有疏虞。將此由六百里加緊諭令知之。○修浙江上虞縣王家壩塘工。從護巡撫富呢揚阿請也。○戊戌上詣綺春園問皇太后安。○諭內閣。嵩孚奏請將幫船應扣借款銀兩。准予展緩一摺。湖北省本年起運新漕。必得趕緊渡黃。無誤定限。各幫丁有前借應扣各款。若同時並扣。丁力未免竭蹶。茲據該督查明奏懇。量加調劑。著照所請。准將原限四年扣還。每船分借備帶接濟銀五十八

兩零又盤壩接運每船應扣津貼銀二十一兩零均予遞緩一年自道光七年冬起查照各總數分作四年扣還其原限兩年扣還回空阻守河北每船借領銀十兩亦准緩至道光七年冬起仍照原限分作兩年扣還又道光五年盤壩接運報銷案內江南總局墊發過關用費修船二項每船應扣銀一十三兩零亦著展緩一年於本年冬間全數扣解不准再請遞緩○朝鮮國王李玢遣使表賀

萬壽冬至元旦三大節並貢方物賞賚筵宴如例○琉球國王尚灝遣使表貢方物賞賚筵宴如例○緩湖北監利縣完河壓廢田畝應徵銀米○已亥

孝聖憲皇后忌辰遣官祭泰東陵○

上詣

恩慕寺

恩佑寺行禮○諭內閣本年係應行查閱直隸

山西陝西甘肅四川營伍之期直隸著即派那彥成山西著即派福綿四川著即派戴三錫逯一查閱務各認真簡校如查有訓練不精軍實不齊者即將廢弛之將弁據實劾參毋得視為具文其陝西甘肅三省官兵現在調赴回疆軍營較多著照例暫停俟大軍凱旋再行派員查閱○又諭正白旗漢軍挑放馬甲等缺戰兵袁得浚所報戶口與原冊不符該署佐領印務章京廣順等毫無覺察經

該都統等查問時廣順復長跪求免著交部嚴加議處失於稽查之驍騎校徐昭族長金祚俱著交部議處該管參領興泰副參領雙泰俱著交部察議至各旗挑缺例有御史稽查此次查旗御史因公不到未免視為具文嗣後各旗挑缺之日該御史務須前往認真稽查以符定例○以故一等子王觀垣子鑄襲爵○庚子諭軍機大臣等辛從益奏漕務積弊情形一摺前據陶澍奏嚴禁於棍已漕

橫索漕規當經降旨飭令力加整頓不使不肖官吏婪索病民亦不容矜棍把持藉端訐告並著學政查察生員拖欠較多有心抗糧者停其考試俟完清後補考有仍前縱恣者查明斥革審辦原期辦理兩得其平庶可官民相安刁風漸息前降諭旨甚明茲據該學政奏稱州縣因應調劑若竟准浮收必滋流弊官委權於書役自浮折全數交官外又必圖肥己橐不滿所欲必不給與印串官既浮

收吏又腹削受累不堪遂致上控控漕之人未必盡包漕之人又凡遇控漕必先押回本州縣勒追恐善良之戶無從申雪地方官操縱在手恨其上控倍加抑勒既滿其苛浮之數又逼令具結自誣否則竟不斛收仍科以抗糧之罪是徒逼糧戶以浮交而無審辦之實等語各州縣兌漕需費勢不能不藉資津貼祇期足敷辦公之用並非准其任意增添前諭該撫督同藩司將收漕章程分別酌定

毋許浮多並嚴禁道府需索漕規及上司同僚極交幕友長隨等弊原期肅清漕政不使各州縣得以藉口該撫惟當遵照前旨將收漕章程酌中定制各州縣歷年辦理成規無難查察不得因此次業經奏明有案遂至肆意橫徵逐年增長如有格外新增者立即嚴叅懲辦不可稍事姑息至書役貪得無厭尤宜嚴加懲創遇有私行勒捐恣意訛索不給糧串者必應從嚴治罪並將夫察及徇縱之

地方官分別叅處其告漕之人前諭該撫查其有無抗欠是否糧戶如恃符刁抗或米未交清或原告藏匿潛逃均即提拏懲辦非謂正身糧戶橫被抑勒者概不聽其申訴該撫遇告漕之案自應先行查明是否正身糧戶有無刁抗該州縣是否任意加增分別辦理其未未交清押回本州縣勒追者仍飭該州縣照常一律徵收不得挾嫌倍加抑勒及逼認誣告抗糧之罪如有前項情弊亦即據實

嚴叅儻實係大戶及生監等已攬刁抗藉端  
妄控者仍遵前旨從重懲辦至該學政奏稱  
近日太倉鎮洋青浦紳士各公呈漕書蓄養  
打手專毆控漕之人恐亦不盡無因並著該  
撫嚴行查訪隨時究辦總之立法貴在得中  
不可稍形偏重書役之積弊責成各地方官  
查禁地方官之貪墨責成該撫糾叅刁生之  
抗玩滋事責成該學政約束懲治各宜秉公  
辦理均不得存徇庇回護之見庶幾於棍蠹

吏各知斂戢則漕政自可肅清也將此各諭  
令知之○壬寅諭內閣李鴻賓等奏叅玩視  
盜劫重案之卸署縣令請革審一摺廣東前  
署英德縣事陵水縣知縣楊驊於盜劫輪姦  
重案僅以臨時行強詳報並不將輪姦重情  
據實聲敘迨經獲犯又以行竊拒捕朦混詳  
辦並將強劫情節全行更易幾致兇徒漏網  
該署縣改供捏詳有心諱飾楊驊著即革職  
交該督撫提同全案人證嚴訊確情按律分

別定擬具奏尋奏訊明吳潰倡二糾劫輪姦  
按律問擬斬梟聽糾之劉亞壬等擬斬立決  
事主王尚掀因妻女被姦有關顏面原報匿  
未聲敘已革知縣楊驊率以流徒定案照失  
出律擬徒下部議從之○癸卯

上幸靜明園詣

龍神廟拈香○以故喀爾喀土謝圖汗扎薩  
克多羅郡王達克丹多爾濟子拉素龍巴咱  
爾襲爵○泰寧鎮總兵官永明額因病解任

以兵部右侍郎武忠額為泰寧鎮總兵官兼  
總管內務府大臣內閣學士駐藏辦事大臣  
松廷為兵部右侍郎科布多參贊大臣巴琿  
阿為正白旗漢軍副都統○予故休致察哈  
爾都統慶溥祭葬如例○甲辰

上詣綺春園問

皇太后安○乙巳

孝儀純皇后忌辰遣官祭

裕陵○



上詣

大高殿行禮。○還宮。○諭內閣。嵩溥奏酌議辦理匪徒章程一摺。前據御史但明倫奏。籌辦黔省黨匪。當交嵩溥派委幹員。弁嚴密查拏。並會同鄰省設法協緝。茲據奏黔省民苗雜處。外來無籍遊民勾結土棍滋事。該匪往來蹤跡靡定。若僅於鄰省接壤地方分投查拏。必至聞風遠遁等語。匪徒形跡詭秘。總當嚴飭各該管文武協力查拏。如係文員訪聞。即知照武營協力會拏。若武弁偵知緝獲。即移交文員認真審辦。不可稍分畛域。各存意見。該撫仍明立勸懲章程。無得委員分投查拏。徒滋紛擾。轉致無益有損。著照所請。除各州縣地方。偵有匪徒蹤跡。立即迅速查拏外。其遠鄉僻壤。民人即責成鄉約保長。苗人即責成土弁寨頭。實力稽查。遇有為匪窩匪。立時密報拏究。如能隨同緝捕。量加獎賞。儻失於查察。或竟有受賄隱匿。勾串容留情事。即

分別斤革治罪。該撫仍咨會四川雲南湖南廣西各督撫。於鄰近要隘地方。一體派撥兵役協拏。以防竄逸。至地方官於匪徒搶竊滋擾等案。玩不拏辦。即著嚴叅勒緝。如拏獲外來匪徒。視其案情輕重。分別記功議敘。所請嗣後黔省辦理搶竊等案。如有帽頂大五小五名號。除犯該死罪。仍照例從重科斷外。其犯該軍流徒罪。無論為首為從。均於本罪上加一等治罪。若罪止枷杖。著於枷責後鎖繫鐵桿一枝。具有聞拏投首及事未發而自首者。照例分別減免。儻減免後復犯。不准再首。各於所犯本罪上加一等軍流徒罪。分別發配安置。杖罪折責發落。仍繫帶鐵桿。若平日無犯法實跡。而橫行鄉曲。有帽頂大五小五名目。照例僅予枷責。不足示懲。著每名鎖繫鐵桿一枝。定限一年。如能改悔。准予釋放。若不悛改。再繫一年。儻始終怙惡。即照棍徒擾害例。分別嚴辦。如鄉保等挾嫌誣指。兵役受

賄徇縱著一併加等治罪仍令該地方官每辦繫帶鐵桿一案報明臬司督撫並按季報部查覈總須實力奉行嚴示懲勸不可徒託空言虛應故事也○諭軍機大臣等陶澍奏京口漕船淺滯親赴鎮江趲辦一摺本年起運南糧曾經降旨令有漕督撫早兌早開於四月二十日以前趕抵禦壩五月初旬全數渡黃無許稍誤期限茲據奏自徒陽運河開壩後計渡江軍船二百數十隻因西風大作江水消耗以致漕行淺阻即已近江口之船亦難逆風對渡至橫開出江之路該撫上年曾經奏及朕以漕船由運河行走較為穩妥令該撫察看情形相機籌辦現在該撫查開門內外水勢亦淺設法疏通其內河停滯各船飭地方官加用天關地牛挽曳又另片奏正拜摺聞西風已息漸轉南風潮水灌入口門頗增一尺有餘再得風轉東南即可乘潮放渡等語可喜之至該撫當乘此風轉潮旺

催令軍船銜尾渡江不許稍有脫幫儻江水復形消耗必須由橫開出江著該撫相機辦理尤應倍加妥慎毋稍疏虞總須遵照前旨於四月二十日以前全抵禦壩愈早愈妙斷不可誤渡黃期限是為至要將此諭令知之○

上以祭

社稷壇自是日始齋戒三日○丙午諭軍機大臣等昨據李鴻賓奏高州鎮總兵李廷揚不洽兵情不協輿論並未分晰指實該總兵或挑拔不公或寬嚴失當以致兵情不洽或性情乖謬或操守不謹以致輿論不協均不難訪察得實著該督再行詳細確查據實密奏將此諭令知之○以拏獲鄰境巨盜准福建署沙縣知縣陳炳極送部引見

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十三

宣統元年十一月

十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十四

監修禮藏官越前守諸大居士太子太保惟仁閣大學士文淵閣領閣事管理戶部事務上書房總師傅翰林院掌院學士兼管廣

大府府尹等路隨帶如五級記錄十八次且賈頌趙霖官既延該官吏部尚書饒蘇賴漢軍都統管理新營房城內官房大臣稽察內

七倉大臣稍聚會同四譯館事務加一級隨帶加六級軍功加三級紀錄五次臣抱沙納恩庭議官文淵閣提舉閣事兵部尚書總管

內務府大臣鑲白旗滿洲都統積保內七倉大臣管理宰人府銀庫左翼幼官學監壽寧園明園等處情建整御茶膳房御藥房太

醫院連年事務隨學加十八次臣阿靈阿副總裁官經選講官兵部尚書隨學加六次紀錄二十次臣周振培等奉

救修

道光七年丁亥二月丁未朔以恭修

實錄卷一百十四

五

景陵

隆恩殿先期遣官告祭

景陵及

后土之神。○祭

先師孔子。遣大學士蔣攸銛行禮。○以內閣

學士鍾昌署兵部右侍郎○以前任安徽壽

春鎮總兵官果勒明阿為頭等侍衛在大門

上行走。○戊申祭

大社

大稷

上親詣行禮。○諭內閣嚴娘奏。不遵定制。藐抗道員之都司一摺。山東運河道兼兵備銜。各協營都司以下。應聽節制。乾隆年間。久經部議通行。乃濟寧城守都司徐萬榮。堅執遠年未經修改會典。內有掌印僉書都司見各道平行一語。輒與運河道文移。抗不相下。經該署河督查明。新修會典。發給閱看。並面為開導。猶復盛氣相向。藐抗不遵。實屬蔑視。

廣案五十四

上

上官故違定制。徐萬榮著先行撤任。交部嚴加議處。○修山東運河。加河上河三廳土石開工。從署河道總督嚴娘請也。○己酉。遣官祭。

文昌帝君廟。○諭內閣孫爾準等奏修復水利情形一摺。福建莆田縣木蘭陂。建自前代。上受諸溪。下截海潮。灌溉南北洋平田二十餘萬畝。近年屢經暴漲。泥沙淤積。陡門石隄日久損壞。以致頻歲歉收。經該督等率同該

清 實 錄 道光七年二月

處士民捐輸督修。所辦甚屬有益。殊堪嘉獎。現在木蘭陂南北岸石工。修築報竣。統俟各工全行蒞事。該督等即覈其捐數最多。尤為出力者。分別奏明。再降諭旨。此項工程。係由該處紳民捐辦。著無庸造冊報銷。○諭軍機大臣等。本日都察院奏。江蘇沭陽縣生員吳春華呈控該縣匿災橫徵一案。已明降諭旨。交該撫審訊矣。此案據該生供稱。該縣上年自五月至八月。陰雨百有餘日。麥禾失收。縣

實案五十四

上

東已報成災。縣西各鎮。屢請勘賑。門丁袁姓與蠹書張松年等。朦官延不查勘。藩司飭宋委員到縣勘災。亦被書吏隱瞞。僅至離城二十里之新挑河而返。縣西各鎮。均未勘查。民人倪景運等。在藩司衙門具控。批海州飭縣確查。延至十月。委譚知縣覆勘。又令差役李太等。捏具倪景運等冒災甘結。朦詳。遂將新舊各款。與歷年災緩錢糧。一併開徵。以致災民鬻子賣田。流亡載道等語。地方遇有偏災。

八九九

國家不惜帑金。分別賑卹。如果該縣玩視民

瘼。匿災朦詳。必應查明嚴叅懲辦。儻係該生

砌詞聳聽。希圖冒賑。此風亦斷不可長。該撫

接奉此旨。即親提人證卷宗。秉公研訊。務得

確情。毋稍徇縱。將此諭令知之。尋奏查沐陽

縣地處高阜。雖夏秋水連綿。並未成災。知

縣譚炳光。兩次履勘。因其毗連災區。詳請一

律緩徵。本鎮士民倪景運等。先經赴司呈請

勘辦。迨該縣勘未成災。亦即自認誤控。是吳

春華所控各情。全屬虛誣。應革去文生。照律

杖一百折責發落。知縣譚炳光履勘確實。並

無不合。縣書張松年等。亦無捺勘朦徵情事。

均無庸議。下部議從之。○戶部尚書王鼎。六

十生辰。賞

御書扁額福壽字。及珍玩文綺。○修福建臺灣

水師協戰船。從總督孫爾津請也。○庚戌。以

舉行仲春經筵。遣官告祭

奉先殿。

傳心殿。

上御文華殿經筵。直講官禧恩。蔣攸銛。進講孟

子立賢無方。講畢。

上宣御論曰。人君撫臨方夏。惟期得人以圖治。

然必進賢之道廣。而後庶官無曠。百職允修。

政教隆而治術懋也。昔成湯智勇天錫。聖敬

日躋。其時俊彥旁求。賢裏一德。賢如伊尹。立

之為阿衡。賢如仲虺。立之為左相。其出自有

莘之微。與為奚仲之後。皆所勿問。惟其無方

也。而賢者有不在位乎。用人貴有定見。而不

可有成見。湯惟克綏厥猷。懋昭大德。制事制

心。正其本。不邇不殖。清其源。有味爽丕顯之

全神。有聰明時乂之實用。舉凡懋官懋賞。一

皆本於執中。夫是以佑賢輔德。顯忠遂良。因

與唐虞之官人。有夏之顧俊。均有若合符節

者。延及後嗣。若伊陟用自世家。甘盤任由舊

學。傳說舉於夢卜。猶能追紹前規。後先媲美。

則九圍是式。萬邦惟懷。湯之所以得人而治。

也。直講官穆彰阿。盧蔭溥進講易經師眾也。貞正也。講畢。

上宣御論曰。天生五材。兵不可去。聖王知武備之宜修也。於是克詰戎兵。將以正天下之不正。而用眾行師。所向克捷。大易所以於地水之象。首闡師貞之旨也。古者設兵之意。無事則平居相保。訓練有素。簡閱必精。所謂容民畜眾也。有事則整旅邁行。號令嚴明。部伍約束。所謂師出以律也。事定則凱還飲至。論功

行賞。定等策勳。所謂大君有命。以正功也。如是以警眾。義問宣昭。罔干予正矣。如是以動眾。威德遠加。莫敢不一於正矣。雖然。聲罪致討。義甚正也。而運籌決策。又未嘗不用奇。或先聲後實。或間道分攻。應變無方。迎機立斷。兵固有出奇而制勝者。然出奇而制勝。皆歸於至正而無私。有保大定功之實。無窮兵黷武之思。師直為壯。而正氣伸。師出有名。而正聲著。剛中而應。行險而順。安有不嘉績用成。

膚功克奏乎。彼自作不靖者。不過恃其險遠。潛煽一時。而當命將徂征。師中協吉。震聲靈之播。張捷伐之威。如火之烈。而莫敢遏。如雨之沛。而慰其蘇。則信乎王者之師之無敵於天下也。禮成。

上幸文淵閣。賜講官及聽講諸臣茶。復賜宴於本仁殿。○辛酉。遣官祭皇太后安。○辛亥。遣官祭關帝廟。○諭內閣。琦善等奏。東壩西岸雜料

廠起火。請將該廠員革去頂帶等語。河工設廠貯料。自應嚴密防範。何至纜堆起火。是否遺火延燒。抑或另有別情。必須確切查明。辦理。所有管理雜料廠之署外南廳同知王貽象。陽山縣知縣王朝述。均著革去頂帶。該督等即逐項清釐。確查被燬實數。責成該員等先行著賠。以濟工需。毋任延宕遲誤。○又諭理藩院奏。噶勒丹錫呼圖克圖之呼畢勒罕。呈請住京。尚屬伊之至誠。著照所請。准

其留京住宏仁寺。勤習經藝。該呼畢勒罕前世留佳間散喇嘛三人著支給十分徒取錢糧。○諭軍機大臣等。本日據理藩院奏。後藏年班堪布謝呼嘉木贊呈報。接據西寧棟廓爾地方留牧牲畜之喇嘛等信稱。上年十月。突有番賊無數。將喇嘛等收放之毛牛驢馬三千八百餘頭匹。盡行搶去。並搶帳房等物。收放牲畜之喇嘛俗人等。間被搶傷等情。喇嘛等年班事竣。差旋在邇。懇速行嚴緝等語。

前據鄂山。穆蘭岱奏。野番偷渡。分股搶掠各蒙古牲畜。並劫奪進京堪布留該處收放之牛隻。業經添派總兵榮玉材等跟蹤追剿。殺賊一百五十餘名。奪回馬牛羊駝三萬有奇。已逾原報所失贓數十分之六七。傳令各事主均勻分領。該堪布此次呈報。自係尚未得信。或未經全數追給。著鄂山。穆蘭岱再行確查。該喇嘛原報所失毛牛驢馬三千八百餘頭匹。並帳房等物。是否全數追獲給領。如尚

未全獲。即嚴飭員弁。勒限追捕務獲。該堪布等不日起程。務先期妥為籌辦。俾得隨到隨行。毋許稍有延玩。儻按捕不力。致令遠人失所。必將鄂山等懲處不貸。將此各諭令知之。○又諭恆敬奏。哈密郡王銜貝勒回子伯錫爾。因執運軍糧。雇備牛車一千輛。領價當差。現在兵差過境。復派伊弟扎薩克伯克訥敦爾。隨同當差。尤為出力。請將伯錫爾加恩鼓勵。訥敦爾可否賞戴花翎等語。此次大兵經

過地方。差務浩繁。伯錫爾兄弟情殷報效。具見惻忱。朕心深為嘉悅。將來大功告竣。自應特沛恩施。以獎勞勩。恆敬所奏。尚無不合。惟此時殊覺過早。統俟凱旋時。如果始終出力。再行一體加恩。至所奏安西直隸州知州趙宜暄。經理糧臺。支發搏節。回務章京圖勒炳阿。吐魯番同知佛靈阿。及在局委員等。均能不辭勞瘁。著恆敬暫行存記。並俟大兵凱撤後。據實奏明。再降諭旨。將此諭令知之。○壬

子諭內閣。裕豐倉盈餘麥石。未能篩颺淨盡。又將上年搭放鑲白旗沿途狼灑之麥。埽併空殼麥皮之內。以致麥石成數不符。失察之監督達斌。李鍾漢著交部議處。花戶崔俊張志。照例責革。再加枷號一箇月。以昭儆戒。所有五成半麥三百零四石。一成半麥二百六十八石。著發交五城。照例糶賣。空殼麥皮。並交五城拉運出倉。無許花戶人等經手。著倉場侍郎嚴行督飭稽查。不可再滋弊端。○復

引見京察一等未經記名人員。得旨。廷懌。楊勳。許乃。賡。張日。晷。珠。爾。杭。阿。綽。勒。恭。額。潘。標。呈。麟。積。拉。明。阿。景。煥。江。仲。胡。方。朔。強。達。泰。程。喬。米。郎。葆。辰。達。林。泰。定。昌。俱著交軍機處記名。以道府用。○癸丑。

孝淑睿皇后忌辰。遣官祭。

昌陵。○諭內閣。德英阿奏撥解牛隻。不堪應用。請分別交議一摺。前經降旨。將伊犁廠存備撥牛隻內。挑選犍牛二千隻。解往烏魯木齊。

以備運糧之用。茲據該署將軍查明。向例犍牛乳牛。俱准備撥。該處察哈爾額魯特營公。私牛隻。前因俱被災傷。奏准展限三年取孳。現在廠存牛隻。俱係道光四年以後新收之產。口齒本未壯足。又值冰雪嚴寒。跋涉長途。不免倒乏。所有解送烏魯木齊頭起牛八百隻。據英惠咨覆。沿途倒斃一百二十三隻。實解到六百七十七隻。俱形瘦乏。兼有乳牛。不堪驅使。此時駝隻已足數用。此項牛隻。著即

裁撤。前項倒斃牛隻。因途長雪大所致。尚屬有因。著准其開除。瘦乏牛隻。經該署將軍飛咨烏魯木齊都統。仍交原解之員。暫存該處擇地牧放。俟春融雪消以後。仍解回伊犁歸廠牧養。二起牛隻。亦即照此辦理。至駝馬處。章京主事職銜奇成額。委筆帖式賡音布等。辦理撥解時。不將原案詳細稟明。遽行起解。辦理殊屬疏率。均著交部議處。其管解二起牛隻之防禦佳渾。該署將軍已委員沿途查



訊。儻亦有倒乏。著即與委解頭起牛隻之佐領強謙將原領餵養銀兩。罰令賠繳。仍一併咨部分別議處。德英阿雖係甫經署任。究未能詳加查察。亦屬疏忽。著交部察議。○又諭徐忻奏審擬規避防差之革弁一摺。此案已革守備席殿魁派赴喀什噶爾換防。意圖規避。又不候交代。擅離職守。復挾避擊高殿鼐等。未允資助之嫌。捏砌侵冒。剋扣多款。妄行稟訴。實屬藐法。席殿魁著發往伊犁充當苦差。以示懲儆。○命改南府為昇平署。○修直隸果渠村壩埽各工。從總督那彥成請也。○申寅遣官祭

先醫之神。○皇次子奕綱薨。○諭內閣。大阿哥惠郡王著於二月二十日前往南苑駐圍。於三月初十日回圓明園。著松筠充為總詣達。同賽冲阿輪班隨駐。其應行隨從之散秩大臣侍衛等。著各該處照例奏派。○又諭。吉林休致協領和綱額。呈控富俊違例揀補主

事等款。經刑部訊明。事出有因。惟該員於被參呈控後。旋向該將軍求撤呈詞。實屬不合。業經降調。著免其再議。已革助教阿揚阿。訊無串唆情事。惟無故擅離職守。各無可辭。著開復原官。仍交部議處。○署山東巡撫程含章覆奏。遵查新補兗州府知府陳繼昌。於地方公事。頗能次第整飭。得旨。隨時留心查看。如有不妥。慎勿回護。○改鑄河南蘭儀縣北岸管河主簿條記。從署河道總督嚴琅請也。

○旌表守正捐軀直隸清豐縣民間振水女柱姐。○緩徵江蘇上元、江寧、句容、江都、銅山、豐沛、陽山、睢寧、海、沐、陽、桃源、十二州縣並徐州衛。頻年積歉。帶徵舊欠錢糧漕價。○乙卯。上詣綺春園問

皇太后安。○諭軍機大臣等。長齡等奏和闐回眾甫降。恐大兵往剿。頗形惶惑。暫將官兵進剿。已爾楚克。以便進兵等語。和闐回眾甫經投誠。輒復羣相疑懼。此輩狼子野心。反覆無

定。前據奏到時。朕已意料及此。此時該將軍不復派兵前往。遣人赴彼曉諭。令其各安本業。自行固守。所辦甚是。即將來葉爾羌如亦悔罪投誠。祇須諭令盡心守衛。不必復分兵力往撫。統俟喀什噶爾進剿得手。再行以次撫定。現將巴哈布所帶官兵一千五百名。並添派官兵五千五百名。駐劄巴爾楚克。該處係扼要總路。楊遇春親督前往。以為分兵進剿之計。辦理亦協機宜。惟史善載係由巡捕

營出身。未曾經歷行陣。恐帶兵不能得力。軍營內儘有久歷戎行之人。倭楞泰吉勒通阿安福。余步雲。現亦先後抵營。該將軍等當量材調派。以資襄助。現在巴爾楚克一路。已有兵七千。將來烏什巴什雅哈瑪一路。必須帶兵萬餘。分為前後兩起進發。以期聲勢聯絡。斷不可孤軍深入。糧餉不繼。稍有疏虞。該將軍等雖已遣人往諭博巴克。設法離間。擒獻張逆。然此輩居心叵測。未可深恃。且汰劣克

阿坦台。又已進卡助逆。各布魯特意存觀望。該逆等聯為一氣。情實可惡。如有可乘之機。必當示以兵威。痛加剿戮。即才具可用之回子伯克。亦須帶兵出力。方可酌用。儻逆裔竟敢負隅固守。無竄匿之志。則是天奪其魄。正好聚而殲擒。若見事機不利。遽思竄逸。彼時兵威大振。各受曼觀望之布魯特。未必不畏威歸附。為我擒渠。總在該將軍等相機設法辦理。長齡統領大兵。應於何路進發。自當隨

宜審度。朕亦不為遙制。惟計長齡楊遇春行抵軍營。已四月有餘。武隆阿續到。亦逾兩月。自己將進兵各路。躍探明確。何以屢次奏報。尚無定議。武隆阿前赴阿克蘇查驗軍器。督催糧運。亦不過數日可畢。所奏兵力足數。分剿。即當剋日前進。祇係空言塞責。刻計原調續調官兵。二月初旬總可到齊。伊犁烏魯木齊兩路所運糧餉。當敷隨營裹帶之需。正宜趁此兵力壯盛。剋期進剿。一鼓殲擒。若大兵

久駐。不但師老餉糜。更恐益張賊智。現在汰劣充等。既被逆裔糾約進卡。助其逆蹇。已失機宜。儻再任其日久勾結。羽翼更多。辦理益形費手。該將軍等自問當得何咎。務即將奇兵正兵進發路徑。早為定議馳奏。以慰宵旰。焦盼。一面剋期督兵進剿。不得再事遷延。又據奏將那彥寶調補烏什。恆敬調赴阿克蘇。一摺。阿克蘇籌濟後路糧餉軍火。最關緊要。上年長清在彼。大兵未集。正當危急之時。一

切調度。尚屬妥協。此後事務較繁。如誠端等可派一人幫辦。並於道府州縣內。派員隨同辦理軍餉等事。以期無誤。若將恆敬調往會辦。轉恐事權不一。或致推諉觀望。於事無益。至烏什為奇兵進發路徑。轉運糧餉。防範後路。尤關緊要。多貴帶兵在彼數月。亦不必調赴軍前。著恆敬調補烏什大臣。仍令多貴幫同辦理。庫車有催趲後路糧運事宜。亦屬緊要。仍著那彥寶與果良額在彼經理。以期應

手。蘇明阿仍令赴軍前聽候差遣。至阿克蘇後路大營駐兵萬餘。必須妥幹將領在彼統領。該將軍等於得力大員內。如達凌阿等酌留一二人駐彼統率彈壓。並為後路應援。此時軍營差委。已經鄂山等先後奏調多員。如不敷委用。儘可就近飭調。所有另片奏請酌留投效人員之處。著不准行。侍衛李東山。立即飭令回籍。所辦甚是。將此由六百里加緊諭令知之。○除直隸豐寧縣被水房屋租銀

○丙辰遣官祭黑龍潭

昭靈沛澤龍王之神。玉泉山

惠濟慈佑靈濩龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園

惠濟祠

河神廟。○丁巳

孝康章皇后忌辰。遣官祭

孝陵○班禪額爾德尼遣使呈進貢物賜敕褒獎賞賚如例○以故科爾沁扎薩克貝子阿舒噶子阿敏烏爾圖襲爵○以泰寧鎮總兵官武忠額為恭守

昌陵領侍衛內大臣○賞四等侍衛古城領隊大臣恩銘頭等侍衛為哈密辦事大臣命前任江西布政使蘇明阿以頭等侍衛為古城領隊大臣○戊午遣官祭昭忠祠○署喀喇沙爾辦事大臣常格奏前准長齡等咨令購

買馬匹現在先後截留軍餉銀二萬六千兩趕緊購馬以備吉林索倫官兵更替之用報聞○以詹事府少詹事沈岐充日講起居注官翰林院侍講何彤然署日講起居注官○除甘肅平羅縣被水衝坍地一十九頃三十四畝有奇額賦○己未諭內閣各省鹽務項下每歲應完正雜課款均須按年清交間遇鹽引滯銷商力拮据經該督撫鹽政等奏到朕無不立沛恩施量予展緩該商人具有天

良自當依限交納乃視為具文新陳積壓各督撫鹽政等並不嚴定懲勸實力督催以致帑項虛懸殊非實心辦公之道本日戶部將各省節年欠交一切正雜課銀分別開單呈覽除奏明分限帶徵應令各按年限徵收外現在屆限未完銀四百二十餘萬兩內有正項錢糧並未緩徵而不徵完者有雖係雜項錢糧久逾年限並未徵完者經該部分案行催延不徵報似此任意遷延日積日多於經

費大有關繫著通飭長蘆兩淮兩浙雲南廣東各該管督撫鹽政嚴飭所屬運司鹽道等查照戶部單開未完銀兩迅即勒限催徵歸款無許絲毫拖欠仍按限將已未完分數據實報部查覈經此次飭催之後儻再藉詞延宕仍致有名無實定即懲處不貸○諭軍機大臣等昨據英惠奏料布多駝隻除倒斃走失及舊老癯乏尚須牧養外堪用者四百隻烏里雅蘇台駝先到二千隻堪用者一千一

百四十隻。下餘之駝。俟二三月間水草萌長。方可資其馱用。至口內撥來駝隻。雖已陸續起解。現僅收過帶運餉銀駝五十隻。節經挨站提催。迄今未到等語。前因大營需糧緊要。烏魯木齊原雇車輛駝隻。每月祇能運糧八九千石。不敷大營支用。降旨令鄂山等將口內駝隻協濟。以期糧石加倍挽運。科布多等處所進駝隻。為數雖多。僅止一半得用。口內官買駝隻。既未趕到。而雇覓之駝。又馱運軍

火餉銀。先送大營。是雖有協濟駝隻之名。並無實用。上年節經降旨令鄂山盧坤。覈算烏魯木齊運往阿克蘇軍糧。供兵食者一月。存貯者一月。撥運在途者一月。現在大營雖有伊犁撥運糧石。惟大兵到齊。即當剋期進剿。道路遠遠。必須遵照前旨。源源滾運。常存三月之糧。若駝隻不能應手。兵糈必致短絀。所關甚大。鄂山等即飛咨催口內駝隻陸續跟蹤到彼。無稍玩延。至駝隻一經夏令脫毛疲

乏。即須下廠收放。屆時應如何設法接運。並著鄂山等會同英惠。通盤籌酌辦理。又英惠片奏。哈密糧臺向駝夫買用口內協濟駝隻等語。上年據恆敬奏。雇回車及商駝五千隻。車一千輛。以為挽運兵糈之用。何以哈密糧臺率行買用口內官雇協濟駝隻。轉致烏魯木齊不敷馱運。著鄂山等即飛咨哈密糧臺。不得再行截買。將此由五百里諭令知之。○庚申。諭內閣。劉彬士奏。籌墊浙商報效銀兩

一摺。前因軍用浩繁。浙商等懇請報效銀一百萬兩。分限繳解。當飭該署撫籌墊聽撥。茲據奏請於運庫本年春撥各款墊解銀六十萬兩。藩庫封貯項下。借動銀二十三萬一千四百兩零。本年春撥案內。各年續完地丁項內。動支銀九萬八千五百兩零。共銀一百萬兩。著准其先行墊解。該署撫遵派妥員。迅速解赴甘肅省局。交鄂山存貯備用。此項報效銀兩。著自丙戌網起。分作四綱完繳。俟全

數交清歸款。該商等著交部照例議敘。○撫卹日本國遭風難夷如例。○辛酉諭內閣。孫爾準等奏請將各官坐支養廉暫行解司覈給一摺。閩省道府同知通判州縣各官養廉向係由司支領。遇有應捐款項隨時扣收。自改為留屬坐支。以致司庫節年墊借各項捐款。屢催未解。勢必愈積愈多。茲據該督等奏請援照成案。解司覈給。著准其將該省道府同知通判州縣各官應支銀米二耗養廉。自

道光七年春季為始。暫行解司支領。俾欠項得以次第查扣。俟扣收完竣。再行奏請照舊由各州縣坐支。所有耗羨完欠分數。仍著附入地丁奏銷案內議處。其耗米完欠分數。查照歷辦奏銷另冊。隨同地丁具題。至佐雜養廉。著仍留縣支給。○命前任廣東潮州鎮總兵官耿金釗。以副將降補。○壬戌。

上詣綺春園問

皇太后安。○諭內閣。那清安等奏。查明都察院

及步軍統領衙門。各交各處逾限未結各案。彙叅覈辦。並開具清單呈覽。著交該部查明承審逾限各督撫將軍都統府尹。及委審各員。分別議處。其未結各案。著各該督撫等迅速審辦完結。毋許任意懸宕干咎。○癸亥。上幸萬壽山。○諭內閣。韓文綺奏。運丁借款。懇請分別起限扣還一摺。江西各幫漕船。道光五年在通庫天津道庫借欠銀兩。奏准於司庫地丁項下借墊。分作五年二年扣解歸款。

本年應扣初限銀一萬七千三百餘兩。又在江南總局借領銀兩。分作六年扣清。本年應扣二限銀三千七百五十二兩零。上年又借天津道庫廠費銀四萬二百九十一兩零。通庫酌借銀四十兩。應於新運錢糧內坐扣。本年共應扣銀六萬五千四百一十兩零。茲據該撫奏。江西漕船疲乏。若儘數照扣。未免辦運無資。加恩著照所請。上年借領天津道庫銀兩。准其分作三年扣清。每年扣銀一萬三

千四百三十兩零。同上年在通庫借領銀四千兩。江南總局應扣二限銀三千七百五十二兩零。即於本年新運錢糧內。分別照數照限扣解。其司庫墊款。准其暫緩一年。俟下年起扣。以紓丁力。○貸江蘇狼山泰興掘港各營毗連災區兵丁餉銀有差。○乙丑。

上御勤政殿聽政。○諭內閣據巡視中城御史安誠奏。副指揮舒恭讓玩視公務。每日不早到飯廠。並失察糧頭飯頭等偷減米石。著

都察院堂官秉公查詢明確。據實奏。不准稍有含混。○以都察院左副都御史福申。為內閣學士。兼禮部侍郎銜。仍留江西學政任。○舉行道光六年大計。奉天卓異官二員。有疾官一員。直隸卓異官十二員。罷輟官三員。浮躁官二員。才力不及官四員。有疾官二員。年老官八員。江蘇卓異官九員。不謹官二員。浮躁官一員。才力不及官一員。有疾官一員。年老官二員。安徽卓異官六員。不謹官二員。

浮躁官二員。才力不及官一員。有疾官一員。年老官三員。江西卓異官十三員。不謹官二員。浮躁官一員。才力不及官二員。有疾官一員。年老官二員。浙江卓異官九員。不謹官六員。浮躁官一員。有疾官一員。年老官二員。湖北卓異官八員。不謹官二員。浮躁官一員。有疾官一員。年老官四員。湖南卓異官九員。不謹官三員。浮躁官二員。才力不及官三員。有疾官二員。年老官二員。河南卓異官十三員。

罷輟官一員。才力不及官一員。有疾官三員。年老官二員。山西卓異官十二員。不謹官二員。浮躁官一員。有疾官二員。年老官六員。陝西卓異官七員。不謹官二員。浮躁官二員。才力不及官二員。有疾官三員。年老官二員。甘肅卓異官五員。才力不及官一員。有疾官二員。年老官一員。四川卓異官十四員。不謹官三員。浮躁官三員。才力不及官二員。有疾官五員。年老官五員。廣東卓異官十二員。不謹

官二員。罷輟官一員。浮躁官一員。才力不及官三員。有疾官二員。年老官一員。廣西卓異官六員。不謹官一員。罷輟官一員。浮躁官一員。才力不及官二員。有疾官一員。年老官一員。雲南卓異官八員。不謹官一員。罷輟官二員。浮躁官二員。才力不及官四員。年老官二員。分別議敘處分如例。○旌表逼嫁捐軀江蘇宿遷縣民王大妻程氏。○丙寅諭軍機大臣等。本日步軍統領衙門奏。湖北監利縣民

李振綱京控一案。已明降諭旨。交嵩亨督同臬司福珠隆阿嚴訊矣。此案據李振綱呈控。該縣被水眾鄉民捐資交李點等修築河隄。李點侵用未修。屢經縣民歷控。至今未結。李點挾嫌率眾搶劫伊所販棉花。用刀將伊劃傷。控經巴陵縣將李點等拿獲。夥犯張光龍供認李點率同子姪搶劫屬實。李點串通差役熊點賄給魏知縣銀四百兩。將張光龍等釋放。又將李點等移送監利縣審辦。李點又

串通差役李光華賄給趙知縣銀一百兩。將全案人犯釋放等情。案關官員婪贓。如果屬實。大干法紀。嵩亨到任在後。福珠隆阿甫經調任。俱無所用其回護。著即親提全案人證。隔別嚴訊。務得確情。其知縣魏姓趙姓如實有染指情弊。即著嚴參懲辦。毋稍徇縱。將此諭令知之。尋奏訊得李振綱係懷疑越控。照例發邊遠充軍。李點與李振綱構訟時。因李振綱匿不到案。擅自糾人攔捉送官。以致李

振綱棉花被人私賣。實屬恃符滋事。應革去從九品職銜。照例杖一百折責發落。下部議從之。○丁卯諭軍機大臣等。本日鄂山等奏軍營剋期進兵。轉餉愈遠。請續籌銀兩備用。此次回疆軍需。前經發給餉銀六百萬兩。據鄂山等節次撥解大營軍餉。及烏魯木齊等處運糧備用腳費。省局各屬雇買車駝。備供兵差。暨官兵借支俸裝養廉等銀。共發過銀六百三十八萬八千八百六十九兩零。現在



大兵雲集。分路進剿。支發鹽菜草乾等項。每月約需銀三十餘萬兩。指日大兵奏凱。辦理善後事宜。經費浩繁。尤應寬為籌備。前據琦善等奏。先行籌墊淮南商捐銀一百萬兩。李鴻賓等奏。粵東洋鹽二商公捐銀一百一十萬兩。劉彬士奏。兩浙墊解商捐銀一百萬兩。共銀三百一十萬兩。俱應迅解甘省。以濟要需。所有兩淮未經起解銀兩。著即遴委妥員。分起管解。迅速前進。浙江廣東籌撥銀兩。計

已起運在途。著催令趕緊行走。均不許稍有遲誤。並著經過之江蘇安徽江西湖北河南陝西各督撫。飭屬一體催趲。妥為照料。毋任貽誤。仍將起程及沿途經過日期。隨時奏聞。至此項協濟銀兩。一時未能趕到。著徐忻先於陝西司庫存貯款內。就近撥銀五十萬兩。委員即行解甘備用。俟粵東解運洋鹽二商銀兩。經由陝省時。再行扣留歸款。將此由五百里諭知各督撫。並傳諭張青選知之。○又

諭前據英惠奏。科布多烏里雅蘇台二處解到駝隻。僅止一半得用。當降旨令鄂山等飛催口內駝隻。跟蹤到彼。無許玩延。並飛咨哈密不得再行截買。其駝隻一經夏令。脫毛疲乏。並令鄂山等會同英惠通盤籌算。辦理本日據鄂山等奏。各項駝隻解往口外者。總共二萬一千六百八十九隻。其實在解到各臺堪以馱運者。尚無確數。該署督等查照長清來咨。於駝隻未屆脫毛之前。倍加趲運。以春

令之有餘。補夏日之不足。請於烏嚕木齊及回疆各城。雇用牛車驢頭。按城滾運。其行不遠。牲畜當不致疲乏。其難走處所。或添雇回夫。因地妥辦。自可濟駝力之不足。轉運較為迅速。至雇備牛車驢頭。需用銀兩之處。據鄂山等奏。烏嚕木齊及各城。前已撥給經費。當可敷用。現在大兵到齊。剋期進剿。道路遼遠。惟責成該署督等會同英惠趕緊籌計。飛咨各城。妥速辦理。如糧運遲延。軍需短絀。恐該

署督等不能當此重咎也。將此由五百里各諭令知之。○又諭鄂山等奏。奏現視緊要軍需之知州一摺。安西州為關外孔道。現值軍興之際。供支各路官兵。轉運軍火糧餉。在在均關緊要。該署督等先經發給該署州王世焯軍需銀十萬三千兩。原為備辦各項之用。又撥給雙套鐵輪車一百輛。營馬二百二十匹。駝六百餘隻。自己足資駁運。且自上年十一月以後。出關官兵。由內地撥給長車長駝。

直抵阿克蘇大營。惟軍火器械。由各處陸續起運。所需腳力。已屬無多。何以該署州竟敢玩延。並不轉運。積壓至十五起之多。又內地協濟烏魯木齊運糧駝隻。由肅州裹料出關。沿途祇須供支草束。該署州亦多不應付。續調末起川兵所帶駝馬。經過該州四站。亦不給與餵養。實出情理之外。顯係將所領銀餉。恣意侵吞。坐視貽誤。必應徹底嚴行究辦。署安西直隸州事候補知州王世焯著革職等。

問。交鄂山提省嚴審。一面遴委幹員前往接署。並嚴查王世焯經手軍需各項。如有浮冒虧短情弊。著即將該署州任所資財。嚴密查抄。一面奏聞。並將伊原籍家產。飛咨該省一體查封備抵。無許絲毫隱匿。俟訊明後。即按律從重定擬具奏。仍撥給駝隻。飭令接手之員。將所積軍火各件。趕緊趲運。毋再遲誤。至另片奏留之捐職府經歷張同惠。係鄂山等帶往襄理文案之人。與無故投效者不同。著

准留該處酌量差委。以資熟手。此外不得援以為例。將此諭知鄂山。並諭盧坤知之。○署陝甘總督鄂山奏。請將前任甘涼道英啓留於蘭州總局。會同辦理軍需。從之。○戊辰。諭內閣。嘉慶十七年。欽奉  
仁宗睿皇帝諭旨。侍衛非他員可比。領侍衛內大臣等。理應隨時查看。如有人平庸騎射平常者。即行叅奏。不必待至軍政。欽此。蓋因侍衛差務緊要。領侍衛內大臣等。自應將所屬

侍衛時加整飭。毋得待至軍政之年。乃令領侍衛內大臣等。祇將侍衛內平素貽誤差使等處。查出塞責奏。而遇軍政之年。侍衛內有平庸不及者。並不懲治。殊與

皇考

聖旨有違。著交領侍衛內大臣等。嗣後於所屬侍衛。務須隨時留心察查。此內如有差使懶惰。騎射平常者。一經查出。即行奏外。至遇軍政之年。務須秉公將侍衛內人勤惰。技藝

精熟者。列為卓異。其差使懶惰弓馬生疏者。照例懲辦。毋得稍有徇縱。○又諭。百春等奏。查明經紀承辦漕糧腳價內。支銷公用。請仍循舊制辦理。軍白糧經紀承運漕糧。向例按米數給發腳價。所有油艙席片船頭工食。及題定書役飯食等銀。即在腳價內支放。自道光四年奏准。將腳價每石劃出銀五釐一毫。支銷各項工用。以致糧少之年。尚不敷支放。該經紀等不得不溢支銀兩。且累年牽算。易

滋弊混。自應仍照舊章辦理。著准其將油艙席片船頭工食題定書役飯食等銀。仍於經紀腳價內發給。至經紀多支銀七千七百六十七兩零。若一時遽令繳還。辦理未免拮据。著自本年。起分作六年攤扣全完歸款。○以勘校

仁宗睿皇帝聖訓清文樣本完竣。予提調等官議敘有差。○旌表守正捐軀直隸獻縣民魏貴妻嚴氏。○修浙江西塘柴埽等工。從署巡

撫劉彬士請也。○己巳。

上詣綺春園問

皇太后安。○御含輝樓。閱侍衛騎射。○旌表守

正捐軀河南盧氏縣民王越子妻張氏。○庚

午。春分。朝

日於東郊。遣定親王奕紹行禮。○諭內閣。富俊奏查明圍場以內私放民人砍伐樹木各員。分別定擬。請旨一摺。圍場一帶卡倫。原為禁止偷打牲畜。砍伐樹木而設。乃卡官晉海。領

催委官錫永保希圖行竊之富起餽送柴薪小利。輒敢私放民人砍伐樹木。驚散牲畜。殊屬不堪。晉海錫永保俱著革職。在圍場枷號一月示眾。翼長兼佐領伊郎阿。管圍十六年之久。並不嚴加約束。轉為民人富起餽養牛隻。在卡倫房內堆積柴薪。以致砍伐許多樹木。殊屬目無法紀。有玷厥職。伊郎阿著交部嚴加議處。協領濟齡阿。雖於上年甫在圍場上行走。並未拏獲一賊。亦屬非是。濟齡阿著

交部議處。○又諭。前據福泰奏。後右門外樂器庫鎖封破損。該班司鑰長等於更換新封後。始行呈報。請將司鑰長孟秋交部議處。值班之委護軍校等。交部審訊。當飭內務府大臣查明具奏。茲據覆奏。查驗該庫門封雖破。鎖封未動。點驗庫貯樂器與冊載相符。並聲明向來各庫門封。遇有風雨損裂。如查驗鎖封未動。原准另行更換。今既驗明庫貯俱無短少。原押鎖封未動。並無情弊。該護軍統領

所請將司鑰長孟秋交部議處。委護軍校七十五等交部審訊之處。均毋庸議。○諭軍機大臣等。本日據富俊奏。圍場內私行放入民人偷砍樹木之員。已分別議處。盛京吉林圍場。每年獵殺牲畜。原為我滿洲官兵操演技藝而設。向來牲畜甚多。茲據富俊奏稱。上年行圍。獵打數圍。未獲一鹿。且圍場內時有賊人支搭寮棚。成何事體。似此每年派往官兵多人常川住守。所辦何事。況此次所獲數

名賊匪外。圍場內有無賊匪。摺內亦未聲明。著富俊委派幹員。前赴圍場各處周查。如有賊匪潛居在內者。即多派官兵盡行驅逐。儻有抗拒。即按法從重懲治。不准容留一名潛住。仍嚴飭卡倫官兵。時時留心巡查。經此次查辦後。如圍場內復潛居賊匪。定將該卡倫官兵從重懲處。決不姑貸。將此諭令知之。○以故廣西南寧府屬果化土知州趙啓賢子廷樞襲職。○以督催海運商船出力。奉天防

守禦集成等下部議敘。○辛未命於二十八日在

黑龍潭。

覺生寺設壇祈雨。○諭內閣據理藩院轉奏喀爾喀土謝圖汗部落之參贊扎薩克輔國公齊旺多爾濟情願輸駝五百隻馬五百匹以備軍營需用請旨一摺齊旺多爾濟因軍營需用駝馬情願輸駝五百隻馬五百匹具見伊之誠悃殊屬可嘉惟現在軍營所需駝

馬業經辦妥且土謝圖部落相距回疆甚遠若將此項駝馬賞收解送不無浮費著理藩院傳諭齊旺多爾濟將伊所輸駝馬停止備辦以示朕矜卹蒙古臣僕至意。○予湖南岳州衛淹斃軍船舵工水手徐廣才等三名賞卹如例並免繳原借司庫修費銀。○壬申

孝昭仁皇后忌辰遣官祭

景陵。○諭內閣長齡等奏籌定大兵進剿日期並請將熟悉道路情形之阿奇木伯克帶赴

軍前一摺現在吉林黑龍江勁旅及原調續調官兵已陸續到齊該將軍等定於二月初六日統領大兵分隊進剿據奏阿克蘇阿奇木伯克伊薩克自軍興以來屢次出力近復辦運兵糧採購牛羊馬匹等事均能迅速妥協且熟悉道路情形准其帶赴軍前以資差遣該阿奇木前已疊加獎擢著加恩在乾清門行走伊子六品伯克愛瑪特已另降清字諭旨照例授為二等台吉並著賞戴花翎即令協同阿克蘇伊什罕伯克色提巴爾第代辦阿奇木事務。○諭軍機大臣等本日據長齡等奏定期二月初六日大兵分隊進剿除支發各項外現存阿克蘇軍需局及各糧臺銀十六萬一千餘兩伊犁撥運糧石已過冰嶺一萬一千餘石共收烏嚕木齊及伊犁撥運並採買麵四百三十八萬餘斤除支放兵糧及進征官兵裹帶口糧外現催各處迅速運供等語大兵既經進發後路糧餉最關緊

要。况兵行日遠。轉運尤當迅速。俾得隨時支發。前經准撥伊犁糧十萬石。已報起運米麵二萬七千八百石。除已過冰嶺外。其未過冰嶺及未經起解各糧石。著德英阿轉飭委員趕緊轉運。毋致稍有遲滯。烏魯木齊撥運糧石。前令英惠妥速籌運。復因駝隻不敷。節經降旨鄂山、盧坤籌畫辦理。設法接濟。並於回疆各城雇用牛車驢頭。按城滾運。著鄂山、盧坤會同英惠及方載豫通盤計算。將烏魯木齊糧石上緊起運。飛咨回疆各城節節催趲。總期陸續接到。支放無虞。缺乏。再前據鄂山等奏。所撥餉銀六百萬兩。內解過阿克蘇大營銀二百三十八萬餘兩。茲據長齡等奏。收過餉銀一百三十四萬餘兩。自係起解在途。尚未行抵大營。著鄂山等飭屬迅速催令過行。並咨各城逐站嚴催。妥為照料。毋任稍有延緩。又粵東洋鹽兩商。並淮南兩浙鹽商。公捐銀三百一十萬兩。前已飭催沿途速解。甘

省備用。並著鄂山、盧坤於解到後酌量撥解大營。以期源源接濟。將此由六百里加緊諭知德英阿、英惠、鄂山、盧坤。並傳諭方載豫知之。○又諭據長齡等奏。籌定大兵由樹窩子一路合力進剿。並酌辦後路一切事宜。一摺。烏什赴巴爾昌一帶。既多戈壁。水草缺乏。卡外各布魯特。又皆蹤跡詭譎。恐奇兵深入。或有牽制。該將軍等議定統領大兵。於二月初六日。徑由樹窩子一路分為前敵後應。突往圍攻。所見甚是。行軍之道。移步換形。原在該將軍等審勢相機妥辦。務保萬全。惟兵貴神速。必須掩其不備。剋日圍攻。既足以振軍聲。而禱賊魄。且使逆裔無竄逸之暇。方為妥善。布魯特等。雖與逆裔聲勢相通。現在兵威大振。自各心存震懾。臨時相機招致。定可為我堵禦。黑帽回子。因受張格爾荼毒。已有分類之勢。現發檄諭令其糾約族類。設法擒渠。固是有隙可乘。第恐回性反覆無常。現雖情詞

真切。未必悉能實心效順。尚須密加防範。如果能將張格爾縛獻前來。自當照懸格懸加封賞。此時大兵進發。所過附近從逆各回莊。如尚敢負固不服。即須順道勒洗。廓清後路。庶兵行糧運。俱無阻滯。此時計已到喀什噶爾。即當併力進攻。設法兜撿。並將大小卡倫僻路。豫為堵禦。斷不可使張格爾戰敗逃遁。或有外援賊匪。尤當先行相機勦禦。總趁此天日融和。於三四月間一鼓蕩功。方為不負。

委任。朕日日叩祝。

上蒼加佑。兵行順利。佇望捷音之至也。此後大兵進勦情形。自當隨時馳奏。即使無緊要軍情。每屆七八日。亦須將軍行現辦事宜。奏報一次。至遲總不得過十日。以慰宵旰殷盼。昨據鄂山。盧坤奏。共解阿克蘇大營兵餉銀二百三十八萬餘兩。俱已起解在途。運糧駝隻。亦俱全行出關。現復降旨飭催。餉銀兵糧。自可源源接濟。其粵東兩淮兩浙報效銀三百

餘萬兩。前亦飭諭該督撫等。迅速解甘備用。將此由六百里加緊諭令知之。○命協辦大學士英和辦理。

萬年吉地工程。以工部尚書穆彰阿為步軍統領。定親王奕紹署鑲黃旗滿洲都統。御前大臣瑪呢巴達喇署正白旗蒙古都統。○旌表守正捐軀浙江黃巖縣民章葛才童養媳賀氏。○癸酉。諭軍機大臣等。本日據理藩院奏甘肅洮州廳生員楊宗賢控告伊堂弟土司

楊宗基教串架捏。不准伊子番僧楊昂望宗柱充當僧綱一案。已明降諭旨交鄂山審辦矣。此案據該生員控稱。楊宗基以番僧還俗。欲襲土司。屢經涉訟。楊宗基竟於鞏秦階道衙門。約費數萬金。公行賄賂。護理土司。迫僧綱出缺。又不遵斷案。各守各業。另行舉充。唆串僧人書吏暫行兼攝。雖係該生員一面之詞。事關賄賂通書吏。恃強霸業。必應徹底嚴究。以成信讞。著鄂山親提人證卷宗。秉公訊斷。

如官吏受賄聽屬實。無論前任現任。即當嚴參懲辦。斷不准瞻徇諱飾。將此諭令知之。尋奏楊宗賢先與楊宗基爭嗣有隙。現又因楊宗基不准伊子充當僧綱。心愈忿恨。遂捏稱楊宗基賄囑舞弊。現已訊明。全屬誣控。楊宗賢依律擬軍。照土番初犯例枷責。免其遷徙。楊宗基因伊嫂羅氏另行擇繼。多方阻止。居心奸詐。照律降三級調用。土官照例降一級留任。按其品計俸罰米。下部議從之。○刑

書卷全十四

四

部奏。高例聚眾奪犯殺差之案。其從犯在凡人則擬絞決。在卑幼及奴僕雇工則止擬滿流。似涉輕縱。嗣後如遇尊長率領卑幼家長率領奴僕雇工奪犯殺差。止斃一命者。仍照本律問擬。其有致死差役二命以上者。為首之尊長家長。仍擬斬監候。為從之卑幼奴僕雇工。俱擬絞監候。從之。○甲戌

上詣

黑龍潭神祠拈香。○遣惇親王綿愷詣

覺生寺拈香。瑞親王綿忻致祭。

宣仁廟。○遣官祭賢良祠。○乙亥。諭內閣。申兵成安之過。繼子養育兵普官保係民人之子。著照例銷除旗檔。普官保因案被步軍統領衙門拏獲。後該佐領始行查出。呈報殊屬非是。該管印務參領德凌。副參領蘇成阿。佐領平安等。均著交部分別議處。其失察之都統副都統著交部察議。○命熱河都統昇寅正總管廣亮。副總管定祥。覆勘挑挖旱河並

書卷全十四

五

修荆條單壩等工





陳穀分作三年帶運。嗣後務須年清年款。如再積壓。即將管口廳員嚴參。儻係各縣徵運稽遲。以致無穀可配。即著將誤運之知縣撤任叅辦。○丁丑。

上詣綺春園問

皇太后安。○以故雲南祿豐縣南平關從九品

土官李世美弟世爵襲職。○旌表逼嫁捐軀

安徽宿州民張五女九姐。守正被戕。安徽阜

陽縣民羅三妻劉氏。○戊寅。諭軍機大臣等。

實錄卷五十五

二

據鄂山等奏。托克遜為烏魯木齊運糧首臺。

鎮迪道湯壽。須在各臺往來查催。不能在臺

常駐。請令方載豫駐彼經理。並請飭沿途各

城一體就近籌雇車牛人夫。妥為接運等語。

前因大兵已於二月初六日進剿。後路糧餉。

最關緊要。降旨令鄂山等上緊趲運。現據奏

烏魯木齊轉運軍糧。以托克遜為首站。一切

機宜。辦有成規。各臺即可遞相倣照。該署督

等已飭方載豫前往著即責成。該司專駐托

克遜將轉運一切事宜。妥立章程。與前途各

臺站商籌辦理。至應如何籌備車輛牛驢人

夫。以補駝隻之不足。即當設法相機妥辦。現

在軍行日遠。兵糈一切。尤宜速益加速。務期

後路常有餘存。愈多愈妙。不得因約可敷。用

稍有延緩。現在哈密兵差。已經過境。前雇回

戶牛車。除留本處運送軍火外。其餘儘可移

為托克遜迤西運糧之需。其沿途各城。應備

接運腳力。亦著該大臣各就所管地方。一體

實錄卷五十五

三

籌備。以期迅速滾運。總當以春令之有餘。補

夏季之不足。無得稍有推諉。貽誤干咎。將此

由六百里加緊諭知鄂山盧坤。並傳諭英惠。

恩銘。高惠。賡音。泰。常格。那彥。寶。果。良。額。長。清。

及方載豫知之。○命戶部左侍郎敬徵辦理

萬年吉地工程。工部右侍郎阿爾邦阿。管武英

殿御書處。○庚辰。諭內閣。嚴烺。奏。蘭陽柴壩。

加拋碎石一摺。豫省南岸。蘭陽汛八堡。東柴

壩。河溜南北頂衝。埽段險要。前經拋護碎石。

已著成效。茲據該署河督奏前項碎石係在春間估辦。若遇伏秋汛漲。埽身仍形喫重。亟應幫寬坦坡。分別加高。以資捍禦。四埽九埽十一埽。共工三段。酌估加拋碎石三千七百餘方。每方照奏定價銀十兩四錢一分零。共需銀三萬八千餘兩。著照所請准其於豫省藩庫照數撥給。其開歸道庫墊給之項。分別歸還找發。該署河督當督飭廳員。依限趕辦。毋許稍有草率偷減。務於大汛前一律完竣。

實錄卷一百一十五

四

覈實驗收。○兩江總督琦善等奏減工啓放。正河掣溜通暢。兩壩趕緊鑲築。即可合龍。得旨所奏俱悉。尤當倍加慎勉。永慶平成也。○又奏現在黃水落低。已飭廳營將禦黃壩啓放。催挽重運軍船。迅速渡黃。得旨禦壩已啓。漕行順利。朕心深為嘉慰。○烏魯木齊都統英惠奏請以吐魯番領隊大臣庸音泰就近移駐托克遜軍臺。督辦糧運。從之。○以前任陝西陝安鎮總兵官馬騰龍署直隸古北口

提督。○辛巳上幸靜明園。詣龍神廟拈香。○祭先蠶之神。

皇后親詣行禮。○諭內閣琦善等奏籌撥展賑。及加賞口糧需用銀款一摺。上年江蘇高郵等各州縣被水歉收。前經降旨於青黃不接之時。按成災分數。分別展賑一月。及加賞一月口糧。茲據該督等查照正賑戶口。並上冬未經請賑。今春始給口糧各處。通盤約計。共需銀五十六萬數千餘兩。除正賑存騰銀兩撥抵外。尚不敷銀十三萬餘兩。此外如有外出災民。聞賑歸來。在展賑以前者。亦需籌備支放。著照所請准其於江安糧道庫存道光六年秋撥銀一十六萬七百餘兩。照數動撥。以資接濟。事竣覈實造報。如有多餘。另行報部撥用。該督等即飭該管道府嚴督印委各員。覈實散放。務期實惠及民。如查有剋扣冒

實錄卷一百一十五

五

濫影射情弊。即據實嚴參懲辦。○以故甘肅  
 平番縣屬西伍渠土百戶楊萬昌子國寶襲  
 職。○壬午。諭內閣慶祥原襲三等義烈公並  
 所得騎都尉兼一雲騎尉著歸併為一等公  
 兼一雲騎尉。令伊長子文輝承襲。○哈密辦  
 事大臣恆敬奏。查托克遜地方尚有兵糧百  
 餘萬斤。軍火十餘起。未經轉運。當與廉音泰  
 湯彝會商。即將關內解到駝隻。迅速解運。至  
 夏令駝隻不堪負重。必須豫籌車輛。托克遜  
 一帶。尚有舊存鐵輪車一千一百輛。因馬疲  
 不能應用。現已委員分赴各處採買馬匹。多  
 雇牛驢。並飛咨英惠於烏魯木齊雇備商民  
 車輛前來。以資接濟。報聞。○命工部尚書陸  
 以莊。右侍郎阿爾邦阿查勘  
 孝東陵  
 寶城工程。○癸未。遣官祭  
 歷代帝王廟。○甲申。  
 上詣綺春園問

清 實 錄 道光七年三月

皇太后安。○諭內閣御史盛思本奏京城竊案  
 日多。請嚴定兵役包庇專條一摺。所奏是。京  
 師為輦轂重地。近來竊案疊疊。賊犯日久無  
 獲。顯有兵役包庇徇縱情弊。必應亟加整頓。  
 以靖奸宄。著交刑部將各營兵丁並各項在  
 官人役窩贓分贓及包庇者。嚴定科條。妥議  
 具奏。○乙酉。清明節。  
 上詣  
 安佑宮行禮。○遣官祭  
 永陵。  
 福陵。  
 昭陵。  
 昭西陵。  
 孝陵。  
 孝東陵。  
 景陵。  
 泰陵。  
 泰東陵。

九二三

裕陵

昌陵○遣官祭

孝穆皇后暫安園寢○遣官祭

端慧皇太子園寢○詣

大高殿行禮

時應官拈香○還宮○安徽巡撫鄧廷楨奏

地方緝捕之法固在提比之嚴緊尤在賞罰

之分明現在辦理命盜各案於兇差緝捕時

先行酌給盤費迨獲到人犯再行從優給賞

宣宗實錄

八

以鼓其志氣得旨所辦甚好除暴安良教亂

於未形地方大吏之責也汝能如此認真可

嘉之至一力勉之以副委任○署陝甘總督

鄂山等奏偷渡野番全數驅逐回巢現在河

北地方極其靜謐報聞○以年老告替四川

阿都正長官兼副長官都泰凝孫天錫襲職

○旌表守正捐軀廣東始興縣民周狗嘴妻

葉氏河南唐縣民邱文平妻甘氏○丙戌

孝賢純皇后忌辰遣官祭

裕陵○諭內閣道光元年曾降諭旨著將打牲

烏拉採珠處所停止三年採取俾蛤蚌得以

長大茲該將軍等所進之珠顆粒甚小多不

堪用若歷年如此採取不惟多傷蛤蚌且於

該官兵等交送亦屬過為費力著富俊等再

行停止三年凡有水陸隘口按照從前辦理

安設卡倫務將私行偷採之人嚴加查拏毋

得有名無實○旌表守正捐軀山東昌邑縣

民婦董張氏女韓董氏○丁亥

宣宗實錄

九

上耕耤詣

先農壇行禮更服至耤田所

躬耕三推復加一推

御觀耕臺命肅親王敬敏定親王奕紹慶郡王

綿懿各五推吏部右侍郎貴慶戶部尚書王

鼎署禮部左侍郎內閣學士白鏞署兵部右

侍郎內閣學士鍾昌刑部左侍郎英瑞工部

右侍郎李宗昉都察院左都御史那清安通

政使司通政使奎耀大理寺卿廉徵各九推

畢順天府府尹率農夫終畝賞賚農夫耆老如例。○幸圓明園。○詣綺春園問

皇太后安。○戊子。以每年呈進貂皮足數。賞阿

勒坦。漳爾烏梁海總管蒙古勒花翎。○己丑。

諭內閣。前據奕紹奏。初十日祭

奉先殿。獻爵侍衛到班遲誤。請交領侍衛內大

臣查明具奏。當以所奏未能明晰。命軍機大

臣傳旨詢問。據稱獻爵遲誤十六員。內禮成

後趕到者十二員。其餘四員。竟未趕到。係令

奏奉聖旨

十

獻帛侍衛幫同獻爵。於典禮尚未貽誤等語。

祀典至鉅。執事者各有專司。均宜肅恭將事。

即以獻帛之員。恭代獻爵。已屬不合。乃將初

獻之爵。先行陳設。尤屬愆儀。現據領侍衛內

大臣等將遲誤各員查明奏。本應嚴辦。示

懲。念係初次不到。姑從薄罰。恆敏永范中達

綿護四員。竟未到班。著即革去侍衛。仍交宗

人府嚴加議處。承順祝康敬斌秀年世增奕

幸吉亮秀鶴興昌九員。到班已遲。俱著交宗

人府嚴加議處。康保因在內值班。伊家人未

能將傳牌送進。遲誤尚出有因。著加恩免其

交議。其實齡在圓明園值班。敬數未經接到

傳牌。既據領侍衛內大臣查明屬實。均無庸

議。至奕紹以親王奉派行禮。又係領侍衛內

大臣。即應將該侍衛等遲誤緣由查明據實

嚴參。何得含糊具奏。塞責。嗣後凡遇祭祀應

派執事人員。著該管官先期發給傳牌。俾得

早為豫備。如有遲誤失儀等事。即著派出行

奏奉聖旨

二

禮之阿哥王公等據實奏。勿得瞻徇姑息。

以昭慎重。尋議上得旨。此次獻爵並未到班

之已革侍衛奉國將軍永范。不入八分輔國

公綿護。均各照例折罰世職俸六半年。已革

侍衛恆敏中達。均著照例折罰錢糧。其到班

已遲之侍衛承順祝康敬斌秀年世增奕幸

吉亮秀鶴興昌等九員。均著實降一級。仍罰

職任俸一年。俱不准抵銷。以示懲儆。○又諭

琦善等奏。滅壩合龍穩固。全黃悅歸正河一

摺。前因黃流淤墊。回空阻隔河北。經該督等籌議。啟放王營舊城壩。將正河大加疏濬。以冀河流漸次掣深。茲據奏挑工完竣。全黃挽歸正河。併力趕堵減壩。俾溜勢不致分洩。於本月初三日掛纜合龍。堵築穩固。下游被水村莊。立見涸復。舉招翻犁。無誤東作。此皆仰賴

河神默佑。得以剋期蒞事。著發去大藏香十炷。交琦善張井潘錫恩分詣各廟敬謹祀謝。

其辦工實在出力人員。俟奏到時再降諭旨。無得冒濫。○諭軍機大臣等。據琦善等奏。開放禦壩。正在趨渡軍船。適遇黃水陡長。尺餘漸有倒漾。暫堵禦壩數日。又復疊長三尺餘寸等語。前據該督等奏。正河開放。黃水奪溜東趨。極為暢順。何以甫開禦壩兩日。渡船僅四百餘隻。輒又陡長尺餘。數日之間。疊長三尺餘寸。竟致倒漾。雖係挑汛屆期。究是下游新河。不能暢順所致。據奏關益兩難。遂灣取

直之處。老淤膠結。急切不能刷寬。長河至此一束。落少長多。挑挖未能實在深通。此次興舉大工。需費甚鉅。原冀河湖復舊。一勞永逸。乃減壩甫於初三日掛纜合龍。而黃水陡長。復高於清。致漕船不能趨渡。該督等所辦何事。黃流水過沙停。若一處稍不暢迅。則節節淤墊堪虞。僅經此一番工作。新河輒又停淤。豈非前功盡棄。數百萬帑金。竟成虛擲。而數郡居民。迄未奠安。漕船仍前阻隔。該督等自問當得何罪。現在軍船陸續過淮。琦善等總當設法籌辦。務使本年重運全數趨渡北上。斷不准稍有延誤。並將黃水陡漲情形。細心體察。是否旋長旋消。抑係長速消遲。或祇關孟雨灘。新河未能刷寬。抑竟別有阻滯之處。詳加履勘。妥為籌辦。總之漕船北上。斷不容不啓壩放行。新河挑工。斷不容復行淤墊。著將現在如何辦理。並軍船渡黃幫數。迅速由驛具奏。將此由四百里諭令知之。○又諭有

人陳奏。山東青州一郡。類皆荒歉。壽光縣為尤甚。該縣連遭水旱。去年更乾亢非常。無禾無麥。婦剝樹皮。典質敝衣。甚至賣田拆屋。斫伐桑柘。貸耕牛。鬻妻子。雖士子宦族。亦有在乞丐之列者。現復乾亢如前。久無雨雪。春麥全枯。秋禾難種。聞饑民奪食。壅塞道路。擔兒肩女。絡繹乞食。由直隸出山海關者。月餘無虛日等語。地方偶有偏災。該州縣即應據實稟報。封疆大吏。飛章入告。豈得意存粉飾。今

如該御史所奏。流離失所情形。至於此極。殊堪駭異。地方官豈竟同聾瞶。現在未交夏令。速籌安集。尚可期得雨耕種。著程含章派委公正大員。即赴壽光一帶。確實查勘。如有應行緩徵撫卹之處。據實奏聞辦理。如該地方官隱諱不報。嚴行叅辦。該署撫到任未久。無所用其回護。原摺著鈔給閱看。將此諭令知之。○刑部奏。審明中城糧書邵煦。收發飯廠米石。私賣餘米。按律定擬。並請將失察侵賣

官米官員。分別議處。得旨。此案糧書邵煦。收發飯廠米石。有監守之責。輒敢私賣餘米。實屬膽玩。著先於犯事地方。加枷號一箇月。滿日照例辦理。中城副指揮舒恭讓。赴廠遲延。復失察糧書侵賣官米。著交部議處。應得處分。不准抵銷。指揮計連。經該城御史委查。未將正身糧書傳訊。率行錄供呈報。亦屬疏忽。著一併交部察議。○庚寅。諭內閣。阿揚阿奏。蘆東各商情殷。報效一摺。長蘆山東商人。因

回疆大兵進剿。額懇捐備賞需銀四十萬兩。分限完納。具見忱悃。惟念該商等素稱疲乏。非他省可比。所請蘆商捐銀三十萬兩。東商捐銀十萬兩之處。著不准行。○諭軍機大臣等。昨有人陳奏。山東青州府屬壽光縣。荒歉異常。擔兒肩女。號呼乞食。出山海關者。月餘無虛日等語。饑民遷徙出關。原係例所不禁。惟果否有此等饑民。攜帶子女。出關覓食。該副都統自無難查考。著存華查明入春以來。



山海關一帶。有無壽光縣饑民。呼號乞食。絡繹出關之事。據實覆奏。此事與該副都統無涉。無得回護。徇隱。將此諭令知之。○以江西省糧價較昂。展緩定南泰和龍泉永新彭澤廬陵新喻萬安興國會昌贛餘干樂平十三廳縣應補動缺倉穀。○辛卯。諭內閣。前經降旨。令裕豐倉將五成半一成半麥石。發交五城糶賣。其空殼麥皮。並交五城拉運出倉。茲據巡城給事中富兆等奏。本月十四日。五城

奏事

六

領運成色麥石。行至東便門內。突有戴藍頂帽人。口稱宗室。率領多人。搶去麥車七輛。並據查倉御史王雲岫奏。情節相符。輦轂之下。竟有此等棍徒。白晝搶劫官物。藐法已極。必應嚴行懲辦。以儆兇頑。著步軍統領衙門會同五城。迅速查拏。獲犯具奏。毋任一名漏網。○又諭。嵩孚等奏。請將失察偽造關防文領之武職各員。弁免議一摺。所奏非是。湖南河溪等營差書王忱暹等。私雕關防。冒領銀兩。

硝磺。事關十餘年之久。各營正署員弁。未能先事覺察。均有應得之咎。若因歷年已久。人數較多。概予免議。則失察之員。俱得置身事外。何以昭懲戒而剔弊端。自應照例分別辦理。所有此案應議武職。著嵩孚康紹鑄據實查明各營員弁。在任年分。歷時久暫。及該營書等冒領次數。分晰具奏。俟奏到時。再降諭旨。○旌表守正捐軀山東鄆城縣民李孟起妻王氏。○壬辰。直隸總督那彥成奏。所屬續

奏事

七

得雨澤。麥秋可望。得旨。京城至今未霑雨澤。春麥已無可望。若再不雨。大田如何播種。朕盼望之餘。更深憂懼。奈何奈何。○烏什辦事大臣那彥寶奏。烏什西南一帶。直通喀什噶爾葉爾羌等處。為大軍後路。西北一帶。俱係布魯特游牧。該部落等賦性兇頑。習尚搶掠。自張格爾滋事以來。從逆背叛者多。均須加意防範。臣於二月初九日。親往卡倫查閱。並先期知會提督齊慎。約至巴什雅哈瑪卡倫。

會晤商定於西南要隘適中地方齊慎帶領  
甘州兵弁二千餘員名防堵其偏南柳樹泉  
一帶遊擊武光琳帶領西寧兵六百名堵禦  
西北一帶地方遼闊多貴帶領烏魯木齊兵  
五百名並伊犁察哈爾兵三百名駐劄就近  
彈壓布魯特其餘山路小徑隘口亦酌量分  
布卡倫多設偵探並撥兵守護城垣倉庫惟  
烏什地方較小倉貯糧石麪斤合計留防後  
路官兵四千四百餘員名每日支放需糧十  
四五萬斤之多僅數兩月之用臣已飭令陸  
續採買妥為籌備報聞○賞貝勒綿志長子  
二品頂帶奕綱花翎○癸巳

上詣

安佑宮行禮○詣綺春園問

皇太后安○諭內閣本日正白旗蒙古將慶祥  
長子文輝帶領引見慶祥在喀什噶爾參贊  
大臣任內已逾半載並未將逆裔探訪明確  
以致勾結煽亂辦理雖未妥協惟念賊匪圍

攻喀什噶爾慶祥嬰城固守將及七十日殺  
死賊匪萬數千人迨該逆竄遁地道進城復  
能率兵巷戰因道遠援兵不至力竭自盡實  
堪憐憫文輝前已降旨承襲一等公兼一雲  
騎尉著加恩賞給散秩大臣在乾清門侍衛  
上行走其次子文煜年尚幼穉俟年屆十六  
歲時著該旗帶領引見○又諭宗室明珠著  
革去頂帶交刑部會同宗人府提集蓋立鬼  
及看衛兵五喜等嚴行審訊未獲之車戶傳

五傳六及學習奉捧隨同滋事之那五全格  
王七王八宴太來四並不識姓名多人仍著  
步軍統領衙門五城一體嚴拏速獲送刑部  
徹底根究所有該城查獲成色麥一百六十  
九石著倉場侍郎確實覈對是否與原估成  
色相符奏明辦理○蒞表守正被戕陝西寶  
雞縣民高進財妻傅氏○甲午諭內閣前據  
琦善等奏籌辦淮南鹽務事宜各條當交戶  
部覈議茲據逐款查明所請先銷舊引以清

界限一節。兩淮引課。自道光四年奏准展限之後。迄今兩載有餘。舊引仍前壅滯。茲復請展限報銷。將丙戌以後奏限全行推緩。所奏斷不可行。至乙酉綱應完正課。僅三十八萬八千餘兩。若令商人先銷乙酉綱以前殘引。轉將正課積壓。亦屬有名無實。著該鹽政仍將丙戌引課。趕緊催完。務於本年六月奏銷。無許延宕。又該督等請將己丑等五綱應完提引等本解部銀三百萬兩。自丁亥綱起。分作四綱歸繳。丙戌等三綱應完賠課解款銀三百九十餘萬兩。自辛卯綱起。分作三綱歸繳。是竟藉商捐為名。將現年應報丙戌一綱帶款停緩不交。殊非實力辦公之道。此外內外帑本銀三百四十餘萬兩。前准仍留通綱生息。茲復請提還運庫。為各商隨時借領之需。此項甫經追完。旋復借給。徒滋輻輳。尤屬難行。著該督等將各綱應行歸繳銀兩。仍照清查案內奏定年限。以次徵完。不得率議更

張。致滋弊混。再兩淮自嘉慶十年奏准每引加鹽十斤。節經該鹽政奏請展限。上年議定截至丁亥綱為斷。茲該督等復以商力消乏。場價驟增。請於前加十斤之外。再加十斤。自為商力拮据起見。著准其新舊共加鹽二十斤。俾資貼補。自戊子綱起。扣足三年。即行停止。以示限制。至清釐岸店積弊。著查照此次議定章程。即飭運司鹽道。慎選殷商。分別甄汰。無許影混滋弊。如抗玩不遵。從嚴懲治。又另片奏請將楚西加價銀兩。俟商人到岸銷售後。始行繳庫收解。售鹽遲速不齊。交價必遲延不定。那移侵蝕。勢所不免。該督等應仍遵照舊定章程。無論楚西江皖等省。概令於赴司請引時。即將加價完交司庫。由運司三月造報一次。聽候撥用。無許遲延。兩淮鹽務日敝。朕念商力疲乏。停止每年玉貢折價銀五十萬兩。復將商捐未解銀五百餘萬兩。全行豁免。其節年各項欠交銀數。幾及四千萬

兩准令分年帶完。近又准復整輪舊規。不得取巧跌售。各商渥被恩施。自應力圖報稱。該督等惟當加意整飭。設法督銷。以期日有起色。國家經費有常。不得為調劑目前之計。屢請加恩也。○又諭福綿奏地震壓斃人口。委勘查辦一摺。山西省平陸縣地方。本年二月二十六日地震。該縣盤南三十三村莊。共塌窯房五十五間。壓斃男婦大小八十四名口。此外間有被壓受傷之人。實堪憫惻。著福綿

即飭委員會同該州縣。迅速確切查勘。加意安撫。其掩埋壓斃人口。修理房間。並受傷人口。酌給醫藥。露處貧民。搭棚棲止。俱著照例妥速辦理。務令實惠及民。該撫現赴省南查閱營伍。即就近妥為督辦。如查有應行撫卹之處。著再行據實奏聞。候朕施恩。勿致一夫失所。○命病痊前任福建按察使舒靈阿。以四品京堂候補。○以湖南辰沅永靖道所屬鳳凰永綏乾州晃州古丈坪五廳距省較遠。

命嗣後遣軍流徒人犯歸本道就近審勘。限期處分。如臬司例。從巡撫康紹鏞請也。○乙未。諭軍機大臣等。京師及畿輔地方。自入春以來。雨未霑足。殊切殷盼。本日據那彥成奏。通州等九十州縣。自三月初九等日。各得雨一二三四寸不等。祇係籠統開報。此內惟天津地方。於三月十二日得雨四寸。已據阿揚阿等奏報。其通州等州縣。何處得雨若干。並未據該督分晰具奏。現聞大名一帶。風日乾

燥。麥苗就萎。若再得雨不能霑足。大田播種失時。農民其何以堪。著那彥成確查實在情形。據實具奏。勿任州縣稍有諱飾。將此諭令知之。○閩浙總督孫爾準來京陛見。以前辦臺灣彰化匪徒滋事。迅速藏功。善後事宜。籌畫周妥。賞蟒袍緞匹。其子廕生候補光祿寺署正慧翼。以主事即用。○丙申。

上詣綺春園問

皇太后安。○諭內閣。長齡等奏。官兵進剿。大獲

勝仗。現督兵抄擊賊巢一摺。覽奏嘉悅之至。逆裔張格爾。因大兵進剿。派其賊目糾結賊匪。聲言五萬人。在洋阿爾巴特地方迎拒官兵。並派賊數千。於大兵紮營後。乘夜前來潛襲。我兵槍礮齊發。賊始竄逸。長齡等督率將領官兵。於次日星馳進發。賊匪排列沙岡。抵死抗拒。官兵分路撲殺。勇氣百倍。賊眾潰敗披靡。紛紛逃竄。長齡督兵由中路追殺。楊遇春武隆阿。跟追竄賊三十餘里。統計殺賊萬餘名。生擒活賊三千二百餘名。奪獲軍械馬匹牛羊無算。該將軍等勳勤懋著。忠勇可嘉。長齡著晉加太子太保。並賞給御用喜字玉搬指一箇。黃聯珊瑚豆大荷包一對。小荷包四箇。楊遇春武隆阿著賞給白玉翎管各一箇。黃聯珊瑚豆大荷包各一對。小荷包各二箇。仍俱著交部從優議敘。此次在事將領官兵兵丁。亦俱奮勇出力。除俟該將軍等查明具奏。再行加恩外。並發去玉搬指十箇。玉柄

牙柄小刀各二十把。洋磁鼻煙壺十箇。瑪瑙鼻煙壺十箇。著分賞出力將弁。其出力兵丁。並著該將軍等於前次發去銀牌內酌量分別給賞。○又諭。廢員黃步堂。前由軍臺期滿釋回。應繳臺費銀兩。自行呈明赴部投繳。迨經兵部催追。復以無力完繳。在原籍呈請邀免。實屬取巧。著山西巡撫將該廢員應繳臺費銀一千六百兩零。勒限監追。如限滿不繳。即行按律治罪。嗣後軍臺都統務須遵照定例。不得以該廢員自行措辦赴部投繳。率行具奏。○諭軍機大臣等。本日據長齡等奏官兵進剿。途次大獲勝仗。現督兵抄擊。檄諭黑帽回子。及布魯特情形。已明降諭旨獎勵矣。此次大兵甫經接仗。即得痛加殲戮。實足以振軍威而作士氣。該將軍等當乘勢抄擊。迅速圍攻。以期擒渠埽穴。想此時已經得手。捷奏在途。據奏賊供入卡布魯特。俱已走散。安集延亦祇贖千餘人。凡從逆抗拒者。自無難

悉數殲擒。第恐逆酋無所依恃。不敢為負隅之計。遽思竄逸卡外。苟延殘喘。是功隳垂成。徒勞師旅。該將軍等當無不豫籌及此。現在黑帽回子。自願效順。已令糾約族類。作為內應。如能縛獻首逆。自當照格封賞。助逆之布魯特等。既已震懾。兵威散去。亦當乘機招致。宣示恩威。庶可資其併力。擒獻渠魁。成功迅速也。將此由六百里加緊諭令知之。○貸甘肅平番寧夏二縣並東樂縣丞所屬上年歉

收貧民兩月口糧。○丁酉。命再於

黑龍潭。

覺生寺設壇祈雨。

上詣

黑龍潭神祠拈香。命皇長子奕緯詣

覺生寺拈香。惇親王綿愷瑞親王綿忻慶郡

王綿懃分詣

凝和廟。

宣仁廟。

昭顯廟拈香。○諭軍機大臣等。據常格奏稱。喀喇沙爾轉運軍糧。駝不敷用。一交夏令。又須歇廠。僅勝所雇牛一千二百隻。不敷供運。現買雙套馬車一百輛。雇牛車一百輛。又牛八百隻。並製造小車五百輛。須銀二千數百兩。以二人推挽。可抵四夫之用。省出夫價。抵補車價。儘有盈餘。總於駝隻歇廠以前備就。與添雇之馬牛車二百輛。牛二千隻。分段接替。尚有不敷。咨會英惠等協濟等語。大兵進

勦。正在喫緊之時。後路糧餉。必須源源接濟。無誤要需。轉瞬駝隻歇廠。脚力更不敷輪轉。現據常格籌備小車。用夫推挽。並雇覓車輛。牛隻供運。應即照所請辦理。如再不敷。著英惠鄂山盧坤等設法籌備。以便接替。其由烏魯木齊至托克遜。及由庫車至阿克蘇兩段。於駝隻歇廠時。應如何添雇牛驢人夫。及另有籌策運送之處。鄂山等自己豫為妥籌。總當通盤覈計。無得臨事周章。稍有延誤。將此

由五百里諭知英惠鄂山盧坤並諭常格方  
載豫知之○戊戌諭內閣琦善等奏禦壩驟  
難啟放現將漕船倒塘灌運並自請從重治  
罪各一摺前因黃流淤墊糧運阻滯經該督  
等籌議啟放減壩挑濬正河朕不惜數百萬  
帑金俯允照估興辦原期河湖漸復舊規漕  
運永臻暢順為一勞永逸之計節經敕諭該  
督等通盤籌畫加慎加勉毋致稍貽後患該  
督等自稱再三熟商並非全無把握嗣經逐

段估挑完竣啟除河頭攔堰黃水奮迅湧注  
閱七時之間駛行二百餘里溜勢極為通暢  
本月初一初二兩日催渡幫船四百三十四  
隻初三日堵合減壩黃水倒漾復將禦黃壩  
封閉茲據奏酌辦倒塘灌放之法復提進幫  
船五百五十六隻現已渡黃二百六十隻是  
此次興辦大工仍不能掣水通漕該督等實  
難辭咎其所奏挑汛漲旺黃水日見擡高何  
以開放減壩以來皆係清高於黃甫經放河

適遇黃水陡長至關孟兩灘挑切膠淤驟難  
刷塌該督等又並未豫為籌計縱使本年重  
運均可北來而河底未能深通將來又費周  
章數百萬帑金竟成虛擲若將該督等立予  
罷斥重治其罪轉得置身事外其何以專責  
成琦善著拔去花翎張井降為三品頂帶潘  
錫恩降為四品頂帶姑示薄懲令其戴罪自  
贖所有倒塘灌放各費即著落該督等按成  
賠補不准開銷該督等亟當相機設法悉心

妥辦務於大汛以前將重運埽數渡黃其河  
湖大局必須籌度萬全斷不得稍有疏失儻  
漕運仍復遲滯河工或致壅潰必將該督等  
從重治罪決不寬貸○又諭晉昌等奏頒賞  
吉林三姓所屬外夷布匹部庫無存請動項  
採買一摺三姓所屬之赫哲庫葉費雅喀等  
每年貢納貂皮例賞毛青三梭布一萬九千  
三百八十九匹向由戶部給領頒發茲據該  
將軍奏稱前經派員赴部支領戶部以庫貯



無存咨覆。現值頒賞屆期。未便令外夷久待。援案請照時價採買蘇布三萬五千五百四十三丈九尺餘寸。折抵毛青梭布應給之數。共需銀九千七百七十四兩零。著准其於盛京戶部庫貯銀內。動支覈銷。該將軍等務飭委員。照依抵給寬長丈尺。認真採辦。勿任稍有偷減浮冒。以致有名無實。至此項布匹。係每年頒賞所必需。向由何處購辦解部。自有定限。何以戶部於該將軍請領時。率以庫貯

無存咨覆。著戶部及管理三庫大臣查照定例。嚴催趕辦。務令伊限解部。該部按年例應給數目。先期發給盛京戶部存貯。屆期頒賞。以節帑項而資實用。○諭軍機大臣等。寄諭兩江總督琦善等。前因禦黃壩日久堵閉。運道不通。盤壩剝運。既非經久之策。海運亦祇可偶一試行。經該督等會同熟商。始定議開放減壩。挑挖正河。以期掣溜通漕。河湖復舊。為一勞永逸之計。前經飭諭該督等挑竣後

不能先引清水刷滌。將來挽歸故道。恐為時無幾。又將梗阻如故。務須籌畫萬全。經理妥善。斷不准復有貽誤。昨據奏挑工全竣。啓除攔堰。黃水奮迅湧注。登時掣溜七分。落低二尺六寸。七時之間。行二百餘里。溜勢極為暢達。即可剋期堵合減壩。朕以該督等相機辦理。自必確有把握。乃續奏減壩堵合。適值桃汛經臨。黃水陡長。本日又據奏稱實由閘孟二灘取直處所。膠土壁立。不能隨溜塌寬。水

勢阻遏。致大溜旁穿土山。仍循南北兩岸舊埽而行。土山亦漫塌入河。間段淺阻等語。桃汛屆期。該督等原應豫計。切難處既知膠土壁立。亦應將猝難刷塌之處。豫為籌及。僅挑切稍有未妥。何難將攔堰暫緩啓除。減壩暫緩堵合。乃正河挽復之後。黃水陡長四尺六寸。轉不若減壩未堵。尚能掣溜通漕。又踵前弊。引黃濟運。數百萬帑金。已成虛擲。將來貽患。豈可復言。且據奏洪湖存水一丈四尺餘



寸一經淮水漲發。尚須開昭關等壩洩清。若使減壩不堵。黃水分洩。當不至此。汝三人俱無可辭。答其趕堵減壩。究係何人主見。著據實具奏。汝等請開減壩。原為洩黃。今並無成效。依然倒灌。轉思洩放清水。不顧淮揚之復被淹浸。試問有此辦法耶。現在下游壅遏。完祇關孟切灘新河一處。抑此外尚有阻滯處所。總須勘明致病之由。速籌補救之策。其下段停沙。又復淤墊若干。應如何疏治。務即妥為籌辦。儘大汛經臨。再有阻遏。致上游兩岸隄工稍有疏失。將汝三人從重治罪。固所當然。但如國事何。至重運漕船。現已連檣抵壩。既議倒塘灌運。姑聽權宜辦理。務令及早全數北上。按五日奏報一次。如有遲誤。惟該督等是問。將此由五百里諭令知之。○江西巡撫韓文綺奏。遵查候選刑部司獄麻燮。寓呈遞條陳內。江西萬安縣鹽快藉端訛詐。及泰和縣馬家洲地方梟匪聚眾不法二款。現雖

查無其事。亦應加意嚴防。已飭該地方官嚴密偵緝防範。得旨。不可徒託空言。一飭了事。務要隨時認真查辦。不准稍有含混也。○追予國初遇賊不屈。通判劉廷標。恩騎尉世職。以其五世孫潤承襲。○旌表守正捐軀河南寧陵縣民倪進德女珩姐。○己亥。諭內閣。長齡等奏。官兵續獲勝仗一摺。覽奏欣悅之至。逆裔張格爾。自洋阿爾巴特被大兵痛剿。復糾約十餘萬賊匪。於沙布都爾莊外。臨渠排列。並決水它坎。用馬衝突。仍據險施放槍礮。我兵用連環槍礮轟斃甚多。仍敢撲渠下壓。我兵奮勇搶上。飛渡渠水。短兵相接。長齡等復派馬隊。由左右淺渠抄擊。賊匪難支。安集延大頭目色提巴爾第。猶擊鼓馳騁。死力抵抗。該將軍等督令馬隊橫截入陣。衝作數段。槍箭如雨。馬甲貝洪阿。箭斃色提巴爾第。馬甲圖明阿。奪獲賊馬鳥槍鐵甲。賊始潰散。長齡等復派員督催各路滿漢馬步官兵。分投

掩殺。逼至渾水河邊。趕勒三四十里。殘匪都盡。突有援賊數千。自西北林來。復經楊遇春等趕往迎剿。斃賊千數百名。餘眾紛竄。河西有馬步賊匪二千。擁橋策應。官兵用大礮轟擊。賊始潰竄。統計擒戮賊匪不下四五萬人。奪獲槍礮器械馬匹無算。並於首級中認出回子大頭目素丕卡克安集延頭目占巴克等。俱已戮斃。該將軍等懋著勤勤。實堪嘉獎。長齡著賞給白玉吉祥如意牌一面。珠鑲寶

石帶版一副。白玉鼻煙壺一箇。鑲寶石小刀一把。楊遇春武隆阿俱著賞給白玉帶鉤各一副。白玉鼻煙壺各一箇。嵌銀絲小刀各一把。該將軍參贊前經降旨優敘。此次著再加恩。交部從優議敘。馬甲貝洪阿圖明阿俱著以驍騎校升用。貝洪阿並著賞戴藍翎。此次打仗奮勇。以及傷亡官兵。即查明同上次出力員弁兵丁等。一併具奏。候朕施恩。○諭軍機大臣等。本日長齡等奏官兵續獲勝仗一

摺。已明降諭旨分別加恩矣。長齡等督率滿漢官兵。兩次接仗。擒戮賊匪。事機甚為順利。自可迅奏膚功。該逆裔現於回莊內糾約二三萬人。十五歲以上均已派去。不願者即行殺戮。暴虐已極。眾心自必怨恨。計該將軍等必乘此機會。就近招致。諭以爾等被賊脅從。無辜受戮。不如相約效順。縛獻首逆。即可懋膺封賞。據奏黑帽回子現俱聞風歸順。令其糾約回眾。擒渠截剿。所辦俱合機宜。至張逆

現在喀什噶爾。聚集男婦大小四五十萬人。防堵。此等烏合之眾。正可聚而殲旃。且該逆員峒固守。攻圍尤易得手。祇須堵截該逆竄路。此時計已就擒。佇望捷音。迅至。將此由六百里加緊諭令知之。○又諭蘊端多爾濟等奏哲布尊丹巴呼圖克圖之呼畢勒罕。接到前遣來使喇嘛回牧。齋回賞賜物件。復請遣大喇嘛進京謝恩一摺。著蘊端多爾濟等轉諭該呼畢勒罕。所請遣大喇嘛來京謝恩之

處朕深為嘉尚。惟該呼畢勒罕之游牧距京甚遠。若遣使前來往返行走。不無多費。該呼畢勒罕現已謝恩。停止遣大喇嘛前來。以示朕曲加矜恤之意。○署陝甘總督鄂山等奏內地協濟烏魯木齊運糧駝隻已分起撥解出口。統計一萬三千八百六隻。足資暢運。至大營軍餉前已撥解銀二百三十八萬餘兩。並臣等先後於司庫籌墊銀共七十萬兩。及所借陝西銀五十萬兩。共銀一百二十萬兩。

宣宗實錄

卷一五

轉解大營。計商捐銀兩未到之先。尚可不致短絀。其軍火器械未經解到者。現已飛飭前途星夜趲行。以期充裕報聞。○命大學士蔣攸銛工部尚書穆彰阿馳往江南查辦事件。○以都察院左都御史那清安署工部尚書。京營左翼總兵耆英署步軍統領。定親王奕紹署管理上駟院事。貝勒綿志署鑲紅旗蒙古都統。正黃旗護軍統領奕經署京營左翼總兵。○庚子。諭內閣那彥成奏遴委廢員。接

辦營田一摺。直隸霸州豐潤二處營田。應行委員接辦。據該督查明已革吳橋縣知縣包敬堂降調固安縣知縣沈潮均熟諳農田水利。願赴營田效力。著照所請。包敬堂准其接管霸州營田事務。俟三年期滿。能否著有成效。再行分別辦理。沈潮准其接管豐潤營田事務。如三年期滿。果能認真經理。著照所降之官。奏請留於直隸補用。○直隸總督那彥成奏報各屬得雨得旨所奏俱悉。京師迄今未雨。朕日夕盼望。實深憂慮也。○貸直隸開元城大名南樂清豐廣平六州縣上年歉收貧民口糧有差。○壬寅。

宣宗實錄

卷一五

上詣綺春園問皇太后安。○御勤政殿聽政。○諭內閣已革雲南試用知縣高嶽雲因前署景東廳同知任內虧短鹽課等款銀至八千九百餘兩之多。聞知上司揭參。即以鹽道侵隱溢課重情。砌詞誣控。實屬刁健。該革員侵盜倉庫錢糧全

完。照例減等。罪止杖徒。即照誣告人死罪未決律。亦罪止滿流加徒。殊不足以示懲儆。高峽雲著從重發往新疆效力贖罪。已革同知楊元濟那移課銀三千六百六十餘兩。又侵虧課銀八百二十兩。應從重照監守盜例問擬。楊元濟著杖一百流二千五百里。併同那移銀兩照例監追。限滿有無完繳。再行分別辦理。仍將該革員寓所及原籍財產。一併查封備抵。其應賠販欠銀兩。照例另行限追完繳。解任同知許澄清因賊犯在押圖脫。輒令用鍼刺傷兩目。實屬非法毆打。著照律杖九十徒二年半。即在本省充徒。○以內閣學士張鱗署禮部右侍郎。太僕寺卿惠顯為都察院左副都御史。○癸卯。以都察院左副都御史惠顯為駐藏辦事大臣。光祿寺卿保昌署都察院左副都御史。○乙巳。

上幸萬壽山。詣

廣潤祠拈香。○幸靜明園。詣

龍神廟拈香。○命皇長子奕緯詣黑龍潭。慶郡王綿愷詣覺生寺。惇親王綿愷詣凝和廟。瑞親王綿忻詣宣仁廟。慶郡王綿愷詣昭顯廟。謝雨。○諭軍機大臣等。琦善等奏首進軍船二十四幫。全數渡黃。並二進等幫船隻。跟梢打放一摺。倒塘灌放軍船。原因禦黃壩復行堵閉。姑聽該督等權宜辦理。現雖將首進軍船。全數挽渡。而在後各幫。陸續抵壩。務須跟接催提。連檣挽運。不許稍有延滯。據奏黃水較前又落七寸。此後如能再為消落。總以啓壩放行為妥。該督等當隨時察看水勢。妥籌辦理。固不可使漕艘脫幫。亦不得使河湖淤墊受蔽也。將此諭令知之。

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十五

寶錄卷一百十五

四

九四〇

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十六

駐修總裁官暇逐日講起居注官太子太保復仁閣大學士文淵閣領閣事管理戶部事務上書易總師傳翰林院掌院學士兼管順

天府府尹事釋帶加五級紀錄十八次。出賈植總長官經定傳官吏部尚書魏恭謙漢家都城管理新華房城內官房大臣稽察內

七倉大臣積聚會同四譯館事疊加一級隨加六級軍功加三級紀錄五次臣托沙納標運講官文淵閣提舉閣事兵部尚書總管

內務府大臣鑲白旗滿洲都統精舍內七倉大臣管理宗人府銀庫左翼副官學監齊克圖明開等處稽察鹽務膳房御藥庫

醫院建辦處事務隨帶加十八級臣阿靈阿副總裁官松廷讓官兵弁尚書隨帶加六級紀錄二十次臣周祖培等奉

敕修

道光七年丁亥夏四月丙午朔日食○享

太廟遣瑞親王綿忻恭代行禮○諭內閣長齡等奏部駁籌辦軍需各款會同體察情形熟商妥議請仍照原議章程搏節辦理以昭覈實一摺此次回疆用兵遠在口外一切軍行馱載供支等事原與腹地不同前經戶部以鄂山等所議軍需各款多與定例不符逐款議駁當降旨令該署督等會商長齡等體察情形妥酌辦理茲據逐款確覈分晰陳奏朕詳加披閱如烏嚕木齊辦運大營軍糧腳費

等項及關內關外供支哈密調撥駐防官兵口糧一款此項應需撥銀若干動碾麥麪若干遽難裁數著俟糧運事竣再將烏魯木齊前後撥解銀兩用款及安西肅州等州縣動碾倉米並伊犁協運兵糧各費一併分別報銷又兵丁加增口糧一款甘肅食物昂貴口外經行戈壁買食愈難東三省兵丁既於例領口糧外按日加增所有各路調集征兵著照東三省一律給發口內日給銀一錢口外日給銀一錢白麪一斤以示體恤又官兵騎馱馬匹出口籌給草料一款此項出口行走馬匹官為採辦草料及抵營後分別留防日給乾銀進勤日給馬料之處前已准令照辦著於事竣後將採買草料實價及留防日給乾銀細數覈實報銷又買補缺額營馬備調一款各營調赴軍前馬匹一萬二千有餘自應豫行買補以備凱旋時續調現據查明甘肅各屬牧廠孳生之馬逐年撥補各營例例

馬匹外僅有應行出羣馬一千七百餘匹儘數撥補尚不敷額著先發例價交各營酌買十分之六七俾免缺額俟軍務告竣撤回原馬歸營即以此項酌買馬匹為常年撥補之用勿任虛糜又雇用車駝請給守候回空等價一款該署督等既係援照舊例辦理著仍照例給發其守候回空例准臨時奏請亦著准其酌給半價至軍需項下買備各物現值軍興諸物騰貴自係實在情形著准其照案辦理覈實報銷又雇募護臺民夫一款係為沿途慎重防守起見現在大兵進勤營壘日移後路糧餉尤關緊要著准其援照川楚成案大臺募夫七十名小臺募夫四十名以資防護又頒給征兵皮皮衣皮帽並豫備賞需牛羊茶葉等項一款除皮皮衣皮帽前已准其頒賞所需銀牌亦經由內庫發交備賞其牛羊茶葉等項本係例所不准姑念回子暨布魯特隨營效用者在在均資其力該將軍等體

察回情。較賞給銀兩。尤為鼓舞。著准其以此項備賞。不得另立賞號名目。又酌定程站里數一款。口內口外山路崎嶇陡險。且有戈壁間阻。若悉以百里為一站。恐多窒礙。著照所請。自肅州出關後。凡運送軍火兵餉等項。由驛站行走者。仍以百里為一站。如無驛站處所。由軍臺滾運者。按程覈算。不計里數。若有一百四五十里之戈壁。以一站改為兩站。給予腳費。其口內遇有崇山峻嶺。溪河間隔處所。斷難日行百里者。准照例覈減。以七十里為一站。其餘仍照常辦理。以歸覈實。又據另片奏。前後計辦勒驤三萬一千一百有餘。除已分賞進征兵丁外。其餘留備分賞吉林索倫。山東四川等兵之用。此項製辦價銀。亦著准其與前賞皮衣皮帽銀兩一併覈銷。此皆例不准行之事。朕因此次軍興。道途遙遠。一切供支。非內地可比。格外加恩。允。概不得援以為例。該將軍等當力加撙節。勿任稍滋

浮冒。該部知道。○又諭嵩孚奏各營裁兵之後。公費銀兩。未經覈減。請按照現在兵額減扣一摺。湖北省自裁定兵數後。餉銀既已覈除。公費銀兩。自應一律裁減。茲據該督查明。仍照原額支領。各營辦理錯誤。計自嘉慶二十三年裁兵起。至道光五年止。除減存未領銀兩外。共長領銀六千一百五兩零。著照所請。准其分作三年。於各營提還賠繳。同原減存銀八百三十兩零。一併咨部報撥。嗣後即將覈除確數。於估撥冊內。按數縮扣。以符定額。所有未經查明之歷任藩司。除暫署不及一月各員免其置議。餘俱著查取職名。咨部分別議處。至竹山協副將鄭國鴻。前在提標參將任內。寄信鄖陽城守營遊擊郭義。有兵丁公費未減。與司承言明。仍准找領等語。雖詢係代筆之人。繕寫錯誤。究屬不合。著交部議處。○又諭嵩孚奏查明各州縣盤折徵變穀石。勒限賠繳。並請免叅處一摺。湖北省額

存倉穀經該督盤查共虧缺二萬二千九百七十四石零內除盤折穀石已據該州縣繳存價銀尚未買補外其氣頭廠底微變穀石顯係該州縣經理不慎所致乃以濱臨江湖地處卑溼倉穀易致氾爛為詞請免處分各省沿江沿湖州縣甚多若皆以此藉口豈能概從寬貸著該督即查明各該州縣徵缺之多寡開送職名交吏部分別議處並勒限追賠償銀此內除大冶京山二縣已將價銀解

繳司庫孝感黃岡東湖歸州巴東各州縣並沔陽衛六處價銀已分別解貯府州縣庫外其孝感黃岡二縣及沔陽衛三處係每石以銀六錢五分作價恐不敷買補著責令一律按每穀一石價銀一兩分別補足同解存價銀一併提解司庫至咸寧通山漢陽黃陂沔陽五州縣未繳穀價亦著按每穀一石解銀一兩一千石以上者勒限三箇月二千石以上者勒限半年解交司庫儻延不批解或繳

不足數即著撤叅所有提存司庫銀兩著該督察看秋收豐稔飭發買補還倉仍責成該管道府分往盤驗結報此後各州縣存貯倉穀如再不妥慎經理致有折耗又不立時補足或交代時虛款作抵及以例價折交致有虧缺著即嚴叅治罪毋得稍事姑容該部知道○丁未諭內閣本日據大學士九卿會同宗人府議奏宗室添設額缺一摺宗室人員自嘉慶初年以來節經增添額缺登進之途

尚無壅滯各衙門文職俱有定額八旗人員為數更多各班已形擁擠未便更張致礙銓法至各旗營參領等官缺出宗室與八旗人員一體升轉向無宗室專缺更難議添所有宗室文武各官俱仍著照舊章辦理其議添侍衛一條雖有增益改撥於額缺仍符舊制既可廣宗室登進之路仍無礙滿洲升途著照所請三等侍衛六十三員內有世職章京不兼侍衛章京什長及不在乾清門上駟院



行走者。無論係應封軍政時引見賞授之員。皆作為額外侍衛。所遺三等侍衛員缺。暫行存記。俟挑選之年。揀選補放。以足六十三員之數。其額外侍衛。原食世職章京之俸。業經改為額外。無庸另給馬銀豆石。以節糜費。遇有應升之缺。仍准其一體升用。其黏杆處三等侍衛。原設十五缺。嗣後每旗添設二缺。共為二十一缺。該處每旗撥出二缺。作為宗室專缺。俟出有二缺後。至第三缺時。補放宗室人員。俟補足六缺後。即為宗室額缺。隨時挑取。遇有該處升缺。仍與十五缺人員一體揀選升用。如遇侍衛升等之年。著與大門行走者一體揀選。軍政平分。統計各項侍衛。如已逾一百二十員之數。即保舉二員。僮人數不敷。仍保舉一員。以昭覈實。松筠另摺奏請於六部理藩院。添設宗室郎中員外郎主事。額外主事共二十八員。從前嘉慶年間。業於宗人府額設司官十六員之外。又於六部理藩

院。增添司官十六員。已不為少。今再議增二十八員。事多格礙難行。著無庸議。其宗人府奏考封襲封之奉恩將軍承襲次數。及烏爾恭阿另行具奏各一摺。除奉恩將軍內有承祭盛京

三陵。以及本支內別無世職者。仍照舊准其世襲罔替外。凡恩封初封。降襲至奉恩將軍。均襲至三次而止。軍功世爵世職嫡派子孫。既世襲罔替。其旁支子孫。襲封考封至奉恩將

軍。著加恩襲至五次而止。以示區別。而歸畫一。○又諭寶興奏石門工部關防。不得擅自出境。匠役應造戶口備查。該處官員子弟。請一體挑缺。及茶膳副等官。照例奏補一摺。所奏是。著照所請。嗣後石門工部關防。即照該處各衙門之例。關防不得擅自出境。遇有外行事件。由該管大臣畫稿。用承辦衙門關防。以符體制。至挑補石門工部匠役。並著照各衙門差役之例。造冊報明承辦衙門備查。俾

杜弊混其該處茶膳拜唐阿缺出。向來官員子弟俱不與挑。未免偏枯。嗣後著按照該處十八缺為一輪。差役人挑補十二缺。效力班挑補四缺。官員子弟挑補二缺。週而復始。俾官員子弟均有進身之階。至該處茶膳副委副管領等缺。祇係金頂虛銜。若概令咨送引見。資斧未免拮据。嗣後著照該處茶膳拜唐阿之例。專摺奏補。無庸咨送引見。○嚴定京城兵役窩賊及包庇科條。刑部奏凡捕役兵

丁地保等自行犯竊。罪應軍流徒杖。無論首從。各枷號兩箇月。兵丁仍插箭遊營。若勾通泰養竊賊及搶劫各匪。坐地分贓。或受賄包庇窩家。俱發極邊煙瘴充軍。窩藏竊盜一二名者。杖一百。徒三年。窩藏竊盜三名以上。及強盜一名者。俱發近邊充軍。窩藏竊盜五名以上。及強盜二名以上者。發極邊煙瘴充軍。窩留積匪。無論有無造意。但經容留分贓代賣者。亦發極邊煙瘴充軍。其應擬死罪者。仍

各從其重者論。從之。○修廣東大鵬等營遭風擊碎師船。從總督李鴻賓請也。○戊申上詣綺春園問

皇太后安。○諭內閣長齡等奏官兵三獲勝仗一摺。覽奏欣悅之至。賊匪自沙布都爾莊痛勦後。膽敢糾合餘燼。在阿瓦巴特回莊。派賊眾十餘萬。負隅抗拒。經長齡等先派哈琅阿阿勒罕保等左右兜勦。賊匪在岡上排列。形如雁翅。長齡等即督提鎮領隊等率領馬步

分為兩翼。一鼓齊進。賊據險迎拒。我兵奮勇搶撲。槍礮兼施。賊眾佯退。即令步兵用連環槍礮。乘風施放噴筒。該賊匪馬隊冒火突煙。死力衝壓。長齡等復令虎衣虎帽民遣躍舞藤牌。賊眾馬驚陣亂。突有紅衣賊目率領埋伏援應。哈琅阿等所帶官兵從莊後掩殺。賊勢不支。紛紛奔竄。大兵搶過沙岡。分投趕殺。斃賊二三萬眾。生擒二千餘名。於賊屍中認出安集延大頭目阿瓦子邁瑪底那爾巴特

阿渾奪獲馬匹槍礮器械無算。追至洋達瑪河。四散逃竄。隨將沿河一帶回莊匿匪。搜剿淨盡。該將軍等懋著勳勤。深堪嘉獎。長齡著加恩先賞紫韁。楊遇春著加恩晉加太子太保銜。武隆阿著加恩賞加太子少保銜。指日埽穴擒渠。朕再渥沛殊恩。用酬勳績。並發去四喜玉搬指十箇。玉柄小刀二十把。火鑲十把。著分賞出力將弁。○諭軍機大臣等。據長齡等奏官兵三次續獲勝仗情形。覽奏欣悅之至。此次大兵進抵阿瓦巴特。回莊賊眾十餘萬人。排列迎敵。經長齡等派令哈琅阿。阿勒罕保等分左右抄擊。截賊二三萬眾。生擒二千餘名。殲斃安集延大頭目二名。所辦甚合機宜。已明降諭旨。分別加恩獎勵矣。據稱賊匪節次據險迎拒。詭譎百出。官兵現距喀什噶爾僅七十八里。中隔七里河一道。沿途均有匪黨防備。自應謀而後進。所見極是。行軍制勝之道。總須謀出萬全。該將軍等忠勇

素著。此時諒已埽穴擒渠。朕惟計日以俟捷音。如張逆刻已成擒。即著遣派幹練文武大員。安速解京。儻竟臨陣殲斃。亦即割取首級。函送獻馘。伊妻子前在霍罕。如已來至喀什噶爾。著同伊親屬一併擒獻。分起押解來京。毋致一名漏網。該將軍等必能一鼓蕩平。迅奏膚功也。將此由六百里加緊諭令知之。○以洋阿爾巴特勦賊出力。賞副都統阿勒罕保等。巴圖魯名號。參領塔斯哈等。副都統銜。總管舒凌阿等。花翎。筆帖式春壽等。藍翎。餘升擢開復有差。○修廣東羅定協左右二營軍械。從總督李鴻賓請也。○己酉。直隸總督那彥成續報得雨情形。得旨。京師於二月二十八九日。得雨兩晝夜。遠近一律深透。實深慶幸。想通省均可沾沐。○天恩也。○以上駟院卿達三為總管內務府大臣。○以建復臺灣鳳山縣城垣。捐貲紳士吳尚新等下部議敘。賞生員劉伊仲副榜。○庚

戊諭軍機大臣等本日據那彥寶等奏二月二十一日有布魯特賊二十餘人搶劫守卡回子馬匹那彥寶等即派副將李士林等帶兵進剿殺賊七十餘人又陸續殲斃二十餘名在事出力官兵咨報長齡備案等語現在大兵進剿張逆計日即可蕩平烏什地方近接布魯特又為大軍後路西南一帶直通喀什噶爾長齡等前奏令齊慎等帶領官兵在彼防守控制儻該布魯特等竟敢率眾進卡有背叛從逆抗拒官兵情事自應痛加剿殺俾知震懾若僅止卡外搶劫乃布魯特常有之事祇宜就地掩捕按法懲辦無庸帶兵深入該大臣等惟當鎮靜防守不可張皇喜事此次出力官兵即咨報長齡等覈辦一切勦堵機宜仍隨時報明該將軍等聽候指示相機辦理毋得輕率貪功別滋釁端其獲犯所供奇里克頭人庫圖魯克被張逆勾結前往謀搶烏什無論虛實總應嚴密防範將此由

五百里諭知恆敬多貴齊慎並諭那彥寶知之○諭閩浙總督孫爾準朕聞劉彬士自署任巡撫以來不能清白乃心聲名甚屬平常自言窮翰林出身任京二十餘年負欠不少今番須要還債因此人咸謂之餓虎出林急不能待再浙江鹽務業經帥承瀛辦有起色止須率由舊章足矣乃該署撫諸多挑駁商人心滋不服又仁和縣鬧漕一案該署撫到任之初即揚言不該動兵圍拏糧戶其識見偏謬品節不清已可概見卿係公正廉明之人且前月在京連次召對朕實深信不疑其細心體察據實密奏斷不可代為隱諱也密之若不據實奏聞朕不難差大臣前往查辦○辛亥以故四川龍安府屬土通判王國和子英傑襲職○壬子上詣綺春園問皇太后安○諭軍機大臣等長齡等奏大兵克復喀什噶爾擒獲賊目逆裔張格爾已乘間

竄逸。現分兵追捕一摺。大兵自進剿以來。連獲勝仗。數日之間。乘勝進攻。茲復竭兩晝夜之力。克復喀什噶爾。實為迅速可喜。該將軍等鼓勇直前。將士人人效命。固堪嘉獎。惟張逆勢窮竄逸。久在朕意料之中。屢經飭諭長齡等設法堵截。防其潛遁。不啻至再至三。乃大兵已臨城下。功在垂成。猶任逆裔乘間竄逸。覽奏實深痛恨。殊失朕望。據活賊供稱卡倫以外。現有黑帽回子堵截霍罕。又與該逆不睦。不敢竄往。因逃赴英吉沙爾葉爾羌。苟延殘喘。賊情詭譎。均不可盡信。並恐逆賊聲言他往。為緩我追兵之計。現獲活賊甚多。逐細向其嚴究。當可得逆首實在蹤跡。此時既有該逆帶領騎賊逃逸之供。其非臨陣殲斃可知。該將軍等分兵追捕。當已布置周密。總須將張逆設法擒拏。務在必獲。或直逃往英吉沙爾葉爾羌。抑或竟逸卡外。務即嚴密兜截。迅速掩捕。毋得再任遠颺。尤當據實奏聞。

現雖安撫黑帽回子於卡外截拏張逆。恐尚未能得力。必當嚴行檄諭霍罕及布魯特一體效順。擒渠照格封賞。如竟敢縱匿。即當移兵進剿。想該將軍等已計畫施行。若此番興師致討。僅擒一二逆裔家屬。即可塞責。豈非徒勞師旅。虛靡帑項。該將軍等屢承諄諭。將來何顏見朕。現在長齡留駐喀什噶爾。帶兵若干。楊遇春武隆阿向英吉沙爾葉爾羌進剿。帶兵若干。兵以分而見單。總應隨時隨地體察情形。相機調度。如此時喀什噶爾賊勢尚眾。須用重兵鎮撫。該參贊等即當酌分兵力。留助長齡。儻英吉沙爾葉爾羌兩處軍情緊要。喀什噶爾無須多兵駐守。即將得力將領官兵酌調前往。隨同該參贊等勦捕。務期聲氣相通。加意慎重。無致墮賊奸計。至張格爾之妻。前有拘禁霍罕之說。今愛則爾畢比等三口。是否係其原妻。押進卡後始行招納。必須根究明確。如是其原妻。即行解京。若祇

隨時擄掠。該將軍等訊明即在該處正法。儻已起解在途。亦即酌量前進地方。知會該處就地辦理。其巴布頂之子阿里雅仍即派委妥員解京。無稍疏懈。將此由八百里諭令知之。尋奏前獲張逆之妻愛則爾畢比等三口。查均係進卡後招納。現已正法。巴布頂之子阿里雅現委副都統容安小心押解進京。報聞。又諭恆敬奏接奉諭旨。馳赴烏什新任一摺。前經長齡等奏令齊慎等帶領官兵四千餘員名。駐劄烏什卡外。留防後路。茲據該將軍等奏添派四川後起官兵一千名。令齊慎帶領。於烏什北路一帶酌量前進等語。烏什地方緊要。現在駐劄官兵為數較少。該處惟恆敬多貴二人在彼控制。尤宜加意防範。該大臣等惟當遵照昨降諭旨。鎮靜防守。儻布魯特等膽敢擅入卡倫以內。肆行搶劫。自當嚴拏懲辦。斷不可喜事貪功。帶兵輕出卡倫。妄殺無辜。致滋釁端。是為至要。將此附報。

便諭令知之。○工部尚書兼管順天府府尹事陸以莊因病賞假。以兵部尚書王宗誠署工部尚書。吏部尚書盧蔭溥署兼管順天府府尹事。○修浙江海寧仁和二州縣東西柴坦塘工。從署巡撫劉彬士請也。○甲寅諭軍機大臣等。據琦善等奏。截至四月初三日。共挽渡軍船二千二百四十一隻。北運口楊莊頭壩現將兩壩頭拆展外。北臨黃浦家莊東西兩岸築做托清蓋黃等壩。並將臨黃土壩壩兩壩頭鑲護。鉗束清水水勢。現尚深通。足資浮送等語。頭二進軍船現雖挽過二千二百餘隻。惟黃水消長情形未據奏及。想來仍未落低。轉瞬大汛經臨。水勢有長無消。不特在後江廣幫船趲渡費力。而南北兩岸隄工在在喫重。本日據嚴烺奏報。桃汛安瀾。摺內據稱本年桃汛長水無多。而所存底水較上年大至一二尺。測量河身比凌汛淤墊尺餘。是下壅上潰之弊。不可不早為慮及。現在關

孟雨灘壅滯之處。亟應設法濬治。琦善等接奉前旨。自己詳勘籌辦。將攸銘等到彼。即將伊等籌商辦理。及下游阻遏情形。據實具奏。並責成該督等。將在後江廣幫船。跟接打放。總於汎水漲發以前。迅催趲渡。無使一幫留滯。將來回空南下。亦須豫飭妥籌。務令剋期歸次。不可臨時稍有遲延。致誤明歲漕運。其大汎防守事宜。必應倍加慎重。妥為防範。若關孟雨灘及下游淤墊處所。仍不能及早疏導。致水勢壅遏。上游兩岸隄工。稍有疏失。該督等豈能復邀寬貸。勿謂朕言之不豫也。將此諭知。將攸銘、穆彰阿並諭琦善、張井藩、錫恩知之。○又諭翰克濟爾噶勒。因回疆軍興。呈進馬五百匹。誠悃甚屬可嘉。惟自進兵以來。連戰克捷。現已克復喀什噶爾。大兵將次凱撤。軍營馬匹。自己數用。著彥德等行。知長齡如此時尚需馬匹。即照前此由烏里雅蘇台解送駝隻之例。委員將該親王所進之馬。

妥送軍營。若無需用。即不必豫備。尋彥德等奏。接據長齡咨稱。軍營無需馬匹。當即傳諭嘉獎。翰克濟爾噶勒令其停止呈進。報聞。○旌表守正捐軀河南宜陽縣民劉金全妻曹氏。○貸哈密上年歉收。回子籽種小麥。○乙卯。上詣時應宮。昭顯廟拈香。○還宮。○緩徵兩淮泰州分司所屬富安等十一場海州分司所屬板浦等三場歉收積欠銀。○以常雩祀天於圓丘。自是日始齋戒三日。○丙辰。以故雲南廣南府屬土同知儂世熙子兆桂襲職。○丁巳。上詣南郊齋宮齋宿。○安徽巡撫鄧廷楨奏。已革建德縣典史秦學健。列款稟揭。知縣陳葵縱子陳瑞串通城守把總汪濤。狼狽為奸。勒索詐

賊各情。經委員審訊。稟揭各款。全屬子虛。惟事關知縣營弁。飢法營私。未便稍涉顛預。請將知縣陳葵。把總汪濤。一併暫行解任。以便根究實情。得旨。雖似挾嫌妄控。於吏治官方。大有關繫。斷不可先存成見。稍露是非。致承辦之人。有所揣測。化為無是。非倒置也。○緩徵山東壽光。博興。樂安。益都。臨淄。昌樂。齊河。七縣被旱災民。舊欠錢糧。並貸一月口糧。○戊午。常雩祀。

天於

圖丘。

上親詣行禮。○幸圓明園。○詣綺春園。問

皇太后安。○兩江總督琦善等奏。敬陳感悚。戴罪自贖。得旨。大汛以前。漕船務要渡竣。全河務保安瀾。回空不可遲滯。三者有一不妥。爾等自問。當得何罪。懷之又懷。○己未。諭軍機大臣等。本日據琦善等奏。春汛長水情形。並稱趕堵減壩。實係公同籌畫。並非一人主見。

惟關孟兩灘。老淤膠結。未能刷寬。緣與估時輕聽。雖南同知唐文睿。勘估錯誤。現經張井親查。長河中泓深淺不一。溜勢有行新河者。有趨舊河者。關家灘則新河淤淺。舊河反深。孟家灘則新河甚深。舊河較淺。詢之兵弁居民。皆稱旬日以來。溜勢已見暢順。若遇大汛。必能刷出正泓。漸臻深暢。現將淺阻處所。設法疏濬。並將兩岸隄工。加高培厚。備禦大汛等語。該督等於估挑事宜。全未經歷。即應博

採眾論。何得輕聽唐文睿一人之言。致誤要工。已明降諭旨。將該同知革去頂帶。留工以觀後效。該督等尤當倍加愧勵。勉圖自贖。現在漕船已渡黃者。計二千九百六十隻。總期大汛以前。全數渡竣。全河務保安瀾。回空不至阻滯。三者均不許稍有貽誤。若果如琦善等所奏。大汛經臨。刷出正泓。可期深暢。尚可量加寬恕。如有他虞。朕惟執法嚴懲。決不寬貸。看該督等辦理如何耳。將攸銘等計已到



彼著親赴關孟兩灘查閱新河舊河情形。是否與琦善等所奏相符。並將現在疏濬情形。據實覆奏。將此各諭令知之。○以鑲白旗漢軍副都統賡音通阿為巴里坤領隊大臣。○庚申諭內閣。昨日鑲白旗蒙古將荆州滿營應放佐領人員帶領引見。其擬正之防禦康福開弓脫扣。箭未放出。所有佐領一缺。已著擬陪之斐星額補授。而康福亦未記名。夫佐領等官。原為督責兵丁之員。所有騎射理應

先自精熟。如康福甫射一箭。遽至脫扣。箭未放出。總由步射生疏所致。似此人員。焉能訓練所屬。惟聞該員履歷。尚有軍功。想該將軍等以其勞績始行擬正。是以未將康福交部議處。而該將軍等亦俱免議矣。大凡武職官員缺出。在揀選時。固當較量勞績。亦當將騎射認真驗看。著各省將軍。副都統等。嗣後揀選官員。務須秉公。將著有勞績。騎射精熟者。挑選擬列正陪。儻該員於引見時。仍有步射

生疏者。經朕看出。不惟將該員交部嚴議。定將該將軍副都統等。一併交部議處。決不寬貸。○辛酉。

上詣綺春園問

皇太后安。○諭內閣。上年逆裔張格爾滋事。朕特命長齡楊遇春武隆阿馳往回疆督辦。萬里之外。調兵轉餉。閱時既久。始克會齊進剿。朕以天戈所指。各城無難剋期收復。惟張逆係元惡大憝。必應設法殲擒。以彰天討。而靖

邊圉。節降諭旨。令長齡等同心合力。奇正分途。總須布置周密。無任竄逸。申諭不啻至再。至三。本年該將軍等由洋阿爾巴特進剿。每獲勝仗。無不立沛恩施。並屢頒賞件。俾共知奮勵。迅獲渠魁。前據奏大兵克復喀什噶爾。張逆已先期乘間竄逸。方冀數日之間。即可追擒。嚴事。乃本日馳報。官軍收復英吉沙爾。張逆尚無實在蹤跡。長齡等未能仰體朕宵旰憂勤之意。致有疏縱。辦理不善。自應加以

懲創長齡著革去紫韁。楊遇春著撤去太子太保銜。仍留太子少保銜。武隆阿著撤去太子少保銜。朕賞罰一秉大公。該將軍等如能迅速擒渠。永杜後患。仍當格外施恩。懋膺重賞。儻竟任該逆遠颺。僅以殲獲賊目。收復城池。草率塞責。則是老師糜餉。大負朕望。惟該將軍等是問。楊遇春之子楊國佐。武隆阿之子慶安。隨營出力。此次本應加恩。惟首逆既未就擒。無庸遽加升秩。其所請桂成。固英阿。

開復侍衛之處。桂成著賞給三等侍衛。固英阿著賞給藍翎侍衛。俱在大門上行走。原任漕標副將。緣事降為千總之滿德坤。著加恩以都司補用。巴哈布之子監生扎爾漢。著加恩賞給筆帖式。其餘單開保奏官員弁兵。著長齡等覈敘確實功績。奏到時再降諭旨。○又諭原任喀什噶爾參贊大臣慶祥。幫辦大臣舒爾哈善。及伊犁派往帶兵之領隊大臣烏凌阿。穆克登布。或嬰城效節。或臨陣捐軀。

疊經加恩。分別賜卹。現在喀什噶爾業已克復。經長齡等將從逆伯克阿布都拉。即趙通事。並該逆之子阿布都薩塔爾。盡法處治。致祭忠魂。所有該處參贊衙署。著即改建昭忠祠。安設牌位。以旌蓋節。其英吉沙爾葉爾羌。和闐等城殉節諸臣。著加恩照喀什噶爾一體辦理。原任喀什噶爾阿奇木郡王邁瑪薩依特。於張逆圍城時。帶領回子與賊匪接仗。被白帽回子用棍擊斃。殊堪憫惻。著加恩照

回子郡王例賜卹。其妻子經黑帽回子阿渾藏匿。伊子阿克拉依都年甫六歲。現已投出。著准其襲封郡王。前任葉爾羌阿奇木玉素普。深知大義。不肯從賊。曾呈出阿布都拉糾約獻城書信。旋被張逆圍禁。現經長齡等查明開釋。委令署理英吉沙爾阿奇木伯克事務。著照前旨賞給二品頂帶。○諭軍機大臣等。據長齡等由六百里加緊奏報。朕以為必係擒獲張逆。飛章告捷。或探有實在下落。乃

披閱奏摺。係克復英吉沙爾。並馳赴葉爾羌查拏張逆情形。仍未知該逆下落。殊失朕望。張格爾小醜跳梁。戕害官弁。竊據城池。是以命將出師。聲罪致討。節經降旨。令該將軍等設法兜擒。出奇制勝。並頒發硃諭。勿令該逆免脫。或臨陣殲之。或圍困誅之。若能生致。尤非常之功。該將軍等接閱後。豈竟毫不記憶耶。逆回不過烏合之眾。本無紀律。喀什噶爾等四城。何難克復。朕所日夕廑念者。在擒獲

首逆耳。卽據該將軍等奏到洋阿爾巴特等三戰捷音。無不立沛恩施。並屢頒賞件。該將軍自當布置周密。分兵兜截。出其不意。斷其去路。一鼓殲擒。以彰天討。以副委任。且朕面諭武隆阿是何等語言。無微不至。乃並不斟酌輕重。一味迎頭攻擊。坐久機宜。致令該逆聞風潛竄。將軍等所謂謀而後進者。安在辦理不善。各實難辭。再歷次頒發諭旨。將軍等上年尚有覆奏。數月以來。並未一字提及。亦

屬含混。殊不可解。已明降諭旨。將長齡等前賞紫韁宮銜。分別撤去。用示薄懲。儆知愧知懼。速將該逆擒獲。仍當格外施恩。如竟不獲。該將軍等自問可稱歲功否。至所奏將葉爾羌戡定。卽當帶兵出卡。確查張逆所在。專力跟蹤追捕等語。將獲之時。尚且令其逃匿。卡外追捕。未見必得。且路徑荒遠。提兵深入。恐卡外各部落。轉致驚疑擾亂。別滋釁端。所關甚大。況未知張逆下落。又將從何處出卡。據

奏各布魯特冲巴噶什。奈曼岳瓦什等。送回邁瑪薩依特家屬情形。尚屬恭順。惟當趁此機會。查明該逆逃竄處所。整軍揚武。休以兵威。示以恩信。並遣人招諭各部。落及霍罕等處。一體擒獻。遵前旨照格封賞。令其懷德畏威。以期必得。庶不虛此一舉。現在逆酋未獲。原無可施恩之處。姑念將弁兵丁。同一盡力。尚可量予獎勵。惟所奏打仗出力得勝額等。各員。並未聲敘如何出力之處。著將各大員

確實功績。簡明摘敘。候朕施恩。至請賞藍翎之千總朱成貴等。至六百十八員之多。未免太濫。著該將軍等覈實刪減。奏到時再降諭旨。將此由六百里加緊加快。諭令知之。○壬戌。

孝端文皇后忌辰遣官祭

昭陵。○諭內閣。那彥成奏請減免內務府月檔地畝租銀一摺。直隸安肅縣經徵內務府月檔地畝租銀五百五十餘兩。原係為歲修官

房之用。歷年租息俱未能如數徵收。據該督飭屬勘明前項地畝。被水衝刷。收成瘠薄。並查明原收租銀止三百四十餘兩。續增至五百五十餘兩。佃力難支。拖欠愈多。籲懇量予減豁。著照所請。將此項地畝浮增租數。准其刪除。仍照原租三百四十一兩零。照例酌減一成三分。實徵銀二百九十六兩零。按年覈實徵解。並將嘉慶二十五年以前積欠租銀一萬二千一百四十六兩零。准其照前豁八

項正租之案。一體豁免。其元年以後應完租銀。即照奏定租則。分年帶徵報解。自此次減豁之後。該督務飭屬認真催納。年清年款。不准再有拖欠。並不准藉詞展緩。以昭覈實。○諭軍機大臣等。據那彥寶等奏連次勦辦叛逆不法奇里克部。落之布魯特。現在烏什地方肅清一摺。前因長齡等奏派齊慎帶領官兵。由烏什北路一帶酌量前進。烏什地方存城官兵。為數較少。降旨令恆敬多貴在彼控

制。計此時齊慎當帶兵前往北路。著恆敬等遵照前旨。加意防範。不可帶兵輕出下倫。妄殺無辜。致滋釁端。再前據長齡等奏報克復喀城後。張格爾乘間逃竄。英吉沙爾葉爾羌一帶。現在分兵追捕查拏。並無實在下落。儻該逆勢窮力蹙。或竄入烏什一帶地方藏匿。該大臣等當隨時隨地嚴密訪查。如得有確實蹤跡。即行設法掩捕。勿得坐失機宜。致令逆酋日久稽誅也。將此諭令知之。○又諭前

據那彥寶等奏。二月間東南控台地方。有布魯特賊二十餘人。搶劫守卡回子馬匹。派副將李士林等帶兵入山進剿。殺賊七十餘名。又陸續殲斃二十餘名。生擒四名。訊係前隨庫圖魯克。叛去潛回搶劫殺人之犯。隨即正法。本日又據那彥寶等奏。稱齊慎督率將弁分路搜捕。行至佳噶賴地方。見有賊眾數百名藏匿。放槍擲石。迎拒官兵。當經殺賊一百數十人。千總尤渤等。各受石傷一處。餘賊潰竄。又追殺賊二百餘名。生擒七名。訊係奇里克部落。從逆糾眾搶劫殺人之犯。隨即正法。又於阿勒他克地方。山溝內有賊聚集。迎拒官兵。被恩騎尉馬倫寶首先槍斃一賊。其餘賊眾約有一百餘人。持械抗拒。馬倫寶中槍陣亡。兵丁韓昇等各受槍傷矛傷。官兵槍礮齊發。將賊眾全行殲斃。又據回子約爾達什稟報。有賊匪數十人。在北山內窩藏。派兵追至烏玉布拉克地方。乘其無備。將七十餘名。

盡皆誅戮。並生獲二名。訊係跟從逆頭人愛什胡里之賊。隨即正法。各等語。奇里克部落布魯特。近在卡外。如果從逆。確有實據。或糾眾來犯卡倫。自應痛加剿戮。使各部落咸知震懾。現據兩次具奏進剿情形。並無逆跡。昭著實據。輒行連次發兵進山剿捕。即生擒之犯。訊有從逆搶劫殺人之供。其所殺者何人。其所從者何逆。是否曾與張逆勾結。亦未訊取確供。概行正法。如庫圖魯克等為首各犯。又未拏獲一人。訊問明確。統計兩次殲斃。有六七百人之多。若盡皆匪犯。原無足惜。儻係貪功妄殺。何以服卡外諸部落之心。並據奏庫圖魯克等。逃往喀什噶爾。是否與張格爾勾通肆逆。亦須查明。且所帶僅三十餘戶。則現在所殺之六七百名。豈盡係從逆逃回之人。必須查訪明確。以定功罪。恆敬甫經到彼。無所用其回護。著秉公密加訪察。是否所殺均係逆賊。抑竟係無辜被戮。均須確有憑。

據不得稍有牽混。即行據實密奏。更不可稍存成見。致涉欺隱。儻所查有不實不盡。將來別經發覺。或致激成事端。惟恆敬是問。恐不能當此重咎也。將此由五百里密諭知之。○癸亥。以山西襄陵吉介休渾源靈邱寧遠高平陽城陵川榆社和順沁源武鄉壽陽忻代五臺保德安邑芮城絳垣曲隰大寧和林格爾二十五廳州縣糧價較昂。命平糶常平倉穀。並緩買臨汾浮山大同大鎮右玉夏霍靈石。八州縣節年糶貸穀石。○甲子。

上詣

大高殿行禮。○還宮。○諭內閣長齡等奏官兵收復葉爾羌一摺。此次楊遇春等由英吉沙爾進攻葉爾羌。先派頭等侍衛阿布都爾滿前赴該城查探情形。大兵行至倭巴地方。據阿布都爾滿帶領該城大小阿渾伯克迎接投誠。並縛獻賊目烏舒爾巴凱等十一名。拏獲逆賊一百六十餘名。交出軍火馬匹無數。

經楊遇春等妥為收撫。派兵彈壓。將從逆匪黨分別凌遲。致祭忠魂。並檄諭各部落訪拏張逆。所辦俱屬妥協。阿布都爾滿上年隨營出力。經朕即次施恩。賞授頭等侍衛。一品頂帶。此次收復葉爾羌。不煩兵力。尤昭偉績。著加恩授為散秩大臣。署理葉爾羌阿奇木事務。以示獎勵。阿布都爾滿係郡王銜貝勒哈迪爾之姪。伊一門世篤忠貞。洵堪嘉尚。哈迪爾著加恩授為內大臣。伊精力尚健。仍著照

舊供職。用示朕眷念舊臣。推恩無已至意。○又諭鑲黃旗頭等侍衛景昌鑾儀衛冠軍使福珠洪阿。正藍旗滿洲印務參領國春。鑲白旗漢軍參領那丹珠。鑲藍旗漢軍參領張仲敬。鑲白旗護軍參領查隆阿。圓明園營總達哈布。健銳營石翼翼長額爾登。外火器營烏槍護軍參領陰功保。正紅旗漢軍副參領白文治。步軍協尉銜步軍校舒德。鑲黃旗滿洲印務章京玉明。正白旗滿洲印務章京達林。

泰。鑲藍旗滿洲印務章京富陞。正黃旗滿洲驍騎校富綸布。鑲黃旗護軍校慶康。正紅旗護軍校雅凌阿。外火器營烏槍護軍校呢音珠等十八員。俱著准其卓異。交軍機處記名。鑲黃旗蒙古印務參領齊克坦布。鑲白旗滿洲世管佐領宗室慶詳。二員。俱著改為二等。其餘鑲黃旗二等侍衛興祿等九十八員。俱著准其卓異。諭軍機大臣等。本日據長齡等由六百里加緊馳奏收復葉爾羌。並查拏首逆情形一摺。楊遇春督兵前赴葉爾羌。先派頭等侍衛阿布都爾滿查探情形。旋據帶領該城大小阿渾伯克來營投誠。縛獻賊目烏舒爾巴凱等十一名。拏獲賊匪一百六十餘名。交出軍械馬匹火藥火繩等件。偽阿奇木博巴克。先於三月初三日帶賊百數十名。逃往色呼庫勒一帶。現亦派人追拏。楊遇春帶兵入城。復獲賊五百餘名。所辦俱好。阿布都爾滿上年隨官軍出力。節經降旨。賞升頭

等侍衛二品頂帶。現已明降諭旨。賞給散秩大臣。並將哈迪爾授為內大臣。以示優獎。所有撥出該城阿奇木印信一顆。即著交阿布都爾滿暫署。並擇出力之能事伯克。幫同阿布都爾滿查辦一切。現調提督達凌阿。並原帶官兵。駐葉爾羌防守。並將都齊特等處官兵酌量調赴巴爾楚克。布置俱極妥協。其和闐尚有安集延賊目愛瑪爾阿里。及喀什噶爾賊目玉努斯帶領馬賊。並情蘭回子千餘人。在彼盤踞。自應趁此聲威。迅往戡定。現在葉爾羌甫經克復。亟應撫綏。楊遇春自應在彼駐劄。所派提督楊芳。領隊哈琅阿。阿罕罕保。總管額爾古倫等。帶官兵四千五百餘名。馳勦。並派已革公爵回子阿布都莫敏。大阿渾穆圖巴拉等。密諭和闐回眾內應。所辦甚合機宜。惟現在克復三城。而逆首未獲。如何了局。據奏卡外色呼庫勒阿奇木伯克邁瑪第。專差伊子密雜爾。伊什罕伯克邁瑪什沙

專差伊弟散加爾等來營稟稱有偽伯克佐霍爾帶領喀什噶爾打散安集延賊匪七八十人潛匿已經堵截出路趕回擊獻並稱上年張逆曾以重賂勾結外番幫兵入卡緣什克南等五部落皆與邁瑪第有親經該伯克寄信各部落未經從逆等語色呼庫勒地方接壤布魯特該處各部落既不肯從逆甚為恭順可嘉若能縛獻張逆尤為莫大之功現據楊遇春各賞給大銀牌優加獎勵並繕檄

諭賞格告示交密雜爾等馳回轉給各部落一體查拏如果各部落實在出力即據實奏聞朕必渥沛恩施總之此次用兵必須將張逆設法殲擒方可永杜邊患楊遇春現派妥員四出查探務得確實蹤跡專力擒拏不可任其遠颺老師糜餉然尤須加意慎重務保萬全卡外路徑荒遠僅未探得確蹤亦不可冒昧輕進武隆阿現因患病回喀什噶爾調養全愈後不必前赴葉爾羌即在喀什噶爾

幫同長齡妥為籌辦一切事宜查探張格爾蹤跡設法追捕務期必獲迅速嚴功將此由六百里加緊加快諭令知之○補行道光六年大計貴州卓異官七員年老官三員罷職官一員才力不及官一員浮躁官一員分別議敘處分如例○撫卹琉球國遭風難夷如例○乙丑

上御太和殿視朝王以下文武升轉各官謝恩○辛圓明園○詣綺春園問

皇太后安○命禮部尚書松筠為正使內閣學士鍾昌為副使持節齎冊印晉封

靜嬪博爾濟吉特氏為

靜妃冊文曰朕惟玉璽裏事六宮昭暈翟之光彤管揚輝九御贊睢麟之化柔嘉克備榮寵斯頌咨爾靜妃博爾濟吉特氏蘭蕙秉心悅肇謹虔瑤筐佐績入桑館以宣勤鏐簡騰華侍

萱闈而受祉茲仰承



皇太后慈諭。晉封爾為靜妃。錫之冊印。爾其祇膺茂典。彌彰維肅之風。式迓蕃釐。益懋芬芳之德。欽哉。○丁卯。諭軍機大臣等。據嚴烺奏。陝州萬錦灘黃河。長水一尺四寸。下注豫東。各廳先後報長水一二尺餘寸不等。旋即消落等語。本年黃河長水較早。前據琦善等奏。關孟兩灘。老淤膠結。未能刷寬。長河中泓深淺不一。溜勢間趨舊河。現仍設法疏濬。下游既不通暢。將來伏秋大汛。具漲漫灘。恐下壅

必致上潰。所關匪細。此次嚴烺通報各廳水報。下游所長。比上游為多。恐即為伏秋水漲之由。著即將應行籌備各事宜。迅速估辦。並嚴飭各道將廳營小心防範。毋稍疏懈。致有意外之虞。東河係嚴烺專轄。責無旁貸。轉瞬大汛經臨。儻有疏虞。惟該署河督是問。將此諭令知之。○戊辰。諭軍機大臣等。本日都察院奏。江蘇南匯縣監生凌培賢。遣抱告凌占咸。呈控該縣漕書沈念曾。石蘭田等。剋減災

蠲分數。勒折錢糧。漕米復據王慕祥呈稱。嘉慶二十五年至道光元年。伊承充地保。圖內應完條漕。均係捆墊。並勒收票張錢文。又民人馬瑞掌。以伊兄馬東生充當地保。領催錢漕。漕書朱超宗。沈念曾等。勒墊漕米條銀。及票張錢文。變產賠納。伊兄控經藩司批交府縣查究。該漕書囑差陳文玉等。將伊鎖拏。並奪去洋銀。受責各等情。已明降諭旨。交該撫親提審辦矣。江蘇省屢有控告錢漕之案。上

年四月至本年三月。該縣民人華鳳岐等。呈控浮收勒折者。共有六案之多。均經咨交該撫審訊。此次監生凌培賢等。復以漕書沈念曾等。剋減成災分數。浮折錢漕。並違禁勒令地保。捆墊錢糧。漕米以致家產蕩然。是該縣漕書種種舞弊。病民藐法。已極著該撫親提人證卷宗。秉公查訊。按律定擬具奏。無得豫存成見。致令積蠹殃民。將此諭令知之。尋奉訊明凌培賢。不知白糧例不蠲免。王慕祥因

被斥挾嫌相率妄控。均應按律擬杖。馬瑞寧因陳文玉等拘追積欠。捏詞混控。應按律擬杖徒。下部議。從之。○貸湖北荊州城守等營被水兵丁倉穀。○已巳。諭軍機大臣等。長齡等奏添派官兵兜剿和闐賊匪。並訪察張逆確切下落。分兵出卡追拏一摺。前此逆酋竊據喀什噶爾。原因大兵急切未能赴援。羣回多被煽惑。助其逆敵。迨大兵既集。朕早料其窮蹙奔竄。是以屢經敕諭該將軍等分路進

兵以期出奇制勝。乃長齡等以為分路進剿不若統歸一路。使賊猝不及防。朕以伊等隨宜調度。自必確有把握。及至喀什克復之先。逆酋早已潛遁。遲至一月之久。始據奏稱該逆既未逃往英吉沙爾葉爾羌。自己竄出卡倫。是該將軍等此時如夢方醒。覽奏實深憤懣。前據奏稱今伊薩克覓可靠回子六人。分往喀什噶爾等處。作為伊等之意。勾結眾伯克回戶等。拘絆張逆。又令噶爾察等前往卡

外各部。傳檄曉諭。責令縛獻逆裔。予以封賞。及進兵之時。又稱黑帽回子情願糾同族眾。俟大兵到日。設法幫擒首逆。何以迄無影響。是否所差間諜。被賊知覺加害。抑係謀而未行。一奏塞責。其頒發檄諭。曾否於各部落徧行宣示。及徧諭後有何稟復。均無一字奏及。至黑帽回子自願效順擒渠。耳目較為切近。何以克復之先。並未豫為布置。克城之後。又未指出逆裔下落。所謂效順者安在。該將

軍等既無成竹在胸。豈能通籌全局。茲逆酋不知潛逸何所。祇有一二餘匪。竄匿和闐。又輒欲添兵兜剿。分兵追捕。亦何見事之晚耶。現據賊供有張格爾逃往塔什霍爾罕。及阿賴之言。並非切實下落。該將軍等總當偵探逆酋確蹤。設法掩捕。務須計出萬全。期於必獲。若使渠魁日久稽誅。以致老師糜餉。惟長齡等是問。自謂當得何罪。武隆阿仍即遵照前旨。駐劄喀什噶爾。幫同長齡竭力擒渠。斷

不可任其漏網。此次在二臺地方迎候官兵之阿渾穆圖巴拉父子並回子伊斯瑪依爾等被賊殺害情殊可憫。著長齡等查明奏請恩卹。將此由六百里加緊諭令知之。○庚子除直隸易州水衝官地一項九十七畝有奇租銀。○辛未。

上詣綺春園問

皇太后安。○諭內閣劉彬士奏開漕案内不知姓名逸犯請免查緝等語。此案徐鳳山包漕

漁利鄉民畏其兇橫多被脅從。現將該犯及濟惡各犯分別斬絞以儆刁風。除在逃之沈培政等係積慣包漕滋訟之犯仍應飭拏務獲按律懲辦外其餘不知姓名各逸犯多係被脅同行姑著免其查究。該署撫即出示將辦理此案原委剴切曉諭嗣後該鄉民等總當以首惡徐鳳山等為戒務各安靜守法。如再有滋事棍徒即當嚴拏一概查辦無得輕縱。○壬申諭內閣琦善等奏重運軍船全數

渡黃一摺。本年南糧軍船先由禦黃壩挽渡四百三十餘隻。因黃水陡高復堵禦壩倒塘灌放陸續渡黃三千一百餘隻。尚有五百五十餘隻未渡適值黃水落低該督等照常啓放禦壩催提趲渡於四月二十二日全數完竣未逾原限該督等前此籌辦未能周妥原有應得之咎。惟念該委員等自倒塘以來催趲照料及啓閉各事尚為迅速不得因該督等辦理不善致沒微勞著琦善等擇其尤為

出力者酌保數員奏請施恩不准冒濫。現在禦壩既啓大汛未來該督等當趁此機會務令清水暢出將下游淤滯處所刷濬深通以冀河湖順軌安瀾稍贖前愆。○又諭嵩溥奏詳查興義等處入官苗田租穀變價經費請將支贖租穀存備平糶一摺。前據許乃普奏貴州興義府屬苗民生齒日繁生計支絀請將該處逆絕租息支贖餘米無庸變價解司留貯該處以備每年平糶及歉歲賑卹之用。

當教該撫詳察籌議。茲據奏興義等五處額徵租穀變價銀兩。除坐支該處土升工食外。餘銀解存藩司。為貼補郎岱等處不敷之需。現計節年存賸盈餘銀七千萬兩。足資貼補。議將興義府縣兩處餘穀留貯。以備緩急。著照所請。將興義府每年支賸租穀七百四十石零。興義縣每年支賸租穀二百七十一石零。自道光七年起。無庸變價解司。按年留存實穀。作為積貯。遇米價昂貴時。減價平糶。秋收買補還倉。統俟府倉存至二萬石。縣倉存至一萬石。察看各該處情形。無須多積。仍令變價解司。其平安歸化貞豐三處。餘穀無多。著仍照舊章辦理。至此項餘穀。既另建倉廠存貯。應如何杜絕官吏侵那。及交代時應一體盤查各事宜。該撫即妥立章程。飭令該府縣實力奉行。該管上司認真稽覈。無任日久滋弊。該部知道。○癸酉

上幸靜明園。詣

龍神廟拈香。○除直隸承德府水衝官地三十三畝有奇租銀。○甲戌。以故雲南永北廳屬北勝州土州同章昶子鶴齡襲職。○乙亥。以故三等伯許文謨子保琳襲爵。並賞二等侍衛。在大門上行走。○以病痊倉場侍郎韓鼎晉署禮部右侍郎。

大清宣宗效天符運立中體正至文聖武智勇仁慈儉勤孝敏成皇帝實錄卷之一百十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十七

朕惟恐官職未滿法皇子太傅禮仁閣大學士文淵閣領事管理戶部事務上書總理翰林院掌院學士及掌書

天所前中書事務加五級記錄十八次月日增進官職延議官是時有禮部侍郎掌理新舊庫內官書文並稽察的

七金大庫事務加四級記錄十八次月日增進官職延議官是時有禮部侍郎掌理新舊庫內官書文並稽察的

六庫事務加四級記錄十八次月日增進官職延議官是時有禮部侍郎掌理新舊庫內官書文並稽察的

署院通議處事務加十八級月日增進官職延議官是時有禮部侍郎掌理新舊庫內官書文並稽察的

敦修

道光七年丁亥五月丙子朔諭內閣昨日兵

部帶領引見人員內豫行保舉之雲南東川  
營左軍千總謝安邦箭不到靶其平日才技  
已可概見謝安邦著不准其豫保註冊並即  
降為把總以觀後效前署雲貴總督伊里布  
將此等技藝生疏之弁濫行保舉著交部議  
處各省豫保人員以備升用不可不加意慎  
重若技庸者得列薦章必至技優者轉多屈  
抑何以整營伍而勵人材嗣後各省豫保武  
職務須認真遴舉擇其年力精壯才技優嫻

不得任意濫保如有再似此等庸劣之人必  
將該員即行革職所保之上司交部嚴議將  
此通諭知之○又諭陶澍奏藩庫附貯項下  
借放各款分別登銷追賠一摺江寧藩庫附  
貯一項前因設局清釐降旨令該撫查明分  
別催解追賠歸款茲據奏借放各項除解還  
外實未歸銀二十六萬二千一百六十六兩  
零內欠解有著銀及已入清查追補各款俱  
係有著之項著即分別催追無任延宕其無

著銀除已入二次清查及業准豁免由該撫  
就款登銷外尚該無著銀五萬八千五百八  
十二兩零均屬無可催追即著落經借各員  
名下按數追賠該撫即查造員名銀數細冊  
迅速分別咨追歸款此項銀兩係在外支銷  
典息閒款並攤捐各款與正項錢糧不同著  
免其造冊報部該部知道○以陝西按察使  
顏伯燾為甘肅布政使服闋按察使林則徐  
為陝西按察使○丁丑

上詣綺春園問

皇太后安。○諭內閣。前據御史吳敬恆奏。州縣虧缺之案。如該員前後任內俱有虧缺。其前次交代時。朦混結報。未行查叅之該管上司。請嚴立專條。分別加等議處。當交吏部覈議。茲據該部將例載該管上司徇隱處分各條。查開具奏。朕詳加披閱。定例已為周密。無可復加。若多立科條。轉滋趨避。該御史所奏。著毋庸議。至直省州縣倉庫錢糧攸關帑項。原

不容絲毫虧缺。乃近來動輒以因公那移。含混辦理。甚屬可惡。嗣後各該管上司。務要激發天良。留心查察。力破避重就輕。袒護屬員。積習。遇有不肖州縣侵欺虧缺等弊。立即嚴叅懲辦。實力奉行。自足以杜弊端而澄吏治。儻稽查不力。有名無實。任聽州縣侵欺。抑或代為徇隱。一經發覺。不惟將該州縣按律治罪。必將該管上司從重嚴懲。決不寬貸。勿謂告誡之不早也。○戊寅。

清 實 錄 道光七年五月

孝誠仁皇后忌辰遣官祭

景陵。○己卯。以候補侍郎潘世恩署工部左侍郎。○庚辰。

上奉

皇太后幸同樂園進膳。○諭內閣。長齡等奏。和闐克復。西四城全經戡定。一摺。和闐回署。前已將賊首約霍普等縛獻投誠。逆裔張格爾復差賊目噶爾勒玉努斯帶領安集延並情蘭回子一千五百人。在彼盤踞。將迎候官兵

之阿渾穆圖巴拉父子及回子伊斯瑪依爾等。一併殺害。又糾約該處無賴回子三千餘人。抵死抗拒官兵。經提督楊芳等帶兵前往勦辦。探得毗拉滿地方有賊數千。隨即整隊前進。迎見賊匪。排陣擊鼓。施放槍礮。直前拒敵。楊芳等帶領馬步隊迎勦。並分兵潛由北面沙山。馳抄賊後。四路夾擊。見有手執紅旗。身穿花衣之騎馬賊目。指揮其間。驅眾死戰。我兵奮勇衝殺。賊勢業已難支。忽於東南沙

九六五

山後突出執旗賊目帶領馬賊五六百名飛驟前來槍矢交加刀矛相接吉林佐領富爾松阿等帶兵衝入賊陣兵丁田興起被賊砍傷左額富爾松阿韓國彥等將花衣賊目噶爾勒擒獲官兵乘勢力撲賊眾潰亂奔逃趕殺二十餘里斬賊二千三百餘名生擒一千餘名奪獲礮位刀槍火藥無數乘勝直前即有舊時伯克等帶領回眾千餘人迎接官兵入城和闐全復楊芳前此隨同長齡等連獲

勝仗已著勞績此次專派帶兵收復和闐復能籌畫周妥因賊匪直前拒敵分兵抄入賊後四路夾擊使賊目不及逃竄登時就擒實屬調度有方深堪嘉獎楊芳及領隊哈喇阿勒罕保總兵余步雲俱著交部從優議敘楊芳哈喇阿著加賞白玉翎管各一箇四喜白玉搬指各一箇小刀各一把阿勒罕保余步雲著加賞白玉翎管各一箇玉搬指各一箇小刀各一把以示獎勵其拏獲賊目噶爾

勒之佐領富爾松阿把總韓國彥等究係何人首功著該將軍等確查具奏候朕施恩兵丁田興起因衝入賊陣致被砍傷並著查明該兵丁受傷輕重一併具奏○諭軍機大臣等長齡等奏此次楊芳等帶領官兵立將和闐收復查起存糧軍械飭傳各莊回即令其撥拏餘匪一面飭委隨征之沙雅爾阿奇木伯克巴彥岱暫署該城阿奇木事務並選擇出力回子暫署大小伯克查辦一切約束回

眾其賊目噶爾勒解大營訊辦楊芳等能分兵四路夾擊俾賊目不及逃竄調度有方已明降諭旨將該提督等加恩獎勵矣惟現在四城雖已收復而逆酋逃逸無蹤眼看莫大之功賞汝等不能承受曷勝憤懣朕閱摺內所稱聞該逆有逃往阿賴及塔什霍爾罕等處之說雖不知其確向大約不出此一帶地方等語殊不成話張逆逃遁四十餘日尚未探得確信並汰劣克阿坦台等亦俱遠竄不

知下落該將軍等安坐喀什噶爾直同聾瞶徒以空言塞責於事何濟此時該逆究係潛匿何所務當確切探明設法擒獻期在必得斷不准任其漏網果能迅速擒獲朕不但不論以稽遲之咎將軍等仍可渥受厚恩否則何顏對朕也勉之懍之至和闐逸賊玉努斯葉爾羌賊目博巴克助逆肆虐亦必應趕緊拏獲立正典刑現值大兵搜捕逸賊之時各該城甫經戡定必須分駐大員以資彈壓長

齡等已飭派總兵史善載帶兵前赴和闐駐劄防守提督達凌阿帶兵駐守葉爾羌著即照所奏辦理所有邁提特楚呼察克及波斯圖等處投誠回子三千餘名又原在葉爾羌各臺當差之溫巴什回子數十名雖訊明並未從逆仍派往各原處供差難保其中竟無潛懷詭詐暗通消息之事尤當隨時查察勿稍疏虞其後路各處防守官兵有應行減撤者該將軍等應及早體察情形奏明辦理至

一切善後事宜最關緊要務須慎密妥籌請旨遵行萬不可輕率稍有宣露再從前嘉慶年間滑縣凱旋官兵攜帶幼孩曾經嚴立科條頒發飭禁將來大兵凱旋時務當申明紀律通行宣布如有違犯按軍法治罪並將失察之該管官嚴懲不貸又昨經降旨將喀什噶爾參贊衙署改建昭忠祠著長齡等將碑石高寬尺寸遇便開單具奏以便書寫憫忠詩發交勒石至上年喀什噶爾等四城死事

官員除慶祥等業經降旨賜卹外其餘將弁辦事司員筆帖式及效力廢員並卡倫侍衛兵丁等著長齡等逐細查明據實開單分別奏咨候朕加恩賜卹將此由六百里加緊加快諭令知之○又諭從前嘉慶年間辦理滑縣賊匪凱旋時官兵曾有攜帶幼孩之事經兵部嚴定科條頒發各營一體遵照此次回疆用兵本日據長齡等奏已將和闐收復軍務尅期告竣將來凱旋恐沿途帶兵官弁約



束不嚴。兵丁等私行攜帶子女。不可不豫為申禁。著鄂山等於官兵進關時。嚴加稽察。儻有私攜男女幼孩。查明即行叅辦。按律治罪。並將該管官重懲。不可稍事姑容。將此諭令知之。○福建臺灣鎮總兵官劉廷斌奏。報到任得旨。海疆重地。刻刻俱要留心。除暴安良。尤當注意。操防更須認真。切忌姑息養奸。慎勉為之。以副委任。○除安徽盱眙縣挑渠築埝。完廢民衛田地十一頃七十畝。有奇額賦。

例○壬午  
上幸萬壽山詣

○辛巳。予回疆陣亡喀什噶爾阿奇木伯克郡王邁瑪薩依特。祭一次。卹賞如蒙古都統。廣潤祠拈香。○諭內閣。嵩孚奏採辦滇銅。未能運回接濟。請照案採買商銅一摺。湖北寶武局鼓鑄錢文。額配滇銅二十三萬餘斤。向應按年採買。交局濟鑄。近年滇省產銅未能豐旺。委員採辦需時。請援照成案。採買商銅。

俾資局鑄。著照所請。該省寶武局應買道光七年分正耗餘銅。准其在附近口岸購買。即照准銷銅價運腳雜費等銀。按數給發。勒限一年。買運交局。提作道光五年之用。俟委員張從鼎等運回滇銅。作為道光六七兩年歲額之需。惟楚省商販銅斤。每年多寡盈絀。未能據為定額。滇省不得以湖北就近購買商銅。藉詞諉卸。其道光八年分銅斤。仍著照例。委員赴滇辦運。此次購買商銅。需用腳價等銀。准其照案銷銀三萬三千四百三十一兩零。事竣造冊報銷。如有不敷。亦著照案辦理。以歸覈實。該部知道。○諭軍機大臣等。寄諭署山東巡撫程含章。前因有人條奏青州一郡。類皆荒歉。壽光縣為尤甚。當經降旨。交該署撫委員確實查勘。茲據奏。委員周厯青州府屬。挨莊查訪。惟壽光博興二縣種麥本少。冬春雨雪較稀。民力不無拮据。壽光之秦城南皮二鄉。地尤鹹鹼。貧民向多出口謀生。本

年雨澤愆期倍為竭蹶出口者未免稍多或將子女分別寄存典雇並非鬻賣其所居均係草屋恐為他人占住即拆去上頂堵塞戶牖以俟歸家修葺亦非拆屋賣料十空六七至典鬻衣物及攬食草子等情樂歲亦所不免非本年僅有之事均不至如傳言之甚前已奏准分別緩徵出借口糧並經官捐煮粥穀雨前後均需透雨種秋未晚不至成災所奏自係實在情形惟該處係積歉之區即如

該署撫所奏生計已不為不虞現在雖經得雨足資耕種而此後是否陽雨應時將來秋收分數若干並出外貧民能否次第歸農不至流離失所該署撫均應隨時留心察訪據實入奏儻該地方官並不隨時稟報或經理未協亦應分別嚴叅斷不許稍有諱飾封疆大吏必以安民為先偶遇旱潦不時尤宜盡心撫卹若必待有人條奏經朕特旨垂詢始行派員周歷查訪則是平時置民瘼於不問

豈不大負委任之意該署撫惟當以實心行實政務使民安其業不至一夫失所勿徒以空言塞責也將此諭令知之○署山東巡撫程含章覆奏訊明前任湖北漢黃德道莊均一控告莊訓等捏報家產盡絕雖無索詐情事惟於稟控事件擅用帶回官封由驛馳遞實屬任性妄為請交部議處得旨著即革職以示懲創○工部尚書兼管順天府府尹事陸以莊因病解任以吏部左侍郎王引之為

工部尚書吏部尚書盧蔭溥兼管順天府府尹事署工部左侍郎潘世恩為吏部左侍郎兼國史館副總裁官○癸未諭內閣蔣攸銛等奏查明黃河下游切灘阻遏情形一摺前因南河堵合減壩黃水倒漾復將禦黃壩封閉經朕特派蔣攸銛等前往江南將關孟兩灘新舊河詳細察看並令親往高家堰周歷履勘茲據奏稱清黃相為表裏因南岸黃水節次漫口湖早受淤堰工愈形喫重前年高

堰石工坍塌。因迫於時。日搏估趕辦。年年保固賠修。仍係入水摸砌。現在加築後戩土工。亦難深恃。該督等因清水不能敵黃。祇有落低黃水一法。請開減壩。騰出正河。一律挑挖。下游山安海防兩廳所屬閘孟兩灘。俱係膠淤。該督等泥於逢灣取直成法。並輕聽睢南同知唐文睿兩灘並挑之說。決意估辦。而河自十數里外。已有迅激斜注。埽灣之勢。乃從埽上攔截。另挑取直。以舊河寬百餘丈。至二百七十八丈之水。欲迫而納。諸僅寬二十餘丈膠淤之地。不能塌寬。轉成倒漾。迨拆去灘際之攔黃壩。堰大溜始順歸舊河。現用浚沙船往來疏濬。可望深通。難期速效等語。琦善等急於奏功。泥於師古。並未博採眾論。輕聽唐文睿一人之言。不加詳察。以致數百萬帑金。竟成虛擲。咎無可辭。琦善前已降旨。拔去花翎。張井。潘錫恩。分別遞降頂帶。仍著一併交部嚴加議處。現在漕船全數北上。所有倒

塘各費。已著落琦善等分賠。轉瞬伏秋大汛。仍責成該督等虛衷商榷。竭力補救。督飭道將廳營加意防守。其堰圩各工。時加保護。並本年回空軍船。及早歸次。儻有疏虞。阻滯朕惟琦善等三人。是問。其在工人員。除鹽道德啓並未督同估工。著毋庸議外。同知唐文睿。狃於從前節次辦法。輕率債事。糜帑殃民。非尋常錯誤可比。蔣攸銛等請將該同知革職留工效力。不足蔽辜。唐文睿著革職。再加枷號一箇月。滿日發往伊犁充當苦差。淮揚道鄒錫淳。淮海道羅琦。未將工段難易通盤詳酌。致河弁有未能完工。情急自盡情事。雖無剋減情弊。實屬辦理失當。鄒錫淳。羅琦。俱著交部議處。○又諭嚴烺奏東省運河等廳應動四女寺支河息銀請飭追還款一摺。東省運河。加河。上河。三廳塘河。關繫運道民生。每年因汛漲受淤。冬挑春運。節經奏准動用四女寺支河餘息。辦理自應經久常行。近年該

款息銀均未如數解司以致各該廳無款籌挑兩岸堆積之土愈形陡峻誠恐雨水衝卸阻運累民自係必不可緩之工著長蘆鹽政飭令運司查照嚴煇單開未撥銀數勒迫商人照數完繳山東藩庫撥發還款此後務令年清年款仍由藩司撥發轉運毋許任意遲延致誤要工○以內閣學士朱方增為

玉牒館副總裁官○以山西平陽蒲州解絳四府州所屬距省較遠命嗣後秋審及遣軍流

徒各犯歸河東道就近審勘從巡撫福綿請也○甲申戶部議准調任浙江巡撫程含章疏報仁和石堰玉泉穿長黃巖海沙六場寬地三百四頃三十五畝有奇照例升科從之○乙酉諭內閣四川省採辦

昌陵

聖德神功碑樓所需木植已據該督奏報於上年三月內起運當經降旨飭令沿途催趲至今尚未抵工著湖北江西江南山東直隸及

漕河各督撫查明經過地方一體照料飭催迅速運抵工次毋許遲延致誤要需○諭軍機大臣等據寶興奏查出回乾樹株請將有礙觀瞻處所於本年九月以前先行伐除等語著寶興即行知欽天監於七月擇定吉期照辦其所伐樹株應如何選料備用及偏僻處應分年伐除之處該總兵當查照向例覈實辦理可也將此諭令知之○命工部尚書王引之右侍郎阿爾邦阿勘估

泰陵

聖德神功碑樓工程○丙戌諭內閣前因河湖交敝經琦善等再三熟商始定啟放王營舊減壩之議據奏挑挖正河引清刷滌將來挽復故道既可掣溜通漕而河身亦可日漸深通並稱遲至八九月間啟壩彼時秋稼登場小民更可無虞失所朕以該督等既為此奏自必確有把握是以不惜帑金不為遙制悉照所議辦理乃始因湖水異漲大啟開壩宣

洩迨宣洩不暢。趕開減壩。以為迅啓禦壩暢洩湖漲之計。致下游州縣田廬俱被淹浸。居民蕩析已屬辦理不善。然果能一舉奏效。尚當權利害之輕重。不復深責。及至本年堵閉減壩。而黃水仍未消落。運道依舊不通。並將下游挑工前功盡棄。是不但將數百萬帑金輕付一擲。且使數州縣生靈徒受災浸。流離遷徙。該督等議舉大工。不知集思廣益。竟輕聽唐文睿一人謬論。致誤事機。糜帑殃民。莫

此為甚。使該督等捫心自問。尚有何顏對數百萬災黎耶。茲經吏部議將琦善等照溺職例革職。本應悉照部議。即予褫革。姑念琦善平日辦事尚屬認真。在山東巡撫任內頗知整頓河務。本係兼轄。著即開缺。加恩降為二品。來京另候簡用。張井潘錫恩專司河務。種種貽誤。其咎更重。惟此時若遽將伊等罷褫。轉得置身事外。豈反令他人代為補救乎。張井潘錫恩俱著革去頂帶。仍留河督之任。以

觀後效。此係朕格外加恩。俾令戴罪自贖。若果能激發天良。於伏秋大汛經臨。全河悉保安瀾。今歲回空。明年重運。均能無阻。尚可少贖前愆。儻河湖運道稍有疏虞。必當從重治罪。決不寬貸。其部議降三級調用之淮揚道鄒錫淳。淮海道羅琦。俱著加恩改為降四級留任。不准抵銷。○以大學士托津管刑部事。○以大學士蔣攸銔為兩江總督。○旌表守正捐軀四川劍州民趙上勳妻楊氏。○丁亥

上詣綺春園問

皇太后安。○諭軍機大臣等。據馬應國奏。南糧頭進尾幫。及二進首幫。挽出臨清閘口日期。並稱現在衛河水勢微弱。撥船不敷。輪轉將攜帶客貨。全行勒卸。督率文武官弁。刻速撈漕。本日又據程含章奏。自三月以來。衛源淺弱殊甚。現在至淺之處。僅存水二尺六七寸。幫船喫水四尺以上。計不敷水一尺六七寸。由臨清閘外起。所過地方。節節淺阻。即再加

撈空而衛水挾沙而行水緩沙停旋撈旋積逐船起剝將船米客貨悉行起空行不數里依然淺阻即剝船亦無如許之多全賴漳衛二河之水長發浮送等語臨清閘外運河向多古淺現在衛河來源又復微弱重運漕艘已全數渡黃連檣北來一幫頂阻則後幫盡皆停待必須先事妥籌方不致節節阻滯程含章現已飛咨豫省將各泉閘壩悉行起放著程祖洛即飭屬妥辦勿任沿河居民截阻

本月初間直東兩省均報得雨豫省曾否均霽漳衛來源是否增長並著該撫查明具奏以慰廑注其臨清閘外至北運河一帶著那彥威程含章速飭各屬將淺澀處所設法撈濬並多備剝船期數輪轉務令漕船過行無虞阻滯為要將此各諭令知之尋奏各屬雨澤霑足漳衛河水亦皆增長報聞○命工部尚書穆彰阿在軍機大臣上學習行走以京營左翼總兵耆英為步軍統領兵部左侍郎

奕經兼京營左翼總兵○戊子遣官祭關帝廟○旌表守正捐軀山西定襄縣民趙連生女銀姐○己丑

上御勤政殿聽政○調兵部左侍郎奕經為工部左侍郎工部左侍郎奎照為兵部左侍郎以降調倉場侍郎申啓賢為內閣學士兼禮部侍郎御詹事府少詹事普保為太僕寺卿○庚寅諭內閣戶部議覆阿揚阿等奏請援案調劑東商四條東商鹽引鹽票向以二百

二十五斤為一引近因長途盤運虧折日多著照所議准其援照長蘆之例量為加耗每引加二十斤南運鹽每引加二十五斤俟商力稍紓該鹽政等即奏明停止其各商應完積欠銀五百三十五萬二千六百餘兩亦准其援照長蘆成案暫行停徵俟加價一半歸商後即嚴飭該商人等各按原定年限照數徵收無許延宕所有單開銀數不符之處著分別造冊送部查覈至各項帑本生息銀兩

係京外各衙門歲支公用所需該鹽政等請酌留一半常川生息以一半作為本利銀一百九十九萬兩自道光十年起分作二十限完交此項帑本減半生息之後於經費有無短絀著該鹽政等查明各衙門是否足敷支發再奏明辦理並將未停各款查明款目及息銀若干一併開單聲覆無任稍有含混所有本年六月已屆奏銷五年引課之期現因課運未能兼顧該鹽政等請減半奏銷分限

帶徵著姑允所請准其將五年引票正課先徵十分之五銀八萬七十八百兩零其餘緩至明年奏銷分三年帶徵於道光十年帶徵全完此係正項錢糧攸關經費朕格外施恩該鹽政不得援以為例嗣後總須激發天良按年清款儻再有遲逾定將該鹽政運司等從重議處虧欠之商人等照例治罪無謂特恩可以屢邀也○命綏遠城將軍奕額來京以歸化城副都統富爾嵩阿署綏遠城將軍

○辛卯  
上幸靜明園詣

龍神廟拈香○諭軍機大臣等本日長齡等由六百里加緊馳遞奏摺朕以為必係拏獲張逆或得該逆切實下落相機督捕乃披閱摺片僅係帶兵出卡捕逆情形一派空言覽奏實深憤懣安集延布噶爾係該逆遁跡之藪其次則汰劣克阿坦台為該逆羽黨長齡等俱所稔知前此早應籌及何待今日如夢

方醒而為此敷衍塞責耶長齡自到軍營節經降旨勿令張逆逃出卡外不啻至再至三乃張逆於三月初一日從數十騎遁去距四月二十二日發摺時已五十餘日該逆雖如鬼如蜮何至毫無蹤影該將軍等所辦何事汰劣克阿坦台伊里斯滿底等斷無不知該逆下落之理惟汰劣克阿坦台曾經從逆明知其逃匿之所或未必即肯吐實但既據抱經設誓已屬回心效順即應向其確切根究



伊里斯滿底遣遞馬匹求賞差使經長齡等給以回諭並賞給銀牌綢緞等物令其幫拳張格爾伊果能擒送自當照格封賞惟該夷類多疑詐均未指有確向亦難據以為憑朕意夷眾固屬狡譎或長齡等已知張逆所在因卡外道路紛歧且係外夷地方竟爾束手無策恐未能即時擒獲致罹重咎故為此尚無下落之說若果如此則居心更不可問試思興師動眾若不速得首逆作何了局長齡

等將何顏對朕耶前奏馳催霍罕將該逆妻子縛獻曾否得有該處回信是何情形著迅速據實奏聞所奏現商令武隆阿挑派滿漢官兵四千二百名馳赴圖舒克塔什卡外暫行駐劄該參贊若遵照前旨早由烏什草地前進豈但張逆可就擒獲亦必早膺懋賞又何必如此周章也長齡現派官兵在各要隘安營聯絡聲勢一面飛諭汰劣克等部落自應如此辦理務須得有該逆確實下落設法

擒拏期於必獲此時四城全復張逆苟延殘喘不值久駐重兵致糜糧餉著該將軍等通盤籌畫出卡兵應需若干留防兵應需若干其餘兵丁先撤若干一面具奏一面迅速辦理至另片奏投效各員請量予鼓勵一節前已疊經降旨不准委用投效之人何得仍行冒瀆陳請長齡等不思速拏首逆以伸國威而鋤餘孽惟知為各員乞恩是誠何心所有單開之候選知縣石常泰等俱不准行將此

由六百里加緊加快諭令知之○予故福建巡撫前任陝西興安府知府葉世倬入祀名宦祠從護陝西巡撫徐忻請也○壬辰皇后千秋節宮內行禮如儀停止筵宴及在外公主福晉命婦行禮○諭內閣那彥成奏剝船限滿例應排造一摺直隸北運河商捐剝船一千五百隻已屆十年限滿自應照例排造著准其循照成案交江西巡撫湖廣督撫一體派員購料造辦分四限解交直隸內初



限船四百隻。著於本年造齊。務於道光八年四五月間解到。其二限船四百隻。三限船四百隻。四限船三百隻。均照初限排造。於道光九十一年等年解到。以濟剝運。所有應需船價。並運腳。共銀四十一萬一千五百三十一兩。仍著照案。先在江廣二省藩庫籌款辦理。作正開銷。至直隸應交款項。除動用節年道庫積存油艙銀五萬三千九百六十四兩零。尚不敷銀三十五萬七千五百六十六兩零。

著照歷屆章程。自道光七年起。分作十年。每年捐銀三萬五千七百五十六兩零。按江廣等省動用開銷銀數。解交部庫歸款。惟現在商捐銀兩。須俟十年捐足。並著先行借動運庫城工銀二十六萬兩。同天津道庫積存油艙暨各商現年捐交銀兩。自道光七年起。分作四年。於每年十二月間。由鹽運使解赴部庫交納。俟商捐銀兩按限交足。仍歸原借城工銀款。至舊撥船一千五百隻。本係商捐。著

交商自行變價。該部知道。○又諭琦善等奏請移設緝私卡隘一摺。江西省行銷淮鹽境地毗連閩粵等省。鄰私最易侵灌。據該督等酌量情形。請將宜黃樂安二縣陸卡裁撤。移設峽江縣龍母廟地方。著照議妥辦。即由南贛鎮就近在臨江永豐等四營內遴委都司一員。派兵五十名。另委佐雜一員。帶役八名。會同堵緝。半年一換。所需員弁公費等項。仍由商人照例捐給。儻再有私梟偷漏。即將該

官弁兵役分別叅革。其所請於萬安縣芙蓉門上游之觀瀾門添設一卡。並泰和縣馬家洲另設卡隘。俱著妥籌試辦。總期私梟斂跡。不得徒託空言。○補行道光六年大計。福建年老官四員。有疾官一員。才力不及官一員。浮躁官五員。不謹官三員。處分如例。○緩徵直隸開元城大名南樂清豐平鄉廣宗鉅鹿廣平雞澤十州縣積歉村莊節年民欠錢糧。○癸巳以甘肅西寧緝捕賊番出力。予永安

營遊擊馬鳴謙等加銜升敘畏葸不前之左營守備任飛熊等革降有差○甲午諭內閣明瑛前經犯案擬杖平時教習拳勇已不安分復因裕豐倉發放成色官麥輒以為土麥夾帶好麥糾合棍徒攔車入城冀圖訛詐得錢實屬藐法明瑛前已革去頂帶著宗人府堂官看視重責四十板以昭炯戒即行發往吉林交該將軍嚴加圈禁如敢出外滋事從重懲治無稍寬貸○又諭土爾扈特汗策登多爾濟年已及歲尚堪造就即照德英阿所奏公策伯克扎布所署汗扎薩克及盟長印信俱著交策登多爾濟令其辦理游牧事務並著照常奉養伊母哈屯喇什丕勒嚴行管束阿勒巴圖人等○乙未

上詣綺春園問

皇太后安○諭內閣戶部議覆張青選奏兩淮引目壅滯請展限奏銷一節淮鹺引滯課懸現距奏銷期限為時無幾勢不能於數月之

內行兩綱之引尚係實在情形著照所議准其將丁亥六月奏銷丙戌引課展至戊子二月奏銷以後遞展一年至庚寅綱帶戊子引鹽完竣再將辛卯綱引照從前灑帶之案分年帶運帶徵至癸巳年復還本綱奏銷原限此係朕格外施恩姑允所請該鹽政即當督同運使激發天良力加整飭冀鹺務日有起色既不得於癸巳年復還原限之後再行瀆請展帶而積引新綱應行撥解各項必須按

限趕緊照數完繳報撥如再藉詞稽延必當從重嚴懲至所請將丙戌以後三綱應還賠課解款改自辛卯綱起分三限歸還並提引帑本等項先於丁亥以後四綱解還之處徒事那移無裨實效毋得率議更張致滋弊混其引鹽加斤請自奉旨之日起扣足三年停止一節著照所奏辦理又另片奏請將楚西綱岸加價銀兩俟售鹽後繳納一節楚西綱鹽與淮南食岸及淮北各岸專岸專商者情

形不同。著照所議。准其將此項加價銀兩。於到岸銷鹽後。隨時交納。責成湖廣。江西各鹽道。覈實收解。按三月造報一次。聽候撥用。仍令該鹽政於年終彙奏。以憑考覈。如有絲毫短欠。及報解遲延。那移侵隱情弊。除將該商照正課例治罪外。仍將該管道員。及該鹽政。懲處不貸。○旌表守正捐軀四川江津縣民王開遠妻劉氏。○丁酉。諭內閣。蔣攸銛奏。懇揀員隨帶一摺。刑部員外郎王瑞徵著准其

帶往江省差委。如果實在勤勉。奉公俟半年後。遇有兩江相當知府缺出。酌量奏請補用。○戊戌。

孝恭仁皇后忌辰遣官祭

景陵。○諭內閣。嚴烺奏。酌估黃河兩岸。加高隄堰等工一摺。豫東黃河。本年底水較大。來源長水復早。下游未能通暢。上游亦逐漸淤高。前經降旨。令嚴烺將應行籌備各事宜。迅速估辦。並小心防範。毋稍疏懈。茲據該署河督

較量上下游形勢。請將隄堰壩閘出水較矮者。分別加高。並加築子堰。幫寬隄頂。及填補溝窪坑塘殘缺等工。內取土較易之工。仍照例價覈給。其剗沙運淤。隔水隔隄。登高遠遠。委實艱難者。每方於例價外。分別酌加津貼。統計南北兩岸。除衛糧歸河二廳減緩外。豫省十一廳。共估例價並津貼銀九萬一千四百四十六兩零。東省曹河糧河兩廳。及曹考廳之曹上汛。共估例價銀一萬一千六百八

十七兩零。著准其於豫東兩藩庫撥發。解交各道趕辦。勒限秋汛以前。照估完報。此項工程。原因河底墊高。備防異漲。現距伏汛不遠。該署河督業已飭各道先行墊銀。擇要趕辦。惟當隨時查察。實力督催。如有遲延草率。立即按名嚴參。勿稍徇縱。總期工歸實用。帑不虛糜。俾大汛經臨時。足資保衛。毋得稍有疏虞。致干重咎。該部知道。○以故奉恩鎮國公永玉嗣子奉國將軍綿順降襲。不入八分鎮

國公○以故奉恩將軍奕涓弟奕還襲職○命病痊駐藏幫辦大臣敦良以四品京堂候補○戶部議准福建巡撫韓克均疏報侯官福安二縣開墾地三頃五十三畝有奇照例升科從之○以湖南衡山縣糧價漸昂命平糶倉穀○己亥諭軍機大臣等鄧廷楨奏拏獲習教各犯辦理情形一摺據稱賴州府屬阜陽縣民王會隴等習教傳徒先將王會隴並伊子王家相等暨趙中信俞平修及河南

鹿邑縣人朱文祥等拏獲又續獲河南人鍾占魁鍾老泳熊采趙松高登第五名在高登第家起獲白蠟桿三十根並獲王會隴之子王更供稱曾往河南朱文友家見一白鬚老者說是朱毛俚令伊磕頭給朱符一張一面飛咨河南巡撫督屬會拏現獲朱文友之父朱彥輔等朱文友旋亦就獲將現獲各犯委員解省嚴審所辦甚好匪徒斂錢惑眾最為地方之害愚民被惑日久恐致滋生事端必

當徹底嚴究杜患於未萌現獲之王會隴等業已供認傳徒騙錢寫立西天老教神牌各人燒香磕頭傳授經語並朱文祥在王會隴家教授拳棒屬實雖經搜查並無違悖器具及圖像經卷從前匪犯滋事案內亦無該犯等姓名並非逆黨餘匪惟朱文友因何買備白蠟桿寄在高登第家朱文祥何以在王會隴家教習拳棒亦難保無謀為不法情事至所供江西逆犯朱毛俚在彼往來與嘉慶十

九年通緝年貌迥不相符且係通緝多年要犯豈肯據實直說自取敗露亦非情理惟王更等供詞鑿鑿而朱彥輔等又堅不吐實或係匪犯假託逆名希圖惑眾究竟王更所見白鬚老者係屬何人朱文友等既已就獲自不難研究得實捕獲質訊其所供在逃之沈明月沈明星閻小墜王得遠王文斗周巨張老效金占康魏潮玉梁占魁張步正蔣桂梁李三鹿永成楊貫林等俱經捐錢入教該

逸犯等均籍隸河南。據奏程祖洛業已飭委道員會同督拏。務即按名捕獲。無使漏網。並此外實在習教者尚有若干。亦應切實訊究。該撫等當不分畛域。督飭文武員弁。密速掩捕。與已獲各犯一併訊明。是否僅止斂錢。抑竟謀為不法。分別定擬。毋稍枉縱。至邪匪固不可不除。而良民尤不可擾累。該撫等惟當不動聲色。並嚴飭所屬。毋得任聽胥役藉端訛索。及匪犯信口妄扳。轉致波及無辜。將此各諭令知之。尋覆奏。訊係趙中信起意。王會龍聽從同行。趙中信依傳習白蓮邪教拜師。傳徒為首者例。擬絞立決。王會龍王東俞平修高登第依學習白蓮教為徒例。擬發回城為奴。餘分別軍流定擬。下部議從之。○調江寧布政使張志緒為山西布政使。以陝西按察使林則徐為江寧布政使。前任甘肅按察使方載豫為陝西按察使。○旌表守正捐軀山西山陰縣民王日善妻馮氏。○除直隸昌

平州慶僖親王墳園占用民地四頃二十九畝。有奇額賦。○庚子。上詣大高殿行禮。○還宮。○以夏至祭地於方澤。自是日始齋戒三日。○壬寅。諭內閣。彥德等奏請旨將塔爾巴哈台之什德哩牧廠添設備差馬一百匹。按照從前倒斃六釐數目。改為三分報銷等語。現在塔爾巴哈台貿易商民較前倍增。哈薩克等亦較為艱窘。盜劫案件漸多。遇有盜案。即時出派官兵乘馬躡緝。方於邊務有裨。即照彥德等所奏。著在什德哩牧廠添設馬一百匹。以備差役。此項新設馬匹。著即照從前軍臺三分報銷之例辦理。用示朕矜恤蒙古臣僕至意。至倒斃數目。若逾三分。仍著落牧放之人賠補。如有出差官兵。不惜馬力。任意馳驅者。其所倒斃馬匹。即著落該官兵賠補。該衙門知道。○諭軍機

大臣等據恩銘等奏修整鐵瓦車及木輪車選用官馬購買牛隻分別駕運雇用回夫驅策送至吐魯番交收已陸續收過車八十五輛嗣接方載豫湯鼎文稱應由哈密雇覓長夫發給盤費直解大營經恩銘等以哈密並無居民所雇回夫向不出境咨行長齡及賡音岱並未將此項車輛如何運送咨覆續送車至吐魯番無人接收又運至托克遜據賡音岱方載豫稱奉過揚威將軍長齡飭知此項車馬吐魯番不必接收轉飭原兵直送大營回夫不肯過境俱已旋回將車五十一輛寄放該處馬匹無處支領草料暫為收放尚有業經起運馬車四十輛牛車五十輛接收與否均未可定更有未經起運牛車一百餘輛暫緩運送等語覽奏殊堪詫異試思軍營糧運至為緊要前因駝隻歇夏屢諭鄂山等豫為籌畫哈密所辦鐵瓦木輪車四百餘輛自以轉運兵糧為急何以解送車輛至吐魯

番無人接收復送至托克遜輒又稱係奉長齡飭知不必接收轉飭直送大營則更不成話矣如果吐魯番不應接收何以前此陸續收過哈密車八十餘輛現在大營除運糧外又何需如許車輛長齡何以有此飭知有何案據此項車輛原可作為長運之用現已節交夏令前運駝隻歇廠托克遜以西如何設法轉運著鄂山盧坤一面籌畫妥速辦理一面查明此項車輛應如何運用何以吐魯番不肯接收及長齡等是否有此飭知據實覆奏並將此不肯接收一節令賡音岱明白回奏並將長齡札飭一併進呈總之大營兵糧最關緊要務須將轉運腳力通盤妥籌權宜調度以期源源接濟無得各存意見過分畛域有誤要需將此由六百里各諭令知之○修築浙江海寧仁和二州縣東西兩塘柴埽隄工從署巡撫劉彬士請也○癸卯夏至祭地於

方澤

上親詣行禮○幸圓明園○詣綺春園問

皇太后安○甲辰諭軍機大臣等向來各該衙

門報銷銀兩黃冊俱鈐用印信以防抽換本

日據武忠額將修理黃新莊半壁店秋瀾村

梁格莊四處行宮銷算工料銀兩黃冊呈覽

並未鈐印殊與體制不符著傳諭武忠額嗣

後報銷工程黃冊俱應照例鈐用印信以昭

慎重馬蘭鎮事同一律並諭令寶興知之○

宣宗實錄

卷二一八

四川總督戴三錫七十生辰賞

御書扁額福壽字並珍玩文綺

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十七

宣宗實錄

卷二一八

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十八

監修總裁官臣等謹將宣宗成皇帝實錄卷之一百十八次臣等謹將宣宗成皇帝實錄卷之一百十八次臣等謹將宣宗成皇帝實錄卷之一百十八次

七次大臣等謹將宣宗成皇帝實錄卷之一百十八次臣等謹將宣宗成皇帝實錄卷之一百十八次

內務府大臣等謹將宣宗成皇帝實錄卷之一百十八次臣等謹將宣宗成皇帝實錄卷之一百十八次

監修總裁官臣等謹將宣宗成皇帝實錄卷之一百十八次臣等謹將宣宗成皇帝實錄卷之一百十八次

載修

道光七年丁亥閏五月乙巳朔諭內閣回疆

實錄卷一百十八

八城自入版圖以來任土作貢歲有常經該  
回戶踴躍輸將爭先恐後上年逆裔滋事喀  
什噶爾等四城先後陷沒經朕命將出師現  
俱克復該逆裔逃竄卡外不難立就誅戮大  
功指日告竣因念阿克蘇烏什庫車喀喇沙  
爾四城自軍興以來各回戶協同防守各路  
大兵經臨壺漿載道效順輸誠殊堪嘉獎至  
喀什噶爾英吉沙爾葉爾羌和闐各城從逆  
回眾現已悉就殲戮其未經從逆者天戈所

指獻款爭迎具見忱悃且被賊滋擾多時田

園廬舍蹂躪殆盡亦復深堪憫恤著加恩將

回疆八城應徵上年並本年糧石布匹貢賦

等項一概准予豁免用示朕休養生息加惠

回疆之至意○又諭上年張逆滋事曾經降

旨將年班應行入覲之伯克等暫行停止令

於本年入覲今大兵進剿四城克復回疆全

就蕩平正在陸續凱撤該伯克等尚有應備

差務著長齡德英阿即轉行各城大臣飭令

實錄卷一百十八

本年應行入覲之回子伯克等仍著暫緩來  
京俟明年照例入覲以示體恤○諭軍機大  
臣等長齡等克復喀什噶爾已經三月朕無  
時不懸盼擒獲逆首捷音今既擊獲奸細巴  
依莫特等撥出逆匪潛通信字究訊張逆現  
在木吉地方潛匿該將軍等派令安福等四  
人帶兵二千餘名出卡掩捕惟恐兵力尚單  
應再於楊芳齊慎二人內添派一人其周志  
林所帶官兵五百名前往往接應必須聲勢聯



絡期於前敵有濟。楊芳現駐和闐。擒捕零匪。如能迅速調令出卡最妥。或一時不能調集。烏什草路距喀什噶爾較近。即令齊慎前往。會同安福等妥速辦理。伊薩克拏獲形跡可疑之布嚕特巴依莫特等四名。突出張格爾適匿蹤跡。甚為可嘉。伊薩克著加恩先賞給白玉翎管一箇。白玉搬指一箇。大荷包一對。小荷包四箇。以示獎勵。總兵余步雲追捕和闐逸賊王努斯。副將胡超追捕喀什噶爾逸

實錄卷一百八

上

賊左霍爾。悉就捕誅。所辦甚好。余步雲著加恩賞給提督銜。胡超著加恩以總兵即行升用。所有連次打仗受傷陣亡官兵著查明咨部照例分別卹賞。此時四城已經克復。從逆零匪。擒捕殆盡。逆酋窮蹙逃竄。指日就擒。未便仍留全師久駐荒徼。虛糜軍餉。喀什噶爾現有該將軍參贊等在彼駐劄。葉爾羌辦事大臣著派達凌阿前往署理。巴哈布著署理幫辦大臣。英吉沙爾領隊大臣著派蘇清阿

前往署理。和闐領隊大臣著派成玉前往署理。史善載暫令幫辦。該三城祇宜酌留官兵鎮撫。無須多兵駐守。著該將軍等悉心籌畫。或將省分較遠之四川省原調續調官兵酌撤數千名。及東三省官兵三千名內酌撥二千名。派令帶兵大員先行統帶各回原營。其餘官兵應先撤若干。酌留若干。該將軍相度情形一面妥辦。一面奏聞。不必俟奉到諭旨再令起行。其善後事宜亦應熟商妥籌。豫為

實錄卷一百八

四

辦理。現准該將軍等所奏。飭令恆敬速赴喀什噶爾幫同經理一切。方載豫昨已有旨補授陝西臬司。並令即赴新任。無庸再令幫辦。又據奏伊犁民遣一千五百名。除各處民人暨已赦遣犯。照凱撤征兵資送回籍外。未赦遣犯九百三十九名。悉予免罪釋回。尚無不可。惟請將無家可歸者。分撥口內各營入伍。斷不可行。該將軍等應即傳旨免罪釋回。咨送該原籍。一面行知各督撫妥為安插可也。

將此由六百里加緊加快諭令知之○又諭恒敬奏遵旨查明那彥寶等進山勦辦布魯特情形並稱聽從張逆勾結之庫圖魯克業已擒獲護解大營所辦甚好此次擊獲庫圖魯克之出力官兵著即咨報長齡等查明奏請鼓勵再本日據長齡等奏調恒敬前往喀什噶爾幫辦一切善後事宜恒敬著即前往幫同辦理多貴著署理烏什辦事大臣慶廉作為幫辦大臣該大臣等惟當遵照節次諭旨鎮靜防守如布魯特等並無搶掠不法情事不可帶兵輕出卡倫致累無辜將此諭令知之○貸湖北黃州協道士汛營兵丁穀石○丙午諭內閣刑部議覆高孚奏湖北孝感縣民丁庭青京控該縣糧書劉祥超侵吞運漕水腳銀兩一案該縣漕南糧米嗣後著仍照舊章辦理惟運漕水腳銀兩必應當堂給發甲首總甲二役亦由該船民自行舉報不准該縣派充並著該管上司及該縣嚴加查

察如有書役侵扣勒派情事隨時據實懲辦毋稍寬縱○諭軍機大臣等昨因四城戡定惟逆首張格爾窮蹙逃竄即須派兵追捕亦未便仍留全師久駐荒徼飭令該將軍等酌撤官兵並將善後事宜及時妥辦朕思楊遇春出關日久陝甘總督事務緊要凱撤官兵亦不可無統兵大員彈壓所有應撤官兵即著楊遇春分起督押啓行俟進關後先行來京陛見再回陝甘總督之任楊芳著補放參贊大臣該提督素嫺軍旅現既授為參贊凡一切設謀用間及調度追勦各機宜必須盡心竭力與長齡武隆阿知無不言言無不盡總期將張逆設法擒拏務在必獲不可因有將軍在前意存遷就觀望方為不負委任史善載無庸留駐和闐著即回阿克蘇等候凱撤官兵到彼酌分一起管帶進關即回本任昨據長齡等奏令恒敬方載豫赴喀什噶爾幫辦善後事宜因方載豫已放陝西臬司祇

派令恆敬前往著再調派誠瑞前赴該處與恆敬幫同該將軍等妥為經理容安現已有旨補授阿克蘇幫辦大臣其所解逆裔呵里雅已諭令嵩惠迅速迎赴前途小心押解來京矣將此由六百里加緊諭知長齡楊遇春武隆阿並諭楊芳知之○丁未諭內閣嵩惠來京後著毋庸再回哈密著果勒明阿為哈密幫辦大臣○鑄給直隸大名鎮新設中營遊擊關防從總督那彥成請也○戊申諭內

宣宗實錄

卷二八

閣各直省延致幕賓幫辦文案必須駕馭防閑務絕弊竇若以劣幕久占一署情偽愈熟舞弊愈工以致罔顧聲名把持公事朕風聞各直省幕賓盤踞省會聯絡聲氣招攬事權所在多有並有招致親串布散黨羽或倚仗上司借聲援以圖影射或勒薦屬吏分脩脯以遂私謀甚至以不諳律例者指名推薦亦必重資聘請遇有重案則包封送省代辦如各員另有延請遇案件上詳多方駁飭或行

宣宗實錄

卷二八

提官吏藉圖拖累遂令幕友別圖一館必先與伊等關通各官別延一幕必先託若輩照應此等劣幕本係無職業游民一經盤踞大為地方之蠹不可不嚴行飭禁著各省督撫大吏破除情面密加訪查遇有此等劣幕立即逐令回籍不得以辦事熟諳為詞致若輩互結黨援肆行無忌也將此通諭知之○諭軍機大臣等寄諭湖廣總督嵩孚御史程德潤奏請修復隄防以資保障一摺據稱湖北安陸府屬京山縣王家營隄工於道光二四六等年屢次潰口下游各州縣連年被災而天門尤當其衝民田廬墓及城池倉庫多被淹浸上年冬間經該督奏明親往履勘並委各道府集議博採眾論期為一勞永逸之計現在上游居民倡議廢隄紛紛聚訟或廢或修尚在未定本年四月桃汛忽來所有上年被災各處又復汪洋一片轉瞬伏秋大汛經臨春麥既未登場秋禾亦難播種請飭相度

修築等語。該處王家營隄工。田廬城郭。攸資保障。若不及時修復。致令潰溢成災。迨奏請撫卹緩徵。而居民業已失所。至稱議廢舊隄。必須另開河道。建築新隄。工程經費。尤屬倍蓰。著該督前赴該處履勘。相度形勢。悉心籌議。設法修築。務令隄防得資捍衛。而災黎均各復業。是為至要。該御史摺著鈔給閱看。將此諭令知之。○又諭據張井等奏淮水節經報長。現在高堰誌橋存水一丈六尺四寸。亟須減洩。已先將楊糧廳境下游橋壩。於四月十六七等日。啓放。使運河之水。分注歸江。騰空高寶一帶湖面。俾得容納洪湖分減之水。旋於五月初一十四等日。將山盱之禮字河。仁字河。先後開放。過水其餘各河壩。俟察看水勢。相機酌開等語。前據奏近日清高於黃禦壩並未堵閉。是清水業已暢出。又經該河督等將禮字河先行啓放。湖水仍未見消。誌橋存水。較上年尤為旺盛。轉瞬大汛。經臨。仍

須堵閉禦壩。而湖水亦必接續增長。堰工倍形喫重。自不得不豫籌宣洩之計。惟下游各州縣民田廬舍。上年因啓放昭關等壩。業已全被淹浸。蕩析離居。本年籌辦宣洩事宜。雖據稱現在嚴守車邏等壩。不致淹及民田。而此後湖水日見增高。必須思患豫防。俾堰工可保無虞。而下游亦不致被患。方可稍贖前愆。若使災黎年年被淹。該河督等自問當得何咎耶。至堰盱土石各工。務須及早督催。工歸鞏固。其南北兩岸臨黃工程。亦應迅速勘辦。以資保衛。毋得稍有疏虞。將此諭令知之。○調綏遠城將軍奕額為盛京將軍。盛京將軍晉昌為綏遠城將軍。○已酉

上幸萬壽山。詣廣潤祠拈香。○戶部議准。署陝甘總督鄂山疏報甘肅正寧縣開墾地八十畝。照例升科從之。○除甘肅皋蘭縣被水衝刷地十頃一畝。有奇額賦。○庚戌

上詣綺春園問

皇太后安。○諭軍機大臣等。張逆現在木吉地方潛匿。惟當嚴飭各該員等。出其不意。密速掩捕。並曉諭奈曼愛曼布魯特比等。令其協力擒拏。萬不可再任遠颺。又致費手。俟續得擒逆消息。隨時速奏。以慰廑注。至助逆之庫圖魯克。得受偽封。業經審明凌遲處死。並將該犯之弟色第克等七名。立即正法。其隨同出卡傷斃官兵。小布魯特二十五名。解往烏什正法。實足彰國憲而快人心。該犯母妻及未及歲子女四名。並隨同叛逆布魯特家屬婦女幼孩七十六名。俱著發往伊犁。與察哈爾額魯特為奴。噶爾察實不知情。現在隨營效力。前經賞給四品頂帶。著即充奇里克愛曼布魯特比。此次出力之冲巴噶什愛曼布魯特比。斯底克。奇里克愛曼布魯特比。托依莫特。著各賞三品頂翎。銀各五百兩。托依莫特之子加立滿。斯底克之子珠瑪拜。著

各賞五品頂翎。銀各五十兩。其餘小布魯特及回子一百餘名。經該將軍等酌賞元寶銀牌茶葉布匹。並諭以如張逆竄至該處。即擒獻立功。定當照格封賞。所辦俱屬妥協。目下四城已就肅清。自應酌量凱撤。以節糜費。長齡等即遵照前旨。分別應留應撤。妥慎辦理。此次凱撤馬步官兵。肅州以西。著仍照軍營支給鹽菜口糧。並照例應付步兵車馬。肅州以東。俱著照凱撤之例辦理。此係朕軫念關外道遠。該官兵等夏令經行沙漠。是以格外施恩。嗣後不得援以為例。又侍衛慶廉前經降旨。授為烏什幫辦大臣。今據奏該員病未全愈。著准其隨同嵩惠護解。阿里雅來京。再喀什噶爾等四城南。經克復。亟須撫綏鎮靜。並密偵匪黨。前經降旨。將達凌阿。巴哈布。成玉。富昇阿。蘇清阿。容安。多貴。暫署各城辦事。及幫辦領隊大臣。該將軍留心察看。各該員俱能勝任。則已。如不勝任。或人地不甚相宜。

即密行奏聞以便更調此外從征各員內有能勝回城辦事之任者並著秉公保奏以備簡用將此諭令知之○以克復喀什噶爾及沙布都爾莊阿瓦巴特勦賊出力賞侍衛德勝額總管額爾古倫副總管哈丹保參領興安泰協領全凌阿佐領德成額色普星額佛靈保占布德克登布勒爾精額德克精阿色德克額斯庫都司段永福王萬得守備陳啓貴伯克伊薩克巴圖魯名號總兵官成玉等

花翎千總朱成貴等藍翎副將周志林總兵銜侍衛恩緒祥雲保那桑阿蘇清阿參領景福總管特松阿副都統銜道員楊翼武按察使銜餘升補議敘開復有差○辛亥諭內閣同疆自入版圖以來安居樂業者六十餘年大小回眾嚮化傾心均極恭順惟當日在逃之逆裔薩木薩克匿居外夷地方多年漏網其子張格爾於嘉慶二十五年潛圖煽亂擾及卡倫歷任參贊大臣等既不能即時掩捕

又未能嚴密防範以致該逆於上年六月間竊據阿爾圖什回莊乘機勾結白帽回子肆行猖獗喀什噶爾等四城先後陷沒並擾及阿克蘇經長清等屢挫賊鋒該逆始不敢東來窺伺朕君臨天下必應特申天討殲厥渠魁乃命長齡為揚威將軍楊遇春武隆阿為參贊大臣頒給印信帶巴圖魯侍衛調吉林黑龍江勁旅及陝甘四川等處並火器健銳營曾經出師官兵諭令勦撫兼施於本年二

月初六日由渾巴什河進兵天戈所指如摧枯拉朽洋阿爾巴特沙布都爾阿瓦巴特等處三戰皆捷殺賊至十餘萬生擒數千名張逆僅以數騎逃去喀什噶爾英吉沙爾葉爾羌決辰之間均已肅清和闐負隅抗拒我師一鼓作氣聚而殲旃四城全就蕩平此皆仰

賴  
吳蒼福佑  
祖

考垂麻迅奏膚功邊隅綏靖現在各城回眾從逆者概予駢誅乞命者量為寬貸莫不畏威懷德革面革心朕因張格爾乃元惡大憝不可日久稽誅屢降嚴旨令長齡等擒拏務獲第思該逆所恃者祇安集延及內地白帽回子今逆回悉就誅夷安集延大頭目色提巴爾第等又盡行剿戮張格爾縱以外夷為遁逃藪亦執之一夫力耳從前乾隆年間阿睦爾撒納竄至俄囉斯界旋伏冥誅霍集占等

竄至巴達克山亦即就戮獻馘今張格爾入卡肆逆生靈遭其荼毒斷無久逃天網之理現經長齡等差探張逆在木吉地方潛匿已派得力將弁帶領熟習路徑之回子乘其不意密速掩捕並派官兵絡繹前往隨後接應諒該逆釜底游魂無難剋期就獲不值多勞兵力且當此伏暑已近將士等勤兵萬里之外朕心實深軫念著長齡等一面將善後事宜妥為籌畫一面體察情形於喀什噶爾等

處酌留官兵彈壓揀捕其餘各路官兵即行分起次第凱撤以息勞動而節糜費用示朕保大定功止戈為武之至意將此通諭中外知之○又諭戶部奏州縣虧缺錢糧限滿無完請覈實著賠一摺直省各州縣經管倉庫責成該管上司層層稽覈詎容稍有侵挪如果實心查察遇案即參屬官各知畏懼何至任意虧空動輒盈千累萬乃平日因循瞻徇冀其自行彌補及至萬難掩飾始以一參塞

責參革後審訊虧缺之由往往以因公挪移為詞避重就輕開脫遷就以致帑項多歸無著積弊已極祇因向例州縣虧空限滿無完僅令該管知府直隸州知州分賠一半而道員藩司督撫例內並無著賠專條均得置身事外不足以示懲儆茲據戶部奏請援照江南安徽辦過成案責令該管上司一律攤賠著通諭各直省嗣後各州縣虧空銀米被參後先在本犯及家屬名下照例按限催追如

限滿完不足數。查明家產盡絕實在不能追交者。即將未完數目作為十成。無論原案是侵是那。俱著不行揭報之知府直隸州知州分賠五成。勒限追繳。其餘五成著失察之道員公賠二成。藩司分賠二成。巡撫分賠一成。均照代賠例限。按銀數多寡分年完繳。僅有兩案。准將前案銀兩依限清完。後再行接續追繳。至從前已叅未結各案。亦照此分別覈賠。並著各督撫嚴飭藩司道府。凡州縣交代

徵收存庫錢糧。悉令遵照戶部前奏限兩箇月。埽數提解司庫。仍於年終開單具奏。俾帑項不致虛懸。追賠俱歸有著。以昭覈實。○又諭戶部奏查明東商欠交添造剝船生息銀兩。請旨飭催完解等語。直隸添造剝船於嘉慶十六年經直隸總督長蘆鹽政奏明借撥山東徵收鹽斤加價銀四十萬兩交東商具領生息。分作十年捐出解部歸款。茲據戶部查明此項生息銀兩自嘉慶十六年起至道

光元年止。應交銀五十萬八千兩。除已交外。尚未完銀二十二萬六千二百二十餘兩。又自道光二年起至道光六年。應報撥銀十二萬五千兩。應解天津道庫銀十二萬三千兩。均未解交。以致墊項壓前積後。實屬宕延。著直隸總督長蘆鹽政逐一確查該商應解各款。其已屆限者。即勒令迅速完交。其未屆限者。屆限時即令按限清完。不得復行展緩。以杜積壓。而昭覈實。○諭軍機大臣等。那彥成

奏訪獲習教治病人犯。訊取大概供詞一摺。所辦甚好。此案戶祥李士貴等均係曾經習教匪徒。斂跡後不知改悔。竟敢復萌故智。往邀山東禹城縣教匪馮大坤。復興一炷香天爺教名目。編造歌詞。希圖煽惑牟利。現經該縣先後拏獲習教匪犯二十九名。尚有未獲匪犯十餘名。其禹城縣匪徒馮大坤是否已經獲案。必須根究確實。按名悉數嚴拏務獲。如馮大坤尚未弋獲。即當知會程含章飭屬



一體查拏。歸案辦理。固不可使匪徒漏網。亦不可任聽胥役擾累無辜。將此諭令知之。尋奏拏獲馮大坤詳細研訊。該犯與尹祥聽從李士貴習教傳徒。意圖煽惑。除李士貴已故毋庸議外。尹祥馮大坤應依左道為從律發回城為奴。下部議從之。○又諭據松筠奏卡倫官兵勒捐安集延等夷商。轉致霍罕伯克捏懇免稅。坐收其利。請嗣後安集延各項貿易夷商。到卡倫時。祇報人數。歇數酌量減稅。

免稅。及喀什噶爾四城。須循照舊制辦理。將烏魯木齊所謂之官兵四千名內留駐二千。加賞鹽菜。責令建築城垣衙署官房。移駐烏魯木齊兵丁家屬。作為眷兵。照西藏換防官兵減半支給鹽菜銀兩。並酌加駐劄大臣養廉。及侍衛官員兵丁等增給銀兩。又另片奏臺站回戶苦累。請將商民租種回地所收棉花酌抽稅銀分賞哈密至喀什噶爾一帶臺站回戶。以資調劑等語。回疆善後事宜。前飭

該將軍等妥為籌議。今松筠所奏各條。是否善後事宜內有可採之處。著長齡等悉心覈議。據實覆奏。松筠摺片著鈔寄閱看。將此附報便諭令知之。○壬子。諭內閣。御史盛思本奏請飭禁南河工員遠離汎地。以重修守一摺。河員職任修防。定地駐紮。原應往來工次梭織巡查。若無故聚集會垣。易啟奔競。夤緣之漸。今如該御史所奏。河工習尚繁華。以奔走趨承為能事。如徐屬之豐北。豐南各廳。則

常住徐城。揚屬海屬之外。北中河海防。山安海安海阜各廳。以及佐雜員弁。則常住清江。甚至平居飲食聚會。任意花銷。惟俟派委工段。藉將所領銀兩彌補私虧。如果屬實。必當嚴行禁絕。著蔣攸銑張井藩錫恩嚴飭各工員。遵照部定地址分段巡防。不許藉端逗留會垣。遠離工次。所有修守事宜。務當親身經理。毋得諉之幕友家丁之手。弊混開銷。致滋浮冒。○諭軍機大臣等。據劉彬士奏浙江甌

務內商網一款。每年計輸銀三萬兩。專為備貢而設。備公一款。每歲計輸銀六千餘兩。係為捐差路費及一切公用而設。歷年以來。商網備貢之外。可節省銀二萬兩。備公路費之外。可餘銀四千餘兩。歷任撫臣。皆取以津貼辦公。餘則為善舉之用。本年端節。應提商網庫存祇二千兩。其上年溢完商網銀一萬三千餘兩。應為本年備貢之用者。俱為程含章提用。歷查程含章及帥承瀛黃鳴傑任內。每

次提商網銀五千兩。內外不等。現應提備貢銀五千兩。除現存商網銀二千兩外。尚不敷三千兩。先於備公項下提用。又署任應支一半養廉。不敷幕友修膳之用。照案應提用節省商網。亦因商網無存。遂提備公銀二千兩。又賠修被焚房屋。因半廉不敷支用。暫提備公銀三千兩。總計自正月至五月底。共提商網二千兩。備公八千兩。比較程含章每歲札提商網備公兩款。至三萬餘兩者。有減無增。

惟所以提用備公者。由於商網不敷之故。而商網所以不敷者。由於上年有溢完商網。為程含章盡數札提之故。又據另片奏。程含章在浙江巡撫任內。一年八箇月。有額輸商網銀五萬兩。備貢之外。可節省銀三萬五千餘兩。除撥善舉二萬三千兩外。尚餘銀一萬二千兩。溯查帥承瀛任內。節省銀八萬兩。全行撥為善舉。兩相比較。程含章提用津貼。已不無糜費。乃於上年十二月初八日。接奉諭旨。

調任山東。旋於初九日。札提商網一萬兩。又於十二日。札提商網八千兩。四日之內。提銀一萬八千兩。此內有溢完商網一萬三千餘兩。係在丙戌年額輸商網三萬兩之外。是程含章上年一歲之中。札提四萬三千餘兩。其在任一年八箇月。共札提六萬三千餘兩。實屬額外溢支。且既有溢完商網。必有溢完引課。既有溢完引課。必有漏完餘價。而程含章但知提用溢完商網。獨不知查引課以追餘

價何至顛預如此種種情節俱有案牘可查等語。浙省商網備公兩項原資該撫辦公之用。歷任每年提用皆有贏無絀。何以程含章盡數札提。致後任辦公不敷。至於上年業經調任山東巡撫。何以四日之內。又提銀一萬八千兩之多。且將溢完商網一併提盡。而於該商等漏完餘價。並不追償。迨劉彬士到任。始將漏完餘價奏追。顯係卸事在即。藉充私橐。著程含章即行據實明白回奏。無得稍有

支飾。重取咎戾。將此諭令知之。○癸丑。修山

東運河。上河。泉河。三廳屬土石開壩各工。從署河道總督嚴烺請也。○甲寅。諭內閣。本年

九月。

孝穆皇后梓宮奉安地宮。福晉命婦及姻戚女眷等。俱著無庸奏派前往。○丙辰。

上詣綺春園問

皇太后安。○諭內閣。御史阿成奏請飭禁凱撤官兵沿途騷擾一摺。前因回疆四城收復。剋

期凱撤。特諭該將軍等先期嚴行申禁。毋許該兵丁等沿途滋生事端。茲據該御史奏大兵歸伍。道路綿長。恐帶兵官員約束不嚴。致兵丁有肆擾閭閻及攜帶子女等事。著再嚴切申諭。帶兵各官務須宣示律令。恪守科條。並著沿途各督撫等隨時嚴加稽察。儻有不肖兵丁私攜男女幼孩及途間擾累居民鋪戶。查明立即按律治罪。並將該管官員奏從重懲處。決不寬貸。○丁巳。疏湖北漢川縣

草廟口消渦潭湖口水道。從總督嵩孚請也。

○戊午。諭內閣。昇寅奏請禁蒙古各旗招民開採煤窰一摺。所奏是。蒙古地方遼闊。開採煤窰。匪徒聚集。每易滋生事端。自應嚴行禁止。著理藩院轉行喀喇沁土默特等旗。除前經奏准開採煤窰。仍准照舊開採外。其未經奏准出煤山場。著永遠封禁。不准私招民人開採。以杜流弊。○諭軍機大臣等。本日據蕭福祿奏。前護溫州鎮標中軍遊擊錢芳耀先

經温州鎮楊繼勳以該員辦理中軍不能裕如經該提督函商總督撤回改委原任總督趙慎畛未及劾參卸任現在錢芳耀已題升黃巖鎮標中軍遊擊再副將以至守備升調各員該提督不能先事與聞不過拜疏後准咨備案循例書題蓋印而於該員能否勝任礙難參酌千總以下弁缺例由提鎮遴弁拔補近來多由總督補放上年衢州鎮劉廷斌曾將考校情形具奏嗣准部覆行令照例辦理仍不遵照至公事由提督覈轉者總督先據鎮營詳稟覈辦上年部中行取豫保水師守備千總該提督調考選擇將堪膺豫保之員咨會總督覈定乃總督不候提督咨文先據署提督暨三鎮稟保具題所保各員有千總二弁先經提督考驗材技平常而提督所保人員孫爾準因閱兵案內考過一員僅中步箭一矢未邀保薦種種掣肘等語閩浙總督節制兩省提鎮遇事須和衷共濟若以護

理不能勝任之員轉令升補安望其能稱職是否係孫爾準任內之事該提督曾否先有札商至副參遊守自應人地相宜何以不先行商酌該提督既不與聞准咨後何以書題蓋印所稱請委守備一缺不能允准自必實有其事其千把外委經部覆准何以不行遵照至豫保水師守備千總一節孫爾準既據署提督楊繼勳等稟保具題何以所保之員內有千總二弁係該提督考驗材技平常未經保薦之人又該提督所保人員內孫爾準於閱兵案內考過一員因步箭僅中一矢何以並不計其人材可觀緝捕出力輒行扣除孫爾準接奉此旨著照該提督所奏各情節據實覆奏毋稍含混將此諭令知之○又諭本日據蕭福祿奏上年十一月內仁和縣民鬧漕滋事調任巡撫程含章兩次飭調杭協等營官兵一千名前往彈壓並不知照提督又程含章在任時於所屬將備黜陟委署均

係自主並不先事商酌等語浙江提鎮各標營俱兼受巡撫節制遇事須彼此虛公參酌程含章即因仁和縣民鬧漕調兵彈壓一時不及知會亦應於飭調後補行提督查照何以竟不行知至該提督所奏將備黜陟委署均係該撫自主是否僅止巡撫管轄各營抑係提標所轄將備著程含章據實明白回奏毋許含混支飾致干咎戾將此諭令知之○己未賞故巴林扎薩克親王銜郡王索特納木多爾濟銀五百兩遣貝子慶敏馳往賜奠○旌表守正捐軀河南淇縣民婦秦侯氏女春姐

宣

宣宗實錄卷一百一十八

宣

宣宗實錄卷一百一十八

宣

大清宣宗效天符運立中體正至文聖武智勇仁慈儉勤孝敏成皇帝實錄卷之一百一十八

監外曉諭各處定有曉諭居住官太子太傅體仁閣大學士之類領開管理員一新事務派二處唐嗣佐修林院學政院事又其官  
大府所才事務總辦等十五級計銀十八次月實情曉諭官署吏部尚書寶星通譯館新地管理新學庫內官房六日禮家  
七舍大臣稽察會同四譯館管理一級隨帶和紅軍官加五級計銀五次月沙納楚克圖官文淵閣提舉關內都魯爾普進  
內務府大臣僕日蘇洲副都統轄幕內六舍大臣管領宗人所報庫在共知官署宜每官用周等或收授給給各籍庫內加差  
醫院設辦理庶務總辦等加十八級月阿賓阿喇堪庫等總理庶務新南庫總辦等六級計銀二十次月順祺路等奉

道光七年丁亥閏五月庚申。

上幸靜明園詣

龍神廟拈香。○諭內閣德英阿奏。已經起運糧石。現在停運。存貯各臺。請分別辦理一摺。伊犁起運軍糧。因大兵克復喀什噶爾。停止轉運。分貯各臺。茲據德英阿查明。此項停運糧石。距城較遠。若仍令運回覈計運脚需費。較市價多至數倍。自係實在情形。著照所請。所有離城較近各臺存糧。准其分給八旗兵丁自行運回。酌抵月糧。每石減去二成。俾資

運費其離城較遠各臺存糧尚與額魯特遊牧相近准其飭令該部落就近分領照採買市價酌減四成分限三年於應領錢糧內陸續折抵充餉歸入俸餉按年報銷該署將軍仍俟分領完竣即將糧石銀兩細數先行咨部以備稽覈至前經運到噶克察哈爾海糧石除已運赴大營外其餘存貯糧石准令阿克蘇回民照市價買食該部知道○舉行本年軍政侍衛處鑒儀衛並滿洲蒙古漢軍各旗營卓異官一百十八員年老官二十六員有疾官十六員才力不及官四員分別議敘處分如例○旌表守正捐軀山東汶上縣民劉松妻辛氏○辛酉湖北布政使徐承恩因病解任以湖南按察使吳光悅為湖北布政使廣西左江道龔鯤為湖南按察使○壬戌

皇太后安。○諭軍機大臣等。御史錢儀吉奏。稱江南辦漕州縣。津貼旗丁運費。前經該督議

定數目。每船二百兩至四百兩不等。旗丁並未遵依。轉更多索。州縣以浮收在前。受其挾制。十數年來。逐漸增加。向日每船間有多至七八百兩者。今則各船多至千兩。以此項幫費。濟目前運務。無庸額外請帑。固屬至便。若以政務言之。實為該省一大積弊。所當亟議減除。幫費既重。則浮收亦多。今欲嚴辦浮收。誠為正論。但幫費不除。州縣從何取給。若使酌中定數。不問紳民良莠。一概均勻數派。則

宣宗實錄

三

竟以私費為正供。尤斷不可行。若竟不加限制。習為故常。強索者不敢違。困弱者不加恤。官方何由而肅。民力何由而繼。上年辦理海運。聞蘇松各屬。因無旗丁之累。辦公寬裕。間補舊虧。然使河工底定。仍復河海分運。恐漕費未必果減。而運務亦漸滋弊。請飭該督撫詳察情形。妥議章程等語。江蘇漕務積弊。較他省為尤甚。在各旗丁則藉口於長途之繁費。在州縣則藉口於幫丁之需索。而刁紳劣

衿。因得持其短長。有所挾制。惟安分士子。良懦鄉民。則任其苦累而不之恤。尚復成何政體。著該督等將該御史所奏情形。悉心體察。如何盡蠲宿弊。官民既可相安。旗丁足資辦運。詳細妥籌。奏明遵辦。將此諭令知之。○又諭御史錢儀吉奏陳。河湖漕運。不能兼顧。情形。請俟回空事竣。即將禦黃壩堵閉。明年無庸更籌。啟放。而河身之淤墊。始可專一籌辦。疏濬下河水道。使分洩路多。以防盛漲而高

宣宗實錄

四

堰不致著重。明年重運。應照上年辦理。分籌剝運海運。即將蘇松等三屬丁船。留於河北。以備接運三條。其意以為河漕分治。始可各收成效。現當河湖交敵之時。河身之淤墊。前此批工。既成虛費。或得清水暢出。方冀收刷。滌深通之益。若將禦壩堵閉。不開究竟有無窒礙。至下河所屬各州縣。通江通海水道。上年曾經降旨飭辦。瞬息湖水盛漲。必須啟放。開壩宣洩。若不亟將歸江歸海各河道。早為

疏濬。豈不蹈上年覆轍。惟從前屢經挑濬下河。迄未著有成效。著該督等遵委妥員。將興化鹽城等州縣湖蕩。詳細履勘。應如何興築疏導。及早興辦。總期一律深通。方有裨益。其明年漕運。如果能照常進行。原無須另行籌辦。並著該督等體察情形。會覈妥議。該御史摺著鈔寄閱看。將此諭令知之。尋大學士兩江總督蔣攸銑等奏。黃水日漸淤高。必須多蓄清水。方能刷滌深通。斷無回空過竣。反閉

實錄卷五十九

五

禦壩之理。其下游各河。擬俟霜後詳勘。挑挖深通。俾得分減湖漲。報聞。○癸亥。諭軍機大臣等。前據劉彬士奏。程含章在浙撫任內。提用商網。當降旨令程含章明白回奏。茲據奏稱。浙江商網備公二款。係隨引捐輸。歲入多寡無定。程含章任內備公一款。除發差費外。並未提用。存銀六千數百兩。又存商網銀一千數百兩。即係劉彬士原奏提用之款。並未全行提用。不留後任辦公之資。劉彬士所奏

實錄卷五十九

六

程含章任內。共提銀六萬三千餘兩。除劉彬士所知辦貢一萬五千兩。發地方義舉銀二萬三千兩外。尚有乙酉科場號舍滲漏支給修費銀一千兩。又浙江疫癘製備丸藥兩年內。約用銀五千餘兩。刊刷救急方五萬餘部。約用銀四千餘兩。又銷鹽全在緝私。兩年獎賞。約用銀五千餘兩。又修理二堂廚房。捐修文廟書院。先賢祠宇。約用銀二千餘兩。增添書院修金。及給生童筆資。用銀二千餘兩。撫卹故員眷柩。用銀三千餘兩。以上皆係辦公。劉彬士所不知者。合之所知及辦貢銀兩。共用六萬餘兩。尚餘三千餘兩。作路上盤費。及家屬來東之用。至調任後。提銀一萬八千兩。內除置義地銀三千兩。現存司庫有案可據外。餘銀係歸還前墊。應查前任巡撫於商網一款。皆係各歸各任。並不留交後任。證之各省關稅公費銀兩。亦係各歸各任。從無留交後任之事。劉彬士到任。係值銷鹽淡月。商網



不敷。是以著急。其實庫有存款可用。不致辦  
公無資。隨後自有旺月之時。至鹽斤加價一  
節。浙鹽係分別每斤加銀一釐二釐。經部奏  
准。自奉旨之日為始。一律加價。商人於部文  
未到之先。貪圖便宜。踴躍完課。實所不免。但  
所完者係乙酉綱。乃丙戌年應完之課。於理  
為順。不能禁其完綱。在商人誠有牟利之心。  
然既已遵照部文。恭錄諭旨。通行出示曉諭。  
自奉旨日為始。按斤加價。未奉旨以前。溢完

宣宗實錄

七

之課。原不在加價之列。今欲追繳加價。必須  
查明某商掣鹽後起運若干。未運若干。在途  
若干。到地頭已銷未銷各若干。方得確數。浙  
商多至數十名。非一兩月不能查清。程含章  
接准加價部文。僅二日。即調任山東。趕辦不  
及。所以未經奏追加價等語。充公款項。原以  
備津貼辦公之用。乃程含章劉彬士彼此各  
執一詞。斷無兩可之理。必須剖別曲直。折衷  
一是。以服其心。琦善計月內必可交卸兩江。

總督印務。接奉此旨。著即馳驛前往浙江。會  
同學政朱士彥。將劉彬士原奏。及程含章回  
奏各情節。秉公按款詳悉確查。覈定是非。據  
實具奏。不許絲毫稍有含混。事關巡撫大員。  
爭利叅揭。於心術官方。甚有關係。儻奏不  
實不盡。將來別經發覺。惟琦善朱士彥是問。  
再琦善應隨帶司員。前據蔣攸銛奏。帶刑部  
員外郎王瑞徽。前往江南差遣。琦善即將該  
員隨帶前往。俟此案完結後。仍將該員帶回。

宣宗實錄

八

江南交蔣攸銛差遣。委用琦善即自行來京  
復命。所有劉彬士摺片及程含章摺並著鈔  
給閱看。將此各諭令知之。○甲子。諭內閣。富  
俊奏發配宗室。開單請旨一摺。克永德克吉  
太蘇春惠昇保舒恆慶林保喜齡等原犯情  
節較重。俱著不准釋回。嗣後宗室人員。緣事  
發配吉林。著該將軍嚴加管束。留心察看。每  
屆三年。將各犯等能否安靜守法。自知悔改。  
抑或仍不悛改。分別開單。並原犯案由。詳晰

具奏候旨辦理○諭軍機大臣等本日據長齡等由六百里加緊奏報朕意必是擒逆捷音或得其逆屬乃覽奏祇係跟捕張逆並殲勒和闐逸匪情形又成虛盼張逆前在木吉藏匿又竄到拉克沙地方距喀拉提錦布魯特愛曼較近經長齡等檄令該部落幫同官兵設法圍拏副將郭繼昌等即在倭里塔克暫劄俟拜哈第等確探的信馳往密捕困獸猶鬪總須加意隄防乘機擒取勿任再竄至霍罕不肯借兵助逆並有要拏該逆獻功之說其言似屬恭順但長齡等兩次差派回子前往諭擒張逆並令將該逆妻子同巴布頂之子先行送出何以至今未得回報其言恐不足憑信惟既稱擒逆自效亦可乘機導諭催令縛逆及獻出逆屬以膺封賞至提督達凌阿送到自卡外投出陝西民人白鳳儀等稱係什克南伯克庫布特差來報信經長齡等飭該民人白鳳儀同葉爾羌伯克回子前

實錄卷百九

九

赴什克南給諭獎勵令其設法擒獻照格封賞毋洩風聲所辦尚屬妥協朕心懸萬里亟望捷音之至總以必獲張逆為要計此時克復四城已及數月一切應行查辦之事甚多何以未據該將軍次第具奏長齡惟當一面督飭將弁設法擒拏首逆一面將善後事宜悉心覈酌趕緊妥辦毋再以空言塞責至楊遇春已有旨令其來京陛見今奏楊遇春於本月十八日帶領馬步官兵三千餘名出卡接應自係尚未接奉前旨此時該署督曾否折回著長齡體察情形如必須楊遇春出卡即著仍留該處暫緩來京如楊芳可以接辦仍遵前旨令楊遇春來京陛見回署陝甘總督本任嗣後拏獲張逆馳報紅旗用八百里具奏或探得張逆確信即日可以成擒用六百里加緊至辦理善後事宜及一切覆奏止准用五百里馳報不得概用六百里加緊漫無區別而勞驛站所奏赫子爾拉克地方有

實錄卷百九

十

馬步賊匪數百人。經郭繼昌等帶兵追剿。斃賊匪二百數十人。捉獲活賊十四名。及在和勒木地方拏獲在逃賊目伊滿等八名。俱係張逆信用頭目。訊明正法。辦理俱好。其烏什黑帽回子。糾眾被戕。及曉諭布魯特回報。獻馬各情。所奏均悉。至穆圖巴拉父子效順被害。情殊可憫。著長齡等確查該阿渾有無子嗣。奏請恩卹。其依斯瑪依爾既據伊兄玉素普稟稱。該回子曾經從逆。其在臺迎候。並

實錄卷百九

十一

非出自誠心。著毋庸議。卹以示區別。玉素普竟能大義滅親。可嘉之至。其偽阿奇木伯克阿布拉攻陷和闐。甘受偽職。前經降旨革去頂帶。留營效力。該伯克並未出力。及暫留待質。安集延頭目推立汗狼子野心。經長齡等將該二犯凌遲處死。亦足伸國法而快人心。又據奏巴哈布甚為出力。前已有旨令其署理葉爾羌幫辦大臣。毋庸飭回本任。至呂天俸病未復元。漢中地方緊要。著即令其回任。

所帶漢南官兵。即派參將唐倬妥為管帶。俟事竣再行撤回。至凱撤官兵。前經長齡等奏撤二千四百餘名。茲又據奏凱撤三千六百名。俱著照所奏辦理。現在軍務大局已定。無庸多留兵力。凱撤為第一要務。著長齡酌量情形。四城應行留防若干。阿克蘇烏什二城。應否酌留若干。剿捕張逆需用若干。此外多餘官兵。即令全撤。次第起行。以節勞費。葉爾羌大臣印信。著交禮部補鑄頒發。將此由六

實錄卷百九

十二

百里加緊諭知長齡。武隆阿楊芳並諭楊遇春知之。○緩徵山東濟寧魚臺三州縣被雹村莊新舊額賦。○乙丑。以拏獲鄰境重犯准廣東試用知縣李雲棟儘先補用。○丁卯。諭內閣。近日吏部戶部帶領引見人員。內有刑部郎中明安福理藩院員外郎慶長安二員。命名不成。文義。乾隆年間。因旗員取名未當。屢次恭奉

諭旨訓飭。嘉慶二十年。欽奉

皇考仁宗睿皇帝諭旨旗人命名。有取漢文字義者。不准連用三字。朕御極以來。亦因宗室取名未協。曾經降旨申諭。何以旗員中仍前取名。並未一體遵改。實屬不合。著再飭諭八旗都統等。嗣後旗人取名。務宜恪遵

聖訓。不准連用漢文三字。其現在取名未協者。亦即一體飭改。○戊辰。諭軍機大臣等。據御史牛鑑奏稱。新疆各城軍裝。如伊犁烏嚕木齊巴里坤等處。舊例在內地置辦。每處帑項

實錄卷百九

三

不下數十萬金。置辦軍裝員弁。藉口公差。帶買他物。甚至私販婦女。潛購賭具。與夫古董玩器。一切應禁之物。罔不裝載。及將應辦貨件運到各城。勢不能不在該官兵應得俸餉內。倍價坐扣。請飭該將軍總督分別查覈。如弓箭之類。應在內地置辦者。由該督飭購派員運往。不必專差員弁辦理。至茶布等項。口外儘有。概可停止等語。新疆地方。向由內地辦運各件。自因彼時疆域初定。創立章程。相

沿辦理。惟近來伊犁等處。商販雲集。何必每年仍派員赴內地購辦。若如該御史所奏。該委員藉口公差。夾帶違禁貨物。上侵帑項。下剋軍餉。尤乖政體。著德英阿。英惠鄂山體察情形。悉心覈議。如軍裝等件。可以盡由口外購辦。豈不省長途遞運之煩。若有必須由內地置備者。亦當分晰查明。何項應由該督飭屬辦運。何項應由該將軍等自行採辦。商同妥議具奏。將此附報。便諭。令知之。○旌表守

實錄卷百九

四

正捐軀山東滕縣民李崇德妻王氏。○己巳上詣綺春園問

皇太后安。○庚午。諭內閣。訥爾經額奏籌議回空幫船。夾帶私鹽。先禁私囤。以清弊端。一摺。所奏是。糧船夾帶私鹽。久干例禁。攬裝重則挽運較難。按查嚴則耽延難免。况船身為洩氣侵入。載米亦非所宜。必當嚴行飭禁。今據該漕督奏。各幫丁舵水手。惟利是圖。積習難返。江廣及安徽等幫。裝載更多。零星販賣。到

處停泊逗留。甚至不服按查。恃眾攔阻。成何事體。並有跟幫積匪。勾串地棍土梟。販赴水次豫圍。俟回空過境時。沿河上載該漕督已將私帶定例。按幫嚴切曉示。其議請飭禁豫圍。係為杜絕弊端起見。著直隸山東江南各督撫鹽政一體嚴飭該管文武員弁。查拏在岸豫圍積匪。各路上載之區。亦當嚴密巡查。總須實力奉行。掃除積弊。以杜私圍而速回空。○諭軍機大臣等。鄂山等奏查明哈密修整鐵瓦木輪等車。始議改撥托克遜糧臺旋因該處車輛數用。復議留備兵差供應各緣由。並現在托克遜喀喇沙爾庫車三城。及阿克蘇迤西各臺。腳力足數轉運等語。托克遜以西所籌接乏腳力。既敷滾運兵糧。其哈密修整車輛。原可留供凱撤官兵之用。惟吐魯番前此所收哈密送到車八十五輛。何以未經咨報總局。其吐魯番現有車八十餘輛。是否即係哈密所解之車。抑係另行修補。其所

實錄卷一百九

十五

稱奉過長齡飭知。不令接收一節。方載豫亦未稟知該督等。是否賡音岱實有此言。前已降旨令其明白回奏。著該督等即將接收車輛何以並無報案一節。一併傳諭賡音岱。令其據實覆奏。至各路所調官兵。現已次第凱撤。隨處應支兵糧。尤須運供無誤。據奏托克遜迤西各城。所得接乏腳力。足敷循環滾運。每月每城可運糧六七千石。籌辦尚為妥協。著隨時飭諭糧臺各員。仍前趲運。期敷支放。無得因大兵已撤。稍有貽誤。將此由五百里諭令知之。○旌表守正捐軀安徽蒙城縣民楚洛妻慕氏。○壬申。諭軍機大臣等。前據蕭福祿奏。上年十一月內。仁和縣民鬧漕滋事。程含章派撥杭州協等營官兵前往彈壓。並不知照提督在任時所屬將備黜陟委署。均係自主。並不先事商酌等語。當降旨令程含章明白回奏。茲據奏稱。仁和縣民聚眾鬧漕。近在省城。事起倉卒。派兵彈壓。當時未及知

會。迨奏稿擬定。即用印文知會總督提督移送奏稿。有案可查。程含章因洋面盜劫頻聞。會同總督孫爾准奏。將黃巖鎮石營正署遊擊張君昌等摘去頂帶。汎官革職留緝。各營巡緝較勤。迨至八月。又有洋盜行劫殺人。之案。程含章將巡洋之守備余雲龍參奏摘去頂帶。汎官革職留緝。當即移知提督。又因象山協副將鄧宏年逾六旬。兩目生翳。漸耽安逸。奏請勒休。又玉環營參將吳賜久患失

實錄卷九

七

血病證。精神委頓。奏請勒令回籍調理。以上三案。皆係程含章主稿。會同代辦總督韓克均署提督楊繼勳及提督蕭福祿參奏。內吳賜一案。蕭福祿不肯書奏。時程含章已經交卸。旋經該提督調驗吳賜患病屬實。其事乃已。參官事須速密。先事商量。動逾旬月。必致漏洩。是以不克知會。浙江委署將備。向係總督給委。程含章到任後。將糧船水手滋事案內。副將慶康等參奏革職。委曾經署理副將

之參將佛保署理嘉興協副將。並委候補守備王蔭楷署理都司。移咨總督提督。該提督謂所委皆不勝任。另行委署。程含章即將所委之員撤回。旋經總督趙慎畛謂程含章所委皆屬妥協。提督不應妄行駁飭。爭委。仍委佛保等署理。蕭福祿因此生怨等語。浙江提鎮各標營。兼受巡撫節制。程含章將蕭福祿所奏逐條登答。俱有案據。著琦善朱士彥於查辦前案完竣後。即就近提卷查覈。將蕭福

實錄卷九

八

祿等是非曲直。秉公剖斷。據實具奏。毋稍偏倚。蕭福祿原奏及程含章回奏各摺。並著鈔給閱看。將此諭令知之。○癸酉。諭內閣。前據程含章列款密參署浙江巡撫劉彬士不能清白。乃心聲名甚屬平常。自言窮翰林出身。住京廿餘年。負欠不少。今番須要還債。人咸謂餓虎出林。浙江鹽務。經帥承瀛辦有起色。祇須率由舊章。乃劉彬士諸多挑駁。商人心滋不服。仁和縣鬧漕一案。劉彬士即揚言不

應動兵。其識見偏謬。品節不清。已可概見。等語。時孫爾準陞見出都。當即密諭該督據實查奏。茲據奏稱。劉彬士揚言不應動兵一節。於入都路過杭州時。見劉彬士。據稱初聞程含章勒兵圍拏。頗疑辦理過當。及提犯審訊。其聚眾毀廠。捆毆書役。拒傷官兵。均屬實情。則用兵圍拏。勢亦不得不然。嗣於回抵杭州時。知此案業經審結。其批駁商人一節。現在細察商情。輸課頗欠踴躍。緣上年奉旨籌加

鹽價。各商聞知。爭先完課。劉彬士到任查知。奏明勒令各商將餘價照引追繳。商人趕完課引之時。多有重利揭債。圖賺餘價之利者。今按引追補。無利可圖。諸甲商隨以另款商捐剝費雜費二項銀兩。每年用有贏餘。呈請以公辦公。撥補餘價。求免另追。經劉彬士批駁不准。又前任巡撫帥承瀛於商綱一款。頗有贏餘。留存運庫。嗣後各任巡撫俱盡數提為公用。劉彬士查悉情形。曾向人言。將來商

宣宗實錄

卷一九

宣宗實錄

卷一九

網用費不數。何能賠墊。甲商稟請運司欲以程含章札提置買義地善舉銀兩。先在雜費項下暫動。將銀撥歸商綱備用。又經劉彬士批斥不准。浙鹽甫有起色。須於認真之中。寓休養體恤之意。業經面為規勸。其負欠還債一節。細加查訪。並無在浙索債之人。劉彬士莅任數月。辦理庶務。頗為盡心。操守亦屬謹飭。輿論僉同等語。朕行政用人。一秉大公。至正督撫大吏中。如果實有簞簋不飭。聲名狼籍者。大小臣工。原許風聞入奏。朕從不肯顛預了事。必將貪黷之員。立即褫革治罪。然必須劣跡昭著。確有憑據。豈容以捕風捉影之詞。妄行參揭。程含章率聽不根之言。無端入告。伊視朕為何如主。輒敢以此等伎倆。巧為嘗試耶。程含章陳奏不實之咎。實無可辭。著交部嚴加議處。即來京聽候部議。山東巡撫著賀長齡暫行護理。山東布政使著鍾祥署理。其山東按察使著賀長齡委員暫署。○諭

軍機大臣等。長齡等奏探明張逆藏匿地方。分路往捕。並卡外回夷來營納款一摺。張逆現竄至拉克沙。距喀拉提錦較近。並與達爾瓦斯。輝都斯。及布噶爾。拔達克山等處相通。楊遇春帶領馬步兵三千餘名出卡。所過布魯特。愛曼。隨處撫諭。甚為恭順。並據副將郭繼昌等探明拉克沙山內有賊黨數百人。其山後深河一道。上繫鐵索浮橋。現飭該副將等選派官兵回子。帶同奈曼布魯特。比愛

散。繞山潛往。拆毀浮橋。現又派楊芳帶領馬步兵一千一百餘名。星夜馳往相機督辦。並據各部落伯克。差人來營納款投誠。又據幹竺特。呈進帕爾西字表文金兩。並遞將軍等物件。幹罕伯克。遞將軍腰刀等件。經長齡等諭令趕緊前往。設法擒逆。可膺莫大封賞。該回夷等均稱已派人於各境要路堵截。必定生擒送營。該將軍照例筵宴。優加獎賞。並回賞各伯克元寶。綢緞。茶葉。布匹等物。令其攜

回愛曼。並派官兵護送出境。所辦甚是。此時外夷各部落。及阿坦。台汰。劣克等。各布魯特。均已差人堵截。各要隘。布置尚屬周密。朕日夜佇望。馳奏紅旗。所奏擒獲賊目。噶爾勒之吉林。佐領富爾松。阿。前經降旨賞換花翎。著加恩以協領升用。先換頂帶。固原把總韓國彥。著加恩賞守備銜。以千總即補。並賞戴花翎。被賊砍傷之固原兵丁田興。起著以把總拔補。並賞戴藍翎。其先後衝入賊陣之吉林

筆帖式富順。馬甲奎。陞西蘭泰。富常。成德。著該將軍等酌量獎賞。至巴彥岱。年力已衰。著照所請。飭回阿克蘇。幫同愛瑪特辦事。其和闐。阿奇木。即著托克托。呢雅爾。署理。又另摺奏密陳籌議辦理善後情形。現在四城甫定。若遽請分封。恐一時未能周密。有事仍須辦理。所費不可勝計。自係實在情形。將軍等請暫駐重兵。分城鎮守。一二年後。酌量裁撤。所議不為無見。前經降旨將達凌阿。巴哈布。成



吾富昇阿。蘇清阿。暫署英吉沙爾。葉爾羌。和  
闐各城事務。是否勝任。該將軍等仍遵前旨  
留心察看。據實奏聞。若僅設總兵副將參將  
不足以資彈壓。其酌留滿漢兵丁八千名。著  
照所請暫留。以壯聲威。而靖邊圉。至官兵所  
需口糧。現在四城入官地畝。請照伊犁回民  
每年納糧十萬石。供六千兵食之例。著長齡  
再體察情形。總須官兵足敷食用。而又能體  
恤回子。勿令苦累。方為妥善。並著飭伊薩克

等分別覈實妥辦。其棉花布匹。亦著酌定章  
程辦理。將此由六百里加緊諭知。長齡武隆  
阿。楊芳。並諭楊遇春知之。○甲戌。諭軍機大  
臣等。前據御史汪琳奏。淮揚運河入海之路  
祇有鹽城縣新洋港。關龍港。東臺縣王家港  
泰州小洋口。四處。請及時疏導等語。當降旨  
令琦善會同張青選酌辦。茲據奏稱。淮揚運  
河邵伯以南歸江之水。除人字芒稻二河。毋  
庸展挑外。其金灣壩及東西灣壩門各寬五

六十丈。鳳凰橋亦寬二十餘丈。各壩橋下引  
河。俱形窄狹。間有淤灘。其董家石羊廖家三  
溝。亦俱狹淺。壁虎橋引河。及芒稻越閘。上下  
河身。亦有淤淺。均應挑切展寬。各引河長至  
二千六百餘丈。及數百丈不等。將挑工約估  
計需銀六十萬九千九百六十餘兩。其實應  
高郵邵伯等湖。通連支港。須俟湖水消落。淺  
灘涸露。由河督估辦。邵伯以北歸海之水。南  
關等五壩進水口門。共寬二百二十餘丈。而

范公隄出水十八閘。共寬七十餘丈。即五路  
海口。一律暢深。已不敵所受之數。內除鹽城  
關龍新洋三港。及阜寧縣射陽湖。洩水甚暢。  
與汪琳原奏小洋口無庸挑復外。東臺縣古  
河口王家港三河。現俱淤淺。應須挑濬。估銀  
十三萬九千六百九十餘兩。又高郵州新河  
尾北關河。運鹽河頭菱絲溝總澄子河。皆係  
各壩洩水歸海要道。現亦淤淺。應挑。估銀十  
萬三千二百五十餘兩。歸江一路較歸海為

尤急。惟本年洪湖水長。已將通江各壩次第啟放。未便於此時築壩興挑。濱海河港。夏秋潮汐較大。時屆農忙。集夫不易。請俟秋後察看情形再辦。此外如興化、東臺、鹽城、阜寧等縣。各有淤淺河道。應由該地方官酌辦。又范公隄殘缺頗多。隄內泰潼河為鹽運所關。開座間有損壞。應由運司飭該管各員陸續疏濬。毋庸彙入現估之案辦理。至工需除商辦民辦外。尚需銀六十餘萬兩。概令商捐力有未逮。現飭藩運二司會同常鎮淮揚各道籌款。由新任總督蔣攸銑酌定奏辦等語。近年洪湖水勢較旺。每遇盛漲。兩壩二河全行啟放。減水奔騰。下注。專恃歸江一路已有宣洩不及之虞。實應高郵邵伯等湖通連各支港。久未修濬。運河東岸隄工。往往喫重。不得不開車運等壩。旁注下河。以資分洩。而下河距江較遠。難令繞越歸江。遂致各州縣動輒被淹。朕心實深軫念。著蔣攸銑會同張井藩錫

恩張青選再行詳加察看各河水勢衝刷及大汛淤墊各情形。應否增減確估興辦其興化等縣境內淤淺河道及范公隄是否均係必不可緩之工。分別飭地方官及該管各員妥為辦理。至商辦民辦外尚需銀六十萬兩。著蔣攸銑等俟司道籌款定議。會同覈實具奏。再降諭旨。將此諭令知之。

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二十

監修總裁官燈臺日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事蔭帶加五級紀錄十八次。日貴懷德。職官經提調官吏。無所書錄。並提漢軍都統管理新營房城內官房大臣。積聚內

七倉大臣稽察會同四譯館事務加一級隨帶而六級軍功加三級紀錄五次臣花沙納經筵講官文淵閣提舉閣事於部尚書總管

內務府大臣鑲白旗滿洲都統檔察內七倉大臣管理宗人府銀庫左翼幼官學  
靈壽宮圓明園等處精捷營御茶膳房御藥房

醫院通解處事務等十八級。阿靈阿副總裁官銜起謀官兵部尚書等加六級起錄二十次。臣聞祖塋等事。

救修

道光七年丁亥六月乙亥朔諭內閣慶保等

寶錄卷之五

—

奏審訊因病休致之驍騎校赴部翻控希圖起用情由請分別辦理一摺此案廣州駐防驍騎校淳濟因病呈請開缺調理既經伊父魁莠將其病勢甚重恐難痊愈情形在前任將軍果齊斯歡前面稟懇請休致何得諉為不知輒以原遞係患病開缺呈詞並非自請休致遣人赴部翻控希圖起用迨經該將軍奉部行查傳同詢問猶復含糊不吐實屬混飾淳濟前已休致著即革去頂帶以示懲儆

協領魁英。既因伊子淳濟病痊。難以騎射。面稟前任將軍懇請休致。何以並不補具請休呈詞。輒復將原呈遺失。且於伊子赴部妄訴。後經該將軍傳訊。亦不將曾經告知伊子休致情由。據實供認。殊屬有心回護。魁英著交部嚴加議處。該部知道。○丙子。

上詣綺春園問

皇太后安。○諭內閣大阿哥之福晉因病薨逝。著大阿哥即日成服。於初五日釋除。向來皇

實錄卷一百一十五

and  
1997-1998

子未經分府者。其福晉照親王福晉例。座罩金棺等項。均用紅色。並無應用儀仗。今大阿哥之福晉所用金棺座罩一切。著加恩俱用金黃色。儀仗仍照親王福晉之例賞用。其旗色即用鑲白。至應行事宜。著各該處照例豫備。○又諭大阿哥之福晉薨逝。應建立園寢。著派禧恩穆彰阿敬徵帶同通曉堪輿之人。於王佐村附進一帶。詳慎相度。繪圖呈覽。後再行諏吉營建。一切規模。俱照親王福晉之

例辦理○諭軍機大臣等張井等奏查驗黃河上下各工及水勢消長情形摺內據稱本年春間啟放新河之初惟附近關孟灘一帶頗形淤墊幸所墊皆係浮沙嗣經拉浚日久兼以此次汛漲水力猛勁刷出河泓大溜奔湍直瀉不但與張井前次往看情形不同即比四月杪蔣攸銑穆彰阿所見情形亦大相懸殊全河溜勢頗為迅駛長水尚能容納等語本年黃河自五月二十後屢次陡長甫屆

實錄卷一百一

三

伏汛即已水勢浩瀚必須去路暢順河身方資容納據奏前此淤墊處所皆係浮沙尚易刷動現在大溜奔湍自係仍由舊河東注此後汛漲方長但能如所奏日漸刷深不致壅滯為患豈不甚善該督等即當督飭道將廳營加意防範務保安恬是為至要另片奏准源晏次報長自應豫籌宣洩現已啟放仁禮義三河及智壩暢洩湖漲如不見消再啟信壩其車邏南關中新各壩總不可輕議啟放

本年遇閏節候較早農田收穫不致過遲該督等務當體察水勢情形權衡利害輕重相機辦理勿令民田復被淹浸方為妥善其揚河等廳應修掣卸工段尤當嚴飭承修之員照估認真修築無得仍前草率以資捍衛將此諭令知之○丁丑諭內閣兵部奏前議卹陣亡之喀什噶爾把總談祿烏什經制外委馬伏榮現據長清等咨明該二弁俱係被擄圈禁並未陣亡於克復喀什噶爾時同日乘

實錄卷一百一

四

間投回前議卹典應行註銷其原報錯誤之該管各員及率行奏咨之該大臣等均應查取職名照例議處外夷地方用兵與內地情形不同把總談祿隨同巴彥巴圖出卡遇賊外委馬伏榮隨同參將王鴻儀赴援喀什噶爾在都齊特遇賊皆以孤軍全行覆沒無憑查考該大臣等錯誤之由尚有可原除該二弁前議卹典即行查銷外所有該大臣等及該管各員俱著加恩免其議處○戊寅

上幸萬壽山詣

廣潤祠拈香。○己卯諭內閣陶澍奏訪獲勾結攬訟棍徒並究出在京色攬遞呈各犯請飭拏審辦一摺近年京控各案往往情節甚微橫生枝節牽累多人竟係訟棍藉案播弄經該撫密訪將積年色攬之葉壩等拏獲革審撥出詞底稿簿及構訟書信各件所辦甚屬可嘉並供出現在京城及通州地方居住之金老四李玉山二犯內外勾通串唆圖詐

實錄卷二百

五

著步軍統領衙門五城及順天府按照該撫單開各犯住址一體密速掩捕務獲解往江蘇歸案嚴辦毋任遠颺漏網○庚辰諭內閣昨據工部奏彙查各省工程未完各案請分別年限查辦各省工程未結案件自嘉慶二年起至道光五年止共有三百九十六案上年六月內經該部查明具奏行令分別查叅催結嗣據各該督撫陸續造報該部照例覈覆准銷者九十八案現在覈議者二十案已

奏未估者四十五案已估未銷者二十五案復行駁查者二十八案歷年駁查未據題覆者一百八十案又道光六年分各省新案共五十八案內已奏未估者五案已估未銷者十八案駁查未結者二十九案現在覈議者六案各省動用錢糧及工程報銷准駁俱有定限乃各該督撫於奉文後不即剋期辦結實屬因循疲玩著即將該部駁查新舊各案逐一查明未經逾限者按限催辦完結其已

實錄卷二百

六

經逾限者查取承辦遲延及督催不力各職名叅奏議處仍嚴催辦結嗣後各該督撫務當隨時逐案查覈依限催辦毋任再有延宕致干咎戾○兩淮鹽政張青選奏報籌辦鹽務情形一摺得旨所奏均悉以現在情形而論緝捕西省銷鹽各口岸之私梟及查禁場竈之偷漏為第一急務爾當如何激發天良實力報效務要勉之又勉朕拭目以待○戶部議准兩廣總督李鴻賓疏報上川司開墾

寬地二十九頃六十五畝有奇。照例升科。從之。○辛巳旌表守正捐軀山西臨汾縣民汪發貴妻劉氏。○壬午。

上詣

黑龍潭神祠祈雨。遣惇親王綿愷詣萬壽山

龍神祠。瑞親王綿忻詣玉泉山

龍神祠。慶郡王綿懋詣

宣仁廟

凝和廟。貝勒托恩多詣

昭顯廟

時應宮。御前侍衛載銓詣密雲縣

白龍潭拈香。○鑄給直隸天津大沽營守備

條記。從總督那彥成請也。○癸未。

上詣綺春園問

皇太后安。○諭軍機大臣等。據蔣攸銑奏稱。松

筠前任兩江總督時。曾奏明修工撥餉各事。

應河臣自行具奏。督臣不與聯銜。乃可稽察。

覈辦。請仍照向例。分別令總河辦工。總督查

察。各專責成等語。兩江總督兼轄河務。如遇

尋常工程。及一切隄防蓄洩事宜。自係河督

專責。該督不過綜其大綱。原可無庸會辦。至

若興舉要工。鳩夫購料。籌款撥項等事。以及

甄覈河員。稽察弊竇。該督必應會同商辦。聯

銜具奏。無得稍存諉卸。惟該督統轄三省。事

務殷繁。若遇三汛時常駐清江。則一年之中。

竟有半年駐劄。工次轉於地方應辦一切事

件。不無積壓遷延。著蔣攸銑酌量汛漲情形。

如可無須駐工。即回署清釐一切庶務可也。

將此諭令知之。○又諭本日富俊奏稽察

圍場私帶鳥槍之協領吉凌阿已降肯照所

參將吉凌阿降三級調用矣。查定例稽察圍

場。不准稽察之員攜帶鳥槍者。實因圍場之

內。恐其濫打牲畜。惟圍場叢林之中。不惟藏

伏大獸。且有持槍賊匪。若不准攜帶鳥槍。器

械。不但無防大獸之具。偶遇賊匪追縱。亦不

能張其聲勢。於防捕何益。著寄知富俊嗣後

應如何辦理方能使該官兵等不任意驚擾牲畜查拏賊匪得力之處務須體察情形妥議章程具奏○大學士兩江總督蔣攸銓奏報到任謝恩得旨覽奏俱悉卿其勉力為之以副簡畀朕無可示諭京師自閏五月下旬以來酷熱非常又形暵旱若辰下得有透雨秋稼尚可占豐設再經旬不雨如何是好朕本月初八日親詣

黑龍潭叩禱未知能獲甘霖否曷勝焦灼之

實錄卷二百

元

至本日申酉之間小雨纖纖入夜方止雖霽濡寸許所喜暑氣全消頓然颯爽仍望沛然續降甘霖也○甲申諭內閣吉林及各行放漫票自嘉慶年間減定票數已較原定額票酌減分數如該將軍督飭局員實心經理何至頻年缺額現據戶部覈議本年漫票除阿勒楚喀足額外吉林伯都訥三姓等三城較上年短放分數尚不相上下惟寧古塔一城較上屆又短一分有餘以原額覈計各城

仍短放一二分以上至四分以上不等似此逐漸減少年復一年伊於胡底著該部即查取承放漫票缺額及不行查催之將軍副都統等各職名照例議處嗣後該將軍等當嚴飭局員妥為經理認真散放務期年符年額如該局員以短放漫票藉有漫餘銀兩折價充餉仍逐年有減無增除將承辦局員交部治罪外定將該將軍等嚴懲不貸○乙酉諭內閣

實錄卷二百

十

黑龍潭  
白龍潭靈應夙著昨以暵旱虔申祈禱旋即渥霈甘霖  
神貺昭垂朕深寅感著派敬徵阿爾邦阿前詣黑龍潭  
龍神祠詳加查勘如有應行修飾之處即估計奏明辦理並著那彥成派委霸昌道前詣密雲白龍潭  
龍神祠周歷履勘如殿廡牆垣有應繕葺

飾處所。亦即詳勘估計。奏明興辦。務令兩處祠宇丹雘一新。並著各將兩處懸額尺寸。查明具奏。候朕御書扁額。發交敬謹懸掛。以答神庥。○丙戌諭內閣。太常寺滿洲漢軍寺丞博士等官。向有堂司親屬迴避之例。贊讀等官。則例不迴避。原以寺丞博士等官。係該衙門辦事人員。與贊讀等官。祇於職司唱贊者迴不相同。乃該寺輒以例文兩歧。率請照理藩院內務府之例。將寺丞等官迴避專條。一

寺丞寺博士

二

律刪除。並引二等侍衛兼讀祝官達明阿。早應升補寺丞。因迴避伊父色克精額。不能保送。而於京察及保送同知通判。又不迴避。為例文兩歧之據。竟欲因達明阿一人。擅改成例。此又是松筠受人慫恿。故有此議。實屬冒昧之至。所奏不准行。太常寺堂官著傳旨嚴行申飭。至達明阿因伊父同署。不能保送寺丞。著回大門上充當侍衛差使。毋庸兼讀祝官行走。○又諭。前據恩銘等奏。哈密修整鐵

車馬車

三

瓦車及木輪車。選用官馬。購買牛隻。分別駕運。雇用回夫。驅策送至吐魯番。已陸續收過車八十五輛。嗣送車至吐魯番。無人接收。又運至托克遜。據賡音岱方載。豫稱奉過長齡飭。知此項車馬。吐魯番不必接收。轉飭直送大營。因所雇回夫。向不越境。致業經起運之車。寄放該處。馬匹暫為牧放。未運之車。暫緩運往等情。當飭鄂山等查明辦理。並令賡音岱。明白回奏。嗣據鄂山等覆奏。此項車輛。原議改為托克遜。及迤西各糧臺運糧之用。嗣因各臺腳力已敷。復改議將已起運者。交吐魯番備供兵差。未起運者。仍留哈密。其前收車八十餘輛。吐魯番並未報明總局。所稱奉過長齡飭。知一節。亦未據方載。豫稟知。本日復據賡音岱回奏。內稱各處解送大營一切官物。均係專弁管解。哈密所解車輛。並未派有長解之員。車馬與官物事同一例。若無長解人夫照料。恐沿途餒養不周。倒斃損失。是



以經方載豫等駁回。至奉過揚威將軍飭知一節。實未奉有札飭。哈密係據差弁之詞。緣方載豫面見哈密差弁時。曾諭以並無揚威將軍飭將車輛解送大營明文。尚須籌酌辦理。或因此訛傳等語。哈密解送車輛。雖經屢議改撥。然既解到吐魯番。自應查點接收。或須轉解他處。或須留備兵差。總不得以車馬與一切官物比例。因無長解人夫。即行駁回。如謂馬匹疲乏。恐不適用。豈令遠解大營長

途跋涉。轉可供驅策之理。明係賡音岱等辦理不善。藉詞推諉。且既稱未曾奉到長齡不令接收飭知。又稱係方載豫見哈密差弁面諭之言。差弁因此訛傳。試思該差弁即或一時聽聞不確。何至以並無飭知。聽為已有飭知之理。即使方載豫果有向該差弁傳述揚威將軍並無飭將車輛解送大營明文。何以又駁令直解大營。是已自相矛盾。其為見有特旨飭令將長齡札飭進呈之諭。多方支飾。

又屬顯然。賡音岱方載豫前既心存諉卸。迨奉旨查詢。賡音岱又不據實陳奏。其前次陸續收到哈密車八十餘輛。迄未咨報軍需總局。今垂詢及之。又無一言覆奏。所司何事。是誠何心。賡音岱方載豫俱著拔去花翎。仍交部議處。姑示薄懲。並著長齡鄂山盧坤互相嚴密查察。如伊二人另有辦理不善之處。或別有他情。即著嚴參治罪。斷不可瞻徇隱飾也。○丁亥。以甘霖滂沛。遣皇長子奕緯詣

黑龍潭。惇親王綿愷詣萬壽山。

龍神祠。瑞親王綿忻詣玉泉山。

龍神祠。慶郡王綿懋詣

宣仁廟。

凝和廟。貝勒托恩多詣

昭顯廟。

時應宮。密雲副都統興住詣

白龍潭報謝。○都察院奏。順天府通州民人

王文弼等。以協辦大學士英和增租擾累。呈

遞封章。懇求代奏。得旨。此案派托津曹振鏞文孚。明山耆英。湯金創。秉公嚴審。定擬具奏。○以吏部右侍郎貴慶著正藍旗滿洲副都統。○戊子。

上辛靜明園詣

龍神廟拈香。○諭內閣。百春等奏查驗浙江漕糧米質不齊。請覈實分別辦理。本年浙省漕糧抵壩。甫將前二幫查驗。即查出米質大小顆粒不一。兼有攪雜飽稻灰暗發粒不堪

收受之米。恐以後各幫似此情形者。尚復不少。除將米質較為堅實者。著飭坐糧廳趕緊驗收。並著該侍郎等責成糧道尹世衡。迅即認真督率篩颺。儘再有難以收受之米。則是有心玩誤。即將該糧道及總運通判運弁等。據實嚴叅懲辦。勿得稍事姑容。○又諭。格布舍等奏請酌撥廢員幫辦公務一摺。烏里雅蘇台。向例由京派撥章京四員。並由綏遠城換防兵丁內。保舉筆帖式等官。此內豈無通

曉漢字之員。堪以承辦奏摺。及一切命盜案件。且由來已久。自應遵照舊章辦理。格布舍等請由新疆張家口等處酌撥廢員幫辦公務。殊屬更張舊制。所奏著不准行。○鑄給奉天新改岫巖鳳凰城海防通判關防。從府尹常文請也。○己丑。以甘肅蘭州道薩迎阿。為按察使。○庚寅。

上詣綺春園問

皇太后安。○諭內閣。據那彥成奏。保定省城外

一畝泉

龍神廟。向著靈異。今春及前月。該督兩次虔禱。均即甘澤普霑。本月初間。祈求亦甚感應。現經該督與司道捐廉將祠宇修葺完整。著照所請。頒發御書扁額。交該督敬謹摹勒懸掛。以答

神庥。○諭軍機大臣等。昨據鄂山奏。甘肅按察使源溥因病出缺。已降旨將薩迎阿補授矣。薩迎阿現署該省按察使。是以將伊補放。

著鄂山察看該員人品才具能否勝任。儻不稱職。即據實具奏。不得因係特旨簡放之員。稍有遷就。將此諭令知之。○又諭連日盼望西師紅旗。本日長齡等由六百里加緊馳奏。祇係霍罕遣使納款。及官兵追捕張逆情形。覽奏殊負朕望。前因張逆竄至拉克沙。副將郭繼昌等潛斷鐵索浮橋。杜該逆竄往達爾瓦斯之路。茲據奏達爾瓦斯伯克沙伊布拉克。將該逆引赴達爾瓦斯地方。是我兵縱已將橋拆毀。該逆已由拉克沙逃赴達爾瓦斯。現經楊遇春飭庫布特邁瑪特沙等往諭該伯克擒賊立功。並飭署葉爾羌阿奇木伯克阿布都爾滿妥差查探張格爾如果被達爾瓦斯圍住。此係極好機會。該將軍等動之以利。怵之以威。所辦亦尚妥協。此時當已迅速就擒。朕惟計日以待。至霍罕伯克邁瑪達里。派頭人密爾雜愛斯瑪特到營。甘言誘我。不足憑信。其求大兵緩進。此則係其本心。該

將軍發給回諭。措詞尚為得體。並優加犒賞。令其星夜馳回。勒限二十日來營稟報。計本日距該將軍發報時。已過二十日之限。再計接奉此旨時。距發報將五十餘日。達爾瓦斯是否縛獻張逆。霍罕是否協擒。並能否獻出該逆親屬。朕心殊深廑注。綜閱該將軍節次奏報。張逆愈竄愈遠。儻各部落觀望。領兵各員遷延。日復一日。作何了局。非但老師糜餉。抑且啟外夷輕視之心。成何事體。現在大營官兵計一萬八千餘名。曠日持久。費用愈大。轉餉愈難。且因獸猶鬪。張逆雖釜底遊魂。相從尚有數百人。卡外部落皆其同類。我兵出卡。雖有八千六百餘名。尤須加意隄防。不可恃勇深入。轉瞬大雪封山。計將安出。該將軍等務立定主意。一面檄諭各部落擒拏張逆。期於必獲。一面將卡外各兵妥慎籌酌。可撤即撤。一切善後應辦事宜。迅速辦理。毋徒以空言塞責。儻一籌莫展。虛糜糧餉。則惟長齡

等是問朕必執法嚴懲毋謂言之不早也該將軍等請撤留防阿克蘇沙雅爾二處延綏兵一千名烏什甘肅提標官兵五百名並調齊慎赴營俱著照所請行將此由六百里加緊諭知長齡武隆阿楊芳並諭楊遇春知之○直隸總督那彥成奏報得雨情形得旨覽奏稍慰京師於初八日酉刻小雨纖纖計可寸許十一日得雨深透炎暑頓消秋稼可期收穫十三日戌亥之間又得陣雨四五寸凡

此皆賴

上蒼賜惠

龍神佑靈朕欣感之餘倍加警畏仍祈入秋雨暘應時萬寶告豐朕齋心敬待也○頒黑

龍潭

龍神廟

御書扁額曰功溥為霖密雲縣白龍潭

龍神廟

御書扁額曰澤周三輔保定府一畝泉

龍神廟

御書扁額曰澤敷畿甸○辛卯

上御勤政殿聽政○諭內閣朱士彥奏浙省廩生向有告遊學開缺各省所無等語向例廩生告遊學限三月補考過限不補考者於出貢時扣算作曠何以該省相沿開缺著禮部覈議具奏至僧生縣試時既未服闋何得令其混考自應照童生之例不准冊送以杜弊混尋奏嗣後廩生呈報遊學俱遵定例勒限

補考逾限不補者開糧不作缺限外補考者查明逾限月日均扣算作曠其上屆開報下屆歲考無故不到者即照例斥革如果係遊學未歸由該教官確查詳請展限至三次歲考以外竟行斥革以符定例而杜弊竇從之○諭軍機大臣等據嵩孚奏籌辦京山縣王家營隄請於沙灘之中開挑引河疏導漬水排椿下埽固其根底再行修築隄身等語王家營隄工為數縣田廬保障前既屢築屢

潰亟應籌議經久之策永資利賴該督既稱楊家腦沙灘積沙過厚水至即淤斷難開疏則又欲於淤灘之中開挑引河疏導潰口潰水設仍旋挑旋淤豈不徒糜工費至謂該省修隄僅用土石拋填根腳難期堅實須仿照黃河工程做法排椿下埽固其根底該處楊家腦沙灘逼水東趨直射隄所又有胡李灣沙洲橫截河中回溜捺根勢甚湍急現議所下之埽僅用葦料是否即比土石拋填較為

堅鞏將來修築隄身能否長資捍衛事關數邑民瘼不可不詳慎妥籌以期一勞永逸著嵩孚再行虛衷集議務求妥善奏明辦理勿因具奏在前稍存回護之見也將此諭令知之○壬辰以修濬四川越窩巫山兩廳縣隄壩堰渠通判秦岐翔等下部議敘○癸巳諭內閣前據都察院奏通州民人王文弼呈遞封章控告英和家人張天成增租擾累一案英和當時如何置買此項地畝何以遽令增

租徐永祥以在官人役何以與伊家人一同下鄉兌地迨該佃戶不肯增租徐永祥何以出名遣人赴宛平縣呈告著英和逐一據實明白回奏無庸妄行畏懼諒亦不敢隱飾也○乙未諭內閣已革工部主事福珠靈阿膽敢令家人等竊取所管庫內硝磺賣錢入己計贓至一百八十二兩之多實屬藐法不職福珠靈阿著在硝磺庫枷號一箇月滿日發往新疆充當苦差永不准奏請釋回其贓銀

著該旗在該革員家屬名下嚴追還官不准以無力完繳藉詞延宕郎中黃遐年失察同官侵盜又於劉喜兒等竊取硝磺因福珠靈阿用言支飾並不攔阻實屬徇隱黃遐年著交部議處其失察之歷任工部堂官俱著交部議處○以浙江台州前等十二幫丁力疲累准應交曬颺耗米九千二百餘石分三限搭解○丙申諭內閣張井等奏籌備大汛工需銀兩等語南河現當汛期緊要之時必須

經費寬裕方期應手據該河督等奏稱前辦減壩大工不敷銀八十萬兩先於河庫存款墊發尚未撥還庫中僅存銀十七萬餘兩其廣東應解銀二十萬兩及兩淮運庫例解之項均未解到現有急須發辦之工請於蘇省兩藩庫存銀內就近暫行借撥著照所請准其於江寧藩庫借撥銀十萬兩蘇州藩庫借撥銀二十萬兩共借銀三十萬兩趕緊委解河庫以備急需俟撥到減工墊款八十萬兩

即如數撥還兩藩庫歸款該部知道○諭軍機大臣等將攸鈞等奏來年新漕請仍行海運盤壩一摺近年河底逐漸淤高清水不能暢出以致漕運阻滯琦善等請開王營減壩辦理不善仍未能如法通漕本年倒塘灌運未可常恃來年重運亟應豫為籌計該督等請仍行海運所奏乃有備無患之意所有江蘇省來年新漕除江寧揚州淮安徐州通海等四府二州照舊各歸本幫兌收轉運外其

蘇州松江常州鎮江太倉等四府一州仍雇用海船運赴天津一切海運事宜除成案可循外此內如須量為變通著漕運總督直隸總督山東巡撫江蘇巡撫通盤籌畫定議俟奏到時再降諭旨海運本非良策朕所以勉從所請者原以河漕不能兼辦騰出河身俾去其受病之源用復以清刷黃之舊仍責成張井潘錫恩各發天良實力講求疏淤導滯務令黃水落低清水暢出以期漸復舊規本

年江南首二進回空軍船著准其截留河北係因蘇松常鎮太等處漕米既改由海運此項船隻原可空出姑令暫留以備萬有一然之需朕意來年河湖暢順原可無庸盤壩自當即用原船北渡非但軍船暢行即商賈各船亦得源源北上俾商販流通不虞短絀彼時即可將截留河北空船飭令南下歸次若恃有盤壩章程即不加意修防一籌莫展於全河毫無裨益試問該河督等能當此重咎

否。朕言出法隨。決不寬貸。無謂教之不豫也。將此諭知蔣攸銛。張井潘錫恩。並諭訥爾經額。那彥成。賀長齡。陶澍知之。○又諭御史蔣泰階奏請嚴禁包漕劣衿添食忙規一摺。據稱江蘇省漕務之弊。由於浮收而不肖生監等。藉此挾制分肥。近來更甚於前。漕規之外。又添忙規名目。各州縣徵收錢糧時。置立號籍。每人應得若干。按名照給。南匯鎮洋二縣為尤甚。竟有就職舉貢。故紳弟姪。視為成例。

首先瓜分。自番銀一二百圓。至二三十圓。以人之等差。為數之多寡。一縣不下百數十人。需銀三四十兩不等。再閱數年。人既日眾。數亦愈多。請飭嚴行查禁懲辦等語。州縣經徵錢漕本不許浮收婪索。其地方刁劣衿監坐索漕規。歷經嚴旨飭禁。近復新增忙規。如該御史所稱。一縣之中。竟有多至百數十人。需銀數千兩者。公然坐食分肥。按簿散給。肆行無忌。尤不可不嚴行懲辦。著蔣攸銛等通飭

各州縣實力整頓。除漕規勒令裁革外。並將新增忙規。於開徵前嚴密查禁。永遠革除。如實有特符抗違。著名劣衿。即嚴拏從重究辦。以儆其餘。至州縣官既無此項額外耗費。儻仍有截留印票。剋扣平餘等事。亦即嚴叅懲辦。毋稍徇隱。俾不肖生監等無所藉口。以息刁風而杜流弊。將此各諭令知之。○調安徽壽春鎮總兵官裴安邦為江蘇徐州鎮總兵官。徐州鎮總兵官馬國用為壽春鎮總兵官。

○予故青海扎薩克輔國公格呼克喇布濟祭如例。○戶部議准。直隸總督那彥成疏報武清縣新淤成熟地一百五十五頃三十一畝。有奇。照例升科。從之。○丁酉。

上幸萬壽山詣

廣潤祠拈香。○遣官祭

火神廟。○諭內閣。從前乾隆年間。逆回布拉呢敦霍集占。以叛伏誅。布拉呢敦之子阿布都哈畢。本係應行緣坐之犯。

皇祖高宗純皇帝。憐其年幼無知。貸其一死。賞給功臣家為奴。道光三年。朕因其為奴已久。尚屬安靜。加恩照當差回子之例。將伊一家。入於正白旗蒙古。賞給差使。令張格爾膽敢入卡肆逆。跳梁不靖。實為元惡大憝。張格爾係薩木薩克之子。布拉克之孫。阿布都哈里。係其胞叔。法當緣坐。朕仰體

上天好生之德。不忍予以駢誅。然究不便仍令在京居住。阿布都哈里。並其長子博巴克。次

子阿布都色默特。其孫阿錫木。及眷屬俱著。拏交刑部。定地發遣。並著理藩院內務府。通行曉諭。在京當差居住各回子。以此次將阿布都哈里。及其子孫發遣。因其本係逆裔。又係張格爾親屬。應行緣坐。不忍誅戮。僅予發配。即係寬大之恩。與另族回子。全無干涉。此外毫不株連。爾等俱宜各安生業。照舊當差。不必妄生疑畏。將此通諭知之。又諭賀長齡。秦州縣養廉攤扣太多。不敷辦公。請量為

變通一摺。山東州縣。虧空多於他省。攤捐亦較他省為重。常年應扣之項。不一而足。以致辦公竭蹶。現有應行補扣之軍需二成。又曹工三成。尚未攤完。若再將盤查案內二成。同時並攤。實屬力有未逮。據該署撫查明情形。奏請量為變通。加恩著照所請。所有盤查案內之二成。准俟曹工三成攤竣後。陸續接攤。次第歸補。又另片奏。東省州縣養廉。因須攤扣捐墊各項。前經奏明解司備撥。其下缺州

縣。向不分攤。應解養廉。現皆無款可扣。除攤款較多之上中等缺州縣。養廉仍解司庫。隨時備扣外。所有寧海。福山。海陽。壽張。昌樂。高苑。臨淄。嘉祥。定陶。魚臺。臨朐。文登。鉅野。蒙陰。海豐。新泰。招遠。棲霞。霑化等十九州縣。解司養廉。俱著准其自行坐支。其應扣之曹工三成。及盤查二成。並著免其攤扣。僅經此次調劑之後。各該州縣。尚敢恣意侵虧。復蹈故轍。即著據實嚴參。從重懲辦。決不寬貸。○旌表



守正捐軀江西分宜縣民伍惠陽妻彭氏○除直隸大名南樂清豐三縣新開衛河占用民地三十五頃八十八畝有奇額賦○戊戌諭內閣阿布都哈里及其長子博巴克次子阿布都色默特博巴克之子阿錫木著刑部分撥雲南廣東廣西福建四省定地發配各在該省按察司監內永遠嚴密監禁毋許與外人交接及傳遞信息等事每屆年終各該省臬司將該犯等在監是否安靜稟詳巡撫

具奏一次阿布都哈里之妻馮氏女帕特買博巴克之妻楊氏女大妞著刑部定地發江寧京口杭州乍浦等處駐防為奴其女如年未及歲俱准其母隨帶到配後該將軍副都統等即咨報軍機處每屆年終著將該犯婦等是否安靜咨報軍機處一次阿布都哈里等分起發配著沿途各督撫派委妥員小心押解所有該犯等在京資產俱著准其帶往其僕婦馬氏石氏及伊家人馬老即孺孜勉

馬三即玉筍楊大即阿克底李大即木勒滿等俱屬無干著刑部即行釋放並著將該犯等配所及分起押解日期具奏○己亥諭內閣嚴煥奏請添撥防險銀兩一摺豫省河工例撥銀兩業經動用將竣據該署河督查明本年黃河長水較大舊險新工鑲修甚多懇請循例添撥以濟工需著照所請准其於河南藩庫添撥銀三十萬兩另款存貯如遇必須動用之項即由該署河督酌定銀數咨行

提用務當認真稽覈力加撙節毋任稍有虛糜俟霜降安瀾後統將先後撥過司庫銀兩及各工用銀總數覈明奏報如有存餘仍撥還司庫原款該部知道○諭軍機大臣等朕聞康熙年間行圍木蘭曾自喀喇河屯徑由波羅河屯進哨無須取道熱河著昇寅等查明喀喇河屯徑赴圍場舊道計有若干里所經係屬何處是否可仍作為蹕路抑今昔情形不同難以仍前取道該都統等即派員履

勘詳細確查據實具奏將此諭令知之○又諭前聞貴州幕友有駱姓兄弟姪盤踞把持降旨交嵩溥查明劣跡分別懲辦茲據嵩溥奏稱該撫署內所延之駱邦煜謹飭自愛仍請留署勸理臬司幕友駱廷椿首府幕友駱燦查無盤踞置產招搖劣跡究係同宗姪跡涉嫌疑飭將駱廷椿即駱喬年駱燦即駱春暉迅即揮逐回籍其駱廷猷即駱秋樵現就銅仁縣幕係該縣自行延請並無交結

重纂卷五

七

黨援情弊但係駱姓宗族亦即飭令回籍等語劣幕盤踞省垣朋比為奸最為吏治之蠹既據該撫查明駱廷椿等尚無結黨把持情弊著免其拏究應即揮逐回籍該撫仍當嚴密查訪毋任藉故逗留並嚴飭所屬勿許私自延請如敢陽奉陰違即行查明叅辦至駱邦煜現在該撫署中尚無不自檢束之處該撫亦當嚴緊關防該幕家人不准出署書函亦不准傳進以杜弊端而肅吏治將此諭令

知之○庚子旌表守正捐軀河南正陽縣民魏化萬女局姐○辛丑

上詣

大高殿行禮○還宮○旌表守正捐軀安徽含

山縣民高成倉妻劉氏○撫卹朝鮮國遭風

難夷如例○以孟秋時享

太廟自是日始齋戒三日○癸卯協辦大學士

禮部尚書汪廷珍因病賞假以都察院左都

御史姚文田署禮部尚書

實錄卷百五

七

大清宣宗效天符運立中體正至文聖武智勇仁慈儉勤孝敏成皇帝實錄卷之一百二十

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二十一

仁慈儉勤孝敏成皇帝實錄卷之一百二十一

監修總裁官趙冠日講起奉流官太子太保體仁閣大學士文淵閣領頭等管理戶部事務上青房地所傳島林院會院學士兼管地

天府府尹有拜恩加五級紀錄十八次日官積題表官經是幕官之部尚書錄並漢漢軍都統管理新營牙城內官房大臣糧察內

七倉大臣慎密會用四譯館事務加一級隨帶加六級單加加三級紀錄五次臣花沙納經筵講官文淵閣提舉閣事兵部尚書總管

內務府大臣釀曲旗滿洲都統稽察內七倉大臣管理宗人府銀庫主事知官學 聖喜堂圓明園等處稽校管御茶膳房御膳房太

醫院建辦庚子落陸帶加十八級臣阿靈阿副總裁官經建謀官兵部尚書陸華加六級紀錄二十次臣周祖培等奉

敕修

道光七年丁亥秋七月甲辰朔享

寶錄卷一百二十一

太廟

上親詣行禮○辛圓明園○詣綺春園問

皇太后安○乙巳正白旗護軍統領全善保因

病賞假以正黃旗蒙古副都統法克星阿署

正白旗護軍統領○丙午諭內閣前據劉彬

士秦程含章提用商綱銀六萬三千兩係屬

額外溢支並不追漏完餘價程含章回奏彼

此各執一詞當降旨交琦善前往浙江會同

朱士彥秉公確查茲據奏稱每年所收商網

多則三萬八千餘兩少則二萬一千餘兩銷

引有衰旺故輸款有多寡此項商網及備公

二款。厯任巡撫均係各歸各任扣算提支。若

照每綱引額科算按年提銀三萬餘兩則遇

僅收二萬餘兩之年。又將如何找補此項贏

餘銀兩從不列款報銷即屬程含章應提之

款並非贓私可比上年所完正餘引一百三

十餘萬道係自嘉慶二十三年戊寅綱起至

道光六年丙戌綱止所完多係舊引豈得謂

1

之溢完該商等雖完課在先查明鹽未銷出

仍應著追餘價部議甚明劉彬士將上年九

月奉旨加價日起至十二月初六接准部文

之日止所完引課比較道光五年計多完四

十餘萬引一律作為溢完奏追餘價於鹽斤

已未售賣轉未確查與成案及部文俱不相

符。自應照原奉部文查明已未銷覈辦等語。

程含章查無額外溢支及漏追餘價情節其

回奏存留商綱一千餘兩聲敘舛錯且出背

捐辦各項於商網寬裕時照數提還實屬見小至甄別副將鄧宏參將吳賜二員及委令副將徐慶超遊擊李鶴松等遞相接署俱於具奏後始行知照提督亦與體制未協均應交部議處惟伊從前列款奏劉彬士率聽不根之言妄行入告為先發制人之舉其咎尤重業經吏部議以革職本應照議罷斥姑念其平日居官尚好程含章著加恩以員外郎用以觀後效劉彬士因恐本年滯銷商網

不敷支用何難設法疏銷俾臻充裕乃奏請追補餘價既未查照部文又於商網一款不查明原委率行瑣屑入奏亦屬不合劉彬士著交部議處○諭軍機大臣等御史吳敬恆奏衍聖公官屬濫給割付請嚴示限制一摺據稱近年坊刻摺紳內載衍聖公官屬自林廟守衛司百戶管勾司樂以至各屯官等職或每年更換或數月更換雖給割付咨查原籍並非該員自充實皆託人頂替其僅執割

付未列入摺紳者又不知凡幾並聞有該處包攬之徒攜帶割付自赴各省私行濫給誣騙招搖其弊百出且司樂一官秩止七品即掛朝珠黃緣各送賄賂公行再衍聖公官屬一接割付無論父母存歿捏告終養所遺之缺即另補他員輾轉遞讓俱為將來覃恩地步難保無身家不清等語國家尊崇

至聖先師至優極渥惟四氏學教授學錄例由衍聖公會同巡撫保送補授此外凡有所屬官員俱由衍聖公咨送吏部具題如該御史所奏該員竟有託人頂替及包攬之徒攜帶割付私行濫給並捏告終養輾轉遞讓等情或即係不肖屬官之所為該御史既有此奏著賀長齡秉公確查具奏毋任有頂替滋弊並濫給混咨情事其將來呈請封典亦著衍聖公詳悉查明不得以身家不清之人濫竊恩綸以昭覈實吳敬恆摺著鈔寄閱看將此諭令知之○予故工部尚書陸以蔭祭葬

如例諡文恭。命其子候選通判恩綬服闋後即補。○丁未諭內閣。那彥成奏查明各州縣徵存未解地糧等銀有款可抵。請勒限清釐一摺。直隸省道光二三四五等年奏銷案內冊報各屬徵存未解地糧正耗並門廠房租共銀六萬七千三百八兩零。已先後追解司庫。造入各年奏銷報部銀四萬六千九百九兩零。實未完銀二萬三百九十九兩零。內除前任香河縣病故知縣徐志祖。前任青縣叅革知縣司馬庠。前任正定縣叅革知縣姜臣斌。前任威縣休致知縣李家言等四員徵存未解銀一萬一千四百八十兩零。應歸入該員等虧空案內辦理外。尚有安肅吳橋正定任邱東安衡水慶雲豐潤等八縣未完銀八千九百一十八兩零。經該督查明均有領墊各款作抵。惟此內有應前後各任交還並應徵民欠歸款。未能及時起解。著勒限三箇月即責成現任各州縣查明原抵銀數。依限分

別催追報解清項。隨時報部查覈。毋許再行延宕。嗣後如再有造報徵存未解銀兩。即著查明虧欠員名。隨案附叅。勒限嚴追。以示懲儆。○旌表守正被戕黑龍江正藍旗閑散佳圖女色木珍。○免直隸天津縣積水地畝上年額賦。並文安縣窪地上年額賦十分之五。○戊申。上幸靜明園詣龍神廟拈香。○阿克蘇辦事大臣長清等奏大兵於二月初六日自阿克蘇進剿。後當經按站設立滾運糧臺。雇覓腳力轉運。嗣交夏令駱駝歇廠。復經添雇牛馬以備更換。截至閏五月底止。共計起運過麥麪三萬五千三百餘石。馬料一千三百餘石。餉銀六十五萬兩。按照進剿官兵員名數。覈計運過軍糧餉銀尚不敷用。屢接大營來信。知喀什噶爾葉爾羌等城均可就近採買。較之遠道運供並可節省運費。現在官兵出卡勦拏逆首。口

糧無虞缺乏需用餉銀俟蘭州續解到日即行趕緊轉運其應用之火藥鉛丸戰箭靴鞋等項亦均隨時轉運足用現在凱撤官兵接續前來督飭委員妥為照應並令帶兵將弁嚴加管束不致滋事至渾巴什及銅廠等河每至夏秋水漲溢人畜不能躡渡而水勢洶湧流沙無定又難建橋均備寬大船隻俾糧餉凱兵皆無阻滯又阿克蘇所屬洋阿里克至都齊特一站哈拉玉爾滾至察爾齊克

一站河色爾至庫車城一站均係一百三五十里戈壁當飭開掘井泉十餘處其河色爾一站它深數十丈並無涓滴復經相度地形改移道路挑挖深溝引灌河水以備人畜渴飲報聞○參贊大臣楊芳謝恩得旨汝之忠勇朕早知之○一力揜拏逆首立功身膺懋賞勉之又勉○以江蘇京口協副將湯攀龍為福建海壇鎮總兵官○以阿克蘇守城並拏獲奸黨出力賞主事銜忠麟藍翎伯克色提

巴爾第三品頂帶花翎餘加銜升選賞換頂帶有差○以辦理阿克蘇軍務出力賞知府朱紹穎花翎餘升補有差准七品頂帶廢員沈琮送部引見釋遣戍廢員潘煜丁垣回籍○予賽里河瑪雜陣亡外委曹喜祭葬世職兵丁張陞等十四名賞卹如例○己酉諭軍機大臣等自六月十六日接到長齡等奏報業已兩飭朕時切懸盼及至昨日申刻據長齡等由六百里加緊奏報急行拆閱尚非獲

逆喜音覽奏曷勝憤懣計自喀什噶爾克復以來距今五月之久每有奏陳該逆竄逸地方及偵探追捕情形總不過藉詞支吾辦理全無把握如果實有該匪藏匿地方飭派官兵回兵跟捕又得各部落幫同截拏何至令逆裔此拏彼竄現計出卡官兵已八千六百餘名聲威不為不壯若不趁此天時未寒設法即日成擒轉瞬大雪封山官兵等豈能久駐卡外竟成海捕縱該逆以釜底遊魂斷不

能復肆猖獗。亦恐師出無功。轉令外夷輕視。且此數月之久。虛糜帑項。不可勝計。若再虛詞搪塞。日復一日。不惟卡外轉餉綦難。豈能以無數帑金。盡輸荒徵。該將軍等必須前後熟籌。立定主見。斷不容任意遷延。重取咎戾。楊遇春既已帶兵出卡。正當督拏喫緊之時。即著暫留在彼。俟得捷音。再遵朕前旨。先行進關。至成玉。蘇清阿。現隨楊遇春等出卡。亦即暫緩飭令赴任。應否派員前往署理。及達凌阿等署理各城。能否勝任。著遵照前旨。留心察看。據實奏聞。其應撤火器健銳兩營官兵二百餘員名。西安滿營官兵五百餘員名。即著照議減撤回營。以節糜費。東三省及四川省各官兵。前已降旨先行裁撤。著該將軍等酌量情形。陸續撤令歸伍。軍營後路餉銀。現已諭知鄂山等將解甘銀兩。隨時迅解軍營備用。至前在和闐迎接官兵被賊殺害之阿渾穆圖巴拉。現既查明伊次子玉素樸願

充阿渾其三子土敏爾著賞給六品頂帶。以示矜恤。現附報便發去四體字憫忠詩。著長齡等勒石喀什噶爾昭忠祠前可也。將此由六百里加緊諭知長齡武隆阿楊芳並諭楊遇春知之。○又諭昨日據長齡等奏報摺內稱統計軍營共收餉銀一百萬零二萬八千餘兩。除在阿克蘇烏什等處採買糧料牛羊馬匹暨克復喀什噶爾後購買糧石各項支用外。餘皆按例支給官兵。嗣因後路糧餉未能隨時解到。尚有未發各營鹽菜等銀多寡月日不等。業已飛催後路趕緊撥解。其先撤官兵短交銀兩。飭令進關後歸入軍需局截數找發等語。糧餉需用緊要。現在軍營尚有未發鹽菜銀兩。業經長齡等節次咨催計此時鄂山等諒已撥解無誤。嗣後遇有咨撥之項。著鄂山等妥為籌備。隨咨隨解。務期源源接濟。不可稍有遲緩。致誤要需。將此諭令知之。○以克復和闐並追剿逸賊卓霍爾玉努

斯。及接運軍火糧餉出外賞遊擊徐廷彪。巴圖魯名號。章京豐林保等花翎。守備朱永福等藍翎。餘加銜升補開復處分有差。○封閉盛京新洞溝。白土嶺。西柳塘等處煤窯。從前任將軍晉昌等請也。○庚戌諭內閣。祿成奏審明子婦拒姦戕斃伊翁。按律定擬聲明請旨。此案伊爾根覺羅氏因伊翁扎倫保黃夜走至該氏睡處圖姦。情急拒戕致斃。取有扎倫保生供。與無故逞兇干犯者不同。伊爾根

覺羅氏。即照成案改為斬監候。該部知道。

以乾清門侍衛奉宸苑卿奕紀為嚮導大臣。

○以唐努烏梁海總管拉瑪扎布差使奮勉。

賞副都統銜。○辛亥。

上詣綺春園問。

皇太后安。○諭總管內務府大臣等。前於道光

四年。經內務府具奏將宮內各處原設器械。

火藥等項全行交出。更換木棍。其圓明園內。

除技勇學所留長槍腰刀等項軍器。並綺春

園存留巡更鳥槍八桿外。其餘鳥槍撒袋均經交出。更換木棍。是宮內圓明園。即不應另有收存軍器。儻有私行藏匿。即屬大干例禁。况太監等供奉內廷。尤宜安分守法。敬謹當差。豈得以違禁器械任意攜入宮禁。總由該總管太監等平日漫不經心。應查不查。遂致視為故常。致有自鳴鐘太監劉得英。吳喜在園內私放鳥槍之事。除此案交內務府嚴審定擬外。各處太監或不免有私藏軍器之處。

自應嚴加整飭。以肅宮禁。惟令立時概行交出。轉恐該太監等心存畏懼。仍復隱匿不能覈實。著予限十日。令各該處首領太監等出具並無私藏器械甘結。報明本管總管太監。由總管太監於本管處所。復行逐細嚴查。覈實具奏。仍加結交敬事房。並總管內務府衙門存案。經此次查辦後。除技勇學太監仍照前定章程。准其學習技藝外。如有慙不畏法。膽敢仍蹈前轍。私藏軍器之人。查係弓箭弩



彈等物。即照例治罪。儻敢將鳥槍火藥金刃器械。仍前收藏。一經發覺。必將其人照違旨例加等問擬。即行正法。該管首領太監。匿不隨時報出。即照為從例治罪。本處同伴太監耳目切近。尤易知覺。果能立即告知該首領。不難隨時敗露。如經告知首領。首領尚為隱匿。則專治首領之罪。首報太監即應免究。若太監等心存瞻顧。不行舉發。事犯時本處太監無論知情不知情。一概照為從例治罪。其各門首領太監。於各處太監出入私行攜帶時。未能查出。一併從嚴究治。該總管太監等此時不行詳查。將來別經發覺。一併嚴懲不貸。著通行曉諭宮內圓明園等處。將此旨恭錄懸掛。俾各懷遵著為令。○庫倫辦事大臣。蘊端多爾濟等。奏恰克圖前歲去歲支用公費銀兩數目。遺漏未經具奏。請交部議處。得旨。此項公費銀兩數目。理應每年具奏一次。今將前歲去歲支用公費銀兩數目遺漏

未經具奏。實屬非是。即照所請。主事福克津。倭星額。著交部議處。蘊端多爾濟樂善著一併交部議處。○雲貴總督阮元等奏滇省安寧雲龍抱母香鹽恩耕五井酒衰課絀酌減課銀二萬七千七百一十餘兩。在於溢銷較多之石膏元興永濟三井溢課項下抵補。通計額課仍無短絀。又奏新開子井向於試辦三年後。咨部定額。未定額以前。零星銷售鹽款。除添撥衰井缺額外。餘以津貼本省公費。

等用。歷來泥為外銷之項。未經奏報。請嗣後一律歸併造報。統作溢課。儘數入冊奏銷。每年劃撥銀三千兩。以資公費。仍於奏銷時另冊送部查覈。均從之。○壬子以恭修

昌陵

隆恩殿成。遣官告祭如儀。○諭內閣協辦大學士禮部尚書汪廷珍。人品端正。學問淵博。嘉慶十七年蒙

皇考仁宗睿皇帝簡用上書房師傅。與朕朝夕

講論非法不道。迨二十三年受任總師傅。倍加勤慎。攷古證今。深資啓沃。朕親政後。畀以左都御史。禮部尚書。擢襄綸閣。晉錫宮衛。凡所陳奏。均得大體。本年閏五月間。遘疾。疊經賞假調理。遣醫診治。並賞給人參。派員署理部務。猶冀剋期就愈。倚任方長。遽聞溘逝。實深悼惜。著加恩晉贈太子太師。入祀賢良祠。賞給陀羅經被。派奉宸苑卿奕紀即日齋往。並派大阿哥於初十日。帶領侍衛十員前往。

賜奠。由廣儲司賞給銀一千兩。經理喪事。其任內一切處分。悉予開復。所有應得卹典。該部察例具奏。伊次子候選主事汪報閏。俟服闋後。遇缺即補。以示朕篤念耆臣至意。尋奏上予祭葬。謚文端。○命新調綏遠城將軍晉昌即赴任所。毋庸在御前大臣上行走。實授鄭親王烏爾恭阿。正黃旗領侍衛內大臣。○山西布政使張志緒年老休致。以廣西按察使葉紹本。為山西布政使。福建鹽法道何燿。

為廣西按察使。○以辦理伊犁軍需出力。予協領哈芬布等議敘升補。加銜有差。廢員方士淦。免罪釋回。○癸丑。

孝懿仁皇后忌辰。遣官祭。

景陵。○諭內閣。德英阿奏。廢員辦理糧運無誤。懇請獎勵等語。伊犁廢員恩德。到戍已逾二年。著屆滿三年。奏明請旨。雅隆阿著再留二年。請旨。至善著准其釋回。○又諭巴璘阿奏。參延不拏獲兇犯以致脫逃之。和碩特扎薩。

克布彥克什克一摺。扎哈沁公車德布達付呈報。和碩特扎薩克布彥克什克之旗下人。到伊遊牧地方。因爭地畝毆斃伊之旗下布拜等語。當交布彥克什克查拏。布彥克什克並未將兇犯拏解。復嚴飭交出。始稱毆死布拜之喇嘛扎巴。已乘馬脫逃。顯係布彥克什克並未嚴拏。有意耽延。致兇犯脫逃。實屬藐視人命重案。鬆懈已極。布彥克什克著即照巴璘阿所奏。交部嚴加議處。○諭軍機大臣。

等孫爾準奏據浙江藩臬兩司呈報有已革溫標右營千總魏大鵬在浙江巡撫衙門呈控提督蕭福祿來溫閱兵中營遊擊錢芳耀派捐一千七百餘金。酬送內使隨員巡捕養馬官。並提督酒席銀兩。魏大鵬之父。控經提督轉委溫州遊擊馬殿魁查覆。借以鋪墊變價為名。分還千把外委。威勒具結。顛預諱罪等情。該提督陞見回閩。路過杭州。面囑浙江臬司周之琦。會同藩司富呢揚阿。迅速確審。

現尚未據該司等審明詳覆等語。案關評告提督閱兵。所屬營員。派捐銀至一千七百餘兩之多。事經告發。始行借名發還。如果屬實。大干法紀。必應徹底根究。遊擊錢芳耀現經停其給咨送部。扣留候訊。著交劉彬士督同藩司富呢揚阿。臬司周之琦。提集一千人證。秉公嚴訊。務得確情。以成信讞。毋稍瞻徇。亦毋得稍有遷就。致干咎戾。將此諭令知之。○閩浙總督孫爾準等奏閩省早稻豐收。請停

止商船赴浙買米。以重海防。報聞。○福建福寧鎮總兵官博勒果善。休致以廣東龍門協副將程恩高。為福寧鎮總兵官。○琉球國王尚灝遣使護送內地遭風難民到閩。賞賚如例。○甲寅。

上詣綺春園問

皇太后安。○諭內閣。嘉慶八年十月內

皇妣孝淑睿皇后奉安地宮時

皇考仁宗睿皇帝欽遵

祖制。親行視奠。本年九月二十二日。行

孝穆皇后奉安地宮禮。朕於十八日。自宮內

啓鑾。恭謁

祖陵禮畢。至

孝穆皇后奉安處。親行視奠。二十五日。回圓

明園。所有應行典禮。各該衙門照例敬謹豫

備。○禮部奏。八月初十日

萬壽節。應行禮儀。得旨。照例行禮。停止筵宴。○

添派禮部尚書松筠恭辦奉安

孝穆皇后梓宮事宜○命兵部尚書玉麟為上書房總師傅○以工部尚書王引之為武英殿總裁官戶部右侍郎顧鼎管國子監事○乙卯諭內閣奉

皇太后懿旨大阿哥側室福晉烏朗罕氏著封為福晉所有應行事宜該衙門照例辦理○又諭賀長齡奏東省竊盜繁多請將解審之例量為變通定例尋常遣軍流犯均應解司審轉近來山東竊盜多於他省已據先後陸

續報獲二百數十名仍有聞風竄匿者必當一力查辦惟所獲各犯多係積賊巨竄罪應軍流遣戍各州縣每辦一案自解司審轉以及審明發回需費不少據該護撫奏稱現當整飭捕務之際獲犯日多若仍循舊章辦理恐州縣賠墊難堪緝捕又形廢弛自應量為變通著照所請嗣後山東省審辦竊盜搶奪及窩家問擬遣軍流罪案件除有關人命者仍照舊例解司審轉外其計贓計次計人數

治罪各犯概免解省統由該管府州審明詳解該管道覈確後將人犯發回候示一面妥敘招冊送司覆覈專案請咨儻有鳴冤翻異及案情重大辦理未協者仍由司分別駁提解審經此次變通之後該護撫惟當督飭各州縣實力緝拏毋任匪徒漏網以戢奸宄而安良善俟數年後該省盜風漸息仍著遵照舊章辦理該部知道○諭軍機大臣等李鴻賓等奏製造快船弁兵巡緝有效請籌口糧

以期經久廣東黃埔至虎門一帶奸匪叢集其船身長而狹名曰快蟹艇甚至用礮械抗拒巡兵經李鴻賓等會同李增階議籌制伏之策倣照快蟹艇式樣造快船七隻分段巡查與粵海關監督籌辦經費造竣後交提督選派精兵實力巡緝上年冬間迄今該匪一遇巡船即自棄其艇而遁陸續奪獲快蟹艇六隻餘多自行鑿沈黃埔虎門海口漸就肅清每船派弁一名日給口糧銀六分每船派

兵四十名。每兵日給口糧銀四分。俱係該督等捐貲給賞。所辦甚屬可嘉。然必須行之以實持之。以久。始於地方有裨。此後每年弁兵口糧。及修理船隻添備器械一切用費。按年約需銀四千兩。勢不能常行捐辦。亦不得請動庫款。自應籌一經久之策。以期支用裕如。俾弁兵得資口食。出力緝捕。不致漸形廢弛。著該督等妥為籌畫。俟奏到時再降諭旨。該督等惟當認真經理。以期永遠遵行。毋徒以

空言塞責。將此諭令知之。○刑部奏審明領催劉三等冒領告退病故兵額銀兩。定擬請旨得旨。此案領催劉三外郎富通。因本廳協尉交放錢糧。輒敢將告退病故兵額。隱匿虛懸。又復雇人頂替。種種舞弊。冒領贓銀二十七兩零。劉三著革去領催。富通著革去外郎。均照部議總徒四年。勒限監追。限滿有無全完。照例辦理。雖據該犯等供母老丁單。不准留養。已革步軍校珠爾杭阿呈控劉三等侵

吞錢糧得實。因不能將雇替之人當堂悉識。情急自戕。尚非意存詐賴。著開復原官。仍交部議處。解任協尉德舒失於覺察。著交部照例議處。○兩廣總督李鴻賓等奏本年四月內。聞越南國夷匪巴榮等在該國水陸地方肆行劫掠。粵東欽州及外海洋面多與越南接壤。恐其竄入邊界。當即飛咨水陸提督揀派員弁防範堵禦。現聞該國已將首匪擒獲。仍令龍門協師船暫留防堵。俟越南全境無

事再行撤回。得旨隨時嚴密防守。水陸並重。不可稍涉大意。務要嚴飭各屬文武。不准喜事貪功。致生邊釁。戒之。○護山東巡撫賀長齡奏。現在嚴密訪拏竊匪賊窩。得旨戢暴安良。時不可忽。勉之。○以緣事革退四子郡王伊什楚克魯布弟伊什齊當襲爵。○以署兵部右侍郎鍾昌為盛京禮部侍郎。內閣學士福勒洪阿署兵部右侍郎。○以克復回疆四城。烏魯木齊。迤西至伊犁一路軍臺差務較

簡撤洛克倫臺至托霍木圖十六臺。增設馬八十四兵四十八名。從都統英惠請也。○丙辰諭內閣。富俊奏遵旨酌定巡察圍場章程。前經降旨交富俊將出派巡察圍場官兵。究應帶何器械。方不騷擾牲畜。而於緝盜得力之處。酌定具奏。茲據富俊奏稱。察圍官兵。若令攜帶鳥槍。不惟騷擾牲畜。而圍場牲畜。必皆驚避。嗣後巡察圍場官兵。不必照常攜帶鳥槍。令其攜帶弓矢外。並令其添帶長槍。庶

官兵不致騷擾牲畜。而技藝亦不致廢弛等語。所議甚是。著照所奏。富俊仍須留心稽察。該官兵內。儻有陽奉陰違。並不實心緝盜。任意騷擾牲畜者。一經察出。即行指名嚴叅。毋得稍涉姑容。○實授姚文田禮部尚書。以戶部左侍郎湯全釗。為都察院左都御史。轉戶部右侍郎。顧鼎為左侍郎。調工部右侍郎李宗昉。為戶部右侍郎。兼管錢法堂事務。仍署兵部左侍郎。以內閣學士白鎔。為工部右侍郎。

郎兼管錢法堂事務。仍署禮部左侍郎。○命戶部尚書王鼎教習庶吉士。○賞故土爾扈特副盟長扎薩克頭等台吉策林敏珠爾銀一百兩。○丁巳諭內閣。嚴烺奏請將率行堵壩之廳營員。分別示懲等語。衛糧廳陽武汛十九堡巡南溝槽柳壩三道。前經該署河督奏明。於霜清水落後。再行堵築。該廳營因前月長水消落。溝口漸淤。即趕靠頭道柳壩用料堵閉。以致河水盛漲。普律漫灘。現仍飭

將壩口補簽長椿。照舊編柳。所有冒昧興堵之陽封。協備郝晏安著撤任。並革去頂帶。仍留該工防守。以觀後效。衛糧廳通判吳茂楠著撤回候補。所用堵壩銀兩。著落該廳營全數賠繳。不准開銷。以示懲儆。○又諭嚴烺奏充沂道庫厯年墊發銀款。請先於藩庫撥銀歸補一摺。充沂道屬河工歲料幫價。向由山東運司於發商生息銀兩內。按年催解藩庫。轉撥支發。嗣因商欠未完。工用較急。即於道

庫存款。及額徵河耗內動支墊發。計自道光元年至七年墊發銀兩。除抵解藩庫河銀耗羨等款外。仍墊發銀十萬四百餘兩。道庫墊項過多。不敷輪轉。自係實在情形。著照所請。准其於司庫先行借撥銀五萬兩歸還道庫。歲料幫價墊款。以備大汛工需。所有司庫借撥及留抵河耗銀兩。統俟商欠生息銀兩。啓徵之日。即由藩司儘數扣還清款。此項生息銀兩。有關工用。著長蘆鹽政嗣後務當年清

年款。無得再任拖延。其克沂道額徵河銀耗羨。亦飭按年解繳藩庫。毋許再有扣抵致滋弊端。該部知道。○又諭多貴奏。訊明前逃之布魯特比色黑拜等五名。並無助逆情事。照舊安插一摺。所奏是。奇里克愛曼六品頂翎布魯特比色黑拜等。前因庫圖魯克拒傷木薩。潛逃卡外。查無實在下落。業將該比銷除冊檔。現回至烏什卡倫探望。經官兵等拏獲。訊係畏懼逃避。並無助逆情事。著准其照舊

欽此

主

給還頂翎。約束所管夷眾。各歸原處遊牧安插。○內務府奏。審明自鳴鐘太監劉得英等。在圓明園內偷放鳥槍。請將劉得英枷號兩箇月。滿日發黑龍江為奴。吳喜郭進喜枷責。失察之首領太監魏進玉等。分別議處。得旨。該管七品首領魏進玉。於本年五月內查知。即應立時報明究辦。乃僅令拏出。以致劉得英復行帶進偷放。其咎較重。姑念其此次查知。即行據實呈報。魏進玉著加恩降為八品

欽此

主

首領。罰月銀六箇月。仍留本處當差。總管太監郝進喜係專管自鳴鐘之人。此次在園住班。其失察之咎亦重。惟管理未久。著加恩罰月銀六箇月。至三月內在園住班之總管太監楊永太著罰月銀四箇月。其失察之總管太監王保。張祥。張福善。王平太。梁保僅有統轄之責。著加恩各罰月銀兩箇月。至圓明園總管太監呂進忠。苑治平。於本管地面失於覺察。亦有應得之咎。著各罰月銀兩箇月。○

命吏部尚書盧蔭溥協辦大學士○戶部議准廣西巡撫蘇成額疏報天保縣開墾水田三埜有奇照例升科從之○戊午中元節									
上詣									
安佑宮行禮○遣官祭									
永陵									
福陵									
昭陵									
昭西陵									
孝陵									
孝東陵									
景陵									
泰陵									
泰東陵									
裕陵									
昌陵○遣官祭									
孝穆皇后暫安園寢○遣官祭									
端慧皇太子園寢○命惇親王綿悫定親王									

清 實 錄 道光七年七月上

奕紹協辦大學士盧蔭溥禮部尚書松筠工部尚書王引之吏部右侍郎貴慶戶部左侍郎敬徵工部右侍郎阿爾邦阿盤查戶部三庫○武英殿校刊									
仁宗睿皇帝									
聖訓漢文告成提調官等升敘有差○以隨同官兵防堵出力釋阿克蘇違犯六十八名仍飭嚴加管束									
大清宣宗效天符運立中體正至文聖武智勇仁慈儉勤孝敏成皇帝實錄卷之一百二十一									



大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二十二

監修總纂官日講起居注官太子太傅禮部尚書臣等奉  
天恩命纂修宣宗成皇帝實錄卷之一百二十二

內閣侍讀學士臣等奉  
天恩命纂修宣宗成皇帝實錄卷之一百二十二

內閣侍讀學士臣等奉  
天恩命纂修宣宗成皇帝實錄卷之一百二十二

內閣侍讀學士臣等奉  
天恩命纂修宣宗成皇帝實錄卷之一百二十二

內閣侍讀學士臣等奉  
天恩命纂修宣宗成皇帝實錄卷之一百二十二

奏

道光七年丁亥七月己未諭內閣前據鄂山

以陝西舉人楊浚在署襄辦軍務出加奏准  
俟該舉人服闋後歸部即以知縣銓選茲據  
吏部查奏定例各省幕賓凡籍隸本省者概  
不得延請且於道光四年間曾經諭令各督  
撫鹽政等嗣後奏請一切議敘概不准將幕  
友保列所降諭旨甚明鄂山既違例以本省  
人幫辦幕務又復濫行保舉著傳旨嚴行申  
飭仍交部議處所有舉人楊浚俟服闋後以  
知縣即行銓選之處著即撤銷尋議鄂山應

照違制公罪例革職留任從之○又諭通州  
民人王文弼等呈遞封章控告英和家人張  
天成增租擾累一案現經托津等訊明擬結  
英和當時置買此地並不問明原租致張天  
成私加租息且徐永祥以在官人役司其家  
事輒聽張天成商令捏情控告漫無覺察迨  
該佃戶等連次將被控情由呈訴懇求減租  
亦難諉為不知乃任聽張天成等捏詞搪塞  
不加深究及降旨令其明白回奏又不據實  
陳明意存隱飾本應照托津等所議革職治  
罪姑從末減著革去紫韁即開協辦大學士  
之缺仍交部嚴加議處○命吉林將軍富俊  
協辦大學士來京供職以察哈爾都統博啓  
圖為吉林將軍○命翰林院編修李鴻提督  
山西學政○旌表守正被戕直隸獲鹿縣民  
魏進義妻楊氏○除江蘇長洲吳二縣捐置  
義冢地二十四畝有奇額賦○庚申  
上詣綺春園問

皇太后安。○諭內閣國家簡用大臣。臣裏治理必須謹慎持躬。公忠任事。方為無忝職任。永受國恩。昨英和於伊家人張天成私加租息。被控一案。其失於覺察。尚係過之小者。惟徐永祥以在官人役。輒與伊家人交好。已屬漫無約束。甚至司其家事。商同捏情控追租息。苦累閭閻。若非英和平時信任驅使。何至狐假虎威。肆無忌憚。英和受

三朝厚恩。應如何戒滿持盈。益加做懼。乃不自

檢束。聲勢赫耀。竟至非其所屬之州縣。亦有仰希風指。意存見好之事。此在明季宦族專權縱恣。招搖生事。或不免倚勢欺凌。我朝綱紀肅清。官方砥礪。豈容恃勢妄為。至此從前和坤專擅。其始不過一二無識之徒。趨承依附。漸至自作威福。中外側目。莫敢上聞。所謂涓涓不塞。遂成江河者。不至於潰敗決裂不止。若使大員少有憑藉。即可妄行。則位冠列卿。職居津要者。將復無所底止。朝廷豈尚有

法紀乎。凡為大臣者。承恩愈厚。尤當受寵若驚。夙夜靖共。常存敬畏。何至啓人迎合。自蹈愆尤。為此特降諭旨。剴切申誡。嗣後在廷滿漢大臣。務各益矢公忠。倍加恪慎。庶幾克承恩眷。永保令名。以副朕教誨成全之至意。○又諭那彥成奏。直隸無著虧空。請循照舊章。按年扣廉籌補。前據戶部奏明。各州縣虧缺錢糧。被叅後限滿無完。將未完數目作為十成。著落該管各上司按成分賠。茲據該督奏

稱直隸情形。與各省不同。統計歷年奏叅監追者二十八員。共虧銀三十六萬餘兩。若照部定章程。依限賠清。非三十餘年不能結案。請仍遵該省兩次奏定舊章。每年攤扣養廉銀五萬兩。以一萬兩歸還大差墊款。以四萬兩彌補無著虧空。計九年即可全完。辦理易而歸款較速等語。前戶部議奏。此次奏定章程以後。其從前叅結已入清查各案。原令各該督撫仍照原案清釐。所有直隸省無著虧

空。著准其仍照該省舊章辦理。以昭覈實。至所奏各省虧空。豫籌補舊。杜新。應於分賠之中。量為區別之處。著戶部詳查覈議具奏。尋議據原泰州縣虧那。在一次奏銷以後查叅者。各上司概免分賠。二次後查叅者。分賠無著一半。三次後始行查叅者。即照部議分賠。查奏銷未完。係專指實欠在民之數。其已經徵收者。設有短解。即應立予嚴追。是州縣平日有無虧缺。原不待奏銷方能發覺。豈可遲

至一年。甫行查辦。若再遲至二次三次後始分別覈賠。則此三年內所虧之項。儘可那前改後。巧為趨避。流弊滋多。請毋庸議。從之。○以正藍旗滿洲副都統安福。為察哈爾都統。未到任前。命察哈爾副都統福克精阿護理。調正紅旗漢軍副都統容安。為正藍旗滿洲副都統。以散秩大臣裕誠。為正紅旗漢軍副都統。○辛酉。諭內閣。賀長齡奏。歷年原緩遞緩錢漕。請分年帶徵一摺。山東各屬地多瘠

薄。兼有水旱偏災。小民生計維艱。茲屆秋徵之期。據該護撫查明各屬停緩積欠。尚有未徵之項。而原緩遞緩各案錢漕。積至五六年之多。若概行啓徵。斷難同時完納。自應寬以年限。俾可實徵。實解。除本年新賦。並歷年舊欠錢漕。均照常徵收外。著照所請。准其將道光二年以前停緩積欠。無論已未啓徵。與三年以後各案原緩遞緩錢漕。及臨德等倉漕項。河銀民佃鹽課攤徵隄工地租出借倉穀

籽種口糧等項。併為一案。自道光七年秋後。為始。各按最先年分。遞年依次帶徵。一年。仍以錢漕兩項合計。如最先之年。止有錢糧。並無漕米。即將次先年分漕米。啓徵。其應需漕項銀兩。照例由司借支。仍俟地丁啓徵之年。統徵分解。如數還款。以紓民力。該部知道。○又諭康紹鏞奏。成造直隸撥船一摺。直隸北運河商捐撥船。湖南省應分造三百五十隻。此項船隻。係撥運各省新漕。如分四限解交。

恐不能及時濟用。著准其併作兩起造運。先將初二兩限作為頭起船二百隻。趕緊造齊。於本年冬底解運。三四兩限作為二起船一百五十隻。接續造竣。於明年春夏間解交。所需船價。除將標皮尾梢變抵外。實需銀八萬一千七百七十四兩零。著照例扣留平銀。報部查覈。其直隸原估運費銀一萬四千餘兩。不敷支用。著准其查照成案。按程計算報銷。如遇守風守水等事耽延。取具地方官印結。

一體入冊造報。此項工料運費銀兩。現在不敷。均著於留備項下動支應用。其頭舵水手口糧米石。著照案動碾武陵縣倉穀。帶往散放。按照時價買補。所需腳價。並著於留備項下開支。事竣分別造冊報銷。該撫即飭承辦之員認真監造。務使工堅料實。如有偷減草率。即行嚴參罰賠。○又諭哈興阿奏旗員畏罪潛逃。此案浙江乍浦營蒙古領催委前鋒校武舉善貴。夤夜潛入鄰室。因驚喊畏罪逃

避。尋獲後。經本管官傳訊懲處。輒敢抗不遵辦。稟控該旗佐領剋扣錢糧。意圖挾制。旋復乘間潛逃。殊屬刁詐。著劉彬士提集人卷。確切查訊。善貴著革去武舉。先行銷除旗檔。交該旗及地方官一體嚴拏。務獲究辦。所有該管各官失察處分。俟定案時附奏。再降諭旨。○又諭奕訢等奏拏獲言語不通之遠夷。解部審辦一摺。盛京金州蓋平等處。拏獲外來夷人四名。查拏甚好。著即派委妥員沿途小心管押。解送刑部審辦。○諭軍機大臣等。據

昇寅等覆奏派員履勘喀喇河屯。徑赴波囉河屯道路一摺。赤爾圖梁二道梁等處山路崎嶇。其加護嶺一處。路尤曲狹。兩廂半係石壁。斷難仍前取道。所請將加護嶺大加開展。妥為平墊之處。著毋庸議。將此諭令知之。○護山東巡撫賀長齡奏。東省二禾稔熟。額徵黑豆。請以二成改徵粟米。下部議行。○熱河都統昇寅因病解任。以都察院左都御史鑲

白旗漢軍都統那清安為熱河都統禮部尚書松筠署都察院左都御史兼署鑲白旗漢軍都統鑲藍旗漢軍都統綿志署鑲紅旗漢軍都統協辦大學士富俊兼鑲黃旗漢軍都統○以禮部尚書松筠為

玉牒館副總裁官○壬戌命工部右侍郎阿爾邦阿敬勘

景陵

妃園寢享殿應修工程○調鑲紅旗蒙古都

統穆彰阿為鑲白旗漢軍都統以左翼前鋒統領哈琅阿為鑲紅旗蒙古都統鑲黃旗護軍統領阿彥托克托為左翼前鋒統領調正黃旗護軍統領奕經為鑲黃旗護軍統領以吏部右侍郎貴慶兼正黃旗護軍統領調正紅旗蒙古副都統裕恩為鑲黃旗滿洲副都統以右翼翼長額爾登為正紅旗蒙古副都統○免山西歸化廳屬被水村莊上年應徵地租銀十分之七並緩徵舊欠○癸亥諭內

閣本日吏部議處英和請照違制私罪革職英和在官人役徐永祥司其家事與家人張天成商同捏情控告迨佃戶等連次呈訴復任聽捏詞搪塞不加深究又不據實陳明本應照部議革職姑念其平日辦事尚屬認真亦曾出力英和著革去理藩院尚書鑲黃旗滿洲都統並太子太保銜拔去花翎加恩賞給二品以帶補授熱河都統以觀後效○以兵部尚書玉麟兼翰林院掌院學士協辦大學士富俊兼理藩院尚書閱兵大臣○以新授熱河都統那清安親老命仍回都察院左都御史任兼鑲藍旗漢軍都統調正紅旗滿洲都統奕紹為鑲黃旗滿洲都統鑲藍旗蒙古都統賽冲阿為正紅旗滿洲都統鑲藍旗漢軍都統綿志為鑲藍旗蒙古都統以前大臣瑪呢巴達喇署正白旗蒙古都統正藍旗漢軍都統綿譽署鑲紅旗蒙古都統○命戶部左侍郎敬徵總理工程處○甲子諭

內閣武隆阿著賞給副都統銜。作為喀什噶爾參贊大臣。誠端蘇清阿俱著作為喀什噶爾幫辦大臣。那木阿著作為英吉沙爾領隊大臣。恆敬著前往葉爾羌作為辦事大臣。扎克桑阿著作為葉爾羌幫辦大臣。果良額著調補和闐領隊大臣。富昇阿著作為和闐幫辦大臣。多貴著作為烏什辦事大臣。容安著仍留阿克蘇幫同長清辦事。巴哈布著即回喀喇沙爾本任。此內有未戴花翎者俱著照

例賞戴花翎。○諭軍機大臣等長齡等奏喀拉提錦布魯特比來營效順並卡倫外近日籌捕情形及保奏各城參贊辦事大臣各摺朕閱該將軍等所奏喀拉提錦布魯特比薩底克既願出力報效親見張格爾帶數十人窮蹙逃往達爾瓦斯何難在彼設法擒獻乃復遠來卡內送信始回該部落與沙伊布拉依木商同擒拏是其狡詐情狀已屬顯然即前此各處偵探逆裔潛匿地方迄無定所是

否該逆竄跡無常抑係該夷等虛詞搪塞為嘗試官兵之計該將軍等不加深究輒以入告試問該逆果有確蹤各部落同心效順何至四五月之久竟同海捕計自克復四城後虛糜帑項不可勝數長齡等不自知籌辦之失宜仍欲留兵荒徵俟勦捕得手再行陸續撤回豈不思官兵出卡既不能深入窮追轉令外夷窺我虛實啓其輕視之心所關甚鉅而轉餉之難尚屬其次長齡等接奉此旨著

即將出卡之將領官兵全行撤回仍檄諭外夷各部落以張格爾入卡肆逆荼害生靈實為元惡大憝罪不容誅現在各部落既多輸誠效順情願截拏諒該逆飄泊遊魂不難擒縛來獻以邀封賞大皇帝因官兵出卡駐劄恐爾恭順各部落不無驚懼並恐官兵不無滋擾特降恩旨曲加體恤即將大兵全行撤回卡內爾等部落益當勉竭誠悃商同設法將逆首張格爾迅速擒拏或獻截軍門必當

奏明大皇帝。照前懸賞格。懋加封賞。該將軍等一面繕發檄諭。一面即將大兵暫留八千名。其餘均即分起凱撤。自楊遇春楊芳齊慎以下將領及御前乾清門侍衛巴圖魯侍衛等。悉令進關。楊遇春仍遵前旨督押官兵進關後。來京陛見。再回總督之任。楊芳等各回原任。前經降旨。將東三省官兵先撤二千。茲亦著全行撤回。歸伍。長齡著暫留喀什噶爾。督同各城參贊辦事。大臣等辦理善後事宜。

並設法擒拏張格爾。務獲。俟一切軍務完竣。再行查明候旨。所留官兵八千名。應如何酌量分布各城。即著體察情形。辦理。所奏蘇倫保骨殖。即著色普清額攜回歸葬。並飭沿途地方官妥為照料。以慰忠魂。前據鄂山奏善後事宜一摺。著鈔寄長齡等閱看。是否可行。一併妥議具奏。並發去新鑄葉爾羌辦事大臣印信一顆。交長齡等祇領頒給可也。將此由六百里加緊諭知長齡。楊遇春。楊芳。並諭。

武隆阿知之。○署陝甘總督鄂山奏首逆張格爾潛蹤無定。率師深入。似非所宜。請迅飭將軍參贊等遵照前旨。將出卡及軍前各大兵速撤回營。酌留或一萬或八千之數。分布四城。籌辦善後。嚴禁往來貿易。將外夷之人不准輕放一名入卡。其隸入版圖各回城之人。亦不准輕放一名出卡。並不准在附近卡地遊牧。使內奸外逆聲息不通。回眾資生乏策。即足制其死命。至酌留各兵經費。現聞四

城叛產不少。或將清出各地畝。作為屯田。分撥留防兵丁墾種自食。或招內地民人耕種。照回例納租。請飭下將軍參贊等察看情形。妥協籌辦。報聞。○以前在佳噶賴等處勒匪拏賊。並運供軍糧。辦理文案出力。賞遊擊陳金綬巴圖魯名號。遊擊史臣等花翎。驍騎校阿爾綱阿等藍翎。餘升用。選補有差。○戶部議准湖廣總督兼署湖北巡撫嵩孚疏報襄陽縣雞心洲沙淤瘠薄地三頃二十八畝。有



奇照鐵則升科從之○乙丑

上幸萬壽山○諭軍機大臣等據戶部奏稱南河籌辦王營減壩大工先於六年五月奏需銀三百數十萬兩旋於七月奏需銀三百八十萬兩十一月內又據奏就現在情形約估需銀四百六十餘萬兩其時籌議壩工本係從寬約計即該督等原奏亦有將來用料多寡水勢淺深銀數是否尚可節省均難逆料是以續增銀八十萬兩彼時並未即行請撥

此時減壩早經堵閉河流仍未深通是前撥銀三百八十萬兩固已盡成虛擲而續增銀八十萬兩亦未節省且該督等於上年五月奏請籌備銀三百數十萬兩係指明辦理減壩工程及撫卹事宜之用而啓壩後被水之海州等處撫卹銀兩又係另行開支則原撥銀兩盡歸工程支用何以續奏增估致有四百六十萬兩之多又據另片奏南河辦理堰盱隄工先請動撥銀一百七十七萬兩並聲

明此項工需擇要興工所用無幾嗣據該督奏報前項銀一百七十七萬兩除先辦堰盱各工動用銀五十六萬餘兩餘銀存貯河庫暫行支墊各款覈計此項庫存銀數尚有一百二十餘萬兩即後辦堰盱各工尚需支用此時存項自有盈餘等語南河辦理減壩及堰盱土工共請撥銀六百三十七萬兩雖據將隨時增估情形具奏是否帑項盡歸工用必須確切查明此時減壩工需銀兩已成虛

擲款項未盡覈實而堰盱土工究竟發辦銀兩確係若干所辦土工果否與隄堰有益著蔣攸銑詳細確查逐一分晰釐剔覈明實支實存各確數據實具奏毋任稍有浮冒將此諭令知之○以前任陝西巡撫盧坤為山東巡撫未到任前仍命布政使賀長齡護理○賞署喀喇沙爾辦事大臣常格副都統銜為庫爾喀喇烏蘇領隊大臣○旌表守正捐軀河南裕州民婦章李氏女四妮○丙寅旌表



守正捐軀安徽太平縣民胡四美妾焦氏○  
給奉天錦州廣寧義三府州縣被水旗民一  
月口糧及房屋修費埋葬銀○丁卯

上詣綺春園問

皇太后安○諭軍機大臣等李鴻賓等奏暹羅  
國王遣使呈進表貢謝恩一摺暹羅國因受  
敕封遣使齎進表文方物來京謝恩情詞懇  
摯出於至誠著准其呈進該督等即委員伴  
送該使臣按程前來於本年封印前到京所

有原貢船隨帶貨物並准照例免稅該督等  
即先行諭知該國王可也將此諭令知之○  
修浙江西塘埭工柴工從署巡撫劉彬士請  
也○戊辰

仁宗睿皇帝忌辰遣官祭

昌陵

上詣

安佑宮行禮○諭內閣瑚松額等奏審辦越嵩  
廳屬夷匪並漢奸各犯一摺四川越嵩廳所

屬生熟夷人因該地收成歉薄輒敢潛至邊  
界疊次搶捆漢民婦女輾轉售賣經該將軍  
等派委道府將領等員帶兵搜查拏獲夷犯  
多名並漢奸唐添貴一犯分別懲辦將追出  
難民男婦妥為安撫分別給領回籍辦理尚  
屬迅速所有親入夷巢尤為奮勇之寧越營  
千總許超著准其以守備儘先升用其餘出  
力員弁著該將軍等存記拔補以示獎勵餘  
著刑部覈議具奏○免應付本處官兵及供

應兵差過境兼辦糧運軍需之伊犁烏魯木  
齊哈密吐魯番巴里坤各城甘肅各州縣上  
年本年額賦並協濟軍需及應付兵差之甘  
肅陝西各州縣十分之六盛京吉林黑龍江  
順天直隸河南四川兵行過境各州縣十分  
之四已徵者均准抵下年額賦○己巳諭內  
閣上年逆裔張格爾入卡滋事攻陷城池戕  
害官兵葉爾羌接壤阿克蘇之伊犁都軍臺  
官兵被賊傷害迨額爾古倫打退賊眾復敢

糾約回匪五六千人。在距城八十里之渾巴什河南岸屯聚。向西北行走。逼近烏什邊界。烏什存城官兵不滿三百。時楊威將軍長齡由伊犁取道那拉特卡倫。距大營尚遠。賊氛甚熾。勢若燎原。儻守禦無方。致有失事。則東四城俱危。如朝露。尚復成何事體。長清甫經到任。即能激厲兵回。查拏奸細。嬰城固守。調度得宜。並以烏什輔車相依。分兵防堵。鉦鼓相聞。聲勢聯絡。巴哈布接據蘇倫保求援之

信。即檄調土爾扈特和碩特蒙古兵。帶其子扎爾漢迅速前往。奮不顧身。達凌阿一聞徵調。即帶勁兵往援。與長清盡力防禦。渾巴什河南岸及烏什察哈拉克臺之戰。達凌阿、巴哈布督兵迎勦。殺賊無算。並將賊首庫爾板素皮等殲斃。已為殄賊之先聲。是長齡等未到。大營之先。非長清不能力扞孤城。非達凌阿、巴哈布不能痛褫賊魄。保障東四城。俾大兵進取有資。厥功甚偉。現當大功告竣。允宜

特沛殊恩。用酬懋績。長清、達凌阿、巴哈布俱著賞給雲騎尉世職。長清之子翰林院筆帖式富春著加恩以六部主事即補。巴哈布之子扎爾漢前已降旨賞給筆帖式。著加恩以六部筆帖式即補。達凌阿之子慶寧年甫十四。著俟及歲時加恩以六部筆帖式即補。以示朕論功行賞之至意。○署陝甘總督鄂山奏咨送釋回各民遣。請於進關後將民勇分為一項。已放遣犯分為一項。以五十名為一

起。間日行走。每四名給車一輛。每名日給口糧銀五分。其未遇赦釋回各遣犯以三十名為一起。每名日給口糧銀五分。不給車輛。經過州縣酌派員弁兵役逐程交替接送。如遇專聞大員駐劄地方。應由各協鎮帶兵彈壓。如有不安本分。准各地方官鎖拏解省。嚴行究辦。得旨。所辦是。轉行照辦。○旌表守正捐軀河南靈寶縣民馮金法妻賀氏。○庚午諭內閣。上年逆裔張格爾入卡滋事。朕命將出

師聲罪致討。天戈所指。四城立克。若能即日  
擒渠。膚功全載。則揚威將軍長齡等宜如何  
論功行賞。殊勳偉績。自不待言矣。乃張逆先  
期遁去。至今迄未就獲。實由長齡等辦理不  
善所致。今當凱撤竣功。在事出力人員。均應  
敘績加恩。其中亦不能不略示區別。長齡前  
因三戰皆捷。已賞加太子太保銜。此時無可  
施恩。俟拏獲首逆。再降恩旨。參贊大臣楊遇  
春。於克復喀什噶爾後。親自帶兵收復英吉

沙爾葉爾羌二城。並派楊芳等攻取和闐。調  
度得宜。楊遇春著賞還太子太保銜。仍交部  
從優議敘。其子都司楊國佑著賞加遊擊銜。  
參贊大臣武隆阿前因患病回喀什噶爾後。  
甫出圖舒克塔什卡倫。又復因病折回。並無  
出力之處。無可施恩。今已授喀什噶爾參贊  
大臣。著隨同長齡辦理善後事宜。並嚴緝張  
格爾務。獲以觀後效。參贊大臣楊芳上年在  
柯爾坪前敵著有勞績。本年收復和闐一切

布置。俱合機宜。並生擒賊目噶爾勒。伊本兼  
雲騎尉世職。著加為騎都尉。並挑乾清門行  
走。仍交部從優議敘。新授都統哈琅阿副都  
統阿勒罕保。卓爾琿保。倭楞泰。吉勒通阿。德  
海。新授烏什辦事大臣多貴。新授英吉沙爾  
領隊大臣那桑阿。新授喀什噶爾幫辦大臣  
蘇清阿。新授葉爾羌幫辦大臣扎克桑阿。俱  
著交部從優議敘。內閣學士容照。桂輪。副都  
統新授阿克蘇幫辦大臣容安。伊犁領隊大

臣恩緒。俱著交部議敘。新授察哈爾都統安  
福。著賞戴花翎。伊犁領隊大臣祥雲保。碩隆  
武。上年帶領伊犁官兵行走遲緩。本應革職  
治罪。因查由冰嶺難行。責令圖功自贖。該二  
員功罪僅足相抵。無庸給予議敘。甘肅提督  
齊慎。陝西漢中鎮總兵呂天俸。四川重慶鎮  
總兵余步雲。山東登州鎮總兵成。孟。甘肅永  
昌協副將胡超。莊浪協副將李士林。安西協  
副將郭繼昌。金塔協副將張國相。雲南曲尋

協副將周志林俱著交部從優議敘。甘肅寧夏鎮總兵史善載著交部議敘。其辦理糧臺及轉運各員經理妥協均無貽誤。署陝甘總督陝西巡撫鄂山總理軍需事務繁劇著加太子少保銜並賞戴花翎。新授山東巡撫盧坤著加太子少保銜烏魯木齊都統英惠著賞戴花翎。新授喀什噶爾幫辦大臣副都御史誠端著賞給二品頂帶。英惠鄂山盧坤誠端仍俱著交部從優議敘。新授葉爾羌辦事

大臣副都統恆敬庫車辦事大臣頭等侍衛那彥寶新授和闐領隊大臣頭等侍衛果良額新加副都統銜授庫爾喀喇烏蘇領隊大臣常格俱著交部從優議敘。吐魯番領隊大臣副都統銜賡音岱前因陳奏不實拔去花翎。部議降調已加恩改為革職留任。無庸給與議敘。土爾扈特貝子巴勒丹喇什和碩特頭等台吉烏爾圖納遜前因帶兵出力已加恩挑乾清門行走仍俱著交理藩院從優議

敘。土爾扈特管旗章京龍吉特甲喇章京額爾德尼等俱著交理藩院議敘。其跟隨巴哈布打仗之蒙古阿勒巴圖一千名再著賞銀一千兩。此次議敘各員均著照軍功例議給。用示朕振旅策勳有功必錄之至意。○又諭自上年回部軍興各蒙古汗王貝勒等以及呼圖克圖喇嘛均經呈進馬匹駝隻洵屬急公已隨時分別加恩矣。今大功告成用再量予恩施。阿拉善王瑪哈巴拉烏里雅蘇台參

贊大臣貝子倫布多爾濟扎薩克圖汗賽因諾顏兩愛曼汗王貝勒貝子公扎薩克台吉杜爾伯特汗齊旺巴勒楚克等土爾扈特郡王三達克多爾濟等和碩特扎薩克台吉布彥克什克俱著交理藩院分別議敘。呼圖克圖喇嘛等俱仍照前次分別賞給緞匹由各該處庫存頒發。哈密郡王銜貝勒伯錫爾備辦車輛供送兵差實屬急公效順可嘉之至著加恩賞給白玉翎管一箇白玉搬指一箇。

顧繡蟒袍一件。大卷八絲緞兩匹。扎薩克伯克納孜爾隨同當差。尤為出力。著加恩賞戴花翎。並賞給小卷五絲緞兩匹。用示朕綏懷藩服。恩加無已之至意。○又諭武備院卿員缺。著阿彥托克托補授。所有乘壓御馬。著派吉勒通阿。○又諭常格奏。審明省釋遣犯。關殺人命擬以絞候一摺。此案張三係伊犁免死釋回遣犯。因種地民人胡滿。不允在田畔牧馬。復敢將胡滿毆傷斃命。實屬怙惡不悛。

張三著即行處絞。○諭軍機大臣等。御史李鵬奏請疏濬東南水利。據稱江浙各郡。蘇松最居下游。諸水匯入太湖。由三江東流入海。其東北由劉河入海者為婁江。東南由黃浦入海者為東江。吳淞一江。獨當太湖下注之衝。尤關緊要。近則劉河口淤成平陸。吳淞下游。僅如溝洫。雖黃浦江勢尚通暢。而吳淞不通。則蘇松及浙湖交界之水。無從入海。劉河不通。則蘇州東北之水。無從入海。以致水旱

均災。民田被害。請及早設法疏濬等語。江蘇省三江水利。前曾議准興修。嗣因需費較多。僅將黃浦一路挑濬。吳淞各工。暫行停辦。數年以來。淤塞當更甚於前。自應及時疏挑。為一勞永逸之計。著蔣攸銓。陶澍。即派委妥幹大員。逐加查勘。應如何將正河籌款修治。其支渠汊港有關水利之處。可否照業食佃力之例。勸諭紳耆董辦。詳細體察情形。通盤籌畫。定議具奏。該御史摺著鈔寄閱看。將此諭

令知之。○又諭本日據賀長齡奏。臨清協副將鍾廷考在署前揭獲逆詞一紙。所開人名。牽連東省十餘州縣。約七月十五日。齊人奪取府州。經該副將會該州密訪。全無影響。並將原獲字帖。咨送軍機處呈覽。朕詳加披閱。帖內有明天及李太吉拜具字樣。封筒背面註稱馬關三李三陽下書。實屬悖逆不法。已極。現已逾七月十五日之期。且無豫為張貼。自取敗露之理。惟東省習教漸染已深。更不

可以現無確據。稍涉大意。著該護撫密派署藩司鍾祥。曹州鎮馬應圖。明查暗訪。必應將寫揭帖及張貼之人。嚴拏務獲。徹底根究。尤宜待以鎮靜。切不可張皇紛擾。拖累無辜。轉致別滋事端。所有揭獲逆帖鈔錄一分。收存軍機處。其原帖仍發交該護撫。獲犯查對筆跡。根究懲辦。將此諭令知之。○又諭賀長齡奏籌議海運巡防事宜。前據蔣攸銛等奏來年新漕請仍由海運。當經降旨。將江蘇省蘇

州。松江。常州。鎮江。太倉。四府一州新漕。准其仍雇海船運赴天津。一切事宜。如須量為變通。著各該督撫籌議具奏。茲據該護撫將現在查辦及臨時應行變通各章程。逐條覆奏。所稱在途商船。應催令回南受兌一節。南漕十月開徵。應趕為一運赴津。商船於春夏間攬載放洋。歸期莫必。若不先行曉示。恐致誤運。著即飭沿海州縣。各於所轄口岸。多貼告示。曉諭。並不時親往稽查。如有南回船隻。即

令趕緊南駛。其自南省駛來者。即飭迅速前往卸竣回南。以備兌運。其最要島嶼。應令該管將官親督彈壓一節。南糧經由東省洋面。可寄錨收泊者。二十五處。其廟島孤懸海外。巡防尤為緊要。江南沙船舵水尚屬安靜。浙江登船三不像船水手人等。率皆强悍不馴。每致登岸滋事。屆時著飭各該管將官常川赴島督查彈壓。仍先咨會江蘇豫為曉諭。如敢在途生事。即由所在官員照例嚴行懲辦。

其陸路委員應行酌減一節。所奏甚是。沿海礮臺墩卡。均有該管文武督率兵役巡防。再派佐雜數員幫同稽察。果能實力巡查。已屬周密。若另設總巡。徒煩供帳。致擾閭閻。著即照議酌減。至派出之佐雜各員。亦毋許多取夫馬。以免擾累。其收入津口船數日期。應歸直隸奏報一節。南船自吳淞江出口。須避五道大沙。均越過鷹遊門交界。經由東大洋行駛。其入出東境日期。勢難逐船分晰。著即就

收島船數稽查奏報。若該省派員設撥於天津海口。查探船數具報。較天津鎮奏報轉遲。著即裁減。以節糜費。其收島船隻。應相風催令開行一節。漕糧正供攸關。未便在洋久滯。若聽舵水藉口風信。任意逗留。不免耽延。著飭巡島員弁。隨到隨驗。明船號。察看風色。順利即令開行。毋得稍有留難。並毋許舵水故意延宕。其附近口岸。如有窩賭滋事之徒。責成地方官查拏。隨時嚴禁。該護撫惟當認真經理。嚴飭各員弁實力稽查。俾船行迅速。糧運無誤。是為至要。將此諭令知之。○庫爾喀喇烏蘇領隊大臣常格奏。喀喇沙爾官兵鹽菜。向以銀八成錢二成搭放。自去年軍興。銀賤錢貴。兵丁日形拮据。現在庫存普爾錢有餘。請以銀一兩折普爾錢二百二十文抵放於兵民兩有裨益。從之。○辛未諭內閣。蔣攸銛奏。籌辦運河挑工。需員經理。請將原任江蘇揚州府水利同知王緒昆直隸候補服

閱縣丞孫有孚調赴江蘇差委補用等語。王緒昆服滿。例應赴部候選。孫有孚應請咨仍赴直隸候補。且均非河工出身。該督請將該二員調赴江蘇差委補用。若各省紛紛效尤。成何事體。所奏著不准行。○又諭。明保係總兵降用副將人員。例本不應遞摺。其在署臺灣鎮總兵任內。因所屬安平協地方有營兵搶毀米船一案。意存誣卸。被參降調。毫無屈抑。自應靜候部選。輒敢呈遞封章。求賞差使。實屬不安本分。膽大妄為。明保著即革職。交該旗嚴加管束。○諭軍機大臣等。昨據賀長齡奏。臨清協副將鍾廷孝。在署前揭獲逆詞一紙。經該副將會同該州密訪。全無影響。並將原獲字帖送軍機處呈覽。當降旨交賀長齡密派鍾祥及馬應國設法查拏。寫帖及張貼之人。務獲究辦。朕思東省向係習教淵藪。其交界之直隸河南等州縣。難保無同教之徒。互相煽惑。未便以現已逾期。並無確據。稍

涉大意。著那彥成程祖洛密派明幹大員於東省交界處所。明查暗訪。如有習教匪徒。立即嚴拏究辦。尤須持以鎮靜。不可張皇紛擾。拖累無辜。轉致別滋事端。賀長齡片並著鈔寄閱看。將此各諭令知之。○江南蘇松鎮總兵官陳光求年老休致。以太湖營水師副將關天培為蘇松鎮總兵官。○旌表守正捐軀河南滑縣民張連媳王氏。○壬申諭內閣。逆裔張格爾自去歲夏秋之間。勾結內外回匪。

侵擾邊境。戕害官兵。竊據四城。賊勢甚熾。朕即命長齡為揚威將軍。以楊遇春武隆阿參贊軍務。飛調陝甘四川暨吉林黑龍江官兵。並巴圖魯侍衛等。急赴軍營。於本年二月內。長齡等督率大兵。自阿克蘇進發。連獲勝仗。克復四城。深堪痛恨者。逆首先期逃遁。未能就縛。現已諭撤大兵。籌辦善後。計逆裔犯順一年有餘。凡一切軍報。承書諭旨。軍機大臣等。夙夜殫心。勤勞懋著。允宜特沛恩施。以昭

獎勵。大學士曹振鏞著晉加太子太師。大學士新授兩江總督蔣攸銑。尚書文孚著晉加太子太保。尚書王鼎。王麟著加太子少保。所有軍機章京等。著軍機大臣保奏。尤為出力者數員。候旨施恩。特諭。尋賞光祿寺少卿吳孝銘。四品頂帶。餘分別升補。並照軍功例議敘有差。○以接遞軍報無誤。並派辦軍務文案出力。奏事處及兵部捷報處。職方司各員。下部議敘。並予各驛站文武員弁議敘。兵夫

賞賚有差。○緩山西薩拉齊廳屬被水村莊上年應徵糧米。並節年積欠。○癸酉。

上詣綺春園問

皇太后安。○諭內閣。鄂山等奏籌備善後經費。懇酌量加撥銀兩。此次回疆用兵。師行糧運。需費浩繁。所有先後撥解軍需本款銀兩。俱經節次轉解大營。及口外各處動用。現在辦理善後。及凱撤官兵各事宜。支用尚多。亟須豫為籌備。著照所請。准其動撥甘肅藩庫銀



五十萬兩。陝西藩庫銀三十萬兩。以資接濟。其所請於就近省分再行酌撥銀一百萬兩。著戶部速議具奏。尋議於部庫撥銀一百萬兩。飛咨直隸總督委員解往甘肅備用。從之。○以降調兩江總督琦善為內閣學士。兼禮部侍郎銜。

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二十三

[illegible]

內務府大臣領白旗滿洲副都統赫家內之倉大臣管理京內府銀庫並其的官署 聖澤堂明昌殿藏新詩書御製各廳房如意房太醫院建初等事宜開列如第八段內所載知悉官總巡撫官兵部兩司馬等和六殿殿錄二十次內官報培等表

救修

道光七年丁亥八月甲戌朔諭內閣孫爾準

實錄卷一百二十三

奏。水師備弁巡防疏懈。請分別示懲。勒緝金門鎮左營所轄洋面。兩月之間。商船被劫三案。緝捕實屬懈弛。護金門鎮左營遊擊事守備林成全著摘去頂帶。隨緝之左營千總彭三陽。外委尤春貴。崇武把總陳瑞吉。俱著革職留任。勒限三月。將各案盜犯悉數弋獲。如果尚知愧奮。再行奏請恩施。儻始終怠玩。即行嚴叅斥革。閩省洋面數年以來。少知整頓。近又盜劫頻聞。看此情形。頗覺廢弛。該督務

隨時整飭。固應責成該鎮嚴督各營汛認真緝捕。勿稍玩縱。即沿海廳縣亦應飭令按照舊章嚴密稽察。如有宵小涇跡。或沿海居民暗通盜線者。立即查拏懲辦。儻不實力巡察防範。致使盜風日熾。稍貽後患。即將該管文武員弁一併懲處。○乙亥。

上詣

大高殿行禮。○還宮。○遣官祭

文昌帝君廟。○諭內閣李鴻賓等奏籌議巡

實錄卷百三十三

二

緝經費。並文連奏。按年協濟快船弁兵薪水銀兩。各一摺。粵東黃埔虎門一帶匪徒結夥駕駛載私行劫。經該督等製造快船酌派弁兵按段巡察。捕盜緝私。既有益於商民。復有裨於關稅。現因每年所需口糧經費必須籌畫經久。以期支用裕如。著照該督撫所請。准其於藩庫賞借息銀內借支銀六萬兩。糧道庫普濟堂經費內借支銀四萬兩。發交鹽當二商生息。自發商之日起。每年所得息銀一

清 實 錄 道光七年八月上

萬兩。以一半歸還原本。一半撥充快船弁兵口糧及修費支用。如有餘存。即為懸賞獲犯等項之需。俟借款全數歸還。仍將發商本銀永遠生息。其每年提歸本銀報部查覈支用息銀。祇令造冊報明該督撫存案。無庸報部覈銷。至粵海關分半協濟快船經費。准其於關稅平餘及罰料截贖項下。每年動支銀二千餘兩。以資接濟。該部知道。○又諭李鴻賓等奏請將接捕土匪出力文武各員懇恩獎

實錄卷百三十三

三

勵。廣東省陸路廣肇韶連各府州交界僻隘處所。時有宵小藏匿肆劫為患。經該督等揀派文武幹員調撥兵丁分赴各山搜查圍捕。並令各該地方四路截拏。陸續報獲匪犯陳歡樂等二百餘名。解省審辦。所有專司緝捕獲犯最多尤為出力之試用知縣孫穎昌著加恩以本班儘先補用。試用直隸州州判言良鈺肇慶水師營參將余得彪。三江協左營守備翟鳴鵬。登山接緝亦著勤勞俱著加恩

一〇五七

交部議欽其協同緝捕文武員弁十餘人著照該督等所奏分別覈辦。至該督等籌議按捕事宜嗣後每年辦理一次計每次兵丁口糧及購線需用銀兩由廣肇二府屬查照舊規辦理毋庸另行籌款著即照所議行。○又諭程祖洛奏降調知縣請捐復留豫一摺河南西平縣知縣李德林因前在副指揮任內失察糧書侵賣官米降二級調用現據該撫奏稱該縣紳士等呈請公輸代該員捐復原官當即批駁等語部民聯名具呈保留代捐例不准行自應將呈詞批駁惟念該員官聲尚好前此失察之案係屬公罪且情節尚輕李德林著准其捐復原官留於豫省俟有相當缺出再行補用仍照例送部引見。○諭軍機大臣等據訥爾經額奏籌議明歲漕船渡黃章程就上屆盤壩例案有應行變通各幫漕糧一律原丁原船受兌可以節省帑項及旗丁易致推諉爭執應將沿途雇傭起剝各

費分由船丁米丁給發各省新漕應迅速兌開早為抵壩截留幫船應嚴行彈壓並明歲起運船糧大局數目各條是否可以照辦著將原奏條欵鈔寄蔣攸銛閱看詳悉覈議奏明辦理至明歲新漕仍議海運盤壩原係不得已權宜之計而盤壩一節需費尤鉅如果本年河流暢順刷淤漸深來春河口情形順利仍開禦壩以利漕行固屬甚善或屆時禦壩不能暢開自可倣照今春倒塘灌放不致淤墊運道未始非補偏救敝之一策該督當通盤妥籌隨時相機辦理總非萬不得已無須輕議盤剝以致多費周折也將此諭令知之。○又諭本日李鴻賓等奏籌議快船弁兵巡緝經費已准借款生息並照文連所請每年准於關稅平餘等款內動支銀二千餘兩以資協濟矣此項巡緝快船既經該督等會同籌辦試行有效現又添備每年需用經費必須行之以實持之以久方不負此一番規

畫該督等當飭屬認真經理慎選弁兵實力巡緝勿任日久廢弛漸至有名無實也將此諭知李鴻賓並諭成格知之○改山西薩拉齊廳理事通判為調缺從巡撫福綿請也○以祭

社稷壇自是日始齋戒三日○丙子諭內閣廣西臨全埠向由廣東關配引鹽從水道運往銷售因河道灘多每大包改築三小包以便轉運旋據御史周貽徽奏臨桂至柳浦一路

改包運行恐商人藉端影射經阮元議准該商毋許改包現據李鴻賓等奏請循舊章改築小包轉運並稱該省運鹽不能夾帶於配運之時自不能影射於改包之後換用大包諸多不便自係實在情形茲據戶部議奏該督等所請為重課恤商起見著准其仍循舊章每一大包仍分築三小包並著該督等轉飭鹽道及沿途文武員弁隨時實力稽查該商等如有影射行私即行按例嚴懲毋滋弊

竇並將大包斤數若干小包斤數若干一併查明報部以憑稽覈○倉場侍郎百春因病賞假以內閣學士琦善暫署倉場侍郎○丁丑秋分夕

月於西郊遣定親王奕紹行禮○祭

先師孔子遣協辦大學士盧蔭溥行禮○諭內閣徐忻奏查明略陽縣被水情形現辦撫卹一摺陝西略陽縣因雨後江河水漲淹及城垣衙署並居民廬舍經該護撫委員攜帶

司庫銀兩隨同該護道詳查撫卹現已查明城內關廂並沿江一帶之白水江等十二村實在乏食貧民一千五百五十五戶照例給予撫卹一月折色口糧及淹損人口衙冊房間例給修掩等費共需銀三千七百三十餘兩業經該護道督同委員妥為散放其該縣西南鄉續報被水處所亦已就近勘辦應如何撫卹著一併妥速散放覈實報銷又據另片奏略陽縣城左河右江水口壁立頻遭水

患據該護道楊名颺稟請移建已委署藩司林則徐親往確勘著即飭該署藩司查明是否應行移建詳勘定議並將該縣被災戶口應否再予調劑之處體察情形奏明辦理○又諭蔣攸銘等奏籌備挑濬吳淞江銀款及時興辦一摺江蘇省三江水利前曾議准興辦嗣因高堰興辦大工集夫不易僅將黃浦一路水道先為挑濬吳淞各工暫行停辦昨據御史李鵬奏請及早設法疏濬當經降旨令該督等籌議勘辦茲蔣攸銘等於未經接奉諭旨之先已議籌款挑濬著照所請准其將明年辦理海運案內節省蘇松常鎮太四府一州應徵贈五等米糶變價銀留為挑濬經費先於本年平糶緩漕米價銀內借動銀二十餘萬兩及早給發領辦所借銀兩俟明春將海運節省各款米石變價後即行還款該督等即遵派道府大員詳勘確估如法疏治務期農田水道實有裨益俟挑工完竣著

陶澍親往驗收勿任草率偷減覈實報部查銷○護陝西巡撫徐忻奏佛坪地方新設廳治應建壇廟各工請於司庫耗羨銀內動支興辦下部知之○戊寅祭大社大稷上親詣行禮○幸圓明園○詣綺春園問皇太后安○駐藏大臣松廷等奏廓爾喀額爾德尼王熱尊達爾畢噶爾瑪薩野遣使表進年貢報聞○烏魯木齊都統英惠奏派辦文案勤慎之已革河道總督張文浩布政使朱錫爵可否量予恩施得旨著無庸議○己卯青海左翼正盟長郡王車凌端多布因病告替以貝勒那木喀旺扎勒為青海左翼正盟長○以烏魯木齊承辦軍營後路糧運及供支官兵過境出力賞道員湯鼐花翎餘升敘加銜選補有差賞廢員黃家紳八品銜張金

等均准釋回○庚辰遣官祭黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○諭內閣賀長齡奏東省舊案交代漸次清釐請寬免州縣處分山東省各屬歷

年未結交代前經奏明派員專司覈算兩次奏結共一百六十餘起下餘各案自即可埽數完結其造報遲延之各州縣既多緣事去任現任之員將舊案趕緊清釐辦理尚為妥速所有應得處分著加恩概予寬免嗣後不得援以為例自此次查辦之後該護撫務飭所屬遵照例限按款清交儻再任意延宕即著據實嚴參懲辦決不寬貸○以河南按察使阿勒清阿為廣東布政使四川建昌道桂

良為河南按察使○辛巳上奉皇太后幸同樂園進膳並賜皇子及內廷王大臣等食○遣官祭關帝廟○壬午太宗文皇帝忌辰遣官祭昭陵○戶部議准護山東巡撫賀長齡奏東省開內有漕州縣向係冬兌冬開距水次既遠時日又迫勢不能不買米墊兌旗丁藉此刁難勒索苦累實甚請嗣後准開內各州縣屆期有徵未足數及趕運不及者即於各水次就近買補墊兌仍飭不得藉此概行折徵並嚴禁旗丁挾制擾累從之○癸未萬壽節遣官祭太廟後殿○遣官祭福陵昭陵昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

顯佑宮

東嶽廟

城隍廟○

上詣

安佑宮行禮○詣綺春園

皇太后前行禮○御正大光明殿皇子及王以

下文武大臣官員蒙古王公等行慶賀禮○

幸同樂園賜皇子及內廷王公大臣蒙古王

公等食○諭內閣富俊奏擊獲朝鮮國越界

偷捕牲畜人犯此案朝鮮國越界人犯延必

元韓貞昌一名訊據供係奉伊本地州官派捕鹿茸在不知地名山坡偷越因失迷路徑不能回歸雖訊無為匪不法別情恐在該國另有負罪潛逃情事已經該將軍咨送盛京禮部轉解該國收審著禮部檄諭該國王令其嚴究確情自行懲辦並飭該國王嚴禁屬下人等嗣後不得私行越界打牲伐木以肅邊境該部擬定檄諭奏明後再行繕發○又諭長齡等奏官兵出卡勦洗逆黨情形前據

長齡等奏稱探知張格爾逃往卡外在達爾瓦斯之藏堪地方藏匿楊遇春楊芳分帶官兵前往追捕茲據奏於七月初七日在塔里克達巴罕相近地方遇見賊匪二千餘人當經副將郭繼昌等督兵迎擊賊匪上山用槍抵拒協領壽昌等直上攻擊斃賊二三百名該匪復敢放槍抵敵協領都凌阿委參領郭金首先攻上均中槍陣歿嗣經官兵擊斃督陣紅衣賊目三人始敗退後面山梁據紮旋

經楊芳督同領隊安福等分路進攻郭繼昌等由賊後兜擊賊匪腹背受敵拚死抗拒官兵兩面夾擊斬擒一千五六百名脫逃者僅百餘人侍衛色克精阿委參領巴爾江阿守備蔡汝賓及參領哲里善均先後被傷陣亡殊為可惜該將軍等既探知張逆藏匿地方派兵出卡追捕自應倍加慎重乃虛延時日糜費兵餉竟令零星殘匪傷我官兵縱將該逆黨斬獲多名已屬不值長齡等調度失宜

辦理不善咎無可辭長齡楊遇春楊芳武隆阿俱著交部議處安福首先擊賊致受槍傷著賞給譽勇巴圖魯名號其陣亡之都凌阿等著交部照例議卹所有傷亡官兵著該將軍等查明咨部照例賜卹○諭軍機大臣等據長齡等奏官兵在卡外勦洗逆黨兵將間有傷亡霍罕回裏殊不足信並籌議善後請以逆裔管理西四城各一摺大兵克復四城已經數月迄未得逆首張格爾實在蹤跡虛

延時糜費兵餉祇遇逃竄卡外零星殘匪竟致損我官兵雖據奏斬擒逆匪千餘名逃脫者不過百餘名而我帶兵將弁及兵丁等已傷亡數十人之多殊為可惜不值之至外夷各部落內聲言效順者既知其為緩師圖賞之計乃猶稱布魯特威睹兵威或將該逆擊獻豈非仍在夢中其霍罕伯克之譎詐又何待遣使來營求賞元寶始為派兵擒渠方知其妄長齡等總不咎前此辦理之失宜迨

接奉六月十六日所降諭旨飭將卡外官兵酌撤始為此奏披覽之下憤懣殊深大軍久駐卡外各布魯特勢不能不自保其疆圉即有逃竄零星回子依附其地亦祇可待其來而殲之何得墮其詭計宋入其阻况張格爾並不在其中更不值輕勞兵力致損國威而張賊勢至所奏善後之策竟請以久經羈留之逆裔阿布都哈里賞給職銜放歸回部管理西四城回眾尤為紕繆之極長齡老諳糊



塗。一至於此。武隆阿隨聲附和。俱著嚴行申飭。為今之計。總當遵奉前旨。將西四城仍照舊章辦理。一切分兵防守。及清查叛產。籌備糧餉。並種種未盡事宜。作速從長計議。務期經久無弊。方為妥善。其所奏傳諭霍罕伯克。以張格爾係無足重輕。回子該伯克既不肯將其拏獻。又不肯將其家屬送出。即永遠不准入卡貿易一節。尚為得體。稍合朕意。該將軍等一面籌撤官兵。議及善後。一面設法擒拏張逆。小心防範各城。若再稍有挫失。首逆又不可得。試問能當此重罪耶。懷之慎之。將此由六百里加緊諭知長齡。楊遇春。楊芳。並諭武隆阿知之。○移達爾歡霍洛卡倫於琿春西南四道溝。從前任吉林將軍富俊請也。

○甲申。

太祖高皇帝忌辰。遣官祭。

福陵。○復還貴州永從縣文童學額二名。廩生增生各四名。於錦屏縣學內裁撥。從巡撫嵩

孚等請也。○緩長蘆所屬滄州寧河縣。並嚴鎮場上年被水。蠲地額徵銀。○乙酉。遣官祭昭忠祠。○調盛京禮部侍郎鍾昌為刑部右侍郎。刑部右侍郎特登額為盛京禮部侍郎。○以護軍參領陰功保為正黃旗漢軍副都統。○丙戌。

上詣

安佑宮行禮。○諭內閣。那彥成奏。此次兵差過境。即飭藩臬及該管道府逐案清釐。現在兵

差經由直隸之三十州縣。已嚴密確查。實無絲毫虧短。冬間凱撤回兵差使。亦可依照辦理等語。向來軍務完竣。設立軍需局。彙總報銷。往往此牽彼混。直隸辦理兵差過境各州縣。辦一案即清釐一案。現據那彥成查明各州縣並無藉差那移庫項情弊。所辦甚是其河南陝西甘肅三省。事同一律。著該省督撫。依照直隸確查辦理。兵差各州縣有無藉差虧短情事。其支發軍需總局。務須立定章程。

畫清款項。按款報銷。不許壓前積後。以杜牽混。膠轕之弊。○又諭前據百春等奏。浙江漕糧抵壩。查驗前二幫。即有不堪收受之米。當經降旨。著該侍郎等。責成糧道尹世衡。督率篩廳。儘仍前玩誤。即著據實嚴參。茲據琦善等奏。該糧道督率所屬總運等官。認真篩廳。易換好米。隨時查驗。並無飽稻發粒。攪雜在內。以後各幫。亦俱一律乾潔。堪以收受。現在三進南糧。均已完竣。該糧道等。尚知愧奮。所

有浙江糧道尹世衡。總運通判德興。運弁孫文注等。俱著加恩。免其參處。○丁亥。刑部遵議。大學士兩江總督蔣攸銑等奏。江西袁州協副將張建英。具稟鄰卡漏私。措詞失當。應行議處一摺。請如該督原議。得旨。此案江西袁州協副將張建英。於所屬峽江地方。設卡緝私。其屢次具稟。係為互相堵緝。起見。第措詞失當。究有不合。峽江縣知縣兆元。於拏獲販私各案。辦結後。並不移營知照。以致該副

將懷疑具稟。亦屬疏漏。萬安縣知縣魏翹。於關卡販私船隻。先據巡役探報。不實之言。知會截拏。後經查實。不即移知下游。致該副將疑為疏漏。均屬非是。部議將張建英。罰俸九箇月。毋庸查紀錄抵銷。兆元。魏翹。俱各罰俸一年。准以紀錄議抵。不足以昭平允。所有張建英。罰俸九箇月。兆元。魏翹。各罰俸一年之處。俱著不准抵銷。○戊子。

上奏

皇太后幸同樂園進膳。○諭軍機大臣等。現在回疆大功告竣。官兵次第凱撤。第念善後事宜。必須有備無患。伊犁將軍有統轄八城之責。朕聞由伊犁至喀什噶爾。除冰嶺一路外。另有由草地抄近捷路。可以行走。計程幾日。可抵喀什噶爾境界。其間所經是何地方。著德英。阿密。派明幹熟諳員弁。躡度該處路徑。及程站里數。軍行有無窒礙。據實具奏。惟兵貴神速。道阻且長。若馬匹中路疲乏。應於何



鹽政阿揚阿留任○蠲緩江蘇上元江寧句容江浦山陽阜寧清河安東鹽城高郵泰東臺江都甘泉興化寶應沛邳海沭陽漂水六合桃源儀徵銅山豐蕭碭山宿遷睢寧贛榆華亭秦賢上海南匯青浦川沙丹徒丹陽金壇溧陽四十一廳州縣並淮安大河徐州鎮海太倉金山六衛上年被水災民新舊漕糧銀米有差○庚寅諭內閣那彥成奏豫籌凱撤官兵過境供應章程前調勘辦逆回之火

軍機處

二

器械銳二營及吉林黑龍江官兵現已次第凱撤沿途經過地方自應將供應車馬妥為籌備惟此次凱旋官兵無須似出征時趨行之速俾該州縣將車馬輪流遞送應付無誤著鄂山於吉林黑龍江官兵進關時即令分為二百名一起間四日行走其經過之陝西河南直隸奉天等省亦可按起應付庶沿途地方祇備車馬一分稍省民力足敷輪轉餘俱照所議辦理○又諭程祖洛奏薊倉未買

穀石請毋庸另議買補等語此項備撥薊穀據該撫查明本無實貯定額向來辦理如遇撥缺即以向後截存積補前數並未議及採買且豫省現在情形自應先儘常平倉糧買補以裕民食所有薊倉未補未買穀十七萬餘石著照所議毋庸動項買補該部知道○又諭果勒豐阿奏滿營佐領被控請解任質訊一摺浙江乍浦滿營鑲黃旗蒙古佐領觀全被本營武舉善貴控其攤扣兵餉幫伊族

軍機處

三

弟嗣經興善等供出教唆誣賴善貴各情節虛實均應徹底根究觀全著暫行解任交劉彬士督同臬司周之琦提同案內應訊人證秉公嚴審務得確情按律定擬具奏○諭軍機大臣等程祖洛奏派員訪查習教匪犯一摺豫省毗連山東及江蘇安徽地方向多奸匪出沒而接壤曹單一帶尤多習教匪徒現在東省臨清地方揭獲逆詞一案雖據查無影響而教匪行蹤詭秘亦不可不確加察訪

密為防範。該撫已派委阿勒清阿、劉彰傑分詣虞城、考城等處密訪嚴查。著即飭令該司道等務當不動聲色明查暗訪。如查有習教滋事匪徒，立即密速查拏究辦。但不可稍涉張皇，致累無辜。阿勒清阿昨於臬司任內奏請陛見，已批令准來。伊現已升任廣東藩司，著於查辦完竣後，再來京請訓。前赴新任可也。將此諭令知之。尋奏密查豫東各邊界，均無習教匪犯。現仍飭原委司道周歷覆查，報聞。

○總管內務府大臣奏，向例主事委署主事缺出，按班升用。近來各館議敘及各項應補人員，扣補過多，雖有應升不得升用。請嗣後遇有缺出，以一升一補分用。如遇補班無到班人員，仍准升班升用。員外郎六品司庫副內管領各班亦如之。至各館議敘人員，儘應補同時到班，請將

實錄館

聖訓校勘處人員儘先補用。別項不得攬越從

之。○江南河道總督張井等奏黃河續漲現消，各工修守穩固，仍加慎督防，得旨覽奏俱悉。又奏洪澤湖高堰誌禧，近日連消五寸，存一丈五尺七寸。現飭將山圩廳智壩先行堵閉，如再續消，即接堵禮河，仍酌留二河過水，以期蓄洩得宜。批：不可祇顧目前，總要通盤籌畫。清水多蓄，固高堰可慮，然消洩太枯，明歲不能敵黃濟運，亦是汝等之咎。懍之慎之。又奏運河廳邵汛河成開蓄，水行漕最為緊

要。年來衝激損壞，亟應通體拆修，並補築三合土舌舊開牆身，過高應減矮二層，以利挽運。批：認真辦理。○以直隸永定河秋汛安瀾，予縣丞汪兆鵬等升用有差。○添備河南十三廳稽料二千垛，山東曹河糧河二廳稽料五百垛，修山東加河運河捕河三廳開壩隄岸，並挑挖加河廳屬月河，從署河道總督嚴琅請也。○修直隸武清保定撫寧昌黎河間故城開南樂清豐磁赤峯深澤武強隆平十

四州縣監獄從總督那彥成請也○辛卯  
上幸靜明園詣

龍神廟拈香○諭內閣前據御史吳敬恆奏  
衍聖公官屬近有冒濫滋弊情事當降旨交  
賀長齡秉公確查茲據奏稱衍聖公額設官  
屬尚無託人頂替及攜劄私給等弊惟各該  
員到任未久藉省親等詞告退另換額缺之  
外有豫選委用之名自行給發執照等語衍  
聖公所設屬官向例遇有缺出揀選咨送吏

部題補不准豫選給劄久經定有成規嗣後  
著遵照定例遇有廟員出缺於生監內保舉  
咨送由部給劄不得再設豫選名目自行給  
照其以前所給執照著各該督撫概飭繳銷  
並著於保舉廟員時將該員三代存歿年歲  
一併咨部以備告養時查覈其措資省親修  
墓等事亦著衍聖公酌定年限方准給假無  
任旋補旋退致滋弊端至覃恩曠典尤非可  
以濫膺除咨部題補之員得選封典外其餘

概不准行以重名器而昭覈實該部知道○  
又諭嵩孚奏湖北江陵等縣被水情形較重  
查辦撫卹事宜本年荆江伏汛盛漲致江陵  
縣下潭子湖民隄被水漫潰並監利縣地方  
因水由江陵潰口灌入致被漫淹經該督飭  
委該管道府等確勘受災情形較重著加恩  
准其於地丁項下酌動銀五萬兩解往荆宜  
施道庫存貯即飭該藩司馳往督辦分委妥  
員將江陵監利被災軍民戶口確實查明共

有若干妥為撫卹散放口糧總期災民均霑  
實惠毋濫毋遺並不許假手胥役稍有剋扣  
滋弊仍俟水退之後查明倒塌房屋照例給  
予修費其應如何分別蠲緩錢漕之處著該  
督再行詳查具奏候朕施恩至另片奏松滋  
枝江天門潛江荊門沔陽漢川漢陽等州縣  
均有江水帶淹處所著該督遴委幹員馳往  
各該處確勘被淹輕重情形能否補種是否  
不致成災統俟秋成後一併奏明辦理○諭

軍機大臣等據嵩孚覆奏王家營隄工前議於對岸沙灘之中開挖引河業已停止現擬照河工切灘之法平其直射潰口之溜勢再將下游沙洲開挑引河破其環抱以順正流隄工易於堵築不致有回溜掙根之患仍倣照黃河工程排釘木椿再用稽麻葦料下埽使隄底不能衝動築隄可期堅實等語王家營隄工建自前明迄今二百餘年雖偶有潰決之時旋即堵合何以自道光二年潰決後

屢築屢潰是否今昔情形不同溜勢遷移隄身當其頂衝難以堵築抑係工程並未堅實以致不能經久該督議籌興築原為保下游居民田廬起見惟恐與水爭地難資捍禦虛糜工費豈不徒勞無益且所議用稽麻葦料排椿下埽不過為暫時堵合之計工程豈能經久若日後椿埽頻墊必須不時鑲築是又添出歲修之費即謂此項工程原係保衛民田可以藉資民力而逐年攤徵豈非近於加

賦如果自此次興築之後必能一勞永逸朕豈靳此區區經費耶現已派陳若霖姚祖同前往詳勘應否興辦俟伊等查勘覆奏再行定議飭遵至所請將湖北司庫存貯貴州鉛價銀內酌留十萬兩以備工用著即暫留藩庫候旨遵辦可也將此諭令知之○又諭昨據果勒豐阿奏浙江乍浦滿營佐領觀全被本營武舉善貴控其攤扣兵餉並訊有教唆誣賴善貴等情已降旨交劉彬士督同臬司

周之琦審辦本日又據哈興阿奏稱善貴逃旗被獲藉端挾制訊以被額勒春所控撥門一節係該犯逃走之由亦堅不承認因解送臬司審辦該將軍將解到人證扣留另委協領揆明等審訊該協領等將原告善貴之額勒春用小板責打並令額勒春之妻顧氏跪鍊又將佐領觀全細縛派兵看押等語果勒豐阿哈興阿所奏情形顯有意見不合之處其已革武舉善貴被控赴額勒春家晝夜撥

門一節。是否果有其事。善貴牽控佐領觀全攤扣兵餉。幫伊族弟百全及教供誣賴善貴各情。是否屬實。協領揆明等。何以即將原告非刑拷訊。並將職官細縛。著劉彬士督同該臬司秉公嚴審。確情按律定擬。以成信讞。如該協領等實有擅用刑訊。細縛職官之處。於定案時一併附參懲處。哈興阿摺。著鈔寄閱看。將此諭令知之。尋奏額勒春原控善貴賁夜撥門。訊係懷疑誤告。其供指觀全教令誣

賴係畏刑妄供。應照例鞭責。已革武舉善貴因患病出外就醫。訊非有心逃走。請仍復旗檔。准其挑差。其稟許觀全侵扣幫貼。雖事出有因。究同挾制。仍應鞭責。防禦百全收受兵丁攤幫銀兩。觀全不即禁阻。並於傳質時忿激咆哮。協領揆明等審問草率。辦理過當。均請交部議處。下部議從之。○又諭前據奕顯等奏盛京金州蓋平等處。拏獲外來夷人四名。當經降旨飭解刑部審辦。茲據奏訊明伊

爾組萬雅哈木圖喇阿布都阿迪爾均係布噶爾回子。於本年三月間承領在喀什噶爾貿易回子哩雅斯花布等物。欲赴塔什塞地方販賣。途遇哈薩克之阿布薩塔爾邀往哈薩克營運。與伊等一同前往。行至噶勒噶爾巴地方。被黑帽賊人搶去貨物。迷失路徑。其所帶字條。係避邪經文等語。所供均屬一面之詞。且該犯等本年三月間。既在喀什噶爾承買貨物。乃於該處滋事。均未聞知。難保無

避匿情弊。伊爾組萬雅哈木圖喇阿布都阿迪爾阿布薩塔爾四犯。連起獲字條。著一併交兵部解交陝甘總督。轉解喀什噶爾。交武隆阿。誠端蘇清阿。提同該處貿易之哩雅斯質訊。如審明祇係販賣貨物。被搶屬實。即著解交各該犯原處釋放。如訊出別情。即行按例嚴辦具奏。將此諭令知之。尋奏訊明伊爾組萬等實係承領貨物。被搶迷路。並無別情。已賞給馬匹口糧。押送出卡俾令各回本處。



報聞。○護山東巡撫賀長齡奏東省秋收豐稔。所有因公動缺及豁免官虧倉穀十萬一千餘石。並三限應買截漕三萬三千餘石。現飭分別買補搭運。所需價值。於司庫節年地丁項下動支。其歷年已派未買穀四萬一千餘石。亦飭趕緊採買。報聞。○以兵部尚書王宗誠署刑部尚書。○旌表守正被戕湖北黃岡縣尼志修。○撥江寧揚州寧國池州太平廬州鳳陽府屬漕米一萬一千八十餘石。給

江淮興武鳳陽長淮幫丁因災緩缺月糧。○壬辰諭內閣。奕顥奏查明緣事發遣紅帶子萬順在配逃走已革護軍紅帶子萬順。不安本分。輒敢在配脫逃。前據山海關副都統存華於該犯進關時盤獲解京。業經刑部審明辦理。著該將軍仍飭該管各員。將該犯嚴加管束。如再出外滋事。即行從重究辦。所有此次失察之該管總族長等著查取職名。交宗人府分別議處。奕顥到任未久。著加恩免其

察議。○諭軍機大臣等。奕顥奏訪查創宅鹿窖。偷砍木植情形。邊門外私宅鹿窖。現於圍場以南。已查出鹿窖二百餘處之多。拏獲創窖砍木偷竄打牲賊犯六十餘起。其北路一帶尚未清查完竣。想似此者亦復不少。實屬廢弛。已極。據奏所宅鹿窖。附近邊營。非僅流民亦難免。宅竄人夫。恃有腰牌。從中影射舞弊。現已獲犯多名。必須向該犯等逐細嚴究。查拏淨盡。使圍場邊營一律肅清。該將軍於

十月間應赴圍場。著即就近周歷查勘。邊門外原設各卡倫。是否皆係要隘。抑或相距寬遠。查察難周。應如何設法辦理。稽查周密。不致仍前偷越影射。再滋弊端。務當悉心妥議。奏明辦理。至官兵攜帶礮手。詢係傳集八旗善打鳥槍閒散壯丁。入圍幫打鹿隻。並非雇倩民人。惟既有此項壯丁。嫻於技藝。何不將伊等挑取差使。轉使無能者坐食錢糧。及至行圍時。又傳令壯丁前往幫辦。其故令人不

解著該將軍於赴圍時留心察看。如果屬實。應如何裁汰拔補。並將查辦情形據實具奏。將此諭令知之。○大學士兩江總督蔣攸銑等奏酌擬新漕海運章程。一沙船運送漕糧。應照舊給予耗米。一商船給發水腳等項。仍由外籌給。一天津通倉需用經雜各費。應由蘇省籌款解交。一驗米交米。仍應專派大員經理。一余山應派武職大員駐紮彈壓稽查。一宜飭沿海水師會哨巡防。一如有短少徵

變及鬆艙等事。應分別豁免賠補。一商船獎敘宜酌量分別。一商船不准攬帶客貨。如有自帶零星土宜。應查明仍准免稅。一通倉席竹二項。仍請折銀購辦。一糧米自津運至通倉。宜加慎遮蓋。查禁攪水。並令各經紀親自押送到通交納。以免徵變而專責成。得旨。前據蔣攸銑等奏。稱來年漕務議請將蘇州松江常州鎮江太倉等四府一州新漕。俱雇用海船運赴天津。以免貽誤。當經降旨准行。茲

據該督等查照上屆章程。間有參酌之處。分別條款具奏。著照所議。務須妥為經理。勿致臨時周章。至海船運米到津。屆期著軍機大臣奏請欽派大臣一二員前往查驗一切兌收事宜。悉照舊章辦理。○調盛京刑部侍郎多山為盛京工部侍郎。盛京工部侍郎海齡為盛京刑部侍郎。○調鑲白旗漢軍副都統左廷桐為熊岳副都統。鑲黃旗蒙古副都統英瑞為鑲白旗漢軍副都統。熊岳副都統富

永為鑲黃旗蒙古副都統。○以江蘇辦賑及收養難民出力。予知州李宗顯等升敘有差。○癸巳諭內閣。那彥成奏籌議來年海運。直隸應辦事宜。請量為變通。一摺。海運漕糧由津運通。全在剝船應手。上年於官剝二千五百隻外。添雇民船五百隻。分撥備用。現又挑除滿料船四百數十隻。江廣所造新船一時不能運到。自應寬為籌備。著飭令沿河各州縣添雇民船四百數十隻。除留備南糧撥用

外餘悉留為接剝海運之用以期應手無誤又上年原議每日起米四萬石嗣因趕運多起諸費周章本年沙船滿載漕糧儘一運到津無須急令回帆著照原議仍以每日起米四萬石為率按沙船到次先後挨次驗收俾剝船周而復始足數輪轉如沙船同時到津米數較多或值陰雨不能如數起卸著欽派大臣隨時察看情形辦理總期漕糧不虞傷損商船不致久羈方為妥善又雇用民船原應量加體恤俾皆踴躍趨事著准其於照舊每百石給銀十一兩零外改給本色米一石一斗五升在節省耗米項下開銷以資食用又官剝滿料船隻修艙例價遇有損壞過甚者不敷辦理自係實在情形著准其酌量加增但不得逾三十兩之數以示限制又豫東漕船總須於沙船未到以前全數過關既免河道擁擠亦可留回船備用著各該撫轉飭豫東各糧道早為兌開一俟冰泮即督押迅

速開行及早起卸無稍稽延又沙船進口前派水師營將弁分別迎護導引現在水師裁撤著准其雇募本處大號漁船二隻交葛沽營派千總外委四員兵丁二十名晝夜輪班於攔江沙內外接護專派守備一員總司稽察所需工食薪水按日於經費項下覈實支銷餘俱照所議辦理○又諭那彥成奏裁汰通省掛名吏役覈實查辦完竣所辨認真甚屬可嘉直隸大小衙門掛名吏役過多包差滋擾苦累閭閻前經該督奏奉諭旨酌定應留名數造立循環印簿年終報明該管道府具報總督衙門查點餘皆革退不准額外增添茲據奏嚴飭各屬將各該衙門酌留吏役名數分別造冊具結呈送查覈並委道府丞倅分往確切查點按名寫榜出示懸掛城鄉俾眾知曉現據冊報通省革除吏役竟有二萬三千九百餘名之多官官相護朋比為奸尚復成何政體直隸如此他省諒亦不免著

通諭直省各督撫一律飭查據實裁汰按照  
那彥成所奏章程辦理。償於查辦後地方官  
復敢額外私增。或棍豪冒充肆擾一經查出  
即將該地方官嚴叅議處。吏役加等治罪。此  
係各該督撫必當認真查辦之事。要在行之  
以實持之以久。毋得視為具文。用副朕釐剔  
弊端至意。諭軍機大臣等據那彥成奏稱  
江蘇白糧一項米質鮮嫩海洋風信靡常若  
貯船時久恐易發變查蘇松常鎮太四府一

州白糧各有專幫統計祇八萬餘石為數無  
多。不若仍由河運較為妥便等語。白糧為數  
無多。易致蒸變該督所奏係為慎重漕糧起  
見。惟前據蔣攸銛等奏將本年江南首二進  
回空軍船截留河止。此項白糧能否仍由河  
運。有無軍船受兌著熟籌妥議據實具奏。將  
此諭令知之。尋奏漕糧既歸海運若將白糧  
改由河運兌米驗米均多窒礙現擬選擇沙  
船將白糧儘先運送及早抵津似可無虞。蒸

變報聞○甲午

工御勤政殿聽政○諭內閣據奕奎等奏

西陵禮部司員往往因期滿調京新缺未補而  
現任人員又有按年按季輪應赴京差使及  
因病告假者以致辦公人數不敷請照

東陵奏准成案添派贊讀等官幫辦部務等語  
著照所請准其將贊讀等官內嫻習禮節心  
地明白者每部揀選一二員派令學習幫辦  
期於公務有裨以昭慎重○諭軍機大臣等

前據劉彬士奏已劾富陽縣典史楊貽增以  
杭州府幕友陳仰山挾嫌主使該府張允垂  
撫拾空言濫行稟揭當降旨將張允垂解任  
交該署撫督同臬司周之琦提齊人證嚴訊  
迄今已閱五月之久僅據該署撫於甄別守  
令摺內奏稱案內人證未齊驟難訊結並未  
將大概情形奏及此案陳仰山是否懲憑該  
府張允垂稟揭抑係該典史楊貽增因被叅  
妄行揭控均應徹底根究該署撫接奉此旨

迅即催提人證秉公研訊務得確情如有託情賄囑情弊尤當據實奏奉方為不負委任毋再遲延干咎將此諭令知之尋奏訊明楊貽增實係懷疑誤控。按例問擬杖一百徒三年。陳仰山以受封之員在本郡作幕張允垂失察徇庇。均有不合。得旨此案陳仰山訊無借給姚步萊銀兩情事。惟已得受五品貤封猶久戀幕席。致滋物議。殊屬不合。陳仰山所得封典著即撤銷。原任杭州府知府張允垂

訊無輕聽誣揭情事。惟失察姚步萊虧空庫項。因該家屬以墊修倉署具稟。率准議歸後任分攤。雖虧項已於交代限內補完。究屬違例。張允垂著交部議處。餘依議。○以詹事府詹事龔守正為內閣學士兼禮部侍郎銜。仍留山東學政任。○修浙江海鹽縣石塘並建築坦水。從署巡撫劉彬士請也。○撫卹琉球國遭風難夷如例。○乙未上詣綺春園問

皇太后安。○諭軍機大臣等御史蔣泰階奏酌籌徒陽運河挑工一摺。據稱徒陽運河小挑派丹徒等四縣承辦。大挑則調派通省中缺分最優之十餘州縣協挑。大半距工迢遠。又值開徵收兌不能兼顧。悉委幕友丁書此輩素未諳習工程。夫頭等乘機挾制昂價居奇。稍不遂意紛紛鬧散。又有道府委員等百端刁難。恣其需索。除由司庫領銀外約計各州縣賠款多則萬餘金少則七八千金。實皆幕

友丁書朦混開銷。委員及夫頭等訛詐吞蝕。實用到工不及十之三四。仍易停淤。萬一軍船由內河出江。臨時擱滯。關繫非輕。等語。徒陽運河為江浙軍船經由要路。明年除蘇松等四府一州仍由海運外。浙省全幫仍復取道運河。全在挑挖寬深。俾重運遄行無阻。著陶澍督同藩司梁章鉅將應如何委員辦工之處熟籌妥議。並責成該管道府盡心督辦。務令工員領銀覈實支銷。免其賠墊。責以疏

濬。俾河流通暢。糧艘得以遄行。又另片奏通  
州。崇明一帶沙地。偶然漲出。多為土豪霸占。  
近因爭地釀釁。訟案紛起。請飭各州縣勘明。  
此等沙灘。無庸紛紛查辦等語。此項沙地。坍  
漲靡常。沙棍乘機霸占。恃強逞兇。屢釀巨案。  
最為該省惡習。著陶澍體察該處情形。應如  
何息爭杜訟之處。據實奏聞。該御史摺片。並  
著鈔寄閱看。將此諭令知之。○又諭據福綿  
奏接鄂山等咨會。押解逆犯呵里雅一名進

京。由晉行走。妥為護送。其凱撤各路官兵。內  
有京營東三省官兵。出陝西境後。或由山西  
經過。一切須及早籌備。方免貽誤等語。現在  
解京之逆犯呵里雅。已定由山西行走。著福  
綿派員護送。並飭沿途州縣營汛各帶兵役。  
協同小心押解。至凱撤之火器健銳二營。及  
吉林黑龍江官兵。昨已降旨令該署督於進  
關時。即分為二百名一起。間四日行走。經過  
之陝西河南直隸奉天等省。按起應付。該署

督等即遵照前旨辦理。令各州縣將車馬輪  
流遞送。無庸由山西行走。將此諭知鄂山。徐  
忻。並諭福綿知之。○丙申。

世宗憲皇帝忌辰。遣官祭

泰陵。

上詣

安佑宮行禮。○諭軍機大臣等。前據蔣攸銑等  
奏。來年新漕。仍行海運盤壩。當經降旨。准其  
海運。惟盤壩一節。彼時即不准行。其軍船本

係空出。准其暫留河北。以備萬有一然之需。  
朕思海運原非良策。以今年河湖情形而論。  
本可不行。惟該督等既以河漕不能兼辦。意  
在騰出河身。復以清刷黃之舊。要知清水既  
能刷黃。焉有不能濟運之理。朕因蔣攸銑到  
任後。或別有所見。聞抑河湖另有別情。是以  
暫從所請。此後並未另有所奏。聞可見伊等  
所以復籌海運。兼將回空軍船截留河北者。  
意在一行海運清水。即無庸多蓄。高堰可保

無虞。明春清水不能敵黃。又恃截留軍船。為盤壩之用。總為自卸干係。巧占地步。祇顧目前。於國計並不通盤籌畫。試問為國乎。為身乎。受國厚恩。任用之人。其可不秉天良耶。再此項軍船截留河北。水手聚集。彈壓匪易。油艙修理。諸多不便。伊等恃有此項軍船。轉將清水消洩過多。明年必不能敵黃。濟運成何事體。總之清水多蓄固可慮。消洩太枯亦是伊等之咎。前於張井等秋分河湖平穩摺內批示甚明。來歲新漕除蘇松常鎮太倉。仍行海運外。其餘軍船總期照常北渡。即萬不得已。亦祇准用本年倒塘灌運之法。並著該督等各秉天良。體察情形。海運如可停止。仍由內河行走。即將前議撤銷可也。所有本年江南首二進回空軍船。俱著全行及早歸次。斷不准截留河北。以為盤壩之用。儻明年河道不能通暢。貽誤漕運。咎有攸歸。朕言出法隨。決不寬貸。懍之慎之。將此諭知蔣攸銑張井

潘錫恩並諭訥爾經額陶澍知之。○禮部尚書松筠等奏恭修

泰陵

聖德神功碑樓。現將臺面拆出。柱木等工均有應行修理之處。得旨著仍派王引之。阿爾邦阿前往敬謹勘估。○吏部奏候補五品京堂曾燠因病請假回籍。得旨曾燠著不准給假。○署陝甘總督鄂山等奏遵查軍興以來。節次撥解過阿克蘇供支軍營兵餉銀四百萬八千六百餘兩。前准長齡等來咨。五月以前所撥餉項。大營祇收到銀二百零二萬兩零。其餘有已由阿克蘇轉解尚未運到大營者。亦有尚未解至阿克蘇者。茲復飛行口外各城滾運糧臺。上緊轉運。並咨阿克蘇於收到一起餉項。即速解往大營。以備支放。仍遵旨妥為籌備。先於借撥陝甘兩省藩庫銀八十萬兩內。再行酌量撥解。無誤要需。報聞。○倉場侍郎百春因病解任。命山西巡撫福綿以

三品頂帶為倉場侍郎。調山東巡撫盧坤為山西巡撫。以署倉場侍郎琦善為山東巡撫。吏部左侍郎凱音布署倉場侍郎。○丁酉。諭內閣。昨因盧坤調補山西巡撫。所遺山東巡撫。已降旨將琦善補授。琦善前在兩江總督任內。辦理河湖未能妥協。當即降為二品。開缺來京。姑念河務本伊兼轄事屬因公。其前在山東巡撫任內。辦事尚肯認真。且年力正壯。是以棄瑕錄用。仍授山東巡撫。此係朕為

愛惜人才起見。琦善當益知奮勉。加倍小心。於東省吏治民風。實力實心。妥慎經理。勉贖前愆。以觀後效。○又諭。孫爾準等奏巡洋兵船請酌量分別裁改一摺。臺灣洋面。今昔情形不同。巡防各船必須因時制宜。方資駕馭。據該督等查明臺澎水師各營原存戰船內。善字號船隻。過於笨重。知方兩字號船隻。不利深水。均於巡防不甚得力。查有白底艍船。駛風折戣。最為靈便。以之追捕。可期得手。請

酌量分別裁改。自係實在情形。著照所請。將善字號船九隻。並知方兩字號船三十二隻。一併裁汰。照商船白底艍式樣。另造三十二隻。以抵知方兩字號船之額。合計臺澎各營戰船足數。應用該督等即飭臺灣廠道。將舊船估變。完解司庫報撥。雇覓工匠趕緊估計造辦。以資配緝。○命部掣押空武舉。再停一年。從漕運總督訥爾經額請也。○戊戌。兵部等部議准。直隸總督那彥成奏。順天府屬四

路廳捕盜營裁改弁兵及各州縣添設捕役事宜。一。四路捕盜營留存弁兵各三十三員。名同原設馬步快役二十名。責令該同知督率巡緝京營交界地面。以佐五城捕務。所不及隨時考驗勤惰。分別勸懲。○捕盜營馬匹除奏准存留一百二十二匹外。餘全數裁撤。變價報解。○酌留弁兵俸餉仍照向例。無閏之年。請撥公費銀四十三兩五錢八釐。遇閏加增銀四兩二分四釐。每年紅白賞銀八十



兩。裁撤弁兵馬匹。於奉文日起。統限六月。陸續全撤。奏准添設馬快。飭令各州縣在土著良民內召募足數。於七月初一日起。給予工食。添設馬快。歲支工食草料等銀。在裁兵餉乾等銀內支給。裁撤員弁。分別酌補。弁兵該管汛內。有盜竊案件。適限不獲。照例叅革從之。○安徽巡撫鄧廷楨奏。和。無為二州。因上年被水。緩徵江寧省倉屯米六千六百餘石。現動借常平倉穀。碾米二千八百石。先行運解接濟兵食報聞。展緩湖南醴陵攸茶陵三州縣帶徵上年災緩南漕銀米。○己亥。諭內閣刑部審訊緝匪庫員外郎富瑾被戕一案。提到郭春兒與汪七質對明確。其於富瑾被戕身死之處。均供實不知情。惟此案以職官被戕。遲至七八月之久。尚未拏獲正兇。殊屬不成事體。著步軍統領順天府五城迅速一體嚴拏。務獲究辦。毋再宕延。○刑部議駁升任協辦大學士吉林將軍富

俊奏。民人孔學名自戕身死一案。請交該將軍飭提要證。再行詳究得旨。此案孔學名自戕身死。傷至七處之多。原訊案犯供詞。係因孔學名向王立索取存寄錢文。王立無錢求緩。孔學名亦未逼討。隨即走回。是當時並無爭鬪忿迫情形。何以回窰後遽爾輕生。情節本屬支離。迨經屍子孔保成來京控告。交該將軍審訊。即應提同案犯及同炕睡宿各要證詳究。致死根由。乃調屍棺開檢。因皮肉消化。無從檢驗。僅憑原詳與王立等供詞。仍照原擬奏結。現經刑部詳覈原驗屍傷。心坎刀傷一處。肚腹左右相連六處。內一處腸污流出。縱使自戕。不應傷痕多至七處。且兩臂膊僅右手腕發輒。亦與心坎一傷情形不符。其同炕睡宿之高。大武供內。有天亮時經鍾士德叫醒。告知孔學名被刀扎傷。又黃文彩供內。有五更時見屋門已開。各情節。何以原訊時不逐細究明。是種種疑竇多端。必應徹底

研究以成信讞著新任將軍博啟圖將刑部指駁之處即飭提要證鍾士德劉崇功及應訊案内緊要犯證詳加推鞠務期無枉無縱按律定擬具奏○烏什辦事大臣多貴奏烏什屯工回戶歲徵大麥前經奏准於回戶內仍徵三百石餘皆改徵小麥查屯工每名種地二十畝地廣力單究不能如同糧之純淨請嗣後將回戶應交大麥亦改徵小麥屯工應交小麥改徵大麥並令屯工以小麥地與

回戶易種交納得旨依議妥為辦理○庫車辦事大臣那彥寶等奏庫車沙雅爾各回戶上年本年額徵糧石已蒙豁免明歲官兵口糧請採買小麥三千石大麥五百石以備支放從之○庚子諭內閣給事中李達烈奏各省州縣營汛怠玩廢弛請飭力加整頓一摺雖係風聞所奏甚是直省州縣營伍設立兵捕塘鋪原所以盤詰奸宄綏靖地方不但餉糈罪犯起解藉以防護即行旅往來亦資其

捍衛若如該給事中所奏凡遇餉鞘及解犯過境並不按例派撥兵役護送車輛人夫多不足數罪犯俱在木籠外散行赭衣刑具強半朽壞塘汛兵役並不在值甚至並無兵役協解私將解文付給雇夫帶投下站種種情弊懈弛已極近來每有遺失餉鞘疏脫罪囚之案未必不由於此著各督撫嚴飭所屬力加振作如有前項情弊即行嚴參懲辦儻解買有折車折夫情事扶同徇隱查察得實一

併附參其煙墩戍樓有應行修葺者亦飭迅速勘辦務令斤埃相望一律嚴整以重差務而靖閭閻○辛丑

上詣綺春園問

皇太后安○遣官祭賢良祠○諭內閣朕此次

恭謁

東陵禮畢至

孝穆皇后奉安處親行視奠啟鑒後著派定親王奕紹大學士托津協辦大學士尚書盧

陰溥都統賽冲阿留京辦事。又諭蘊端多爾濟奏額懇本年九月內由庫倫起程來京瞻覲。蘊端多爾濟自本年六月患病迄今尚未就痊。朕心深為注念。茲屆年班。若照例於十月內起程。彼時口外天氣已寒。著加恩令其馳驛。於九月下旬由庫倫來京瞻覲。伊起程後。庫倫辦事大臣印信著交樂善護理。○護山東巡撫賀長齡奏。拿獲假充王府差官恐嚇知縣之棍徒。請解京審辦。得旨。所奏甚

實錄卷一百二十五

宣

是。此等情事。斷不可隱瞞。虛實俱應究辦。所謂小懲大誡。杜漸防微之意也。又諭此案克昇額因東阿縣民張連穩來京欲控免差徭。恐難准理。輒與李祥商謀。假充王府差官。同往東阿。面見縣官。捏稱係漢軍旗人。奉王府差令該縣免派鞘車。如不應允。即回王府稟明。叅奏。當經該縣究出假冒情弊。即行拿獲。其同夥之張連穩等。已聞信逃逸。併據該犯供稱。伊本名趙成恩。係大興民人。與惇親王

府太監楊進喜素識。常至王府幫同餵馬。改名克昇額。李祥係直隸臧家橋人。與伊素好。因張連穩許其酬謝。是以商謀同往。臨行時。有王府太監張連喜因楊進喜先期逃走。聞在山東陵縣境內。囑伊順道查訪等語。該犯等行蹤詭秘。尚恐另有為匪不法別情。現據該護撫將克昇額委員解京。著交刑部嚴行審究。務得確情。惇親王府太監張連喜著拏交刑部一併審訊。其在逃之張連穩。李祥及

實錄卷一百二十五

宣

先期逃走之太監楊進喜著直隸山東各督撫。步軍統領順天府五城一體迅速嚴拏。務獲歸案審辦。○署喀喇沙爾辦事大臣常格奏。喀喇沙爾軍臺卡倫屯工磨房等處。歲需撥補倒缺馬匹。向係先期赴伊犁請領補額。明歲應領馬一百五十匹。查前有索倫吉林官兵交到疲乏駝馬。其堪用者。派撥官兵雇覓蒙古牧放。現在實存馬五百一十八匹。駝六十八隻。已酌撥馬一百五十匹。抵補明歲

軍臺等處額缺以免遠赴伊犁請領駝隻撥交糧臺委員馱運軍糧其餘馬匹即交城守營官廠牧放報可○又奏前因運糧駝隻夏令歇廠經買造車輛雇覓人夫挽運茲值秋令前項駝隻俱已出廠業將人夫小車停止以節糜費報聞○以辦理軍需出力准喀喇沙爾印房章京銀格以甘肅同知通判儘先升補

中華書局

書

大清宣宗效天符運立中體正至文聖武智勇仁慈儉勤孝敏成皇帝實錄卷之一百二十四

大清宣宗效天符運立中體正至文聖武智勇仁慈儉勤孝敏成皇帝實錄卷之一百二十五

欽修  
以稱府大臣職等滿洲副都統等處官員等因欽此○又奏前因運糧駝隻夏令歇廠經買造車輛雇覓人夫挽運茲值秋令前項駝隻俱已出廠業將人夫小車停止以節糜費報聞○以辦理軍需出力准喀喇沙爾印房章京銀格以甘肅同知通判儘先升補

道光七年丁亥九月癸卯朔以恭修

景陵

隆恩殿成遣官告祭如儀○甲辰諭內閣本月

二十二日

孝穆皇后奉安地宮先期於十三日奉移十四日朕至太平營臨送視奠○又諭此次派出恭送

孝穆皇后梓宮之三品以下文武各員於十九日送到後並無執事者著即於是日回京其無差事之兵丁夫役人等著原帶之員即

行帶回至王公及二品以上大臣並派有執事之官員等俱著於二十二日奉安禮畢先行回京不必隨扈行走○署河東河道總督嚴烺奏節逾寒露各工鑲護平穩並周查兩岸河形灘地豫備來年修守事宜報聞又奏衛糧廳陽武汛十九堡串溝柳壩編成後逐漸澄淤原水深一丈四五尺者今存四五尺斷不致有掣溜之虞拊好又奏體察受淤情形一過霜降定可築壩攔堵拊機不可失亦不可將就了事又奏溝水日就乾涸祇須土壩攔堵無庸柴料緣溝口灘地平行築壩無可生根一交汛漲漫灘兩頭仍必過水且壩工切近大河斷難防守惟勘得陽武十七堡隄南舊有土壩一道堪以加高幫寬繞越坑潭築做壩基再於東首串溝與順隄河總匯之處接築土壩跨壓斷流統計新舊土壩共長八百九丈不獨十九堡迤南串溝北注之水得資攔截即西首順隄河由榮原東注之

水亦可攔禦俾由十九堡溝口入大河所有陽武十八堡至封邱西園埝六十餘里之順隄河少此兩路來源暗險可冀潛消拊果能如是甚好○以哈密承辦軍需出力予知州趙宜暄等升補加銜敘選有差釋回廢員珠爾嵩阿賞扎薩克台吉鄂尚花翎○贈甘肅軍營病故按察使源溥光祿寺卿銜予祭葬卹廕如例○旌表守正捐軀山西吉州民程如彪媳李氏○緩徵甘肅寧夏寧朔靈三州縣被水村莊新舊額賦○乙巳

上詣綺春園問  
皇太后安○遣官祭  
歷代帝王廟○丙午  
上幸靜宜園○諭軍機大臣等將攸銛奏籌備來年接運新漕請先行借撥銀兩為盤壩經費一摺本年大汛已過現交霜降水勢有消無長黃河經汛水刷滌較前暢順洪湖存水一丈五尺餘寸現將壩河全行堵閉不致宣

洩過甚。看此情形。明歲新漕抵壩。正可乘黃水未漲之前。照常開壩放船。則趙渡一幫。即免一幫之阻滯。儻或江廣重船到時。汎水業已長發。不能啓壩放行。亦可仍用倒塘灌放之法。俾令原船北來。省卻無數周折。況今春倒塘渡船。均已全數抵通。有早無遲。何不以此倣照辦理。而必急急議及盤壩。雖據奏水勢長落靡常。恐致臨時貽誤。為萬不得已之請。無非先占卸責地步。豈實心為國之道。若

實錄卷一百一

沾沾目前。並不為國是經久計。祇圖自卸干係。則兩江重任。盡人皆可為之。何必特加簡畀耶。該督惟當遵照前旨。與訥爾經額等會同妥辦。不得再議盤壩。所請先於江蘇藩關各庫借撥銀六十萬兩。豫備應用之處。著不准行。將此諭令知之。○大學士兩江總督蔣攸銑覆奏。已革河兵徐開德。控問官非刑勒逼一案。現查明並無其事。得旨隨時留心查訪。有則必懲。○以故巴林扎薩克郡王索特

納木多爾濟孫那木濟勒旺楚克襲爵。命在御前行走。○追旌江蘇江陰縣明季殉節士民邵康公等婦女金黃氏等一百八十三名。口並闔門死節之中書戚勳。諸生許國泰。許用。談新。史補。袁。張明。敬。林鳳儀。黃楷。趙某。民人凌啓芳。朱見亭。方啓明。薛耀明。徐步。陳士傑。蔡良臣。各家屬如例。入祀忠義孝弟節孝祠。從巡撫陶澍請也。○旌表從征病歿陝西參將鍾維嶽。及隨任殉難陝西知縣徐之龍。

實錄卷一百一

子廷綸。寵給如例。○修江南裏河外河二磨。及邳州經管剝船一百二十九隻。從大學士總督蔣攸銑請也。○是日駐蹕靜宜園。至辛亥。皆如之。○丁未。

上御正直和平殿。勾到新疆雲南貴州廣東情實罪犯。停決新疆斬犯一人。絞犯一人。雲南斬犯三人。絞犯一人。貴州斬犯九人。絞犯四人。廣東斬犯八人。絞犯七人。餘九十四人。予勾。○賞靜宜園堆撥官兵。並苑丞苑副筆帖

式拜唐阿丁役等銀幣如例。○旌表守正捐軀河南裕州民李中和姪媳路氏。○戊申。上御演武廳閱健銳營操。賞藍翎長達冲阿。前鋒校前鋒伊克坦布等藍翎兵丁等給賞如例。○遣官祭

都城隍之神。○諭軍機大臣等。長齡等奏卡外官兵先後撤回。楊遇春等帶領酌撤遠省官兵起行。並審辦賊目。飭拏逆首情形一摺。官兵出卡追捕張逆日久未獲。早應撤令回

宣宗實錄

卷

營以節無益之費。現據什克南將助逆之布魯特大頭目集陽伯克拏獲解營審辦。訊係張逆緊要賊目。該伯克庫布特既經此次獎諭。令其設法擒拏逆首。拔達克山伯克密勒雅爾亦經長齡等獎其來使。仍令擒渠立功。懋膺封賞。固可期其認真出力。其喀什噶爾回子多列特胡達巴爾底自願以家屬為質。往拏張逆。亦尚可信。惟此時祇應令伊等自行設法擒獻。無須兵力。如能得有報獲逆首

確信。再酌量派兵接應。護解來營。尚無不可。至帶兵大員哈琅阿等前已降旨分別施恩。伊犁領隊大臣碩隆武。因上年帶領伊犁官兵行走遲緩。本應革職治罪。從寬責令圖功自贖。此次隨同出力。功過僅足相抵。仍遵前旨。無庸給予議敘。再前經武隆阿帶往之山東開復知縣章寬。續經程含章奏該員虧短庫項。降旨革職拏問。現在曾否解往山東。如尚未起解。即著長齡等迅速派員押解前

宣宗實錄

卷

傍烏蘭烏蘇河岸。多有舊時溝渠遺跡。且由  
此至阿克蘇。又是捷徑。可否於所調各兵內。  
擇其曾在伊犁。烏魯木齊屯工種地者。酌留  
數百名。於大河沿一帶分築數堡。使之居住。  
俟交春令。逐漸開墾。所收糧石。分貯喀什噶  
爾及阿克蘇兩城。或於巴爾楚克地方建置  
倉廩。尤為適中之地。南北聲勢。亦足聯絡等  
語。官兵留駐各城。較前增多。自應豫籌經久  
之策。以供兵糈。該御史所奏屯田裕餉。不為

無見。第開墾新荒。急切難以奏效。前經該將  
軍飭查叛產。為數甚多。現在曾否清釐。將來  
即以查出叛產。酌留熟悉屯工種地兵丁。分  
領耕種。再將官荒地畝。逐漸開墾。未始非邊  
備之一策。惟議及屯田。必須先籌水道。其大  
河沿等處地方。是否舊有溝渠遺址。此外能  
否另籌引水灌田溝洫。著長齡等詳勘妥議。  
奏明辦理。將此由六百里諭知長齡。楊芳。並  
諭武隆阿。誠端。蘇清阿。知之。○大學士楊威

將軍長齡等奏。前蒙豁免回疆八城。上年本  
年糧石貢賦。查和闐回眾。前已交布二萬匹。  
請准作為道光八年正供。伊犁現需布匹。購  
換哈薩克牲畜。即發交運往應用。報聞。○江  
南河道總督張井等奏。黃河水勢接長。兩岸  
各工搶護平穩。仍加慎籌防。報聞。又奏。現在  
節過寒露。漲水漸消。外南順黃壩誌。存水  
三丈七尺九寸。此後來源漸減。潮信亦小。更  
可暢消。洪澤湖高堰誌。自初五至十五。又

消水五寸。仍存一丈五尺二寸。山盱智壩及  
禮義二河。已先後堵閉。惟存仁字一河。遇水  
俟察看湖水續消。立即趨堵。不任湖潴過於  
洩耗。批。如來春不能敵黃濟運。惟汝等是問。  
隨時參酌。懍之。○賞巴林扎薩克郡王那木  
濟勒旺楚克三眼花翎。○已酉。

上御正直和平殿。勾到四川情實罪犯。停決斬  
犯三十六人。絞犯十四人。餘九十三人。予勾。  
○諭軍機大臣等。據賀長齡奏。臨清營揭獲



逆帖一案。現訪獲臨清州人徐慶龍。查對筆跡相符。訊據供認原稿係毛金一所作。在蘇立中命館寫帖。尚有麻汝清即李三陽馬騮。即馬闖三。並李太吉等商量書寫。俟來年二三月間。赴天津王老茂即王盛三家商議興教舉事等語。徐慶龍一犯。現既查訪形跡可疑。當堂書寫信字。又與揭帖字跡比對相符。默寫帖內詞語。雖不能全行記憶。而緊要情節。俱能默寫。其為逆帖正犯。似無疑義。惟

所供起意及商同書寫情節。多有不實。不盡必須根究明確。以期無枉無縱。現已降旨令那彥成飭屬將麻汝清即李三陽等四犯。迅速拿解赴東。歸案審辦。該護撫當一面飭拏供出各犯一面督同委員等隔別嚴鞫。務得實情。按律定擬具奏。將此諭知琦善並諭賀長齡知之。○又諭據賀長齡奏。臨清營揭獲逆帖一案。現訪獲形跡可疑之臨清州人徐慶龍。當堂令書寫信字。比對筆跡相符。默寫

帖內緊要情節。無訛。訊據供稱。與在彼賣卜之直隸慶雲縣人毛金一。即毛凌雲商謀所為。尚有直隸清河縣之麻汝清即李三陽。威縣之李太吉。慶雲縣之馬騮。即馬闖三等。商量書寫原稿。係毛金一收存。經該護撫等詰訊李太吉之名。何以明為宣靈。又據供李太吉即毛金一。因麻汝清腹有紅記。以紅源為教名。遂商同該犯等推麻汝清為教首。此時不能興教滋事。俟來年二三月間。赴天津

縣王老茂即王盛三家商議興教舉事等語。該犯書寫信字。比對逆帖筆跡相符。惟所供起意商謀寫帖情由。尚多疑竇。是否詭捏姓名。意存狡展。必須拏獲麻汝清毛金一馬騮王盛三等。根究明確。以成信讞。現經該護撫咨會密拏。著那彥成即飭屬查照山東所咨年貌住址。按名拏獲。迅速派委委員解往山東。歸案審辦。將此諭令知之。○以拏獲匪犯出力。予山東商河縣知縣董錫齡等。升用

加銜有差革緝捕急玩館陶縣知縣張琦頂帶。○建浙江海寧州石塘並坦水椿石從署巡撫劉彬士請也。○庚戌

上御正直和平殿勾到廣西福建陝甘情實罪犯停決廣西斬犯十二人福建斬犯五人絞犯二人陝甘官犯一人斬犯十六人絞犯九人餘七十二人予勾。○諭內閣奕訢博啟圖俱係甫到將軍任所本年班俱著毋庸前來祿成亦著毋庸來京陛見仍遵前降諭旨。

於次年年班來京。○辛亥諭軍機大臣等本日據盧坤奏查探口外情形秋成豐稔現在楊威將軍長鑒飭委阿克蘇阿奇木愛瑪特在該城採買二麥此外各城當亦可買至各路官兵未撤者尚多就近買糧固可大省運費但究竟能買若干將來駐兵若干刻下未接大營及阿克蘇確信尚難懸計其烏嚕木齊糧石必應照常趲運斷不敢因有採買之說稍事耽延俟長齡等劄知到日即會同鄂

山確數具奏等語本年回疆秋成大稔若就近採買較之烏嚕木齊計程三十餘站所省實多阿克蘇既可買運此外各城當亦有可買之處惟念足食尤須便民軍興以來西四城既瘡痍未復東四城亦供億寢繁著長齡留心察看並飭各城辦事大臣隨時體察情形可買則買應少買則少買儻不可買則竟不必買總須按照時價公平採買斷不可以苛派擾累回子別滋事端此次現調官兵計

三萬六千餘名其滿漢馬步官兵進剿者共二萬一千九百五十餘名朕自五月內節次降旨撤兵迄今五月有餘統計長齡等節次奏報共撤官兵一萬零七十七名計未撤者尚多何遲緩一至於此虛糜糧餉伊於胡底速撤一日即早省一日之用著即次第凱撤以節勞費至長齡等前奏西四城甫經克復請留兵八千以資鎮撫當經降旨准行朕思兵貴精不貴多且多留一兵即多一兵之費

著長齡悉心斟酌。能於八千之中。再省二三  
千更好。其各城應派若干。並著派定。據實奏  
聞。毋再遲延。此外一切善後事宜。應辦者甚  
多。長齡均未奏到。該將軍所司何事。豈待朕  
一一指示。遵照辦理耶。逆首弋獲無期。布置  
一切。均須周密。方能有備無患。朕心懸萬里。  
即速奏聞。以慰廑注。將此由六百里諭知長  
齡。並諭鄂山。盧坤知之。○壬子。  
上還圓明園。○詣綺春園問

皇太后安。○以

孝穆皇后梓宮奉移寶華峪

陵寢前期遣官告祭

天。

地。

太廟。

社稷。○遣官告祭

奉先殿。○諭軍機大臣等。本日蔣攸銛由驛馳

奏。來春新漕兼籌海運。豫備盤壩一摺。朕詳

加披閱。雖憑陳不得已籌備情形。究非為國  
家經久之計。以本年河湖情形而論。現在黃  
高於清。節迎霜降。自可日見消落。明年本可  
不用海運。惟據奏商船踴躍承攬。將次雇齊。  
總可一次運竣。應辦事宜。次第整備。朕姑勉  
從所請。至盤壩之議。斷斷不能允行。所有蘇  
松常鎮太倉四府一州。已用海運。則明歲軍  
船渡黃者。已少十分之四。自可騰出河身。以  
治河。若不講求經久之法。苟且目前。以盤壩

為得計。試思軍船盤壩。與河身何涉。豈河道  
即能從此寬深。復漕河之舊耶。萬一明年河  
道仍復如是。勢必道光九年仍行海運。仍用  
盤壩。從此遂為定例。更屬不成事體。該督亟  
亟陳請。並不實心為國。總為自己站腳。回護  
前非地步。即如前降諭旨。本令該督會同張  
井等議奏。該督並不會同。率先單銜具奏。曉  
曉瀆辯。其為一己卸責。已可概見。所奏面囑  
張井潘錫恩悉心審度。明年能否啓壩。或全

數倒塘。或必可灌放一兩塘。少留數幫軍船。切實定議一節。朕此時若降旨詢問張井等。亦必扶同照蔣攸銛所議具奏。何足為據。所稱少留數幫軍船。尤屬非是。江廣運糧。正復不少。若竟不能渡黃。留此數幫軍船。亦復何濟於事。所奏實屬自相矛盾。總之本年回空軍船。著仍遵前旨。即飭令全行歸次。一幫不許暫留。明春總要開壩照常行走。將原船渡黃北上。即萬不得已。亦祇准用倒塘灌放之法。其盤壩之議。毋許再瀆。至慮江廣船到稍遲。或遇黃水盛漲。自可遵照上年諭旨。飛飭有漕各督撫及漕運總督。所有明年起運南糧。並湖南省尾幫。務須早兌早開。於四月二十日以前。趕抵禦壩。夏至以前。全數渡黃。毋許稍誤期限。經此次訓諭之後。朕言不再。總要河漕俱順。漸復舊規。儻來春重運不能渡黃。責有攸歸。朕惟該督等是問。將此諭令知之。○禮部奏。十月初十日。

皇太后聖壽節應行禮儀。得旨是。照例行禮。奉皇太后懿旨。停止筵宴。其在外福晉命婦進內行禮之處。並著停止。○署河東河道總督嚴娘奏。下北廳蘭陽汛十一十三等堡。搶工平穩。得旨嘉獎。搶埽受傷兵丁曹魁。王學德。以額外外委拔補。○旌表守正捐軀直隸獻縣民冉明姪女彩姐。○加給陝西畧陽縣被水村莊貧民一月口糧。○癸丑。

上御洞明堂。勾到奉天湖廣浙江情實罪犯。停決奉天官犯一人。斬犯二人。絞犯一人。湖廣斬犯二十四人。絞犯十一人。浙江斬犯十人。絞犯一人。餘八十一人。予勾。○以

孝穆皇后梓宮奉移寶華峪

陵寢前期命皇長子奕鐸行祖奠禮。王以下大臣官員隨行禮。○諭內閣御史常恆昌奏。外省審辦命案。多不認真。請嚴加整飭一摺。各省州縣為親民之官。遇有命案。自當虛衷研鞠。據情定讞。若案經上控。各該督撫尤應認

真提訊。破除情面。俾重案得實。以昭刑罰之平。乃近來各省州縣。每因命案。須親身解省。賠累多端。設法消弭。及至上控。上司復多徇庇。仍發原審州縣。捺案不辦。沈寃何由得雪。即如該御史所舉上年浙江省署黃巖縣知縣劉儼。檢驗曾得齊屍傷不符。又本年山西交城縣民人李積慶故殺胞兄。該縣知縣陳星珠。未能審出實情。回護因循。陋習相沿。牢不可破。若不亟加整頓。其弊殆無底止。著通

諭直省各督撫嚴飭所屬州縣。務當力破積習。詳慎定獄。至京控上控之案。必須親提審辦。或遠委隔屬道府大員秉公確訊。不得仍發原審州縣。草率了事。儻經此次訓諭之後。仍蹈故轍。一經發覺。不惟將該州縣從重懲辦。必將該管督撫治以應得之罪。決不寬貸。○諭軍機大臣等。朕恭閱

皇祖高宗純皇帝實錄。內載乾隆五十七年二月奉

聖諭。戶部議駁穆和蘭奏。酌改徵收河工幫價章程。併將節年積欠銀兩。分別著賠展限。一摺。所議甚是。黃河遇有應辦工程。在沿河各州縣。均資保障。該處居民。誼切護己。如偶值工程緊要。採買物料。例價不敷。不得不量為幫貼。於沿河州縣內。按數攤徵。尚屬近理。至通省州縣。亦令一體均攤。實未允協。著穆和蘭悉心籌酌。當仍攤歸沿河州縣。為是。至河工採辦物料。偶遇險要鉅工。或需用物料緊急。價值較昂。於例價之外。稍有加增。致須幫價。尚為情理所有。若歲修搶修。則係每年常辦工程。乃亦藉口物價昂貴。輒議增添。竟至作為定額。年復一年。伊於何底。該部將穆和蘭所請每年幫價三十萬兩。作為定額之處。議駁甚是。所有該省初議幫價及歷任踵行各巡撫。俱著該部查明。同此次奏請之巡撫穆和蘭。一併嚴加議處。交該撫查明乾隆四十三年以後。歷任自巡撫至州縣各員。按照

在任久暫月日著落分賠此項銀數甚多。若照該撫所請按限徵收民力尚不免拮据。著將原定八年之限展為十年帶徵原定四年之限展為六年帶徵等因。欽此。仰見

聖訓煌煌慎重河工。勤恤民隱之至意。河工關係緊要。自應多備物料以資修防。若每年任意加增藉端科派。豈不累及閭閻。現在豫省河工所有幫價銀兩。是否即在沿河各州縣內按數攤徵。抑係通省州縣一體均攤。其幫

價一項。是否偶遇工程險要料物昂貴之時。始於例價外酌量加增。抑或歲修搶修。每年常辦之工。亦一律給予幫價。至此項攤徵銀兩。向來有無定數。是否年清年款。抑或須分年帶徵。陸續還款。其歸還款項。若何扣存銷算。曾否咨部覈稽。程租洛接奉此旨。著即逐一詳晰查明。據實具奏。毋稍含混。將此諭令知之。○又諭。據穆彰阿奏。海運章程八條。朕詳加披閱。如各州縣津貼既從減省。其徵收

民間漕糧。不得藉口增益。如有不肖官吏。任意加折浮徵。應由江督等隨時叅懲。米數既多。雇用民船剝運。胥役等難保無勒捐需索情事。亦令江省按照市價。計日給費。嚴禁胥吏刁難剋扣。此次雇募沙船水手人等。應由江省查明。或於運腳內撥出若干。或於到津收買餘米內每石劃出若干。作為水手賞項。或諭該商等加給身工。總令一律踴躍。其兌米時。按船全數給予耗米。咨明直省。將來到

實錄卷五十五

三

津收米時。除有事故。以耗米抵補。無存查詢屬實外。如商船耗米無故短少。即嚴追懲辦。其緯夫應由江省按每米一石。津貼緯費若干。給予沙船。自行雇募。若土棍把持擡價。訪拏嚴懲。船到最多之時。剝運不及。酌分剝船載至北倉暫卸。輪轉起運。俟沙船全數起竣。再將北倉暫貯之米陸續起運。總令一律運通完竣。方為畢事。民船既可少雇。國費仍不多糜。所有米石。既於沙船起卸時。由經紀等

眼同斛兌剝船。應由倉場侍郎轉飭生糧廳責令經紀等承運承交。如稍推諉。即行懲革。其剝船運腳。應由直督轉飭地方官全數覈給水腳。如有攙和盜賣潮溼短少。官剝將船戶嚴懲。民剝亦一體治罪。仍令按數賠補。沙船挽至上圍起米完竣。必須挖土壓載。方能出口。應由直督飭地方官豫撥官地准挖。若土棍把持。嚴拏究辦。所奏均屬可行。著蔣攸銓那彥成。訥爾經額。陶澍。凱音布。朱桂楨等。

詳查妥議辦理。總期在南不致以津貼病官。以徵收擾民。在北不致以刁難累商。以剝運傷米。方為妥善。又御史吳敬恆奏本年搭放海運米色不堪。查海運自十渡出口。直抵天津。為期不過一月。海船寬深堅厚。並無潮溼。亦不至蒸受海氣。抵津時曾經大員驗看。一律乾潔。何至入倉即難久貯。況商船每年裝販麥豆。攜帶茶葉。未聞海氣蒸變。顯係剝船蠹役朋謀舞弊。蓋剝船至通。不能不落花戶。

經紀之手。聞上年蠹役需索。每剝船一隻約京錢二十千至三四十千不等。稍不遂意。故為刁難。該官剝及添雇船戶等領有剝費。斷無餘貲。不得不取給於現剝之米。攙和藥末。浸泡熱水。每百石即可漲多十餘石。經紀等明知貯倉必定微變。顛預驗收等語。所奏不為無見。著該侍郎密查前項情弊。從重究辦。並著直隸總督轉飭沿途押送剝船。晝夜巡查。儻再有攙和等弊。查出重究。以杜弊端而

重倉庾。所有穆彰阿。吳敬恆摺。並著鈔寄閱看。將此諭令知之。○閩浙總督孫爾準等覆奏閩省戰船除臺灣廠仍照舊章以船隻到廠之日各歸各任隨時修辦外。其福泉漳三廠按月修船一隻。與三年屆修例限。並無窒礙。又奏本年兵餉部撥秋撥留備款銀。因上年臺北匪徒滋事。經借給派往彈壓官兵俸糧外。計不敷銀三萬六千三百餘兩。請於司庫另行籌款支應。均下部知之。○署河東河

道總督嚴琅奏報秋汛安瀾命嚴琅詣

河神廟祀謝並下部議敘出力員弁升敘有

差○以奉天秋獻失出五起降盛京工部侍

郎前任盛京刑部侍郎多山以四品京堂候

補以署都察院左副都御史保昌為盛京工

部侍郎太僕寺卿普保署都察院左副都御

史○以刑部右侍郎鍾昌暫署工部右侍郎

兼管錢法堂事務○緩河南臨漳延津封邱

考城原武陽武蘭儀內黃武陟九縣上年災

歉及被淤地畝應徵節年舊欠籽種口糧錢

漕租穀並安陽湯陰內黃三縣水占沙壓地

畝應徵新舊額賦○甲寅

上御洞明堂勾到江西安徽江蘇情實罪犯停

決江西斬犯十七人絞犯一人安徽斬犯十

六人絞犯三人江蘇斬犯十三人絞犯五人

餘五十七人予勾○賜瑞親王綿忻子名奕

約○乙卯

孝穆皇后梓宮啓行命皇長子奕緯奠酒行禮

○諭軍機大臣等據給事中楊殿邦奏風聞

安徽鳳陽定遠等處私梟充斥霸占口岸滋

擾地方鳳陽之溪河小谿定遠之三河集明

光集為回民販私口岸有裏口外口之分其

霸據裏口者係河南及潁鳳淮徐等處之人

其在外口者俱係籍隸山東之人該犯等各

據口岸往往互爭界限聚眾械鬪出鹽以販

私為生無事以劫盜為業內中穆榮昌一名

住鳳陽縣烏雲山下係飭拏梟犯穆鳳林之

胞兄馬克儉一名係前次奏請飭拏梟犯李

大本之母舅該二犯尤為怙惡不悛其餘各

犯非舊經犯案即現作窩家黨羽日結日多

且皆係回民聚族而居更恐肆行無忌並將

著名要犯姓名住址開單進呈等語所奏甚

是梟徒充斥肆擾非販私侵灌網引即盜劫

為害閭閻該地方文武各員若隨時認真查

拏何致肆行無忌前此飭拏之梟犯李大木

等日久遷延竟成海捕皆由該兵役等或潛



通消息。或受賄隱匿。現據該給事中開明各要犯姓名住址。不難悉數查拏。著蔣攸銑等即遴委妥員。按照所開姓名住址。嚴密按緝。務絕根株。毋使一名漏網。從重定擬具奏。如再任聽不肖之官吏一味朦蔽。別經發覺。惟該督等是問。該犯等姓名住址單。並著鈔寄閱看。將此諭令知之。尋奏現獲李盛文等七犯。提省審辦。未獲各犯。嚴飭查拏。報聞。又批。李大本一犯。務要設法拏獲。不可視為海捕。

○命湖北按察使福珠隆阿。以三品卿銜。巡視兩淮鹽政。以兩淮鹽政張青選。為湖北按察使。○命五城於冬春二季。設廠煮賑。○丙辰。

上至太平營

孝穆皇后梓宮前奠酒。○臨端憫固倫公主金棺前賜奠。○諭內閣。張井等奏。節交霜降。黃運河湖。普慶安瀾一摺。本年南河伏秋雨汛。黃水疊漲。湖水亦屢次增長。存逾定誌。經該

河督等督率道廳員弁。將兩岸長隄。分別增培。慎重防守。不聞開壩旁洩。俾大溜併力攻刷。並用浚船。上下疏治。積淤漸次刷深。汎水尚資容納。其山圩河壩。雖先後啓放。宣洩湖漲。而昭關車南中新等壩。始終堅守。俾下游七邑田禾。收穫豐稔。現已節逾霜降。河湖各工一律平穩。此皆仰賴河神默佑。覽奏實深欣感。著發去大藏香十炷。交張井。潘錫恩。虔赴

河神廟。代朕敬謹祀謝。用答

神庥。蔣攸銑著交部議敘。張井。潘錫恩。因辦理挑河不善。業經革去頂帶。今歲獲保安瀾。功過僅能相抵。無可施恩之處。嗣後果能激發天良。施措得宜。明年重運經臨。船行無阻。朕必立沛恩綸。否則難邀寬典也。懍之。其在工出力各員。著該督等擇其尤為出力者。秉公酌保數員。候朕施恩。毋許冒濫。至所奏霜清已過。來源漸小。俟水落灘乾。仍將外河以

下河身。或於河寬溜緩處築壩逼刷。或用浚船疏濬。著張井等詳細勘籌。常川親歷巡查。實心督辦。務令舊淤漸去。新淤無停。俾河流日臻深暢。毋得有名無實。○諭軍機大臣等。朕昨召見新選兩江督標中軍副將沙序元。看其年力正強。似非誠實可靠之人。又新授太湖協副將莊芳機。朕未識其人。祇係按資簡放。該二員能否勝任。著蔣攸銑於伊等到省時詳加察看。據實具奏。將此諭令知之。尋

奏沙序元諸事謹飭。留心訓練。莊芳機熟悉水師。人尚樸實。均堪勝任。報聞。○實授伊里布雲南巡撫。○實授嚴烺河東河道總督。賞還二品頂帶。○丁巳。諭軍機大臣等。據嚴烺賀長齡奏。汶汛運河募夫工程。州縣分挑。諸多掣肘。除汶上應辦十分之三。係其本境。仍由該縣承辦外。其餘十分之七。議請仍派河員會同汶上縣分段募夫興挑。每屆十月。即令原辦之東平等七州縣。按照歷年派募酌

中之數。加幫四成。解交運河道庫撥給河員。以資添辦。至州縣加幫。能否長遠樂捐。不致短缺。河員承挑。能否如式。不致遲誤。俟試行二三年後。再行奏明定案等語。東省汶汛運河工程。向歸各州縣募夫分挑。如欲量為變通。必須籌及兩全。方可垂之久遠。著琦善將該處募夫挑工情形。詳加體察。如該河督等所奏。派令河員試辦。量予津貼之處。事屬可行。即著照議。奏明辦理。如不可行。則無庸輕

改舊章。亦著據實具奏。將此諭令知之。○又諭。據賀長齡奏。嚴審竊貼逆帖要犯。委係妄冀邀功。並無商謀滋事情節。此案前據賀長齡奏訊。大概供情。徐慶龍一犯。忽稱希冀邀功。忽稱興教滋事。供詞狡展。疑竇甚多。當經降旨令琦善逐細根究。明確以期無枉。無縱。現據賀長齡覆訊。該犯所供之毛金一等。均係任意捏造。並非實有其人。其李老文蘇立中等。亦係挾嫌誣指。實為妄冀邀功起見。並

無興教情事。惟該犯狡誦異常。馬知非恃同夥人犯未經到案。希圖避重就輕。現在飭交那彥成查拏之犯。尚未據覆奏。著琦善再提該犯等。覆加嚴鞫。一面咨催直隸總督確查如實。無毛金一等其人。覆審供情。並無不實。不盡。即將徐慶龍一犯。按律定擬具奏。將此諭知琦善。並諭賀長齡知之。尋奏嚴鞫徐慶龍。實因伊弟訪拏逆犯得功。旋即病故。該犯具稟邀賞。未遂所欲。起意編造逆詞。託為馬進忠餘黨口氣。以證所稟不虛。所開各教犯均係捏造。實屬狂悖。應按律問擬凌遲處死。下部議從之。○命乾清門侍衛慶敏舒倫保禮部左侍郎舒英恭詣

東陵查看紅樁。○江西九江鎮總兵官施聯科入覲賞花翎。○以伊犁軍政年逾六十官三十一員精力未衰。命留任。○緩徵山東恩朝城觀城陵。○西縣節年歉收積欠錢漕。並武城縣被旱村莊。新舊額賦有差。

大清宣宗效天符運立中體正至文聖武智勇仁慈儉勤孝敏成皇帝實錄卷之一百二十五

[illegible]

教修

道光七年丁亥九月戊午月食。

上詣綺春園問

皇太后安。○御洞明堂。勾到河南山東情實罪犯。停決河南斬犯十人。絞犯十一人。山東斬犯九人。絞犯七人。餘七十一人。予勾。○諭內閣。奇明保奏。知府被控索贓一摺。此案錦州府貢生郭廷禧呈控。署知府吳崑因傳集錢鋪。勒令開使錢帖不允。輒用非刑。掌責鎖押。現據經手人田夢熊等供出。由眾錢鋪湊集錢文。託監生張洪懇求前任知府德廕。向該

署府說情。始行釋放。訊之張洪。則稱德廕曾告以有人餽送盤費。令伊接收代完前欠。而眾錢鋪已供認攤錢屬實。案關職官被控。索贓濫刑。必應據實奏明。徹底根究。署錦州府知府奉天府治中吳崑著解任。前任錦州府知府德廕業經告病。著扣留候訊。如已啓程。即沿途截回。一併交奕額海齡提集人證。秉公嚴審。如吳崑德廕受賄屬實。即一面傳旨革職拏問。一面奏聞。務得確情。不可稍有徇

隱○又諭奕額等奏拏獲越邊偷打鹿茸要犯。究出坐卡兵丁及邊門章京得贓故縱大槪情形。此案臺丁施泳富等膽敢雇覓礮手多名。越邊打鹿。坐卡兵丁得賄故縱。及委巡官兵查拏破案。經年累月。並未緝獲要犯。審辦該邊門章京主事德銀。已將施泳富鎖拏。乃竟受賄縱放。迨奕額到任後。派委佐領塔爾什布帶領兵役查拏要犯。施泳富等旋即就獲。並據該地方官協同委員陸續緝獲案

犯二十餘名。何以前此任催罔應。致要案久懸。姑容廢弛。至於此極。甚屬可恨。主事德銀。以職官受賄包庇。尤為可惡。著即革職。拏問。交奕額會同海齡。提齊該邊門武職章京。並坐卡佐領等官。及應訊領催兵丁人犯。切實根究。務得確情。按律嚴辦。定擬具奏。佐領塔爾什布。委查要犯。迅即弋獲。尚屬能事。著於定案時聲明請旨。○護陝西巡撫徐忻奏。應付兵差州縣錢糧。恩免上年本年十分之六。

已徵者劃抵。查陝省年清年款。若以應蠲六分之數。參差劃抵。誠恐多寡紛歧。新舊膠轕。易滋影射。請將本年錢糧帶欠。仍照定額徵收。統於道光八年九年兩屆正賦內。各免十分之六。以抵上年及本年應徵之款。所有上年應付兵差過境之潼關。華陰。華州。渭南。臨潼。咸寧。長安。咸陽。興平。醴泉。乾州。永壽。邠州。長武等廳州縣。為各省官兵經由總路。其四川省官兵。則由寧羌。畧陽。二州縣過境。本省

延綏鎮官兵。則由榆林。府谷。懷遠。神木。靖邊。定邊等縣經行。以上二十二廳州縣錢糧。均應查照蠲免分數。按年蠲除。或由分駐汛堡酌調官兵數名。或僅經過一二起。為數無多。概不在蠲免之例。又潼關等廳州縣民田之外。尚有額徵屯更折色本色錢糧。係由屯軍輸納。例供滿漢官兵餉項。向不應付差務。北邊之榆林等縣。應徵本色糧草。例供延綏鎮兵馬之需。易糶攸關。均仍照舊徵納。報聞。○

命都察院左都御史湯金鉉。刑部右侍郎鍾昌。馳往山西。審鞫氏縣生員閔登甲。及趙城縣民人董得陞控案。○以刑部左侍郎英瑞署工部右侍郎。兼管錢法堂事務。○前任浙江巡撫帥承瀛入覲。以目疾請展假。允之。○補造盛京金州旅順口水師營巡洋遭風擊碎戰船。並沈失軍械。從將軍奕額等請也。○賞廣安門外普濟堂煮賑小米三百石。○己未。

上詣

大高殿行禮。○還宮。○諭內閣。嵩溥奏。請將丁憂知縣。於起復後。仍發黔省補用一摺。貴州玉屏縣知縣郭應軫。現在丁憂。將來服闋。例應歸部銓選。茲該撫以該員循聲素著。請於起復後。仍發黔省補用。雖係因公。實屬違例。所奏著不准行。○又諭。張青選奏。商捐下半銀一百萬兩。援案請於丙戌綱課款內。先行墊解。分作兩綱歸款。本年准商。因軍需河工。

需用。額請捐銀二百萬兩。前撥軍餉銀一百萬兩。已准由春撥款內墊解。限於三四五等月完繳歸款。其未完銀一百萬兩。既經奏准於八九十等月。按限完繳。茲復懇恩於丙戌綱課款內。先行墊解。分綱歸款。可見奏限之時。無非侈觀。現計部撥必用。又為此奏。實屬取巧之至。所請不准行。張青選著交部議處。○湖南巡撫康紹鏞奏。寶南局採買滇銅。應需價值。及運腳銀兩。因地丁不敷。請於司庫

捐存通米經費銀內。暫行借給。俟地丁解收歸還。得旨。轉行遵照。○以江蘇按察使慶善為浙江布政使。廣東南韶連道行慶為江蘇按察使。○鑄給福建臺灣艚船營水師參將及分駐噶瑪蘭營都司頭圍守備關防條記。從巡撫韓克均請也。○庚申。

上啓鑒。恭謁

東陵。並臨視

孝穆皇后梓宮奉安地宮。○貴州巡撫嵩溥奏。

編查附居苗寨客民保甲完竣。並酌擬隨時稽覈章程。一。禁續增流民。一。禁續置苗產。一。禁盤剝準折。一。禁加租逐佃。一。禁棚戶墾占。得旨。依議妥為之。○改鑄直隸順德府水利鹽捕同知關防。從總督那彥成請也。○以貴州編查苗寨保甲出力。予道員佟景文等議敘。加銜升補有差。○旌表守正捐軀陝西華陰縣民董全信妻潘氏。○免蹕路及孝穆皇后梓宮經過地方。本年額賦十分之五。

○以齊齊哈爾等四處秋收歉薄。緩種地兵丁應繳前借銀糧。○是日。駐蹕煙郊行宮。○辛酉。

孝穆皇后梓宮至

陵。皇長子奕譞遙向

昭西陵。

孝陵。

孝東陵。

景陵。

裕陵。恭代行禮。奉安於

饗殿。皇長子奕譞奠酒行禮。王以下文武大臣

官員均隨行禮。○以

孝穆皇后梓宮奉安地宮。前期遣官告祭

天。

地。

太廟。

社稷。○遣官告祭

奉先殿。○遣官告祭

昭西陵。

孝陵。

孝東陵。

景陵。

裕陵。○遣官告祭

后土之神。

昌瑞山神。○撫卹朝鮮國遭風難夷如例。○

是日。駐蹕白澗行宮。○壬戌。

孝穆皇后梓宮前行饗奠禮。○諭內閣長清等

奏採買銅斤。加卯鼓鑄一摺。阿克蘇自上年

軍興後。錢價驟昂。已經長清等於額鑄之外。

添鑄錢文。本年復採買銅斤。鑄錢搭放兵餉。

現因長齡等籌辦善後事宜。各城添建城垣。

及修蓋衙署兵房等項。需用較繁。已豫發銀

兩採買銅斤。加卯鼓鑄。惟此項工程。有需時

日。自應豫為籌備寬裕。著照所請。阿克蘇所

屬之拜城北山一帶。舊設上下銅廠二處。原

撥駐防兵三百名。准其每廠再添給兵五十

名。供採銅斤。所需兵丁。即將由營撤回兵一百五十餘名內。撥給銅廠兵一百名。其餘五十餘名。撥於錢局供役。仍照征兵分例。每名月給鹽菜銀一兩四錢五分。口糧麵一分。暫留一年。俟善後事宜完竣。再行察看情形辦理。該部知道。○補賞留防喀什噶爾。葉爾羌。烏什等處之烏魯木齊官兵俸裝銀。撤回者以前貸半年俸餉抵算。○予塔里克達巴罕陣亡協領都凌阿。參領哲里善。委參領郭舍。

巴爾江阿。侍衛色克精阿。守備蔡汝寅。祭葬世職如例。○旌表守正捐軀河南泌陽縣民王澤孫女仙妮。○是日。駐蹕隆福寺行宮。翼日如之。○癸亥。

上恭謁

昭西陵

孝陵

孝東陵

景陵

裕陵。俱未至碑亭。即降輿慟哭。步入隆恩門。詣

寶城前行禮。躬奠哀慟。王以下文武大臣官員均隨行禮。○

孝穆皇后梓宮奉安。行遷奠禮畢。奉移於

蘆殿。

上親臨奠酒畢。閱視

寶城。並

妃園寢。○諭內閣。上年張格爾進卡滋事。朕

命將出師。志在殲除元惡。本年二月進兵。天戈所指。四城迅就蕩平。惟逆首尚未弋獲。朕思該逆荼毒生靈。斷無久逃天網之理。不值久勞師旅。今出卡大兵全回大營。各城辦事大臣。俱經簡放。一切善後事宜。即可及時經理。喀什噶爾現有武隆阿。誠端。蘇清阿三人。長齡無庸。在彼督辦。著即來京供職。伊犁將軍著德英阿補授。伊犁參贊大臣。著容安補授。即赴新任。現除凱撤官兵外。留防官兵尚



多。不可無大員統轄。參贊大臣楊芳著暫留喀什噶爾。所有一切善後事宜。會同武隆阿等妥速辦理。事竣聽候諭旨。各要激發天良。和衷共濟。不准推諉。並著四城大臣各就該城情形。妥籌經久之策。知會楊芳武隆阿等會同具奏。其揚威將軍印信。及武隆阿參贊大臣印信。遇有大員入都之便。俱著齎帶回京。○諭軍機大臣等。上年張格爾進卡滋事。朕命將出師。志在殲除元惡。永靖邊隅。乃四

城克復。張逆日久逋誅。均係長齡等辦理不善。朕心深為憤懣。鄂山廬坤。諒所深悉。溯自軍興以來。朕頒發硃諭。指授方略。並於武隆阿陛辭時。面諭機宜。總以分兵為奇。正兩路一路由巴爾楚克進攻。一路令武隆阿由烏什草地出其不意。兜擒張逆。勿令遠颺。此次調兵三萬六千餘名。不為不多。儘可分用。乃二月初六日進兵。仍是歸併一路。自洋阿爾巴特之役。三戰皆捷。僅得空城。該逆遠竄。毫

無蹤影。究竟烏什草地。是否實有戈壁數站。大兵斷不可冒險前進。並張逆羽黨埋伏攔截。如布魯特庫圖魯克等。是否實係同惡相濟。其四城克復。是否實有博巴克噶爾勒等抗拒官兵。張逆是否先期遁去。抑竟於克復喀城後。該逆乘間逸出卡外。計四城戡定以來。已逾六月之久。一切善後事宜。僅據長齡等奏。酌留滿漢兵丁八千名。及飭伊薩克覈查入官地畝一節。此外應辦者甚多。該將軍

僅將什克南等伯克遞稟。敷衍了事。應撤官兵。奏到者止一萬零七十七名。虛糜糧餉。所辦何事。是否長齡剛愎自用。抑係輕聽浮言所致。又武隆阿既不肯由烏什前進。乃於克復英吉沙爾後。前赴葉爾羌時。即因肝氣復發回營。病愈後。出圍舒克塔什卡外。本不甚遠。又因臂痛折回。該參贊雖在行間。未曾勇往直前。是否真病。抑係託故避就。此一節尤須訪問的確。或武隆阿有所建白。長齡不能

信用以致該參贊袖手旁觀亦未可定朕心懸萬里惟據長齡等節次奏報恐係紙上談兵不甚確實鄂山現辦糧務盧坤現駐肅州聞見較真儻長齡剛愎自用責在將軍或係輕聽浮言咎在參贊現當凱撤之時領兵大員陸續前進已過各員傳聞當得其概現到各員博訪自得其詳其陸續進關各員亦可前後印證備知顛末著鄂山盧坤作為己意密訪據實覆奏不許稍有含混亦不許少有

漏洩朕因鄂山盧坤平日實心辦事不避嫌怨特降旨密詢總要還朕一實字將來領兵各員到京時朕必一一詳詢如該署督撫有扶同徇隱情事恐不能當此重咎也將此由五百里密諭知之○甲子

上至寶華峪臨視

孝穆皇后梓宮奉安地宮奠酒畢命皇長子奕緯行禮王以下文武大臣官員均隨行禮○臨端憫固倫公主園寢賜奠○遣官告祭

昭西陵

孝陵

孝東陵

景陵

裕陵○遣官告祭

后土之神

昌瑞山神○奉安

神牌於

饗殿命皇長子奕緯行禮○諭內閣此次直隸

辦差人員本應給予議敘惟連日雨雪並不甚大朕由隆福寺至桃花寺蹕路所經辦理未能妥協承辦人員俱有應得之咎姑從寬免議總督那彥成及文武各員均著無庸給予議敘○吐魯番領隊大臣賡音岱奏前因運糧駝隻歇夏籌雇回子車輛赴托克遜糧臺供用嗣交秋令駝隻陸續到臺輓運當與英惠咨商將車輛裁撤至上年奉派吐魯番滿洲營兵一百名隨同進剿茲已凱撤五十

名。其後起官兵五十四員名。復奉調赴烏什地方防守。經協領朝善帶往報聞。○鑲紅旗護軍統領音登額因病賞假。以正白旗護軍統領富蘭署鑲紅旗護軍統領。○以

萬年吉地工程堅固宏整。免故莊襄親王綿謬應繳前借俸銀四萬兩。晉致仕大學士戴均元。太子太師。其子員外郎詩亨。以郎中用。賞還熱河都統英和。一品頂帶花翎。賞工部尚書穆彰阿。緞匹。右侍郎阿爾邦阿。戶部左侍

郎敬徵。馬蘭鎮總兵官寶興。花翎。並予前兼管工程之江西布政使繼昌等議敘有差。○

以  
孝穆皇后奉安地宮禮成。予恭理事務大臣及執事各官議敘賞賚有差。並賞匠役銀銀。○予派送

孝穆皇后梓宮署直隸提督馬騰龍布政使屠之申。及文武各員議敘。○賞守護煙郊等四處行宮弁兵半月錢糧。○以吐魯番屯田豐

收。予員弁議敘。賞兵丁一月鹽菜銀。○是日。回鑾。駐蹕桃花寺行宮。○乙丑。諭內閣。奕顯等奏。衍慶宮應修工程。請著落分賠一摺。盛京宮內衍慶宮。因大雨滲漏。間有脫落損壞之處。應行修理。著欽天監查來年如係吉方。應修處所。即擇吉知照該將軍等。會同盛京工部侍郎。揀派妥員。於今冬備料。明春興工。趕緊修理。務期一律鞏固。此項應修工程。尚在保固限內。所有估需工料銀一千三百二

十八兩零。著於盛京工部庫貯備用。歲修項下。先行動支發給。工竣照例題銷。後查明原承修堂司各官。按照四六分賠。如數著追歸款。該部知道。○湖北按察使張青選緣事降調。以山東鹽運使李文耕為湖北按察使。○是日。駐蹕白澗行宮。○丙寅。諭內閣。李鴻賓奏。請將鹽課奏銷展限一摺。粵省鹽課。例應隔年奏銷。前因折輸不及。奏准展限三月。至本年復歸原案辦理。茲據該督查明。運商等

甫經彌補前商無著價腳銀兩。兼之上年埠銷遲滯。本年正月。已將道光五年分課餉全完。轉瞬冬底。又屆應完六年引餉之期。一年兩次奏銷。實屬力有不逮。著照所請。准其將省河各商應完道光六年分課餉。照歷屆成案。展至八年三月底奏銷。以紓商力。嗣後仍照原議。逐年趲早一月。至道光十年十二月復歸原限。其潮橋各埠。應完帶徵嘉慶二十四年分緩徵引餉。及道光六年招收等七場

課銀。不入展限之內。仍令年底先行全完。報部查覈。該部知道。○又諭彥德奏。調劑牧廠卡倫事宜一摺。塔爾巴哈台地處極北。察哈爾額魯特等自設立牧廠以來。歷年交烏魯木齊。科布多。軍營內地及本處屯工。軍臺馬牛羊隻。均無貽誤。現因生齒漸繁。生計拮据。上年復遇偏災。更形苦累。著照伊犁奏定章程。自道光八年起。孳生廠所取馬駒牛犢。另廠牧放。遇有差撥不敷。一體撥用。俟及歲時

其兒馬牝牛。仍照例歸入備用廠外。其騾馬乳牛及歲後再取之孳。即著賞給窮苦之察哈爾額魯特等。以資謀生。俟生計稍裕。仍歸入孳生廠。照例取孳。其孳生廠之馬。查出口老者九百四十三匹。著即賞給蒙古。嗣後口老殘傷牲畜。仍照舊例辦理。其東南一帶。係通烏魯木齊伊犁大道。軍臺五處。防範難周。著於雅瑪圖沙喇霍洛素之間。三月雪消之後。東西設布克申二處。每處添派官一員。滿

營四營兵十名。額魯特領催二名。壯丁二十名。於境內往來巡緝。遇有竊劫之案。即跟蹤追緝。九月雪後撤回。如始終奮勉。賊賊並獲。奏明獎勵。僕緝捕不力。藉端滋事。即從嚴懲辦。其干齊罕莫多原設小卡官兵。著即裁撤。並果扎木沙喇布拉克原設額魯特領催兵丁一併歸入新設布克申內。均著照所請辦理。該衙門知道。○先是哈密辦事大臣恩銘奏。參巡檢謝薪陽違例用刑。並縱令唆訟家

人潛逃得音。刁惡苛酷。甚屬可惡。即著革職。交恩銘提同應訊人證。秉公審擬具奏。至是奏上。得旨。已革哈密巡檢謝新陽。擅受詞訟。輒用非刑責打。又縱令唆訟家人潛逃。實屬任性妄為。僅予革職。不足蔽辜。謝新陽著發往軍臺效力贖罪。以示懲儆。該革員家人吳誠。挾嫌唆訟。牽誣多人。情節較重。原擬杖六十徒一年。加枷號一箇月。辦理尚輕。著杖一百徒三年。再加枷號兩箇月。滿日解回原籍。

定地充徒。餘著刑部覈議具奏。○四川總督戴三錫奏。前蒙蠲免兵差行過各州縣錢糧十分之四。已徵者劃抵。查川省道光六年錢糧。已於奏銷前全完。七年錢糧。現計未完者。不過十之一二。參差劃抵。易滋弊混。請將七年分未完錢糧。仍照常全數徵收。所有應免之數。歸於八年九年蠲免。報聞。○署喀喇沙爾辦事大臣常格奏。前蒙普免回疆八城上年本年糧石貢賦。查喀喇沙爾上年本年額

徵之糧。俱經徵收。支放官兵回子口糧。應按照時價。發給補還。當即在本處庫存經費銀內先行動給。一面咨署陝甘總督鄂山。即行撥解歸款。報聞。○塔爾巴哈台領隊大臣佛隆武。因病休致。賞伊犁協領蘇布通阿。副都統銜。為塔爾巴哈台領隊大臣。○移湖北穀城縣廟灘千總駐茨河。范家寨外。委駐廟灘。添設張朝鋪。紫金洞。塘房各一所。每塘撥駐兵五名。從總督嵩孚請也。○補行道光六年

大計。山東卓異官十三員。才力不及官三員。浮躁官三員。年老官五員。分別議敘處分如例。○是日。駐蹕煙郊行宮。○丁卯。

上還圓明園。○詣綺春園問

皇太后安。○戊辰。

上御洞明堂。勾到山西直隸熱河情實罪犯。停決山西斬犯十六人。絞犯五人。直隸斬犯八人。絞犯五人。熱河斬犯一人。餘七十四人。予勾。○諭內閣。本年各直省辦理秋審人犯。經

刑部由緩改實者。山西四川省各六起。陝西省五起。其由實改緩者。江蘇省一起。該督撫臬司等。於秋讞大典。未能慎重詳覈。致有失出失入之案。俱著交吏部查明。照例分別議處。嗣後各該督撫督率臬司。務當虛衷定擬。固不可刻意從嚴。尤不可故從輕減。總期無枉無縱。各當其罪。用副朕執法用中至意。○先是巡城御史賡福等。拏獲竊犯。送部審辦。刑部承審官將原拏捕役熬審收禁。經賡福

等奏。奉命定親王奕紹等查訊根究。至是奏上。得旨。本日奕紹等奏審訊刑部司員濫刑拷訊西城捕役一案。辦理殊涉顛預。此案關二即阿昆布。原因犯竊銷除旗檔。本非良民。現復行竊被獲。賊證明確。送部審辦。即因賊犯狡供。亦應查傳事主。認贓質訊。乃刑部承審司員那清阿。輒據賊供。將原拏捕役胡德等刑責跪鍊熬審。遲至一月之久。始傳事主認係真贓。將捕役釋放。其中顯有偏袒故勘

情弊。奕紹等僅就其自認疏忽供詞。據以定讞。殊失朕秉公從實辦事之意。奕紹盧蔭溥。賽冲阿。俱著傳旨嚴行申飭。刑部郎中那清阿著暫行革職。交軍機大臣提案覆行嚴鞫。務得確情。據實具奏。○以辦理烏什軍務出力。賞都司趙世芳花翎。筆帖式倭克精額等藍翎。伯克邁瑪他里普等頂翎。餘升選拔補有差。○己巳。

孝慈高皇后忌辰遣官祭

福陵○諭內閣。敬徵等奏。馬蘭鎮添設弁兵一摺。本年

孝穆皇后梓宮奉安地宮。例應設汛守護。前經添設經制外委二員。馬守兵八十名。不敷更替。著再添額外委一名。馬守兵六名。守兵十四名。所添馬守兵。即在該鎮官兵子弟內挑選。仍歸兩營管轄。毋庸另建兵房。其應領餉米等項。亦照兩營一體支給。○又諭。前據孫爾準等奏。閩商積欠銀兩。請酌分年限帶

徵當交戶部議奏。茲據該部查明閩商每年額徵課款。與歷年積欠帶徵銀兩。同時並完。力有未逮。自應量予調劑。著准其將道光六年以前積欠銀二十六萬一千三百三十三兩零。併為一案。自道光八年起。分作六年勻完。其道光七年以後應徵銀五十二萬九千八百四十一兩零。併為一案。自道光八年起。分作八年勻完。此項帶徵銀數無多。嗣後務須年清年款。毋得絲毫拖欠。更不得再請展

緩。並將每年帶徵銀數。造冊報部查覈。再該省歷屆冊報銀數。覈與奏銷各案。多有不符。著該督等將官商未完銀兩。逐一劃清。並將續完銀數。造入何年何冊之處。即速專案報部。其革商未完銀十二萬一千八百兩零。著該督等轉飭嚴追。勒限完繳。毋任宕延。○又諭。據普恭覆奏。遵旨將驍騎校廣全。訊明各情。一摺。前經穆郎阿奏。參廣全不循規矩。朕惟恐其中另有別情。是以降旨著普恭再為

審訊。茲據奏稱。傳集協領哈爾哈善等。隔別審訊。僉供穆郎阿在教場挑缺。飭將廣全步營差使。另行更換。廣全並無不循規矩之處。惟於穆郎阿散後。廣全言語聲高。是實。廣全身為驍騎校。該副都統將伊步營差使。另行改派。亦屬常事。伊輒高聲分辯。未免浮躁。不識體制。廣全著交部議處。穆郎阿並未將此原由聲明。惟以廣全不循規矩。遽請解任治罪。亦屬太過。且該驍騎校果有不循規矩之

處。穆郎阿即行單銜具摺參奏。有何不可。該副都統既與將軍普恭商酌。自應俟商定後。再行具奏。乃穆郎阿於拜摺後。始將摺底與普恭札商。而伊原摺內。據稱已與普恭札商。意見相同。兩人所奏。前後不符。殊屬非是。穆郎阿亦著交部議處。○諭軍機大臣等。據舒英等奏。本月二十三日。在妃園寢豫備平貴人園寢前奠酒之用。突有三四十人。將庫使及陳設祭器之墨。即格打倒。搶出銀奠池銀

小執壺並銀盞銀鍾等件。當即喊拏無獲等語。圍寢重地。輒有匪徒聚集多人。搶出祭器。實屬目無法紀。著那彥成、寶興、派委妥幹員弁。嚴密查拏。務將該匪徒獲案究辦。毋稍疏縱。將此諭令知之。○河東河道總督嚴烺。來京陛見。命山東巡撫琦善暫兼署河東河道總督。○以東河防汛搶險出力。道員麟慶等下部優敘。餘升補加銜有差。○庚午。

上詣

大高殿行禮。○還宮。○以河南布政使楊國楨為巡撫。都察院左副都御史陸言為河南布政使。○旌表守正捐軀河南確山縣民李進德妻蔡氏。○免上年官兵經過盛京省城及所屬之開原、鐵嶺、法庫、邊門、廣寧、巨流河、白旗堡、小黑山、閭陽、驛錦州、小凌河、寧遠、中後所、中前所、十四處旗民上年本年應納正項米豆草束十分之四。已徵者於來年應徵數內扣除劃抵。○以孟冬時享。

太廟自是日始齋戒三日。○辛未  
孝敬憲皇后忌辰遣官祭

秦陵。○諭內閣。前據巡城御史慶福等奏。刑部司員濫刑拷訊捕役一案。顯有偏袒故勘情弊。特派留京王大臣奕紹等審辦。案內閣二即阿昆布一犯。本為此案緣起。必應飭拏務獲。研訊明確。以便根究。司員那清阿情弊。乃不俟該犯到案。僅憑那清阿自認疏忽供詞。定擬奏結。又不將飭提該犯未經到案之處。於摺內聲明。殊屬顛預草率。朕每於起鑒出都後。簡派留京王大臣。原為遇事交辦。可期秉公從實。今於該司員濫刑偏袒。顯而易見情弊。尚不肯切實嚴究。設遇重大事件。或有聞在廷臣工讞獄。亦皆似此。將就了事。豈不大負委任。奕紹、盧蔭溥、賽沖阿俱著交各該衙門議處。至賊犯閻二。係交宛平縣取保管束之犯。乃一經傳提。率以不知去向申覆。迨降旨飭拏。即據步軍統領衙門刻日弋獲。



足見前此申報不實。宛平縣知縣張翰仙著交部議處。盧蔭溥何凌漢俱著交該部院察議。○又諭。蔣攸銑等奏。淮揚運河減洩歸江各工。撥款籌辦一摺。前因洪水勢較旺。每遇盛漲。減水奔騰下注。宣洩不及。下游州縣易致被淹。令該督等將歸江歸海各工。查估興辦。茲據勘明鳳凰橋迤南之瓦窰鋪運河一帶。地勢平行。估挑新河一千三百三十餘丈。臨運開緯道。兩邊各砌甃裏頭。酌留金門。接下河身挑挖寬深。盛漲時可過水一丈餘尺。其緊對下游之廖家溝及石羊董家二溝。寬深丈尺相同。現將三溝口淤嘴量加挑切。去路寬暢。可期宣洩得力。共估需銀三十萬兩。請將河庫堰圩增培土工案內。用騰銀二十八萬兩。撥為此項工程之用。著准其動撥。俟工竣覈實報銷。其酌給田價及遷移廬墓等費。約需銀二萬餘兩。准其於兩淮運庫內動支墊發。另行籌款歸還。該督等即選派

幹員先行劃分工段。俟來春察看可以興工之時。即委妥員集夫挑辦。勒限完竣。務須認真經理。不可有名無實。虛糜帑項。並派委司道駐工。督催稽查。工竣後著該督等親往驗收。如工程稍有草率。即據實嚴參懲辦。其減洩歸海一路。原勘東臺縣之古河口王家港二河。及高郵州境內各河。工段較多。勢難同時並舉。著俟來秋察看情形。再行籌辦。至范公隈漆潼河。均應修培疏濬。通海各閘座間有損壞。應添置繩板。以復因時啓閉舊制。著兩淮鹽政督同運司。飭令該管各員認真妥辦。餘俱照所議辦理。該部知道。○諭軍機大臣等。蔣攸銑等奏。現辦倒塘催放回空軍船情形。據稱春間重運。係先行排泊塘內。一經開放。臨黃堰跟接渡黃。自內及外。勢順而速。今回空則係開堰等候軍船渡黃。其勢不能緊接。又自外入內。沙隨船進。臨黃水口易見淤淺。比之春間重運。較為費手。惟冀風色無

大阻滯。則十月杪可以全竣等語。回空軍船停泊待渡。亟應令其趕緊歸次。俾得早兌早開。時已冬令。黃水日見消落。該督等現駐河干。惟當隨時察看情形。如能啓放禦壩。自較之倒塘。更為省事迅速。總期於十月杪全數完竣。斷不准稍有貽誤。將此諭知蔣攸銑。張井。潘錫恩。並諭訥爾經額知之。○頒河南儀

昨廳

慶順祠

御書扁額曰神功永賴。○改江西贛州鎮標中營遊擊為題調缺。饒州營參將為部推缺。從大學士總督蔣攸銑等請也。○壬申。諭內閣。戶部奏查明寶泉局庫貯銅鉛。請定鼓鑄卯額。著自本年九月起。每月仍按六卯鼓鑄。其次年三月以後卯額。屆時再行察看情形具奏。現在滇省委員恆明。慶瑞。領運乙酉年兩運銅斤。將次到局。其黃元吉領運乙酉年加運一起銅斤。於本年正月過龍江關。至今未

據兩江總督咨報過境。黎永贊領運乙酉年加運二起銅斤。於本年閏五月抵湖北漢陽縣。亦未據咨報出境。著各該督撫迅即確查。嚴行催趲北上。並將已過龍江關之馬承業。宮恩晉。已入湖北境之吳廷桂。金激等領運兩戌年正運四起銅斤。一體嚴飭承催督催各員。實力趲運。毋任遲延。以資鼓鑄。○又諭御史何輝綬奏。部院保舉人員。請革去舊習一摺。京察為激揚大典。各堂官自宜秉公考

覈。如該御史所奏。上屆保列一等人員。至下次京察。不復問其差使勤惰。儘數列入一等。其辦事出力人員。盡為舊京察人員所壓。固為祛除積習起見。但此等舊京察人員。如果始勤終怠。自不應仍膺上考。其才具優長。始終勤勉者。又豈容改入二等。轉為司員疏通地步。朕三載考績。一秉大公。各衙門堂官自當仰體朕心。破除情面。覈實辦理。總視其人之才具辦事。以定權衡。不得於新舊之間。稍

存軒輊方合以人事君之義斷不可豫設成見也○大學士兩江總督蔣攸銛等覆奏蘇省徵收錢漕幫費陋規嚴行禁革得旨實力奉行毋畏難毋苟且毋避嫌怨焉○江蘇巡撫陶澍覆奏蘇省新漕因河道尚阻仍擬暫分海運得旨已有旨允行海運矣朕早料汝願行海運而併願再舉盤壩同而不和深切著明懷之戒之此語稍洩是分門黨矣汝能當此重咎乎○是月諭宗令惇親王綿愷嗣

後

太廟拈香親郡王貝勒貝子俱著拈香

大清宣宗效天符運立中體正至文聖武智勇仁慈儉勤孝敏成皇帝實錄卷之一百二十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二十七

宣宗憲皇帝實錄卷一百二十七 宣宗憲皇帝實錄卷一百二十七 宣宗憲皇帝實錄卷一百二十七

宣宗憲皇帝實錄卷一百二十七 宣宗憲皇帝實錄卷一百二十七 宣宗憲皇帝實錄卷一百二十七

宣宗憲皇帝實錄卷一百二十七 宣宗憲皇帝實錄卷一百二十七 宣宗憲皇帝實錄卷一百二十七

宣宗憲皇帝實錄卷一百二十七 宣宗憲皇帝實錄卷一百二十七 宣宗憲皇帝實錄卷一百二十七

宣宗憲皇帝實錄卷一百二十七 宣宗憲皇帝實錄卷一百二十七 宣宗憲皇帝實錄卷一百二十七

教修

道光七年丁亥冬十月癸酉朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后陵寢○遣官祭

端慧皇太子園寢○頒道光八年時憲書○

諭內閣程祖洛奏請推廣南汝光陳等屬各

員失察匪徒處分一摺豫省南汝光陳一帶

向有匪徒結捻擾害閭閻被害之人往往畏

其報復匿不告發迨至他處犯案究出前此

滋擾地方該管文武員弁從前失察處分例

應追朔補參每致多所瞻顧嘉慶年間曾奉

聖諭令該州縣實力肅除不復咎其既往原期

戢暴安良除惡務盡是以

特予寬典免其從前失察處分茲該撫以前奉

諭旨原係一時

特恩未為定例嗣後仍隨案參處籲懇量為推

廣姑念該府州屬向為匪徒出沒之區近年

雖就翦除而倖逃法網者尚復不少必應查拏淨盡著照所請南汝光陳等屬除承緝各案應行限緝者仍照例開參外其報獲各犯究出從前糾夥結捻行兇釀命以及訛詐搶劫販私賭博等案所有從前失察之地方文武員弁准其悉照嘉慶二十年

恩諭仍予寬免處分庶期有犯必獲有獲必懲以靖地方他省概不准援以為例該部知道○河南巡撫程祖洛奏明巧宦焦芳明史列

入閹黨不知何時入祀泌陽縣鄉賢祠應請撤去得旨所辦是必須細心酌覈毋得濫入○以河南駐防軍政年逾六十官七員精力未衰命留任○甲戌

上幸圓明園○詣綺春園問

皇太后安○乙亥諭內閣凱音布等覆奏海運事宜一摺海運米石到津起卸後由剝船運通向派委員押送著仍照上屆章程由直隸派委員弁分撥押運帶同兵役實力巡查以

防偷漏至米石抵通經紀等往往挑斤米色於輕重斛收之中藉口需索必有之弊應嚴行禁絕著該侍郎等督飭坐糧廳嚴密查察於米色斛收親為校覈如查無潮溼短少而經紀等少有訛索准船戶等稟究從重懲辦儻經紀書役人等通同舞弊未能查出別經發覺朕惟該侍郎等是問○又諭吏部將承審王文弼等控告增租一案之前署通州知州蔡元禧等分別議處具題此案已革守備

徐永祥以在官人役與英和家人張天成交好商同捏情控追租息以致該地方官徇情偏斷固由英和平日信任驅使所致乃前署通州知州蔡元禧前任宛平縣知縣吳承寵以地方州縣並非英和所屬亦復希圖見好有意迎合若該員等果能秉公持正據實訊斷何至該民人等被屈控告釀成此案從前各大員獲咎多由無識之徒趨承依附積漸使然此風斷不可長蔡元禧等若僅照部議

降二級調用。殊覺輕縱。蔡元禧著改為降三級調用。吳承寵著改為補官。日降三級用。俱不准抵銷。○諭軍機大臣等。據凱音布等奏。海運米石。以百數十萬漕糧。勢難逐石包裹。舟行一月之久。恐易致蒸受海氣等語。來歲新漕海運。本非朕意。經將攸銛等屢次具奏。是以勉從所請。著將攸銛等嚴飭所屬。務取乾圓潔淨之米收兌。其載入海船時。尤應防護周到。俾免薰蒸潮溼之弊。儘辦理不善。收米時即不能一律乾潔。沿途復不小心防護。以致米石受溼微變。惟將攸銛等是問。將此各諭令知之。○軍機大臣等奏。覆訊刑部司員那清阿濫刑拷訊捕役一案。實屬執謬任性。業經革職。應毋庸議。至刑部原稿。滿洲司員除那清阿外。其餘皆未畫押。請敕部通飭司員。毋得仍前疏漏。得旨依議。此案刑部原稿。滿洲司員列名甚多。除那清阿畫押外。餘皆未畫。訊因兼司兼檔房各員。向係祇畫題

咨。不畫現審案件。殊屬非是。各衙門稿件。凡列銜各員。俱應畫押。不獨防掌印專擅。或不肖司員。有徇情聽囑情弊。列名者均可據理回堂駁正。即如部院大臣。兼各衙門事務者。甚多。其題奏行存稿件。除出差告假外。從無不畫之稿。該司員即兼司兼檔房。較兼部院之大。臣繁簡判然。何得藉口於不能常川會審。置身局外。試思已辦稿件。尚不肯盡心閱畫。該司員等每日進署。所司何事。殊出情理之外。此次調查該部現審稿件。未畫押者甚多。訊係相沿積習。並非起自近年。姑從寬免。其置議嗣後。各衙門稿件。列名各員。務各和衷商榷。通行閱畫。無得仍前疏漏。以昭慎重。經此次訓諭之後。如再蹈前轍。一經查出。或經朕別有訪聞。非特將不畫押司員嚴加究處。並將該堂官等從重嚴懲。決不寬貸。將此通諭各衙門知之。○禮部議覆大學士兩江總督蔣攸銛奏。請變通江南鄉試迴避成例。

應如所請。嗣後籍隸江安兩省者。除巡撫兩  
司學政省城道府首縣。仍照向例辦理外。其  
總河巡道等官。遇所屬開送簾員。亦應照例  
迴避。如所屬並無入簾之官。其子弟親族。准  
一體鄉試。從之。○貸山西定襄潞城二縣被  
旱被雹村莊倉穀。○賞瑞親王綿忻故福晉  
費謨氏銀一千兩治喪。並予祭如例。○旌表  
守正捐軀山東鄆城縣民張月桂妻苑氏。○  
丙子諭軍機大臣等。蔣攸銛等奏鹽巡道德

啓請咨赴部。委知府王瑞徵暫護等語。王瑞  
徵本係刑部司員。經蔣攸銛奏明帶往江南  
以知府用。現在江蘇並無候補道員。實任知  
府。又當督屬收漕之時。難以更調。王瑞徵著  
准其暫行護理道篆。至該員將來補缺時。仍  
遵前旨補用。知府不得以該員曾署鹽運。奏  
請以道員補用。將此諭令知之。○前任哈密  
辦事大臣嵩惠等押解逆犯巴布頂之子呵  
里雅來京。命協辦大學士富俊吏部尚書文

孚御前大臣瑪呢巴達喇內大臣哈迪爾。戶  
部尚書禧恩會同審訊。尋奏上下部定擬刑  
部以呵里雅尚係幼穉。不知逆情。擬先行監  
禁。俟及歲時請旨。從之。○大學士兩江總督  
蔣攸銛奏。確查王營減壩大工銀兩。因引河  
續有增挑。是以初請銀數較少。續請較多。而  
堵築壩工。則較初次約估節省銀二十餘萬  
兩。至堰盱大隄。為淮揚保障。自嘉慶十年後  
久未幫培。現在頂寬十丈。併加子堰。較未辦

舊隄。修守大有裨益。共計土工實用銀一百  
四十八萬五千餘兩。較原估節省銀二十八  
萬餘兩。下部知之。○以承辦  
萬年吉地工程出力。賞內閣侍讀學士牛坤。三  
品卿銜。仍下部優敘。餘升補議敘有差。○修  
河南兩岸十三廳及山東曹曹河糧河。三  
廳隄工。並於蘭儀下北兩廳迎溜頂衝處。拋  
護碎石。從河道總督嚴烺請也。○修浙江西  
塘埭工。從署巡撫劉彬士請也。○丁丑諭內

閩定親王奕紹等承審刑部司員那清阿濫  
拷捕役一案。不俟賊犯阿昆布傳到。僅以那  
清阿自認疏忽擬結。摺內又不將阿昆布飭  
提未到之處聲敘實屬顛預草率。經都察院  
等衙門議以降二級留任。本為咎所應得。姑  
念事尚因公。奕紹盧蔭溥賽冲阿俱著加恩  
改為降一級留任。宛平縣知縣張翰仙。於取  
保管束之賊犯一經傳提並不認真拏解。率  
以不知去向申覆。著照議降一級留任。盧蔭

溥何凌漢失於查察。均著罰俸六箇月。不准  
抵銷。○又諭徐忻奏參互相詳揭之知縣教  
諭請分別革職解任一摺。此案陝西三水縣  
知縣牟雲以教諭劉兆泰性情暴戾掌責鄉  
民棍責生員等情詳報。旋據劉兆泰詳揭牟  
雲浮收正糧鹽課攤派差費得受陋規賄賂  
公行各款。雖該教諭詳揭該縣在飭提之後。  
斷不可豫存成見。致稍有不實不盡之處。若  
審斷不公。或徇情輕縱。何以飭官方而稱妥

任。事關知縣教諭互相揭參。虛實均應徹底  
根究。劉兆泰著革職。牟雲著解任。交徐忻督  
同臬司方載豫親提應質人證。秉公嚴審。按  
律定擬具奏。尋奏劉兆泰詳揭各款均不能  
指出確證。業經革職。應毋庸議。牟雲所揭劉  
兆泰各款。事隔數年。因聞劉兆泰欲行詳揭。  
始行揭報。且將積存書院租銀修理考棚。亦  
難辭咎。請交部議處。從之。○又諭鄂山等奏  
請移建畧陽縣城垣一摺。陝西畧陽縣城垣。

三面臨水。累年疊遭水患。本年七月間。江河  
異漲。衝塌城外石隄。以致水湧入城。坍塌處  
所。十居七八。未坍之處。亦經汕刷。據該署督  
等委員勘明。若照舊興修。必須重培基址。兼  
築石隄。不特經費甚鉅。勢仍難期經久。勘得  
城東三里之文家坪。地居高阜。向未受淹。就  
該處移建新城。可免水患。且無須補築隄工。  
較修復舊城。工費少而可資鞏固。著准其照  
議移建新城。並將舊坍廟宇衙署兵房等項。



一併於新城內相度基地勘估辦理。至另片奏前任總督那彥成奏准畧陽營移駐弁兵案內。應建該縣所屬觀音寺黑河汛把總衙署兵房。估需工料銀九百七十九兩。並題准新設縣丞。應建堡城。約估需銀七千餘兩。現在弁兵無須移駐。此項工程均無庸辦理。所有節省銀兩。著即併入現議移建新城之費。照估覈辦。該部知道。○諭軍機大臣等。本日據嵩孚奏楚省隄河水利。係伊專管。理應赴

工。擬於九月二十一起程等語。王家營隄工。朕已派陳若霖姚祖同前往詳勘。若須該督會辦。自當早經降旨。該督應辦日行事件。正復不少。何得率請赴工。嵩孚著不准前去。如已經起程。即行折回省城可也。將此由四百里諭令知之。○又諭前派陳若霖姚祖同前往詳勘湖北王家營隄工。計此時當已抵楚省。本日據嵩孚奏。楚省隄河水利。係伊專管。理應赴工。擬於九月二十一起程等語。

此項工程。朕特派陳若霖姚祖同前往。若須該督赴工。早派伊會同履勘。何待該督自行奏請。除另降諭旨。不准該督前往外。陳若霖等務須立定主意。破除情面。悉心詳勘。據實奏聞。或該省官員竟有回護。慫恿情事。切勿受人愚弄。立即斥駁。斷不許扶同徇隱。將此由四百里諭令知之。○先是都察院奏。候補主事郭仁阿呈控翰林院庶吉士王藻商夥王庭欣等。虧短

萬年吉地工料銀兩。命軍機大臣會同刑部嚴審定擬具奏。至是奏上。得旨。此案已革候補主事郭仁阿。身充監督。乃借用商銀。復於發銀時坐扣二成。不得以所扣銀兩。業經墊辦工程。稍從末減。郭仁阿著發往新疆效力贖罪。已革庶吉士王藻與鋪夥王庭欣等夥同牟利。謀辦工程。復於領銀後扣留銀兩。幾至誤公。實屬貪鄙。已革知縣牛元鐸為郭仁阿說合。向商人借貸。從中分用銀兩。復向郭仁

阿挾借錢文殊屬貪詐厥罪惟均玉藻牛元鐸俱著發往軍臺效力贖罪牛元鐸著完贖後再行發往○戊寅

上詣

安佑宮行禮○諭軍機大臣等德英阿履奏查議伊犁至喀什噶爾由草地行走道路情形一摺伊犁由特穆爾圖海北至喀什噶爾草地不但較冰嶺一路平坦易行即比之海南一路亦有樹木可供柴薪惟海子南北全係

布魯特游牧地方尚須詳加查勘現值大雪封山難以行走著於明歲春融後德英阿容安二人酌量一人親往履勘再行定議朕聞冰嶺迤西另有一路可通烏什更為便捷惟久經封閉並著詳加躡度程站遠近行走難易是否亦有布魯特在彼游牧能否於中途豫備馬匹接替更換一併體察情形悉心妥議奏明候旨將此諭令知之○命乾清門頭等侍衛吉凌阿帶領御醫張信馳往庫倫

視辦事大臣喀爾喀北薩克郡王蘊端多爾濟疾並賞人蔘四兩○給奉天廣寧縣被水站丁兩月口糧○賑卹湖北江陵監利二縣及屯坐各衛被水軍民有差○己卯諭內閣清語騎射為滿洲根本人所應習各省駐防滿洲人等原係由京分駐非綠營可比亦應一體習學清語昨據廣州將軍慶保等具奏甄別官員一摺竟用漢字書寫而請安摺亦用漢字成何事體廣州駐防官兵不下五千

餘人豈無一寫清字之人乃慶保等於循例事件竟亦率用漢摺深染漢人習氣殊為可笑若不加以整飭久之滿洲舊業必致廢弛慶保已抗阿花沙布俱著傳旨申飭並著曉諭各省將軍副都統嗣後如係人命詞訟以及奏銷錢糧數目等事尚可用漢摺陳奏其滿營循例應辦事件俱著以清摺具奏各省將軍副都統等其仰體朕意將所屬滿洲官兵教以清語騎射俾各精熟毋得漸染漢人

習氣廢弛滿洲舊業○又諭楊國楨奏查明豫省河工幫價銀兩向係分別動支並非一律攤徵一摺豫省河工歲修稽麻各料幫價自乾隆五十七年以後均未攤徵惟歷次興辦大工需用物料繁多向將加價用款攤徵歸還固係循照成案辦理第節次應攤之項共計有一千五百九十餘萬之多每年攤徵銀五十餘萬是否照數徵齊歸補墊款並無拖欠其歷年歸補之數曾否專案咨部摺內

未經明晰聲敘著再詳查覆奏尋奏每年應徵五十餘萬兩不等本年啓徵銀五十四萬七千餘兩即連河北各縣應徵賈魯河例價等項並永城等縣應徵隄工銀兩併計在內其未攤銀一千五百九十餘萬兩應俟已攤衛工雇工加價限滿徵完再奏定年限接徵至逐年徵收加價銀兩均係隨時入撥報部下部議奏尋議應如所請惟歷年攤徵銀兩僅入春秋撥冊造報請自本年為始將已完

銀兩專案報部以憑查覈從之○又諭楊國楨奏借項捐辦索須二河工程請免報銷一摺豫省滎澤縣索須二河自滎澤縣師河莊起至鄭州賈河莊止舊河節節受淤前經該撫查明係必應興辦之工確實估計共需銀七千六百一十兩除該州縣措捐外不敷銀六千三百一十兩原議由鄭州滎澤縣借廉捐修分年還款業於司庫存貯惠濟河閒款內借支修築完竣驗收如式本年夏秋盛漲

察看水勢悉歸故道辦理已有成效茲據奏明以此係捐辦工程請免報銷豫省司庫存貯惠濟河閒款本係備辦河道工程之用現因索須二河挑築動支銀六千三百一十兩著無庸於該州縣養廉內分年扣還並著免其報銷惟此次疏治之後僅河流仍有泛溢著即將承辦之員効參追賠毋稍徇隱該部知道○諭軍機大臣等據盧坤奏烏魯木齊糧石現經停運其起運在途者仍運至阿克

蘇庫車二城存貯以供兵需等語著長清等務飭所屬妥為存貯各將所收數目確查具奏如有隨時支放之處總須撙節覈實勿得稍有徵變短絀將此諭令知之○以廣州密雲駐防軍政年逾六十官三十一員精力未衰均命留任○添買寧夏駐防滿營明年兵糧三萬五百八十石從署陝甘總督鄂山請也○庚辰諭內閣前據鄂山奏甘肅應付兵差及協濟軍需各州縣恩免六年七年錢糧請

將六年應免新賦改免通省未完舊欠當交戶部速議茲據奏稱前此加恩係因承辦軍需資用民力之州縣並非普免本省錢糧該督所請將應免道光六年新賦改免通省自嘉慶二十三年至道光五年積欠互相比較計與通省應免新賦銀數尚有減無浮惟舊欠糧草較之新賦滋多且內有未辦兵差及不應全免之各州縣尚應分別剔除等語甘肅省地多磽瘠戶鮮蓋藏有上年軍興以來

該省為新疆門戶軍行絡繹供頓綦繁雖一切皆取給帑項而應付車馬採辦軍需不無借用民力在應予恩施之州縣固應將業戶編氓一律體恤即不辦兵差之地方皆得戶免追呼藉資培養亦損上益下間澤覃敷之道著照該署督所請六年分應免一年錢糧改將嘉慶二十三年至道光五年通省民欠未完地丁正項銀二十一萬八千餘兩耗羨銀三萬一千九百四十餘兩馬廠租息雜賦

銀一萬三千八百四十餘兩正糧六十八萬二百一十餘石耗糧一十萬二千三十餘石番糧學租一千三百九十餘石本色草五百八十九萬三千餘束全行蠲免其七年分應蠲應減各州縣仍遵前降諭旨分別辦理內有已經徵收者查明截數准其劃抵下年錢糧賦課至六年分已輸在官銀糧草束仍著儘數報撥並將未完之項照數催徵該署督當將各州縣應免積欠銀糧草束細數造冊

報部備查。仍即將此旨刊刷。騰黃宣示城鄉村鎮。咸使聞知。俾免官吏胥役影射重徵。致滋弊竇。以期膏澤下究。用副朕普惠閭閻至意。該部即遵諭行。○又諭長齡等奏續查打仗奮勇官兵。分別保奏一摺。大兵進剿。克復四城。前因長齡等所保人數過多。曾降旨駁。餘嗣據覈實保奏。業經節次分別施恩。現在官兵已陸續凱撤。何得再行瀆請。所有單開黑龍江總管舒凌阿等八十一員。請量予鼓勵之處。俱著不准行。○諭軍機大臣等。自九月初六日遞到長齡等奏報後。迄今一月有餘。未接軍報。及至本日報到。無非乞恩撫塞。善後並未分明。逆首仍無音信。局勢憤懣之至。前據奏請留兵八千。已降旨允准。茲復請多留防兵。所議亦未允協。如巴爾楚克牌素巴特。前此尚為軍營後路。此時已無轉運軍糧防護臺站要務。留駐多兵。徒滋糜費。緩急亦無濟於事。著無庸駐兵。烏付著留兵五百

名。阿克蘇著留兵五百名。葉爾羌准其留兵二千名。和闐。英吉沙爾。准其各留防兵五百名。喀什噶爾。留兵一萬。亦覺過多。准其以伊犁馬隊二千名留用。再留綠營兵二千名。足資鎮撫。其吉林索倫官兵一千名。及其餘官兵。仍遵前旨。即行撤回。現在逆首竄匿卡外。固係釜底游魂。然外夷各部。落利其擾害。以資據掠。難保其不復相煽結。朕料該逆不能復行蠢動。則已。倘再圖窺伺。恐出我不意料。

我無備。必向葉爾羌侵犯。著楊芳等於帶兵得力將領內酌派一人。奏明暫令前往幫同。恆敬等鎮靜防守。仍當隨時察看光景。密設偵探。相機調度。切勿墮彼奸計。是為至要。喀什噶爾參贊大臣印信。著禮部速行鑄就。交軍機處附報頒發。甘肅提督齊慎。准其給假百日。回籍治喪。事竣仍回本任。軍營厯次保升各員內。有留防在各城者。回營需時。著該部先行發給劄付。以便支食廩俸。其現留之

兵准其照例月給鹽菜夫折銀二兩四錢一分以資食用並准作正開銷至所請製給兵丁皮棉衣服之處此時留防非上年出征可比著不准行再據片奏原任同知張循徵仍以原官留甘補用陸有恆賞給通判職銜又調伊犁廢員馬伯樂辦理漢字文案等語善後事宜甫經辦理何得遽將留辦之員請予恩施且張循徵已入大計奏効陸有恆前此未允所請何以既調馬伯樂到彼又請留張循徵等辦事即或需員亦不過一二人足供差遣著楊芳等酌量留用不得概行收錄也將此由六百里加緊諭知楊芳武隆阿並諭誠端蘇清阿知之○喀什噶爾參贊大臣武隆阿謝授參贊恩得旨汝今責無旁貸善後諸事一有不妥惟汝是問果能辦理得宜邊境又安何虞不承受朕恩否則難邀寬典勉益加勉可也○以承辦回疆樹窩子一帶糧運出力予主事銜訥恩登額等并擢銓補開

復有差賞喀什噶爾阿奇木伯克貝子伊薩克雙眼花翎伊薩克子邁瑪特阿布都爾滿子邁瑪特愛孜斯三等侍衛署英吉沙爾阿奇木伯克玉素普等花翎阿克蘇五品頂帶七品伯克薩木薩克等藍翎餘分別賞加頂帶○釋回烏什效力遣犯旗犯三十二名○辛巳

上詣綺春園侍

皇太后膳並賜皇子及內廷王大臣等食翼日

如之○壬午

皇太后聖壽節遣官祭

太廟後殿

奉先殿

上率皇子及王公大臣官員詣綺春園行慶賀

禮○諭內閣前據嚴烺賀長齡奏東省汶汎

運河募夫工程請歸河員試辦當經降旨交

琦善將該處挑工情形詳加體察據實覆奏

茲據奏稱此項挑工向係各州縣承辦若改

歸河員。儻辦工不能湊手。彼時再令州縣承挑。必致推諉誤公。著仍照舊章。飭令各州縣辦理。毋庸更張。惟每年委員勘估收工。不免浮費。嗣後除額土歸河員承辦外。其募工著責成運河道親往確估。飭交各州縣挑辦。工竣之日。由河督及運河道驗收。有不如式者。立即叅辦。其往來夫馬供應。一概裁革。所有委員估工。監挑各項。概行停止。以免滋擾。至八募地方承辦挑工。著責成汶上縣。照本境自辦十分之三章程一體辦理。儻有仍前情弊。一經查出。即著嚴叅懲辦。○諭軍機大臣等。現在回疆底定。大兵凱撤。惟逆酋尚未弋獲。諭令該參贊等暫留官兵。在彼防堵。大約以八千名為率。向來新疆兵餉。俱由甘省辦理。今又暫添兵力。自須於常年經費之外。另為籌款。官兵凱撤後。軍需總局。自應裁撤。此項留防官兵。即責成陝甘總督率同藩司。先行通盤籌畫。即以留兵八千名。覈計一年應

需鹽菜口糧若干。並查明現已運往軍營者。尚有若干。該省藩庫存餉。尚有若干。覈定章程。以期源源接濟。固不可稍滋糜費。亦不可偶形短絀。庶免臨時周章。一經議定。即速由驛奏聞。候朕降旨。將此由五百里諭令知之。○緩徵直隸唐山冀南宮新河棗強衡水六州縣積歉地方。節年民欠錢糧。並大名元城南樂清豐廣平五縣前貸籽種口糧。○癸未諭內閣。前據嵩孚奏。王家營隄工。擬照河工切灘之法。平其溜勢。仍做黃河工程。釘椿下埽。當經派令陳若霖姚祖同前往詳勘。定議覆奏。茲據奏稱。查明京山縣潰口長三百二十五丈。鍾祥縣潰口長一百七十二丈。正河經行二百餘年。自不應舍此另尋故道。下游潛江等處。被淹不少。勢不能徇上游居民。以鄰為壑之私見。惟有堵合口門。工堅料實。方為正辦。其胡李灣沙洲。現已刷塌。乘勢挑除沙塊。俾去路通暢。亦屬因勢利導。惟做黃河

工程做法勢必巧營銷算。多報歲修。踵添另案。流弊滋甚。斷不可行。所奏極是。與朕意合。著照所請。挑除胡李灣沙塊。先暢下游去路。將京山縣已涸口門。挽築月隄。展寬水道。其鍾祥口門。俟攔水壩築就。即乘勢堵閉。並在潰口處添築石壩二道。護隄攻沙。所需經費銀兩。著准其於存貯貴州鉛價銀十萬兩內動支。即責成該督。當即駐工認真督辦。趕緊於年內一律完竣。嚴查工員。勿任草率偷減。

工竣驗收覈銷。其報銷保固。悉照該省舊規。不准另有所請。致滋弊端。該部知道。○甲申。

上詣

安佑宮行禮。○乙酉。

上詣

大高殿。

壽皇殿行禮。○奉

皇太后還宮。○諭內閣。張井奏請開復原叅辦工員弁摺內。書寫從九未入布經等語。祇圖

省文。殊不成話。著嚴行申飭。○丙戌。

上詣

皇太后宮問安。○諭內閣。那彥成奏。永定河購買稽料。請照舊辦理一摺。直隸永定河南北兩岸歲搶修各工。所需稽料。節年因運腳不敷。奏准加增購運。仍令體察情形。酌量裁減。茲據該督查明。近隄村莊產料無多。仍須赴遠處購辦。原定例價。實不敷用。著照所請。准其循照成案。每束加增運腳銀二釐五毫。共

銀八千五百兩。以備購運。並著該督隨時查察。將來可減即減。毋任工員逐年請增。以昭覈實。該部知道。○以都察院左都御史湯金釗為禮部尚書。吏部左侍郎潘世恩為都察院左都御史。轉吏部右侍郎杜堦為左侍郎。調工部左侍郎辛從益為吏部右侍郎。仍留江蘇學政任。未回京前。命工部右侍郎白鎰署理。以署禮部右侍郎韓鼎晉為工部左侍郎。仍兼署禮部右侍郎。○以捐輸直隸義倉



穀石予知州陳晉等議敘有差○予故禮部尚書姚文田祭葬如例諡文僊○旌表守正捐軀江蘇銅山縣民沈萬義女沈氏○丁亥諭內閣據御史安誠奏東西長安門外四帥神祠殿宇牆垣俱有虧朽倒塌情形亟應修理著內務府派員履勘俟應修年分查估興修又稱皇城內外周圍牆基及京都內外城垣等處城輒間有虧缺脫落易致偷窺並外圍城根有積水浸泡之處其內外溝渠橋梁時派興修旋即拆毀皆由地方官兵平日不能實力稽查所致著步軍統領衙門通飭城內八旗城外五營官兵丁各於該管地面認真看守巡查務期一律嚴肅無得陽奉陰違儻有如該御史所奏偷窺拆毀情事立即嚴拏從重懲辦○改安徽鳳臺縣為要缺由外揀補鳳陽府通判為中缺歸部銓選從大學士總督蔣攸銛等請也

大清宣宗效天符運立中體正至文聖武智勇仁慈儉勤孝敏成皇帝實錄卷之一百二十七

[illegible]

道光七年丁亥十月戊子。

寶錄卷一百二十八

一一九

寶錄卷一百零八

王邁瑪薩伊特之姪上年在喀什噶爾守城被張格爾將伊並家奴回子古爾板巴克依托呼達拏去押發霍罕地方轉撥給布噶爾庫什伯克阿奇木名下為奴本年四月間逃出由俄羅斯逃至塔爾巴哈台地方投回請赴軍營為其叔邁瑪薩依特等復仇等語作霍爾頂係額敏和卓後裔今於被執後自行帶同伊僕遠道投回頗知大義情殊可憫已經德英阿傳諭該商伯克遵用原品頂翎派

三

員送至喀什噶爾聽候差委著楊芳等遇有可以差委之處酌量委用可也將此由五百里諭令知之○以正紅旗漢軍副都統裕誠為內閣學士兼禮部侍郎銜湖北布政使吳光悅為都察院左副都御史翰林院侍講學士陳用光為詹事府詹事前任哈密辦事大臣頭等侍衛嵩惠為光祿寺卿○調山東布政使賀長齡為江宣布政使以山東按察使鍾祥為布政使調湖北按察使李文耕為山

東按察使以四川成綿龍茂道尹濟源為湖北按察使○以廣東按察使周錫章為湖北布政使候補四品京堂姚祖同為廣東按察使○以經理烏魯木齊及托克遜糧運安速賞還陝西按察使方載豫花翎○以承辦蘭州肅州總局軍需出力賞湖北巡撫前任甘肅布政使楊健甘肅布政使顏伯燾按察使薩迎阿道員英啟桂葛知縣李天錫花翎道員查廷華等加銜升補有差○以辦理關外

各糧臺出力賞道員瑞慶花翎知州石珩等升補優敘有差○以阿克蘇屯田豐收予員弁議敘賞兵丁一月鹽菜銀○以宣夏駐防軍政年逾六十官十員精力未衰命留任○修南石槽懷柔縣密雲縣瑤亭四處行宮從馬蘭鎮總兵官寶興請也○添置西城官塚地並給掩埋暴露棺槨從巡城御史賡福等請也○以運送軍火器械出力免回疆額魯特部應收孳生駝隻及明年馬牛之孳十分

之四 己丑

上詣

皇太后宮問安○諭內閣惇親王綿愷著先行退出內廷行走其一切差使無庸管理宗人府宗令著奕紹補授所遺右宗正員缺著尚格補授武英殿御書處著派穆彰阿暢春園事務著綿德管理○又諭蔣攸銛等奏遵旨議覆海運事宜一摺各商船運米應給水腳等項及一切經費除天津通州用款按照上

屆章程應動漕項銀兩湊撥濟用外其在南經費仍由各州縣將向來辦漕貼費照舊支用如有不肖官吏借端浮勒著即嚴叅懲辦毋稍姑容州縣運米前赴上海雇用民間剝船著按照市價計日給發毋許胥役人等封捉剋扣並著出示嚴禁有犯必懲其水手人等著各船自行分給津貼俾船商與舵工水手相安毋庸官為限制其船商得受耗米原以備盤量折耗及到津補償短絀之用著嚴

禁私行折價以杜短交兌米時務押令將耗米全數上船方准開行其商船到津由海口挽至上園需雇緯夫現經該督等議定各州縣於兌米時每米一石給船戶制錢四文作為該船到津雇夫工價並著直隸嚴飭地方官禁止緯夫擡價把持毋許延誤其商船卸米完土壓載著直隸地方官豫撥官地若干畝准令完土如有地棍把持情事立即嚴拏究辦其自津運通令經紀親押一節前已降

旨仍由直隸派委員弁分撥押運實力巡查毋許經紀等訛索滋弊總期在南不致以津貼病官以徵收擾民在北不致以刁難累商以剝運傷米方為妥善○又諭鄭廷楨奏請酌增鳳陽靈璧二縣津貼一摺安徽省衝途各州縣向例提節省銀一萬兩撥給鳳陽縣銀五千兩靈璧縣銀三千兩潛山縣銀二千兩作為津貼以資辦公茲據奏今昔情形不同鳳陽靈璧二縣地瘠差繁所給津貼尚不

數用辦理殊形竭蹶其潛山縣節年豐稔足數辦公無需幫貼自應量為增減調劑著照所請將該省巡江經費項內每年節省銀三千兩並潛山縣裁撤津貼銀二千兩共銀五千兩每年添撥鳳陽縣銀三千兩靈璧縣銀二千兩俾辦公裕如自此次調劑之後該撫務當嚴飭該二縣認真經理儻再藉口賠累致有虧那庫款情事著即嚴叅懲辦○以鑲紅旗滿洲副都統福泰為京營右翼總兵○

以青州副都統富祥為杭州將軍調宣夏副都統國祥為青州副都統正藍旗漢軍副都統噶普唐阿為宣夏副都統工部右侍郎阿爾邦阿兼正藍旗漢軍副都統○西安將軍薩炳阿七十生辰賞

御書扁額並珍玩文綺○以山西荊州青州涼州及保定等五處駐防軍政年逾六十官十九員精力未衰均命留任○以湖北省糧價平減命買補常社倉穀十三萬一千五百餘

石米一萬三千八百餘石○緩徵安徽懷寧潛山鳳陽壽宿懷遠定遠靈璧鳳臺泗盱眙天長五河桐城當塗蕪湖繁昌無為廬江巢亳和二十二州縣及屯坐各衛水災新舊額賦○展緩湖南澧安鄉三州縣被水皖田新舊額賦○緩湖南應解二限減半通米二萬石並漂失漕米五千六百餘石○庚寅諭內閣昇平署太監苑長青脫逃潛匿一案惇親王於該太監私投入府理應即時送交內務

府照例治罪乃任其潛匿直至該衙門行文傳提尚不即行交出轉令人帶出冀圖掩飾現經內務府將該太監拏獲究訊明確據實具奏所有案內人犯除由該衙門按律定擬外惇親王狎比匪人不自檢束著交宗人府嚴加議處○又諭御史景文奏直隸旗民官荒地畝多係書吏把持阻撓並有曾經在部認領承佃復被該縣書吏假結捏詳尚未實領墾種等語此項官荒地畝前經降旨令直

隸總督飭屬勘辦究竟認墾若干有無影射情弊著直隸總督順天府派員詳查隨時召墾升科如有前項弊端即行嚴拏按律懲辦仍將已墾未墾各荒地若干查明據實具奏尋奏遵查直隸各項荒地共九萬四百五十一項有奇除歷年勘報升科及試墾尚未限滿議租地一萬六千三百七十九項有奇其餘實在難墾地七萬三百六十四項有奇檢查原案陳香谷等於道光二年赴部認墾大興宛平兩縣荒地六十餘頃該縣帶同陳香谷前往勘丈除可墾地四頃四十餘畝餘俱沙石積蓋不欲認領當即咨部銷案查無書吏假結捏詳之事下部知之○諭軍機大臣等據御史黃德源奏奉天府治中吳崑被控勒開錢帖業經解任審辦該省貪墨之員不止吳崑一人吳崑劣跡亦不止一事吳崑前署錦州府時即向各行鋪戶訛索不滿所欲輒掌責管押即糧店一行已被索東錢數萬

串其過付即係前任錦縣現升岫巖通判吳琪之門丁常義亭與該縣戶房經承劉四吳琪與吳崑認為兄弟吳琪尚有官親留寓錦縣勾串官事案內之監生張洪即係吳琪姻親前在錦縣任內屢向糧店勒借錢文自道光元年到任至上年卸事每店借東錢四五千串不等串借之人即係常義亭與經承劉四其向別行鋪戶科斂者尚不在此數此外又有錦州駐防佐領扎勒翰在該處節次索詐聲名尤為狼籍近復在錦州城內倡修已燬大佛寺向居民鋪戶派斂東錢二三十萬串嗣因物議沸騰遂捏稱所斂錢文俱存該處會生店且令本地人賈姓監工以飾耳目請一併查辦等語職官科斂訛借大干例禁如該御史所奏吳崑等貪黷無厭劣跡疊疊必應嚴辦以儆官邪吳崑已另案解任岫巖通判吳琪錦州駐防佐領扎勒翰著一併交奕額海齡提集人證嚴拏常義亭劉四等務

獲歸案秉公審訊得有確情卽一面傳旨革職拏問任所家產嚴密查抄不可令其私行寄頓一面奏聞不可稍有徇隱將此諭令知之○調鑲藍旗蒙古都統綿志為正白旗漢軍都統以鑲紅旗蒙古都統哈迪爾兼署鑲藍旗蒙古都統○以察哈爾張家口駐防軍政年逾六十官五十六員精力未衰命留任○辛卯諭內閣昨因廣州將軍慶保等考驗軍政官員繕寫漢摺具奏已傳旨申飭矣今

觀喜普恭等考驗滿營軍政官員亦用漢摺具奏均屬非是俱著傳旨申飭嗣後該將軍等似此滿營應辦事件各懷遵訓論繕寫清摺具奏毋得如此因循漸染漢人習氣○刑部奏審明佟呂氏因拒姦致傷伊翁廣善一案定擬請旨得旨此案佟呂氏因伊翁廣善欲行強姦情急捍拒致將廣善舌尖咬落翁媳之義已絕與從前辦理邢吳氏之案情節相同佟呂氏著免其治罪卽行釋放廣善強

姦子婦未成實屬蔑倫傷化著銷除本身旗檔發邊遠充軍交兵部定地轉發到配杖一百折責安置○命科布多參贊大臣巴琿阿和闡辦事大臣果良額伊犁領隊大臣恩緒祥雲保塔爾巴哈台領隊大臣巴雅爾來京以正紅旗蒙古副都統額爾錦為科布多參贊大臣賞前任巴里坤總兵官多隆武副都統銜為和闡辦事大臣以乾清門頭等侍衛孝順岱前任正藍旗蒙古副都統阿勒罕保

為伊犁領隊大臣乾清門頭等侍衛德勒格爾桑為塔爾巴哈台領隊大臣○以陝西省文應兵差出力予布政司理問朱世鐸等升擢有差○以江寧京口杭州乍浦駐防軍政年逾六十官六十六員精力未衰命留任○

壬辰

上御太和殿視朝王以下文武升轉各官謝恩○諭內閣前據那彥成等奏長蘆商力積疲虧欠日增由於錢價過賤易銀交課成本虧

折所致請將鹽價改用銀椿並將加價三文減去兩相抵計不致有礙民食當交戶部覈議茲據奏稱就現在最賤之錢價計算除將減去加價三文抵算外尚加賣至一文有奇究恐民間因此有食貴之虞等語長蘆鹽價兩次議加原為體恤商情借資調劑乃歷年以來釐務毫無起色虧累益增該督等所奏易銀交課致虧成本情形固屬事之所有惟遽改舊章是否民間不致食貴此後先課後

引即可年清年款再無拖延必須體察情形詳覈定議長蘆引鹽行銷直隸河南地方其山東與長蘆事同一律該督等所奏亦未善及異同著楊國楨琦善認真訪察運務商情並將各該處易銀市價覈計鹽價務期於民食毫無窒礙詳細確查據實具奏並著那彥成阿揚阿按照戶部所議將商人成本內支銷各項凡用錢支發者悉令剔除另行覈計不得概以易銀賠折為詞如果改用銀椿先

課後引是否實能經久每年奏銷是否實能全完積欠課項是否實能歸補並按年可補若干通盤詳覈逐一切實覆奏再降諭旨○改浙江仁和錢塘二縣典史為要缺在外揀調歸安縣埭溪巡檢樂清縣磐石巡檢為簡缺歸部銓選從署巡撫劉彬士請也○以黑龍江駐防軍政年逾六十官七十一員精力未衰命留任○貸黑龍江墨爾根城歉收貧民口糧○癸巳諭內閣惇親王綿愷從前在

上書房時於文史弓馬全不留心狎比便佞不喜正言

皇考仁宗睿皇帝暨

聖母皇太后屢加訓誡罔知悛改朕御極後篤展親之誼將伊晉封親王念其年逾三十冀可諳習時事近年派管旗務並補授宗人府宗令每於召見時所以教導者剴切周詳無微不至乃伊習與性成不自檢束前曾與太監張明得私相往來旋因張明得在昇平署



當差不能常往復起意令將太監苑長青輾轉引出於上年冬間誘令在府藏匿實屬膽大妄為迨經發覺內務府行文該王府提傳尚以府中並無苑姓太監支吾聲覆直至眾供確鑿不能再匿又私令舒凌阿將苑長青帶至清河地方作為九月間逃走希圖掩飾是誠何心本日據宗人府議將伊革去王爵固屬咎所應得但朕心究有所不忍綿愷前經降旨退出內廷行走並革去一切差使著

加恩降為郡王此係朕小懲大誡望其改過自新綿愷宜倍知感愧加意檢束諸事小心無負朕教誨成全至意若仍任意妄行復萌故態朕必執法嚴懲不能再邀寬貸也○以運送回疆軍餉及防堵沙雅爾出力賞三品頂帶阿奇木伯克胡達巴爾第二品頂帶七品伯克阿哈伯克藍翎○以寶坻等四處駐防軍政年逾六十官七員精力未衰命留任○免哈密回民應交春間出借麥石○甲午

上詣

皇太后宮問安○戶部議准四川總督戴三錫奏成綿龍茂道屬大黑水小黑水改土歸流共九寨夷民一百二十戶自本年為始每年認納稞糧折色銀由茂州徵收造冊報部從之○以御前侍衛護軍統領吉勒通阿為皇長子奕緯親隨詣達○修山東曲阜縣少昊陵元聖廟

復聖廟從巡撫琦善請也○乙未

上御懋勤殿勾到朝審情實罪犯停決官犯三人斬犯三人絞犯六人餘九人予勾○諭內閣本日朝審勾到有官犯斌靜色普徵額二起斌靜前在喀什噶爾參贊大臣任內行止不端失於撫字經刑部會同宗人府照激變良民律問擬斬候色普徵額在喀什噶爾幫辦大臣任內逆回張格爾入卡追至霍爾罕莊逗留不進貽誤事機經刑部照失誤軍機

律問擬斬候該犯等罪狀若係即時發覺朕必執法從事決不寬貸惟事隔數年並無實在證據該犯等在部亦未經取有確供罪疑惟輕俱從寬免勾斌靜著宗人府永遠圈禁色普徵額著刑部永遠監禁以示朕法外施仁至意○又諭中城驗報倒斃無名男子該屍身邊帶有四川涪州民人姚升太並子姚結呈詞各一紙具控舒文俊唆使姚升榜掘墳毀碑率領姚紀等將姚升太之子姚約毆

傷斃命賄串書役朦朧正兇令雇工姚綬頂罪等情經都察院檢查四川總督具題原案姚約係屬姚綬毆斃將姚綬問擬絞候情節懸殊案關賄串頂兇虛實必應徹底研究現在該屍並無親屬認領屍子姚結亦未隨同來京著交瑚松額督同臬司吉恆親提案内人證卷宗秉公覆審按律定擬具奏該署督等惟當虛衷研鞠務得確情以成信讞若稍存官官相護之意則大員委任之道也尋奏

提訊姚升太之子姚結供稱伊兄姚約實被姚綬毆斃伊父姚升太挾嫌欲將舒文俊等牽累起意京控實無買兇頂罪情事應照原案辦理下部議從之○丙申諭內閣御史常恆昌奏請嚴禁外省官墊民欠及差墊未完錢糧積弊一摺各省州縣經徵錢糧往往因規避處分墊完民欠已易啓虧那之漸且有差役墊欠並非該花戶輸將不力竟係書差為加倍取償地步致畸零小戶僻遠編氓更

滋苦累著直省督撫將官墊名目差墊弊端一體永行禁革如有仍蹈前轍以欠作完那移規避者責成該管上司嚴行查察有犯必懲其差役墊欠敢向花戶苛索重利取償該管州縣不即查明究辦別經發覺除將書役按律治罪外仍將該管州縣從嚴議處以重考成而恤民隱○以烏什屯田豐收予員弁議敘賞兵丁一月鹽菜銀○丁酉

上詣

時應官拈香。諭內閣據御史盛思本奏本月十九日北城正指揮衙門有原告民人朱大在監押處所擊斃被告民人王二一案。朱大所控係屬尋常細故。該指揮宋佩組何以輒將原被告一同管押該民人等於十七日即經到案。該指揮既非公出。又無別項緊要差使。何以延案三日。並不即時審訊。致釀人命。且監押要地理宜派役小心看守。何以任聽該犯逞兇。竟無一人喝阻。以上情節著刑

部即傳該指揮宋佩組研訊。並提該家丁等訊明。如有起釁別情。據實嚴叅。毋稍含混。尋刑部訊無濫押延案情弊。惟以原被告並羈一室。致釀謀殺重案。非尋常失察可比。議以降二級調用從之。又諭劉彬士奏查訊營員派閱兵公費。請將應訊各員革職解任。一摺。此案已革温州右營千總魏大鵬呈控錢芳耀派捐提督閱兵費銀。據該署撫訊出張單如修理演武廳及馬道等項。魏大鵬先

既與聞其事。乃於被叅後藉詞挾制。殊屬奸險。惟錢芳耀開銷各項其違例餽送分金。雖該提督未經收受。並未即時具領。恐其中尚有情弊。又發還弁兵銀兩。是否因告發後借名歸墊。李萬清等有無得受。酬送洋銀項。培等是否實未經手支用。均須徹底根究。黃巖鎮標遊擊錢芳耀著即革職。磐石營都司項培。温州城守營守備袁浦。提標左營遊擊李萬清。後營千總馬殿祥著一併解任。交該署

撫秉公研訊。務得確情。以成信讞。毋稍瞻徇含混。至錢芳耀所供總兵楊繼勳發給賞項各款。楊繼勳著即赴省對質。諭軍機大臣等。有人叅奏江西學政福申有舊家人蕭三勾通書吏幕友常川在外招搖無弊。不作每出棚考試。必先行頭站在贛州府屬勒索供應。辱罵贛縣知縣。致該縣負氣告病。後經調處乃止。又考試瑞州府屬蕭三乘轎夜出考棚。轎前有管理督學部院蕭燈籠字號。士子

望見皆為詫異。有使者廢關防持衡。非福家人管督學成敗。由蕭對句寫貼考棚。傳為笑談。又該學政考試建昌府有南城縣知縣時式敷拜為師生。該縣武童李姓係縣試第一名。因院考中箭一校。央懇時式敷求情。取中士論譁然。等語。學政職司考校。自應嚴密關防。破除情面。拔取真才。若沿途勒索。供應任聽家人招搖滋弊。以致物議沸騰。殊干法紀。陳若霖姚祖同現由湖北回京。無論行抵何

處。沿途接奉此旨。即著帶同司員馳驛前往江西。將原叅情節秉公查辦。如該學政實有廢弛瞻徇情弊。即著據實嚴叅。不許稍有含混。此案審辦完竣後。陳若霖來京覆命。姚祖同前已簡放廣東按察使。著即前赴新任。毋庸來京請訓。將此諭令知之。予故杭州將軍果勒豐阿祭葬如例。並賞銀三百兩治喪。諡勤敏。修黃新莊半壁店秋澗村梁格莊四處行宮。從泰宣鎮總兵官武忠額請也。

戊戌諭宗令定親王奕紹嗣後恭擬恭代壇

廟差使著諸王輪流恭代。宗人府會同刑部奏審擬宗室興寶開場窩賭一案。得旨此案宗室興寶屢犯不法。聚集無賴開場窩賭。嗣因養育兵楊明義另開賭局。心懷妒恨。主使步甲和隆阿等私拏楊明義。拷逼認欠。復慮破案。擅將犯證藏匿。縱逃且無故毆打和隆阿。欲占其妻趙氏為妾。種種生事擾害。實屬

怙惡不悛。興寶著改發吉林。交該將軍嚴加管束。儻敢復行滋事。即由該將軍奏明在彼鎖禁。○展八旗兵丁應扣借支庫銀限期兩月。○緩徵江蘇上元江寧句容江浦六合山陽阜寧清河桃源安東鹽城高郵泰甘泉興化寶應銅山沛蕭碭山宿遷睢寧二十二州縣及淮安大河徐州三衛被水歉收地漕各項銀米。展緩華亭奉賢婁上海南匯青浦川沙太倉鎮洋九廳州縣及鎮海衛節年災緩

銀米○己亥

上詣

皇太后宮問安○諭內閣給事中吳傑奏京察屆期請舉劾並行一摺所奏是京察為激揚大典現在各省督撫藩臬曾任京職者居多。是今日部員之賢否關繫他日外省人才之盛衰嗣後各衙門堂官辦理京察務須和衷商榷拔取賢才其終年未經到署案件全不留心或奔走僅事趨承文理未能通曉暨浮躁不謹徇庇書役聲名平常者概予甄汰毋得稍事姑容至外任改部人員亦須加意察看其庸碌無能及精力衰頹難望振作者應即黜革示懲毋任戀棧若勤慎在公實心任事才堪造就仍不妨據實保列總之人才難得冗濫須除惟在各該堂官秉公遴選認真甄別毋設成心毋存私見務擇操守廉潔通達治體者列之上考所謂惻惻無華日計不足月計有餘吏治自蒸蒸日上矣將此通諭

知之○又諭嚴烺等奏估挑運河淤淺工段一摺東省運河為重空漕船經由要道每年汛漲水過沙停例於南糧回空過竣估辦冬挑據該河督等勘明上河廳屬臨清塘河澄淤較厚各汛長河新淤復增捕河廳屬陽穀壽東東平等汛長河運河廳屬汶上汛塘鉅嘉衛北二汛濟寧塘河及長河各閘魚臺汛各長河加河廳屬沛汛滕汛塘各長河並嶧汛八閘等處受淤俱深或河底必須展挑或加募實力挑挖均係急應估辦之工所有添募夫工價器具銀二萬一千三百九十五兩零外加津貼銀三萬九百八十五兩零共計銀五萬二千三百八十一兩零著准其動撥司庫及生息項下銀款發交沿河州縣衛趕緊興挑其沛汛長河募夫工段仍照例移咨江南省轉飭會同趙辦責成運河道督同各該管廳營催辦該河督仍往來查驗如有偷減草率即據實嚴叅務期認真辦理依限完

竣惟此次係應行大挑工程緩至兩年之久需費較常加增嗣後循例挑工仍不得過五萬兩之數該部知道○江南道御史者綱奏請飭步軍統領五城尋常案件照舊例咨辦無須具奏得旨似是而非深乖防微杜漸之義○以河南尉氏縣紳民捐修城垣同知劉恆毓下部議欵餘旌獎如例○蠲緩湖北江陵監利鍾祥京山潛江天門漢川沔陽公安枝江荊門應城漢陽松滋黃岡十五州縣被

水坑區新舊額賦有差○庚子諭軍機大臣等據戶部奏甘肅地處極邊儲備尤關緊要向係額貯銀三十八萬兩分貯銀二十二萬兩為數本少節經動用所存無幾請於藩庫貯銀二百萬兩先在山西秋撥地丁款內撥銀五十萬兩解甘收貯其餘於陝西河南山西山東湖北及甘肅捐監應解部銀兩並該省舊貯實存銀兩共陸續湊足二百萬之數責成藩司加謹封貯不准率請動支等語藩

庫封貯銀款原備地方緩急之用甘肅地鄰邊塞自應豫籌經費以資儲備惟該省舊存封貯銀兩久經動缺未能歸補足額亟須寬為籌畫著照所請先於山西省秋撥地丁項下動撥銀五十萬兩解往甘肅收貯其餘銀兩著陝西河南山西山東湖北各該撫將所收監餉每湊足五萬兩即行奏明改解甘肅藩庫交收其甘肅所收監銀亦毋庸解部每湊足五萬兩即奏明儘數歸補封貯總俟該

省藩庫共收足二百萬兩之數即由該督奏請停止仍著各該省將監銀照常解部交納此項銀兩隨時解往著責成該藩司顏伯燾加謹封貯若非實有要需概不准率請動用儻有絲毫那缺必當按律嚴懲仍著該督按年盤查奏報以憑稽覈將此諭知鄂山傳諭顏伯燾並諭徐忻楊國楨福綿琦善楊健知之○辛丑

上詣

壽皇殿行禮

闕帝廟拈香○諭內閣賀長齡奏親母年逾七旬請於湖南近省量予更調等語所奏雖係實情但各省藩臬經朕簡任原期人地相宜若紛紛奏請或竟有心規避亦不可不防其漸賀長齡現調江宣布政使已較山東為近著即赴新任所奏不准行○命鄭親王烏爾恭阿在內廷行走○以烏里雅蘇台參贊大臣喀爾喀扎薩克貝子倫布多爾濟為庫

倫辦事大臣未到任前以正黃旗蒙古副都統樂善署理○遣散秩大臣敬敷往奠故庫倫辦事大臣喀爾喀扎薩克郡王蘊端多爾濟茶酒賞銀二千兩治喪○除浙江嘉善縣剗削地二畝有奇額賦

大清宣宗效天符運立中體正至文聖武智勇仁慈儉勤孝敏成皇帝實錄卷之一百二十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二十九

監修總裁官禮部尚書左侍郎臣等奉  
天恩奉勅纂修欽此臣等謹將宣宗成  
皇帝實錄卷之一百二十九內各事  
恭摺具奏伏乞聖鑒訓示謹奏  
奉  
旨著照所請欽此

秋修

道光七年丁亥十一月壬寅朔諭內閣湯金

釗等奏查訊山西猗氏縣民閻克己京控一  
案究出該縣知縣違例勒罰致釀人命及教  
諭典史等得受賄銀一摺此案猗氏縣知縣  
張珍臬於門丁差役詐索累疊及教諭典史  
得受賄銀毫無覺察已屬有忝厥職迨經該  
學政批令將閻采華兄弟指稱修理書院擅罰多  
銀仍飭役看守勒取限狀致釀人命尤為藉  
端苦累張珍臬著即革職發往新疆充當苦

差以示懲儆教諭楊炳榮因事乘機詐索存  
心狡獪典史蔣紹棟身任職官輒與該縣門  
丁及其家人朋比為奸詐銀分用實屬卑鄙  
無恥楊炳榮將紹棟俱著即行革職發往軍  
臺效力贖罪巡撫福綿於知縣勒罰逼命教  
諭典史串詐得賄重案既經屍親上控不即  
親提究辦殊屬不恤民隱有玷封疆之任著  
交部議處其承審接審遲延各員並失察之  
該管各官俱著吏部查取職名分別議處尋  
議福綿應照溺職例革職得旨著改為革職  
留任○又諭昨據廣州將軍慶保等具奏考  
驗軍政一摺因用漢字奏摺俱已傳旨申飭  
矣今英和考驗滿營官員軍政復用漢摺具  
奏亦屬非是著傳旨申飭嗣後該都統滿營  
遇此應行循例事件務須遵照日前通諭之  
旨繕寫清摺具奏毋得似此因循漸染漢人  
習氣○以熱河福州駐防軍政年逾六十官  
二十一員精力未衰均命留任○追封故庫



倫辦事大臣喀爾喀扎薩克郡王蘊端多爾濟親王銜。予祭葬如親王例。命其子多爾濟納木凱。馳往庫倫穿孝。額駙瑪呢巴達喇侯靈樞到京時。帶領理藩院司員前往奠醊。○癸卯。諭內閣。前因英和面奏。步軍統領衙門番役緝捕得力。曾經降旨。凡番役子孫。准其應試武場。出仕武職。仍不准由文途考試。出仕。以示限制。茲據御史沈巍。皆奏番役入仕。及番役子孫應試。請仍改歸舊制等語。番役專司緝捕。原與各項執役人等無異。從前嘉慶年間。節經欽奉

皇考仁宗睿皇帝諭旨。番役中得過頂帶者。祇准暫留頂帶。不准實缺補用。其子孫不准選用官職。此後亦不准再行應考等因。仰見我皇考澄敘官方。慎重名器之至意。該番役投充之初。原不問其身家清白與否。一經准其出仕。則凡身家不清者。或藉此為進身之階。不可不防其漸。此等人役。畀以戎行重任。既非

素習操防。亦復難資表率。嗣後番役等。除著有勞績。特旨獎賞錄用外。該番役及其子孫。均不准應試武場。出仕武職。以符舊制。而清流品。○又諭。訥爾經額奏。籌議漕運事宜。一摺。幫船津貼。向有定例。不容額外加增。因各州縣任意浮收。致該幫丁藉詞需索。自應一體嚴禁。除來歲新漕。蘇松常鎮太四府一州。係由海運外。嗣後河運年分。所有各幫津貼。著責成該糧道遵照嘉慶二十二年奏定章

程。覈實辦理。不准絲毫格外取與。如刁丁敢於需索。許該州縣稟揭。從重懲辦。儻州縣意存回護。暗中增加。即著糧道查明。一併詳參。漕務委員。人數過多。或派委非人。固滋擾累。惟向來多由候補備弁派委。此項人員。本無廉俸可支。難保無收受土宜陋規情事。覈計每幫各有實缺千總二員。每年輪一人領運。即有一人間運。該員等既有廉俸。且有催趲事宜較熟。嗣後各關壩照料委員。著准其於

就近水次缺分事簡之千總內酌量派委。儻有不敷。再於候補備弁遴擇委用。查有需索情弊。即據實嚴參。如果當差勤慎。即於次年空缺重運內酌委調劑。至應派段落。分別重運回空酌量裁併。均著照單開員數辦理。仍俟每年派委後。將銜名人數造冊送部備查。山東各閘壩設有漕夫頭名目。向由委員臨時雇募附近民人充當。漕竣撤回。其應募者多係積年漕蠹。非在官人役可比。並有以閘

夫頭兼充者。沿途易啟挾制把持之弊。嗣後東省各閘漕夫著照江南之例。一律由漕運總督轉飭地方官驗充。造冊申送。並令河廳隨時嚴查。不許閘夫頭冒混兼充。幫船例帶土宜重運准帶一百五十石。回空准帶八十四石。均免輸稅。惟恐船身喫水較深。不准例外多帶。茲據該漕督上年押運勾量重船喫水尺寸較奏定水誌有減無增。空船喫水尤淺。請量為加帶土宜。著照所請。除蘇松常鎮

太漕船來年海運停歇。俟河運時准其加帶外。其餘各省重空幫次均著自來歲新漕為始。准其每船於額帶土宜之外。加帶三十石。一律免稅。以資調劑。○協辦大學士理藩院尚書富俊奏。吏部雜項考試多在朝房等處。防範難周。請以後概入貢院。如一項報考不足二百人之數。以兩項歸併一場。更請酌定三月初以後。九月底以前考試。不致呵凍給燭。下部議奏。尋議各項考試情形不同。御史

孝廉方正。廕生翰林院孔目。托忒學俄囉斯學學生等項。當日完場。毋庸覆試。應仍照舊辦理。助教學正學錄候補貼寫中書各項候補筆帖式。候補庫使譯漢官。繙譯騰錄官。候補隨印外郎。貢監考職等項。俱應覆試。數日始克完場。應如所請。歸入貢院考試。其例應覆試者。如人數已在百名以上。亦歸貢院。毋庸兩項歸併一場。至考試之期。請嗣後將人數較多。例應覆試者。何項用膳一二人。即酌

量日期。先行奏考。毋庸限定三月初以後九月底以前。致多窒礙。從之。○以翰林院編修祁寯藻充日講起居注官。右春坊右贊善祝慶蕃署日講起居注官。○以喀喇沙爾上年承辦軍務出力。賞伯克邁瑪第敏。二品頂帶呢襟爾花翎。筆帖式托克托霍等藍翎。餘升補開復有差。○以成都駐防軍政年逾六十官二員。精力未衰。命留任。○以江南糧價較昂。緩買江寧揚州。淮安徐州。安慶太平廬州。鳳陽各幫丁行月等米。○

上以冬至祀

天於

圓丘。自是日始。齋戒三日。○甲辰。遣官祭

先醫之神。○諭內閣。那彥成奏。議覆穆彰阿條陳海運未盡事宜各款。如剝船水脚。毋庸扣留三成。及沙船壓載取土。應指定官地。不准稍越界限二條。俱著照所奏辦理。至來年沙船。定為一次起運到津。連檣抵次之時。必

致剝運不及。分運北倉暫貯。原非慎重倉儲起見。惟據該督查明北倉廩座。祇能貯米四十萬石。若沙船紛紛猝至。剝運而外。北倉廩座。恐不敷用。著臨時派往驗米之大臣。察看情形。斟酌辦理。所需鋪倉席片等項。飭令天津縣先期購備。仍於上園水口。勘定高阜寬敞地面。築牆挑溝。墊成馬頭土道備用。其漕糧到津起卸以後。應歸經紀一手承運一條。前經倉場侍郎等叢議。請仍由直隸委員押運。茲據該督以該省派委文武員弁有彈壓催趲之任。並無交米之責。上年通壩收米經紀。誤以委員為伊等卸責之人。復向剝船需索。難免不取給於米石。亦係必有之弊。前已降旨令該侍郎等嚴行查禁。著查照上屆章程。每剝船一百六十隻為一起。俟兌足米四萬石。由經紀自撥親信妥人。分起押送。仍每起派委文武員弁各一員。隨帶兵役。督同船頭彈壓催趲。一俟運抵通壩。聽經紀自行交

倉押運各員役。即趕回押送後起剝船。如沿途有偷盜情事。該經紀人役。立即稟知押運員弁。文所在州縣按律究辦。以專責成。而免誣卸。○諭軍機大臣等。寄諭大學士兩江總督蔣攸銑。漕運總督訥爾經額。江蘇巡撫陶澍。據給事中王丙奏稱。明年蘇松常鎮太四府一州漕糧。仍由海運。該幫船即須停歇。頭舵水手人等。概無所用。不能不散而之他。雖例有減半月糧。旗丁等祇能自給。焉能坐食多人。共計水手等不下六七千。俱係東豫淮徐一帶。好勇鬪狠。不諳生計之徒。一旦游手游食。勢必不安本分。生事擾民。為害地方。且大河南北。為私梟出沒之區。更不可不防其漸。請飭妥為安插。或即令於挑濬吳淞江工所。應募傭工等語。糧船水手。率多無藉之徒。平時受雇在船。既有身工養贍。又有員弁約束。尚不免於滋事。今該府州幫船。明年既不出運。該頭舵水手人等。不虞其散而難集。須

防其聚而不散。該督等當體察情形。妥為安插。能否照該給事中所奏。令其應募傭趁。以資餬口。不致生事。擾害居民。方為妥善。將此諭令知之。○又諭據盧浙奏。山東濟寧州。向有落地稅錢。係巡漕衙門徵收應用。乾隆年間。巡漕和琳。以其事屬瑣細。付與州牧代為徵收。遂成定例。後任巡漕。俱由濟寧州衙門按月供給。約計在任月日。通共供給錢二千四百緡不等。現在各省巡漕。皆經停止。此項供給錢文。似應積存不少。請旨飭查等語。濟寧州徵收落地稅錢。每年應有若干。向年有巡漕時。作為巡漕供給。自道光二年停止巡漕以後。此項錢文。曾否報解。抑或另有開銷。著琦善飭屬詳悉查明。據實具奏。將此諭令知之。尋奏遵查濟寧州所收落地稅課。俱係儘數解司。其供給巡漕錢文。據查明由歷任州牧自行捐賠。是供給一項。本與稅課無涉。此項並無捐存報聞。○戶部議准。江蘇巡撫

陶樹疏報靖江縣新漲地四十二頃九十七畝有奇。照例升科。新墾地二頃三十八畝有奇。蠲免額賦從之。○乙巳

上詣

南郊齋宮齋宿。○諭內閣長齡等奏。東省進征官兵騎馱馬駝倒斃過多。請免追賠一摺。上年進征送回調派吉林等處官兵。所領馬匹等項。因口外戈壁地方並無水草。易致受傷。且為時已久。程站寫遠。未免倒斃過多。若照

例著賠。兵力益形拮据。加恩著照所請。所有吉林黑龍江出征官兵。領過馬駝車輛價銀。准其免賠。俟東省馬隊全數撤完。造冊咨部查覈。其火器健銳兩營官兵。領騎馬匹。均一律照辦。至伊犁官兵。現俱留營。著俟凱撤時查明領過馬數。再行據實具奏。西安寧夏涼州並烏魯木齊各滿營官兵。或早經撤回。或派令防守。所領馬駝尚不致倒斃逾額。著咨明各該將軍都統確查辦理。又另片奏塔爾

巴哈台馬五千匹。因上年軍務緊急。不能隨時緩息。以致倒斃過多。所有領解員弁。查無經牧不善。及盜賣捏飾情弊。均著免其議處。該部知道。○又諭。前因蔣攸銑等會奏。請將蘇松等四府一州。仍用海運。並將軍船截留河北。以為盤壩之用。朕即覺其說不可行。緣河湖壘漲。准暫用海運。不許盤壩。嗣該督又單銜具奏。請酌量少留數幫。經朕嚴飭軍船全數歸次。不准一幫暫留。因該省已雇備海

運船隻。是以姑允所請。朕意實有未愜。茲據該督奏稱。糧船歸次。並不為遲。仍可修艖出運。其海運沙船。儘可給還承攬。聽其另裝商載。所有蘇州松江常州鎮江太倉四府一州。請仍照常河運等語。以本年河湖情形而論。海運本不必行。原應如此辦理。該督久任封疆。自應確有把握。何竟茫無定見。一至於此。若非朕屢加駁斥。恐該督尚不免仍執前說也。現在海運沙船。僅據投具承攬。船價均未

給領。其船商應雇水手。及添置蓬索什物。尚未受雇置備。所有前議海運。著即停止。其蘇松常鎮太倉四府一州。仍著照常河運。至攔黃埕以內。清水塘河底增淤。必須大加挑挖。著張井等勘挑塘淤。務須格外加深。以免重運阻滯。並著漕運總督。飭爾經額。選派押運幫弁。余丁修船。趕緊受兌。江蘇巡撫陶澍。查照妥為經理。毋誤兌運。其安徽浙江江西湖北湖南各督撫。仍遵前旨。將起運新漕。督飭各糧道。早兌早開。總期於四月初十日以前。全數趨至清江。剋期抵壩。以便渡黃。毋許延誤。將此通諭知之。○諭軍機大臣等。朕聞江西學政福申家人蕭三。有招搖勒索情事。已有旨派陳若霖。姚祖同。馳驛前往查辦。惟到該省尚需時日。恐蕭三先期探聽風聲。畏罪逃匿。著韓文綺。不動聲色。迅速查拏。務獲嚴密羈禁。以便陳若霖等抵江西時。按款研鞫。勿令該犯潛逃。是為至要。將此由四百里諭

令知之。○又諭陳若霖等奏。途次接奉諭旨。即改道前往江西一摺。據稱案內蕭三一犯。尤為緊要。恐該犯聞風逃匿。自應先期查拏。不任晁脫。所見周到之至。已有旨令韓文綺。密拏羈禁矣。現在天氣嚴寒。發去黑狐馬褂一件。交陳若霖祇領。將此諭令知之。○又諭長齡等。探明首逆確蹤。分飭截拏防堵。一摺。張格爾竄赴庫庫蘇地方。聞拏逃至阿坦台等處。意欲糾合各布魯特。再來搶喀什噶爾。並搶烏什卡倫。阿坦台等將張逆留住。又據奇里克愛曼布魯特。比薩底伯克等。願往托古斯托羅。設法擒拏。此等情節。俱不可盡信。惟該夷犬羊成性。難保不隨同附和。薩底伯克等。或以報信為名。探我虛實。均未可定。自應周密嚴防。長齡等賞給銀牌等物。諭令擒獻。並遣色布星額等。由彼確探。嚴諭阿坦台等。兼諭烏什布魯特。截拏所辦。俱是。達凌阿尚未行抵阿克蘇。即著折回。帶烏魯木齊官

兵四百五十名。並留防阿克蘇官兵五百名。赴烏什駐劄。並著移咨德英阿。遣協領前赴哈薩克。諭令阿布拉協力截擊。又另摺奏善後大概情形。所請喀什噶爾另建城垣。在迪南二十餘里之喀喇哈依地方。已於九月興工。並將逆產銀八萬三千六十兩撥用。俱著照所奏辦理。惟所稱英吉沙爾葉爾羌二處另築新城。建蓋兵房衙署情形。殊未明晰。著各該大臣勘定分別辦理。由長齡分晰具奏。

所請一切科派陋規。永遠革除。不准藉差攤派。譯寫簡明告示張貼。並著勒石以垂久遠。係必應查辦之事。至留兵一萬八千名。自係未經接奉前降諭旨。著俟長齡等覆奏到時。再行覈辦。再前此諭旨內。已爾楚克未准駐兵。惟查此地係葉爾羌前往阿克蘇要路。著長齡等酌量。是否應留弁兵駐守。據實具奏。所奏大河拐一帶屯田。及裁撤卡倫侍衛。改設綠營備弁兩條。著大學士軍機大臣會同

兵部議奏。所請口外田地不能科畝房屋俱係土築。難照內地造冊報部。著照所奏辦理。其新城東南建築土堡。駐劄伊犁滿兵。並將所占新城回子莊田。俟叛產撥還。並每戶賞給銀兩。以為遷移之資。俱著照所請行。前因四城辦事大臣俱經簡放。有人是以降旨令長齡回京供職。現在武隆阿患病開缺。所有一切善後事宜。應辦者甚多。長齡著暫緩來京。督同楊芳等悉心辦理。如已啟程。即行趕

緊折回。禮部新鑄喀什噶爾參贊大臣印信。著附便發去。長齡等轉飭該參贊祇領。將此由六百里加緊諭令知之。○喀什噶爾參贊大臣武隆阿因病乞解任。命即在喀什噶爾調理。賞庫車辦事大臣那彥寶副都統銜。為喀什噶爾參贊大臣。以和闐辦事大臣果良額署庫車辦事大臣。○丙午冬至祀

天於  
圜丘。

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○命皇長子奕緯祭

孝穆皇后陵寢○遣官祭

端慧皇太子園寢○停次日朝賀○詣

皇太后宮問安○命直隸總督那彥成來京以

刑部尚書明山署直隸總督協辦大學士理

藩院尚書富俊署刑部尚書○以都察院左

都御史那清安署正黃旗漢軍都統○戊申

諭內閣全善保奏因病驟難痊愈懇請開缺

一摺全善保人甚勤慎前在諳達任內宣力

有年是以加恩挑在御前侍衛上行走游擢

副都統護軍統領茲既因病奏請開缺所有

護軍統領佐領俱係專職必須專司得人方

於公事有裨即照所請准其將護軍統領佐

領開缺所遺護軍統領員缺已有旨另行補

放矣其佐領一缺應由該旗照例辦理至伊

所管正藍旗滿洲副都統著加恩不必開缺

俾在家安心調理俟病痊時再行銷假當差

○以故阿巴哈納爾扎薩克貝子棍布旺扎

勒子伊達木扎布扎魯特扎薩克多羅達爾

漢貝勒幹珠爾扎布子薩達爾各襲爵○以

正白旗滿洲副都統富蘭為正白旗護軍統

領正白旗漢軍副都統恆齡署正藍旗滿洲

副都統○以前任廣西右江鎮總兵官王樵

為山西太原鎮總兵官○己酉以江蘇勸修

吳淞劉河等處水利有效知府李景嶧等下



部議敘○濬江蘇吳淞江井亭渡至曹家渡  
工段並免完廢蕩田錢糧從大學士總督蔣  
攸銑請也○撫卹琉球國遭風難夷如例○  
庚戌給直隸總督那彥成欽差大臣關防馳  
往喀什噶爾會同揚威將軍大學士長齡籌  
辦善後事宜並命乾清門頭等侍衛舒倫保  
等隨往差委○命直隸布政使屠之申護理  
總督刑部尚書明山無庸往署以按察使戴  
宗沅署布政使清河道陶樑署按察使○辛

亥

上詣

皇太后宮問安○諭內閣蔣攸銑等奏已革河  
工通判呈請捐復原官一摺南河已革中河  
通判萬承紫前因承辦工程草率經該河督  
等奏參革職茲該督等復以該革員年力未  
衰在工素稱勤奮奏請捐復原官實屬先後  
矛盾若准其所請則辦公草率之員尚復何  
所儆畏所請將萬承紫捐復通判原官仍留

南河差委之處著不准行○又諭張井等奏  
移建中河廳鹽閘一摺中河廳屬舊設鹽閘  
蓄洩機宜甚關緊要近因黃水擡高清水為  
所頂托上游漲發跌成深塘有礙啓閉據該  
河督等奏請改建雙孔石閘一座並將閘下  
三合土舌俱改砌大石一律接長以資經久  
自應照議興辦惟摺內僅稱酌發銀兩購運  
料物並未聲明勘估銀數係撥何項給發殊  
屬含混此項閘工著該河督等將估需銀若

干於何項酌撥確實具奏並著勒限來年春  
融興工汛前完報仍責成淮海道隨時查催  
不准稍有草率延誤其應築束水隄工及臨  
河鉗口柴壩亦著一併估辦○諭軍機大臣  
等張井等奏此次用倒塘之法灌放回空軍  
船較上屆重運倒塘工用稍多俟分別覈准  
另行報銷等語本年回空軍船倒塘灌放因  
沙隨船進易致淤墊一切工用未免增多著  
該河督等即查明確數覈實報銷至來歲新

漕。現將蘇松等府州海運停止。全漕俱由河運。飭令早兌早開。於四月初十日以前。全數抵壩。屆期總當啓壩通行。不得仍恃倒壩灌放。前經降旨。令該河督等將攔黃埝以內清水塘河底增淤處所。大加挑挖。該河督等務當恪遵前旨。設法挑濬。總期一律格外加深。俾重運經臨。剋期啓壩通行。毋致一幫阻滯。儻恃有倒壩灌放之法。稍涉大意。致使臨時掣肘。朕惟該河督等是問。將此諭令知之。○

又諭。前據長齡等奏。西四城及阿克蘇烏什酌留滿漢官兵一萬八千名。著照所請行。內吉林勁旅留五百名。黑龍江勁旅留五百名。已降旨令哈琅阿。吉勒通阿。於所帶凱撤官兵內。挑選得力精銳。折回喀什噶爾。哈琅阿等行抵何處。即著楊遇春鄂山徐忻傳諭該二員。挑選勁兵。每員分帶五百名。折回喀什噶爾。聽候長齡等差遣委用。總兵成玉亦係帶兵得力大員。伊行抵何處。亦著楊遇春等

傳諭該鎮令其折回。聽候差委。將此由五百里各諭令知之。○旌表守正捐軀安徽亳州民楚大喜妻史氏。河南林縣民呂保林妻房氏。○壬子。諭內閣。當俊奏。來年冬季獎賞該班護軍。儻有不能弓開六力者。請旨毋庸給賞等語。每年冬季。特派大臣將紫禁城內外該班護軍校護軍等考驗給賞。原係由各門該班護軍校護軍內考其勤勞。分別獎賞。並非操演可比。來年欽派大臣等考驗時。若該

護軍校護軍等弓力過輟。自難濫予。如尚可觀。仍屬可行。總之騎射清語。為滿洲根本。俱應熟習。近年屢經降旨訓諭。乃護軍人等仍有弓力較輟者。總由該前鋒統領護軍統領等平日操演挑補。並不實心考驗。草率從事所致。著兩翼前鋒統領護軍統領等嗣後將所屬官兵技藝。務使操演悉臻精銳。如遇挑選前鋒護軍時。尤須秉公擇其弓力精強騎射嫻熟。通曉清語者挑取。毋許瞻徇情面。濫

以弓輅人劣者充補。○諭軍機大臣等。寄諭署陝甘總督陝西巡撫鄂山。昨因元惡未除。西四城尚須暫留官兵駐守。用壯聲威。已降旨酌留滿漢官兵一萬八千名。並派那彥成前往喀什噶爾。會辦善後事宜。現計軍營留兵尚多。應需糧餉。必當豫為籌備。前撥軍餉計運到大營者若干。起運在途者若干。此後應如何籌畫。務期源源接濟。勿致短絀。延誤為要。將此由五百里諭令知之。○賞八旗兵

丁一月錢糧。○癸丑。諭內閣。宗室碩海前因屢次犯案擬絞。緩決減流。復因捆拴官兵。照兇惡棍徒加拒捕罪。發黑龍江嚴加管束。年滿釋回盛京。茲復圖事後酬謝。因代人討保不遂。輒敢直入縣署。擊鼓鬧堂。辱罵職官。實屬怙惡不悛。碩海著併其家口。俱發往黑龍江。交該將軍嚴加管束。再敢滋事。即著該將軍鎖禁。向來宗室犯案。原不應率予板責。惟碩海本係屢經犯罪之人。此次肆鬧公堂。實

屬目無法紀。經該縣飭役板責。辱由自取。承德縣知縣保定著加恩免其議處。管理宗室營主事常威奇善失察。碩海擅入縣署滋事。俱著交部察議。○諭軍機大臣等。鄂山奏。籌畫暫留回疆防兵經費一摺。據稱此次軍需最後部撥銀一百萬兩。及陝省調撥銀三十萬兩。均已解到。前後共收銀一千一百十六萬五千兩。除解往烏魯木齊等處外。實解大營銀五百六萬兩。現存司庫銀八十一萬九

千餘兩。以備供支。凱兵過境。及各處找領之需。所解大營餉銀。接長齡來信。足資接濟等語。所奏均悉。惟現在因元惡未除。降旨暫留滿漢官兵共一萬八千名。明歲一年經費。斷斷不可支絀。鄂山此次覆奏經費。所稱歲需鹽菜銀十四萬二千二百兩。零口糧歲支白麵三百九十一萬三千二百斤。需小麥三萬六千二百三十三石零。係就八千名覈算。今又增兵一萬。鹽菜口糧。又需增至一倍有奇。

著鄂山督同該藩司顏伯燾再行覈算留兵一萬八千。明歲一年應需鹽菜口糧若干。除本省報撥銀二十餘萬兩。及由烏魯木齊等處運往並在各城採買糧石外。不敷若干。務須通盤籌畫。覈定章程。以期源源接濟。斷不可偶形短絀。以致臨時周章。一經議定。即速由驛奏聞。候朕降旨。將此由五百里諭令知之。尋奏官兵一萬八千名。計一年鹽菜銀及採備半年糧石。請敕部添撥銀一百萬兩。甘

肅撥銀二十萬兩。方足支應。下部速議。尋議甘肅藩庫可撥銀二十萬兩外。請於山西河南撥銀五十萬兩。其餘五十萬兩。隨後籌款撥解。從之。○旌表逼嫁捐軀河南魯山縣民趙遂妻魏氏。○甲寅

聖祖仁皇帝忌辰遣官祭

景陵○

上詣

壽皇殿行禮。○諭內閣給事中程德潤奏請飭

丁憂官員。遵例回籍守制一摺。我朝孝治天下。凡屬丁憂人員。非有重大事務。從不奪情起用。回籍到籍。俱有例限。遲逾逗留。悉干吏議。原欲求忠臣於孝子之門。俾為人後者。皆得廬墓祭掃。遂其烏鳥私情。若如該給事中

所奏。近日丁憂官員。多不回籍守制。每藉口營葬無資。向督撫大吏干謁求助。各省皆然。而有洋商鹽商地方尤甚。非授意屬吏。即勒派商人。紛至沓來。爭先恐後。實有關於人心風俗。更或於丁憂後投效河工軍營者。尤屬違例。均應一體查禁。著直省各督撫查明現在丁憂官員。無故不即回籍。逗留他省。俱著飭令回籍守制。有不遵功令者。即據實奏。儻相率徇隱。別經發覺。必當將該督撫一併交部嚴議示懲。以崇孝治而維風化。○除直隸易州水衝沙壓地九頃四十四畝有奇額賦。○乙卯

上詣

雍和宮行禮

大神廟拈香。○諭軍機大臣等。本日戴均元遞摺謝恩。朕披閱之餘。彌深廕注。著發去御書福字一方。壽字一方。珊瑚豆大荷包一對。小荷包四箇。俾迓新祺。以昭寵眷。戴均元接奉後。具摺謝恩。不必專遣家丁進京。即著交韓文綺奏事之便。代為齎遞。將此諭令知之。○又諭。前因各城辦事大臣。俱經簡放。是以降旨令長齡回京供職。旋因武隆阿患病。復降旨令長齡暫緩來京。如已起程。即趕緊折回喀什噶爾。並因長齡偶患脾瀉。復令那彥成作為欽差大臣。會同長齡辦理一切善後事宜。茲據長齡奏。四城雖復。眾志未定。該逆竄至托古斯托羅地方。難保不復萌故智。請暫留軍營督辦等語。所奏甚是。長齡著仍遵前旨。在喀什噶爾辦理一切。其揚威將軍印信。即著留彼鈐用。那彥成到彼尚需時日。其一切善後事宜。應辦即辦。不必等候。至張逆

現竄阿坦台汰。劣克愛曼。距烏什較近。前已降旨令達凌阿折回。赴烏什駐劄。會同多貴督兵嚴防。並著長齡移咨德英阿。遣協領前赴哈薩克阿布拉。諭令協力截擊。儻接據卡外探報。即速奏聞。將此由五百里諭令知之。○丙辰。諭內閣。英惠奏。停止糧運。並裁撤軍臺兵丁馬匹一摺。現在大兵凱撤。回疆各城就近可以採買糧石。烏魯木齊運出之糧。分貯阿克蘇庫車二城。足資接濟。著將各該處糧運即行停止。鎮迪道湯壽潛。魯番領隊大臣賡音岱。著於糧運完竣後。各回本任。至所設軍需局。報銷款目紛繁。查覈鉤稽。應須專員經理。著英惠遴派委員。將運過糧石數目以及運價。分晰車運駝運。分別准駁。據實開造。毋許稍有浮冒。其自烏魯木齊至吐魯番。哈密至喀喇沙爾。共十九臺。添設之馬匹兵丁。亦即全行裁撤。以節糜費。該部知道。○以土謝圖汗賽因諾顏孳生駝隻。均逾定額。喀

五

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百二十九

教修

上詣

皇太后宮問安○命喀什噶爾阿奇木伯克郡王阿布哩敦更名阿克拉依都○戊午諭內閣托津等議覆長齡等奏試墾大河拐屯田及裁撤卡倫侍衛改設綠營備弁一摺駐兵屯田自古備邊之良策現在回疆西四城雖經戡定而逆首仍竄逸稽誅尚須多留防兵豫籌糧餉據長齡等奏喀什噶爾大河拐一帶有空地一百餘里來春令原設回兵先行

試墾如有成效。陸續添設屯兵。以歲獲糧石。供支兵餉。惟所稱該處地勢較高。必須築壩引水。是否水源甚旺。足資灌溉。其下游回戶田畝。能否不虞阻遏。著那彥成於到彼後。再行詳勘籌辦。務期經久無弊。方為妥善。至所請減裁直省額兵糧餉馬乾。抵補留防兵餉。似尚可行。其回戶私墾田畝。約畧定賦。恐滋流弊。以上二節。並著那彥成體察情形。斟酌妥善。據實具奏。至額設守卡侍衛三十員。俱

由京營挑派前往。遠道更換。於回疆情形。俱未熟悉。所帶各卡兵丁。非所素轄。難資約束。尚係實情。著照所議。將額設侍衛悉行裁汰。即於留防官兵內。遞派得力員弁。分駐防守。並於大小卡倫。酌加兵額。以期周密。其應加兵若干。及如何分布巡防稽查弊竇之處。亦著那彥成妥為籌議。奏明辦理。○又諭奕額奏查明圍場情形。並參辦失察員弁。請更定私入圍場偷牲伐木條例一摺。盛京防禦烏

金保不遵該將軍曉示。輒雇倩碾手臺丁。隨圍捕牲。殊屬不合。著交部議處。大荒溝卡官驍騎校凌保。所管圍場內鹿隻甚稀。且有賊匪搭蓋窩棚。實屬疏玩。著即照溺職例革職。失察偷挖鹿窖之守卡官。非尋常疏防可比。著該將軍查明飭取各該員職名。送部分別嚴加議處。至私入圍場。舊例罪名太重。嗣因從輕改定。致奸匪毫無忌憚。著刑部將越邊私入圍場。漫山偷牲砍樹及刨挖鹿窖販賣

茸角各犯。應如何嚴定科條。悉心妥議具奏。尋議嗣後私入木蘭等處圍場及南苑偷竊菜蔬藥草野雞等項者。初犯枷號一箇月。再犯枷號兩箇月。三犯枷號三箇月。滿日各杖一百。若盜砍木植。偷打牲畜者。初犯杖一百。徒三年。再犯三犯及雖係初犯而偷竊木植至五百斤以上。牲畜至十隻以上。或身為財主雇倩多人者。改發極邊足四千里充軍。為從及偷竊未得者。各照為首及已得減一等。

販賣者又減一等。旗人銷除旗檔。照民人一體辦理。兵丁俱先插箭遊示。加一等治罪。受賄故縱者。與犯同罪。失察者杖一百。再犯折責革伍。該管員弁失於覺察者。交部議處。察哈爾及扎薩克旗下蒙古。私人圍場盜砍木植偷打牲畜。亦照此例辦理。蒙古人犯應擬徒罪者。照例折枷。應充軍者。發遣湖廣福建江西浙江江南文驛充當苦差。以上盜圍場人犯。均面刺盜圍場字樣。偷盜未得之犯。均

面刺私人圍場字樣。其每年有無賊犯偷入圍場之處。該總管於五月內。熱河亦於六月內。循例具奏。從之。○又諭。新疆各城辦理印房等處事務。章京向由在京各衙門保送。邊遠地方。關繫緊要。額設員缺。無多。必須年壯才明。方足以資助理。乃各衙門保送之員。往往以衰庸者塞責。昨日吏部以塔爾巴哈台章京員缺。將太僕寺等衙門所保之員外郎常斌等六員帶領引見。除清長一員已經簡

放外。其餘五員。察其年力才具。均難勝任。著即撤銷。不准復送。嗣後遇有新疆員缺。各該堂官務遴選年力富强。素能辦事者。咨送吏部帶領引見。不得任其濫竽充數。如該員果能辦事勤奮出力。年滿更換時。著該處辦事大臣據實保奏。回京之日。由該部帶領引見。量予鼓勵。儻不稱職。亦即隨時甄別。懲處。勿得姑容。貽誤。該部知道。○諭軍機大臣等。據奕顯等奏。奉天旗民私造私藏鳥槍。請予限

半年。令其赴官呈繳。覈給例價。勿使隱匿。其應備守禦鳥槍。報明地方官。發給執照。編號註冊。不准私造。所需收繳鳥槍例價銀兩。即由邊餘項下動支。覈實報銷。請飭吉林將軍一體遵辦等語。奉天所屬地方。近年流寓民人甚多。往往私藏鳥槍。越邊偷打牲畜。肆無忌憚。自應嚴行禁止。至各旗閒散壯丁。學習武備。是其本務。東三省近山居住旗人。向賴打牲為業。是以鳥槍一項。未經禁止。若因流



民偷打牲畜。併將旗人所藏鳥槍一概查繳。日久各旗丁壯必不能學習鳥槍。皆成無用。豈不因噎廢食。所關匪細。何念不及此。應如何酌定章程辦理之處。著奕訢博啟圖等會同妥議具奏。奏到再降諭旨。將此各諭令知之。○又諭奕訢奏查明圍場情形一摺。所奏詳明積弊。皆出可嘉之至。已明降諭旨。將失察員弁懲處。並飭刑部妥議。私入圍場。漫山罪犯科條矣。至圍場以南。前已查出鹿窖二百餘處。茲復在嵯石嶺以北。查出九百餘處。統計一千一百餘處。獲犯一百一十餘起之多。前任將軍可稱木偶。究竟起自何時。不難向現獲各犯切實嚴究。著奕訢等根訊明確。並查明歷任將軍在任月日。據實具奏。至原設卡倫。是否皆係要隘。該將軍於來年春融後。親往周歷查勘。應如何那改布置。悉心酌議。奏明辦理。其奉天圍場與吉林圍場毗連。奸徒趨利若鶩。積弊自亦難免。除另降諭旨。

令博啟圖一體拏禁外。著該將軍出示曉諭。申明例禁。毋得復罹法網。俾圍場漫山一律肅清。將此諭令知之。○又諭據奕訢奏。查明圍場積弊情形。歷次查出私挖鹿窖一千一百餘處。拏獲打牲砍木偷獵人犯一百一十餘起之多。廢弛已極。亟應嚴行飭禁。奉天圍場與吉林圍場毗連。創害偷牲等弊。恐亦不免。原設卡倫。是否稽察周密。有無此等弊竇。著博啟圖不動聲色。細加察訪。明年春融後。親往周歷履勘。如有前項弊端。即當查拏懲辦。據實具奏。勿稍徇隱。將此諭令知之。○已未。直隸布政使屠之申奏。謝護總督恩。得旨。幾輔重地。在在均關緊要。汝在直省有年。情形自是熟悉。毋苟且。毋自滿。用入行政。尤不可瞻徇舊日交游。致滋物議。如能清正持躬。公平率下。封疆鉅任。克稱厥職。何虞不承。恩眷也。否則朕惟執法從事。決不寬貸。慎勉而加以懍畏可也。毋忽。○庚申。

加以懍畏可也。毋忽。○庚申。

上詣

宣仁廟

疑和廟拈香○命欽差大臣那彥成子內閣學士容照隨往喀什噶爾差遣委用○賞隨往喀什噶爾侍衛舒倫保等銀兩有差○免江蘇宿遷縣駱馬湖灘地被水租錢○辛酉命嗣後黑龍江等處年滿釋回太監俱著當差三年無過再給加賞銀五錢著為例○命兵部尚書王宗誠工部尚書王引之戶部左

上詣

侍郎顧臯在紫禁城內騎馬○以都察院左都御史那清署鑲黃旗漢軍都統巴里坤領隊大臣霍忠武署鑲白旗漢軍副都統○命協辦大學士理藩院尚書富俊刑部左侍郎英瑞赴直隸易州審案○戶部議准江蘇巡撫陶澍疏報常熟縣新漲泥灘一項八十畝有奇丹徒縣沙潮山田埂岸二項一十七畝有奇照例升科從之○壬戌

皇太后宮問安○諭內閣昨據五城御史會奏

散放貧民錢文完竣朕召見摺內列名之東城御史寶璣南城御史但明倫俱未進內聽候當令軍機大臣查詢尚有東城御史汪琳南城御史安豐西城御史錢儀吉三員亦俱未到各衙門呈遞奏章凡摺內列銜之員理應進內祇候該御史等五人皆無故不到殊屬不合俱著交部議處○又諭孫爾準奏營員熟悉地方漕務情形懇准留浙補用一摺

浙江杭州城守營都司劉珮珩推升貴州提標遊擊應令赴任該督奏請留於浙省以升銜差遣委用與例不符且恐邊遠缺分易啓貴綠規避之漸所奏不准行○又諭陶澍奏查議徒陽運河挑辦章程一摺前據御史蔣泰培奏徒陽運河挑工向由於募友丁書滕混開銷及夫頭等訛詐吞蝕致挑濬不能如式易於停淤當飭該撫督同藩司熟籌妥議茲據查明積弊在所不免皆由承辦州縣正

值漕倉收兌之時。不能常川駐工查察所致。上年大挑運河。即將此弊革除。令該州縣自舉所知。詳明調派赴工代辦。頗為得力。著照所請。嗣後即照此辦理。責令承辦州縣於實缺及候補佐貳內。各舉廉幹之員。詳明赴工代辦。如查出夫頭有浮冒夫數。任令眾夫怠玩偷安。及在局丁書人役。婪索夫頭規費等弊。隨時送縣懲辦。務令將挑挖寬深丈尺一體標明。使無清混。仍責成該道府認真督察。工竣該撫親往驗收。總期積弊盡除。運行通暢。無得有名無實。○以故奉恩將軍永松子綿勳襲職。○癸亥。

上幸瀛臺。閱冰技。○命科爾沁扎薩克貝子濟克默特。在紫禁城內騎馬。○旌表守正捐軀甘肅張掖縣民姚印妻李氏。○戶部議准雲南巡撫伊里布疏報文山縣開墾地一十四畝。照例升科。從之。○甲子。諭內閣。南河奏報王營減壩工程清單。祇將工段丈尺動用銀

數籠統開繕。前經工部行令分晰確查奏報。該河督等以前奏清單。係照嘉慶年間兩次成案辦理。請免另繕。現據該部查明嘉慶一十六年舊案。均將各廳境內灘名地名劃分清楚。分別挑灘挑河。逐段列明。並未籠統覈計。此次挑河工段內有闕孟雨灘切灘處所。辦理錯誤。即應著賠。何得渾括於籠統丈尺之中。著該河督等即將各工分別廳汛河灘名目及起止段落。各歸各款。覈計需用

銀數另繕清單。並將闕孟雨灘工長寬深丈尺銀數。於單內分晰註明具奏。以憑稽覈。而杜牽混。○添備直隸永定河豫防稽料一百七十萬束。從護總督屠之申請也。○乙丑。諭內閣。本年屆應軍政之期。兵部將在京之步軍統領左右翼總兵護軍統領副都統鑾儀使內務府護軍統領在外之駐防將軍都統副都統領隊大臣提督總兵分晰開繕履歷清單進呈。朕詳加披閱。內步軍統領宗室者

著自簡任以來辦事尚屬認真伊有侍郎任內降二級留任一案著加恩開復烏魯不齊都統英惠自上年回部軍興辦理軍需糧餉妥速無誤前已降旨賞戴花翎交部優敘著再加恩交部議敘京口副都統穆珣阿著以原品休致應否給俸該部查例辦理涼州副都統烏爾卿額年力已衰著以原品休致賞給全俸江南狼山鎮總兵曹興邦著調補安徽壽春鎮總兵所遺狼山鎮總兵員缺即以馬國用對調餘著照舊供職其造冊遲延之總兵薛陞海凌阿姜長齡祝廷彪德克金布得志榮玉材劉瑞哈豐阿署總兵德克登額俱著交部照例議處其提督楊芳齊慎達凌阿署提督何占鼐總兵呂天俸史善載或暫留軍營或甫經凱撤遲延尚屬有因俱著免其議處○諭軍機大臣等朕閱兵部軍政冊福建汀州鎮總兵王威宣現年七十歲該鎮係世職由軍功洊升總兵現在年力是否尚

健於營伍是否尚能整飭著孫爾準查明據實覆奏汀州與江西廣東接壤巡緝私販最關緊要儻該鎮年力已衰不能周到即據實奏聞候朕另簡毋稍姑容將此諭令知之尋奏查該鎮王威宣雖年已七十而精神甚健步履如常辦事周到儻年力就衰斷不敢稍有姑容致滋貽誤報聞○護陝西巡撫徐所奏報吉林黑龍江頭二三起凱撤官兵過境日期得旨陝省距京不遠此等奏摺儘可由

驛馳遞何必亦用四百里識之○以護軍參領春升為京口副都統青州協領烏爾棍布為涼州副都統○裁貴州普安廳屬土守備平遠州屬土把總缺從巡撫嵩溥請也○旌表守正捐軀河南羅山縣民萬試德妻李氏盧氏縣民陳維新妻田氏○丙寅上詣壽康宮前殿行禮後殿問皇太后安○諭內閣御史寅德奏八旗營房有

坍塌未修及私行租賃之處著八旗管理營房都統副都統查明實有坍塌應修處所各部照例覈辦併飭該管章京嚴禁兵丁私行租賃違者從重懲治不貸○調京口副都統春升為江寧副都統江寧副都統岱林為京口副都統○以署阿克蘇阿奇木伯克愛瑪特捐給坐卡兵丁皮衣一千件賞頭等台吉○暫緩湖北荊州荊存荊右沔陽四衛被水屯田應扣借支庫銀○丁卯諭軍機大臣等前據舒英奏請祝官達桑阿等違于寬呈控司員冒開祭品剋扣錢糧一案已交富俊等前往審訊矣本日據繼崑奏本月二十一日禮部讀祝官達桑阿呈祥到宅言有要事面見當將字帖傳入封皮上寫繼封二字後寫達呈親手開折內有無名字帖二張係假捏繼崑與達桑阿等信即將達桑阿呈祥喚入據稱是日早晨家中使女拾得看此筆跡髻髻認得請即在本營內追究等語匿名揭帖

律有專條假作匿名字帖誣賴上司尤為刁詐富俊等接奉此旨即明查暗訪嚴拏寫揭帖人務獲比對筆跡歸案嚴審從重懲辦母枉母縱將此諭令知之○戊辰以服闋總兵官馬驥為廣東高州鎮總兵官○己巳上詣大高殿行禮時應宮拈香○辛北海閱冰技○諭內閣奕顥等奏拏獲私木無庸招商變價一摺盛京鳳凰城所屬邊門以外每年拏獲奸匪偷砍偷運官山樹木前經降旨不准擅行變賣茲據奏稱奉天地方奸商認領入官木植從中影射冀圖厚利且官為招商變價該匪復假冒商人出名呈領藉此夾帶偷運詭計多端必應嚴行禁絕除已往免究外著自本年為始嗣後如再查獲私木仍遵前旨不准招商變價任其在山存放該將軍等嚴飭邊卡員弁及地方官實力查禁儻稍懈弛即行叅辦

並密派妥員不時前往緝拿淨盡。至上年奏准變價木植。俟來春河開時派員押催該商速為運售。如有影射夾帶情弊。嚴行究辦。○旌表守正捐軀直隸完縣民婦趙王氏女趙氏。○貸江寧京口八旗兵丁一年錢糧。修理官房。○以回疆凱撤官兵過境。免奉天遼陽復義岫巖海城蓋平寧海七廳州縣地丁銀十分之四。○庚午諭內閣。英和奏熱河都統衙門事務較繁。向於辦事理藩院刑部司員外酌派參領佐領一二員幫辦。並非奏案。亦無定額。現復新定章程。旗民案件。均歸都統衙門審辦。該參領佐領等駐防年久。跡涉嫌疑。委令聽斷。易滋物議。惟案牘較前加繁數倍。請派刑部主事一員前往等語。著照所請。除向例應派實缺司員外。再於刑部候補主事內揀派熟悉刑名者一員前往幫辦。不可以無能者充數。如果始終奮勉。三年期滿。由該都統出具切實考語。送部引見。量予補缺。

以示鼓勵。所有舊委刑司兼行之參領佐領等。即行裁汰。其向設筆帖式二員。專令繕清譯漢。不准干預案件。該部知道。○又諭琦善奏東省舊案交代依限完結一摺。山東各州縣倉庫舊案交代。造報遲延。據該撫查明皆由盤造年款互相牽涉所致。前經護撫賀長齡奏准將勒限算結之三百十三起各州縣等處分擬予免議。此外歷年咨結舊案。經部查取造報遲延職名。尚有二百九十五起。該州縣等因咨結在前。致干吏議。第事閱多年。款目糾纏。自係實在情形。著一併加恩寬免。嗣後新案交代著該撫督同藩司責成。府州照例限詳咨。儘再遲逾立即嚴參懲辦。無得輒請邀免也。○諭軍機大臣等。本日據那彥成奏。回至保定交代事畢。二十四日起程前進西陲道里遙遠。即趨程前往。總須三月內方抵喀什噶爾。善後事宜必當趁春融辦理。那彥成於途次酌量可以趨程之處。即加緊

進發。早到一日。可早一日就理。前據長齡等奏請斷絕各外夷貿易。並嚴禁大黃茶葉出卡。該夷等或可將張逆擒獻。亟須嚴防各處卡倫。及開齊小路。以免偷漏等語。大黃茶葉係該夷必需之物。果能嚴行禁絕。俾外夷無以資生。藉擒獻張格爾。為求通貿易地步。固屬甚善。僕陽奉陰違。或奸販偷漏。或兵丁賣放。致為外夷所竊笑。轉屬不成事體。那彥成到彼體察情形。嚴定章程辦理。務須實力稽查。不可有名無實。再上年張逆入卡勾結煽亂。各城回子從逆者固多。然其中能知大義。不甘從賊被害。及自行殉節。如和闐阿渾穆圖。已拉父子者。當不乏人。必應查明卹賞。以勵恭順。此外死事官兵跟役。有隨伊主死難者。其抗志捐軀。同堪矜憫。前經降旨令長齡等詳查四城被害糧員侍衛官弁兵丁及效力廢員。分別奏咨辦理。嗣祇據籠統奏及。曾否按名分晰造冊咨部。未據續行奏明。又上

年逆裔將喀什噶爾滿城攻破。被擄官兵三百餘人。盡將髮辮翦去。內有西寧馬兵閏義額魯特兵丁巴蘭二名。曾經該逆釋回。送信其餘擄去官兵。有無下落。克城後。曾否查明。著那彥成到彼詳查。據實具奏。並將各城小回子中有不甘從逆遇害。及捐軀自盡者。查明奏請。加以恩卹。其被害糧員侍衛官弁兵丁效力廢員。及伊等跟役。同時死難者。亦即詳查奏明。給予卹賞。以慰忠魂。該督到喀什噶爾。會同楊芳辦理善後事宜。遇有應奏事件。當聯銜具奏。以上皆面諭。未盡之言。特諭令知之。○刑部議奏。安徽亳州民人孫斗。因瘋砍傷伊父孫克用。貽購傷痊後。因病身死一案。律擬斬決。應否量予末減。得旨。孫斗著改為斬監候。嗣後如有似此案情。各該省仍應照例具題。毋庸專摺具奏。○辛未上詣皇太后宮問安。○諭內閣。御史汪琳奏。各省武

職衙門僕役。濫支兵餉。請嚴行禁革。一摺。養兵所以衛民。自應實力操防。不容冒濫。如該御史所奏。近日各省自提鎮以至將弁。往往將署中役使之。人挂名營伍。支領錢糧。寬其校閱。專供驅使。甚或以一身兼兩役。名為雙分錢糧。每值差操。多有貼錢代班。情弊於軍政大有關係。不可不嚴行禁止。著通諭各省提鎮轉飭所屬將弁。嗣後不得將役使之。人挂名營伍。濫占名糧。其現在支領錢糧者。務擇年壯技優之人。方准入伍。俾令專守汛地。加意操防。如老弱不堪訓練。立即革退。另募母許更名復充。以實兵額。而肅營伍。○又諭御史姜梅奏。請嚴追各省款項。按限清完。一摺。各直省應追款項。除專案勒追外。俱覈計銀數多寡。予限半年至十餘年不等。近來完繳寥寥。總由承追衙門。不肯按限嚴追。以致習久視為固然。如該御史所奏。本任不繳。該諸分賠上司。本身不繳。該諸代賠子孫。有官

者以廉俸扣抵。塞責目前。無官者以家產呈明。希圖豁免。殊非慎重帑項之道。嗣後各直省督撫。務須澈發天良。破除情面。督率各州縣。遇有承追各款。實力嚴追。屆限不完。即行參辦。毋稍玩延。干咎。○以江南米價較昂。緩買蘇州。松江。常州。鎮江。太倉。各幫。丁行月等米。

大清宣宗效天符運立中體正至文聖武智勇仁慈儉勤孝敏成皇帝實錄卷之一百三十



大清宣宗效天符運立中體正至文聖武智勇  
仁慈儉勤孝敏成皇帝實錄卷之一百三十一

皇太后聖訓 宣宗成皇帝實錄卷之一百三十一

天符運立中體正至文聖武智勇

仁慈儉勤孝敏成皇帝實錄卷之一百三十一

宣宗成皇帝實錄卷之一百三十一

宣宗成皇帝實錄卷之一百三十一

戰修

道光七年丁亥十二月壬申朔

上詣

大高殿行禮○諭內閣吏部具題山東省大計  
卓異本內新城縣知縣容昌一員該護撫賀  
長齡原註悃愾慈祥考語為政之道貴在勸  
懲得中若曲徇輿情概從寬厚勢必至水懦  
民玩姑息養奸地方官職司民牧總須審於  
寬猛相濟之理遇事知所操縱豈因一意慈  
祥遽爾列為上考直省督撫當於屬吏中體  
用兼備熟明治理者登之薦牘固不可任武

健嚴酷之吏為害閭閻亦不可長選悞優柔  
之習稍形廢弛特通諭各督撫等知之○禮  
部奏明年元旦應行禮儀得旨是照例行禮  
奉

皇太后懿旨停止筵宴其在外福晉命婦進內  
行禮之處並著停止○以上年承辦吐魯番  
糧運出力賞署扎薩克印務圖薩拉克齊拜  
咱特扎奇魯克齊愛吉巴海花翎蘇捫章京  
愛依特巴海等藍翎餘議敘欽升賞有差○旌

表逼嫁捐軀河南浙川縣民白文斗妻王氏  
○癸酉諭軍機大臣等武隆阿奏密陳善後  
情形必須變通一摺朕詳加披閱所奏不為  
無見已令那彥成於馳抵喀什噶爾後會同  
熟籌妥議具奏矣武隆阿前因患病准其開  
缺調理茲據奏請假後上緊服藥舌強稍覺  
輕減臂腿仍未見愈著即趕緊醫治如日漸  
痊愈即行據實附便奏聞將此附報便諭令  
知之○命喀什噶爾幫辦大臣誠端回京○

甲戌諭軍機大臣等本日另降清字諭旨將彥德補放烏里雅蘇台將軍那彥寶調補塔爾巴哈台參贊大臣飭令即赴新任所遺喀什噶爾參贊大臣員缺著長齡察看武隆阿病勢如已將次就痊即傳旨仍令接印任事儻尚未能痊癒即著長齡暫行兼署以便那彥寶交卸速赴新任將此由五百里諭令知之○總管內務府大臣等奏昇平署總管太監祿喜等一案審明定擬得旨祿喜既係昇

平署總管自當秉公約束乃一味信用曹進保以致眾懷向隅且延致民人進署教讀實屬膽大妄為經禧恩等議將祿喜革去總管作為本處太監實屬咎所應得著加恩作為八品官職仍留本署總管其歸入旗籍之處即行逐去著內務府查明伊弟姪有在旗籍者一併銷除祿喜自應倍加謹慎教演眾太監用心當差以贖前愆儻該署稍滋事端不能管束必將祿喜從重治罪陳進朝不知安

分膽敢逞刁分辯此風斷不可長著照議加號一箇月重責三十板仍交本處當差曹進保以首領太監平日借總管聲勢欺壓同伴朕素所深悉此次與陳進朝口角激成事端皆曹進保架辭聳聽復帶伊姪進署又代祿喜之姪延致民人教讀種種藐法營私甚屬可惡照議枷號四十日重責四十板滿日交進撥下賤當差以示懲儆○刑部奏審擬山東巡撫解京之假充王府差官富恭一案得

旨此案富恭以內務府幼丁假捏克昇額之名詐充王府差官向東阿縣恐嚇免派差徭並究出該犯甘充長隨沿途撞騙未成實屬卑污藐玩著即銷除旗檔枷號一箇月滿日發往新疆充當苦差已革王府包衣達春瑞聽從李祥等賄囑欲行告假出京面為請託又恐請假未遂慫恿富恭假冒差官前往刑部擬以杖一百徒三年著不准照例折枷鞭責即行定地充徒到配折責拘役悖郡王綿

惲。失察該府弁役滋事。著交宗人府察議。東阿縣知縣李賢書究出假冒情由。拏獲詳辦。尚屬能事。著交部議敘。尋議惲郡王綿懌應照私罪例罰王俸三箇月。無庸抵銷。得旨著加恩准其抵銷。○命嗣後新疆地方遇有懷挾私讐殺害本管官之案。俱著於審明定擬後請旨即行正法。○命烏里雅蘇台將軍格布舍來京。○乙亥。

上幸瀛臺。閱冰技。○命庫倫辦事大臣喀爾喀

扎薩克貝子倫布多爾濟在紫禁城內騎馬。

○修浙江東塘坦水盤頭各工。從署巡撫劉

彬士請也。○丙子。

上詣

皇太后宮問安。○諭內閣。此次軍需動撥銀一

千一百一十六萬餘兩。統由蘭州轉運肅州。

由肅州分撥口外各糧臺應用。是甘肅蘭州

總局為軍需總匯之所。自應統歸省局彙造

報銷。惟內有分撥各處備用者。有先行墊用

續經還款者。必須逐一劃清。方免膠轕。至口糧一項。多動用本處倉糧。著照戶部所議。由蘭州肅州兩局支撥者。統歸總局報銷。由該將軍都統大臣等動支本處銀糧者。即令自行咨部覈銷。○又諭英和奏補挑園場兵丁。應否賞給隨缺地畝一摺。從前由京添駐兵丁五百二十名。除月給錢糧外。並賞給隨缺地畝。今新挑兵丁八十名。一體當差。設無隨缺地畝。不足以昭平允。著照所奏。於園場一

帶納林錫爾哈等處屯田附近荒地開墾八十頃。賞給每人各一頃。作為隨缺地畝。惟納林錫爾哈等處園場一帶。距喀喇沁翁牛特兩旗較近。著英和嚴諭承辦官員等。此項荒田。不惟有礙園場地方。毋得再行開墾。即喀喇沁等蒙古游牧處所。亦毋許侵占。○諭軍機大臣等。長齡等奏卡外稟報張逆近日情形。及現在籌辦一摺。張逆聞大兵陸續撤回。膽敢分遣回子。向各愛曼借兵借糧。意欲仍

來搶占喀什噶爾。可見狼子野心。雖竄敗游魂。仍敢覘我虛實。該將軍前此虛延日月。一無措置。豈未慮及此耶。阿坦台等稟稱張逆跟隨二百餘人。不敢下手。現在給伊搬至伊里斯滿底處。再來稟知。前往掩拏。顯藉投稟為名。打聽官兵數目。該將軍面加諭斥。並譯發回字諭帖。尚為得體。前已降旨留兵一萬八千名。並令那彥成為欽差大臣。趙程前來會辦一切。該將軍即照所留兵數。分派駐劄。

要隘。星羅密布。嚴密防範。斷不可輕率出卡。致有疏虞。所有善後事宜。應辦即辦。不必等候。那彥成到彼致稽時日。將此由五百里諭知長齡楊芳並諭武隆阿蘇清阿知之。○以副都統銜前鋒參領塔斯哈為鑲紅旗蒙古副都統。○以科布多屯田豐收。予員弁議敘。賞兵丁一月鹽菜銀。○賞賚回疆凱撤吉林官兵。○命刑部將緩決三次以上人犯。減等發落。○丁丑。

孝惠章皇后忌辰遣官祭

孝東陵。○諭內閣嵩孚等奏。勘估王家營隄工。應需經費銀兩。請借項修辦一摺。湖北王家營應辦隄河各工。前經派令陳若霖等前往勘明。降旨交嵩孚駐工督辦。茲據奏勘估修辦京山鍾祥二縣隄。並挑河切灘砌築攔水護隄各壩。實需經費銀十八萬八千三百六十四兩零。惟該處積年被淹。按糧派修。民力實有未逮。又築攔水柴壩。例不報銷。應由

督撫司道及安陸漢陽德安三府捐廉辦理。一時亦未能扣收。自係實在情形。著照所請。准將所留貴州鉛價銀十萬兩。並於司庫籌動商捐隄河生息穀價各款銀八萬八千三百六十四兩零。先行借支應用。除各官應捐養廉銀二萬六百四十三兩零。分作兩年扣還。其餘借動銀十六萬七千七百二十兩零。即在受益之鍾祥京山天門潛江應城漢川各縣業戶名下。自道光八年秋後起。分作八

年攤徵歸款以紓民力。該督現已赴工。著即嚴督承辦各員。分頭趕辦。務於年內一律完竣。如查有草率偷減。立即嚴叅懲辦。照例保固十年。仍照該省舊規報銷。毋許滋弊。其前署京山縣另案叅革知縣方椿森。應賠銀二萬六十一兩零。即著嚴追歸款。該部知道。○諭軍機大臣等。本日據兵部奏十二月初一日。接遞揚威將軍等限行五百里軍報。傳牌內註有附報黃布公文口袋一箇。繳部火票木匣一箇。部中僅收公文口袋短少火票木匣。查咨文內開。木匣所貯係自上年七月至本年十月應繳兵部火票九十九張。復查傳牌上有庫車底臺黏貼紅籤。註寫十一月十二日接收時。並無火票木匣字樣。未經註明何站遺失。傳牌黏單係自哈密境內始行填註日時等語。軍營文報全以部中火票為往來查覈憑據。若任其沿途遺失。則文報遲誤舛錯。無從查考。現據庫車底臺黏籤並未接

收木匣。顯係庫車以西沿途遺失。何以該臺員弁僅於傳牌籤註其該管大臣曾否飭查。上站各臺並未聲敘。殊屬含混。著長齡轉飭庫車辦事大臣詳查此項木匣。究於何站遺失。照例辦理。並著傳諭各城大臣通飭臺站員弁。凡軍營往來文報務須隨到隨查。於牌票內逐站登註。儻有遺漏物件。隨時查辦。以重軍務。將此諭令知之。尋奏遵查繳部火票木匣。係馬夫焦自銘背負行至新地莊軍臺馬匹滑倒受傷。致將木匣落後。尚非有意稽留。請免其治罪。惟外委吳連貴未經稟報。當即責懲報聞。○修福建龍溪南靖二縣被水衝塌河隄。從總督孫爾準請也。○戊寅。諭內閣工部奏查勘堂子外圍護牆。係道光元年賠修之工。今又坍塌七十餘丈。未逾保固期限。著責成原修之員賠修。其東南西三面牆頂坍塌牆身臟閃。著俟明歲春融一律修築整齊。其牆垣前後

俱係車路附近居民易滋踐踏拆損著步軍統領嚴諭該管官督率兵丁實力巡查以昭慎重○又諭孫爾準奏提督以汎弁私離職守咨請斥革查訊該弁等齊口呼冤請飭交浙江巡撫就近查辦一摺此案把總李世祿等是否汎守空虛抑該提督蕭福祿有意苛求現據查訊情節與該提督原告不符並經李世祿供出蕭福祿家丁李文全與千總李繩淦赴汎雇船之事必須徹底究明以成信

讞著劉彬士就近親提人證秉公研鞠務得確情據實奏明辦理○刑部奏御史吳其泰奏奏候選道員曹堃與伊叔曹六典挾優醉斃一案審明定擬得旨此案候選知縣曹六典以職官挾優飲酒有乖行止復於優人醉斃後賄囑官人隱匿不報希圖掩飾尤為荒謬著即革職發往軍臺效力贖罪曹堃以候選道員不知檢束狎比優伶實屬有玷官箴著即革職以示懲儆○以貴州永安協副將

富森泰為山東兗州鎮總兵官○以留辦萬年吉地工程出力予奉宸苑員外郎英誠等升敘有差○已卯

上辛瀛臺閱冰技○諭軍機大臣等楊遇春奏長齡前請留滿漢官兵一萬八千名業將吉林黑龍江勁旅各挑精銳五百名留吉勒通阿阿勒罕保二員管領足備調遣哈琅阿請仍令管帶吉林官兵回京登州鎮總兵成玉亦請管領山東官兵凱旋等語哈琅阿前已

自河南開鄉途次折回大營應無庸議成玉計已將次入關大營現無該鎮可帶之兵並有以總兵即補之副將胡超郭繼昌二員足資差遣成玉著即回登州鎮本任無庸折回再據楊遇春奏烏什留防烏魯木齊馬隊五百名頗形輟弱著長齡等於應撤步隊內挑選精銳改留五百名仍湊足一萬八千名之數以節帑項而收實用將此由四百里諭知長齡那彥成並諭楊遇春知之○賞喀喇沁

扎薩克親王銜都楞郡王滿珠巴咱爾子二等塔布囊布彥圖花翎在乾清門行走○庚辰加賞擒獲賊目吉林協領富爾松阿緞匹○旌表守正捐軀廣東南海縣民羅祥可妻簡氏○辛巳

上詣

皇太后宮問安○諭內閣富俊等奏審擬達桑阿等呈控喀勒沖阿剋扣錢糧一摺此案已革讀祝官達桑阿呈祥控告蔡宣侵用豆草

變價併計贓在一千兩以上現在審明止侵用京錢三百十千零已屬誣輕為重復於互控後聞奕奎等欲行叅辦遂假捏繼岷書信赴繼岷私宅面遞欲探聽央求顯係有心挾制達桑阿著發往烏魯木齊呈祥著發往伊犁效力贖罪已革主事喀勒沖阿冒領口分私自侵用錢文且承辦園務倒斃牛隻過多著發往軍臺效力贖罪郎中德雲員外郎額林佈伊涅阿於喀勒沖阿侵用口分不行理

阻額林佈復將公項致送分資德雲伊涅阿著交部議處額林佈著交部嚴加議處主事瑞麟冒認無主旗地又在營房演戲狎優有玷官箴亦著交部嚴加議處奕奎繼岷武忠額於喀勒沖阿等互稟各案未經叅辦率准兩造撤稟疲輟已極著交宗人府會同該部議處尋議武忠額奕奎繼岷均照徇庇例降三級調用奕奎繼岷各罰世職公俸九半年德雲伊涅阿照徇情隱匿例額林佈照不應

重例均降三級調用瑞麟照違制例革職得旨武忠額著加恩改為降三級留任降為三品頂帶奕奎繼岷改為各罰世職公俸六半年○諭軍機大臣等有人叅奏江蘇著名劣幕平二愚即平衡前於嘉慶年間在兩江督署婪賄招搖被叅驅逐嗣又在兩淮鹽政幕中營私舞弊經前督臣孫玉庭押逐回籍近年復在叅商黃濬泰家辦理商務交通當事前鹽政曾煥為其所惑致驕務毫無整頓上

年張青選到任後。又加信任。所有引銷事宜。及一切奏摺。俱係該劣幕在黃濬泰家主辦。總商等聽其指揮。每年幫送萬金。復遇事婪索。前後所得款私。不可計數。伊姪平翰。以佐雜候補。不數年。洊升知縣。伊子亦援例報捐。等語。各直省衙門。延致幕友。幫辦文案。原不許擅自出入。致滋弊竇。該劣幕平二。愚即平衡。若係鹽政幕賓。衙署例有關防。不應在外居住。仍代商人辦事。若係商夥。又何得與鹽

政往來。干預章奏事件。兩淮饒務。日形敝壞。或竟由若輩欺朦。把持所致。不可不嚴行查禁。著蔣攸銑等。將所參情節。嚴密訪查。如實有在外干預鹽政事務。欺朦婪索情弊。即一面將家產嚴密查抄。不准任其寄頓隱匿。一面從重定擬具奏。將此諭知蔣攸銑。並傳諭福珠隆阿知之。○又諭德英阿等。覆奏察勘道路情形一摺。所奏甚是。將軍等出卡巡查。自應酌帶兵力。惟現在張逆潛逃。附近各地

方。未免人心惶惑。若因履勘道路。帶兵遠出。駭人聞聽。致外夷妄生疑懼。所關匪細。況自伊犁之格根卡倫至那林橋。一千數百餘里。經過生熟布魯特遊牧。始達喀什噶爾地界。必須裹糧三月。中間並無更換歇乏接濟之處。軍行實多不便。此路竟可無庸置議。其冰嶺迤西。可通烏什之路。既據查明。亦係布魯特遊牧久經封閉。已派員前往踏勘。俟奏到時。再降諭旨。朕意冰嶺路雖險峻。近年往來

絡繹。已與大路無殊。將來設有緩急。自應仍由冰嶺一路為是。特兵貴神速。必須豫籌便捷之法。斷不可如上年祥雲保等援兵過於濡滯。以致緩不濟急。乃於軍務有益。至另片奏據哈薩克公阿布拉稟稱。今年秋收後。有霍罕伯克帶人在皮斯格克築城。寄信哈薩克。前去遊牧。伊並未允從。且願拏獻張格爾。差伊弟台吉伊賴里與將軍遞馬情詞恭順。出於至誠。殊屬可嘉。該將軍等面加獎勵。甚



為得體現發去敕諭一遵並頒賞內府物件德英阿等接奉後著於二三月派員巡邊之便齎往頒給並面諭阿布拉等大皇帝因爾不為霍罕所惑特頒賞件爾務在卡倫外督同部落人等安居樂業斷不可被外人引誘遷移致受盤剝自貽後悔並須設法嚴緝張格爾以膺重賞至霍罕築城一節雖係布魯特地方但距伊犁喀什噶爾均不甚遠亦應密加訪查以期邊圉有備無患將此由四百

里諭令知之○敕諭哈薩克公阿布拉據伊犁將軍德英阿等奏接據揚威將軍大學士長齡咨稱探明張格爾要由布魯特哈薩克路徑逃往布噶爾之信即發諭帖給阿布拉務將張格爾圍住以便官兵督同拏獲據阿布拉稟稱今年秋收後有霍罕伯克帶人在皮斯格克築城寄信哈薩克前去邀救並未允從情願拏獻張逆特差台吉伊賴里與將軍遞馬等語情詞恭順具見悃誠自爾祖父

投誠天朝世篤忠貞甚為出力朕所深悉爾游牧地方距霍罕甚近霍罕帶人在皮斯格克築城爾能深明大義不肯前往朕甚嘉焉茲頒賞蟒袍一襲大緞四匹用昭優渥霍罕狡譎性成恐此後仍不免多方引誘爾須持以定見不為所愚庶不致受其盤剝自貽後悔爾當督同部落人等安居樂業不可輕易更動儻張格爾竄至附近地方爾能偵獲縛送伊犁朕必照賞格賞爾元寶二千錠晉封

爾以王爵永承恩眷延及子孫爾既受茲寵錫益當感恩出力永為天朝屏翰仰副朕撫遠綏來至意○命喀爾喀扎薩克貝子倫布多爾濟子二等台吉德木楚克多爾濟在乾清門行走○賞賚回疆凱撤黑龍江官兵○壬午廣東陸路提督何君佐因病解任調貴州提督劉榮慶為廣東陸路提督以四川重慶鎮總兵官余步雲為貴州提督甘肅永昌協副將胡超為重慶鎮總兵官○緩徵江蘇

上元。江寧江浦六合蕭句容山陽安東海阜寧清河桃源鹽城高郵泰東臺江都甘泉儀徵興化寶應銅山邳宿遷沛睢寧沭陽二十七州縣及淮安大河揚州徐州四衛水災節年舊欠額賦。○癸未旌表守正捐軀江蘇宿遷縣民趙榮近妻焦氏。○甲申。

上御乾清門聽政。○諭內閣英惠現丁母憂。自應令其來京守制。惟伊承辦軍需事件。尚未完竣。著在任所穿孝。○刑部奏四川民人謝

成貴以審結之案。又復來京翻控。請解回原省。交成都將軍就近研鞫。得旨謝成貴以京控發交該督審結之案。又復來京翻控。是否實有冤枉。抑係架詞。鞫聽著交瑚松額督同署臬司吉恆親提人證卷宗。秉公審鞫。務得確情。如究明伊父實係被人毆斃。裝點墮巖情節。該員等輒將屍屬刑拷逼具悔結。即應嚴叅究辦。毋稍徇縱。儻所控虛誣。亦應按律嚴懲。以儆刁頑。原告謝成貴著該部照例解

往備質。尋奏訊得謝成貴之父謝友益。委係

跌傷身死。並非張先林毆斃。先經呈遞妄控

悔狀。乃復被唆翻控。應依律擬杖流下部議

從之。○予回疆陣亡守備李吉昌。把總李如

會。外委甘倬。曹喜。焦士賢。祭葬世職。奉差淹

斃。外委王鴻禧。軍營病故驍騎校隆慶。和圖

汪。及兵勇六十八名。分別賞卹如例。○修皇

城內外一帶牆基。及各門內外城牆。並橋座

泊岸等工。從步軍統領著英等請也。○丙戌。

哈密辦事大臣恩銘等奏。請將哈密凱撤官

兵。換留乏馬。歸入備撥廠內。常川牧放。遇有

各軍臺及營中差操兩項馬匹倒斃。隨時彌

補。用竣再向巴里坤調取報可。○丁亥。

上詣

皇太后宮問安。○諭內閣奕訢奏。窯柴官甸曠

閒處所。請賞給眾丁墾種一摺。盛京城西鑲

藍旗界內。舊有賞給窯柴官甸一處。採取柴

薪。燒造甎瓦等項。近年因所產柳柴不敷。應

用眾丁出資自行採買。又兼供應各項差使。丁力殊形拮据。著照所請。准其援照成案。將溝河沙灘。不堪耕種處所。酌留滋養柳條蒿。莖其餘曠間荒甸。賞給窮苦千丁開墾耕種。以資生計。○又諭奕額等奏審擬偷打鹿茸各犯。及受賄故縱之官弁一摺。此案已革主事德銀。將偷打鹿茸之犯施泳富鎖拏。輒敢受賄故縱。佐領那丹珠總巡卡倫查拏賊匪。是其專責。竟敢得贓縱令打鹿。厥罪惟鈞。那

丹珠著革職。同已革主事德銀俱在犯事地方加枷號一箇月。滿日發往新疆充當苦差。前任邊門章京驍騎校達克精阿現任邊門章京阿爾精阿俱著革職。卡官驍騎校巴力布恩騎尉吉慶俱著交部察議。金州城守尉宗室福敬統巡卡倫起獲鹿茸。輒獎賞領催兵等。亦屬不合。著交部議處。並著追價入官。佐領塔爾什布將首犯迅獲。佐領記名驍騎校吉勒他璉驍騎校格圖肯將要犯緝獲。根

究破案俱著交部議敘以示鼓勵。○又諭博啓圖奏辦理移駐京旗事宜。及修工砍木各員分別勸懲一摺。雙城堡移駐京旗每年修葺房二百所。採買牛條器具均照奏定章程。派員承辦。據該將軍查明道光八年移駐京旗二十七戶。應給房間及耕牛農器籽種口糧等項。業經備辦。現餘蓋成房二百五十所。足敷九年移駐各戶居住存積房木計足蓋房五百餘所。所有十年應蓋房間著俟來年

察看移駐戶數酌量辦理。至八年分房間工程修辦完竣。承修之協領明泰富通阿佐領德盛等八員俱著交部議敘。其上年欠交房木本年應交房木各員該將軍業將已未完數目造冊報部。著分別覈議以示勸懲。○以故三等靖海侯施斌子得霖三等子兼三等男沙金達賚弟諾們達賚三等子額勒精額子揚桑阿一等男加一雲騎尉七十一子扎拉豐阿一等男全泰嗣子廣順三等男伊克

唐阿子舒祥休致三等男圖繕子富昌各襲爵○實授吉恆四川按察使○命江西南贛鎮總兵官楊超鎮來京引見以江寧城守協副將張佑溪為南贛鎮總兵官○古城領隊大臣蘇明阿因病解任以古城協領多隆武署領隊大臣○以烏魯木齊屯田豐收予員弁議敘賞兵丁一月鹽菜銀○舉行本年軍政京營卓異官三員有疾官一員直隸督標卓異官七員才力不及官一員江南河營有

疾官一員漕標卓異官十一員年老官三員有疾官三員才力不及官一員浙江卓異官九員罷輟官一員年老官四員才力不及官二員福建卓異官十一員不謹官一員罷輟官四員年老官五員有疾官四員才力不及官一員湖北卓異官四員年老官一員才力不及官二員湖南卓異官五員不謹官一員年老官三員才力不及官一員山西卓異官六員罷輟官一員年老官三員浮躁官一員

河南卓異官三員年老官一員才力不及官一員河南河營卓異官二員年老官一員四川卓異官七員罷輟官一員年老官一員有疾官三員才力不及官二員廣東卓異官五員罷輟官二員年老官三員有疾官二員廣西卓異官二員不謹官一員罷輟官二員年老官一員雲南卓異官四員罷輟官一員年老官一員有疾官一員才力不及官一員貴州卓異官六員不謹官一員年老官二員有

疾官一員分別議敘處分如例○以山海關駐防軍政年逾六十官五員精力未衰命留任○旌表守正捐軀陝西雒南縣民馬希漢妻張氏○濬江蘇安東縣境內淤河從大學士總督蔣攸銛等請也○戊子以故一等子書勳子瑞文二等子烏勒德恩子莫德哩二等男明德兄瑞麟休致一等男慶福子阿爾精阿各襲爵○以賽因諾顏扎薩克親王車林多爾濟為烏里雅蘇台參贊大臣○予故

陝西洛川縣知縣石養源廣東普寧縣知縣藍鼎元博羅縣知縣路三錫入祀名宦祠直隸故兩淮海州運判鄧諧福建故安徽銅陵縣知縣陳九齡雲南昆明縣知縣張甄陶安徽前明廣西巡撫方震孺陝西故吏部主事王巡泰內閣中書岳震川入祀鄉賢祠從總督那彥成孫爾準巡撫鄂山盧坤成格鄧廷楨護巡撫徐忻請也○旌表守正捐軀直隸邢臺縣民張得源妻曹氏山西清水河廳民馮錦沅妻趙氏○加築直隸通州溫榆河上游果渠村壩工從護總督屠之申請也○己丑

上幸瀛臺閱冰技○諭軍機大臣等張井等奏湖河現在情形並應辦工程約需銀四百萬兩等語湖河敞壞已極所奏如係必應估辦之工亦不能因經費支絀概從節省當於明春特派大員前往南河會同查勘俟奏到日再降諭旨將此諭令知之○烏珠穆沁扎薩

克車臣親王多爾濟濟克默特納木濟勒科爾沁扎薩克冰圖郡王林沁扎勒贊等四人阿巴噶郡王那木薩賴多爾濟等二人鄂爾多斯扎薩克郡王巴保多爾濟喀爾喀扎薩克圖汗瑪呢巴咱爾等十人翁牛特鎮國公豐伸保烏喇特扎薩克鎮國公巴圖鄂齊爾蘇尼特輔國公額林沁克什克騰扎薩克頭等台吉畢瑪拉吉哩第喀喇沁固山額駙旺沁棍扎布等三人和碩特間散二等協理台吉鄂勒哲依圖土爾扈特四等台吉達爾巴勒達克附在察哈爾旗下和碩特二等台吉瑪錫巴圖等五人廓爾喀使臣噶箕畢熱格薩然咱邦禮等二人及暹羅國使臣呖雅沾煖舒攀哪叭臘車突等二人於西華門外瞻觀○庚寅諭內閣前據那彥成等奏請將長蘆鹽價改用銀椿一摺當其甫經奏上朕即覺有許多窒礙之處如果無礙民生有裨國課或可以權宜變通俾饒裕日有起色是以

於戶部議覆時降旨交該督撫鹽政等體察情形通盤詳覈據琦善楊國楨先後覆奏雖俱稱於民食無礙而計算易銀折錢之數仍係有增無減即謂將從前加價三文減去抵算不甚增多不知前此之加價限滿即當停止一經改用銀楮將來永為定例是鹽價暗加民間究不免於食貴且釐務能否日有起色尚須試行一二年後方能定議所奏均無把握徒然更改舊章有累民生尚復成何政體該督等前奏著無庸置議○諭軍機大臣等德英阿奏補授伊犁將軍不敢遽請陞見懇加訓誨等語伊犁將軍統轄南北兩路責任綦重現在西四城南經戡定而首逆尚在稽誅已派那彥成前往籌辦善後事宜留兵一萬八千分駐防守伊犁地方亦須遙為聲援同資防範該將軍不敢遽請入覲所見甚是邊疆重地回夷雜處總須恩威並用控馭得宜如有應行撫戢之處當曲示懷柔其應

行懲創者亦不可姑息此外布魯特哈薩克等既須使之震懾亦宜得其誠心該將軍當隨事隨時妥為鎮撫務期邊圉永靖方為不負委任至整飭營伍訓練士卒尤為此時要務國家設立營制原期有勇知方折衝敵愾况伊犁為邊疆重鎮遇有調遣總宜迅速勇敢始可資其緩急乃上年逆回變亂調援之兵多不得力是平日營伍廢弛已可概見該將軍惟當力加振作勤於操練其有老病無能及懈怠疏玩者務即嚴行澄汰庶一兵得一兵之用不致軍餉虛糜以肅營制而重邊防再前據那彥成奏請帶兵得力大員著即傳諭領隊大臣布彥泰前往喀什噶爾聽候差遣其伊犁領隊大臣員缺該將軍委員署理可也將此諭令知之○奉天府府丞兼學政陳廷桂因病解任以服闋府丞彭汝為奉天府府丞兼學政○舉行本年軍政稽查左翼寶坻等處大臣所屬年老官四員黑龍江

將軍所屬罷輓官一員。年老官四員。才力不及官五員。江寧將軍所屬卓異官三員。年老官三員。有疾官二員。杭州將軍所屬卓異官一員。荊州將軍所屬卓異官一員。年老官二員。才力不及官二員。成都將軍所屬卓異官一員。寧夏將軍所屬有疾官一員。伊犁將軍所屬卓異官一員。年老官二員。廣州將軍所屬卓異官五員。熱河都統所屬卓異官二員。察哈爾都統所屬卓異官二員。年老官三員。有疾官二員。密雲副都統所屬年老官二員。山海關副都統所屬年老官三員。有疾官一員。河南巡撫所屬卓異官一員。罷輓官一員。有疾官一員。山西巡撫所屬卓異官一員。年老官二員。分別議敘處分如例。○辛卯。甘肅寧夏鎮總兵官史善戴奏請陞見得旨著俟三年期滿再行奏請。現在大兵並未全撤。善後又未完竣。甘省為新疆門戶。操防正值喫緊之時。急於懇請陞見太不曉事矣。○貸浙

江疲累幫丁辦運銀。並展緩應扣造船公借庫款。○撫卹琉球國遭風難夷如例。○是日戊子年立春。順天府進土牛春山寶座。○壬辰。上御寧壽宮。賜王公大臣及蒙古王貝勒貝子公額駙台吉等食。並賞賚有差。○諭內閣給事中托明奏訪聞州縣差役借端科斂。擾害閭閻。請飭嚴禁一摺。州縣差役因公科斂已屬大干功令。況並未奉差。因所欲不遂輒敢鎖拏鄉民。肆其苛索。尤為地方之害。如該給事中所奏京師西北一帶州縣差役藉官倚勢除應派差徭外。每年額外勒索盈千累萬之多。其宣化府之懷來縣南山村八處更有添派月柴月炭豆石及縣署需用果品等項錢文。按月苛斂。致窮黎日不聊生。是否該州縣知情縱容。抑係該役等假名影射。均應切實查辦。著盧蔭溥何凌漢屠之申嚴飭所屬道府認真詳察。如有前項弊端。立即查明懲

辦。徧行出示曉諭。除例辦差徭外一切悉行裁革。不得稍有派累。以杜積弊。而卹民隱。其懷來縣南山村等八處。如果按月派累尤不難逐處訪察。嚴行叅究。儻不認真查辦。將來或經告發。或被人糾叅。惟該護督是問。○又諭御史周炳緒奏廣西各屬外來遊民請飭清查編入保甲一摺。廣西地處邊隅。時有廣東湖廣等處遊民。在彼租山種地。往往窩藏匪徒。致滋會匪盜劫重案。為害閭閻。不可不

立法防範。著蘇成額嚴飭各府州縣。並苗疆土司。將現在外來種山民人開載戶口。詳紀年貌籍貫。公舉誠實客長。令其約束。一體編入保甲。由地方官隨時稽查。毋許書差需索。並嚴禁里保私租山地。搭蓋土房。使奸匪無所容留。至湖廣江南上年被水難民。有流至廣西者。著該撫一併飭查。妥為安撫。勿使失所。如有奸宄溷跡。一經查出。立即按律懲辦。以靖地方。○又諭存華奏查出吉林凱撤官

兵。私帶幼孩出關一摺。凱旋官兵。攜帶子女。屢經降旨申禁。帶兵大員。自應宣示律令。飭諭該管官兵。恪守科條。不特軍營難民。不准私自攜回。即沿途經過地方。亦不得稍滋擾累。乃吉林委協領色普青額。不惟不能約束官兵。且竟自行攜帶。現經山海關查出。色普青額。所帶高孝一名。驍騎校委參領扎隆阿。所帶周景成一名。兵丁庚音蘇。所帶李四兒一名。並不知姓名兵丁。所帶杜興元王小一

兒二名。均於直隸境內私帶出關。且有教令私越邊牆之事。必應嚴行懲辦。已據該副都統將高孝等五名解京。著交刑部嚴切根究。是否自願隨往。抑該官兵等逼勒誘騙。務得確情。按律懲辦。其攜帶杜興元王小一兒之兵丁。究係何人著博啓圖即飭色普清額查訊確實。奏明辦理。在後行走吉林黑龍江官兵。尚有數起。並著帶兵大員。及沿途地方官。嚴行曉諭稽察。勿得陽奉陰違。自干咎戾。○



癸巳

上詣

皇太后宮問安○以直隸緝獲積窩盜賊多名予知州張良志等優敘有差○甲午

上御瀛臺勤政殿賜蒙古王貝勒貝子公額駙台吉及外藩使臣呼圖克圖喇嘛等宴並賞賚有差○閱冰技○以協辦大學士理藩院尚書富俊戶部尚書王鼎禮部尚書湯金釗戶部左侍郎顧臯右侍郎李宗昉充經筵講

實錄卷一百一十一

十一

官○以詹事府詹事陳用光充文淵閣直閣事○少詹事鄂木順額署文淵閣直閣事○賞御前大臣土默特扎薩克貝子固倫額駙瑪呢巴達喇肩輿○賞喀爾喀扎薩克圖汗瑪呢巴咱爾三眼花翎○乙未諭內閣奕額等奏審擬已革署知府被控索賄一摺此案已革前署錦州府知府奉天府治中吳崑勒令錢鋪開寫憑帖因該鋪戶等出言頂撞輒行掌責發縣羈押雖於郭元鼎等賄求開釋未

遽允准仍授意張洪轉告鋪戶幫助告病知府德慶盤費致郭元鼎等從中詐騙多贓實屬糊塗錯謬若照律擬以杖徒未免輕縱著發往軍臺效力贖罪以示懲儆○又諭奕額等奏審擬通判向鋪戶借錢辦差並佐領典史勸修廟宇一摺此案解任岫巖通判吳琪向各鋪戶借錢備辦差務差竣歸還訊係照舊章辦理尚無科派勒借情事惟借用錢文並未署立券約載明利息亦無領項清還憑

實錄卷一百一十二

十二

據致滋物議實屬辦理不善著交部議處解任錦州駐防佐領扎勒翰與錦縣典史俞一清聽從愛明阿等向紳士商民勸捐修廟雖訊無勒派侵肥情弊究屬不合俱著交部察議○又諭奕額奏查明偷窺鹿窖各案年分一摺圍場偷窺鹿窖前經降旨令奕額查明歷任將軍在任月日據實具奏茲據奏稱道光元二三五等年辦理偷窺各案業經拏獲治罪無庸置議外惟訊明現獲各犯供出六

年四月間所挖鹿窖該統巡大員及守卡各官未經查出呈報所有六年夏季七年春季失察之統巡大員並該邊門武職章京等查取各職名交部分別議處至六年四月間偷挖鹿窖係前任將軍晉昌副都統安福任內之事雖經派員查出破案究屬疏忽俱著交部議處○諭軍機大臣等韓文綺奏贛州拏獲會匪多名飭臬司前往查辦一摺此案贛州民黃百幅等均係添弟會內匪犯膽敢傳

徒騙錢自稱為安遠公並起獲長方三角各木印及花帖等件不法已極該撫因犯證眾多不能概行提省並恐餘犯聞風遠颺飭臬司興科前往督辦務將在逃夥黨購線密拏並嚴訊該犯等木印作何行用黃百幅因何有安遠公名號是否該犯自稱抑另有首犯給與其餘夥黨有無稱號及聚眾滋事等情務令水落石出查拏淨盡早絕根株毋許一名漏網尤不可過於張皇致吏胥等藉端滋

擾拖累無辜轉致別生事端將此諭令知之○命倉場侍郎福綿來京候旨調兵部右侍郎松廷為倉場侍郎盛京工部侍郎保昌為兵部右侍郎未到任前仍以內閣學士福勒洪阿署理○丙申

孝莊文皇后忌辰遣官祭

昭西陵○諭內閣德英阿奏伊犁隨征南路綠營官兵借支行裝等項銀兩請飭部照例覈銷等語上年跟隨長齡前往前路出征之綠

營官兵八十餘員名支過賞銀經部覈令減半借給惟上年伊犁派往帶領民遣壯勇之綠營官兵業經准其全支此項賞借銀九百餘兩事同一例著加恩准其覈銷照例於凱撤回營後分年扣還該部知道○諭軍機大臣等那彥成奏途次傳聞有張逆遣使投誠之說俟到彼訪察實在情形相機辦理並稱禁止大黃茶葉嚴禁於卡倫不若查察於各城等語本月初二日據長齡等奏探知張逆

聞大兵陸續撤回。分遣回子。向各愛曼借兵。借糧。意欲仍來搶占喀什噶爾。旋據阿坦台等稟知。張逆潛逃彼處。已經月餘。因跟隨尚有二百餘人。不敢擒拏。現在哄伊搬至伊里斯滿底處。離卡僅八九百里。再來稟知。前往擒拏。顯借投稟為名。探聽官兵消息。該督所聞張逆投誠之說。自係道路訛傳。該逆等狼子野心。詭詐是其慣技。那彥成到彼。縱該逆實有投誠之意。總當就計誘擒。相機妥辦。斷

不可墮其奸謀。至嚴禁大黃茶葉。原可制外夷之死命。然必須稽查嚴密。勿使偷漏。又必須妥議章程。方免擾累。該督現已咨商各城。應如何覈定斤兩數目。禁止官吏詐索。務期斟酌詳盡。既不可有名無實。致為外夷所竊笑。尤不可使商民回眾。稍形滋擾。方為妥善。再另片奏請帶提督齊慎。及遊擊米兆元等。前往差委。前曾降旨。令齊慎於回籍治喪百日。後來京陛見。該督已於途次晤及。准其就

近帶往甘肅大靖營遊擊米兆元。陝西靖遠營都司向榮。俱准其帶往差遣。其陝甘兩省各營千把外委兵丁內。如有向來實在得力者。准其酌帶數員。名前往。不可過多。該督行走甚速。遇有可以趨程之處。仍當加緊進行。以慰廑盼。再京師於本月二十三日。竟日大雪。五寸有餘。實近來所罕遇。仰見

天心佑助。普迓春禧。佇望卿成此大功也。將此由五百里諭令知之。○以二品頂帶署都察

院左副都御史誠端。為盛京工部侍郎。○以內閣學士容恩。兼正白旗蒙古副都統。○以伊犁應解內地馬匹無誤。佐領達春布等。下部議敘。賞額魯特兵丁一月鹽菜銀。○以伊犁屯田豐收。予員弁議敘。賞兵丁一月鹽菜銀。○

上以歲暮禋祭

太廟。自是日始齋戒三日。○丁酉。以工部尚書穆彰阿。署步軍統領。戶部左侍郎敬徵。署管

理錢法堂事務。工部左侍郎奕經為對引大臣。○戊戌以歲暮裕祭遣官祭

太廟中殿

後殿○諭軍機大臣等長齡等奏查探張逆情形及請留帶兵大員並建築葉爾羌英吉沙爾城垣衙署議覆善後事宜各摺覽奏俱悉現在張逆窘迫情形祇係傳聞一面之詞不可深信釜底游魂難保其不死灰復燃潛來窺伺該將軍等惟當飭各路防兵隨時加意

防範儻有可乘之機誘之使來務即就地殲擒勿留遺孽惟不可輕率出卡墮其奸計亦不可務為鎮靜有失機宜至達爾瓦斯所稟張逆前此聞信折竄未能縛獻情由真偽雖不足信惟既遣使遠來該將軍乘機招致尚無不可前此准留吉林黑龍江官兵已降旨令哈琅阿折回與阿勒罕保分帶其現留伊犁官兵管帶當不乏人祥雲保著不准留營仍令回京總兵成玉昨復降旨令其回任和

聞領隊大臣富盛阿著賞給副都統銜以憑支食廉俸鹽菜喀什噶爾四品商伯克員缺著照所請以作霍爾頂補授其議覆松筠所奏各款內酌抽棉花稅銀調劑臺站回戶一條所駁甚是其餘各條俟那彥成到彼通盤妥籌至建築葉爾羌英吉沙爾城垣衙署兵房非喀什噶爾情形可比何不修復故城另費周章耶將此由五百里諭令知之○又諭據長齡等奏探詢張逆仍在阿坦台處居住勢甚窘迫各處防範周密如該逆窮迫力竭拚死前來正好誘進卡內痛加剿辦否則明春確探賊情知會達凌阿等由烏什前來兩路進兵設法兜擒等語張逆以釜底游魂窮促情形原可想見惟傳聞之詞亦難遽信已諭知長齡等飭各路官兵加意防範不可輕率出卡亦不可坐失機宜惟所奏建築葉爾羌英吉沙爾兩處城垣衙署一移葉爾羌舊城之西須建衙署倉庫兵房八百四十餘間

一移英吉沙爾舊城之北。須建衙署兵房三百餘間。此二處祇因隔住回城一隅。迴非喀什噶爾改建昭忠祠。不數居住者可比。何不修復故城。必須另費周章。該將軍等現因嚴寒未能工作。先派員採運木植。著那彥成經過該二城時。悉心察看情形。如非不得已。無庸輕議更張。又據議覆松筠前奏善後事宜各條內。酌收商民棉花稅銀。調劑臺站回戶一款。所駁甚是。其屯田裁兵各款。前已交

該督到彼酌籌。是否可行。另行妥議具奏。將此由五百里諭令知之。○命科爾沁扎薩克土謝圖親王諾爾布林沁子喇特納噶爾畢在乾清門行走。○己亥。裕祭。

太廟。

上親詣行禮。○遣官祭

永陵。

福陵。

昭陵。

昭西陵

孝陵

孝東陵

景陵

泰陵

泰東陵

裕陵

昌陵

孝穆皇后陵寢

○遣官祭

○遣官祭

○遣官祭

○遣官祭

○遣官祭

○遣官祭

○遣官祭

○遣官祭

○遣官祭

○遣官祭

○遣官祭

○遣官祭

○遣官祭

○遣官祭

伯特阿巴噶鄂爾多斯翁牛特烏喇特蘇尼  
特克什克騰阿巴哈納爾茂明安青海王貝  
勒貝子公額駙台吉及朝鮮暹羅國正副使  
等隨文武大臣依次就坐諸樂並作

上進酒召左翼科爾沁扎薩克土謝圖親王諾  
爾布林沁科爾沁扎薩克卓哩克圖親王巴  
圖烏珠穆沁扎薩克車臣親王多爾濟濟克  
默特納木濟勒喀喇沁扎薩克親王銜都楞  
郡王和碩額駙滿珠巴咱爾科爾沁扎薩克

實錄卷三十五

七

冰圖郡王林沁扎勒贊科爾沁扎薩克郡王  
僧格林沁喀喇沁貝勒托恩多巴林扎薩克  
郡王那木濟勒旺楚克奈曼扎薩克郡王阿  
宛都瓦第扎布教漢郡王幹咱巴拉阿巴噶  
郡王那木薩喇多爾濟鄂爾多斯扎薩克郡  
王巴保多爾濟科爾沁貝子濟克默特教漢  
鎮國公固山額駙那木扎勒多爾濟喀喇沁  
扎薩克輔國公理藩院額外侍郎瑪哈巴拉  
右翼喀爾喀扎薩克親王車林多爾濟喀爾

喀車臣汗阿爾塔什達喀爾喀扎薩克圖汗  
瑪呢巴咱爾喀爾喀扎薩克貝子倫布多爾  
濟回部郡王銜貝勒哈迪爾至

御座前賜酒成禮○是年旌表孝子江蘇等省  
戈宙襄等二十二名順孫雲南夏德明一名  
孝友福建蔡光坦一名孝義山西任宗選一  
名義夫安徽等省汪應剛等二名孝女江蘇  
等省徐氏等七口孝婦安徽施戴氏一口守  
節合例宗室聰惠妻松諾古特氏等十二口

實錄卷三十五

四

滿洲春山妻祖佳氏等一百八口蒙古沙金  
太妻齊巴褚特氏等四十二口漢軍王國柱  
妻劉氏等四十四口內務府福兒妻康氏等  
六口各省駐防何英妻張氏等二百二十二  
口奉天等省丁曰信妻姜氏等一千六百五  
十五口夫亡殉節滿洲故山西太原鎮總兵  
官書勳妾郭氏等四口未婚守志江蘇等省  
王本石聘妻夏氏等三十五口百歲壽民婦  
廣東等省雷天潮等二十六名口五世同堂


福建等省趙立禮等四十七家各給銀建坊  
如例○一產三男河南等省田玉文等六家  
○會計天下民數穀數直隸等省通共大小  
男婦三萬八千三百六十九萬六千九十五  
名口存倉米穀三千一百五十五萬二千七  
百六十九石二斗四升四合八勺

牛馬小字王

牛馬

大清宣宗效天符運立中體正至文聖武智勇  
仁慈儉勤孝敏成皇帝實錄卷之一百三十一





統一書號: 11018·1355-17

定 價: 51.00 元